



《續修四庫全書》編纂委員會編

續修四庫全書

上海古籍出版社

# 八一五・史部・政書類

吾學錄初編二十四卷 (清)吳榮光撰……………一

石渠餘紀六卷 (清)王慶雲撰……………二五七

皇朝續文獻通考四百卷 (卷一至卷二十四) 劉錦藻撰……………四二三

吾學錄初編自敘

國家制作大備垂二百年同軌同倫而荒陬僻壤於冠婚喪祭之禮尙有沿前明之舊徇時俗之陋者蓋以官民禮制具載

大清會典而卷帙浩繁不能家有其書以爲率循之準

道光四年增輯

大清通禮頒發直省刊刻流布八年復

命內外各衙門將民間應用服飾及婚喪儀制查照會典刊刻簡明規條務使家喻戶曉則有所率循矣

吾學錄初編自敘

然條教之式或久而輒忘通禮全書或讀而未能

全會蓋有待於學者也榮光年二十奉母諱先資

政公取世所傳家禮辯定授之其書作於宋辯於

明竊意

國朝制度未必盡如此迨二十六歲通籍官中外者

三十年三度蒙

恩歸省鄉人以四禮來質者必舉會典所載應之質者

往往於字句內疑信參半未能盡行益歎舊俗之

錮人已深一時驟難轉移而

當代典禮之切於人生日用者亟應詳攷而深繹也

道光戊子奉父諱既葬廬墓於白雲山之北敬取

大清會典通禮刑部律例五部則例學政全書等書於

人心風俗之所關政教倫常之衆著者手自節錄

兩載遂竟其業庚寅服闋入都蒙

恩授湖南布政使不數月升本省巡撫因延寧鄉舉人

黃君本驥至署公餘之暇出所錄者相與攷訂論

次以及門陳子傳均家弟彌光任校讎之事一載

有餘遂成此書歷代以來所因者宜遵所革者宜

吾學錄初編自敘

改悉以官書爲定凡

乘輿服物

郊

廟大祀不敢載入蓋專爲官民法守而言謹分別門類各

加案語首典制尊

朝廷也其餘照

功令所頒以事之大小重輕爲序次政術次風教次

學校次貢舉次戎政次仕進次制度次祀典次賓

禮次昏禮次祭禮次喪禮禮以齊民法以防民也

以律例終焉為門十有四為卷二十有四夫五帝不相沿三王不相襲禮時為大况我

朝秩敘之精損益之善乎昔之論禮者如元鄭泳之家儀明宋纁之四禮初藁呂維祺之四禮約言皆雜采禮書以意為之成一家言使閱者不知其人為何代之人禮為何代之禮自用自專榮光不敢也而以一代之人為一代之書者如唐吳兢之貞觀政要張九齡之六典宋彭百川之太平治蹟統類元闕名之典章前集明馮應京之經世實用所

吾學錄初編 自敘

三

紀皆大政事我

朝

列聖相承文謨武烈炳如日星豈私家紀載所能闡揚萬一尤恐傳習失據掛漏滋多所謂賢者識其大者榮光未逮也榮光之錄此初編者竊以生今之世為今之人使居官行事先有以自立而於里俗之趨向夫婦之知能或不無少裨焉冀以上佐國家道一風同之治云爾孔子曰不學禮無以立又曰吾學周禮今用之吾從周

大清道光十有二年歲次壬辰秋九月

賜進士出身資政大夫兵部侍郎兼都察院右副都御史巡撫湖南等處地方提督軍務兼理糧餉兼署湖廣總督南海吳榮光撰

吾學錄初編 自敘

四

吾學錄初編凡例

一 是錄分十有四門為卷二十有四凡所徵引悉以官書為綱所有推闡互證之說歸入謹案附於逐條之後於官民所應知者編錄特詳

大清會典及事例圖說為書凡千一百三十二卷成於嘉慶二十三年

大清通禮為書五十四卷成於道光四年

皇朝典禮備載二書第會典卷帙浩繁民閱不能盡見

吾學錄初編凡例

今約為是錄以便通行惟風教門鄉飲酒條引用學政全書喪禮門喪服各圖及律例一門引用刑部律例此外閒及各部則例所引典禮律例各條皆用方畫標明書目如前條既引會典以後各條仍引會典但以圓圈為隔不復另標書目以免繁複如本條文義未竟而中閒必加案語始明者則於本條本句後加以謹案其另起一行接錄前文則不復加圈以完原書章節之舊

列聖

一 每門中各總目內分有子目者於總目下注明子目仍以子目冠各條之首其無子目者則以另行為別

一 典禮律例各條皆照官書之例低二格加謹案處皆另行低三格又喪禮門之墓誌銘式及改葬儀喪祭通論所引各家之說非官書所有者亦低三格

皇上

朝廷

國家等字皆正文擡寫小註空格以昭敬謹其祠廟神號等字則正文小註皆以空格致敬惟祀典門內各壇廟標目處無格可空仍用擡寫又如先師廟空二格 文廟空一格學宮不空格 先蠶廟空二格 蠶神祠空一格皆用會典之例又如 雲雨風雷之神 關帝文昌會典皆空一格通禮皆空二格通禮

成書在後今從通禮○刑部律目律文律註遇有應擡寫之處概用直書惟條例計格另擡今遵會典事例律目律文條例概用擡寫律註空格

一此錄竊自附於移風易俗之書而正己方能正人以身率教莫先於尊

朝典曰朝賀曰迎

詔班朝之制也曰朔望行香曰受朔曰迎春曰耕藉曰

救護日月泄官之制也為典制之目七

聖諭錄初編凡例

一政令出自

朝廷首以養民為重典章不習則譏無術今以著養

民之本者曰戶籍曰農務曰津梁曰倉儲佐養

民之不逮者曰荒政曰惠卹為政術之目六

一既養則教莫先於民曰宣講

聖諭曰鄉飲酒禮曰

旌表事例為風教之目三○鄉飲酒禮以學政全書為

詳今錄所載儀注以便奉行其坐次一圖則以

會典為據而作樂歌詩二節為全書所遺則仍

以通禮及會典補之

一既厚民風尤當正士習曰訓士條教曰整飭士

習曰釐正文體曰頒發書籍曰書院為學校之

目五

一鄉會試為掄才大典而特科徵辟尤為多士之

榮遇故並及之曰鄉試燕曰會試燕曰

恩榮燕曰會武燕曰釋褐禮曰重赴鹿鳴燕曰重赴瓊

林燕曰博學鴻詞曰保舉經學曰

召試曰

聖諭錄初編凡例

一欽賜舉人曰

欽賜進士曰世襲博士曰孝廉方正曰山林隱逸為貢

舉之目十有五

一養兵所以衛民有文事不可無武備近日疊奉

諭旨訓練軍馬誠安不忘危之要務也練在平日用在

臨時賞在事後曰講武曰巡閱曰軍令曰敘功

給賞為戎政之目四

一文武進身必謹其始曰出身曰官階曰封典曰

世爵曰贈廕曰

恩廕其途備矣曰更名復姓曰出繼歸宗曰告終養曰

告假亦出處之所係也故附及之為仕進之目

十

一等威不辨不足以正官常而式民俗曰冠服曰

儀衛曰軍裝曰房屋曰權量為制度之目五〇

違

制之罰別見律例門內喪服制度別見喪禮門內

一國之大事在祀而

大祀非官民所及今錄直省通祀者三曰 社稷曰

吾學錄初編 凡例

五

先農曰 神祇所在專祀者五曰 風

神雷神曰 嶽鎮海瀆神曰 名山大川神

曰 龍神曰 先蠶直省通祀者二曰 火

神曰 城隍神附祀者一曰 厲又

京師直省通祀者三曰 先師曰 關帝曰

文昌直省專祀者五曰 禦災捍患諸神

曰 歷代帝王陵寢曰名臣忠節曰賢良曰

昭忠為祀典之目十有九〇 先師廟祭器

祭品樂器樂章視他廟特加詳載俾習禮者得

所攷據焉又直省無稽之祭甚多其流至於長

奸聚黨實為人心風俗之害於榮光所親見者

指出一二為戒詳案於方祀各條之後其未經

見聞者正復不少總之不在祀典者皆謂之淫

祀可也

一官協寅恭民知禮讓莫不始於相見在官者曰

京官相見曰外官相見其附及者曰行文公式

在民者曰師弟子相見曰賓友相見曰卑幼見

尊長為賓禮之目六

吾學錄初編 凡例

六

一冠統於昏為正家之始六禮古儀及宋儒家禮

時代既殊習尚亦異鄉曲風俗言人人殊鄙陋

益甚而富豪大族但務侈費或有陷於僭越而

不自知者今遵通禮攷定曰品官昏曰庶士昏

曰庶人昏為昏禮之目三〇先正格言附案各

條之後於戒奢崇儉之本三致意焉

一報本返始以誠非以文也然無儀文何以自致

其誠儀節等殺古今不同世俗之不講久矣今

遵通禮攷定曰品官家祭曰庶士寢薦曰庶人



寢薦附以祭禮通論為祭禮之目四○廟制祭器寢薦各圖並遵通禮繪入使人一目瞭然

一經傳所載惟喪禮特詳然生今返古聖人所譏其非

皇朝定制雖有古儀無足遵守今以通禮喪服制度為品官士庶所同者敬錄於前而以刑律服制各圖附焉且以通禮為人後者為本生親屬降服別為一圖附焉歷代沿革即分繫於通禮服制之內以見我

吾學錄初編 凡例

七

朝取擇之精其次為品官士庶喪儀次第節目悉以通禮為據而事例之可附見者則參以會典仍附謹案於各條之後是錄託始於榮光居廬讀禮之時故喪儀攷案視他門為獨詳至於國朝諸家之論擇其醇者另編於後而前代舊說今昔異宜概不徵採曰喪服制度曰服制圖曰服制沿革曰品官喪曰庶士喪曰庶人喪附以喪禮通論為喪禮之目七

一 榮光 刑曹七年外官五省竊見誣告尊長尊屬

親屬相姦甚至拜盟結會之案擬以徒流斬絞而本犯多不知致罪之由非甘於犯法也使平日能以律例講明曉諭斷不至此今以現行律例中人所易犯者曰名例律曰吏律曰戶律曰禮律曰兵律曰刑律曰工律為律例之目七○留心民事者倘能分布里甲隨時宣解俾家喻戶曉犯法日稀亦象魏懸書之意非為聽斷之用故但舉其大綱焉

吾學錄初編 凡例

八

一通禮昏喪祭三門皆以品官庶士庶人分類其昏喪以七品以上為品官八品以下及生監為庶士惟祭則以九品以上及在籍之進士舉人視七恩拔歲副貢生視八皆為品官以貢謂例監生員有頂帶者為庶士優貢生亦得視八品帶祇屬庶人蓋八九品官皆得立廟不得併入寢薦故特變其例但八九品官祭用豚肩不特殺可謂之薦不得為祭通禮以其有廟而附及之耳

一世俗祀神祭祖見尊長及弔喪皆以四拜為禮而喪奠亦有行三獻禮者皆本於坊閭傳刻之

文公家禮非

本朝之制亦非家禮原本所有不可從也通禮儀注

於祀神則有三叩六叩九叩之別官民家祭及

屬官見長官皆行三叩禮卑幼見尊長及弔喪

家奠皆再拜無用四拜者周禮太祝辨九拜八

祀神用之二程全書云家祭亦當以再拜為禮也

今而問安卻有是瀆神明田氏問安之事故也

死地止於再拜非禮也雖尊禮不可加也今子弟於

父兄用四拜非禮也據此則四拜之禮古者祭所

無謹查通禮拜吉凶賓嘉皆無用四拜之禮昏禮父

醮子亦再拜惟會典釋禡禮諸進士見祭臺下

司業會入監者升露臺四拜未入監者露臺下

再拜蓋未入監者再拜即師之正禮也曾入監

者視未入監者加兩拜即師子所謂中間有問

安之事在也四拜非謁師常禮故通是編於拜

禮太學見師長亦止以再拜為禮

跪之節悉遵通禮閱者審之

吾學錄初編凡例終

吾學錄初編目錄

卷一 典制門

朝賀 直省官朝賀○皇帝三大節表賀儀式○京官朝賀○  
儀式 皇太后三大節表賀

迎

詔

朔望行香

受朔

迎春 附土牛芒神式

吾學錄初編目錄

耕藉

救護日月

卷二 政術門

戶籍 查戶口○辨籍貫○編保甲○防盜賊○禁

農務 勸耕種○墾荒地○修隄防○田禁穀禁○

津梁 捕蝗伐蛟○設渡船浮橋○救生船○救生椿

倉儲 常平倉裕備倉○社倉義倉

荒政 救災○報災○發賑○減糶○借給糧種○

安集 流亡○緝賊○通商○勸輸○典工代賑○

惠卹賑貧生○全節孝○贍耆民○卹兵丁○養老疾○育嬰兒○禁溺女○矜獄囚○資遺犯○瘞枯骨

卷三 風教門

宣講

聖諭

鄉飲酒禮儀注○行禮人數○服色○坐次并圖

旌表事例節婦貞女建坊例○樂善好施建坊例○累世同居建坊例○百年耆壽及五世同堂親見七八代建坊給扁例○一產三男給米布例

卷四 學校門

吾學錄初編 目錄

二

訓士條教

整飭士習附生員命名禁例

釐正文體附應試程式鄉會試犯貼例磨勘例

頒發書籍

書院附義學社學

卷五 貢舉門

鄉試燕附新舉人 賞賚及會試盤費

會試燕附新進士 賞賚

恩榮燕

會武燕

釋褐禮

重赴鹿鳴燕

重赴瓊林燕

博學鴻詞

保舉經學

召試

欽賜舉人

欽賜進士

吾學錄初編 目錄

三

世襲博士

孝廉方正

山林隱逸

卷六 戎政門

講武

巡閱

軍令

敘功給賞破陣○攻城○奪舟○招降

卷七 仕進門

出身 吏部文選○兵部武選

官階 文官品級○武官品級○文官封階○武官封階○命婦封號

封典

世爵

贈廕

恩廕

更名復姓

出繼歸宗

告終養

吾學錄初編 目錄

四

告假

卷八 制度門

冠服 冠制○服制○民公侯伯子男冠服○品官冠服○士民冠服○民公侯伯子男夫人冠服○命婦冠服○賞翎○品官生監常用頂戴○命婦禁例

儀衛 京官儀制○直省文官儀衛○武官儀衛○命婦儀衛○器用禁例

軍裝 盔制○甲制○撒袋○佩刀○藤制

房屋

權量

權制○量制○尺制并圖

卷九 祀典門一

社稷壇

先農壇

神祇壇 常祀○雩祀○祈祀○報祀 以上直省通祀之儀

風神雷神專祠

嶽鎮海瀆神祠 祭所○遣官祭告○所在專祭

名山大川神祠

龍神祠

先蠶廟 以上直省專祀之儀

火神廟

吾學錄初編 目錄

五

城隍廟

厲祭 以上直省通祀之儀

卷十 祀典門二

先師廟 廟制位次○大學遣官釋奠儀○祭器○祭品○樂器○樂章○樂舞○祝辭○太學釋菜儀○直省釋奠儀

直省釋菜上香儀○太學釋菜儀○文廟附祀忠義孝弟節孝名宦鄉賢各祠

卷十一 祀典門三

關帝廟 京師祭儀○直省祭儀

文昌祠

京師祭儀○直省祭儀 以上京師直省通祀之儀

禦災捍患諸神祠

歷代帝王陵寢 祭所○遣官祭告○所在專祭

名臣忠節諸專祠

賢良祠

昭忠祠

以上直省專祀之儀

卷十二 賓禮門

京官相見禮

敵體官相見○在京屬官見長官○京府屬官見長官

外官相見禮

敵體官相見○司道以下官見河道長官○文武官相見○滿漢官相見

吾學錄初編 目錄

六

行文公式

師弟子相見禮

國學師弟子相見○直省儒學師弟子相見○受業弟子見師長

賓友相見禮

卑幼見尊長禮

卷十三 昏禮門

品官昏

見舅姑○婦盥饋舅姑饗婦○廟見○壻見婦父母

庶士昏

庶人昏

卷十四 祭禮門

品官家祭

廟制祭期○廟制圖四○致齋具牲饌○時節薦新○朔望獻茶

庶士寢薦

附寢薦圖

庶人寢薦

祭禮通論

卷十五 喪禮門一

喪服制度

斬衰○齊衰杖期不杖期○齊衰五月○大功○小功○緦麻

服制圖

喪服總圖○本宗九族五服正服之圖○妻為夫族服圖○妾為家長族服之圖

吾學錄初編 目錄

七

服之圖

出嫁女為本宗降服之圖○外親服圖○妻親服圖○三父八母服圖○為人後者為本生親屬降服之圖

服制沿革

斬衰三年○齊衰杖期○齊衰不杖期○小功五月○緦麻三月

卷十六 喪禮門二

品官喪

初終○襲○小斂○大斂○成服○給假持服○丁憂事例○朝夕奠○初祭

大祭

親賓弔奠○親臨賜奠○扶喪○給

郵諭致奠

○扶柩路費○聞喪奔喪

驛事例

○給

卷十七 喪禮門三

品官喪二 治葬具附墓誌銘式○開兆祀土神○  
祀土神題主○反哭虞○卒哭附○小祥○大祥  
○禫○忌日奠○拜掃○附改葬儀

卷十八 喪禮門四

庶士喪 初終襲斂○成服朝夕奠及祭帛○扶喪  
奔喪○期服治喪及守制例○啟殯至葬  
○反哭至祔○祥禫○忌日奠○拜掃

庶人喪 初終襲斂○成服朝夕奠及祭帛○啟殯  
至葬○反哭至祔○祥禫○忌日奠○拜  
掃

卷十九 喪禮門五

喪禮通論 論弔喪○論謝孝○論回煞避殃○論  
治喪○論葬地及下葬時日○論族葬

吾學錄初編 目錄

八

○論停喪不葬○論遷葬○論火葬○論招魂葬  
○論誌墓文○論畫像○論祀土神○論墓祭○  
論忌日

卷二十 律例門一

名例律

吏律 職制○公式

戶律一 戶役○田宅

卷二十一 律例門二

戶律二 婚姻○倉庫○課程○錢債○市廛

禮律 祭祀○儀制

卷二十二 律例門三

兵律 官衛○軍政○關津○廩牧

刑律一 賊盜

刑律二 人命○鬪毆○罵詈

卷二十四 律例門五

刑律三 訴訟○受贓○詐偽○犯姦○雜犯○捕  
亡○斷獄

工律 營造○河防

吾學錄初編 目錄

九

吾學錄初編目錄終

吾學錄初編卷一

聖皇萬壽節表賀儀式○京官朝賀○  
皇太后三大節表賀儀式○

典制門

朝賀 直省官朝賀○  
皇帝三大節表賀儀式○  
儀式

皇帝三大節表賀儀式○  
通禮

元旦

萬壽聖節

長至節 凡賀長至以南郊次日。先期諸王大學士率京朝官

吾學錄初編卷一 典制

直省文武率闔屬官具賀表豫送禮部其式在京

稱某親王 某等諸王貝勒文武官等在外稱某  
官 某等誠懽誠忭稽首頓首

上

賀伏以

表聯隨時撰擬

恭惟

皇帝陛下

隨時撰擬 臣等恭遇

熙朝欣逢

聖誕 元旦伏願

隨時撰擬 臣等無任瞻

天仰

聖懽忭之至謹奉

表稱

賀以

聞

謹案內外臣工慶賀表文由內閣撰擬定式頒

吾學錄初編卷一 典制

發屆期呈遞禮部儀制司官送入內閣

京官朝賀○  
通禮辨百官班位丹陛上親王郡王

貝勒貝子入八分公分左右翼 左翼鑲黃正白鑲

正紅鑲 立位東西各二班東西面北上拜位東西

各四班左翼西上右翼東上均北面丹墀內未入

八分宗室公以下公侯伯子男文武百官八旗左

翼在東部院官吏部戶部禮部宗人府通政使司

翰林院詹事府內閣太常寺光祿寺鴻臚寺國子

監吏科戶科禮科欽天監太醫院以次從左翼之

南八旗右翼在西。部院官兵部刑部工部都察院大理寺鑾儀衛太僕寺中書科兵科刑科工科順天府京縣五城兵馬司五營以次從右翼之南。立位在鹵簿外。直丹陛東西隅。正從同行。東西各九班。東西面北上。拜位在鹵簿內。直東西階。正從異行。依品級山。東西各十八班。東班西上。西班東上。以大學士領班。外國陪臣隨西班末。拜位亦如之。均北面。餘各以等為序。文職惟詹事府少詹事翰林院侍讀學士侍講學士善列三品班。庶子洗馬侍讀侍講列四品班。中允贊善司業修撰編修檢討庶吉士列五品班。餘俱依

品為序。武職惟八旗及左翼右翼總兵各依品為班。其京五營之副將參將列四品班。遊擊列五品班。守備列六品班。千總等官列七品班。附右翼各班之末。衍聖公朝班在大學士之下。吏部尚書之上。直省總督加尚書銜者列六部尚書之末。巡撫加侍郎銜者列侍郎之末。總督兼侍郎銜者亦如之。布政司按察司列四品京堂之末。道府列中員外郎之末。提督加將軍銜者列都統之末。提督列副都統之末。總兵官列叅領之末。副將叅將以下。照京營例。列右翼各班之末。外藩蒙古王公等列宗室王公之次。質明。王公百官咸朝服。畢會闕下。鴻臚寺卿序定三公班次。由

午門  
太和門左右門入。引至丹陛上。鳴贊官序定百官班

次。東由左掖門入

昭德門。西由右掖門入

貞度門。引至丹墀東西。外國陪臣隨入。均依前位立

糾儀官暨執事官咸入就位。恭遇 萬壽大慶

來京慶祝者及進士舉人貢監生員耆老等。均於 午門外。天安門外。列班行禮。

皇帝出宮

御太和殿。王公百官行三跪九叩禮畢。興。

皇帝還宮。鴻臚寺官按班引王公百官以次退。

直省官朝賀。○通禮。省會守土官。豫於公所正中

恭設

皇帝萬歲龍牌於亭。南向。設香案於亭之南。其日五鼓

有司設燎於庭。設鐙於門廡。以道員或府同知一

人糾儀。學弟子員二人通贊。二人引班。階下東西

班位。將軍總督加將軍銜提督為一班。巡撫副都

統提督學政為二班。總兵官協領叅領鹽政織造

督關郎中布政使按察使各道為三班。佐領督關

員外郎知府副將叅將為四班。防禦督關主事司

庫同知通判遊擊都司為五班。驍騎校知州知縣



教官守備為六班。筆帖式庫使經歷州同州判縣

丞鹽大使由科目出身者列千總等官為七班。遇

欽差人員一二品大臣列第一班之首。三品

以下京堂列第二班之首。五品以下部院官均列

第二班之末。滿洲蒙古漢軍分左右翼。漢官文東武西

立位。東西面。北上。拜位。北面。東班西上。西班東上。

重行異等。糾儀官位班行之北。通贊引班位糾儀

官之南。皆東西面。夜漏未盡。朝服畢會。質明。引班

引入。至丹墀內。東西序立。通贊贊齊班。引班分引

至拜位前立。贊進。少進。贊跪。叩。與羣官行三跪九

叩禮畢。引退。若府不附省。州縣不附府者。在城文

武官。於公所按班行禮。均如省會儀。府用同知。或

知通判。用教官一人。州縣均用教官一人。糾儀

謹案現在各省會公所。俱恭建

萬壽宮。各府州縣。亦多有恭建者。

皇太后三大節表賀儀式。○通禮諸王大臣。及內外臣工

隨進表賀。送禮部。其式某官臣某等。誠懽誠忭。稽

首頓首。

上

賀伏以

表聯隨時撰擬

欽惟

皇太后陛下。恭書於上。徵號

隨時撰擬等。幸際

昌期。欣逢

聖壽。元旦。長至。伏願

隨時撰擬等無任瞻

天仰

吾學錄初編卷一 典制

聖懽忭之至。謹奉

表稱

賀以

聞。

謹案

皇太后萬壽聖節。京官朝賀。及直省督撫等衙門。頒表

式。屆期文武官慶賀。行禮儀節。均與

皇帝萬壽同。惟

皇后三大節。通禮。祇載

上

宮中慶賀之儀。謹查會典事例。乾隆六十年。嘉慶元年。疊奉

上諭。王公大臣及外省督撫等。恭遇

皇后千秋慶節。及元旦冬至。均停止箋賀。是以通禮無

迎

詔

通禮

詔下直省之禮。禮部按直省督撫駐劄之地。行取閣部

吾學錄初編

卷一 典制

七

院寺筆帖式。乘傳齋

詔。前往頒布。工部給龍旗繖仗前導。所經府州縣五里之內。文武官朝服跪迎。軍民伏道右。候過。省會有司。豫於公廡設屏南向。屏前設

詔案。又前設香案。案東設臺。階下爲文武官拜位。文東

武西。重行異等。如朝賀儀。詳見三紳士班於文官

之末。耆老軍民集於武官之末。皆北面。宣詔官一人。展詔官二人。立臺下。西面。通贊者立香案左右。引禮生立百官班位左右。皆東西面。

詔及郊。守土官備龍亭旗仗出迎。使者承

詔書以架。奉陳龍亭內。乘馬後隨。鼓樂前導。督撫暨同

城文武大僚。率所屬文武官。朝服出迎道右。跪候

過。興。先至公廡門外序立。紳士耆老軍民畢會。

詔至門。跪迎如初禮。使者下馬。從龍亭入。衆隨入。使者

奉

詔書陳於案。退立案東。西面。引禮生引羣官就位。北面

立。通贊贊跪叩。興。衆行三跪九叩禮。贊宣

詔。使者奉

吾學錄初編

卷一 典制

八

詔授宣詔官。復位立。宣詔官跪接。登臺。展詔官二人從

升。均西面。展

詔書。宣讀訖。復於案。皆降。衆聽贊。復行三跪九叩禮。如

初退。使者以

詔授督撫。恭鐫膳黃。頒學政鹽政織造督關郎中員外

郎。兩司道府轉頒所屬州縣衛將軍提鎮協叅。轉

頒所屬營汛。至日。宣布軍民。均與省會儀同。

朔望行香

會典。每月朔望。直省督撫及各道印官。咸率屬具

禮服分詣 文廟 武廟 文昌祠 城隍廟及  
各方祀 神祠位前。上香三炷。跪叩如常儀。  
受朔

通禮 歲屆頒朔之日

謹案頒朔歲以十月朔日

各省會總督若巡撫。率在城文官。將軍率在城武  
官。受朔。是日首縣於督撫署內向

闕列屏設案。布政使以所刊時憲書。設於龍亭。鼓吹

前導。昇詣公署。恭陳於案。質明文武官朝服畢會

吾學錄初編 卷一 典制 九

通贊贊齊班。引禮二人。引各官。文東武西。重行異

等。以品為序。咸就拜位。北面立。如朝賀之儀。贊跪

叩。與眾行三跪九叩禮。興。以次祇受時憲書畢。各

退。布政使分發專城之道。轉行所屬州縣衛。分駐

之提鎮協。轉行所屬標營。到日行禮。祇領與省會

同。遂頒布於民間。

迎春 附土牛芒神式

通禮 直省迎春之禮。先立春日。各府州縣於東郊

造芒神土牛。立春在十二月望後。芒神執策當牛

肩。在正月朔後。當牛腹。在正月望後。當牛膝。示民

農事早晚。屆立春日。吏設案於芒神春牛前。陳香

燭果酒之屬。案前布拜席。通贊執事者於席左右

立。府州縣正官。率在城文官。丞史以下。朝服。畢詣

東郊。立春時至。通贊贊行禮。正官一人在前。餘以

序列行。就拜位。贊跪叩。與眾行一跪三叩禮。執事

者舉壺爵跪於正官之左。正官受爵酌酒。酌酒三

授爵於執事者。復行三叩禮。眾隨行禮。興。迺昇芒

神土牛。鼓樂前導。各官後從。迎入城。置於公所。各

吾學錄初編 卷一 典制 十

官執采杖環立。樂工擊鼓。擊土牛三。迺各退。

土牛芒神式 會典 歲以六月。欽天監豫定春牛芒

神之制。冬至後辰日。於歲德方。取水土製造。以桑

柘木為骨。牛身高四尺。象四時。長八尺。象八節。尾

長一尺二寸。象十二月。頭色視年干。身色視年支。

腹色視年納音。角耳尾色視立春日干。脰色視立

春日支。蹄色視立春日納音。口開合。尾左右。麾視

年陰陽。陽口開。陰口合。陽麾左。陰麾右。芒神長三

尺六寸五分。象三百六十五日。鞭長二尺四寸。象

尺六寸五分。象三百六十五日。鞭長二尺四寸。象

二十四氣。老少視年支孟仲季。衣色帶色。視立春日支。衣色用剋支。帶色用支生。置髻視立春日納音。金耳前。木耳後。水左前右後。火左後右前。土在頂直上。耨耳視立春時晝夜。子丑全戴。寅揭左。亥揭右。卯至戌則手提。陽時左提。陰時右提。行纏轆。袴視立春日納音。水俱有。火俱無。土有袴。餘無。金木俱有。金左行纏懸於腰。木右行纏懸於腰。土牛鼻用拘。芒神手執鞭。拘以桑柘木。鞭以柳枝。拘繫繩。鞭著絲。視立春日支。寅巳申亥用麻。子卯午酉

吾學錄初編

卷一

典制

十一

用芾。丑辰未戌用絲。芒神立牛左右。視年陰陽。陽立牛左。陰立牛右。芒神立牛前後。視立春距歲前後。歲前五日外立春者。立牛前。歲後五日外立春者。立牛後。歲前後五日內立春者。立與牛並。

耕藉

通禮直省府州縣各於東郊

先農壇側擇沃壤爲藉田。

謹案直省藉田廣四畝九分。

歲仲春吉亥或用季春有事

先農之日省會總督

若巡撫。率在城文官耕藉。是日首縣知縣。賦土宜。備穀種。青箱。朱鞭。耒。服耜。黝牛。及他農器。耕器。豫陳耕所者。老率農夫。披蓑戴笠。蒞於田間。通贊學弟子員。分立田首。又向

闕張畫屏。設香案一。南向。通贊立香案之南。引班教諭訓導立通贊之南。皆東西面。致祭。先農禮畢。各官易蟒袍。詣藉田。通贊贊行耕藉禮。督撫以下。就耕所。執事者授耒耜與鞭。皆右秉耒。左執鞭。進耕。督撫以府佐貳官。一人執種箱。一人播種。布

吾學錄初編

卷一

典制

十二

政使按察使以首領官。執箱播種。各道以州縣佐貳官。執箱播種。知府知縣以丞史。執箱播種。皆耆老一人牽牛。農夫二人扶犁。各九推九返畢。釋鞭耒。以次序立田首。西面。北上。農夫遂終畝告畢事。各官補服望

闕立。通贊贊齊班。引班分引督撫以下。至香案前。按班序立。重行北面。耆老農夫稍遠列。北面隨立。贊跪叩。興行三跪九叩禮。興各退。○若府不附省。州縣衛不附府者。正官率佐貳丞史耕藉。各以耆

老二人執箱播種。餘儀與省會同。

救護日月

〔通禮〕直省府州縣衛。遇日月食。各按欽天監推定時刻分秒。隨地救護。

謹案前期五月。欽天監推

京師及各省所見日月食分秒時刻。疏

聞。下禮部。徧布中外。屆期行救護禮。各省所見不及一分。及不見食者。無庸救護。凡救護以素服將事。

省會於督撫署。府州縣衛各於公署。均以督撫及

吾學錄初編 卷一 典制

三

正官一人。領班行禮。正貳教職。二人。糾儀。學弟子

員。二人。通贊。二人。引班。陰陽官一人。報時。至日。班

首官上香。伐鼓。衆官祇跪行禮。並與

京師救護同。

謹案

京師救護儀注。欽天監官報日初虧。鳴贊贊齊班。序

班引百官至拜位前立。重行異等贊進少進。贊

跪叩。與衆行三跪九叩禮。與贊上香。禮部尙書

進至香案前。三上香畢。復位。贊跪皆跪。贊伐鼓

署史奉鼓進。跪於左。禮部尙書伐鼓三聲。儀門

外金鼓振作。迺按班更番上香。祇跪。御史禮部

鴻臚寺官。更番祇立。並如前儀。欽天監官報日

復圓。金鼓聲止。鳴贊贊齊班。百官至拜位前立

聽贊行禮如初畢。各退。

吾學錄初編 卷一 典制

四

舉 人黃本驥編次

戶部郎中陳傳均 同校

詹事府主簿吳彌光

吾學錄初編卷一終

吾學錄初編卷二

聖朝養壽集... 吳榮光恭述

政術門

戶籍查戶口○辨籍貫○編保甲○防盜賊○禁

查戶口○會典各省諸色人戶有司察其數而歲

報於部曰煙戶男年十六曰丁女曰口未成丁亦

曰口丁口繫於戶腹民計以丁口邊民計以戶凡

丁輸賦者以康熙五十年為額歲編審有羨餘曰

盛世滋生人丁永不加賦○直省各府州縣編賦役冊

吾學錄初編卷二 政術

以一百一十戶為里推丁多者十人為長餘百戶

為十甲甲凡十人歲役里長一人管攝一里之事

城中曰坊近城曰廂鄉里曰里凡十年一周先後

則以丁數之多寡為次每里編為一冊冊首總為

一圖其鰥寡孤獨不任役者則帶管於百一十戶

之外而列於圖後名曰畸零

辨籍貫○會典凡民之著於籍者曰民籍曰軍籍

屯衛之兵遣犯之子孫皆是曰商籍商人子弟准附曰竈籍各

場井禁其冒籍跨籍者他省人於寄居地方置有

墳廬已逾二十年者准其入籍是為寄籍其原籍

為祖籍出仕者祖籍寄籍一體迴避文員罷職不

准寄居官所不得於任所地方置買田宅如本身

已故子孫於他省有田地丁糧願入籍者聽武職

罷任後原籍無產業宗族可歸願於任所入籍者

副將以上由督撫具奏請

旨叅將以下報部准其入籍叅將以下於任所置產業

錢糧照民賦輸納軍流人等子孫隨配入籍者准

其考試十年限滿後由配所督撫報部查覈○凡

吾學錄初編卷二 政術

籍有良賤四民為良奴僕及娼優隸卒為賤山西

陝西之樂戶江南之丐戶浙江之情民皆於雍正

元年七年八年先後豁除賤籍如報官改業後已

越四世親支無習賤業者准其應考出仕其廣東

之蛋戶浙江之九姓漁戶皆照此例凡衙門應役

之人除庫丁斗級民壯仍列於齊民其阜隸馬快

小馬禁卒門子弓兵伴作糧差及巡捕營番役皆

為賤役長隨亦與奴僕同其奴僕經本主放出為

民者令報明地方官咨部存案俟放出三代後所

生子孫。准與平民應考。出仕京官。不得至京堂。外官不得至三品。放出後。未經呈報。仍以補報之日起限。○凡官之寄籍外省。願改歸原籍者。查原籍果有墳墓廬舍。由祖籍官咨部。准其復籍。其由吏員出身者。歸宗復姓改籍皆禁。

編保甲○會典保甲之法。戶給以門牌。書其家長之名。與其丁男之數。而歲更之。出註所往。入註所來。戶有遷移。隨時換給。十家為牌。牌有頭。十牌為甲。甲有長。十甲為保。保有正。皆以誠實識字有身

吾學錄初編 卷二 政術

三

家者充。限年更換。稽其犯令作惡者。如盜竊邪教。賭博製造賭具。窩逃姦拐。私鑄私銷私鹽。販賣硝磺。並私立名色。斂錢聚會。及面生可疑。形迹詭秘之徒。皆令查報。○各府州廳縣所屬城廂市鎮村屯。土著軍民。自搢紳以至商賈農工吏役兵丁。皆挨戶編審。客民在地方開張貿易。即與土著一律挨編。其往來無定之商賈。令客長稽察。至客商投寓店埠。皆令店主埠頭。詢明來歷。並騎馱夥伴。去來日月。循環冊報。山居棚民。按戶編冊。令地主保

正結報。寺觀僧道。令僧綱道紀。按季冊報。

防盜賊○會典地方編排保甲。保正甲長牌頭。須選勤慎練達之人。點充。如果訪查盜賊。據實舉報。按名給賞。備有瞻徇隱匿。即予懲警。甲長照牌頭減一等。保正減二等。若牌頭於保正甲長處舉報。而不行轉報者。牌頭免坐。甲長保正。照例治罪。賭博為盜賊淵藪。令保甲一併查舉。再地方有堡子村莊。聚族百人以上。保甲不能編查。選族中有品望者。立為族正。如有匪類容隱。照保甲一體治罪。

吾學錄初編 卷二 政術

四

禁流丐○會典各省地方官。凡遇流丐在境。務須督率保甲人等。諄切曉諭。仍不時留心察訪。如有逞強不法者。即嚴拿懲治。不必遞解回籍。

農務勸耕種○墾荒地○修隄防○田禁穀禁○勸耕種○墾荒地○修隄防○田禁穀禁○

勸耕種○會典凡勤耕務本之農。該管官時加獎勵。每州縣量設老農數人。以為董率。察其勤儉無過者。准給八品頂戴。歲遇農忙。則停徵停訟。以勸農事。

墾荒地○會典各省實有可墾荒地。招徠報墾酌

借牛種限以水田六年旱田十年准其陞科永爲己業將屆陞科之期該督撫委員復加丈勘果有坍塌沖漲或澆确者仍免其陞科其有自費工力挑築池塘渠堰者准照定界蓄水灌溉他人竊放灌田照盜種田畝律科罪以勸墾荒惟池澤陂蕩蓄水處所無論官地民地概禁開墾瀕臨江海湖河沙漲地畝如有阻遏水道爲隄工之害者禁其報墾以禦旱潦。

修隄防○會典凡水利之應治者有官工有民工

吾學錄初編卷二 政術

五

其無官修定款者皆由民修或借庫項興工攤徵歸款或地方官隨時督率民夫加培疏濬除款項無多無關緊要者聽民間自行辦理如係要工經費逾五百兩者俱一體報部覈銷定保固限期以杜侵冒。

田禁穀禁○會典凡山隰土田阡陌相連宜穀之處禁種煙草官兵軍民行獵及出青馬駝踐躡田禾除懲處外仍追糧銀給主以禁防稼○所在州縣飭查製麩燒鍋以禁糜穀。

捕蝗伐蛟○會典各省瀕臨湖河低窪之處令該管官於每年二三月豫防蝻子化生一有萌動卽多撥兵夫撲捕或掘地取種或於水涸草枯時縱火焚燒併徑移鄰封協捕如致長翅飛騰根究生蝻處所治以捕蝗不力之罪

謹案蝻子有化生卵生二種化生者先見於大澤之涯及驟盈驟涸之區魚蝦散子草間在水則仍化爲魚蝦惟有水而涸春夏風日薰蒸濕熱變而爲蝻長卽成蝗故涸澤有蝗葦洲有蝗

吾學錄初編卷二 政術

六

卵生者卽上年蝗之遺種蝗性喜燥惡濕必擇堅硬黑土高亢之處用尾錐入土中深不及寸仍留孔竅狀如蜂窩其內有子形如豆粒中止白汁漸次充實因而分顆一粒中有細子百餘來年滋生不已爲害甚鉅故捕蝗不如捕蝻捕蝻不如滅種蝻性畏雪交冬得雪一寸蝻子卽深一尺積雪盈尺則蝻子不萌生若是年冬無大雪則明年復起故爲害最烈  
山中出蛟每爲水患蛟卵入地之處冬不積雪令



所在居民畱心空除。

謹案蛟似蛇而四足。細頸頸有白纓。本龍屬也。其孕而形成。率在陵谷間。乃雉與蛇當春而交。精淪於地。聞雷聲則入地成卵。漸次下達於泉。積數十年。氣候已足。卵大如輪。其地冬雪不存。夏苗不生。鳥雀不集。土色赤。有氣朝黃而暮黑。星夜視之。黑氣上沖於霄。卵既成形。聞雷聲自泉間漸起而上。其地之色與氣亦漸顯而明。蛟未起二三月前。遠聞似秋蟬悶在手中而鳴。

吾學錄初編

卷二 政術

七

又如醉人聲。此時能動不能飛。可以掘得。及漸起離地三尺餘。聲響漸大。不過數日。候雷雨即出。攻治之法。在夏末秋初。善識者先於冬雪時。視地圍圓不存雪。又素無草木。復於未起二三月。春夏之間。視地之色與氣。掘土三五尺餘。其卵即得。犬如三斛甕。先以不潔之物。或鐵與犬血鎮之。多備利刃剖之。其害遂絕。蛟畏金鼓及火。山中久雨。夜立高竿。掛一燈籠。可以避蛟。夏月田間作金鼓聲。以督農務。則蛟不起。即或起

而作波。但插鼓鳴鉦。多發火光以拒之。水勢必退。

津梁 修橋道○設渡船浮橋○救生船○救生椿  
修橋道○會典各省橋道。有損壞者。地方官查明隨時建置。由該督撫奏明辦理。報部覈銷。  
設渡船浮橋○會典水陸通衢。額設渡船浮橋。隨時補船。或分別年限修造。各視其地之衝僻以為差。

吾學錄初編

卷二 政術

八

救生船○會典遇水道危險之處。額設救生船。三年小修。五年大修。如內河戰船之例。  
救生椿○會典安徽洪澤湖。設立救生椿。以資拯濟。  
倉儲 常平倉裕備倉○社倉義倉  
常平倉裕備倉○會典各州縣設立常平倉。視其地之廣狹。以定額貯。所貯各色糧石。皆按其出產。準作穀數。其折耗曰氣頭。曰廠底。均計收貯。年分及地氣燥濕。以定其數。准該管官驗明米色。秋後買補常年平糶。皆以存七糶三為率。間有燥濕不

同隨時酌糶。存三糶七。存半糶半。存六糶四。及不  
限額數者。遇豐年酌糶十之二三。或全行停糶。其  
糶每石減市價五分。遇歉歲或逾額出糶。每石減  
銀一錢。皆於秋收後。以糶存價銀採補。各州縣另  
設有裕備倉。常年出陳易新。亦照常平倉例。遇新  
舊官接任。皆令交代結報。並責成上司。隨時察驗。  
其領價買補。亦令委驗通詳。凡有災賑。動用常平  
裕備各倉。由督撫具奏。准撥用正項買補還倉。  
社倉義倉。○會典各省社倉。係士民捐置。聽其自

吾學錄初編 卷二 政術

九

為經理。惟陝西係動耗羨款項買置。廣西係以常  
平倉息穀增置。仍著官為經理。當青黃不接之際。  
准農民借領。秋後納還。如司事之社長等。有侵食  
等弊。准同社士民報官究治。○各省義倉。亦係捐  
置。聽士民經理。與社倉同。惟兩淮各場。江南九江  
關。湖北漢口鎮。各鹽義倉。每年平糶。仍以原價買  
補。浙江鹽義倉。發場平糶。收鹽抵款。令商人於運  
庫領銀買補。其經理亦聽各商。

荒政 救災○報災○發賑○減糶○借給糧種○  
蠲賦○緩徵○通商○勸輸○與工代賑○

安集流亡

救災○會典水災驟至。有司官即率眾救濟。漂沒  
房屋。給與搭篷修理之費。淹斃人口。給與葬銀。淹  
傷人口。給與撫卹銀。水衝沙壓地畝。給與挑培修  
復銀。皆按各省定例銀數散給。

報災○會典督撫題報被災情形。夏災限於六月  
盡。秋災限於九月盡。甘肅夏災不出七月。一面委  
員勘定被災分數。自六分至十分者為成災。五分  
以下為勘不成災。結報督撫。扣除程限。統限四十

吾學錄初編 卷二 政術

十

五日內具題。如被災異常之區。令督撫一人親勘。  
即以應行撫卹事宜具奏。罪其匿災者。減災分者。  
報災之不速者。

發賑○會典題報成災情形。即一面開倉。將乏食  
貧民先散賑一月。大口日五合。小口二合半。是為  
正賑。及查明分數後。隨分晰極貧次貧。題請加賑。  
災十分者。極貧加賑四月。次貧加賑三月。九分者。  
極貧加賑三月。次貧加賑二月。八分七分者。極貧  
加賑二月。次貧加賑一月。六分者。極貧加賑一月。

五分者酌借一月口糧。凡閒散貧民與力田災民一體給賑。學中貧生屯衛貧軍隨坐落地方與賑米不足者按各省折賑定價以銀米兼散。

減糶○會典歲歉出糶常平倉穀於常年照市價減糶之外督撫覈定應減之數具奏出糶如倉穀不足則動帑赴鄰省採買出糶事竣動倉穀者糶穀還倉動庫帑者易銀歸庫。

借給糧種○會典災歲之明年農民無力播種者酌借籽種口糧或夏月風雹旱蝗水溢等災不能

吾學錄初編 卷二 政術 十一

復種秋禾者即照秋災辦理如秋禾尙可播種俟秋穫時確勘分數必須接濟者亦先酌借籽種口糧皆用常平倉穀出借秋災麥熟後徵還夏災秋後徵還免其息穀。

蠲賦○會典蠲賦以災戶應納地丁正耗準作十分按災分之數蠲免災十分者蠲其七九分者蠲其六八分者蠲其四七分者蠲其二五六分者蠲其一屯衛田地隨坐落地方分散蠲免皆奏明辦理。

緩徵○會典災地勘報之日即行停徵所停錢糧係被災十分九分八分者三年帶徵七分六分五分者二年帶徵五分以下勘不成災有奉

旨緩徵及題明緩徵者至次年麥熟後啟徵其麥熟後應徵錢糧緩至秋成若被災之年深冬方得雨雪及積水方退者另疏題明將麥熟應徵者再緩至秋成新舊並納其成災五分以上州縣中間有成熟田地亦一體緩徵

通商○會典災區需米接濟奏明招徠商販有運

米前往糶賣者所過關口免其納稅給與印票到境之日呈送地方官蓋印回空覈銷如未到被災地方先行糶賣及偷運他省加倍罰稅仍照違禁例治罪。

勸輸○會典紳衿商民於歉歲出資捐賑者赴司具呈捐項聽其自行經理不許州縣抑派事竣督撫覈實具題捐多者議敘頂戴少者給扁旌獎興工代賑○會典災歲閭閻艱食督撫於地方應舉之工如溝渠城垣隄防酌量題請辦理俾貧民

得以傭工就食

安集流亡○會典被災貧民令該管官善為撫卹毋令輕去鄉土其流亡外出聞賑歸來者准其入冊一體給賑

惠卹賑貧生○全節孝○瞻耆民○卹兵丁○養老疾○育嬰兒○禁溺女○矜獄囚○資遣犯○瘞枯骨

賑貧生○會典各省學政轉飭各學教官確查該學生員極貧次貧造具花名細冊於按臨之日投遞該學政核實卽於三日內逐名面賑其賑給銀

吾學錄初編卷二 政術

三

兩於額設學租內支發如分給不敷卽於存公項內量撥銀米由地方官覈實報銷

全節孝○會典會經

旌表之節孝婦人間有一二貧苦難以存立者應令督撫各飭所屬州縣覈實取具鄰族及印官各結酌量給與口糧俾存活有賴不致失所

瞻耆民○會典各省耆民九十以上者州縣不時存問其或鰥寡無子及子孫貧不能養瞻耆督撫以至州縣公同設法卹養或奏

聞動用錢糧務令得需實惠

卹兵丁○會典兵丁曾經出征受傷患病或廢疾及年老告退如有子孫食糧者月給米三斗無子孫食糧者給與守糧一分其出征陣亡病故者如子孫幼少不能食糧月給餉銀五錢米三斗俟子弟年十六堪以頂補食糧停其支給無子弟者以半餉銀米養其現存之祖父母父母眷屬終身或打仗未出及迷失衝失照陣亡例減半議叙者給與半餉銀米之半

吾學錄初編卷二 政術

四

養老疾○會典直省會城設有養濟院境內鰥寡孤獨殘疾無告之人照額收養人多於額以額外收養在地丁正項銀米及耗羨項下分別動支又通都大邑設有普濟堂除紳士好義捐建者經費聽其自行經理其動用官發生息銀及存公銀者均每歲報部覈銷

育嬰兒○會典直省建立育嬰堂遇有遺棄病廢之嬰兒收養於堂有姓名年月日時可稽者一一詳註於冊雇覓乳婦善為乳哺撫養有願收為子

孫者問明居址姓名方與之仍補註於冊其經理報銷與普濟堂同。

謹案會典載

京師除例設普濟育嬰二堂外五城各設棲流所收卹無依流民及街衢卧病者給其衣食醫藥又於冬季煮粥賑饑五城各設二廠遇市糶價昂撥給倉米平糶京城內外共設十廠又嘉慶六年冬月奉

特旨散給棉衣皆由順天府及五城指揮經理而以巡城

吾學錄初編 卷二 政術

五

御史督察之各直省守土官誠能推廣

皇仁籌貲做設則海隅蒼生同登衽席不獨

首善之區頌好生之德於無既也

禁溺女○會典各省溺女相習成風著令禁止違

者照律治罪。

謹案照律治罪謂律載祖父母父母故殺子若

孫者杖六十徒一年也

矜獄囚○會典在禁囚犯日給倉米一升冬給絮

衣一件鎖杻常須洗滌席薦常須鋪置冬設暖牀

夏備涼漿並於本處有司在官錢糧內支放獄官豫期申明關給毋致缺誤○內外監獄醫治罪囚疾病官給以藥選用醫生二名年底稽考優劣○獄內禁用匣牀○地方官私設班館自新所之類皆屢經奉

旨飭禁。

資遣犯○會典軍流等犯除年逾六十不能力食者照例撥入養濟院按名給與孤貧口糧外或年未六十而已成篤疾不能謀生者亦應一體撥給

吾學錄初編

卷二 政術

末

其少壯軍流各犯實係貧窮又無手藝者初到配所按該犯本身及妻室子女每名每日照孤貧給與口糧自到配之日起以一年為止於各州縣存貯倉穀項下動用報銷。

瘞枯骨○會典直省地方如有無主暴露枯骨各該地方官建置義冢立法收埋仍咨報部如有好義之人收瘞貧屍及掩埋枯骨數多者有司勘實給扁旌獎。

謹案養民之政其端甚多有戶口籍貫以奠其

居有編甲防盜以禦其侮。有勸農開墾修隄以課其業。有田穀之禁以去其耗。有捕蝗伐蛟以除其害。有橋梁濟渡以利其行。有倉儲以備於未荒之先。有荒政以救於既荒之後。有惠卹諸政以周困窮而登仁壽。此皆會典所載垂為治要者也。至於築塘堰以資水利。備器具以救火災。寒則施衣。飢則設粥。渴則置茶。病則給以醫藥。死則給以棺衾。葬則給以義地。皆政之切於民生者。然此舉多由好義紳衿共為施濟。會典不及備載。地方官司宜急加勸勵以裨化原。其旌表事例另見後卷。

吾學錄初編 卷二 政術 七

舉 人黃本驥編次  
 戶部郎中陳傳均 同校  
 詹事府主簿吳彌光 同校  
 吾學錄初編卷二終

吾學錄初編卷三  
 聖諭  
 風教門  
 宣講

聖諭

通禮月朔望。

京師五城順天府大興宛平二縣各飭所部民齊集公所選醇謹耆老一人為約正。有司公服泣恭宣

世祖章皇帝欽定六諭

吾學錄初編 卷三 風教 一

聖祖仁皇帝聖諭十六條

世宗憲皇帝聖諭廣訓

謹案

六諭曰。孝順父母。恭敬長上。和睦鄉里。教訓子孫。各安生理。無作非為。

聖諭十六條曰。敦孝弟以重人倫。篤宗族以昭雍睦。和鄉黨以息爭訟。重農桑以足衣食。尚節儉以惜財用。隆學校以端士習。黜異端以崇正學。講法律以儆愚頑。明禮讓以厚風俗。務本業以定民志。訓子弟以禁非為。息誣

告以全善良。誠竊逃以免株連。完錢糧以省催科。聯保甲以弭盜賊。解讎忿以重身命。

兵民圍聽。宣畢。各退。八旗官學。遇試期。教習集官學生講解。朔望赴國子監背誦。不成誦者。飭直省府州縣鄉堡。及番塞土司。均擇適中地為鄉約所。選老成公正一人為約正。樸實謹守者三四人直月。按期集所部民。宣講。

聖諭擇律文內民俗易犯者。咸宣示之。守土官實力董率。並飭縣令教職。隨時巡行宣導。儀注同前。

吾學錄初編 卷三 風教

工

謹案刑典之設。首重倫常。律載千名犯義各條。國法之所不宥。乃鄉愚無知。或由父母嬌縱。或由習俗移人。以至借耨鋤而德色。取箕帚而詆語。視為固然。往往身罹重辟。而不知其所犯何條。又其甚者。兄亡而弟妻其嫂。弟死而兄妻其婦。比照姦兄弟妻例。男女環首。律有明文。然彼方以為父母之命。不忍使親愛之婦。改適他家。即其母家。亦無異議。一旦事發。處以死刑。彼若早知。斷不為此。其故皆由於教化不明。以致蔑倫犯

法。至死不悟。若於春秋讀法時。敬謹宣講。

聖諭畢。將律例各條。分晰講解。使人人共曉。儒者知立。薄

者知敦。庶風俗人心。悉臻淳正。而

朝廷講約之令。不致有名無實。故另輯軍民應知律

例於編末。以為弼教之助云。

鄉飲酒禮

儀注○行禮人數○服色○坐次并圖  
○作樂○歌詩

儀注○學政全書京府及直省府州縣。歲以孟春

望日。孟冬朔日。舉行於儒學。前一日。執事者於儒

學之講堂。依圖陳設。坐次。司正率執事諸生習儀。

吾學錄初編 卷三 風教

主

至日黎明。執事者宰牲具饌。主人及僚屬。司正先詣學。遣人速賓。俱以下。賓至。主人率僚屬出迎於庠門之外。揖入。主居東。賓居西。三揖三讓。而後升堂。東西相向立。贊兩拜。賓坐。僕至。主人又率僚屬出迎。揖讓升堂。拜坐如前儀。賓僕介主。既就位。執事者贊。司正揚觶。引司正由西階升。詣堂中。北向立。執事者贊。賓僕以下皆立。贊揖。司正揖。賓僕以下皆揖。執事者以酒授司正。司正舉酒曰。恭惟朝廷。率由舊章。敦崇禮教。舉行鄉飲。非為飲食。凡我

長幼各相勸勉。爲臣盡忠。爲子盡孝。長幼有序。兄弟恭。內睦宗族。外和鄉里。無或廢墜。以忝所生。讀畢。執事者贊司正飲酒。飲畢。以解授執事。執事者贊揖司正揖。賓僕以下皆揖。司正復位。賓僕以下皆坐。贊讀律令。執事者舉律令案於堂之中。引讀律令者詣案前北面立。贊賓僕以下皆立。行揖禮如前。讀畢。復位。執事者贊供饌案。執事者舉饌案至賓前。次僕。次介。次主。三賓以下各以次舉訖。執事者贊獻賓。主起席北面立。執事者酌酒以授

吾學錄初編 卷三 風教

四

主。主受爵。詣賓前。置於席。稍退。贊兩拜。賓答拜訖。執事者又酌酒以授主。主受爵。詣僕前。置於席。交拜如前儀。畢。主退復位。執事者贊賓酬酒。賓起。僕從。執事者酌酒授賓。賓受爵。詣主前。置於席。稍退。贊兩拜。賓僕主交拜訖。各就位坐。執事者分左右立。以次酌酒。獻三賓。衆賓徧賓主以下。酒三行。供羹。執事者以次酌酒飲酒。供饌三品。畢。執事者贊徹饌。候徹饌案訖。贊賓僕以下皆行禮。僕主僚屬居東。賓介三賓衆賓居西。贊兩拜訖。贊送賓。以次

下堂。分東西行。仍三揖。出庠門而退。

行禮人數 ○ 通禮

京師禮部侍郎一人。監其禮。順天府府尹爲主人。以鄉之年高六十以上有德行者一人爲賓。其次一人爲介。又其次爲衆賓。以教官一人爲司正。學弟子習禮者二人司爵。二人贊禮。二人引禮。一人讀律令。僚佐皆與。直省府州縣以守牧令爲主人。省會及監司分駐之地。皆以監司。既其禮。如有鄉大夫來觀禮者。坐於堂之東北。

吾學錄初編 卷三 風教

五

京師及直省省會。一品席南向。二三品席西向。府州縣。三品以上席南向。四五品席西向。無則闕之。不立一僕二僕三僕之名。

謹案僕與遵通。鄉大夫爲人所遵法者。古有一僕二僕三僕之名。今制總謂之僕。鄉飲賓介。皆由州縣舉報。督撫覈定。彙造姓名清冊。送部存案。甯闕無濫。不得其人。卽行停止。惟僕不在舉報之列。

服色 ○ 會典 鄉飲賓內。貢監考職候選者。准照應




選之職服用頂帽補褂。監生金雀頂青袍藍邊。生員銀雀頂藍袍青邊。無品級者民。應穿鮮明常服。不得濫用金頂補褂。

坐次○**通禮**設監禮席次於庭東。北向。布賓席於堂西北。南向。主人席於東南。西向。介席於西南。東向。衆賓之長三人。席於賓西南向。東上。皆專席。不屬衆賓席於西序。東向。僚佐席於東序。西向。皆北上。可正席於主人之東。北向。設律令案於主介間。正中東西肆。設尊案於東序端。南北肆。設樂縣於西階下。

吾學錄初編 卷三 風教 六

鄉飲酒坐次圖



謹案學政全書禮部則例皆有鄉飲酒坐次圖。賓與介主四席。皆斜設。與通禮賓南介東主西之向不同。又無監禮。今據會典繪圖以符通禮坐次。

作樂○**會典**凡鄉國之樂。府州縣鄉飲酒。設雲璈。一方響。一琴。二瑟。一簫。四笛。四笙。四手鼓。一拍板。一正月以太簇爲宮。十月以應鍾爲宮。

謹案學政全書載鄉飲酒儀注。無作樂歌詩二節。據會典直省鄉飲。作樂歌詩。皆與順天府同。并將歌詩儀節。恭錄於左。

歌詩○**通禮**鄉飲酒禮。賓主獻酬訖。工升。歌周詩鹿鳴三章。卒歌。笙奏。

高宗純皇帝御製補南陔詩。辭曰。我逝南陔。言陟其岵。昔

吾學錄初編 卷三 風教 七

我行役。瞻望有父。欲養無由。風木何補。我逝南陔。言陟其岵。今我行役。瞻望有母。母也倚閭。歸則寧止。南陔有荀。箴實勺之孱孱。孩提孰喚。咻之慎爾。溫清潔爾。旨肴今爾不養。日月其慆。

御製補白華詩。辭曰。有白者華。不污纖塵。咨爾士兮。宜修其身。不修其身。迺貽羞於二人。有白者華。婉茲靜好。咨爾女兮。宜修婦道。不修婦道。迺貽羞於二老。白華匪玉。混而不緇。白華匪蘭。芬迺勝之。我擷白華。載詠載思。白華匪玉。質玉之令。白華匪蘭。臭蘭之淨。我擷白華。載思

載詠。

御製補華黍詩辭曰。瞻彼阪田。厥黍始華。賦足胼手。嗟嗟我農夫。瞻彼阪田。黍華以秀。胼手賦足。惟勤斯殖。茂華有不秀矣。秀有不實矣。其雨其雨矣。杲杲日出矣。怒予愁之恤矣。間歌周詩魚麗南有嘉魚。南山有臺。三章。笙

奏

御製補由庚詩辭曰。王庚便便。東西朔南。六符調燮。八風節宣。王庚容容。朔南西東。維敬與勤。百王道同。王庚廓廓。東西南朔。先憂而憂。後樂而樂。王庚恢恢。南朔東西。

吾學錄初編 卷三 風教

八

皇極孰建。惟德之依。

御製補崇邱詩辭曰。澗松童童。蛙黽鄰兮。邱草萋萋。蕩青雲兮。凡百君子。慎迺託身兮。澗松童童。澗則卑兮。邱草萋萋。邱則崎兮。凡百君子。審迺所依兮。有崇者邱。物無不遂。有卓者道。愚無不智。資生育德。永植毋替。

御製補由儀詩辭曰。在上曰天。在下曰地。君君臣臣。父父子子。在下曰地。在上曰天。父父子子。君君臣臣。由其儀矣。物則熙矣。儀其由矣。物則休矣。迺合樂。歌周南關雎三章。召南鵲巢三章。卒歌。工告備出。

謹案鄉飲酒禮。所以申明

朝廷之法。敦序長幼之節。重在賓介得人。方可以示觀感而興教化。地方官徇情濫舉。自有應得處。分然十室之邑。必有忠信。乃以聲明文物之邦。而舉行此禮者甚少。豈其地絕無可舉之人。而州縣絕無行禮之暇。遂使

大典久曠邪。推求其故。蓋以齒德兼優之人。深恐既舉之後。盛名難副。為人所持。因而受累。而地方官亦樂得以甯闕無濫為辭。然彼都人士。果能

吾學錄初編 卷三 風教

九

德望素著。鄉里共知。亦何患不肖之徒。藉端阻撓。地方官果能秉公持正。亦何必以濫舉避嫌。然全人為難。耄修不易。是在四方耆彥。有以愛唵。嗔之景。而為桑梓之光也。

旌表事例 節婦貞女建坊例 ○殉難官民建坊例 ○名宦建坊例 ○百年耆壽及五世同堂親見七八代建坊給匾例 ○一產三男給米布例

節婦貞女建坊例 ○會典

京師暨各省府州縣衛。各建節孝祠一。祠外建大坊。應

旌表者題名其上。身後設位祠中。各省由督撫學政會題。取具冊結送部覈題。其在部呈請者。由部行查督撫覈實咨部題准後。令地方官給銀三十兩建坊。如奉有

御賜詩章扁額緞疋。由內閣交部發提塘齎送督撫。行地方官給領守節之婦。不論妻妾。自三十歲以前守節至五十歲。或年未五十身故。其守節已及十五年。

謹案現行章程。改十五年作十年。

吾學錄初編 卷三 風教

十

果係孝義兼全。阨窮堪憫者。俱准

旌表。其循分守節合年例者。給與清標彤管四字扁額。於節孝祠另建一碑。鐫刻姓氏。不設位。不給坊銀。謹案現行章程。各府州縣有彙請

旌表之節婦貞女。共給銀三十兩。總建一坊。

婦人因子受封。准與

旌表。因夫受封守節者。不准

旌表。夫婦未成婚。流離失散。守志至老合卺者。准與

旌表。建坊用貞義之門字樣。孝女以父母未有子孫。終

身奉親不嫁者。如孝子例。未婚貞女。合年限者。如節婦例。其有在夫家守貞身故。及未符年例身故者。一體

旌表。婦女遭寇守節致死。雖事歷年久。覈實准其補行題請。給銀建坊。如無親屬。則官為建坊於墓前。節孝祠內設位。婦女因強姦不從致死。及因調戲自盡。非曾再醮者。刑部禮部會題請

旨。建坊如例。猝遭強暴。被污見戕。及被污後刻即捐軀者。坊銀減半。不於祠內設位。本夫逼令賣姦。抗節

吾學錄初編 卷三 風教

十一

自盡者。童養之女。未成昏拒夫調姦致死者。建坊於父母之門。節婦被親屬逼嫁致死者。

旌表如例。若係翁姑逼勒。坊銀另擇家長支領。督理建

坊。旗人僕婦守節者。雖經開戶。祇給銀建坊。不於

祠內設位。凡僕婦婢女。女尼女冠。拒姦致死者。建

坊於本婦墓前。不於祠內設位。孝子割股傷生。及

烈婦夫亡。無逼迫而遽殉節者。例不准旌。如有奏

請

旌表者。入祀建坊。候

旨遵行。

殉難官民建坊例○會典各府州縣建立忠義孝弟祠一。祠中立石碑。應

旌表者。題名其上。陣亡官員。全家隨任被害者。每家給銀三十兩。合建一坊。男婦並題名其上。本邑忠義孝弟祠節孝祠內。照例設位。遭寇殉難紳士庶民。於忠義孝弟祠內設位題名。其被戕之大小婦女。督撫飭地方官。每縣給銀三十兩。於通衢總建一坊。全刻姓氏。並於節孝祠設位。遇難死事之臣。入

吾學錄初編卷三 風教

主

京師昭忠祠者。仍於本邑忠義孝弟祠設位。不建坊

名宦鄉賢崇祀例○會典各省府州縣崇祀名宦鄉賢。該督撫會同學政。確覈事蹟。合詞具題。並造冊結送部。由部於年終彙題得

旨准設位入祠。其鄉賢子孫。現任九卿者。祖父不得題請。若保舉而未經彙題。其子孫有由庶僚擢至九卿。及子孫曾任九卿。業經身故。其應否入祠之處。均專奏請

旨。大臣身後。有題請入祠者。亦由部專奏請

旨

樂善好施建坊例○會典凡士民。或養恤孤貧。或捐資贍族。助賑荒歉。或捐修公所。及橋梁道路。或收瘞屍骨。實於地方有裨益者。八旗由都統具奏。各省由督撫具題。均造冊送部。捐銀至千兩以上。或田粟准值銀千兩以上者。均請

旨建樂善好施坊。由地方官給銀三十兩。所捐不及千兩者。請

旨交地方官給樂善好施扁額。如有應

吾學錄初編卷三 風教

主

旌表而願議敘者。由吏部定議。給與頂戴。

謹案刑部尚書張照之祖洪。捐置贍族義田。雍正十年奏准。由部立冊存案。嘉慶二十年刑部尚書韓巽。捐置義田。呈請由部給照。二十三年兵部右侍郎曹師曾。亦將其父秀先。捐置祠學義田。奏准存案。子孫不得擅賣。外人族人不得擅買。由部立冊。載入縣志。又嘉慶二十一年江西新城縣。已故州同陳世爵等。所捐義學祭田。用銀數萬兩。准其

旌表皆載入禮部則例。

累世同居建坊例○會典凡累世同居和睦無間者督撫題請

旌表禮部專題給銀建坊題名忠義孝弟祠碑如例或御賜詩章扁額緞疋遵

旨頒領

百年者壽及五世同堂親見七八代建坊給扁例○會典者壽至百歲由督撫題請

旌表者壽民給與昇平人瑞字樣壽婦給與貞壽之門

吾學錄初編卷三風教

四

字樣兄弟同臻百歲者給與熙朝雙瑞字樣夫婦

同登百歲者給與期頤偕老字樣均令並建一坊

壽至百有十歲者坊銀加倍百二十歲加二倍百

二十歲以上請

旨加賞不拘成例年屆百歲五世同堂者照例建坊外

請

旨賞給銀十兩緞一疋未屆百歲五世同堂者令督撫

分別年歲給與扁額緞疋銀兩

謹案 榮光 之祖母易氏五世同堂嘉慶二十年

榮光 在刑部員外郎任內具呈由本部代奏移咨禮部照例題准

旌表載入禮部則例恭錄於此以紀

恩遇

壽民壽婦上事祖父祖姑下見元孫親見七代者給與七葉衍祥字樣見八代者給與八葉衍祥字樣均令督撫製造扁額頒給造冊送部覈題其於常例外奉

旨賞給

吾學錄初編卷三風教

五

御製詩章扁額緞疋銀兩並有職官員加

賞職銜及貂皮等物均由

特恩壽民壽婦於題請奉

旨後身故者所有建坊銀兩並

恩賞銀緞仍准給領如未經題覈身故者隨本聲明無

庸

旌表

謹案嘉慶十四年奏准三品以上文武大員之父母妻室年屆百歲五世同堂者皆於坊銀外

加賞銀二十兩。緞二疋。其百有十歲以上者。以次遞加。

○嘉慶十五年廣西宜山縣民藍祥壽。屆一百

四十二歲。坊銀

賞銀共加至二百兩。緞五疋。並

特賜扁額詩章。

恩給六品頂戴。○三品以上。年屆百歲者。或未及百歲。五

世同堂者。均

加賞銀十兩。緞一疋。又年屆百歲。五世同堂。親見七代

者。在內由各部院。在外由督撫。據呈奏請

吾學錄初編卷三 風教

旌表其子孫官至三品以上者。准其自行具奏

一產三男。給米布例。○會典一產三男者。由督撫

咨報禮戶二部。照例給米五石。布十疋。其男女並

育。及一產三女者。不咨報。不給米布。

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷三終

吾學錄初編卷四

會典直省府州縣學明倫堂之左。刊立順治元年

學校門

訓士條教

會典直省府州縣學明倫堂之左。刊立順治元年

欽定。碑。曉示生員。文曰

朝廷建立學校。選取生員。免其丁糧。厚以廩膳。設學

院。學道學官以教之。各衙門官以禮相待。全要養

成賢才。以供

吾學錄初編卷四 學校

朝廷之用。諸生皆當上報

國恩。下立人品。所有條教。開列於後。○一生員之家

父母賢智者。子當受教。父母愚魯。或有非為者。子

既讀書明理。當再三懇告。使父母不陷於危亡。○

一生員立志。當學為忠臣清官。書史所載忠清事

蹟。務須互相講究。凡利國愛民之事。更宜留心。○

一生員居心。忠厚正直。讀書方有實用。出仕必作

良吏。若心術邪刻。讀書必無成就。為官必取禍患

行害人之事者。往往自殺其身。常宜思省。○一生

員不可干求官長。交結勢要。希圖進身。若果心善德全。上天知之。必加以禍。○一生員當愛身忍性。凡有司官衙門。不可輕人。卽有切己之事。只許家人代告。不許干與他人詞訟。他人亦不許牽連。生員作證。○一爲學當尊敬先生。若講說皆須誠心聽受。如有未明。從容再問。毋妄行辨難。爲師者亦當盡心教訓。勿致怠惰。○一軍民一切利病。不許生員上書陳言。如有一言建白。以違

吾學錄初編 卷四 學校

二

制論。黜革治罪。○一生員不許糾黨多人。立盟結社。把持官府。武斷鄉曲。所作文字。不許妄行刊刻。違者聽提調官治罪。○康熙四十一年頒奉

御製訓飭士子文及

聖諭十六條。雍正三年頒奉

聖諭廣訓萬言及

御製朋黨論。乾隆五年頒奉

御製飭訓士子文。均敬謹刊刷。裝潢成帙。藏於尊經閣。每

月朔望。及督撫等到任。學臣按臨。祇謁先師之日。教官率諸生詣明倫堂望

闕行三跪九叩禮畢。教官恭奉宣讀。令諸生拱聽。無故不到者戒飭。居址遠者輪班入城。恭聽宣講。其有唆訟抗糧緣事之生。令於階下跪聽。以示懲戒。整飭士習 附生員命名禁例

吾學錄初編 卷四 學校

三

會典學政歲科試時。教官與提調州縣官各開生員優劣事蹟。密報學政。查訪確實。隨棚咨部。劣生如有改過自新者。聲明免黜。其府學生員在百里外者。舉報優劣。仍會同本籍教官辦理。生員不得充當書役。入伍食糧。及開設牙埠。地方官不得強令生員充當社長。凡總甲圖差之類。一應雜色徭役。例應優免。倘於本戶之外。別將族人借名濫充者。仍將本生懲治。生員不得抗糧逋賦。違者褫革。革後全完。准予開復。其不待限先完納者。量加獎賞。或有將本身錢糧。多立戶名花分。詭寄拖延者。治罪。包攬錢糧。侵收入己者。褫革。按贓定擬。其有聚眾罷考。挾制官長。及關涉詞訟。無故挺身作證。并有巧構訟端。潛身局外者。俱分別革懲。生員所犯有應戒飭者。地方官不得擅自扑責。會同教官

具詳學政革訊治罪例貢例監戒飭亦會同致官  
扑責。

生員命名禁例○會典生員不得任意命名致涉  
謬妄有乖敬謹之義如肇興景顯字下不得用祖  
字永福昭孝景泰裕字下併不得用林齡等字又  
如璉字係端慧皇太子諱亦不得取名其劉姓  
名興漢李姓名繼唐嗣唐王姓名宗帝法帝及帝  
裔帝命帝璽乘乾御天等名俱嚴查飭改至前代  
聖賢名臣大儒。

吾學錄初編 卷四 學校

四

本朝大臣及現任大臣亦應一體改避不得姓名全  
行相同。

釐正文體 附應試程式鄉會試犯貼例磨勘例

會典應試之文以清真雅正理法兼備為尚支蔓  
浮夸之言槩行屏黜教官訓課士子遵奉

欽定四書文以為程法考覈經文以遵奉

御纂四經

欽定三禮及用傳注者為合旨春秋題以左傳本事為文  
參用公羊穀梁之說不得仍主胡傳。

應試程式○會典應試文不得踰七百字策不得  
在三百字內題目皆低二格長題次行以後皆低  
三格排律詩題上用賦得字下注得某字幾言幾  
韻賦題下注以某某字為韻春秋題下注某公幾  
年題有一書中複見者在前不必注在後注某章  
或某節文論皆頂格寫詩賦策經解皆低二格詩  
賦擬古者亦頂格寫詩賦官限之韻不得失押其  
餘韻不得重押六韻八韻排律詩不得有重字策  
內不得用執事等字及意涉祈請語臨文宜恭避  
者 至聖先師聖諱加下於右旁讀如期音亦  
不得寫古字惟祭

吾學錄初編 卷四 學校

五

天於

圖丘丘字不必避恭遇

聖祖仁皇帝聖諱上一字敬避作元字如有偏旁及字中

全書者俱於本字敬缺末筆下一字敬避作煜字

世宗憲皇帝聖諱上一字敬避作允字有偏旁者敬缺末

筆下一字敬避作禎字

高宗純皇帝聖諱上一字敬避作宏字如有偏旁及字中



全書本字者敬缺末筆。下一字中寫作林字。下寫作心字。

謹案

仁宗睿皇帝聖諱。上一字右旁之下。敬缺二筆。下一字右

旁之下。作又字。

皇上御名。上一字日下作又。下一字穴下作孽。凡

廟諱

御名。雖有代字缺筆之例。應試詩文。仍不可用。以昭敬

謹。其單用華真禹炎等字。不必缺筆。又 亞聖

吾學錄初編 卷四 學校

木

孟子名。亦應敬避。

詩賦策經解中應擡頭者。恭遇

天

祖字擡三格。

皇帝字擡二格。

闕

廷

宮殿等字擡一格。擡頭字不許誤寫。重改。恭默

聖諭廣訓。不許誤寫添改。凡題目及擡頭字。草稿中亦須

楷書。

鄉會試犯貼例。會典如通卷無一字真草。不全不符。不成字。謄真用行草。混作詩歌信劄。越幅。空行。空格。反謄卷背。卷內挖補。裁割。脫落。題目。改寫。跳行。添入夾縫。及顛倒題次。錯寫題字。草稿內不寫全題。文不頂格。詩策不低二格。文踰七百字。詩多韻。少韻。失押官韻。策不滿三百字。詩文策內用卦畫篆字。一格內雙行。各寫重字。用兩點。不避

廟諱

吾學錄初編 卷四 學校

七

御名

先師孔子諱。擡頭錯誤。或塗改。每場添註塗

改過百字。脫落添註塗改字樣。及數目不符。以少

報多。至十字外。油污墨污。至莫辨字蹟。卷頁破損

不全。經受卷所及對讀所。迭次查出。俱將本卷截

角。揭明緣由。貼於貢院外照牆。

鄉會試磨勘例。會典。試卷內字句可疑。及文理

悖謬。文體不正。不遵小註章旨者。全篇鈔錄舊文

倖中者。策內所對非所問者。均將本生黜革。凡進

人磨勘應黜者。本生監。全行。試卷內失格違式。不諳禁例者。

恭遇

列聖

郊壇

宗廟

皇上

聖主各字。事係實用。未經擡寫。或擡寫不合。或復行塗點者。及不避

廟諱

御名 先師孔子諱者。均罰停三科。全篇勦襲雷同

吾學錄初編 卷四 學校

八

者。擡頭塗抹者。脫寫題目。改寫跳行者。添註塗改

數目字。添改蹟涉可疑者。均罰停二科。

恩膏

德意等字。例應雙擡。

朝廷

國家等字。例應單擡。如並未擡寫。及雙擡誤寫單擡

者。詩內平仄失粘者。文內字句疵謬。及遺漏點題

重字。書作兩點。或挖補數字。策不滿三百字。草稿

內未寫全題。策題謬寫。卷內空白。漏寫添註塗改

一二處者。卷內有書寫卦畫及篆體者。均罰停一科。其餘無心筆誤。不關弊竇。及默寫頭場。互異在十字內者。均免議。

頒發書籍

會典凡

御纂諸書。頒發直省。依式鈔板流傳。並分給各學。存貯尊經閣。俾士子咸資誦習。書坊賈肆。願行刊印者。聽其頒行各省者。

聖祖仁皇帝御纂周易折中。

吾學錄初編 卷四 學校

九

欽定書經傳說彙纂。

欽定詩經傳說彙纂。

欽定春秋傳說彙纂。

日講四書解義。

欽定孝經衍義。

御纂性理精義。

御製律書淵源。

御纂朱子全書。

御纂古文淵鑑。及資治通鑑綱目等書。

高宗純皇帝御製文初集。

御製詩初集二集。

御纂周易述義。

御纂詩義折中。

御纂春秋直解。

欽定三禮義疏。

御選唐宋文醇詩醇。

欽定四書文其十三經二十四史三通諸書令各督撫購

買給與有尊經閣之府州縣交學官收貯以資諸

吾學錄初編卷四 學校

生誦讀學官時率諸生與之講貫令其熟習學政

考試經解於

御纂諸經中摘取先儒異同之處發問令生童等條對民

間刪本經書版片由各督撫嚴飭所屬查收銷燬

其有刊刻小本講章及編輯經書擬題套語策略

等類概行禁止嚴禁淫詞小說有乖風化及一切

非聖之書違者從重治罪。

書院 附義學社學

會典直省省城設立書院直隸曰蓮池山東曰灤

源山西曰晉陽河南曰大梁江蘇曰鍾山江西曰

豫章浙江曰敷文福建曰鼇峯湖北曰江漢湖南

曰嶽麓曰城南陝西曰關中甘肅曰蘭山四川曰

錦江廣東曰端溪曰粵秀廣西曰秀峯曰宣城雲

南曰五華貴州曰貴山皆奉

旨賜帑贍給師生膏火令有志向上無力就師各生入

院肄業

謹案奉天之瀋陽安徽之紫陽臺灣之海東皆

賜帑修建每歲經費與各省會書院一體報部覈銷。

吾學錄初編卷四 學校

書院師長由督撫學臣不分本省鄰省已仕未仕

擇經明行修足為多士模範者以禮聘請丁憂在

籍人員理應杜門守制不得延請書院

謹案乾隆三十年奉

諭改書院山長之稱為院長

生徒由駐省道員專司稽察各州縣秉公選擇布

政司會同該道再加考驗果係才堪造就者方准

畱院肄業各省書院師長實有教術可觀人材奮

起六年之後著有成效者准督撫學臣請

旨酌量議叙諸生中材器尤異者亦令薦舉一二以示鼓勵其餘各府州縣書院或紳士捐貲倡立或地方官撥公經理俱申報該管官查覈各處書院不得久虛講席教官本有課士之責不得兼充書院師長

謹案會典所載各省會書院名目皆係請帑專設其官紳商民捐建如浙江之紫陽重文揚州之梅花等書院皆不在列近日

鄧化覃敷文風益盛各府州縣類皆添建書院義學固  
吾學錄初編卷四 學校 七

已軼三代之上矣榮光前在福建鹽法道任內

裁汰陋規於鼇峯之外亦捐設鳳池書院

朝廷以教育責之有司有司以成效望之院長卽一

鄉一堡設有義塾之處爲之師者亦必躬親訓

課不得濫食乾脩伏讀道光二年

上諭各直省督撫所屬書院務須認真稽察延請品學

兼優紳士住院訓課其向不到館支取乾脩之弊永

遠禁止煌煌

聖訓固院長與有司所當共凜焉者也

義學○會典

京師暨各省府州縣俱設義學

京師由順天府尹慎選文行兼優之士延爲館師諸生中貧乏無力者酌給薪水各省由府州縣董理酌給膏火每年仍將師生姓名冊報學政

社學○會典直省府州縣大鄉巨堡各置社學擇學優行端之生員爲師免其差役由地方官量給廩餼仍報學政查覈

吾學錄初編卷四 學校 七

七

舉 人黃本驥編次

戶部郎中陳傳均

詹事府主簿吳彌光

同校

吾學錄初編卷四終

吾學錄初編卷五

舉與莫泰齋魏慶龍都巡撫等持齋稿為卷其榮光恭述

貢舉門

鄉試燕 附新舉人 賞賚及會試盤費

通禮順天鄉試揭曉翼日燕主考同考執事各官及鄉貢士於順天府曰鹿鳴燕以府尹主席其日府署望

闕設香案樂部和聲署陳樂委辦供給縣佐貳官具燕眠布席於堂主考監臨副都統內外簾監察御

吾學錄初編卷五 貢舉

史席均南向府尹提調席北向東西兩楹席各三行一行為同考官席二行為外簾官席三行為參領守備及巡綽等官席印卷供給官席提調官左稍後供事官醫官席檐下縣令以下委辦供給官席露臺上均東西向鄉貢士席於階下第一名席稍前西向宗室貢士及諸貢士席東西向黎明主考各官朝服貢士吉服赴

午門謝

恩畢諸貢士先詣府署二門埃主考以下至皆一揖讓

過隨入監試御史至二門內降輿主考副都統至堂下降輿治中通判迎於儀門外尹丞迎於堂檐下禮生引至香案前聽贊行三跪九叩禮畢簪花升堂和聲署樂作貢士序立階下北面再拜主考副都統監試監臨提調同考官答揖外簾執事府佐縣令以下各官均答拜畢府尹至堂檐下執事官授爵酌酒府尹南向揖酌酒三偕丞揖主考副都統監試官就位府佐揖同考官以下就位主考各官揖尹丞如之登歌鹿鳴之章酒三行饌再舉

吾學錄初編卷五 貢舉

燕畢復詣香案前行一跪三叩禮主考以下乘輿出送如迎儀○武鄉試揭曉翼日燕監射主考執事各官及武舉於順天府曰鷹揚燕儀與鹿鳴燕同歌詩亦同

謹案直省賓興現行儀注正副考官到省監臨官差官郊迎鼓吹儀仗導至公館不拜會共同考試官限八月一日到省至即入公所發監臨封條封門至月之六日監臨官朝服設入簾燕延考官學政至燕所同各官望

闕行三跪九叩禮。安正考官席於中左。副考官席於中右。監臨席於左。學政席於右。司道以下。以次入席。燕畢。同考官先赴貢院。次提調。次監試。次考官。監臨最後。至貢院。考官監臨升堂。司道以下各官相見畢。監臨送考官入簾。派定內外簾官。及執事文武各員弁。率提調等官祭魁星。行一跪三叩禮。內監試及同考官以次入。仍發監臨封條封門。三試畢。監臨出闈。揭曉次日。設鹿鳴宴於監臨署。考官監臨學政俱朝服。率中式諸生望闕謝。

吾學錄初編

卷五

貢舉

三

式諸生望

闕謝

恩行三跪九叩禮畢。諸生以次叩謝考官監臨學政。提調監試同考官。皆三叩。各官並答揖。安坐入席。笙歌鹿鳴之章。燕畢。諸生趨出。候考官學政各官過。揖送。又武鄉試揭曉次日。設鷹揚燕儀。注與文鄉試鹿鳴燕同。

新舉人

賞資○會典每中式一名。給旗扁銀二十兩。

會試盤費○會典奉天每名九兩十兩不等。山東額徵銀五百八十九兩。山西一千九百四十四兩。河南二千五百六十兩。江寧二百九兩。蘇州八百五十三兩。安徽二千八百四十三兩。江西一千六百四十八兩。福建五千九百六十七兩。湖北四千六百四十二兩。湖南二千六百二十一兩。陝西四千一百九十八兩。各有奇。俱按名數均勻攤給。浙江每名額給銀十兩。甘肅每名五兩有奇。四川每名四兩有奇。廣東每名十八兩。至三十兩有奇不等。

吾學錄初編

卷五

貢舉

四

謹案會典事例云。今廣東每名二十兩一錢七分。惟瓊州府每名三十兩。

廣西每名十二兩有奇。雲南貴州每名三兩。往來給驛馬一匹。

謹案會典事例云。嘉峪關以外士子。赴西安鄉試。及文武舉人進京會試。均照雲貴之例。給與驛馬。

驛馬

會試燕

附新進士

賞資

通禮揭曉翼日

賜有事各官燕於禮部以禮部尙書主席前期所司戒  
光祿寺庖饌至日露臺上望

闕設香案樂部和聲署陳樂於臺南禮部精膳司官  
朝服眠布席堂上東當後楹設總裁知貢舉副都  
統席西向西當前楹設禮部尙書侍郎席東向左  
右楹外席各三行同考監試御史叅領巡察外簾  
四所供給收掌各官席分行依次陳設南北相向  
又設鳴贊醫官監門巡綽等官席於露臺上左右  
吾學錄初編卷五 貢舉 五  
皆相向黎明總裁以下官朝服赴  
午門謝

恩畢齊集金水橋禮部官屬人請赴燕各官由東長安  
門詣部主席迎於堂檐下鴻臚寺官引詣香案前  
北面序立聽贊行三跪九叩禮畢揖讓升堂和聲  
署樂作儀制司官分表花幣光祿寺官舉壺酌酒  
授主席主席立堂檐下西面酌酒三迺揖總裁官  
就位正席獻爵少退揖總裁官答揖迺揖知貢舉  
副都統各就位光祿寺官分獻同考以下官酒總

裁官詣主席席前酢如獻禮各就席坐光祿寺官  
供饌燕畢各官起席徹鴻臚寺官復引詣香案前  
行一跪三叩禮主席送總裁官如初儀羣官各退  
○武舉會試徹闈燕有事各官於兵部儀與文會  
試同

新進士

賞資○會典坊價文進士一甲每名八十兩二甲三甲  
每名三十兩武進士每名十八兩文進士每名給  
表裏一端武進士每名給帽頂銀五兩一甲一名

吾學錄初編卷五 貢舉 六

文進士不給表裏加給朝服全事一甲一名武進  
士不給帽頂銀加給盔甲

恩榮燕

通禮

殿試傳臚翼日

賜燕於禮部曰

恩榮燕讀卷執事各官暨諸進士咸與燕前期禮部疏  
請

命大臣主席屆日望

闕設香案樂部和聲署陳樂。光祿寺具饌如禮闈儀。禮部精膳司官朝服。眠布席。主席大臣讀卷。官鑾儀衛使席當後楹。西向。禮部尙書侍郎席當前楹。東向。均專席。左右楹外。席各三行。左一行爲受卷官席。二行爲收掌官席。三行爲書榜官席。右一行爲彌封官席。二行爲監試官護軍參領席。三行爲印卷官席。供給官席露臺左。鳴贊官席露臺右。均相向。二人共席。一甲進士席於供給官之左。宗室進士席於一甲之左。二甲一名三甲一名進士席。

吾學錄初編卷五 貢舉

七

於宗室之左。均專席。北向。露臺下。二甲席於左。三甲席於右。均共席。左右相向。平明。諸進士吉服。先會禮部。各官朝服。會於金水橋。辰刻。禮部官屬入請赴燕。主席暨各官。由東長安門詣部。禮部尙書侍郎出迎於堂檐下。迺率諸進士。重行北面。聽贊。行三跪九叩禮。畢。升堂旅揖。和聲署樂作。主席爲一甲進士簪花。吏人分表金花於堂上下席間。序班引一甲進士詣堂檐下。東面立。諸進士序立露臺上。見主席官四拜。主席官答二揖。次見讀卷官。

禮部尙書侍郎鑿儀使。如前儀。次見執事官再拜。執事官均答揖。畢。主席出詣堂檐下。西面立。光祿寺官酌酒授爵。主席受爵。揖。酌酒三。光祿寺官以次授一甲進士酒。皆奉爵立飲。卒三爵。三揖。主席答揖。各官就位。諸進士咸就位坐。和聲署升歌。棫樸之章。光祿寺官行酒供饌如儀。燕畢。各官出席。率諸進士詣香案前行一跪三叩禮。席徹。衆官退。送如初迎禮。諸進士皆隨出。

會武燕

吾學錄初編卷五 貢舉

八

通禮武

殿試傳臚後。燕有事各官。暨諸進士於兵部。日會武燕。既入席。和聲署升歌。免置之章。餘儀與

恩榮燕同。

釋褐禮

會典。新進士詣太學釋褐。行釋菜禮。是日清晨。諸進士至集賢門外下馬。入持敬門。詣致齋所。贊引導由東角門入。詣階下。通贊贊排班。班齊。贊就位。行謁見禮。贊跪叩興。三跪九叩畢。通贊贊行釋菜。



禮。先師位。四配位前。均以一甲第一名主獻。哲位以一甲第二名第三名分獻。東西兩廡以二甲第一名三甲第一名分獻。其餘諸進士俱隨班行禮。儀與月朔釋菜同。禮畢。由西角門出詣致齋所。神庫前釋褐。候祭酒司業朝服升堂。諸進士由太學左門入。至階下序立。會入監者升露臺四拜。起立臺西末入監者。露臺下兩拜。祭酒司業俱坐受禮畢。一甲三名由堂東門入。執事者設食案於座前。祭酒司業下座。南面立。一甲三名面

吾學錄初編 卷五 貢舉 九

北立。執事者簪花斟酒。一甲三名向上揖。飲酒三爵。出祭酒司業送至堂門內。諸進士由堂西門入。本監屬官接待。簪花飲酒如儀。畢。送出堂檐下。重赴鹿鳴燕。

會典 乾隆甲午科。原任同知孟瑋。癸卯科。原任知縣康定。遇。已酉科。原任知縣賽璵。壬子科。原任知縣陳材。原任知縣邱德理。原任御史萬年。茂原任知縣嘉慶。丙辰科。原任知縣譚昌明。原任知縣石鵬。嘉慶。丙辰科。原任知縣馮浩。原任編修陳中龍。原任知縣嘉慶。丙辰科。原任知縣沈德馨。原任知縣徐績。加給。二品。原任知府丁卯科。原任宗人府承徐績。加給。二品。原任知府王行緒。原任鴻臚寺卿翁方綱。加給。

三品頂戴。原任侍講梁同書。加給。庚午科。原任侍講學士。原任鴻臚寺少卿羅典。加給。四品頂戴。原任知縣周春。加給。六品頂戴。原任知縣林培。由加給。六品頂戴。原任知府施奕學。加給。三品頂戴。原任知縣周鳴岐。加給。六品頂戴。

重赴瓊林燕。即恩榮燕。

會典 乾隆辛未科。原任詹事黃叔琳。加給。侍郎銜。庚辰科。史貽直。

庚戌科。大學士嵇璜。

博學鴻詞。

會典 康熙十六年奉。

吾學錄初編 卷五 貢舉 十

旨舉行。與試者一百四十三人。取列一等者二十人。彭孫燦。張烈。汪霽。喬萊。王頊。齡。李因。雋。秦松齡。周清原。

陳維崧。徐嘉炎。陸萊。馮勛。錢中。諧。汪楫。袁佑。朱彝尊。湯斌。汪。二。等。三十人。李來。泰。潘。未。沈。珩。施。閔。章。

沈筠。周慶會。尤。何。范。必。英。崔。如。岳。張。鴻。烈。方。象。瑛。

李澄。中。吳。元。龍。龐。壇。毛。奇。齡。錢。金。甫。吳。任。臣。陳。鴻。績。曹。宜。溥。毛。升。芳。曹。禾。黎。騫。

高詠。龍。變。邵。吳。遠。嚴。繩。孫。已仕者授翰林院侍讀。侍講。至編修。未仕者授檢討。其試前告病者。越。

傅。山。未取而年老者。王。方。毅。等。授內閣中書。聽其回籍。○

雍正十一年奉。

旨舉行。至乾隆元年。與試者一百七十六人。取列一等授。

編修者五人。劉綸潘安禮諸二等授檢討者五人。陳兆崙劉藻夏之授庶吉士者五人。楊庶汪沈廷。蔡周長發程恂。士璠齊。二年續考。取列一等授檢討者一人。萬松。二等授檢討者一人。張漢授庶吉士者二人。朱荃洪世澤。

會典乾隆十四年奉

旨舉行。至十六年。應舉者四十餘人。取列高等。以國子監

司業用者二人。吳鼎梁錫典。年老不能供職。授司業銜

者二人。陳祖范顧棟高。

吾學錄初編卷五 貢舉

召試

會典凡

巡幸所至。除現任京堂。及翰詹科道外。官府道以上之

親兄弟子姪。准其迎

鑾獻冊。不准應試外。其進士舉人。取列一等者。以內閣

中書補用。貢監生

特賜舉人。授內閣中書。學習行走。或

賞給舉人。一體會試。列二等者。給緞。或令充各館膳錄

○康熙四十二年。四十四年。兩次

南巡江浙。考取士子共七十三人。顧祖雍顧寧遠江泰來

周鼎錢元台董永朝陸淹顧嗣立沈經錢阿瑛

俊吳士玉許懋德鄒韻張位金王泰培王維淮

金聲王維漢鄒元斗吳景果潘秉均陳王諶郭順

吳學禮王綺吳光睿馮守禮王時鴻高不騫徐球

張果凌陸箕永楊士徽楊祖楫莊楷趙何敦杜詔

楊希曾儲在文吳元豐張宏敏劉上駟范聖文

維新于樹範于枋楊開沅張育徽邱起元楊楷方

田廣運宮懋諒楊夔周旋沈璣高

位張人受江宏文王敬銘吳襄

南巡。考取進士一人。孫夢。貢監生八人。謝塘陳鴻寶王又

吳煥褚寅亮吳志鴻。二十二年

南巡。考取進士一人。王。貢監生十人。童鳳三陳華組顧震

恒吳省欽褚廷璋吳寬徐日璉。二十七年

南巡。考取進士四人。孫士毅吳泰來。舉人一人。汪孟。貢監

生七人。沈初王鑾程晉芳趙文。三十年

南巡。考取進士二人。張培馮。舉人三人。吳壽昌鄭。貢監生

十人。陸費輝鮑之鍾金榜秦潮周發春。三十六年

巡幸山東。考取貢監生二人。初彭齡。三十八年

巡幸天津。考取舉人一人。杜光。貢監生四人。顧堃李廷敬

巡幸山東及天津。考取進士舉人共七人。實汝翼秦瀛邱

熈四十一年

戴衛亨 貢監生六人 萬年方起莘張曾太 四十

五年

南巡考取舉人一人 汪履 貢監生十六人 馬履 秦沈 吳李

復洪梧趙懷玉楊揆董教增朱文翰盛悖 四十九

年

南巡考取進士一人 莊選 貢監生二十人 張師誠 費錫章

召揚鄭宗洛黃文輝汪彥博司馬直葉銓孫一元

承龍譚光 五十二年

巡幸天津考取舉人一人 陳煜 貢監生三人 王蘇 王芑 五十

吾學錄初編 卷五 貢舉

五年

巡幸山東考取貢監生二人 杜璠 程 五十九年

巡幸天津考取舉人一人 姚文 嘉慶十三年

巡幸天津考取貢監生六人 龍汝言 齊彥槐 唐人 最 十六

年

巡幸五臺考取舉人三人 龍汝言 張斐 貢監生六人 李堂

百里段可傳郝臺 然楊鎮源 以上皆取列一等授內閣中書

及

賞給舉人者

欽賜舉人

會典有以勳舊子孫而

賜者 雍正七年 蔣廷錫 子 溥 錫 會 鈞 子 璜 唐 執 玉 子 少

奇子倫 楊汝毅 子 綬 繆 沉 子 樓 張 大有 子 鳴 運 涂

天相子士炳 王龍子 謝 升 劉 聲 芳 子 俊 乾 隆 二 十

五年 汪由敦 子 承 霽 二 十 七 年 梅 致 成 子 鈺 三 十

年 沈德潛 錢 陳 羣 之 幼 子 各 一 人 王 安 國 子 念 孫

蔡世遠 子 長 訥 邵 基 孫 洪 四 十 年 裘 日 修 子 行 簡

四十一 年 方 觀 承 子 維 甸 四 十 四 年 劉 統 勳 孫 銀

之 王 際 華 子 朝 梧 嘉 慶 四 年 從 典 孫 玉 麟 李 光 地 孫 維

五年 朱珪 孫 涂 六 年 田 從 典 孫 玉 麟 李 光 地 孫 維

翰 王 熙 曾 孫 元 洪 吳 興 四 世 孫 沉 楊 名 時 曾 孫 景

會 魏 象 樞 六 世 孫 煜 湯 斌 四 世 孫 念 曾 徐 士 林 孫

從 旭 潘 思 榘 孫 福 寶 八 年 蔡 新 子 本 份 十 一 年 裘

行 簡 子 元 善 十 四 年 荆 道 乾 孫 焯 十 六 年 戴 衛 亨

子嘉 有以辦公出力而

賜者 雍正七年 連州生員 陳錫等 四人 乾隆十八年 在

內廷行走之監生 徐揚 楊瑞 連 四十七年 在

旨賞給舉人 年屆八十之廩增附貢監生

賞給副榜 如前科已給副榜者 毋庸再行加恩 會試後

年屆八十以上之舉人。

賞給學正銜者。准其會試。給檢討銜者。不必會試。如前

科已有

賞銜。下科仍在八十以上。亦毋庸再行加恩。其九十五歲以上者。給編修銜。百歲以上者。給司業銜。

欽賜進士

〔會典〕有以勳舊子孫而

賜者。乾隆十七年梁詩正。同書五十四年李世傑。孫再瀛。嘉慶四年蔡新。子本俊。六年蔡新孫行達。

有以學問優長而

吾學錄初編卷五 貢舉

賜者。康熙四十二年汪灝。何焯。蔣廷錫。六十年王蘭生。留保。雍正八年顧天成。盧伯蕃。四十二年吳省蘭。張義。

皆與本科進士一體

殿試。

世襲博士

〔會典〕聖賢後裔。惟孔氏設太常博士一人。其設五

經博士者。孔氏二人。東野氏。姬氏。皆周公後顏氏。曾氏

孟氏。閔氏。仲氏。有氏。端木氏。卜氏。言氏。冉氏。耕冉

氏。雍顓孫氏。各一人。關氏。三人。韓氏。周氏。邵氏。二

程氏。張氏。各一人。朱氏。二人。伏氏。一人。其山東孔

氏五經博士。主子思子祀。以衍聖公次子襲太常

博士。主聖澤書院祀。以衍聖公第三子襲。浙江西

安孔氏博士。與各氏博士。均由嫡長子孫襲。有故

准以嫡次子孫繼襲。其承襲博士。在山東者。由衍

聖公咨送。在各省者。由督撫咨送。

孝廉方正

〔會典〕直省督撫。轉飭府州縣衛。保舉孝廉方正。所

舉。或係生員。會同學政。教官。考察。督撫覈實具題。

其樸實拘謹。無他技能者。給以六品頂戴。有才德

吾學錄初編卷五 貢舉

兼優。逾格保薦者。送部考試。請

旨簡用。

山林隱逸

〔會典〕直省地方。有才品優長。山林隱逸之士。著該

督撫具奏。酌與錄用。

舉 人黃本驥編次

戶部郎中陳傳均 同校

詹事府詹事吳彌光

吾學錄初編卷五終

吾學錄初編卷六

聖祖皇帝御製萬壽聖訓  
聖祖皇帝御製萬壽聖訓

戎政門

講武

〔通禮〕直省講武。以督撫提鎮爲闈帥。每歲季秋霜降日。申令本標弁卒。校閱於演武場前一日。各營將弁肅隊伍。赴校場。豫立軍幕。屆日黎明。軍士環甲列陣。中軍建大纛於場正中。闈帥以牲醴致祭。行二跪六叩禮。中軍以下將士均隨行禮畢。軍門

吾學錄初編卷六 戎政

鼓吹。節鉞前導。闈帥徧閱行陣。還登將臺。升帳。儀衛左右分列。諸將環甲侍臺下。中軍詣帳前。上行陣圖式。請令操兵。迺舉旗麾衆合操。臺下舉礮三。軍中鳴角擊鼓。步騎甲士聞鼓聲。依式前進。鳴金則止。行陣中施放鳥鎗。連環鎗。並如

京營之製。餘若長槍。藤牌。刷刀。短兵之屬。各因其地之宜。以教士卒。皆有成法。其爲陣有正有變。每變陣。旣將臺號。纛爲指麾之節。臺上鳴角三。軍中迺鳴金振旅而還。閱畢。試材官將士騎射技勇。申明

賞罰。犒勞軍士。各釋甲歸營伍。漕運河道總督。屆期訓練本標弁卒。亦如之。八旗水師操防之畧。練

習於四時。其出洋信候。直省不同。每歲春秋季月。

或夏秋之季。遇潮平風正日。乘戰艦列陣。張颿馭

風。鳴角發礮。具如軍律。將軍都統副都統親臨校

旣。綠旗水師訓練亦如之。駐防將軍都統副都統

訓練八旗弁卒。及演礮。如

京營之制。

巡閱

巡閱

吾學錄初編卷六 戎政

〔會典〕綠營總兵於所轄各營。歲一閱。提督於所轄

及節制各標營視地方遠近。或歲一閱。或閒歲一

閱。或三歲一閱。臺灣營伍。由將軍總督巡撫。及水

師陸路兩提督。輪往巡閱。各省復定爲分年查閱

之法。由部開列領侍衛內大臣都統。及滿洲大學

士尙書侍郎奏請

欽派。直隸山西一人。陝西四川一人。甘肅一人。爲一年。

湖北湖南一人。雲南貴州一人。爲一年。福建浙江

一人。廣東廣西一人。爲一年。山東河南一人。江蘇

安徽江西一人爲一年。四年而徧。或卽令該督撫查閱並候

欽定其奉

旨命督撫查閱者有總督省分歸總督辦理。總督與巡撫隔省。一時難於徧歷者會商請

旨提督查閱之年。總兵停止查閱。督撫查閱之年。提督總兵停止查閱。如

欽派大臣查閱。則總督巡撫提督總兵並停止查閱。軍令

吾學錄初編 卷六 戎政

三

會典營兵平時皆令講習軍令。務使將弁時時指導兵丁。人人通曉。○雍正九年頒刻行軍規制四十條。一戰陣之際聽掌號擊鼓鳴金爲進止。聞鼓不進。聞金不止者。斬。○一遇敵進戰。有回顧畏縮。交頭接額私語者。斬。○一專司掌號擊鼓鳴金之人。聞令卽掌號擊鼓鳴金。令止卽止。違者八旗兵鞭四十。綠旗兵棍責三十。臨陣時違令者。斬。○一大將軍密傳軍令。轉傳之人。私自增減要言。併將疑似法令添造者。斬。○一大將軍授緊密軍令。其

人私告他人。以致宣揚誤事者。斬。○一官兵殺傷良人冒功者。斬。○一將他人戰功冒爲己功。及誑稱實在効力。將無作有。以輕報重者。斬。○一沿途欺壓民番。恃強買賣。掠財物。毀房屋。姦婦女者。皆斬。○一指稱夢見鬼神。造言惑衆者。斬。○一兵丁中途染病。該管委署護軍校領催紅旗管隊。同護軍校驍騎校千總把總驗確。稟明該管官。令醫調治。如不驗看醫治。委署護軍校領催鞭五十。紅旗管隊棍責四十。護軍校驍騎校千總把總插箭。如

吾學錄初編 卷六 戎政

四

兵丁詐病偷安者。斬。○一大將軍與同官密議軍情。有私行竊聽者。斬。○一差往探聽形勢之人。畏縮不往。詭稱已去。及探聽不實。貽誤軍機者。斬。○一收獲逸馬。隱匿私乘。不給還馬主者。八旗兵鞭五十。綠旗兵棍責四十。仍插箭游營。有獲馬私宰。或售與他人者。皆斬。○一臨陣竊馬潛逃者。斬。梟首示衆。在劄營地方犯者。八旗兵鞭一百。綠旗兵棍責八十。○一劄營地方輪班坐卡。嚴肅訪查。夜遇緊急。卽遞稟申報。設備以俟。有驚怖喧譁。擾動

散走以致亂營者斬。○一私語嗟怨長吁短嘆者八旗兵鞭七十。綠旗兵棍責六十。責後復犯並臨陣時故違者斬。○一黑夜無故驚呼疾走致亂營伍者斬。白晝犯者八旗兵鞭五十。綠旗兵棍責四十。○一面承該管官諭令辭色傲慢者八旗兵鞭五十。綠旗兵棍責四十。有意抗違致誤軍機者斬。○一疎防失火燒毀草廠者八旗兵鞭一百。綠旗兵棍責八十。如係對敵要地失火燒毀者斬。○一失火致燒衣服器械者八旗兵鞭五十。綠旗兵棍

吾學錄初編卷六 城政

五

責四十。如係存貯火藥地方失火者八旗兵鞭一百。綠旗兵棍責八十。該管護軍校驍騎校千總把總委署護軍校領催紅旗管隊皆插箭遊營臨陣時軍營失火以致誤事者兵丁及該管委署護軍校領催紅旗管隊皆斬。○一兵丁夤夜夢魘旁人即行喚醒如隨聲應和擾及營伍者八旗兵鞭七十。綠旗兵棍責六十。該管委署護軍校領催紅旗管隊插箭遊營臨敵營犯者皆斬。○一管守營門縱人擅入者八旗兵鞭七十。綠旗兵棍責六十。臨

敵時犯者斬。○一差往偵探之人遇賊投誠不行稟報者八旗兵鞭七十。綠旗兵棍責六十。不將投誠人解送該管官以致復行逃散者八旗兵鞭一百。綠旗兵棍責八十。因而洩漏軍中虛實者照洩漏軍機例治罪。○一大兵進剿敗賊後不奉大將軍令擅奪取車馬輜重者插箭遊營因而擾亂營伍者斬。○一倚強欺弱酗酒為非不遵約束輕者鞭責重者插箭。○一營內所挖井泉不許污穢其飲馬泉水不許馬匹踐踏違者八旗兵鞭一百。綠

吾學錄初編卷六 城政

六

旗兵棍責八十。○一支領口糧混行拋棄狼籍者八旗兵鞭一百。綠旗兵棍責八十。該管委署護軍校領催紅旗管隊不呈報者插箭。○一兵行不按隊伍左右參差混行以致踐踏路旁好草者八旗兵鞭一百。綠旗兵棍責八十。劄營時牧放馬駝牛羊縱令蹂躪者八旗兵鞭一百。綠旗兵棍責八十。仍插箭遊營該管官插箭。○一兵丁押運軍糧在途私竊升合或竊同行兵口糧及損傷盛米布袋致多虧折者八旗兵鞭一百。綠旗兵棍責八十。

○一撒袋腰刀皮繩不行收拾牢固以致遺失並應帶軍械不隨身攜帶者八旗兵鞭一百綠旗兵棍責八十。該管委署護軍校領催鞭四十。紅旗管隊棍責三十。護軍校驍騎校千總把總插箭○一兵丁路見刀箭等物卽行拾取稟明該管官查問給還。如見物不拾並拾取不行給還者八旗兵鞭四十。綠旗兵棍責三十。仍插箭遊營○一並無緊急事件。私行馳馬者八旗兵鞭五十。綠旗兵棍責四十。○一兵行各按隊伍行走。後隊不得越過前

吾學錄初編 卷六 戎政

七

隊違者八旗兵鞭五十。綠旗兵棍責四十。仍插箭遊營○一劄營後各帳房內出一人看藍旗出則取薪。黑旗出則取水。有便溺者守門官兵驗明照牌准其出入。起更後非奉差不准出營。違者八旗兵鞭四十。綠旗兵棍責三十。該管委署護軍校領催紅旗管隊不嚴行約束者插箭○一夜傳軍令怠慢不遵。及巡查坐堆。偷安眠睡。以致誤更曠班者。八旗兵鞭一百。綠旗兵棍責八十。管隊不行查報者。八旗兵鞭五十。綠旗兵棍責四十。臨陣時犯

者斬○一兵丁在該管官前妄行動作。驕慢無禮者。耳鼻插箭遊營○一所帶火藥不加謹收貯。以致潮濕不能著火。及攜帶行走時玩忽拋撒。併應用時任意糜費者。八旗兵鞭五十。綠旗兵棍責四十。該管紅旗管隊插箭遊營。如有遺失火藥者。八旗兵鞭一百。綠旗兵棍責八十。該管委署護軍校領催紅旗管隊插雙箭遊營○一鉛彈務按鎗口大小。如式製造。如鉛彈不合鎗口。係平日演放查出。八旗兵鞭五十。綠旗兵棍責四十。仍插箭遊營

吾學錄初編 卷六 戎政

八

該管委署護軍校領催紅旗管隊插箭遊營。護軍校驍騎校千總把總插箭。臨陣時將不合鎗口鉛彈濫用者。兵丁立斬。該管委署護軍校領催鞭一百。紅旗管隊棍責一百。護軍校驍騎校千總把總插箭遊營。營總叅領叅將守備記大過一次○一馬駝牲畜不遵照傳檄。如法吊騰。乘時收放者。八旗兵鞭一百。綠旗兵棍責八十。該管護軍校驍騎校委署護軍校領催守備千總把總插箭○一沿途所遇水泉飲馬時。挨次往飲。毋許爭先壅塞。有



故意違犯。以致踐踏污穢者。八旗兵鞭一百。綠旗兵棍責八十。○乾隆十三年復定軍令三條。一統兵將帥。玩視軍務。苟圖安逸。故意遲延。不將實在情形具奏。貽誤國事者。斬立決。○一將帥因私忿媚嫉。推諉牽制。以致糜餉老師。貽誤軍機者。斬立決。○一身為主帥。不能克敵。傳布流言。搖惑衆心。藉以傾陷他人。致誤軍機者。斬立決。○四十九年頒行軍紀律十條。一兵丁隨征勦賊。俱應奮勇直前。其見賊退走者。不過各惜身命。心懷畏怯。試思

吾學錄初編 卷六 戎政 九

臨陣退走。律應斬首示衆。若能殺賊立功。必蒙陞賞。卽或陣亡。

國家自有卹典。子孫俱得邀

恩。兵丁等與其臨陣畏葸。難逃

國法。何如爭先殺賊。奮不顧身。况勇往嚮前。未必卽

死。一經退後。斷不得生。此理甚明。該管將備等。平

時將此諄切告誡。務令兵丁等。咸知大義。臨陣時

自必勇氣百倍。可期殺賊立功。○一鳥鎗弓箭。最

爲行軍利器。若臨陣時尙未見賊。遽將鎗箭施放。

及至交戰。火藥箭枝俱已用完。無以禦敵。卽同束手待斃。關繫甚重。凡領兵將備。平日務須時加講習。令兵丁於臨陣遇賊。鎗箭可及之地。不先不後。一齊施放。庶隨聲應手。皆獲實用。○一行軍攜帶軍裝火藥。俱在帳房收貯。毋令潮濕。卽或途中遇雨。亦須嚴密遮護。庶遇賊緩急可用。凡帶兵將備等。須嚴加曉諭。勿致潮濕。或需烘烤。以致臨時貽誤。至弓箭槍刀等項。平時尤須修整堅利。不得廢弛。○一臨陣對敵。儻遇將領受傷。隨從兵丁。更當

吾學錄初編 卷六 戎政 十

奮勇直前。竭力救護。若兵不顧將。各惜身命。觀望退阻。最爲惡習。亟應申明軍紀。俾衆知悉。凡有將領受傷。兵丁不卽時救護。竟至潰敗脫逃者。卽查明按名處斬。其能奮勇保護者。卽議功優賞。以示鼓勵。該管將備等。平日尤當愛恤士卒。臨時賞罰公平。庶兵將同心合力。所嚮無敵。○一兵丁對敵乘勝追趕。刻不容遲。若貪搶賊人遺棄財物。以致賊衆逃遁。貽誤不小。該將備等於領兵臨陣時。務須通行曉諭。違者卽依律治罪。庶兵丁等

各知儆畏。○一營卡最關緊要。凡領兵將備等。務須嚴飭坐卡兵丁。輪班防守。畱心偵探。毋得怠惰。偷安。卽探察有事。只須選派明幹一二人。密行飛稟。餘仍嚴守坐卡。毋許輕動。無事時不許高聲叫喊。致亂營規。違者俱照軍法處治。○一兵丁遇有調撥。當恪守軍令。卽時進行。如敢騷擾地方。欺壓良民。蹂躪田禾。搶掠財物。卽應按律從重治罪。該管將備等。平日加意教誡。臨時尤當嚴行約束。無許違犯。○一兵丁奮勇殺賊。應予獎賞。但恐希圖

吾學錄初編卷六 戎政

十一

冒功。任意朦混。不可不豫爲防範。凡軍法將他人戰功。冒爲己功。及誑稱實在効力。將無作有。以輕報重者。斬。該管將備等。應隨時曉諭。親自稽查。俾立功者得賞。冒功者治罪。以期覈實。○一行軍馬駝。最宜愛惜。凡兵丁等收放。須揀擇水草。弔懸。須按照時候。遇有疲乏。加意調養。夜間尤宜小心看守。遇有遺失。須立時尋獲。所挖井泉。不許污穢。飲馬各挨次序。毋許爭先。以致壅塞。如有違犯。立卽重懲不貸。○一劄營後巡邏防守。毋得疎懈。夜間

不許無故行走。帳房內更須小心火燭。遇有警報。靜聽將令。不得輕舉妄動。若奉有密令。須各自遵守。毋得私相漏洩。該領兵將備等。尤宜申明號令。隨時曉諭。不得疎懈。○五十二年復增定軍令一條。一用命者賞。不用命者戮。而臨陣之時。賞罰尤貴嚴明。若有兵丁恇怯。畏賊退縮者。領兵大員立時誅戮數人。其餘弁兵。知所畏懼。不惟不敢退縮。轉可奮勇爭先。

敘功給賞

破陣○攻城○奪舟○招降

吾學錄初編卷六 戎政

十一

十一

破陣○會典天兵所到。或敵人掘塹樹柵。排列旌牌。或大列陣勢相敵。我兵攻戰。敵兵不動。有能超衆前進。衆皆隨後。敗敵者。首進一人。第二人。第三人。皆敘功給賞。八旗執纛人首進者。亦敘功給賞。次進再次進者。祇給賞。如官兵前進。將及十人。執纛人續進者。第一執纛人仍給賞。齊力交鋒之際。有能於本旗本營之前。超衆前進。一旗一營。隨後克敵者。八旗三人。綠營二人。皆敘功給賞。八旗執纛人首進者。亦敘功給賞。次進再次進者。祇給賞。

如前進將及十人執纛人續進者第一執纛人亦給賞。

攻城○會典攻城之功以城之大小別為四等。府城為一等。州城為二等。縣城為三等。衛所城為四等。城。八旗攻城之功。惟別為三等。衛城與州城同。所城與縣城同。又各以攻城之難易別為五等。敵兵方眾。我兵艱苦攻克者為一等。敵兵雖眾。領兵將帥相機設謀。我兵不甚艱苦攻克者為二等。敵兵雖寡。守禦猶堅。我兵艱苦攻克者為三

吾學錄初編

卷六

戎政

七

等。敵兵既寡。領兵將帥相機設謀。我兵不甚艱苦攻克者為四等。敵兵甚少。猶敢抗拒。我兵攻克者為五等。如敵眾據寨築塚。我兵勞力攻克者。量其寨之大小。作為城之等第。凡敘登城之功。二等城之一等功。與一等城之二等功同。二等城之一等功。與一等城之三等功。二等城之二等功。與一等城之一等功。二等城之三等功。與一等城之二等功。二等城之四等功。與一等城之三等功。二等城之五等功。與一等城之四等功。三等城之一等功。與二等城之一等功。三等城之二等功。與二等城之二等功。三等城之三等功。與二等城之三等功。三等城之四等功。與二等城之四等功。三等城之五等功。與二等城之五等功。

同。二等城無五等功。三等城無四等以下功。四等城無三等以下功。凡用雲梯登城者。一等功八旗敘六人。緣營敘五人。二等功均敘四人。三等功均敘三人。四等功均敘二人。五等功均敘一人。八旗領戰官指示官射箭官各敘功。緣營領戰官皆敘功。指示官四等以上敘功。五等者不敘。給賞以城之等第為差。八旗克府城者賞五人。州衛城四人。縣所城三人。領戰指示射箭各官。及運雲梯人皆給賞。緣營克府城者賞五人。州城四人。縣衛所城

吾學錄初編

卷六

戎政

西

俱三人。用礮攻克者。八旗照雲梯攻城例。減一等議敘。賞給不論府州縣衛所均賞三人。管礮官每礮一人敘功。領戰官指示官及礮手皆給賞。如掘陷城垣者。八旗督掘官。視首登雲梯人。前鋒校護軍校。驍騎校。視末等人。兵視運雲梯人。各給賞。其因礮攻缺。及掘陷登城者。奪門入城者。八旗三人給賞。領戰官指示官皆給賞。緣營先登一人敘功。領戰官亦敘功。

奪舟○會典水戰有能躍入敵船。敗眾奪獲者。按

船大小分爲三等。一等船八旗五人。綠營四人。二等船八旗四人。綠營三人。三等船八旗三人。綠營二人。敘功給賞。其躍入平常船。八旗亦三人。敘功給賞。八旗領戰官同戰官及前鋒校護軍校驍騎校照所奪之舟。分別敘功給賞。綠營領戰官同戰官均敘功。礮手以礮沈舟者。按舟數多寡。分別敘功給賞。其空船小船及敗走之船。不在此例。

招降○會典八旗統兵大臣。招撫兵船城寨者。各分爲六等。招撫王城或船八十隻。兵三千五百名。

吾學錄初編卷六 戎政

五

以上者爲超等軍功。招撫一等城或船七十隻。兵三千名以上者爲一等軍功。招撫二等城或船六十隻。兵二千五百名以上者爲二等軍功。招撫三等城或船五十隻。兵二千名以上者爲三等軍功。招撫四等城或船四十隻。兵一千五百名以上者爲四等軍功。招撫有名寨崖或船三十隻。兵一千名以上者爲五等軍功。其叅贊之都統統領副都統及分發將領並遣往頭目與事等官。均予議敘。謹案滿洲兵分鑲黃正白鑲白正藍正黃正紅

鑲紅鑲藍八旗。漢兵統名綠旗。

國初定八旗之色。以藍代黑。黃白紅藍。各位於所勝之方。惟不備東方甲乙之色。及

定鼎後漢兵令皆用綠旗。是爲綠營。綠營兵在京屬巡捕

五營。在十有八省者。總督所屬爲督標。巡撫所

屬爲撫標。提督所屬爲提標。總兵所屬爲鎮標。

成都將軍所屬爲軍標。直省各將軍。惟成都福州廣州所屬有綠營兵。

福州廣州。河道總督所屬爲河標。漕運總督所

屬爲漕標。分其治於副將爲協。叅遊都守爲營。

吾學錄初編卷六 戎政

六

千把外委爲汛。以慎巡守。以備徵調。

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷六終

吾學錄初編卷七

羅重慶奏請纂修高麗通志等語奉旨著纂修高麗通志吳榮光恭述

仕進門

出身 吏部文選 ○ 兵部武選

吏部文選 ○ 會典分出身之途。官之出身有八。曰

進士。文進士。滿洲蒙古。繙譯進士。曰舉人。文舉人。滿洲蒙古。繙譯舉人。漢軍武舉。

曰貢生。恩貢生。拔貢生。副貢生。曰廩生。恩廩生。曰監生。恩監生。優監生。曰生員。文生員。滿洲蒙古。繙譯生員。漢軍武生。

曰官學生。八旗官學生。義學生。曰吏。承書吏。承差。

吾學錄初編卷七 仕進

典吏。無出身者。滿洲蒙古漢軍曰閒散。拜唐阿親軍。領催馬甲。就文職。軍領催馬甲。就文職。漢曰俊秀。武生行伍。就文職。者。出身與閒散同。

各辨其正雜以分職。○文進士文舉人出身者。亦

謂之科甲出身。與恩拔副歲優貢生恩優監生廩

生為正途。其餘經保舉者。亦同正途出身。旗人並

免保舉。皆得同正途出身。其有仍視出身者。如滿

洲翰林院編修檢討。皆進士出身。侍講以上官國

子監祭酒及滿洲司業。順天府教授訓導。皆科甲

出身。其他出身人員。皆不得與。又考取中書筆帖

式閒散出身者不與考。漢內閣學士翰林院檢討以上官詹事府贊善以上官國子監祭酒司業奉天府丞皆進士出身。禮部尚書侍郎順天府丞內閣侍讀典籍中書國子監監丞博士助教學正學錄。

起居注主事皆科甲出身。漢吏部禮部郎中員外郎主事宗人府主事皆進士出身。惟吏禮二部七品小京官。雖拔貢出身。亦准陞本部司員。其業經陞降出部者。即不復至吏禮二部。學政及考官同考。

吾學錄初編卷七 仕進

官皆進士出身。漢科道皆正途出身。其非正途出

身者。雖經保舉不與。教職除進士舉人正途貢生

外。其例貢生非由廩膳生員者不與。非監生出身

但由俊秀捐輸得官者。止授從九品未入流。其以

醫祝僧道出身者。各授以其官。而不准遷轉他途。

謹案吏部現行則例。滿國子監祭酒缺出。將應

陞人員。注明翰詹俸次。及進士舉人。請

旨簡用。侍講洗馬中允贊善及司業缺出。先儘內班。

檢出身者。之翰詹陞用。內班無人。始用外班。檢出身

者外班先儘應陞之庶吉士出身人員次儘進士出身人員再用舉人出身人員故會典云皆科甲出身也又漢御史缺出由郎中員外郎內閣侍讀翰林院編修檢討保送考選如非進士舉人恩拔副歲優貢廩生出身不准考選廩生捐貢及在京三品以上與總督巡撫子弟俱不准考選其有由科道降補部屬及捐復改補部屬並由科道陞任後仍因科道職掌緣事降至部屬等官均不准再行保送如非因科道任內

吾學錄初編卷七仕進

三

事故降者仍准保送凡初次未經記名並年逾六十五歲或歷俸未滿三年之員俱不准保送蓋科道正途出身只有進士舉人恩拔副歲貢及廩生也

舉人分發試用未補實缺而捐升京職及由國子監助教降調候補學錄又由教諭降調捐復者均准其會試中書通政司經歷等官由知縣推陞或由六部司員降補及現任知縣奏改教職之舉人出身者均不准會試

兵部武選○會典凡武職官出身曰世職世爵公騎尉以上皆准按品補授武職是曰世職又八旗散秩大臣佐領及陵寢防禦有世襲者亦曰世職曰武科武舉曰廩生武職官難廩有四品廩生無品級廩生恩廩生改武者公侯伯文武一品官所廩為四品廩生文武二品官除布政使總兵副將外所廩亦為四品廩生布政使總兵及文三品官之副都御史通政使大理寺卿按察使所廩為五品廩生副將為從五品廩生文武三品官除副都御史通政使大理寺卿按察使外所廩為六品廩生文武四品官所廩為七品廩生八旗子爵所廩為七品廩生男爵所廩為八品廩生漢子爵所廩照四品官授職各以其等其由兵丁拔補者不以出身限○各營馬步守兵有取進武生

吾學錄初編卷七仕進

四

者仍准畱伍食糧其年逾三十技藝可觀之武生有願入伍者聽皆於操防之暇赴學考課鄉試入闈與取進武生一體由學政錄送

官階文官品級○命婦封號武官品級○文官封階○武官

文官品級○會典凡中外之文官其級十有八曰

正一品太師○太傅○太保○大學士○從一品○少師○少傅○少保○太子太師○太子太傅○太子太保○協辦大學士○正二品

尚書○都察院左都御史○右都御史○正三品

太子少師○太子少傅○太子少保○總督○侍郎○從二品○巡撫○內閣學士○布政使○正三品○御史○宗人府府丞○通政使

院學士○都察院左副都御史○右副都



武官品級 ○會典凡中外之武職其級十有八曰

正一品領侍衛內大臣從一品內大臣蒙古軍都統

○提督九門巡捕五營步軍統領正二品鑾儀衛使

八旗護軍統領○鑾儀衛使○正三品一等侍衛

都統○從二品散秩大臣正三品軍使○火器營

翼長○委署翼長○健銳營翼長○委署翼長

步軍翼尉○包衣護軍統領○圓明園護軍營

營總管○烏鎗營總管○前鋒參領○護軍參領

營總管○察哈爾總管○圍場總管○黑龍江水師

參將○從三品參領○包圍包衣騎營總領○包衣護軍

軍參領○副驍騎參領○副護軍參領○副驍騎參領

知正四品前鋒參領○副護軍參領○副驍騎參領

軍協領○吉林黑龍江參領○遊擊○宣慰使○指

防翼尉○一等護衛○雲麾使○前鋒侍衛○副

翼長○副驍騎參領○副護軍參領○副驍騎參領

達布遜諾爾達里陵寢司工匠○圍場翼長○商都

龍江管水手四品官○司儀長○都司○指揮

事司同知從四品城門領○包衣副驍騎參領○包

儀○察哈爾副參領○包衣副驍騎參領○包衣佐領

品○二哈爾副參領○包衣副驍騎參領○包衣佐領

○陵口守禦○分守○吉林黑龍江管水手五品

官○宣撫使司同知○千戶○從五品四等侍衛

領○委署護軍參領○委署烏鎗護軍參領○委

署前鋒侍衛○下五旗包衣參領○五品典儀

印務章京○安撫使○招討使○宣撫使司副使

副千正六品藍翎侍衛○烏鎗護軍校○騎

騎校○委署步軍校○吉林黑龍江管水手六品

官○門千總○副招討使○長官司○百戶

使司同知○副營千總○長官司○百戶

從六品內務府千總○安撫使司副使正七品城

吏領○恩騎尉○衛千總○安撫使司副使正七品城

協領○七品廕監○盛京游牧副使○安撫使司

長官司從七品尉○盛京游牧副使○安撫使司

署護軍校○委署驍騎校正九品各營藍翎總從

九品太僕寺馬場委署世爵伯以上為超品三等

公一三等均不以品計土官百長以下不列品土舍

不入品級

文官封階 ○會典凡文官之階十有八曰光祿大

夫正一榮祿大夫從一資政大夫正二通奉大夫

從二通議大夫正三中議大夫從三中憲大夫正

品朝議大夫從四奉政大夫正五奉直大夫從五

吾學錄初編 卷七 仕進

吾學錄初編 卷七 仕進



承德郎正六品儒林郎從六品吏員出文林郎正七品吏員出身者徵仕郎從七品修職郎正八品修職佐郎從八品登仕郎正九品登仕佐郎從九品○二甲進士之進士庶吉士照從七品六部七品小京官各衙門七八九品筆帖式欽天監八九品天文生各照正七品正八品正九品曲阜執事官本身有實銜者即按實銜給封無實銜之貢監生童所充執事官無論品級均以八品給封

武官封階○會典凡武官之階十有八曰建威將軍正一品公振威將軍從一品武顯將軍正二品武功將軍從二品武義都尉正三品武翼都尉從三品昭武都尉正四品宣武都尉從四品武德騎尉正五品武德佐騎尉從五品武畧騎尉正六品武畧佐騎尉從六品武信騎尉正七品武信佐騎尉從七品奮武校尉正八品奮武佐校尉從八品修武校尉正九品修武佐校尉從九品

吾學錄初編卷七仕進九

命婦封號○會典凡命婦之號九曰一品夫人公妻二品夫人侯妻三品夫人伯妻四品夫人子妻五品孺人公妻六品孺人侯妻七品孺人伯妻八品孺人子妻九品孺人公妻自一品至九品不分正從文武同八品九品封典

會典凡覃恩予封者本身為授曾祖父母祖父母父母及妻存者為封歿者為贈五品以上官授

誥命六品以下官授勅命○凡官九品而上予以其身之階八品九品官給勅命七品而上逮其父母及其妻四品五品官給誥命六品七品官給勅命三品而上逮其祖父母二品三品官給誥命一品逮其曾祖父母一品官給誥命四軸○外官照現任之級給封如陞任改任奉

吾學錄初編卷七仕進十

旨在前者雖未到任亦准給封其借補官如知縣借補州之類准照原銜給封京官改任陞任如外官之制其額外行走郎中員外郎主事等官係奉旨分發者皆准給封○京官准照加給請封未入流有加級者亦准給封恩詔內有加級者即照新加之級給封加級多者三品四品官不得踰二品五品六品官不得踰四品七品官不得踰五品八品以下官不得踰七品其捐

輸得級者不准計算。外官不准照加級請封。○凡封妻者。嫡

妻繼妻皆封。再繼者不封。封者合於其身之軸。封

母者嫡母繼母生母皆封。出母守志不嫁者亦准

給封。皆合於其父之軸。封曾祖母祖母母存者加

太字。如一品曰一品太夫人。二品曰二品太夫人。類。已歿不加太字。或其

夫尚存亦不加太字。○賜封各以其情請得。

旨則停其身與妻之封而予之。八九品官不得賜封。祖

父母四五六七品官不得賜封。曾祖父母二三品

官不得賜封。高祖父母一品官亦不得賜封。高祖

吾學錄初編 卷七 仕進 十一

父母。其本宗惟伯叔祖父母伯叔父母兄嫂及庶

母。外姻惟外祖父母。皆准賜封。此外不准。為人後

者所後祖父母父母。已封贈者准賜封。本生父母

及本生祖父母。八九品官不封。本身令賜封。父母

其父有官。或已受他子封贈者。乃給本人之封。○

凡階大者得加於小。小者不得加於大。如子孫同

仕。祖父封贈。從其階之大者。婦人封贈。夫與子孫

皆有官。亦從其品之大者。文武官現任者。皆不給

以子孫之封。已受子孫之封者。不准出仕。其願棄

職就封。及註銷封典出仕者聽。○凡請封以

詔下後二年為限。踰限者不准給。候補候選官。及議敘

官生。分發部院學習之郎中以下官。皆不給封。守

制終養。及因省親修墓改葬告假之官。仍照原官

品級給封。其告假在

詔前者不准給。

詔後緣事降調者。仍准給封。至革職則不准。以京察大

計降者亦不准給。若復職在二年限內者。仍准補

給。其曾祖父母祖父母父母。曾犯罪至十惡者。妻

吾學錄初編 卷七 仕進 十二

非禮聘室女。皆不給封。如因失誤軍機及貪污者

追奪

誥

勅。其因公註誤。及別項革職者。免其追奪。婦人因夫與

子得封者。不許再嫁。違者追奪其封。改嫁後所出

子孫亦不准請封。

世爵

會典。凡世爵之位。九世襲罔替。曰公。其等三。一等

二十六次。二等公。襲二十次。曰侯。其等四。一等侯。襲

襲二十三次。一等侯襲二十二次。二等侯襲二十次。曰伯。其等四。一等伯兼一雲騎尉襲十九次。二等伯襲十六次。曰子。其等四。一等子兼一雲騎尉襲十五次。二等子襲十二次。曰男。其等四。一等男兼一雲騎尉襲十一次。二等男襲九次。三等男襲八次。曰輕車都尉。其等四。一等輕車都尉兼一雲騎尉襲六次。二等輕車都尉襲四次。曰騎都尉。其等二。三等騎都尉兼一雲騎尉襲二次。曰雲騎尉。襲一次。曰恩騎尉。襲一次。凡世爵襲次既盡者。則改給恩騎尉。世襲罔替。惟因軍功或因傷亡。非陣亡者。議給世職襲次既盡。則不准給。惟奉特旨賞給者。准襲一次。又如立爵官子孫中絕。推與旁支承襲者。襲次既盡。亦不准給。

吾學錄初編卷七 士進

三

○初受封之人為立爵官。不入承襲次數。如追封。則初襲爵之人。亦不入次數。繼此為第一次。按次計算。○凡以軍功先後賞有世爵者。或先已承襲祖父世爵。又以軍功賞有世爵者。皆准以兩爵合併一爵承襲。如兩次得雲騎尉。合或現得之爵。大於前爵。即銷去前爵。仍按從前立功等第。補給功牌。統計前後所得功牌。給與世爵。如先以軍功立爵。後奉特旨晉封者。即註銷前爵。其承襲祖父世爵。續以軍功。

奉

旨晉爵者。仍准其合併一爵承襲。皆合併至一。又如世爵缺出。應承襲之子姪兄弟。先儘無爵之人承襲。無無爵者。方准以有爵之人承襲。亦准其合併一爵。其合併不爵。得過子爵。如先經合併之爵。有應襲之子弟。可分襲者。原係幾人所併之爵。仍准分襲。如二三人准其以二三人分襲。若以一○世爵官身故。或因疾告退。或有罪應革。而不致除爵者。皆以其子孫承襲。無子孫。則及兄弟。無兄弟。則及從兄弟。或兄弟之子孫。如其祖父尚存者。亦得承襲。本支無人。准以近族承襲。再無人。則除其爵。○立爵官以公罪革爵者。仍准以應襲之子孫承襲。惟犯枉法賊侵盜錢糧者。皆除其爵。○凡革爵官。准其承襲者。如無子孫。且無應襲之宗族。俟生子後。亦准承襲。如終身無嗣。則查銷。○凡雲騎尉恩騎尉。本係文武生員。准其應試。仍給以俸。如非生員。而願應試者。准作文武生員應試。不給俸。

吾學錄初編卷七 士進

四

贈廕

會典凡因公事死於外洋大江黃河洞庭洪澤諸湖者皆贈以銜而廕其子如陣亡傷亡或守城禦餉遇賊受害者皆議凡贈之等十有八子少保銜給世爵不加贈廕

恩廕

會典凡

單恩子廕者文職京官四品而上閣侍讀學士至內品而上總督至武職二品而上副都統副將皆得廕一人凡品皆以實俸在告而食俸者准照現任子廕告病告休及回籍守制終養者不予廕子廕者皆以嫡長子孫無嫡長則以次子次孫及庶子庶孫無子孫則以弟及兄弟之子如嫡長子孫已

出仕或廢疾者准依次推廕承廕後未出仕而故者廢疾者准以次續廕業經出仕者不准續既續而絕亦不准再續凡生於

詔前而無過犯者乃廕若

詔後所生子孫及曾經治罪者不准廕生年二十為及

歲到部後試以論策各一引

見得

旨按其等而任之滿洲一品官廕生任員外郎二品官

丞光祿寺署正三品官廕生任通政司經歷大理寺

寺主簿八品筆帖式蒙古一品官廕生任員外郎

二品官廕生任主事三品官廕生任七品筆帖式

四品官廕生任八品筆帖式漢軍一品官廕生任

員外郎二品官廕生任主事大理寺寺丞三品官

廕生任七品筆帖式四品官廕生任八品筆帖式

漢正一品官廕生任員外郎治中從一品官廕生

任主事正二品官廕生任主事都察院經歷京府

通判從二品官廕生任光祿寺署正三品官廕

生任中書科中書大理寺評事太常寺博士通政

司經歷太常寺典簿從三品官廕生任光祿寺典

簿鑾儀衛經歷詹事府主簿京府經歷外用者正

一品官廕生任同知從一品官廕生任知州正二

品從二品官廕生任通判正三品從三品官廕生

任知縣正從四品官廕生不引見考定

等者任主簿二願就武職者發標學習年滿授職

等者任吏目四品廕生授都司五品廕生授守備從五品廕生

八品廕生授把總外委八旗廕生隨旗行走者對品授職  
更名復姓

會典凡官更名者漢官在籍候選由本籍督撫咨部外官由任所督撫咨部皆准更改付文選司註冊復姓亦如之○凡名避與王公大臣同者避一省而兩官並者大小官同名避其稱之不協於義者如周元良張聖謨皆經奉旨飭改

出繼歸宗

會典凡官出繼者辨其昭穆遠近本籍官詢其鄰

吾學錄初編卷七 仕進

七

族取宗圖冊結達於部其出繼後因繼父生有親子願歸宗者亦如之

告終養

會典漢員告終養者祖父母父母及為人後者所後父母已故其本生父母其八十以上或七十以上而獨子家無次丁者及有兄弟而篤疾者俱出仕者母老有兄弟而非同母者皆為合例其六十以上未及七十者或伯叔父兄弟篤疾或家無次丁不能迎養呈請終養者州縣以上亦准具題請

旨於科抄到部日開缺州同以下取結到部據咨開缺○武職除現辦緊要軍務不准終養外其餘親年逾八十及獨子親年逾七十者概准終養

告假

會典凡京官有疾則告滿洲蒙古漢軍官有故出京則告除程限外假期漢官省親者侍親以行者修墓若遷葬者娶者則告除程限外假期既事各返其衙門以供職外官有疾則告及起復乃坐補謹案京官告假省親者除程限外不得過四月

吾學錄初編卷七 仕進

太

外官則道府以下領憑赴任者准在部呈告給假省親其兩司以上官及在任者向無告假省親之例榮光於道光五年在貴州藩司任內因父病援京官省親之例具牘陳請由巡撫入告奉

特旨賞假四月嗣後道光六年河南巡撫程祖洛十年江寧藩司賀長齡皆援以入奏准假省親仰見聖人以孝教天下之曠典敬錄於此以紀

恩遇。

舉 人黃本驥編次  
戶部郎中陳傳均 同校  
詹事府主簿吳彌光

吾學錄初編卷七終

吾學錄初編卷七 仕進

九

吾學錄初編卷八

遷更製泰命諸禮有制禮學集卷八榮光恭述

制度門

冠服 冠制○服制○民公侯伯子男冠服○品官  
冠服○士民冠服○民公侯伯子男夫人冠  
服○命婦冠服○ 賞翎○品官生監常用頂  
戴○冠服禁例

冠制○會典冬冠青緞表布裏簷上仰朝冠上綴  
朱絨長出簷梁二在頂左右吉服冠常服冠上綴  
朱絨長及於簷梁一巨頂上兩旁垂帶交領下女  
冬朝冠後有護領垂條二吉服冠無垂帶餘制皆

吾學錄初編卷八 制度

一

同夏冠織玉草或藤絲竹絲為質表以羅簷做內  
加以圈朝冠緣石青片金二層裏用紅片金或紅  
紗上綴朱絨吉服冠常服冠石青片金緣紅紗裏  
上綴朱絨行冠上綴朱釐梁帶均如冬冠帶屬於  
圈女夏朝冠如冬朝冠每歲春季換用涼朝帽秋  
季換用暖朝帽

服制○會典服有袍有褂朝服蟒袍外皆加補褂  
常服褂無補女褂長與袍齊女朝服朝褂領後皆  
垂條每歲春季換用夾朝衣秋季換用緣皮朝衣

行袍長減常服袍十之一。右裾短一尺。行褂長與坐齊。袖長及肘。行裳左右各一幅。前直後上。斂中豐下。削並屬橫幅。行褂用石青色。行袍行裳色隨所用。行裳冬以皮為表。行帶佩帔。素布。祇常服帶帔。微闊而短。版飾惟宜。雨衣各二制。一如常服袍而袖端平。一如常服袍而加領。長與坐齊。皆前施掩襠。雨冠氈及羽紗油綢。惟時藍布帶。

民公侯伯子男冠服。○通禮。民公冬朝冠。熏貂為之。十一月朔至上元。用青狐。頂鏤花金座。中飾東

吾學錄初編 卷八 制度

二

珠四。上銜紅寶石。端罩貂皮為之。藍緞裏。補服色用石青。前後繡四爪。正蟒朝服。藍及石青諸色。隨所用。其制披領及袖。皆石青。冬用片金。加海龍緣。夏用片金。緣兩肩。前後正蟒各一。腰帷行蟒四。中有襃積。裳行蟒八。緣貂。朝服之制。披領及裳。俱表以紫貂。袖端熏貂。兩肩前後正蟒各一。襃積行蟒四。皆四爪。會

賜五爪蟒級者。亦得用之。朝珠珊瑚青金綠松密珀。隨所用。雜飾惟宜。條用石青色。朝帶色用石青。或藍。

鏤金。銜玉圓版四。每具飾貓睛石一。佩帔下廣而銳。吉服冠頂用珊瑚。蟒袍藍及石青諸色。隨所用。通繡九蟒。吉服帶佩帔。下直而齊。版飾及佩。惟宜。雨冠雨衣及裳。均用紅色。坐褥冬用全虎皮。夏用阜繒。視紅氈。侯朝冠頂鏤花金座。中飾東珠三。上銜紅寶石。朝帶鏤金。銜玉圓版四。每具飾綠松石一。坐褥冬用虎皮。去首尾。夏用青雲繒。餘皆如侯。子朝冠頂鏤花金座。中飾東珠一。上銜紅寶石。補服前後繡麒麟。吉服冠頂用珊瑚。餘皆祇一品。男朝冠頂鏤花金座。中飾小紅寶石一。上銜珊瑚。補服前後繡獅。吉服冠頂用鏤花珊瑚。餘皆祇二品。

吾學錄初編 卷八 制度

三

品官冠服。○通禮。文一品朝冠頂鏤花金座。中飾東珠一。上銜紅寶石。補服前後繡鶴。朝帶鏤金。銜玉方版四。每具飾紅寶石一。坐褥冬用狼皮。夏用紅褐。餘皆如公。武一品補服。前後繡麒麟。餘皆如

文一品雨衣雨冠均用大紅色文二品冬朝冠熏貂爲之十一月朔至上元用貂尾頂鏤花金座中飾小紅寶石一上銜珊瑚補服前後繡錦雞朝帶鏤金圓版四每具飾紅寶石一吉服冠頂鏤花珊瑚雨冠紅色雨衣雨裳青色惟各省督撫均得用紅色坐褥冬用獾皮夏用紅褐緣阜褐餘皆如文一品武二品補服前後繡獅餘皆如文二品文三品朝冠頂鏤花金座中飾小紅寶石一上銜藍寶石補服前後繡孔雀朝帶鏤花金圓版四吉服冠頂用藍寶石坐褥冬用貉皮夏用阜褐緣紅褐餘皆如文二品武三品冬朝冠熏貂爲之補服前後繡豹餘皆如文三品惟無緣貂朝服及端罩一等侍衛戴孔雀翎端罩捨獬豸爲之間以貂皮月白緞裏餘皆如武三品雨冠用大紅色雨衣青色文四品冬朝冠熏貂爲之頂鏤花金座中飾小藍寶石一上銜青金石補服前後繡雁朝帶銀銜鏤花金圓版四吉服冠頂用青金石蟒袍通繡八蟒皆四爪雨冠紅色前加緣二寸五分後五寸青色四

吾學錄初編卷八 制度

四

品以下在

內廷行走及講官雨冠均用紅色坐褥冬用山羊皮夏用阜布餘皆如文三品武四品補服前後繡虎餘皆如文四品二等待衛戴孔雀翎端罩赤豹皮爲之素紅綾裏朝服翦絨緣色用石青通身雲緞前後方襴行蟒各一腰帷行蟒四中有襃積領袖俱石青緞冬夏皆用之餘皆如武四品雨冠御前侍衛

吾學錄初編卷八 制度

五

乾清門侍衛皆用紅色雨衣雨裳御前侍衛用紅色其餘侍衛各從其品四品官以上及御前侍從官衣服織文均得用蟒文五品朝冠頂鏤花金座中飾小藍寶石一上銜水晶補服前後繡白鷗朝服片金緣色用石青通身雲緞前後方襴行蟒各一中有襃積領袖俱石青緞冬夏皆用之朝帶銀銜素金圓版四吉服冠頂用水晶坐褥冬用青羊皮夏用藍布襯白氈餘皆如文四品武五品補服前後繡熊餘皆如文五品惟無朝珠三等侍衛戴孔雀翎端罩黃狐皮爲之月白緞裏朝服



翦絨緣。如文五品朝服之制。餘皆如武五品。文六品朝冠。頂鏤花金座。中飾小藍寶石一。上銜碑。補服前後繡鷺。朝帶銀銜。玳瑁圓版。四吉服冠。頂用碑。坐褥冬用黑羊皮。夏用黑櫻色布。餘皆如文五品。惟無朝珠。五品官以下。惟京堂翰詹科道。得用貂裘朝珠。六品官以下。惟禮部主事。司務。光祿寺署正。署丞。典簿。太常寺博士。典簿。國子監監丞。博士。助教。學正。學錄。太常寺讀祝官。贊禮郎。鴻臚寺鳴贊。

吾學錄初編 卷八 制度

六

壇 廟執事

殿廷侍儀。得用朝珠。武六品補服。前後繡彪。餘皆如文六品。藍翎侍衛。戴藍翎。端罩朝服朝珠。均如三等侍衛。餘皆如武六品。雨冠紅色。青緣。雨衣青色。文七品朝冠。頂縷花金座。中飾小水晶一。上銜素金補服。前後繡鴻。朝帶素銀圓版。四吉服冠。頂用素金。蟒袍。通繡五蟒。皆四爪。雨冠青色。前加緣二寸五分。後五寸。紅色。坐褥冬用鹿皮。夏用灰色。

布。餘皆如文六品。武七品補服。制如武六品。餘皆如文七品。文八品朝冠。鏤花陰文金頂。無飾。補服前後繡鶴。朝服色用石青雲緞。無蟒。領袖皆青。倭緞。中有襞積。冬夏皆用之。朝帶銀銜。明羊角圓版。四吉服冠。鏤花陰文金頂。坐褥冬用麂皮。夏用土布。餘皆如文七品。武八品補服。前後繡犀牛。餘皆如文八品。文九品朝冠。鏤花陽文金頂。補服前後繡練雀。朝帶銀銜。烏角圓版。四吉服冠。鏤花陽文金頂。坐褥冬用獺皮。夏用土布。餘皆如文八品。

吾學錄初編 卷八 制度

七

武九品補服。前後繡海馬。餘皆如文九品。未入流冠服。制如文九品。雨冠青色。紅緣。雨衣青色。凡文武候補候選官。頂帶均與現任同。七品以上官。得用諸花繒。八九品官用雜花及素繒。舉人。眠七品。貢監。生員。眠八品。○京官左都御史。左副都御史。監察御史。直省按察使。及各道補服。均前後繡獬豸。其都察院都事。經歷。筆帖式。及按察使。經歷。照磨等官。俱照本身品級。不得用獬豸補服。○會典一二品大臣。有

賜紅絨結頂冠者不得如式更製各官不得用

上用服色黃色秋香色及黑狐皮蟒袍非

特賜者不得用金黃色五品以下不得用蟒緞雜緞貂

皮捨狔孫八品以下不得用大花緞紗及白豹天

馬等皮凡朝會祭祀俱服朝衣補服筵燕迎

鑿及一應嘉禮俱服蟒袍補服每月朔日及初五初十

十五二十二二十五等日俱服補服應服端罩者以

端罩代補服不應用端罩者不得於朝會之地反

穿皮掛以混補服文武官上朝及坐班如非下雨

吾學錄初編

卷八

制度

八

戴雨帽者叅處迎送謁見上司止用補服不得濫

用朝服○通禮品官曾祖父母祖父母父母妻受

封者冠服皆得如所封之品本身加級受封冠服

均從本任惟致仕後得照所封之品服用革職留

任之員准用原品頂戴其因公革職未追

封誥者祇許用原品頂戴○會典商賈捐納職銜者冠

服各從其品無職銜者不得僭用

士民冠服○通禮會試中式貢士朝冠鏤花金頂

上銜金三枝九葉狀元金頂上銜水晶授職後各

服其品舉人公服冠頂鏤花銀座上銜金雀公服

袍青綢爲之藍緣披領如袍飾公服帶制如文八

品朝帶吉服冠頂銀座上銜素金貢生吉服冠鏤

花金頂餘皆如舉人監生吉服冠素銀頂餘皆如

貢生生員公服冠頂鏤花銀座上銜銀雀公服袍

藍綢爲之青緣披領如袍飾公服帶制如文九品

朝帶吉服冠制如監生外郎耆老頂以錫民人冬

夏帽上不得用絨纓大結○考職吏員在籍止用

頂帽不得用補服供事書吏非年滿考職者不得

吾學錄初編

卷八

制度

九

用金頂○奴僕優伶卓隸只准服繭綢毛褐葛布

梭布貉皮羊皮其紡綢絹緞紗綾羅及各種細毛

俱不得用冬帽用染騷鼠狐貉獺皮不得用貂

民公侯伯子男夫人冠服○通禮民公夫人冬朝

冠熏貂爲之頂鏤花金座上飾東珠四上銜紅寶

石前綴金簪三飾以珠寶護領條用石青色金約

青緞爲之中綴纓金火燄飾珍珠一左右金龍鳳

各一後垂青緞帶二紅片金裏耳飾左右各三每

具金雲銜珠各二朝褂色用石青片金緣繡文前

行蟒二。後行蟒一。領後垂石青條。雜飾惟宜。朝袍藍及石青諸色。隨所用披領及袖。皆石青。冬用片金加海龍緣。夏用片金緣。繡文前後正蟒各一。兩肩行蟒各一。襟行蟒四。中無襞積。披領行蟒二。袖端正蟒各一。袖相接處行蟒各二。後垂石青條。雜飾惟宜。領約縷金爲之。飾紅藍小寶石五。兩端垂石青條二。中各貫珊瑚。末綴珊瑚各二。朝珠三盤。珊瑚青金緣。松密珀。隨所用。雜飾惟宜。條用石青色。采悅月白色。不繡花文。冬朝裙片金加海龍緣。

吾學錄初編 卷八 制度

十

上用紅緞。下石青行蟒。綉緞。皆正幅。有襞積。夏朝裙片金緣。緞紗各惟其時。吉服冠熏貂爲之。頂用珊瑚。吉服褂色用石青。繡花八團蟒袍藍及石青諸色。隨所用。通九蟒皆四爪。侯夫人朝冠。頂鏤花金座。中飾東珠三。上銜紅寶石。餘皆如民公夫人。伯夫人朝冠。頂鏤花金座。中飾東珠二。上銜紅寶石。餘皆如侯夫人。子夫人朝冠。頂鏤花金座。中飾東珠一。上銜紅寶石。餘皆如伯夫人。男夫人朝冠。頂鏤花金座。中飾紅寶石一。上銜珊瑚。吉服冠頂

鏤花珊瑚。餘皆如子夫人。

命婦冠服。○通禮。一品命婦朝冠。頂鏤花金座。中飾東珠一。上銜紅寶石。餘皆如民公夫人。二品命婦朝冠。頂鏤花金座。中飾紅寶石一。上銜珊瑚。吉服冠頂鏤花珊瑚。餘皆如一品命婦。三品命婦朝冠。頂鏤花金座。中飾紅寶石一。上銜藍寶石。吉服冠頂用藍寶石。餘皆如二品命婦。四品命婦朝冠。頂鏤花金座。中飾小藍寶石一。上銜青金石。朝袍片金緣。繡文前後行蟒各二。中無襞積。後垂石青條。雜飾惟宜。朝裙片金緣。上用綠緞。下石青行蟒。綉緞。皆正幅。有襞積。吉服冠頂用青金石。蟒袍通八蟒。皆四爪。餘皆如三品命婦。五品命婦朝冠。頂鏤花金座。中飾小藍寶石一。上銜水晶。吉服冠頂用水晶。餘皆如四品命婦。六品命婦朝冠。頂鏤花金座。中飾小藍寶石一。上銜碑磔。吉服冠頂用碑磔。餘皆如五品命婦。七品命婦朝冠。頂鏤花金座。中飾小水晶一。上銜素金。吉服冠頂用素金。蟒袍通五蟒。皆四爪。餘皆如六品命婦。

吾學錄初編 卷八 制度

十一

賞翎○會典六品以下官藍翎五品以上花翎其雙眼者則奉

特賞若軍功若射布靶之

賞翎者准常戴及陞調他職亦得戴用若職任之戴翎

者如巡撫兼提督之類離任則除

品官生監常用頂戴○會典凡平時所戴暖帽涼

帽一品大臣珊瑚頂二品官用起花珊瑚頂三品

官用藍寶石頂或用藍色明玻璃四品官用青金

石頂或用藍色捏玻璃五品官用水晶頂或用白

吾學錄初編卷八 制度

色明玻璃六品官用硨磲頂或用白色捏玻璃七

品官用素金頂八品官用起花金頂九品官用起

花銀頂未入流與九品同候補候選與現任同凡

八品之讀祝贊禮鳴贊序班俱用八品起花金頂

進士舉人貢生俱用金頂生員監生俱用銀頂

冠服禁制○會典軍民僧道人等服飾器用俱有

定制若常服言常服則大服不禁僭用錦綺紵絲綾羅彩繡

器物用俄金描金酒器全用言全用止用一件不禁金銀及

將大紅銷金製為幔帳被褥之類婦女僭用金繡

閃色衣服金寶首飾錫釧言金寶則止用金飾無珠寶不禁及用珍珠緣飾衣履併結成補子蓋額纓絡等件事發俱照律治罪服飾器用等物並追入官婦女罪坐家長官吏軍民人等但有僭用蟒龍飛魚斗牛器皿僭用硃紅黃顏色及親王法物者俱比照僭龍鳳紋律擬斷服色器皿追收入官○三品以下官員概不得僭用紅色雨衣雨帽違者照違

制論惟

內廷行走之員不論品級兩帽俱戴大紅○凡五爪

吾學錄初編卷八 制度

龍緞立龍緞團補服及四爪暗蟒之四團補八團

補官民不得穿用其大臣有

特賜五爪龍衣服及緞疋無論色樣俱許穿用若

頒賜五爪龍緞立龍緞挑去一爪穿用若官員軍民人

等違例濫用者係官革職平民枷號一月杖一百

○庶民男女衣服並不得僭用金繡許用紵絲綾

羅綢絹素紗婦人金首飾一件金耳環一對餘止

用銀翠不得製造花樣金線粧飾○朝珠例用雜

寶諸香向無區別貂裘惟緣貂朝服只許文三品

武二品以上有職掌大臣及一等待衛服用其貂皮外褂三品大臣及京堂翰詹科道侍衛官均准穿用此外不應服用人員如有僭穿貂裘者交該管官查叅。

儀衛京官儀衛○直省文官儀衛○直省武官儀衛○命婦儀衛○器用禁例

京官儀衛○通禮京官一品杏黃繖一青扇二飾

以圓金四用清漢文書銜旗槍八金黃棍二二品

杏黃繖一青扇二飾以圓金三旗槍六金黃棍二

三品杏黃繖一青扇二飾以圓金二旗槍六金黃

五學錄初編卷八 制度

棍二四品杏黃繖一青扇二灑以金旗槍四五品

以下青扇一以上儀衛出京用以導從常日在京

一品前引二後從八二品前引二後從六三品前

引二後從四四品無前引後從二人五品以下後

從一人滿洲官惟親郡王大學士六部尚書乘輿

貝勒貝子公都統及二品文臣非年老者不得乘

輿其餘文武均乘馬漢官三品以上京堂在京乘

四人輿出京昇夫八輿頂用銀幃蓋用阜四品以

下文職昇夫二出京四頂以錫願乘馬者聽四品

以上馬項得繫繁纓。

直省文官儀衛○通禮總督杏黃繖青扇飛虎旗

兵拳雁翎刀獸劍金黃棍桐棍皮槩迴避牌肅靜

牌各二旗槍四青旗八巡撫杏黃繖青扇獸劍金

黃棍桐棍皮槩迴避牌肅靜牌旗槍各二青旗八

二品以上大臣。

陛見到京入

景運門內許帶從官一人布政司按察司杏黃繖青

扇金黃棍迴避牌肅靜牌各二青旗六道員杏黃

五學錄初編卷八 制度

繖青扇各一桐棍皮槩迴避牌肅靜牌各二青旗

四知府同府倅藍繖青扇各一桐棍皮槩各二肅

靜牌二青旗四知州知縣並同縣佐藍繖一桐棍

二教職藍繖一雜職竹板二河道漕運總督眠總

督學政鹽政織造暨各

欽差官三品以上眠巡撫四品以下眠兩司督撫輿夫

八司道以下教職以上輿夫四雜職乘馬餘同京

官三品以上得用引馬

欽差官三品以上輿夫八武職三品仍不得用。

直省武官儀衛○會典提督杏黃繖青扇飛虎旗  
兵拳雁翎刀獸劍刑杖迴避牌肅靜牌各二旗槍  
四青旗八總兵官杏黃繖青扇飛虎旗大刀獸劍  
迴避牌肅靜牌旗槍各二青旗八副將杏黃繖一  
青扇二金黃棍迴避牌肅靜牌各二青旗六叅將  
游擊都司杏黃繖青扇各一桐棍迴避牌肅靜牌  
各二青旗四守備減牌餘眠都司各省駐防將軍  
眠都統副都統以下官均與京職同武職均乘馬  
將軍提督總兵官年逾七十不能常乘馬者聽其

吾學錄初編卷八 制度 其

奏聞請

旨三品以上得用引馬○會典公侯伯子男都統以下  
駐防將軍以下綠營提督以下不得役使兵丁擡  
轎亦不得自雇民夫擡轎提督總兵除奏准年老  
乘輿外或因公赴京遇無馬處所及天雨不能乘  
騎暫准坐轎

命婦儀衛○通禮一品命婦車輿阜蓋四角綠緣  
綠幃阜幃輿用銀頂二品命婦阜蓋不緣飾綠幃  
阜幃三品命婦阜幃餘眠二品四品命婦青幃餘

眠三品輿用錫頂五品以下命婦均青蓋餘眠四  
品自二品命婦以上用繪餘均用布凡儀衛皆從

其夫

器用禁例○會典車輿不得雕飾龍鳳紋職官一  
品至三品許用金粧飾銀螭繡帶青幔四品五品  
素獅頭繡帶青幔六品至九品用素雲頭素帶青  
幔轎子比同車製庶民車用黑油齊頭平頂阜幔  
轎子比同車製並不許用雲頭○繖蓋職官一品  
二品銀葫蘆杏黃羅表紅裏三品四品紅葫蘆杏

吾學錄初編卷八 制度 其

黃羅表紅裏皆三簷五品紅葫蘆藍羅表紅裏六  
品以下八品以上惟用藍絹皆重簷雨繖通用油  
絹庶民不得用羅絹涼繖許用油紙雨繖○帳幔  
並不許用赭黃龍鳳紋職官一品至三品許用金  
花刺繡紗羅四品五品刺繡紗羅六品以下許用  
素紗羅庶民用紗絹

軍裝 盛制○甲制○撒袋○佩刀○藤制

盛制○會典冑以革髹漆或浴鐵前後有梁梁  
前橫鐵謂之遮眉遮眉上謂之舞拳舞拳下謂之

護額胄上謂之覆椀。椀上仰者謂之盃盤。盤以植管。管以受槍。槍周以纓。垂於後者謂之護項。左右謂之護耳。其下謂之護頸。皆敷以棉。或鐵鑠。總督巡撫提督。頂植鵬翎二。銜。鏤花金葉。寶蓋盤座。俱髹漆。鍍金花。及雲龍。周垂貂尾。纓十二。梁及舞擎。亦髹漆。鍍金雲龍。護項護耳。護頸皆石青緞表。藍布裏。通繡蟒五。中敷鐵鑠。外布銀釘。繫石青緞帶二。盃。觀石青緞表。藍綢裏。頂綴紅絨。總兵官。頂植熏獺尾。副將。頂植獺尾。皆周垂朱氂。寶蓋

錄初編 卷八 制度 六

盤座。前後梁及舞擎。俱鍍銀雲龍。餘並如提督制。叅將以下。盃。垂朱氂。不鍍飾。護耳。護項。護頸。不加繡文。武狀元。盃。鍊銅為之。不鏤花文。頂植三梁。下為圓珠。貫槍植管。周垂朱氂。前後梁加鳳首。旁為鳳翼。護項。護耳。俱貝文銅鑠。紅片金緣。紅布裏。絲營兵。盃。護項。護耳。俱青布表。月白裏。緣如表色。不加采繡。

甲制 ○會典 甲。上衣。下裳。衣左右謂之護肩。護肩。下謂之護腋。護肩。末謂之袖。裳。開前為前襠。其左

為左襠。裳。幅分左右。凡十有一屬。均敷鐵鑠。敷棉者謂之棉甲。敷鐵鑠於外者謂之明甲。督撫提鎮甲。石青緞表。藍布裏。中敷鐵鑠。外布銀釘。石青倭緞緣。前後及護肩。護腋。前襠。左襠。各繡團蟒一。裳。幅。團蟒二。護肩。接衣處。鐵鑠二十。髹漆。鍍金龍條。石青色。副將以下甲。前後及護肩。各繡團蟒一。裳。幅。團蟒二。前襠。左襠。各布銀釘。護肩。接衣處。鍍銀雲龍。餘飾並如提鎮制。武狀元甲。鍊銅為之。紅綢裏。紅片金緣。通簇貝文銅鑠。兩袖銅鑠。四重。裾下

錄初編 卷八 制度 九

周結絲條。下垂紅綾四十行。絲營兵甲。青布表。月白裏。緣如表色。

撒袋 即橐 ○會典 撒袋。以貯弓矢。一二品官。以革為之。白麕裏。綠革緣。加紅黃線三道。各綴鐵二。懸革帶。藍布裏。前繫以鈎。左右及後帶。版各一。帶及鐵。皆鐵質。鍍銀塗金。餘同一二品制。六品以下官。緣加紅黃線二道。帶及鐵。皆銅質。縷花。餘同三品制。兵丁。黑革緣。帶及鐵。皆銅質。不鏤花。餘同六品制。

佩刀○會典職官佩刀。刃長二尺二寸。闊一寸三分。釜爲鐵盤。鍍金厚二分。柄長四寸二分。木質纏線藍色。末鈔以鐵。亦鍍金。繫藍綬。室長二尺五寸。木質裹革。飾皆鐵質。鍍金。兵丁佩刀。飾皆黃銅。餘如職官佩刀之制。

蠶制○會典督撫提鎮蠶綠色。斜幅。銷金雲蟒。或飛熊。繆長八尺。旂徑五尺八寸。旂及斜徑。皆爲火燄形。杆以竹。髹朱。長一丈四尺。首冠鍍花鐵頂。承以圓革。注朱。加綠緞影帶。爲火燄形。銷金雲蟒。

吾學錄初編 卷八 制度

辛

房屋

會典公侯以下。至三品官房屋。基高二尺。門柱飾黝堊。中梁飾金。旁繪五采雜花。惟二品以上房脊得立望獸。公門鐵釘。縱橫皆七。侯以下遞減。至五品以下官。及士民房屋。基高一尺。其門柱中梁。旁繪采花。與三品以上官同。○房屋並不得施用重栱重簷。樓房不在重簷之限。職官一品二品廳房七間九架。屋脊許用花樣獸吻。梁棟斗栱簷椽。彩色繪飾。正門三間五架。門用綠油獸面銅環。三

品至五品廳房。五間七架。許用獸吻。梁棟斗栱簷椽。青碧繪飾。正門三間三架。門用黑油獸面擺錫環。六品至九品廳房。三間七架。梁棟止用土黃刷飾。正門一間三架。門用素油鐵環。庶民所居堂舍。不過三間五架。不用斗栱。彩色雕飾。○房舍車馬衣服等物。上可以兼下。下不可以僭上。官員任滿致仕。與現任同。其父祖有官身歿。曾經斷罪者。除房舍仍許子孫居住。其車馬衣服等物。父祖既與無罪者有別。則子孫槩不得用。

吾學錄初編 卷八 制度

壬

權量

權制○量制○尺制并圖

權制○會典權之屬曰法馬。曰秤。曰戥。製權之法。審其體積。黃銅方寸。重六兩八錢。紅銅方寸。重七兩五錢。倭鉛方寸。重六兩。黑鉛方寸。重九兩九錢二分。生鐵方寸。重六兩七錢。熟鐵方寸。重六兩七錢三分。權之輕重。或淨銅。或配鉛。或生熟鐵。皆以各體多寡。隨形方圓大小。可以入算法。馬有正有副。一百兩法馬。每副自一分至一百兩。共二十八件。一千兩法馬。每副自一分至五百兩。共三十二



件一千六百兩法馬。每副四圓。每圓四百兩。大秤百斤至五百斤。小秤十斤至五十斤。大戥五十兩至百兩。小戥十兩至三十兩。


量制○會典量之屬曰斛。曰斗。曰升。製量之法。準以工部營造尺。審其容積。一倉石容積三千一百六十寸。隨器方圓大小。可以入算。斛內口方六寸六分。內底方一尺六寸。內高一尺一寸七分。斗內口內底方八寸。內高四寸九分三釐七毫五絲。升內口內底方四寸。內高一寸九分七釐五毫。

吾學錄初編卷八 制度 三


尺制○會典工部製營造尺式。頒直省布政使司。通行所屬營造尺。即縱黍尺。以與民用裁衣尺比。例。營造尺一尺。為裁衣尺九寸。營造尺一尺一寸一分一釐一毫。為裁衣尺一尺。



謹案民用裁衣尺。載入會典圖說。自可通行。不在禁例。若製造官物。則仍以部尺為準。今以會典所載營造尺。照繪一式。又以圖說所載之民用裁衣尺。據營造尺推繪一式。以為官民用尺之準。

工部營造尺



民用裁衣尺





吾學錄初編 卷八 制度

三

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷八終

吾學錄初編卷九

禮部奏為... 吳榮光恭述

祀典一

社稷壇

〔通禮〕直省府州縣各建 社稷皆 社右

稷左異位同壇。

謹案壇高二尺一寸方二丈五尺。

歲以春秋仲月戊日致祭。省會以總督若巡撫一

人主之。有故則布政使攝事。在城文武官縣丞千

吾學錄初編 卷九 祀典一

十一

總以上咸與祭。既割牲省齋盛以道員等官糾儀

以教授訓導。司香司帛司爵司祝司饌以承倅。通

贊引贊引班以學弟子員嫻禮儀者充之。前期主

祭官暨陪祭執事官各於公廡致齋三日。掃除

壇壝內外。祭之前夕。掌饌潔備品物。置案於

神廚。設香燭。既割牲官公服詣案前上香。行三叩

禮畢。宰人牽牲告牖。遂割牲。以豆取毛血瘞於坎

及祭之日。雞初鳴。執事人入。設案一於 壇上

正中。北向。陳鉶二。實和羹。簋二。實稻粱。簋三。實黍

稷籩四。實形鹽。棗栗鹿脯。豆四。實菁菹鹿醢。芹苳。免醢。若不能備。各就土所有。以其類充。案前設俎。陳羊一。豕一。又前設香案一。陳祝文香盤。鑪。左設一案。東向。陳篚一。實帛二尊。一爵六。又設福胙於尊爵之次。司祝一人。司香帛二人。司爵二人。位案西。東面。階下之東設洗。當階為主祭官拜位。其後為陪祭官拜位。文東武西。班與外朝。通贊二人。位階下左右。糾儀官二人。分位陪祭官左右。均東西面。漏未盡。主祭官及陪祭官朝服畢集壇。

吾學錄初編 卷九 祀典一 二

外。引贊二人。引省齋官入。壇。徧祇牲器酒齊。饌者告潔。退。左右引班二人。引陪祭官入。東西序立。東班西面。西班東面。引贊二人。引主祭官入。至階下盥手。通贊贊執事者各司其事。贊就位。引贊引主祭官。引班引陪祭官。咸就拜位立。贊迎神。引主祭官升詣香案前跪。司香跪奉香。主祭官三上香。興贊復位。引主祭官降階。復位立。贊跪叩興。主祭官暨陪祭官。行三跪九叩禮。贊初獻。引主祭官升詣神位前跪。司帛跪奉篚。主祭官受

篚恭獻。仍授司帛興。奠於案。司爵跪奉爵。主祭官受爵恭獻。仍授司爵興。分詣社。稷位前各奠正中。皆退。贊讀祝。引主祭官詣香案前跪。陪祭官皆跪。司祝三叩興。奉祝文跪於右。讀曰。維某年月日。某官某。致祭於社。稷之神。曰。惟神奠安九土。粒食萬邦。分五色以表封圻。育三農而蕃稼穡。恭承守土。肅展明禋。時屆仲秋。敬修祀典。庶九丸松柏。鞏磐石於無疆。翼翼黍苗。佐神倉於不匱。尚饗。讀畢。三叩興。以祝文復於案。

吾學錄初編 卷九 祀典一 三

退。贊叩興。主祭官暨陪祭官三叩興。贊復位。引主祭官降階。復位立。贊亞獻。引主祭官升詣位前。獻爵於左。贊終獻。獻爵於右。均如初獻儀。贊賜福胙。引主祭官升詣香案前跪。司爵跪進福酒於右。主祭官受爵。拱舉。司爵接爵。興。司饌跪進豆肉於左。主祭官受豆。拱舉。司饌接豆。興。各退。贊叩興。主祭官三叩興。贊復位。引主祭官復位立。贊送神。贊跪叩興。主祭官暨陪祭官。行三跪九叩禮。贊徹饌。執事官徹饌。贊瘞祝帛。執事官奉



祝次香次帛次饌詣瘞所禮畢各退。○監司分駐各府者各主其地。社稷之祭其他府州縣皆以長官主之。長官有故則佐貳以次攝。在城文官丞史武官把總皆與祭。既割牲省盥盛府州以佐貳縣以丞若史各一人。糾儀府以教授訓導州以學正訓導縣以教諭訓導二人。執事均用掾史贊相禮儀均於學弟子員內選充。祭期牲帛器數及行禮儀節均與省會同。

先農壇

吾學錄初編卷九 祀典一

四

通禮直省府州縣各建

先農壇

謹案壇制與

社稷同

歲以仲春亥日致祭

或以季春省會以總督若巡撫一人主之有故則布政使以次攝陪祀文武官及各

執事人均如祭

社稷之禮先二日主祭陪祭

執事各官致齋公所埽除

壇上下祭日雞初

鳴執事人入設

先農神案於

壇正中南

向陳銅一。簋二。盥豆各四。案前設俎陳羊一。

豕一。又前設香案一。陳祝文香盤鑪。左設一案。

東向。陳帛一。尊一。爵三。陳福酒胙肉於尊。曾

設洗於階下之東。質明引班引陪祭官入。引贊引

主祭官入。通贊贊執事者各司其事。贊就位。引主

祭官至階下盥手。就拜位立。陪祭官按班就東西

拜位立。均北面迎。神上香讀祝。行三獻禮。祝

辭曰。維某年月日。某官某。致祭於。先農之神

曰。惟神肇興稼穡立我烝民。頌思文之德。克

配彼天。念率育之功。陳常時夏。茲當東作。咸服先

疇。洪惟

吾學錄初編卷九 祀典一

五

九五之尊。歲舉

三推之典。恭膺守土。敢忘勞民。謹奉羹章。聿修祀事。惟

願五風十雨。嘉祥恒沐

神庥庶幾九穗雙歧

上瑞頻書大有。尙饗餘儀與祭

社稷同祭

畢。率屬行耕藉禮。○府州縣歲祭

先農。主祭

官陪祭官暨各執事並同

社稷祭期牲帛器

數行禮儀節與省會同

謹案

太社

太稷

先農各壇

皇上親詣行禮。或遣官致祭。閒遇禱雨。



皇上親詣 神祇 太歲壇行禮。或先

詣 玉泉山及 黑龍壇行禮。仰惟

聖主垂念農功。勤求民莫。在官者宜如何敬凜也。

神祇壇 常祀○雩祀○祈祀○報祀

常祀○**通禮**直省府州縣各建 神祇壇。

謹案壇無定制。多附 先農壇行禮。

祀 雲雨風雷境內 山川 城隍之神。歲春

秋仲月。諏吉致祭。在城文武各官。皆與。省會以總

督若巡撫主之。若有故以布政使攝。致祭之禮。設

五學錄初編 卷九 祀典一 六

案一於 壇正中。南向。 雲雨風雷神位居

中。境內 山川神位左。 城隍神位右。案陳劔一。

簋二。簋二。邊豆各四。案前設俎。陳羊一。豕一。又前

設香案一。陳祝文。香盤鑪。西設一案。陳帛七。尊

一。爵二十有一。福酒。胙肉。陳於尊俎之次。祭祀儀

節。祀官及執事官序位。並如 社稷壇儀。祭日

有司供具。執事人豫入序立。引班引陪祭官入。引

贊引主祭官入。通贊贊執事者各司其事。贊就位。

引主祭官至階下盥手。就拜位立。陪祭官按班就

東西拜位立。均北面迎 神。上香讀祝。行三獻

禮。祝辭曰。維某年月日。某官某。致祭於 雲雨

風雷 山川 城隍之神。曰。維 神贊襄天澤。

福佑蒼黎。佐靈化以流形。生成永賴。乘氣機而鼓

盪。溫肅攸宜。磅礴高深。長保安貞之吉。憑依鞏固

實資捍禦之功。幸民俗之殷盈。仰 神明之庇

護。恭修歲祀。正值良辰。敬潔豆邊。祇陳牲幣。尚

饗。餘儀節與祭 社稷同。○府州縣。歲春秋諏

吉致祭 神祇壇。主祭官陪祭官暨各執事。並

五學錄初編 卷九 祀典一 七

同 社稷。牲帛祝號。陳設器數。及行禮儀節。與

省會同。

雩祀○**通禮**歲孟夏後。諏吉雩祭。陳設儀注同前。

祈祀○**通禮**若間不雨。及潦。諏宜祀之辰。具祝文。

隨時撰擬。備牲牢。邊豆。香帛。尊爵。鑪。守土大吏。率屬

素服祈禱。為民請命。行禮儀節。與常祀同。

報祀○**通禮**既應而報。陳設供具。朝服行報祀禮

儀節均與祈祀同。

謹案堯湯之世。不能無水旱之災。暘雨愆期。為

民請命亦

聖世之所不廢也。惟有恪遵

國制。地方官設壇致禱。方田之民亦惟有分禱於社

神田祖。蓋祀神之道不外一誠。誠之所孚。求無

不應。其在月令曰。仲夏之月。乃命百縣。雩祀百

辟。卿士之有益於民者。以祈穀實。而周禮荒政

十有二。一曰索鬼神。註家謂撝索鬼神而祭之

雲漢之詩。亦曰靡神不舉。觀於月令之文。則知

所謂索而舉之者。皆有益於民者也。乃鄉民無

吾學錄初編 卷九 祀典一

八

知。不諳禁例。每值旱澇。奔禱於山魍野魅之祠。

自棄其屏水築防之力。甚至昇土木之偶。敲鈺

戴柳。伯什成羣。抑思彼淫昏之鬼。何能爲一方

禍福哉。

風神雷神專祠

會典直省

雲雨風雷之神。專立祠廟者

清和宣惠風伯之神。祭於江蘇洪澤湖口。宣

仁昭泰風伯之神。祭於廣東邊海郡縣。風神

廟。祭於河南銅瓦廂。江蘇睢南廳屬。顯仁應

瑞雷神。祭於甘肅蘭州府。守土官以時致祭。如各

省。雲雨風雷壇致祭儀。

嶽鎮海瀆神祠。祭所。○遺官致祭。○所在專祭。

祭所。○會典。中嶽嵩山。祭於河南登封縣。

東嶽泰山。祭於山東泰安府。西嶽華山。祭

於陝西華陰縣。南嶽衡山。祭於湖南衡山縣。

北嶽恒山。祭於山西渾源州。中嶽霍山

祭於山西霍州。東嶽沂山。祭於山東沂州府。

西嶽吳山。祭於陝西隴州。南嶽會稽山

吾學錄初編 卷九 祀典一

九

祭於浙江紹興府。北嶽鑿巫閭山。祭於奉天

廣寧縣。東海。祭於山東萊州府。西海。祭

於山西永濟縣。南海。祭於廣東番禺縣。

北海。祭於山海關。江瀆。祭於四川成都府。

淮瀆。祭於河南唐縣。河瀆。祭於山西永濟

縣。濟瀆。祭於河南濟源縣。長白山神。祭

於吉林城西南溫德亨山。松花江神。祭於吉

林。○通禮。凡祭皆因廟行禮。惟西海。北

海。河瀆。長白山望祭。

遣官致祭○通禮逢

國家有大

慶典遣官致祭太常寺具祝文翰林院隨時撰擬香帛授遣官

齋往祭所守土官豫期潔掃廟宇內外戒辦牲牢

器物備執事人司祝司帛司香司爵以府州縣佐

貳官充通贊以教諭訓導引贊以學弟子員充先

一日遣官暨執事官齋其夕宰人割牲於廚地方

官州若縣一人公服眠宰瘞毛血如儀祭日昧爽

守土官率饌人入廟供具陳神位前牛一羊

通學錄初編卷九 祀典一

十

一豕一登一鉶二簋各二邊豆各十鑑一。登二

設案於左陳禮神制帛一色各隨其方香盤一尊一爵

三設案一於中少西供祝版設洗於階東引贊二

人俟於門質明執事官豫入就位均朝服遣官朝

服詣廟引贊引入詣東階下盥手升階至階中北

面通贊贊就位遣官就拜位立贊迎神引贊

引遣官入殿左門詣香案前贊跪遣官跪贊上香

司香跪奉香遣官上炷香三上瓣香興贊復位遣

官復位贊跪叩興遣官行二跪六叩禮通贊贊行

初獻禮司帛奉篚跪奠於案三叩興司爵奉爵奠

於正中皆退贊讀祝引贊贊跪遣官跪司祝進至

祝案前晚三叩奉祝版宣讀訖復於案叩如初興

退贊叩興遣官行三叩禮興通贊贊行亞獻禮司

爵奠爵於左贊行終獻禮司爵奠爵於右均如初

儀贊送神引贊贊跪叩興遣官行二跪六叩

禮興通贊贊奉祝帛送瘞執事官各奉祝帛香由

中道送瘞如儀遣官避立拜位東俟過復位立引

贊引遣官眠瘞禮畢引遣官出執事官皆退

通學錄初編卷九 祀典一

十一

所在專祭○通禮歲春秋仲月守土官一人詣廟

致祭執事以禮生祭日用羊一豕一餘陳設及行

禮儀節與慶典遣官禮同

謹案 嶽瀆山川之祀以其能出雲雨資灌

溉產材木通舟楫有益於民生而為一方之鎮

故臚諸祀典以報神功閭閻瞻禮在所不

禁乃俗傳東嶽注生南嶽主壽故進香之期東

嶽以三月南嶽以八月各處之為父母為翁姑

祈年者求福求子者男女混雜奔走若狂最爲惡習其酬神之資備極豐腆獻采畫之神幔僅於禮拜時一張上竟月之油燈而神座仍無一夕之照或募修鐵瓦則鎔蠟爲字以售奸或捐建廟祠則僞拓碑條以斂費僧道以此牟利平民因而匱財乃有迷而不悟甘受其欺者何哉  
名山大川神祠

會典直省所在山川有

賜封號建立專祠者守土官以時致祭每歲春秋祭

吾學錄初編 卷九 祀典一

三

北極佑聖真君於湖南永興縣之雞公山祭 東

西二淀河神 大沽海口神於直隸天津縣祭

安流廣惠永定河神於直隸宛平縣之龐村及蘆

溝橋石景山祭 安流行澤永定河神於宛平縣

之南下汎大頂場廟名祭 長源永濟滹沱河神

於直隸正定平山二縣祭 大通口神於江蘇安

東縣祭 涵元匯和洞庭湖神於湖南巴陵武陵

二縣祭 鄱陽湖神於江西鄱陽縣祭 利運福

漕漳河神於山東臨清州祭 利運惠濟漳河神

於山東館陶縣祭 衛源神於河南輝縣之百泉

祭 介休水神於山西介休縣祭 昭惠裕阜河

東鹽池神於山西解州祭 昭德沛澤泉源神於

廣西鬱林州祭 興安大嶺神於木蘭圍場祭

博爾圖嶺神於喀喇沙爾祭 格登山神 額林

哈畢爾罕山神 阿布拉勒山神 阿勒坦額墨

勒都圖山神 塔勒奇山神於伊犁祭 楚呼楚

山神 巴克圖山神 巴爾魯克山神於塔爾巴

哈台祭 木素里達巴汗神於阿克蘇祭 昭靈

吾學錄初編 卷九 祀典一

三

普潤太白山神於陝西郿縣祭 索烏山神 甲

索山神 墨爾多山神於四川懋功廳祭 靈區

安瀾恒佑宏仁廣濟至德金山神於江蘇丹徒縣

祭 昭寧助順丹達山神於西藏祭 寧民顯佑

終南山神於陝西西安府祭 湘江神於湖南長

沙府祭 洪澤湖神於江蘇之高堰祭 海神於

江蘇寶山縣祭 漢江神於陝西漢中府祭 平

潮利涉浙海神於浙江杭州府祭 寧民顯佑浙

海神 江海潮神於浙江海寧縣祭 佑民溥惠



靖海神於廣東番禺縣之虎門山祭 伊犁河神

空郭羅鄂博神 阿里瑪圖河神 哈什河神

空吉斯河神 薩曼河神 策集河神 奎屯

河神 賽星木諾爾神 察罕烏蘇神 和爾霍

斯河神於伊犁祭 額密爾河神 裕勒雅爾河

神 阿拉克圖古勒諾爾神 額彬格遜諾爾神

於塔爾巴哈台祭 金川大河神於四川懋功廳

祭 太子河神於

盛京遼陽州祭 崇源協應巨流河神廟名 演慶 靈源

吾學錄初編 卷九 祀典一

涵潤渾河神廟名 順應於

盛京承德縣祭 江神於湖北武昌荆州二府及江

蘇安徽之江防廳屬祭 淮神於河南桐柏縣及

江蘇裏河廳山盱廳各屬祭 黃河神於河南祥

符榮澤中牟蘭陽睢州武陟各州縣及江蘇山安

廳屬在中牟者曰佑靈觀在蘭陽者曰惠安觀在睢州者曰慶順祠在武陟者曰嘉慶觀祭

湖神於江蘇裏河揚河二廳屬祭 白河神於

順天密雲縣祭 溥福廣濟廬嶽神於江西南康

府祭 肯特汗山神於庫倫每歲春日祭 博克

達山神於烏魯木齊五月八月朔日祭 汗山神

於庫倫九月九日祭 安流襄積海陽山神於廣

西興安縣青海大臣巡視西寧口外時祭 靈顯

青海神 河源神 星宿海神於其部○通禮祭

日有司具祝文飭廟戶潔掃祠宇拂拭神案偕執

事人具器陳羊一豕一簋各二邊豆各十鑪燈

具陳祝文於案左陳帛一香盤一壺一爵三於案

右主祭官朝服詣祠引贊禮生二人引入拜位前

立迺迎 神司香自右奉香盤進主祭官三上香

吾學錄初編 卷九 祀典一

訖引贊贊跪叩興主祭官行三跪九叩禮興司帛

自右跪授帛主祭官授帛拱舉授司帛興獻於案

司爵酌酒實爵自右跪授爵主祭官受爵拱舉授

司爵興獻於正中退司祝跪讀祝引贊贊跪主祭

官跪讀祝畢主祭官行三叩禮興司爵酌酒獻於

左又酌酒獻於右退迺徹饌送 神引贊贊跪叩

興主祭官行三跪九叩禮興執事者以祝帛送燎

禮畢各祠儀同

龍神祠

會典東海 顯仁龍神南海 昭明龍神四海  
正恒龍神北海 崇禮龍神皆於雍正二年  
勅封其在各省各城者守土官於 歲春秋祭 黃運龍

神於河南武陟縣及江蘇清河縣之清口祭 普  
潤鹽井龍神於雲南各鹽井祭 寧梁普利龍神  
於甘肅寧夏寧朔二縣祭 龍神於江蘇揚河廳  
屬祭 延麻顯應分水龍神於山東汶上縣祭  
助順昭靈龍神於嘉峪關外得勝墩祭 佑濟龍  
神於直隸涿州祭 涵元普澤龍神於甘肅蘭州

吾學錄初編

卷九

祀典一

七

府祭 裕源興寶礦脈龍神於雲南東川府祭  
寧民普惠鎮海雪山龍神於浙江慈谿縣祭 宣  
潤敷化龍神於湖北武昌府祭 昭靈普潤九龍  
神於陝西大荔縣每歲秋季祭 青海龍神於西  
寧口外六月朔日祭 涵元昭泰鎮海龍神於浙  
江鎮海縣祝文隨時撰擬行禮儀節與祭 名山  
大川祠同。

謹案禮部每歲通行外省祭祀日期有祀 龍  
神祠月日守土官歷奉遵行至民間所報原所

不禁但不得斂錢養會演劇蟠燈務華美而耗  
入口之資習游觀而荒四民之業甚至爭道角  
勝釀成鬪毆重案尤為法所難貸至於端陽競  
渡始於楚人其俗遂浸淫於各省原不過年豐  
人和藉以稍紓力作非為祀神而設也何至綵  
飾龍舟千橈鬪捷旂幢鉦鼓喧譟中流兩岸聞  
人觀者如蠆而菑救婦女亦復攙雜其中墮珥  
遺簪深為風俗之玷彼操舟者或以巧拙相形  
因而兇頑自逞叢毆辱罵落水受傷皆嬉游無  
節之所由起也。

吾學錄初編

卷九

祀典一

七

先蠶廟

會典浙江省城建 先蠶廟並杭州嘉興湖州  
三府屬 蠶神祠均於每歲春月吉巳致祭祭品  
及儀節與 社稷壇同。

火神廟

通禮歲六月下旬三日遣官一人將事陳牛一羊  
一豕一果實五盤承祭官朝服行三跪九叩禮迎  
神上香奠帛讀祝三獻爵送 神望燎均如儀

謹案會典及通禮止載

京師祭 火神之儀。今省會及府州縣。歲以春秋仲

月。守土官諏吉致祭。用少牢。行禮儀節。與祭

神祇壇同。弭災患以安閭井。亦為民祈福之

一端也。

城隍廟

通禮祭 都城隍之禮。歲秋諏吉。遣官致祭。陳牛

一。羊一。豕一。果實五盤。承祭官行三跪九叩禮。餘

儀與祭 火神同。

書學錄初編 卷九 祀典一

六

謹案易泰之上六曰。城復于隍。禮記天子大蜡

八。水庸居七。水隍也。庸城也。此城隍之所由名

也。其神之見於史者。南齊書慕容儼傳。有守郢

禱城隍獲祐事。見於集者。唐張說張九齡杜牧

皆有祭城隍文。見於說部者。李陽冰為縉雲令。

以不雨告於城隍神。曰五日不雨。將焚其廟。竟

得雨。為新其廟以酬之。逮後唐清泰中。封以王

爵。宋建隆後。其祀遂徧天下。明初去廟為壇。加

封。府曰公。州曰侯。縣曰伯。旋去公侯伯封號。定

其主為某府州縣城隍之神。其後又改用廟祀。設座判事。如長吏狀。迄今因之。會典及通禮止載

京師 都城隍遣祭之禮。直省 城隍合祀 神

祇壇。又以 神主厲壇之祀。每月朔望。守土官

詣廟行香。行二跪六叩禮。遇暘雨愆期。則禱於

廟。蓋 城隍實主一方之治。福善禍淫。本為理

之所有。乃蚩蚩之氓。不安義命。不知修檢。謂禍

可避而福可邀。遂於歲祀之外。別有所謂城隍

書學錄初編 卷九 祀典一

九

誕日者。迎神出廟。周游街巷。金鼓喧闐。火爆聒

耳。以媚神求福。矯誣已甚。然而地方官會莫之

禁者。以其出會之期。恒在仲夏春溫之氣鬱而

不宣。及至溽暑熏蒸。易成疫癘。其於闐闐輻輳

之地。宣洩尤難。得此金鼓火爆之聲。亦可以祛

除時疹。是即周禮鄉儺之遺意也。然而黃金四

目。執戈揚盾。前人已謂儺近於戲。今則直以戲

為事神之具矣。其尤甚者。當出會時。鑪亭旗纛。

備極鮮妍。擡閣雜劇。巧為裝演。或陳古玩以炫

富或飾治客以導淫。清歌十番。輪班疊進。不惜  
百家之產。以供一日之觀。其於居民生計。實爲  
大蠹。更有然肉燈以解罪。裝其判以自豪。足縛  
喬竿。面施五采。喪神厲鬼。佰什成羣。絕不知愧  
恥。爲何事。此非敬神。實慢神也。又復裝飾小兒。  
目爲神犯。輕則械其手。重則檻其軀。謂可以保  
壽命之延。而獲神靈之佑。不知養蒙之道。當教  
以正。示以恭謹。尙恐其頑。乃以精衣加於髻。稚  
旣爲不祥。自其少日。已使之縲紲通衢。及至長

成。尙何羞恥。卽可因此而免。死殤。彼爲父母者。  
亦何貴有此不肖之子。抑或赤日羸肌。因而致  
疾。是生之而適殺之也。又案古者廟之有寢。所  
以施於人鬼也。周官隸僕掌五寢。註云。五廟之  
寢。詩所謂寢成。孔安是也。其制前曰殿。後曰寢。  
月令孔疏云。廟是接神之處。寢乃衣冠所藏處  
也。若夫 城隍。則鎮星也。旣無衣冠。可藏廟而  
設寢。已屬不經。至於神以像祀。始見於宋玉招  
魂。有像設君室之文。其後踵釋氏之法。設爲地

獄變相。乃山劍樹。赫然森羅。雖非事神正道。尙  
足以儆戒愚頑。乃於 城隍寢室中。設婦人像。  
與神坐並。號爲神配。柰何以一方正祀之神。等  
於小姑彭郎。事同兒戲哉。又湯文正斌言。吳中  
之祀五通。少年婦女。有殊色者。偶染寒熱之疾。  
巫師神婆。輒揚言曰。神將娶以爲婦。而其婦女  
亦恍惚若與神遇。往往羸瘵而死。家人不以爲  
哀。反豔稱之。或爲厚置奩具。以納於廟。且遣婢  
媼。以伺其寢。興陳文恭宏謀亦言。吳中淫祠。有  
良家婦女。願捨身寢殿。以供廝役者。視河伯娶  
婦。爲更甚矣。附載於此。以爲淫祀者戒。

厲祭  
通禮直省府州縣。歲三月寒食節。七月望日。十月  
朔日。祭厲壇於城北郊。前期守土官飭所司具香  
燭。公服詣 神祇壇。以祭厲告本境 城隍之  
位。上香。跪。三叩。興。退。至日所司陳羊三。豕三。米飯  
三石。尊酒。楮帛於祭所。設燎鑪於壇南。黎明。禮生  
奉 城隍神位入壇。設於正中。香案一。鑪。鐙。具。贊

禮生二人引守土官公服詣神位前。贊跪。守土官跪。贊上香。守土官三上香。贊叩興。守土官三叩興。退。執事者焚楮帛。守土官詣燎鑪所。祭酒三爵。退。禮生仍奉城隍神位還神祇壇退。

謹案子產為伯有立後。使鬼有所歸。遂不為厲。朝廷之設厲祭。正以無主孤魂。或能依草附木。求食殃民。故於季春仲秋孟冬。歲祭者三。迎城隍神以為之主。即國僑治鄭之遺法也。然無主之鬼。既有此祭。自不敢復為民害。即閒有搏膺之

吾學錄初編 卷九 祀典一

三

晉厲被髮之良夫。彼其冤孽相尋。又豈祈禳可免。惟有省愆修德。以正勝邪。自能卻路鬼之擲。掄而為神明所默佑。晉人不禱桑林。楚子不修河禱。而鬼神究不得而祟也。昧者不察。值陰陽偶戾。寒煥違和。不推其致疾之由。輒以為羣魔所祟。雖有和緩。不取驗於參苓。乃召巫師。立為收魂祛鬼之計。遂使病者假臥在牀。聽其日就沈錮。一家男婦。徒營營於飯巫化楮。渺茫無益之為。而巫師遂得憑其符箋。造作誣詞。謂某日

某方鬼神作祟。遂使其家愈增惶惑。乞靈茶於野廟。昇木偶於通衢。為門外之祛除。舍室中之湯藥。及至病成綿悞。即使和緩重來。亦將望而卻走。是疾原可治。一經引邪入室。乃真為鬼所祟矣。豈不謬哉。又有一種不法僧徒。剽刻藥方。乘危射利。遇有因病求神者。不問人之男女老少。不計病之寒熱陰陽。不論藥之溫涼平燥。方之君臣佐使。香貲到手。憑箋付方。幸而自愈。貪為神功。彩帳燈油。酬資踵至。即令誤投。不以為誠。求未至則以為命實使然。而為之父兄妻子者。甘受其愚弄。而不知醒。是誠何心也。

吾學錄初編 卷九 祀典一

三

舉 人黃本驥編次  
戶部郎中陳傳均 同校  
詹事府主簿吳彌光 同校  
吾學錄初編卷九終

吾學錄初編卷十

聖廟設於廟前左右兩廡各設一門以容祭器

祀典門二

先師廟

廟制位次○太學遣官釋奠儀○祭器○祭品  
○樂器○樂章○佾舞○祝辭○直省釋奠儀  
○樂章○祝辭○太學釋菜儀○太學上香儀○  
直省釋菜上香儀○直省 文廟附祀忠義孝弟  
節孝名宦鄉賢各祠

廟制位次○通禮

大成殿內

至聖先師正

位南向。復聖顏子。

述聖子思子。東位西向。

宗聖曾子。

亞聖孟子。西位東向。兩序 先賢東

吾學錄初編卷十 祀典二

閔子損冉子雍端木子賜仲子由卜子商有子若

皆西向。西冉子耕宰子予冉子求言子偃顓孫子

師朱子熹皆東向。兩廡 先賢東 邁瑗澹臺滅明

原憲南宮适商瞿漆雕開司馬耕梁鱣冉孺伯虔

冉季漆雕徒父漆雕哆公西赤任不齊公良孺公

肩定鄒單罕父黑榮旂左人鄧鄭國原亢廉潔叔

仲會公西輿如邾巽陳亢琴張步叔乘秦非顏噲

顏何縣亶樂正克萬章周敦頤程顓邵雍西林放

宓不齊公治長公皙哀高柴樊須商澤巫馬施顏

辛曹卹公孫龍秦商顏高壤駟赤石作蜀公夏首

后處奚容蒧顏祖句井疆秦祖縣成公祖句茲燕

伋樂欬狄黑孔忠公西蒧顏之僕施之常申棖左

邱明秦冉牧皮公都子公孫丑張載程頤 先儒

東公羊高伏勝董仲舒后蒼杜子春諸葛亮王通

范仲淹歐陽修楊時羅從彥李侗呂祖謙蔡沈陳

淳魏了翁王柏趙復許謙吳澄胡居仁王守仁羅

欽順黃道周湯斌西穀梁赤高堂生孔安國毛萇

鄭康成范甯韓愈胡瑗司馬光尹焞胡安國張栻

吾學錄初編卷十 祀典二

陸九淵黃幹真德秀何基陳澧金履祥許衡薛瑄

陳獻章蔡清呂坤劉宗周陸隴其均北上東西向

謹案道光五年以唐陸贄從祀。列東廡王通之

次。八年以明孫奇逢從祀。列西廡呂坤之次。

○ 崇聖祠殿內中 肇聖王木金父。左。

裕聖王祈父。右 詒聖王防叔。次左 昌聖

王伯夏。次右 啟聖王叔梁紇。皆南向。 先賢。

顏無繇孔鯉東位西向。曾點孟孫氏西位東向。

先儒。東廡周輔成程珦蔡元定西向。西廡張迪朱

松東向均北上。

太學遣官釋奠儀○通禮歲以春秋仲月上丁遣

官釋奠於先師承祭分獻等官均致齋二日

豫期既牲所牧豫設香案於庭中南向一東西向

各一遣官補服太常寺贊禮郎二人前引詣香案

前北面所牧立案右牧人牽牛羊過案前導以旗

仗所牧跪告牲次東向既鹿西向既豕所牧跪告

如前儀引由北門退既割牲先一日宰人豫鑿坎

於宰牲亭之西國子監官設香案一於宰牲亭外

吾學錄初編卷十 祀典二

三

光祿寺少卿一人朝服詣香案前上香遂及御史

禮部祠祭司官國子監監丞朝服既宰宰人割牲

以豆取毛血瘞於坎退其日太常寺官具祝版送

內閣恭書祝辭承祭官受而供諸大成殿及

崇聖祠內祝案上行禮如儀祭日陳設先師

位前牛一羊一豕一登一鉶二簋二盞十豆

十鑪一燈二四配位前各羊一豕一鉶二簋二

盞二盞八豆八鑪一燈二十二哲位前鉶一簋

一盞一盞四豆四東西各羊一豕一鑪一燈二殿

中設一案少西北向供祝版其南東設一案西向

陳禮神制帛九白香盤四尊三爵二十有七西設

一案東向陳禮神制帛八白香盤三尊二爵二十

有四凡牲陳於俎凡帛正位四配異篚

十二哲東西共篚凡尊實酒承以舟疏布篚勺具

東廡二位同案每位爵一實酒每案盞一簋一盞

四豆四先賢案前羊二豕二香案一鑪一燈二

先儒案前羊一豕一香案一鑪一燈二設案一

於南北向陳禮神制帛二白香盤二尊二虛爵六

吾學錄初編卷十 祀典二

四

謹案正殿設五十一爵備先師四配

十二哲每位三獻之用兩廡位數過多但各設

一爵實酒別設虛爵六備賢儒各三獻之用

俎篚篚勺具西廡陳設同崇聖祠正位前

各羊一豕一鉶二簋盞各二盞豆各八鑪一燈二

配位前簋一盞一盞四豆四東西羊豕各一鑪

一燈二中設一案少西供祝版東設一案陳禮神

制帛五白香盤五尊四爵十有五西設一案陳禮

神制帛四白香盤四尊三爵十有二兩廡東二案

西一案每位爵一。實酒每案陳設簠簋遵豆羊豕  
鑪鉶如配位之數各南設一案陳禮神制帛一色  
香盤一尊一。虛爵三。俎篚窶勺皆具。太常寺設中  
和韶樂於殿外兩階設福胙於殿內東案尊爵之  
旁加爵一。設洗於階下之東。禮部侍郎省盥如儀  
承祭官拜位。親王郡王在階上。大學士在階下。讀  
祝受福胙拜位。在殿中門盥內。分獻官在甬道左  
右。陪祀官在庭內左右。均北面。司香司帛司爵  
大成殿 正位 配位以國子監監丞助教學

吾學錄初編 卷十 祀典二 五

正學錄等官充。兩序兩廡暨 崇聖祠殿廡均以  
國子生充。正殿司香四人。司帛四人。司爵九人。立  
東案之東西面。司香三人。司帛三人。司爵八人。立  
西案之西東面。兩廡司香司帛司爵東西各二人。  
序立南案之南。均北面。崇聖祠司香九人。司帛  
九人。司爵九人。兩廡司香司帛司爵每案各一人。  
立位與前儀同。奉福胙國子生二人。立於東案之  
東。西面接福胙國子生二人。立於西案之西。東面  
雞初鳴。承祭官分獻官豫集於持敬門內。致齊所

太常寺贊禮郎十有四人。埃於持敬門內。均朝服  
味爽贊禮郎二人。引承祭官入門。親王郡王入大成門左門。大學士入左側門。又四人分引兩序分獻官。又八人分引兩  
廡分獻官。由左側門入。至階東。盥手畢。詣拜位前  
立。鴻臚寺官引陪祀官。咸詣拜位。序立。典儀贊樂  
舞生登歌。執事官各共迺職。文舞六佾進。贊禮郎  
贊就位。引承祭官分獻官就位立。典儀贊迎  
神。司樂贊舉迎 神樂。奏昭平之章。樂作。贊禮  
郎贊就上香位。引承祭官升東階。入殿左門。贊詣

吾學錄初編 卷十 祀典二 六

先師香案前。贊跪。承祭官跪。行一叩禮。興。贊  
上香。司香跪奉香。承祭官上炷香。三上瓣香。跪。行  
一叩禮。興。贊。以次詣 四配位前。跪。上香。儀同贊  
復位。引承祭官退。降階復位。初迎 神時。贊禮  
郎分引東西序分獻官各一人。升東西階。入殿左  
右門。詣 十二哲位前。跪。上香。退。降階復位。引兩  
廡分獻官。東西各二人。分詣 先賢 先儒位前  
跪。上香。退。復位。均如前儀。贊禮郎贊跪。叩。興。承祭  
官分獻官暨陪祀官行三跪九叩禮。興。樂止。典儀



贊奠帛爵。行初獻禮。奏宣平之章。舞羽籥之舞。樂作。贊禮郎引承祭官升階。贊詣。先師位前。贊跪。承祭官跪。行一叩禮。與司帛跪奉篚。承祭官受爵。拱舉。奠篚。拱舉。奠於案。司爵跪奉爵。承祭官受爵。拱舉。奠於塾中。跪行一叩禮。與贊禮郎贊就讀祝位。引承祭官至殿中。拜位立。贊跪。承祭官分獻官暨陪祀官皆跪。贊讀祝。司祝跪讀祝。讀畢。與奉祝版。跪安。先師位前。篚內三叩。與退。承祭官分獻官暨陪祀官均行三叩禮。與贊禮郎引承祭官以次詣。四配位前。跪。奠帛獻爵。儀同。退。降階復位。贊禮郎分引兩序分獻官升東西階。入殿左右門。詣十二哲位前。跪。奠帛獻爵。與退。降階復位。均如儀。引兩廡分獻官分詣。先賢。先儒位前。奠帛獻爵。復位。儀同。樂止。亞獻。奏秩平之章。舞同。初獻樂作。贊禮郎引承祭官升階。贊詣。先師位前。暨四配位前。奠爵於左。如初。兩序兩廡隨分獻畢。均復位。樂止。終獻。奏敘平之章。舞同。亞獻樂作。引承祭官升階。奠爵於右。如亞獻儀。兩序兩廡隨

吾學錄初編 卷十 祀典二 七

分獻畢。均復位。樂止。文舞退。典儀贊飲福。受胙。贊禮郎贊詣受福。胙位引承祭官至殿中。拜位立。奉福胙二人。自東案奉福胙。至先師位前。拱舉。退。立於承祭官之右。接福胙二人。自西案進。立於左。贊禮郎贊跪。承祭官跪。贊飲福酒。右一人跪遞福酒。承祭官受爵。拱舉。以授於左。接以與。次受胙。如飲福之儀。贊叩興。承祭官三叩興。贊復位。引承祭官退。降階復位。贊跪叩興。承祭官分獻官暨陪祀官均行三跪九叩禮。與典儀贊徹饌。奏懿平之章。樂作。徹畢。樂止。贊送。神。奏德平之章。樂作。贊禮郎贊跪叩興。承祭官分獻官暨陪祀官行三跪九叩禮。與樂止。典儀贊奉祝帛饌送燎。有司各奉祝帛香饌。恭送燎所。如儀。承祭官避立。拜位西旁。俟過。復位。樂作。贊禮郎引承祭官詣燎所。既燎畢。乃引出門。親王郡王出大成門。左門。大學士出左側門。樂止。陪祀各官皆退。○崇聖祠同時遣官致祭。贊引太常寺贊禮郎引承祭官入祠垣左門。引分獻官隨入。承祭官詣階下盥手。典儀贊執事官各司其事。贊禮

吾學錄初編 卷十 祀典二 八

即贊就位引承祭官分獻官就位立典儀贊迎  
神司香奉香盤就各香案前立贊引官贊就上  
香位引承祭官升東階入殿左門贊詣 肇聖  
王位前贊跪承祭官跪行一叩禮興贊上香司香  
跪奉香承祭官上炷香三上辨香跪行一叩禮興  
贊次詣左右 正位前跪上香儀同降階復位  
贊禮即引分獻官升東西階入殿左右門分詣  
配位前跪上香如儀降階復位引兩廡分獻官分  
詣兩廡 從位前跪上香復位均如前儀贊禮即  
贊跪叩興承祭官分獻官行三跪九叩禮興典儀  
奠帛爵行初獻禮贊禮即引承祭官升階贊詣中  
案前贊跪承祭官跪行一叩禮興司帛跪奉篚承  
祭官受篚拱舉奠於案司爵跪奉爵承祭官受爵  
拱舉奠於塾中跪行一叩禮興以次詣左右案  
前跪奠帛獻爵儀同贊禮即贊就讀祝位引承祭  
官詣拜位立司祝至祝案前跪三叩奉祝版跪案  
左贊跪承祭官分獻官皆跪贊讀祝司祝讀祝讀  
畢興奉祝版跪安 肇聖王位前篚內三叩興

吾學錄初編 卷十 祀典二

九

退贊禮即贊叩興承祭官分獻官行三叩禮興贊  
復位引承祭官出降階復位贊禮即引正殿分獻  
官升東西階入殿左右門詣 配位前引兩廡分  
獻官分詣兩 從位前跪奠帛獻爵興復位均如  
正獻儀亞獻各獻爵於左終獻各獻爵於右均如  
初儀典儀贊徹饌有司徹饌畢贊送 神贊禮  
即贊跪叩興承祭官分獻官行三跪九叩禮興典  
儀贊奉祝帛饌送燎司祝司帛司香司爵各奉祝  
帛香饌以次恭送燎位如儀承祭官避立西旁俟  
過復位贊禮即引詣燎所既燎贊禮畢仍引出祠  
垣左門出各退。  
謹案春秋釋奠有  
皇帝親詣行禮之儀又有  
臨雍釋奠之儀具詳通禮仰見我  
朝崇儒重道超邁千古矣。  
祭器○會典 先師廟祭器傳用銅腹爲雷紋  
饗養形通高四寸六分深二寸三分兩柱高七分  
三足相距各一寸五分高二寸○登用銅口爲回

吾學錄初編 卷十 祀典二

十

紋中為雷紋。柱為饗饗形。足為垂雲紋。蓋上為星紋。中為垂雲紋。口為回紋。通高六寸。深二寸。口徑四寸九分。枝圍六寸九分。足徑四寸七分。蓋高一寸六分。徑四寸六分。頂高三分。○銅用銅。兩耳為犧形。口為藻紋。次回紋。腹為貝紋。蓋為藻紋。回紋雷紋。上有三峯。為雲紋。三足亦為雲紋。高四寸一分。深四寸。口徑五寸一分。底徑三寸三分。三足高一寸三分。蓋高二寸二分。三峯高一寸。○簋用銅。面為夔龍紋。束為回紋。足為雲紋。兩耳附以夔龍。

書學錄初編 卷十 祀典二

七

蓋上有稜。四周旁亦附夔龍耳。通高四寸六分。深二寸一分。口縱六寸四分。橫八寸。底縱五寸一分。橫六寸四分。蓋高一寸四分。上稜四周。縱四寸一分。橫六寸四分。○簋用銅。制圓而擗。口為回紋。腹為雲紋。束為黻紋。足為星雲紋。兩耳附以夔龍。蓋面為雲紋。口為回紋。上有稜四出。通高四寸二分。深二寸一分。口徑七寸二分。底徑六寸。蓋高一寸八分。上稜四出。高一寸一分。○邊編竹為之。以絹飾裏。頂及緣皆髹以漆。紅色。通高五寸四分。深八

分。口徑四寸六分。足徑四寸。蓋高一寸九分。頂高四分。○豆用銅。腹為垂雲紋。回紋。枝為波紋。金銀紋。足為黻紋。蓋為波紋。回紋。頂用綯紐。通高五寸五分。深二寸。口徑四寸九分。枝圍二寸。足徑四寸七分。蓋高二寸二分。頂高三分。○篚編竹為之。四周髹以漆。紅色。高五寸。縱五寸。橫二尺二寸五分。足高一寸。蓋高一寸七分。○俎用木。錫裹。外髹以漆。先師正位。紅色。中區為三。縱六尺。有奇。橫三尺二寸。四周各銅鑲二。八足有跗。通高二尺六

書學錄初編 卷十 祀典二

七

寸。有奇。配位 哲位兩廡 崇聖祠正位 配位兩廡俱紅色。中區為二。加蓋。縱三尺九寸。橫二尺八寸。左右各銅鑲二。六足有跗。通高二尺七寸有奇。○尊用銅。純素。兩耳為犧首形。通高八寸六分。口徑五寸一分。腹圍二尺四寸。底徑四寸六分。○毛血盤用陶。色白。○鑪用銅。有蓋。設靠以倚。炷香。靠亦用銅。○燭臺用銅。○奠爵以墊。用木。容奠三爵。○饌盤用木。○勺以挹酒。用錫。簠以冪尊。用疏布。

謹案直省 文廟祭器均與太學制同有司官  
自應躬檢舊藏或有闕而不備備而不能如制  
者照式增改敬謹貯藏。

祭品○會典 先師廟祭品登實太羹鉶實和

羹簠實稻梁簋實黍稷邊實形鹽彘魚棗栗榛菱  
芡鹿脯白餅黑餅豆實韭菹醢青菹鹿醢芹菹  
免醢荀菹魚醢脾析豚拍 四配 崇聖祠正位  
邊實無白餅黑餅豆實無脾析豚拍正殿兩序兩  
廡 崇聖祠配位兩廡簠實黍簋實稷無稻梁邊

吾學錄初編卷十 祀典二 古

實形鹽棗栗鹿脯豆實青菹鹿醢芹菹醢醢。

謹案直省祭品如不能備各就土之所有以類  
充不得以他祀品物通融借用。

樂器附 舞器 ○會典 先師廟設中和韶樂於兩

階金罇鐘一編鐘十有六在東玉特磬一編磬十  
有六在西皆縣以虞業東應鼓一祝一麾一西敵  
一東西分列琴六瑟四簫六篴六篪四排簫二塤  
二笙六搏拊二旌二羽籥三十有六○麾制黃帛  
爲之上鑲藍帛采繡懸於朱杆舉以作樂偃以止

樂○編鐘范銅十六鐘同處其制橢圓高皆七寸

四分四釐九毫○編磬用靈壁石十六磬同處皆

股長七寸二分九釐鼓長一尺九分三釐五毫○

琴面用桐底用梓髹以漆七絃皆朱通長三尺一

寸五分九釐○瑟斲桐爲之髹以漆二十五絃中

一絃黃餘皆朱通長六尺五寸六分一釐○排簫

比竹爲管十六通髹以朱○簫用竹上開山口徑

五分五孔前出一孔後出出音孔二旁出相對○

篴用竹通長一尺八寸二分八釐六毫○篪用竹

吾學錄初編卷十 祀典二 古

通長一尺四寸○笙以木代匏攢管十七皆有簧

○壎用土橢圓如鵝子上銳下平頂爲吹口前面

四孔後面二孔○建鼓木匡冒革面徑二尺三寸

四釐○搏拊如鼓而小面徑七寸二分九釐作樂

時以紉懸於項擊以左右手鼓一拊二以爲節○

祝用木形如方斗上廣下狹三面中各隆以受擊

一面中開圓孔擊具曰止長四尺八分六釐柄一

尺二寸一分三釐六毫○敵雕木爲伏虎形通長

二尺一寸八分七釐背上爲齟齬二十七齶以竹

長二尺四寸三分。析其半為二十四莖於齟齬上橫輓之。○節結旄九重各六寸四分八釐。杠長七尺二寸九分。東西各一。用以節舞。○羽木插雉羽。○籥以竹為之。六孔。○凡樂以舉麾鼓柷。作以偃麾。戛致止。

謹案直省 文廟陳設樂器。惟無金罍鐘玉特磬。餘與太學制同。建鼓即應鼓。節即旌也。編磬條之鼓。謂磬之受擊處。

樂章○會典 先師廟樂章。昭平之章。辭曰。大哉 至聖。德盛道隆。生民未有。百王是崇。典則

吾學錄初編 卷十 祀典二 五

昭垂式茲辟雍。載虔籥篥。載嚴鼓鐘。○宜平之章。辭曰。覺我生民。陶鑄賢聖。巍巍泰山。實予景行。禮備樂和。豆籩嘉靜。既述六經。爰對三正。○秩平之章。辭曰。至哉 聖師。克明明德。木鐸萬年。惟民之則。清酒既醕。言觀秉翟。太和常流。英材斯植。○敘平之章。辭曰。猗歟 素王。示子物軌。瞻之在前。師表萬祀。酌彼金罍。我酒惟旨。登獻雖終。弗遐有喜。○懿平之章。辭曰。璧水淵淵。芹芳藻潔。既歆至聖。亦儀前哲。聲金振玉。告茲將徹。履假有

成。日月昭揭。○德平之章。辭曰。煌煌辟雍。四方來宗。甄陶樂育。多士景從。如土斯埴。如金在鎔。佐予敷治。俗美時雍。○凡樂二月以夾中為宮。八月以南呂為宮。

佾舞○會典舞有二。一武功之舞。一文德之舞。其佾皆八。凡祭祀用舞。武舞先進。奏于成。武舞退。文舞進。奏羽籥。惟 先師廟始終皆用文舞。其佾六。每佾六人。凡三十六人。皆右執羽。左執籥。以節領之。引導進退。

吾學錄初編 卷十 祀典二 六

祝辭○會典 先師廟祝版。高九寸。廣一尺二寸。有架。白紙黃緣。墨書。 崇聖祠同。○ 先師廟祝辭曰。維某年月日。 皇帝遣某官某。致祭於 至聖先師孔子曰。惟師德配 天地。道冠古今。刪述六經。垂憲萬世。茲當仲春秋祇奉舊章。謹以牲帛酒果。致祭配以復聖顏子。 宗聖曾子。 述聖子思子。 亞聖孟子。 尚 饗。○ 崇聖祠祝辭曰。維某年月日。 皇帝遣某官某。致祭於 肇聖王木金父公 裕

聖王祈父公。詒聖王防叔公。昌聖王伯夏公。啓聖王叔梁公曰。惟王誕生至聖。爲萬世王者之師。功德顯著。茲當仲春。謹以庶品之儀。致祭。配以先賢顏氏。先賢曾氏。先賢孔氏。先賢孟孫氏。尙饗。

直省釋奠儀。通禮直省府州縣廟祀。先師孔子。皆以歲春秋仲月上丁。行釋奠禮。省會正獻以總督若巡撫一人主之。兩序以道員各一人。兩廡以知府同知各一人。既割牲。省盥盛。以道員各一人。糾儀以教授訓導各一人。司祝司香司帛司爵司饌。引贊通贊。引班以學弟子員。禮儀者執事。在城文武官。縣丞千總以上咸與祭。班與外朝會同。致齋二日。祭前一日。有司飭廟戶。潔掃殿廡內外。既割牲。官公服詣神廚。既割牲。如儀。正獻官率執事人入學習儀。教官率樂舞諸生入學習舞。習吹。祭之日。陳設省盥祀官偕執事人咸入就位。行禮儀節。均與太學遣官釋奠同。崇聖祠同時致祭。正獻以督學使者主之。若按試他郡。則以布政使

吾學錄初編 卷十 祀典二 七

一人攝。分獻以教諭訓導。執事以學弟子員。餘陳設行禮。竝如太學。崇聖祠祭儀。

樂章。會典直省。文廟樂章。昭平之章。辭曰。大哉孔子。先覺先知。與天地參。萬世之師。祥徵麟紱。韻答金絲。日月既揭。乾坤清夷。宣平之章。辭曰。子懷明德。玉振金聲。生民未有。展也大成。俎豆千古。春秋上丁。清酒既載。其香始升。秩平之章。辭曰。式禮莫愆。升堂再獻。響協鼓鏞。誠孚壘獻。肅肅雍雍。譽髦斯彥。禮陶樂淑。相觀而善。叙平之章。辭曰。自古在昔。先民有作。皮弁祭菜。於論思樂。惟天牖民。惟聖時若。彝倫攸敘。至

今木鐸。懿平之章。辭曰。先師有言。祭則受福。四海翬宮。疇敢不肅。禮成告徹。毋疏毋瀆。樂所自生。中原有菽。德平之章。辭曰。鳧繹峩峩。洙泗洋洋。景行行止。流澤無疆。聿昭祀事。祀事孔明。化我烝民。育我膠庠。

祝辭。會典直省。文廟祝辭曰。維某年月日。某官某致祭於至聖先師孔子曰。惟先師

吾學錄初編 卷十 祀典二 七

德隆千古道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦

於馨香泮水膠庠益致嚴於邊豆茲當仲春祇率

彝章肅展微忱聿將祀典以復聖顏子宗聖

曾子述聖子思子亞聖孟子配尙饗○

崇聖祠祝詞曰維某年月日某官某致祭於

肇聖王裕聖王詒聖王昌聖王

啓聖王日惟王奕葉鍾祥光開聖緒盛德

初編卷十 祀典二 九

之後積久彌昌凡聲教所覃敷率循源而溯本宜

肅明禋之典用申守土之忱茲屆仲春聿修祀事

配以先賢顏氏先賢曾氏先賢孔氏先

賢孟孫氏尙饗

太學釋菜儀○通禮月朔釋菜之禮正獻國子監

祭酒兩序兩廡以所屬監丞博士助教學正學錄

分獻司香司爵引贊通贊以肄業諸生執事其日

夙興國子監典簿啓殿門及東西廡門率廟戶潔

埽內外展神幄拂拭神案每案陳菜棗

栗各一豆籩一。登二。設案一於殿內之東陳香盤

七尊一。每位爵一。又設案於東西兩廡之南各陳

香盤三尊一。每位爵一。凡尊實酒。幕勺具。司香司

爵立於案旁。設洗於階下之東。通贊二人立於殿

內東西楹。二人立於殿外東西階上。皆公服。質明

祭酒率屬朝服。諸生吉服。集於持敬門內。引贊引

由大成門左側門入。及庭內。通贊贊就位。咸就

位。北面立。祭酒司業爲一班。師儒以位序。諸生以

齒序。咸列於後。通贊贊跪叩興。祭酒以下行三跪

初編卷十 祀典二 三

九叩禮。興。贊行釋菜禮。引贊引祭酒詣階東盥手。

升東階。入殿左門。詣先師位前。司香奉香盤

從。引贊贊跪。祭酒跪。通贊贊上香。司香跪奉香祭

酒三上香。興。退詣尊案前。眡注酒。司爵舉幕。酌酒

實爵。引贊引祭酒復詣先師位前。司爵執爵

從。引贊贊跪。祭酒跪。通贊贊獻爵。司爵跪奉爵祭

酒受爵。拱舉。以授司爵。興。獻於正中。退祭酒興。以

次詣四配位前。跪。上香獻爵。儀同贊復位。引祭

酒退降階復位。初迎神時。引贊引兩序分獻

官二人盥手升東西階入殿左右門詣 十二哲位前跪。上香獻爵畢降階復位。均如儀。兩廡引贊引分獻官二人盥手詣 先賢 先儒位前跪。上香獻爵畢復位。儀同。通贊贊跪叩興祭酒率屬及諸生均行三跪九叩禮畢各退。崇聖祠正獻國子監司業兩廡以助教學正等官各一人分獻。執事以諸生行禮儀節同。

太學上香儀○通禮望日上香之禮國子監典簿拂 神案然燈設香盤於殿內及兩廡各案肆

吾學錄初編卷十 祀典二

三

業生司香各一人立於案前設洗於階東質明祭酒司業率屬朝服諸生吉服入 大成門左側門階下就位如釋菜之儀通贊贊行上香禮引贊引司業盥手升東階入殿左門詣 先師位前引贊贊跪司業跪通贊贊上香司香跪奉香司業三上香興引詣 四配位前以次跪。上香畢贊復位引司業退降階復位引贊引助教二人盥手升階分詣兩廡 十二哲位前跪。上香畢降階復位均如儀引學正二人盥手分詣兩廡 先賢 先儒

位前跪。上香畢復位儀同。通贊贊跪叩興祭酒司業以下行三跪九叩禮畢各退。崇聖祠正殿以助教一人上香。兩廡以典簿典籍各一人上香。儀同。

直省釋菜上香儀○通禮直省月朔釋菜望日上香。教授教諭訓導等官分班行禮與太學同。

直省 文廟附祀各祠○會典直省府州縣

先師廟左右建忠義孝弟祠祀本地忠臣義士孝子悌弟順孫建節孝祠祀節孝婦女建名宦祠祀

吾學錄初編卷十 祀典二

三

仕於其土有功德者建鄉賢祠祀本地德行著聞之紳士歲以春秋致祭皆以羊一豕一邊豆各四。以教諭一員主之上香讀祝三獻均行一跪三叩禮。

舉 人黃本驥編次

戶部郎中陳傳均 同校

詹事府主簿吳彌光

吾學錄初編卷十終



吾學錄初編卷十一

鑿甫黃泰翁著 吳榮光恭述

祀典門三

關帝廟 京師祭儀 ○直省祭儀

京師祭儀 ○通禮致祭 關帝之禮歲以春秋仲

月。諏吉遣官一人將事。是日昧爽。廟祝潔掃殿宇  
內外。太常寺官具祝版。

謹案祝版制同 文廟。

備器陳。 神位前。牛一。羊一。豕一。登一。釧二。簋

吾學錄初編卷十一 祀典三

簋各二。邊豆各十。鑪一。鐙二。殿中設一案少西北

向。供祝版。東設一案。陳禮神制帛一。色白。香盤一。尊

一。爵三。牲陳於俎。帛實於篚。尊實酒。幕勺具。

謹案登銅簋。豆。鑪。鐙。尊。爵。幕。勺。之制。均與

文廟同。惟邊篚異制。邊色黑。通高五寸八分。深

五分。蓋高二寸一分。頂正圓。高五分。篚色黑。高

三寸一分。縱四寸三分。橫二尺二寸三分。足高

八分。蓋高一寸三分。俎制。前殿與 文廟正位同。後殿與

崇聖祠同。春秋祭品均與 文廟同

和聲署設樂於西階上。

謹案樂用鼓一。笙一。管二。雲璈一。篳二。板一。樂

章見會典不具載。

太常寺設洗於東階上。承祭官拜位在殿內正中。

司祝司香司帛司爵典儀掌燎各以其職為位。如

常儀。質明。承祭官朝服詣廟。贊引太常寺贊禮郎

二人。引承祭官由廟左門入。至東階上。盥手畢。進

殿東門。詣拜位前立。典儀贊執事官各共迺職。贊

禮郎贊就位。引承祭官就位立。典儀贊迎 神。

樂作。贊禮郎贊詣上香位。引承祭官就香案前立。

吾學錄初編卷十一 祀典三

贊上香。司香跪奉香。承祭官上炷香。三上瓣香畢。

贊復位。引承祭官復位立。贊跪叩興。承祭官行三

跪九叩禮。興。典儀贊奠帛爵。行初獻禮。有司揭尊

幕勺。挹酒實爵。樂作。司帛奉篚。司爵奉爵。各進至

神位前。司帛跪奠篚於案。三叩興。司爵立獻

爵於案正中。各退。司祝詣祝案前跪。三叩興。奉祝

版跪案左。樂暫止。贊禮郎贊跪。承祭官跪。典儀贊

讀祝。司祝讀祝辭曰。維某年月日。

皇帝遣某官某。致祭於 忠義神武靈佑仁勇關聖

大帝之神曰

謹案道光八年

關帝神號加

封威顯二字

五月十三日祭及直省祭各祝文內照加二字

惟神秀毓河山名垂今古英風正氣世歷久

而彌新大節純心史相傳而莫匹念神靈之顯著

命典禮以優隆茲當仲春用昭時饗尙其歆格鑒

此精虔尙饗讀畢興以祝版跪安於篚內叩如

初興退贊禮郎贊叩興承祭官行三叩禮興典儀

贊行亞獻禮樂作司爵獻於左如初獻儀典儀贊

吾學錄初編卷十一 祀典三

三

行終獻禮樂作司爵獻爵於右如亞獻儀典儀贊

徹饌樂作有司徹畢贊送神贊禮郎贊跪叩

興承祭官行三跪九叩禮興樂止典儀贊奉祝帛

饌送燎有司奉祝帛香饌以次送燎如儀贊望燎

贊禮郎引承祭官詣燎位眠燎禮畢樂止承祭官

及執事官皆退同日祭後殿以太常寺卿一人將

事光昭公位中裕昌公左成忠公

右均南向位各異案每案羊一豕一釧二盞盞各

二邊豆各八盞一鐙二殿中設案少西北向供祝

版東西各設一案分陳禮神制帛三色香盤三爵

九尊三俎篚冪勺具設洗於後垣門內甬道東承

祭官位殿檐下正中司祝司香司帛司爵典儀掌

燎各以其職爲位如常儀質明承祭官由前左門

入後垣中門盥手升階就位迎神引詣正位

前上香畢以次詣左右位前上香復位行二跪六

叩禮初獻讀祝如儀祝辭曰維某年月日

皇帝遣某官某致祭於關帝之曾祖光昭公

祖裕昌公父成忠公曰惟公盛德

吾學錄初編卷十一 祀典三

四

相承令儀足式歷數傳之積累遂鍾河嶽精靈儲

曠代之威名堪作巖廊矩矱

殊恩既沛於三世時饗宜錫於上公茲當仲春用昭祀

事豆邊致潔典禮加隆尙饗凡儀節均與前殿

同○歲五月旬有三日致祭關帝廟前殿

神位前陳牛一羊一豕一果實五盤盞盞具

謹案果實五盤用核桃荔枝龍眼紅棗栗不設

邊豆後殿同陳設及行禮儀節與春秋祭同祝辭曰維某年月

日。

皇帝遣某官某致祭於 忠義神武靈佑仁勇關聖

大帝之神曰惟 神純心取義亮節成仁允文

允武迺聖迺神功高當世德被生民兩儀正氣歷

代明禋英靈丕著封號聿新敬修歲事顯佑千春

尚 饗同日並祭後殿太常寺卿一人行禮每案

羊一豕一果實五盤典儀不贊徹饌司爵以執事

生餘陳設及行禮儀節與春秋祭同祝辭曰維某

年月日

吾學錄初編卷十一 禮典三

五

皇帝遣某官某致祭於 關帝之 會祖光昭公

祖裕昌公 父成忠公曰禮隆報祀謹重

推恩當松生嶽降之期溯本本水源之始輝煌棟

宇憑依已妥於上公修潔豆粢將饗告虔於仲夏

惟 神昭鑒尚其格歆

直省祭儀○通禮直省府州縣 關帝廟歲均

以春秋仲月及五月旬有三日致祭

謹案 關帝又祭於山西解州故里及湖北

當陽縣墓所

前殿主祭以地方正官一人後殿以丞史執事以

禮生祭日陳設迎 神上香奠獻讀祝送

神祇燎禮儀並與

京師祭前後殿同前殿祝辭曰維某年日月某官某

致祭於 忠義神武靈佑仁勇關聖大帝之神

曰惟 帝浩氣凌霄丹心貫日扶正統而彰信

義威震九州完大節以篤忠貞名高三國 神

明如在徧祠宇於寰區靈應丕昭薦馨香於歷代

屢徵異蹟顯佑羣生恭值仲春嘉辰遵行祀典筵

吾學錄初編卷十一 禮典三

六

陳籩豆几奠牲醪尚 饗後殿祝辭曰維某年月

日某官某致祭於 關帝之 會祖光昭公

祖裕昌公 父成忠公曰惟 公世澤

貽麻靈源積慶德能昌後篤生神武之英善則歸

親宜享尊崇之報列上公之封爵

錫命八隆合三世之肇禮典章明備恭逢仲春諏吉祇

事薦馨尚 饗

謹案 帝廟之祀載於典禮者甚鉅乃市井

愚民據三國演義有所謂桃園結義之說恒於

五月十三日糾集多人斂錢作會拜異姓爲兄弟。至有酒酣生釁辱詈叢毆。結拜之初已成讎敵。揆諸出入相友之義。豈復如是。律載異姓結盟兄弟者。照謀叛未行律科罪。以人數多寡爲差。

文昌廟

京師祭儀○直省祭儀

京師祭儀○通禮致祭

文昌之禮。歲以二月三日。暨秋仲月。誠言遣官一人將事。是日昧爽。廟祝

潔掃殿宇內外。太常寺官具祝版。備器陳設。洗辨

吾學錄初編

卷十一

祀典三

七

位。和聲署設樂。均與

關帝廟同。質明承祭官

朝服詣廟。贊引太常寺贊禮郎二人。引承祭官由

廟左門入。至東階上。盥手畢。引詣拜位前立。典儀

贊執事官各司其事。贊禮郎贊就位。引承祭官就

位立。典儀贊迎

神。樂作。贊禮郎贊詣上香位。

引承祭官入殿左門。就香案前立。贊上香。司香跪

奉香。承祭官上炷香。三上辦香畢。贊復位。引承祭

官復位立。贊跪叩。與承祭官行三跪九叩禮。典儀

儀贊奠帛爵。行初獻禮。有司揭尊罍勺。挹酒實爵。

樂作。司帛奉篚。司爵奉爵。各進至神位前。司

帛跪奠篚於案。三叩與。司爵立獻爵於案正中。各

退。司祝詣祝案前跪。三叩與。奉祝版跪案左。樂暫

止。贊禮郎贊跪。承祭官跪。典儀贊讀祝。司祝讀祝。

辭曰。維某年月日。

皇帝遣某官某致祭於

文昌帝君。曰。惟

神蹟

著西潼。樞環北極。六匡麗曜。協昌運之光華。累代

垂靈。爲人文之主宰。扶正久彰。夫感應薦馨。宜致

其尊崇。茲屆仲

春

用昭時祀。尙其歆格。鑒此精虔。

吾學錄初編

卷十一

祀典三

八

讀畢。與以祝版跪安於篚內。叩如初。與退。贊禮郎

贊叩與。承祭官行三叩禮。與。典儀贊行亞獻禮。樂

作。司爵獻爵於左。如初獻儀。典儀贊行終獻禮。樂

作。司爵獻爵於右。如亞獻儀。典儀贊徹饌。樂作。有

司徹饌。贊送

神。贊禮郎贊跪叩與。承祭官行

三跪九叩禮。與。樂止。典儀贊奉祝帛。饌送燎。有司

奉祝帛香饌。以次送燎。如儀。贊望燎。贊禮郎引承

祭官詣燎位望燎。禮畢。樂止。承祭官及執事官皆

退。同日祭後殿。以太常寺卿一人將事。殿正中奉

文昌帝君前代神位南向設案一陳羊一豕  
一。銅二。簋各二。籩豆各八。承祭官行二跪六叩  
禮。初獻讀祝如儀。祝辭曰。維某年月日。

皇帝遣某官某致祭於文昌帝君之前代曰。

祭引先河之義。禮崇反本之思。矧夫世德彌光。延  
賞斯及。祥鍾累代。炯列宿之精靈。化被千秋。為人  
文之主宰。是尊後殿。用答前麻。茲值仲春。肅將時  
事。用申告潔。神其格歆。尚饗餘陳設器數

及行禮儀節均與關帝廟後殿同。

吾學錄初編卷十一 祀典三 九

直省祭儀。○通禮。直省府州縣暨四川梓潼縣鳳  
凰山。文昌廟。歲均以春秋仲月。地方官躬詣  
致祭。陳設器數。行禮儀節。並與

京師祭文昌廟同。

謹案文昌之祀。其說有二。一以為天神。大

官書斗魁載匡六星。一上將。二次將。三貴相。四

司命。五司中。六司祿。是為文昌宮。文昌之稱始

於此。一以為人鬼。在周為張仲。在漢為張良。在

晉為涼王呂光。在五代為蜀主孟昶。在姚秦之

世。又為越雋人張惡子。立廟梓潼山。唐明皇西  
狩。追封左丞。僖宗入蜀。封順濟王。宋咸平中。改

封英顯。元延初。加封輔元開化文昌司祿帝君  
帝君之稱始於此。是二說也。雖不知孰為可據

然既列於祀典。即為聰明正直之神。習舉業。求

科名者。敬之宜矣。乃有聯名結社。序列兄弟。以

為親厚者。夫兄弟以天合。朋友以人合。輔仁為

朋友之道。樹黨非君子所宜。友誼雖親。究與兄

弟有別。今乃比而同之。謂重朋友乎。則視兄弟

吾學錄初編卷十一 祀典三 十

者輕。謂重兄弟以重朋友乎。則視朋友者又豈

揆之於義。均無所處。且顯違臥碑之禁矣。

禦災捍患諸神祠

通禮。致祭直省所在專祠之禮。直省 禦災捍患

諸神。於民有功德者。加

封號。立專祠。○會典。祭 顯佑通濟昭靈効順廣利安

民惠孚金龍四大王。宋浙人謝緒。於江蘓宿遷縣

及濱河各縣。神行四。讀書金龍山。宋亡死節。為

三年。封昭靈効順。乾隆二十二年加 封廣利

安民嘉慶開加封惠手祭蜀漢丞相諸葛武侯亮於四

川成都府成都舊有武侯廟康熙十年祭護國庇

民妙靈昭應宏仁普濟福佑羣生誠感咸孚顯神

贊順垂慈篤祐天后宋林氏女於福建福州府莆

田縣湄州及江蘇清口惠濟祠並濱海各縣始封神

靈惠夫人歷元明累封天妃國朝康熙十九年

十三年加封護國庇民妙靈昭應宏仁普濟天妃二

福佑羣生二十二年加封天后乾隆二年加封誠感咸孚五十

三年加封顯神贊順嘉慶五年加封垂慈篤祐六年追封神父為積慶公母為積

慶夫人祭於莆田祭猛將軍元指揮劉承忠於清口天后廟後殿

各省府州縣猛將軍雍正二年奉旨廟祀

祭英衛公吳大夫伍員於浙江錢塘縣為錢塘

江神唐封廣惠侯歷宋元明累封忠武英烈威德顯聖王國朝雍正二年封今號祭

誠應王吳越武肅王錢鏐於浙江臨安縣以雍

正二年封祭靜安公宋張夏於浙江蕭山縣神

於宋景祐中護隄捍江歿封寧江侯祭江寧伯

國朝雍正二年改封今號祭江寧伯

明紹興府知府湯紹恩於浙江紹興府三江口開

民為立祠國朝雍正二年封祭寧漕公明工部尚書宋

禮及永濟之神老人白英於山東汶上縣始導神

吾學錄初編卷十一 祀典三 七

汶濟運雍正四年封今號乾隆三十年白

氏後裔一人三十八年宋氏後裔一人並

賞給八品頂戴世襲承祀祭敷澤興濟通祐王秦蜀守李冰

及其子承績廣惠英顯王二郎於四川灌縣神

治水有功蜀人稱為川主元封英烈昭惠靈顯仁

佑王其子二郎神廟所在有之並雍正五年改

封祭保濟顯佑侯元戴繼元於浙江德清縣

路總管國朝雍正八年加封顯佑侯湖州祭英

佑驍騎將軍故海安營水師副將江起龍於廣東

徐聞縣海口年神以雍正八年封祭威顯靈佑王唐

睢陽守許遠於江蘇山陽縣高堰年神以雍正九

祭顯佑安瀾寧漕助順之神唐御史中丞張巡

於江西浮梁縣及江蘇丹徒清河二縣時封威烈

昭濟顯慶靈佑王國朝雍正十二年封下四字祭

靈佑襄濟顯惠王偃師黃守才於河南陳留閿鄉

及濱河各縣大王壇雍正十二年建廟賜

名溥仁觀乾隆三年賞給奉祀生一人世傳勿替祭

於其後裔彰靈衛漕之神明宿遷張襄於江蘇清河縣明

隆四年神為勇南王國朝乾祭顯佑英濟廣福王

蜀將武當於廣西義寧縣乘漲溺死宋封義寧侯

吾學錄初編卷十一 祀典三 三

累封英濟廣福王 封顯佑 祭 宣威布德康濟

雷神梁刺史陳文玉於廣東雷州府 神宋封威德

王明封雷司之神 國朝乾隆十九年 封康濟二字 祭

助順永寧佐安侯故河道總督義烏朱之錫於濱

河各縣 神康熙壬辰進士功著南豫二省 封祭

烈彰恬顯之神元楊伯遠妻王氏於浙江蕭山縣

神以夫充里正值鹹水決隄官督築圩堰不就 受楚責 神割股投水沙遂漲隄成名曰股隄 歿

為西興江塘神 嘉慶元年 封祭 宣威助順靖遠侯宋楊瀨

及其弟 鎮遠侯 綏遠侯於湖南永綏廳 兄弟 神

吾學錄初編卷十一 祀典三 圭

三人禦苗有功民為立廟稱曰天王 封 祭 崇

節惠利蠟磯靈澤夫人蜀漢孫夫人於安徽蕪湖

縣 神以嘉慶二年 祭 昭靈顯佑水府都君明譚

某於江蘇山陽縣 神涉洪澤湖為盜害遂為湖 舊有水府都君祠嘉慶六年

封 祭 靈感普濟之神晉旌陽令許遜於江西

南昌縣 神斬蛟除害舊祀鐵柱宮宋封神 祭

變元贊運純陽演正警化孚佑帝君唐進士呂岩

於江蘇清河縣 元封 神為演正警化孚佑 封

謹案呂祖於嘉慶初年改為直省通祀惟祭品

不用牲牢

祭 廣濟孚順侯宋蔣崇仁及其弟 利濟孚惠

侯崇義 靈應孚佑侯崇信於浙江仁和縣 兄弟 神

三人宋咸淳初賜廟額曰廣福封孚順孚 惠孚佑三侯嘉慶十一年加 封 祭 福

應靈孝昭順純懿慧感夫人東漢孝女曹娥於浙

江會稽縣 宋封 神為靈孝夫人政和淳祐及元 慶十三年加 祭 孚惠佑民天井潭神宋禮部郎

中劉揚祖於浙江慈谿縣 神景定閒人嘉慶 祭

誠孚利濟之神明漕運總管陳道典於浙江義

吾學錄初編卷十一 祀典三 古

烏縣 神以嘉慶十年 封 祭 顯應元將軍於江西都

昌縣之左蠡鎮 神以嘉慶十五年 封 祭 佑民衍

澤太湖之神明浙人王天英於浙江湖州府及江

蘇蘇州府 神長興縣安化區人著靈跡 封 祭 襄

靖普佑之神故虎門鎮副將張愉附祀於廣東徐

聞縣英佑驍騎將軍祠 神以嘉慶十年 通禮祭

張桓侯飛 趙將軍雲於山東曹縣 昭靈普

潤神於陝西大荔縣 昭靈普惠神 敷佑康澤

靈應侯耿裕德於運河揚糧廳 柔嘉康濟神於

山東鄒城縣 靈應鎮海威遠金華將軍曹杲於  
浙江錢塘縣 敬義侯 尙義侯 秉義侯詹姓  
三神於廣東翁源縣 孚惠侯晁說之 孚惠善  
政靈德侯王元暉於浙江鄞縣 顯佑宣靈王周  
雄於江西新城縣 昭應伯王光鼎於浙江建德  
縣 靈佑伯周文煜於湖南黔陽縣

謹案通禮增載 各神皆嘉慶十六年至道光

三年

封又湖南長沙縣有元人李育萬於至正元年尸解於

吾學錄初編卷十一 祀典三 五

水渡河龍潭寺早禱輒應道光四年

勅封廣濟真人立廟致祀

各府州縣致祭之禮每歲春秋所在守土官具祝

文各隨時撰擬香帛羊一豕一尊一爵三陳設祠內如

式質明守土正官一人朝服詣祠行二跪六叩禮

謹案 禦災捍患諸神祠載在祀典所以順民

情之趨向爲敷政之一端非以神道設教而惑

於巫覡禳祈之說也乃自秦人求仙粵人尙鬼

其流弊遂至於叢祠古樹野石殘碑不在祀典

之列者無不老少奔馳男女混雜彼僧尼廟祝  
遂得造作浮詞謂偶爾之吉凶爲神靈之禍福  
藉以誑騙香貨實爲人心風俗之害如江浙之  
五通五顯青娃神閩中兩粵之齊天大聖金花  
夫人三界神湖南之黑神魁神等祠概宜禁絕  
惟各學文武生之祀 文昌 關帝農工  
商賈之祀 先農 先蠶 天后 眞武

火神 城隍及 禦災捍患各神均爲例所

不禁誠能明於彰殫凜以鑒臨知福非詔可邀

吾學錄初編卷十一 祀典三 七

則慶以善而積庶不爲鄉巫野史所惑而永荷

神庥於無斃也

歷代帝王陵寢 祭所○遣官祭告○所在專祭

祭所○會典祭 太昊伏羲氏陵於河南淮寧

縣祭 女媧氏陵於山西趙城縣祭 炎帝

神農氏陵於湖南鄱縣祭 黃帝軒轅氏陵於

陝西中部縣祭 少昊金天氏陵於山東曲阜

縣祭 帝顓頊高陽氏陵 帝嚳高辛氏陵

於河南滑縣祭 帝堯陶唐氏陵於山東濮州



祭 帝舜有虞氏陵於湖南寧遠縣祭 夏

禹王陵於浙江會稽縣祭 商湯王陵於山西

榮河縣 中宗陵於河南內黃縣 高宗陵

於西華縣祭 周文王陵 武王陵 成

王陵 康王陵於陝西咸陽縣祭 漢高祖

陵於陝西涇陽縣 文帝陵於咸寧縣 宣

帝陵於長安縣祭 後漢光武帝陵於河南孟

津縣祭 北魏孝文帝陵於陝西富平縣祭

唐高祖陵於陝西三原縣 太宗陵於醴泉

吾學錄初編卷十一 祀典三 七

縣 憲宗陵於蒲城縣 宣宗陵於涇陽縣

祭 後周世宗陵於河南鄭州祭 宋太祖

陵 太宗陵 眞宗陵 仁宗陵於河南

鞏縣祭 遼太祖陵於遼東廣寧縣祭 金

太祖陵 世宗陵於順天房山縣祭 元太

祖陵 世宗陵於順天宛平縣祭 明太祖

陵於江蘇江寧縣 宣宗陵 孝宗陵於順

天昌平州

謹案祭告之陵凡三十九處甘肅秦州亦有

太昊陵山東東平州亦有 帝堯陵江蘇

河南濱河各州縣皆有 禹廟均不與祭告

飭地方官春秋致祭又陝西郃陽縣亦有

高辛氏陵山西臨汾縣亦有 帝堯陵安邑

縣亦有 帝舜陵安徽亳州亦有 湯王

陵山西右玉縣亦有 北魏孝文帝陵均不

與祭告飭地方官一體防護凡陵祭皆用羊豕

各一惟 金太祖 世宗二陵祭用太牢

遣官致祭○通禮直省所在 歷代帝王陵寢

吾學錄初編卷十一 祀典三 六

逢 朝廷有大

慶典遣官分詣致祭凡祭皆就享殿行禮或因陵寢設

壇惟 元陵望祭

所在專祭○通禮直省所在 帝王陵寢歲春

秋仲月守土官一人致祭

名臣忠節諸專祠

通禮凡名臣忠節諸臣於直省建立專祠者歲以

春秋諏吉致祭河道總督諡文襄靳輔河道總督

諡勤恪齊蘇勒。大學士前河道總督嵇曾筠。大學士前兩江總督高斌。合祠於江蘇清河縣。會事陳濟、祀

斬輔總督田文鏡。祠於河南開封府。湖廣辰常總兵左都督徐勇。祠於湖南。廣西巡撫馬雄鎮。撫蠻滅寇將軍廣西巡撫傅宏烈。祠於廣西。閩浙總督諡忠貞范承謨。巡海道贈工部侍郎諡忠毅陳啟泰。福寧總兵吳萬福。福州知府王之儀。邵武知府張瑞。江西建昌知府高天爵。建寧同知喻三畏。邵武同知高舉。侯官知縣劉嘉猷。龍溪知縣李塤。福

吾學錄初編卷十一 祀典三 九

州城守營千總廖有功。祠於福建。裕永仁、王龍光、沈天成、范承謨

附祀范承謨雲貴總督甘文焜。祠於雲南。山西汾州知府黃廷柏。祠於山西。駐藏都統贈一等伯傅清。左

都御史贈一等伯拉布敦。祠於西藏。通司岡伊犁將軍誠勇公班第。參贊大臣襄勤伯鄂容安。祠於

伊犁。西安將軍繼勇侯德楞泰。祠於四川成都府。提督許世亨。總兵張朝龍。尙維昇。祠於越南。副將

韓自昌。韓家業。祠於甘肅武威縣。浙江提督李長庚。祠於福建同安縣。河南滑縣知縣強克捷。祠於

陝西韓城。及河南滑縣。

賢良祠

會典各省建立賢良祠於省城。祀守土大吏有功德於民者。歲以春秋致祭。以羊一豕一。果實五盤。不用邊豆。以知府主其祭。行一跪三叩禮。

昭忠祠

通禮直省府城。歲春秋仲月。守土官祭本籍陣亡文武官及兵丁鄉勇於昭忠祠。文三品或二品以上於

吾學錄初編卷十一 祀典三 十

京師昭忠祠。祀外其本籍仍一體入祠致祭。

謹案部頒祀典。嘉慶八年平定陝西湖北教匪。

湖南苗匪。奉

旨於各府縣建立昭忠祠。祀陣亡官員兵勇。官員照銜序次。設位正中。兵勇以五十名合一牌位。安設兩旁。春秋致祭。

舉 人黃本驥編次

戶部郎中陳傳均 同校

吾學錄初編卷十終

詹事府主簿吳瀾光 同校

吾學錄初編卷十二

禮部奏為等事竊查禮部所擬儀禮等項吳榮光恭述

賓禮門

京官相見禮

敵體官相見○在京屬官見長官○京府屬官見長官

敵體官相見

○通禮京官敵體相見之禮賓及門

從者通名閤人入告主人肅衣冠出迎於大門內

揖賓入每門讓於賓及階讓升及門讓入賓主皆

北面再拜興主人為賓正坐西面賓禮辭主人固

請卒正坐賓為主人正坐東面亦如之主人揖賓

吾學錄初編

卷十二

賓禮

十一

就坐執事者進茶賓受茶揖主人答揖飲茶敘語

畢賓告辭揖主人答揖賓降階主人降送及門賓

揖主人答揖賓辭送主人固請迺送賓於大門外

眠賓乘輿馬主人迺退尚書左都御史見大學士

儀亦如之賓降一等者主人趨正賓坐賓辭賓還

正主人坐辭亦如之餘儀同二品以下京堂官翰

詹科道見大學士主人迎於儀門內送出大門外

不眠乘輿馬科道見左都御史副都御史尚書儀

同五品以下至八品官見大學士主人迎於堂階

下賓就東階主人導賓入賓北面拜辭三揖主人

東面答揖賓趨正主人坐主人禮辭固請卒正坐

左還告坐揖主人答揖賓西面主人東北面坐

則賓以次辭退三揖如初主人送於二門外餘儀

同翰詹科道見二三品官如賓降一等禮見四五

品官與閣部院寺監屬官相見均與敵體相見儀

同有尊卑名分者均各盡其尊卑之禮

在京屬官見長官○通禮閣部院寺監屬官見其

長官之禮初見屬官公服詣署首領官引自東階

吾學錄初編

卷十二

賓禮

十二

升堂以銜名履歷呈於各長官坐案屬官以次向

坐三揖長官避席答揖退若燕見至大門外下輿

馬候於門內閤人通名人見長官迎於階下詣廳

事廳事以南向為率屬官當楹北面三揖長官東面答揖

序坐屬官東位西面次東西面長官位於西南東

北面命坐揖茶至揖凡屬官揖長官皆答折啟事

畢三揖如初辭出長官送於二門外屬官出大門

稍遠乘輿馬見大學士儀同

京府屬官見長官○通禮順天奉天府屬官相見

之禮。府尹與府丞奉天府尹與

盛京將軍均行敵體儀。治中通判見府尹。如直省司

道見督撫儀見府丞。如司道見學政儀屬下州縣

教職見府尹。如州縣見督撫儀見府丞。如見司道

儀見治中通判。如見府倅儀。經歷以下官見府尹

丞。治中通判。如直省首領官見知府。府倅儀。奉天

府屬知府見府尹。如直省知府見督撫儀見府丞

如見學政儀。府州縣見

盛京五部侍郎。如見府尹儀。

吾學錄初編 卷十二 賓禮

外官相見禮敵體官相見○司道以下官見河道

長官○文武官相見○滿漢官相見

敵體官相見○通禮直省官敵體相見之禮賓至

署從者通名門吏啟門儀衛止儀門外賓由中門

入。至外堂檐下下輿馬。主人迎於檐前揖賓入。每

門讓於賓。及廳事各再拜。興主人為賓正坐西面

賓禮辭。主人固請。卒正坐。賓為主人正坐東面亦

如之。主人揖賓就位坐。執事者進茶。主賓各揖飲

茶敘語畢。賓避席揖辭退。主人答揖。賓出。主人送

至外堂檐下。眠乘輿馬。迺退。總督河道總督漕運

總督與巡撫相見。總督巡撫與學政鹽政織造

欽差官相見。織造與督撫司道運司相見。關監督與司

道府廳相見。若係三品以上京堂職銜者與督撫

提鎮相見。並同兼銜或武職三品以上者不在此例直隸州知州與

知府。直隸州州同州判與府同知通判。知縣與府

首領州同州判相見。均同。兩司首領官與府廳州

縣相見。用名東。由中門入。惟照磨知事見府廳名

東。用晚生。由左門入。皆行賓主禮。同知通判見知

吾學錄初編 卷十二 賓禮

府名東。用晚生。由中門入。行賓主禮。州縣佐貳見

州縣如之。教職見州縣。名東。用晚生。由中門入。行

賓主禮。提督與總兵官相見。總兵官與非所屬之

副將相見。叅將與副將。游擊與非本轄之副將。游

擊與叅將。都司與非本轄之叅將。游擊。都司與守

備。千總與把總相見。均與文職敵體相見。儀同

司道以下官見河道總督等官○通禮直省司道

以下官見河道總督漕運總督如見督撫儀。司道

見學政。具銜名東。儀門外下輿。由中門入。學政迎

於堂檐下。司道三揖。學政讓入後堂。行賓主禮。待茶辭出。三揖。學政送至堂檐下。三揖。由中門步出。學政用名柬答拜。凡司道揖。學政皆答揖。知府直隸州知州同知通判見學政。不稟參。送至堂後屏外。餘與見督撫同。州縣見學政。初見。庭參。常見三揖。學政咸避席答揖。送至堂後屏內。教職見學政。初見。再拜。常見三揖。學政立受餘。與州縣同。首領佐貳雜職官見學政。與見督撫同。若學政為三品以上大臣。司道以下官謁見。與見督撫儀同。司道

吾學錄初編 卷十二 賓禮 五

以下官見鹽政巡視御史及

欽差官均與見學政儀同。府廳州縣見織造大門外下

輿馬。由左門入。餘儀同。

文屬見長官。○通禮。直省文屬見長官之禮。初見

具銜名履歷。公服詣署。司道見督撫。至大門外降

輿入。及儀門。由左門入。督撫迎於外堂後屏內。督

撫先行。司道隨入。及廳事。司道當楣北面稟參。督

撫辭。迺三揖。督撫西面答揖。督撫正坐。司道東旁

侍坐。旅見則以次東西面命坐。揖茶至。揖。凡司道揖。督撫均

答揖。辭出。三揖。如初。督撫送至屏門外。司道三揖。俟督撫入門。復三揖。趨出。至大門外。乘輿。督撫次日用名柬答拜。若公事謁見。常服。通銜名。三揖。就坐。餘如前儀。知府見督撫。督撫不迎送。不答拜。餘如司道見儀。同知通判見督撫。轅門外下輿馬。餘與知府見同。州縣見督撫。轅門外下輿馬。升堂。北面再拜。興。三揖。辭退。三揖。督撫皆立受餘。如府倅見儀。知府同知通判見司道。司道迎送於屏門外。道迎送於堂檐下。坐次。知府等東位。西面。司道位於

吾學錄初編 卷十二 賓禮 六

西南。東北面。餘如見督撫儀。司道用名柬答拜。州

縣見司道。行庭參禮。司道不迎送。餘如知府見儀。

州縣見知府。迎送於屏門外。餘如見司道儀。見同

知通判。迎送於堂檐下。餘儀同。直隸州知州見長

官。及接屬官。儀與知府同。直隸州州同州判見長

官。及接屬官。儀與州縣同。教職見督撫。司道知府

等官。均如知縣見儀。首領佐雜官見督撫。司道知

府。行一跪三叩禮。不揖。不坐。府首領縣佐貳等官

見同知通判。如州縣見司道。儀雜職官見同知通

判如見知府儀見知縣如州縣見知府儀運使鹽道見鹽政與司道見督撫儀同運同運副提舉運判見鹽政與府廳見督撫儀同運同運判見運使與府廳見司道儀同鹽運使司經歷知事大使等官見本轄長官與首領雜職官見長官同如鹽大使由科甲出身者見本轄長官與州縣同運司見督撫如司道儀運同如知府儀運副提舉運判如同知通判儀關監督所屬稽察稅務之府佐貳見監督如府廳見道儀河道總督漕運總督所屬官

吾學錄初編

卷十二

賓禮

七

屏內送至屏外坐次副將東位西面總兵官位西南東北面餘如見提督儀凡副將指總兵官皆平立答揖參將游擊見提督行一跪三叩禮畢三揖提督起立答揖坐待茶畢辭退揖如初提督起立不送餘如副將見儀見總兵官如副將見提督儀見本鎮總兵官如見提督儀游擊見本轄副將副將出位送餘如見總兵儀都司守備見提督披執北面跪自宣銜名三叩提督坐受命坐西面席地坐不設茶辭出三叩趨退提督不起立公事謁見常服佩刀不宣銜名餘儀同見總兵官旁坐侍茶餘如見提督儀見本轄副將不宣銜名凡揖皆起立答揖餘如見總兵儀若非本轄則如游擊儀見本轄參將游擊初見行庭參禮常見三揖參將游擊僉坐都司守備旁坐茶畢三揖辭出參將游擊出位送凡揖皆答餘如見副將儀若非本轄守備稟參辭迺三揖參將游擊答揖趨出送至屏內千總把總見提督總兵副將參將游擊皆不坐餘如守備見提督儀千總見本轄都司守備初見行庭

吾學錄初編

卷十二

賓禮

八

叅禮都司守備答揖常見一揖就坐。都司守備正坐。千總旁坐。茶畢趨出。餘如守備見游擊儀若非本轄。稟叅辭。迺三揖皆答揖。茶畢趨出。送至屏外。把總見都司守備。初見三叩答揖。常見一揖旁坐。茶畢趨出。都司守備起立不送。餘如見游擊儀。文武官相見。○通禮直省文武官相見之禮。提督見總督由中門入。至儀門下馬。總督迎於大堂檐下。揖讓入。升堂。三揖。總督正坐。提督僉坐。若提督兼世職者。總督東位。西面。提督西位。東面。辭出。總

吾學錄初編 卷十二 賓禮 九

督送至堂檐下。既乘馬。總兵官見總督。至儀門外下馬。總督迎送於階上。餘如司道見儀。總督答拜。皆於堂檐前下輿。總兵官迎送於儀門外。提督總兵官見巡撫。均行賓主禮。副將見總督於大門外下馬。由左門入。初見。具銜名履歷。稟披執傳命。免易公服。佩刀。常見不披執。仍佩刀。均北面三叩。與西面侍立。茶畢。三揖退。初見巡撫。稟披執傳命。免稟叅辭。迺三揖。常見三揖。巡撫正坐。副將旁坐。辭退。三揖。送至堂後屏內。副將見學政。巡漕監政具

銜名於大門外下馬。由儀門入。均迎至月臺下。升堂。三揖。呈履歷。揖。東西坐。待茶。出入隨行。下堂。三揖。送至二門外。俟回至公座旁。三揖出。答拜不用名。東。學政考試武生。將軍總督調取副將協領等官。監馬步射。坐次。學政正坐。監射官僉坐。叅將游擊以下官見總督。行一跪三叩禮。叅將游擊見巡撫於大門外下馬。由左門入。待坐。迎送至檐下。餘儀同。都司初見巡撫。披執進。叅出更衣入見。待茶。常見都司守備千總。免披執。行全屬禮。分防標

吾學錄初編 卷十二 賓禮 十

下中軍守備。掌印專城。並道標中軍及各營中軍。守備見巡撫。免披執。行全屬禮。不迎送。守禦所千總。衛千總。見巡撫。行一跪三叩禮。副將叅將游擊。都司與司道府廳相見。行賓主禮。守備見司道。具銜名於大門外下馬。由中門入。迎送至檐下。與府廳相見。行賓主禮。千總與府廳相見。如之。兵備道所屬都司以下。俱行屬官禮。廳官有稽察錢糧之責者。其屯衛守備。行屬官禮。司道運使見提督於儀門下。輿迎送於堂檐下。提督正坐。司道等官僉

坐提督答拜於儀門下馬迎送於儀門外見總兵官行賓主禮知府同知通判見提督大門外下輿馬由中門入迎送至檐下提督正坐知府同知通判侍坐見總兵官二門外下輿馬迎送至階上餘儀及總兵官答拜均如司道見提督儀州縣見提督總兵官大門外下輿馬見提督由左門入不迎送見總兵官由中門入迎送至檐下提督總兵官正坐州縣侍坐見副將如見總兵官儀免三揖與叅將游擊都司守備千總相見行賓主禮八九品

以下佐雜官見提督總兵官行一跪三叩禮總督按臨各鎮閱兵總兵官出迎於城外拱揖道右隨至演武場候總督升座總兵官升堂北面稟奏辭向上三揖總督出座答揖總兵官旁坐閱武畢總督升輿總兵官於道旁揖送如來儀

滿漢官相見○通禮直省滿洲官漢官相見之禮鎮守將軍副都統與督撫提鎮相見行賓主禮司道以下官見將軍與見總督儀同見副都統與見總兵官儀同府廳州縣見子爵如總兵官儀男爵

如副將儀輕車都尉叅領如叅將儀騎都尉副叅領如都司儀雲騎尉並五品官如守備儀協領叅領見督撫與司道同佐領防禦等官見督撫與知府同驍騎校見督撫與州縣同餘不相統屬者均行賓主禮

謹案各省現行事例京官文三品以上及帶日講起居注官銜與

內廷行走之翰林院編檢武總兵以上官奉

命出差或將軍督撫副都統提鎮學政關差鹽政

陛辭赴任所過省分該省之將軍督撫副都統提鎮學

政關差鹽政及司道均出郊恭請

聖安畢然後敘語其入京則於告別時寄請主考官出

京例有關防若遇應請

聖安之員則於回京時寄請

行文公式

會典在京各部院行文宗人府用咨呈宗人府行各部院用咨六部都察院行順天府用劄六部行太常寺太僕寺光祿寺鴻臚寺國子監欽天監太



醫院寶泉寶源局各倉監督均用劄其各衙門來文均用咨呈都察院行六科用劄六科行都察院用呈文六部理藩院都察院內務府各旗都統步軍統領衙門相行文均用咨通政司大理寺行文除各部院用咨外餘皆用移會六科各道

內廷各館內閣典籍廳稽察房中書科等處與各部院寺監行文均用移會軍機處用交片各部院行五城司坊官大興宛平二縣用牌文其行文外省各部院行各省總督巡撫都統將軍等衙門吏禮

吾學錄初編卷十二 賓禮 三

二部行衍聖公禮部行外裔各國均用咨來文亦用咨六部都察院行奉天府尹用劄六部行布政使按察使城守尉各關監督各省鹽政織造禮部行各省學政兵部行各省提督總兵順天府尹行各省布政使均用劄凡用劄之衙門來文皆用咨呈惟各省織造鹽政各關監督於戶部提督總兵於兵部均用呈文布政使護巡撫篆行文六部亦用咨呈六部行道府以下均皆督撫轉飭其有須徑行者用牌文其來文均用呈文申文在京內閣

及各府司寺監各科道各旗行文外省均由部院轉行軍機處行文督撫將軍用咨其來文用咨呈行文鹽政布政使按察使用劄其來文用呈步軍統領衙門行府廳州縣順天府尹行直隸布政使司以下均用牌文來文均用申文各省文衙門總督與巡撫平行用咨文督撫行司道以下司道行府廳以下府廳行知縣以下直隸州知州行所屬知縣以下州縣行雜職皆用牌其上行皆用申文知府行府佐貳州縣行州縣佐貳皆用關文府佐

吾學錄初編卷十二 賓禮 四

貳行知府州縣佐貳行州縣各用牒呈知府行直隸州知州用墨筆照會直隸州知州行知府用牒呈府廳州縣行兩司首領均用關文兩司首領行知府用牒呈行廳州縣用關文州縣行儒學用牒儒學行州縣用牒呈直隸州與非所屬之知縣知縣與府首領州同州判州同州判與儒學皆平移武衙門提督與總兵平行提督行副將以下總兵行參將以下副將行所轄游擊以下參將行所轄都司以下參將游擊行千總把總都司行所轄千

總以下都司守備行把總皆用牌其上行皆用計  
文呈文總兵行兼轄副將用牌行非所轄之副將  
用照會副將行總兵均用咨呈副將於非所轄之  
都司守備用照會都司守備用呈文叅將游擊於  
非所轄之守備用照會守備用咨呈都司守備於  
非所轄之千總用照會千總用呈文副將於非所  
轄之游擊用平關游擊用咨呈副將與叅將叅將  
與游擊都司與守備千總與把總皆平行文武衙  
門總督巡撫與提督巡撫與總兵司道與總兵兩

吾學錄初編

卷十二

賓禮

五

司與叅將游擊均平行用咨文總督於總兵提督  
於司道運司總兵於府廳州縣皆用照會其上行  
皆用咨呈提督行府廳州縣巡撫行副將叅將游  
擊都司用劄付行守備千總用牌票府廳於提督  
用牒呈州縣於提督副將叅將游擊都司守備千  
總於巡撫皆用申文專城守備並道標各營中軍  
守備巡撫下行用劄付司道下行用照會其上行  
於巡撫用申文於司道用牒呈其與府廳州縣用  
平關副將行州縣用照會州縣於副將用牒呈府

廳與叅將游擊府廳州縣與都司俱用平關司道  
運司府廳與副將各道運司州縣與叅將游擊司  
道運司與都司均用平關兵備道於所轄營都司  
以下官行文如屬員例屯衛守備與同知通判平  
行駐防鎮守將軍與督撫提鎮皆平行用咨文會  
銜將軍在總督上若總督加兼銜在將軍上則將  
軍在下文武各官上行將軍如督撫例駐防副都  
統與督撫平行於非所屬之副將用照會副將用  
咨呈司道府廳州縣與副都統上行下行俱如總

吾學錄初編

卷十二

賓禮

六

兵例烏里雅蘇台將軍喀什噶爾叅贊大臣與伊  
犁將軍俱用咨文本處駐劄大臣及各省提督總  
兵與伊犁將軍均用咨呈巴里坤領隊大臣行理  
事通判用牌通判用申文學政鹽政與督撫提鎮  
平行用咨文學政行兩司仰司經歷抄文呈堂兩  
司行學政仰經歷轉呈學政行道府廳州縣以下  
皆用牌道於學政用呈文府廳以下皆用申文如  
學政係三品以上京堂官出差者司道以下行文  
如督撫例鹽政及巡察巡視御史於司道行文如

學政例。鹽政於運司。鹽道行文如督撫於司道。例於運同。運副提舉。運判行文如督撫於府廳。例鹽運使司經歷知事大使等官上行本管衙門如首領雜職上行例。運同運判於運使文移往來如府廳於司道例。織造與督撫司道運使俱用咨文。於府廳州縣用牌檄。府廳州縣用咨呈。關監督係三品以上京堂職銜者與督撫以下行文如總兵例。若兼銜或武職。即過三品仍如副將例。經畧行文將軍督撫用照會。於提督副都統用劄。總兵以下

吾學錄初編 卷十二 賓禮 七

用牌將軍督撫行文經畧用咨呈提督副都統以下用申呈。其官文書蓋印宗人府六部都察院通政司大理寺翰林院詹事府內務府理藩院太常寺光祿寺太僕寺鑾儀衛武備院上駟院奉宸苑順天府尹倉場侍郎等衙門。

盛京五部奉天府各省總督巡撫色用紫惟本章內用朱。衍聖公同其餘文武各衙門皆用朱。

師弟子相見禮 國學師弟子相見 ○直省儒學師弟子相見 ○受業弟子見師長 國學師弟子相見 ○通禮 國學生見國子師之禮

初見具名東。公服詣學國學首領官引自東階升堂。北面三揖。師立受侍立於左。西面受教畢三揖退。若燕見通名。候召迺入。師迎於階上。弟子升階揖。師入門從入。北面再拜。師西面答揖。趨正師坐。師命坐。北面揖。師位於西南。東北面。弟子西面。則以次東西。茶至揖請問揖辭退。北面三揖。師皆答揖。師出送前行。弟子從。及二門外弟子三揖。候師入。迺退。翰林院庶吉士見大學士及教習庶吉士儀同。

吾學錄初編 卷十二 賓禮 六

直省儒學師弟子相見 ○通禮 直省儒學弟子員見學師之禮與國子生見國學師儀同。學政按臨次日釋奠學宮講學於明倫堂。提調等官謁見如儀。教職引學弟子員進見。各三揖退立。學弟子員出班講書。竣行賞罰畢各退。

受業弟子見師長 ○通禮 受業弟子見師長之禮 初見師未出先入設席正位。竣於堂下。師出召見。迺奉贊入。奠贊於席。北面再拜。師起答揖。與謹問起居。命之坐。迺侍坐。有問則起而對。辭出三揖。師

不送。常見侍坐。講業則起。請益則起。師有教立聽。命坐。迺坐。師問更端。仍起而對。朝入一揖。暮出一揖。與同學弟子均以齒序。

賓友相見禮

**通禮**士人敵禮相見之禮。賓及門從者通名。主人出迎於大門外。揖入。及門及階。揖如初。登堂。主賓均北面再拜。興。主人趨正賓坐。賓禮辭。主人卒正坐。左還賓正主人坐。亦如之。卽席。賓東位。西面。主人西位。東面。飲茶敘語畢。賓退。揖及階。及門揖辭。

吾學錄初編卷十二 賓禮

无

主人均答揖。迺送賓於大門外。揖如初。若見父之執友。與見尊長儀同。

卑幼見尊長禮

**通禮**卑幼見有服尊親之禮。及門從者通名。蒞外。次尊長召入見。升階。北面再拜。尊長西面答揖。命坐。眠尊長坐。次侍坐於側。茶至。揖敘語畢。舉辭三揖。凡揖尊長皆答。出尊長不送。若尊長來見卑幼。迎送於大門外。行禮坐次如前儀。

謹案儀禮十七篇。其一曰士相見。而不及公卿

大夫。蓋相見之禮。所以明尊卑長幼之序。爲士

者。誠能於周旋揖讓進退應對之儀。講求有素。

一旦置身通顯。其所以事長官。接同僚者。舉而

措之。裕如矣。故相見及昏喪之禮。必自士始。所

謂舉一以該百。操本以見末也。他如曲禮少儀

諸記。於尊卑長幼言之甚詳。其大要亦以相見

爲始。蓋士君子於相見之初。不致其敬。將居位

並行。無所不至。固非所以事尊長。卽處交游。亦

必相狎相優。而終於相謗傲慢之風。囂競之

吾學錄初編卷十二 賓禮

无

習。皆爭鬪訟獄所由起。要其始不能攝以威儀。所由致也。

舉 人黃本驥編次

戶部郎中陳傳均 同校

詹事府主簿吳彌光

吾學錄初編卷十二終

吾學編初編卷十三

選更發秦時諸葛亮與徐庶等語其意甚明吳榮光恭述

昏禮門

品官昏議昏○納采○納幣○請期○親迎○婦見舅姑○婦盥饋舅姑饗婦○廟見○婿見婦父母

議昏○通禮漢官以上自昏及為子孫主昏豫訪

門第清白女年齒相當者使媒氏往通言竣許男

年十六以上女年十四以上身及主昏者無期以

上服皆可行下士庶人同

吾學錄初編卷十三 昏禮

十

謹案昏貴及時即議昏亦不得過早司馬溫公

曰世俗好於襁褓童幼之時輕許為昏亦有指

腹為昏者及其既長或不肖無賴或身有惡疾

或家貧凍餒或從宦遠方遂至棄信負約速獄

致訟者多矣又世範云富貴盛衰更迭不常男

女賢否須年長乃見若早議昏姻或昔富而今

貧先貴而後賤所議之婿或流蕩不肖女或狠

戾不檢從約則難保家背約則為薄義皆議昏

太早之過也然亦不得過遲內則云女子十有

五年而笄二十而嫁有故則二十三年而嫁十

五而笄已有適人之道曰二十而嫁者禮言其

極不是過也非彼此有父母之喪則無在二十

三年以後者矣今世選擇過甚至有年踰三十

尚未出嫁之女其過時傷化為已甚矣○又案

內則及穀梁傳皆言女子十五而許嫁司馬書

儀朱子家禮皆云女年十四可議昏本之大戴

禮女七歲而配十四然後化成化成則有為婦

之道故通禮仍之言十四以上可以議昏非謂

吾學錄初編卷十三 昏禮

十一

迎娶之期限以十四也越語云女十七不嫁其

父母有罪此特夫差生聚之謀然周禮媒氏之

令家語孔子對哀公之言皆以二十為斷○又

案司馬溫公云凡議昏當先察其婿與婦之性

行及家法何如勿苟慕富貴婿苟賢矣今雖貧

賤安知異時不富貴乎苟為不肖今雖富盛安

知異時不貧賤乎苟慕女家之富貴而娶之彼

挾其富貴鮮有不輕其夫而傲其舅姑者養成

驕妒之性異日為患庸有極乎故胡安定云嫁

女須勝吾家勝吾家則女之事人必謹娶婦須不若吾家不若吾家則婦之事舅姑必恭又世範云擇婦擇婿須量我家子女如何如我子愚癡庸下若娶美婦豈但不和或有他事如我女醜拙狠妒若嫁美婿萬一不和卒為所棄凡嫁娶非偶皆父母之咎也人之議親多要因親及親以示不相忘此風俗最好處然婦女多無遠識或因相熟而相簡遂至於相爭而不和反不若素不相識而驟議親者故凡因親議親最不可託於熟習闕其禮文又不可忘其本意過於責備則兩家周致無他患矣以上各說皆議昏至言附錄於此

納采○通禮納采誼日主人具書書辭隨宜請女為誰氏出

謹案昏禮納采謂納其采擇之禮於女氏納采後別有問名本一使所行之事故朱子家禮併為一節問名者問其女幼時父母所命之名將歸卜其吉凶名即周禮媒氏男女自成名以上

皆書其年月日名焉曲禮男女非有行媒不相知名之謂也儀禮問名之辭曰敢請女為誰氏鄭注云誰氏謙也不敢必其主人之女豈有納采之後尚不知為誰女者邪通禮於誰氏下增一出字謂請問女為主人之適妻若繼妻某氏所出故下文云迺具復書具女所出明史禮志品官昏請問名主昏者進曰某第幾女妻某氏出即通禮具女所出之謂也夫問女之名將以歸卜於廟而必先詢其母氏者女子重所出母為良族則女教必修而婦道克順也禮記昏義孔疏云問名者問女之所生母之姓名則誤以誰氏之氏為問名之名不知經言賓執雁請問名問其女之名記言敢請女為誰氏問其女所出本二事也先儒釋誰氏之義者或以為女子之氏如姬姜之類或以為女子之字如伯仲之類夫昏於齊魯者不問而知為姬姜女子許嫁笄而字問名時猶無伯仲之稱也並問生年月日別具昏者生年月日附於書使媒

氏豫告女家

謹案問名之禮既遣媒氏往告。又以子弟為使者。以嫁娶不可無媒。亦不可全憑媒氏當慎其始也。世範云。古人謂周人惡媒。以其言語反覆。給女家則曰男富。給男家則曰女美。若輕信其言。則責恨見欺。夫妻反目者。有之矣。

屆日夙興。以子弟一人為使。公服待於廳事。主人公服奉書出。西面授使者。再拜。使者避拜。受書出。如女家。

言學錄初編 卷十三 昏禮

五

謹案主人西面再拜。拜女氏主人。非拜使也。使者如女家。女氏主人北面再拜。拜男氏主人。非拜賓也。故使者皆避拜。

其日女氏主人設案於廟。灑掃廳事待賓。亦使子弟一人為摯。公服以摯。賓至。摯告主人。如賓服。出迎於門外。揖入升堂。賓左。主人右。入堂少深。賓東面奉書致辭。從者陳禮物於庭。主人北面再拜。受書。賓避拜。請退。俟命。摯揖賓。款於別室。主人以書入詣廟。陳於案上。啓櫝告事。如常告儀。迺具復書。

具女所出。及生年月日。附於書。摯延賓升堂。主人奉書出。西面授賓。再拜。賓受書避拜。投從者。請退。主人請醴賓。賓禮辭許。饌者布席中堂。賓東主西。揖讓就坐。進饌。行酒三巡。賓與離席告退。揖。主人答揖。送賓於門外。如初。使還復命。主人納書。如投書儀。醴使者以家人之禮。

謹案士昏禮無壻家告廟之文。書儀家禮引左氏傳。陳鍼子以鄭公子忽先配後祖為誣。楚公子圍所謂布告於莊共之廟而來。故於納采親

言學錄初編 卷十三 昏禮

六

迎皆增告廟之禮。通禮無之。從古儀也。

納幣。○通禮。納幣。詎日。具書。備禮物。章服一稱。章如其品。一品至四品。幣表裏各八兩。容飾合八事。釵釧簪珥之屬。食品十器。五品至七品。幣表裏各六兩。容飾合六事。食品八器。媒氏豫告女家。屆日夙興。主人遣使奉書。及禮物。如女家。凡禮物豐儉各如其品。不得踰越力不能具者。聽其量力。女氏主人受書及禮物。告廟。具復書。投賓。醴賓。還復命。主人禮使者。並同納采。○會典是日壻家具燕。一品官用牲六。二品官四。三品

官三。四品至九品官均用牲二。

謹案納幣卽古之納徵。宋政和禮避仁宗嫌名。改爲納成。司馬書儀用左傳公如齊納幣之文。改稱納幣。朱子家禮仍之。又納幣之先。尙有納吉一節。謂歸卜於廟得吉兆。使復於女氏。昏姻之事於是定。後世卜法不行。故家禮去此一節。通禮仍之。納采納幣。必以儀物將事。非重其物也。所以敬夫婦之始。而勿容苟也。今俗有空函往復。并納采納幣而亦廢之者。斯亦不謹其始。

吾學錄初編

卷十三

昏禮

七

矣。力不足者。雖一禽一果。豈得議其過儉哉。至於擇婦。必問資裝之厚薄。苟厚矣。女雖不淑。亦姑就之。嫁女必計聘資之豐儉。苟豐矣。婿雖不佳。亦利其所有而不恤其他。此又市井駟僮之所爲。豈士大夫所當效之哉。夫子女當昏嫁之年。正血氣未定之日。如素絲然。隨所染而化之者也。今乃示之以侈。導之以奢。長之以傲。縱之以驕。而欲其閑有家。啓後嗣。其可乎。范文正公爲子娶婦。聞婦家以羅爲幃幔。公不悅。曰。吾家

素清儉。羅綺豈幃幔之物邪。持至。當火於庭。此又習於奢侈者。所當取以爲鑑也。

請期○通禮昏期。誼吉具書。備禮物。三品以上羊酒。四品以下。鴉。豫日。主人遣使如女家。女氏主人迎賓入。賓致辭。請期。主人辭。遜。言期日宜由夫家。賓迺奉書告期。主人拜受。具復書投賓。賓還。復於主人。皆如納幣儀。

謹案昏有六禮。家禮去問名。納吉。請期。楊氏復曰。請期一節。有不可得而畧者。故通禮增入。古之言昏期者。不一端。要以季秋至仲春。爲得理

吾學錄初編

卷十三

昏禮

八

之正。羣生閉藏乎陰。而爲化育之始。無在霜降以前者。冰泮而農桑起。昏禮殺於此。無在仲春以後者。今之昏期。必決之於陰陽家。不論日月之早晚矣。昏者昏也。納采至請期。皆用昕。日出時也。所謂旭日始旦是也。惟親迎則必以昏爲期。今則迎娶恒以日中。惟儀仗用鎗。尙存遺制。合昏之燕。尙在宵中。古者六禮。除納徵外。皆用雁。今惟親迎用之。然此皆今古異宜。而無害於義者也。至於昏不及時。徒尙奢侈。自行聘以迄



匱贈綵帛金珠。兩家羅列內外器物。既期華美。又務精工。迎娶之綵輿。鐙仗。會親之酒筵。犒賞。富家爭勝。貧者效尤。一有不備。深以為恥。不顧舉債變產。止圖一時美觀。以致兩家推諉。期屢卜而屢更。相習成風。貴賤一轍。不但男女怨曠。甚至釀成強娶賴昏之獄。至戚反成仇讎。過門立見貧窘。富者不為子女惜福。貧者不以八口自計。推求其故。皆搢紳之族。不以節儉相先。故無以為編氓之率也。

吾學錄初編 卷十三 昏禮

九

親迎○通禮昏期前一日。女家使人奉箕帚於婿室。陳衾帷茵褥器用具。

謹案司馬溫公云。女氏張陳其婿之室。俗謂之鋪房。古雖無之。然今世俗所用。不可廢也。牀榻薦席椅卓之類。婿家當具之。氈褥帳幔衾絢之類。女家當具之。所張陳者。但氈褥帳幔帷幙之類。應用之物。其衣服襪履等不用者。皆鎖之篋笥。世俗盡陳之。欲矜誇富多。此乃婢妾小人之態。不足為也。夫昏姻者。所以合二姓之好。上以

事宗廟。下以繼後世也。今世俗之貪鄙者。將娶婦。先問資裝之厚薄。將嫁女。先問聘財之多少。至於立契約云。某物若干。某物若干。以求售其女者。亦有既嫁而復欺。給負約者。是乃鬻奴賣妾之法。豈得謂之士大夫昏姻哉。其舅姑既被欺。給則殘虐其婦。以摠其忿。由是愛其女者。務厚資裝。以悅其舅姑。殊不知彼貪鄙之人。不可盈厭。資裝既竭。昏姻之家。終為仇讎矣。是以世俗生男則喜。生女則戚。至有不舉其女者。因此

吾學錄初編 卷十三 昏禮

十

故也。然則議昏姻。有及於財者。皆勿與為昏姻可也。又世範云。嫁女須隨家力。不可勉強。然或財產寬餘。亦不可視為他人。不以分給。以上二條。一言嫁女不得過豐。一言嫁女不得過嗇。互相發明。並錄於此。

至日婿家筵於室中。位東西向。別設案於牖下。陳壺一。琖四。合卺。剖匏為二。合四琖。以備三酌之用。設醮爵於堂下之東。壺瓊具。初昏婿公服。竣於堂下。有官者各以其服。若其子孫。則攝盛。三品以上攝五品服。五品以上攝七品服。六品以下攝八品服。儀從亦如之。鐙鼓

樂人均不得過十二。凡品官並同。壻馬一乘。二燭前馬。

婦輿一乘。或車隨宜。檐蓋飾采絹垂流蘇。五品以上。前

六品以下。前二後二。均埃於門外。主人公服出醮子。若自主

有服尊長。位於堂東。西面。昏者升自西階。再拜。執

事者升。授爵。昏者跪受。卒爵。反於執事者。父命之

迎。昏者曰唯。與降出。乘馬。執事者隨以雁。

謹案昏禮用雁。今以鵝代。司馬書儀云。左首飾

以績。謂用五色繒。交絡之。以雁為贄。鄭康成以

為取其順陰陽往來之義。伊川程子又謂取其

吾學錄初編 卷十三 昏禮 十一

不再偶。然必生者方可用。故儀禮曰。摯不用死。

雁不常有於四時。古者仲春會男女。所謂雝雝

鳴雁。旭日始旦是也。故以雁為贄。後世昏無定

期。司馬書儀謂無生雁。則刻木為之。刻木為雁。

近於用死。亦非嘉禮所宜。唐李涪之言曰。雁非

時莫至。故以鵝替之。爾雅云。舒雁鵝。鵝亦雁之

類也。然則用鵝代雁。唐時已然矣。又士昏禮惟

納徵以束帛為贄。餘五禮皆用雁。朱子家禮獨

用之親迎者。從簡便也。

儀從在前。婦輿在後。如女家。

謹案道遠則迎於女氏之館。古無不親迎者。春

秋傳諸侯或有故。若疾病則遣大夫迎之。莊公

如齊。逆女為親迎。公子翬如齊。逆女為遣迎。是

也。大夫以下。雖越境亦親迎。鄭忽娶於齊。楚公

子圍娶於鄭。襄仲娶於莒。莒慶齊娶於魯。是也。

故齊不親迎。風人刺之。紀不親迎。公羊譏之。今

人則多不迎者矣。夫禮曰親迎。能不顧名而思

義乎。

吾學錄初編 卷十三 昏禮 十二

其日女父告於廟。辭曰。某之第幾女某。將以今日

歸某氏。敢告。餘如常告儀。還醮女於內堂。父東母

西。姆相女。具服加飾。服眠壻之等。出。至父母前。北

面再拜。侍者斟酒醴女。如父醮子儀。父訓女以宜

家之道。母施衿結帨。申以父命。女識之。不唯壻既

至。主人迎於門外。揖讓入。壻執雁從入。至廳事。主

人東階上。西面。壻西階上。北面。立。奠雁再拜。主人

不答拜。

謹案奠雁而拜。肅禮也。非拜主人。故不答拜。

姆為女加景單鼓為之蓋首。

謹案姆加景本儀禮之文。詳謂景之制如明衣。加之以為行道禦塵。令衣鮮明也。景即今之蓋巾。唐開元禮作幪。所以擁蔽其面。不僅為禦塵計也。

出壻揖降。女從。主人不降送。姆導女升輿。二燭前。輿壻乘馬先。埃於門。婦至降。輿壻導升西階。入室。踰闥。媵婦家送者布壻席於東。御壻家迎者布婦席於西。壻婦交拜。訖。姆脫婦景。媵御設匕箸醢醬。壻揖婦。即

五學錄初編 卷十三 昏禮 三

對筵坐。饌入。卒食。媵取琖實酒。醢壻。御取琖實酒。醢婦。三酌用盃。卒醢。壻出。媵御施衾枕。壻入。燭出。謹案昏禮。媵御皆女僕。故御得酌酒。醢婦。又得與媵共施衾枕。皆無授受之嫌。今則迎婦用男僕。醢婦施衾枕。別以女僕為之。

會典是日設燕。一品官席十有五。二品官十有三。三品官八。四品官六。五品官五。六品至九品官。具燕俱用牲三。

婦見舅姑。○通禮厥明。婦夙興。盥漱櫛總。以棗栗

殿脩詣舅姑室。姆入。設席於堂中。為位舅東。姑西。均南向。舅姑即席。婦執筭竹器有女者。實棗栗。升自西階。北面拜奠於席。舅坐撫之。婦與降階。執筭。實殿脩。升。拜奠於席。姑坐撫之。舅姑與入於室。

謹案書儀云。古筭制度。漢世已不能知。今用梘朱盒。冪以繡帕。亦其遺制也。

婦盥饋舅姑饗婦。○通禮婦具酒饌。設匕箸醢醬。行盥饋禮。舅姑就坐。婦奉饌入。獻舅姑。舐卒食。迺酌酒醢舅姑。送酒。皆再拜。舅姑卒飲。興。迺共饗婦。

五學錄初編 卷十三 昏禮 四

侍者布婦席於阼階上。西向。具酒饌。設匕箸醢醢。舅姑於堂中臨之。婦卒食。姑醢之。婦拜受。卒飲。舅姑先降。自西階。婦降自阼階。退饗婦送者。男於外。女於內。酬以布帛。

謹案古禮。惟冢婦饋。庶婦不饋。今從書儀。不分冢庶。

廟見。○通禮三日。婦見於廟。

謹案古者三月而廟見。朱子以其太遠。改用三日。司馬書儀。即於新婦降輿後。謁祖禰於影堂。

其時尙未合昏。夫婦之道未成。不當遽行廟見。故通禮從家禮。

厥明執事者設饌具。主人啓楨陳主。如常祭禮。主人布席階下之東。昏者在後。主婦布席階下之西。婦在後。各就位。再拜。主人升。上香獻酒。讀告辭曰。某之第幾子某。今已昏畢。率新婦見餘辭。如祭式俯伏興。退。立於東。婦進當中階下。北面再拜。興。復位。主人復位。及主婦以下行再拜禮畢。納主徹。退。若同居有尊者。婦見如見舅姑禮。見夫之伯叔母。

吾學錄初編 卷十三 昏禮

五

與見姑同。答以肅拜。見姊姒小姑。以夫之齒序拜。皆答拜。夫兄弟之子若女。婦受拜。答以肅拜。謹案肅拜但交手低頭。而不折腰屈膝。婦人之吉拜也。於答卑幼用之。

壻見婦父母。○通禮。諏日昏者以贊。眠分所應用。往見婦之父母。主人迎於門外。揖讓入。升堂奠贊。壻北面再拜。主人西面答拜。請見主婦。主婦立於門內。壻立於門外。再拜。主婦門內答拜。出。主人醴以一獻之禮。

謹案壻於婦家爲客。故婦之父母。皆答其拜。

庶士昏

〔通禮〕士昏禮。八品以下官同。納采。諏日。具書。媒氏告於女家。主人以子弟一人爲使者。奉書如女氏。女氏主人出迎賓。揖讓入門。升堂。賓東面致辭。奉書。主人西面受書。再拜。賓避拜。請退。俟命。主人使子弟待賓。以書入告於寢。如儀。

吾學錄初編 卷十三 昏禮

六

謹案士庶無廟。故告於寢。寢卽廳事。祖先所在。具復書。出授賓。賓受書。主人布席禮賓畢。賓揖辭。主人送之。如初。使者還復命。主人拜受書。禮使者。行家人禮。謹案品官儀云。主人公服奉書出。西面授使者再拜。使者避拜。此云使者還復命。主人拜受書。主人以子弟爲使。往則拜授。還則拜受。重其事也。

諏日納幣。具書。備禮物。章服一稱。八品以下官如其品。士眠九品。幣表裏各四兩。容飾合四事。食器六品。媒氏告於女家。主人遣使奉書物行禮。女家受禮。告寢。復書。

禮賓賓復主人均如納采。○會典是日婿家具燕用牲二。○通禮昏有日主人備鵝酒書昏期於東使媒氏奉如女家告女氏主人報東授媒氏復昏前一日女家使人以匱具張陳婿室至日婿家筵於室中位東西面別以案陳合盃器設醮爵於堂東初昏婿攝公服竣於堂下婿馬一乘二燭前馬婦輿一乘檐蓋前飾采絹二。鐘與鼓樂人數見前竣於門外主人盛服醮子於堂東命之迎婿出乘馬如女家雁及婦輿從其日女氏主人告於寢如儀畢主人

吾學錄初編卷十三 昏禮

七

位內堂東主婦位內堂西父醮女如婿儀婿至女家門外主人出迎婿執雁從入主人東階上西面婿西階上北面奠雁再拜主人不答拜婿加女景蓋首出婿揖之降主人不降送婿導女升輿女家亦以二燭前輿婿乘馬先竣於門婦至降輿婿導婦入室踰闕媵布婿席於東御布婦席於西婿婦交拜訖婿脫婦景婿揖婦即席婿東婦西坐行合昏禮。○會典是日具燕用牲三。

謹案酒以成禮亦以合歡如記所云為酒食以

召鄉黨僚友亦古禮之所不廢世俗有所謂鬧新房者閨闈之間婦女所聚乃羣飲喧呼恣為諧謔夫禮本以厚別為義反以無別行之是主無以為禮賓無以為歡甚非所以敦士行也。

通禮厥明婿夙興竣見舅位堂東姑位堂西皆南向婦以贄見於舅姑再拜舅姑受贄婦具酒饌行盥饋禮舅姑就位婦奉饌舅姑卒食迺酌婦再拜送酒舅姑卒飲共饗婦於阼階及饗婦送者均與前同三日婦見祖禰於寢陳設如薦儀主人在東

吾學錄初編卷十三 昏禮

太

昏者從主婦在西婦從再拜主人升詣香案前上香奠酒告畢俯伏興退立於東婦進當門中再拜興復位主人復位及主婦以下皆再拜興禮畢退諏日婿以贄見婦之父母迎入奠贄再拜主人答拜見主婦婿拜於寢門外主婦答拜於門內出主人醴婿皆如儀。

謹案士為四民之首經傳格言無不通習世風澆薄自當力任轉移即如昏禮儀節各處鄉風不無小異其不害於義者自不妨各從其俗至

於六禮不備謂之奔。奢侈踰制謂之僭。轉移風化。是所望於士林。

庶人昏

〔通禮〕庶人昏禮。納采。諏日。書昏者。生年月日。以授媒氏。奉如女家。女氏主人受書。告於寢。書女爲誰。氏出。及生年月日。授媒氏。道遠具饌。近則否。媒氏復命。主人禮之。納幣備禮物。服一稱。用帛無章。紬絹四兩。容飾四事。食品四器。媒氏奉如女家。女氏主人受之。饗媒氏。復命如納采禮。○會典是日。婿

吾學錄初編

卷十三

昏禮

九

家具燕。用牲一。○〔通禮〕昏有期。備鶩。書昏期於束。使媒氏奉如女家。告女氏主人許。使媒氏復。昏前一日。女家使人以匱具陳於婿室。至日。婿家筵於堂中。東西爲位。別以案陳合登器。設醮爵於廳事。東序。初昏。婿盛服。埃於階下。婿馬一乘。二燭前馬。婦輿一乘。襜蓋無飾。鐙鼓樂人。均不得過八。埃於門外。○會典無品級人。及生監軍民。不得用執事。庶民婦女。不得用冠帔大輜。○〔通禮〕主人盛服。至廳事。東位。西面。婿升。主人醮之。命之迎。婿再拜出。

乘馬如女家。雁及婦輿從。其日。女家告於寢。醮女

以埃。婿既至。主人出迎於門外。導入。婿執雁從入。

升堂。主人東階上。婿西階上。北面奠雁。再拜。姆加

女景。蓋首出。婿揖之。降。婦從降。姆以女登輿。二燭

前。輿婿乘先。埃於門。婦至。降輿。婿揖入室。踰闕。布

席。婿婦交拜訖。姆脫婦景。婿揖婦就位坐。婿東婦

西。行合登禮。○會典是日具燕。用牲二。○〔通禮〕婦

夙興。盛服。以贄見舅姑於堂。拜獻如禮。饋酒食於

舅姑。舅姑饗婦。及婦送者。三日。婦見祖。禱於寢。如

吾學錄初編

卷十三

昏禮

三

常薦禮。諏日。婿往見婦之父母。婦父設酒食禮。婿如儀。

謹案庶人以力田爲本業。秋收豐稔。出其蓋藏

之餘。辦理昏嫁。雞黍延賓。荆布飾婦。正田家極

樂之事。何必竭終歲之勤劬。以供一朝之糜費

與其稱貸而用。致令舉室饑寒。何如循分而行

長使合家溫飽。至於商賈之流。以逐末爲務。囊

雖偶贏。不能保其無絀。乃至僭用官紳輿服。競

尙奢靡。不獨違

制無等亦將立見困窮。又如有餘之家，必欲厚贈其女。匱田牧資，尚無不可。一切外飾繁文，概可從省。貧者量力，所重婚娶禮成，更無需於多費也。

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷十三終

吾學錄初編卷十三

昏禮

三

吾學錄初編卷十四

舉 人黃本驥編次

祭禮門

品官家祭

廟制祭期○廟制圖四○致齋具牲饌  
○祭器圖七○祭儀○俊○焚黃祭告  
○時節薦新○朔望獻茶

廟制祭期○通禮品官家祭之禮於居室之東立

家廟

謹案古者左廟右寢，廟寢相連，取神依乎人之

義。凡吉凶事皆告焉。故廟必立於居室之東，君

吾學錄初編卷十四

祭禮

一

子將營宮室，則宗廟為先。或有水火盜賊，則先

救廟而後及家財。唐王珪既貴，不營私廟。朝廷

為立廟以愧之。宋代見於史傳者，惟文彥博王

存、楊存中、吳璘、虞允文、史彌遠、賈似道、數人得

奉敕立家廟。他人皆莫之立。故司馬書儀曰：影

堂。朱子家禮曰：祠堂。皆廟之別稱也。明制雖許

品官立廟，而明會典尚沿祠堂之稱。通禮始復

古制稱廟，然必品官方准依式建立。其士庶之

家，合族人別立宗祠可也。

一品至三品官廟五間。中三間爲堂。左右各一間。隔以牆。北爲夾室。南爲房。

謹案朱子家禮云。凡屋不問何向。但以前爲南。後爲北。左爲東。右爲西。此廟左右各一間。每間中隔以牆。分爲上下二間。上間爲夾室。下間爲房。下文庖人納羹飯於東房。主婦率諸婦入於東房。皆左夾室之下間。

堂南檐三門。房南檐各一門。階五級。

謹案朱子宮室考。升堂兩階。東階曰阼階。今制

吾學錄初編 卷十四 祭禮 二

堂凡三階。下文云。族姓行尊者立於東西階上。

又焚黃禮云。

制書至廟。入中門。升中階。故知今制。有東西中三階。此

云階五級。言每階各五級也。家禮云。凡升降。惟

主人由阼階。餘人雖尊長。亦由西階。

庭東西廡各三間。東藏遺衣物。西藏祭器。

謹案宮室考云。堂下至門。謂之庭。隨地廣狹。以

屋覆之。令可容家衆序立。

庭繚以垣。南爲中門。又南爲外門。左右各設側門。

四品至七品官廟三間。中爲堂。左右爲夾室。爲房。

階三級。東西廡各一間。餘制與三品以上同。伯子。一。品。男。以。下。按。品。爲。差。等。

八九品廟三間。中廣。左右狹。

謹案八九品之祧主埋於墓。故無夾室。中廣者

爲堂。左右狹者皆謂之房。

階一級。堂及垣皆一門。庭無廡。以篋分藏遺衣物

祭器。陳於東西房。餘與七品以上同。在籍進士舉。人。祇。七。品。恩。拔。歲。副。貢。生。祇。八。品。

堂後楣北。設四室。

吾學錄初編 卷十四 祭禮 三

謹案宮室考云。堂之屋南北五架。中脊之架曰

棟。次棟之架曰楣。

奉高曾祖禰四世。皆昭左穆右。

謹案父死稱考。入廟稱禰。家禮祠堂神主位。矣

以西爲上。所謂神道尙右也。故高祖居西。曾祖

而下。以次而東。邱氏濬所定祭四世之圖。改爲

高祖居東第一室。曾祖居西第一室。祖居東第

二室。考居西第二室。通禮從之。

妣以適配南向。



五世以正室配言正室則適繼皆配而庶不與也。貝勒貝子家祭云奉始封祖暨高曾祖。不言所配與親王同也。品官家祭云奉高曾祖。四世妣以適配言適以該乎繼亦以別乎庶也。庶士寢薦云奉高曾祖。皆以妣配言妣則適繼無分亦以別乎庶也。庶人寢薦云奉高曾祖。禰神主不言所配同乎士也。適該乎繼於何徵之。新唐書儒學傳云太常卿鄭餘慶廟有二妣疑於耐祭請諸有司。博士韋公肅議曰古諸侯

吾學錄初編 卷十四 祭禮 四

一娶九女故廟無二適。春秋魯惠公元妃孟子姪娣也。不入惠廟。宋武公生仲子歸於魯。生桓公而惠公薨立宮而奉之亦不合於惠公。自秦以來有再娶前娶後繼皆適也。兩耐無嫌。騎大將軍桓溫繼室三疑並為夫人。以問太學博士陳舒舒曰妻雖先沒榮辱並從夫禮耐於祖姑。祖姑有三則各耐舅之所生是皆夫且適人也。生以正禮沒不可取於是遂用舒議。且適繼於古有殊制。子之於今無異等。桓氏三夫耐配之典安得不同。卿士之寢祭二妻。即庶士並薦廟享可異乎。古繼以媵妾今以適妻不宜援一娶為比。謂非一娶九女之比。使子孫榮享不逮也。餘

慶遂用公肅之議。此適該乎繼之證也。惟伊川程子有只以元妃配享之說。又謂奉祀之人是再娶所生則以所生母配。朱子語錄云古者只以媵妾繼室。故不容與適並配。後世繼室以禮聘娶自得為正。故唐會要載顏魯公家祭有並配之儀。魯公會祖勳禮初娶殷氏。御正中大夫英童之女繼娶柳氏。中書令夷之妹皆顯族也。祭於別室恐有未安。凡是適母無先後皆當並耐合祭。然則繼有三四皆可配乎。以桓氏三夫人之說證之則再繼可稱夫人。即可配食。

吾學錄初編 卷十四 祭禮 五

揆之 國朝令典通禮所載 諭祭恪僖公過必隆。以公妻和碩格格公妻多羅格格公妻一品夫人巴雅拉氏公妻一品夫人舒舒覺羅氏配。祭果毅公尹德以公妻一品夫人董氏魏氏高氏配。祭果毅繼功公阿里衮以公妻一品夫人瓜爾佳氏李氏配。是配耐以妻不分適繼矣。凡繼皆配無論眾寡矣。會典載婦人受夫封者再繼不准封。受子封者不論繼之再三。

然封妻爲並受

國恩制不可褻。故以初繼限。而子封母。則不復限。祭爲私情。自不必以封之有無。別情之隆殺。若不受夫封者。不祭。是父以爲妻。而子不以爲母也。至於妾母之祭。伊川程子曰。庶母亦當爲主。但不可入廟。子當奉於私室。而

國朝諸家之論。則謂妾母之主。亦當祔祀於廟。邵氏長蘅曰。喪服小記曰。慈母與庶母。不世祭。鄭氏註曰。以其非正。又引春秋傳於子祭。於孫止。其

吾學錄初編 卷十四 祭禮

六

說非也。按小記本文曰。妾祔於妾祖姑。亡則中一以上而祔。註曰。妾死祔於夫祖之妾。祖無妾。則閼曾祖而祔於高祖之妾。夫曰祔於妾祖姑。則祖妾猶得祔食可知。曰中一以上而祔。則高祖之妾亦得祔食可知。果如鄭說。於子祭。於孫止。安所得祖妾而祔之。且推及於高祖之妾邪。然則記言不世祭何居。曰所謂不世祭者。爲祔妾之禮。殺於女君。不得謂之祭也。禮有牲曰祭。無牲曰薦。小記又曰。易牲而祔於女君。註曰。凡

妾下於女君。一等疏曰。女君特牲。妾則特豚。蓋祭不用牲。可謂薦。不可謂祭耳。故曰不世祭也。

若謂祭止於子。遂絕之而不祀。則鄭說非也。又近世方侍郎苞家廟。不爲婦人作主。汪氏中袁氏枚。盧氏文弼。皆有說以正之。盧氏之說曰。考之禮經。婦人之有主。明甚。記曰。士大夫不得祔於諸侯。祔於諸祖父之爲士大夫者。其妻祔於諸祖姑。妾祔於妾祖姑。妾無妾祖姑。易牲而祔於女君。婦祔於祖姑。祖姑有三人。其一爲適。則

吾學錄初編 卷十四 祭禮

七

祔於親者。舅之據記所言。微獨適妻有主。繼妻再繼妻亦有主。妾之有子者。亦皆有主。有主而後。可以祔廟。安得謂婦人無主也。據盧說。則妾固有主在廟。據邵說。則妾當薦而不祭。故通禮云。以正室配。以適配以妣配。皆謂有牲之祭。非妾所敢當。非謂以妾爲母而不祀也。使以妾爲母而不祀。其入廟主祭。及與祭之子孫。或係庶出。見夫三殤。及成人無後者。且得祔食其閼。而吾所自出者。上邀

尊恩封贈之榮竟不能分家廟豚肩之奉人子之心能安乎。○又案王制云大夫三廟士一廟庶人祭於寢祭法云大夫立三廟適士二廟官師一廟庶士庶人無廟。隋書紀北齊之制自王及五等開國執事官散官至從二品以上皆祀五世五等散品正三品以下從五品以上祭三世正六品以下從七品以上祭二世正八品以下達於庶人祭於寢。舊唐書職官志祠部云凡官爵二品以上祠四廟五品以上祠三廟六品以下

吾學錄初編卷十四 祭禮

八

達於庶人祭祖禰。宋史云平章事以上立四廟東宮少保以上立三廟餘官祭於寢。經史所載品官廟制及所祭世數其說互異然未有品官士民通祀高曾祖禰者。故宋司馬溫公家禮亦止祭及曾祖。自伊川程子謂服制上及高祖則祭亦必及高祖。即士庶不容有異。朱子從之其說遂定。故通禮亦仍其制。

高祖以上親盡則祧。由昭祧者藏主於東夾室。由穆祧者藏主於西夾室。遷室祧廟均依昭穆之次。

謹案王公貝勒仲春之祭以祧主合食品官之祧主藏而不祭。士庶之祧主埋於墓。

東序西序為祧位。伯叔祖之成人無後者伯叔父之成人無後。及其長殤十五歲至十九歲兄弟成人無後。及其長殤中殤十二歲至十五歲妻先歿者子姓成人無後。及其長殤中殤下殤九歲至十一歲皆以版按行。輩墨書男統於東女統於西。東西向。

吾學錄初編卷十四 祭禮

九

謹案八歲以下為無服之殤。伊川程子曰無服之殤不祭。下殤之祭終父母之身。中殤之祭終兄弟之身。長殤之祭終兄弟之子之身。成人而無後者其祭終兄弟之孫之身。

歲以春夏秋冬仲月擇吉致祭。戒子弟讀祝一人。贊禮一人。執爵每案二人。分薦祧位東西各一人。凡在廟所出子孫年及冠以上者皆會行禮。

謹案古者重宗法。主祭必以宗子。然古所謂宗子者皆世官世祿者也。今宗法不行。貴顯者未必皆宗子。而宗子或夷於氓隸。支子雖貴。又格於分不得伸其追遠之愛。遂不祭乎。記曰無田

則不祭。祭用生者之祿。是祭禮必大夫而後具明矣。宗子而為大夫。則宗子主祭。支子而有田祿。則支子亦得主之。故通禮家祭。以官之大小分祭之隆殺。不問其為宗子否也。或曰。父為大夫。子為庶人者多矣。得無廟建於父。而子旋毀之。以薦於寢乎。子為庶人。孫又為大夫者亦多矣。得無子既毀廟。孫又復建乎。曰。是不然。父為大夫。得建家廟。則廟固父之廟也。子為庶人。薦而不祭。禮也。安得並其廟而毀之。又曰。五世祧


吾學錄初編 卷十四 祭禮

十

主。士庶瘞於其墓。設其父以下。五世無為大夫者。主瘞而廟仍留可乎。曰。禮始為大夫者。不在遷毀之列。宋史禮志云。始得立廟者不祧。以比始封。雖親盡當祧。亦可援立廟之功。仍而不毀。此敬宗而寓貴貴之義也。故通禮載親王世子郡王貝勒貝子宗室公之祭。於高祖以上。皆及始封祖。即宋史始立廟者不祧之意也。而品官可推矣。

廟制圖四


品官家廟陳設圖




吾學錄初編 卷十四 祭禮

十一


一品至三品官家廟圖



四品至七品官家廟圖



八品九品官家廟圖



謹案朱子  
家禮明會  
典皆有其  
室庭其堂  
陳設與今  
制小異因  
據通禮所  
載補給庶  
圖其土庶  
寢薦之制  
別圖於後

吾學錄初編 卷十四 祭禮

七

致齋具牲饌。通禮先祭三日主人及在事者咸

致齋

謹案書儀及家禮云男十歲以上皆居宿於外

主婦率諸婦女致齋於內凡齋者沐浴更衣飲

酒不至亂食肉不茹葷葷謂葱韭蒜之類有臭

葷者乃佛家戒殺之說非吾儒之齋戒也不弔喪不聽樂凡凶穢之

事皆不得預

前一日主人率子弟盛服入廟。眠潔除拂拭畢。執

事者於各室前設几。几前供案。堂南總香案一。盥

吾學錄初編 卷十四 祭禮

七

樂具

謹案樂有架鐘

附位東西各統設一案。設祝案於香案之西。設尊

爵案於東序。設盥槃於東階上。眠割牲

謹案家禮云。晡時殺牲。主人親割。毛血為一槃

首心肝為一槃。脂雜以膏為一槃。皆腥之餘。十

一體。則宰夫解之。庖人熟之。以薦

一品至三品官。羊一。豕一。四品至七品。特豕。八品

以下。豚肩不特殺

謹案八品以下。豚肩不特殺亦薦而非祭也。通禮以其同為品官故附及之。

眠滌祭器。三品以上。每案俎二。鉶二。敦二。邊六。豆六。七品以上。邊四。豆四。八品以下。邊二。豆二。皆俎一。鉶敦數同。代以時用。槃椀者聽。辨祭器之實。俎實牲體。鉶實羹。敦實飯。邊實時果。餅餌魚腊獸腊之屬。豆實炙。蔬時蔬之屬。

謹案聞見前錄。載邵康節之言曰。吾高曾今時人。以簠簋邊豆薦牲不可也。司馬書儀亦云。簠

吾學錄初編卷十四 祭禮

西

簋邊豆。鼎俎鬯洗。皆非私家所有。攷之唐開元禮。官員廟祭。用簠簋鉶俎邊豆。其數以品為差。是私家亦得用古祭器也。以神道事其先人。無嫌於今古之異矣。朱子云。本合用古器。恐私家不能辨。且用今器。以從簡便。故通禮仍倣古制。設器。又云。代以時用。槃椀者聽。兼採朱子之說也。而書儀又云。今人但別置椀。椀等器。專供祭祀。平時收貯。勿供他用。是則品官廟制。既有東廡。廡以藏祭器。禮云。凡家造祭器。為先。有田祿

者以不假為禮。又云。祭器敝則埋之。用於鬼神。不可褻也。

祭器圖七

謹案通禮家祭所用古祭器凡七。曰俎。曰鉶。曰敦。曰邊。曰豆。曰尊。曰爵。會典所載各圖皆


大祀 中祀 羣祀之用。而家祭之制未詳。今以會典之用於先師廟者。照繪其式。使力能備具者。仿而為之。以遵

今制。亦以存古意云。

吾學錄初編卷十四 祭禮


五

俎圖



謹案會典有俎圖三。此其第三圖。用木為之中區。為二。以實牲體。裏用錫。外槩以漆。紅色。大小尺寸詳見祀典門內。以下各器同。

圖 銅



謹案會典有銅圖二此其第二圖範銅爲之兩耳爲犧首形有蓋蓋上有三峯以實和羹。

吾學錄初編 卷十四 祭禮

六

圖 敦





圖 邊



謹案會典有邊圖三此其第一圖編竹爲之以絹飾裏通紫以漆紅色以實果餅乾肉。

吾學錄初編 卷十四 祭禮

七

謹案會典無敦圖攷之禮經玉敦瓦敦殊其質兩敦四敦異其施明堂位敦琤瑚簋注云皆黍稷器制之異同未聞士昏禮四敦皆蓋少牢饋食禮敦皆南首則敦有蓋其蓋有首士喪禮敦會面足無足曰廢敦士虞特牲禮虞敦藉以葦席祭敦藉以萑席則敦又有足有藉陸氏佃曰敦亦簋也會典有簋圖二此其第二圖注禮者謂敦簋皆實黍稷通禮云敦實飯則亦黍稷之屬也陸說是矣簋範銅爲之制圓而脣兩耳其上有蓋蓋上有稜四出。

圖 豆




謹案會典有豆圖三此其第一圖范銅為之蓋用綯紐以實爨戴時蔬

吾學錄初編

卷十四 祭禮


六

圖 尊



謹案會典有尊圖六此其第一圖范銅為之兩耳為犧首形用以酌酒

圖 爵



謹案會典有爵圖五此為金爵近人多以銀為之兩柱三足用以酌酒

吾學錄初編

卷十四 祭禮

七

謹案禮器之設所以存古意非謂品官家祭必用古器也如龜卜之法久已失傳而開元禮於喪祭之卜宅卜日仍書龜卜之儀其時相地擇日之書已行於世而儒臣議禮猶依倣古制以飾天下之耳目故君子有餽羊之幸焉自宋儒改用杯琖卜日并古禮之虛文亦亡之矣朝鮮之俗田民猶用俎豆班史美之而謂士大夫不當攷其制乎以上各器可以不用不可以不知若夫秩祀所用則有司存故但詳其制於祀典



門內而不備繪於篇。

祭儀○通禮屆日五鼓主人朝服與祭執事者盛服入廟主人俟於東階下族姓俟庭東西以昭穆世次為序執事者陳鑪鐙於供案南陳尊爵於東序案代以壺陳祭文於祝案實水於盥槃加巾主婦率諸婦盛服入。

謹案婦助夫祭為主婦必舅姑既沒或姑老而傳者乃得為之舅在無姑則祭以舅為主人婦仍不得為主婦。

吾學錄初編卷十四 祭禮

二十

詣爨所既烹飪羹定入於東房。

謹案熟食曰定。

治籩豆之實陳劔敦匕箸醯醬以俟。

謹案司馬書儀朱子家禮於家廟奠獻皆設男女拜位男東女西重行異等凡出主納主上食侑食皆男女分司其事明會典尚仍其制通禮改主婦率諸婦次於房中專主祇饋治具之事每獻則先出於房陳饌案上一叩而退然後主人率族姓行禮蓋家廟雖無男女之嫌然同堂

致祭分班跪起殊非體制所宜况助祭尚有親黨婦女何能共列是則通禮為盡善也。

質明子弟之長者盥詣各室前跪一叩興啟室奉主以次設於几昭位考右妣左穆位考左妣右分薦者設東西附位畢贊禮立堂東檐下西面諸執事分立東西序端相向贊就位主人升自東階盥詣中檐拜位立族姓行尊者立於東西階上卑者立於階下皆重行北面贊參神主人入堂左門詣香案前跪執事二人司爵者充一奉香槃一挹尊酌酒

吾學錄初編卷十四 祭禮

二十三

詣主人左右跪左進香主人三上香右進爵主人酌酒於地以爵奠於案興退出右門復拜位及族姓行一跪三叩禮。

謹案家祭參神四拜俗禮也通禮貝勒貝子以下至庶人皆用一跪三叩四拜辨見凡例贊初獻主婦率諸婦出於房薦匕箸醯醬於几前案北跪一叩興徧及附位退入於房庖人解牲體實於俎。

謹案解牲之法左胛不用胛牲之半體取右胛之前

足爲三段。脊爲三段。脇爲三段。脇神後足爲三段。去近竅一段不用。凡十有一體。爨而熟之。羊左豕右。分實於各案之俎。

執事者奉以升。各薦於供案。主人詣高祖案前。執爵者奉爵。主人獻爵。奠於正中。跪叩興。以次詣曾祖祖禰案前。獻爵如前儀。分薦者徧獻。耐位酒訖。退。立於拜位。贊讀祭文。主人跪。族姓皆跪。祝詣祝案之左。跪讀祭文曰。維某年月日。孝孫某謹告於某考某官府君某妣某氏之靈。曰。氣序流易。時維

吾學錄初編 卷十四 祭禮

三

仲春夏追感歲時。不勝永慕。謹以潔牲庶品。黍盛秋冬醴齊。敬薦歲事。以某親某氏等耐食。尙饗。謹案八品以下。去潔牲二字。

讀訖興。以祭文復於案。退。主人以下。一叩興。贊亞獻。庖人納羹飯於東房。主婦率諸婦和羹。實於鉶。實飯於敦。出薦於案。及腊肉炙。馘徧。跪叩興。退。如初禮。主人獻爵於各位之左。贊三獻。主婦率諸婦出於房。薦餅餌果蔬。叩退。主人獻爵於各位之右。分薦者徧獻。耐位酒。均如初獻儀。贊受嘏。祝取高

祖供案酒饌。降至香案旁。主人詣香案前。跪祝代祖考。致嘏於主人。主人啐酒嘗食。反器於祝。接以興。主人一叩興。復位贊送神。主人以下。一跪三叩。贊望燎。祝取祭文。由中門出。送燎。主人退避東階下。行輩長者咸降階。主人詣燎位。眠燎畢。與祭者出。主人率子弟納神主。上香行禮。徹祭器。傳於燕器。潔滌。謹藏之。闔門各退。

謹案通禮祭儀。與朱子家禮略同。惟三獻後不用侑食闔門二節。

吾學錄初編 卷十四 祭禮

三

餽○通禮日中酒餽。三品以上時祭徧舉。四品至七品春秋二舉。八品九品春一舉。庖人設酒饌。僕人布餽席於堂東西北上。陳醢醬於席四隅。棧樑匙箸之屬。皆辨與祭者尊卑。咸在。從曾祖諸父居東第一席。從祖諸父居西第一席。諸父次東一席。諸昆弟次西一席。諸子諸孫在東西之末各一席。序定。主人肅尊者入席。從曾祖諸父卽席。從祖諸父東向尊者肅揖。就位。諸父東向揖。西向揖。就位。諸昆弟揖如之。復揖。諸父就位。諸子揖如諸父。復

揖諸昆弟諸孫揖如諸子復揖諸子皆就位主人離席僕執壺實酒從主人酌諸尊長酒每酌一人肅揖尊長答揖徧就位子弟之長者離席僕人執壺從敬酌主人諸子弟咸避席揖主人答揖復位主人命諸子弟徧酌酒席中少者舉壺各酌於其長者既徧皆坐主人興舉酒請於尊長坐尊長迺嘗酒卒爵衆嘗酒卒爵僕人進食主人興請於尊長坐尊長舉箸嘗食迺皆食每進食子弟閉行酒三巡長幼獻酬交錯飲無算爵湯飯畢長者起主人請留長者告飽遂離席諸子弟咸隨離席以次出主人送長者於門外入命徹席餞庖人僕人皆盡

吾學錄初編 卷十四 祭禮

三

謹案書儀家禮皆云男餞於外婦餞於內通禮未及婦人之餞餞為神惠下逮庖僕不及婦人者蓋舉外以賅內也

焚黃祭告 ○通禮 凡恭遇

覃恩告廟行焚黃告祭之禮

制書至主人以黃紙恭繕一通奉於廳事正中誦吉日

擇同姓或戚屬已仕者一人宣

制戒子弟引贊二人通贊二人徧戒族姓屆期會行禮

前一日齋戒備告文祝文牲饌既新贈之爵為等

至日夙興灑掃堂宇供張設饌案以通贈所及香世數為準

案施架如儀設改題神主案於堂東西向使人宿

宣制者主人朝服率弟子盛服入廟諸與祭者皆

會主人詣贈主室前啟室焚香跪子弟一人奉告

文跪於主人之左讀告文辭曰維某年月日孝子

某或稱孝孫隨宜謹告於某考某官府君某妣某封某氏

吾學錄初編 卷十四 祭禮

三

之靈曰某幸得列於位恭逢

恩命贈及先人敬請神主祇受

制書改題奉祀謹告讀訖與主人叩興奉考主子弟奉

妣主及族姓出廟門俟於道左宣制者奉

制書前引二人導行至廟眾跪接

制書入中門升中階南向立眾皆隨入至階下序立主

人奉考主在東子弟奉妣主在西族姓重行立其

後皆北面通贊分立東西柱前贊宣

制主人以下皆跪聽宣

制畢。奉主行三跪九叩禮。衆隨行禮。宣制者以

制書供香案架上。主人奉主置改題案上。揖勞宣制者

宣制者答揖。復揖辭降自西階。主人從平廟大門

外揖送。入改題神主爵位訖。奉主復位。序立參神

讀祝。三獻酒。如時祭之儀。祝辭曰。維某年月日。孝

子某謹告於顯考某府君。顯妣某氏之靈曰。某恭

承庭訓。列位於

朝。仰荷

皇仁。推恩所生。贈考爲某銜妣爲某銜。感念先澤。祿弗

吾學錄初編

卷十四

祭禮

三

逮養。茲以焚黃。謹備牲醴。用伸薦告。尙饗。祭畢。焚

黃并祝文。奉主復於室。闔室出。主人以下皆退歸

牀於宣制者。餞族姓如儀。

謹案焚黃之禮。近有行於墓次者。攷宋張魏公

浚贈諡其子栻。只告於廟。朱子文集有焚黃祝

文。亦曰告於宗廟。故通禮無墓次焚黃之禮。

時節薦新。○通禮。歲逢令節。薦新物。

謹案節如清明寒食重午中元重九之類。凡鄉

俗所尙者。

一二三品官。每案時果四。庶羞四。羹飯具。四品至

七品官。每案時果二。庶羞四。八品九品官。每案時

果庶羞各二。餘同。是日夙興。主婦潔辦果饌。主人

盛服。率族姓子弟入廟。然鐙灑埽。設案室前訖。盥

洗。啟室。子弟分陳匙箸壺瓊之屬於案北。主人序

立於香案前。族姓以次序列於主人之後。主人跪

焚香訖。叩興。子弟奉果羞。從主人詣高祖考妣位

前。薦果薦羞畢。子弟舉壺。取瓊酌酒。進於主人。主

人奠酒訖。子弟復奉羹飯。從主人薦羹飯訖。以次

吾學錄初編

卷十四

祭禮

三

詣各案。薦奠如前儀。退至香案前。率族姓子弟。一

跪三叩興。子弟徹饌。主人闔室皆退。

朔望獻茶。○通禮。月朔望日。主人豫備茶食之屬

每案二器。主人夙興。盥洗。盛服。率族姓子弟入廟。

灑埽。潔神案。啟室。序位於香案前。主人跪焚香訖

叩興。子弟奉食及茶。從主人詣各神案前。以次供

食。供茶畢。退復位。率族姓子弟行禮。如時薦之儀

徹。主人闔室皆退。

謹案家禮於四時祭外。別有冬至祭始祖。立春

祭先祖。高祖以上之祖。季秋祭禴之儀。今高曾祖禴。既合祀一廟。則禴位無庸特祭。始祖及高祖以上之祖。今人別立宗祠。族長率族人春秋致祭。亦敬宗收族之道也。通禮雖無其儀。要可準家廟之禮。行於宗祠。宗祠自始祖以下。高祖以上。非分尊而有功於族衆者。不得以私情濫入。○家禮又有忌日祭墓祭之儀。通禮詳於品官喪禮。然喪禮但及考若妣。其高曾之忌祭墓祭。亦可放而行之。通禮不及備載。士庶並同。

吾學錄初編 卷十四 祭禮


无

庶士寢薦 附寢薦圖

謹案有牲曰祭。無牲曰薦。士庶之祭。用肉食果蔬。故薦而不祭。又士庶無廟。故薦於寢。寢即居室之廳事。

**通禮**庶士 貢監生員有頂帶者家祭之禮。於寢堂之北爲龕。以版別爲四室。奉高曾祖禴。皆以妣配。位如前儀。南向。前設香案總一。服親男女。成人無後者。按輩行書紙位。附食。男東女西。相向。事至則陳。已事焚之。不立版。

士庶寢薦圖



吾學錄初編 卷十四 祭禮

无

歲以春夏秋冬節日。出主而薦。餅餌二盤。肉食果蔬之屬四器。羹二飯二。前期主人及與祭者。咸致齋。薦之前夕。主婦盛服。治饌於房中。厥明夙興。主人吉服。率子弟設香案於南。然燭置祭文。堂北設供案二。昭東穆西。均以妣配。位均南向。設附案於兩序下。各一。男東女西。東西向。主人以下盥。奉木主設於案。設附位於兩序案。訖。主人東階下立。衆各依行輩。東西序立。主人詣香案前。上香畢。率在位者一跪三叩興。主婦率諸婦出房中。薦匕箸醴。

醬跪叩如儀退。子弟奉壺。主人詣神案。以次斟酒。薦熟訖。皆就案南跪叩興。子弟薦耐位畢。主人跪。在位者皆跪。祝進至香案之右。讀祭文。詳見品官祭禮。減潔。牲二字。訖興退。主人以下叩興。再獻。主婦薦飯羹。三獻。主婦薦餅餌時蔬。主人斟酒。跪叩均如初儀。畢。主人率族姓。一跪三叩興。祝取祭文。及耐食紙位。焚於庭。衆出。主人納木主。徹退。日中而餞。春一舉。布席於堂東西。北上。陳倚瓊匙箸。如其人數。傳祭食於燕器。熱酒饌。族姓至。主人肅入。序位以行。

吾學錄初編 卷十四 祭禮 三

輩年齒爲等。旅揖卽席。進酒饌。酬酢如禮。湯飯畢。長者離席。告退。主人送於門外。諸子弟皆隨以出。徹。僕人餽餘食皆盡。月朔望日。主人及家衆。夙興盥洗。啟寢室。然燭。詣香案前。依行輩序立。主人上香訖。子弟奉茶。主人獻茶。復位。率衆一跪三叩興。徹茶。闔室。衆退。若家有吉事。主人盥洗。啟室。然燭。焚香。以其事告。行禮如朔望儀。

庶人寢薦

通禮 庶人家祭之禮。於正寢之北。爲龕。奉高曾祖

禱神位。歲逢節序。薦果蔬新物。每案不過四器。羹飯具。其日夙興。主婦治饌。主人率子弟。設案然燈。啟室。奉神主於案上。以昭穆序。主人立於香案前。家衆序立於主人下。以行輩爲先後。主人上香。一跪三叩興。主婦陳匕箸醯醬。薦羹飯果羞。跪叩如儀。主人酌酒。進於各位前。凡三次。皆跪。一叩興。畢。主人率衆。一跪三叩興。納主於室。徹退。日中衆餞神食。歲一舉。論行輩先後。同行序齒列坐。酒行飯已。肅揖以退。月朔望日。供茶。然香。行禮。告事。亦如之。均與庶士儀同。

吾學錄初編 卷十四 祭禮 三

祭禮通論

錢氏維城曰。祖宗非死也。子孫而死之。則死矣。人固未有死。其祖父者。以其死而死之。則死其祖父矣。禮曰。事死如事生。事亡如事存。如焉者。非至死亡而知之。其事生事存。必有大異乎人者矣。夫子之語季路曰。未能事人。焉能事鬼。未知生。焉知死。人之與鬼神。生之與死。若寒暑晝夜之不同。而夫子云爾者。鬼神不遠於人。而常

以人為體。故有死而死。有生而死。亦有死而生。祖宗者。吾形氣之所自來也。人生以氣。不以形。死者。死其形耳。其氣為精爽。發揚於上。為昭明。焄蒿悽愴。固未嘗亡也。孝子之事祖宗也。不忍其形之亡。於是為尸以像之。後世不求諸形。而并不必其氣之相屬也。則其本已先亡矣。分祖宗之形氣以有吾。又分祖宗之形氣以有伯叔兄弟。家庭詬誶。手足忿爭。人情所時有。然而不敢逞者。懼吾祖父之或聞而加責焉。及其死也。

吾學錄初編卷十四 祭禮

三

刀錐之末。或操戈矛。謂其祖父之不得聞而禁之也。是其忍情蓄怒而為之者。方其生而死之矣。今試語人曰。爾弑祖父。其人雖甚不仁。亦必惶然驚勃然怒矣。誠畏乎其名也。則奈何及其死而死之。方其生而死之也。祖父之生為人。人以形治。有所隱隔。即有所不知。其死也為鬼。鬼以氣治。氣無不通。一念之動。無不知之。故長既沒之祖宗。尤嚴於生存之祖父。○張氏永詮曰。率高曾祖考之子孫。以祀吾高曾祖考。則高曾

祖考。不啻在焉。高曾祖考既如在矣。而凡為高曾祖考之子孫。豈無有半菽不飽。長不能婚。死不能葬者。吾曩先人餘澤。居則有華堂邃室。出則有車馬僕從。曾無有斗粟尺布。以給吾族人。則祖宗在天之靈。能無怨恫乎。故古人之勤於收族。正古人之篤於事先也。○榮光案古今論祭之言。幾如聚訟。今取

國朝錢張二家之說。附通禮家祭之後。一推如在之原。一衍不匱之義。足為奉先至論。至於廟制祭

吾學錄初編卷十四 祭禮

三

儀通禮具有定章。無庸衷諸眾說。

舉 人黃木驥編次

戶部郎中陳傳均

詹事府主簿吳彌光 同校

吾學錄初編卷十四終

15017 冊 續修四庫全書 0 頁 33

吾學錄初編卷十五

禮記卷十五 喪禮一 喪禮門一

喪禮門一

喪服制度 斬衰○齊衰杖期不杖期○齊衰五月

斬衰○通禮服生麻布旁及下際不緝麻冠經菅

履竹杖婦人麻屨不杖餘同。

謹案斬衰用竹齊衰用桐上圓下方長齊心本

在下此杖制也朱子家禮謂杖圍五寸餘邱氏

濬家禮儀節謂斬衰之杖圍九寸齊衰之杖圍

吾學錄初編卷十五

五寸餘攷之士喪禮云苴經大鬲喪服傳云苴

經大鬲苴經首經也以草繩爲之鬲與鬲通鬲

者搯也大鬲者首經之圍大一搯也朱子云以

拇指與第二指一圍爲一搯以今工部尺度之

其圍不及五寸喪服傳注云搯扼也中人之扼

九寸開元政和二禮皆云杖大如腰經是已其

云首經大九寸則襲用漢儒釋經之文也漢儒

用周尺釋經故云扼圍九寸周尺一尺當今尺

六寸其九寸當今尺五寸強唐宋之尺與今尺

不甚相遠豈有以今尺九寸圍圓之草繩一條

環冠於首者乎喪服小記云經殺五分而去一

杖大如經禮經言杖圍者僅此一語所謂經者

言腰經也殺五分而去一者以大一搯之首經

去其五分之一以爲腰經之圍則腰經之大不

過今尺四寸杖大如經者謂杖之大如腰經亦

不過今尺四寸此斬衰之腰經與杖制也若齊

衰之經則遞小矣齊衰之首經如斬衰之腰經

其腰經如大功之首經經小則杖亦與之俱小

吾學錄初編卷十五

齊衰之腰經以首經之圍殺五分而去一不過

今尺二寸三分杖亦如之家禮云杖圍五寸餘

不分斬齊已覺過大邱氏濬儀謂斬衰之杖圍

九寸又襲用開元政和首經之制則更大矣邱

氏儀以指尺定喪服制度則所謂杖圍九寸者

亦指尺也其法以本人之中指第二節爲一寸

以中人論亦與今尺不甚相遠豈有毀疾已甚

之子能擁圍圓九寸之杖而成禮於喪次者乎

其誤蓋本於攷古而不定於尺故也開元政和



二禮載首經之制。固不當仍用古尺。邱氏更不當以周尺圍九寸之首經。而移載於殺五分而去一之杖圍。既不準於古經。又不度於時用。明儒議禮。往往如此。不可盡從也。

齊衰杖期不杖期。○通禮服熟麻布。旁及下際緝之。麻冠經。草履。桐杖。婦人麻履。餘同。

齊衰五月三月。○通禮服熟桐麻布。冠經如其服。草履。婦人麻履。

大功。○通禮服麤白布。冠經如其服。繭布緣履。

吾學錄初編 卷十五 喪禮 三

小功。○通禮服稍細白布。冠經如其服。屨同上。

總麻。○通禮服細白布。經帶如其服。素履無飾。

謹案通禮所載冠服經屨之制。皆與古制無異。第未詳及尺寸縫製之法。行禮者亦惟攷之經傳。參以先儒之說。而酌乎時世之宜。庶不致泥古違今。亦不致棄禮從俗。斯得之矣。


服制圖 喪服總圖 ○本宗九族五服正服之圖 ○出嫁女為本宗降服之圖 ○外親服圖 ○妻親服圖 ○三父八母服圖 ○為人後者為本生親屬降服之圖

喪服總圖

斬衰	三年	布麻	至用
齊衰	杖期	布麻	稍用
大功	九月	布熟	用
小功	五月	布熟	稍用
總麻	三月	布熟	稍用

吾學錄初編 卷十五 喪禮 四

本宗九族五服正服之圖



夫高祖				夫曾祖				夫祖父				夫父				夫				妻			
總服				總服				總服				總服				總服				總服			
大服				大服				大服				大服				大服				大服			
斬衰三年				斬衰三年				斬衰三年				斬衰三年				斬衰三年				斬衰三年			
長子				長子				長子				長子				長子				長子			
孫				孫				孫				孫				孫				孫			
曾孫				曾孫				曾孫				曾孫				曾孫				曾孫			
玄孫				玄孫				玄孫				玄孫				玄孫				玄孫			
高祖				曾祖				祖父				父				夫				妻			
總服				總服				總服				總服				總服				總服			
大服				大服				大服				大服				大服				大服			
斬衰三年				斬衰三年				斬衰三年				斬衰三年				斬衰三年				斬衰三年			
長子				長子				長子				長子				長子				長子			
孫				孫				孫				孫				孫				孫			
曾孫				曾孫				曾孫				曾孫				曾孫				曾孫			
玄孫				玄孫				玄孫				玄孫				玄孫				玄孫			

夫為祖及父母祖  
高曾祖及父母承  
重者並承  
從夫服

妻為夫族服圖

凡嫡孫父卒為祖父承重服斬衰三年若為曾高祖父母承重服亦同

五

凡同五世祖族屬在外皆絕服之親遇喪葬則服素尺布纏頭

夫高祖				夫曾祖				夫祖父				夫父				夫				妻			
總服				總服				總服				總服				總服				總服			
大服				大服				大服				大服				大服				大服			
斬衰三年				斬衰三年				斬衰三年				斬衰三年				斬衰三年				斬衰三年			
長子				長子				長子				長子				長子				長子			
孫				孫				孫				孫				孫				孫			
曾孫				曾孫				曾孫				曾孫				曾孫				曾孫			
玄孫				玄孫				玄孫				玄孫				玄孫				玄孫			
高祖				曾祖				祖父				父				夫				妻			
總服				總服				總服				總服				總服				總服			
大服				大服				大服				大服				大服				大服			
斬衰三年				斬衰三年				斬衰三年				斬衰三年				斬衰三年				斬衰三年			
長子				長子				長子				長子				長子				長子			
孫				孫				孫				孫				孫				孫			
曾孫				曾孫				曾孫				曾孫				曾孫				曾孫			
玄孫				玄孫				玄孫				玄孫				玄孫				玄孫			

嫡孫眾孫為庶祖母小功五月

妾為家長族服之圖

謹案圖內言子而未及女妾為家長之女無服為所生女服期年出嫁則降功

家長祖 功母父小 家長 功母父期 家長 功母父期 家長 功母父期 家長 功母父期 家長 功母父期 家長 功母父期

家長眾子 家長眾子 家長眾子 家長眾子 家長眾子 家長眾子 家長眾子 家長眾子 家長眾子 家長眾子 家長眾子 家長眾子

家長長子 家長長子 家長長子 家長長子 家長長子 家長長子 家長長子 家長長子 家長長子 家長長子 家長長子 家長長子

家長嫡孫 家長嫡孫 家長嫡孫 家長嫡孫 家長嫡孫 家長嫡孫 家長嫡孫 家長嫡孫 家長嫡孫 家長嫡孫 家長嫡孫 家長嫡孫


為其子 為其子 為其子 為其子 為其子 為其子 為其子 為其子 為其子 為其子 為其子 為其子

為其孫 為其孫 為其孫 為其孫 為其孫 為其孫 為其孫 為其孫 為其孫 為其孫 為其孫 為其孫

六


謹案為夫之姑姊妹小功堂姊姊多夫者已於不得再降故圖內不分在室出嫁

出嫁女為本 宗降服之圖




吾學錄初編 卷十五 喪禮一 七

外親服圖




妻親服圖



吾學錄初編 卷十五 喪禮一 八

三父八母服圖



謹案以上八圖會典通禮皆未載據

大清律例繪入其三父八母一圖創於元典章自明至

今皆因之徐氏乾學讀禮通考疑其未備謂既

列嫡母繼母則不當去親父母嗣父母本生父

母爲更定五父十三母之圖五父者父也所後

父也本生父也同居繼父也同居繼父也十

三母者母也嫡母也繼母也所後母也本生母

也慈母也生母也養母也庶母也嫁母也出母

也從繼母嫁也乳母也其說甚辨然此圖既附

### 吾學錄初編卷十五 喪禮一

律文自當恪守未便據一家之言輕爲更易但

其中所列從繼母嫁一條原註齊衰杖期通禮

改爲齊衰不杖期律圖仍前代之舊通禮成於

道光四年當以今定者爲據養母一條始於宋

開寶禮註謂收養遺棄三歲兒服齊衰三年明

孝慈錄改註云謂自幼過房與人服斬衰三年

今律圖並會典皆仍其舊通禮凡例云既與爲


人後者爲所後父母持服條混且恐開亂宗之

漸奏交大學士九卿議定改從宋開寶禮原註

定服齊衰期年以符名義並將抱養子從姓者  
爲養父母持服一條附載以上二條今仍用律  
圖原註而附著通禮改定之義於此  
爲人後者爲本生親屬降服之圖

謹案律例無爲人後者服圖通禮於爲人後者  
服制增載甚詳多歷來禮書及會典所未備者  
原定各圖於出嫁女爲本宗降服既有圖則此  
圖自不可少今據通禮增繪一圖附律例八圖  
之後

### 吾學錄初編卷十五 喪禮一



<p>父母父母祖母</p> <p>功 功 不杖期</p> <p>為人後者為本生父母庶子之為人後者為本生父母</p> <p>母持服期年均報考解任</p>	<p>會祖姑 祖姑 姊妹 姪女 姪孫女 姪曾孫女</p> <p>服 出嫁無服 出嫁小功 出嫁小功 出嫁小功 出嫁無服 出嫁無服</p> <p>無在室總麻 無在室總麻 無在室總麻 無在室總麻 無在室總麻 無在室總麻</p>	<p>堂祖姑 堂姑 堂姊妹 堂姪女 堂姪孫女</p> <p>服 出嫁無服 出嫁無服 出嫁無服 出嫁無服</p> <p>無在室總麻 無在室總麻 無在室總麻 無在室總麻 無在室總麻</p>	<p>從堂姑 從堂姊妹 從堂姪女</p> <p>服 出嫁無服 出嫁無服</p> <p>無在室總麻 無在室總麻 無在室總麻</p>	<p>族姊妹</p> <p>服 無</p> <p>無</p>	<p>吾學錄初編 卷十五 喪禮一</p> <p>服制沿革 ○斬衰三年 ○齊衰杖期 ○齊衰三月 ○齊衰不杖期 ○小功五月 ○緦麻三月</p> <p>斬衰三年 ○通禮子為父母</p> <p>謹案為父古今同 凡云古今同者謂儀禮唐開元禮宋政和禮司馬書儀朱子家禮明會典所載為母周制父在齊衰杖期服制皆與通禮同也</p> <p>父卒齊衰三年 唐制父在父卒皆齊衰三年 明升斬衰</p> <p>為繼母</p> <p>謹案周唐明制與母同</p>		
						<p>為人後者之妻為夫之本</p> <p>生於夫之本</p> <p>功於夫之本</p> <p>生餘親各從本服</p> <p>降一等報亦如之</p> <p>為人後者為本生父母庶子之為人後者為本生父母</p> <p>伯叔父兄為弟及姪之</p> <p>為人後者服兄弟之</p>	<p>士</p>

子之妻同

謹案周制婦為舅姑齊衰不杖期 唐制婦為舅斬衰為姑齊衰三年 明改姑同於舅

庶子為適母

謹案周制父在齊衰杖期 父卒齊衰三年 明升斬衰

所生母

謹案周制父在齊衰杖期 父卒齊衰三年 宋制父在父卒皆齊衰三年 明升斬衰 ○又案庶子之為父後者 周制為其母總麻 唐宋因之 明併入斬衰

慈母 妾子無母 父命他妾養之者

謹案周唐明制與母同

庶子之妻同

謹案夫之適母統於姑 所生母及慈母 明增為人後者為所後父母

謹案為所後父 古今同 為母 周制齊衰三年 明升斬衰 ○又案一子兩祧 為

國朝乾隆閒

特制之條道光九年議准獨子之子分祧兩房各為其

父母適孫承重者各為其祖父母大宗子兼祧

小宗小宗子兼祧小宗各為所生父母小宗子

兼祧大宗為兼祧父母小宗子出繼小宗尙未

為所後父母持服丁憂而所生父母無嗣仍以

一人兼祧者為所生父母均服斬衰三年

為人後者之妻同

謹案婦從夫服明增

吾學錄初編 卷十五 喪禮一 三

女在室及已嫁被出而反在室者為父母

謹案為父古今同為母明初齊衰三年後升斬

衰已許嫁者同

適孫承重為祖父母

謹案為祖父古今同為祖母明增適孫之妻同

祖在為祖母服同

謹案周制齊衰杖期明升斬衰

若祖父俱亡為高曾祖後者同

謹案為高曾祖父古今同為高曾祖母周制齊

衰三年今升斬衰

為人後者承重為所後祖父母

謹案為所後祖父古今同為祖母周制齊衰三

年明升斬衰

承重者之妻同

謹案婦從夫服今增

妻為夫妾為家長

謹案為夫為家長古今同妾於家長古稱君明

吾學錄初編 卷十五 喪禮一 古

稱主今改稱家長

齊衰杖期○通禮適子眾子為庶母謂父妾適子有子者

眾子之妻同

謹案為庶母周制總麻明升齊衰杖期其妻同

明增

子為嫁母親生母父卒而改嫁者出母親生母為父所出者

謹案為出母古今同為嫁母唐增子之妻無服

夫為妻父母在為妻不杖

謹案周制父卒為妻杖期父在則不杖歷代因

謹案古有齊衰三年之制明代併入斬衰惟母為適長子妾為家長之長子二條降為不杖期齊衰不杖期○通禮為改嫁繼母謂父卒繼母嫁而已從之者若無服不從則

謹案周制齊衰杖期歷代因之今不杖

為同居繼父謂父卒從母嫁兩無大功以上親嫁母夫又為之立廟祀先者為伯

叔父母及姑在室者

謹案此二條古今同

為養母無同宗及三歲下遺棄子者若三歲下遺棄子不知本宗即從所養家姓氏應考出

吾學錄初編卷十五 喪禮一 五

仕者為養父母之服同並令輟考解任

謹案宋制齊衰三年明升斬衰三年今降為齊

衰不杖期養子之妻同會典仍入斬衰通禮改

為兄弟及姊妹在室者

謹案為兄弟古今同為姊妹在室者宋增

為兄弟之子及女在室者

謹案為兄弟之子古今同為女在室者宋增

為子之為人後者

謹案此條古今同

祖為適孫

謹案為適孫古今同為曾孫元孫之當為後者亦如之

父母為適長子眾子及適長子之妻

謹案周制父為適長子斬衰三年母齊衰三年

明降為齊衰不杖期為眾子古今同為適長子

之妻周制大功九月唐升為齊衰不杖期

為女在室者

謹案為在室之女古今同女雖適人而無夫與

吾學錄初編卷十五 喪禮一 六

子者亦如之

繼母為長子眾子

謹案為長子周制齊衰三年今降為齊衰不杖

期為眾子今增

孫為祖父母孫女在室出嫁同

謹案孫及孫女為祖父母古今同孫女雖出嫁

不降

庶孫為生祖母

謹案此條始於宋開寶禮明集禮明會典皆無若父先卒無與父同母之伯叔者為生祖母持服同並令輟考解任

之今會典始復其制。道光元年禮臣議行斬衰三年。旋於四年復改正。會典云爲慈養祖母同通禮未載。

女出嫁爲父母。

謹案此條古今同。

爲人後者爲本生父母。庶子之爲人後者爲本生

父母。均令輟考解任。

謹案爲本生父母古今同。庶子爲本生父母會

典未載。統於子也。○又案獨子之子。分祧兩房。

吾學錄初編 卷十五 喪禮一 七

各爲分祧父母。小宗子兼祧大宗。爲所生父母。

大宗子兼祧小宗。小宗子兼祧小宗。各爲兼祧

父母。均服齊衰不杖期。並令輟考出仕。其餘本

生親屬俱從正服降一等。其子孫則祇論宗支

服制。

女在室及雖適人而無夫與子者。爲其兄弟姊妹

及兄弟之子。與兄弟之女在室者。

謹案爲姊妹古今同。爲兄弟及兄弟之子宋增

爲兄弟之女在室者。明增。

女適人爲兄弟之爲父後者。

謹案此條古今同。

婦爲夫兄弟之子及女在室者。

謹案爲夫兄弟之子古今同。爲女在室者明增

妾爲家長之父母。家長之妻。家長之長子。衆子與

其所生子。

謹案爲家長之父母。明制爲家長之妻古今同。

爲家長之長子。周制齊衰三年。明降爲齊衰不

杖期。爲家長之衆子。與其所生子古今同。

吾學錄初編 卷十五 喪禮一 六

謹案齊衰不杖期服內。周制有妾爲其父母。修

宋制有嫁母出母。爲其子條。繼母嫁爲前夫之

子。從已者條。今皆省。

齊衰五月。○通禮孫及女孫在室出爲曾祖父母。

謹案孫及女孫在室者爲曾祖父母。周制齊衰

三月。唐升爲齊衰五月。女孫出嫁者同。唐增。孫

謂曾孫。女孫謂曾孫女。

謹案古無齊衰五月之制。唐貞觀開增。宋至今

仍之。



齊衰三月○通禮為不同居繼父謂先同居後異居則為同居繼父兩有大功以上親者無服。

謹案為不同居繼父古今同為同居而兩有大功以上親者明增

孫及女孫在室出嫁同為高祖父母

謹案此條唐制孫謂元孫女孫謂元孫女

大功九月○通禮為從兄弟及姊妹在室者

謹案為從兄弟古今同姊妹在室者唐增

為姑及姊妹適人者

吾學錄初編卷十五 喪禮一 九

謹案此條古今同

為兄弟之為人後者為兄弟之子為人後者為父

之兄弟為人後者為人後者為本生祖父母若所後同

祖者仍從本服餘仿此為本生伯叔父母為本生兄弟及姑

姊妹在室者兄弟之子及女在室者

謹案為本生兄弟古今同為姑姊妹在室者唐

增為本生兄弟之子宋制餘皆今增

祖為眾孫及孫女在室者

謹案為眾孫古今同孫女在室者唐增

祖母為適孫眾孫及孫女在室者為孫之為人後者生祖母為庶孫同

謹案祖母報服各條今增生祖母為庶孫女在室者亦如之會典云慈養祖母為庶孫同通禮

未載

父母為眾子婦及女之適人者

謹案為眾子婦周制小功五月唐升為大功為

女適人者古今同會典云慈母養母為其子婦

同通禮未載

吾學錄初編卷十五 喪禮一 十

伯叔父母為從子婦及兄弟之女適人者

謹案為從子婦宋制為兄弟之女適人者古今

同

婦為夫祖父母伯叔父母為人後者之妻為夫之

本生父母其於本生餘親則各從本服悉降一等報亦如之

謹案此二條古今同

女出嫁為本宗伯叔父母本宗兄弟及兄弟之子

本宗姑姊妹及兄弟之女在室者凡在室之女與男子同後仿此

謹案為兄弟古今同為伯叔父母及兄弟之子

唐增爲姑姊妹及兄弟之女在室者宋增。

謹案大功九月服內唐制有出母爲女之適人

者條宋制有女適人者爲出母條明省。○又案

爲人後者爲本生親屬服內爲祖父母爲伯叔

父母爲兄弟之子及女在室者三條本生親屬

報服內爲兄弟之爲人後者爲父之兄弟爲人

後者爲孫之爲人後者三條會典未載通禮增

小功五月○通禮爲伯叔祖父母爲從伯叔父母

及從姊妹適人者。

吾學錄初編卷十五 喪禮一

三

謹案爲伯叔祖父母爲從姊妹適人者古今同

爲從伯叔父母唐增。

爲再從兄弟及姊妹在室者。

謹案爲再從兄弟古今同爲姊妹在室者宋增

爲從兄弟之子及女在室者。

謹案爲從兄弟之子宋制爲女在室者明增。

爲祖之姊妹在室者爲父從姊妹在室者。

謹案此二條皆唐制。

爲兄弟之妻。

謹案古無嫂叔之服此條唐增。

爲兄弟之孫及兄弟之孫女在室者。

謹案此條宋制。

爲從兄弟之爲人後者。

謹案此條今增。

爲外祖父母。

謹案此條古今同會典有爲人後者爲其本生

母之父母一條通禮改入總麻。

爲母之兄弟及母之姊妹。

吾學錄初編卷十五 喪禮一

三

謹案爲母之姊妹古今同爲母之兄弟周制總

麻唐升小功○又案唐制有爲舅母總麻一條

宋以後無服。

爲姊妹之子及女在室者。

謹案爲姊妹之子周制總麻唐升小功及女在

室者今增。

適孫衆孫爲庶祖母

謹案此條今增。

祖爲適孫之婦。

謹案此條唐制為會元孫當為後者之婦同。  
為人後者為本生曾祖父母若所後同會且者為  
本生姑姊妹之適人者從兄弟及從姊妹之在室  
者為本生兄弟之子婦及兄弟之女適人者

謹案為本生姊妹適人者周制姑唐增為從兄  
弟宋制餘皆今增。

婦為夫兄弟之孫及孫女在室者為夫之姑姊妹  
兄弟及兄弟之妻為夫從兄弟之子及女在室者  
為夫之伯叔為人後者

吾學錄初編 卷十五 喪禮一

三

謹案為夫兄弟之孫及孫女在室者宋制為夫  
之姑姊妹古今同。為夫之兄弟周制大功九月  
唐降小功。為夫兄弟之妻唐制為夫從兄弟之  
子宋制為夫從兄弟之女在室者明增。為夫之  
伯叔為人後者今增。

女出嫁為本宗姊妹之適人者為本宗從兄弟及  
從姊妹之在室者為本宗伯叔兄弟及兄弟之子  
為人後者

謹案為從兄弟為兄弟之子為人後者皆宋制

餘皆今增為本宗伯叔兄弟謂伯叔父及親兄  
弟也。

曾祖父母為曾孫之為人後者生有為家長之  
祖父母

謹案此二條今增。

謹案小功五月服內周制有為孫女適人者條  
唐制有為繼母適母之父母兄弟從母條。為同  
母異父之兄弟姊妹條。宋制有女在室及適人  
者為兄弟子之妻條。今省。○又案為人後者為

吾學錄初編 卷十五 喪禮一

三

本生親屬服內為從兄弟及從姊妹之在室者  
為本生兄弟之子婦及兄弟之女適人者二條  
本生親屬報服內為從兄弟之為人後者為夫  
之伯叔為人後者為曾孫之為人後者三條會  
典未載通禮增

總麻三月○通禮為乳母

謹案此條古今同。謂父妾乳哺者

為曾祖兄弟及曾祖兄弟之妻。為祖從兄弟及祖  
從兄弟之妻。為父再從兄弟及父再從兄弟之妻

謹案爲會祖兄弟爲祖從兄弟爲父再從兄弟  
古今同爲其妻皆唐增。

爲三從兄弟及姊妹在室者爲會祖之姊妹在室  
者爲祖之從姊妹在室者爲父之再從姊妹在室  
者

謹案爲三從兄弟古今同餘皆唐制。

爲兄弟之曾孫及曾孫女之在室者爲兄弟之孫  
女適人者爲從兄弟之孫及孫女在室者爲再從  
兄弟之子及女在室者。

吾學錄初編卷十五 喪禮一 差

謹案爲再從兄弟之子女在室者皆唐制爲兄  
適人者爲再從兄弟之孫皆宋制爲兄弟之曾  
孫女在室者爲從兄弟之孫女在室者皆明增  
爲祖之姊妹父之從姊妹及己之再從姊妹適人  
者爲從兄弟之女適人者。

謹案爲祖之姊妹父之從姊妹古今同爲從兄  
弟之女適人者宋制爲再從姊妹適人者明增  
爲從伯叔伯叔祖再從兄弟爲人後者爲兄弟之

孫從兄弟之子爲人後者爲母之兄弟爲人後者  
爲姊妹之子爲人後者。

謹案本生親屬爲爲人後者報律圖係統載通  
禮分增。

爲父姊妹之子。

謹案姑之子外兄弟也古今同。

爲母兄弟姊妹之子

謹案舅之子內兄弟也母之姊妹爲從母從母  
之子兩姨兄弟也皆古今同。

吾學錄初編卷十五 喪禮一 美

爲妻之父母爲女之夫女之子若女爲女之子爲  
人後者。

謹案爲妻之父母爲女之夫女之子古今同爲  
女之女唐增爲女之子爲人後者今增。

爲兄弟孫之妻爲從兄弟之妻爲從兄弟子之妻

謹案爲從兄弟子之妻唐制爲兄弟孫之妻及  
從兄弟之妻皆宋制。

爲人後者爲本生高祖父母若所後同高祖者仍從本服餘仿此爲  
本生伯叔祖父母祖姑之在室者從伯叔父母從

姑之在室者。從姊妹之適人者。再從兄弟。再從姊妹之在室者。為本生兄弟之妻。從兄弟之子及女在室者。兄弟之孫及孫女在室者。為本生母之父。母及兄弟姊妹。為本生姊妹之子及女在室者。

謹案為人後各條皆今增。

祖為眾孫婦。祖母為適孫眾孫婦。曾祖父母為曾孫曾孫女。高祖父母為元孫元孫女。為元孫之為人後者。

謹案祖為眾孫婦。曾祖父母為曾孫。古今同。高

吾學錄初編

卷十五

喪禮一

三

祖父母為元孫。唐制。餘皆今增。

婦為夫高曾祖父母。為夫之伯叔祖父母。及夫祖姑在室者。為夫之從伯叔父母。及夫從姑在室者。為夫之從兄弟姊妹。在室出及從兄弟之妻。為夫再從兄弟之子及女在室者。為夫從兄弟之女。適人者。為夫從兄弟子之妻。從兄弟之孫及孫女在室者。為夫兄弟孫之妻。兄弟之孫女適人者。為夫兄弟之曾孫及曾孫女之在室者。為夫之兄弟為人後者。

謹案為夫之伯叔祖父母。為夫從兄弟之妻。古今同。為夫高曾祖父母。從伯叔父母。夫之從姊妹。再從兄弟之子。從兄弟子之妻。皆唐制。為夫祖姑及從姑在室者。為夫之從兄弟及從兄弟之孫。為夫兄弟孫之妻及兄弟之孫女。適人者。為夫兄弟之曾孫。皆宋制。餘皆今增。

女出嫁為本宗伯叔祖父母及祖姑之在室者。為本宗從伯叔父母及從姑在室者。為本宗從兄弟之為人後者。為本宗從姊妹之適人者。為本宗從

吾學錄初編

卷十五

喪禮一

三

兄弟之子及女在室者。

謹案為從伯叔父母。唐制。為伯叔祖父母。為祖姑及從姑之在室者。為從兄弟之為人後者。為從兄弟之子。皆宋制。為從姊妹之適人者。從兄弟之女在室者。皆明增。

子為父母改葬。既葬除之。妻為夫。孫為祖後。並同。

謹案改葬之服。周制也。宋政和禮明集禮皆因之。

謹案總麻服內。周制有為夫之外祖父母。從母

爲外孫之婦二條。唐制有爲夫之舅。女爲姊妹子之婦爲甥之婦。爲人後者爲木生外祖父母。女適人爲兄弟之孫五條。宋制有爲同爨爲朋友二條。今皆省。○又案儀禮長中下三殤之服。有大功九月七月小功五月總麻三月之別。歷代因之。自朱子家禮畧之。附其例云。凡爲殤服者降一等。明初編集禮。尙仍古制。至孝慈錄明會典。乃盡省焉。今通禮及會典。皆不載殤服。故不著其沿革。○又案爲人後者爲木生親屬服。

吾學錄初編卷十五

喪禮一

完

及本生親屬報服各條。並改葬服。會典皆未載。通禮增。○又案服制各條。以通禮爲準。列入古制者。仰見我

朝因革精當。恐世俗尙沿前朝舊習。明其不可從也。

舉 人黃本賈編次

戶部郎中陳傳均

詹事府主簿吳彌光 同校

吾學錄初編卷十五終

吾學錄初編卷十六

禮再錄卷十六 喪禮二 吳榮光恭述

喪禮門二

品官喪一 初終○襲○小斂○大斂○成服○給假持服○丁憂事例○朝夕奠○初祭  
大祭○親賓弔奠○親臨賜奠○賜  
卹謚致奠○謚法○賜卹事例○扶喪○給  
驛事例○扶輓路費○聞喪奔喪

初終○通禮官員喪禮。有疾居正寢。女居內寢。

謹案唐開元禮。宋政和禮。皆云有疾齊於正寢。司馬書儀。朱子家禮。皆云疾病遷居正寢。通禮

吾學錄初編卷十六

喪禮二

一

云。有疾居正寢。又曰女居內寢。寢卽今人所居之正室也。古者惟諸侯有三寢。故莊公薨於路寢。公羊以爲正。僖公薨於小寢。穀梁以爲非正。若大夫士則一寢而已。士喪禮云。死於適室。註云。正寢之室。正寢內寢。原無分別。特以男女異稱。亦以別於側室耳。正室爲婦人所在。故曰男子不死於婦人之手。以別嫌也。檀弓曰。晝居於內。問其疾可也。註云。內者正寢之中。本有疾者所常居。非遷而居之也。故通禮去遷字。邱氏濬

註家禮謂正寢即今人家所居之正廳古今居室或有異制而慎終初無異情疾已甚矣氣尚未絕即移居正廳以待其死固非人子所忍亦非病者所甘且轉動之頃或致殞絕其何以安夫寢之義有三詩寢成孔安廟之後室也禮庶人薦於寢即邱氏所謂正廳也詩上莞下簟乃安斯寢即男女所居之正寢內寢也喪大記云士之妻皆死於寢疏云夫妻俱然故曰皆若以寢為廳事豈士之妻亦可遷於正廳乎下文小

書學錄初編卷十六 喪禮二 二

斂條云帷堂如寢謂死者在室將斂始遷尸於堂以尸未設飾故以帷障之使如寢室曰如寢者非謂堂即寢也家禮於朝祖後行遷柩禮曰遂遷於廳事明前此停柩在堂至是始遷於廳也然此乃三月以後事也斷未有有疾未死而即遷於廳事者

疾革遺摺 三品以上官 遺言皆書之

謹案向例大員身故有呈遞遺摺者亦有齋進遺本者其遺本一項嘉慶十七年奉

諭停止惟遺摺聽其照例呈遞

既終子號哭擗踊去冠被髮徒跣諸婦女子去笄謹案被髮之制始於開元禮云男子被髮徒跣為人後者為本生父母不被髮徒跣婦人不徒跣女已嫁者不被髮

期功以下丈夫素冠婦人去首飾皆易素服男哭牀東女哭牀西異向

謹案皆易素服謂男女皆易常服之無文采者開元禮謂有服者用白布十五升初喪固難驟

書學錄初編卷十六 喪禮二 三

辨且服尚未成何得遽用白布古人變除之節以漸而加也婦人去首飾易以竹木簪

作魂帛 結白絹為之

謹案魂帛之制禮經所無古者始死設重碑以木為之縱橫交貫縱一橫二縱木長九尺至三尺自天子迄士庶各以其等橫者半之取煮湯沐尸之餘米為粥盛以鬲或八或六或四或二亦眠其等帛以疏布懸於橫木之上以葦席北向屈兩端交於上綴以竹篾置於堂之西南用

以依神其名重之義有二說。一取懸棺重累之義。一云既有棺又有木。故曰重也。司馬書儀始用許氏慎鄭氏康成束帛依神之說。易重為魂。帛謂如束帛之式。考古之束帛用絹一疋。卷兩端相向而束之。朱子家禮改用白絹摺為長條。交互穿貫。如世俗所謂同心結者。上出其首。旁出兩耳。下垂其餘。為兩足。肖人之形。近世行禮者。遂用其式。於左書死者生年月日時。右書卒年月日時。其長短無定制。

吾學錄初編卷十六

喪禮二

四

為位於尸東。

謹案為位謂設虛位。今人作靈位。以素綾若紙為之。不書奉祀子名。又設畫像於案正中。皆古人立重之遺意也。

前設案。奠閣餘。

生前食飲所餘。

謹案閣以板為之。度食物也。人老及病飲食不離側。故設度閣。既死則奠其餘。度音

脯醢酒果用吉器。

謹案始死以生禮事之。故用吉器。古人常畜脯

醢始死未暇別具。即用生時所餘之饌。今人或無脯醢。但設食物數器可也。

立喪主。

以適長子。無則長孫承重。

謹案適長既死。又無孫可承重。則以適次攝。無適次。則以庶長攝。俟得孫承重。後於神主改題奉祀之名。凡子孫主喪。專奉饋奠。其與賓客為禮。則以同居之親且尊者主之。○又案朱子云。凡喪父在。父為主。今以子為喪主。似未當。楊氏復曰。主饋奠。則以長子。卒哭後。月朔之奠。則以

吾學錄初編卷十六

喪禮二

五

父為主。似亦未當。蓋父在。則父為喪主。此禮之不可易者也。其奉饋奠。則遣子代行。庶於情理兩盡。若以夫主妻之奠。不拜。則簡於禮。朝夕兩拜。則又過於禮也。邱氏潛於家禮。朔奠儀節。增入夫祭妻一條。似可不必。惟成服之後。發引之前。酌行親奠可也。

主婦。

以亡者之妻。無妻及母之喪。則以喪主之妻當之。

護喪司賓。

謹案護喪以家長或兄若弟。知禮能幹者為之。凡喪事皆稟之。司賓以戚友。



司書贊祝諸執事人。

謹案司書以弟若姪贊祝以戚友為之。書儀家禮別設司貨掌財貨出入及親賓奠賻之數。無則以司書兼之。

治棺民公采棺朱采飾金花。侯伯一品官以下朱棺。

謹案通禮云。一品官以下朱棺。其別於采棺之制者。惟無飾耳。然未言朱棺之制。止於何品。雍正元年例云。侯伯一品官至五品官故皆朱棺。內襯一層。六品官以下至兵民故皆棺內襯一

書學錄初編 卷十六 喪禮二 六

層。五品以下。但曰棺而不言朱。則朱棺乃六品以上之制。今世俗通用髮黑之棺。蓋五品以下棺制也。治棺之材。厚終記云。油杉為上。柏次之。土杉為下。孟子云。中古棺七寸。周七寸。今四寸許也。則棺之厚。以四寸為率。王制云。六十歲制。謂治棺也。人漸老。則死期將近。故必豫為制之。不致倉卒取辦。有失厚終之旨。夫棺非絞衾衾冒。一日二日而可為者。故不在君子恥具之列。為人子者。烏可以豫凶事為解。而不講於歲制。

時制月制日修之禮哉。凡棺制頭大足小。僅取容身。勿令高大。及為虛簷高足。致令築土不實。又案古者葬必有椁。開元政和二禮皆云。下柩於壙內席上。則唐宋已有棺而無椁矣。司馬溫公曰。椁雖聖人所制。自古用之。然板木歲久。終歸腐爛。徒使壙中寬大。不能牢固。不若不用之為愈也。故通禮不載其制。間有用者。不在禁例。及凡喪具。

書學錄初編 卷十六 喪禮二 七

謹案喪具。即沐浴襲含。大小斂。及成服所應用之物。或買之市肆。或命工製造。皆次第預辦。護喪者以籍記之。免致臨時失誤。護喪者使人上遺摺。計於有司。及親屬僚友。謹案計禮經作赴。今俗用雕板印送。有親厚者。或以喪主名加書函。其餘書問悉停。有以書來弔者。須卒哭後答之。○又案附計而致於僚友者。有行述。即唐宋人之行狀也。行狀為請諡而作。亦有求銘而作者在。唐宋皆以異姓之能文者為之。今則以喪主自作。而借銜題其先人之

諱然行述非可猝辦。或卒哭後另送可也。○又案儀禮士喪禮。禮記喪大記。初終後有皋復一節。所謂升屋而號是也。孝子之心。冀其復生。故有持衣招呼之事。開元政和二禮。司馬書儀。朱子家禮。明會典。皆仍之。通禮不載此節。蓋古禮有可有可無者。復與設熬之類是也。設熬見大斂條後。

襲○通禮越日小斂。

謹案越日。謂死之明日。

侍者於寢室施幃。設浴牀於尸牀前。

吾學錄初編卷十六 喪禮二 八

謹案浴牀。卽用臥牀去腳。或以板代。舒簟設枕。不用氈褥。以便漉水沐浴。開元禮云。六品以上施幄。幄卽幃也。尸未設飾。故幃其室。非施幄於牀也。

牀東置案。陳沐浴巾櫛。含具。三品以上含用小珠玉。五品以上含用金。

謹案八品九品。含用金銀屑。凡品官自八品以下。與士禮同。後倣此。含飯之禮。古用米貝。貝乃水蟲之甲。卽書顧命所謂大貝是也。古者以貝

爲貨。如今之用錢。非謂貝卽錢也。司馬書儀載含飯用錢三枚。置於尸口之中左右。蓋誤以錢爲貝矣。明會典。庶人喪禮云。以匙抄米實於尸口。弁實以錢。邱氏潛注家禮。亦云。實三錢於尸口。皆用書儀之說也。錢有銅腥。且易繡澀。甚非所宜。而宋氏纁四禮。初稿。又謂米易生蟲。珠玉誨盜。改用使君子仁三枚。謂可以殺蟲。更與飯含之義無涉。考開元禮。三品以上含用璧。四五

品用碧。六品以下用具。政和禮。品官用璧。士庶

吾學錄初編卷十六 喪禮二 九

用具。用具雖古法。亦非今之所宜。通禮改用珠玉。金銀取其寶貴。卽用美之道也。然珠玉曰小。金銀曰屑。無取乎多。亦何致有誨盜之患哉。飯含之米。古用梁稷。今多用稻。通禮雖未言及。亦須先進。浙淨稻米少許。後用珠玉金銀。方與飯米含貝之義相合。又飯含之飯上聲。用生米飯之也。今誤讀去聲。用炊熟之飯者。非是。荀子云。飯以生稻。含以槁骨。反生術矣。生稻謂米也。槁骨謂貝也。今用熟飯。非反生術之謂矣。

襲衾在浴牀西襲事陳其旁常服一稱朝衣冠帶各以其等

謹案襲事謂衣服也禫復具謂之稱古者死人  
不冠但用帛冒其首名之曰掩蓋以襲斂主於  
保護肌體重在輕實古冠高而有翅磊塊難安  
故司馬書儀用幅巾以代掩今制無論冬夏皆  
用冬朝冠取其輒而安帖也

侍者遷尸浴牀南首諸子哭踊婦人出女喪則男出迺

去尸衣覆以斂衾侍者奉湯入哭止沐髮櫛之晞

吾學錄初編卷十六 喪禮二 十

以巾束之抗衾而浴拭以巾訖結襲衣縱置於牀南頷

謹案荀子云不沐則濡櫛三律而止不浴則濡巾三式而止律理髮也式與拭通其云不沐不浴者謂死者之沐浴與生者異但以水濡其巾櫛三理其髮三拭其體而已即所謂反生術也今浴尸惟胸前及手足心用巾數拭之即此義也

舉尸易牀徹浴牀浴具埋巾櫛及餘水於屏處迺

去衾襲常服朝服加面巾

謹案面巾以絹為之方尺二寸

喪主以下為位而哭喪主及諸子坐於牀東奠北

後西面主婦及諸婦女子坐於牀西同姓婦女子以服為序坐諸婦後婢妾又在其後東面均南上尊行丈夫坐東北壁下西上尊行婦女坐西北壁下東上異姓丈夫坐於幃外之東西上異姓婦女坐於幃內之西東上若內喪則同姓丈夫皆坐幃外之東異姓丈夫皆坐幃外之西

謹案男女坐次子婦藉以藁餘人藉以薦席

執事者執含具前喪主起盥親含尸訖哭復位

謹案家禮云執友親厚之人至是入哭可也

吾學錄初編卷十六 喪禮二 十一

小斂○通禮是日執事者帷堂如寢陳斂牀於堂

東加斂衣三品以上五稱復三禫二五品以上三稱復二禫一六品以下二稱復一禫一

皆以繪

謹案古者斂衣皆左衽不紐今但去紐不用左衽古者斂衣外別有庶襚謂親屬僚友所致衣服陳而不用所謂多陳之為榮少納之為貴也今至厚戚友有以衾來者大斂後加於尸上既蓋而至則焚之即致禭之遺意也

復衾二品以上色絳四品以上色緇五品色青六品色紺七品色灰

謹案古之斂衾黃表素裏今制黃色非官民所應用絳緇諸色各既其等裏皆用素。

紵絞皆素帛。

謹案紵單被也用布五幅絞以布為之小斂縮者一。橫者三。大斂縮者一。橫者五。縮直也。既斂用絞以約紵。加衾於其上。今人斂用絲綿墊單用生絹為之亦能經久不壞。

既辦。迺遷尸於堂中。行斂事畢。喪主暨諸子。括髮加首。經腰經。皆以麻。婦麻髮。餘同。

吾學錄初編

卷十六 喪禮二

三

謹案括以麻束髮也。髮用麻繩撮髻。首經加於巾上。以一股麻為之。禮所謂環經也。腰經散垂其末長三尺。

大斂。○通禮。三日大斂。執事者以棺入。設於堂正中。南首。承以兩甃。

謹案家禮云。置棺於堂中。少西。古以右為上也。通禮云。設於堂正中。今以中為尊也。其云南首者。禮書無論宅與墓之方向。皆以外為南。內為北。古者小斂遷尸於浴牀。大斂置棺於堂。首皆

向外。足皆向內。故云南首。惟遷柩告廟。納柩於壙。則以首向內。足向外。今以魂帛朝祖。無遷柩告廟之禮。惟納柩於壙。仍用北首。從古制也。南方為陽。北方為陰。陽為明。陰為幽。人之生也。自幽而出乎明。故禮運云。生者南鄉。死者北首。棺尚在堂。不忍遽以神待之。士喪禮。飯含章注。所謂尸南首是也。及其葬也。自明而反乎幽。故檀弓云。葬於北方。北首。三代之達禮。之幽之義也。今之停喪。以棺首向內者。非是。承棺之甃。須堅而平。不得過高。

棺內奠七星板。

謹案棺內奠用七星板。開元政和二禮。及司馬書儀。皆未載。始見於朱子家禮。沿棺條注云。棺內用瀝青溶瀉。厚半寸以上。以熟煉秫米灰鋪其底。厚四寸許。上鋪以紙。紙上加七星板。瀝青者。用少蚌粉。黃蠟。青油合煎而成者也。桐油合煎之。又有用生石膏末布底者。邱氏濬補家禮。棺具條云。用板一片。鑿為七孔。其長廣度。棺中可容。然未

吾學錄初編

卷十六 喪禮二

三

詳七星板始於何時。及考顏之推家訓終制篇云。松棺二寸。衣帽以外。一不得自隨。牀上惟施七星板。又通典載元陵喪儀云。加七星板於梓宮內。其合施於板下者。並先置之。乃加席褥於上。然則此板之設。自隋唐已有之。板之鑿孔大如錢。斜鑿規槽一道。使七孔相聯貫。其木用杉。不必過厚。

藉茵褥。施綿衾。垂其裔於四外。民公藉三層。侯伯一品以下一層。

謹案藉用綢緞。或布為之。○又案古者棺槨皆吾學錄初編卷十六 喪禮二 古

有裏。喪大記所謂大夫裏棺用元緣是也。楚人棺內有用漆。稍亭布為裏者。亦有用櫻皮剪去硬邊。疊布棺底。俟斂訖。收衾後。以櫻皮上掩其尸。作魚鱗交搭之狀。其法亦善。附載於此。

屆時奉尸入棺。實生時所落齒髮。卷衣以塞空處。令充實平滿。喪主以下。憑棺哭踊。盡哀。迺蓋棺。加

錠施漆。三品以上比葬。每月三漆。五品以上月再漆。七品以上月一漆。

謹案漆棺之制。雖有定數。若豫治之棺。以歲久加漆。不在此限。近人棺用糞灰和生漆布底。又

楚人於蓋棺後。有用櫻絲密織棺外。如織櫻箱之式者。然後用漆灰平布。槩其面。其法亦善。附身附棺。無嫌詳慎。但視其力之能致否耳。

徹斂牀。遷柩其處。柩東設靈牀。施幃帳枕衾。衣冠

帶屨之屬。設類盆。帨巾。於靈牀側。皆如生時。柩前

設靈座。奉魂帛。几筵。俱器具。建丹旒於門左。內喪則於

門右。漢人以絳帛為銘旌。三品以上長九尺。五品以上八尺。七品以上七尺。

題曰某官某公。內喪書某封某氏。之柩。縣以竹杠。依靈右。

謹案銘旌禮經作明旌。其制用絳帛粉書。帛廣吾學錄初編卷十六 喪禮二 五

充幅。長短以品為差。杠之長短稱其旌。品官借

銜題寫。用另紙書題者。姓名粘於旌。下葬時去

其名紙。題曰某官某公某封某氏。係題者之辭。

士喪不借銜題。則稱顯考顯妣。庶人之喪。不用

銘旌。○又案今人弔輓用祭幃。聯額以旌死者。

皆明旌之遺制。所推而衍之也。

執事者陳饌案。食品用素器。

謹案大斂後。始用喪奠。故易吉器為素器。而閣

餘之奠如故。

啓帷行斂奠禮。內外就位。如寢。司祝焚香奠酒。喪主以下哭盡哀畢。下帷。每奠皆同及夜。奉魂帛復牀。諸子次於中門之外。寢苫枕塊。不脫經帶。諸婦女子次於中門之內。帷幔枕衾皆布素。哀至則哭。晝夜無時。

謹案儀禮大斂後。有設熬一節。用筐盛熬。熬之穀陳於棺下。君黍稷稻粱各二。大夫黍稷粱各二。士黍稷各二。加以魚腊。開元政和二禮。尙因其制。書儀家禮始去之。今粵俗有煮飯加酒貯

吾學錄初編

卷十六

喪禮二

七

以罐陳於棺下者。似卽設熬遺意。又有塗殯一節。亦爲書儀家禮所省。然三月而葬。時雖不久。奄柩在堂。塗之可禦火患。今人用版四圍夾砌。內實以沙。似卽塗殯遺意。

成服○通禮是日成服。五服各以親疏爲等。

謹案儀禮云。三日成服。除死日數之。是死之第四日。所謂生與來日也。故書儀家禮皆云。大斂之明日成服。惟開元禮云。三品以上。三日成服。除去死日數。六品以下。則并死日爲三日。通禮

云是日成服。亦并死日數。卽用大斂之日也。蓋蓋棺以後。斷無復生之理。陳饌既用素品。孝子之心。以成服爲安耳。服制詳見前卷

給假持服○通禮凡喪三年者。百日薙髮。任者解任。士子輟考。在喪不飲酒。不食肉。不處內。不入公門。不與吉事。○會典不娶妻納妾。門庭不換舊符。○通禮期之喪。二月薙髮。在喪不昏嫁。九月五月者。踰月薙髮。三月者。踰旬薙髮。在喪均不與燕樂。八旗官在京者。三年喪持服。百日後薙髮供職。二

吾學錄初編

卷十六

喪禮二

七

十七月內。居家仍素服。不與吉事。爲祖父母。兩月後。薙髮供職。爲人後者。爲本生父母。爲曾祖父母。爲撫養庶母。爲伯叔父母。爲兄弟。爲妻。爲已授室之子。一月後。薙髮供職。其在內廷行走王公大臣官員。給假十四日。不兼職任之王以下。入八分公。以制。服期內。居家仍素上。大臣京堂。給假二十一日。服。不與吉事。爲高祖父母。爲庶母。生有子者。爲伯叔祖。爲從伯叔。爲從兄弟。爲兄弟。已授室之子。爲兄之妻。爲子婦。爲已授室之孫。既殯七日後。薙髮供職。爲伯叔祖母。爲從伯叔母。爲再從兄弟。爲弟之妻。

為從兄弟之妻。為兄弟子之妻。為孫婦。殯後薙髮供職。制服期內。均不與燕樂。漢官在京者。期功之喪。給假持服。既入旗官之制。惟殯後供職者。○會定給假三日。○會典凡

京師應陪祀致齋各官。有期服者。一年不與。大功以下。在京病故者。一月不與。聞訃者。十日不與。

丁憂事例○會典內外官員。例合守制者。在內由該部具題。關給執照。在外由該撫照例題咨。回籍守制。京官取具同鄉官印結。外官取具原籍地方

吾學錄初編卷十六 喪禮二 六

官印甘各結。將承重祖父母及嫡親父母。與為所後父母。例應守制。開明呈報。俱以聞喪月日為始。不計閏。二十七箇月。服滿起復。○起復遲延二年以內者。先准其起復。再查取遲延職名議處。二年以上者。由部行查原籍。是否無故逗遛。照告假違限例。分別議處。再准其開復。○凡內外大小官員。遇父之生母病故。父已先故。又無父之同母伯叔及父同母伯父之子。准其回籍治喪。其本身出繼為人後者。遇本生父母之喪。令其回籍守制。除路

程外。俱定限一年。限滿咨部赴補。其匿喪不報及無喪詐稱有喪。舊喪詐稱新喪。規避者革職。○凡官員出繼為人後者。於起文赴部選補之日。即將本生三代名氏存歿。一並開列。選補之後。即行知照該省。如有出仕之後。始行出繼歸宗者。即著該員取具本旗滿人原籍漢人印結。詳報咨部。改正三代。倘有臨時先謀出繼歸宗。豫為匿喪戀職地步者。一經發覺。將本官照匿喪例革職。扶同出結之旗籍各官。俱交該部照例議處。○督撫丁憂不得遽行送印。其任內文卷。擇司道一人代行聽候諭旨。方准離任。

吾學錄初編卷十六 喪禮二 九

朝夕奠○通禮大斂翼日。喪主以下。夙興侍者。設頽水櫛具。於靈牀側。五服之人。各服其服。就位侍者。收頽櫛具。奉魂帛。出就靈座。朝奠。眾哭。執事者設果蔬酒饌。如生時。祝焚香。斟酒點茶。喪主以下詣案前再拜。哭盡哀。各以其服為序。皆男先女後。宗親先。外嫻後。復位。哭止。日中設果筵奠酒。及夕又奠。均如朝奠儀。侍者詣靈牀。舒衾枕。奉魂帛於

牀上退。諸子婦哭盡哀。迺止。每奠皆如之。朔望則殷奠。具盛饌於朝。奠行之。

謹案殷盛也。閣餘之奠於是徹。

遇新物則薦。如朝奠儀。

謹案新物如春薦韭。夏薦麥。秋薦黍。冬薦稻。及瓜果之類皆是。

初祭大祭。○通禮。越日行初祭禮。侍者詣靈前設遺衣服於座。

謹案古者祭必有尸。今以遺衣服置於座。卽爲

吾學錄初編 卷十六 喪禮二

辛

尸之意也。終喪後。靈座既徹。則以衣服及杯棬杖屨等常用之物。藏於家廟。故通禮品官廟制。七品以上。有東西廡以藏遺衣物。八九品則以篋藏於房。所謂遺衣物者。卽此靈前陳設之衣物。及手讀之書籍皆是也。通禮後條所云。奉衣服及楮幣送燎所。焚燎蓋祭畢而焚者。爲明衣。古用布。今以紙爲之。或病時所著附身之衣。非靈座所陳之衣服也。今富貴之家。以死者之衣。送遺親屬。尙屬近情。有以盈箱累笥。盡附烈炬。

者。果何爲耶。不若取其常用者。藏於廟。不常用者。分於族戚。亦使人念其先代交誼而不忘耳。

執事者陳饌筵羊酒。具楮幣。民公筵十有五席。羊三席。楮三萬六千。伯筵十有二席。楮三萬二千。均羊六。一品官筵十席。羊五。楮二萬八千。二品官筵八席。羊四。楮二萬四千。三品官筵六席。楮二萬。四品官筵五席。楮萬有六千。均羊三。五品官筵四席。楮萬有二千。六品七品官筵三席。楮萬。均羊二。

謹案楮幣卽紙錢。及金銀楮錠也。見於史者。唐書王璵傳云。漢以來喪葬皆有瘞錢。後世以紙

寓錢爲鬼事。五代史記云。晉祭顯陵。焚紙錢於

吾學錄初編 卷十六 喪禮二

壬

南莊。周世宗慶陵。用楮錢大如盞口。雕印文字。黃日泉臺上寶。白日冥游亞寶。見於記載者。封演見聞記云。今代送葬。鑿紙錢積爲山。盛加雕飾。昇以引柩。古者享祀鬼神。有圭璧幣帛。事畢則埋之。魏晉以來。始有紙錢。今自王公逮於匹庶。通行之矣。李濟翁資暇錄云。邵康節春秋祭祀約。古今行禮。亦焚楮錢。伊川程子怪而問之。曰。明器之義。脫有益。非孝子順孫之心乎。戴埴鼠璞云。紙錢起於殷。長史南齊東昏侯剪紙爲



錢以代束帛。今儒家以為釋氏法於喪禮皆屏去。余謂不然。漢文帝園陵瘞錢為盜所發。近於之死而致生之。是不知也。且足以貽禍。以紙寓錢亦明器爾。與塗車芻靈何以異。所謂不知神之所為也。若謂果資於冥塗則可笑耳。以上數說論焚楮最為通義。附錄於此。

五服之人咸集。各以其服為序。司祝焚香斟酒。喪主以下詣案前再拜。哭奠如儀。卒奠侍者奉衣服及楮幣送燎所。焚燎大功者。是日易素服。行大祭禮。儀與初祭同期。服者是日易素服。

吾學錄初編 卷十六 喪禮二 三

謹案通禮初祭大祭皆不用祝文。哀不能文也。至遷柩朝祖以後始用告辭。然亦質而不文。至題主虞祭以後始用祝文。此易哀以敬之節也。親賓弔奠賻。○通禮親賓聞訃告弔於喪主之家。未斂至者入門易素服。司賓待於廳事以贈賻儀物授司書。入臨尸哭。盡哀遂弔喪主特哭喪主以下哭。稽顙無辭。賓出司賓送成服以後至者各以其服用。具酒果香燭厚則加貨財。皆書於狀。先使

從者持狀通名。司書籍記之。以禮物入陳靈前。喪主以下就位哭。司賓出迎賓入。詣靈座前舉哀。哀止。跪焚香酌酒再拜。興喪主出帷稽顙哭謝。賓答拜。慰唁出。喪主哭入。司賓延客待茶。賓退。司賓送於門外。

親臨賜奠。○通禮如有特恩

親臨賜奠者。儀與親王喪禮同。

謹案親王喪禮云。王子率合屬官跪迎於大門外。執事官設

御座於左。有司官置奠几

駕至。御前大臣前引。

皇帝坐。祭酒三爵。舉哀畢。

駕輿。王子率屬跪送。如前儀。

賜卹諭致奠。○通禮如

特恩賜卹者。戶部給祭銀。公四十兩。侯三十五兩。伯三

及二品二十兩。三品十六兩。四品十兩。五品八兩。六品六兩。七品四兩。工部給葬銀

公六百五十兩侯六百兩伯五百五十兩子及一品五百兩男及二品四百兩三品三百兩四品二百兩五品以一品以上奉

旨子諡者內閣擬諡以

聞翰林院撰擬碑文工部給碑價公侯伯四兩子二

品以上遣官讀文致奠一次院撰擬不子諡者由翰林

內閣撰擬屆日喪家設使者奠位於靈前設讀祝位於

靈几之左設喪主及諸子跪位於靈右主婦跪位於

於帷內執事者豫陳祭物齋

諭祭文從使者素服至喪主率諸子免經去杖止哭出

吾學錄初編卷十六 喪禮二 三

迎於門外道右先入就位跪俯伏贊者引使者升

中堂就位立上香司祝就讀祝位立讀祭文訖復

於案執事者實酒於爵授使者使者三奠爵畢少

退喪主率諸子降西階下行三跪九叩禮向

闕謝

恩仍至大門外俟使者出跪送迺還苦次

諡法○會典忠○危○肫○誠○翊○贊○孝○慈○惠○愛○親○大○慮

純○志○慮○忠○實○誠○實○心○施○無○欺○文○道○德○博○聞○勤○學

好○問○錫○獻○智○質○成○通○達○強○立○憲○行○善○可○紀

宣善聞周達○昭明德有勞○明獨見先識○察

不哲辨物度制義武折衝禦侮○剛強以順○烈

有功勇見勝敵壯志○壯武而不遂○勝敵克亂○

安民勇果敢必為○壯武而不遂○勝敵克亂○

剛強義果敢必為○壯武而不遂○勝敵克亂○

服毅強而能敵○恭事敬慎事上○愛民弟長○

遠毅強而能敵○恭事敬慎事上○愛民弟長○

能敬恭事○善合法典○不嚴敬臨○威而端守

改敬恭事○善合法典○不嚴敬臨○威而端守

執恪敬共官次○威容欽寅恭奉職○穆布德執

義恪敬共官次○威容欽寅恭奉職○穆布德執

情見厚敦忠誠自植○安和於義理○泰循理安舒

貌敦厚敦忠誠自植○安和於義理○泰循理安舒

慢敦厚敦忠誠自植○安和於義理○泰循理安舒

吾學錄初編卷十六 喪禮二 三

好樂柔惠勤施無私○撫字和推賢讓能○不剛

順和比於理○溫德性正守道不移○肅斷心決

正人簡平易不訾○靖寬樂令終○清避遠不義

服介不執節好廉自克○謹行愨表裏○儉小

慎無平治而無管○潔不污思追悔前過○慎

心克密追思慮詳審○定純行不夾○直敏行不撓

○治繁通物至能應○達質直好善○榮龍○不擾○行善無滯○疏中通理○榮光大隱  
懷情愍使民懿賢善  
不盡愍悲傷懿著美

謹案諡法分上中下三册惟下册七十一字一百四十六義羣臣

賜諡者得用之除親王外皆以二字為諡由詞臣得諡者上一字坐諡文死事之臣上一字坐諡忠

賜卹事例○會典一品官在外身故者將祭文封交該督撫委員致祭二品以下官不奏

賜卹不請諡奉

吾學錄初編卷十六 喪禮二

三

特旨予卹予諡者則由部題請祭葬均按照加降品級

如從二品加二級者照一品例正二品降二級者照三品例其由一二品降級照三品以下官例者

仍讀文致祭給葬費革職留任者照現任品級請給祭銀無葬費現任文武一品官給全葬二品官

在任已滿三年給全葬未滿三年者給半葬其子告丁憂告病回籍者應得卹典與現任同文武官

員陣亡者由兵部議給卹賞得

自行知到部由部題請一品至九品官給與一次致祭

併造葬銀兩不論歷俸年分其委署職銜大於本職者照所署職銜給與未入流照九品例外委照把總例如奉

旨減半議卹者祭葬銀俱減半官員因公差委於大洋

大江黃河洞庭洪澤等湖遭風飄沒者照陣亡官例按品給與祭葬內洋內河飄沒者減半如雖係

外洋外河因公飄沒而事非差遣者照減半例再減半給與

扶喪○通禮品官卒於位與在任遭父母喪者初

吾學錄初編卷十六 喪禮二

三

喪成服朝夕奠皆如前儀擇日扶柩還家卒於京

給沿途照驗兵部給郵符夫馬在直省者由

任所督撫給咨牌均行本籍得入城治喪謹案品官之妻卒於任所扶柩回籍亦得進城治喪惟品官柩回

京師不准入城係二品以上大臣由部專奏請

旨

備行輦儀從各眠其品告啓期於親戚僚友啓行

前一日行啓奠禮喪主以下就位哭祝詣靈前跪

告曰今擇某日奉靈柩還故鄉敬告俯伏興喪主

以下稽顙哭再拜。興復位。盡哀止。厥明遷奠。告遷於柩前。禮亦如之。徹。祝納魂帛於櫛。役人舉舉人。遷柩就輦。主人以下輟哭。既載。出大門。加幃蓋。發引。儀從在前。銘旌魂帛從。喪主以下杖哭。隨柩。及郊。親戚僚友祖者。向柩設祖奠。役人停輦。賓向柩再拜。主人稽顙哭謝。賓退。斂儀從。遂行。主人乘素車。途次止宿。奉魂帛銘旌於靈柩前。凡柩暫水行則設奠。陸行則上食。及朝啓行亦如之。

吾學錄初編

卷十六

喪禮二

无

謹案若由長江大河。則柩未登舟。先具酒饌祝

文。以賓親一人祭水神於河干。上香再拜。酌酒

讀祝。如開兆祭土神之儀。

至家前一日。遣僕戒家人。豫於十里外。布幕具奠。以待至日。五服之人。各服其服。以迎柩至。暫駐幕內。設奠。祝焚香斟酒。跪告曰。靈輜遠歸。將至家。親屬來迎。敢告。俯伏。興。衆序哭。再拜。興。柩行。成徒步。哭。從至家。安靈牀於殯所。男女各就位哭。設奠。祝焚香斟酒。跪告曰。靈輜遠歸。至家。敢告。俯伏。興。衆哭拜。如初受弔。朝夕設奠。並如前儀。

給驛事例。○會典京官一品至五品。外官文職道員。武職游擊以上。在任在差病故者。文七品。武四品以上。陣亡者。均給夫十六名。馬四匹。京官六品以下。在任在差病故者。外官文職知府。武職都司以下。隨征病故者。文八品。武五品以下。陣亡者。雲貴川廣新疆徵員病故者。均給夫十二名。馬二匹。扶輓路費。○會典各省縣丞以下。官在任病故。不論家口多寡。每千里。給路費銀十兩。不論道里遠近。每員加扶輓銀八兩。於藩庫存公銀內支給。教

吾學錄初編

卷十六

喪禮二

无

官有在五百里以外者。亦照例支給。徵員父母身故。一例支給扶輓銀兩。此條應入庶士喪。因給驛條有文。入品故牽連附此。聞喪奔喪。○通禮官員在外聞喪。三年者。訃至。哭對使者問故。又哭。盡哀。易服。如初喪儀。訃於有司。遂奔喪。戴星而行。見星而止。途中哀至。則哭。哭辟市邑。將至家。望其境。其城。其鄉。皆哭。至家。哭入門。升自西階。憑棺。西面哭踊。婦人東面哭踊。無算。少頃。尊卑相向哭。細問病終之故。復哭。迺被髮徒跣。婦人不翼日成服。括髮。婦人髮皆加麻。經喪期以徒跣。

聞訃日始餘如在家之儀。

謹案官員奔喪。率於交替之不時。資斧之不給。比至家而柩已葬者。先詣墓次哭盡哀。而後入門。

期以下聞訃者。易服為位而哭。若奔喪。則至家成服。若官員在職。非本生父母喪。雖期猶從政。不奔喪。聞訃。易素服為位而哭。各持其服於私家。入公門治事。仍常服。期喪者。一年不與朝祭之事。服滿日。於私家為位哭除之。

吾學錄初編 卷十六 喪禮二

手

謹案扶喪奔喪。皆衰絰在身。以速歸故里。安妥先靈為急務。如遇風水阻隔。亦當潛伏旅次。無沿途拜訪親友。謁見官府之理。即有聞其過境。親來弔唁者。亦止可匍匐門外。稽顙致謝。蓋扶喪以守柩為主。奔喪以未及見柩為戚。皆非酬應通候時也。

舉 人黃本驥編次

戶部郎中陳傳均

同校

吾學錄初編卷十六終

詹事府主簿吳彌光

吾學錄初編卷十七

謹案官員奔喪。率於交替之不時。資斧之不給。比至家而柩已葬者。先詣墓次哭盡哀。而後入門。

喪禮門三

品官喪二 治葬具附墓誌銘式。開兆祀土神。遷柩朝祖。祖奠。遣奠。發引。窆。祀土神。題主。反哭。虞。卒哭。祔。小祥。大祥。禫。忌日奠。拜掃。附改葬儀。

治葬具。通禮三月而葬。

謹案通禮載葬期。親王期年。郡王貝勒七月。貝子以下五月。公侯伯及品官庶士皆三月。庶人踰月。

吾學錄初編 卷十七 喪禮三

下

營葬地及葬具。

謹案葬地有祖塋可耐者。祔葬若祖塋窄狹。及有妨礙。別擇可安之地而葬之。即古人所謂卜其宅兆也。葬具即下文出殯下葬應用之具。

凡塋地。一品九十步。封丈有六尺。二品八十步。封丈有四尺。三品七十步。封丈有二尺。四品六十步。封一丈。五品五十步。封八尺。六品四十步。七品二十步。封皆六尺。發步均自塋心數至四旁。

謹案塋地以步計者。為買地而葬。他人不得跨越。或葬祖塋。族人不得於步內更葬也。若葬已

業地有畸零。或有前葬者。步數不足。皆不在此限。○又案孔子防墓之封。其崇四尺。故家禮因之。今制惟庶人之封四尺。然南北地勢高卑異宜。聽其滅殺。但不得踰等。

會典官民營葬不得造立地券

謹案地券在隧道內。石牀之前。用甄石裝成。官民均不得借用隧道。故亦不得造地券。

通禮圍以垣。公侯伯周四十丈。二品以上三十五丈。五品以上三十丈。六品以下十有

丈。

吾學錄初編 卷十七 喪禮三

二

謹案圍垣之制。會典云。公侯伯周八十度。一品以下七十度。三品以下六十度。六品以下二十度。庶民十六度。度音托。兩腕引長之謂也。五尺為一度。八十度即四十丈也。與通禮所載。文異而數同。

置守塋戶。公侯伯四戶。二品以上二戶。五品以上一戶。六品以下二人。

謹案淮陰侯韓信葬母。令其旁可置萬家。此守冢置戶之始也。然置戶必有墓田。方能久守。墓田不可少。亦不可多。多則子孫私售。族人盜賣。

皆所不免。但能取其租入。供修塋祭奠之用。給守戶之食足矣。

設石像生。公至二品用石人石馬石虎石羊石望柱各二。三品減石人。四品減石人石羊。五品減石人石虎。

謹案設石像生之制。風俗通云。罔象好食死人肝腦。故葬日為方相氏。入壙驅之。又立方相於墓側。罔象畏柏與虎。故墓前植柏立虎。漢旌陽太守趙起墓有石柱。霍去病墓立石人馬。炙轂子曰。秦漢以來。墓有石人羊虎柱。如生前儀衛。

吾學錄初編 卷十七 喪禮三

三

此石人石獸石柱之所由起也。石人一名翁仲。石柱一名華表。通禮云。三品減石人。四品減石羊。五品減石虎。則六品以下減石馬。庶士并去望柱。可推而知。今華表之制。士庶有用之者。而不知其僭也。

墓門勒碑。書某官某公之墓。婦人則書某封某氏。若合葬。則並書之。公侯伯碑身高九尺。廣三尺。六寸。螭首。龜趺。首高三尺。高八尺。五寸。廣三尺。四寸。高三尺。八寸。一品碑身高八尺。五寸。廣三尺。四寸。螭首。龜趺。首高三尺。高七尺。六寸。二品碑身高八尺。四寸。廣三尺。二寸。麒麟首。龜趺。首高三尺。高七尺。五寸。廣三尺。大祿高三尺。四寸。三品碑身高七尺。五寸。廣三尺。大祿

辟邪首龜趺。首高二尺六寸。趺高三尺二寸。四品至七品碑身。高三尺。透減五寸。廣三尺。透減二寸。皆員首方趺。其高均取三品。透減二寸。

謹案碑之為制。始於宗廟麗牲。宮庭測景之石。自秦以來。因於其上。紀功德。然未用於葬地。葬之用碑。古以木為之。所謂豐碑。桓楹是也。用以懸棺下窆。漢以後始有神道碑。其文止曰某官神道之碑。立於兆之東南。蓋地理家以其方為神所出。游之地。故以為名。亦閒有刻文表墓者。降及唐宋。其文益繁。通禮於墓門勒碑。但書某

吾學錄初編 卷十七 喪禮三 四

官某公之墓。不言刻用文詞。復古制也。○又案品官碑制。尺寸等殺。及趺蓋象形之制。通禮皆因明會典舊式。三品用天祿。辟邪首。漢宗資墓前有石獸二。左為天祿。右為辟邪。皆刻字於膊。見集古錄。又州輔墓。亦有此二獸。見水經注。及金石錄。漢書西域傳注。似鹿長尾。一角者為天祿。兩角者為辟邪。通禮所云。用天祿。辟邪首者。殆兩獸並刻。以一角兩角為別邪。刻壙誌。用石二。一書如碑碣。一詳記姓諱諡字。

則止。州邑里居。服官遷次。及其生卒年月日時。葬處坐向。所遺子女。石字內向。以鐵合而束之。

謹案墓之有誌。齊王儉云。起宋元嘉。顏延之為王琳作石誌。然前漢杜子夏臨終。刻石埋於墓前。又南宮寢殿。有王史威長葬銘。魏繆襲改葬父母制。墓下埋文。欲後人有所聞知。則漢魏以來。已有墓誌。不始於宋。至於比干銅槃。衛靈石椁。夏侯佳城。則好事者為之。不足據也。誌文之作。蓋慮陵谷變遷。墓為人發。此石先出。或能見

吾學錄初編 卷十七 喪禮三 五

而掩之。在家禮所載。止記姓名字貫。生卒年月及葬地。通禮從之。不重在鋪陳功德也。今據潘氏昂霄王氏行黃氏宗義金石三例。詳定誌式附錄於右。

墓誌銘式 ○蓋書

皇清誥授 六品以下曰救授。以子某某大夫。六品以下孫得封。則曰誥封。救封。某某大夫。六品以下從八從九。品曰佐郎。武官公侯伯。一二品曰某某將軍。三四品曰都尉。五六七品曰騎尉。其從日佐騎尉。八九品曰校尉。某官某諡某公。漢人書姓。校尉。其從日佐校尉。某官某諡某公。漢人書姓。無官者書姓字。之墓誌銘。或三行。或誌首標題。日某君某甫。之墓誌銘。四行。篆書。誌首標題。

與蓋同。次列某人撰文。某人書丹。某人篆蓋。

具書出身封階。京誌云。公名位著者稱公。同輩稱君。外官全銜。舊稱府君。或稱先生。友

人則諱某。字某。姓某氏。某府州某縣人。或云其

某處人。何時遷於某縣人。曾祖諱某。祖諱某。名位不著

祖以上。有著考諱某。有則曰父名某。三代皆直

名者。則特書考諱某。書名諱。不得以字號代。仕

官。及封贈。妣某氏。某封某贈。存則稱。生子幾人。

公次第幾。兄弟有著名者。少時志趣若何。及長

科第若何。或以別途起家。歷任京外某官。遷次凡幾。治

行若何。書其一。二遺事。足為鄉人法者。以某

年號第幾年。歲次某甲子。某月某甲子。

古誌卒葬之日皆書甲子。終於某官任所。或終於家。則曰終於

而不書時。終於某官任所。里第正寢。古誌不書

生年月日。今多從俗。書於卒年之前。或有諡者

書於卒年之後。則曰距生於某年月日。有諡者

書其諡。年若干歲。或曰春秋。即以其年。而葬

故曰其年。葬在某月某甲子。葬於某鄉某里某

山之原。或謂於某處祖塋。若遷葬。則書某年月

所。古誌不書葬處。坐向。娶某縣某氏。某官某人

今多從俗。故通禮仍之。娶某縣某氏。某官某人

之女。祖及兄弟有著名者。繼娶亦如之。妾雖有。男子

吾學錄初編 卷十七 喪禮三 六

幾人。故稱女子。子也。長適某縣某人。次適某縣某

人。婿已仕者。書其官。不書何人之子。其父著名

人。則特書女在室者。書字某氏。或云未字。子女

雖異母。而不分書。所出妻有。耐夫葬者。則

分書其子。庶子統於嫡。不書所生之母。孫幾

人。曾孫幾人。古誌不及孫。曾今但書其數。而不

亦不書孫。為某子所出。曾孫為某孫所出。爾雅

曰。姊妹之子。謂之出。左傳曰。康公我之所自出

公。子重耳。秦出也。凡出皆指母族言。不得屬於父祖。某人為請銘。銘曰云

云。銘有用韻者。有無韻者。有序與銘具者。有以

用騷體者。有長短句者。不

拘一格。惟以簡勁為要。婦人誌。婦從夫。蓋與

標題書。

皇清某官某公名某元配。若繼配某封某氏之墓誌銘

夫無官。則書某。誌中敘年若干。歸於某氏。以夫

君名某妻某氏。若子宮。封某號。以某年月日。終於內寢。或夫與

子女幾人。非所生。餘與男誌式同。

作神主及主櫬。謹案伊川程子曰。作主用栗。跌方四寸。象歲之

四時。高尺有二寸。象十有二月。身博三十分。象

月之日。厚十二分。象日之辰。身跌皆厚一寸二

分。刻上五分為圓首。寸之下。勒前為額。而判之

吾學錄初編 卷十七 喪禮三 七



一居前，二居後，前四分，後八分，陷中長六寸，闊一寸，深四分，合之植於跌，除跌在七寸二分之上，竅其旁以通中，圓徑四分，粉塗其前面，而以書屬稱，屬謂高曾祖考，稱謂官謚，旁題主祀之名，陷中書姓名字及行第，左書生卒年月日時，右書葬地方向，加贈易世，則筆滌粉面，改書之以滌字之水，灑於牆壁上，外改中不改，積高廣以容主為度，唐宋主制，積外別有藉藉，今不用製，柩舉下為方牀，上編竹格為蓋，四出檐，垂流蘇

吾學錄初編 卷十七 喪禮三 本

繪荒，繪幛均青藍色。公侯伯織五采，二品以上施散金，五品以上畫雲氣，六品七品素，承以杠，五品以上皆紫朱，繪無飾，承以杠，六品七品飾紅堊。

謹案柩舉之制，用兩長杠，杠上加伏兔，附杠處為圓鑿，別作小方牀以載柩，足高二寸，旁立兩柱，柱外施圓柄，令入鑿中，長出其外，柄鑿之間須極圓滑，以膏塗之，兩柱近上加橫扇，扇兩頭出柱外者，更加少扇，杠兩頭施橫杠，橫杠上加短杠，短杠上更或加小杠，此家禮舊式也，然須寬平大道，方便行走，今人改方牀四隅用大繩

繫於伏兔之上，如天平然，地有低昂，而柩適平，又改兩頭橫杠，皆用活榫，平路排行，遇窄曲處，可以魚貫直進，更為使用。○又案流蘇謂瓔珞之屬，荒以飾棺蓋，幛以飾棺旁。

障柩畫嬰。五品以上四，六品七品二。

謹案嬰以木為筐，如扇而方，衣以白布，四圍畫雲氣，其制有繡嬰，黻嬰，雲嬰之別，俗所謂亞字牌者，即黻嬰也，兩已相背為黻，故形如亞字，繡嬰畫斧形，雲嬰畫雲氣，五品以上，黻二，雲二，六

吾學錄初編 卷十七 喪禮三 九

品以下，雲嬰二，兩角高廣各二寸，筐高二尺四寸，柄長五尺，舉行持以障柩，士庶之喪無此制，皆引布二。

謹案引羊晉切，去聲，古以車載柩，車行挽之以馬，惟喪車用人，挽車之索謂之引，亦謂之紼，今以整疋白布為之，繫於杠之兩端，前屬於嬰，柩行引布前導，禮檀弓所謂弔於葬者必執引，曲禮所謂助喪必執紼，皆是物也，凡有服親屬，皆在引布之內，孝子最後。

功布一。

謹案功布用新白布為之。長三尺。懸於竿。竿長五六尺。執以導柩。遇道路有傾欹。則視布之低昂以為節。使昇柩者知所備。其以功名者。謂治布之功細密。凡喪皆用麤布。此布功細。則色白而易見也。服制有大功小功。亦以治布精麤為別。大功視齊衰為稍精。小功則又精矣。士喪禮。冪尊用功布。則以功布為冪饌之用。開元禮祝執功布。并以拂柩。則以功布為拂塵之用。冪饌之布。名同而制異。此布柩未出。則用以拂塵。柩既出。則用以引路。俗用白紙旛導柩。卽此意也。今之功布與煞條。多以禮生執之。長僅尺許。非古法矣。

靈車一。

謹案靈車以奉魂帛及主槨。

儀從各從其品。

謹案祖父子孫品大於死者。亦得用其儀從。內喪則祇夫與子。儀從見制度門內。

吾學錄初編

卷十七

喪禮三

十

明器

或埏土。或以竹木及紙為之。各從其俗。

謹案明器為車馬僕從侍女。各執奉養之物。象平生而小。又為牀帳茵席椅卓之類。亦象平生而小。家禮又有苞以盛遺奠餘脯。符以盛五穀。罌以盛酒醢醢。下葬時納於便房。朱子曰。此雖古人不忍死其親之意。然實非有用之物。且脯肉腐敗。生蟲聚蟻。尤為非便。雖不用可也。故通禮去之。今俗貯五穀為糧食。饌卽其遺意也。

吾學錄初編

卷十七

喪禮三

十一

會典官員等喪葬。除賃用損舉棺單執事外。其鞍馬衣箱等項。量力照例備用。力不能備者。聽其節省。奇巧樓臺等項。概行禁止。

開兆祀土神。○通禮。擇日開兆。喪主率諸子適兆所。以宗親或姻賓一人告於土神。執事者設案兆左。陳酒饌置祝文。告者吉服至。盥詣案前立。執事者二人奉香。執壺。隨立左右。告者跪上香。再拜酌酒。如儀祝奉祝文。跪於告者之左。讀曰。維某年月日。某官某。敢告於司土之神。今為某官某。營建宅兆。神其保佑。俾無後艱。謹以清酌庶羞。祇薦於

神尚饗讀畢興退告者俯伏興復再拜退。

謹案檀弓曰有司以几筵舍奠於墓左注為父

母形體在此禮其神也是即祀土神之始至開

元政和二禮始詳其儀唐宋以來皆稱其神為

后土氏邱氏濬改稱土地之神不若通禮稱司

土之神為當。

遂開壙隨地所宜使子弟幹事者一人留眠之喪

主以下還。

謹案家禮有作灰隔之法其法先布細炭末於

吾學錄初編卷十七 喪禮三

三

壙底築實厚二三寸然後以石灰三分細沙黃

土各一分篩拌令勻以淡酒徧灑之築實厚二

三寸別用薄板為灰隔牆高於棺四寸許置於

灰上乃於四旁旋下四物亦以薄板隔之炭末

居外三物居內如底之厚築之既實則旋抽板

近上復以炭灰築之及牆之平而止。

遷柩朝祖○通禮葬有日豫以啟期告於親戚僚

友發引前一日厥明五服之人各服其服入就位

哭朝奠訖祝跪告於殯前曰今以吉辰遷柩敢告

俯伏興喪主以下哭盡哀再拜役人徹帟遷柩障

以娶侍者移靈牀於堂正中靈座几筵仍設祝奉

魂帛前柩喪主以下哭從及外堂布席置柩祝奉

魂帛跪告曰請朝祖俯伏興執事者布席於廟兩

楹間祝奉魂帛詣廟。

謹案朝祖之禮象其人平生出必辭尊者也開

元政和二禮無之古者奉柩朝於祖載以輶軸

書儀家禮皆仍其制邱氏濬以今人家廟狹隘

難於遷轉改奉魂帛以代柩取其便也通禮從

吾學錄初編卷十七 喪禮三

三

之。

喪主以下哭從及門止哭入序立階下祝奉魂帛

置席北正中再拜興奉魂帛還靈座喪主以下從

出廟門哭從如初。

祖奠○通禮日夕祖奠設饌如朝奠儀喪主以下

舉哀祝盥詣靈座前喪主以下止哀祝焚香奠酒

畢告曰永遷之禮靈神不留今奉靈車式遵祖道

俯伏興喪主以下再拜哭盡哀親賓致奠行禮如

成服致奠儀賓出喪主以下代哭如在殯時。

遣奠發引○通禮厥明五服之人會葬者畢會執事者陳明器吉凶儀從於大門外公鞍馬八侯伯七一品六二三四品遞減一。納靈車於門內之右。役人舉舉入品二以上六十四人。五品以上四四十八人。七品以上三十二人。設於堂上。喪主以下哭踊。迺載。喪主輟哭視載。周維以緇。令平正牢實。執事者設遣奠於庭。如祖奠儀。祝跪告曰。靈輻既駕。往卽幽宅。載陳遣禮。永訣終天。俯伏興。徹役人。以杠舉昇柩。祝奉魂帛。就靈車。奉主櫝。設魂帛後。柩出大門。施幃蓋。屬引。遂發丹旒。銘旌前導。旗人以丹

旒漢人次儀從。次明器。次靈車。次功布。次舉。外親分挽。引布在前。  
謹案家禮出葬時方相在前。役夫為之冠服如道士執戈揚盾。四品以上四目。為方相。以下兩目。為魁頭。至墓以戈擊壙四隅。今人多以紙偶為開路神。卽方相遺制。無分品級。故通禮不載。喪主以下。經杖衰服。男在柩旁。步從。女在柩後。輿從哭不絕聲。

謹案開元政和二禮。及書儀家禮明會典皆云

婦人送葬。障以行帷。制用纈白布為之。使人夾持。以別內外。蓋婦女亦步從也。若道遠。或城市。婦女安能步送。通禮改用輿從。所謂禮從宜也。道遠。但送出城門。若里門。若喪主有疾。不堪步。亦得輿從。

尊行者皆乘車馬。出城門。若里門。親賓不至墓者。於前途立。向柩再拜。役人權停輦。乘者皆下。喪主哭謝賓退。柩行如初。若墓遠。主人以下。皆乘素車。從望塋而下。道中哀至則哭。每宿設靈座。置奠。如在殯儀。次日啟柩。亦如之。

窆○通禮葬之日。執事者豫張靈幄於墓道右。中置几一。設藉。柩席薦於壙外。鋪陳壙中之事。設婦人行幃於羨道之右。

謹案羨音延。與埏通。墓道也。靈車至幄外止。祝奉魂帛置几上。奉主櫝置魂帛側。設奠如儀。柩車至壙前。役人脫載。去幃蓋。方牀下於藉席。祝取銘旌去杠。縱加柩上。喪主以下。憑棺哭踊。盡哀。親賓送者。再拜辭歸。喪主及諸子。稽

類謝賓退。屆時將窆。內外五服之親。以次再拜辭。訣。丈夫哭。羨道東。婦人哭。羨道西。擗踊無算。遂窆。謹案開元政和二禮。及書儀家禮明會典葬時。主人皆有贈幣。用元六纁。四各長丈八尺。卽士喪禮所謂制幣元纁束也。金氏賁亨曰。柩至郭門。公使宰夫贈元纁束。主人襲贈用制幣。此君施於臣之禮。用之窆。以榮君賜也。後世既無君賜元纁之事。而孝子自爲之以贈其親。於義何居。故通禮去之。

吾學錄初編 卷十七 喪禮三

六

喪主輟哭臨。既執事者整銘旌。藏誌石。

謹案家禮云。墓在平地。則於壙內近南。先布輓一重。置石其上。又以輓四圍之。而覆其上。若墓在山側峻處。則於壙南數尺。開掘地深四五尺。依此法埋之。金石例云。墓誌納之柩前平放。其狀如方石斗二。底撮面平而不凹。大小無定制。上下二石。字皆以丹填之。二石相合處。以薄石片搯起。搯石如錢大。厚薄亦如之。但要使二石實相壓著。或用石匣。四周略高二三分。將誌

石放入。加蓋。亦不相壓。

設明器掩壙。復土。喪主以下哭盡哀。退就靈幄序立。

謹案實土成墳。乃附棺最要之事故。既夕篇云。卒窆而歸。窆未卒。則不能遽歸也。家禮云。但留子弟一人監視。實土以至成墳。主人先奉靈車歸。其說本之司馬書儀。書儀乃西北葬法。先期用輓。發地壙。至日安柩其中。今所謂推棺葬也。故云。匠以土塞壙門。可以須臾畢事。若家禮載

吾學錄初編 卷十七 喪禮三

七

有灰隔之制。乃南方葬法。灰隔離。可豫爲。而實土成墳。究非頃刻可了。必須躬親監視。故通禮於開兆儀。則云。使子弟幹事者一人留視之。其時猶未葬也。至於窆儀。則無是語。可見速反而虞。雖爲古禮。必實土成墳。親留監視而返。方無後悔也。○又案合葬位次。朱子語錄云。某初葬亡室時。只存東畔一位。亦不考禮是如何。陳淳問曰。地道以右爲尊。恐男當居右。答曰。祭以西爲上。則葬亦當如此。邱氏濬曰。世俗循習已久。

凡葬皆男左女右。一家忽然如此。恐數世後。安知子孫不誤以考為妣乎。通禮於品官喪。未及合葬之制。其親王以下喪云。合葬者。男左女右。則品官及士民可推。今之合葬者。當以朱子葬妻之說為是。

祀土神題主。○通禮。是日祀土神於墓左。如開兆祭儀。惟祝辭營建宅兆。改為寔兆。擇宗親善書者一人題主。

謹案通禮仍書儀家禮之舊。於墓前題主。蓋未葬則神麗於棺。既寔則神麗於主。墓前為先靈

吾學錄初編 卷十七 喪禮三 六

絕續之交。故神主必題於此。近日官紳喪禮。皆於出殯前一二日。行題主禮於喪次。蓋以墓地偏仄。難以迎賓。或道里稍遠。供張不易耳。

執事者設題主案於靈座東南。西向筆墨具。對案設盥二。一祝盥。一題主者盥。喪主以下序哭於靈座側。祝盥啟櫝出木版。臥置案上。題主者盥就位。書某封諡

某官顯考某公。母則稱顯妣某氏。神位。訖。

謹案家禮粉面主下。左旁題曰孝子某奉祀。或問朱子曰。夫在妻之神主。宜書何人奉祀。曰旁

註施於所尊。以下則不必書也。

祝奉木主置靈案上。焚香奠酒。喪主以下再拜。祝跪讀告辭於靈座之右。曰哀子某。謹告於先考某官封諡府君。母則稱先妣某封氏。形歸窀穸。神返堂室。神主既成。伏惟精靈舍舊從新。是憑是依。

謹案雜記云。祭稱孝子孝孫。喪稱哀子哀孫。儀禮士虞禮。三虞卒哭。祝辭皆稱哀子。則古無父喪稱孤。母喪稱哀之別。晉雷孝清問於范宣曰。為祖母持重。既葬而母亡。孤孫孤子宜何稱。宣

吾學錄初編 卷十七 喪禮三 七

曰。禮無書疏稱孤子孤孫之文。今世行之。合於人情。稱孤孫存傳重之目。宜至祖母服訖。然後稱孤子。則易哀稱孤。始於晉世。其於祖母稱孤孫。母稱孤子。亦非以孤子專屬之父也。至唐開元禮始以父喪稱孤子。母喪稱哀子。傳重者於祖父稱孤孫。祖母稱哀孫。為別。至於父母俱亡。合而稱之曰孤哀子。則始於司馬書儀。而朱子家禮因之也。

讀畢。興復於案。喪主以下再拜。哭盡哀。祝焚告辭。

奉魂帛埋墓側。

謹案書儀家禮於初虞後始埋魂帛謂魂帛所以代重重之埋在此時也通禮改於窆後埋之既奉新題之主則神有所麗自可不必復奉魂帛以歸矣。

奉主納櫛置靈車而還。在途不驅。喪主以下哭從如來儀。

反哭虞。○通禮靈車至家喪主以下哭從入大門。及庭止。祝奉木主出車並積奉之。設几上南向。喪

吾學錄初編卷十七 喪禮三

三

主及諸子在寢東西向親屬以服輕重為序。在諸子後婦人哭於房中。有弔者如在殯儀。迺修虞事。謹案虞安也。送形而往。迎精而返。故為虞以安之。凡祭皆以質明。惟初虞則以葬之日日中行。事家禮云。或墓遠則但不出是日可也。若去家經宿以上則初虞於所館行之。再遠途中遇剛日。行再虞禮。三虞之祭且闕。須至家乃可行。執事者具牲饌品數各眡其等。陳設如祭禮。見官家祭。祝啟櫛。陳主於靈座。主人以下就位哭。哭止贊

參神。主人盥洗詣香案前跪。執事者二人。一奉香盤。一挹尊酌酒。詣主人左右跪。左進香。主人三上香。右進爵。主人酌酒於地。以爵奠於案。退復拜位。及諸子親屬行一跪三叩禮。贊初獻。主婦率諸婦出於房。薦匕箸醢醬於几前案北。跪一叩。興退入於房。庖人解牲體實於俎。執事者奉以升。薦於供案。執爵者奉爵。主人獻爵於正中。跪叩興。復拜位立。贊讀祝。主人以下跪。祝詣祝案之左。跪讀文曰。維某年月日朔。孤子某。敢告於先考某官。母則稱

吾學錄初編卷十七 喪禮三

三

封某氏。日月不居。奄及初虞。夙興夜處。哀慕無時。謹以潔牲庶羞。柔盛醴齊。哀薦虞事。尚饗。讀畢。興復於案退。主人以下哭。一叩。興贊亞獻。主婦率諸婦和羹實於鉶。實飯於敦。出薦於案。及腊肉炙。載叩興退。如初。主人獻爵於左。謹案書儀家禮再獻以主婦為之。終獻以親賓一人。或男或女為之。下卒哭耐祭。及四時家祭皆然。今制以婦人治具陳饌。其三獻禮皆以主人將事。三虞及他祭並同。

贊終獻。主婦率諸婦出於房。薦餅餌果蔬。叩退。主人獻爵於右。如初。獻儀贊送神。主人以下一跪三叩。興哭。祝焚祝文。主人奉神主納櫝。徹哭止。至夕奉神主於靈牀。朝奉諸靈座。朝夕朔望奠如初。

謹案明會典云。再虞之後。罷朝夕奠。通禮初虞條云。朝夕朔望奠如初。大祥條云。迺徹靈牀靈座。罷朝夕奠。蓋以靈座未徹。不應遽罷朝夕奠。必俟大祥後。神主入廟。方罷此奠。

遇柔日再虞。遇剛日三虞。如初虞禮。祝文易初虞為再虞三虞

吾學錄初編 卷十七 喪禮三

餘同。

謹案乙丁巳辛癸為柔日。甲丙戊庚壬為剛日。古者葬用柔日。故儀禮曰。始虞用柔日。如丁日葬。則巳日再虞。庚日三虞。今不拘剛柔葬日。則葬後遇柔日。即再虞可也。

卒哭附○通禮 百日卒哭。儀同虞祭。祝文改虞事為成事

謹案卒哭者。卒無時之哭也。非至是輟哭。始死哭不絕聲。殯後葬前。於廬中思憶則哭。皆無時之哭。百日後。朝夕哭如故。然皆有時。古者卒哭

之祭。舉於三虞之後。其日用剛。如庚日三虞。則壬日卒哭。開元禮及書儀家禮皆因之。自政和禮始。以百日為期。而繫是祭於朝夕奠後。夫既葬而虞。虞而卒哭。此序之不可易者也。故通禮仍其百日之期。而易其祭於三虞之後。是日喪主及諸子。咸薙髮。入奉几筵。用衰服。有故而出。易墨衰冠。冬綫緯。夏朱菴。去頂戴。終喪皆如之。至是始以吉祭。易喪祭。

卒哭之明日。夙興。執事者詣廟。具饌。陳設如常祭。

吾學錄初編 卷十七 喪禮三

禮。設亡者案於祖考神案東南。西向。祝啟室。奉四世神主。以次設於几。如時薦之位。

謹案三虞皆祭於寢。至是始祭於廟。祭畢仍奉主還寢。至大祥。然後遷主入廟。

主人率眾先哭於几筵前。奉亡者之主詣廟。諸子以下哭。從及廟門。止哭。主人陳主於東南案上。序立階下。焚香進饌。祝讀告辭曰。維某年月日。孝曾孫某。謹以潔牲庶羞。柔盛醴齊。適於顯曾祖考某官府君。躋附孫某官府君某。尚饗。次讀祝於亡者



位前曰孝子某。

謹案士虞禮卒哭以前稱哀子。祔祭以後稱孝子。卒哭之祭雖漸即乎吉。至祔乃為吉祭之始。開元禮大小祥祝文尚稱哀子。政和禮稱孤子。皆非是。司馬書儀改稱孝子。通禮從之。所謂祭稱孝子孝孫是也。

謹以潔牲庶羞。黍盛醴齊。哀薦祔事於顯考某官府君。某封某氏。適於顯曾祖考某官府君。尚饗餘行禮儀節。與常祭同畢。祝焚告文。奉神主復於室。

吾學錄初編 卷十七 喪禮三

音

徹。主人奉亡者之主復寢。諸子以下從出廟門。哭隨。至几筵前。納於櫝。訖。哭止。衆退。護喪者代喪主為書。使人徧謝親賓弔賻者。

小祥○通禮期而小祥。於忌日行事。質明祝啟。櫝出主。諸子及期親就內外位。哭盡哀。焚香。進饌酒。讀祝。辭同卒哭。惟改卒哭。曰小祥。成事曰常事。行禮與卒哭同。

謹案祥吉也。由小祥而大祥。漸即乎吉也。至是喪主以下止朝夕哭。惟朔望未除服者會哭。其遭喪以來親戚之未嘗相見者。相見雖已除服。

猶哭盡哀然後敘拜。

大祥○通禮再期大祥。忌日行事先一日告遷於廟。執事者具果酒。如常儀。設案於東序西序前。各一。主人盥詣廟啟櫝。陳諸神主。焚香。進果酒。如常告儀。祝讀告辭曰。維某年月日。孝孫某。謹告於某官府君。某封某氏。四代。備書。茲以先考某官府君。大祥已屆。禮當遷主入廟。某官某府君。某封某氏神主。親盡當祧。某官某府君。某封某氏以下神主。宜改題世次。遞遷。不勝感愴。謹以果酒用伸虔告。尚饗。

吾學錄初編 卷十七 喪禮三

音

讀畢。焚祝。主人以下俯伏。興。再拜。奉各神主。臥置東案上。子弟善書者一人。改題高曾祖神主。訖。以紙裹應祧神主。陳於西序案。奉改題主。遞遷於室。虛左一位。以俟。闔室。衆退。厥明。諸子諸婦女子。致祭於几筵前。陳設行禮。如初期儀。惟祝辭改小祥。曰大祥。常事曰。諸子從喪主。奉亡者之主詣廟。設於東室。再拜。奉祧主藏於夾室。闔門出。迺徹寢室。靈牀。靈座。罷朝夕奠。徹几筵。斷杖棄之屏處。

禫○通禮中月而禫。二十七日既周之日行事。

謹案中閒也。大祥後更閒一月爲禫。二十七月也。禫祭名。孝子之心澹澹然平安之意。

屆日夙興執事者設几案於寢堂之中。主人率諸子入廟詣考位前。啟室焚香。再拜。跪告曰。孝子某將祇薦禫事。敢請神主出就正寢。俯伏。興。奉主至寢堂。陳於案。執事者陳饌案於前。喪主及諸子於東壁下。就位舉哀。婦人哭於房中。焚香。進果饌酒醴。如常儀。祝讀告辭曰。維某年月日。孝子某謹告於顯考某官府君神主。禫制有期。追遠無及。謹以

吾學錄初編 卷十七 喪禮三

三

清酌庶羞。祇薦禫事。尚饗。主人以下俯伏。興。再拜。祝焚告文訖。奉主復於廟。闔室皆退。諸子素服終月。始服常服。

謹案祥禫之說。聚訟紛然。鄭康成主異月而禫。王肅主同月。今通考禮文。檀弓云。孔子既祥。五日彈琴而不成聲。十日而成笙歌。又魯人朝。祥而暮歌。孔子謂踰月則善。又祥而縞。是月禫。徒月樂。喪服四制云。祥之日。鼓素琴。三年。問云。三年之喪。二十五月而畢。則王肅之言爲可據。士

虞禮閒傳皆言中月禫。謂禫在祥月中也。卽令

喪事先遠日。祥或在下旬。然祥後卽禫。亦不害爲中月。鄭氏特據喪服小記中一以上。學記中年考校兩文。釋中爲閒。遂定爲二十七月。司馬溫公朱子皆知王說爲是。而不敢昌言。正之者。親喪甯厚。且相沿已久。不容變也。○又案小祥大祥皆於忌日行事。則小祥實十有二足月。大祥實二十四足月。而禮家謂十有三月而小祥。二十五月而大祥者。併遭喪之月計之也。然則

吾學錄初編 卷十七 喪禮三

三

禫之二十七月。亦應從遭喪起算。今制官吏服闋。必扣滿二十七月而除。則今之禫除。實二十七月之踰月矣。蓋律禮皆令甲之書。甯使仕進者日月而後闋。以杜浮競之習。亦親喪從厚之意也。

忌日奠。○通禮。歲逢忌日。前期齊。厥明。主人及子弟。素服詣廟。設案於所薦神主室前。主人盥。啟室。奉主就案。焚香。薦蔬果酒饌。告曰。茲以某府君某官遠諱之辰。此稱某封某氏。謹備庶羞清酌。恭伸追慕。俯

伏興及子弟皆再拜。如時節薦新之儀禮畢，徹納主闔室退。

謹案禮記曰：君子有終身之憂，忌日之謂也。故忌日不樂。唐宋官員遇私忌，准給假一日。今無給假之例，然必變服致齋，居宿於外，不接賓客，以自致其追慕之誠。庶為中禮。若宴飲如故，談笑如故，雖奠猶不奠也。○又案人子為已故父母生辰設奠，歷代禮書皆無其文。惟元義門鄭氏泳家儀謂事亡如存，似不可少。為撰祝文儀

吾學錄初編 卷十七 喪禮三 天

節補入家禮。宜朱子之書，日行而日偽也。其流至於姚旅露書所載，明南州宗室謂親卒日為暗忌，其生日為明忌。孤子遇父母逢十生日，如五十六十之類，猶追壽焉。說禮家無有糾而正之者。夫結綵張燈，開筵召客，其以親為果在而能享吾之奉觴上壽乎？苟一念及於歲序遷流，生不及享，必有為之食不下咽者。今乃菜衣菊部，賀客盈門，其將為一己娛樂邪？抑為來客侈豪富邪？開宴者忘親，往賀者無禮，此實人心風

俗之所關最重者，故通禮無生辰之奠，所以防其甚也。

拜掃 ○通禮 歲寒食或霜降節，拜掃墳塋，其日主人夙興，率子弟素服詣墳塋，執事者具酒饌，僕人備芟剪草木之器。從既至，主人周眡封樹，僕人剪除荆草，訖以次序立墓前，焚香供酒饌，再拜在列者皆再拜興，遂祭土神，陳饌墓左，上香酌酒，主人以下序立再拜退。

吾學錄初編 卷十七 喪禮三 天

謹案通禮云：祭墓具酒饌，未載所具之數。雍正元年定例云：凡公以下，有頂帶官員以上，周年百日，及上墳常祭，祭筵羊隻各照定例內減半用。庶民常祭亦照定例從減。定例謂初祭大祭，初祭大祭筵十席，減為五。羊五，減為二。或三。楮二萬八千，減為萬四千。上及民公侯伯，下至士民，各照前數減半。則祭墓酒饌各有定制，力不能具者，酌用可也。

會典 清明祭掃，官民均不得插用墳花。

謹案墳花以楮錢為之，飾以采繪，所謂寶花也。今民間掛用紙旛，或插春條者，不在禁例。

改葬儀

謹案律載有故而依禮遷葬者不坐罪則有故原應遷葬也唐開元禮明集禮皆有改葬儀通禮既據儀禮制為改葬總之服因採邱氏溶所補家禮附錄於後

將改葬先擇地之可葬者既得地治棺如所葬好即不必易棺度其中無水蟻並不制服子為必開棺重斂然棺斂之具須豫備父母妻為夫承重孫為祖父母高曾祖父母總麻餘皆素服布巾具斂牀布絞衾衣如大斂儀治葬具大舉竹格功布幃幙之類擇日開塋祀土神

吾學錄初編

卷十七

喪禮三

幸

遂穿墻作灰隔皆如初葬之儀

祀土神祝文曰今為某親宅兆

不利將改葬於此神其保佑俾無後艱餘同前期一日告於廟主人

以下序立啟櫛出所遷之主參神三叩主人盥

洗詣神位前跪上香奠酒告曰孝孫某今以某

考體魄託非其地恐有意外之虞驚動先靈不

勝憂懼將以是月某日改葬於某所謹告俯伏

興復位辭神三叩納主執事者先期於舊墓所

張素幕開戶向南布席其下為男女位次男東女西厥明

內外諸親皆易服就次婦女障以帷墓遠者婦人不與哭盡哀

祀土神如前儀祝曰茲有某親某官卜宅茲地恐有他患將改遷遷於他所餘

同序立墓前舉哀哀止再拜主人詣墓案前跪

焚香奠酒告曰某官府君葬於茲地歲月滋久

體魄不安今將改葬伏惟先靈不震不驚舉哀

俯伏興復位再拜哀止開墓訖內外各就哭如

初役者舉棺出置於幕中席上男女哭從祝拭

棺覆以衾設奠柩前陳蔬果酒食如常儀主人

以下再拜主人詣香案前跪上香奠酒復位再

拜役者昇新棺於幕內以綿衾置棺中垂其裔

吾學錄初編

卷十七

喪禮三

幸

於四外設斂牀於新棺之西執事者開棺舉尸

於牀遂斂如大斂儀如體骨已壞須備綿袍襖一領將體骨斂訖收入襖

中首在領手在袖胸肋在中腿脛在下親屬舉尸入棺收衾釘蓋

舉哀遷柩就輦乃設奠如常儀告曰靈輶既載

往即新宅敢告再拜發引男女哭從男步從女

者男亦與從功布前導如初葬發引儀不設祖

婦女還宅哭無方執事者先設靈幄於墓道西柩至脫載

置席上北首主人以下相向哭主人輟哭下棺

掩灰隔乃窆設奠如常儀祀土神於墓左祝曰

某親建茲宅兆餘同既葬就墓所靈座前行虞祭如初虞禮祭文曰府君新改幽宅禮畢終虞夙夜靡安啼號罔極謹以清酌庶羞祇薦虞事尙饗祭畢徹靈座主人以下出就別所釋總服易素服而還告於廟曰孝孫某今以某親某官體魄託非其地已於今月某日改葬於某所事畢敢告餘儀同前

吾學錄初編 卷十七 喪禮三

三

吾學錄初編卷十七終

舉 人黃本驥編次  
戶部郎中陳傳均 同校  
詹事府主簿吳彌光

吾學錄初編卷十八

羅再真奏稱葬禮宜歸禮部吳榮光恭述

喪禮門四

庶士喪 初終襲斂○成服朝夕奠及祭巾○扶喪奔喪○期服治喪及守制例○啓殯至葬  
○反哭至祔○祥禫○忌日奠○拜埽

謹案庶士謂八品以下官至生監也

初終襲斂○通禮士喪禮疾革書遺言既終子號哭擗踊去冠被髮徒跣諸婦女子去笄期功以下丈夫素冠婦人去首飾皆素服立喪主主婦護喪

吾學錄初編 卷十八 喪禮四

十一

贊祝諸執事人治棺及凡喪具護喪者使人訃於有司及戚友執事者帷寢設浴牀於尸牀前襲牀在浴牀西東陳沐浴巾櫛合具合用金銀屑三襲事陳其旁常服一稱冠及禮服各以其等帶鞞皆備侍者遷尸浴牀南首諸子哭踊婦人出女喪則男出迺去尸衣覆以斂衾侍者奉湯及巾櫛入沐浴喪主及諸子止哭眠執事者結襲衣縱置於牀南領舉尸易牀徹浴牀浴具埋巾櫛及餘水於屏處迺去衾襲常服禮服加面巾即牀前為位立魂帛設

奠陳生前所食脯醢酒果用吉器喪主以下爲位序哭如禮位詳見官員喪儀後同執事者奉含具前喪主起盥含尸訖哭復位越日小斂執事者帷堂陳斂牀於堂東加斂衣複一禪一複衾一紵絞皆備斂畢遷尸於堂喪主暨諸子麻括髮加首經腰經皆以麻婦麻垂餘同三日大斂執事者以棺入承以兩凳棺內奠七星板藉茵褥施緇衾垂其裔於四外屆時奉尸入棺納生時所落齒髮卷衣以塞空處喪主以下憑棺哭踊盡哀迺蓋棺加斂施柩比葬

吾學錄初編卷十八 喪禮四

二

月一柩徹斂牀遷柩其處柩東設靈牀施幃帳枕衾衣冠帶屨之屬設頰盆脫巾皆如生時柩前設靈座奉魂帛几筵供器具門內立引旛漢人以絳帛爲銘旌八品七尺九品及有頂帶者五尺題曰某官封未仕顯考某府君之柩婦則書顯妣某氏依靈座之右設斂奠內外序哭如儀及夜奉魂帛復牀諸子次於中門之外寢苦枕塊不脫經帶諸婦女子次中門之內幃幔枕衾皆布素哀至則哭晝夜無時成服朝夕奠及祭帛○通禮是日成服輕重以親

疏爲等厥明喪主以下夙興侍者設頰水櫛具於靈牀側五服之人各服其服就位侍者收頰櫛具奉魂帛出就靈座設奠焚香斟酒點茶喪主以下哭叩盡哀及夕如朝奠禮侍者詣靈牀舒枕衾奉魂帛於牀上衆哭盡哀迺止夕奠皆同朔望則具殷饌於朝奠行之

吾學錄初編卷十八 喪禮四

三

謹案士喪禮有月朔之奠又云月半不設殷奠則士不望奠惟朔奠而已通禮則云朔望皆具殷奠與品官同惟庶人之喪朔望皆不設是奠蓋殷之爲言盛也祭品之設雖眠四時寢薦爲少殺亦必具酒醴魚肉然後爲盛禮經所謂士不望奠者固爲下於尊者而言亦以一月再舉恐力難備具也如力能備者當從其厚特不爲庶人律耳

初祭日陳饌筵三羊二楮一萬大祭儀同親賓帛奠如禮見官員喪儀

扶喪奔喪○通禮士卒於其職八品九品或在職官以下同或在職遭喪者扶柩還家聞喪奔喪皆如品官之禮

謹案開元禮凡死於外大斂而反毀門西牆而入家禮云若死者乃宗子或尊屬則由中門以入安柩於中堂若非宗子尊屬各隨便門入安於其所居若居城中禁不許入者則先設次於郭外便安之處不載毀牆而入之說開元禮本之禮記鄭注鄭氏以曾子問入自闕之文解為毀宗而入訓闕為牆而於雜記至於廟門不毀牆義不能通乃訓此牆為裳帷謂去柩車之衣也不知入自闕乃門闕之闕不毀牆乃牆垣之

吾學錄初編 卷十八 喪禮四 四

牆若牆為裳帷脫之可也何言毀乎漢儒以曲說釋經遂使後世有毀門入柩之事至大歷十四年敕士庶在外身亡即柩入京城亦不許所司遏止而毀牆之令始罷今制非品官卒於位者不能入城奈何本居城外者尚用開元舊制雖宗子尊屬亦不許入中門生時所出入居處之地其死也乃不容其居孝子之心安乎况死於道路人子之所深痛正當歸殯於家安其體魄倘拘於俗忌而竟置於外則與未嘗歸柩者

何異

期服治喪及守制例○會典文武生童及舉貢監生遇生祖父母並本生父母之喪例應治喪及守制者期年內俱不許應試有隱匿不報朦混干進者事發照匿喪律治罪其月課等試無關功名棄取者不在此例

啓殯至葬○通禮三月而葬營葬地及葬具墳塋周二十步封高六尺圍以垣周十二丈置守塋二人墓門石碣員首方跌勒曰某官某之墓無官則

吾學錄初編 卷十八 喪禮四 五

書庶士某之墓婦則稱某封氏刻墳誌式見官無封則稱某氏員喪儀作神主及槨製柩輿下為方牀上編竹格為蓋四出檐垂流蘇絹荒絹幃杠輿飾紅氈無翼引布二功布一靈車一明器仍各從其俗擇日開兆喪主率諸子適兆所以親賓一人告土神執事者陳酒饌於兆左告者吉服盥就位上香酌酒讀祝祝辭均見官員喪儀行禮如儀遂開壙使子弟一人畱眠之喪主以下還葬有期豫以啓期告於戚友發引前一日厥明五服之人各服其服入就位朝奠訖告遷柩

於殯前喪主以下再拜哭盡哀役人入遷柩祝奉魂帛前喪主以下哭從及外堂仍設座於柩前奉魂帛辭於祖廟復於靈座從哭如初及夕祖奠如朝奠儀喪主以下再拜哭盡哀親賓致奠行禮如成服致奠儀賓出喪主以下代哭如初質明五服之人會葬者畢會執事者陳明器於大門外設鞍馬二納靈車於門內之右役人舉輦人八品三十人九品二十四人設於廳事正中喪主以下哭踊迺載喪主輟哭視載牢實載訖設遣奠如祖奠儀役人

吾學錄初編 卷十八 喪禮四 六

昇輦祝奉魂帛就靈車奉木版積設魂帛後柩出大門施幃蓋屬引遂發引幡銘旌前導旗人以引旌次明器次靈車輦從外親分執引布在前喪主以下經杖衰服男在柩旁步從女在柩後輿從哭不絕聲出城門若里門親賓不至墓者於前途立向柩再拜役人暫停輦喪主哭謝賓退柩行如初及墓執事者豫張靈幃於墓右置靈座几筵設題主案於右設藉柩席薦於壙前鋪陳壙中之事設婦女行幃於羨道之右靈車至幃外止祝奉魂帛

於几上奉主積置魂帛側柩車至脫載去幃蓋方牀下於藉席祝取銘旌縱加柩上喪主及諸子憑棺哭婦女哭羨道西屆時男女以次哭叩辭訣親賓送者再拜辭歸喪主及諸子哭謝遂窆喪主輟哭眠執事者整銘旌藏誌石明器復土喪主以下哭盡哀執事者陳饌於墓左致祭土神如開兆祭儀喪主以下退就靈幃之左序立祝盟復魂帛於箱啓積出木版臥置案上宗親善書者一人盥就位題主訖祝奉木主於几上設奠焚香奠酒讀告

吾學錄初編 卷十八 喪禮四 七

辭喪主以下哭叩盡哀祝焚告辭奉魂帛埋於墓側奉主納積置靈車而返在途不驅喪主以下哭從如來儀  
反哭至耐○通禮靈車至家喪主以下哭從入門祝奉木主設几上諸子在寢東服親序在諸子後婦女哭於房中有弔者如在殯儀迺修虞事執事者具饌品數各以其等主人以下就位哭主婦薦羹飯主人獻爵讀祝行禮如時薦儀畢主人奉主納積徹哭止衆退百日卒哭儀同虞祭厥明執事



者具饌於寢室。如常薦禮。設亡者案於祖考神案東南啓室。陳神主。主人率衆先哭於几筵前。奉亡者之主如寢。諸子以下哭從。及寢門止哭。陳主於東南案上。衆序立。焚香進饌。讀告辭。行禮。如常薦儀。祝焚告文。奉神主復室。徹。主人奉亡者之主復寢。哭隨。至几筵前。納櫛訖。哭止。衆退。

謹案品官喪禮云。百日卒哭後。護喪者代喪主爲書。使人徧謝親友弔賻者。此亦士禮之所宜同。近日民家於出葬後。百日未滿。孝子衰杖步行。詣親友門外一叩。而士紳亦往往效之。蓋不親往。則議其簡也。不知百日之內。衰經在身。無出門酬謝之理。俟卒哭後。易素服。於鄰里則親至其家稍遠者。爲書致謝。庶於情禮兼盡。

祥禫○通禮。期而小祥。於忌日行事。厥明喪主以下及期親。就內外位哭盡哀。焚香進饌。酒讀祝。行禮。儀與卒哭同。再期而大祥。先忌一日。設案於寢堂。東西各一。主人率諸子詣寢堂啓室。以遞遷改題之事。告於祖。陳設讀祝。行禮。如時薦儀。迺以紙

裹應祧神主。陳於西案。奉曾祖以下神主。臥置東案。使子弟善書者一人改題訖。復於室。遞遷其位。虛室中下級。以埃闔門出。質明主人以下。就几筵前序哭。陳設行禮。如初期儀。主人奉亡者之主。躋於寢室再拜。闔門徹。靈牀靈座罷。朝夕奠。徹几筵。斷杖棄之屏處。奉祧主於墓。祭而埋於側。如儀。二十七月既周。設几筵於廳事正中。主人以下。如寢堂啓室。奉新祧神主。陳於廳事几上。祇薦禫事。主人及諸子位東壁下。舉哀。婦女哭於房中。焚香薦

果饌酒醴。讀祝。如儀畢。奉主復於寢室。闔門退。諸子素服終月。始復常服。忌日奠○通禮。歲逢忌日。前期齋。厥明主人及子弟素服。如寢堂啓室。出專薦之主於案。焚香薦酒饌。讀祝行禮。如時節薦新之儀。禮畢。徹納主。闔室退。拜埽○通禮。歲寒食節。或霜降節日。主人夙興。率子弟素服。具酒饌詣墓。拜埽。既至。芟除荆草。設饌於墓前。主人以下序立。焚香再拜。與別陳饌於墓

左祀土神行禮如儀。

庶人喪初終襲斂。成服朝夕奠及祭帛。啓殯至葬。○反哭至耐。○祥禫。○忌日奠。○拜掃。

初終襲斂。○通禮。庶人喪禮。疾革書遺言。既終。子

號哭擗踊。去冠被髮。徒跣。諸婦女子去笄。素服。期

功以下丈夫素冠。婦人去飾。男東女西。異向環牀

哭。立喪主。主婦使子弟護喪事。治襲斂之具。訃於

親友。踰時子弟奉湯及巾櫛。入婦女出婦喪則浴

沐。喪主及諸子止哭。周眠徹巾櫛。及餘水埋之。

吾學錄初編 卷十八 喪禮四

謹案南方沐尸有所謂請水買水者。家人具香

楮。喪主被髮從。或塘若井。匍匐詣叩。投錢於水

然後引汲以歸。此風甚陋。當呼天搶地之時。孝

子豈忍遠出門外乎。

設襲牀於尸牀前。陳衣冠帶舄。遷尸於牀。襲喪主

以下哭踊。即牀前為位。立魂帛。設奠。陳生前所食

酒饌。內外序哭如禮。喪主起盥含尸。以銀屑三。既

襲。幃堂設斂牀於堂東。加斂衣。覆衾一。皆以絹。紼

絞皆備。斂畢。遷尸於堂。執事者以棺入。棺內奠七

星板。藉褥。施綿衾。垂其裔於四外。屆時奉尸入棺

納生時所落齒髮。以衣貫其空處。喪主以下憑棺

哭踊。盡哀。迺蓋棺。加錠。施黍比葬。一黍。徹斂牀。遷

柩其處。柩東設靈牀。施枕席。衣被之屬。設類盆。帨

巾。如生時。柩前設靈座。奉魂帛。几筵。供器具。設奠

內外序哭如儀。及夜奉魂帛於牀。諸子居柩側。寢

苦枕塊。不脫經帶。諸婦女子易常次。帷幔枕席用

布素。哀至則哭。晝夜無時。

成服朝夕奠及祭帛。○通禮。是日成服。厥明五服

吾學錄初編 卷十八 喪禮四

之人各服其服。就位。子弟設類水。帨巾於靈牀側。

斂枕衾。奉魂帛。出就靈座。設奠。焚香。斟酒。點茶。喪

主以下哭叩盡哀。及夕設奠。亦如之。舒枕衾。復魂

帛於牀。徹類具。眾哭盡哀。迺止。以至於虞。朝夕同

初祭。大祭。其饌筵二。羊一。楮六千。親賓弔奠如禮。

若在外間訃者。奔喪成服。均如士喪之禮。

啓殯至葬。○通禮。踰月而葬。營葬地。及葬具。墳塋

九步。封四尺。牆四圍。周八丈。守墳二人。有誌無碣。

擇日開壙。祀土神。作神主。備靈車一。柩轝一。別製

布衾衣柩。不施幃蓋。杠輦兩端飾黑。中飾紅。聖發引前一日。喪主以下就位哭。朝奠訖。奉魂帛。辭祖禩。還靈座。晡時設祖奠。以永遷告喪主以下再拜哭盡哀。

謹案左傳有虞殯。莊子有緇謳。田橫之客有挽歌。皆柩出於途勞者助力之辭。未可施於喪次。今田野之俗。於出殯前一夕。招集鄰里擊鼓。敲鉦長歌。達旦。謂之唱夜歌。有違春相巷歌之戒矣。

吾學錄初編 卷十八 喪禮四

三

厥明五服之人畢會。納靈車於大門內之右。納柩舉於廳事。內外各就位。哭。徹幃。遷靈座。役人十有六人舉柩就載衣以大衾。喪主以下哭。眠載訖。設奠。柩前如祖奠禮。奉魂帛。就靈車。置主槨於後。迺發引。前列明器及鞍馬。一男女以次哭。從及墓。執事者豫設藉席於壙前。設靈座於墓道之右。設奠案於座前。設題主案於奠案右。靈車至。奉魂帛於座。柩至。脫載下於藉席。喪主以下憑棺哭。婦女哭墓。右屆時男女以次哭。叩辭訣。諸親會葬者。均以次哭。

叩辭歸。喪主及諸子哭謝。迺納柩於壙。下誌石。復土。祀土神。如儀。喪主以下退。就靈座之側。序立。子弟啓槨。奉木版。臥置案上。宗親善書者一人題主訖。子弟奉置靈座。納魂帛於箱。設奠。讀告辭。畢。喪主以下哭。叩盡哀。祝焚告辭。奉魂帛埋於墓側。奉主納槨。遂行。喪主以下哭。從如來儀。

反哭至耐。○通禮。靈車至家。子弟預設几筵於殯寢故處。奉木主陳之。喪主以下序哭。如士喪反哭之位。迺虞。饌品器數。眠薦禮。主人以下就位哭。主

吾學錄初編 卷十八 喪禮四

三

婦薦羹飯。主人薦酒饌。讀祝行禮。如時薦儀畢。主人奉神主納槨。徹哀止。衆退。百日卒哭。設奠行禮。儀同虞祭。厥明喪主以下夙興。哭於几筵前。奉主詣寢。陳於祖考神室東南。以耐告。啓室。陳設行禮。如時薦儀畢。仍奉主復於几筵。納槨退。祥禫。○通禮。期而小祥。忌日行事。厥明喪主以下及期親就內外位。設奠。哭。叩如卒哭儀。再期大祥。先一日詣寢。以改題告遷於祖考。如士喪告遷之儀。屆日夙興。喪主以下就几筵前序哭。設奠行禮。

儀同初期主人奉亡者之主躋附於祖再拜闔門出徹靈牀靈座几筵罷朝夕奠斷杖棄之屏處奉祧主埋於墓側如庶士儀二十七月既周設几案於廳事奉新耐神主陳之喪主以下就內外位哭奠行禮如常薦儀禮畢復主於寢闔門退諸子素服終月始服常服。

忌日奠○通禮忌日主人具饌羞羹飯夙興及子弟素服啓寢室出專薦之主於案焚香薦酒饌行禮如常薦儀畢納主闔室退。

吾學錄初編卷十八 喪禮四 占

拜掃○通禮歲寒食或霜降節具饌主人率子弟素服拜掃墳墓既至芟除荆草訖設饌於墓前主人以下焚香再拜與別陳饌於墓左祀土神行禮如儀。

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷十八終

吾學錄初編卷十九

喪禮通論 論弔喪 ○論謝孝 ○論回煞 避殃 ○論

喪禮門五

喪禮通論 治喪 ○論葬地及下葬時日 ○論族葬 ○論停喪不葬 ○論遷葬 ○論火葬 ○論招魂葬 ○論誌墓文 ○論畫像 ○論祀土神 ○論墓祭 ○論忌日

論弔喪 ○毛氏奇齡曰周禮以喪禮哀死亡即今

弔喪之禮也竊謂生相親者死相恤凡弔者賻者必實盡其情不徒飾往來之虛文遂飲食之

吾學錄初編卷十九 喪禮五 一

末節始於哀死亡之禮庶幾不失○榮光案賓見主人不答其拜明所以助之且自別於常賓也以其力之所能為營其未備之具遣子弟僕從之能幹者以助其役易楮幣壺觴之奠以為禮與賻謝往來之虛文屏飲食之末節庶合乎古人匍匐救喪之義

論謝孝 ○徐氏乾學曰後世有謝孝之禮考之古經有拜君命及眾賓之文註謂尊者加惠必往拜謝則所謝者曾來賙賻之人非盡弔客而謝

之也。又古之仕者不出本國。則其所詣近在一城之中。豈若後世之過都歷邑。越在數百里之遠。而亦往叩其門哉。况古之所重者君賜。故因拜君而即拜衆賓。後世大臣及大臣父母之歿。例得蒙卹奠者。初未嘗有凶服往拜之禮。獨柰何於遠客之弔。而僕僕往謝哉。孝子處苦出之次。當奉朝夕之奠。乃以惡車直經。奔走道途。甚非守禮者所當為。况吾誠能守禮。即不往謝。人亦安得而責之。慎毋錯會經言。以貽知禮者之誚。○榮光案曲禮非弔喪無不答拜者。則弔喪不答拜明矣。况受弔日。喪主稽顙謝賓。既謝之矣。何必他日又踵門乎。故通禮但以書謝賓。無喪主往謝之禮。

吾學錄

初編

卷十九

喪禮五

二

論回煞避殃○劉氏榛曰。陰陽家言。有所謂避殃者。父母而忍加以殃名。不孝之罪通天矣。夫殃何物也。由俗所云。猶之乎其魂也。魂與氣非二也。氣散而魂獨留。魂去而殃猶在乎。殃之為義。禍也。罰也。死者又何惡於其家。而降之禍罰耶。

○榮光案回煞之說。始見於唐初博士李才百之書。有喪煞損害法。故世俗相戒。雖孝子亦避之。夫人子之於親也。始死充充如有窮。既殯瞿瞿如有求。而弗得。既葬皇皇如有望。而弗至。其祭也。倭然見乎其位。肅然聞其容聲。愀然聞其歎息。是欲求其一見而不可得矣。豈有惡之倍之。視為異類。舉家避害。扁靈柩於空室者哉。

論治喪○高氏珩曰。近人治喪事。其修費也。動至千金。或數百金。問之。則曰富貴之家創焉。遂相效而務過之。不然世俗將以為譏論。其心則君子不以天下儉其親。然後盡於人心之義也。曰以是而師孟子。其病今人而累古人也多矣。夫孝子之於親。豈沾沾以財事哉。固有其大焉者。事親以道。而偕為聖賢上也。策名王朝。免於邪慝。而榮以綸綍。次也。其次乃酒炙之養矣。其次乃附身附棺之具矣。其次乃堂斧之制矣。夫酒炙之養。未敢侈以為孝也。然而吾親實享之。勝於祭而太牢矣。衣衾棺槨之制。亦未敢侈以為

吾學錄

初編

卷十九

喪禮五

三

孝也。然而吾親之身猶切焉。勝於葬而儀衛矣。今之人子。置其大者。若罔聞焉。其於切者。或致懈焉。反沾沾傾家以營葬者。何也。且其勞多而費重。一一自爲之與。曰親知之相助然也。曰是皆樂助之與。曰有施焉者。有報焉者。其報者則我之施固在前矣。其施者則我之報將在後矣。似未嘗厲人也。曰是不然。親知相愛。誠有樂爲助者。則亦有不願者矣。夫不願而使之助。則致厭之道也。力不能而強之。則致怨之道也。雖其

吾學錄初編

卷十九

喪禮五

四

人理當報我。而力實不能。強之報猶怨矣。況強之施焉者乎。曰富家自爲之何如。曰免於怨矣。然惜其拙於用財。而不知有財之足進於孝也。夫以致戚之時。而致飾以爲觀美。不過欲令小民俗士。歎羨其家誠富貴。有子孫能華美耳。獨不畏士君子之竊笑乎。欲盡孝而無財。則已耳。財既足而欲孝。不有營高敞。廣松楸。立享堂。建祠宇。以隆世守者乎。進而上之。不又有推述父母之遺命。而贍三族。以及鄉黨。建義倉。振凶荒。

而養殘廢孤病者乎。於以廣先德而滋厚福可也。記曰。將爲善。思貽父母令名。必果。夫爲善孰有大於濟衆者乎。釋此不爲。雖輕費萬金。譬猶擲之曠野。可謂拙於計矣。

論葬地及下葬時日。○蔡氏世遠曰。爲風水之說者。審擇乎氣之所流貫。勢之所凝聚。山則拱衛而不背。水則環抱而不瀉。無風隙水蟻之患。此亦何嘗不是。蓋祖宗安則子孫亦安。理固然也。乃有惑於其說。不修人事。專恃吉地。以爲獲福

吾學錄初編

卷十九

喪禮五

五

之資。其至愚者。則陰謀橫據。相爭相奪。以爲福在是矣。不知其爲禍基也大矣。又有惑於房分之說者。果何所見。而謂左爲長房。中爲二房。右爲三房。不及生三子者。何以稱焉。生子至十以上者。何所位置之。按之八卦方位。度之五行。揆之五方。細推其說。卒無有合。卽考之郭璞葬經。及素問。疑龍經。撼龍經。諸書。亦無所謂房分者。其遺害之深。至使死者不得歸土。生者不得相和。皆此說誤之也。至於時日之說。亦古所不廢。

良辰吉日經有明文。乃過於拘忌。如襲斂入棺時。造為的呼重喪等名目。謂至親不避。必有大凶。竟有不察而信之者。以至含斂不親視。抑情壞性。莫斯為甚。此皆術家藉以為牟利之端。守禮者所當亟斥也。○黃氏宗羲曰。古之筮日。非生尅衝合之謂也。風和日出。使於將事。謂之吉日。風雨即是凶日。筮者筮此也。時則皆以質明。惟昏禮用夜。有定期也。今之葬不以雨止擇日之害也。宵中而下壙。擇時之害也。○榮光案粵

吾學錄初編 卷十九 喪禮五

六

人擇地之流弊。曾為粵西廖生作龍穴握要敘文。略曰。今之為地師者。甫識一丁字。即取世俗謬悠之書。意為揣摩。挾大羅經。走田塍山角。譁然號於眾曰。某地富。某地貴。某地旺丁。主者利其地之可以速售。而得善價也。則傳述而誇耀之。又恐其說之無徵。而不足取信也。則低首下心而詢究之。彼即證以謬悠之書。主者入市果得是書。從而意為揣摩。遞相傳受。則又一地師出。且百地師出矣。此謬悠之書之害人也。其文

人墨客稍知俗說之失。剽竊楊曾緒餘以逞雄辨。而足迹不踰百里。終日講求。皆紙上之鬮頭。畫中之沙水。而不知形勢理氣之妙。差以毫釐。謬以千里也。此楊曾之書亦足以害人也。由是各是其是。各非其非。甚則已之非而強以為是。人之是而強以為非。求地者。徇道旁之謀。溺禍福之說。紛然無所措其手足。竟有遷延至數十年。百年而不葬者。於戲。仁人孝子之掩其親。亦必有道。而不料其流弊。至於斯極也。○又案古者

吾學錄初編 卷十九 喪禮五

七

三月而葬。既葬而有三虞之祭。初虞祭於葬之日中。則葬用朝日可知。初虞用柔日。則葬以柔日可知。是三月而葬。不擇月也。葬以柔日。不擇日也。朝而葬。不擇時也。  
論族葬。○徐氏乾學曰。古者葬不擇地。周官墓大夫職曰。凡邦墓之地域。為之圖。令國民族葬。而掌其禁令。蓋萬民墓地同處。墓大夫為分其域。亦如冢人以昭穆定位。次而預為之圖。新死者則授之兆。是故自天子以下。七月五月三月踰

月之期無或愆者。惟宅兆已定而無所容其擇也。獨孝經有云。卜其宅兆而安厝之。夫卜則有吉凶。有棄取。是亦擇矣。疑與周禮之言不合。不知世數無窮。而地域有限。子姓繁衍。安能盡容其勢。必至於改卜。又從他國遷來者。是爲別子。始造塋亦須卜。成子謂慶遺曰。我死則擇不食之地而葬我焉。正此類也。豈後世人卜一邱之謂哉。自秦罷封建。宗法不行。族葬之禮遂廢。去聖久遠。邪說崛起。淫巫瞽史。得簧鼓其間。漢武

吾學錄初編

卷十九

喪禮五

八

帝時聚會占驗。卽有所謂堪輿家。班固藝文志五行家有堪輿金匱十四卷。又形法家有宮宅地形二十卷。葬書蓋萌芽於此。而張平子冢賦述上下岡壟之狀。略如今葬書尋龍捉脈之爲者。至東晉郭璞。專攻其術。世乃依託爲青囊之書。轉相熒惑。其毒遂橫流於天下。唐太宗命呂才著論以深闢之。竟不能止。爲人子若孫者。恍於禍福之說。延葬師求吉壤。剖析地脈。斟酌向背。詎選年月日時。貧者不能擇地。富者擇之太

詳。於是祖父之體魄。暴露中野。有終身不葬。累世不葬者。昔司馬文正爲諫官。奏乞禁天下葬書。而張無垢律葬巫以左道亂政。假鬼神時日。以疑衆之辟。蓋痛心疾首於世俗之所爲。冀迷者之一悟也。然自孝經有卜宅安厝之文。雖程朱大儒。亦以爲地不可不擇。程子以土色光潤。草木茂盛。爲吉地之驗。而又言五患當避。五患。日不爲道路。不爲城郭。不爲溝池。不爲貴勢所奪。不爲耕犁所及也。朱子云。須形勢拱揖環抱。無空缺處。乃可用。但一鄉之地。求

吾學錄初編

卷十九

喪禮五

九

其形勢拱揖環抱。而五患永絕者。何可多得。昔晉有九原。漢有北邙。凡國家之冢墓萃焉。今則高陵平原。地盈數頃。而葬師謂所乘者。止一綫之氣。僅容一人之棺。餘皆爲彼法所棄。而不用。如此則舊冢未沒。新冢日多。安所得千百億之美地而給之。吾故謂周官之法。卽可不復。而宋趙季明族葬之圖。不可以不講也。誠使季明之說行。則兆域素定。葬可如期。惟數世之後。地不能容。乃始改卜。爲子若孫者。禍福之念。無所動



於中則葬師不得操其柄。此拔本塞源之論。可以矯敝俗而歸諸厚。司邦教者所當留意也。

論停喪不葬。○張氏爾岐曰。今人往往有苦於乏財。數十年不克葬其親者。以緇黃之懺度。不敢廢也。侍從之偶備。不敢缺也。夾道之旛幔。鏡吹不可不盛。賓客之酒食衣服。不敢不豐也。其甚者。一日之費。十年節省而不能償。一家之喪。百家賻贈而不能給。故稍有不備者。深以爲恥。忍於累年停厝而不恤焉。是果有益於親乎。知其

吾學錄初編 卷十九 喪禮五

十

無益而爲之。徒欲悅觀者之目而已。於終天永訣之會。盛陳娛樂詭麗之具。以博婦孺一時之哈笑。不近於侮其親矣乎。且其所擬象而塗飾者。未必其親之生平所宜有也。不又陷其親於僭矣乎。本欲自致於親。而適成其侮。且僭。何如反而約諸禮之爲得乎。夫子嘗言喪具矣。稱家有無。有勿過禮。苟無矣。縣棺而封。又曰。斂手足形。還葬而無槨。稱其財。斯謂之禮。若夫懺度之說。古所無也。芻靈以象生平。凡分所不得有者。

何不可已。功布以前車。銘旌以識別。本以適用也。溢而爲幢。燹之僭。何爲也。易服而弔。禮自賓出。何煩主人之裂帛。食於喪側。或非得已。何至置酒而高會。紼謳生於斥苦。方相以歐罔兩。殆喪家歌舞所由始也。無所苦而歌。無所歐而舞。違春相巷歌之戒矣。家有苦。由之次。墓有主賓之位。此廬幄之所由設也。廬而致飾。幄而過華。與苴麻菅疏之儀不侔矣。溯本而求。或造端於古人。沿今所尙。遂大遠於禮意。何如安其分之

吾學錄初編 卷十九 喪禮五

十一

所適宜。量其力之所可至。庶天下無不葬之親。人子無不致之情乎。○又曰。先王之制喪禮。始死而襲。襲而斂。三日而殯。殯而治葬具。自襲斂而殯葬。中間皆不治他事。各視其力。且夕拮据。至葬而已。以爲所以安其親體者。必至乎葬而始畢也。襲也。斂也。殯也。皆成乎其爲葬者也。殯則不可以不葬。猶之襲則不可以不斂。斂則不可以不殯。相待而爲終始者也。故不可以他事間也。今人有親死踰日而不襲。踰三日而不斂。

踰旬而不殯則人必訾之矣。其人非狂且癡必有痛乎其心者矣。至於累年而不葬則相與安之何也。殯者必於賓位所以賓之也。父母而賓之。人子之所不忍也。而爲之者以將葬故賓之也。所以漸卽乎遠也。殯而不葬是使其親退不得反於寢。進不得卽於墓。如久客而不歸歸而未能至此。非人事之至難安。而人子之大不忍者歟。喪服小記曰。久而不葬者。惟主喪者不除。疏曰。久而不葬。謂有事礙不得依月而葬者。身皆不得祥除也。乃知古之人不幸有故。不得葬其親者。雖踰三年。不除衰經。其心所痛在於未葬。爲人子者能不惕然哉。○劉氏榛曰。或問王制。大夫士庶人三月而葬。左氏曰。大夫三月。士踰月。宜何從。曰。檀弓引子思之言。三月而葬。凡附於棺者。必誠必信。不言大夫也。蓋三月亦通禮矣。曰。今人以速葬爲恕於親何也。曰。非也。喪服小記曰。報葬者報虞。報急速也。不待三月而葬。先王且許之。又何恕之與有。爾雅曰。鬼之爲

吾學錄初編

卷十九

喪禮五

十三

言歸也。不歸於土猶旅人不歸於家。其不予親以安可知也。故律云。惑於風水及託故停柩在家。經年暴露不葬者。杖八十。出禮入律。人子可不惕然懼乎。若夫曠歲年而若無事焉者。是棄其親而已矣。故釋名曰。葬不如禮曰埋。不得埋曰棄。○朱氏軾曰。近世士大夫有累世數棺不葬者。詰其所以。則有三焉。一曰家貧不能葬。喪之需斂殯也。未聞有因貧而委其親不斂不殯者。亦旣斂且殯矣。何有於葬。一曰不得葬地。古者按圖族葬。其地皆在國都之北。夫何擇焉。一曰時日不利。禮三月而葬。是不擇月也。春秋九月丁巳葬定公。雨不克葬。戊午日吳乃克葬。是不擇日也。鄭葬簡公。毀當路之室。則朝而塋。不毀則日中而塋。是不擇時也。竊謂不葬之患有二。其不可者有三。古者塗殯以防火也。久奄中堂。固難防守。厝之荒野。又保無意外之虞乎。其患一。木受風則裂。漆乾久則脫。甚或蛀朽。至於檢骨易棺。子心其何以安。其患二。葬者藏也。欲

吾學錄初編

卷十九

喪禮五

十三

人之不見也。今有寶貴之物。囊之篋之。又從而扁鋪之。未已也。必藏之密室。而後無患。殯而不葬。是緘寶而置之道路也。人子愛親。曾不如物乎。其不可者一。始死而襲而斂而棺槨。凡為葬計也。棺而不葬。何異不棺不斂乎。與其不葬也。甯葬而裸。其不可者二。既葬而虞。以安之也。不葬矣。又何虞焉。不虞則卒哭耐舉無所用之。不葬者將不卒哭乎。耐乎。不耐乎。祥而禫乎。否乎。服不除不祭。禮也將烝嘗之祀。可終廢乎。葬而

吾學錄初編 卷十九 喪禮五

古

後有虞主。祥而後有練主。主耐廟則遷其當祧之主。而改承祀之名。既不葬將終不遷乎。其不可者三也。今律雖有停柩之罰。卒無舉行者。若禮官申暴露之禁。請於

朝。著為令。有除服未葬者。仕宦不授官。生儒不與試。授官者以某年月日成服。某年月日安葬某所。某年月日服除。列於狀。仍取族鄰及墓地人結狀。其詭言已葬者。事發以匿喪論。連坐與結之人。若士民許族鄰首其罪。庶乎人人知警。○榮

光案停喪不葬之風。至今尚熾。故臚採數說。不厭其詳。然諸家推其所以不葬之故。張氏以為乏財。劉氏以為不忍。忽於其親。朱氏以為不得葬地。及時日不利。愚謂其情尙有二端。一惑於地師之異論。一迫於兄弟之異心。彼以為然。此以為否。相持不決。遂至無所適從。夫人子事親。當求其安。几杖扶持。安其生也。棺槨葬埋。安其死也。必求吉壤。以庇後人。遂至久淹不葬。是不與其親以安也。為人子者。但當自盡其心。己以

吾學錄初編 卷十九 喪禮五

古

為可安則親安矣。家長以為可安則一家之人無不安矣。兄弟皆同父之人。豈有不欲安其親者。又何必以龍穴沙水之說。徧質於地師。吉凶禍福之端。交爭於骨肉。而後能以一抔之土。為吾親埋骨地哉。

論遷葬○楊氏暉吉日。近世泥陰陽之術。恣富貴之求。而不計先靈之安妥與否者。以遷葬為最。夫人不忍其親體之未安也。于是乎慎擇地。避隰從原。就燥防濕。又恐朝市變遷。泉石交侵。不

可前知。此古人卜葬所以謀之龜筮也。其後惑於堪輿之說。尋龍指穴。擇日誦時。不顧停閣歲年。惟慮身之不富貴。後之不昌熾者。既葬之後。或少不適意。輒歸咎於墓地使然。一遷不已。至於再三。夫親體不安。而子心獨能安乎。聖賢之教。惟聞積德。我德不積。雖吉地亦凶。我德既積。豈地所能制。妄肆營遷。以泥於不可知之說。是猶求食而舍其田也。吾見其屢遷而屢蹶者。數數矣。未見其富益富而貴益貴也。曰然則皆不

吾學錄初編

卷十九 喪禮五

六

可遷歟。曰不然。寄客歸里則宜遷。防備崩潰則宜遷。知有水蟻則宜遷。是皆為親而非為己也。大率以慎終為要耳。○黃氏宗義曰。子孫者祖父之分身也。吳綱之貌。四百年尚類長沙。蕭穎士之狀。七世猶似鄱陽。故嚙指心痛。呼吸相通。理所應爾。然後世至性泯沒。墮地以來。日遠日疏。貨財婚宦。經營異趣。名為祖父。實則路人在生前。其氣已不能通於祖父。而謂死者之氣能通於子孫乎。此卜葬而求富貴者之謬也。問者

曰地苟不吉。遷之可乎。曰支解之慘。夫人知之。入土之屍。棺朽骨散。拾而置之小槨。其慘不異於支解。何如安於故土。免戮屍之虐乎。即不吉亦不可遷也。○榮光案儀禮喪服云。改葬總既制改葬之服。則葬非必不可改者。然鄭註云。改葬謂墳墓以他故崩壞。將亡失尸。柩者也。賈疏云。他故者。謂若遭水潦漂蕩之等。然則非水潦漂蕩。尸柩將亡。斷無因求謀吉地而改葬者。蓋既葬而改為子孫者。萬不得已之舉。故宋政和

吾學錄初編

卷十九 喪禮五

七

禮明會典皆云。凡有改葬者。皆具事目聞於官。勘驗得實。聽之。亦以為不當改而改者。禁也。國朝雍正十二年定例云。除民間有將已葬棺槨。依禮改葬者。聽其自便外。其有偏信地師之說。無故改葬。地方官須究出地師。不得隱諱寬縱。然則改葬雖例所不禁。而為地師所惑。至以先人骸骨求福利者。則不孝之子孫。固當與牟利之地師。同從重論矣。惑於風水。發掘已葬尊長骸骨。照毀棄死屍坐罪。見刑律發冢例內。

論火葬○顧氏炎武曰火葬之俗盛行於江南自宋時已有之宋史紹興二十七年監登聞鼓院范同言今民俗有所謂火化者生則奉養之具惟恐不至死則燔蒸而捐棄之事關風化理宜禁止從之景定二年黃震為吳縣尉乞免再起化人亭狀曰謹按古者小斂大斂以至殯葬皆擗踊為遷其親之尸而動之也況可得而火之邪舉其尸而昇之火慘虐之極無復人道雖蚩尤作五虐之法商紂為炮烙之刑皆施之於生

吾學錄初編卷十九 喪禮五 六

前未至戮之於死後也世之施此於父母骨肉者又往往拾其遺燼而棄之水慘益甚矣而或者乃以焚人為佛家之法然聞佛之說戒火自焚也今之焚者戒火邪人火邪自焚邪其子孫邪有識者為之痛惋久矣今通濟寺僧焚人之親以罔利傷風敗俗莫此為甚風雷已壞之焚人亭乞不許再行起置其於哀死慎終實非小補

論招魂葬○許氏三禮曰家禮止載奔喪改葬諸

儀孫氏家禮酌為增招魂葬祭之禮固已處人倫之變而合天理之宜矣然於此有別焉如漢李固為梁冀所害其子燮追行喪葬等事即卜吉製棺用緞絹作明衣領下定白綾條書如神主式稱號姓名生時年月招魂而殯葬之孝子被髮徒跣寢苦枕出照斬衰服制行可也若魏李祖敏為河內守公孫度欲用之遂去不知所終諸類此等通典載御史中丞劉隗奏諸軍敗喪皆使心喪違者君子廢小人戮正謂此也更有難為情者人子固

吾學錄初編卷十九 喪禮五 六

有不忍遽死其親之心將疑其尙生邪萬一已沒則凡人子飲酒食肉居內衣綵之日俱為彌天大罪之日矣倘疑已沒又恐尙生其將何以為情總之不得安其親之日皆人子一刻難安之時禮宜追求躬訪積年不得歲過耄老然後立木主其衣冠招魂設冢追終制服為是何也天下無無父之子父不得葬子何以生凡遇此等變故者宜終身持齋服澹不赴宴不聽樂古人所謂有終身之喪是也○榮光案招魂葬自

漢高葬母。光武葬姊。以來。歷代有之。為禮家之所不取。故袁瓌荀組干寶孔衍之徒。皆著論闢之。謂宜招魂立主。不當以虛冢栖神。持論甚正。然必察其所招者為何人。葬之者為何故。若係淪溺江河。撈救莫及。確有實據者。以及人子處變自効。失父莫知所終。尋訪歷年。中壽已過。以上二者。非招魂設冢。無以定制服之期。無以盡送終之禮。孝子之心。何以處此。若立主依神。附廟致祭。有常禮在焉。夫境處其變。必欲禮守其常。則亡於禮者之禮也。或不為賢者之所擯耶。

論誌墓文。○魏氏禧曰。君子為文章。務使顯可示於天下。幽可質於鬼神。故善善雖長。不敢為不試之譽。此豈獨於子弟交游在。所必慎。即尊親如祖父。亦不可奉以虛美。使吾親為聲聞過情之人。且人之善否。宗族鄉黨。未有不知。吾九實一虛。則人將執虛例實。既因一事以沒其九。而人情不服。必加謗訛。是求榮反辱也。故曰。虛譽其親。與自謗其親等。吾輩立言。自有本末。即此

吾學錄初編

卷十九

喪禮五

三

便是立身大節。不可以為迂且小而忽之也。

論畫像。○萬氏斯大曰。畫像之事。溫公以為非古。故於書儀止載魂帛。依神。而朱子不改。夫古禮不有尸乎。以孫像祖。古人自有深心。若行之今日。未有不視同兒戲者。曷若傳神楮墨。思其居處。思其笑語。實有洋洋如在者乎。故尸必不可有於今日。像不妨有於今日。○徐氏乾學曰。神像之設。或以為可。或以為不可。愚謂當揆之人情而已。文翁講堂。為土偶。以像聖賢。人不以為非。土偶猶可。而繪畫獨不可乎。聖賢猶可。而吾先人獨不可乎。人子當親沒之後。亡矣喪矣。不可得而復見矣。歲時享祀。一展視焉。而音容如在。若親其笑語。聆其警效焉。悽愴悲懷之意。益於是而深。雖歲月已久。而吾親固悠然在目也。是亦見似目瞿之義。柰何其欲去之也。

論祀土神。○李氏光地曰。墓祭起於奠后土。為先人託體於此。歲祭焉。所以報也。今之祭墓者。豐於所親。於土神。輒如食其臧。獲而已。簡嫚之極。

吾學錄初編

卷十九

喪禮五

三

神何以安故祭土神之牲饌當與祭墓同其馨潔。

論墓祭○徐氏乾學曰先儒云古不祭墓謂經無明文然傳記則有之矣曾子曰椎牛而祭墓不如雞豚之逮親存也孟子亦有東郭墦間之祭則春秋戰國時已有行之者矣况經固言之矣曰反其國則反墓而入展墓非即後世之拜埽乎拜埽既有之則薦以時物亦禮之緣情而起者獨怪末俗相沿或假上冢之便召客宴會酣

吾學錄初編

卷十九 喪禮五

三

飲忘返有類於踏青藉草之游夫過墟墓而生哀人之情也朱子云湖南風俗猶有古意人家上冢往往哭盡哀今縱不必爾亦當致其怵惕悽愴之意行墳域省封樹剪荆棘培土壤事畢近者旋返遠則託旁舍一飯而去是為禮之變而不失其正矣

論忌日○李氏光地曰君子有終身之喪故祭為吉禮而忌則喪之餘也今俗於忌日飲酒食肉殆非人情當稽朱子家禮及語類所載變冠服

不燕會志有所至乃近於正。

謹案喪禮得失先儒論之詳矣其見於經傳註疏及朱子家禮者家有其書無俟詳述徐氏乾學讀禮通考徵引舊說極為該博限於篇幅不能備登且昔賢之論亦間有宜於古而不宜於今者是編所載悉遵

皇朝典令故於是門之末附錄

國朝諸家之論別為一卷以為會典通禮之翼而於

前代論說概從略焉。

吾學錄初編

卷十九 喪禮五

三

舉 人黃本驥編次

戶部郎中陳傳均

詹事府主簿吳彌光

同校

吾學錄初編卷十九終

吾學錄初編卷二十

謹案順治十二年奏准各問刑衙門止有律書

律例門一

一部小民不得與聞故犯法者衆令督撫將刑律有關於民者摘而錄之有司於春秋暇日爲之講說並令學官常爲士子講習法至善也今將刑律所載軍民應知者逐一詳載至有司官辦案準繩失誤處分全書具載可案而稽也

吾學錄初編卷二十 律例一

名例律

十惡律 一曰謀反 謂謀危社稷 二曰謀大逆 謂謀毀宗廟及宮闈 三曰謀叛 謂謀背本國 四曰惡逆 謂殺伯叔父母姑兒姊外祖父母及夫者 五曰不道 謂殺一家非死罪三人及支解 六曰大不敬 謂大祀人若採生折割造畜蠱毒魘魅 六曰大不敬 謂大祀人若採生折割造畜蠱毒魘魅 六曰大不敬 謂大祀人若採生折割造畜蠱毒魘魅

宗廟及宮闈 三曰謀叛 謂謀背本國 四曰惡逆 謂殺伯叔父母姑兒姊外祖父母及夫者 五曰不道 謂殺一家非死罪三人及支解 六曰大不敬 謂大祀人若採生折割造畜蠱毒魘魅 六曰大不敬 謂大祀人若採生折割造畜蠱毒魘魅 六曰大不敬 謂大祀人若採生折割造畜蠱毒魘魅

上親 謂告夫及大功 九曰不義 謂部民殺本屬知以上尊長小功尊屬 九曰不義 謂部民殺本屬知以上尊長小功尊屬 九曰不義 謂部民殺本屬知以上尊長小功尊屬

老小廢疾收贖律 凡年七十以上十五以下及廢疾 一肢之類 犯流罪以下收贖 其犯死罪及犯謀 若造畜蠱毒採生折割人殺一家三人家口會赦 猶流者不用此律 其餘侵損於人一應罪名並聽 收贖 犯該充軍者 八十以上十歲以下及篤疾 兩 亦照流罪收贖

吾學錄初編卷二十 律例一

目折兩 犯殺人 謀故 應死 斬絞者 議擬奏 聞 犯逆者 取自 上裁 盜及傷人 至死者 亦收贖 謂既侵損於人 故不 皆勿論 謂除殺人應死者 上請 盜及傷人 九十以 上 七歲以下 雖有死罪 不加刑 逆者 不用此律

犯罪自首律 凡犯罪未發而自首者 免其罪 猶徵 正賊 其輕罪雖發 因首重罪者 免其重罪 謂如竊 自首 又曾私鑄銅錢 得免 其不自首 遣人代首 鑄錢之罪 止科竊盜罪 若於法得相容隱者 爲之首 及發 互 相告



言各聽如罪人身自首法者皆得免罪其遣人代首者謂如甲犯罪遣乙代首不限親疏亦同自首免罪若於法得相容隱者為首謂同居及大功以上親若奴婢雇工人為家長首及相告言者皆與罪人自首同得免罪卑幼告言尊長尊長依自首律免罪卑幼依干犯名義律科其知人欲告及逃如逃避山叛國之類而自首者減罪二等坐之其逃叛者雖不自首能還歸本所者減罪二等○其損傷於人而自首者得免所因之罪仍從本殺傷於物不可賠償謂如法太過失者聽從本法損傷於物不可賠償乘毀印信官文書應禁兵器及禁書之類私家既不合有是不可償之物不准自首若本物見在首者聽同首法事發在逃已被囚禁越獄在逃者雖不得首免罪事發在逃所犯之罪但既出首得減逃走之罪二等正罪不減若逃在未經到官若私越度關之先者本無加罪仍得減本罪二等若親屬相為容隱律凡及姦者並不在自首之律○親屬相為容隱律凡同居同財共居親屬不限若大功以上親另居大功以上及外祖父母外孫妻之父母女婿若親屬係服重及外祖父母外孫妻之父母女婿若孫之婦夫之兄弟及兄弟妻重有罪彼此相為容隱奴婢雇工人重為家長隱者皆勿論家長不婢雇工人隱者○若漏泄其事及通報消息致令義當治其罪也○若漏泄其事及通報消息致令罪人隱匿逃避者以其於法亦不坐之親屬犯罪官司追捕因而漏泄其事及暗地通報○其小功消息與罪人使令隱避逃走故亦不坐○其小功

吾學錄初編卷二十律例一

罪二等正罪不減若逃在未經到官若私越度關之先者本無加罪仍得減本罪二等若親屬相為容隱律凡及姦者並不在自首之律○親屬相為容隱律凡同居同財共居親屬不限若大功以上親另居大功以上及外祖父母外孫妻之父母女婿若親屬係服重及外祖父母外孫妻之父母女婿若孫之婦夫之兄弟及兄弟妻重有罪彼此相為容隱奴婢雇工人重為家長隱者皆勿論家長不婢雇工人隱者○若漏泄其事及通報消息致令義當治其罪也○若漏泄其事及通報消息致令罪人隱匿逃避者以其於法亦不坐之親屬犯罪官司追捕因而漏泄其事及暗地通報○其小功消息與罪人使令隱避逃走故亦不坐○其小功

吾學錄初編卷二十律例一

以下相容隱及漏泄其事者減凡人三等無服之親減一等謂另居小功○若犯謀叛以上者不用此律謂雖有服親屬犯謀反謀大逆謀叛但客隱不首者依律科罪故云不用此律吏律職制○公式職制○頁舉非其人例應試舉監生儒及官吏人等但有懷挾文字銀兩當場搜出者枷號一箇月滿日杖一百革去職役其越舍與人換寫文字或臨時換卷並用財雇倩夾帶傳遞與夫匠軍役人等受財代替夾帶傳遞及知情不舉察捉拿者俱發近邊充軍若計贓重於本罪者從重科斷○凡考試官毫無情弊下第諸生不安義命逞忿混行攪鬧者發附近充軍○上言大臣德政律凡諸衙門官吏及士庶人等若有上言宰執政大臣美政才德者非圖引用即是姦黨務要鞫問窮究來歷明白犯人坐為首者處斬候妻子為奴財產入官謹案士民為現任地方官立德政碑為去任官製造萬名衣繖及聯名具呈赴上司衙門保

上諭嚴禁

皆於乾隆四十七年嘉慶七年並奉

公式○棄毀

制書印信例凡將

誥命舊軸售賣及轉賣者照違

制律治罪

戶律一 戶役○田宅

戶役○脫漏戶口律凡一家戶全不附籍若有田

出賦役者家長杖一百係無田不應出賦役者杖八十

吾學錄初編卷二十律例一 五

准附籍有賦照賦當差○若將他家人隱蔽在戶

不另報籍及相冒合戶附籍他有賦役者本戶亦

杖一百無賦役者亦杖八十若將外另居親屬隱

蔽在戶不報及相冒合戶附籍者各減二等所隱

之人並與同罪改正立戶別籍當差其同宗伯叔

弟姪及婿自來不會分居者不在此斷罪改限○

其見在官役使辦事者雖脫戶然有役在身止依

漏口法○若會立隱漏自己成丁以上人口不

附籍及增減年狀妄作老幼廢疾以免差役者一

口至三口家長杖六十每三口加一等罪止杖一

百不成丁三口至五口笞四十每五口加一等罪

止杖七十所隱入籍成丁當差○若隱蔽他人丁

口不附籍者罪亦如之所隱之人與同罪發還本

戶附籍當差○若里長失於取勘致有脫戶者一

戶至五戶笞五十每五戶加一等罪止杖一百漏

口者一口至十口笞三十每十口加一等罪止笞

五十○人戶以籍為定律凡軍民驛館醫卜工樂

諸色人戶若詐軍作民民脫匠免避已重就人輕

吾學錄初編卷二十律例一 六

者杖八十○若詐稱各衛軍人不當軍民差役者

杖一百發邊遠充軍○例應試童生如詭捏數名

或頂名入場希圖倖進者照詐冒律杖八十保結

之廩生知情者同罪○娼優隸卒及其子孫概不

准入考捐監如有變易姓名朦混應試報捐者斥

革杖一百若將良民誣指為娼優隸卒希圖傾陷

拖累者各按誣告律治罪

謹案漢人家生奴僕印契所買奴僕併雍正五

年以前白契所買及投靠養育年久或婢女招

配生有子息者俱係家奴永遠服役婚配俱由家主違者照例治罪。此條據會典事例增載

私窳庵院律凡寺觀庵院除見在處所先年額設外不許私自窳建增置違者杖一百僧道還俗發邊遠

充軍尼僧女冠入官為奴地基材料入官○例民間有願

窳造寺觀神祠者呈明該督撫具題奉

旨方許營建若不俟題請擅行興造者依違

制律論○立嫡子違法律凡立嫡子違法者杖八十其

嫡妻年五十以上無子者得立庶長子不立長子

吾學錄初編卷二十 律例一 七

者罪亦同似改○若養同宗之人為子所養父母

無子所生父母有子而捨去者杖一百發付所養父母收

管所養父母若親生子及本生父母無子欲還者聽

○其乞養異姓義子以亂宗族者杖六十若以子

與異姓人為嗣者罪同其子歸宗○其遺棄小兒

年三歲以下雖異姓仍聽收養即從其姓但不得以無子

遂立○若立嗣雖係同宗而尊卑失序者罪亦如

之其子亦歸宗改立應繼之人○例無子者許令

同宗昭穆相當之姪承繼先儘同父周親次及大

功小功總麻如俱無方許擇立遠房及同姓為嗣

若立嗣之後却生子其家產與原立子均分○婦

人夫亡無子守志者合承夫分須憑族長擇昭穆

相當之人繼嗣其改嫁者夫家財產及原有粧奩

並聽前夫之家為主○若繼子不得於所後之親

聽其告官別立其或擇立賢能及所親愛者若於

昭穆倫序不失不許宗族指以次序告爭若義男

女婿為所後之親喜悅者聽其相為依倚不許繼

子并本生父母用計偏逐仍酌分給財產若無子

吾學錄初編卷二十 律例一 八

之人家貧聽其賣產自贖○凡乞養異姓義子有

情願歸宗者不許將分得財產攜回本宗其收養

三歲以下遺棄之小兒仍酌分財產不必勒令歸

宗如有希圖貲財冒認歸宗者照律治罪○無子

立嗣若應繼之人平日先有嫌隙則於昭穆相當

親族內擇賢擇愛聽從其便如族中希圖財資勒

令承繼或慫恿擇繼以致涉訟者地方官立即懲

治仍將所擇賢愛之人斷令立繼其有子婚而故

婦能孀守已聘未娶媳能以女身守志及已婚而

故婦雖未能孀守。但所故之人業已成立。或子雖未娶。而因出兵陣亡者。俱應爲其子立後。若支屬內實無昭穆相當。可爲其子立後之人。而其父又無別子者。應爲其父立繼。待生孫以嗣。應爲立後之子。其尋常夭亡未婚之人。不得概爲立後。若獨子夭亡。而族中實無昭穆相當。可爲其父立繼者。亦准爲未婚之子立繼。如可繼之人。亦係獨子。而情屬同父周親。兩相情願者。取具闔族甘結。亦准其承繼兩房宗祧。○收留迷失子女律。凡收留良

吾學錄初編

卷二十

律例一

九

人家迷失道路子女。不送官司。而賣爲奴婢者。杖一百。徒三年。爲妻妾子孫者。杖九十。徒二年半。若得迷失奴婢而賣者。各減良人罪一等。被賣之人不坐。給親完聚。○若收留不送官司在逃子女。而賣爲奴婢者。杖九十。徒二年半。爲妻妾子孫者。杖八十。徒二年。若得在逃奴婢而賣者。各減良人罪一等。其被賣在逃之人。又各減一等。若在逃之罪重者。自從重論。○其自收留爲奴婢妻妾子孫者。罪亦如之。暫隱藏在家者。不送官司並杖八十。○買者及牙

保知情滅犯人罪一等。追償入官。不知者俱不坐。

追償還主。○禁革土保里長律。凡各處人民。每一

百戶內議設里長一名。甲首一十名。輪年應役。催

辦錢糧。勾攝公事。若有妄稱主保小里長保長主

首。主管等項名色。生事擾民者。杖一百。遷徒。比流

二年。○其合設耆老。須於本鄉年高有德。衆所推

服人內選充。不許罷閒吏卒。及有過之人充應。違

者杖六十。革○別籍異財律。凡祖父母父母在。子

孫別立戶籍。分異財產者。杖一百。須祖父母父母在。若

吾學錄初編

卷二十

律例一

十

居父母喪。而兄弟別立戶籍。分異財產者。杖八十。須期親以上尊長告。乃○例。祖父母父母在者。子坐。或奉遺命。不在此律。○例。祖父母父母在者。子孫不許分財異居。此謂分財異居。尚未別立戶籍者。有犯亦坐滿杖。其父母許令分析者聽。○卑幼私擅用財律。凡同居卑幼。不由尊長。私擅用本家財物者。十兩笞二十。每十兩加一等。罪止杖一百。若同居尊長。應分家財不均平者。罪亦如之。○例。戶絕財產。果無同宗應繼之人。所有親女承受。無女者聽地方官詳明。上司酌撥充公。

田宅○欺隱田糧律凡欺隱田糧全不報脫漏版籍者沒計所隱之田一畝至五畝笞四十每五畝加一等罪止杖一百其脫漏田人官所隱稅糧依數總額約其年數徵納○里長知而不舉與犯人同罪○檢踏災傷田糧律人戶將成熟田地移坵換段冒告災傷者計所冒一畝至五畝笞四十每五畝加一等罪止杖一百其目免合納稅糧依額數追徵入官○盜賣田宅律凡盜他人田宅賣將已不換易及冒認他人田宅若虛寫錢實立契典買及侵占他人田宅者田一畝屋一間以下笞五十每田五畝屋三間加一等罪止杖八十徒二年係官宅各加二等○若強占官民山場湖泊茶園蘆蕩及金銀銅鐵冶者不計畝數杖一百流三千里○若將互爭不及他人田產妄作已業朦朧投獻官豪勢要之人與者受者各杖一百徒三年○盜賣與投田產及盜賣過田價并各項遞年所得花利應還官者還官應給主○例凡子孫盜賣祖遺祀產至五十畝者發邊遠充軍不及前數及盜賣義田應照

吾學錄初編卷二十 律例一 七

盜賣官田律治罪其盜賣歷久宗祠一間以下杖七十每三間加一等罪止杖一百徒三年以上知情謀買之人各與犯人同罪房產收回給族長收管賣價入官其祀產義田令勒石報官或族黨自立議單公據方准按例治罪○典買田宅律凡典買田宅不稅契者笞五十仍契內田宅價錢一半入官謹案置買田地房屋必用布政司印契尾每價銀一兩輸稅契銀三分如無契尾照漏稅例治罪此條據戶部則例增載不過割者一畝至五畝笞四十每五畝加一等罪止杖一百其割之田入官○若將已典賣與人田宅朦朧重復典賣者以所得重典價錢計贓准竊盜論追價還後典主田宅從原典買主為業若重復典買之人及牙保知其重典情者與犯人同罪追價入官○其所典田宅園林碾磨等物年限已滿業主備價取贖若典主託故不肯放贖者笞四十限外遞年所得多花利追徵給主仍依原價取

吾學錄初編卷二十 律例一 七

贖。○**例**賣產立有絕賣文契。並未註有找貼字樣者。概不准貼贖。如契未載絕賣字樣。或註定年限回贖者。並聽回贖。若賣主無力回贖。許憑中公估找貼一次。另立絕賣契紙。若買主不願找貼。聽其別賣。歸還原價。倘已經賣絕。契載確鑿。復行告找。告贖及執產動歸原。先儘親鄰之說。措端措勒。希圖短價。並典限未滿。而業主強贖者。俱照不應重律治罪。○嗣後民間置買產業。如係典契。務於契內註明回贖字樣。如係賣契。亦於契內註明絕賣。永不回贖字樣。其自乾隆十八年定例以前。典賣契載不明之產。如在三十年以內。契無絕賣字樣者。聽其照例分別找贖。若遠在三十年以外。契內雖無絕賣字樣。但未註明回贖者。即以絕產論。概不許找贖。○**盜耕種官民田律**凡盜種他人田園地者。不告。五畝以下。笞三十。每五畝加一等。罪止杖八十。荒田減一等。強者。不由各指熟田。加一等。係官者。各通盜耕強又加二等。仍追花利。官歸官。民給主。○**荒蕪田地律**凡里長部內。已入籍納糧當

吾學錄初編 卷二十 律例一 三

差田地。無水旱災故荒蕪。及應課種桑麻之類。而不種者。種之田地。俱以十分為率。一分。笞二十。每一分加一等。罪止杖八十。人戶亦計荒蕪田地。及不種桑麻之類。就本戶。以五分為率。一分。笞二十。每一分加一等。追徵合納稅糧。還官。○**棄毀器物稼穡等律**凡故意棄毀人器物。及毀伐樹木稼穡者。計所毀棄之物。即為。贓。准竊盜論。罪止杖一百。官物。加盜贓三等。若遺失及誤毀官物者。各於官物加減三等。凡棄毀遺失。並驗數追償。還官。給主。若私物者。償而不坐罪。○若毀人墳塋內碑碣石獸者。杖八十。毀人神主者。杖九十。若毀損人房屋牆垣之類者。計合用修造雇工錢。坐贓論。罪止杖一百。徒三年。各令修立。官屋加二等。誤毀者。但令修立。不坐罪。○**例**凡廣收麥石。肆行躉麴。大開燒鍋者。杖一百。柳號兩箇月。○**擅食田園瓜果律**凡於他人田園。擅食瓜果之類。坐贓論。計所食之物價。一兩。以計兩加等。罪止杖六十。徒一年。棄毀者。罪亦如之。其擅將挾去。及食者。係官田園瓜果。若官造酒食者。加二等。照擅

吾學錄初編 卷二十 律例一 丙

人罪加  
二等。

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷二十終

吾學錄初編卷二十律例一

十五

吾學錄初編卷二十一

聖皇製法... 吳榮光恭述

律例門二

戶律二

婚姻 ○倉庫 ○課程 ○錢債 ○市廛

婚姻 ○男女婚姻律凡男女定婚之初若 或有殘

廢疾 老幼 庶出 過房 宗乞養 異姓者務要兩家明

白通知各從所願 不願即止 願 寫立婚書依禮聘

嫁若許嫁女已報婚書及有私約 謂先已知夫身

類而輒悔者 女家主 笞五十 雖無婚書但

吾學錄初編卷二十一 律例二

會受聘財者亦是 ○若再許他人未成婚者 女家

杖七十 已成婚者杖八十 後定娶者 男知情主婚

人與女同罪 財禮入官 不知者不坐 追還財禮 給

定娶 女歸前夫 前夫不願者 倍追財禮 給還其女

仍從後夫 男家悔 聘 者罪亦如之 仍令娶前女

嫁 不追財禮 ○其未成婚男女有犯姦盜者 有犯

聽女別嫁 女子 不用此律 ○若為婚而女家妄冒

者 杖八十 謂如女有殘疾 卻令姊妹妄冒 追

還財禮 男家妄冒者 加一等 謂如與親男定婚 卻

有殘疾。卻令弟兄安官相見。不追財禮。未成婚者。後卻以殘疾男成婚之類。仍依原定。所妄官相見之無疾兄弟姊妹及親生他人。或已經配有室家。已成婚者離異。○其應為婚者。雖已納聘財。期約未至。而男家強娶。及期約已至。而女家故違期者。男女主。並笞五十。○若卑幼或仕宦。或買賣在外。其祖父母父母及伯叔父母姑兒姊自卑幼出外之後。為定婚。而卑幼知不自娶妻。已

成婚者。仍舊為婚。尊長所定之未成婚者。從尊長所定。自定者從違者杖八十。仍改○例嫁娶皆由

祖父母父母主婚。祖父母父母俱無者。從餘親主婚。其夫亡攜女適人者。其女從母主婚。○男女婚姻。各有其時。或有指腹割衫襟為親者。並行嚴禁。○凡女家悔盟另許男家不告官司強搶者。照強娶律。減二等。其告官斷歸前夫。而女家與後夫奪回者。杖一百。徒三年。○典雇妻女律。凡將妻妾受

財。立約典。驗日雇。與人為妻妾者。杖八十。典雇女者。杖六十。○若將妻妾妄作姊妹嫁人者。杖一百。妻妾杖八十。○知而典娶者。各與同罪。並離

異。女給親妻。財禮入官。不知者不坐。追還財禮。○例將妻妾作姊妹。及將親女并姊妹嫁賣。與人作妻妾。使女名色騙財之後。設詞託故。公然領去者。照誑騙例治罪。若瞰起程中途。聚眾行兇。邀搶人財者。除實犯死罪外。餘俱發近邊充軍。媒人同謀邀搶者。罪同。若僅止知情媒合。並未同謀邀搶。杖九十。○妻妾失序律。凡以妻為妾者。杖一百。妻在。以妾為妻者。杖九十。並改正。○若有妻更娶妻者。杖九十。後娶離異○逐婿嫁女律。凡逐入

吾學錄初編 卷二十一 律例二

吾學錄初編 卷二十一 律例二

贅婿。嫁女。或再招婿者。杖一百。其女不坐。如招贅同父母。逐婿改嫁者。男家知而娶者。同罪。未成婚者。各減五等。不知者。亦不坐。其女斷付前夫。出居完聚。○居喪嫁娶律。凡居父母及妻妾夫喪。而身自嫁娶者。杖一百。若男子居父母喪。而娶妻。女居父母喪。而嫁人。為妾者。各減二等。若命婦夫亡再嫁者。罪亦如之。追奪敕語。並離異。知係居喪而共為婚姻者。主婚各減五等。入官。不知者不坐。離異。追財禮。若居祖父母伯叔父母姑兒姊喪。除承重而



嫁娶者杖八十。不離異妾不坐。○若居父母舅姑及夫喪而與應嫁娶人主婚者杖八十。○其夫喪服滿妻果願守志而女之祖父母父母及夫家之祖父母父母強嫁之者杖八十。期親加一等。大功以下又加一等。婦人及娶者俱不坐。未成婚者追歸前夫之家。聽從守志。追還財禮。已成婚者給與完聚財禮入官。○例孀婦自願改嫁。翁姑人等主婚受財而母家統眾搶奪杖八十。夫家並無例應主婚之人。母家主婚改嫁而夫家疏遠親屬強搶者。

吾學錄初編 卷二十一 律例二 四

罪亦如之。其孀婦自願守志。母家夫家搶奪強嫁以致被污者。祖父母父母及夫之祖父母父母杖八十。期親尊屬尊長杖七十。徒一年半。大功以下尊屬尊長杖八十。徒二年。期親卑幼杖一百。徒三年。大功以下卑幼杖九十。徒二年半。娶主不知情不坐。知情同搶杖八十。未致被污者。父母翁姑親屬娶主各減一等。婦女均聽回守志。若婦人情願守志別無主婚之人。如有用強求娶逼受聘財因而致令自盡者。發近邊充軍。仍追埋葬銀兩。○父

母囚禁嫁娶律。凡祖父母父母犯死罪被囚禁。而子孫自嫁娶者杖八十。若男娶妻。女嫁人。為妾者減二等。其奉四祖父母父母命而嫁女娶妻者不坐。亦不得筵燕違者依父母。○同姓為婚律凡同姓為婚者。王婚與男女各杖六十。離異婦女歸宗。財禮入官。○尊卑為婚律。凡外姻有服尊屬或卑幼其為婚姻及娶同母異父姊妹。若妻前夫之女者。各以親屬相姦論。○其父母之姑舅兩姨姊妹及姨若堂姨母之姑堂姑。已之堂姨及再從姨。已堂外甥女若女婿之姊

吾學錄初編 卷二十一 律例二 五

及子孫婦之姊妹。雖無服並不得為婚姻。違者男女各杖一百。○並離異。婦女歸宗。財禮入官。○例前夫子女與後夫子女苟合成婚者。以娶同母異父姊妹律條科斷。○其姑舅兩姨姊妹為婚者聽從民便。○娶親屬妻妾律。凡娶同宗無服姑姪姊妹之親及無服親之妻者。男女各杖一百。若娶宗同總麻親之妻及舅甥妻各杖六十。徒一年。小功以上妻之各以姦論。自徒三年至絞斬其親之妻會被出及已改嫁而娶為妻妾者。無服之親與各杖八十。○若收父祖妾及伯叔母者。不問被出改嫁

各斬若兄亡收嫂弟亡收弟婦者不問被出改嫁各絞○

妾父祖妾不與各減妻被出改嫁者遞減之若原係妻而娶為妾當從妻論二等

原係妾而娶為妻若原係妻而娶為妾當從妻論○若娶同宗總麻以上姑姪姊妹

者亦各以姦論○除應死外并離異○例凡收伯叔兄

弟妾者杖一百流三千里○娶逃走婦女律凡娶

已犯罪已發在官而逃走在外婦女為妻妾知逃走情

者與同罪婦人加逃罪二等至死者減一等離異

不知者不坐若無夫又會

赦免罪者不離一有不合仍離○強占良家妻女律凡豪強勢

力之人強奪良家妻女姦占為妻妾者絞監候婦女

給親婦歸夫配與子孫弟姪家人者罪歸所主亦如

之所配男女不坐仍離異○例強奪良人妻女賣與

他人為妻妾及投獻勳戚勢豪之家者俱擬絞監

候○凡謀占資財貪圖聘禮期功卑幼用強搶賣

伯叔母姑等尊屬者擬斬監候期功卑幼搶賣兄

妻胞姊及總麻卑幼搶賣尊屬尊長並疏遠無服

親族搶賣尊長卑幼者均擬絞監候如尊屬尊長

圖財強賣卑幼係期功杖一百流三千里係總麻

發附近充軍未成婚者各減已成婚一等若中途

奪回及娶主自行送回未被姦污者均以未成婚

論如婦女不甘失節因而自盡者期功以下卑幼

及疏遠親族仍照本例分別斬絞監候總麻尊屬

尊長亦擬絞監候期功尊屬尊長發近邊充軍娶

主知情同搶及用財謀買者各減正犯罪一等如

家貧不能養贍或慮不能終守勸令改嫁並非圖

財圖產起見均照強嫁例定擬不得濫引此例○

凡聚眾夥謀搶奪路行婦女或賣或自為妻妾

奴婢及被姦污者並聚眾夥謀於素無瓜葛之家

入室搶奪婦女一經搶獲出門即屬已成審實不

分得財與不得財為首者斬立決為從者皆絞監

候知情故買者減正犯罪一等圖搶入室未將婦

女搶獲者首犯擬絞監候為從發極邊烟瘴充軍

至因夥眾搶奪婦女拒捕殺人者無論已成未成

下手殺人之犯斬決梟示幫毆成傷從犯不論手

足他物金刃均擬絞監候○凡聚眾夥謀搶奪會

經犯姦婦女已成無論在途在室首犯發雲貴兩

廣烟瘴地方充軍為從幫搶者杖一百流三千里

同謀未經同搶之犯杖一百徒三年如圖搶未成首犯杖一百流三千里為從幫搶者杖一百徒三年同謀未經同搶之犯杖九十徒二年半如婦人犯姦後已經悔過自新確有證據者仍以良人婦女論○娶樂人為妻妾律凡武官并吏娶樂人者為妻妾者杖六十並離異歸宗不還樂工財禮入官若官員子孫應襲娶者罪亦如之註冊候廕襲之日照廕襲本職上降一等敘用○良賤為婚姻律凡家長與奴娶良人女為妻者杖八十女家人主婚減一等其奴自娶者罪亦如之家長知情者減二等○出妻律凡妻於七無應出之及義絕之狀而出出之者杖八十雖犯七出無子淫泆不事舅姑多言盜竊妒忌惡疾有三不去與三年喪前貧賤後富貴有所娶無所歸而出之者減二等追還完聚○若犯義絕應離而不離者亦杖八十若夫妻不相和諧而兩願離者不坐情既已離難強其合○若夫無願妻輒背夫在逃者杖一百從夫嫁賣妻因逃而自改嫁者絞其因夫妻棄逃亡三年之內不告官司而逃去者杖八十擅自改嫁者杖一百妾各減二

等有主婚媒人有財禮乃坐無主婚人不成婚禮者以和姦刁姦論其妻妾仍從夫嫁賣○若婢背家長在逃者杖八十因而改嫁者杖一百給還家長○窩主及知情娶者各與妻妾同罪至死者減一等入官不知者主娶者俱不坐給還○例妻犯七出之狀有三不去之理不得輒絕犯姦者不在此限○嫁娶違律例凡紳衿庶民之家如有婢女不行婚配致令孤寡者照不應重律杖八十係民的決紳衿依律納贖令其擇配○倉庫○收糧違限律欠糧人戶各以糧十分為率一分不足者杖六十每一分加一等罪止杖一百○例應納錢糧以十分為率欠至四分以下者舉人問革為民貢監生員並黜革杖六十欠至七分以下者舉人問革為民杖八十貢監生員黜革枷號一箇月杖一百欠至十分以下者舉人問革為民杖一百貢監生員俱黜革枷號兩箇月杖一百其文武進士及在籍有頂帶人員並與舉人同○攬納稅糧律凡攬納他稅糧者杖六十著落犯本赴倉攬納足再於犯人名下照所追罰一半入官

吾學錄初編 卷二十一 律例二 九

吾學錄初編 卷二十一 律例二 九

○其小戶畸田殘田零丁不足米麥因便湊數於本納糧人戶處附納者勿論○例錢糧等項有包攬誑騙銀一百兩糧二百石以上不行完納事發責限三箇月以內完納者照常發落過期不完儘其財產賠納發近邊充軍。

課程○鹽法律凡犯私鹽凡有確貨即是者杖一百徒三年若帶有軍器者加一等流二千誣指平人者加三等流三拒捕者斬監鹽貨車船頭匹並入官塗道引領秤牙人及窩藏犯寄頓貨者杖九

吾學錄初編卷二十一 律例二

十。徒二年半。受雇挑擔馱載者杖八十。徒二年。○凡買食私鹽者杖一百。○凡客商將有引官鹽插和沙土貨賣者杖八十。○匿稅律凡客商匿稅不納課程者笞五十。貨物一半入官。

錢債○違禁取利律凡私放錢債及典當財物每月取利並不得過三分。年月雖多不過一本一利。違者笞四十。以餘利計贓重於答四十者坐贓論。罪止杖一百。○若監臨官吏於所部內舉放錢債典當財物者不必多取餘利杖八十。違禁取利以餘利計

贓重於杖者依不枉法論各主者通算折半科罪四十兩並杖九十每十兩加有祿人三十兩無祿人並追餘利給主兼庶民官言其負欠私債違約不還者五兩以下違三月笞

一十每一月加一等罪止笞四十五十兩以上違三月笞二十每一月加一等罪止笞五十百兩以上違三月笞三十每一月加一等罪止杖六十並追本利給主。○若豪勢之人於違約不告官司以私債強奪去人孳畜產業者杖八十無多取餘利若估所奪畜價過於本利者計多餘之物於杖入

吾學錄初編卷二十一 律例二

十。坐贓論罪止杖一百依多餘數追還主○若準折人妻妾子女者杖一百強奪者杖七十因強而姦占婦女者絞折強奪之人口給親私債免追。○

例放債之徒用短票折扣違例巧取重利者嚴拏治罪其銀照例入官受害之人許其自首免罪並免追息。○費用受寄財產律凡受寄他人財物畜產而輒費用者坐贓論減一等罪止杖九十詐言死失者准竊盜論減一等罪止杖一百並追物還主。○例親屬費用受寄財物大功以上及外祖父母

得相容隱之親屬追物給主不坐罪小功減三等  
 總麻減二等無服之親減一等俱追物還主○得  
 遺失物律凡得遺失之物限五日內送官官物數  
 還官私物召人識認於內一半給與得物人充賞  
 一半給還失物人如三十日內無人識認者全給  
 限外不送官者官物坐贓論罪止杖一百徒三私  
 物減坐贓二等其物一半入官一半給主若無人官○  
 若於官私地內掘得埋藏無主之物者並聽收用若  
 有古器鐘鼎符印異常之物非民間所宜有者限三十日

吾學錄初編卷二十一 律例二 三

內送官違者杖八十其物入官  
 市塵○私充牙行埠頭律凡城市鄉村諸色牙行  
 及船之埠頭並選有抵業人戶充應私充者杖六  
 十所得牙錢入官官牙埠頭容隱者笞五十各革  
 去○市司評物價律凡諸物牙行人評估物價或  
 以貴為或以賤為令價不平者計所增減之價坐  
 贓論一兩以下笞二十罪入己者准竊盜論○把  
 持行市律凡買賣諸物兩不和同而把持行市專  
 取其利及販鬻之徒通同牙行共為姦計賣之物

以賤為貴買之物以貴為賤者杖八十○若見人  
 有所買賣在旁混以高下比價以相惑亂而取利  
 者笞四十○若已得利物計贓重於杖八十者准  
 竊盜論贓輕者仍以○私造斛斗秤尺律凡私造  
 斛斗秤尺不平在市行使及將官降斛斗秤尺作  
 弊增減者杖六十工匠同罪  
 禮律 祭祀○儀制

吾學錄初編卷二十一 律例二 三

祭祀○褻瀆神明律凡私家告天拜斗焚燒夜香  
 然點天燈告天七燈拜斗褻瀆神明者杖八十婦女有  
 犯罪坐家長若僧道修齋設醮而拜奏青詞表文  
 及祈禳火災者同罪還俗重在拜奏若止修齋祈  
 者不禳而不拜奏青詞表文  
 禁○若有官及軍民之家縱令妻女於寺觀神  
 廟燒香者笞四十罪坐夫男無夫男者罪坐本婦  
 其寺觀神廟住持及守門之人不為禁止者與同  
 罪○禁止巫師邪術律凡師巫假降邪神書符咒  
 水扶鸞禱聖自號端公太保師婆名色及妄稱彌勒  
 佛白蓮社明尊教白雲宗等會一應左道異端之  
 術或隱藏圖像燒香集眾夜聚曉散伴修善事煽

惑人民為首者，絞監為從者，各杖一百，流三千里。  
 ○若軍民裝扮神像，鳴鑼擊鼓，迎神賽會者，杖一百，罪坐為首之人。○里長知而不首者，各笞四十。  
 其民間春秋義社以行祈報者，不在此限。○例各處官吏軍民僧道人等，妄稱請曉，扶鸞禱聖，書符咒水，或燒香集徒，夜聚曉散，並捏造經咒邪術，傳徒斂錢，一切左道異端，煽惑人民為從者，發回城給大小伯克及力能管束之回子為奴，至守業良民，諷念佛經，茹素邀福，並無學習邪教，捏造經咒，傳徒斂錢惑眾者，不得濫用此例。

儀制 ○收藏禁書律 凡私家收藏天象器物如璿璣圖、渾天儀、圖識、書、推治亂之類，應禁之書及畫歷代帝王圖像、金玉符璽等物不首者，杖一百。○上書陳言律 縱橫之徒，假以上書巧言令色，希求進用者，杖一百。○若稱訴冤枉，於軍民官司借用印信封皮入遞者，及借與者，皆斬。○服舍違式律 凡官民房舍車服器物之類，各有等第，若違式借用，有官者杖一百，罷職不敘，無官者笞五十，罪坐家長。工

匠並笞五十。違式之物，責令改正。工匠自首免罪。○若僭用違禁龍鳳紋者，官民各杖一百，徒三年。官罷職，工匠杖一百。○僧道拜父母律 凡僧尼道士女冠，并令拜父母，祭祀祖先。本宗親屬在內。喪服等第。謂斬衰、期、功、總麻之類。皆與常人同，違者杖一百，還俗。○若僧道衣服，止許用綢絹布疋，不得用紵絲綾羅，違者笞五十，還俗。衣服入官，其袈裟道服，不在禁限。○術士妄言禍福律 凡陰陽術士，不許於大小文武官員之家，妄言家禍福，違者杖一百，其依經推算星命卜課，不在禁限。○例習天文之人，若妄言禍福，煽惑人民者，照律治罪。○匿父母夫喪律 凡聞父母若嫡孫承重與父母同及夫之喪，匿不舉哀者，杖六十，徒一年。若喪制未終，釋服從吉，忘哀作樂，及參預筵燕者，杖八十。若聞期親尊長喪，匿不舉哀者，亦杖八十。若喪制未終，釋服從吉者，杖六十。○若官吏父母死，應丁憂，詐稱祖父、伯叔、姑、兄、姊之喪，不丁憂者，杖一百，罷職不敘。若父母見在，無喪詐稱有喪，或已殞，舊喪詐稱新喪者，丁憂不罪同。有規避者，從其重者。

論○若喪制未終冒哀從仕者杖八十亦罷○其仕宦遠方丁憂者以聞喪月日為始奪情起復者不拘此律○棄親之任律凡祖父母父母年八十以上及篤疾別無以次侍丁而棄親之任及妄稱祖父母父母老疾求歸入侍者並杖八十棄親者候親終服闋降用若祖父母父母及夫犯死罪見求歸者照舊供職○喪葬律凡有被囚禁而筵燕作樂者罪亦如之○喪葬律凡有卑喪之家惑於風水及託故停柩在家經年暴露不葬者杖八十又有本律其從尊長遺言將屍

吾學錄初編卷二十一 律例二 六

燒化及棄置水中者杖一百若亡歿遠方子孫不能歸葬而燒化者聽從其便○其居喪之家修齋設醮若男女混雜所重飲酒食肉者家長杖八十僧道同罪還俗○例民間喪葬之事凡有聚集演戲及扮演雜劇等類或用絲竹管絃演唱佛戲者照違

制律治罪 舉 人黃本驥編次

戶部郎中陳傳均 同校  
吾學錄初編卷二十一終 詹事府主簿吳彌光

吾學錄初編卷二十二  
聖駕出郊衝突  
儀仗例  
宮衛○衝突  
兵律  
律例門三  
宮衛○軍政○關津○殿收

儀仗例  
聖駕出郊衝突  
儀仗妄行奏訴者追究主使教唆捏寫本狀之人俱問罪各杖一百發近邊充軍所奏情詞不分虛實

吾學錄初編卷二十二 律例三 一

立案不行○越城律凡越皇城者杖一百流三千里越各府州縣鎮城者杖一百官府公廨牆垣者杖八十越而未過者各減一等若有所規避者各從其重者論  
軍政○漏洩軍情大事律私開官司文書印封看視者杖六十事干軍情重事者以漏洩論為首杖三年從減等○從征違期律凡官軍已承臨當征討師已有起程日期而稽留不進者一日杖七十每三日加一等若故自傷殘及詐為疾患之類以避征

役者各加一等並計日罪止杖一百仍發出征若

殘至不堪出征仍選本戶丁壯充補令其出征○若軍臨敵境託故違期

一日不至者杖一百誤軍機三日不至者斬統兵

官竟行軍法若能立功贖罪者從統兵官區處○軍人

替役律凡軍人遺已不親出征雇倩人冒名代替者

替身杖八十正身杖一百依舊者伍出例若守禦

池軍人雇人冒名代替者各減二等其出律守子

孫弟姪及同居少壯親屬非由自願代替者聽○

縱軍擄掠律軍人不會經由本管頭目使私出外

吾學錄初編卷二十二 律例三

境擄掠者為首杖一百為從杖九十因擄傷外人

為首者斬監為從杖一百其擄掠傷人為從俱發

邊遠充軍○若於已附地面擄掠者不分首從皆

斬監○私賣戰馬律凡軍人出征獲到敵馬匹須

要盡數報官若私下貨賣與常者杖一百軍官私

賣者罪同罷職買者答四十馬匹價錢並入官出

征軍官軍人買者勿論賣者追價人○私賣軍器

律凡軍人將自關給衣甲刀鎗旗幟一應軍器私

下貨賣與常者杖一百發邊遠充軍軍官私賣者

罪同罷職附充軍買者答四十其間應禁軍器民

而買者以私有論一件杖八十每一件加一等軍

器不論應禁與價錢並入官官軍買者勿論仍坐

入官罪追價○私藏應禁軍器律凡民間私人馬甲

傍牌火筒火礮旗纛號帶之類應禁軍器者一件

杖八十每一件加一等私造者加私有罪一等各

罪止杖一百流三千里非全成者並勿論許令納

官其弓箭槍刀弩及魚叉禾叉不在禁限○例各

省深山邃谷及附近山居驅逐猛獸應需烏鎗守

吾學錄初編卷二十二 律例三

禦者務須報明地方官詳查明確准其仍照營兵

烏鎗尺寸製造上刻姓名編號立冊按季查點如

有私造者杖一百枷號兩箇月私藏者杖八十枷

號一箇月仍各照律每一件加一等罪止杖一百

流三千里該管地保失察私造者杖一百革役至

私造私藏竹銃及失察之地保俱照烏鎗例治罪

謹案例內失察之地保罪名係道光九年增定

從征守禦官軍逃律凡軍官已承從軍征討私逃

還家及逃往他所者初犯杖一百仍發出征再犯



者。絞監知在逃情窩藏者。犯再犯杖一百。充軍。原籍

及他里長。知而不首者。杖一百。若在京軍人逃者。

初犯杖九十。各處守禦城池軍人逃者。初犯杖八

十。俱發充伍。再犯不問並杖一百。俱發邊遠充軍。

三犯者。絞監知在逃情窩藏者。與犯人同罪。罪止

杖一百。充近附軍里長。知而不首者。各減窩二等。罪

杖八十。其從征本管頭目知情故縱者。各隨所與

同罪。罪止杖一百。罷職。附近充軍。其守征在逃官軍

自逃日一百日內。能自出官首告者。犯再犯免罪。

吾學錄初編 卷二十二 律例三 四

若在限外自首者。減二等。○若各營軍人。不著轉

投別營當軍者。同逃軍論。○夜禁律。凡京城夜禁。

一更三點鐘聲已靜。後之五更三點鐘聲未動。前之犯

者。笞三十。二更三更四更犯者。笞五十。外郡城鎮

各減一等。其京城外公務急速。軍民之疾病生產

死喪不在禁限。○其暮鐘未靜。曉鐘已動。巡夜人

等。故將行人拘留。誣執犯夜者。抵罪。

關津。○私越旨度關津律。凡無文引。私度關津者。

杖八十。若關不由門。津不由渡。別從而越度者。杖

九十。若越度緣邊關塞者。杖一百。徒三年。因而

出。通交外境者。絞監。○若有文引。冒他名度關津者。

杖八十。○關津留難律。官豪勢要之人。乘船經過

關津。不服盤驗者。杖一百。○若撐駕渡船。稍水。如

遇風浪險惡。不許擺渡。違者。笞四十。若不顧風浪

故行開船。至中流停船。勒索船錢者。杖八十。○私

出外境及違禁下海律。凡將馬牛軍需鐵貨。未成

銅錢。緞疋。綢絹絲綿。私出外境貨賣。及下海者。杖

一百。受雇挑擔馱載之人。減一等。物貨船車並入官

吾學錄初編 卷二十二 律例三 五

於內以十分為率。三分付告人充賞。若將人口軍

器出境。及下海者。絞監。因而走泄事情者。斬監。○

例興販鴉片烟。照收買違禁貨物例。枷號一箇月。

發近邊充軍。為從杖一百。徒三年。如私開烟館。引

誘良家子弟者。擬絞監候。為從杖一百。流三千里。

船戶地保鄰佑人等。俱杖一百。徒三年。官員買食

者。革職。杖一百。枷號兩箇月。軍民人等。杖一百。枷

號一箇月。

謹案此例係道光九年修改。又查內地種賣鴉

片烟之處。浙江之台州。寧波。紹興。嚴州。温州等府。有台漿。葵漿等名目。福建。廣東。雲南。亦有建漿。芙蓉膏等名。道光十年奉

上諭嚴禁。十一年奏准內地種賣煎熬鴉片烟者。照興販洋烟例定擬。地保受賄故縱者。與首犯一體治罪。贓重者。計贓以枉法論。其知情容隱。雖未受贓。亦照爲從問擬。種烟田地入官。又奏准軍民人等買食者。如不將販賣之人指出。卽照販賣爲從問擬。職官及在官人役俱加一等治罪。

吾學錄初編卷二十二 律例三

六

又奏准內地栽種鴉片烟。及買土煎熬者。爲首改發邊遠充軍。爲從流二千里。田地房屋。一槩入官。其租給受雇之業主船戶。一年以內。發近邊充軍。半年以內。杖一百。徒三年。初犯者。仍杖一百。柳號一箇月。田地房屋。一律入官。再犯者。發近邊充軍。自行首告。並將私熬之犯。指拿到官者。免罪。首而無獲。但准免罪。田地房屋。仍行入官。鄰里首報者。給賞。知而不舉。杖一百。受贓者。計贓。准枉法。從重論。十二年奏准各營將弁

私食鴉片烟者。該管上司。卽行揭叅。兵丁私食。卽行治罪。並將該管將弁議處。

廠牧○宰殺馬牛例。開設湯鍋。宰殺堪用馬一二匹者。柳號四十日。責四十板。三四匹者。杖六十。徒一年。五匹以上。每馬四匹。遞加一等。至三十匹者。杖一百。流三千里。三十匹以上者。發雲貴兩廣烟瘴少輕地方。交與地方官嚴行管束。身行及賣馬之人。知情者。照數各減宰馬人罪一等。至三十四匹以上者。均發附近充軍。○凡宰殺耕牛。私開圈店。

吾學錄初編卷二十二 律例三

七

及販賣與宰殺之人。初犯。俱柳號兩箇月。杖一百。若計隻重於本罪者。照盜牛例治罪。罪止杖一百。流三千里。再犯。發附近充軍。殺自己牛者。柳號一箇月。杖八十。○畜產咬踢人律。凡馬牛及犬。有觸舐踢咬人。而畜記號拴繫不如法。若有狂犬不殺者。笞四十。因而殺傷人者。以過失論。各准鬪毆殺傷。收贖給主。若故放令殺傷人者。減鬪毆殺傷一等。○若故放犬令殺傷他人畜產者。各笞四十。追賠所減價錢。給主。

刑律一 賊盜

賊盜○謀叛例凡異姓人但有歃血訂盟焚表結拜弟兄者為首者擬絞監候為從減一等若聚眾至二十人以上為首者擬絞立決為從者發雲貴兩廣極邊烟瘴充軍其無歃血盟誓焚表情事止序齒結拜兄弟聚眾至四十人以上為首者擬絞監候四十人以下二十人以上為首者杖一百流三千里不及二十人為首者杖一百枷號兩箇月為從各減一等若年少居首並非依齒序列聚眾

吾學錄初編卷二十二 律例三 八

至四十人以上者首犯擬絞立決為從發雲貴兩廣極邊烟瘴充軍未及四十人者為首擬絞監候為從杖一百流三千里其有抗官拒捕持械格鬪等情無論人數多寡各按本罪分別首從擬以斬絞如為從各犯內審明實係良民被脅勉從結拜並無抗官拒捕等事者應於為從各本罪上再減一等至結會樹黨陰作記認魚肉鄉民陵弱暴寡者不論人數多寡審實將為首者照兇惡棍徒例發極邊足四千里充軍為從減一等彼誘入夥者

杖一百枷號兩箇月各衙門兵丁胥役隨同結會樹黨者照為首例擬軍鄉保地方明知不首或借端誣告者照例分別治罪若止係鄉民酬社賽神偶然洽比事竣即散者不在此例○造妖書妖言律他人造傳私有妖書隱藏不送官者杖一百徒三年○例凡妄布邪言書寫張貼煽惑人心為首者皆斬立決為從者皆斬監候若造讖緯妖書妖言傳用惑人不及眾者改發回城給大小伯克及力能管束之回子為奴至狂妄之徒因事造言捏成歌

吾學錄初編卷二十二 律例三 九

曲沿街唱和及以鄙俚褻嫚之詞刊刻傳播審非妖言惑眾者坐以不應重罪○凡坊肆市賣一應淫詞小說造作刻印者係官革職軍民杖一百流三千里市賣者杖一百徒三年買看者杖一百○

盜

制書律凡盜

制書者若非抄行者以御寶原書止皆斬不分首從○盜各衙門官文書者皆杖一百若有所規避者或受財買求類從重論事干係軍機之錢糧者皆絞分首從

盜城門鑰律盜府州縣鎮城關門鑰皆杖一百徒三年盜倉庫門內外各衙門等鑰皆杖一百盜監獄門○盜軍器律凡盜在家關領軍器者如衣甲鎗刀計賊以凡盜論若盜民家應禁軍器者如火筒火礮旗牌號帶與主私有之罪同○盜

園

陵樹木律凡盜

園

陵內樹木者皆不分首從杖一百徒三年○例車馬過

吾學錄初編卷二十二律例三

十

陵者及守

陵官民入

陵者百步外下馬違者杖一百○凡子孫將祖父墳塋前

列成行樹木及墳旁散樹高大株顛私自砍賣者

一株至五株杖一百柳號一箇月六株至十株杖

一百柳號兩箇月十一株至二十株杖一百徒三

年計賊重者准竊盜加一等從其重者論二十一

株以上者發邊遠充軍若係枯乾樹木不行報官

私自砍賣者杖八十看墳人等及奴僕盜賣者罪

同盜賣墳塋之房屋碑石顛瓦木植者子孫奴僕計賊並准竊盜罪加一等○盜砍他人墳樹初犯杖一百柳號一箇月再犯杖一百柳號三箇月計賊重於滿杖者照本律加竊盜罪一等至三次者即照竊盜三犯本例計賊分別擬以軍流絞監候其糾黨成羣旬日之間登次竊砍至六次以上而統計樹數又在三十株以上情同積匪者無論從前曾否犯案即照積匪猾賊例擬軍如在六次以下三次以上樹數在三十株以下十株以上者照

吾學錄初編卷二十二律例三

十一

積匪例量減擬徒盜賣他人墳塋之房屋碑石顛

瓦木植者計賊准竊盜論○強盜律凡強盜已行

而不得財者皆杖一百流三千里但得財者不

分首從皆斬雖不分○若以藥迷人圖財者罪同

但得財○若竊盜臨時有拒捕及殺傷人者皆斬

監候得財不得財皆斬須看臨時二字因盜而姦者罪亦如之不論

與否不○例事主呈報盜情儻有並無被劫而謊

稱被劫及以竊為強以姦為盜者俱杖一百以人

命鬪毆等事報盜者其本身無罪亦杖一百若姦

棍豪紳憑空捏報盜劫藉以陷害平人訛詐印捕  
官役者杖一百流三千里加徒役三年甲長鄰佑  
扶同者各照事主減一等治罪○白晝搶奪律凡  
白晝搶奪人財物者不計杖一百徒三年計賊併  
論重者加竊盜罪二等傷人者首斬為從各減  
一等○若因失火及行船遭風著淺而乘時搶奪  
人財物及拆毀船隻者罪亦如之亦如搶奪科罪○例直  
省不法之徒如乘地方歉收夥眾搶奪擾害善良  
挾制官長或因賑貸稍遲搶奪村市喧鬧公堂及

吾學錄初編卷二十一 律例三 三

懷挾私憤糾眾罷市辱官者俱照光棍例治罪○  
被災地方饑民爬搶如有糾夥持械按捺事主搜  
劫多賊者照強盜例科斷其實因災荒饑餓見有  
糧食夥眾爬搶希冀苟延旦夕並無攫取別賊者  
該督撫酌量情形請

旨定奪○凡因失火而乘機搶奪但經得財罪應擬以  
杖徒者俱照本律加一等治罪將為首之犯杖一  
百流二千里為從者杖一百徒三年○凡白晝搶  
人財物至一百二十兩以上者照竊盜滿貫律擬

絞監候○竊盜律凡竊盜已行而不得財笞五十  
但得財不論分賊以一主為重併賊論罪為從者  
各指上得財不得財言減一等○一兩以下杖六十一兩以  
上至一十兩杖七十二十兩杖八十三十兩杖九  
十四十兩杖一百五十兩杖六十徒一年六十兩  
杖七十徒一年半七十兩杖八十徒二年八十兩  
杖九十徒二年半九十兩杖一百徒三年一百兩  
杖一百流二千里一百一十兩杖一百流二千五  
百里一百二十兩杖一百流三千里一百二十兩

吾學錄初編卷二十二 律例三 三

以上絞監候○三犯不論賊數絞監候○盜馬牛畜產  
律凡盜民間馬牛驢羸豬羊雞犬鴉鴨者並計值  
之賊以竊盜論若盜官畜產者以常人盜官物論  
○若盜馬牛兼官私言而殺者不計杖一百徒三年驢  
羸杖七十徒一年半○例凡盜牛一隻枷號一箇  
月杖八十二隻枷號三十五日杖九十三隻枷號  
四十日杖一百四隻枷號四十日杖六十徒一年  
五隻枷號四十日杖八十徒二年五隻以上者枷  
號四十日杖一百徒三年十隻以上杖一百流三

千里二十隻以上者。不計賊數多寡。擬絞監候。其雖在二十隻以下。除計賊輕者。分別枷杖徒流外。如計賊至一百二十兩以上者。仍照律擬絞監候。盜殺者。枷號一箇月。發附近充軍。其窩家知情分賊者。與盜同罪。知情不分賊者。杖一百。○盜田野穀麥律。凡盜田野穀麥菜果及無人看守器物。謂不設守及不待守之物。者。並計賊。准竊盜論。○若山野柴草木石之類。他人已用工力砍伐積聚。而擅取者。罪亦如之。○例。民間農田。如有於己業地內費用工

吾學錄初編 卷二十二 律例三 五

力挑築池塘。蓄蓄之水。無論業主已未車戽入田。而他人擅自竊放。以灌己田者。不問黑夜白日。按其所灌田禾畝數。照侵占他人田。一畝以下。笞五十。每五畝加一等。罪止杖八十。徒二年。○親屬相盜律。凡各居本宗外姻親屬相盜。兼後尊長卑幼二款財物者。期親減凡人五等。大功減四等。小功減三等。總麻減二等。無服之親減一等。○若同居卑幼。將引他人盜己家財物者。卑幼依私擅用財物論。加二等。罪止杖一百。他人兼首從減凡盜罪一等。○其同居奴

婢雇工人盜家長財物。及自相盜者。首減凡盜罪一等。○例。凡奴僕雇工人。強劫家長財物。及勾引外人同劫家長財物者。悉照凡人強盜律定擬。有殺傷家長者。仍依律從重論。○恐嚇取財律。凡恐嚇取人財者。計賊准竊盜論。加一等。○例。凡惡棍設法索詐官民。或張貼揭帖。或捏告各衙門。或勒寫借約。嚇詐取財。或因鬪毆。糾眾繫頸。謊言欠債。逼寫文券。或因詐財不遂。竟行毆斃。此等情罪重大。實在光棍。事發者。不分會否得財。為首者。斬立

吾學錄初編 卷二十二 律例三 五

決。為從者。俱絞監候。其犯人家主父兄。各笞五十。係官交該部議處。如家主父兄首者。免罪。犯人仍照例治罪。○詐欺官私取財例。凡指稱買官買缺。或稱規避處分。及買求中式等項。誑騙聽選。並應議官吏及舉人監生。生員人等財物。如誑騙已成。財已入手。無論賊數多寡。不分首從。於該衙門門首。枷號三箇月。發烟瘴地面充軍。若誑騙未成。議有定數。財未接受。應於軍罪上減一等。杖一百。徒三年。加枷號兩箇月。被騙者。杖一百。免其枷號。但

經口許並未議有定數應杖一百加枷號一箇月  
被騙者杖八十免其枷號若甫被誑騙即行首送  
者誑騙之人照恐嚇未得財律准竊盜論加一等  
治罪被騙者免議○凡指稱內外大小官員名頭  
並各衙門打點使用名色誑騙財物計贓犯該徒  
罪以上者俱不分首從發近邊充軍情重者仍枷  
號兩箇月發遣○學臣考試有積慣隨棚代考之  
鎗手察出審實枷號三箇月發烟瘴地面充軍其  
雇債鎗手之人及包攬之人並與鎗手同罪知情

吾學錄初編卷二十二 律例三 六

保結之廩生杖一百窩留之家不知情者照不應  
重律治罪儻有別情從重科斷有贓計贓以枉法  
從重論○生童考試如有積慣棍徒捏稱給與字  
眼記認誑騙財物者不論有無立約封銀及口許  
虛贓俱枷號三箇月發烟瘴地面充軍被騙生童  
杖一百徒三年若僅用虛詞誑騙事屬未成罪止  
杖責者仍照定例加枷號一箇月分別發落被騙  
者仍照例治罪免其枷號○代倩鎗手若僅立有  
文約而贓未入手鎗手與本章均照誑騙未成財

未接受罪應滿徒者加枷號兩箇月但經口許罪  
止杖責者加枷號一箇月其已成者不分有無立  
約及口許虛贓俱枷號三箇月發烟瘴地面充軍  
雇倩之生童與同罪若生童實係被人撞騙贓止  
口許情罪稍輕者照誑騙未成財未接受例杖一  
百徒三年○畧人畧賣人律畧賣子孫為奴婢者  
杖八十弟妹及姪姪孫外孫若已之妾子孫之婦  
者杖八十徒二年畧子孫之妾減二等同堂弟妹  
堂姪及姪孫者杖九十徒二年半和賣者減畧一

吾學錄初編卷二十二 律例三 七

等未賣者又減已一等被賣卑幼雖和同以聽從家長不坐  
給親完聚○例凡誘拐婦人子女或典賣或為妻  
妾子孫者不分良人奴婢已賣未賣但誘取者為  
首擬絞監候為從杖一百流三千里若以藥餅及  
一切邪術迷拐幼小子女為首者立絞為從發極  
邊足四千里充軍其和誘知情之人為首者亦照  
前擬軍為從及被誘之人俱減等滿徒○凡夥眾  
開窩誘取婦人子女藏匿勒賣事發者不分良人  
奴婢已賣未賣審係開窩情實為首照光棍例擬

斬立決。為從改發雲貴兩廣烟瘴地方充軍。○典  
 販婦人子女轉賣與他人為奴婢者杖一百流三  
 千里。若轉賣與他人為妻妾子孫杖一百徒三年。  
 為從各減一等。○奴及雇工畧賣家長之妻女及  
 子者斬監候。○發冢律凡發掘他人墳冢見棺槨者  
 杖一百流三千里。已開棺槨見屍者絞監候。發而未  
 至棺槨者杖一百徒三年。招魂而葬亦是一等。若遠冢  
 為從減一等。先穿陷及未殯埋而盜屍柩。屍在柩未殯  
 或在殯未埋。者杖九  
 十。徒二年半。開棺槨見屍者亦絞。其盜取器物輒  
 石者計贓准凡盜論。○若卑幼發五服尊長墳冢  
 者同凡人論。開棺槨見屍者斬。監候若棄屍賣墳地  
 者罪亦如之。買地人牙保知情者各杖八十。追價  
 入官。若尊長發五服卑幼墳冢開棺槨見屍者總  
 麻杖一百徒三年。小功以上各遞減一等。祖父母  
 父母。發子孫墳冢開棺槨見屍者杖八十。其有故而依  
 禮遷葬者尊長俱不坐。○若殘毀他人死屍及棄  
 屍水中者各杖一百流三千里。謂死屍在家或在  
 野未殯葬將屍焚  
 燒殘毀之類若已殯葬者自依  
 發冢開棺槨見屍律從重論。若毀棄總麻以上

尊長未死屍者斬。監候棄他人及而不失屍其及但  
 髡髮若傷者各減一等。凡人減流一等。○毀  
 卑幼減斬一等。○棄總麻  
 以上卑幼死各依凡人服制遞減一等。毀棄子  
 孫死屍者杖八十。其子孫毀棄祖父母父母及奴  
 婢雇工人毀棄家長死屍者不論殘斬。監候律不  
 棄夫屍有犯依總麻。失與否斬。○若於他人墳墓為熏狐狸  
 因而燒棺槨者杖八十。徒二年。燒屍者杖一百徒  
 三年。若子孫於祖父母父母及奴婢雇工人於家  
 長墳墓熏狐狸者杖一百。燒棺槨者杖一百。徒三  
 年。燒屍者絞。監候○平治他人墳墓為田園者雖未  
 見棺  
 槨杖一百。仍令於有主墳地內盜葬者杖八十。勒  
 限移葬。○若地界內有死人里長地鄰不申報官  
 司檢驗而輒移他處及埋藏者杖八十。以致失屍  
 者首杖一百。殘毀及棄屍水中者首杖六十。徒一  
 年。殘棄之人  
 仍坐流罪。○例凡指稱早魃創墳毀屍為首者  
 絞監候。為從幫同創毀者改發近邊充軍。其僅止  
 聽從同行並未動手者杖一百。徒三年。○凡愚民  
 惑於風水擅稱洗筋檢筋名色將已葬父母及五



服以內尊長骸骨發掘檢視。占驗吉凶者均照服制。以毀棄坐罪幫同洗檢之人。俱以為從論。地保扶同隱匿杖一百。若有故而以禮遷葬。仍照律勿論。○貪人吉壤將遠年之墳盜發者。子孫告發。審有確據將盜發之人。擬絞監候。如非其子孫。又非實有確據之前人古冢。但因有土墩。見人埋葬。輒稱伊遠祖墳墓。勾引匪類。夥告夥證。陷害無辜。審明將為首者杖一百。流三千里。為從各照誣告為從律科斷。○凡盜葬之人。如因盜葬後。被地主發掘棄毀。無論所葬係尊長及卑幼屍柩。杖一百。流三千里。如於有主墳地。及切近墳旁盜葬。尚無侵犯。致被地主發掘等情者。杖一百。徒三年。若止於田園山場內盜葬者。杖九十。徒二年半。仍勒限一月。押令犯屬遷移。逾限不遷。即將犯屬枷示。候遷移日釋放。其唆令盜葬之地師訟師。與本犯一體治罪。○夜無故入人家律。凡夜無故入人家內者。杖八十。家主登時殺死者勿論。其已就拘執。而擅殺傷者。減鬪殺傷罪二等。至死者杖一百。徒三年。

吾學錄初編卷二十二 律例三

吾學錄初編卷二十二 律例三

○盜賊窩主律。凡強盜窩主造意身雖不同。行但分賊者斬。若行則不問分賊不分賊。不分首從。皆斬。若不知盜情。只是暫時停歇者。止問不若不同。行又不分賊者。杖一百。流三千里。其謀其窩主不會造謀。但與賊人共知謀情者。行而不分賊。及分賊而不行。皆斬。若不行。又不分賊者。杖一百。○竊盜窩主造意身雖不行。但分賊者為首論。若不行。又不分賊者。為從論。減一等。○若知強竊盜賊。而故買者。計所買物。坐贓論。知而寄藏者。減買一等。各罪止杖一百。○例。凡強盜窩主之鄰佑。知而不首者。杖一

吾學錄初編卷二十二終

舉 人黃本驥編次  
戶部郎中陳傳均 同校  
詹事府主簿吳彌光 同校

吾學錄初編卷二十三

遷由夏秦命諸葛亮高都督漢軍益州漢軍諸葛亮吳榮光恭述

律例門四

刑律二 人命 ○ 鬪毆 ○ 罵詈

人命 ○ 謀殺人律 凡謀或謀諸心殺人造意者斬

監候從而加功者絞監不加功者杖一百流三千里

殺訖乃坐若未曾殺訖而邂逅身死 ○ 若傷而不

死造意者絞監從而加功者杖一百流三千里不

加功者杖一百徒三年 ○ 若謀而已行未曾傷人

吾學錄初編卷二十三 律例四

者造意為首者杖一百徒三年為從者同謀各杖一百

但同謀者雖不同行皆坐 ○ 謀殺祖父母父母律 凡謀

殺祖父母父母及期親尊長外祖父母夫之祖父

母父母已行不問已傷未傷者預謀之子孫皆斬已殺者

皆凌遲處死謀殺總麻以上尊長已行者杖一

百流三千里為從杖一百徒三年已傷者首絞為從加功不

論已殺者皆斬首從 ○ 其尊長謀殺本宗及卑幼

已行者各依故殺罪減二等已傷者減一等已殺

者依故殺法謂各依鬪毆條內尊長故殺卑幼 ○

若奴婢及雇工人謀殺家長及家長之期親外祖

父母若總麻以上親者兼尊卑言統主人罪與子

孫同謂與子孫謀殺祖父母父母及期親尊長外

相毆 ○ 例凡尊長故殺卑幼案內如有與人通姦

因媳礙眼抑令同陷邪淫不從商謀致死滅口者

俱照平人謀殺之律分別首從擬以斬絞監候 ○

凡子孫謀殺祖父母父母案內如有旁人同謀助

逆加功者擬絞立決 ○ 殺死姦夫律 凡妻妾與人

通姦而本於姦所親獲姦夫姦婦登時殺死者勿

吾學錄初編卷二十三 律例四

論若止殺死姦夫者姦婦依和律斷罪當官嫁賣

身價入官 ○ 其妻妾因姦同謀殺死親夫者凌遲

處死姦夫斬監若姦夫自殺其夫者姦婦雖不知

情絞監 ○ 例本夫姦所獲姦登時將姦婦殺死姦

夫當時脫逃後被拿獲到官審明姦情是實姦夫

供認不諱者將姦夫擬絞監候本夫杖八十 ○ 殺

一家三命律 凡殺謂謀殺故殺放一家謂同居雖

人皆是或不同居果係非實死罪三人及支解活

人者但一人即坐雖有罪亦坐不凌遲處死財產

斷付死者之家。妻子不言女不在流二千里。為從

加者斬。財產妻子不在○採生折割人律。凡採生

折割人者。兼已殺及凌遲處死。財產斷付死者之

家。妻子及同居家口。雖不知情。並流二千里。安置

採生折割人。是一事。謂取生人耳目臟腑之類。而

折割其肢體也。此與支解事同。但支解者。止欲殺

其人而已。此則殺人而為。為從功者斬。不在斷付

妖術以惑人。故又特重之。若已行而未會傷人者。首

依謀殺人律減等。若已行而未會傷人者。首亦

斬。妻子流二千里。財產及同居家口不在為從功者

杖一百。流三千里。亦不加功者里長知而不舉者。杖

一百。告獲者。官給賞銀二十兩。○造畜蠱毒殺人

律。凡置造畜蠱毒。堪以殺人。及教令人造者。並

斬。不必用○造畜者。未問已。財產入官。妻子及同

居家口。雖不知情。並流二千里。安置。教令者之財

在此。若里長知而不舉者。各杖一百。告獲者。官給

賞銀二十兩。○若造魘魅符書咒詛。欲以殺人者。

各以謀殺。未傷論因而致死者。各依本謀殺法。欲

止令人疾苦。無殺心者。滅行未傷。二等。其子孫於

祖父母父母。不言妻妾於夫之祖父奴婢雇工人

於家長者。各不減。仍以謀殺○若用毒藥殺人者。

斬。依謀殺已傷律絞。買而未用者。杖一百。徒三年。

知情賣藥者。與人同罪。至死○例諸色鋪戶人等

貨賣砒霜信石。若不究明來歷。但貪利混賣。致成

人命者。雖不知情。亦杖八十。○鬪毆及故殺人律

凡鬪毆殺人者。不問手足他物金刃。並絞。監○故

殺者。斬。監○若同謀共毆人。因而致死者。以致命

傷為重。下手致命者。絞。監原謀者。毆與否。杖一百。

流三千里。餘人。不會下手致各杖一百。各兼人數

吾學錄初編 卷二十三 律例四 四

之輕。○例文武生員鄉紳。及一切土豪勢惡。無賴

棍徒。如有倚仗衣頂。及勢力。武斷鄉曲。或憑空詐

賴。逞兇橫行。欺壓平民。其人不與爭。旁人不敢

勸阻。將人毆打至死者。擬斬監候。○凡兇徒好鬪

生事。見他人鬪毆。與己毫無干涉。輒敢約夥尋釁

遷怒於其父母。毒毆致斃者。照光棍例。分別首從

治罪。其本身與人鬪毆之後。仍尋毆報復。而遷怒

於其父母。毒毆致斃者。擬斬監候。○屏去人服食

律。凡以他物。一應能傷置人耳鼻及孔竅中。若故

屏去人服用飲食之物而傷人者不問傷之輕重杖八十。  
謂寒月脫去人衣服飢渴之人絕其飲食登高乘馬私去梯轡之類致成殘廢疾者

杖一百徒三年令至篤疾者杖一百流三千里將犯人財產一半給付篤疾之人養贍至死者絞候

○戲殺誤殺過失殺傷人律凡因戲以堪殺人之事為戲如比較拳棒而殺傷人及因鬪毆而誤殺傷旁人者各

以鬪殺傷論死者並絞傷者驗輕重坐罪其謀殺故殺人而誤殺旁人者以故殺論傷仍以鬪毆論○若知津河水深泥淖而詐稱平淺及橋梁渡船朽漏不堪渡

吾學錄初編卷二十三 律例四 五

人而詐稱牢固誑令人過渡以致陷溺死傷者戲與殺相亦以鬪殺傷論○若過失殺傷人者較戲殺

各准鬪殺傷罪依律收贖給付其傷之家過失謂不及思慮所不到如彈射禽獸因事投擲瓦石或期而殺人者或因升高險足有蹉跌累及同伴或

駕船使風乘馬驚走馳車下坡勢不能止或共舉重物力不能制損及同舉物者凡初無害人之意而偶致殺傷人者皆准鬪毆殺傷人罪依律收贖贖給付被殺被傷之家以為營葬及醫藥之資○

夫毆死有罪妻妾律凡妻妾因毆罵夫之祖父母父母而夫不告擅殺死者杖一百祖父母父母親告乃坐○

若夫毆罵妻妾因而白盡身死者勿論若祖父母已亡

或妻有他罪不至死而夫擅殺仍絞○殺子孫及奴婢圖賴人律凡

祖父母父母故殺子孫及家長故殺奴婢圖賴人者杖七十徒一年半○若子孫將已死祖父母父

母奴婢雇工人將家長身屍未葬圖賴人者杖一百徒三年將期親尊長杖八十徒二年將大功小功

總麻各遞減一等○若尊長將已死卑幼及他人身屍圖賴人者杖八十以上俱指未告官言○例無賴兇棍

遇有自盡之案冒認屍親混行吵鬧毆打或將棺材攔阻打壞擡去屍首勒指行詐者均杖一百枷

吾學錄初編卷二十三 律例四 六

號兩箇月○弓箭傷人律凡無故向城市及有人居止宅舍放彈射箭投擲石者雖不傷人笞四十傷

人者減凡鬪傷一等因而致死者杖一百流三千里○車馬殺傷人律凡無故於街市鎮店馳驟車

馬因而傷人者減凡鬪傷一等致死者杖一百流三千里若無於鄉村無人曠野地內馳驟因而傷人者勿論致死者杖一百以上所犯並追埋葬銀一十

兩○若因公務急速而馳驟殺傷人者以過失論依律收贖○庸醫殺傷人律凡庸醫為人用藥鍼

給付具家○

刺誤不如本方因而致死者責令別醫辨驗藥餌  
穴道如無故害之情者以過失殺人論依律收贖給付其家

不許行醫○若故違本方以詐心療人疾病而增

危重乘取財物者計贓准竊盜論因而致死及因

謀私有所故用之反症藥殺人者斬監候○例凡端公

道士及一切人等作為異端法術如圖光畫符等類醫人

致死者照鬪殺律擬絞監候未致死者杖一百流

三千里為從各減一等○窩弓殺傷人律凡打捕

戶於深山曠野猛獸往來去處穿作阡穽及安置

吾學錄初編卷二十三 律例四 七

窩弓不立望竿及抹眉小索者雖未傷人亦笞四十以

致傷人者減鬪毆傷二等因而致死者杖一百徒

三年追徵埋葬銀一十兩○威逼人致死律凡因

事戶婚田土威逼人致自盡死者審犯人必有杖一

百若官吏公使人等非因公務而威逼平民致死

者罪同以上並追埋葬銀一十兩給付死家○若幼

因事逼迫期親尊長致死者絞監候大功以下遞減

一等○若因行姦為盜而威逼人致死者斬監候○

姦不論已成與未成盜○尊長為人殺私和律凡

祖父母父母及夫若家長為人所殺而子孫妻妾

奴婢雇工人私和者杖一百徒三年期親尊長被

殺而卑幼私和者杖八十徒二年大功以下各遞

減一等其卑幼被殺而尊長私和者各制依服減卑

幼一等若妻妾子孫及子孫之婦奴婢雇工人被

殺而祖父母父母夫家長私和者杖八十受財者

計贓准竊盜論從重科斷○常人為他私和人命

者杖六十受財准枉法論○同行知有謀害律凡知同伴

人欲行謀害他人不即阻當救護及被害之後不

首告者杖一百

鬪毆○鬪毆律凡鬪毆與人以手足毆人不成傷

者笞二十但毆成傷及以他物毆人不成傷者笞

三十他物成傷者笞四十所毆之青赤而腫者為

傷非手足者其餘執所皆為他物即兵不用刃持其

以毆人亦是物他拔髮方寸以上笞五十若人血從耳

目中出及內損其臟而吐血者杖八十若止皮破血

成傷論以以穢物污人頭面者情重罪亦如之○

折人一齒及手足一指眇人一目尚能小視抉毀

吾學錄初編卷二十三 律例四 八

人耳鼻若破人骨及用湯火銅鐵汁傷人者杖一百以穢物灌入人口鼻內者罪亦如之折二齒二指以上及盡髮去髮者杖六十徒一年○折人肋眇人兩目墮人胎及刃傷人者杖八十徒二年○折跌人肢手足體項及瞎人一目者皆成廢疾杖一百徒三年○瞎人兩目折人兩肢損人二事以上如瞎一目又折一肢之類及因舊患令至篤疾若斷人舌令人全不能說話及毀敗人陰陽者以至不能生育並杖一百流三千里仍將犯人財產一半斷付被傷篤疾之人養贍○**吾學錄初編卷二十三 律例四 九**

**本管長官律**部民毆本屬知府知州知縣軍士毆本管官若吏卒毆本部五品以上長官杖一百徒三年傷者杖一百流二千里折傷者絞監候若吏卒毆六品以下長官各折傷而言及減五品以上三等軍卒毆佐貳官首領官又各遞減一等篤疾者絞監候死者不問長官佐貳首領並斬監候軍民吏卒毆非本管三品以上官者杖八十徒二年傷者杖一百徒三年折傷者杖一百流二千里毆傷非本管五品以上官者減三品以二等若減罪輕於凡及毆傷九品以上

**至六 官者各加凡鬪傷二等**○拒毆追攝人律凡官司差人屬下所追徵錢糧勾攝公事而納戶及應辦公事人抗拒不服及毆所差人者杖八十若傷重至內損吐血以上及所毆差人或係親屬尊長本犯罪重於凡人者各於本犯應得加二等罪止杖一百流三千里至篤疾者絞監候死者斬此為納戶及應辦公事者而言若稅糧違限公事違錯○**毆受業師律**凡毆受業師者加凡人二等死者斬凡者非徒指別業則不在內儒師終身如一其餘學未成或易○**威**

**力制縛人律**凡兩相爭論事理其曲聽經官陳告決若豪強以威力挾制縛人及於私家拷打監禁者不問有無傷並杖八十傷重至內損吐血以上各其加凡鬪傷二等因而致死者絞監候若以威力使他人毆打而致死傷者並以主使之人為首下手之人為從論減使主一等○**例**凡地方紳衿私置板棍擅責佃戶者照違制律議處衿監革去衣頂杖八十照例准其納贖如將佃戶婦女強占為婢妾者絞監候如無姦情照畧

賣良人爲妻妾律杖一百徒三年婦女給親完聚  
 至有奸頑佃戶拖欠租課欺慢田主者杖八十所  
 欠之租照數追給田主○良賤相毆律凡奴婢毆  
 良人或毆或傷者加凡人一等至篤疾者絞監候死  
 者斬監候其良人毆傷他人奴婢或毆或傷或折傷者減  
 凡人一等若死及故殺者絞監候○若毆外總麻小  
 功親之奴婢非折傷勿論折傷以上至篤疾者各減殺  
 傷凡人奴婢罪二等大功親之減三等至死者問  
 總麻小功杖一百徒三年故殺者絞監候過失殺者各  
 吾學錄初編卷二十三律例四  
 勿論○若毆外總麻小功親之雇工人非折傷勿  
 論折傷以上至篤疾者各減凡人罪一等大功親之雇  
 減二等至死及故殺者不問總麻小功大功並絞過失殺  
 者各勿論雇傭傭工之人與有罪緣坐爲奴婢者  
 屬親疎論不言毆期親雇工人者下條有家長之  
 期親若外祖父母毆雇工人律也若他人雇工人者  
 當以○奴婢毆家長律凡奴婢毆家長者有傷無  
 凡論○奴婢毆家長律凡奴婢毆家長者有傷無  
 之奴婢不皆斬殺者故殺毆殺預毆之皆凌遲處  
 分首從死過失殺者絞過失傷者杖一百流三千里不  
 若奴婢毆家長之卑期親及外祖父母者即無絞

監候爲從傷者預毆之奴婢不皆斬監候過失殺者  
 減一等傷者問首從重輕皆斬監候過失殺者  
 減毆罪二等過失傷者又減一等故殺者預毆之皆  
 凌遲處死毆家長之總麻親兼內外尊卑但杖六  
 十徒一年小功杖七十徒一年半大功杖八十徒  
 二年折傷以上總麻加毆良人罪一等小功加二  
 等大功加三等加者加入於死但絞不斬一毆死  
 者預毆皆斬故殺亦皆○若雇工人毆家長及家  
 長期親若外祖父母者即無杖一百徒三年傷者  
 重輕杖一百流三千里折傷者絞監候死者斬毆家  
 吾學錄初編卷二十三律例四  
 各減本殺傷罪二等毆家長之總麻親杖八十小  
 功杖九十大功杖一百傷重至內損吐血以上總  
 麻小功加凡人罪一等大功加二等罪止杖一百  
 死者各斬監候○若奴婢有罪或姦或盜凡違其家  
 長及家長之期親若外祖父母不告官司而私毆  
 殺者杖一百無罪而毆殺或故者杖六十徒一年  
 當房人口指奴婢之悉放從良○若家長及家長  
 之期親若外祖父母毆雇工人不分有非折傷勿

論至折傷以上減凡人折罪三等因而致死者杖

一百徒三年故殺者絞監候○若奴婢雇違犯家期

親外祖教令而依法杖去處決罰邂逅致死及

過失殺者各勿論○妻妾毆夫律凡妻毆夫者但

即杖一百夫願離者聽須夫自至折傷以上各驗

傷之加凡鬪傷三等至篤疾者絞決死者斬決故

殺者凌遲處死兼魘魅蠱○若妾毆夫及正妻者

又各加妻毆一等加者加入於死但絞不斬於家

監候若篤疾者死者故○其夫毆妻非折傷勿論

吾學錄初編卷二十三 律例四 圭

至折傷以上減凡人二等須妻自夫婦如願離異

者斷罪離異不願離異者所傷應罪收贖仍聽

至死者絞監候故毆傷妾至折傷以上減毆傷妻

二等至死者杖一百徒三年妻毆傷妾與夫毆妻

罪同亦須妾過失殺者各勿論蓋謂其一則分尊

矜也須得過失實情不實仍各坐本律○夫過失

殺其妻妾及正妻過失殺其妾者各勿論若妻妾

過失殺其夫妾過失殺正妻用比○若毆妻之父

母者但毆杖六十徒一年折傷以上各加凡鬪傷

罪二等至篤疾者絞監候死者斬監候故殺○同姓

親屬相毆律凡同姓親屬相毆雖五服已盡而尊

卑名分猶存者尊長紀卑減凡鬪一等卑幼犯尊

加一等不如至死者無論尊並以凡人論鬪毆者

者○毆大功以下尊長律凡卑幼毆本宗及外姻

總麻兄姊但毆杖一百小功兄姊杖六十徒一年

大功兄姊杖七十徒一年半尊屬又加一等折傷

以上各遞加凡鬪傷一等罪止杖一百篤疾者絞

死者斬若外姻尊長毆卑幼非折傷勿論至折

傷以上總麻卑幼減凡人一等小功卑幼減二等大功

吾學錄初編卷二十三 律例四 圭

卑減三等至死者絞監候其毆殺同堂大功弟妹小堂

姪及總姪孫者杖一百流三千里仍給付財產故

殺者絞監候○毆期親尊長律凡弟妹毆胞兄姊者

杖九十徒二年半傷者杖一百徒三年折傷者杖

一百流三千里刃傷不論及折肢若瞎其一目者

絞以上各依死者不分皆斬若姪毆伯叔父母姑

是期親及外孫毆外祖父母服雖小功其恩各加

尊屬尊屬一等加者不至於至死者亦皆斬其過失殺

傷者各減本殺傷兄姊及伯叔父母罪二等不在收



故殺者皆不分首從凌遲處死其期期兄姊毆殺弟妹及

伯叔姑毆殺姪并姪孫若外祖父母毆殺外孫者

杖一百徒三年故殺者杖一百流二千里折傷以

下過失殺者各勿論○毆祖父母父母律凡子孫

毆祖父母父母及妻妾毆夫之祖父母父母者皆

斬殺者皆凌遲處死其為從有服屬不同者○其

子孫違犯教令而祖父母父母不依法非理毆殺

者杖一百故殺者無違犯教杖六十徒一年嫡繼

慈養母殺者終與親母有各加一等致令絕嗣者

吾學錄初編卷二十三 律例四 五

毆殺監候若祖父母父母非理毆子孫之婦此婦

養者及乞養異姓子孫折傷以致令廢疾者杖八

十篤疾者加一等乞養子孫並令歸宗子孫之

婦篤疾追還初嫁仍給養贍銀一十兩乞養子

孫篤疾撥付合得分財產養贍不在給財產一半

量照子孫至死者各杖一百徒三年故殺者各杖

一百流二千里其非理毆妾各減罪二等不在

追給嫁粧○其子孫毆罵祖父母父母及妻妾毆

罵夫之祖父母父母而祖父母父母因其有罪毆殺

之若違犯教令而依法決罰邂逅致死及過失殺

者各勿論○妻妾與夫親屬相毆律凡妻妾毆夫

之期親以下總麻以上外宗尊長與夫毆同罪至

死者各斬監候○若妻毆傷卑屬與夫毆同至死者

絞監候若毆殺夫之兄弟子杖一百流三千里不得

擬故殺者絞監候不得同夫擬流妾犯者各從凡鬪法○若

總麻以上尊長毆傷卑幼之婦減凡人一等妾又

減一等至死者不拘絞監候○若弟妹毆兄之

妻加毆凡人一等妻者與夫毆同○若兄姊毆

吾學錄初編卷二十三 律例四 共

弟之妻及妻毆夫之弟妹及夫弟之妻各減凡人

一等若毆妾者各又減毆一等不言妻毆夫兄之

不言弟妹毆兄之妾及毆大功○其毆姊妹之夫

以下兄弟妻妾者皆以凡論○其毆姊妹之夫

妻之兄弟及妻毆夫之姊妹夫者有親無服以凡

鬪論若妾犯者各加夫毆一等加不至○若妾毆

夫之妾子減凡人二等於其近毆妻之子以凡人

論所以別妻之若妻之子毆傷父妾加凡人一等

父也所以尊妾子毆傷父妾又加二等為其近於母也

不加至於絞至死者各依凡人論此通承本節弟妹毆

死者殺。故○父祖被毆律凡祖父母父母為人所殺者斬。少遲即以救護而還毆行兇之人非折傷

毆子孫即時論救護而還毆雖篤疾亦得減流勿論至折傷以上減凡鬪三等三千里為徒二年

至死者依常律○例祖父母父母為人所殺兇犯

當時脫逃未經到官後被死者子孫撞遇殺死者

杖一百其兇犯雖經到官擬抵或於遇

赦減等發配後輒敢潛逃回籍致被死者子孫撞殺者

杖一百流三千里若本犯擬抵後援例減等問擬

軍流遇

吾學錄初編卷二十三律例四

七

赦釋回者

國法已伸不當為讎如有子孫仍敢復讎殺害者仍

照謀故殺本律定擬入於緩決永遠監禁

罵詈○罵人律凡罵人者笞一十互相罵者各笞

一十○罵本管長官律凡部民罵本屬知府知州

知縣軍士罵本管官若吏卒罵本部五品以上長

官杖一百若吏卒罵六品以下長官各指六品至

杖一減三等軍民本屬本管佐貳官首領官又

百上減三等吏卒本部之各遞減一等並親聞乃坐○奴婢罵家長律凡奴

婢罵家長者絞監候罵家長之期親及外祖父母者

杖八十徒二年大功杖八十小功杖七十總麻杖

六十若雇工人罵家長者杖八十徒二年罵家長

期親及外祖父母杖一百大功杖六十小功笞五

十總麻笞四十並親告乃坐以分相臨恐有讒詞

相與或有容隱之意故須親告○罵尊長律凡罵外總麻兄弟笞

五十小功兄弟杖六十大功兄弟杖七十尊屬兼

麻小功各減一等若罵同胞兄弟者杖一百伯叔

父母姑外祖父母各加罵兄一等並須親告乃坐

吾學錄初編卷二十三律例四

六

弟罵兄妻比照毆律加凡人一等○罵祖父母父母律凡罵祖父

母父母及妻妾罵夫之祖父母父母者並絞須親

告乃坐○妻妾罵夫期親尊長律凡妻妾罵夫之

期親以下總麻以上內尊長與夫罵罪同妾罵夫

者杖八十妾罵妻者罪亦如之若罵妻之父母者

杖六十並須親告乃坐律無妻罵夫之條者以

舉 人黃本驥編次

吾學錄初編卷二十三終 詹事府詹事吳彌光 同校

吾學錄初編卷二十四

舉由奏表... 吳榮光恭述

律例門五

刑律三 訴訟 ○ 受贓 ○ 詐偽 ○ 犯姦 ○ 雜犯 ○ 捕

訴訟 ○ 越訴律 凡軍民詞訟皆須自下而上陳告

若越本管官司輒赴上司稱訴者亦即實 笞五十 ○

例軍民人等遇有冤抑之事應先赴州縣衙門具

控如審斷不公再赴該管上司呈明若再有屈抑

方准來京呈訴如未經在本籍地方及該上司先

吾學錄初編卷二十四 律例五

行具控或見在審辦未經結案遽行來京控告者

交刑部訊明先治以越訴之罪 ○ 投匿名文書告

人罪律 凡投 貼 隱匿 已 姓名文書告言人罪者絞

監候雖 見者即便燒燬若不燒 將送入官司者杖

八十官司受而為理者杖一百被告言者指實不

坐若 投於方 能連 人文書捉獲解官者官給銀一十

兩充賞 指告者勿論若詭寫他人姓名詞帖許人

囑鋪兵遞送詐以他人姓名註附木牌進入

府不銷名字陷人得罪者皆絞其或係泛常罵罵

之語及雖有匿名文書尚 ○ 例凡兇惡之徒不知

無投官確據者不坐此律

國家事務捏造悖謬言詞投貼匿名揭帖者將投貼

之人擬絞立決知而不首者杖一百流三千里旁

人出首者授以官職奴僕出首者開戶 ○ 誣告律

凡誣告人笞罪者加所誣罪二等流徒杖罪已決

配未加所誣罪三等各罪止杖一百流三千里不

決配入於 若所誣徒罪人已役流罪人已配雖經改正

放回須驗其被逮 日於犯人名下追徵用過路費

給還 被誣之人若曾經典賣田宅者著落犯人備價取

贖因而致死隨行有服親屬一人者絞 監候除償

吾學錄初編卷二十四 律例五

仍將犯人財產一半斷付被誣之人至死罪所誣

之人已決者 絞斬 反坐 仍令備償取 未決者杖一

百流三千里 就於 加徒役三年 ○ 若獄囚已招伏

罪本無冤枉而囚之親屬妄訴者減囚罪三等罪

止杖一百若囚已 招伏 笞 決 徒 流 配 而自妄訴冤

枉 撫拾原問官吏 過失 而 者加所誣罪三等罪止

杖一百流三千里 ○ 例有首舉詩文書札悖逆者

若祇是字句失檢涉於疑似並無確實悖逆形跡

者將舉首之人即以所誣之罪依律反坐 ○ 干名

犯義律凡子孫告祖父母父母妻妾告夫及告夫  
之祖父母父母者雖得實亦杖一百徒三年同自首者  
免但誣告者不必全誣但絞若告期親尊長外祖  
父母及妾告妻者雖得實杖一百告大功亦杖九十  
告小功得實亦杖八十告總麻得實亦杖七十其被告  
期親大功尊長及外祖父母若妻之父母及夫之正妻  
並同自首免罪小功總麻尊長得減本罪三等若  
誣告罪重於干犯本罪者各加所誣罪三等○其告長  
謀反大逆謀叛窩藏姦細及嫡母繼母慈母所生  
母殺其父若所養父母殺其所生父母及被期親  
以下尊長侵奪財產或毆傷其身據實應自理訴者  
並聽卑幼陳告不在干名犯義之限○若告卑幼得  
實期親大功及女婿亦同自首免罪小功總麻亦  
得減本罪三等誣告者期親減所誣罪三等大功  
減二等小功總麻減一等若夫誣告妻及妻誣告  
妾亦減所誣罪三等○若奴僕告家長及家長總  
麻以上親者與子孫卑幼同罪若雇工人告家長  
及家長之親者各減奴婢罪一等誣告者不減○

吾學錄初編

卷二十四

律例五

三

若女婿與妻父母果有義絕之狀許相告言各依  
常人論義絕之狀謂如身在遠方妻父母將妻改嫁或趕逐在外重別招婿及容止外人通姦又如女婿毆妻至折傷抑妻通姦有妻詐稱無妻欺妄更娶妻以妻為妾受財將妻妾典雇妄作姊妹嫁○子孫違犯教令律凡子孫違犯祖父母  
父母教令及奉養有缺者杖一百謂教令可從而而故缺者須祖父母告乃坐○例子貧不能營生養贍父母  
因致父母自縊死者杖一百流三千里○凡子孫  
有犯姦盜祖父母父母並未縱容因伊子孫身犯  
邪淫憂忿戕生或被毆死及謀故殺害者均擬  
絞立決如祖父母父母縱容袒護後經發覺畏罪  
自盡者將犯姦盜之子孫發雲貴兩廣極邊烟瘴  
充軍被人毆死或謀故殺害者將犯姦盜之子孫  
擬絞監候如祖父母父母教令子孫犯姦盜盜後  
因發覺畏罪自盡者將犯姦盜之子孫杖一百徒  
三年被人毆死或謀故殺害者將犯姦盜之子孫  
杖一百流三千里若子孫罪犯應死及謀故殺人  
事情敗露致祖父母父母自盡者即照各本犯罪  
名擬以立決子孫之婦有犯悉與子孫同科○教

吾學錄初編

卷二十四

律例五

四

唆詞訟律凡教唆詞訟及為人作詞狀增減情罪  
 誣告人者與犯人同罪至死者減一等若受雇誣告人者  
 與自誣告同至死者減一等受財者計贓以枉法從重論  
 ○例坊肆所刊訟師秘本如驚天雷相角法家新  
 書刑臺秦鏡等一切構訟之書盡行查禁銷毀不  
 許售賣有仍行撰造刻印者杖一百流三千里將  
 舊書復行印刻及販賣者杖一百徒三年買者杖  
 一百藏匿舊板不行銷毀減印刻一等治罪藏匿  
 其書照違

吾學錄初編卷二十四 律例四 五  
 制律治罪

受贓○有事以財請求律凡諸人有事以財行求  
 官吏得枉法者計所與財坐贓論若有避難就易  
 欲法之所枉罪法之重財於與者從重論其贓  
 詐偽○詐偽

制書律凡詐為原  
 制書及增減原者已施行不皆斬監未施行者首絞  
為從者傳寫失錯者首杖一百○詐為六  
 部都察院將軍督撫提鎮守禦緊要隘口衙門文

書套畫押字盜用印信及將空紙用印者必盜用  
 皆絞監首監減不分首從未施行者為○為察院布政  
 司按察司府州縣衙門印信者首杖一百流三千  
 里其餘衙門文書者首杖一百徒三年為從者  
 未施行者各首減不分首從若規避事重於前者  
 從重論○詐傳

詔旨律凡詐傳  
 詔旨自內者首斬監為從者杖○若詐傳一品二品  
 衙門官言語於各屬衙門分付公事自有所規避

吾學錄初編卷二十四 律例五 六

者首杖一百徒三年三品四品衙門官言語有所  
 者首杖一百五品以下衙門官言語者杖八十為  
 從者各減一等○偽造印信律凡偽造諸衙門印  
 信起船符驗茶鹽引者為首斬監為從者杖  
 能告捕者官給賞銀五十兩偽造關防印記者首  
 杖一百徒三年告捕者官給賞銀三十兩為從及  
 知情行用者各減一等各字承上若造而未成者  
 從各又減一等○鑄印所重者文若有篆文雖非銅  
 肖而篆文俱全者謂之偽造惟有其質而文不全  
 者方謂之造而未成至於全無形質而惟描之於

紙者乃謂之描摸也。○私鑄銅錢律凡私鑄銅錢者絞候監匠

人同罪為從及知情買使者各減一等告捕者官

給賞銀五十兩里長知而不首者杖一百○若將

時用銅錢翦錯薄小取銅以求利者杖一百○若

以銅鐵偽造金銀者杖一百徒三年為從及知情

買使者各減一等金銀成色不足非係假造不用此律○詐假官律

凡偽造詐為假官及為偽劄或將有假與人官者

斬監候其知情受假官者杖一百流三千里須有劄

方○若無官而不曾假造詐稱有官有所求為或

吾學錄初編卷二十四律例五 七

詐稱官司差遣而捕人及詐冒見官員姓名有所

者杖一百徒三年以上三項總重有所求為若詐稱見任官子

孫弟姪家人總領於按臨部內有所求為者杖一

百為從者各減一等若得財者並計贓各主者以

准竊盜從重論贓輕以詐科罪○例假冒頂帶自稱職官

止圖鄉里光榮無所求為亦無憑劄者杖六十徒

一年假冒生監頂帶者杖一百○詐病死傷避事

律凡官吏人等詐稱疾病臨事避難如難解之錢

賊之者答四十如所事重者杖八十○若犯罪待

對故自傷殘者杖一百詐死者杖一百徒三年殘傷

以求免拷訊詐死若無避罪之情但以故自傷殘者

杖八十其受雇倩為人傷殘者與犯人同罪○詐

教誘人犯法律凡諸人設計用言教誘人犯法及

和同共事故誘令人犯法却自行捕告或令人捕告欲

求賞給或欲陷害人得罪者皆與犯法之人同罪

罪止○例游手好閒不務本業之流自號教師演

弄拳棒教人及投師學習並輪叉舞棍遍遊街市

射利惑民者杖一百流三千里隨同學習者杖一

吾學錄初編卷二十四律例五 八

百徒三年容留不報地保人等杖八十

犯姦○犯姦律凡和姦杖八十有夫者杖九十刁

姦者無夫杖一百○強姦者絞未成者杖一百

流三千里凡問強姦須有強暴之狀婦女不能掙

裂衣服之屬方坐絞罪若以強合以和成猶非強

也如見婦人與人通姦見者因而用強姦之已係

犯姦之婦難以強論依刁姦律○姦幼女十二歲以下者雖和同

強論○其和姦刁姦者男女同罪姦生男女責付

姦夫收養姦婦從夫嫁賣其夫願留者聽若嫁賣

與姦夫者姦夫本夫各杖八十婦人離異歸宗財

物入官。○若媒合容止人在通姦者各減犯人和

罪一等。○如人犯姦已露而代私和姦事者各減和刃二等

○其非姦所捕獲及指姦者勿論若姦婦有孕姦

雖有據而姦夫則無憑罪坐本婦。○例惡徒夥眾將良人子

弟搶去強行雞姦者無論曾否殺人為首者擬斬

立決為從若同姦者俱擬絞監候餘犯發雲貴兩

廣煙瘴地方充軍其雖未夥眾因姦將良人子弟

殺死及將未至十歲之幼童誘去強行雞姦者亦

斬決如強姦十二歲以下十歲以上幼童者擬斬

吾學錄初編卷二十四律例五 九

監候和姦者擬絞監候若止一人強行雞姦並未

傷人擬絞監候如傷人未死擬斬監候其強姦未

成者杖一百流三千里如和同雞姦者枷號一月

杖一百儻有指稱雞姦誣害等弊審實依所誣之

罪反坐至死減一等。○輪姦良人婦女已成之案

審實為首擬斬立決為從同姦者擬絞監候同謀

未經同姦餘犯發雲貴兩廣煙瘴地方充軍因而

殺死本婦者首犯擬斬立決梟示為從同姦又幫

同下手者擬斬立決同姦而未下手及下手而未

同姦者均擬絞立決其同謀而並未下手又未同

姦者發回城給伯克回子為奴如致本婦自盡者

首犯擬斬立決為從同姦之犯均擬絞立決同謀

未經同姦餘犯發回城給伯克回子為奴若夥謀

輪姦未成審有實據者為首發雲貴兩廣煙瘴地

方充軍為從杖一百流三千里因而殺死本婦者

首犯擬斬立決為從幫同下手者擬絞立決未經

下手者發回城給伯克回子為奴如致本婦自盡

者首犯擬斬監候為從發回城給伯克回子為奴

吾學錄初編卷二十四律例五 十

○輪姦已經犯姦婦女已成者為首發雲貴兩廣

烟瘴地方充軍為從同姦者杖一百流三千里同

謀未經同姦餘犯杖一百徒三年因而殺死本婦

者首犯擬斬立決下手為從同姦者擬絞立決未

同姦者絞監候同姦而未下手者發回城給伯克

回子為奴並未同姦又未下手者杖一百流三千

里如致本婦自盡者首犯擬絞監候為從同姦者

發回城給伯克回子為奴同謀未經同姦餘犯杖

一百流三千里若輪姦未成首犯杖一百流三千

吾學錄初編卷二一四律例五

里為從杖一百。徒三年。因而殺死本婦者。首犯擬斬監候。為從如係毆殺。幫同下手者。發回城給伯克回子為奴。未經下手者。杖一百。徒三年。如致本婦自盡者。首犯發回城給伯克回子為奴。為從杖一百。徒三年。如婦女犯姦後。已經悔過自新。審有確證者。仍以良人婦女論。○縱容妻妾犯姦律。凡縱容妻妾與人通姦。本夫姦夫姦婦各杖九十。抑勒妻妾及乞養女與人通姦者。本夫姦父各杖一百。姦夫杖八十。婦女並離異歸宗。○若縱容抑勒親女及子孫之婦妾與人通姦者。罪亦如之。○若用財買休賣休。而和娶人妻者。本夫本婦及買休人各杖一百。婦人離異歸宗。財禮入官。若買休人與婦人用計逼勒本夫休棄。買休人及本婦各杖六十。徒一年。婦人餘罪收贖。給付本夫。從其嫁賣。妾減一等。媒合人各減犯人。買休及逼罪一等。○親屬相姦律。凡姦同宗無服之親。及無服親之妻者。各杖一百。強者姦夫斬監候。○姦外總麻以下親。及總麻以上親之妻。若妻前夫之女。同母異父姊妹

吾學錄初編卷二十四律例五

者各杖一百。徒三年。強者夫斬監候。若姦從祖祖母。姑從祖伯叔母。從祖叔姑從父姊妹母之姊妹及兄弟妻兄弟子妻者。姦夫各杖一百。徒三年。強者夫斬監候。○若姦父祖妾伯叔母姑姊妹。若姦妻之親生母。姦夫各杖一百。徒三年。強者夫斬監候。○若姦父祖妾伯叔母姑姊妹。子孫之婦兄弟之女者。姦夫各杖一百。徒三年。強者夫斬監候。○若姦父祖妾伯叔母姑姊妹。前項姦各減妻一等。強者絞。同坐及未成姦。媒合親屬等件。各詳載犯姦律。惟同宗姦。生男女。不得混入宗譜。聽隨便安插。○誣執翁姦律。凡男婦誣執親翁及弟婦誣執夫兄欺姦者。斬監候。○強姦子婦未成。而婦自盡。○義子誣執義父。誣家。○嫂誣執夫弟及總麻以上親。○奴及雇工人姦家長妻律。凡奴及雇工人姦家長妻。女者各斬監候。○若姦家長之期親若期親之妻者。絞。婦女減一等。若姦家長之總麻以上親及總麻以上親之妻者。各杖一百。流二千里。強者斬監候。○妾各減一等。強者亦斬。役使之。俱作雇工人。○居喪犯姦律。凡居父母及夫喪犯姦者。加凡姦罪二等。○良賤相姦律。凡奴姦良人婦女者。加凡姦罪一等。



和刁有夫無夫良人姦他人婢者男婦減凡姦一俱同如強者斬等如強者仍照凡論擬絞監候其強○官吏宿娼

律凡武官吏宿娼者杖六十亦坐此律媒合人減

一等○若官員子孫應襲宿娼者罪亦如之○例

監生生員撒潑嗜酒挾制師長不守監規學規及

挾妓賭博出入官府起滅詞訟說事過錢包攬物

料等項者問發為民各治以應得之罪得贓者計

贓從重論○買良為娼律凡娼優樂人買良人子

女為娼優及娶為妻妾或乞養為子女者杖一百

吾學錄初編卷二十四 律例五 三

知情嫁賣者同罪媒合人減一等財禮入官子女

歸宗

雜犯○拆毀申明亭律凡拆毀申明亭房屋及毀

中亭板榜者杖一百流三千里仍各令○賭博例凡

賭博不分兵民俱枷號兩箇月杖一百偶然會聚

開場窩賭及存留之人抽頭無多者各枷號三箇

月杖一百官員有犯革職枷責不准折贖若旁人

出首或賭博中人出首者自首人免罪仍將到場

財物一半給首人充賞一半入官凡以馬弔混江

賭財物者俱照此例治罪賭飲食者坐不應重律

以上俱拏獲牌骰見發有據者方坐不許妄扳拖

累○凡描畫紙牌照印板造賣之犯減一等治罪

造賣牌骰未成照造賣已成者減一等治罪○凡

壓寶誘賭以及開鸚鵡圈鬪雞坑蟋蟀盆賭鬪者

將開場及同賭之人俱照賭博例治罪○凡民人

造賣紙牌骰子為首者發邊遠充軍為從及販賣

為首者杖一百流二千里販賣為從者杖一百徒

三年如藏匿造賭器具不行銷毀者照販賣為從

吾學錄初編卷二十四 律例五 四

例治罪若於未獲之先本犯自首准其免罪如同

居之父兄伯叔等據實出首本犯亦准免罪地方

保甲知造賣之人不首報者杖一百受財者計贓

准在法從重論罪止杖一百流三千里○失火律

凡失火燒自己房屋者笞四十延燒官民房屋者

笞五十因而致傷人命者不分親杖一百但傷人

致傷罪止坐所失火之人○若於官府公廨及倉

庫內失火者杖八十徒二年主守倉之人因而侵

欺財物者計贓以監守自盜論不分其在外失火

而延燒者各減三等。若主守人因而侵欺財物。不在減等之限。若常人因火而盜取。以常人盜論。如倉庫內失火者。杖八十。徒二年。比倉庫被竊盜。庫子儘其財產。均追陪償之例。

○若於倉庫及倉廩內然火者。誰不火。杖八十。○放火故燒人房屋律。凡放火故燒自己房屋者。杖一

百。若延燒官民房屋。及積聚之物者。杖一百。徒三年。因而盜取財物。斬。監候殺傷人者。以故殺傷論。○

若放火故燒官民房屋。及公廨倉庫。係官積聚之物者。不分首從。皆斬。監候須於放火處捕獲。有顯跡。證明白者。乃坐。其故燒

吾學錄初編 卷二十四 律例五 五

人空閒房屋。及田場積聚之物者。各減一等。○並計所燒之物。減價。儘犯人財產。折到賠償。還官給

主。○搬做雜劇律。凡樂人搬做雜劇戲文。不許粧扮歷代帝王后妃。及先聖先賢。忠臣烈士神像。違

者。杖一百。官民之家。容令粧扮者。與同罪。其神仙道扮。及義夫節婦。孝子順孫。勸人為善者。不在禁

限。○例城市鄉村。如有當街搭臺懸燈。唱演夜戲者。為首之人。杖一百。枷號一箇月。若鄉保人等。有

借端勒索者。照詐索例治罪。捕亡○罪人拒捕律。凡犯罪事發而逃走及犯罪雖不逃走。皆

司差人追拒。不服捕者。各於本罪上。加二等。罪止杖一百。流三千里。本應死者。無所加。毆捕所人。至折傷以上者。殺。監候殺捕所人者。斬。監候為從者。各減一等。○若罪

人持仗拒捕。其捕者格殺之。及在禁或押解囚逃走。捕者逐而殺之。若囚因追窘迫而自殺者。囚不分

應死。不皆勿論。○知情藏匿罪人律。凡知他人犯罪事發。官司差人追喚。而將犯罪藏匿在家。不行

捕告。及指引逃道路。資給逃衣糧。送令隱匿所者。各減罪人所罪一等。其已逃他輾轉相送。而隱藏

吾學錄初編 卷二十四 律例五 夫

罪人。知情轉送者。皆坐減罪人一等。○若知官司追捕

罪人。而漏泄其事。致令罪人得以逃避者。減罪人所罪一等。

斷獄○聞有恩赦而故犯罪。凡聞知將有恩赦。而故犯罪。以以覲者。加常犯一等。其故犯至死者。仍依常律。雖會赦。並不原宥。

工律 營造○河防

營造○織造違禁龍鳳文段。疋律。凡民間織造違

禁龍鳳文紵絲紗羅貨賣者杖一百段疋入官若而僭用者杖一百徒三年未用者笞三十○機戶及挑花挽花工匠同罪

河防○盜決河防律凡盜決官河防者杖一百盜

決民閒圩岸陂塘者杖八十若因盜決而致水勢漲漫毀害

人家及漂失財物淹沒田禾計物價重杖於者坐贓

論罪止杖一因而殺傷人者各減鬪殺傷罪一等

各字承河防若挾讎或故決河防者杖一百徒三

年故決圩岸陂塘減二等漂失計所失物價為贓重徒者

吾學錄初編卷二十四 律例五

准竊盜論罪止杖一百因而殺傷人者以故殺傷

論○侵占街道律凡侵占街巷道路而起蓋房屋

及為園圃者杖六十各令拆毀復舊其所居自穿

牆而出穢汙之物於街巷者笞四十穿出水者勿

論

謹案刑部律例為目凡四百三十有六各附以

例為例凡千七百六十六條明刑弼教之中寓

隨時酌中之用有刑名之責者自當服習全書

奉為成憲第為軍民說法不得不約舉大端使

閱者曉然今但擇其應知而易犯者節錄成編使通都僻壤之父老子弟誠能遞相戒勉則風俗正而禮讓興庶於

朝廷讀法之令不無小補云

舉 人黃本驥編次

戶部郎中陳傳均

詹事府主簿吳彌光 同校

吾學錄初編卷二十四終

吾學錄初編卷二十四 律例五

六



# 石渠餘紀

光緒庚寅  
龍氏校桀

石渠餘紀目錄

卷一

紀節儉

紀賑貸

紀免科

紀蠲免

紀災蠲

紀免徭役

紀河夫河兵

紀科舉篇目

## 石渠餘紀目錄

紀科舉加恩

紀滿州科舉

紀進士 授官中額

紀殿試 朝考

紀舉人授官 州縣貢監


紀制科特舉

紀武舉

紀薦舉 州吏員幕賓薦舉舊例會推舊制

卷二

紀廕子



紀科道 互見行取 起廢起病 增

紀行取舊制

紀京察 甄別京 官附

紀吏治

紀守令 附紀引 見 召見守令

紀考試月官舊制 月選官 謂之月官

紀大計 互見京 察篇

京營表序

紀列朝各省兵數 附論

列朝直省兵額表

石渠餘紀錄

二

紀軍政

卷三

紀裁十三衙門

紀立內務府 增錄 初 聖諭

紀停編審

紀丁額 除籍 為良

紀賦冊糧粟 歷朝田額 糧賦總目

紀丁隨地起

直省地丁表 通考京 師用額

紀會計

紀耗羨歸公 增公 廉

直省歲入總數表

直省歲出總數表 部庫年例 應放數目

直省出入歲餘表 河工 另案

卷四

紀庫

紀漕糧 漕糧 倉耗

紀漕船運軍

紀漕運官司期限

紀罷漕折 附記

石渠餘紀錄

三

紀探辦

紀屯田 增記井田 祭田學田

紀勸墾

紀蘆課 增丈 量

紀常平倉額

紀官倉

紀社倉義倉

紀平糶 互見各篇 增記旗 倉邊倉營倉籠倉

紀糶

紀五城米局 增人旗 米局

紀鄰穀協濟附載濟

紀圍地附載餘

紀旗人生計附入旗賬務 官莊旗租 盛京官莊 不准莊頭 地畝

紀牧場口外 牧場

卷五

紀制錢品式

紀戶部局鑄鑄大錢 說帖

紀銀錢價直

紀錢銅禁令

石渠餘紀 目錄

四

紀銅政附載鉛錫 附載新疆西藏錢 附載洋錢 附載銅運改道議

紀礦政

紀硝磺

紀鹽法

紀引課

直省鹽課表

紀鹽禁

紀河東鹽法篇上

紀河東鹽法篇中附記

紀河東鹽法篇下附記 附江西建 昌鹽政 論旨

紀恤商井完

紀茶引

紀禁酒

卷六

紀關稅

直省關稅表

工部五關稅課表

紀雜稅

紀米糧稅

紀邊外互市

石渠餘紀 目錄

五

紀海舶米糧

紀市舶

紀英夷入貢附記 附 附海商水利程單子 附會滌

生先生跋附道光二 十一年天津添兵原案

紀幾輔營田水利附永定河不 宜復故道論

紀鐵斛鐵尺

石渠餘紀卷一

閩縣王慶雲敬述

紀節儉

我朝起自東陲尊尚樸質歷傳以來繼序不忘用能官府服御無侈飾無冗費昭儉德以示子孫謹案順治八年以督催織造官役騷擾遞罷之停陝西織造裁羯粧蟒御江西造進龍盤十一年以江浙連年水旱停織造二年聖祖常論本朝自入關以來外廷軍國之費與明代略相彷彿至宮中服用則以各官計之尚不及當時妃嬪一宮之數三十六年之間尚不及當時一年所用之數康熙

石渠餘紀卷一

二十九年 上以前明宮殿樓亭門名并 慈甯宮 甯壽宮 乾清宮及老嫗數目宣示外廷 諭天旱欲減宮人及所用器物因自來未嘗有餘故不能再減飭羣臣將

故明宮中用度察閱尋廷臣奏查故明宮內每年用金花銀九十六萬餘兩今悉充餉光祿寺送內用二十四萬餘兩今止三萬兩每年木柴二千六百餘萬斤今止七八萬斤紅螺炭一千二百餘萬斤今百餘萬斤各宮牀帳輿轎花毯之屬二萬餘兩俱不用故明宮殿樓亭門名七百八十六座今不及十分之三至各宮殿基址牆垣輒用臨清木用楠木今 禁中修造出於斷不得已第用常輒松木

而已我 皇上博節儉約至矣極矣時光祿寺年用銀十萬兩工部二三十萬兩較前朝省十之九年見四十五年諭旨而

上猶以工部每月輒用數萬兩 諭以內廷除賞賜外一應工作費用月不及千兩三十九年九月諭工部四十九年又 諭曰萬歷以後內監有在御前服役者故明季事蹟知之獨詳明朝費甚奢工作亦廣宮中脂粉錢四十萬兩供應數百萬兩 世祖登極始悉除之紫禁城內鋪地輒橫豎七層工作俱派民間今器用樸素工作皆見錢雇覓明季宮人九千人內監十萬人飯食不能徧及日有餓死者今宮中不過四五百人而已先是光祿寺歲用六七十萬工部

石渠餘紀卷一

百餘萬 聖祖末年光祿寺年用四五萬工部十五萬餘是以部庫有五千餘萬之積雍正四年 諭朕宮中食餘之物皆不忍棄必令人檢貯數年以來米粟至數十石之多五年 諭日前織造衙門所進御用繡線蟒袍至九件之多鐙幃加以綵繡即切加戒諭近端節進繡扇此皆糜費於無益之地朕所不取并 諭工匠造物之情喜新好異見一靡麗式樣初則競相慕效後必出奇鬪勝雕文纂組古人所斥為奇衰豈可導使為之而不防其漸又曰器服爭尚華巧必多用工匠市肆多一工作之人即田畝少一耕稼之人且羣趨為工則物之製造必多物多則壅滯

是不但害農而且害工也乾隆初禁奢之令屢下尤以旗人蕩費江浙侈靡為戒如旗人喪事粉飾虛文吳十風俗疾病禱賽皆有特論自十六年至四十九年六度南巡及幸淀祠五臺關里或以戶口日增宜敦儉樸或以清蹕所駐不過數日但須掃除潔淨以供憩宿或禁點綴節景供備龍舟或禁增設坐落戲臺排當蓋翠華所竦觀民察吏之外又以河工海塘親授方略雖一遊一豫常日昃不遑且惟恐派累民間偶見行營以布幕牆即念及貧民襦袴之用見三十大年諭旨皆兢兢以崇實黜華為念又案二十七年南巡諭曰名山勝蹟以存其舊規為得自然之趣即如浙江龍井山

石渠餘紀卷一

三

水自佳何必更興工作此則皇情所屬更非生長細旃廣廈者所知而疆吏如三寶王直望以添繪屋宇點綴鏡綵為足以奉承上意亦適形其蘇俗自取申飭而已

乾隆五十六年諭曰本朝恭儉相承惠民益下偶有行軍征討即芻餼亦不取之民間是以拓地開疆大功屢載雖用兵而民不知兵至宮中嬪御以及給使女子合之皇子皇孫乳媪使婢約計不過二百人實從古宮闈所未有

紀賑貸

凡賑有賑米有折賑有賑貸大抵極貧民便賑米次貧民

便賑錢稍貧民便賑貸然必視災之重輕與民所緩急而為之等國初賑務於旗地加詳間及直隸康熙九年淮揚水人給米五斗又分設米廠人日一升三日一給自是以後各省賑災大率口日以合計時頻年賑卹發帑數十萬或百萬遺部院堂司官往司其事至被災地廣惟恐恩澤或遺則分命大臣往賑如康熙四十二年賑山東是凡官民助賑皆與議敘京師三佐領出一人時一千餘佐領共得三百人人借與銀三千兩分往各州縣賑給以來為限四十九年賑陝甘皆分三路並賑四十六年以淮揚倉無存穀折給大口月三錢小口半之乾隆四十八年賑榆綏同雍正初每令煮賑與散賑兼行又定勘災給糧有司必親臨

石渠餘紀卷一

四

母假手吏胥里甲近城設粥廠四鄉二十里設米廠米廠照煮賑之數月八年北河漫溢遣官領帑分四路賑濟乾隆元年令勘災之吏胥飯食冊籍紙張酌動存公銀兩三年諭曰學田為數無多貧生身列膠庠自不便與貧民一例散賑嗣後遇賑貸之時教官將貧生名籍開送地方官於存公項內量發交教官均散先是賑濟之米每日支三四合至七八合無定數是年定凡賑大口日給五合小口半之七年定地方凡遇水旱即行撫卹先賑一月謂之正賑亦曰既察明災分戶口被災六分極貧加賑一月七八分極貧加兩月次貧加一月九分十分以次遞加一月謂



之加賑或地方積款或災出非常得將極貧加賑至七八月次貧五六月或賑期已滿而有 旨格外加恩者亦謂之加賑凡加賑則正賑時遺漏貧民並先可餬口而後力不能支者亦得增入雍正十一年 諭旨又定山西湖廣貴州不分極貧次貧并省各省又次貧名目 臣以為民有貧富之差固也至於均之貧民均之被災則極貧與次貧其辨甚微況區之以又次貧之目的是徒使吏胥上下操縱以市其升合之恩豈 朝廷救災意乎舊例夏災不入蠲至是定凡夏災地不兩熟及雖兩熟而秋禾不可種者得照秋災請賑風災如雹災得貸種傷大田者亦以秋災論二十二年

石渠餘紀卷一

五

山東江南水 諭曰豫省之夏邑商邱四縣與蕭陽曹單災地大身相錯豈獨無災此中州之民淳樸忠厚不敢言災是以賑卹未及益用嘉憫著該撫卽勘明加賑尋 命侍郎裘日修往相度疏濬以工代賑引溝塍積水達於河自十月至明年二月賑垂畢 諭曰譬如赤子出慈母之懷未能強飯遽斷其乳其何以堪其再加賑一月自後加賑之外復有展賑或概賑貧民則不分極次或穀食不足則本折相兼折價自五錢加至一兩被災重者再加四錢攷 純廟之世府庫漸充賑貸之費亦漸廣今舉其大者如乾隆七年黃淮交漲石林決口江蘇安徽共賑米二百

四十萬銀七百四十餘萬十二年山東九十州縣大水賑米五十餘萬穀四十餘萬銀一百七十餘萬三十五六年直隸災用部庫二百二十餘萬通倉及截漕米稱是又撥西安藩庫二百萬以賑甘肅四十三年河溢河南四十六年江蘇大水各賑銀百六七十萬次年黃河溢三省撥浙商佐工銀八十萬濟江南淮商公輸銀二百萬濟山東時豐沛曹單災尤甚 命予賑不論月災退始停五十年河南旱賑銀二百五十萬五十一年賑安徽撥關稅一百萬時河決山安北岸總河李世傑請開捐例以佐工需 上不許竝 諭以上年江南等處賑費用至千餘萬部庫尙

石渠餘紀卷一

六

存銀七千餘萬五十五年蕭陽水災撥銀百萬又撥運關庫銀百萬以賑之六十年中凡一隅偏災賑費數萬兩至數十萬者不可勝計而履端 行慶甲年災區乙年新春加賑蓋歲以為常嘉慶元年河溢豐汛六堡令先以餽餅乾糧散給災民乃次第賑卹以後多有 旨陝西延安旱加恩每口日給六合亦小口 給半六年六月畿輔大水遣官領部局制錢京倉糶米先於京城散賑又分四路遣大臣前往賑卹惟南路之台費蔭陳霞蔚撫賑最速有 旨優敘其冬直隸奏乞賑費百五十萬 允之 上嘗論外省辦賑之濫不在災民而在吏胥敢有需索冊費致貧民不甘領

賑者罪無赦。獎撫賑深得民心之武清知縣朱杰以橐城大城二縣查賑遲延穢其職十九年豫省睢工漫口而山東安徽湖北陝甘各省或水或旱山西地震同時舉賑於是通政司副使蔣祥墀御史孫世昌胡承瑛等各條上賑災積弊如委員查災藉端需索藩庫發帑借款扣除造冊不核戶口之虛實胥吏易於侵漁設廠不酌道里之遠近飢民疲於奔走或浮開折算或早晚失時糶米煮粥則攪和沙灰給錢折銀則扣平短串乃勅各大吏實心督率務令實惠及民臣以為荒政十二司徒第舉其綱若鴻雁之何以安集民勞之何以無縱詭隨則有非令甲所能

石渠餘紀卷一

七

詳者昔高宗有言積款之區尤資良牧至哉聖言盡之矣凡貸有籽種有口糧有折貸大約常年之貸遇款免息款歲之貸徑免其息見乾隆元年諭雍正四年定收成八分以上石收息一斗七分以上免息六分五分分兩年責償此常賑也乾隆十七年令災民所貸種食夏災貸者秋後責入秋災貸者來年麥收責入均免息此災貸也凡遇災民貸口糧大口三斗小口半之乾隆四十九年大名旱貸籽種畝以四升雍正十一年或五升乾隆三十六年陝西寶雞或畝賑以籽種三升乾隆三十年折給則畝五分乾隆四十年或六分是年河南同官或買牛給民以資力作或借給草價使養耕牛乾隆七年

臣嘗讀直隸督臣方觀承紀曰賑所以救農也國家府庫倉廩之積皆農力也出其所入於豐年者以賑其荒恩非倖邀也故司賑者必視田畝被災輕重與器用牛具之有無以別極貧次貧其不因災而貧者則非農也不因災而貧者亦賑誤以賑為博施之舉也夫農飢則四民皆飢穀貴則百物皆貴蓋推廣恩澤而及之耳非賑政之本意也故災賑首重賑農其餘乏食之民不過為區別斯可矣觀承之論可謂正矣抑臣猶有說焉農民伏處田野畏官府如神明不幸遇災有坐而待斃而已其抱贖而泣請者與聚市而譟者必非農也然則如之何而可減糶

石渠餘紀卷一

八

以待城市必孤窮者而後賑焉賑貸以待四鄉稍有餘者亦令糶焉庶乎其不遺不濫也乎

又凡地震成災死者傷者廬舍壞者計而賑之康熙二十七年雲南劍川三十官弁因災身故照巡洋被風例賜卹乾隆三年凡民間火災准動存公銀兩酌給同其它風潮霜雹之災皆視水旱以輕重賑卹載在例案茲不具載

紀免科

勝朝自正德嘉靖間屢增賦額正供已非其舊神宗之初張居正當國丈量天下民田一時驟增至三百萬頃時居正頗以溢額為有司爭改小弓以求田多或括克見田以充虛額於是有一田而兩賦者及

逃絕包賠則又有無田而有賦者萬歷末年戶部尚書李汝華倡加遼餉崇禎初楊嗣昌柄政又加練剿二餉計前後加賦二十萬是為三餉我朝開國首革除之又除召買津糧江南淮揚湖北蕪黃流亡荒地悉免其租世祖親政以前此邊外築城加派各省錢糧二百五十餘萬令有司按戶給還除山西荒田二萬八千餘頃西安廢地虛丁銀三萬餘兩康熙元年減免江西南昌七州縣浮糧十四萬九千餘石米折銀十九萬五千餘兩見事是時移瀕海居民於內地除其賦十年定各官詐報墾荒致民賠累者勘明豁免二十六年除康熙十三年以後加增雜稅除廣東高

石渠餘紀卷一

九

州瓊州各屬荒糧四十九年以後屢除浙江荒地銀臣案國初承明季兵荒之後務墾復以盡地利寬升科期限以勸之自功令以勸墾殿最有司而俗吏無招來勸相之素但虛張其數以邀功敘荒墾不常職由於此不然則此時之民休養安集久矣安所得污萊盈野猶待朝廷之免復哉世宗即位以陝甘額外賦糧錢收三釐斗收三合為備荒之用詔此項徒有加賦之名而無備荒之實著永行停止雍正二年免江西南昌等七縣浮糧銀七萬五千餘兩會三年從怡親王請除蘇州浮糧三十萬松江十五萬著為例五年又諭曰各省賦稅最多者莫如江

南之蘇州浙江之嘉湖由明初籍富民之田為官田按私租為正賦此洪武之刻政也明二百餘年減復不一我朝因軍需經費未遽裁減皇考嘗論及此朕仰體聖心已將蘇松浮糧豁免今特沛恩膏將嘉興額徵四十七萬湖州三十九萬減十分之一著為例先是阜甯縣之射陽湖報升淤地八千餘頃有糧無地逋負纍纍九年乃悉除之高宗即位恩詔再除江省浮糧銀二十萬以紓民力虹縣桃源之水歸泗州安河入洪澤湖兩岸淤地千二百餘頃淹涸不常詔永除其租會而雖甯宿遷桃源先報涸出升科地萬三千餘頃世宗察其不實已豁地

石渠餘紀卷一

十

七千餘頃至是存地五千餘頃比年催徵不前諭曰此淤出之地即舊有糧田是以民力維艱輸將不繼著將三縣新淤涸後改科地糧全行蠲免是年湖北之鶴峯長樂新設起科得旨照容美秋糧原額仍免三年今施南地賦獨輕二年免甘肅河西馬糧萬餘石九年除四川水決田百九十餘頃租課十一年免慶雲縣額賦十之三著為令十六年諭曰朕聞武進陽湖二縣開抵役田一項原係前明虛田領價本戶逃亡株連親族將產開抵小民條糧役租力難並輪致積年拖欠除條漕外概予豁免時南巡清問故有是詔十八年免臺灣風潮衝陷田園五百四十

餘甲山東潮鹹地四百二十頃二十二年減山東武定府  
黎敬等莊窪地四百四十八頃以下則徵租並會二十九  
年免漢陽縣埧田五百餘頃三十一年以漢川縣埧地低  
窪改田賦照漁糧科則又 諭曰滇省山多田少可耕之  
地俱經墾辟惟山麓河濱尚有曠土貧民耕種以供口食  
定例山頭地角三畝以上者照旱田十年之例水濱河尾  
二畝以上者照水田六年之例升科第念此等零星地土  
本與沃壤不同備地方官經理不善丈量查勘恐吏胥從  
中滋擾嗣後滇省山頭地角水濱河尾俱聽民耕種概免  
升科憶前在滇省於故廣中見此段為撫 臣麟慶所奏請者蓋必援滇例也三十九年以文

石渠餘紀卷一

十一

安大窪連絡四淀水占民田定田糧視水潦輕重隨年獨  
減後凡畿輔近水之地皆視此免山西豐鎮荒埧旗地五  
百餘頃四十九年免吳縣無著田千四百餘石五十二三  
年除河南各屬水衝地百餘頃山西五臺五州縣水埧地  
百七十餘頃浙江仁和錢塘水埧地五十餘頃五十四年  
豁免山東曹縣利津壽光三縣廢地五百九十餘頃會河  
南蘭陽考城積年隄侵柳占地銀九千八百餘兩會五十  
七年除河南蘭儀五縣臨河新灘地四千九百餘頃五十  
前據通考以嘉慶六年永定滹沱河並溢畿輔九十餘州  
後本 實錄旨水衝沙壓應行減豁之處據實奏聞其有水

退泥淤轉瘠為良者轉不必急行查辦是年減免直隸旗  
租十三萬三千八百餘兩次年再減二萬九千餘兩豁曹  
單沙壓地八百頃有奇會又以文安多潦減額賦十之三  
著為免曹單二縣沙壓地八百頃十三年以任縣環水村  
莊照安州等處減賦例每年視水勢之大小奏聞次年免  
河南溫孟陝州十一年沙壓地四百餘頃二十四年免山  
西岢嵐保德二州缺額丁銀二千二百餘兩以上本 仁宗聖訓 謹  
案 皇朝通考於國用獨貸門別為細目曰賜復曰免科  
賜復者免復一時者也免科者永停輸納者也臣今以  
列朝特恩及慶典有 詔停罷者入蠲免篇而減浮賦豁

石渠餘紀卷一

十一

荒田永著為令者則入此篇誠見 開國以來凡水濱埧  
荒衝壓之地與夫隄防占廢者鹹鹵飛沙漲涸不常者朝  
報荒則夕蠲賦其有租糧兩徵者賦浮而額重者一以上  
聞立時減免寬卹之政蓋史不絕書矣姑最舉其大者  
如右其它災蠲賑貸別為篇

紀蠲免

我 朝 列聖以愛民為家法偏災賑蠲外凡逋負之在  
民者與民糧食種之貸而未收者遇 國家慶典或巡幸  
或軍興輒止勿責每庫藏稍充即務推所有以益下於是  
又有普免錢糧輸免漕糧之舉累洽重熙深仁厚澤不可

勝紀矣今臣祇就所見官書而約舉其數之最多者昔馬端臨作通考言宋以仁立國蠲租已責之事視前代為過之歲不勝書姑撮其普及諸路與所蠲名目之大者臣之此篇竊取其義願端臨又言由唐以來取民之制愈重逋欠之數日多故蠲貸之令不容不密 本朝丁田賦役素輕二百餘年以來未嘗增及銖黍而 詔書停放動至數千百萬斂從其薄施從其厚所以上培 國脈下卹民依豈唐宋以來所可同年而語者哉 世祖開國既除三餉首免都城居民被兵者賦役三年以河南被寇 賜免田租順治二年收山西除田租之半三年收江南免漕三之

石渠餘紀卷一

三

一五年平湖廣免衡永辰靖等處錢糧嘗聞順治八九年間歲計出浮於入者八十餘萬十三年以後頻年增餉缺額至四百萬度支亦云絀矣而十一年免七八兩年逋賦十三年免八九兩年逋賦大抵逋欠在三年以前者輒與停免至 聖祖初年猶沿以為例康熙二年免順治十五年以前民欠四年免十五年以前民欠 聖祖東巡免蹕路所經今年租是為巡幸 蠲免之始 十九年以江南賦重免十二年以前民欠二十餘不具載 三年免南漕三之一二十四年免河南湖北今年租及來年之半又免直隸江南今年秋冬明年春夏之應納者二十五年免直隸四川貴州湖廣福建明年額賦及今年賦

之未入者次年江蘇陝西亦如之三載之內布惠一周後來普免之典實肇於此時海內大定 詔用兵以來錢糧未清者皆予除洗二十七年 上南巡免安徽去年租及江南積欠二百餘萬凡直省十七年以前逋欠漕銀米麥悉蠲除之二十九年免山東本年地丁三十年 諭曰各省歲運漕米向來未經議免時切軫懷今儲積之粟恰足供用應將起運漕糧逐省蠲免自三十一年為始以次各蠲一年三十二年以粵蜀滇黔四省邊土饒瘠民生艱苦免明年地丁銀米三十五年免各省漕賦宿逋以軍興免陝西明年租賦次年免山西甘肅明年租三十九年免湖

石渠餘紀卷一

四

廣甘肅各一年甘肅免至四十年免江蘇甘肅明歲地丁四十四年免安徽及秦省河西明年田租次年免山東河南雲南貴州廣西四川六省明年租又免浙江山東明年租四十四年免湖南南北明年租並停帶徵宿負 諭嗣後蠲免新糧之年舊欠俟次年徵納次年又以舊欠新徵勢難兼納普免天下逋賦三百九十餘萬已入者作本年正賦凡民欠賦糧閱數年即蠲免一次其在一省一隅者尤不可悉載四十七年免江南浙江人丁銀六十九萬又免明年江南地丁四百七十餘萬浙江二百五十餘萬四十九年 諭曰朕首方已閱七省民俗靡不周知而民所以

未盡殷阜者良由承平日久戶口殷繁地不加增產不加益之用不給理有固然明年為康熙五十年原欲將天下錢糧一概蠲免廷臣集議恐各處兵餉撥解驛遞煩苦自明年始三年以內通免一周俾遠近均霑德澤三年中計免天下地丁糧賦新舊三千八百餘萬案諭旨只三千合舊欠計之浩蕩之恩實史冊所未有初稻穀例不入蠲而臺灣有穀無銀以巡撫黃秉中請竝除之五十二年免天下明年房地稅一年兼除逋欠是年免山西河南陝西之西安等府今年田租五十四五年再免直隸田租五十六年免各省屯衛帶徵銀二百三十九萬漕項銀四

石渠餘紀卷一

五

十九萬半除之時太倉之粟有餘 詔以陳粟四百三十餘萬石格外賞給官兵此條見御製文四集是舉也與普免漕糧同為曠典五十七年以西邊軍興征策妄阿拉布坦免陝甘明年地丁一百八十餘萬頻年供億大兵之地屢有蠲免事例六十年所免之數與五十八年同案 聖祖六舉 南巡再 詣盛京間幸五臺以及秦豫翠華所指蠲減兼行 恩典尤難殫述嘗讀漢文帝賜民田租詔歎曰蠲租乃古今第一仁政下至窮谷荒陬皆霑實惠然必官庭之上力崇節儉然後可行此見御製文三集又嘗論本朝自入關以來外廷軍國之需與明代略相彷彿至宮中服用則以各官計之尚不

及當時妃嬪一宮之數以三十六年計之尚不及當時一年之數蓋 在宥六十餘年一以恭儉為本有漢文之寬仁而 享國則再倍之厥後稱 天而 諡曰仁於堯仁矣 世宗即位以昌平六州縣為 聖祖每年巡幸之地及 陵寢所經免雍正元年額賦時普免天下康熙五十年以前宿逋江蘇一省至八百八十萬據會典則一千一六年免直隸明年起運銀四十餘萬福建逋賦三十餘萬七年以浙省未完舊欠踴躍輸將免本年額賦十之二計六十萬兩見會典時西藏苗疆甫平免甘肅四川廣西雲貴明年租又 諭以國家經費已敷宜藏富於民於是次第

石渠餘紀卷一

六

免各省額賦各四十萬以直隸首善之地山東被水之區特再免之甘肅地瘠又值軍興見會典八年九年免地丁次年免糧草又次年免額賦二十七萬以贍之自十年平臺灣生番十一年剿雲南猺夷大兵所過復加優免十三年免雲南貴州及湖南沅州今年田租特 詔貴州被兵之處給復三年 高宗即位 詔免天下田租先後免雍正十三年以前各省逋賦并及江南錢糧之官侵吏蝕者寬政所及廓然更始令業戶計所免之數減半以惠佃農時黔蜀徵發山陵大工屢有蠲免令以奉 旨之日為始已輸者准抵明年正賦二年全免甘肅錢糧陝西半之會典

四年免直隸錢糧九十萬兩江蘇百萬安徽六十萬十年  
諭曰朕臨御天下十年於茲撫育烝黎躬行儉約直省  
水旱賑濟多在常格之外如前年江南被水費帑金千餘  
萬朕思持盈保泰莫先於足民我 皇祖在位六十一年  
蠲租賜復之詔史不絕書曾將天下錢糧普免一次我  
皇考勤求民瘼減賦寬征如甘肅一省正賦全行豁免者  
十餘年朕繼志述事欲使山陬海澨均沾大澤特將十一  
年直省錢糧通行蠲免廷議三年之內輪免一周計為數  
二千八百二十四萬有奇總數見會典事例又而諸不在  
蠲免之條者如甘肅番糧草束福建臺灣之粟米四川之

石渠餘紀卷一

七

夷賦陝西西甯之馬貢浙江濱海之租穀租銀直隸固安  
霸州之旗戶屯糧奉天之米豆山西之本色兵餉河南之  
官莊義田廣東之官租學租遇屆免之年一律停其輸納  
北方五省惟甘肅尤為瘠貧二十一年以後疊免連年額  
賦三十一年以京通倉貯有餘遵康熙三十年慶典次第  
免各省漕糧五年而徧初議七又以漕糧內有例徵折色  
者令一體蠲免定蠲漕之處業戶亦三十二年用兵緬夷  
蠲減滇省兩年額賦凡過兵之處各免三之一以為例三  
十五年 諭曰國家全盛內外度支有盈無絀府庫所貯  
月羨歲增因思天地只此生財之數與其多聚左藏不若

使茅簷部屋自為流通且今年朕六十誕辰明年恭逢  
聖母八旬萬壽宜更沛非常之恩著自三十五年為始各  
省錢糧通行蠲免一次案是年蠲免計二千七百九十四  
萬有奇三十六年免臺灣供粟三十九年以金川用兵蠲  
免四川租賦四十二年以欲俟 聖母九旬萬壽再沛恩  
施今 仙馭升遐更無可推廣 慈仁之處令自戊戌年  
為始四十年普蠲天下錢糧仍分三年輪免計二千七百五  
十九萬有奇此條通考缺從諭以庚子年七  
旬萬壽普免天下漕糧一次七年而徧四十四年四川軍  
需免官民賠帖三百八十萬定例河工例價外的增銀兩

石渠餘紀卷一

大

分年按畝攤徵四十八年 諭豫省辦理大工以來用銀  
千餘萬無非為百姓保護田廬其酌增銀兩此次為數較  
多而上次漫工尚攤徵未完朕臨御以來普免天下地丁  
者三次普免各省漕糧者二次不惜萬萬帑金又何靳此  
千餘萬金邪所有民間攤徵銀九百四十餘萬及上次未  
完九十餘萬加恩普行蠲免四十九年甘肅逆回滋事除  
今年租又豁歷年積欠一百六十餘萬民番應納銀米各  
數十萬五十二年臺灣軍興減免福建各屬田租五十五  
年 上八旬萬壽按年輪免各省錢糧二千七百七十萬  
有奇次年正月有普免天下錢糧四次之 諭臣謹案自

乾隆十一年以後普免凡四次若合六十年 歸政大典  
詔書計之則五次矣五十九年以明歲屆六十年又普免  
八省漕糧五年而徧時以乙卯元旦日食上元月食有應  
天以實之 諭蓋普免漕糧凡三次矣六十年各省積欠  
河南銀穀二百餘萬直隸旗租六十八萬有奇粵稽 高  
宗之世省方時巡典尤數舉每謁 兩陵及他典禮 蹕  
路所經減額賦十之三以爲 恩例遇稍歉則免十分之五 茲不具  
書惟四十二年奉 皇太后葬 泰東陵 免經行十之五易州十之七爲特異 若夫 加恩之  
舉如 謁 祖陵於 盛京則免奉天今歲田租及莊頭  
糧石減旗地芻糧之半十九年四十四年四十八年並同 惟八年初 謁 祖陵通考止載

石渠餘紀卷一

九

免莊頭糧石旗地額賦及讀 御 幸五臺十一年二十六年  
製詩初集亦有免今年田租之舉 幸盤山四十七年  
五十七年 幸木蘭歲以爲常 幸嵩洛則免  
皆賜復如例時並 謁 若 東巡闕里禮祀岱宗則免曲阜  
歷城泰安額賦十三年二十一年三十六年 每回蹕定  
津復加 恩澤三十二年三十五年三十九年 幸嵩洛則免  
祥符登封田租十五年 而 南巡恩澤爲最大 南巡之典  
始舉於乾隆十六年免江蘇積欠二百二十餘萬安徽三  
十餘萬又以浙江并無積欠官民敬事急公特免本年地  
丁三十萬時亦以 皇太后六旬大慶 御製詩有兩江 積通多獨 除惟一律 浙省歲額完足 占民俗質  
之再舉於二十二年免三省逋賦如舊並免江甯蘇杭三

府今年租豁竈課屯漕諸逋賦三舉於二十七年如二十  
二年例四舉於三十年五舉於四十五年六舉於四十九  
年並如二十二年例古所謂遊豫補助未有若斯之盛者  
也抑臣聞宋人蠲租已責歲不勝書而其後郊賜不貲至  
於廢禮遂爲屯膏者之口實惟 高宗享國愈益久 膏  
澤愈益多而大農左藏之積亦愈益富初年部庫止三千  
萬末年乃至七千餘萬故不以潤下而枯者河海是也不  
以惠下而貧者君上是也 高宗 仁宗丙辰 授受  
恩詔普免各直省地丁錢糧甘肅民番有止徵 糧草者并免之 三年而徧  
時 二聖同駐山莊免承德府明年租賦嘉慶元年夏湖

石渠餘紀卷一

十

北教匪倣擾湖南貴州神苗相繼蠢動 詔免二年湖北  
湖南兩省錢糧此條會典事例缺從 仁宗聖訓補載 并及川陝之被兵者  
二年夏解貴州南籠賜名興 圍免滇黔廣西被兵州縣一  
歲錢糧自元年盡七年凡楚蜀秦豫之被賊蹂躪及供億  
大軍者緩徵不足繼以蠲免蠲免不足繼以賑卹其數蓋  
累鉅萬四年 高宗山陵禮成以熱河爲 太上皇秋獮  
駐蹕之地並經行畿內州縣悉免今年租又以 郊祀  
升配禮成普免六十年以前各省積欠緩徵各款七年免  
民欠旗租七十餘萬十年以初謁 祖陵免 蹕路經由  
州縣錢糧之半十三年 幸天津賜復如例十六年 幸



五臺免畿內宿逋及山西地丁十之二二十三年再謁  
 祖陵免經過關外州縣承德廣甯錦縣甯遠本年及奉天所屬明年  
 租賦凡民欠悉除之其年十二月 諭 皇考臨御六十  
 年普免天下錢糧四次漕糧三次朕嗣位以來亦思廣施  
 閭澤大賚寰區始緣教匪不靖軍興孔棘繼以黃河泛溢  
 屢舉大工二年漕工漫口五年蕭楊宿泗漫工六年畿內  
 水七年楊山縣賈家樓八年河南衛工十一年  
 河南濫孟十五年李家樓十六  
 年黃河減瀾漫工十八年雖工十餘年間所費帑金踰數  
 十千萬國家財賦實有入不敷出之勢是以嘉慶十四年  
 朕五旬正慶未能普惠閭閻比年稔莠蕩除河流順軌以  
 正供所入謹制國用尙可無虞匱乏深念損上益下之義

石渠餘紀卷一

三

將來府庫充盈仍欲覃敷渥澤明年朕六旬正壽宜先蠲  
 除積欠俾免追呼臣伏讀斯 旨惻然敦厚蓋所謂恩有  
 盡而意無窮也時普免各省宿逋獨四川貴州奏無民欠  
 詔免明年正賦十分之二用乾隆六十年例也乾隆六  
 十年普  
 免天下積欠奉天山西四川湖南貴州  
 廣西向無積欠免次年正賦十分之二

附記

時御史盛惇大奏請酌免見徵分數將舊欠照舊著追  
 上諭積年民欠因災緩徵者居其大半該御史所奏  
 官侵吏蝕誠不能保其必無豈能因此不行惠民之政  
 卽如賑卹災民從前亦屢有侵冒詎以此遂疑直省偏

災盡成虛妄將救荒之政槩行停止乎所奏糾繆不可  
 行

紀災蠲

臣恭讀 本朝方策既隨事而爲之紀其間有紀之不勝  
 紀而遺之不可遺者則擬爲表以廣收之卹災乃其一也  
 凡災之待卹者曰水曰旱曰蝗曰霜雹曰地震曰火濱海  
 者曰潮曰颶凡卹災有蠲賦有減徵有緩徵有賑有貸有  
 免一切逋欠今詳具於表而約取 歷朝因災蠲賑事例  
 別爲篇俾司牧者有所考焉 國初功令凡遇災蠲於起  
 運存留均減存留不足卽減起運有司藉口無項可免使

石渠餘紀卷一

三

民不沾實惠者論罪順治六年 凡災蠲州縣以蠲免之數刊  
 發免單已入者抵明年正賦違者以贓論順治八年 凡卹災  
 辨其分數順治開定被災八分至十分免十之三五分至  
 七分免二四分免一康熙十七年改五分以下爲不成災  
 六分免十之一七分以上免二九分以上免三雍正六年  
 諭曰自古人君無不卹民之災而蠲免之數往往多寡  
 不同則時勢盈絀爲之不得已也如明洪武時凡水旱地  
 方稅銀卽與蠲免成化時被災之地十分減免三分宏治  
 時全荒者免七分九分者免六分遞減至四分免一而止  
 我 朝順治以來蠲數多寡不同旋減旋增皆因其時勢

爲之數十年來雖定三分之例然 聖祖仁皇帝深仁厚澤愛養斯民或因偶有水旱而全蠲本地之租亦且無荒歉而輸免天下之賦浩蕩之恩不可勝舉朕卽位以來清理虧空剔除弊端數年之中庫帑漸見充裕用沛特恩將蠲免之例加增分數見會典事例於是改十分者免七九分免六八分免四七分免二六分免一至乾隆元年令被災五分得視六分亦免一顧此有司奉行之常格耳臣稽歷朝以來於報災重者常全行蠲免而未嘗拘拘於分數且猶恐地方勘報不實故例外復有加分如康熙七年直隸五十州縣水九分以上全除其租七分八分免四其年江

石渠餘紀卷一

三

南淮揚水例免一分後邳州等處加免二分至有災出非常饑連仍歲莫不蠲賑兼施務從其厚凡報災定其期限夏災以六月秋災以七月後以九月皆先以情形入告既報督撫親至災所率屬發倉先賑於四十五日內具題又康熙三年戶部言凡遇災之地先將額賦停徵十之三以待題免四年御史郝惟納言凡災地田賦免若干丁賦亦免若干時地丁分徵故 詔旨加詳後丁歸地糧凡有蠲免未有不地丁兼及者九年給事中莽佳言遇災蠲賦令並免佃戶之租後又定業戶免三之例四十九年戶部議覆給事中高退昌奏時申嚴定例凡蠲免取里圖結狀送部科 恩旨下日

州縣不卽出示或蠲不及數納不畱抵者照侵欺律上司並坐康熙六年定初輸蠲省分遇偏災則不再蠲惟甘肅於乾隆三十六年輸免適有旱災令於次年按分補免見會典而巡幸之地例免十之三遇陽雨不時則免十之五十七無常數凡偏災州縣按區圖村莊地畝別其分數不以閭邑地畝通算蓋一邑之中有高下山川礪沃之不同爲牧令者能視其民之飢飽如其家人辨其地之窪隆如其堂奧而後恩澤所施無遺無濫竊以爲親民之官平日巡行邑里周知土宜者上也臨事而不避勞苦躬自相度災分者次也平日視百姓如途人臨事以吏胥爲耳目斯爲下

石渠餘紀卷一

三

矣臣讀通考見康熙四十六年江南浙江旱免兩省明年丁銀七十萬賦銀三百八十萬糧四十八萬豁江蘇積欠銀六十餘萬米麥三十餘萬次年二省水再免明年地丁六百三十餘萬又按乾隆初年東南數被水如七年十一年十八年淹浸尤廣嘗令戶部會計江南蠲賑之數雍正十三年間凡免百四十餘萬乾隆元年至十八年計免銀二千四百九十餘萬糧米稱是時有言博施難繼者 上乃作勵志詩以自勉詩見御製考 聖祖 高宗兩朝以普免輸免錢糧爲 國家大恩澤其偏災蠲免者史冊或不備書今姑舉一二事亦以見東西爲財賦所出其豐歉

關繫度支者鉅也 仁宗之世無普免而多災蠲嘉慶六年永定滹沱交溢畿輔被災者百餘州縣而類歲東南兩河為患尤劇蠲免之數莫得而詳恭讀 聖訓有一災而免及數省者如八年衛家樓漫口則河南封邱等七縣直隸長垣等三縣山東菏澤等十四州縣皆免錢糧有一災而免及數年者如十六年河南李家樓漫口則免虞城縣地丁一年高邑二年永城三年又免江南安徽之蕭縣五河地丁一年宿州靈璧二年楊山泗州三年時以畿輔各淀積水未消令按年以淹涸情形上請計是年所免者安州三百頃新河二百頃隆平甯晉均八百頃各有奇其它

石渠餘紀卷一

差

一省一隅不能悉數也如六年甘肅旱免積欠一百七十萬之類夫荒政十二首重薄征 國家有詔蠲租必有務令實惠及民之語以臣所聞近日疆臣上計乃有急公花戶雖蠲免而亦輸將者是民之好義而又有餘力上供者邪抑有司不能奉承德意出納之吝致然也邪

紀免徭役

周禮以來無不受役之民周禮以後亦無不病民之役我朝 聖 聖相承蠲除力役愛民之政實有度越前古者 國初以從龍功首免八旗壯丁差徭先是旗民徭役頗多至是并糧草布匹亦除各省匠籍革河夫僉派之弊時建 太和殿

塞封邱決河率用夫數萬皆優給工食而民不擾自定賦役全書用里甲之法編徵徭里銀以代役官為雇募有司私派里甲私役部民之禁康熙元年給事中柯聶奏蘇松田役不均疏言因田起差古今之常法但人戶有消長田畝有盈縮所以十年編審則役隨田轉勞逸適均查一縣若干里每里十甲每甲田若干田多者獨充一名田少者串充一名各項差役俱甲長挨甲充當故力不勞而事易集獨蘇松兩府名為僉報殷實不稽田畝年年小審脫換那移田歸不役之家役累無田之戶以致貧民逃徙請及今大造之時使田盡落甲役必照田庶役均而民便下

石渠餘紀卷一

美

部議行六年御史戈英言州縣每年有輪直甲長凡催徵錢糧及衙門需用各費皆甲長承辦獨江西有提甲之弊見年追比已完復提次甲責成備辦廣信等府甚有連提數甲者累民已極請禁之事下巡撫董衛國匿不以聞乃嚴飭禁革蓋前明均役提編之弊政獨有一二存者至是乃盡革之也會典康熙十二年停河南僉派河夫十六年禁有司罰民修城堞凡民間供應自後以次禁案 本朝丁口之賦謂之丁徭銀亦曰徭里銀是丁與徭合也其因田起差之法則田與徭合也願其時法制未定官或以雜派累民康熙末年捐社穀五石者准免本身一年雜派差徭民亦以詭寄避役康熙二十九年令紳矜田地與勢未能顯若畫一

及雍正初丁歸地糧乾隆會典云雍正二年以冊存見於是丁徭與地賦合民納地丁之外別無徭役官有興作悉出雇募舉宋元以來力役之弊廓而清之竊謂堯舜之愛民官禮之立法無以尙茲休養生息雖百世可也臣考近代用民之力河工而外見河隄工城工亦其大者歷朝以來不特無公旬之令至民間自爲之事且或曲加恩澤如沿江隄岸例用民夫按糧均派康熙五十五年 恩賞銀六萬兩以助民工雍正六年雍正元年以山東連歲荒歉免挑濟運河歲夫動帑雇募以工代賑 高宗卽位 諭各處歲修工程如直隸山東運河江南海塘四川堤堰河

石渠餘紀卷一

毛

南沁河孟縣小金隄等工向於民田按畝派捐者悉令動用帑金時用帑十餘萬而省百姓數倍之累歲有工作且食其力焉其借項興修久而 恩免攤還者尤不可悉數至城工例用民力康熙三十二年修 盛京城垣猶准於本處民夫取用至乾隆十年川陝總督慶復請捐廉修築城垣 諭曰各官養廉原以資其用度未必有餘倘名爲捐修而實派之百姓爲弊更大不若名正言順以民力襄事之爲公也此議不准行自古有力役之征小民有赴功之義況城垣爲地方保障正所以衛民而使之安堵卽如人所居者廬舍耳而必環以牆垣此理易曉且官民原

爲一體上下所以相維今則漫無聯屬恐日久相忘卒有用民之事必且呼應不靈朕思修建重大工程小民力不能辦者國家自不惜帑金爲之經理至些小工程補葺培護使不致殘缺傾圮則小民力所能爲而有司所當善爲董率者也 聖謨洋洋可謂義盡而仁至矣於是定各省城工千兩以下者酌用民力修築次年巡撫碩色又請千兩以下者令州縣分年修補土木小工酌用民力餘於公項支修得 旨頒行或曰使民者政之經受役者民之分免徭役是恩掩義也臣愚以爲欲復周禮之役法必先復周禮之鄉官而後可降而漢之嗇夫亭長猶足以爲治若

石渠餘紀卷一

天

但使大司徒以旗致萬民而無鄉老鄉大夫州長黨正若而人者爲之治其徒庶之政令而又使後世之保正里甲辨其老弱征舍則不待智者而知其不可矣故古今異制政治異宜者多矣獨役法乎哉

紀河夫河兵

明初沿河設夫役三時疏濬修築冬又徵椿葺銀正德間以按臣吳閻言罷河夫十之七官收其直嘉靖初歲役尙數十萬人皆近河貧民奔走窮年不得休息從御史譚魯言令上中人戶徵銀雇役後銀有餘而歲徵如故徐州呂梁二洪先因水涸陵險設夫二千四百餘嘉靖二十三年

黃河自西來注之漕輓順利人力甚省按臣陳其學請裁損洪夫以寬籌場民力萬歷間科臣按臣屢陳河夫之苦請優其直并免衝決賠修之虐政禮部主事陳應芳亦言河工夫役州縣取之里甲里甲視家資為出夫之等一家雇夫五名則月費十金鬻產賣子閭閻一空及夫至工百計索求致令逃去檄移雇補費復如前官徒有募夫之名而害歸於藉名者之家利歸於管工者之手此前明河夫僉派累民之大略也 國初兼行召募先從御史修鳳采言設直隸沿河隄夫以備修築又從總河楊方與請設臨墩堡舖夫以護漕運此皆召募而給以工食者也順治九

石渠餘卷一

元

年河決封邱起大名東昌兗州及河南丁夫數萬塞之此因工程浩大特行僉派而又協撥於鄰省者也僉派民夫勢不能不資地方之津帖惟按田起夫其制最善康熙初漕運總督林起龍濬淮安涇河閘七十餘里用山陽寶應二縣之力二十日而畢工總河靳輔大修歸仁隄令協募人夫以土夫工價抵納錢糧一時稱便蓋猶明初按田出夫之良法也康熙九年總河羅多以大修用夫三萬餘請於江南山東二省僉派協濟給事中張惟赤言部臣前主募夫之議原定每名日給銀六分請將僉派之夫一體議給於是雖大工僉派而實與召募等及鳳采為河南巡撫

言河夫累民請停僉派按畝徵銀以為雇值今會典言康熙十二年停河南僉派河夫如歲修雇夫每名月給銀二兩蓋自撫臣發之而江南山東仍舊十六年靳輔大修全河初議日用夫十二萬人令鄰省協募屢經議減猶日用三四萬人後工竣上言河工興舉無不勒之州縣派募里民用一費十臣奉命兩河並舉日需人夫十餘萬若循派募之舊章必半壁號呼矣自易派募為雇募多方鼓舞遂使大工告成而民不擾蓋大工亦用雇募其制實自輔始次年以坊里派募人夫十人不得三四人之用乃裁減河夫設江南河兵八營此據職役考按兵制考康熙十七年只設四營計之耳其徧徵營時江南本立總河殆合河東四營計之耳其徧徵

石渠餘卷一

辛

河夫工銀初則解令河員募役旋以非所管轄恐致逃散仍令州縣雇夫解交初河臣于成龍襄勤於康熙三十一年任嘗請豁免民夫以工程浩穰議格河臣董安國康熙三十四年任因言黃運兩河險汎甚多若免民夫專責河兵恐致貽誤止請酌減民夫一二千名及成龍再為總河康熙三十七年復代安國任又以歲夫苦累亟請變通言派夫一名約費銀二十兩老弱充數到工多逃計歲夫七千請每名量徵銀五兩編入正供徵解河工添設河兵三千餘酌量緩急分班搶護考 國初河標兵僅三千名康熙初又裁減十之二而歲夫愈困其改編夫銀廣增兵額則始於輔而繼以成龍遂使民脫

僉派之苦而工獲修防之益乾隆二年定東南兩河兵爲戰二守八見楊四十六年大學士公阿桂奏南河二十一河營額兵一萬五百東河三河營額兵一千七百多寡懸殊將兩河扣存名糧九百八十分添爲東河各汛實額案河工歲夫始出僉派後改徵銀召募至裁夫設兵乃役法之變耳臣愚以爲周禮用民之力族師帥四閭之史辨其可任者州長帥而致之鄉大夫又辨其征者舍之以歲時入其書其時上下之間易知而易從後世舉一縣數萬數十萬之眾付之里甲保正數人以征舍爲市偶有興作耗國毒民而事不集卽有好義之民臨以明察之吏而號令

石渠餘紀卷一

三

無素部署無法亦事倍而功半故古有以軍興法從事者非徒賞戮之亦以部署號令聯爲什伍乃易以趨事而赴功漢武起卒塞河而宣防之功成然則河夫之改爲河兵可謂變而不失其正矣今南河總督管轄本標中右二營淮揚河營淮徐河營葦蕩營船務營廟灣營佃湖營都額兵若干名東河總督管轄本標中左右三營濟甯城守營山東運河營黃河營河南懷河營豫河營都額兵若干名其營伍之分合兵額之增減別詳綠營兵制卷中

案新輔奏疏有云人夫一項除架船裝料鋪埽簽椿收放揪頭繩纜栽柳修柳巡查隄岸看守料物修補水溝

填塞狼窩窟穴等物俱係河兵力作至於繙纓打纜搬運草柳拉埽抬梯挑土幫修埽臺等一切雜作則用歲修人夫讀此可見河兵之作苦而歲夫之無裨實用考張霽生河防述言河兵之議自陳潢錢塘人倡之略言州縣歲夫俟修舉調發恐有後時額夫既有定數不如徵銀解工不時雇募免民夫起解守候之苦至河流衝險之處無閒晝夜晴雨巡防方可不時搶救守隄夫役慮無節制情弛不免演思河工原比軍法請卽以軍法行之給食赴工之夫盡募爲支餉守汛之卒設官統之則節制既有責成防禦庶無疎懈矣

石渠餘紀卷一

三

顧棟高淮安府志管制敘淮郡爲黃淮二河貫注歷代用民夫塞決徵調動至數十萬本朝設河兵及堡夫淮安建兩大閘而河營遂與漕營並重其人率皆駐宿河干熟諳水性平日不責以騎射之能而專司填築之事每遇河工緊急合龍下埽不爽分寸雲梯礮築懸絕千仞當河濤決怒時持土石與水爭勝性命懸於頃刻惟責任專諳練熟故能奏功而無害此尤本朝兵制之超出前代者也

紀科舉篇目

我朝天聰崇德間卽有考試生員舉人之制各就所習

分滿洲蒙古漢文以試之順治開科沿前明舊制首場四書藝三篇經藝四篇次場論一篇表一道判五條試五經者並作詔誥後場策五道時給事中龔鼎孳請用詩去策改用奏疏不許定磨勘試卷例首嚴弊倖次簡瑕疵前場以明理會心不愧先儒者為合式後場以出經入史條對詳明者為合式於是得傳者謂之中式初首場出題於經書分段拈籤順治十五年成會試始 欽命四書題其鄉 欽命四書題始於康熙二十年癸卯停止八股文減四年其年並 欽定表題 康熙二年 卯 停止八股文減試一場首場以策二場以論表判尋禮部侍郎黃璣疏言不用經書為文則人將置聖賢之學於不講恐非 朝廷

石渠餘紀卷一

書

設科取士之深意請復舊制許之自 國初停五經中式之例至康熙三十六年丁酉四十年壬午京闈並有五經之卷 特旨賜舉人竝令嗣後闈中備長卷以待能者別於額外取中以一二三名為額 乾隆十八年癸酉乃停五經中式時命方苞選錄四書文以為程式二十一年移經文於第二場會試作表一道鄉試並論判去之尋易表以五言八韻唐律又於首場增作性理論論題初專用孝經後兼以性理太極圖說正蒙命題而統名之 為性履頌 諭旨釐正文體以清真雅正為宗 諭之曰制科取士首重四書文益六經精微盡於四子書非讀書窮理無以發先聖之義蘊今士子或故為艱深或矜為俳

儷偶有得售彼此仿效文風日下非細故也古人論文以渾金璞玉為比未有穿鑿支離可以傳世行遠者四十二年 上詢大學士于敏中言近年風氣喜為長篇乃定篇以七百字為率然舊例本有逾五百五十字之禁康熙間改限六百五十字第日久漸汎濫耳次年 上以繙繹人員未諳蒙古語拘漢文字牽綴為文竝 諭以科舉制義代聖賢立言雖古今時會不同而中國語言相沿未改無難會意追求乃今之時文朕覽之多不能改朕雖不喜作時文然於名家大家之文亦曾誦習其中如歸有光黃滔耀理精義正足供翫味何今之作者相戾若此文風遞降

石渠餘紀卷一

書

說者比之江河日下然聽其流而不返日甚一日伊於胡底嗣後作文者務宜沈潛經訓體認先儒傳說闡發聖賢精蘊務去陳言以求合於古人立言之道四十七年移律詩於第一場性理論於後場五十二年廷臣議准士子束髮受書五經原宐全讀鄉會試次場酌改五經各出一題惟明歲場期甚近恐邊遠未能驟習宋臣朱熹有各經分年試士之議請仿其法輪試一周再行並試自五十八年裁性理論五經并試其制至今未有以易 紀科舉加恩 國家以甲乙科取士三年大比得多寡疏數之中若因事

而加 恩澤則有加科有廣額有加科而兼廣額 國初海內初定需人其理用材既多取材惟恐不足於是有加科及承平既久涵濡樂育士皆以科名爲榮而寒畯舍是無由自進於是 國有慶典則嘉惠士林 恩施稠疊而取士之數愈增期愈數亦所趨之勢也謹案 世祖丙戌平江南己亥收雲貴加科之典凡二 聖祖丁巳加四省鄉闈越五十二年癸巳 六旬萬壽乃再加鄉會試 世宗唯登極一加科逮夫 高宗重熙累洽 聖母 聖子竝登八徵丙辰再周 肇親 授受前後 恩典凡七舉行 乾隆壬申 太后六旬辛巳七旬庚寅 上六旬辛卯 太后八旬庚子 上七旬己酉 上八旬乙卯以踐

石渠餘紀卷一

五

昨六十年親舉 授 仁宗之世凡三舉嘉慶庚申大典合之登極凡七恩科 以 上皇已頒九旬加科 恩旨 勅仍此 萬壽此 五朝加科之數也廣舉行後戊辰戊寅皆以 旨詳見登科錄惟雍正額之典會試皆臨期由禮部請 元二兩年不拘省分額數別取七十餘名皆令接入本榜乾隆元年續取落卷三十五人得同殿試此會試廣額之出於 特旨者凡鄉試廣額以大中小省爲差順治八年增大省十五名餘遞減五名十一年甲午增順天十名餘以七名五名爲差康熙己酉辛酉乙酉皆如順治甲午例而減小省爲三名別加奉天一名雍正壬子增各省原額十分之一乾隆丙子復小省五名餘如舊例又案 列聖

臨雍則加監生中額順治九年十五名康熙八年八名雍正三年同 乾隆三年十八名乾隆三年同五十年 世宗以後每登極加科又增大省三十名餘以十名爲差而順天生員比大省南北監生比中省滿蒙漢生比小省此 五朝廣額之數也若夫 特旨所賜雍正四年令五經副榜及兩中副榜者皆爲舉人七年賜大學士蔣廷錫子蔣溥等十三人爲舉人洎乾嘉以來師臣舊學及大臣有名德勤勤者竝延其賞或賜舉人舉人賜進士而乾隆間校書供奉間有賜科 巡幸所經 召試高等輒賜中書舉人嘉慶間屢 賜首報要案之貢監生員一體會試尤爲曠典云

石渠餘紀卷一

美

附記

乾隆三十八年以四庫全書校勘之進士邵晉涵周永年余集舉人戴震楊昌霖尙無職任令總裁察看如果勤勉進士准與壬辰科庶吉士一體散館舉人一體殿試

紀滿洲科舉

滿洲科舉始順治八年吏部言 先帝在盛京作養人材已有成例今日正當舉行於是令八旗子弟通文義者取入順天府學合滿洲蒙古漢軍以三百人爲額鄉試取中百二十名清漢文隨其所習惟漢軍依漢人例初減篇數



後遞增如一壬辰乙未廷試滿洲進士各五十人別為一榜初博士筆帖式皆十四年停八旗考試文藝限每佐領下一人讀書用為部院官時並停廩康熙六年復考試與漢科舉始同場同榜十五年又停旋復故蓋我世祖之入關壺漿筐篚與力取天下者不同而其收三孽平諸藩未嘗不藉八旗之師武臣之力故用兵之際不得不汲汲於詰戎肆武及海內無事仍以文治為先旋停旋復唯其時而已自解額減半以後時有增減乾隆九年定鄉試舉人四十一名為定額進士本無定額康熙間取六名雍正間漸增至二十餘名乾隆間遞減至四名嘉慶間約以十

石渠餘紀卷一

考

人為率繙譯考試始康熙十年令八旗監生考試授官雍正二年開滿洲繙譯科九年開蒙古繙譯科以理藩院官補用至乾隆四年始行繙譯會試以主事等官用宗室應試始康熙三十六年時以屬籍繁衍特闢進取之途而一行旋罷乾隆惟乙丑戊辰再舉是科初在國史館嘉慶辛酉以後乃與鄉會並行為常例初合為一闈後改闈後蓋支屬日廣培養日深人材亦日盛至滿洲考試必先騎射則康熙二十八年給事中能泰所奏定云

紀進士 授官 中額  
進士授官之制 國初選庶吉士專由保舉雍正初設

朝考猶與保舉兼行乾隆二年御史程盛修言新科進士俱未經出任之人九卿等原不能深知不過就有志讀書可以造就者舉之行之既久或有冒濫於是罷保舉專以朝考次之初各省或分額選取以其半習清書後分選合選時有不同清書亦遞減其員數其教習散館之制詳翰詹源流考中明制進士二甲以部屬與知州兼用 國初定二甲五十名以前選部屬順治戊戌停止雍正七年己酉復令分部學習乾隆初以額外主事多銓補壅滯部議暫停初治明制部屬外兼用中行評博自戊戌並除外任中書一官舉貢例監皆得考授康熙六年御史李棠乃

石渠餘紀卷一

考

奏停例監考試中書以進士考補五十二年定制專以雷京教習進士補中書雍正初選新進士為官學教習乾隆初令期滿稱職得為主事次以知於是進士入部稍紆其途矣設科之始屬各省漸隸版圖令三甲選知州推官知縣順治十五年吏部奏設科取士原為授官治民向例二甲授京官三甲授外官今科除庶吉士外俱除外官京官有缺擇稱職者陞補試之以治民而後重任法尤近古康熙九年以推官已裁二三三甲俱授知縣五十一年以進士選授知縣有刑名錢穀之責選翰林教習文藝從事典禮並率同修書以作養之滿三年考試優等者入月選至乾

隆初年吏部奏癸丑丙辰進士候選者尙四百餘人銓補之途稍滯乃增月選班缺而後漸次疏通按進士之額每因選官遲速而爲之增減丙戌 龍飛首榜 詔增定額至四百名順治凡八科惟丁亥乙未兩科稍不及額康熙二十一年科率在二百人以内惟庚戌庚辰丙戌己丑至三百人雍正凡六科自百餘人漸增至三百餘人庚戌沈昌宇榜至四百六人爲 本朝進士最多之數乾隆二十七年科初年亦三百餘人戊辰以後漸減五十四年己酉錢楷榜止九十六人是爲最少之數嘉慶凡十科元年取百四十八人後皆在二百人以上

此段改從科場條例條例照題名碑較得其實初會

石渠餘紀卷一

完

試分南北中卷取中康熙五十二年癸巳始分各省中額自是遵行無改其引 見以尖圈點記名 見於雍正元年 抵開國之際幽隱未盡出而懸缺以待人則蒐羅務廣及夫人材漸興兼收並蓄而設官祇有此數且法制既定允濫復裁於是士有沈滯之歎則爲少取以疏通之夫多取所以備任使少取所以免積滯一張一弛與時偕行用人之法不越乎此今國學題名具在姑綴其大略如此

通考順治十六年 己亥時以雲貴蕩平行 廷試朱錦等三百七十六人賜徐元文等及第出身 條例缺 又通考順治十二年秦鈺榜 廷試四百四十九人條例作

三百五十人當更考

紀 殿試 朝考

國朝策試進士賜及第出身皆沿前代舊制初射策於天安門外順治戊戌從禮部言改於 太和殿丹墀雍正癸卯 諭曰今年殿試天氣已寒恐硯池冰結著在太和殿兩旁對策 敕總管太監於殿內多置火爐初會試以二月則 殿試在三月惟加科無常期如順治己亥以九月康熙癸巳以十月雍正癸卯甲辰亦以十月而策士 殿中自是始乾隆初展會試於三月以待春溫而 殿試間有至五月者後乃槩以四月二十五年 諭曰廷試爲掄

石渠餘紀卷一

罕

才大典向來讀卷諸臣率多偏重書法於策文取無疵類而已敷奏以言爲拜獻先資如文義醇茂字畫端楷固爲及格之選若字在丙而文在甲視文字均屬乙等自當使之出一頭地嗣後務令取擇適中 敕於傳臚前一日將擬定十卷進呈帶領引見詳覈文品始定名次并定讀卷官爲八員 初以十員 於 文華殿 傳心殿前後住宿 初晨集暮散未定 是科拔畢沅第一次年又 諭曰讀卷各加圈點標識卽有參差不過上之適中中之適下其或相去懸絕必各存成見有高下其手之弊乃另派大臣覆看旋亦停止三十六年辛卯 恩科廷試邵晉涵等一百餘人 諭

以進呈十卷頌多規少且有語涉瑞應朕深為不取乃擇黃軒為第一四十六年辛丑 敕殿試交卷日入為度以向來有至次早交卷者連宵達旦更長人倦故更為定制罷其給燭自雍正癸卯甲辰以將選庶吉士於 殿試後加以 御試論詔奏議詩五題是為 朝考之始時令九卿各舉所知又令同考得自稱推舉初新進士既 殿試朝考復派王大臣驗別等第至乾隆丙戌 諭罷之臨軒甄錄親視其材品以為高下不特無前代吏部注官之弊而亦以豫防攀援之私古來用人莫公於此又按乾隆初年汪漑奏考試新進士令將本處當行之事各據所

石渠餘卷一

望

見陳奏格於廷議矣乃 諭以古來帝王為治不棄芻蕘况進士皆讀書之人於地方利弊或有確見今考試仍照舊出題若有願將地方事件敷陳者准據實條奏閱卷大臣擇其言可採者進呈朕覽

紀舉人授官

自順治二年肇行鄉試各省以次開科分天下為十五榜雍正元年 敕湖南建立試院自是乃有十六榜定例子午卯酉年鄉試辰戌丑未會試 恩科以春秋並舉惟順治十六年己亥特行會試而無鄉試康熙丁巳特行鄉試而無會試時止分順天河南江南浙江四榜各以鄰省會

考十五名取中一人此創舉也 國初解額頗廣天下舉人一千五百三十四人十七年庚子乃 詔減半取中康熙丙子<sup>三十五年</sup>按省增十數名辛卯<sup>五十年</sup>令各省五分加一後間又增加至乾隆九年甲子 詔十分減一以為定額自是遵行無改時河南湖北廣東請增解額後廣東之瓊州湖北之施南廣西之鎮安泗城盛京之滿合請設專額部議皆愛惜慎重而不敢輕與夫取材之多寡原視用材之意常以慎於取而急於用為本舉人選官之制有考選有揀選考選因文藝而別其人才揀選初兼考試後以具

石渠餘卷一

望

文罷之<sup>康熙三十九年停</sup>案考選之法順治十三年內宏文院以機務殷繁請舉貢考取撰文中書康熙開舉人得就中書職候選<sup>三十九年以人多乾隆二十六年從大學士蔣溥請於會試落卷別取中書一榜遇應取明通榜之年更於中書外選取是年又於會試薦卷挑取學正學錄<sup>尋改為五十五年停落卷挑取之例</sup>其中書學正學錄<sup>嘉慶初會試照鄉試例於落卷挑取膳錄教習旋復考試教習之例凡各館膳錄官學教習舉人期滿以知縣教職並用此舉人考試授官之大略也舉人揀選知縣初定三科以後唯就教不限年後令遠省一科即得揀選雍正初以</sup></sup>

舉人揀選每逾三十年不得而遠省官多懸缺乃揀發雲貴川廣以知縣試用以知州同歸舉班五年令九卿各舉所知而舉人亦得自相舉乾隆元年雲貴川廣福建舉人照雍正癸丑例揀發各省試用又以舉班壅積需次至二十年諭吏部籌議疏通尋部議捐納人員將次用竣以其缺盡歸舉人序選九年檢閱會試落卷以教職用照雍正五年舊例其挑選之制初惟恩科舉行十七年恩科揀選以知縣教職並用其數大省四十人中小省以十人為差是為大挑之始三十年諭曰舉人選用知縣需次每至三十餘年其壯歲獲售者既不得及鋒而用而晚遇者年

石渠餘紀卷一

聖

力益衰中夜思維籌所以疏通壅滯查每科中額一千二百九十名統十年而計加以恩科則多至五千餘人而十年中所銓選者不過五百人除會試中式外其曾經揀選候選者尚餘數千經久愈多隨成壅積而知縣員缺祇有此數缺少人多固必然之勢也不知者或歸咎於捐班之占缺捐班所選每歲亦不過三四十人見在捐班已停自無虞占缺即將來再議開捐知縣一條不必載入於是部議截取舉人督撫據實驗看并定就教及賞給京銜之例至次年丙戌大挑增其額大省百八十人中小省遞減旋令遠省挑十之六近省十之五四十六年改定無論省分遠近就人數

均挑是年始移其期於榜前自乾隆壬申以後每恩科則挑選嘉慶辛酉以後定六年一挑選至甲戌應挑以各省分發眾需次維艱展至丁丑令嗣後以四科為率而扣近三科以爲限制此又揀選之大略也今每科各省舉人凡一千二百餘人仍乾隆間定額蓋歷朝取士之增減與吏部選官之遲速可以參觀而互見云

附紀貢監

國初貢監內得考補中書外得考授知縣以下官歲四月彙試百人中取正印八人餘為佐貳而副榜亦考授知縣案順治二年令各提學選拔文行兼優者送監肄

石渠餘紀卷一

聖

業是為選拔之始九年吏部以貢生考定通判積八百餘員請改授布政司經歷理問等職康熙間定府州縣學選拔人數詔十二年一舉雍正初六年一舉至乾隆仍復十二年之制初用為知縣佐貳教官至戊戌兼用小京官優貢始雍正四年初令送部引見國初用人甚廣沿明制令貢監考職授官後遂相承不改乾隆五十六年軍機大臣議恩拔歲貢原有就職就教之階貢監在館充當膳錄可邀議敘均有選途而考職一途較捷請停止以息奔競於是罷考職之例

紀制科特舉

科目之外特詔舉賢古謂之制舉 本朝取士專以科目其不常舉者曰博學鴻詞科曰孝廉方正科若經學若直言及山林隱逸孝子老農雖明詔特舉而未立專科今附見焉康熙十七年 詔曰自古一代之興必有博學鴻詞備顧問著作之選朕機暇畱心文翰思得博洽之士用資典學有學行兼優文詞卓越之人不論已仕未仕京外各舉所知朕將親試錄用於是次第舉送至京月給廩餼十八年 體仁閣集試詩賦 親選彭孫通等五十人 命閣臣稽前代制科授官故事議上漢授官無常職晉上等授尚書郎唐制策高等特授尊官次等出身因有及第出

石渠餘紀卷一

選

身之目宋分等五一二等皆不次用三等為上等恩數比廷試第一人四等為中等比第三人皆賜制科出身五等為下等賜進士出身有 詔俱授翰林官時授侍講一人邵吳遠授侍讀四人湯斌李來泰施閏章吳元龍授編修十八人彭孫通張烈汪霽喬萊王頊齡陸柔錢中鎬袁佑汪琬沈珩米漢雯黃與堅李鎧沈筠周慶曾方象瑛錢金甫曹未授檢討二十七人倪燦李因篤秦松齡周清原陳維崧徐嘉炎馮勛汪楫朱彝尊邱象隨潘來徐欽尤侗范必英崔如岳張鴻烈李澄中龐瓊毛奇齡吳任臣陳鴻績曹宜溥毛升芳黎寯高詠龍燮嚴繩豫而杜越傅山王方

穀以老賜中書放歸雍正十一年再舉是科乾隆元年以御史吳元安言增首場以經解史論次場詩賦論考試一等授編修五人劉綸潘安禮諸錦于振杭世駿二等授檢討五人陳兆崙劉藻夏之蓉周長發程恂庶吉士五人楊度沈廷芳汪士鋐陳士璠齊召南次年補試萬松齡張漢授檢討朱荃洪世澤庶吉士此詞科之略也 世宗登極恩詔採古賢良方正與孝廉之稱特舉孝廉方正 賜六品章服以備召用尋引 見用為知州五十五歲知縣官後 列聖嗣基竝沿為 恩例與廉舉孝曠世一行益其慎也經學之舉始乾隆元年尚書楊名時疏薦進士莊

石渠餘紀卷一

吳

亨陽舉人潘永年蔡德峻秦蕙田吳拔貢生官獻瑤監生夏宗瀾七人 詔以為國子監官十四年 詔曰崇尙經術有關世道人心若故侍郎蔡聞之宗人府府丞任啟運研窮經術近侍郎沈德潛學有本源今海內昇平研窮本業宗仰儒先者當不乏人奈何令終老牖下而詞苑少經術也大學士九卿督撫其公舉潛心經學者務擇純樸淹通之士稱朕意焉再 詔核實保舉得陳祖范吳鼎梁錫璉顧棟高四人 命將著述呈覽授鼎錫璉司業祖范棟高年老不能來京給司業銜先是七年 詔曰古者諫無專官故進言之路廣三代而下始設官而責之以言然如

馬周陽城之起布衣爲御史其事尤可風也大學士九卿  
擇素所深知其人有骨鯁之氣直樸之風而復明通內外  
政治者不拘資格列名封奏量加錄用督撫於屬員中深  
知灼見可備糾繩之任者亦准奏聞時雖不顯立直言極  
諫之科而導之使言以決天下之壅蔽 訓詞至爲深厚  
案 開國時 詔舉山林隱逸見於順治二年制書及科  
臣朱徽梁鉉奏疏順治二年 詔舉秦中山林隱逸并故  
撫無論前代遺紳與山林隱逸果有才堪理民學足輔世  
者奏聞擢用十三年鉉疏略曰 皇上寤寐英才詔舉山  
林隱逸應聘之士自不之入然採訪未確有負盛舉如江  
南舉呂陽授監司未幾以賊敗山東舉王運熙授科員未  
有建明以計典去此輩豈真抱匡濟之才不過爲梯榮之  
藉耳夫山林者何謂其遠於朝市也隱逸者何謂其異於

石渠餘紀卷一

吳

趨說也舉逸大典必得其人乃當其位所飭細加採訪若  
品行遜倫或博洽經史或淹通禮樂或曉陰陽星緯或熟  
山林要害或智可籌兵才堪足國各就所長開送 皇上  
臨軒親試量能授職云云乾隆二年又 詔舉品行優長  
山林隱逸之士 十五年憲臣魏裔介奏請舉孝子授官後屢 詔  
察舉孝行雍正二年 詔曰四民以士爲首農次之今士  
子讀書砥行學成用世國家榮以爵祿而農民勤勞作苦  
以供租稅雖寵榮非其所慕而獎賞要當有加其令州縣  
有司擇老農身無過舉者歲舉一人給八品頂戴此卽孝  
弟力田之遺意也今老農猶存其制而禮官之請旌四方  
孝行者無曠歲焉

紀武舉

本朝武鄉會試亦始於乙酉丙戌鄉試初分保定真定大  
同甘肅後乃歸并順天及各布政司上下江初 康熙開發  
分後合 武舉各標効用弓馬嫻熟得補千把總官初隨幫千總猶  
用明季世職子孫雍正初令以武舉銓補自順治乙未定  
武舉照文進士 殿試兼馬步射庚子 上親閱射於南  
苑康熙間於瀛臺紫光閣後間於暢春園其授官之制

石渠餘紀卷一

吳

鎮臣請頒武經 諭曰武經七書未必皆正所言火攻水  
戰皆虛文且符咒占驗適足啟人衰心欲另纂一書此時  
又非修武書之時大學士李光地奏曰令習武者讀左傳  
卽佳 上曰左傳浮夸昔人議之與其用詐僞無稽之言  
不若行王道不戰而敵兵自敗王道二字卽極妙兵法從  
古窮兵贖武皆非美事善戰者皆不得已而後用兵也  
聖祖平三藩又親征漠北武功照耀前古而知王道爲極  
妙兵法推本於不得已而用之一言於虛至哉此世世臣  
子所當法守者也尋部議七書中孫吳司馬法議論近正  
定以命題試士又瀛臺閱射偶 親御弧矢所發皆中雍

正丁未集各省武舉於紫光閣觀入旗校射時親軍護軍開數石者萬八千餘人眾皆驚服其神勇若夫筈一沿革弓刀石之旋停旋復與分園印好歸營銓敘之制則具於兵部條例云

紀薦舉

人臣之誼莫大乎以人事君朝廷紀綱莫先於進賢受上賞蔽賢蒙顯戮一開國之初順天巡撫宋權獻治平三策首廣羅賢才以佐上理薦故明劄遼總督王永吉乃詔廷臣各舉所知嗣以知舉多明季舊吏廢員未有肥遯逃名之士定舉主之法得人者賞駘繆連坐薦時止以履歷

石渠餘紀卷一

吳

上聞其才品所宜由朝廷定奪禁不得以雜流黜革之人充數畏避連坐緘默不言者罪之順治末年停差巡按乃定各巡撫應薦方面有司佐貳教官員額初督撫間歲一薦舉康熙二年停專用三載考滿之法六年停考滿以給事中李宗孔言復薦舉與卓異並行十八年都御史魏象樞舉清廉十人諭張沐陸隴其係廉能之員如直隸清苑江南無錫繁劇之地庶其才可以表見二十三年令部臣保關差俱以有才及謹慎尙有其人而操守難知對上曰清操如何可廢如郝浴居官甚好猶侵蝕錢糧魏象樞曾薦郝浴此事安能豫知但將有守之人舉出自

能効力尋九卿舉吏部郎中蘇赫范承勳江南學道趙倫揚州知府崔華而兗州知府張鵬翻靈壽知縣陸隴其復與馬四十年 敕總督郭琇張鵬翻桑額一作華顯巡撫彭鵬李光地噶禮徐潮薦道府以下知縣以上官勿計呈誤罰降勿拘本省鄰屬此又擇人而畀以薦舉之權者次年禁九卿毋得保舉同鄉及任本省官旋限每人一年所舉毋過數十人五十三年尙書趙申喬舉張應詔能耐清貧可爲兩淮運使疏內有爲郎中能耐貧苦爲知府不製衣服隨從數人之語 諭曰清官不係貧富張伯行家道甚饒任所日用皆取諸其家隨從四十五人今以爲不清可乎一心爲國卽好官或操

石渠餘紀卷一

辛

守雖清不能辦事亦何裨於國蓋六計上廉而善能敬法不可偏廢 世宗卽位 諭曰知人則哲自古爲難朕藩邸不與朝臣往來大小官吏不能悉知今臨御之初簡用人才諸大臣久任股肱內而大臣以及間曹外而督撫以及州縣或品行端方或操守清廉或才具敏練各具真知灼見具摺密奏素日同僚共事或同鄉同年門生親戚子弟俱准保奏勿避嫌疑勿徇私黨勿沽名市恩勿輕聽風聞言過其實負朕諮詢之意又 諭以有舉無劾毋得修不在文字之工不怨摺須親寫不得假手子弟能書寫者面奏 又 命王大臣舉屬下人各總管舉內廷執事大員子弟屢諭羣臣以進賢勿避嫌退不肖勿避

怨四年又 諭曰從前曾諭督撫布按保舉密奏原以通省人才不少保舉二三人少僅一人各拔其尤自然精確乃竟有挾私妄舉及引見俱極庸陋非人臣事君之義因 敕各再明舉一人不得雷同嘗以湖北藩缺 上思之數日不得其人令九卿密保蓋明保之制所以揚於王庭與眾共之至黨援聲氣不得不防其漸於是封啟事而人不知者斯謀斯猷惟我后之德亦古大臣寵利不居之義也又 諭薦舉之人日後毋迴護顧惜今日因賢能而舉日後因改易而參正見公正無私五年令京官翰林科道郎中外官道府學政以上各舉一人或舉貢監生或

石渠餘紀卷一

至

山林隱逸果足備國家之用即親戚子姪不必引嫌時薦賢之詔屢下 憲廟綜核名實每觀所舉之人以決其心術之公私識見之明昧 詔令切核賞罰必行見諭旨乾隆二年以道府要職令督撫藩臬各密舉一二人次年令九卿各舉所知露章啟奏又 諭論人之道才品兼長固屬甚善但二者不可得兼才勝於品一時塗飾可觀而心志不誠根本不固將來必難於駕馭若品勝於才雖一時肆應不足而心術端方操守廉潔將來擴充歷練必能不愧循良觀人於心術之間實為探本之論時明薦密保更進迭用後屢 詔大學士保舉編檢堪勝知府者八年令侍

郎以上保舉堪任三品京堂者十三年尚書以上保舉堪勝侍郎者十四年又令各堂官保舉翰林科道部屬才堪道府者蓋薦舉之典外與卓異保薦內與京察相輔而行

附吏員

國初佐貳雜職等官由吏充選順治五年以懸缺尚多定實歷五年即與考取尋御史王秉乾奏軍前委用吏員為正印官非制部選有人即繳劄以佐雜用康熙初分四等自正八品以下分班銓補雍正初定五年考滿之後勒同回籍聽選違者遣逐旋 敕查吏員捐納知縣以上官令督撫結報優劣並定倉書儒士得以從九

石渠餘紀卷一

至

品未入用

附記幕賓薦舉舊例

雍正元年 諭各省督撫事繁勢必延請幕賓今之幕賓即古之參謀記室凡節度觀察等使皆徵辟幕僚功績果著即拜表薦引彼愛惜功名自不敢任意苟且嗣後督撫所延幕客須擇歷練老成深信不疑之人將姓名具奏如効力有年果稱厥職咨部議敘尋部議勤慎無過者照職銜即用無職銜者量給職銜特疏薦舉者優敘徇私議處

附記會推舊制



順治六年大學士洪承疇疏言平治天下在督撫提鎮得其人宜實行保舉連坐之法先令吏兵二部評注保舉再詢左右大臣而後用之有 詔督撫提鎮著內院九卿會推舊制督撫缺以待郎布按推用十年 詔不拘品級從公推擇推舉不公科道糾參顧其時雖沿明制而用人亦不盡出於是故康熙八年從給事中張登選言一會推提鎮至十年遂停初順治九年令京官二品以上及宗丞通政大理俱由會推至是令將應陞轉各官開列具題請 旨於是用人之權歸於上惟外省藩臬需人間一奉 旨推舉二十四年 諭曰九卿或

石渠餘紀卷一

聖

不據實舉薦有此次將彼意中之人薦出冀下次相報者有薦其門生同年同鄉親友者會推理宜虛公豈可一二人專擅乃傳諭申飭五十一年遂盡罷之蓋會推之制與薦舉略同薦出於一人宜不可信而行之至今不廢者以兼聽竝觀終收得人之益會推詢謀僉同宜若可恃然大官臆決唱聲萬口一辭私滅公同伐異其弊無所不至明之末造可為殷鑒三代以下欲旁招俊又會推必不可常行在慎簡虛公之人昇以薦舉之權而已

石渠餘紀卷二

閩縣王慶雲敬述

紀廕子

廕子之制虞書所謂賞延於世盤庚所謂世選爾勞是也後世恩澤寔廣如南郊聖節致仕遺表秩滿兩任皆得任子則又不免於濫我 朝之制凡廕生必入國子監肄業期滿考試授官學而後入政立法最善其制有恩廕有難廕有特廕 國初恩廕止及三品以上官順治十八年 恩旨文職京四品外三品武職京外二品以上並廕一子入監讀書三年期滿候銓康熙六年定一品官廕生以五

石渠餘紀卷二

一

品缺用餘以其級為差五十二年 聖祖六旬萬壽令宗室亦得廕子雍正元年從詹事錢以塏言始得改用武職五年以廕生年俱幼穉暫給三品廕令勤勉學習成材之日奏聞乾隆三十四年更定公侯伯視一品子廕子視三品男視四品蓋養其材所以保全閥閱之舊勳嚴其制尤以愛惜 朝廷之 恩澤也難廕之制旂常所尤重康熙三年定漢人難廕生三品以上授知州餘以其次授知縣佐貳十三年定武職難廕遊擊以上授守備餘授衛千總至雍正十年特 敕陳亡之阿岱等七員均廕一子入監讀書則出於 特恩而不以文武限者凡廕以其輕重為

襲次乾隆間定陣亡員弁襲次已完給恩騎尉世襲罔替  
蓋人臣致身之義死綬最烈食報亦宜最長所謂漢有宗  
廟爾無絕世惟軍營立功及受傷身故照陣亡例賜卹者  
不以爲比凡難廕子孫未及歲者以半俸贖之其防險溺  
斃雍正六年吳淞險工知縣周中巡洋漂沒並得援死事  
之例澤及子孫則古者功疑惟重之意特廕無事例或酬  
庸於生前或飾終於遺疏或眷懷於舊學惟加恩舊臣最  
爲異數康熙初以原任大學士希福范文程甯完我額色  
黑白 太宗時贊理機務久著勤勞范文程子范承謨額  
色黑子塞色黑已爲內院學士遂拜賜希福甯完我子以

石渠餘紀卷二

二

學士用又以 世祖特選入長春宮讀書大臣之子孫秦  
保等十四人授侍衛郎中六年以原任尙書蘇納海子瓦  
爾達朱昌祥子朱絨王登聯子王盛唐人監讀書以理事  
官用而講幄舊勞如張英張玉書熊賜履其子並皆優錄  
乾隆三年 詔求人祀賢良祠王大臣子孫未仕者擇其  
才品引 見錄用四十八年以故明遼東經略熊廷弼居  
官忠鯁屬主閭政昏身罹重辟乃以其五世子熊泗先授  
訓導又以督師袁宗煥忠於所事訪得五世孫袁炳 敕  
察看人材錄用勸忠延賞施於屋社之臣並以遼瀋之抗  
我戎行爲忠於所事廓乎大哉 天地之量也嘉慶初以

原任大學士朱軾曾孫朱晉麟授知縣而舊臣如蔡新朱  
珪吳瑣潘思渠田從典李光地王熙楊名時魏象樞湯斌  
徐士林等子孫並賜舉人進士奔世之後 恩禮弗衰如  
此

紀科道互見行取

順治八年都察院甄別臺員分爲六等擬差用內升外升  
外調降用革職各員報可又定巡按差回考核事跡冊以  
條陳舉劾等事定優劣別勸懲十一年 詔吏部察科道  
以言罷官者得六人復其職是年 諭近來言官未見糾  
參顯要皆因懼人反唇仇訐今後被論者如有辯處止許

石渠餘紀卷三

三

就所參事款剖白不許反唇仇訐言官參奏公私當否考  
察時分別勸懲特 詔巡訪官稱職俱著內升國初巡  
御史有用理事官副理事官郎舊例考選御史在內用中  
行評博在外用俸深累薦推知急缺乏人兼取各部主事  
十五年行取各官未到令以郎中員外主事改授有 旨  
科道官考選升轉差遣俱候 上裁十二年十七年福建巡  
按李時茂薦道員宋杞俸未一年以請託并議十八年察  
定考察巡按立爲上中下三等旋俸差以糾察歸巡撫康  
熙元年定科道專用各部司員停中行評博考選與推知  
并升主事七年復行取 諭曰科道行取原因親民之官

請悉利獎得以據實指陳有裨政治且足鼓勵人材令督撫舉賢能以著者親加選用十二年 諭言官專司耳目凡政治得失民生利弊必須直言無隱若虛浮剿襲或不急之務草率塞責非廣開言路之意於是罷石文郁等三人十九年以漢官皆由行取而滿科道係論俸敘升令吏部都察院選擇於是分別畱任者二十三員革任者十八員時以科臣孫鑽條奏 親試科道官材品姚締虞王曰溫李迥條奏詳明有 旨褒獎鑽等三人皆鑄級<sub>二十</sub>內<sub>外</sub>皆<sub>外</sub>子<sub>弟</sub>又<sub>歲</sub>雍正元年始以六科隸都察院貢出身人員不得考選 定科道升轉不限年通行開列初科道內升有兼管原職

石渠餘紀卷一

四

者康熙三十四年 上以兼管之員無條奏盡職者乃令內陞即行出缺其外轉道員仍帶原銜於新任又以陳時夏越職言事陳世倌工程掣肘令不得復兼原銜<sub>時惟新用之許</sub>容柯<sub>喬年陸錫書</sub>又以俱係科甲出身無庸考試但令各堂官薦舉初監察御史試俸一年不稱職者改按察司經歷至是以左御史尹泰請令再試一年詳察賢否又 諭安民必先彌盜州縣隱匿不報以致盜賊無忌不可不嚴行稽察巡按久裁目不可復今或於御史內揀選賢員酌量於湖廣江浙福建山東河南等處差員專司稽查并巡驛站煙墩有盜諱匿不報者題參一切地方事宜差員不

得干預五年復令內外保送勤敏練達立心正直人員乾隆三年停保送令翰林六部官通行引 見選取記名八年臺臣言選用御史應考試不得專重保舉於是復考選舊例給事中內陞外轉一年一次御史一年兩次康熙以來部臣春秋奏請率奉 旨暫停至六年改為三年一舉時部院司員補御史者多以熟手兼辦本衙門事四十一年 諭御史有稽查部務之責一經畱部必不肯糾察嗣後不得擅行奏聞 康熙初科道稱職者多內陞惟素無建白或才力不及者乃外轉十九年以言官安於外轉道員者甚多令廷

石渠餘紀卷一

五

臣會議

附紀起廢起病

開國 恩詔寬宥註誤官員順治十一年廉得御史以言罷官者六人並復其職康熙十二年 諭向來外官告病不准起復原以防其規避但其中才品優長政績素著者一時告歸終身棄置深為可惜令督撫保舉擢用引疾人員起病自是始<sub>病痊坐補原缺之例定於雍正五年</sub>四十年 詔督撫察舉惠愛清廉官雖註誤不論舊例降調官果係清廉許督撫保題畱任至十八年御史范承勳奏請註誤革職官果有潔已愛民并許奏畱雍正四年 諭

凡冤抑被參復職者係特恩超拔之人自應益加奮勉若仍貪酷不法者重罪虧空補完開復及捐復者如之六年 諭曰朕愛惜人材於罷斥人員常降旨調來引見以觀其才具優劣不忍令其棄置今思從前因公註誤之員未必無才守可觀者吏部行文各省除大計特參外其因公註誤降革者會居官五年無錢糧案件未清之處准赴部具呈引見八年 詔察在京文武官因公註誤者皆酌量起用 純皇帝御極復申前諭至元年一年之間已及三千餘人大學士徐本奏停之十四年又飭部查因公註誤人員派大臣察驗引見蓋法為

石渠餘紀卷二

六

中人立故敘吏之條教有不得不嚴者而魚網之設鴻則離之賢者亦有時而不免惟於赦過之中寓議能之意庶乎法紀常伸而人材無棄置之歎哉

紀行取舊制

行取之制始於明明初科道用人其途甚廣厥後定制在內用主事中行評博而外取三年考滿之推官知縣謂之行取惟特薦者不以資限本明史選舉志元臣陳恩謙有言古者刺史入為三公郎官出宰百里蓋欲使外職識朝廷治體內官知民間利病也 國初行取之制有由督撫薦舉者有詔大臣特保者後乃吏部按格選取其選漸輕不久

遂廢順治初年推知考選御史及吏部司員以歷俸三年薦有三次者為合格惟十四年以臺諫缺員不論俸次是年丁酉并乙未科之推知亦得行取各部郎中員外郎收授御史亦自是年始康熙元年令科道專用部員行取官但陞主事中行評七年 諭曰科道行取原因親民之官諳悉利弊得以據實指陳有裨政治且足鼓勵人材令督撫舉賢能夙著者親加選用於是復行取時 聖祖初親政詢部臣以歲宜行取幾人部議預定員數或人不及額而庸流得以濫充或人浮於額而賢者無由盡舉莫若考選註冊用完再具題行取臣以為額不必定惟其人其是時銓部可謂達政體矣二十九年 諭行

石渠餘紀卷二

七

取知縣用為科道職任緊要令九卿舉學問優長品行可用者於是戶部尚書王鵬舉清苑知縣邵司堯兵部尚書李天馥舉三河知縣彭鵬靈壽知縣陸隴其 上素知三人服官廉介而大學士徐元文亦舉麻城知縣趙蒼壁俱得以科道用時同舉者十二人前後行取得人以是年為最見乾隆四十四年諭旨四十四年四川巡撫能泰奏行取知縣不無請託且錢糧盜案之有無歷俸之深淺皆註在部冊請停外省薦舉之例由部論俸行取蓋自用法稍密第以有資俸無參罰者為賢能督撫顯遜其權陰卸其責大臣不能以人事君而鼓舞人材之具歸於胥吏之手矣時定三年

一舉其員數大中小省以五人三人一人為差於是吏部議知縣歷俸三年即得行取考選科道似覺太速應先按部主事方得考選至四十九年行取知縣廖之諒鄒汝魯以居官素優特補科道其餘暫給知縣俸分六部候補主事如別項應用又諭行取知縣人材俱佳令其候補殊覺可惜著留京食俸遇主事知州缺出皆得補用五十五年行取覃岱等十二員皆授額外主事時由部論俸而不由特保故行取之選漸輕其用為科道者寥寥焉人主非不愛惜人材而終不能與法爭勝任法而不任人其弊至此雍正開吏部按期奏請而少舉多停見乾隆六十年諭旨乾隆

石渠餘紀卷一

八

元年以行取在京揆選主事有遲至四五年者 諭在彼不免守候之苦而外任轉少一諳練之人殊為可惜令照武官保舉注冊例仍留本任序餘四年吏部以行取人員引見 特旨用康熙二十九年故事令九卿公舉賢能次年 諭 聖祖時如湯斌陸隴其輩學術純正言行相符陳瓊彭鵬輩操守清廉治行卓越天下之大人材之眾豈無與此數人相頡頏者令公舉以備採擇臣案特保之典曠五十年於是再舉益慎重之至也至十六年 諭曰行取知縣此制始於前明其時專重資格按俸陞轉不得不以部用一途疏通壅滯而亦銓部漁利之一途也案明代考

選科道九卿臺省先有訪單優者授給事中次者御史又次部曹往往據訪單為高下見明史選舉志 今州縣陞途甚廣才能傑出之員無不保題擢用實無壅滯之歎而督撫於地方能員亦無不欲其駕輕就熟遇隔省陞調往往奏請且崇劇之任參罰必多所謂無事故合行取之員大率尋常供職俾免處分者耳即以銓補部曹迂疏潦倒了無得力之處況百里之寄任即非輕才亦可展果屬賢員方議久任以責成功部曹分局一司事簡無所表見轉覺用違其才此實向來沿襲具文著永行停止臣案是時行取用為科道之制久已不行然所謂停止者停行取之陞部員者耳非謂行取知縣不可以為科道也謹考

石渠餘紀卷一

九

國初沿明制臺諫需人考選及於中行評博自不如取諸邑令為能真知民間疾苦地方利病故陸清獻諸人由行取任臺諫錚錚有聲 純廟猶亟稱之自部議防其太驟俾之迴翔於曹司之中雖曰將終用之而固先以長材置散地矣且其途既紆勢不可以賢能有用之人推轂其成為具文者必然之勢也夫國家立一法必有用意之所在得其意則張之弛之變通之無不可者失其意未有能守其法者昔者行取之設其意以為邑令平以為諫官平如第以為循良勸則鼓舞遷擢之權出自朝廷古有遷秩賜金者矣何必按格行取置之散局也若以為耳目之官當周知民隱

則內外保薦之舊規與康熙七年二十九年乾隆四年  
明詔具在謀國者可以知所擇矣

紀京察職別京官附

順治八年 世祖親政 諭部院諸臣託名熟練持祿養  
交有年屈懸車貪戀爵祿著吏部開列職名親行更定與  
天下見之九年始行京察定以後六年一次遇寅申年舉  
行願其時雖定京察之制而甄別亦不盡依年限是以十  
年 諭曰外官計典十年內已三舉行京官殿最亦當核  
察吏禮侍郎學士詹事等官朕親考區別六部等衙門老  
疾不能任事素行不孚眾論或才可外任者各堂官察核

石渠餘紀卷二

十一

彙送吏部都察院同吏科河南道議奏通理常僕等衙門  
堂官開送核奏於是照八法例甄別十二年定考滿議敘  
例初次優等加銜二三次優等加級時三年考滿與六年  
京察之典並行凡三品以上自陳四品等官吏部都察院  
議奏 親定去留又令優等給與 誥命康熙二年停以  
後唯 覃恩得  
給命 十七年 詔甄別內外官都御史魏裔介請行糾拾  
之法以補甄別之所未及內而京官外而督撫不拘現任  
丁憂告假養病科道官遇有見聞即據實糾劾從之時內  
外保列一二等者甚多康熙元年 諭曰內外官員歷俸  
三年考滿即可分別去留此外又有京察大計實屬繁文

乃停京察大計專用考滿以五等分別勸懲一二等稱職  
加級紀錄平常者畱任不及者降調不稱職革職以後升  
轉一等者先用三年御史張冲請以部院員數之多寡  
定一二等名數以息奔競四年御史季振宜請停考滿三  
疏其一曰自行考滿以來大臣上疏自陳不過鋪張功績  
博 朝廷表裏羊酒之賜至堂官考核司屬朝夕同事孰  
肯破情而秉至公其中鑽營奔競不勝言況今自尚書  
以下悉按品升補與考滿無涉自正月至四月皆考滿自  
陳之日一人一疏以數十計諸務叢脞弊從此生請停考  
滿之法照序升轉從之按考滿年限行京察之 六年遂復

石渠餘紀卷二

十二

行京察次年甄別不及官三十七員有 旨不必調任俱  
鑄二級滿官隨旗漢官致仕八年甄別尚書布顏等七人  
十九年副都御史郝浴疏請部院每歲終各舉劾一人二  
十年甄別部院司官十一員二十二三年甄別各二十三  
員蓋往往於京察之外特令糾參未嘗以年為限又以漢  
軍皆用漢缺重在文義考試侍郎以下官於 大和門分  
別去留三十四年部院遵 旨保舉四十七員甄別四十  
二員復遵 旨保舉九十五員以次內升雍正四年 諭  
各部漢司官冗濫今春京察止革退數人乃汪景祺查嗣  
庭妄謂郎中等官壅滯有十年不調白首為郎等語必司

官中不感恩而怨望者此等既不能為國家効力又多  
占員缺阻後人升補之路著各堂官甄別以聞乾隆四年  
鴻臚寺少卿查斯海奏京察被劾向不引 見或姿本英  
露而堂官性多沈抑即目為浮躁或質稍遲鈍而堂官識  
多明敏即棄為不及且更有賦性慤直不善應酬遂以嫌  
隙加之吏議嗣後京察六法照外省大計例引 見從之  
八年 諭曰昔蕭何相漢終舉曹參羊祜佐晉亦進杜預  
薦賢自代青史稱焉是以宋有詔觀察薦忠勇自代之條  
金有敕宰臣奏賢良自代之諭今三載考績大臣徒遵例  
自陳乞賜罷斥而不舉賢自代使遂其高尚職將誰任乎

石渠餘紀卷三

三

其以明歲為始大臣自陳乞罷令各舉自代之人食祿及  
章帶之士均許但不得舉同列著為令顧行之不能以無  
弊十二年 諭曰朕令自陳之大臣舉賢自代侍郎楊嗣  
璟以廣西人而舉本省之學政官獻瑤官階越次關學朱  
定元舉雲南知府徐鐸若謂無私誰其信之又如盛京侍  
郎四人同城而所舉彼此相同顯係邪詐會合又如侍郎  
李元亮甫薦湖北臬司徐琳而徐琳即被總督楞額參以  
乖張詐偽廣西巡撫鄂昌薦布政司李錫泰上年李錫泰  
召見極稱鄂昌之優今鄂昌即舉以自代能免朋比之嫌  
乎嗣後多立科條定督撫不得舉本屬藩臬  
增紳不許舉本省官員九年令大學

士驗看京察有不稱一等者裁去十一年復 諭曰此亦  
權宜辦理究之察核司員惟堂官最為親切要在平時西  
心體察臨事舉劾公平如上次一等三年行走平常即改  
二三等上次二三等三年奮勉即當列為一等庶察典肅  
而人知勸懲十五年 諭京察屆期四五品京堂既不自  
陳亦不引見雖吏部都察院填注考語不過虛文龍鍾庸  
劣既得姑容即才具優長亦無由自見於培養人材澄敘  
官方之道蓋兩失之嗣後派王大臣秉公分別一二三等  
引 見案五十七年引 見三十  
六員馬應樞等一等三人十七年停自陳之例  
諭曰京察之年部院大臣各省督撫自陳求罷候旨照舊

石渠餘紀卷三

三

供職雖三載考績之義但卿貳職贊機務督撫任寄封疆  
朕量材簡擢日復於懷其有不副委任或克稱簡畀率已  
隨時黜陟斷無遙待三年之理凡可俟京察解退者不過  
閒曹冷署年力衰昏又非有大過介於可去可留之間者  
耳且人身列大臣謬以罷斥為辭是相率為偽誠無謂也  
自陳繁文著停止武職軍政視此二十二年定部員五十  
五歲以上堂官詳加甄別三十三年改定六十五歲以上  
者引 見時定察典人員以上次數目比較每 敕部院  
大臣詳慎甄擇以防濫竽先是十八年京察三品京堂令  
吏部月呈事實清摺 親為裁奪至四十八年以大小三

品京堂既不時常接見又不便派大臣驗看著吏部帶領引見將履歷注明

### 紀吏治

順治元年順天巡按柳寅東疏言吏部者吏治之源也近見升除各官或故明賊吏流賊偽官一槩錄用雖云寬大然流品不分其爲民害不可勝言攝政王報曰經綸方始治理需人歸順官員既經擢用不必苛求此後官吏犯賊審實立斬雖開國權宜固以懲貪爲弊吏之本矣十年世祖幸內院閱大計疏謂大學士曰貪吏何多也此輩平時侵漁小民大計之年亦應戒懼范文程以見利智昏

### 石渠餘紀卷二

五

對上曰此由平素不能正心苟識見既明持守有定安能爲貨利搖奪乎至哉 聖訓誠窮源探本矣是年 命吏部考核各省督撫康熙七年副都御史折庫納金世德等言近例督撫止有貪墨欠賦違限錯擬處分請飭部議如有百姓失所拋棄田地豪無治理者論罪從之八年甄別督撫九人莫洛與白清額以輿情乞爾還任二十六年以直隸巡撫于成龍眞實清廉無勉強虛假介然自守無所交游特加太子少保銜以爲廉能稱職者勸時九卿會議稱雲貴總督范承勳山西巡撫馬齊四川巡撫姚輔處居官皆優 上曰范承勳等居官果善但尚有勉強之意于成龍則出自誠心五十六年以陳瑣

操守潔清古人中亦不多得追授禮部尚書立碑與諡竝廢子雍正四年 諭曰居官之道自以清廉爲本但地方大吏職任甚鉅察吏安民興利除弊其道多端倘但恃其操守而於地方不能整飭貽害甚大蓋此時清官無取於民不能禁民之爲非故百姓賢不肖皆稱之無所取於屬員亦不能禁屬員之不法故屬員賢不肖皆安之大臣子弟親戚犯法則姑容地方強紳劣衿生事則寬待故大臣紳衿皆言其和平甚至胥吏作姦不能懲盜賊肆行不能察及事務廢弛加以罷斥而地方官民羣然歎息以爲去一清廉上司爲之稱屈此則平日模稜悅眾違道干譽之

### 石渠餘紀卷二

五

所致也且操守平常者心懷懼畏頗能整頓經理不致曠廢朝廷又時畱心訪察一有不善卽加懲戒在朝及屬下之人皆伺察其過不爲隱諱是以此等之人貽害於地方尚輕朕深望爾等爲明體達用之全材而深惜爾等爲同流合污之鄉愿勉之勉之 純廟登極各督撫遵 旨將屬員賢否具奏比三年未有續奏者乃 諭曰卽督撫仍居原任而前後數年之間屬員新舊不一亦豈無改行易轍者均當隨時奏聞豈待朕諭旨屢頒始敷陳了事邪旋令藩臬道府來京引 見五年 上閱 仁皇帝聖諭有九卿察訪督撫之諭諭曰爾等俱爲大臣天下督撫之賢否應於平時畱心細訪以備顧問



誰貪誰廉即行公舉即門生故舊不為徇庇庶人知勉勵乃朕問時或謂未同辦事知之不真以此推辭非理也乃 敕諭曰近日在廷大臣亦甚類此即如郝玉麟鄂彌達之案皆從外省發覺廷臣未有參奏又如王士任岳濟之劣蹟德沛楊超曾劾之豈廷臣一無聞見必待督臣舉發邪朕一人耳目豈能周知惟大學士九卿留心察訪有聞即奏庶人人其慎官箴且王士任等以督撫而不能自保操守 皇考時未有是也朕用是滋愧焉蓋以督撫表率一方面而以廷臣糾察督撫上下相承內外相制馭吏之法乃簡而易行九年御史彭肇洙奏各省關係民生風俗之事雖經題結仍令戶部計歲中某省旱澇豐歉刑部計

石渠餘紀卷三

六

歲中某省奸盜人命干名犯義案件若干簡切詳明按省分注歲終彙進此即古者課殿最之遺意有 旨允行二十二年 詔江南淮徐海等屬受水患有年矣此方州縣視他處更重現任守令督撫各出考語奏聞有賢明宜爾任或可調他處者其悉心詳酌一二年後朕親臨考察倘仍入疆而田野不治則非守令之罪將督撫是問矣蓋疆臣者郡邑吏之綱也整其綱則條目咸理此治天下之要道也初潘臬任三年未允 陛見令以後每歲奏請年十八旨至二十四年定道府直隸州按省分遠近引 見以六七八年為差

紀守令

前代設官重內輕外牧守處遷謫而州縣多雜流 本朝治法重守令之職又於其中別為等差順治十二年 諭曰知府乃吏民之本其最要者如直隸之真保河開江南之江甯淮揚蘇松常鎮浙江之杭嘉湖紹山東之濟南青兗山西之太原平陽河南之開封彰德陝西之西安延安江西之南昌吉安湖廣之武昌荆襄福建之福州泉州共三十府或政事殷繁或地方扼要著京外大臣各舉才力兼優者以備三十處知府之用又曰州縣之制自漢以來即以人戶分大小隋有開劇衝要之等唐有赤畿望紫之

石渠餘紀卷三

七

差明時酌為繁簡隨才器使各盡其用著吏部參酌時宜將地方分為三等應選官員考其身言書判亦各三等按等授官使人地相稱十八年定浙江溫台甯波沿海官員照邊俸陞轉康熙六年御史王伯勉奏佐貳推陞知縣請飭督撫廉訪堪勝民社者保舉陞授濫舉者罪之御史高坪請委署州縣專責知府而行保舉連坐之法並從之蓋推陞而不責保舉則庸流或循資而進而造次委署易於遷就惟知府於一郡之官熟其才品且關其考成尤職掌所最切二十三年嚴州縣遇事不結處分至四月者褫職二十八年 詔淮揚被災府州員缺俱奏聞選授是年定

楚粵黔蜀四省中如黎平茶陵東川平越等界連苗地守令員缺於本省揀員題補三十七年從巡撫石文晟請以雲南元江開化廣西廣南四府煙瘴之地照粵西南甯太平慶遠思恩四府保題例於郡縣中擇廉能熟悉者或調或陞鶴慶順甯永昌三府地接蒙番中甸外逼烏斯藏知府照山陝例奏聞請簡餘官由外調補五十二年定福建閩縣等十六州縣以卓異人員揀補自後政務衝繁地方邊要因時制宜每有更改雍正開以川陝劣員甚多將補選兩省人員親加揀試三年雍正六年諭知府有察吏之責內有循分供職不能察吏而又無過犯可參劾者

石渠餘紀卷二

支

督撫甄別具題暫留本任仍於本省揀選保題引見到任後前任交代來京以部屬改用若所保亦屬中平仍將前任知府留任然改用部曹之例旋即停止九年以陝甘辦理軍需命大臣保送人材發往乾隆三年諭曰雲貴地方改土設流漸次安輯然瘡痍初起元氣未復必得循良之員恩信兼著然後可久安無事近督撫於苗疆多擇能員以資彈壓不知矜才喜事之輩非有實心實政撫綏化導苗雖頑悍具有人心非不可至誠感動果能廉靜樸實有司勤加撫卹一無擾累諒無不可革面革心者嗣後應慎選賢員以居其任羣情愛戴者保題陞擢其恃才貪

功者不得輕任蓋能員喜任事而每至僨事賢員無赫赫名乃能相安於無事六年特詔督撫甄別知府十二年諭曰親民莫切於縣令而知府表率一郡職任尤重欲望政平訟理非久任不可漢宣帝詔曰太守吏民之本數改易則下不安民知其將久不可欺罔乃服從其教化誠至言也即如州縣才具優者督撫或調或題陞知府則擢監司究之缺有繁簡職守則一知府賢則屬縣各修其職監司體制雖優所職不過分巡轉核或專司鹽糧轉不若知府與屬縣較為親切且此題陞題調不過幹辦敏捷未必皆古所謂日計不足月計有餘而此地得一良吏即彼

石渠餘紀卷二

九

地失一良牧孰非赤子孰不當善為撫字顧數數更易乎但榮進之念人情不免非示以獎勵歲月淹久必致自墮志氣而吏民無識亦謂其不為上司所物色或敗疲玩之習不足以鼓舞人材振起治術漢時守令法行優異輒以璽書勉勵增秩賜金寵以車服有爵至關內侯者兩漢循良冠越唐宋今或仿其意而行之乃下大學士九卿議尋議題調以歷俸五年為斷升調又滿三年政績卓著保題加銜遇缺即陞蓋明詔以守令數更不可以敦化善俗援引古誼思復任久任之法而部臣但知以遷擢鼓勵人材故其議止於限年陞調而已乾隆三十六年兵部保送簡缺知府上察其衰庸

將堂官議處是年貴州巡撫裴宗錫奏參特用知府二人  
上嘉其不肯優容遷就旋又奏保簡之石阡知府不勝  
外任部議堂官照例保繁缺例議處四十二年定調署  
州縣佐貳不得過實缺十分之二從大學士阿桂請也

附紀引 見 召見守令

國初分府州縣為三等授上等者引 見面定餘歸掣  
錢康熙三十六年以御史朱廷鉉言令卓異官照行取  
例引 見次年御史荆元實請引 見月選州縣以重  
其選衰邁者休致年少輕浮者分部辦事三年以原職  
用有 旨竝令同知通判引 見五十一年御史徐樹  
庸請引 見督撫特舉之員自後郡守牧令無不引  
見者至知府授官無論請 旨部選繁簡之缺皆具摺

石渠餘紀卷二

三

謝 恩請 訓 召見殿墀於初授官觀其敷奏於報  
最詢其治績前代銓曹注擬其號為廉平者代不數人  
以天子臨軒策遣為非常曠典以今視之何如哉

紀考試月官舊制 月選官謂

國初選人得缺吏部當堂考其身言餽名考其書判分為  
三等 京官主事司務外官知縣 其缺分之繁簡名次之先  
後一以考試等第為斷順治八年 諭吏部於銓選之時  
考試告示文移優者選用劣者除名澄清吏治大端在此  
顧其法未久輒停康熙間令寫履歷以三百字為限 初用  
文至康熙五 入股 又令會同九卿驗看有行止不端出身不正  
十七年停

者據見聞直奏是為驗看月官之始 康熙五十三年定 又令選人  
將地方繁簡難易預為等畫何以治民何以厚俗以及催  
科撫字之術獄聽訟之才各出己見詳陳一二事於履  
歷之後其調補升任之官將舊地方利弊明白敷陳蓋使  
之敷奏以試其言驗看行止以觀其行凡所以澄敘於入  
官之始也雍正三年准都御史江球奏請月官履歷無用  
繁冗履歷後增一條議以觀才識旋 諭日月官條奏原  
欲觀其存心今漸有將關係地方事務條奏者新進小臣  
或將條奏事件在外聲揚以沽虛名或刻入文集查出重  
罪嗣後月官履歷密封進呈次年又 諭日月官條奏原

石渠餘紀卷三

三

以觀其學識即知將來之趨向今詢本人竟有不能奏對  
者明係代作甚屬不合嗣後代作以違旨論是年月選官  
陳克復條奏虧空倉穀請先動正項買補仍一面嚴追有  
旨交九卿議行乾隆八年江蘇按察使李本裕奏請月  
選州縣於九卿驗看時摘問律例一二條令其條對與履  
歷一並進呈格於部議 特旨准行竝著為例十七年以  
九卿不肯實心體察令每月開列名單請派瞻徇者科道  
得以糾參而詹事之派驗看則自乾隆七年始初各衙門  
保送撫民同知通判例派大臣考試三十三年 諭曰此  
項人員取通曉字義標判文書而止非場屋衡文可比若

一一校藝轉易滋代倩傳遞等弊甚屬無謂嗣後照月選官例赴部親填履歷不必派員考試蓋考試月官之制至是已久停矣案書判視詩文為適用而尚不免浮詞條陳視書判為切要而試無專題作多假手即干冒與以包荒口對果能響答而身未入其中則所謂地方利病與撫循聽斷果能真知而力踐之乎惟律例為有司不能不讀之書以政學不如學而入政摘問條對之制純廟特旨允行有以哉高宗即位諭月官於政治稿有所見準其據實直陳若胸中無欲吐之言止許繕寫履歷須聖套語察行停止

紀大計互見京察篇

石渠餘紀卷二

三

順治二年御史張澂疏言盜賊竊發皆因有司惟知善事長官不恤民瘼考績殿最宜以守已端潔實心愛民者為上考三考奏績不次擢用幹理簿書惠鮮無策雖有才能止注中考三年吏部奏朝覲考察之期請於四年正月舉行頒五花冊令撫按以才守政年四格注考才則或長或或廉或平或貪政則或勤或平或短守則或或忘年則或青或平或老四年行大計詔曰天下人民困苦極矣朕既出之水火與監司守令共圖治平蓋四載於茲奈明季之積習難除頽風猶煽有司則貪婪成習小民之疾痛誰憐雖婪墨間有糾彈而姦猾每多賄脫朕甚憤之茲當大計已嚴飭所司貪酷重懲聞其周黃爾等

姑准畱任尚思被淫前愆嗣是每遇大計入覲之年必

嚴切訓諭之是年吏部奏定三年一舉以為定制撫按考語咨達吏部考功司吏科河南道詳核去畱定入法處分貪酷革職提問罷軟不謹革職年老有疾休致才力不及浮躁降調凡計典處分官不准還職九年吏部言計典舊例府州縣正官入覲但委署害民反為地方之累議令藩臬兩司代覲從之故事計參之外令科道糾拾四年大計拾遺被劾者多科臣魏象樞再以為請得旨糾拾官照大計處分挾私妄糾者論十三年大計天下官二百九十二員休致降革者有差又諭曰朕親政六載於茲振飭

石渠餘紀卷二

三

官方未嘗寬假今又當大計之年而治猶未進民猶未安錢糧逋欠盜賊竊發大者仍不法小者仍不廉致上之德意無由下究民之疾苦無由上聞非爾等失職之咎歟已飭所司重懲貪酷宜各正直存心清廉持己勉圖後效十五年定薦舉員數大省無過十人小省三四人有舉無劾不得注考仍察處十八年給事中雷一龍疏言大計勿得遺大吏而摘微員懲去位而寬現任並請令藩臬赴部面同指實康熙元年停藩臬入覲以參政副使等官代十二年御史馬大成請復令入覲二十五年又停於是罷大計行考滿以五等分優劣科臣俞之炎請並俸通考御史張冲翼請申嚴卓薦定額

皆以詳核事蹟使名實相副為言旋以每人一本題奏繁多改為五等各一疏四年御史李振宜疏言自改入法為五等其弊更大即如州縣由府廳至督撫豈盡不受賄賂層層剝取必至侵帑殃民請嗣後止責督撫不時舉劾其無參罰註誤者照俸升轉六年復行大計御史田六善疏言卓異之官宜以清廉為本凡司道等官必開不派節禮索饋送州縣等官必開不派雜差重火耗虧損行戶強貸富民即以清吏之有無定督撫之賢否並從之二十三年停藩臬卓異以督撫官資相近易於結納也二十五年諭凡朝覲之期每藉端科派私通交際是察吏本以安民

石渠餘紀卷三

書

嗣後蹈常習故決不稱貸會都御史佛倫疏言藩臬專理一省錢穀刑名朝覲來京委員代理或至舛錯稽遲雖有條奏不過細事寒賁況道途供應官員或藉端私派請嗣後將藩臬及府佐官員入覲之例停止照慶賀 萬壽表章例每省委道官一員齋冊入覲至官員賢否止以督撫文冊為憑藩臬造冊亦請停止從之蓋省一繁文即省一繁費免虛糜於官吏即留氣力於閭閻故立法莫若簡又不獨大計然也二十八年山西巡撫葉穆濟疏言不謹等官必俟部文離任恐此等自知被劾官箴民瘼益罔顧恤請以後計參及不時題參官拜疏之日即遴官署理從之

雍正元年又有大計軍政革職即行解任之旨

四十三年以教官多不諳文義論巡撫不時考試四十四年 諭薦舉卓異務期無加

派無盜案虧空民生得所日有起色其他虛文俱不必人

雍正元年定大計平等知縣以上官亦注考語軍政守備以上同

四年令貪酷以外有願引見者聽六年定卓異薦主處分

其自行參奏者免乾隆八年 諭曰養民之本莫要於務

農州縣考成應用是為殿最向來不專以此課吏者因其

迹似迂愚驟難見効不似催科聽斷捕盜之顯而有據督

撫察吏每於此等本計視為老生常談不知為政之道本

舉而末自隨之如果南畝西疇人無餘力于耜舉趾日無

石渠餘紀卷二

書

暇時則心志自多醜樸風俗自鮮器凌人知急公而閭閻無待追呼人知畏法而盜賊因以寢息本計既端末事以次第就理各督撫其其勉之其時 鑾輅 省方每戒扈從騎士毋得踐擾大田穡事咨詢時形歌詠以勸農為勸吏之本實與漢詔同風二十四年令大計之年吏部將督撫履歷開單呈覽督撫將藩臬考語另摺奏聞二十九年定正薦外拊薦人員缺繁俸深雖有處分亦得酌令引見四十四年改定卓異官別犯貪贓保舉之道府處分減督撫一等舊例道府降三級調以司道止於保詳而督撫親為核定也

京營表序

康熙會典凡例曰八旗士馬雲屯難以數計其各省駐防綠營兵馬俱按次詳載云考是書八旗都統載每佐領下設某軍幾名於京師營制之統轄兵額之多寡則從闕如自後修會典者沿以爲例雖羅列營制而皆不計兵額良以京師爲四方根本古所謂臧於九地之下動於九天之上其深嚴邃密不當輕以示人非真京旗之兵難以數計也至 皇朝通考於京營沿革甚詳而兵額尙略中樞政考有散數無總數使人知其然而不知其所以然謹案我朝京旗各營皆從佐領起數與前代立營定額募兵實

石渠餘紀卷二

美

伍者不同不得佐領之數則歷朝兵數不可得而稽也道光庚戌冬雪窗多暇思爲京營表因取嘉慶會典八百三十七所載歷代增編佐領之數截算某年佐領若干爰先立佐領表以繫兵額之綱由此以定設兵之數庶幾有所據依以見因革損益之實兵額表則始於康熙會典其書編至康熙二十五年由十年佐領以推是年兵額自後歷有增減至乾隆二十九年嘉慶十七年兩會典明載佐領之數即可以覈計當時設兵之實數近數十年佐領不復增編而兵額遂定再取中樞政考散數核其總數以著嘉慶末年兵額併舊從曾滌生侍郎莊牧亭駕部藉鈔道光

二十九年兵數摺附焉夫兵備於不用而藏於無形覽是表者得其損益之大略以心知其意可爾慎無付之鈔石也長至後七日夜漏未盡六刻趨朝退食序

表缺

紀列朝各省兵數

方順治八九年開歲入額賦一千四百八十餘萬而諸路兵餉歲需一千三百餘萬至十三年以後增餉至二千萬嗣又增至二千四百萬時額賦所入除存留外僅一千九百六十萬餉額缺至四百萬而各項經費猶不與焉張文貞集順治十年尙書王永吉奏兵制宜核請將某鎮衝險防兵

石渠餘紀卷二

美

宜厚某營平緩成卒宜裁令各省通盤籌畫錄

臣謹案 世祖龍興東土所與共取天下者皆遼瀋舊人及蒙古部眾未嘗藉綠營師武臣力也天下已定八九年開始定各省營制時雖九邊撤防而三藩擁眾各數萬索餉無厭兵數殆不可考矣今以餉額推之蓋遼年迭有加增然張空冊以冒支者比比也 實錄順治外郎葉舟疏言逃亡缺額老弱弱冒占之兵猶未盡核實 康熙二十八年頒修會典兵制門載京城巡捕三營經制馬步兵三千三百名直隸巡撫及各鎮標兵三萬七百名山西二萬五千名川陝總督陝甘兩巡撫及提鎮各標兵

八萬五千九百七十八名四川巡撫及提鎮各標兵四萬  
名雲南四萬二千名貴州二萬名廣西二萬名湖廣四萬  
名廣東七萬三千百十名江南總督總漕江甯安徽兩巡  
撫京口將軍各標兵四萬九千八百五十名浙江四萬三  
千四百五十名江西萬五千名福建六萬九千七百二十  
六名山東總河及撫鎮標兵二萬名河南一萬名都各省  
經制馬步兵五十九萬四千四百十四名又載在外官兵  
俸餉康熙二十四年部撥歲額銀一千三百六十三萬三  
千九百兩米一百九十六萬二千五百石豆七萬餘石草  
三百餘萬束各有奇此篇數目不免有誤四十三年以各省營員籍

石渠餘紀卷三

天

親丁食糧之名任意虛冒多寡不等令廷臣集議提督以  
下干把以上各定親丁名糧數目以為養育家口僕從之  
需五十一一年左都御史趙申喬奏虛名冒餉疏言冊上有  
兵伍內無兵紙上有餉軍中無餉其咎固在於侵餉之官  
其弊總起於頂名之兵蓋自召募悉用舊名於是新收開  
除無從稽核凡入侵餉之囊者雖查點摘發亦不可究詰  
矣五十二年大賞天下兵丁 諭頒賞諸臣按名散給而  
究不能盡知頂冒五十七年 諭各省空糧甚多即直  
隸空糧亦不勝數平日不補足訓練臨  
時欲用縱有募補之兵累萬亦何濟耶  
臣謹案 聖祖削平三藩晉蒙古而臣僕之當躬擐甲  
胄跋履行閒於兵事可謂精且練矣其時額設之兵常

少雖順治間兵額不可考以餉額推之蓋裁減於舊者  
十之三四苟常守而不變豈非度支之幸哉或言康熙  
之世治尚寬厚各省虛伍之弊未能盡除何至量為之  
額蓋自經制既定俸薪不能驟增惟是示以限制去其  
太甚而已職田之制不可復矣令州縣以一分取火耗  
營屯之制不可復矣令將領以隨餉代養廉此 聖人  
馭天下之微權也

石渠餘紀卷三

天

雍正二年以增設外委干把總定每人與步糧一分令其  
子弟家人頂食又定提督親丁名糧八十分總兵六十分  
副將三十分參將二十分均馬步各半遊擊十五分馬七  
步八都司十分守備八分均馬步各半千總五分馬一步  
四把總四分馬一步三 敕各省一例遵行倘定額之外  
再行虛冒兵餉一名定行重罪

臣謹案 世宗為治號為綜覈承康熙休養之後舊有  
名糧卒為之定額何哉耗羨歸公州縣之養廉既不得  
不增名糧定額陽用將弁養廉之名而陰行裁汰冗兵  
之實此又 聖人之妙用也

乾隆二十九年會典載直省綠營兵額直隸四萬四千三  
百四十八名山東一萬六千七百九十六名東河三千二  
百五十二名南河一萬三千七十二名山西二萬八千七

百七名河南一萬四百三十六名江南四萬一千二百七十五名清營五千二名江西一萬四千三百十二名福建六萬六千五百六十六名浙江四萬一千五百二十九名湖南北四萬三千四百四十七名陝甘九萬六千六十七名四川三萬三千九百七十名廣東七萬二千五百六十七名廣西二萬四千一百六十六名雲南四萬八千五百五十四名貴州三萬八千二百五十七名都六十三萬七千三百二十三名京城巡捕營不在此數

四十六年 諭向來各省提鎮下至將弁皆有分扣兵丁名糧作為得項此例定自何年著該部具奏虛額空糧之

石渠餘紀卷三

三

弊不可不澈底清查著傳諭各督撫將提鎮以下分扣名糧實數查明據實具奏又 諭國家簡核軍實期於兵額充足如兵丁紅白事件從前設有生息惠濟銀兩以資賞卹後因生息名色有關國體特敕停止昨陝甘添兵案內籌及賞卹請復惠濟銀兩朕以國家賞兵之費藉商生息支給究屬非宜已諭令動正項開銷各兵丁紅白銀兩原係加惠行伍格外施恩若因此裁扣名糧殊非核實之道所有賞卹兵丁紅白銀兩自乾隆四十七年為始俱著於正項支給至各省武職俱有應得坐糧馬乾令照文員例給與養廉其所扣兵餉即可挑補實額核計添給養廉歲

支不及二百萬兩官員既無拮据而各省又增兵力於行伍大有裨益時大學士阿桂奏國家經費驟加不覺其多歲支則難為繼此項經費歲增三百萬統計二十餘年即須用七千餘萬兩請將武職議給養廉所扣兵餉除邊疆查明增添兵額外其腹省均可毋庸挑補實額 高宗諭曰國家經費原當量入為出而足兵衛民又不得稍存靳惜之見阿桂所奏出入大數大臣謀國自應如此但泉貨本流通之物財散民聚聖訓甚明見在戶部銀庫尚存七千餘萬兩何必於此總總過計乃令廷臣議奏尋定議所裁名糧悉挑補實額

石渠餘紀卷三

三

案會典事例直隸裁養廉名糧三千八百七十名賞卹名糧九百名增實兵四千七百七十名山東裁養廉名糧一千五百九十三名增實兵一千五百八十一名山西裁養廉名糧二千一百六十名賞卹名糧四百三十五名增實兵二千五百九十五名河南裁養廉公費名糧一千八百八十三名增實兵九百七十九名江南裁養廉名糧四千四百一十一名賞卹名糧六百名增實兵五千一百一十一名江西裁養廉名糧一千三百三十七名賞卹名糧二百五十名增實兵一千五百八十七名福建裁養廉名糧四千七百五十六名公費名糧一千四百八



十名增實兵四千七百五十六名浙江裁養廉名糧三千七百七名公費名糧一千一百四十名增實兵三千三十九名湖北裁養廉公費名糧二千九百三十三名增實兵二千三百八十八名湖南裁養廉公費名糧三千三百八十六名增實兵二千五百八十八名四川裁養廉公費名糧四千二百七十四名增實兵如額陝甘裁養廉公費名糧七千九百三十名已增兵一萬二千七百三十名毋庸改募廣東裁養廉名糧五千七百七十四名增實兵如額廣西裁養廉名糧二千三百三十四名增實兵如額雲南裁養廉賞卹公費名糧五千四百

石渠餘紀卷二

三

八名增實兵五千四百六十名貴州裁養廉賞卹公費名糧五千二百八十二名增實兵五千二百八十四名通各省裁名糧六萬五千一百四十三名隨增實兵五萬二千四百十二名併陝甘已增兵萬二千七百三十名裒多益寡其數適合

五十年 皇朝通考載各省綠營兵額京城巡捕營一萬名直隸三萬九千四百二名山東萬七千五百四名山西二萬五千七百五十二名河南萬一千八百七十四名江南四萬八千七百四十七名江西萬三千九百二十九名福建六萬三千一百十九名浙江四萬三千七十七名湖北萬

七千七百九十四名湖南二萬三千六百四名四川三萬一千一百十二名陝甘八萬四千四百九十六名廣東六萬八千九十四名廣西二萬三千五百八十八名雲南四萬一千三百五十三名貴州三萬七千七百六十九名都巡捕營及各省綠營兵五十九萬九千八百八十四名

臣謹案 高宗天縱神武十全大功次第告成故中年郡國兵額多至六十三萬有奇時營員猶以冒支為故智名糧之可指數者不啻十之一二中年以後府藏充溢戶部銀庫積至七千餘萬於是革名糧之弊按額招足實兵六萬餘名將弁養廉兵丁卹賞皆以正供給之

石渠餘紀卷二

三

散財得民合於不言有無多寡之義其規模可謂闊遠矣顧虛糧既減則實額當增乃五十年通考成綜直省兵數減於舊者凡四萬餘人各省減少自數百名至數千餘名不等惟陝甘減少萬二千名則以四十六年新添之兵不在此數而山東河南江南視舊額轉多者以會典分河漕各標別為額此則併入各省之中也合二書考之前後二十年中所裁者抑已多矣又案 高宗諭旨言武職養廉不及二百萬而阿桂奏言歲增三百萬者蓋合公費賞卹諸款併計之考嘉慶會典公廉項下綠營武職養廉歲額一百三十五萬二千餘兩綠營

公費歲額二十七萬三千餘兩江蘇江西無定額者不計綠營紅白事例四十萬八千餘兩此項連駐防計合計在二百萬以外故舉成數言三百萬也緣營提督養廉二千兩至把總九十九兩經制外委十八兩載在中樞政考提督十六缺至把總三千五百二十一缺載在中樞便覽

嘉慶十七年續修會典各省綠營兵額京城巡捕營九千八百六十九人直隸四萬二千三百五十二人山東萬五千九百三十三人東河四千二百四十一人山西二萬五千五百三十四人河南萬三千八百三十四人江甯七千三十九人南河萬五千六百六十六人漕運三千六百八十一人江蘇二萬三千七百四十八人安徽八千七百三

石渠餘紀卷二

書

十八人江西萬三千八百三十二人福建六萬三千三百二十四人浙江三萬九千九百九十二人湖北二萬二千七百四十九人湖南三萬五千五百八十八人陝甘九萬八千五百七十九人四川三萬四千八百八十八人廣東六萬九千七百人廣西二萬三千四百八十八人雲南四萬二千七百六十二人貴州四萬八千四百二十七人通六十六萬千六百七十一人

嘉慶會典又載各省經費十三款五日乾餉之款各省並伊犁綠營官兵俸餉額支一千二百八萬九千一百五十五兩又直省東三省並伊犁駐防官兵俸餉額支五百十五

萬五千八百八十八兩各有奇時各省歲撥俸餉支至一千七百二十四萬有奇又載巡捕營兵餉每歲約需二十萬兩八旗兵餉月支四十二萬九千七百十三兩有奇無閒之年額支五百十五萬六千五百五十六兩有奇隨甲錢糧每月八千九百七十八兩有奇

臣謹案我朝以兵威天下前則有康熙初之三藩後則有嘉慶初之三省三省之役肇於乾隆末年始燭火終燎原始蒙末終斧柯賴國家深仁厚澤天心助順中原之地危而復安是役也舉戶部舊帑七千餘萬而空之餉不足於是開事例兵不足於是廣召募逮事已而兵存兵存而費存所以耗國家之元氣者至於今

石渠餘紀卷二

書

五十年未復也考嘉慶中年兵額視乾隆中年增多二萬六千餘人視末年且增至六萬餘人按籍而稽大抵在川陝黔楚之交後患之甚豈得已哉

十九年閏二月 諭朕恭閱實錄乾隆四十六年查辦名糧一事我皇考深維財散民聚之義惟願出帑藏以裕軍國而建議之初阿桂遂料及數十年以後經費難繼深識遠慮不愧老成謀國計此項至今三十餘年所用已逾於所存且自嘉慶元年以後軍務河工及各省蠲緩賑濟度支之外所出豈可萬億計設此時府庫充盈仍與昔年無異則朕亦惟守散財之訓豈肯鯁鯁過計然使乾隆

年間庫貯情形亦同今日我 皇考當日日本不以阿桂之言為非況我朝兵制定額已久增設名糧以來仍屬有名無實立政之道貴在因時制宜乃今將增設名糧應如何酌量裁汰仍復舊制著廷臣議奏又 諭添補名糧案內各省驟添兵六萬六千餘名為數較多迄今三十餘年於武備無益而帑項多用至四十餘萬本日議上現在各省額兵六十二萬四千餘名較之雍正年間及乾隆四十六年以前所增實多自應酌加裁減各該省就現在經制參考先後所設兵數汎防控制情形應汰應留通盤籌畫庶餉不虛糜而兵皆足用

有渠餘紀卷二

三

二十年二月以後各省以次奏到直隸山東安徽河南陝西甘肅六省俱無可裁減江蘇裁四百七十四名江西裁千八十三名福建裁千三百五十五名浙江裁七百二十八名湖北裁千六百三十六名湖南裁千五百五十四名山西裁千八百六十五名廣西裁六百三十名四川裁六百三十名雲南裁二千三百三十二名貴州裁千九百五十八名各省共裁兵四萬四千二百四十名江蘇改馬兵三十五名戰兵十五名福建改馬兵五百名廣東改馬兵六百九十六名共改馬戰兵千二百四十六名自奉 旨日為始限三年裁竣 中樞政考

嘉慶二十五年十一月 宣宗即位 諭曰國家為民設兵民出賦稅以養兵兵任操防以衛民其事相權而行我朝百數十年來取民具有常制而兵額歷有增添乾隆四十六年名糧概募實兵計增兵六萬餘名嘉慶十九年山西等省共裁兵一萬五千四百餘名內改馬戰兵為步守共一千二百餘名每歲經費視乾隆年間所添者節減四分之一各省險夷衝僻邊腹情形不一事閱數十年亦復今昔異宜若悉復未添原數是否可行原難懸揣然各省現在額兵六十餘萬據所請汰歸所添之兵半亦僅百分之二豈無可以抽裁之處著各督撫悉心覈議具奏

有渠餘紀卷二

三

道光元年中樞政考載各省綠營兵額京巡捕營一萬名直隸三萬八千三百一十一名 外河兵二千五百四十一名 山東萬五千六百名河南萬三千六百四十名東河九千四名山西二萬三千八百七十五名江蘇三萬二千五百十六名安徽八千二百七十三名南河萬二千八百二十三名漕運三千六百三十四名江西萬二千八百五十六名福建六萬三千九百六十六名浙江三萬六千八百三十名陝西四萬三千四百八十八名甘肅五萬八千八百三十三名湖北二萬一千二百二十名湖南二萬三千七百七十四名四川三萬三千九百七十五名廣東六萬九千八百八十一名廣西二萬三

千百一名雲南四萬七百三十名貴州三萬八千四百二  
名通六十二萬三千四百八十九名京營萬名在外

道光元年正月後各省以次奏到直隸山東安徽河南湖

北湖南四川廣西雲南貴州十省俱無可裁改江蘇裁兵

四十名江西二十八名山西二百七十名福建千三百八

十五名浙江七百六十八名其裁兵二千四百九十一名

山西改馬兵五百八名江蘇改馬兵二百名陝甘改馬兵

三千六百三十名廣東改馬兵五百三十五名其改馬兵

四千八百七十三名中樞政考

臣謹案乾隆閒名糧募兵一舉而增六萬餘人歲支養

石渠餘紀卷二

奏

廉賞卹及新增之餉二百餘萬兩嘉慶十九年以後兩

次裁汰僅萬六千餘名 國家經費耗之易而節之難

如此

道光二十九年兵部冊檔各省綠營兵額京巡捕營一萬

名直隸四萬一千三百三十五名山東二萬五十七名河

南一萬五千三百八十一名東河併入河南山東山西二萬二千八

百五名江蘇三萬八千八百八名安徽九千四百四十二名

南河漕運併入江南江西二萬二千四百七十二名福建六萬千六百

七十五名浙江三萬七千五百六十五名陝西二萬四千

七百二十名甘肅六萬八千八百六十二名湖北二萬五

百五名湖南二萬七千一百十五名四川三萬三千八百十

一名廣東六萬八千三百二十二名廣西二萬二千四百

七十二名雲南三萬九千七百六十二名貴州三萬六千

四百七十七名通五十八萬五千四百十二名京營萬名在外此

今日之兵額也自雍正九年定各省兵餉俱於歲需之外

預撥來春三月待支道光二十六七兩年戶部奏撥各省

次年兵餉均一千六百八十二萬一千六十一兩有奇北樞冊

少二萬閒歲過閏約加增一百二十餘萬兩此今日之餉

額也

附論

石渠餘紀卷二

奏

案會典天下之田七百九十餘萬頃歲供地丁銀三千

二百餘萬兩通上中下地計之是一頃出銀四兩也今

馬兵月餉二兩加以賞卹是七百畝之賦養一馬兵芻

豆之費尙不在數也丁賦未歸地糧以前以每丁歲納

二錢爲中則今步兵月餉兩五錢加以賞卹是百丁之

賦而養一步兵鹽菜衣裝之因事而給者尙不在此數

也養之如此其厚徒以民出賦稅以養兵兵出性命以

衛民不如是無以責其死力耳有尺籍伍符之責者可

不使知衣食所自哉

前代兵餉見於通考者宋嘉祐中三司使程琳疏言

竊

兵一人歲費緡錢四萬三千步兵一人歲費緡錢三萬二千他給賜不預蓋其直與後世略相等特以錢耳臣謂農民上供則曰完錢糧兵丁入伍則曰食錢糧此上下之通稱奈何其易以銀也嚮者銀通行尚不甚病今外流之弊不止銀日少而價日昂徵之民者歲漸以支細而給之兵者緡銖不容減少更數十年臣不知其於何取給也為今日計莫若將外省兵餉與千把之廉俸紅白之賞卹槩行折錢通計某省地丁若干兵餉若干以定搭收錢銀之分數若貴州甘肅等省地丁少而兵餉多則通行徵錢折給錢不足乃給以協撥之銀其江

石渠餘紀卷二

罕

浙等省兵餉少而地丁多者仍以搭收之銀報部候撥雖不能盡蘇民困而數十年後之兵餉或可無慮乎或疑如是則近於變法臣考列朝以來兵餉搭錢屢見會典亦即現行事例康熙五十八年嘉慶六年至今銀錢各半搭放是兵餉可用錢也若地丁搭收則順治十四年令民間以銀七錢三完納銀以運解錢抵存留亦不可謂無國家之故事矣或又疑銀簡錢繁關支窒礙顧今日兵餉散給於各布政司道路有遠近筦庫有求索若營汛各就附近州縣關支其勢自便且兵餉會同文員監放例有明文亦無侵官之慮至給餉以錢必

準市價若干隨時定額示國家未嘗奪其所養即將來銀價低昂亦使兵農徧受其利益此一時救弊之法亦天下之公義也或又疑地丁蠲緩則如之何案定例各省兵餉皆於上年預撥待支原無慮臨時取辦而蠲緩之款例抵起運不抵存留即使某營指支之處偶爾全蠲亦可改指附近有餘州縣支給慎無惜此偶爾小轉移之力而遺此大轉移之利也自銀價踊貴論者多請用錢顧必官鑄錢而用之所鑄錢數不足以償銀直於是一兩之銀放錢一千司計者原以為錢本相當官無所利而兵丁養日久一時驟減將眾怨沸騰惟照

石渠餘紀卷二

罕

今日市價折徵折給官不必別籌鼓鑄一便也農民得錢無易銀之苦催科易集二便也斂散如一官無賠墊之費三便也兵丁不受剋扣四便也斯法果行倘所謂有利而無弊者乎謹案三代以下養兵為國家一大弊政惟宋儒多以為未嘗無利至蘇軾之論以為聖人復起不能再易蓋親見熙甯保甲之酷而知籍民為兵未易行於後世也考郡國兵數見於馬氏通考者隋大業中伐高麗盡集四方之兵凡百十三萬餘人禁兵不與蓋最多之數唐貞觀置府六百三十四以中府千人為率凡六十餘萬宿衛番

上則禁軍亦在其中有宋一代損益最詳開寶禁廂之軍總三十七萬至道六十六萬天禧九十一萬慶歷百二十五萬治平百十六萬各有奇時懲藩鎮之禍居重馭輕故禁軍常視廂軍之數而過之 國朝續通考載明洪武二十五年京軍二十萬餘人外軍九十九萬餘人王圻續通考言嘉靖中天下兵籍九十七萬京軍蓋不與蓋明代養兵常百二三十萬人我朝各省綠營兵則前代之廂軍也各省駐防兵則衛軍而就糧者也綜二者之數多不過七十餘萬少則六十餘萬益以京旗各營亦祇八九十萬而已視前朝養兵之數蓋減矣願兵之

石渠餘紀卷

望

患常在多而不精亦豈不多而可以不精者今校閱有常期坐作有常法此以習軍禮耳兵之強弱戰之利鈍不與焉臣以為將弁者士卒之腹心欲其疆場効命必自平時約束堅明始欲其約束堅明必自不侵冒剋扣始鞅韋附注之君子欲知武有七德臣請一言蔽之曰禁貪而已矣

列朝直省兵額表

康熙二十八年	乾隆二年	乾隆五年	嘉慶十年	道光元年	道光二年
會典增會典	會典增會典	會典增會典	會典增會典	會典增會典	會典增會典
考	考	考	考	考	考
兵部冊	兵部冊	兵部冊	兵部冊	兵部冊	兵部冊
檣坊戶	檣坊戶	檣坊戶	檣坊戶	檣坊戶	檣坊戶
部北檣	部北檣	部北檣	部北檣	部北檣	部北檣
房近年	房近年	房近年	房近年	房近年	房近年

京巡	捕營	直隸	山西	河南	山東	東河	江南
防在內	防在內	防在內	防在內	防在內	防在內	防在內	防在內
二千三百營兵	二千三百營兵	三萬七千四百四十三萬九千九百九十九	二萬五千八百七十七萬五千五百五十二萬三千八百七十七	萬三千六百七十八萬三千六百七十八	二萬五千六百七十八萬三千六百七十八	三千二百五十二	四萬九千四百一十四萬八千九百九十九
九千八百	九千八百	九千八百	九千八百	九千八百	九千八百	九千八百	九千八百
百六十	百六十	百六十	百六十	百六十	百六十	百六十	百六十
萬	萬	萬	萬	萬	萬	萬	萬
檣坊戶	檣坊戶	檣坊戶	檣坊戶	檣坊戶	檣坊戶	檣坊戶	檣坊戶
部北檣	部北檣	部北檣	部北檣	部北檣	部北檣	部北檣	部北檣
房近年	房近年	房近年	房近年	房近年	房近年	房近年	房近年

石渠餘紀卷

望

四川	陝甘	湖廣	浙江	福建	江西	漕運	南河
四萬	八萬五千九百六十七	四萬	四萬三千四百一十七	六萬九千六百六十九	萬五千四百三十九	五千二百一十九	萬三千七百一十一
三萬三千一百一十八	九萬四千四百九十九	四萬三千七百二十七	四萬三千四百一十七	六萬九千六百六十九	三萬三千八百五十二	三千六百三十六	六萬五千八百二十三
七十九	九十六千七百九	四萬三千七百二十七	四萬三千四百一十七	六萬九千六百六十九	三萬三千八百五十二	三千六百三十六	六萬五千八百二十三
七十九	九十六千七百九	四萬三千七百二十七	四萬三千四百一十七	六萬九千六百六十九	三萬三千八百五十二	三千六百三十六	六萬五千八百二十三

雲南	貴州	廣西	廣東
四萬	二萬	一萬	七萬三千七百一十一
四萬八千四百一十九	二萬八千七百七十九	二萬四千五百八十八	六萬五千九百九十七
四萬八千四百一十九	二萬八千七百七十九	二萬四千五百八十八	六萬五千九百九十七
四萬八千四百一十九	二萬八千七百七十九	二萬四千五百八十八	六萬五千九百九十七

紀軍政  
 順治九年定軍政隨京察六年一舉卓異者照文官賜服  
 旌勸年定康熙元年改爲三年考滿四年御史季振宜言  
 武職考滿營謀優等勢必剋扣兵餉貽誤封疆請按歷俸  
 功次升轉於是六年復行軍政以操守才能騎射年歲爲

四格並履歷軍功冊送 敕提督聽總督注考旋停總兵  
自陳聽督撫提督考核六十一年 敕在京武職照外省  
五年考選軍政兵部議領侍衛內大臣八旗都統副都統  
前鋒護軍步軍統領皆近御大臣不必自陳遇軍政將屬  
員照外省薦舉及八法具奏各省駐防將軍都統副都統  
照提鎮自陳其屬員照京城考核 凡駐防軍政分 盛京  
杭州福州廣州廣州遠城察哈爾熱河密雲青州涼  
州山海關乍浦山西河南伊犁烏魯木齊二十一處 各  
處城守尉協領屬員派大臣往同考核雍正元年初行在  
京軍政 諭出兵効力年老俸深尚能坐理者畱任不宜  
畱任者另奏加恩其雖無効力行間而供職年久身逢太

石渠餘紀卷二

吳

平何由經歷戰陳亦畱心察看三年 諭卓異非升進官  
階可比必將漢仗好曾經効力之人薦舉令各省所保副  
參游擊輪流來京察其人材弓馬督撫提鎮以其操守訓  
練密陳五年以千把爲行伍出身之途外省拔補往往資  
緣而兵丁年力精壯技勇可觀者轉不能得一官職定半  
年之限沙汰不能稱職者從公選補六年太原總兵袁立  
松以守備梁玉年老入於八法並奏玉年六十八歲精力  
不衰且廉潔敏練 諭曰八法年老謂衰老不能辦事並  
非限年若干卽入八法若限年歲爲處分則未老早衰不  
能辦事者將姑容之乎且諳練之人尤爲難得上司當優

待以爲後進之表式梁玉仍畱原任若可勝游擊著卽題  
補乾隆元年定出兵効力人員年老休致令子弟一人入  
伍食糧無子弟亦給守糧以贖之九年 諭國家承平日  
久各省營伍日就廢弛今據奏各處情形大概甲仗旗幟  
尚屬鮮明而鳥槍騎射則皆平常大臣所司何事而輕視  
若此乃嚴行申飭十一年 諭曰從來將備之選務須精  
悍之材雖目不識丁而膽略豈關文采縱貌非出眾而義  
勇無礙羸疏蓋整肅部伍委寄干城矢奔走於疆場甘勤  
勞於行列類非薄具聰明小有才幹者之所能爲而勁健  
渾樸氣盛力充之裨弁所當略短取長加意造就以儲將

石渠餘紀卷二

吳

材重武備者也近見各督提保舉員弁軍功勞績外大率  
以明白勤敏才堪辦事注者朕簡閱詢問奏對便給者有  
之才具明晰者有之而人材雄偉拔勇超軼者曾不數見  
豈明白勤敏卽可謂將材而才堪辦事卽可爲武備邪嗣  
後保題務重弓馬兼取漢仗如仍以軟弱而謬稱熟練機  
巧而謬稱通達是重違朕訓膜視封疆矣定將該督提嚴  
加議處十年定甄別年滿千總三年舉行一次至十五年  
上以各省所保總兵頗少當意乃并 諭之曰卽如年  
滿千總一項類多猥瑣不足入目蓋充伍之初以及揀拔  
外委該營弁未能一一秉公雖經督撫考驗率以微末而



忽之且或以年久姑容不加駁正獨不思今年滿千總非即異口之將弁乎 國家擢用武職營伍為正途拔補將弁不選之若輩更何從挑選乎緣次而升皆自年滿千總始折衝禦侮之用必豫籌於昇平無事之日不可視為緩圖也是年以自陳雖遵例而實繁文至御前大臣等或簡自動戚或拔從宿衛其辦理閣部卿長及八旗職任俱量才器使非循資錄用者比且伊等世沐 國恩而每至三年亦循例求罷是轉以疏遠自居如君臣一體之義何前宗室王公令不必自陳嗣後御前大臣等兼理閣部旗務者遇軍政俱不必自陳於是自陳之例並罷五十六年

石渠餘紀卷三

哭

新授定海鎮總兵德昌經兵部察係軍政三等乃停其任惟水師用人往往不格以定例雍正二年以督撫遇營員勞績升遷仍復題畱本省天下一體豈容各分爾我嗣後惟水師員缺仍許題畱二十三年 諭向來考拔水師專以弓馬但水師所重全在能識風濤沙線及駕駛等事令該管官於統領出巡時畱心察看水務分別等第注冊考拔

石渠餘紀卷三

閩縣王慶雲敬述

紀載十三衙門

順治十八年 聖祖仁皇帝即位罷十三衙門仍以其事隸內務府初 世祖開國監明代之失裁汰宦官設內務府罷織造太監十年乃設 乾清宮執事官及直殿局十一年裁內務府置十三衙門凡八監曰司禮御用御馬內官尚衣尚膳司設尚寶三司曰尚方鐘鼓惜薪二局曰兵仗織染嗣改鐘鼓司為禮儀監尚寶監為尚寶司織染局為經局並順治十三年自順治十二年命工部立十三衙門鐵敕

石渠餘紀卷三

一

禁宦官竊權干政改尚方司曰尚方院十七年又改內官監曰宣徽院禮儀院已設院郎中以下官至是 諭曰朕惟歷代治亂不同皆係用人之得失大抵任用宦寺未有不召亂者加以僉邪附其門則為害尤鉅我 太祖 太宗痛覽往轍不設宦官 先帝以宮闈使令之役偶用若輩而深悉其姦是以 遺詔有云 聖祖創業未嘗任用中官且明朝亡國亦因委用宦寺朕稟承 先志詳加體察乃知滿洲佟義內官吳良輔狡詐欺蒙變易舊制倡立十三衙門廣招黨類以竊威福各衙門事務任意把持廣興營造糜費錢糧以致民力告匱兵餉不敷二人朋比作

姦情辜重大吳良輔已處斬佟義亦伏冥誅嘗制其世職  
十三衙門盡行革去凡事遵 太祖 太宗定制內官俱  
永不入用又以其黨劉正宗當遊 遺詔置重典念其年老  
得免死其黨並皆赦宥於是復內務府以御用監之職立  
廣儲司以尚膳監之職改採捕衙門以惜薪司之職改內  
工部又改御馬監曰阿敦衙門兵仗局曰武備院初名鞍  
設散至康熙十六年改宣徽院為會計司初內禮儀院為  
官監禮儀院為  
掌院儀司初儀  
鼓司尚方院為慎刑司又改採捕衙門為都虞  
司內工部為營造司阿敦衙門為上駟院其內監別立敬  
事房設總管副總管較若畫一不相侵越二十三年分掌

石渠餘紀卷三

二

儀司立慶豐司初名牛羊  
羣牧處分都虞司立奉宸苑初歸尚於  
膳監於  
是內七司三院之職粲然大備與外廷六部九卿相表裏  
所謂宮中府中具為一體者昔聞其語今真見之矣時明  
季宮監猶有在御前服役者每為 上述明宮中費用之  
奢工作之廣彼其餘孽尚存卒不敢復萌故智者誠馭之  
得其道爾初內官未有階秩雍正元年定其長為四品自  
總管及隨侍宮殿等處首領以其品為差旋定宮殿監督  
領侍及正副侍執事侍執守侍侍監等銜蓋既備使令不  
得不立之階級統屬而自四品至八品皆不分正從則微  
而略之也乾隆七年 欽定宮中則例內監官職以今四

品為定再不加至三品又 諭明代內監多至數萬人蟬  
玉濫加肆行威福我 朝合宮中苑囿所司綜計不過三  
千人僅供灑掃之役先是康熙開令小內監於禁園讀書  
後移於萬善殿乾隆三十四年以萬善殿讀書小內監  
歸併長房裁漢教習諭旨向來萬善殿有年幼太監十  
餘人在內讀書派漢教習專司其課  
內監職在使令何必通曉文義前明司禮監東華門內使若輩  
通文甚至選詞臣課讀交結營私我朝宮府肅清內監從  
不令干預政事即不識字何礙或登記冊籍辨字畫足  
矣今讀書內監在長房派內府筆帖式課之可附近該處  
另選筆帖式讀漢書者授之句讀五十七年 上因早省  
所有萬善殿漢教習著永遠停止 諭曰本朝闡寺從不敢干與政事近約束更嚴稍有  
微愆即加斥責是以願充太監者日少觀於宮中則例內

石渠餘紀卷三

三

監犯罪特從重典如太監金刀自傷斬立決自  
繇經人救活絞監候之類 蓋未嘗少  
假借之也嘉慶十八年林清之變太監閻進喜等謀納叛  
人不移晷而撲滅亦以若輩不握一兵之籍耳臣觀有明  
一代稗政其初以內官監掌文籍尚實監掌圖書至宣宗  
有內書堂之設命大學士陳山翰林朱祚為之師於是內  
官悉嫻文墨典章奏照閣票批硃至正統有司禮秉筆之  
事故尚書臣王鴻緒明史稿至謂司禮掌印權如外廷元  
輔掌東廠權如總憲秉筆隨堂視眾輔升司禮者必由文  
書房如外廷之翰詹案此數語與前明官史所言同其書  
題庶成亦隱隱忌撰乾隆開於內府  
得之以入四庫茲益中  
席故其言狂妄若此 盤踞熏灼毒流播紳數世未已乃

益歎我 朝家法之善為史冊以來所未有也

先撰此篇依通考初立十三衙門在順治十一年檢典

例八百八十五官制與通考同而典例九百十九載

上諭則在十年且有 乾清宮執事官及直殿局而缺

尙方司織染局二者之設當稍後

紀立內務府

明宦官十二監四司八局為二十四衙門外有諸庫諸房諸廠諸宮門監餘瑣瑣者蓋不勝計矣其擅威福於內者提督東西廠京營及文書禮儀中書各房也肆荼毒於外者各省鎮守守備諸陵神宮監及織造市舶倉場也若監

石渠餘紀卷三

四

軍採辦糧稅礦關等使猶其不常設者懷宗以坐營督餉

概命中官明社既墟蟲沙亦灰滅焉我 朝受命掃除而

更張之未幾吳良輔煽立十三衙門其名率沿明舊賴

世祖遺詔發姦 聖祖克除兇孽伏讀 諭旨亦略見當

時之勢燄矣至十三衙門盡革以三旗包衣仍立內務府

置總管大臣兼以公卿而無專員又仿周官內宰宮正宮

伯膳夫之職次第立堂郎中及七司郎中各率其屬以充

其事收奄宦之權歸之旗下且待以士大夫之禮課最者

得躋卿貳外典封疆使人人樂於自効而不鄙薄於其職

向非 神謨創制張弛盡善雖磔良輔黜正宗死灰有不

復然者乎 明史彙編世宗四十餘年間宦官不敢為惡然未幾而司禮諸奄滕祥孟冲輩復熾 傾其

官不屬兵吏二部又職掌宮禁外廷罕得與聞臣讀會典

謹掇取大略而以明事附證焉

案七司一曰廣儲司掌銀皮資緞衣茶六庫之藏物相類

者兼貯馬稽其出納掌銀銅染衣皮繡花七作之匠以供

御用及 宮中冠服器幣三織造及內織染局屬焉 案

司鑰庫掌收制錢給賞賜內承運庫掌庫藏金銀諸寶貨

甲乙十字庫貯物料又有尙衣監銀作巾帽絨工織染等

局共織造太監順治三年裁簡內府 二曰都虞司掌府屬

武職之銓選官兵之俸餉凡佃漁採捕之政咸屬焉 明京

提督坐營監搶諸內監 國初已革今都虞司實內廷之

兵部其府屬文職掌於堂郎中則內廷之吏部又明有牲

口房掌畜 三曰掌儀司掌 火內之祭祀 紫禁城內之

珍禽異獸 廟祀凡宮中朝賀筵燕嘉禮大事咸掌之設 陵寢及贊

禮官屬辨內監之敘設太監六十四人以與敬事房接兼

管景山 舊管南府今裁 及果園 明司禮監掌一應禮儀權勢最重

禮司苑局掌瓜果今掌 四曰會計司掌京外 皇莊之入

儀司實內廷之禮部 以供內祭祀之黍盛內府之糧餼掌管三倉之物凡選宮

女太監選乳母保姥皆掌之 明內供用庫掌食米等 五曰

營造司掌宮禁之繕修其屬有木鐵房器薪炭之六庫鐵

漆炮之三作凡匠役辨其在官在民者入宮匠作則令司

設太監領之門吏長夫 運送給其餼程凡木石瓦土諸件

石渠餘紀卷三

五

御用監掌造木器薪司掌薪炭又令炮六曰慶豐司掌  
作造花炮而已與明王恭廠火藥局迥異  
牛羊之群牧供其用明尚膳監有七曰慎刑司掌內府所  
屬之處分及審獄收獄之政緝捕番役屬焉明司禮監掌

督東廠刺緝刑獄國初已革今慎刑司凡議罪徒以上皆送刑部定之右七司之大略也見  
會典又三旗銀兩莊頭處初隸會計司官房租庫初隸營造司後乃分設

乃立三營曰驍騎營長以參領率官兵以宿衛 禁城曰  
護軍營長以統領選三旗兵之精者為護軍率以守 宮

門行則扈從皆以時訓練而稽其軍實曰前鋒營舊以解  
長以委署參領掌習解馬明司禮監關防門禁又各門設

主兵都知監門正門副安民廠提督京營皆  
掌管前導

石渠餘紀卷三

六

乃設內管領副內管領各三十人以承應 中宮差務所

蘇拉四千統以掌開防處郎中以時葺治宮室餽餽房酒  
九百餘名醋房菜庫器皿庫車庫屬馬掌官三倉之物用設恩豐倉

以給內監之餼米明酒醋麵局甜食房  
乃設三 大殿及各 宮 殿司員掌陳設汜掃之事以

稽直殿監之勤惰其兼轄於內府而別設管理大臣者曰  
上駟院掌 御馬內馬凡牧場之政與馬之用明御馬監

年設上 曰武備院掌進 御武備弓矢鞍轡之屬凡官用  
皆給馬明兵仗局順治十曰奉宸院掌苑囿之禁令時其

修繕供花木禽魚稻田廠及 景山 西苑 南苑等處

屬馬明司苑 國初景山等處以太監 三者皆長以三品  
卿是為內三院三院卿各二人一侍衛缺一內府缺

外則 盛京及諸陵總管以將軍總兵兼之明設南京及  
監 圓明園 暢春園 清漪 靜明 靜宜三園暨

御船處皆別其署  
曰 御茶膳房向膳茶侍衛屬馬設肉房乾肉庫銀器庫

分貯以待其用明尚膳監有掌印提督光祿總理等員掌  
等曰 御藥房掌合丸散明御藥房太監有醫官國初

曰 養心殿造辦處掌供器物明御用監曰 文淵  
閣提舉明文華殿書籍掌以中書房太武英殿修書

石渠餘紀卷三

七

處明武英殿書籍掌以曰 御書處國初名曰 御鳥

槍處明火藥局兵仗局又曰 總理工程處明內官監掌木

造宮室陵墓國初改宣徽  
院乾隆二十六年乃分設  
自上駟院以下皆典以府屬司員而 命大臣管理與管

理內務府大臣同為 內廷之右職  
史臣曰美哉 聖祖之創制與 歷代之損益可謂詳且

備矣自內府既立其奄寺之典守僅存者 諸陵廟直  
殿監及 御前奔走執事而已伊古以來宮闈肅清奄豎

消阻亦有如我 朝之善守家法二百餘年而勿替者乎  
方明太祖立鐵碑禁內官與政乃旋命聶慶童使河州成

祖雖有私役工匠之禁而感其迎戴李興鄭和紛紛四出彼二君近代之英主也夫豈忘其言而自蹈之哉要結有其術委任有其漸誠習而不覺耳臣以為我朝立法之善在立內務府以其職歸之士大夫使官府一體矣而累朝二百餘年來肅內治遏亂源實為勤政故勤政則無欲無欲孰得而試之勤政則無間無間孰得而竊之人主日與士大夫處清明在躬其視腐極之輩自不能以相暱豈徒藉法禁哉今陽剛在上邪慝不作幾不知古來有漢十常侍唐北司之禍矣百世而下尚無忘小過之九三哉

石渠餘紀卷三

八

附錄 國初 聖諭

順治十年 諭朕稽考官制唐虞夏商未用寺人自周以來始具其職所司者不過閹閹掃灑使令之役未嘗干預外事秦漢以來諸君不能防患乃委以事權加之爵祿典兵干政流禍無窮豈其君盡闇哉緣此輩小忠小信足以固結主心日近日親易致潛持朝政且其伯叔弟姪宗族親戚實繁有徒結納搢紳關通郡縣朋比夤緣作姦受賄窺探喜怒以張威福宮廷遠密深居燕閒稍露端倪輒為假託或欲言而故默或借公以行私顛倒賢姦混淆邪正依附者得致雲霄迕抗者謀沉淵

穿雖有英毅之主不覺墮其術中權既旁移變多中發歷觀覆轍可為鑒戒但宮禁役使此輩勢難盡革朕酌古因時量為設置首為乾清宮執事官次為司禮監御用監內官監司設監尚膳監尚衣監尚寶監御馬監惜薪司鐘鼓司直殿局兵仗局滿洲近臣與寺人兼用各衙門官品雖有高下寺人不過四品凡係內員非奉差遣不許擅出皇城職司之外不許干涉一事不許招引外人不許交結外官不許使弟姪親戚暗相交結不許假弟姪等人名色置買田屋因而把持官府擾害人民其在外官員亦不許與內官互相交結如有內外交結者

石渠餘紀卷三

九

同官覺舉院部察奏科道糾參密實以併正法防禁既嚴庶革前弊仍明諭中外以見朕酌用寺人之意內院即傳諭該衙門遵行著刊刻滿洲字告示自王以下以及官吏軍民人等咸宜知悉十二年 諭中官之設雖自古不廢然任使失宜遂遺禍亂近如明朝王振汪直曹吉祥劉瑾魏忠賢等專擅威權干預朝政開廠緝事枉殺無辜出鎮典兵流毒邊境甚至謀為不軌陷害忠良煽引黨類稱功頌德以至國事日非覆轍相尋足為鑒戒朕今裁定內官衙門及員數職掌法制甚明以後但有犯法干政竊權納賄屬託內外衙門交結滿漢官

員越分摺奏外事上言官吏賢否者即行凌遲處死定不姑貸特立鐵碑世世遵守

附記

昔 聖祖宴王大臣於晾鷹臺有太監於棚下竊坐令鞭責八十 高祖嘗坐 乾清宮西燧閣於窗內望見西廊有內監與職官錯行並不讓路乃嚴責總管太監約束之 仁宗諭有職太監於宮內許翻穿海龍貂袿敢以此服出入宮門者鎖拿皆裁抑貂瑞之實事也 紀停編審

石渠餘紀卷三

十

明初因賦定役丁夫出於田畝迨黃冊成而役出於丁凡役三等曰里甲曰均徭曰雜派其間累經更制有銀差力差十段錦一條鞭諸法厥後工役繁興加派無藝編審輕重無法里甲之弊遂與有明一代相終始詳續通考賦稅門 國初革里正加派諸弊賦役之法載在全書悉沿萬曆條鞭舊制初定三年一編審後改五年順治十年 凡里百有十戶推丁多者十人為長餘百戶為十甲屆期防廂里長城中近城日廂 造冊送州縣由是而府而司達於部皆有冊凡載籍之丁六十以上開除十六以上添注丁增而賦隨之有市民鄉民富民佃民客民之分民丁之外有軍匠寵屯

站土丁名凡丁賦均合徭里甲言之曰徭里銀凡徵丁賦有分三等九則者有一條編徵者有丁隨丁起者有丁隨地派者率因其地之舊不必盡同都直省徭里銀三百餘萬兩開徵米豆順治十八年丁銀三百萬兩有奇至康熙編徵及雍正初天下丁銀各省衛所歸併州縣其屯丁第照民丁銀三百二十餘萬兩 其科則輕自每丁一分數釐重則山西之丁有四兩者鞏昌有八九兩者此本通考又按乾隆有至四兩五分有零者嘉慶會典事例載 自康熙五十年陝甘每丁皆二錢則舉後來定制言之 定丁額於是戶部議缺額人丁以本戶新添者抵補不足以親戚丁多者抵補又不足以同甲糧多丁頂補編審時所謂擦除撥補者大略如此頗有司於民非能家至而日

石渠餘紀卷三

十一

見科則既不可強齊除補且易滋流弊於是雍正間以次攤入地糧為均徭別為 自丁歸地糧乾隆五年遂併停編審以保甲丁額造冊其法除去流寓而十一年 詔停江西編審婦女之數益鹽鈔徵派尙未盡除故各省猶有照常冊報者三十七年 上諭李瀚奏請停編審造冊所見甚是舊例原恐漏戶避差是以五年編造今丁既攤入地糧滋生人丁又不加賦則編審不過虛文况各省民數俱經督撫年終奏報更無藉五年查造嗣後停止自是惟有漕衛所丁四年一編審而已今距停編審時百有餘年矣小民自生自息無冊籍之頭會無官吏之箕斂寬大

之政實古來所未有司牧者務休息其民使盡力於田畝  
慎毋忘地糧之中已有均徭銀之輸納也

案明初丁役出於田畝一頃出丁夫一人不及頃者以  
別田足之曰均工夫每歲農隙赴京供役三十日遣歸  
此為按田派丁之始特其初供役後乃出銀耳明之銀  
差大約有二初行里甲時富者出財貧者出力所謂銀  
力從所便此丁之有銀差也正統以後舉京縣上供之  
數按丁糧而均徵之於是丁糧皆有銀差之科派而不  
問出力與否矣其後上供者雖官為支解而公私所需  
復給銀責里長營辦給不一二供者什伯而京縣解戶

石渠餘紀卷三

三

為中官雷難率至破產民不堪命於是行一條鞭一條  
鞭之法先查一州縣歲額各項差役若干黃冊丁糧除  
應免外應役丁糧若干以所應役銀酌量人以計丁計  
田幾畝該出銀若干統徵於民官為雇募供億其法始  
於嘉靖而通行於萬曆凡有丁無糧者編為下戶仍納  
丁銀有丁糧者為中戶及糧多丁少丁糧俱多者為上  
戶丁糧並納此 本朝編審之制所自昉也  
秀水盛百二曰自有司視編審為具文以至戶口不清  
貧富不辨且雇役惟可行於平日如非時力役河防土  
工之類其勢有不得不出於差者於是徭役有不均之

患况編審時百姓恐差徭及身併戶減口平時按籍而  
常見其少不幸天災流行 朝廷有大恩卹計口給發  
則數又驟增於是編審賑卹二冊自相矛盾雖有才能  
亦無所措其手足意謂編審不可廢而其法不可不嚴  
臣以為治道惟文與實而已如其實也有保甲即不必  
編審如其文也歲歲清查保甲乃一旦有事尚不能據  
以施行况十年五年一編審乎善夫賢臣李紱之言曰  
雍正四年紱為直隸總督請改編審行保甲疏伏見 特諭直省臣工力行保  
甲臣思編審之法五年一舉雖意在清查戶口尚不能  
稽察游民不如保甲之法更為詳密既可稽察游民且

石渠餘紀卷三

三

不必另查戶口自後請嚴飭編排人丁自十五年以上  
毋許以一名遺漏歲底造冊送布政司彙齊另造總冊  
進呈冊內止開里戶人丁實數免列花戶則簿籍不煩  
而丁數大備矣紱之論可謂達治體矣  
案康熙五年以廣西西隆州改歸內地停其編丁二十  
八年以四川松建等衛地處極邊屯丁無幾建敘二廳  
山多土瘠舊例銀丁載在銀米之內俱免其編審三十  
六年會理州四十年東川府皆以邊地免編雍正間廣  
西東蘭歸順雲南緬甯等處皆以改土歸流停其編審

紀丁額

國家戶口之登耗視其時之治亂若夫以治繼治無兵革凶荒天札疵癘之凋耗日繁月衍不數十年輒自倍以登此可驗之戶鄉而知天下者案馬氏通考言古今戶口之盛無如宋之崇甯大觀及考當時實數戶止於二千萬口止於三千餘萬金元及明之盛戶數減於宋而口增多顧亦不過五六千萬而已非前代戶口之數止於如是其供徭役出賦稅者止於如是也我朝初撫方夏丁徭之法悉沿明舊有丁則有賦時除其逃缺者以戶口消長定州縣吏之殿最順治十八年編審直省人丁二千一百六萬有奇至康熙五十年編審二千四百六十二萬有奇嘗疑

石渠餘紀卷三

四

聖祖深仁厚澤休養五十年間滋生不過十分之二蓋各省未以加增之丁盡數造報也見論先是巡幸所至詢民疾苦或言戶有五六丁止納一丁或言戶有九丁十丁止納二三丁於是五十一年定丁額論曰海宇承平日久戶口日增地畝並未加廣應將現今丁數勿增勿減永爲定額自後所生人丁不徵收錢糧編審時止將實數察明造報廷議五十年以後謂之盛世滋生人丁永不加賦惟五年一編審如故雍正初定丁隨地起之法直省丁賦以大攤入地糧康熙末年廣東四川兩省丁隨地起雍正元年以後通行各省惟奉天及山西陽曲等十九州縣廣西之融縣貴州貴陽等四十三處仍另編丁銀又山西平定等二十五州縣有編丁之鄉

詳後於是夫徭口賦一切取之田畝而編審之法愈寬初直省滋生戶口報部而已乾隆初令於每歲仲冬隨穀數上聞時又減各省重則丁銀缺額攤賠輒與蠲免五年戶部請停編審以保甲丁額造報康熙間有以邊遠及被災廣西雲南二省有以改土歸流免編審者至是乃通行於是十四年總計直省人丁一萬七千七百四十九萬有奇此據通考按乾隆會典乾隆十八年十四萬餘戶萬有三百五萬口不距定額方三十餘年所增七八倍蓋自丁隨地起無編審之擾自無減匿之弊勇三女皆樂以其數上聞又是時更定保甲之法奉行者惟謹戶口之數大致得其實矣又三十餘歲爲乾隆

石渠餘紀卷三

五

四十八年其數二萬八千四百三萬有奇又十歲五十八年純廟閱聖祖實錄至康熙四十九年民數二千三百三十萬因察上年各省奏報民數三萬七百四十六萬計增十五倍有奇乃論曰國家承平日久版籍日增一人耕而供十數人之食蓋藏不能充裕有牧民之責者務當剴切化道俾皆服勤稼穡惜物力而盡地利先是湖北巡撫陳輝祖奏應山棗陽所報滋生民數不實安徽巡撫長慶亦奏各屬造報民數未確請展限查造論曰戶口繁庶即細加查造亦斷不能一無外漏且恐吏胥藉端滋擾更非安輯閭閻之道至哉聖訓重養民之原而不斷



斷科民之數所謂石稱丈量徑而鮮失也又二十歲嘉慶十七年會典載各省冊報丁口吉林新三萬六千一百六十九萬有奇而京師滿蒙漢丁檔掌於八旗俸餉處外藩扎薩充丁檔掌於理藩院者尚不在此數云案各省冊報民數固不能一無舛泐大抵有少開而無多報若今戶部冊載各省丁額二千四百一十七萬丁銀三百三十九萬各有奇則康熙五十年原額雍正開攤入地糧者益賦稅之定額而非滋生之實數也

除籍為良

雍正元年令山西陝西等省樂戶浙江之情民俱除籍

石渠餘紀卷三

去

為良樂戶者始以不附靖難兵編為樂籍令世世不得自拔為良情民與樂籍同不知所起或以為陳友諒之後皆明之暴政也五年開除徽州府伴僮甯國府世僕並為良民二者江南八年除蘇州府之常熟昭文二縣呼細民戶籍籍業與乾隆三十六年禮部戶部會議削籍之樂戶情民同戶戶原係改業為良以報官改業之人為始下逮四世本族親支皆係清白方准報捐應試若本身脫籍或一二世及親伯叔姑姑尚習猥業者概不許濫廁士類僥倖出身至廣東之蠶戶浙江之九姓漁戶及各省凡有似此者令地方官照此辦理舊染污俗咸與維新

必以四世為限蓋寬大之中尤極愛惜名器云

紀賦冊糧票

勝國之季內官勦賊莊田僭越無等詭寄者不可究詰賦入大絀時疆事孔亟苟且增餉官吏侵漁逾倍公私交做以汔於亡我 朝革命首除三餉與民休息收其內監田歸戶部宗祿田歸各省是為更於田額漸復順治三年詔定賦役全書悉復萬厯間原額凡賦糧以地肥磽與丁貧富為差賦皆以銀糧則米豆麥草各視所產以為之制全書之例總裁地畝人丁賦稅定額及荒亡開墾招來之數為徵斂之大綱訂正於順治十一年至康熙二十四

石渠餘紀卷三

去

年重修止載切要款目刪去絲杪奇零以杜飛灑苛駁之弊名曰簡明賦役全書廷議舊書遵用已久遂罷頒行雍正初歸併各省地丁十二年修全書分載原額新增總散之數務為精覈定自後十年一修纂及乾隆三十年以全書多載不經名目而奏銷冊前列山地田蕩版荒新墾次列三門九則額徵本折地丁起解存留極為明晰令嗣後全書依奏銷條款止將十年內新墾舊墾者添注其不經名目一概刪除於是全書與奏銷冊合而為一凡賦稅冊籍有存於官者有徵於民者存於官者一曰赤歷使糧戶自登納數上之布政司後以州縣日收流水簿解司而停

赤歷康熙十年二曰黃冊歲載戶口之登耗丁賦取焉後以五年編審者為黃冊而停歲造康熙七年三曰會計冊專載解部之款而上之後併入奏銷冊亦康熙七年四曰奏銷冊合通省地丁完欠支解存留之款報部核銷即四柱冊也五曰丈量冊田之高下邱畝皆載焉故曰魚鱗冊也自赤歷與會計冊既停上計專以奏銷冊官司所據以徵斂者黃冊與魚鱗而已黃冊以戶為主而田繫焉亦謂之魚鱗冊以田為主而戶繫焉一經一緯互相為用自併丁賦以入地糧罷編審而行保甲於是黃冊積輕魚鱗積重有司者或期會簿書未遑稽核惟按一州縣之賦入責之都圖之

石渠餘紀卷三

吏胥而某戶有某田某田屬某戶官既視冊籍為筌蹠吏遂據都圖為奇貨臣以為修舉廢墜有民社之急務誠無先於此者若其徵之於民因明一條鞭法一條鞭法者以州縣每歲夏稅秋糧存留起運之數通為一條總徵而均支之至運輸給募官為支撥而民不與其法不煩而易行詳五朝一曰易知由單由單之式以州縣上中下則正雜通考本折錢糧刊給花戶始頒於順治六年十五年將申飭私康熙六年以由單款項繁多小民難以通曉令將上中下則地每畝應徵實數開明停止於康熙二十六年時以各省刊刻由單官吏措索紙版之二曰截票列地丁實數按月分為十限完則截之其票鈐印中分官

民各執其半即串票也順治十年行二聯串票而奏胥作弊康熙二十八年乃行三聯串票一存官一付役應比一付民執照雍正三年更刻四聯串票一送府一存根一給花戶一於完糧時令花戶別投一匪以銷欠至八年三曰滾單康熙三十六年行徵糧滾單仍行三聯串票每十戶五戶止用一單分為十限依次滾催罪其耽閱者四曰順莊編里雍正六年行順莊編里之法以的戶為主凡寄莊寄糧悉更正之乃改十截之法復三聯串票自是以後遵行無改謹案開國之初法制未定順治八年以後各省始有奏銷數目見張文貞集及康熙初乃除均役提編之弊詳免從故給以易知由單後以繁費累民一改而為截票而輒擡硬賦未能盡絕再改而為滾單時官吏科派名色不一圖

石渠餘紀卷三

邑通里共攤同出者謂之硬賦滾單不行三改而為的戶各里輪流獨當者謂之硬賦臣累朝因革損益其要使民易知而吏不得多取而已臣讀會典催科事例竊疑國家以土與民付之守令乃復多為之防益必民間有一事之疾苦而後朝廷有一事之禁令是故觀方藥以知其疾之溫寒觀法禁以知其俗之憂樂為守令者毋徒言愛民第取會典催科禁令見事百四十信守而力行之是即催科中之撫字也案乾隆會典曰凡州縣催科以分限之法紓民力以輪催之法免追呼以印票之法徵民信以親輸之法防中飽千條百緒不出此四語中矣

歷朝田額糧賦總目

順治十八年天下田土五百四十九萬三千五百七十六頃有奇賦銀二千五百五十七萬六千六百有奇糧六百四十七萬九千四百六十五石有奇賦約賦銀三分并一合九釐有奇糧一分有奇

康熙二十四年天下田土六百七萬八千四百三十頃有奇賦銀二千四百四十四萬九千七百二十四兩有奇糧四百三十三萬一千三百三十一石有奇

雍正二年天下田土六百八十三萬七千九百十四頃有奇賦銀二千六百三十六萬二千五百四十一兩有奇

石渠餘紀卷三

三

奇糧四百七十三萬千四百石有奇

乾隆三十一年天下田土七百四十一萬四千四百九十五頃有奇賦銀二千九百九十一萬七千七百六十一兩有奇糧八百三十一萬八千七百三十五石有奇

嘉慶十七年天下田土七百九十一萬五千二百五十一頃有奇賦銀三千二百八十四萬五千四百七十四兩有奇糧四百三十五萬六千三百八十二石有奇據典起運漕白不在此數

雍正十一年令錢糧一錢以下准納制錢錢十文准銀一分

乾隆三十一年以絲豪忽微之數有名無實令徵收支放以釐爲斷

乾隆十八年直省民田賦銀二千九百六十一萬有奇糧八百四十六萬有奇屯田賦銀五十萬有奇關稅四百三十二萬有奇鹽課五百五十六萬有奇六百三十萬餘引蘆課八十九萬有奇外有茶課雜稅雜稅百有奇以上據甲申會典

戶部山西司嘉慶十七年奏單歲入銀除蠲緩四百八十三萬二千八百六十二兩有奇實入銀四千十三萬六千九百九十四兩有奇歲出銀三千五百十萬七千五百三十四兩有奇

石渠餘紀卷三

三

百三十四兩有奇

紀丁隨地起

丁口之輸賦也其來舊矣至我朝雍正間因各疆吏奏請以次攤入地畝於是輸納徵解通謂之地丁或曰丁隨地起是古來夫布之征口率之賦一切取之農夫而戶册所謂富民市民者擁費千萬食指千人不暇田畝即公家一絲一粟之賦無與焉臣以爲此勢之所趨不得已也昔楊炎併租庸調爲兩稅而丁口之庸錢併入焉明嘉靖後行一條鞭均徭里甲與兩稅爲一丁隨地起非權輿於今日亦曰通其變使民不倦而已我朝丁徭素薄自康熙

五十年定丁額之後滋生者皆無賦之丁凡舊時額丁之開除既難必本戶適有新添可補則轉移除補易至不公惟均之於田可以無額外之多取而催科易集其派丁多者必其田多者也其派丁少者亦必有田者也保甲無減匿里戶不逃亡貧窮免敲撲一舉而數善備焉所不便者獨家止數丁而田連阡陌者耳然使丁地分徵則富戶又將賄脫而委之貧民欲編審之均平顧可得乎故自康熙末年四川廣東等省先已行之田載丁而輸納丁隨田而賣買公私稱便至雍正初畿輔踵而行之次及各省惟奉天貴州以戶籍無定仍舊分徵山西亦於乾隆元年以後

石渠餘紀卷三

三

陸續攤派前後百數十年時歷三聖其減除重則缺額者史不絕書經營衰益然後法制大定乃知唐之庸錢不得不歸於兩稅明之均徭不得不改爲條鞭皆勢之所趨不得已也惟是米穀者田之所產銀者商賈之所流通地糧猶兼輸米丁賦名兼米豆實則皆銀故古之傷農者一穀賤是也今之傷農者二曰穀賤也銀貴也銀貴則穀愈賤實亦一也抑臣讀前史宋用唐之兩稅庸錢在其中矣而復令百姓歲輸身丁錢米明中葉以後條編名存實亡隆慶總括戶口租庸正額之外復多雜派作法於涼其弊猶貪如此我朝定制百餘年矣地丁之外分豪無取焉

後之謀國者亦善守成規焉可矣臣讀 皇朝通考及會典事例旁證各載籍謹以各省丁隨地起者次第著於篇康熙十一年以浙江鹽鈔銀均入地丁三十六年以浙江匠班銀七千餘兩派入地丁後湖北於三十九年山東於四十一年均照浙江例匠班歸入地丁

案匠丁沿自故明歷久籍存丁絕至是始派入地丁地丁之名已見於此後乃定制通行耳

五十五年戶部議編審人丁除向例照地派丁外其按人派丁者一戶之內開除與新添互抵不足親族丁多者抵補又不足以同甲糧多者頂補有餘歸入滋生冊內造報

石渠餘紀卷三

三

案照地派丁即丁隨地起之法其法但以黃冊與魚鱗冊相爲乘除即得其實顧以一丁言之不能以數十年而無故合一縣數千丁言之即不能以一日而無事立法抵補誠爲至公乃晉省有丁倒累戶戶倒累甲之謠意者親族不必丁多同甲亦不必糧多在官謂之補在民則謂之累其故可深思哉

是年定賣買地畝其丁銀有從地起者隨地徵丁倘有地賣丁畱與受同舉

案明天啟元年給事中甄淑請均戶丁等銀言小民所最苦者無田之糧無米之丁田賣富室產去糧存而猶

輸丁賦宜取額丁額米兩衡而定其數米若干即帶丁若干買田者收米便收丁則縣册不失丁額貧丁不至賠累史稱當時行之案此即丁隨地起之法特其時政荒賦重故不久輒罷

是年准廣東所屬丁銀就各州縣地畝攤徵每地銀一兩攤丁銀一錢六釐四豪不等

案丁隨地起見於明文者自廣東始

雍正元年直隸巡撫李維鈞請丁銀隨地起徵部議允之每地賦一兩攤入丁銀二錢二釐六年以長蘆地每畝六釐至一分不等

有案餘紀卷三

五

二年定福建地賦一兩攤丁銀五分二釐七豪至三錢一分二釐不等屯地自八釐三豪至一錢四分四釐八豪不等

案福建雖於是年攤徵而甯洋壽甯二縣每丁徵至四錢二三分糧少丁重未能攤入至乾隆二年改從中則每丁二錢又南平縣丁多不能通勻亦於是年定田糧一兩勻徵二錢豁浮多之三千餘兩又平和及清流永安三縣舊田糧一兩徵丁銀四五錢亦於是年 敕督撫議減

又案乾隆元年 諭福建臺灣每丁徵銀四錢五分再

加火耗則五錢有零查內地每丁一錢至二三錢臺灣等酌中減則每丁二錢著為例

又案會典事例乾隆十二年題准福建臺灣府官莊田闌共五十八萬餘畝每畝勻丁銀四釐一豪至八釐六豪不等共人丁銀三千六百餘兩勻入田園徵收至各番田地概不完賦止就丁納銀仍照舊毋庸攤入地畝是年會典事例定山東地賦一兩攤丁銀一錢一分五釐其新墾升科遇五年編審合計新舊地糧就一縣之地均籌攤減其永利各場墾丁於乾隆二年案地墾則減攤法固均平或疑坍荒恐增攤滋擾考乾

有案餘紀卷三

五

隆元年豁除福建缺額地糧五萬餘畝其勻入丁銀九百餘兩一併免徵著為例至三十八年湖北巡撫陳輝祖請將民屯新墾田地丁銀隨年攤徵 上以較及錙銖非惠下之政不許益新墾之田概不派丁

四年定河南地賦一兩攤丁銀一分一釐七豪至二錢七釐不等從巡撫田文鏡請也疏云丁糧同屬正供與其派在人而多貧民之累孰若攤在地而使賦役之平又定浙江田賦一兩攤丁銀一錢四釐五豪不等 又定陝西地賦一兩攤丁銀一錢五分三釐遇閏加四釐零

案邱嘉穗丁役議言秦中鄂縣併丁於糧起於明季又

免受空丁之累矣

四川每糧五升二合至一石九斗六升不等算一丁徵收六升會典事例作六合

案四川向係以糧載丁徵收惟威州十一州縣丁地分徵至是盡一

雲南亦於是年攤徵科則其屯軍丁銀一萬五千餘兩每二錢八分至六錢二分不等 俟察出欺隱屯田抵額

至乾隆二年已抵補三千餘兩尙有一萬二千餘兩歷年按老丁徵收實已故絕乃槩予豁免

次年以麗江原係土府雍正二年收設流官有土官莊奴院奴二千餘名願自納丁銀以此齊民每名編爲一丁繳納六分六釐至是貧乏之免

石渠餘紀卷三

之 又除鶴慶府驛站丁銀 明謂之馬頭人丁

五年定江蘇安徽丁攤地畝屯丁亦攤入屯衛田每畝攤

一釐一豪至六分二釐九豪不等 匠班三千餘兩亦攤

又定江西地賦一兩徵丁銀一錢五釐六豪屯地二分九釐一豪

六年定湖南地糧一石徵丁銀一豪至八錢六分一釐不等

案江蘇安徽以畝計湖南四川以糧石計與他省異

又定廣西地賦一兩徵丁銀一錢三分六釐不等

七年定湖北地賦一兩徵丁銀一錢二分九釐六豪

曾王孫沔縣丁糧議言城固縣於崇禎八年丁隨糧行南鄭於順治十三年丁隨糧行褒城亦然請將沔縣援例踵行案此則陝西丁隨地派其來最久

甘肅分河東河西河東一兩攤一錢五分九釐三豪遇閏加河西一兩攤一分六豪遇閏不加 先是康熙五十二年入丁册免納丁銀至是乃攤入地畝

狄道州道光十三年水衝地畝均載丁銀二十九兩有奇山丹縣道光十九年畧均丁銀一兩平番縣道光二十七年水衝地畝均丁銀二兩有奇

案河東地糧輕而丁多河西地糧重而丁少故不能一

石渠餘紀卷三

例攤派 其民攤入屯戶銀九千餘兩及康熙五十七年伏羌等縣地災傷亡七千餘丁該銀一千四百餘兩至乾隆元年

又案雍正六年蘭州按察使李元英請撥糧均丁疏略云甘肅均丁之法有與他省異者他省以本州縣之額丁均入本州縣之地畝甘省則按通省

額徵錢糧通計合算每銀九錢零每糧九斗零攤入一丁額徵多則攤丁亦多額徵少則攤丁亦少以致均丁不公原甘省州縣有糧少丁多者誠恐載丁過重但以

二三分之窮丁歸入六七分之糧戶仍無過多之處況甘省地多糧少如有餘贖窮丁即就開墾未升科熟地未報糧之戶均攤則有地者不蹈隱糧之咎而無糧者

惟江夏等十九州縣向有重丁減豁之外所攤向重初議俟有升科攤抵至乾隆元年以墾荒不實攤抵無期將丁銀八千三百餘兩全行豁免江夏十九屬科則不同詳見會典事例

乾隆元年山西省臨汾縣霍州介休縣高平縣樂河縣虞鄉縣定襄縣安邑縣垣曲縣太平縣鳳臺縣永濟縣猗氏縣忻州解州芮城縣凡十六屬丁徭全數歸入地糧又邢縣陵川縣靜樂縣文水縣陽城縣大甯縣朔州沁州八屬丁徭酌歸地糧餘仍隨丁徵納又平遙縣原額丁銀八千一百五十五兩有奇是年歸入地糧二千六百六十一兩有奇餘仍隨丁徵納山西丁歸地糧自是年始散見於賦役全書各屬下

石渠餘編卷三

表

案是年山西攤丁歸地典例失載今據賦役全書補入其各屬丁徭酌減攤入地糧餘仍隨丁徵納又於某年全數歸入地糧者其款目科則均見全書茲不具載惟攤徵尚有餘贖至今猶歸丁輸納如平遙等縣者特詳其數餘同

十年戶部議准山西丁糧分辨貧民偏累尚多丁隨地徵有勢所難行者今將太原等十八縣丁銀全攤地畝每糧一石合攤丁銀一分八釐至二錢二分二釐賦銀一兩合攤丁銀一錢四分七釐九毫至三錢三分八釐不等交城等十五州縣丁銀半攤地畝南鄉二縣以丁則徵丁餘銀

歸地渾源等二州縣攤三分之一河曲縣攤十分之一吉州惟攤無業苦丁餘陽曲等二十州縣典例作二十四州縣或貿易民多輸丁為易或民貧地瘠難於攤徵或田多沙礫或多徵本色仍地丁分辨中有屯丁徭銀之處別攤入屯地徵收典例此條同又云陽曲縣等八縣屯丁徭銀亦攤入屯地

案通考所云太原等十八縣今以賦役全書證之山西省之太原縣洪洞縣趙城縣曲沃縣汾西縣汾陽縣萬泉縣平陸縣徐溝縣襄陵縣浮山縣岳陽縣孝義縣臨晉縣聞喜縣鄉甯縣左雲縣靈石縣凡十八縣皆於乾隆十年丁徭全數攤入地糧徵收其酌減攤入地糧者

石渠餘編卷三

表

通考所言交城鄉甯典例作鄉甯是渾源河曲吉州外以全書證之又有長子襄垣黎城翼城長治潞城和順繁峙廣靈大同十縣平定一州又全書載是年屯甯縣歸半丁徭銀二千六百九十六兩有奇餘仍隨丁徵納壺關縣歸入地糧銀四千二兩仍隨丁辦納銀三千七百五十二兩各有奇夏縣歸入地糧七千九十九兩有奇仍隨丁辦納七千七十四兩有奇亦半攤也蓋祇十九州縣與通考之數略有參差又河曲攤銀三百一十一兩有奇隨丁辦納二千六百三十一兩有奇今猶仍其故與屯甯壺關夏縣同

二十三年定山西太谷臨縣石樓五臺醇縣等五縣丁徭全攤地糧永甯州每丁徵三錢沁州一錢代州一錢三分三釐餘者攤入地糧榆次縣攤三之一沁源武鄉二縣攤十之五靜樂縣攤十之三餘者仍歸丁納保德州以下下則徵丁餘歸地糧朔州丁糧均照中下下二則按現在實丁與寄莊已久之戶按地多地少分納其衛丁按上下中下下三則分別貧富均納隰州永和二州縣將寄居年久有產之戶按丁輸納下下則徭銀原額重徭均勻減除

案賦役全書與此略同惟靜樂於是年減攤誤載爲乾

石渠餘紀卷三

三

隆三年今以典例爲正全書誤也又全書朔州丁徭於乾隆元年及五十六年兩次全攤地糧隰州亦於乾隆三十一年道光五年全數攤入惟永和丁徭銀三百餘兩至今未攤此所言減重糧從輕則也

三十一年定山西交城縣之現徵民一半徭銀及屯丁徭銀文水縣之丁銀徭稅河津縣之丁銀稷山縣之優免丁與屯丁徭銀俱攤入地糧屯租完納隰州丁餘以十分之五歸地大甯縣再減丁銀一千兩攤入地糧蒲縣丁銀均勻攤派改爲下下則徵收其餘仍令丁糧分辦

案文水於乾隆元年交城於乾隆十年皆已減丁歸地

至是乃全行攤入耳稷山縣民丁徭銀道光三年始攤入地畝此時特將優免丁與屯丁攤入蒲縣減輕科則至嘉慶十八年乃攤入地糧

又案乾隆三十年山西道御史戈濤請丁銀仍歸地糧疏略言查山西丁歸地糧自雍正九年試辦之後至乾隆元年撫臣覺羅石麟奏請改歸者十八州縣八年鹽臣吉慶奏請改歸者十八州縣二十三年御史姚成烈又請改歸者五州縣計三次改歸四十一州縣其餘或將丁銀一半及三分之一歸入地糧或將丁銀統按下下則征收以餘額歸地或將無業窮丁刪除以應徵銀

石渠餘紀卷三

三

攤入地糧如此調劑辦理者三十七州縣此外二十六州縣仍丁糧分徵此歷年查辦之大較也其所謂不可歸辦者或以賦額本重或以地土瘠薄併徵應有逃亡俯從輿論民情相安卽有逃缺編審可以撥補查賦重無過江蘇土薄無過貴州皆丁糧合辦何獨異於山西夫有地而稍增其額卽慮逃亡若無地而按徵其丁逃亡不更甚乎乾隆二十三年查辦祁縣壽陽各有窮丁三千餘人其去乾隆八年僅十餘年尙嵐州逃亡六百餘丁五寨縣逃亡二百餘丁所謂民情相安特虛語耳然而州縣動以輿情爲請者一由紳富之畏攤丁賦一



由經承里胥之貧存編審蓋分徵而不免逃亡必籍編審察補改富升貧移甲換乙特為若輩舞文漁利之資而調劑終不能無弊請 敕下撫臣查核歸併又俞正燮癸巳類彙言康熙五十三年御史董之隨請統計丁糧按畝分派部議不便而止然廣東四川兩省先行之雍正元年直隸二年山西三年山東皆請行之五年乃通行各省山西以富人田少貧民種地代納丁銀不願至乾隆十年行者八十一州縣其孟縣等二十州縣丁地分徵道光元年孟縣改丁歸地其興縣等十九州縣如故貴州亦多分徵奉天臺灣及廣西融縣亦丁地分

石渠餘紀卷三

三

徵

案正燮見通考有其餘二十州縣之語遂謂乾隆十年已行者八十一州縣以合山西一百一州縣之數與通考典例皆不合又貴州臺灣分徵亦乾隆初年事臺灣則攤徵於乾隆十二年貴州則攤徵於乾隆四十二年皆見典例通考缺耳

三十八年湖北巡撫陳輝祖奏請將民屯新墾丁銀隨年攤徵經部覆準並行各省 上諭朕愛斯民詎於丁糧稍存計較若以新墾民屯田畝復將丁銀隨年攤納較及錙銖非惠下卹民之道敕各省毋庸另議更張

案乾隆初年湖北缺額丁銀原有俟升科攤抵之請見後經豁除至是凡各省新墾田地更不派丁矣是年山西省渾源州已攤下贖丁銀全歸地糧舉三十九年山西省榆次縣丁銀全歸地糧

案此二條據賦役全書補

四十二年定貴州平越等三十六廳州縣應徵丁銀九千三百餘兩歷年隨糧完納應仍其舊貴陽等二十九府廳州縣應徵丁銀四千四百餘兩按畝攤徵計各屬田地八十一萬二千有餘畝每畝攤有丁銀五釐四豪有奇此條例通考缺

石渠餘紀卷三

三

案貴州通志雍正九年編審徵差人丁二萬五千有奇又有隨田起徵人丁一萬二千有奇當時攤徵者已三分之一後乃積漸通行耳

五十六年部覆山西省丁徭向未攤歸之陽曲二十六州縣原屬分徵今將曲沃縣丁屯徭銀全歸地糧天鎮縣丁銀亦全數攤徵夫丁耗銀隨正輸納其應徵本色米石照舊徵收朔州丁銀州衛一體攤徵其科則每地一畝自一釐此當是入釐至四分不等再大同左雲等十四圍操丁銀在豐鎮同知地畝均攤每兩九釐其石樓蒲縣永和三縣缺額丁銀於乾隆四十年升補一百四兩至五十七年豁

未補虛額銀一千五百三十七兩有奇

見會典二百十五卷

案朔州丁徭於乾隆元年減入地糧至是州衛民屯乃一體攤徵

五十八年定大同縣折色銀全歸地糧每糧銀一兩攤一錢一分七釐懷仁縣則額丁銀歸地糧每糧銀一兩攤二錢一分六釐尖丁銀歸屯糧每一兩攤一錢七分六釐前衛丁銀歸入屯地每一兩攤二錢二分六釐至各屬尖丁耗羨照地隨徵以上均見會典事例

嘉慶元年山西省襄垣陵川靜樂陽城沁水五縣已攤下賸丁徭併山陰縣丁徭全數歸入地糧攤徵以下均據賸役全書補

石渠餘紀卷三

三

十八年山西蒲縣丁徭全歸地糧

二十四年山西巡撫成格奏岢嵐保德二州丁銀缺額請於通省養廉內攤捐奉 上諭成格奏晉省缺額丁銀請捐廉歸款一摺岢嵐保德二州地本苦寒罕通貿易現在寄籍者陸續還歸卽土著亦多遷徙以致丁銀缺額攤賠滋累該撫奏請在通省養廉內每年照數攤捐殊可不必國家惠愛黎元既知小民瘠苦情形豈尙計及錙銖徵收缺額之賦所有岢嵐州缺額銀一千五百八兩零保德州缺額銀七百十七兩零著卽加恩按年豁免以示朕勤卹民瘼至意

案全書於岢嵐州下載是年豁免數同尙實徵一千五百二兩零又載保德州是年豁免銀六百二十一兩與此不同

道光二年山西孟縣及平定州下賸丁徭全歸地糧

三年山西稷山嵐縣絳縣霍邱四縣絳州一州丁徭併黎城廣靈二縣已攤下賸丁徭全歸地糧

四年山西祁縣長治潞城沁源繁峙長子甯鄉武鄉八縣代州一州已攤下賸丁徭併陽曲陽高二縣丁徭全歸地糧

惟吉州原額丁徭銀二千八百七十七兩門差銀五百一十五兩各有奇經乾隆十年及是年兩次歸入地糧銀一千

石渠餘紀卷三

三

四百九十兩有奇仍隨丁辦納銀一千九百二兩有奇

五年山西興縣應州二屬丁銀併和順翼城二縣隰州一州已攤下賸丁銀又大甯一縣兩次攤賸丁銀均全歸地糧攤納

是年七月山西巡撫福綿奏右玉縣無著丁銀正耗七百三十兩平魯縣無著丁銀正耗五百四十二兩各有奇請予豁免於銅本生息銀內提補奉 上諭福綿奏援案請豁免著丁銀並籌款歸補一摺山西右玉平魯二縣地瘠民貧自嘉慶十七八年連被災歉戶口逃亡以致丁銀缺額追賠滋累著照所請自道光六年爲始將右玉平魯二縣無

著丁銀正耗共一千二百七十三兩零全行豁免該省商捐銅本生息銀兩每年因公動用尚有多餘著即照數提出歸補以符原額

案全書載右玉共徵均徭銀一千四十三兩道光五年豁免四百七十三兩實在共徵均徭銀五百六十九兩各有奇今署中奏案具在全書誤也

六年山西沁州已攤下賸丁銀全歸地糧

八年山西永甯州已攤下賸丁銀全歸地糧

十二年山西壽陽縣丁銀全歸地糧

十七年山西平魯縣丁銀歸入地糧二百二十六兩有奇

石渠餘紀卷三

美

案平魯縣原額丁銀一千五十九兩有奇全書言道光五年豁免逃丁銀四百十九兩有奇於銅本生息項內撥補以符原額又除是年歸入地糧二百餘兩外實徵丁銀四百十三兩有奇道光二十年於通省正印養廉按年攤捐歸補查平魯丁銀前後三次減免攤捐始獲歲事道光五年逃丁約僅五分之一豁補之外猶可徵收也至十七年以三分之一攤入地糧平魯地糧二千有而三分之二仍隨丁納不二三年而攤廉彌補益民之力之漸艱而勤恤之不易即一縣可以知其餘矣是篇創始於戊申而易稿於己酉考之館中官書於

山西獨缺乙卯取賦役全書與撫署案贖補之

直省地丁表

舊額今額道光二十道光二十道光二十  
徵 徵 徵 一年實徵二年實徵五年實徵九年實徵

直 二百萬九千二百五十二百六十二百五十二百六十二

隸 千一百三十三萬六千二百九十四萬六千一萬六千一萬七

奉 兩有奇 八百六十六百十二兩七百四十八百七十九兩有

天 二十四萬四萬三千三百七千 六兩有奇二兩有奇奇

江 九千五百八十八百六十六百二十 六十六兩百十九兩

蘇 八千四百五兩有奇八兩有奇 有奇 有奇

安 三百六十三百六十三百五十二百五十二百八十八百八十七

徽 二萬七千二百五十五千六萬三千三百九千九千九千六

江 十六兩有八百四十四百八十八百二十兩十三兩有百十四兩

西 奇 兩有奇 六兩有奇有奇 奇

浙 二百九十五百二十二百二十百二十全完 二百二十二百二十六

江 萬八千二百四萬九千九萬二千 三萬七千三萬三千二

福 百九十九百八十八百八十八百八十八百八十八百八十八

建 百有奇 有奇 奇 奇 奇 奇

湖 百有奇 有奇 有奇 有奇 有奇 有奇

北 百有奇 有奇 有奇 有奇 有奇 有奇

石渠餘紀卷三

美

南	雲	西	廣	東	廣	川	四	肅	甘	西	陝	山	東	山	南	河	南	湖
有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇
四十八萬六千九百九十九兩	三十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩	四十八萬六千九百九十九兩
有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇
六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩	六十八萬六千五百五十二兩

石渠餘紀卷三

表

貴州

有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇	有奇
十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇	十三兩有奇
四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇	四兩有奇

石渠餘紀卷三

表

通考京師用額  
 案 皇朝通考所載 京師用額以乾隆三十年奏銷為準較今會典所載款目不同盈縮亦異由會典湖之作通考時將五十年今後纂會典時又三十餘年時勢蓋略殊矣姑載其目以備司計者參觀焉

王公百官俸銀九十三萬八千七百兩兵餉無閏之年五百三萬三千四百五十五兩各有奇納錢一百餘萬千此係應領之數每年約實領俸餉共四百餘萬兩其 盛京 熱河圍場 東陵 泰陵各官兵俸餉一百三十至一百六十餘萬兩不等較會外藩王公俸銀十二萬八千三百兩有奇內閣等處飯銀萬八千三百兩有奇吏部禮部養廉銀萬五千兩有奇京官公費飯食錢十一萬千有奇入溝塔子溝收稅官路費千六十二兩

內務府工部太常寺光祿寺理藩院備用銀五十六萬兩

內務府備用錢五千千

兵部館所錢糧四千八百八十兩

刑部 朝審銀六十兩

國子監膏火銀六十兩

欽天監時憲書銀四百九十八兩有奇

遇閏加十兩有奇

寶泉寶源局料銀十萬七千六百七十一兩有奇

遇閏加五

千八百餘兩

在京各衙門役食銀八萬三千三百三十兩有奇

較會典多

石渠餘紀卷三

聖

內務府牽駝人米折三千四十一兩有奇

五城棲流所備賑銀二百兩

孤貧口糧錢二千九百三十千有奇

內務府等衙門各芻牧銀八萬三千五百六十兩有奇

較會典多

外藩蒙古朝鮮入貢 賞銀約萬兩

原注以上歲用之數盈縮不齊茲就乾隆三十年奏

銷約舉其凡至用之本無常額者不列

紀會計

臣嘗讀故大學士臣張玉書所計順治開錢糧數目竊歎

我朝受故明一懸磬之天下與前代創業之主憑藉勝

朝財粟者不同及觀休養搏節不一二傳帑藏漸饒裕矣

而獨貸之費軍旅之費隄防之費若與時會相乘而起是

殆盈虛消息天運固然者與謹案 開國之初首除三餉

歲入不足乃議節用順治七年以兵餉缺額從戶部言裁

併監司等官詳官制酌汰無用兵丁凡衙門已裁及錢糧不

多者俱歸併戶部管理時惟禮工二部太常光祿太僕十

年議裁折錢糧以充國用於是裁登萊宣府兩巡撫裁駐

防官兵多支米石停罷不急工程減製造庫內監三百人

裁督撫家人口糧各衙門書役工食裁州縣供應上司銀

石渠餘紀卷三

聖

兩酌收在京鋪稅折解各省備辦顏料藥材之京師所有

者又逾年撤各省蘆課監督司部員十四年飭戶工兩部

歲終會計勿使入不敷出 命戶部侍郎王宏祚重訂賦

役全書 諭之曰錢糧則例悉照明萬歷年間其天啟崇

禎時加增盡行蠲免地丁開原額若干除荒若干次開實

徵又次開起運存留細目至九釐銀舊書未載今增之宗

祿銀昔存留者今為起運漕白二糧運丁行月胙襖盛甲

折色南糧本折官員經費裁宥有昔未解今宜增昔太宥

今宜裁者俱細加酌核彙成一編為一代之良法終 世

祖之世歲支常浮於入康熙二年給事中吳國龍疏言直

省解京各項錢糧自順治元年歸併戶部七年復令各部寺分管紛繁滋弊請將一應雜項俱稱地丁錢糧作十分攷成除扣撥兵餉餘通解戶部每省造具簡明賦役冊送查至各部寺應用錢糧於戶部支給題銷於是收解之制定於一十七年定各省擅動錢糧處分惟用兵刻不可緩之時一面具題一面動用軍需浮冒照貪官論二十三年以督撫侵欺庫帑 命廷臣詳議條例以聞先是戶工二部咨取錢糧二三十萬兩者止以咨文取之並不奏聞四  
五十年始定將咨取大小款項於月終彙奏其時疏節闊目如此四十八年以光祿寺歲用二十餘萬兩工部自四

石渠餘紀卷三

聖

五十萬至百萬兩委官未估先領以至浮支令十五日具奏一次又工竣銷算有至十年二十年者稽延作弊定嗣後銷算不得踰年先是部庫存積不過一二千萬至是戶部銀庫收貯五千餘萬 諭以時當承平無用兵之費又無土木工程存庫銀兩竝無別用去年蠲免錢糧八百餘萬而所存尚多天下財賦止有此數以部庫一二千萬分貯各省似亦有濟四十八年五十九年詳定虧空錢糧條例世宗卽位卽嚴查虧空尋 諭以虧空已成積習姑從寬限三年補不完從重治罪再有侵欺入已卽行正法又諭以山東藩庫虧空數十萬雖以俸上補足爲名實不能

不額外加派此朕斷斷不能容者至署印之官更須簡擇諺云署印如行劫蓋始而百計鑽營既而視如傳舍貽害尤非淺鮮於是并嚴委署上司處分雍正元年以各省奏銷以部費爲准駁內外通同欺冒 詔嗣後一應奏銷著怡親王隆科多大學士白潢左都御史朱軾會同辦理於是設會考府三年罷之六年以江蘇歷年未完地丁八百餘萬派員同尹繼善清查八年以解部平餘減半留貯本省乾隆三年乃全數停解畱充各省公用十二年定州縣侵盜庫帑身故將其子監追十八年河南河員虧空未完數踰鉅萬 諭以虧帑之員輒先期寄頓此番不必抄查

石渠餘紀卷三

聖

家產惟勒限一年限滿先期請旨卽於該處正法二十六年平定新疆廷臣較核葉爾羌喀什噶爾等城應需經費合之陝西節省諸費視未用兵以前減用三之二 諭曰用兵之初無識之徒好生浮議今武功大定又或以長駕遠馭不無多耗內地物力爲疑將此通諭中外知之四十六年甘肅折收監糧恤災冒賑 命阿桂李侍堯查辦諭以甘肅素稱饑瘠冒賑之弊不可不辦而賑卹之事仍不可不行時京外添兵并賞卹紅白歲增百萬武職養廉歲增二百萬又案乾隆閒經費及本省畱備供支之外凡京外各庫之撥用有可得其略者如直隸城工則十六年

撥山東山西河南耗羨二十五萬三十年撥安徽三十萬  
四十六年撥廣儲司四十萬如河工則十八年豫省工撥  
浙江藩庫百萬二十三年南河工撥糧道庫二十三萬三  
十六年北河工撥部庫五十萬四十一年撥部庫貯河道  
庫三十萬四十四年豫省黃河漫口撥部庫及鹽課五百  
六十萬四十七八年豫省添築新隄開挖引河撥部庫及  
內庫七百萬合之司庫所出蓋千餘萬見四十八年諭旨又免民  
閒新舊攤徵加價一千三十餘萬時又以山東運河隄牐  
撥部庫五十萬又隄捻之工百餘萬如軍需則二十二年  
甘肅軍需撥鄰省二百萬次年又撥三百萬再撥三百萬

布業餘紀卷三

星

爲屯田籽種之用二十四年西北蕩平兩淮等商捐銀一  
百五十萬以備屯務三十二年雲南軍需淮南商捐銀百萬  
次年撥廣儲司一百五十萬又次年撥江甯藩庫二百萬  
鄰省一百萬又撥廣儲司百萬時四川亦請撥茶鹽耗羨  
三十萬以供支放於是金川用兵三十九年 諭曰四川  
軍需節經部撥及各省協撥捐解通計三千四百餘萬見  
在將次蕩平而善後事宜亦當豫計著戶部於各省存留  
內撥銀五百萬兩解川是年九月又於附近省分撥銀四  
百萬十一月撥部庫捐款五百萬次年又撥部庫一千六  
百萬通計六千餘萬嗣是又撥三百萬蓋七千萬有餘矣

四十六年撥甘肅一百八十萬其間遇 聖駕南巡輒賞  
銀二三十萬兩辦理差務其修葺行宮每次賞給二三萬  
又屢撥貯熱河道庫備賞賚外藩之用每事關庫款輒  
諭以府藏充實國用充饒四十六年 諭曰朕即位之初  
部庫不過三千萬今已增至七千餘萬復有何不足而不  
加惠天下乎五十四年安南用兵有帑項現存六千餘萬  
之 諭

布業餘紀卷三

星

康熙四十五年 諭錢糧支用太多理當節省否則必  
致經費不敷彼時又欲議開捐納乎每年有正項蠲免  
有河工費用必大加節省方有裨益前光祿寺一年用  
銀百萬兩今止用十萬工部一年用銀二百萬兩今止  
用二三十萬必如此然後可謂之節省也  
康熙四十九年十月 諭曰朕踐祚五十年矣除水旱  
災傷例應豁免外其直省錢糧次第通蠲一年者屢經  
舉行更有一年蠲及數省一省連蠲數年者前後蠲除  
之數據戶部奏稱通共會計已逾萬萬朕一無顧惜百  
姓足君孰與不足朝廷恩澤不施及於百姓將安施乎  
朕每歲供御所需樂從儉約各項奏銷浮冒亦漸次清  
釐外無師旅饋饋之煩內無工役興作之費因以歷年  
節省之儲蓄爲頌歲渙解之恩膏朕之錫免履行而無

國計不足之慮亦恃此經畫之有素也

紀耗羨歸公

會典曰凡徵賦有耗羨則提於公注正賦徵銀徵糧皆有耗羨備起漕者其耗羨少自浙江仁和錢塘等處入耗羨皆有常浮以豪忽則罪之二縣每兩加耗四分多至雲南二錢惟直隸涿州良鄉昌及讀事例但載耗羨半願義懷柔通州三河薊州不徵耗及讀事例但載耗羨之分數而不載歸公之緣起與起存撥用之款目臣嘗疑焉夫今日之耗羨同於正供軍國之用取焉官之養廉取焉地方公費取焉非前代進羨餘充私藏之可比故亦不可以無紀謹案火耗起於前明 國初屢有厲禁順治元年令曰官吏徵收錢糧私加火耗者以賊論康熙初有額

石渠餘紀卷三

果

外科歛許民控告之律四有剋取火耗上司徇隱之律七年禁令非不嚴也禁之而不能則流示其意而為之有限之而不能乃明定其額而歸之公其變法也以漸要皆宸衷之不得已也 聖祖嘗諭河南巡撫鹿祐曰所謂廉吏者亦非一文不取之謂若織豪無所資給則居常日用及家人胥役何以為生如州縣官止取一分火耗此外不取便稱好官若一槩糾摘則屬吏不勝參矣四十八年九月諭旨時各省耗羨每兩多不過一錢獨湖南加至二三錢 上為擇廉介大吏如趙申喬陳瓊巡撫偏沅令禁約所屬十四年 諭偏沅巡撫趙申喬五 六十年 陝西虧空事聞

總督年羹堯巡撫噶什圖奏秦省火耗每兩有加至二三

錢四五錢者請酌留各官用度其餘俱捐出彌補 上諭

斷不可行又云私派之罪甚重州縣用度不敷略加些微原私事朕曾諭陳瓊云加一火耗似尚寬

容陳瓊奏朕此是聖恩寬大但不可說出許其如此其言深為有理此舉彼雖密奏朕若批發竟視為奏准之事加

派之名朕夫責人以公義而不恤其私情非 聖主之所

豈受乎 以使下經制既定俸祿有恆不得已而從權制願 朝廷

以一分者微示其意而大吏竟以數倍者昌言之不特不

可禁而亦不可限矣此其勢不至於歸公不止提解歸公

之議倡於雍正二年山西巡撫諾岷布政使高成齡 世

宗令廷臣集議議上 諭曰州縣火耗原非應有因地方

石渠餘紀卷三

果

公費各官養廉不得不取給於此且州縣徵收火耗分送上司以致有所藉口肆其貪婪上司瞻徇容隱此從來積弊也與其州縣存火耗以養上司何如上司撥火耗以養州縣乎爾等請將分數酌定朕思州縣有大小錢糧有多寡地廣糧多州縣火耗已足養廉若行之地小糧少州縣則不能矣惟不定分數過差多事繁酌計可以濟用或是年差少事簡即可量減又或偶遇不肖有司以時加增而清廉者自可減除若酌定分數竟為成額必至有增無減又奏提解火耗非經常可久之道凡立法行政孰可歷久無弊提解原一時權宜之計將來虧空清楚府庫充裕有



司皆知自好則提解自可不行火耗亦可漸省益年羹堯之議至是始行後乃酌定分數而各省文職養廉二百八十餘萬兩及各項公費實取諸此先是江南每兩加耗五分雍正六年以後遞增至一錢十三年 高宗即位 諭日向來耗羨州縣任意徵求經巡撫諾岷田文鏡倡為提解歸公之法各就本省情形酌定分數以外不許絲豪濫徵然未提解以前尚為私項既提解以後恐不肖官員視同正課又於耗羨之外巧取殃民著各督撫嚴飭有司耗羨一項可減而決不可增倘多取絲豪即題參重治乾隆四年從孫嘉淦陳世倌奏免直隸江南蠲賦耗羨仍以河

石渠餘紀卷三

吳

前耗餘撥補五年以地方無關緊要之事輒動耗羨令督撫將各省必須公費分晰款項報部核奏自是以後各省耗羨掌於戶部湖廣司者取之有定數用之有定款於世廟諭旨所云將來府庫充裕提解不行火耗漸省者卒無有議及者矣他如關稅之有盈餘鹽課之有雜費昔歸私橐後充公帑亦耗羨之類也 臣以為司權之吏以繭絲為職當 國家豐亨豫大之時民間財利充衍流溢因取其餘以奉公斯亦不足深責焉耳獨怪夫當時制國用之臣耗羨之入既立為歲額其出也即定為歲需取之惟恐不足用之不畱有餘取快一時罔顧後慮使後之人主欲

錫餘利以予民而經費已定不復可以少減天殄人事偶有不齊則國與民俱受其困嗟夫此誰之過與

增公廉

八旗官養廉自領侍衛內大臣九百兩至翼長一百兩凡七等者均分其餘餉七萬餘兩

察哈爾二季官俸每一萬八千三百十九兩有奇餉七萬餘兩

漢官 恩正額俸每歲應支銀六萬六千六百九十八兩有奇米一萬八千五百五十一石無額缺者嘉慶十

七年春秋二季支銀一萬六千餘兩米五千三百餘石

石渠餘紀卷三

吳

巡捕營額俸每歲應支銀三千二百九十六兩有奇米二千四百三十六石有奇 遇開加支二百三十石無額缺者嘉慶十七年二季支銀一千六百餘兩米五百餘石在京回爵按疑有 嘉慶十七年二季支銀一千兩米四百七十石 騰脫 陝西司以 巡捕營兵餉每月銀一萬六千餘兩兩季各需米一萬七千餘石

直省歲入總數表

定額	道光二	道光二	道光二	道光二
實徵	十一年	十二年	十五年	十九年
實徵	實徵	實徵	實徵	實徵

地丁	三千三百二十九萬二千九百三十三千二百	雜稅	八千三百一十七萬五千七百八十三千三百	鹽課	七百四十四萬九千八百九十四萬九千九百	稅	八百七十五萬九千八百九十四萬九千九百	關稅	四百三十四萬九千八百九十四萬九千九百	道	二百六十七萬九千九百九十二萬九千九百	光	二千八百六十九萬九千九百九十二萬九千九百	二	八千九百九十二萬九千九百九十二萬九千九百	十	四萬八千九百九十二萬九千九百九十二萬九千九百	八	百四十八萬九千九百九十二萬九千九百九十二萬九千九百		
直省歲出總數表	直奉	江安	江浙	福湖	湖河	山山	陝甘	四廣	雲貴	鹽關	隸天	蘇徽	西江	建北	南南	東西	西肅	川東	西南	州課	稅

石渠餘紀卷三

幸

年	三十分	各	兩錢	省	錢	歲	分	出	釐	道	二	光	道	出	歲	省	各	年
二十八年	三千五百八十八萬九千八百七十二兩	有奇	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分
二十九年	三千六百四十四萬三千九百九十九兩	有奇	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分
二十一年	三千七百三十四萬餘兩	有奇	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分	二十九分

石渠餘紀卷三

幸

二十二年三千七百十四萬餘兩  
 二十五年三千八百八十一萬餘兩  
 右紅冊歲出之數此內尚須除去協撥之數蓋鄰省之協撥者既作出數奏銷而受撥省分將所撥之款又作出數奏銷此各省奏銷總數而非 國家經費歲額稿數也如道光二十二年甘肅不敷銀三百七十八萬四川不敷銀三十四萬餘兩雲南不敷銀六十六萬餘兩貴州不敷銀八十萬餘兩皆在鄰省協撥鄰省已有奏銷受撥各省即當除去此數

是年湖南湖北兩省又有部撥之款今當從三千七百

石渠餘紀卷三

三

十四萬中除去協撥五百六十萬以三千一百五十餘萬為二十二年歲出之稿數

部庫年例應放數目

道光二十九年共放過銀九百四十六萬七百二兩零

三十年共放過銀九百五十六萬四千五百九十九兩零

咸豐元年共放過銀九百五十六萬九千九百一十一兩零

查前項放款除各省例解部款一百二十萬常捐旗租

減平二百餘萬外不敷銀兩隨時奏聞於盈餘省分地

丁鹽關指款撥解部庫無定額

直省出入歲餘表

道光二 道光二 道光二 道光二  
 十五年 十六年 十七年 十八年 十九年

歲入  
 四千六百三十三萬九千九百三十七萬三千七百  
 一萬二千二百二十二萬三千八百九十四萬九千九百  
 三百八十二萬六千七百三十三萬九千九百三十七萬  
 兩有奇 三十兩四十六兩一八錢二分

歲出  
 三千八百三十六萬三千五百三十五萬三千六百  
 八十一萬二千八百五十八萬八千八百四十四萬  
 五千八百七十七萬五千四百九十八萬三千九百  
 九十一兩九百九十九兩有奇 有奇 有奇 二分三釐

蓋聞戶部山西司奏銷紅冊為一歲 國用出入總匯之本從而借觀惟直省地丁有額徵蠲緩未完實徵之數若

石渠餘紀卷三

三

鹽課若關稅皆祇載實徵而不載額徵若河工若甘餉皆祇載撥解而不及實銷蓋山西司受諸司之成諸司未嘗以全案移會則鹽關之歲額工餉之歲銷山西司莫由而詳且紅冊祇載直省而京師內外支銷各有典司不相侵越戊申正月取會典所列地丁鹽課關稅之正供歲額與京師直省之經費歲支均於紅冊出入之數排比為表以備檢閱咸豐二年壬子承乏戶部奉 旨會籌軍餉北檔房綜近年歲出入及例外用度彙為總冊命男傳燦鈔冊前表且免散失行當向各司散鈔實銷各款均載方為完備咸豐三年癸丑正月鐙窗識

河工另案

道光二十五年

東河另案共銀二百五萬八千七兩有奇

南河另案共銀三百三十萬四千八百八兩有奇

二十六年

東河另案共銀百九十四萬七千二百二十三兩有奇

南河另案共銀二百九十五萬三千五百二十四兩

有奇

二十七年

東河另案共銀百七十九萬八千九百八十七兩有

石渠餘紀卷三

三

奇

南河另案共銀二百七十八萬五千兩有奇

合三年約計東河每年百九十餘萬兩南河每年三

百萬餘兩

道光三十年咸豐元年二年各省例外撥用

廣西軍需銀一千百二十四萬七千餘兩

湖南軍需銀四百十八萬七千兩

廣東軍需銀百九十餘萬兩

湖北防堵銀四十五萬兩

貴州防堵銀二十萬兩

江西防堵銀十萬兩

南河豐工銀四百五十萬兩

共銀二千二百五十八萬餘兩除撥內帑二百萬

外餘在各省各款及捐輸銀兩撥用

石渠餘紀卷三

三

石渠餘紀卷四

閩縣王慶雲敬述



紀庫

凡帑藏之在京師者曰內務府銀庫曰戶部銀庫內府銀庫 國初沿明制隸於御用監順治十六年改為廣儲司兼領緞庫皮庫衣庫康熙間增茶庫磁庫是為六庫戶部銀庫各省歲輸田賦鹽課關稅雜賦皆納焉乾隆二十六年定解部解稅鹽課每千兩加十五兩清項每千兩加五兩四十一一年定庫放賣辦物料及凡應用市平者每庫平千兩扣平餘三十兩兼設顏料庫緞匹庫是為三庫屬於戶部總理以王大臣設於官役康熙四十五年以銀庫所貯甚多盤查不

石渠餘紀卷四

十一

易 詔將新收別貯而揆用舊銀四十八年盤查部庫外多餘銀二十餘萬則東三省 盛京戶部各將軍副都統及城守尉皆有庫以待其用直省布政司庫以貯田賦為一省出納收支之總匯按察司貯贓罰歲輸之刑部及驛站錢糧之收發鹽糧驛河各道皆貯其所入以待用關稅貯以解部分巡道及各府州之地居衝要者則撥司庫分貯焉州縣之庫惟存留者貯焉此內外設庫之大略也直省司庫備用之額謂之留貯定於雍正五年令督撫於春秋二撥時酌留分貯用則預期報聞擅動者論斬以直隸近京無留貯乾隆開封貯三萬一千 西蘇安徽江各省自三十萬至十萬為三等西浙江湖南四百萬兩

甘肅四川廣西貴州皆留貯三十萬福建三十萬有奇山西河南湖北西安廣東雲南均二十萬山東十萬乾隆三十六年增貯江甯蘇州兩司庫各三十萬是為各省司庫封貯之欸自後增減不一至乾隆四十一年戶部奏各藩司封貯直隸三萬有奇山東二十五萬山西三十一萬河南三十五萬江甯蘇州皆四十八萬安徽福建湖北皆四十萬江西三十七萬浙江三十萬有奇湖南三十二萬有奇陝西三十一萬甘肅三十八萬四川一百五萬廣東二十萬廣西三十八萬有奇雲南四十八萬有奇貴州四十五萬有奇見事其直省各府州縣之備用者初照京縣例撥貯於繁劇州縣而未定額雍正八年定直隸各省亦自三十至十萬約為四

石渠餘紀卷四

十二

等直隸山東山西河南廣西各十五萬江蘇安徽江西浙蘇湖北湖南廣東各十萬福建雲貴各二十萬陝西甘肅四川各三十萬 分貯各府直隸州是為分貯之欸乾隆五年增定分貯之額其貯於道庫者直隸十一萬江蘇五萬其貯於各府州庫者陝西十萬甘肅二十二萬四川二十萬餘皆數萬以原貯所餘者酌留司庫惟福建浙江湖南廣東仍以雍正八年原額分貯此直省庫貯之大略也三十四年定駐防官兵備借銀數就近分貯各衙門 盛京六萬兩餘視駐防多少為差是為備借之欸

紀漕糧

京師之倉十有三為版九百五十六外有恩豐倉屬內務府乾隆三年定每版貯米萬石毋許盈通州之倉二南倉現版以貯各省漕糧之入以供各

官兵俸餉之用各省漕糧有正兌有改兌有白糧有改徵  
有折徵五者漕糧本折之綱也凡糧運京倉者爲正兌各  
省原額米三百三十萬運通倉者爲改兌各省原額米七  
十萬通爲四百萬石自歷年折改荒闕至乾隆十八年實  
徵正兌米三百七十五萬改兌米五十萬各有奇通考據  
是年奏銷其隨時截留蠲緩者無定數山東河南漕糧之  
冊爲準 外有小麥黑豆凡正兌改兌二省通徵麥五萬六千餘石  
豆二十萬九千餘石此據會典嘉  
慶間年額白糧出於蘇松常太嘉  
湖六府原額糯米二十一萬餘石乾隆二年以民間輸納  
白糧費用較重乃定賓祭所需二千餘石外其餘王公官

石渠餘紀卷四

三

員俸米禁城兵丁內監食米減半以秬米抵給於是實徵  
白糧不過十萬有奇耗米三萬餘石經費銀二十  
三萬餘兩米五萬七千餘石改徵出  
於 特旨無常例如雍正十一年改徵山東河南黑豆十  
二萬石乾隆間亦屢有改徵以抵額漕之米折徵之目有  
四一曰永折米江蘇等省通折三十六萬石有奇每石折  
銀八錢  
至五錢 一曰灰石米折初有給軍辦運灰石之米順治十  
七年改徵解部每石徵銀  
一兩六錢二者本額糧而徵折色一曰減  
徵河南州縣有折徵於此而酌撥代徵本色於彼者以水  
次遠近別之一曰民折官辦其制不同有先動正項購運  
而照價徵還者有小戶折納而後官爲辦運者有撥運別

縣耗米而從民折納者凡減徵於民折官辦雖徵折銀色  
而仍運本色五者之外有截漕有撥運截漕不常舉舉則  
酌給行月以郵軍撥運者山東河南所運蘇州糧撥充保  
定兵米是也自雍正六年定浙江漕米紅白兼收利稷並  
納以乾圓潔淨爲準自後屢禁潮潤之米不濫兌濫收凡  
收漕糧坐糧廳掌督催坐糧廳所屬石壩軍糧經紀百名  
白糧經紀二十五名土壩車戶由  
五十名減至二十名皆十年一更大通橋監督掌抽查車戶三十二名水  
百輛牲口而蒞以倉場侍郎凡經紀運米到橋車戶運米  
進倉皆抽掣之其在倉則各倉監督掌出納設稽察御史  
倉一人以稽倉之完損與米之侵盜各倉有看倉旗員有  
吏典皂隸兵自四十

石渠餘紀卷四

四

名至百名在京十 康熙二十三年題准白糧自本地包裹  
三倉花戶三百名 抵通過壩恐開包量兌致有拋散向例用平交兌定以正  
耗米一百六十斤爲一石米色不淨加重十斤令旗丁赴  
倉親納短少賠補有餘給還由坐糧廳平驗斤  
數不足鈐印包上雍正六年  
定各省監兌官每船兌米一石封貯鈐印到淮總督查驗  
加封抵通倉場侍郎率坐糧廳照樣驗封起卸攪和凡漕  
究處  
糧皆隨以耗費耗皆以米正兌一石耗二斗五升改兌一  
石耗一斗七升皆隨正入倉其南糧又有隨船作耗之米  
自五升至二斗三升以途之遠近爲多寡山東河南無船  
耗其麥豆之耗與米同費則以銀若米米仍折銀其目曰

贈帖銀米初軍民交兌常多取焉順治九年定官收官兌  
徵贈帖銀米以給軍曰漕耗銀米則耗外之米以供官軍  
兌漕及州縣辦公之用曰輕齋易米折銀耗米之外又徵  
餘耗米折銀兩正兌謂之輕齋改兌謂之易米折銀先期  
徵解倉場為轉運腳價之費江南有水脚銀江西又有倉費銀皆各省所無者及  
出運則又有官軍行月銀米有紅撥船價而席片枋木松  
板毛竹亦隨漕附帶凡費官定其額取之民以餉軍而蠹  
胥猾吏因得料軍之所入而取之不盈不流不竭不止此  
漕費之大略也順治十八年禁折徵漕糧以兌費為名額  
外苛求乾隆十年工部侍郎范燦奏下江徵收漕米向借

石渠餘紀卷四 五

漕費之名或以九折或以八折自雍正元年巡撫尹繼善  
定每石收漕費六分而諸弊以革久之吏胥復乘繁兌之  
時官不能遍驗於是刁難議折大漕既畢所徵兵行局恤  
竟有八折者乃奏 旨飭禁十一年御史沈景瀾請甲戶  
完漕給單以清浮派嘉慶五年奏定旗丁交米一石於例  
給箇兒錢二十二文外加增五文二十二文乃國初所定大抵漕糧  
之弊在於取之無藝故用之無節而其端則自州縣浮收  
始故取一二事附著於篇其不知者不能詳也

案通考云隨漕欸目曰輕齋曰易米折銀曰官軍行月  
曰贈帖曰紅駁曰席木板竹各省共徵銀一百八十五

萬米六十一萬麥一萬九千豆五百石各有奇今考會  
典山東河南二省耗麥一萬三千餘石耗豆四萬九千  
九百餘石與通考不同其銀米尙未合計姑附記以俟  
考麥一萬三千誤作一萬九千豆五萬石誤作五百石耳  
又云水次六倉江甯淮安鳳陽徐州德州臨清共徵銀  
二十六萬餘兩米七萬麥五萬豆四千石各有奇

漕糧倉耗

正兌米一石收耗米一斗二合九勺四抄有倉耗尖改  
兌一石收耗米四升一合六勺八抄外尖米皆四升二  
合以備三年遞減凡倉糧遞減以三十六月為止每又

石渠餘紀卷四 六

有盤運曬曬折耗及運軍回船食米正兌一斗五合六  
勺幾抄改兌八升六合三勺二抄至雍正初又將曬曬  
之四升七合六抄歸正項支銷

漕費茶果銀倉場滿漢侍郎年各二千四百兩坐糧廳各二千二百兩大通橋監督各五百兩筆帖式四人共千八百兩通濟庫使二百兩庫吏百二十兩皆取給於此

白糧進倉每漕船各項需銀三十五萬兩雍正七年  
裁六存四並定漕船抵通每米一石運軍帖經紀車戶  
錢二十二文國初沿明制即已如此倉場坐糧廳書役舊有飯銀  
酌量存留餘悉裁革於八年勒石  
又運軍於各倉每米一版納銀六十兩雍正初定七分

作餘米修厥之用三分給吏役冊卷之費

又向例各倉領腳價百兩給倉場書吏規八兩雍正十三年裁革酌給茶果銀

漕白每船納坐糧廳茶果銀十兩全漕約六萬餘兩雍正初撥充各官公費吏役飯食

內倉收白糧茶果銀一千六百餘兩為官役飯食雜費乾隆三年白糧議減撥運米殘袋萬條變價充用十三年停製官袋撥坐糧廳茶果銀足之

乾隆九年以南糧茶果銀多交不足額令糧道於運軍耗贈扣存交押運官道到通交納

石渠餘紀卷四

七

紀漕船運軍

凡漕船各省原額萬有四千五百五號除改折分帶坍闕裁減外實運船數各省七千六百九十二號通考據乾隆會典直隸協濟河南三十七號山東九百七十五號又協濟河南二百四十四號江西安糧道所屬二千八百八十六號又協濟河南一百二十五號又協濟蘇松千八百三十五號又協濟糧道所屬四百三十九號浙江五百六十九號江西三百四十八號湖北一百二十號湖南百有六號白糧河南無漕船山東直隸江南就近協運四百有六號白糧江南無缺額而自備船裝者無定數凡造船初於民地徵十之七軍地徵十之三備給料價不足則徵軍衛丁田以帖造康熙十九年改定造船領支官銀而別徵丁銀解部旋定每年成造之船照見運十分之一雍正二年裁浙江船政

同知凡修造歸糧道管理造新船則舊船為裏料無料則交銀五十一兩其載運之數每船載正耗米五百石初定土宜六十石雍正七年增為百石又定舵水土宜百二十石乾隆初定回空各幫例帶米及梨棗之類漕運遇淺則有撥抵通則有撥遇淺起撥由總漕飭沿途有司雇備抵通撥船

國初於通州設紅撥六百隻每船給田十頃康熙三十九年裁紅撥船徵銀給軍雇撥乾隆二年定每船給紅撥銀二兩乾隆十一年設堡船六十隻以備疏濬又設稅夫百八十名凡軍各以其籍

國初五年一編審康熙初每船運軍十名至三十五年改定為一名餘九名選募水手充之尋籤

本軍子弟一人為副軍雍正六年准文生員得免籤運乾隆間備籤餘軍及子孫兄弟注册送部禁運籍富紳規避籤丁蓋軍愈困則束縛之法亦不得不嚴矣定例軍船販帶私物隱蔽罪人倚勢阻搶盜賣漕糧故致船壞康熙元年夾帶私鹽私藏火器雍正二年水手擾害居民雍正十三年短絳乘棧為匪乾隆四十年久有厲禁蓋軍船風尚之濟固不自近年始矣

嘉慶十七年各省漕船六千二百四十二隻見會較乾隆間少千四百餘隻

石渠餘紀卷四

八

紀漕運官司期限

紀漕運官司期限



國初定漕運官司參酌明制若輓運則設旗甲統領則設  
運總督押則設漕道糧道持衡巡察則設巡漕總漕皆明  
制也巡漕御史裁於順治七年至雍正七年以糧船夾帶  
禁物官吏需索陋規復差御史各二員於淮安通州稽察  
乾隆二年令御史四人分地巡視一駐淮安自江口至山  
東交界一駐通州至天  
津一駐濟甯自臺莊至北直  
交界一駐天津至山東交界康熙二十二年令總漕督運  
歲至通州乾隆閒以薊運河責倉場侍郎專管督率通永  
道及薊州疏濬以利漕行乃立之期限凡各省徵收之限  
皆以十月兌運之限皆以十一月南糧有過淮之限則江  
北十二月江南以正月浙江湖北以二月江西湖南以三

石渠餘紀卷四

九

月初後定過湖之船展限十日過淮畢則總漕以其數上  
聞東糧不過淮則有開行之限河南以正月山東以二月  
有到通之限東糧三月朔江北四月朔江南五月朔浙江  
江廣六月朔有回空之限通州限十日又於其中節節為行程  
之限如重運逆流二十里順流四十里回空逆流  
三十里順流五十里又開壩等處皆有例限皆給以  
限單令沿途州縣填注初南糧四千餘艘悉於儀徵瓜洲  
兩口停泊以待挨次開行康熙閒令一幫全到隨令開行  
於是後幫慮隔絕獲咎亦追行以至此 聖祖親授機宜  
而臣工未以為請者也

案通考監兌官河南浙江江西湖南各三人山東湖北

各六人江南十五人以管糧同知通判為之押運官山  
東河南湖北湖南各一人江西二人浙江三人江南七  
人以管糧通判為之領運官直隸千總四人領河山東  
南運守備一人千總三十六人內河南運四  
人江南守備八人  
千總九十八人江西守備二人千總二十五人湖廣千  
總二十有二人白糧千總六人浙江千總四人均以衛  
所官為之每幫武舉一人隨幫効力通用同知通判五  
十六人守備十三人千總二百十三人

紀罷折漕

道光四年冬淮水決高堰五年新漕半渡而阻有 詔籌

石渠餘紀卷四

十

明年海運時河務亦急於是協辦大學士英和倡議暫雇  
海船以分滯運并酌折額漕以資治河六年兼行海運纂  
有海運成案一書以折漕之議不果行故疆臣之奏疏未  
經悉載斯固作書之體也臣以輔臣折漕之議恐委糧於  
無用又恐籌工需而無出不避嫌怨為此權宜不得已之  
計 聖主執兩用中卒用海運而罷折漕之議不特著之  
於世安知 聖人於國計民生必權衡至當而動出萬全  
有如此哉案輔臣之議主於停運以治河因議折漕以濟  
工其疏略曰康熙閒停運治河行有成效今在工諸臣未  
有以為請者以未知京倉情形也查京通各倉現貯及奉

天河南碾買米石加新漕已渡黃者數木充裕若浙江海運一百五十萬石其餘概令折色約計不下七八百萬兩在百姓仍屬惟正之供而於工需大有裨益又奏酌折額漕說者恐百姓嗣後不肖完納本色查漕運全書載凡漕糧題准改折將應折米數價折刊示曉諭其隨漕輕齎席木贈截等項並耗米行月一例按價徵收如藉兌漕爲名濫行科索者參處又查額漕折色順治康熙雍正乾隆年間均已行之而江蘇之清河阜甯宿遷桃源海州沐陽贛榆嘉定寶山九州縣安徽之甯國太平旌德英山四縣江西之瀘溪一縣湖北之通山當陽通城三縣河南之祥符

石渠餘紀卷四

七

等州縣均因不近水次奏准永遠折徵官爲採辦兌運其折銀乾隆以前多因災改折價多不逾二兩至各省永折者按糧價加以身行運腳折耗等項每名自三兩數錢至四兩數錢不等悉歸民戶攤徵惟在各大吏善於奉行酌減市價稍寬期限蓋漕既改折地方糧石充裕勢難刻期出糶易銀也 上下其疏於有漕各督撫漕臣魏元煜主盤壩且言江浙額漕殷繁折色民必觀望請仍循舊章江蘇巡撫陶澍疏略曰折漕一事向值歉歲偶一行之或山區米少離水次太遠之地意在便民爲 朝廷破格之恩今若徧行各屬格礙甚多所難者尤在銀無所出益米

爲民間所自有銀則有待於羅售江蘇一省額漕幾及二百萬倘以百萬折色應銀二三百萬平時一百數十萬之地丁分爲上忙下忙官有惰徵之處分民有抗糧之責罰猶且催徵不前積爲民欠矧於數月之內頓加逾倍之正銀勢必穀賤傷農有糶無售比戶需銀而銀不可得閭閻之氣驟矣疏入 上諭江省額漕折銀爲數甚鉅必致穀賤傷農此事竟無庸議兩江總督琦善同時疏至與撫臣議合且言恐官吏增價病民甚至將完作欠均不可不慮惟來年重運斷不可不行酌分海運之外餘漕無從飛輓當此工作孔殷似不妨略爲變通將未能起運米石設法

石渠餘紀卷四

七

變價解工似流弊稍輕而工需得濟又言浙江本近海口安徽江廣均無海道可通或量收折色或變價歸工或設法存貯待至下年搭運請 敕諸臣籌計 上以浙江撫臣程含章前奏折漕窒礙難行已降旨令毋庸議乃 敕安徽等省安商辦理 廷寄撫臣陶澍曰明歲海運餘漕應及早籌蓄清水仍由河運琦善所議變價存貯亦非萬全之策著從長定議 臣愚以爲既收本色矣又曰變價若變價於入倉之先則價重而病民若變價於入倉之後則官賄而病帑不至於仍行折徵不止至存貯搭運海運餘漕計不下百十萬非漕尾可比瀟帶積壓百弊叢生惟

聖明洞燭幾先堅持成筭蓋已灼然於流弊之所必至矣及安徽等省先後奏到或請變價解工或議本折半 宸斷先定皆不之許猶恐各省吏民之未諭也五年八月諭曰折色一節據程含章奏窒礙難行請仍收本色琦善李鴻賓陶澍楊懋恬嵩孚等均以為弊竇叢生請收本色由州縣變價解工惟成格張師誠因全收折色不便於民請以本折各半徵收朕以漕糧為天庾正供收本色由來已久改折色易滋弊端所有折漕一節已降旨毋庸議並將變價歸工及本折兼收之議槩行駁斥見在秋穫登場各省將次徵收恐有不肖官吏藉端射影舞弊病民所關

石渠餘紀卷四

三

甚鉅著通諭有漕各省所有應徵漕糧仍照向例徵收本色毋得藉口折漕致滋擾累 案漕糧折徵 本朝嘗屢行之況是時漕滯而工急挹注亦良便矣幸 聖明在上排羣議守常經遂使吏民無折變之累而河漕復轉運之規是烏可以無紀

臣謹案賦稅折銀昔有宋光宗之折捐元憲宗之包銀皆偶一行之未以為常課也明洪武九年令民以銀鈔錢絹代輸稅糧此稅糧折銀之始英宗正統以後諸臣請於南京浙江江西湖北湖南不通舟楫之地折收布絹白金解京充俸此漕糧折銀之始然諸色並准抵折

銀其一耳及嘉靖中行綱銀之法後並額辦派辦諸目為一條是為計畝徵銀一條於是折色皆以銀而無他物考故明折徵之數洪武初令民銀一兩錢一貫皆折輸米一石三十年戶部定天下通租銀一兩折米二石太祖曰折收通糧欲蘇民困也若此將愈困民命加倍折米四石正統時猶仍其舊米麥一石折銀二錢五分嘗以南京等八省米麥四百萬石折銀萬餘兩輸內承運庫謂之金花銀後槩行於天下以為永例自行綱銀一串鈴之法漸增其直穆宗隆慶間應天撫臣林潤請南京官吏月糧及京備積欠盡行折銀每石七錢在北

石渠餘紀卷四

古

者量折十分之二每石一兩此明賦稅折銀之大略也 國朝功令漕糧例不改折閒有被災地方准暫時折解其行月耗贈一例折徵禁藉兌漕為名濫行科索其折徵之法有永折者每石連耗折五錢至八錢有灰石改折者每石一兩六錢八分江浙二省共有民折官辦者各州縣見前三者皆有定例若臨時折徵有以受災者琦善疏內 順治八年江浙災六分以下本六折分數酌定本折者 順治九年旱江浙各半每石一兩四錢有隨地定價者 順治九年旱江浙各半每石一兩二錢米定價者 乾隆二十年江蘇災一兩折麥者 康熙十年八錢乾隆有以節省折徵者 康熙以後屢以河南米賤二年九錢有以節省折徵者於折徵八錢中以六錢五

分買運節 有以緩漕折徵者乾隆二十三年豫省二十  
省解部 折其價輕自八錢康熙八年河南照賦役全書折十重  
至二兩而止乾隆五十七年海州等七州縣而每石折  
徵一兩者特多康熙九年嘉湖災十一年蘇松常水雍  
淮陽開濟運河山陽七州縣不通又按民折官辦例不  
過二兩而輔臣疏則謂連耗折至三四兩有餘矣且今  
昔銀價不同以石米千錢計之昔可售銀一兩今不及  
五錢粒米狼戾之歲易錢尙不可得況於銀乎謹陳大  
概司漕事者可以考而鏡矣

附記

石渠餘紀卷四

五

順治八年江浙水災給事中姚文然因災請折漕米疏  
言直隸河南今歲豐熟麥禾價賤是東南苦於無米而  
西北不患無糧又言數年來漕政積壞兌米水次將銀  
折米留米於南挾銀而北名曰折乾 皇上親政除乾  
折之弊顆粒登舟今歲抵通可多米百十萬讀此知漕  
折必近京豐稔而後可行而 開國之時明之稅政猶  
未盡革如此案 國初折漕加耗槩從寬免是以次年  
二月戶部題准遇災改折止折正米原無並折耗潤之  
例自應免徵文然又請除折漕濶冒四弊略言既折正  
米又折耗米此謂重折之弊既徵本色復徵折色此謂

重徵之弊暗開文書嚴比正耗全完然後張挂榜文折  
銀彙解此後先挪移之弊折數本多詭言折少徵米肥  
私此多寡朦潤之弊案是時米貴銀賤故官胥利於少  
折若遇糧賤銀貴之時彼又將反其道而用之矣順治  
初江  
浙米石二  
兩以外  
任源祥食貨策云順治中賦役全書準一條鞭正折與  
漕糧相配頃年或漕白改折順治十八年江西米石四  
錢而折漕一兩二錢三不完一康熙三年江南米石五  
錢而白糧石折二兩四不完一改折所以便民此豈輕  
重之本義乎

石渠餘紀卷四

六

紀採辦  
我 朝無均輸和買之政凡宮府所需一出時價採辦而  
不以累民又時罷不急之物三織造物料匠食及各省歲  
解布絹麻苧皆定價報銷順治四年總督佟養甲言雷廉  
二郡珠池皆在洪濤巨浸中蜩戶入海採珠每果鯨鱷之  
腹乃 詔撤所差官時以江蘇機織短薄以售奸巧禁之  
罷陝西直隸皮張直隸狐皮定山西潞綢物價九年議將  
各省應交顏料藥材折銀起解次年以民間辦解物料解  
戶賠累難堪定爲官收官解康熙初定楚蜀三江採辦枓  
木閩廣採辦香料藉端累民河南折解布花亦減照時價

十四年詔買運物料禁州縣里攤如小民願抵正賦給與印票從御史郝浴請也二十五年停四川楠木 諭以蜀中屢遭兵燹豈宜重困今塞外松木材大可用者多取充殿材可支數百年何必楠木二十六年令估計採買物料皆依時價雍正二年令旋准巡撫宋犖請江西竹木發帑採買禁科派累民時庫貯物料有餘者開令折色解部用完時或再令解送或由京購買次年以四川白蠟道遠運難令折色撥充兵餉三十二年令各省解送物料停不急之用及腳價北京較貴者四十項時共解送五十九項九十九項定河工採買短價多收雍正六年大軍進藏岳鍾琪奏參金

石渠餘紀卷四

七

縣刻扣軍需價直 諭以承辦軍需刻扣累民者嗣後一經題參先動軍需委賢員傳集百姓補給該員枷號勒追十三年 諭地方官進獻方物既以將其誠意則當厚其價直俾官兵歡欣從事方為事君盡禮之實心向聞有發價減少者以致民間視為畏途如榆次不敢種瓜肅甯畏植好桃傳為話柄近聞福建採買甘果短價累民則與君臣聯接之本懷大相違背或交屬員代辦令暗中賄補是乃假公濟私之巧術似此食用微物朕發價市買何所不得豈肯絲豪累及地方善將貢物之數再減一半倘仍蹈舊轍必將各員貢獻之例全行停止乾隆三年令懷來縣

採辦焚帛長柴按數報銷時東豫二省採買黑豆禁短價又以甯夏被災採買糧草令增價五年工部請改正各省開報物料 諭曰百貨價直原屬隨時增減各省不同一省郡縣亦不畫一今預定數目永遠一例則價賤之年必有餘貨以充官吏之私囊弊在浸漁錢糧為害尚小若價貴之年採買不敷勢必科派閭閻弊在苦累百姓為害更大惟在各督撫訪查綜覈既不使浮冒國帑又不至貽累官民庶為公平之道先是雍正八年因題銷未有成規止憑項案銷算吏胥高下其手乃 令督撫將市價題明廷議嗣後時價偶有低昂必應增減者據實聲明部臣確

石渠餘紀卷四

六

訪時價酌中辦理至是復申其令其採辦銅鉛硝磺別為篇

紀屯田

前明衛所之設以屯養軍以軍隸衛唐府兵遺法也自軍政廢弛始募民為兵於是屯軍專職漕運無漕之軍受役不得休息屯戶始大困矣 國初因民之舊衛所屯田給軍分佃罷其雜徭尋裁指揮設守備改衛軍為屯丁令無運屯田同民田一體起科順治十三年令浙江各衛有屯無運與無屯有運者均徵撥帖而屯困稍蘇雍正二年從廷臣請以內地屯衛悉歸并州縣管轄裁都司以下官

惟帶運之屯與邊衛無州縣可歸者仍舊初屯丁賣產有司利其稅入給契令得賣買既而禁之屯丁貧不能贖民間執業已久於是有所加津帖運之令自國初以來屢減免各省重額屯糧與其耗羨而屯田之利病實與漕運相終始云若夫墾荒與屯之令定於世祖入關之始康熙五年御史肅震疏請黔蜀屯田略曰國用不敷之故由於養兵以歲費言之兵餉居其八以兵餉言之綠旗又居其八今黔蜀地多人少誠行屯田之制駐一郡之兵即耕其郡之地駐一縣之兵即耕其縣之地養兵之費既省荒田亦可漸闢下部議行雍正初令安西兵丁試行屯墾後又

石渠餘紀卷四

九

招民於淵泉縣之柳溝玉門縣之赤金等處承種屯田又設甘肅柳林湖屯田屬涼州鎮番縣乾隆初黔苗底定以絕產給兵屯糧種又於直隸口外八溝塔子溝及甘肅瓜州等處興屯今案乾隆三十一年各省屯田三十九萬餘頃屯賦銀七十八萬五千兩屯糧九百萬七千石有奇  
新疆屯田自準夷回部悉隸版圖邊防與屯政相為表裏東自巴里坤西至伊犁北自科布多南至哈喇沙爾天仙左右水土沃饒前後墾闢十數萬畝邊民永無餓饑之勞其各城回民納糧以帕特瑪每一帕特瑪合納官石五石三斗普爾錢以騰格每五十普爾為一騰格里及於戎索而

計冊待夫重譯尤古所未聞暨金川既平留兵屯戍饋拉美諾之降番亦給地俾安耕鑿焉

增記井田

雍正二年以新城固安官地三百四十一頃制為井田令無業旗民往耕自十六歲以上六十歲以下各授田百畝外八分為私田中百畝為公田造廬舍給口糧牛種農具咸備又設管理勸教以董之而願往者卒少五年議將欠糧及犯法官兵發往井田効力則視為徒作之地操耒耜者皆非安分食力之人乾隆元年遂改屯田為屯莊乾隆會典井田每戶原給田百二十五畝以十二畝五分為公田十二畝五分為室廬場

石渠餘紀卷四

三

國以百畝為私田

均祭田學田

順治九年 賜衍聖公祭田二千一百五十頃林地十八頃廟宅基地三頃各有奇又 賜四氏學田五十頃復聖宗聖亞聖及先賢仲氏後裔皆 賜祭田墓田廟宅康熙二十四年給 先聖周公祭田五十頃廣孔林十一頃有奇先後除其租賦凡學田州縣徵其租以待學校之用初天下學田三千八百餘頃至乾隆十八年增至一萬一千五百餘頃

紀勸墾

順治六年令州縣以勸墾多寡為優劣道府以督催勤惰為殿最嚴限年之令於是報墾者漸多又慮官吏有捏報攤派之弊康熙四年停限年之令七年御史徐旭林上墾荒三弊言皆切中然限年卒不可行十年令士民墾地二十頃試其文藝通者以縣丞用百頃以知縣用又展升科之年以勸之雍正間勸農之 詔屢下各邊外皆以次招墾乾隆初編纂授時通考五年有零星地土永免升科之諭初猶限以畝數至十一年以廣東高雷廉等府所墾荒地本非沃壤十八年以瓊州海外瘠區三十一年以滇省山頭地角尚有曠土皆聽民耕種不限畝數概免升科

石渠餘紀卷四

三

不特無催科之擾而並免查勘之煩地有遺利人有餘力於戲可不思誰之賜歟

紀蘆課 通考入征權應改附田賦○瀕江新漲之洲田所完之課為蘆課定例五年履丈然惟丈其新漲新墾者其不漲不墾者不丈 國初專員後歸地方官管理

國初平江南太常典簿王文首言請立蘆政以充 國用斤之久之乃定蘆課五年丈量例時坍沒賠累隱佔飛灑頗難釐剔臺臣何可化王曰高屢條上利弊乃專差司員主之康熙十年改歸地方官徵解時解交監督今則併入地丁奏銷 乾隆二十年江西巡撫胡寶泉奏蘆洲撥補略曰乾隆十三年部定坍洲報官立案遇有漲淤按先後撥補餘乃召墾升

科唯有課無課洲各不同凡洲地先見水影次沙灘次泥灘次草塌草坦漸至成洲納課為時甚久工本亦多非水影沙灘本無課而冒稱洲田者可比經部定新漲地畝先儘有課坍戶補足再撥補無課之坍以示均平案田畝之訟唯洲田為最紛往往洲已復沉而訟尚未結黠民預爭水影為張本親民之官所宜早釐冊籍詳察地形若貿然履勘徒以車馬僕從煩民則訟端益滋多矣

增丈量

田地有欺隱而後有丈量而丈量實不足以察欺隱徒滋擾焉順治十一年定丈量規制頒部弓廣一步縱二

石渠餘紀卷四

三

百四十步為畝方廣十五步 縱十六步 地籍不清者丈之荒熟相雜者丈之十五年定田畝與萬歷賦役全書同者免丈行之數年未有成效後改為令民自首乾隆十五年申弓尺盈縮之禁時各省之弓自三尺二寸至七尺五寸其畝自二百六十弓至六百九十弓不等部議以經年久遠驟難更張令報部存案而已

紀常平倉額

國初常平貯穀未有定額第令州縣以自理贖緩積穀入倉鼓勵富民捐穀者康熙初定地方官勸捐常平議敘例而免不力者處分恐其畏罪科派也二十九年山東有秋

令畝捐三合得二十五萬以備荒二十一年又次年令直隸所收捐米大縣存五千石中小縣以千石遞減尋令倍貯於是一縣多者至萬石四十二年陝西稔令糧一斗者捐三合又動正項十萬採買四萬建倉州縣所貯以三千石至千石爲差四十三年令奉天穀多州縣改徵折色交穀少州縣買貯始頒各省州縣貯穀之數山東山西二萬石至萬二千石江西大縣萬二千石江蘇四川率不過五六千石而福建捐穀二十七萬常平五十六萬臺灣捐穀及常平八十餘萬石爲最多乃令酌留三年兵需餘變價充餉先後令江浙開例捐監定額貯倉銀一兩收米一石六十年以各省積貯雖報

石渠餘紀卷四

三

稱數千百萬州縣侵蝕存倉無幾令平糶北五省常平直隸一百六十萬山東四百七十餘萬河南百三十餘萬山西四十餘萬並陝西散賑而北方積貯頗虛及雍正三年以南方潮溼米易霉爛乃改爲貯穀之制一米改換二穀以倉儲多寡爲易穀歲限時安徽但貯稻穀閩浙米少毋庸改易江西四川湖廣皆不過數萬至十萬惟雲南五十萬限四年貴州四十萬限三年定嗣後各省除兵米外餘悉改徵稻穀並行其法於山西河南自定易穀之制又嚴那移侵蝕處分而福建江西湖廣直隸虧空一案迭出四年直隸總督李紱請藉糶各屬倉上察其欺遣翰林

御史各官往監糶比至散給已停乃悉將散給各官解任勒催是年福建小不登運江西米十萬浙江穀二十萬往濟猶不足上聞其額貯雖一百七八十萬實貯者十無三四次年遣官清查又以湖廣常平止五十餘萬令照江西捐納貢監例收捐本色貯倉又增浙江常平捐穀之額爲一百四十萬時申嚴山東州縣貯穀令如舊額而增定各衛所倉額穀九年令江蘇州縣貯米自一萬五千石至八千石並建江蘇常鎮四府府倉又增四川四十萬爲百萬石添貯江蘇六十餘萬石自是以後各省奏請籌備買補者相繼乾隆九年陝西報西安所屬積穀至二百七十

石渠餘紀卷四

三

餘萬分撥各屬以爲額貯十一年令臺灣別貯四萬十三年論曰常平積貯以備不虞故准臣工奏請以捐監穀石增入常平而眾論頗以採買過多有妨民食今直省積穀應悉準康熙雍正間舊額其加貯者以次出糶或撥補鄰省至原額而止令各省奏報廷臣集議尋議上常平倉穀康熙間冊檔不全難以稽考應請照雍正年間舊額內惟雲南不近水次陝甘兼備軍務向無定額請以現額爲準雲南七十萬西安二百七十萬甘肅三百二十萬各有奇又福建環山帶海商販不通廣東嶺海交錯產穀無幾貴州不通舟楫積貯均宜充裕即以現額爲定福建二百五



十餘萬石廣東二百九十餘萬石貴州五十萬石其餘照雍正間舊額直隸二百一十萬奉天百二十萬山東二百九十萬山西百三十萬河南二百三十萬江蘇百五十萬安徽百八十萬江西百三十萬浙江二百八十萬湖北五十萬湖南七十萬四川百萬廣西百二十萬各有奇通計十九省貯穀三千三百七十餘萬石較現額應減貯一千四百餘萬石現額四千八百餘萬其間有轉運難出產少地方緊要並彼此可以協濟者均應加貯餘騰糶價解司此乾隆十三年各省常平定額也是年戶部奏常平倉穀之外別有貯穀如河南河漕穀倉七萬江甯省倉二萬福建臺灣倉

石渠餘紀卷四

五

三十萬浙江永濟倉八萬玉環同知倉六萬廣東糧運通判倉九萬江南崇明倉二萬皆不在常平額內令照舊存貯事例自是以後湖北採買加貯四十萬石為鄰省協撥之用十八年甘肅收捐監糧七十萬石設立府倉又添建鄉倉分貯山西亦增貯至一百八十萬石並二十年盛京加貯二十萬石二十年然自十三年以後各省變通撥貨定額不無減少至三十一年各省奏銷報實存穀數惟江西河南廣東與十三年定額相同其視舊額增多者湖南一百四十三萬山西二百三十萬四川一百八十五萬廣西一百三十八萬雲南貴州皆八十餘萬而浙江視舊額減少二百二十萬

奉天本百二十四萬而減百萬甘肅並府倉減少一百四十萬其直隸江蘇安徽福建湖北山東陝西或減二十萬或減五六十萬蓋聚之難而耗之易如此嘉慶四年以各省常平或僅存穀價緩急不足恃且有日久那移並穀價亦屬虛懸者飭各督撫稽查又屢下賞補之令嘉慶十七年戶部浙江司穀數三千三百五十八萬八千五百七十五石有奇今案嘉慶戊寅會典常平額貯以穀計者直隸二百十萬山東二百九十萬山西二百二十萬江蘇一百五十萬江西一百三十萬福建浙江皆二百九十萬湖南一百四十萬陝西三百萬甘肅六十萬四川廣東皆二百八十萬廣西一百一十萬貴州

石渠餘紀卷四

五

二百萬以米計者奉天五十萬安徽九十萬雲南八十八萬各有奇其裕備倉河南百萬安徽二十萬四川及西藏八十餘萬貴州一萬蓋又在常平之外者

紀官倉以不盡繫常平謂之官倉以別於義社

康熙六七年始令陝甘兩省出陳易新後議定江南倉貯存七糶三舊穀輪年出易自是各省出易皆有定額三十年以江甯谷口杭州荊州大兵駐防各截漕十萬石存倉以備用四十一年奏河北五省及江北旱時尙未成災特詔各督撫稽查倉儲先時預備四十九年以陝甘貯米已久變糶三為糶半五十二年江西年穀順成巡撫佟國

勸請開倉發糶下部議駁五十六年以京倉陳積甚多年  
久徒致泡爛以四百三十餘萬陳米格外賞官兵雍正三  
年山西稔學政劉于義請豫籌積貯於太平潞大四府買  
穀建倉以備州縣需用按例小歉平糶中歉出借大歉賑  
濟又發陝甘帑十三萬買貯各府倉於是府倉之設四  
年定州縣倉廩不修以致米石霉爛者照侵蝕科斷遇赦  
不宥時以閩粵邊地宜加貯廷議閩省於臺灣歲運平糶  
穀五萬石之外加運十萬貯邊海諸倉遇臺灣豐年酌量  
加運粵省勻撥穀多州縣糶價於穀少州縣買貯又以粵  
西糶三之價採買運交七年總督李衛請將浙江捐納補

石渠餘紀卷四

三

漕米四十四萬買穀八十八萬按州縣大小水陸衝僻分  
貯十年大學士鄂爾泰奏甘涼肅三府軍需緊要將捐納  
改收本色又定外省捐納者不得買本地之穀十一年直  
隸買補穀二百餘萬酌大中小治勻貯動項添倉時貴州  
古州都江新開撥粵西穀五萬分貯十三年以奉天錦縣  
甯遠沿海可以接濟鄰省分貯米十萬餘各貯四五萬以  
爲定額乾隆元年議定常平存糶因時制宜湖南地分燥  
溼列爲糶三糶半糶七三等四川邊土雜糧難以久貯者  
廣東沿海旱溼者皆糶半餘仍糶三又分安徽各屬糶半  
糶三之例三年變通買補之例若秋成穀價仍昂則就鄰

近價平之處於春月買補或次年麥稔則買麥出糶易穀  
還倉或竟俟次歲秋成惟穀少之處不便虛懸速赴鄰省  
採買原價不敷於通省糶價及公項撥補五年朱定元奏  
山東動過倉穀百餘萬急須買補今年雖號豐收穀價未  
平惟黃黑二豆價較上年減半豆性堅實耐久漕糧尙許  
改徵若豆穀分買補貯還倉不惟食儲易實帑項節省而  
穀價亦不至昂於災後民食甚爲有益其出借之穀並准  
民間以豆還倉俟來年平價糶豆易穀公私並利從之六  
年 諭倉儲穀石有司往往慮及霉變以多積爲憂飭部  
議定有地本潮溼而積穀又多者督撫查照倉廩新舊年

石渠餘紀卷四

夫

分遠近照京倉氣頭廩底數目估成酌糶二十三年禁倉  
穀捏欠作還二十七年甘肅連年有秋添建鄉倉並前干  
有餘所以收捐監糧分貯其地土堡高厚益藏易謹二十  
八年戶部奏籌補京倉積貯言乾隆十八年至二十七年  
統計截漕五百四十餘萬平糶四十餘萬煮賑尙不在此  
數請令江浙四省捐監皆收本色遇有截漕卽於次年補  
運京倉事方議行安徽巡撫託庸倡議先碾常平一百六  
十餘萬分附漕艘運京再積捐穀以補常平 諭曰朕念  
切民依偶值偏災截漕動以億萬計年來太倉之粟可支  
二三年此亦足矣計臣鯁鯁較量朕皆不以爲然內府外

府均為一體歲支之做豈缺於供若以補漕而議捐穀又以捐穀而先運常平不獨輸輓徒勞且他省聞風踵事地方因緣壟斷米價踊騰閭閻滋累更何待言揆之經常不易之道惟於民食留其有餘國用自無不足今承平日久戶口增而產米祇有此數民間或資接濟亦不過隨時補偏救弊無他一勞永逸之策也至執三十年制國用之說譬之封建井田豈可復議於今日哉於是並罷前議煌煌聖訓誠藏富於民之要道也又凡各倉出貸種食多所蠲除三十八年免直隸七十五州縣節年災藉倉糧二十餘萬石四十九年 諭本年運通漕糧二百四十三萬又

石渠餘紀卷四

堯

北倉截留三十二萬較上年收多二十二萬即存北倉為直省買補倉糧之用蓋是時漕運之數亦未嘗不足云

嘉慶初定州縣以藉糶為名掩飾虧空照侵那錢糧題參

紀社倉義倉

民閒立義社各倉下以勸閭里之任郵上以佐 國家之儲備法至善也然必有忠信樂善之良民方可以在任社倉之出入必有清廉愛民之良吏方可以在任社倉之稽查誠有如 憲廟諭旨所云者案康熙十八年 詔鄉村立社倉市鎮立義倉皆留本村鎮備賑免其協濟外郡四十二

年 詔直隸立社倉上歲加謹收貯中歲糶借易新下歲量口發賑五十四年令輸粟社倉分別免役六十年左都御史朱軾奉差山西請立社倉 諭之曰李光地任巡撫時試行數年並無成效民有怨言張伯行亦行於永平朕留心採訪社倉董率之人並非官吏無權無役借出之米遣何人催納社倉始於朱子此法僅可行於小邑鄉村若奏為定例屬官吏施行於民無益然猶令鼓勵試行雍正二年詳定社倉事例先是 上以常平遇災動撥詳報需時古人云救荒莫便於近民而近民莫便於社倉令疆臣勸諭設立並 諭以勸捐須俟年豐輸將宜隨民力利息

石渠餘紀卷四

三

從輕取償從緩遇歉收即展至豐歲完納一切條約有司無預至積穀漸多亦祇可具摺奏聞不造冊題報使社倉頓成官倉貽後日官民之累時湖廣大吏令民應輸正賦一兩加納社穀一石且以貯穀之多寡定州縣之殿最而湖廣穀石四五錢 諭以何異於正賦之外加收四五錢火耗邪至是部議輸納社倉地方官開試勸諭不得科派米石暫於公所收存俟息多建廩收貯捐數入冊不拘升斗多者分別給以花紅匾額至三四百石給八品頂戴每社立正副長擇端方殷實者為之出納有法按年給獎十年給以八品頂戴徇私侵蝕者懲治又議斗斛照部頒每

石收息二斗小款半息大款免息十年後息倍於本祇以  
加一行息乾隆三年議息穀以七分歸倉三分給社長作修倉折耗給貸受納社長先  
期申報臨時願借者先報社長計口給發受納時社長示  
期依限完納設用印官簿二本一社長收執一繳州縣存  
查每次事畢州縣社長報上司州縣挪借許社長首告  
蓋雖州縣不許干預出納而稽查之法亦甚密矣三年又  
以各省豐稔令舉社倉江蘇亦請預造排門細冊凡游手  
不許借給四年准商公捐銀三十萬買穀建倉賜名鹽義  
仍交商人經理浙江亦輸銀買貯照兩淮鹽義例隨時平  
糶先是總督楊宗仁奏報捐輸社穀最多五年福敏奏參

石渠餘紀卷四

三

湖廣社倉虧空諭以湖廣社倉見貯無幾想州縣侵蝕挪  
移或迎合虛報亦未可定總之舉行社倉實有甚難者  
聖祖深知其難是以李光地奏請而未允張伯行暫行而  
即罷以民間積貯言之富饒之家無藉倉穀則輸納往往  
退縮不前貧乏仰給社倉又無餘粟可納此責諸民之難  
也至州縣之視百姓為一體者豈可多得常平關繫考成  
尙侵挪虧空況民間社倉安望盡心經理乎乃交福敏清  
查並諭之曰倘穀已如數交倉而州縣侵挪即嚴追賠  
補或民間交倉之數與原報不符若令照數完納小民未  
免竭蹶蓋憲廟綜覈為治終不以惠民之政轉而厲民

如此初陝西總督岳鍾琪撥耗買穀十四萬分貯各社每  
千石以資借放七年奏言陝西大僚皆不知臣奉諭之由  
每州縣請領穀價過於慎重州縣亦恐賠累不肯交與倉  
長仍勒令里甲押運胥役家人收放始而勒買繼而勒借  
百姓竟呼此項為皇糧請頒諭銷石並刊鍾琪條約十  
六事發挂各倉於是特頒諭旨有曰從前岳鍾琪請於  
通省加二火耗內應裁每兩五分之數暫行徵收發民買  
穀分貯社倉俟數足即行裁減是以暫收火耗之中隱寓  
勸輸之法實則應行酌減之耗羨即小民切已貲財而代  
民買貯之倉糧即小民自捐之積貯此藏富於民之法最

石渠餘紀卷四

三

為切實易行又諭以地方官或指稱公項預為侵挪之  
地者以擾撓國政貽誤民生治罪十一年以借領社穀咨  
部往返著報部存案十三年以雲南所捐社穀僅七萬撥  
常平官莊等穀每社五百石或八百石以充社本社長一  
併經管出借初四川以常平餘銀買社穀為民倡乾隆三  
年民間捐至四萬餘石令四百石建倉一開工料於公項  
支四年西安巡撫張楷條奏一社長三年更換以杜欺  
弊一春借酌留一半以防秋歉一還穀兼收麥石一曉示  
借數以除捏冒時甘肅社倉有二一為百姓公捐自立正  
副經理報官存案不入官之交代一為加二耗糧內留五

分爲社糧責成地方官經理蓋卽鍾琪所奏請設立者是年定息穀視收成之豐歉八分以上石加息一斗七分以下免息五六分緩至次年還倉七年山東商人請按票輸穀一以二斗一五斗五升一斗爲三等○按此處計十三萬七千餘票通輸穀二十萬照社倉辦理十一年定山西義倉照社倉例所收雜糧依穀折價獎賞州縣倡捐分別記功議敘義穀分鄉收貯春借秋還加息一斗倉費於息動支士民捐資建倉地基木料亦准折算獎賞惟游惰禁其濫借十八年直隸義倉告成總督方觀承以各村莊里數繪圖呈上二十四年巡撫劉藻以雲南社穀過多不能

石渠餘紀卷四

重

盡行出借不免折耗或無藉勒借拖欠社長賠補傾家查滇省社倉已行三十餘載子母相生數逾十倍請比照常平七分爲率其足額者按年斂散永不收息祇收耗穀三升餘俟額足一體免息收耗二十五年總督李侍堯言粵東社穀乾隆二年奏請停息每石收耗穀三升遇歉免交但未分別收成分數借戶藉口歉薄槩無耗穀社長出入虧折鋪墊冊報倉廩黏補經費無資請仍加息一斗收成不及七分者免息蓋免息固惠民之舉而爲積貯計久長亦不可不防其消耗至三十一年各省義社之額見於通考者別爲表以附常平之後厥後有可考者安徽四十萬

山西本穀四十一萬息穀三十二萬皆見歷年奏牘詳見一百六十二 詔息穀至十萬以上其餘俟價昂出糶爲地方農田水利之需嘉慶初以社倉經官經理大半挪移令仍聽本地富戶自行辦理申舉報社長之令於是義倉亦一律歸民定直隸七分以下免息五分以下緩至次年秋後還倉借雜糧者按價易穀又定湖北江西不收息餘則收息一斗款年免收

紀平糶互見各篇

平糶之類有三有歉收之後發糶以濟民食者有青黃不接減糶以平市價者有穀難久貯出糶以易新者三者之

石渠餘紀卷四

西

外又有 巡幸所至特舉平糶者凡平價與易新之糶祇用本地之穀此類不具載 若歉歲發糶則有散賑而兼平糶者有本地倉儲不足佐以採買者有撥運鄰疆倉貯及徵借漕糧平糶者互見鄰報 大抵災輕祇發近倉歉甚兼行數法蓋小歉事時有開倉出糶不過多設廠禁囤積有司之力所能及惟歉甚之年往往發 德音下 明詔使封疆大吏不分軫域轉有餘以贍不足時遣官監視之謹案國初平糶始順治四年行於江西時儲積未充所糶三千石而止康熙三十三年密雲順義饑乃每月發糶千石令戶部官監視又以近畿州縣水發倉貯十萬三分賑濟

七分平糶並截雷東漕以備用初高粱斗三百錢至是減  
三之二三十四年 盛京旱支海運米萬石賑餓平糶之  
數亦如之又於霸州文安香河寶坻各平糶萬石於是屢  
截漕糧於江南等省平糶而四十七年江南米貴截江廣  
漕四十萬五十二年遣左都御史趙申喬發廣西常平三  
十萬平糶大臣監糶始此雍正四年江南水動漕糧十餘  
萬平糶又於產米地方採買再照河工議叙貢監例改納  
本色以備平糶七年運浙江永濟鹽義倉穀於淮北山東  
平糶從李衛請也九年令直隸州縣倉穀多者糶三畝七  
少者糶五畝五更少者於鄰邑撥糶乾隆元年發山西社

石渠餘紀卷四

三

穀二十餘萬出借並減糶二年撥兩淮鹽義倉五十餘萬  
平糶初每升七文又加息改爲每升五文時錢價昂貴每  
石糶銀六錢亦以准商請將來買補短絀仍願公捐故糶  
價大減六年令浙江運米四路平糶以就民便運費許於  
公項開銷尋令各省遇歉歲毋拘糶三成例至五十年湖  
北江南並旱截江西漕十萬於淮南平糶又碾四川穀三  
十萬以待楚販總督特成額奏湖北米石有湖南接濟已  
督催川南米船東下以濟江浙得 旨嘉獎益大歉之歲  
往往數法兼行如此又按雍正十三年內閣學士方苞條  
陳平糶三事一每遇穀價昂貴州縣酌定官價一面開糶

一面具詳俾窮民速沾實惠一南省卑溼若限以糶三恐  
積至數年必有數百萬霉變之穀有司懼罪往往以既壞  
之穀抑派富民請飭各督撫察驗穀色因地分年酌定存  
糶分數其河北五省遇歉亦不拘三七之例一倉穀存倉  
有鼠耗盤糧有折減移動有腳價糶糶守倉有工食春糶  
之價即稍盈餘亦僅足充諸費上司但查倉數不虧即不  
得借端要挾倘逢秋糶果有贏餘則別貯以備散賑此則  
爲常平平糶言之至平糶分別三等見於乾隆三年兩江  
總督那蘇圖一疏略曰平糶原有三項情事既異則辦理  
宜分如歛收之後城鄉均無益藏應於城鄉入方多設廠

石渠餘紀卷四

三

所令村莊居民各赴附近糶買價直大加酌減兼不拘糶  
三之數如年穀原屬豐稔鄉間頗有蓋藏惟城市居民當  
青黃不接時市價昂貴必藉平糶應止於城廂及大鎮集  
處酌量設廠其糶價止須比市價酌減一二分蓋此非歉  
歲缺米可比買補之時免至徒耗公項至於循例易新則  
聽州縣自行酌糶或稍爲減價又曰平糶之時令貧民各  
齋門牌驗糶自無捏買之弊每戶以二斗爲率則囤積亦  
難或未糶而缺米已糶而無價即嚴行追究案平糶之法  
此疏蓋略盡之其糶有宜多減者有不宜多減者乾隆三  
年兩廣總督鄂彌達言平糶之價不宜頓減若官價與市

價懸殊市僧雖有積以待價豈能抑價以就官小民皆仰官穀倉儲有限其勢易罄商販轉得居奇於其後若舖戶見官穀所減有限亦必可低其價以冀流通請照市價止減十分之一以次遞減價平而止蓋亦慎重倉儲之意至七年申明平糶之令 諭曰百姓買官米與糶市米難易判然又銀色高低戩頭輕重道里有遠近之各殊守候有久蹙之莫定平時且然況年荒米少之日若官價較市價略為減少所差幾何嗣後務將必須減價若干方於百姓有益之處奏聞請旨時又有荒歉之歲不得照例止減一錢之 諭而二十四年甘肅減價半糶出於 特恩粟

石渠餘紀卷四

五

米每石二兩四錢小麥減二錢又二十八年熱河米貴令以一兩五錢平糶時錢貴銀一兩不能易錢四十八年山東穀石至一兩三錢巡撫明興請平糶所減過三錢五十年安徽石至三兩五錢巡撫書麟請減至五錢蓋所減之多少固視災歉之輕重而自臣工言之則恤民之中仍不免有顧惜倉貯之意自 聖天子言之則蠲租賑粟方不惜累百鉅萬以惠養吾民又何斷斷於糶價升斗數錢之間哉

增記旗倉邊倉營倉竈倉

國家常平義社之外又立旗倉以固根本

東三省貯米約皆二十萬

石乾隆二十七年加立邊倉以待委積立營倉以待兵振立竈倉以恤丁戶案康熙二十四年自山海關各口建倉達於黑龍江墨爾根三十六年令榆林沿邊衛堡貯穀雍正三年歸化城土拉庫十一年喜峯口皆設倉貯穀凡此皆邊儲也康熙三十年令江甯京口建倉各設漕十萬貯之四十九年令湖南鎮算積貯以備平糶時改衛 雍正四年立廣東各營倉每一兵貯穀一石春貨秋還免其息又分貯穀萬餘石於外海各營九年立四川潘州等營倉十一年 按有 乾隆初立浙江福建四川各營倉温州 按有 又動支公糧買貯每一兵備穀

石渠餘紀卷四

五

二石而福建海壇金門沿海六營協四川成都駐防亦皆建倉貯穀湖北武昌三營每一兵貯米九斗以待借給先是元年設河標四營倉至五年總督白鍾山又請立河倉為河兵堡夫接濟十一年山東亦立河標營倉凡此皆為兵糧計也其兩淮竈倉六所立於雍正五年旋以山東竈穀歸併州縣倉貯此所開竈倉之大略也嘉慶十年添貯湖南鳳凰 按此下 五廳縣穀四萬石又以土民均出田一萬八千畝歲收租穀畝一石為練勇口糧兵丁鹽菜及各苗寨繳出佔田三萬餘畝逆產五千餘畝歲收租穀二萬二千餘石以給苗兵口糧

紀糶

凡倉穀春夏初糶秋冬糶還此定制也然或糶多而市價貴則病民糶滯而市價賤則病農必相天時隨地利察人情物價轉移而調劑之故糶尚易而糶較難康熙三十一年山西麥收價賤令大臣往糶備貯六十年陝西歉上念陝省富民藏米甚多命左都御史朱軾等齎帑五十萬往糶並勸諭出糶雍正三年江南浙江湖廣大熟令動帑採買價昂即止七年奉天大稔諭有穀之家畱心積貯如穀多價賤即奏聞發價糶買海運至京又以安西河州屯戶小麥青稞粟穀糜子種收豐厚令照時價買貯並禁

石渠餘紀卷四

五

地方官勒糶九年湖南巡撫石國棟奏請州縣平糶買補如穀價賤領價贏餘則儘數買補若買補之價浮於減糶之價亦令報明酌給十三年巡撫史貽直以陝西買補之穀太多而是年豆麥價平請動十萬石之價買備俟明年出借易穀還倉又以直隸年豐麥賤令各屬採買貯倉每年易穀此又變通於穀麥之中期於倉儲有備而已乾隆元年總督查郎柯言甘肅地瘠民貧一切費用皆仰給於所收之糧豐年爭糶而價賤名爲熟荒稍歉則價頓昂請於平慶二府秋收之後按市價採買使民不受熟荒之累時各處採買因緣滋弊乃諭曰平糶原以便民間各省

倉穀出入竟有派累百姓者出糶則派單令納銀領穀買補則派單令納穀領銀納銀重取贏餘納穀大肆抑勒甚至以霉爛爲乾潔小民隱忍賠累有山多田少產穀無多地方官不向他處採買但按田派穀絕不爲民計蓋藏有十餘畝之田亦責其承買者在村郭居民去倉不遠尙可就近轉輸至遠鄉僻壤離城或百七十里之遙亦一概令其領納小民肩挑背負窮日之力始至胥吏又復畱難及平糶之日寫遠鄉村更不得均沾實惠蓋奉行不得其人其弊有所必至三年山東河南麥大熟次年江南四川麥收有餘皆令糶貯又發帑糶古北口雜糧時外口歲稔

石渠餘紀卷四

四

令河南山東上供 陵寢兵糧運江南接濟而於古北口買補至七年又令於古北口廣爲買貯嘉慶五年以鄰封採買恐運費累民令擇舟楫可通之處水路不通則在本地採買謹案我朝有糶賤以惠農無私糶以病民二百餘年籌補倉穀之 詔無歲不下今識大略於此若夫過糶有禁囤積有禁彰於令甲者不入是篇

紀五城米局

八旗米局增

京師五城平糶始康熙間或發京倉或運通倉間動內府莊穀自萬石至三萬石設廠平糶雍正四年七年皆動至五萬石內城添廠以便民並添五城通州廠各一又以老



米價賤使民所糶特不拘定額乾隆二年增五城爲十廠  
廠二千石尋於四鄉添設八廠以便糶給事中馬宏琦奏  
五城各廠日糶粳米僅一二石而氣頭廠底減色之米糶  
至百餘石此米舂碓折耗價與粳米無異而出糶較多者  
緣粳米向有囤積嚴禁各官規避處分不許多糶小民守  
候終日不得升斗是欲禁囤積而奸民愈得居奇夫平糶  
本爲拯窮莫若使窮民以所糶之餘零星售賣街衢巷陌  
俱食官米之利廷議內外城碓房不下千餘所每日舂碓  
挑賣凡民間離廠稍遠老弱婦女每藉小販到門買食若  
官米不許轉賣則價直更昂請嗣後囤積至四十五石及

石渠餘紀卷四

聖

買作燒鍋之用俱行嚴禁其肩挑背負不過數石者槩免  
查究蓋禁囤戶亦必籌民食並非私鹽四十斤之比也三  
年移城內廠於城外俾城鄉皆就近糶買又折給旗營粳  
米運廠增糶又派員赴邊口採買雜糧運京局糶九年於  
四路同知設四廠並許官兵得早一月借支十三年撥米  
十一萬於京外四鄉平糶十五年副都統朱倫瀚言京通  
倉米乃各省輸將無關於本年本地之豐歉市販因官兵  
俸糧出倉卽賣以致窺伺關米前後低昂其價請將老米  
粳米二色畫一定價廷議官兵俸糧畱食者三四分官局  
收買者二三分餘俱在外流通藉濟民食輦轂之下商民

雲集所出食穀不敷食用每賴雜糧接濟是以年穀順成  
雜糧賤則二色不能獨昂稍歉則雜糧少而二色亦必長  
價億萬之眾欲令遵守定價勢有難行乃寢其議是年  
聖母皇太后六旬萬壽以祝釐臣庶輻輳京師特發京倉  
米二萬平糶先是旗丁餘米必待回至天津售賣十七年  
以糧艘抵通較早一月餘米較多令事畢卽於通州糶買  
自是每年奏聞以爲成例遇京師米價偶昂每發四五萬  
石付左右翼及五城平糶二十三年五城減糶請俟減至  
老米一千二百文粳米一千文粟米八百文與平時價直  
相同卽行停止時錢千文易銀一兩二錢故糶價之平若

石渠餘紀卷四

聖

此二十四年河南運麥來京二十七年令五城各廠兼以  
豆麥平糶至三十五年以京師米貴移各官秋俸於七月  
開支四十年 特賞兵丁閏月甲米皆一時曠典又按八  
旗二十四局及通州左右翼二局設於雍正六年時以兵  
丁領米輒賣以充用致賤糶貴糶乃設立局收買仍以此  
米平糶乾隆元年併爲八局旋仍舊先是雍正十三年併  
通州兩局爲一減本銀爲六千兩九年以每年放通倉俸  
米十九萬所買率十萬石局本不敷致民間收買居奇請  
仍添一局給本各一萬兩先儘局收方准民買官局減糶  
以平市價十五年以米價昂停止收買仍以米局餘存減

糶尋以二十四局責任不專廷議分左右翼辦理不拘旗分十七年以設立八旗米局米價並未能平且有勒買之弊諭行停止通州亦以賞借王大臣一年半俸米此後並無可買一併議停至五十二年副都御史劉權之請復設立終以勢所難行而止

附記

國初設五城飯廠煮賑以冬春廠日用米二石供炊銀一兩米貴則先期或展期就食者多則增廠或如此下按有缺文

紀鄰穀協濟截清撥濟

石渠餘紀卷四

墨

凡一隅偏災撥鄰省倉儲或採鄰封糧穀或截留漕糧以濟之每申嚴官民遏糶囤積之禁大抵輸運以汎舟爲便淮河江海視舟楫所通而因爲挹注國初各省惟湖廣常有餘粟江西次之及四川生聚開闢於是川米貫於東南視楚米尤多今案湖廣之米康熙十八年初運糶於江甯次年運貯杭州備米倉四十六年江蘇旱發帑糶湖廣粟並截江廣漕七十萬平糶五十七年禁湖廣遏糶雍正八年准淮商運湖廣米三十萬售於沿途十一年定浙江每歲秋收後往湖廣採買乾隆十六年温台米貴截本省漕百萬江蘇漕三十萬以資賑糶又撥楚米二十萬運浙

後每有撥運浙江之舉蓋湖廣本產米之區又卑溼難久貯而處浙江上游撥運尤易非東南漕糧重而戶口繁者可比四川之米自雍正七年浙江曾赴採買九年本省買貯每石約價三錢十一年飭開米禁先是蜀中碾辦軍需市直稍昂至是豐稔詔弛其禁乾隆十八年撥四川穀十八萬於江南自是亦屢有撥濟鄰省之舉四十三年湖北旱江南亦小歉湖北請留川米不令順流南下四川第請碾動水次倉穀次第入告上以督撫國家大臣不宜意存畛域嚴飭之諭楚省不得禁遏商船聽其自便而以四川所碾二三十萬令運赴江南蓋四川不徒饒米其

石渠餘紀卷四

器

山木又資舟楫故商販易通而下游歲仰焉閩地環海倚山商販不至每有歉收多恃鄰省海運如康熙二十年以閩旱糶浙粵米平糶特寬海禁四十九年漳泉旱令福建遣總兵二人用戰船運江南漕三十萬以賑之五十二年令江浙營船運米二十萬入閩是年廣東饑撥江南捐納米二十萬浙江十萬用各標戰船令總兵穆廷斌吳升運至廣東雍正四年福建饑運江南麥平糶並江浙米二十五萬以備賑按閩海切近温台彼此豐歉常資撥濟又臺灣之米運充內地者豐歲加運無常數其他壤地相接或糧艘經由撥運俄貯閒歲迭見不可勝紀若夫西北之地

如康熙三十一年永平饑發山海關以東各皇莊及諸王屯莊米穀通糶次年陝西米貴令各鄰省多方籌畫運米拯救一由襄陽運至商州一由黃河運至潼關一由湖灘河朔運至渭河一由甘肅運至西安分行賑濟三十六年上征噶爾丹駐趨關外聞山西米貴令扈從站船順流運河朔湖灘米至保德州遣大臣監焉三十七年徵東漕貯直隸沿途被災州縣每處萬石四十四年以河南居數省之中宜積穀以備山陝之需令將全漕易穀四十六萬半貯河南府倉半於近汴近洛處造倉收貯五十九年陝西歉撥河漕十萬貯西安次年仍撥河南湖廣米十萬往

石渠餘紀卷四

聖

貯雍正元年北省二麥歉收遣官於南省採買七年山東水海運奉天粟二十萬至天津由天津運河至德州其東昌以下近水州縣截江廣漕三十萬分貯葢運道以舟楫為便故東南易而西北較難又按乾隆間每巡幸江浙先年輒截南漕以資平糶自十五年至四十六年凡五舉每次率二十萬石而自十八年至二十七年凡截漕五百四十餘萬平糶者四十萬煮賑又不在此數云若夫京倉不足而籌撥濟始見於嘉慶九年以來歲新漕蠲緩至百餘萬石其實在抵通者祇敷至嘉慶十一年三月之用而是年糧到須五六月此數月內俸米甲米必須百餘萬石

方足以供支放本年四川湖南豐稔 敕令酌量採買川米或由湖北軍船灑帶或由漢口換船徑運通州湖南則及糧艘未開均勻搭運並令有漕各省通籌收買酌定數目先行由驛奏聞於是各省採買米九十萬石碾動倉穀米四十萬石輸京師嘉慶十八年畿南河北旱截南漕粳米十萬石散放之又撥奉天官倉二十萬湖南漕糧五萬以備賑卹

紀圈地

順治元年 諭戶部曰我朝定都燕京期於久遠凡近京各州縣無主荒田爾部清釐分給東來諸王勳臣兵丁人

石渠餘紀卷四

吳

等益非利其土地以無處安置故不得已而取之可令滿漢分居各理疆界以杜爭端於是巡按御史柳寅東條上滿漢分居五便二年令民地為旗人指圈者速以他處補給美惡務令均平十年停止圈撥然旗下退出荒地與遊牧投來人丁皆復行圈補又有因圈補而並圈接壤民地者康熙初釐拜當國欲以正白旗屯莊給鑲黃旗而另圈民地給正白旗戶部尚書蘇納海以撥地遲延罪死總督朱昌祚巡撫王登聯以撥換地畝旗民困苦上聞亦逮死及 聖祖親政乃昭雪之八年 諭比年以來復將民間房地圈給旗下以致民生失業流離困苦以後著停今年

所圈房地俱著還還並飭部將張家口山海關等處曠土  
換撥各旗耕種並令新滿洲以官莊餘地撥給其指圈之  
地歸民是為旗退地畝旗人不習耕作又以生齒日繁始  
稍稍典賣矣雍正初清查旗地動內帑贖回凡不自首與  
定例後復私賣買者皆入官為公產旗地嘉慶十七年額  
徵入官旗地三  
萬七千三  
百餘頃時議百姓久為己業不苦於得價還田而懼其  
奪田別佃乾隆五年乃定回贖旗地仍令原佃承種莊頭  
土豪無故爭租奪佃者罪之凡贖入官地並抵帑籍沒等  
田皆徵其租謂之旗租嘉慶十一年徵收旗租  
銀四十萬三千餘兩自旗人生  
計日以不足旗租歲充既賜謹案會典近議之地各旗王

石渠餘紀卷四

聖

公宗室莊田以頃計者一萬三千三百有奇各旗官兵分  
撥莊田以頃計者十四萬九百有奇今載圈田大略於右  
而以畿輔官莊牧地旗租附焉其盛京官莊口  
外牧場各為篇

紅冊餘絕地畝

雍正六年以直屬旗民雜處時有互爭田土之事令宗  
人府內務府八旗將各頃地畝坐落四至造具清冊二  
本一送戶部存案一送直隸造式造冊鈐印發各州縣  
收貯如有旗民互爭田土即撥冊查勘審結至十二年  
又以八旗地畝為數浩繁片段錯落非逐細勘丈無由  
知其確數令八旗都統各委參領一人於農隙會同州

縣清丈將餘地及絕戶地畝按照肥瘠酌定租數交地  
方官徵解藩庫

七年 諭八旗地畝原係旗人產業不准典賣與民向  
有定例今竟有典賣與民者但相沿已久著從寬免其  
私相授受之罪各旗務將典賣與民之地一一清出奏  
請勅支內庫銀照原贖出畱在各該旗給限一年令原  
業主取贖如逾限不贖不論本旗與別旗人均准其照  
原價承買

十三年奏准分別冊內冊外應撤不應撤典契賣契紅  
契白契辦理至撤時又有應追價不應追價應治罪不

石渠餘紀卷四

吳

應治罪之殊照內府紅冊澈底清釐

乾隆四年至十四年二次官贖八旗地畝

紀旗人生計

今之抗腕八旗生計者輒曰國有四民功令獨旗人不得  
經商逐利故貧困至此是亦未聞故事耳方 世祖入關  
市肆壅滯以俟凡前朝召買糧料諸弊盡蠲除之以安商  
旅而各處莊頭入市強買恃強鞭撻 詔所在捕送京師  
五年禁王府商人及旗員家人外省貿易初禁東來之人  
藉賣漫為名擾害地方猶許於南京濟甯臨清貿易至是  
並禁之止令在京市易違者重罪十年賑八旗貧人滿蒙

每佐領下布六十匹棉六百斤米百石漢軍半之旋每賑增米至三百石十二年發內帑銀賑八旗窮兵十四十七年同年內大臣伯索尼奏商民捆載至京者滿洲大臣家人出城迎截強買商人畏縮不前又以諸大臣私占邊外商人採木山場請並禁之康熙三年八旗莊田災賑米粟二百餘萬斛十年同五年 諭內外奸棍妄稱顯要名色於各處貿易霸佔船隻關津著嚴拏送部十八年廷臣遵 旨議定包衣下人王公大臣家人領貨本霸占關津生理倚勢欺陵者立斬三十年償還八旗兵丁債負以後許以官銀借貸特派大臣管理至六十一年猶有王公家人爭買草

石渠餘紀卷四

吳

炭居積俸利之禁蓋旗人不善謀生又悍僕豪奴衰民驅儉導之縱暴以為利故屢煩 朝廷之禁約雍正五年諭管理旗務王大臣曰從前 皇考軫念兵丁効力行開致有債負曾發帑金五百四十餘萬兩一家賞至數百未聞置有產業一二年間蕩然無餘其後又賜帑金六百五十餘萬亦如前立時費盡朕即位以來賞給八旗兵丁一月錢糧者數次每次三十五六萬入手妄用不十日即為烏有庫帑為國家正項百姓膏脂豈可無故濫行賞賚若不將惡習改除朕即有加恩之意亦不可行也乾隆元年諭曰朕因旗兵寒苦者多借給庫銀營運自應仰體朕

心樽節以為久遠之計乃聞領銀到手不知愛惜而市肆將綢緞衣物增長價直以巧取之乃令各該營官曉諭案是年借給官兵俸一年至次年又借給兵餉半年而帑銀未領錢物之價已騰以御史明德奏復嚴行曉諭大抵旗人狃於揮霍炫於鮮衣美食經商逐利不待禁而不能夫借之帑金曰俾資營運猶謂終禁其經商逐利也亦徒資惰窳之口實而已

康熙開度支充實於八旗兵丁時加 恩養初動公帑數百萬代清積逋又各旗設立官庫資濟匱絀四十二年貨給帑金六百五十五萬餘兩四十五年冬計未完

石渠餘紀卷四

辛

者尚三百九十餘萬 詔豁除之至五十六年又豁除百九十年徵旗租解部冬至後 敕賞八旗兵丁一月錢糧久以為例嘉慶十七年 賞八旗兵丁租銀三十九萬五千餘兩新滿洲六千餘兩乾隆元年 諭曰八旗從前風俗取為近古迨承平日久生齒日繁漸即侈靡如服官外省奉差收稅即恣意花消虧帑犯法親戚朋儕牽連困頓而兵丁閒散惟知鮮衣美食蕩費成風旗人貧乏率由於此朕即位以來軫念伊等生計艱難優卹備至其虧空錢糧令部奏免入官之墳塋地畝已令給還革退之世職亦令查明請旨無非欲令其家給人足返

樸選清惟曠典不可數邀旗人等宜深思猛省自爲室家之謀如但冀朝廷格外之賞以供其揮霍濟其窮困有是理乎

### 增八旗賑務

順治二年定八旗溺地每六畝給米二石蒙古按口折給准其沿邊糴米毋許進口游牧地每口月給米一斗六年定八旗遇災王以下食俸官以上俸米倍給又定旗人七歲以上爲一口六歲以下四歲以上爲半口十一年分賑八旗溺地滿蒙每佐領下米二百石漢軍半之十三年三百石漢軍仍百石旱地六畝米二斛海戶

### 石渠餘紀卷四

至

畝一斛時屢發內帑賑八旗窮兵 十二年二萬兩

康熙元年定八旗被水災地六畝給二斛如舊例蝗雹之災減半三年八旗莊田災賑米粟二百餘萬斛十年賑八旗屯地米百六十餘萬石

戶部南檔房每三歲稽八旗之丁數以聞嘉慶十七年在京並各省駐房滿洲二十二萬二千九百六十八蒙古五萬五千六百三十九漢軍並內務府及五旗包衣十四萬三千五百五十四滿洲蒙古家人五萬一百六十三內務並下五旗包衣內監尼堪二萬九千八百九十三 會典卷十一末葉

康熙四十九年正月 諭八旗治生苟且糜費極多官兵所給之米輒行變賣而銀兩耗去米價又增於是眾悔無及朕每日進膳二次此外不食別物煙酒檳榔等物皆屬無用眾人於此輒日費幾文甚者貧而效富用必求盈中人之產不久即罄矣乃令八旗大臣等善爲化導

### 增官莊旗租

國初設近畿官莊百三十二所每莊給田三百畝 每六畝爲一莊頭各給繩地每四十二畝爲一繩隸內務府而徵其賦乾隆八年 駕幸瀋陽免本年應納倉糧及未完米豆十六

### 石渠餘紀卷四

至

年計官莊田五千七百餘頃徵銀三萬八千兩有奇乾隆三十六年清查贖回旗地一萬四千餘頃歲徵旗租銀三十一萬五千兩有奇仍 賞給旗人

### 增盛京官莊

國初以內地不足展邊開墾移設八旗莊田於 盛京等屬順治十八年丈出奉天地畝三十二萬九千餘頃以二十七萬六千餘頃爲旗地旋令索倫達呼爾官兵耕種墨爾根地奉天官兵耕種黑龍江地乾隆初增設湖闌溫得亨都爾圖屯莊根本之地無不宅宅畝田矣 增不許增租奪佃

乾隆五年議定民典旗地動公項取贖在百姓不苦於得價還地實懼其奪田別佃應令地方官於贖地之時詢明見在佃種人姓名及見出之租數造冊三本一存地方官處一存部備案一送八旗鈔錄備案嗣後無論何人承買仍令原佃承種其租銀照冊收取不得分別需索如本佃抗欠租銀許地主呈官別佃若並未欠租而莊頭土豪無故增租奪種者審實治罪再田主果欲自種則佃人雖不欠租亦當退地若地主並非自種而捏稱自種別佃者審實亦量治其罪乾隆五十六年奏准民人佃種旗地其原佃額租本輕見有別佃情願增

石渠餘紀卷四

五

租及情願自種者均由業主自便從前不增租奪佃之例停止

嘉慶五年戶部奏言例禁增租奪佃使富戶地場雖有謀奪之心無所施其伎倆窮黎始可安生自和坤管理戶部將此例奏改數年以來旗人及府莊頭撤地另佃者實復不少而賴耕為食之貧民一旦失其生計不免游手為匪實於政治民生均有未協應請改照舊例禁止增租奪佃以安貧民而杜龍斷等語得旨允准纂入定例通行

增停設莊頭

乾隆二年十八年諭上年因八旗回贖旗地至二萬餘頃之多降旨令戶部會同內務府定議以三四千頃安設莊頭餘俱賞給八旗作為恒產第念此項地畝雖係旗人世產見在貧民耕種日久賴以資生若改歸莊頭於備佃農民未免失業所有分設莊頭管理之處不必問其如何按則交租並酌定章程之處著軍機大臣會同詳議具奏旋議定各旗佃戶花名一一填註冊冊地方官按名分給執照照內將佃名地數租銀開寫明白俾愚民易曉

石渠餘紀卷四

五

又議定旗地租息向無寬免之例應照民糧分數遞減被災十分免五分九分者免四分八分免二分七分者免一分六分以下不作被災分數

增不准莊頭退換地畝

乾隆三十二年議准莊頭官圈地畝內如有實在薄醜沙窪不堪耕者無論新圈舊圈不准退換三十五年諭向來內務府所屬莊頭各有因地畝薄醜沙窪呈請退交另換此等地畝莊頭久經撥定當差伊等承充有年沾被恩惠不少設或地有肥礮年有豐歉即加功墾闢亦分所當然乃因有退交之例動輒藉口瘠淤紛紛呈請殊屬非理而於農氓墾荒為熟之地

仍得任莊頭等換回奪民之業而坐收其利於情亦未平允且律等恃有此例或與佃戶交好即退出交官藉減租數或覬覦上產而以所報之田捏報求換種種情弊皆所不免嗣後各莊頭所種地畝槩不准其退交其中果有誤差不能充當莊頭即管內務府大臣查勘確實即與能承種者承當莊頭

### 紀牧場

我朝開基東土耕牧兼資世祖入關從龍者不下四十萬匹考牧之務亟矣乃以近畿墾荒餘地斥為牧場分親王郡王以里計分上三旗及正藍旗以數十里計餘四

### 石渠餘紀卷四

五

旗以頃計亦圈地也順治六年始立限制停止棄地為廠康熙三十九年天津牧地招墾升科者二萬一千餘頃雍正二年丈出馬廠並餘地可墾者六萬餘頃給民耕種乾隆二十一年清丈直隸收場田畝給民為永業改名恩賞官地時已墾者十一萬五千餘頃按畝升科其餘荒地仍隨時召墾五十一年報墾保定駐防之任邱縣牧地五十一頃於靜海縣改撥五十七年直隸奏撥甯河七里海官地四十五頃為駐防馬廠汚萊闢於內而駭北蕃於邊斯為盡人物之性矣其各省牧場旁地自康熙以後榆林甘州等處次第召耕亦無棄地焉

### 口外牧場

國初馬廠彰武臺邊門外有揚糧木廠獨石口外有御馬廠亦曰上張家口外有禮部牧廠太僕寺左右翼及八旗牧廠順治五年又以奉天屯衛分給八旗畜牧自乾隆十三年以大凌河錦州餘地九百餘頃招民墾耕至四十六年和碩莊親王牧地報墾戶部議口外牧場遼闊近來王公牧放漸稀流寓小民漸漸聚成村落勢難禁其私墾不若准其耕種升科作為有收之土惟實與游牧毗連者仍禁私墾地利漸興耕與牧固不相妨也

### 石渠餘紀卷四

五



石渠餘紀卷五

紀制錢品式

閩縣王慶雲敬述



我太祖肇基東土丙辰建元鑄天命通寶錢分滿漢文二品天聰紀元鑄錢如舊制世祖奄有天下置寶泉局於戶部寶源局於工部明直省局皆稱泉源鑄順治通寶錢頒行各省開爐鼓鑄自後列聖改元沿為故事惟純廟行授受大典嘗令乾隆嘉慶各半分鑄後改乾隆二成六順年乃全鑄嘉慶治之錢有數品初有一錢一錢二分一錢二分五分釐三品其幕初無文十年增鑄漢文一釐於幕之左其右京局鑄

石渠餘紀卷五

戶工各省鑄局名亦有單鑄一字者十四年更鑄重錢錢四分園函輝潤近古罕比凡錢圓徑十分寸之八凡鑄錢先鑿鑿塊銅曰祖錢乃鑄無文而圓者曰母錢然後印鑄函方而成制錢凡鑄治之工八曰看火翻沙刷灰雜作對邊滾邊磨錢洗眼治之各以其序於是始兼用滿漢文京局曰源若泉直省則以局名江甯曰甯一釐錢曰江江西福建曰福湖廣曰昌一釐錢曰武河南曰河山東曰東山西曰原陝西曰陝雲南曰雲其密雲薊鎮宣府臨清大同則用密薊宣臨同字大同以辨長楮而殿最之各省有分局先設陽和文亦曰陽以辦長楮而殿最之各省有分局旋者旋康熙初年增設各省局其文湖南曰南江蘇曰蘇開旋停康熙初年增設各省局甘肅曰鞏時布政司駐鞏呂此局旋罷四川曰川廣東曰廣廣西曰桂貴州曰貴後開福建臺灣漳州兩局文曰臺日漳二十三年

定鑄錢之齊以銅六鉛四蓋銅性燥烈必和以鉛唐宋以來皆用之明之四火黃銅二火黃銅即紅銅與白鉛相和而成者先是各局鼓鑄或開差採辦銅鉛或官收廢銅舊器分生熟銅配鑄大率以銅七鉛三為準至是始定分數遵行是年鑄輕錢四十一一年復重錢故康熙錢有輕重二品輕錢重一錢四分重一錢二分雍正錢亦二品元年令各省錢幕用滿文鑄局名二字是為後此遵行之定式五年改錢齊為銅鉛各半七年更定各省錢文直隸曰寶直江西曰寶昌湖北曰寶武山東曰寶濟山西曰寶晉雲南東川曰寶東旋開江蘇安徽錢局文曰寶蘇寶安十二年改錢重為一錢二分乾隆五年以私燬者多改鑄青錢浙江布政使張若震

石渠餘紀卷五

奏言錢價之貴由於私燬訪之爐匠咸云配合銅鉛加入點錫即成青錢唐謂之白錢銷燬無利山藪之奸可不禁自止令戶部試鑄百分其齊紅銅仍五十分減白鉛為四十一分有半用黑鉛六分有半加點錫二分所鑄青錢試鑄為銅錘擊即碎不能更造器具時再試以接爐提銅之法每串僅復原銅二十二兩廷議以可杜私銷照式頒行歷代黃錢之法至是一變雖暫免銷燬然質雜而脆其易於消磨則一也自雍正改為一錢二分輕重適中後雖錢齊不同而品式無改惟供用內廷者為樣錢樣錢百重一斤其齊仍銅六鉛四又案見行則例京局配鑄凡百斤用紅銅五十四斤白鉛四十二

斤又四分斤之三黑鉛三斤又四分斤之一各省局或純用白鉛或雜黑鉛而皆不用點錫云

### 紀戶部局鑄

國初戶部年鑄三十卯以萬二千八百遇閏加三康熙雍正兩朝各增十卯乾隆六年增二十卯次年增勤爐十座年鑄六十一卯得錢六十九萬餘串十六年以後因餘銅加鑄至三十八年定爲七十五卯歲得錢九十三萬串有奇末年裁勤爐復銅六鉛四之制仍爲三十卯嘉慶初年漸復五年設俸爐鑄搭京俸後銅鉛不敷亦旋減旋復自國初以來皆戶部鑄工部鑄一今則例寶源局正爐

### 石渠餘紀卷五

三

之外有勤爐俸爐加鑄歲出錢百十三萬串閏四萬串寶泉局有勤爐歲出錢五十三萬串閏加四萬串各有奇按近日鑄錢之數多於往時而公私均無朽貫之積一由生齒日繁多一人卽多一人之用且昔之食時用禮者今或踵事增華流轉之數愈多則錢愈見少一由銀貴市票盛行一兩之銀可以易兩串之票市肆雖以票易銀不得不蓄錢以待用而冒禁私銷者尙不在此數此所以鼓鑄日多而流通日少也

通考按鑄錢之期曰卯宋以後始有畫卯點卯之名蓋取其時之早相沿既久遂以一期爲一卯

案今則例各省局出錢歲額除山東河南安徽甘肅久已停爐餘省歲共出錢一百一十一萬餘串自銀價愈昂錢本愈貴大半皆停爐減卯民用不足私鑄能無起乎

### 鑄大錢說帖

今日之銀少矣非獨銀少錢亦少也 國家歲歲鑄錢積至於今日宜乎山不能藏海不能納矣然使一月停爐則局支立匱况厥崗之告疲銅運之不繼其勢岌岌迫不及待此猶可蹈常襲故而不思變計哉今欲不添銅不加卯使局錢變少爲多莫若酌提卯銅配鑄本直

### 石渠餘紀卷五

四

相當之大錢爲易行而無弊自銀價昂貴今之制錢蓋工本二而鑄錢一局中鑄一串之錢卽糜一串之帑歲常以數十萬金置之無用之地此何爲者誠使以制錢五文工本鑄當五大錢以十文工本鑄當十大錢是一而鑄一也雖制錢民間行用固不可廢要不妨與大錢配鑄配行局中減鑄制錢一串明省一串之虧折此人所共知至配鑄大錢一串隱留一串之盈餘人或未必知卽知之又慮其不能行是在當事者實力講求所以行之之術而已凡作事謀始未計其利先防其弊前此議加鑄者必曰收銅收之不至則議禁銅而銅卒不可

禁其請鑄大錢者又欲以數兩之幣當百當十名實乖  
違公私欺罔利未一而弊已百今但減制錢鑄大錢銅  
斤取諸卯額經費不必別籌也一枚工本與一枚價直  
相當私鑄無利又不禁自止矣且價與工本相當昔之  
糜費一倍者固已節省其半矣從來貨幣之所以不行  
每由上專其利而下不能流通如前明造鈔而禁民用  
金銀究之鈔日以輕金銀日以重無他上之所行非其  
所令也今欲兼行大錢不患不能搭放而患不能搭收  
官不收而使民用之其廢格不行可立而待故其始必  
收放相權立為規制及乎鑄漸多用亦漸廣利權操於

石渠餘紀卷五

五

上而民用便於下異日之大錢即今日之制錢流布轉  
移有不必遽期其效者惟是鑄造之法必精收放之令  
必信設誠致行存乎其人今謹條四事於左

一曰錢制以今日鑄制錢之工與料鑄大錢則不如其  
不鑄何也其鑄不利用其脆不久存也故大錢必選高  
銅或加煎煉勿雜黑鉛砂錫十分其劑以康熙二十三  
年所定銅六鉛四為準或近年銅色不高則照 國初  
以銅七鉛三配鑄並見通考其色其質務於順治康熙一錢  
四分重之錢相等至於銅價鉛價工料局費四項通謂  
之錢本凡當五當十必計錢本與錢直名實相副不妨

多費分豪斷不可吝惜錙銖以生奸偽考前明洪武時  
鑄當十至當一錢五種今畧仿其法而不用當三當二  
者從簡便也輪郭勿太寬以免剪邊之弊

一曰錢工銅質雖淨鑄治不精示人以樸則易於偽為  
而行之不遠案康熙開鑄造黃錢其工有八曰看火翻  
砂刷灰雜作剉邊滾邊磨錢洗眼治之各以其序而務  
極其精自改鑄青錢漸至羸雜惜工省費日就苟且今  
以鑄制錢五文之工食鑄治當五者一文可期磨洗勻  
淨積至當十工費加多枚數加少自能精益求精至於  
爐匠工作侵盜固所宜禁羸率亦所必懲工食務足贍

石渠餘紀卷五

六

其身家不使刻扣絲豪致戛然有疾視之意庶圖法日  
久而常新

一曰搭放凡大錢用抵制錢與銀搭放則可徑以大錢  
抵制銀搭放則不可蓋銀價長落無常錢質一成不易也  
今部庫搭放以制錢一千準銀一兩宜仍其舊惟先就  
制錢中配放大錢二成如搭放一串以制錢八百當十  
大錢二十或制錢八百當五大  
錢四量配放之數為配鑄之數或分爐或分卯必度其  
宜大抵配放之始宜少不宜多少則易散亦易斂斂散  
易則流通疾流通疾則錢見重錢見重則存於民者必  
多而官無朽貫之慮疾為斂之正所以廣為散之此善

取不奪之道也

一曰搭收或由鹽課或由關稅此當俟諸異日而必自戶部常捐及雜項倡之然後法立而人不疑凡搭放亦以二成爲準不足乃以銀民知官之樂爲收也必爭儲以待用其事猶有不行者乎至於變通不倦鼓舞盡神則必使上與下公其利欲公其利莫若以當五之三百六十文與當十之一百八十文直制錢一千八百卽許準銀一兩交納或曰今銀價每兩二千如是則便於民不便於官然自官計之常時銀一兩鑄錢一串又以錢一串抵銀一兩名爲搭放實無盈餘今以銀一兩鑄大

石渠餘紀卷五

七

錢其直兩串準直搭放是一兩之鑄獲二兩之用也卽以一千八百搭放一串之外尙有八百之餘也何必取盈於二千之數哉且使民間得大錢常有什一之利商賈通行民用便利以視制錢必有倍加寶貴者小利在民卽大利在國慎勿藉口於難行哉或曰如前所謂搭放之數旣取諸按卯之配鑄而足矣若使源源搭收大錢不壅於官乎然此爲民間不行用言之耳民之所棄而官收之其壅固宜誠使鑄爲大錢質旣厚重工復精純領之官而有什一之利納之官而無折閱之慮不蠹不腐可藏可沽獲輕賡倍徒之便免短陌攙和之患其

爲流通利用無可疑者夫一室儲錢百則萬家有百萬之藏京師百萬戶可使萬萬大錢流通於下若乃物則質雜而工羸法則朝行而夕改小有通塞不議停放輒議停收出納不平措克貽誤一朝沮格歸咎於立法之人平心論之此人行法之過耶抑法不可行之過耶再考 本朝錢法順治初每文重一錢七文準銀一分後更鑄重一錢二分以新錢七文準銀一分舊錢十四文準銀一分是新錢一當二也十年行一釐錢十文準銀一分十四年更鑄重一錢四分新錢一亦當舊錢二康熙二十三年復爲一錢四十一一年仍爲一錢四分舊

石渠餘紀卷五

八

錢十當新錢七輕重相權實 國家之故事而非創自今日至於收納職掌之所官役勸懲之法面幕文字之式在當事者討論故實熟思審計取自 上裁非下走之所敢議也

戊申十一月江翊雲給諫上請鑄大錢疏竊意其法可行惟所請徑以大錢抵銀搭放爲思之未熟事下樞府友人屬爲說帖因兼取汪衡甫京兆以二千搭放以一千八百搭收之議率成四條會事寢未上其年十二月五城禁市肆私錢短陌不數日銀價每兩由二千驟減至一千四五文時民間方倚錢度歲典物者質庫不

目納一時譁然卒弛禁而銀復昂然則今日錢價之賤由局錢不精奸偽濶雜是篇所言銀少錢亦少者非意之也

紀銀錢價直

歷代寶貨與錢並行者有幣有鈔金元以來黃金漸少始以銀為通行之幣 國初用不足嘗一造鈔時歲造十萬貫不久停罷自後與錢兼權而并用者惟銀而已銀之直以兩計者金時折錢二貫明代自五六百文至千文逮夫末年一兩直錢五六千而錢法大壞蓋銀不自為直因錢之貴賤以為直權之之法曰輕重曰多寡曰歛散輕重與歛散

石渠餘紀卷五

九

其權操之自上多寡之權則上不能獨操之勢之所趨有未易以文法禁者故為錢必適輕重之中而後時為歛散之令以齊其多寡之數然為法終不能以數十年而不敝我朝順治初元鑄錢文重一錢始以七文準銀一分旋更鑄重一錢二分又改鑄一錢二分五釐官徵民納皆新鑄七文準銀一分舊鑄一錢重者倍之先是工部侍郎葉初春以錢價日增請鑄當五當十二錢以便民不允然新錢實一而當二十年行一釐錢十文準一分雖著為令而民患錢輕乃罷之改鑄重一錢四分其準銀之直新錢以十舊錢仍以十四康熙十年令民以從前之小制錢交納

正賦時奸民多煨重錢二十三年錢漸貴銀一兩直不及千侍郎陳廷敬言欲除煨錢之弊求制錢之多莫若鑄稍輕之錢煨錢無利其弊自絕乃改鑄仍為一錢四十一年又以錢小盜鑄者多復舊制一錢四分千文準銀一兩舊重一錢之千文準銀七錢至雍正十二年銅貴錢本多虧乃酌輕重之中定一錢二分之制自是以後鑄制雖有不

石渠餘紀卷五

十

同而輕重類若畫一其有不齊則局匠冒禁偷減非功令有所改易此 本朝以來錢法輕重之大略也權之以多寡者錢少而貴則局有增爐爐有增卯又有勤爐俸爐之設多而賤則酌其數而減之閉之凡以劑銀價而使之平也考康熙中錢價過昂有銀一兩不足一千之禁及末年自八百數十文遞減至七百數十文皆指重錢於是發五城平糶米價以易銀或言康熙間鑄錢最精亦最少不知固由當時之銀易得而價賤也雍正元年設官身以平其直乾隆三年革錢行經紀七年 諭曰錢為國寶固貴流通然必輕重得其平方能無弊若錢價過賤物價必虧姦弊從此而起嗣後銀一兩祇許換大制錢一千蓋其時錢驟賤故又立法以禁之九年以戶部卯錢及五城平糶錢二十四萬串設局兌換定價銀一兩易錢九百五十文至一千文為率禁市儉賤買賣貴賣之長短錢乾隆二十六年又以平糶錢易

銀時一兩二錢僅易錢一千三十六年各省皆以價平請  
減鑄 諭督撫豫爲籌畫務期錢直常平案康熙以前制  
錢準銀之數自七文增至十四文已有日趨於賤之勢康  
熙雍正開立法維持時貴時賤惟乾隆一代錢價平時少  
而貴時多或以爲由銷燬古錢或以爲由私燬重錢故錢  
少而貴然實當時上下銀多之故案雍正十三年令捐納  
貢監皆收銅不足乃用銀乾隆九年定官員領帑除夫匠  
工價外民間日用除零星粟布外概不許用錢向非上下  
銀多安能齎於用錢如是且 列朝鑄錢之多亦無如乾  
隆時者而初年部庫積銀三千萬末年至七千餘萬輕重

石渠餘紀卷五

三

兩幣皆充物而流通故昔之銀錢均無獨能久貴之勢嘉  
慶初年錢仍貴民間以銀易錢虧失逾倍詳十年五月乃嚴  
飭各省毋減卯毋虛報竊意其時數歲軍需散部庫七八  
千萬於外民間銀易得故錢見貴未必盡由於停爐減卯  
也自嘉慶末年錢法日久而敝嘉慶十七年有江蘇鑄錢  
論二十五年御史王家相奏江南以官銅偷鑄小錢每千  
不及四斤民間號爲局私流通寢廣以致銀價日貴並見  
聖訓而銀之外洩日多詳由是銀價一賤近三十年即不  
復貴至今日每兩易錢二千較昔錢價平時蓋倍之較貴  
時幾及三倍屢經調劑未覩實效殆所謂勢之所趨未易  
以文法禁者乎若夫歛散之法則視錢之多寡在官者多

則散之在民者滯則歛之案順治十二年始令以制錢搭  
放俸餉康熙初令各省存留雜支配錢三成自後配搭隨  
時增減惟康熙五十八年六十年及嘉慶六年均以錢貴  
令半銀搭餉爲最多之數餘或減於三成之內詳會典凡  
加成搭餉以錢貴加惠兵丁非爲節省用銀之故也乾隆  
開令各衙門公費皆給錢又或發官錢設官局以平市價  
乾隆二年發工部餘錢設官錢局十處出易以平市價 其斂之也順治十二年令州  
縣計搭放之數列入由單徵收再踰年以制錢壅滯令銀  
七錢三完納銀以運解錢抵存留輕重之貨並行不悖康  
熙間民賦猶兼用錢自奉行日久各省漸不畫一銀則浮

石渠餘紀卷五

三

收錢則浮折是以雍正開安徽巡撫徐本以民賦槩用銀  
零星稱收不便奏定每一分連耗羨收錢十文乾隆開又  
以直隸民賦多以錢作銀爲數較重令一錢以上者不必  
勒令交錢蓋自耗羨歸公徵歛或不如法大吏所孜孜調  
劑者又不在錢法之貴賤矣邇來錢不加多而公私耗銀  
之途日廣於是銀之貴賤不係錢之多寡而錢之貴賤轉  
係銀之多寡圓法子母之權移於銀幣此積重之勢也  
嘉慶十九年正月 諭蘇楞額奏請嚴禁海洋私運一  
摺據稱近年以來夷商賄通洋行商人藉護回夷兵盤  
費爲名每年將內地銀兩偷運出洋至百數十萬之多

夷商已將內地足色銀兩私運出洋復將低潮洋錢運進欺朦商賈以致內地銀兩漸行短絀等語夷商交易原令彼此貨物相準通易有無以便民用若將內地銀兩每年私運出洋百數十萬歲積月累於國計民生均有關繫著蔣攸銛祥紹查明每歲私運若干應如何嚴密禁止妥議具奏二十年十一月 諭旨近年內地銀兩為夷人貿易攜去者動逾百萬日久幾同漏卮以上並見 又十九年閏二月侍講學士蔡之定請行用鈔幣聖 諭所奏泥古迂謬斷不可行前代用鈔其弊百端小民作偽必致獄訟繁興麗法者眾殊非利用便民之道

石渠餘紀卷五

五

且國家經費量入為出不致遽行匱乏何得輕改舊章該學士以文學之臣迂腐陳奏著交部議處以為妄言亂政者戒

紀錢銅禁令

從來利孔藪奸文網所不能制 國初承故明錢法極敝之後首禁舊錢官收買以供鼓鑄惟崇禎錢暫許行用旋舊錢每斤給直八分 以削平諸藩禁僭號偽錢定官爐夾帶私鑄計贓以枉法論加私鑄為首絞候律為斬候再加為斬沒時銅不足每新鑄輒煨舊錢康熙初申嚴官員失察私鑄之例重者至褫職私銷罪與私鑄同時奸徒毀錢製器獲利以倍非嚴

立科條不能禁止故網稍密焉十八年禁市肆鑄造黃銅器具已成器及五斤以下者不禁 二十四年福建巡撫金銖以閩省多用前代舊錢請禁之下閣臣集議學士徐乾學議略曰自古皆古今錢兼行以從民便考梁太平時詔雜用古今錢宋泰始時斷新錢專用古錢魏熙平初以新鑄五銖及大和錢古錢通行金大定中以宋大觀錢一當五用之明太祖鑄大中通寶錢與歷代兼行民咸利之錢者歷代通行之貨自漢五銖以來未有廢古而專用今者若隋之盡銷古錢明天啟以後括古錢充廢銅此錢之變也昔時錢法之敝驚眼繩環無代不有然歷代之錢尚存旬日之間小

石渠餘紀卷五

五

錢便可淘汰若舊錢已盡即良工更鑄海內之廣一時難遍欲一市價而裕民財為稍難矣 聖祖建其官為寬舊錢廢錢之禁時湖廣所鑄色紅而輕小乃禁之四十五年山東請鑄大錢適 命侍郎恩丕緝獲長山縣私鑄 上不嚴禁私錢而鑄大錢奸民必毀大鑄小今禁私錢必須收取乃下令來歲山東錢糧每兩折錢二千俟錢盡時折收銅器不出一年私錢自盡蓋亦一時之權也雍正初禁錢之沙板錘扁剪邊者四年復嚴禁黃銅器皿時不禁紅白銅 三品以上 許用黃銅 定限三年以後照私藏禁物論罪製造者照毀制錢為從律通案是時收銅百斤給銀十二兩有奇除工料

祇鑄錢八串四百以銀兩直千計之是爲十而鑄七申版  
運國藉自禁銅以後私銷愈多十餘年來京師康熙之錢  
之禁見雍正十三年論旨乾隆元年戶部尙書海望疏陳禁銅四  
日少年鑄略曰銅器散在民間相習既久一旦禁使勿用往往遷  
延而不交納而不盡胥吏需索刁民譎詐得賄則賣官  
法不得則入人罪搜括殆盡用法不均其弊一有司未必  
皆賢有侵蝕剋扣僅給半價者有除去使費空手而歸者  
名爲收銅實同勒取其弊二此等銅質本極雜雜加之繡  
壞鎔化耗折徒費帑金無益鼓鑄其弊三況黃銅乃紅銅  
配鉛而成今禁黃銅不禁紅銅是又多費紅銅而適以昂

石渠餘紀卷五

五

黃銅之價直速其私熾且黃銅一禁白銅轉多皆奸匠銷  
燬制錢擾藥責白其弊四自古銅貴錢重則私銷銅賤錢  
輕則私鑄是以錢文輕重必隨銅價低昂而增減之世  
宗因私銷之弊飭減分數每文重一錢二分所以調劑銅  
貴錢重者自有成效不必屑屑於禁銅之末矣於是收銅  
禁銅之令皆停惟南洋私販銅器者有禁自改鑄青錢銷  
燬之始以熄禁鑄用鉛錢二十二年開廢錢之禁諭曰  
前代廢錢流傳至今已屬無幾攙和行使相沿已久若盡  
行查禁轉使吏役得以滋擾如唐宋元明舊錢不妨仍聽  
民便至偽號錢文則當禁革但辦理不善恐民情不願准

民間檢出官爲收換以供鼓鑄案故明諸藩僞號如宏光  
隆武紹武皆亡於順治二三年惟永歷亡於順治十八年  
爲稍久然崎嶇轉徙之間所鑄亦僅矣寬之以收換之令  
以俟其自盡聖人之宏如此自國初以來私鑄之禁  
恆與收繳給價並行立法非不寬大顧民賣禁物於官愿  
者畏罪而空輸黠者翫法而踵至故臣以爲收買私錢不  
獨法不可亦勢不行也嘉慶初以小錢收繳仍未盡譎索  
賣放百弊叢生而民間行使均由他處攙雜而來不清其  
源於事無益乃嚴員匠偷減及奸民私鑄之禁諭曰如  
官無小錢民無私鑄弊源可絕其民間行使轉可不必查

石渠餘紀卷五

六

禁以免擾累十四年以京局輪郭模糊少省偷減儆薄飭  
禁之夫奸民趨利扞網不顧必也制錢不過重以啟私銷  
不過輕以招私鑄利權操於上而奸藪清於下是亦措刑  
之一術也

康熙九年姚文然疏言臣年來見部中疏通錢法將存  
留錢糧一槩收錢放錢用心甚周立法甚善按搭放搭  
收歷有舊章此則存留一槩用錢蓋當時已有此議

紀銅政

國初戶局銅由各關辦運工局差司員督買康熙初併歸  
各關以蘆課佐之十八年收廢銅及淘沙餘銅兼令鹽差



採買<sup>二十一年</sup>增銅價時各關藉口銅貴徵稅多浮  
 聖祖恤商民之困增舊價六分五釐為一錢後交內務  
 府商人承辦四十四年總督貝和諾請立滇省官銅店以  
 各廠抽納稅銅變價報部<sup>抽納見</sup>兼收買餘銅以售官商  
 之承辦京運者<sup>收以三四分售以九分</sup>考滇省山礦元明  
 止有金銀之課民間日用海賦未嘗用錢明嘉靖萬歷開  
 暫開旋罷至是地寶乃漸出矣至五十四年商欠誤運改  
 令各省委員辦解歲需四百四十餘萬斤增價二分五釐  
 先是各關辦銅捐水腳五分至是於價外給水腳三分節  
 省二分解部是為銅斤水腳解部之始次年以各省辦銅

石渠餘紀卷五

七

伊始暫收舊銅充鑄而奸民轉將小制錢銷售禁之并罷  
 收買之令再增銅價二分六十年并歸江浙採辦以東洋  
 條銅在二省收泊也<sup>又聽商民在</sup>雍正初雲南青龍金釵  
 廠產日旺巡撫楊名時請解京局銅一百萬斤廷議道遠  
 費多不如留滇開鑄并許運散各省罷官店餘銅聽民販  
 運次年以江浙運不足額分閩粵二省購洋銅湖廣二省  
 購滇銅運輸京局旋以雲南產銅日旺鼓鑄外餘二百餘  
 萬斤許運售各省時議洋銅至京每百斤價十七兩有半  
 滇銅僅十二兩有奇<sup>內運費</sup>價大省可以停購洋銅然至  
 乾隆初年猶滇洋各半於是開東川局鑄運往陝西而貴

州威甯之銅與大定之鉛皆大出十三年令捐納貢監收  
 銅不足乃用銀 高宗即位以各省購辦滇銅解部莫若  
 即令滇省就近鑄錢出蜀之永甯水運至漢口附漕至京  
 可省京鑄之半巡撫張允隨請開局廣西府鑄錢三十四  
 萬串出粵之百色運至漢口轉輸乾隆元年令商民自運  
 洋銅官為收買次年總督尹繼善奏湯丹廠歲餘銅三百  
 餘萬斤以內地餘銅售之商販而京局之需又辦自外洋  
 不免舍近求遠莫若令江浙來滇收買運京次年直隸總  
 督李衛亦以為請乃從之是年停雲南鑄運京錢以原銅  
 百八十餘萬運至漢口分撥站船運京如卯鼓鑄是為滇

石渠餘紀卷五

六

銅之加運戶部議從前令雲南鑄錢運京原因就近礦廠  
 而永甯水路可達京師水腳多省嗣因近蜀地方無可建局  
 遂於廣西府開爐陸運至板蚌下船抵粵之百色山川修  
 阻較永甯迥別請照原定銅斤解部臣思銅運可由永甯  
 錢運何以必由百色近蜀之東川府雍正開久已開爐何  
 以運京之錢必開局於廣西州<sup>昔為</sup>允隨之請戶部之議  
 皆臣所未解也時京銅始盡歸滇運其運道半由尋甸至  
 威甯半由東川經昭通鎮雄皆轉至永甯水運每年預撥  
 銅本一百萬兩<sup>每斤工本九分二釐連廠費約需五六千</sup>  
 萬兩<sup>兩解價役食十餘萬解司銅息二十餘</sup>  
 萬凡運銅有加耗<sup>百分之八</sup>有餘銅<sup>百分之三</sup>沿途催趨稽查沉失

至今銅運章程半皆允隨所定其時正運四百三十餘萬斤加運一百八十餘萬斤納戶局三之二工局三之一即見行則例解京正耗餘三項銅六百二十九萬餘斤之數也六年滇省開金沙江通四川水道乃於東川開局改威甯陸運由小江口至瀘州然滇錢運京之法卒無有議復者十八年以粵需滇銅滇需粵鹽令彼此互換免齎價之煩次年撥滇省銅息五十萬充餉三十一年總督楊應琚奏滇省礦廠日開砂丁聚集每處數十萬人糧價昂貴無業之徒向有米之家借糧名開採無益請禁老廠子廠日米分以米分多寡均分礦利開採無益請禁老廠子廠四十里外不得私開時各廠歲報獲銅千二百餘萬斤至

石渠餘紀卷五

九

末年礦產尤盛額銅之外贏千三百餘萬斤於是有帶解之銅先是銅質低潮者由局煎煉嘉慶初令選運純淨之銅局驗低潮運員治罪然自是以後銅斤無減於舊而錢質漸以纒雜議者謂不盡由銅低之故臣讀會典見國初以來局役包攬買交有禁成色不足有禁或設對牌或較法馬臨兌之際撒手敲平所以防收銅之詐偽者至纖且悉則何如就滇鼓鑄運京簡易哉

附載鉛錫

國初鑄錢之鉛由各關兼辦康熙二十三年始發商辦解五十九年以湖南桂陽州稅鉛十二萬斤解京配鑄

雍正初大定產鉛漸多十二年停商辦令貴州族辦額鉛自五年改錢齊為銅鉛對鑄歲增京鉛至三百六十餘萬斤而黔廠所出實不止此數雖倍舊價為一兩三錢而較商辦之直省七之五蓮花銖砂之產不踴而至時黔鉛日旺而楚產漸微蓋五金與水同性溢於此必消於彼向之滇銅出而洋銅稍衰亦是理也乾隆初改鑄青錢減貴州白鉛五十萬斤運黑鉛後黑鉛與湖南迭辦時有增減初令廣東辦點錫十五萬隨開礦抽課並收餘錫後又收買洋錫黔鉛百斤價一兩五錢十年黔鉛歲產至一千四百餘萬斤是為白鉛之極旺二十

石渠餘紀卷五

三

七年定白鉛歲額四百二十四萬再逾年增十有五萬今則例歲額四百三十九萬餘斤是也今黑鉛歲額黔運四十七萬楚運二十五萬其點錫配鑄之法自乾隆五十九年以後即不復用惟貴州鉛每歲需二十九萬兩猶當時所定云

附載新疆西藏錢

西藏葉爾羌市易用普爾錢紅銅為之重二錢制小而厚外有輪郭中無方孔每五十謂之騰格舊以此輪準夷之賦策旺阿拉布坦時錢面鑄其名用準字餘皆回字噶爾丹策凌亦如之我朝平定回疆仍以此輪賦

乾隆二十四年以後開葉爾羌阿克蘇錢局即其地徵銅萬斤鑄制錢仍其俗用紅銅枚重二錢更定百普爾為一騰格準銀一兩四十年平伊犁設寶伊局面文皆如內地伊犁鑄錢每千需銅料銀三兩八錢顧皆賦糧折納不由採辦五十二年折給七城兵丁鹽菜百六十準銀一兩嘉慶以後仍兼鑄乾隆錢以準回諸部皆高宗所裁定也自西藏隸我版圖以地不產銅令寶藏局及商工鑄銀錢面漢字幕唐古忒字邊郭鑄年分重者一錢輕者五分其準銀皆長十之一為工火費唐書謂泥婆羅國錢不穿孔三朝國史謂天竺錢實其中不

石渠餘紀卷五

三

穿貫今西北之錢猶其遺制也今伊犁各城雜賦普爾錢九百萬有奇

附載洋錢

閩廣近海之地多行洋錢來自西南二洋約有數等大者曰馬錢為海馬形次日花邊次日十字花邊大者重七錢有奇鑄宮室人物環以番字漢書言安息大秦諸國用銀錢是也質不及銀而價視銀為高下始番船捆載而來歲數百萬與東南貨幣相通顧昔以洋錢易貨而來今以貨易銀而去其流入內地者鑿鑿銷耗亦漸以難得矣

附鐵

舊例鐵器不得闌出外境而海舶或販廢鐵及鐵鍋千百出洋雍正初乃禁之八年總督孫嘉淦奏湖南州縣產鐵百姓自採以供農器開往鄰邑售賣應聽商民自便即鹽鐵論所謂輓運阡陌之間各得所欲者也乾隆十年閩浙總督喀爾吉善奏雲和永嘉等縣土瘠民貧採鐵為業封禁以後陽奉陰違徒資吏胥需索各縣俱係內地與近海產鐵之甯臺等處不同乃弛其禁照舊開採酌量起科二十九年以後准四川屏山江油宜賓開採鐵礦十分抽二變價充餉雖稍稍稅之而卒不立鐵官

石渠餘紀卷五

三

附銅運改道議

滇銅兩運寄存武昌數月矣此後江路即通而豐工漫溢河湖底定無期京局之銅何以為繼昨議由武昌船運入襄河北抵樊城新野水再由樊城陸運經內黃楚望入衛河滑縣道北上其首尾襄衛兩水舳舻相望豫省又有軍船可資灑帶兩運之銅一百萬斤抵米不過一萬七八千石豫省軍船三百餘隻每船不過附裝五六六十南北利涉豪無疑義所難者陸運千三百里耳見後事屬創始人多疑慮然但能體卹車戶責成攬載亦可必成而無弊常見商販藥材布匹皆以貨物責成車戶攬載未常逐車使人管押而從不短少偷竊者以雇價足供人

馬料食而無牽制剋減之累也若拘執文法官兵護送吏役稽查繁費誨盜終亦不行而已

案銅鉛各運向例沿江湖淮經三關五壩汴流而上其間讓漕插檔阻風守凍甚而挖淺撥運又甚而沈溺打撈勞力傷財經年累月其不虧短者幾矣若果陸運得有把握以後銅鉛各運擬自荊州至大澤口盤隄換船更省沿江汴漢之路千有餘里案水道提綱漢水至潛江縣北境大澤口有支津西通荊州府諸湖交會即古之雲夢澤又案圖書集成自荆府之沙市在大江北岸至潛江縣之大澤口在漢水南岸其間有大白紅馬諸湖方輿紀

石渠餘紀卷五

重

要所謂江陵東北三海八櫃與漢水通者是也此處盤隄當必不遠

自樊城至內黃縣楚望陸運驛程

湖北襄陽府北岸為樊城陸運由此啟程六十里襄陽縣呂堰驛以下均照兵部驛站里數開列六十里新野縣湍陽驛如由入白河水路可至新野省陸程百一二十里水道提綱云白河源流行七百餘里合滿唐諸水南陽全府羣流畢會實入漢之巨川也六十里南陽縣林水驛六十里南陽縣宛城驛六十里南陽縣博望驛六十里裕州精陽驛六十里葉縣保安驛六十里葉縣湍水驛六十里襄城縣新城驛六十里長葛縣石固驛五十五里新鄭縣永新驛

自此以上為雲貴大道 四十五里新鄭縣郭店驛五十里鄭州管城驛四十里滎澤縣廣武驛渡黃河七十里獲嘉縣元邨驛六十里新鄉縣新中驛五十里汲縣衛源驛五十里淇縣淇門驛由此東北達滑滑兩縣皆臨衛河水盛則大船亦可至滑縣之道口鎮六十里湯陰縣宜溝驛七十里彰德府安陽縣鄴城驛以上為西道百十里內黃縣由前淇縣湯陰道上東北三十里可達內黃省陸路百餘里楚望集入衛河衛河由此東過大名冠縣館陶至臨清州與南運河合流北抵直沽無隔座

以上陸路驛程計一千三百五里

又案方輿紀要引志云衛水小水也後漢建安九年曹操於淇水口下大枋木遏淇水東入白溝衛水至滑縣名白溝是時

石渠餘紀卷五

重

淇水入大河以便漕運然則衛本小水得淇而始可操過使東北流以初漕舟亦自封邱陸運至淇門衛輝府東北五十里有淇門鎮淇水入於御河達於京師御河即淇水人衛處若銅運由淇門鎮上船比楚望又省陸程二百餘里

紀礦政

天下之礦政掌於戶部廣西司凡五金之廠銅鉛銀曾經開採納課者會典皆詳載之顧金與水同性其氣行於地中者流而不停焉能汲而不竭或先無而後有或昔旺而今微非可按籍而索也 本朝懲前代礦稅之害與礦徒之擾每內外臣工奏請開採 中旨常慎重其事雖或抽

稅以充鼓鑄亦不設之專官防滋擾也康熙十四年定各省開採銅鉛抽稅十之二按抽稅隨時不同大抵官稅十分之二四分發價官收四分發民販運或一成抽課餘皆官買或三成抽課餘歸商自賣或官發工本招商承辦又有竟歸官辦者四十六年戶部議增雲南廠稅 諭以雲南年徵八萬兩兵餉已敷此外不得增加五十一年四川總督能泰奏請開礦又稱江中有銀派官監視撈取 諭曰朕為人君豈有令江中撈銀之理觀此二事即知能泰必貪次年四川總督奏報一盤水地方聚集萬餘人開礦差官力行驅逐 諭以此等偷開礦廠皆係貧民若盡行禁止何以爲生地方文武官作何設法使窮民獲有微利但不得聚眾生事乃令

石渠餘紀卷五

差

廷臣集議 諭曰有礦地方初開時禁止乃可若久經開採貧民藉爲衣食之計忽然禁止恐生事端總之天地間自然之利當與民共之不當以無用棄之要在地方官處置得宜耳乃定未經開採者仍行嚴禁雍正元年巡撫金世揚奏貴州漢苗雜處每場市貿易少則易鹽多則賣銀行錢不便請停採銅鼓鑄二年總督孔毓珣請開採以濟窮民 諭曰昔年粵省開礦聚集多人致盜賊漸起是以永行封禁夫養民之道惟在勸農務本若舍本逐末游手望風而至豈能別其姦良况礦砂乃天地自然之利非人力種植可得焉保其生生不息今日有利聚之甚易他日

利絕散之甚難若招商開廠以致聚眾藏奸則斷不可行也三年江西巡撫裴倬度奏廣信府封禁山相傳產銅舊名銅塘山明代即經封禁其中樹石充塞荒榛極目無沃土可以資生康熙五十九年檢獲匪類之後搜查並無藏匿請仍封禁爲便尋又封禁雲南中甸銅廠又以湖南撫臣布蘭泰疏奏開礦事宜亦 諭以逐末之民易聚難散六年 賜安南國鉛山四十里時粵西請採銅以供鼓鑄梧州芋茨山報產金砂旋准開滇蜀銅鉛各廠八年湖廣總督孫嘉淦奏會同宜昌金礦及各縣礦廠或屬苗疆或妨田園廬墓或產砂細微應嚴加封禁惟郴桂二州既非

石渠餘紀卷五

差

苗疆又無妨礙應聽採抽稅於鼓鑄有裨九年總督那蘇圖以粵東鼓鑄難緩見有礦廠可開兼爲撫養貧民之計宜酌量試採砂旺即開砂弱即止至金銀二礦民多競趨恐轉礙鼓鑄應照舊封閉十六年湖南巡撫楊錫綬奏黑鉛礦內銀鉛並產康熙雍正間銀氣旺盛是以經商開挖報抽銀稅後經封閉乾隆七年復開出銀無幾改爲砂課今銀氣復旺應復銀稅另立科條二十六年甘肅開騷狐泉礦礦自後滇之通海彌勒黔之清平廣西融縣先後報開鉛廠五十一年總督福康安奏開甘肅沙州金砂嘉慶四年廣東於黎地試採石碌銅斤總督吉慶以地濱海洋

且額已短缺奏准停止訓 聖

紀硝磺

雍正十年經略鄂爾泰奏武備軍威火器最重火藥宜精惟是揀材置料硝易而磺難硝賤而磺貴外省採買價費浩繁肅州地處極邊磺一斤直銀一二錢艱於接濟查嘉峪關外金佛寺堡所屬汛地自南山隘口抵朱魯郭迤西有磺山周環四五十里並無番夷住牧若開採煎熬工費不過五分而出產甚多用之不竭得旨開採固為有益但日久不無盜賣之弊著開採足用即行請旨時以河南出產硝磺禁私販乾隆二十一年令各省辦磺附辦民磺

石渠餘紀卷五

老

為煎銀煉藥之用二十六年總督楊應琚請復開甘肅皋蘭騷狐泉磺礦並濟口外軍需大學士傅恆覆查今回部庫車等處俱有磺礦從前用兵曾經採用即伊犁一帶當日準夷亦用槍礮可見口外不乏磺斤應交各大臣體訪採購以省內地辦運之煩時湖南湘鄉安化煤礦夾產硫磺自二十五年定煤聽民用磺則官收至二十八年巡撫陳宏謀奏積磺至九萬餘斤計湖南北領買每歲不過五千餘斤若因磺多封禁則禁磺兼以禁煤於民未便恐至私創偷漏請令鄰省赴買又以各省軍火需磺少而需硝多硝出土中視陰晴為衰旺向來鄰省委員零星收買硝

戶轉得私售莫若令地方官於出硝時即收買貯局以備鄰省赴買之用二十九年湖北各營歲需硝五萬餘斤於松滋巴東鶴峯長樂等處煎用土磺從總督吳達善請也先是皆從豫省採買五十一年西安局貯火藥三十餘萬斤火繩三十餘萬丈恐年久朽壞請酌撥各營以供操演

紀鹽法

順治二年戶部議邊商納粟原為邊計今中外一統防兵無多應令運司召商納銀於是罷邊商中鹽之法今則例山東商人每引納粟一石乃前後商接頂互輸非實納於官也康熙七年革陝西州縣按畝銷引徵派累民之弊九年巡鹽御史席特納徐旭齡陳准

石渠餘紀卷五

夫

商六苦三大弊乃勒石禁額外私派時耿向二藩私人侵奪鹽利民大擾吳藩亦暴增黑井課額三藩平乃罷之二十七年廣東巡撫朱宏祚奏掣鹽之地多一盤查即多一穴費省城掣定之鹽至佛山免其重掣從之四十三年勒石禁兩淮官胥陋例雍正初以通年正項多虧申其禁於各省並遏止商人奢靡積習二年廣西總督孔毓珣請官運官銷可減鹽價併得盈餘充地方公用已議行矣旋以督臣奏言福建將鹽院衙門及商人盡行裁革鹽課均攤各場州縣照數收納殊覺簡捷但閩粵地方懸殊若地方官赴場納運必委之家人衙役非設鋪分賣中飽花銷即

分發地里拔戶勒派乃僅罷場商委官收鹽仍留埠商運銷完課惟無人充商之地州縣領運行銷是年以鹽差歸併各督撫 論之曰鹽釐之弊飛渡重照弊之在商者猶少加派陋規弊之在官者更多一引之課增之數倍官無大小按引分肥商人安得不重困賠累日深配引日少官鹽貴而私鹽橫行皆加派所致至將耗羨歸正額恐正額之外復加耗羨商民何以堪此時以兩淮鹽不敷用於離場遠處每引加鹽五十斤三年巴東地浦鹽泉是冬東河池鹽獻瑞不需人力滋生七百餘萬斤六年福建督臣高其倬奏團產零散難稽請設總倉統歸收貯且免水淹兩

石渠餘紀卷五

五

溼之患又以開鹽初係商行後改官賣近復用水客肩販請暫令水客行銷官運接濟俟三年無誤僉商請引八年令川省產鹽州縣釐戶照商行銷其不產鹽及出產不敷者照商行運免山東青登萊票課攤入地糧十一年革粵商私收漁戶餉餉及場市鹽菜鹽魚私稅十二年令粵省增價收買餘鹽乾隆四年浙江總督盧焯奏餘鹽以備平價乃出易之時派費甚重消耗無著賣價必增停其收買七年兩廣總督慶復以沿海鹽漏太多改作稻田數經兩洗即可種藝以絕私販之源始定開鹽歸商請引戶部覆奏准總督那蘇圖奏福建額徵正課九萬四千餘兩嗣照

瓊州阜戶征課之例裁革官商有雜費歸公銀八萬二千餘兩共十七萬餘兩定為正課又前督郝玉麟以水客承充酌定盈餘銀十四萬一千餘兩定為盈餘課額夫雜費歸公以官裁也至官復設而歸公如故酌定盈餘以銷多也至銷不多而盈餘如故蓋不獨開鹽為然也初淮南煎鹽用盤鐵後添鑄盤角較鐵煎費省而產多十二年葺漢口常平倉貯未銷積引二十年河東鹽款借買蘆鹽蒙古鹽及花馬池鹽接濟及修築鹽池後又開濬原封之六小池二十四年令粵西土民食鹽雖改設流官仍責土司運售不必設引以免漢奸交通之弊考 本朝鹽法志成於

石渠餘紀卷五

五

康熙二十二年尚未大備謹就所見鈔撮大略次引課次私鹽而歸之郵商使知征商出於不得已司國計者毋徒自顧考成而壅遏 朝廷寬郵之澤致不下究也

紀引課

行鹽有引則有課課則有重輕引目有多寡謹案我朝開國行鹽一百七十餘萬引徵課銀五十六萬兩有奇自各省漸歸版圖順治十六年行引四百餘萬課亦遞增十七年御史李贊元奏兩淮鹽引日增請照長蘆河東兩浙例加課不加引康熙四年以粵西丁少民貧減額引三之舊額一萬時戶部議准粵商請令湖南郴州分引辦課二三千餘引

論以郴民既食粵鹽是食鹽之民已寓稅於買鹽之內而認稅之商已浮稅於賣鹽之中乃不准行二十年停奉天銷引令民自行貿易二十九年免直隸宣化行引聽民自煎食五十三年四川戶口歲增巡撫年羹堯請加增鹽引乾隆元年浙江總督嵇曾筠奏兩浙正引七十餘萬雍正七年前督臣李衛請增十萬部議贏縮隨時不拘定數後必欲取盈遞增至二三十萬上年冬掣不敷正額請停領餘引從之十六年河東奏遞增餘引本爲廣濟民食例准儘銷儘報並未責其按數全完何至領運不前藉稱運本銷乏或由商人以餘引既有領額不敢過爲減少司權

石渠餘紀卷五

三

政者因視爲考成所繫未便任其盈縮懸殊爲此鯁鯁過計既屬餘引嗣後部臣不妨量爲酌准於是准減四萬道而旋復又減隨時不同是年以來歲運河挑淺預運准鹽十萬引寬其課限十八年長蘆增餘引七萬道二十三年以兩廣鹽餉名目紛雜核爲額引十七萬併入六十萬引之內別給餘引五萬旋山東亦增餘票惟兩淮有提綱之例二十九年戶部奏兩淮年行綱引一百六十餘萬乾隆十一年請預提綱鹽年銷若干先期約數請領歷年酌請二十萬至四十萬不等蓋兩淮正引已多不設餘引正鹽不敷輒提次綱而竝不立之定額至引地時有更改康熙

初改江西吉安府湖南衡永寶三府食准鹽二十五年改江西南贛二府仍食粵鹽旋以河南陳州項城等處改食蘆鹽以較准引道平運易也乾隆初古州新開始行粵鹽凡引地寫遠之處官鹽難至則病民鄰鹽既至又病商雖時調劑猶不能以無弊惟同一鹽政而彼此銷售難易通融請撥則有請輒行康熙初改撥淮北引於甯國和州二十七年廣東巡撫朱弘祚奏定東莞增城等縣無地非鹽官引難銷請與官引不敷之處酌量增減自是粵引屢有改撥之請四十九年令湖廣鹽引無分南北一例通銷乾隆十年以後兩淮食引壅滯屢請酌撥綱地行銷自餘引

石渠餘紀卷五

三

迭增各省亦間酌量改撥今行引之地與其數與其期載在令甲按籍可稽惟舉所見因革大略如右若夫額課所供上關國計取自道光二十一年起各省遞年實徵之數表之於左俾司權者有考焉

直省鹽課表

遵戶部山東司開載定額列各課總目於前分各省歲課於後並山西司道光二十一年實徵數目而缺所未見

- 一曰竈課通額徵六十四萬二千七百三兩有奇
- 二曰引課通額徵四百六萬千五百四十五兩有奇



三日雜課通額徵二百六十五萬四千七百二十三兩有奇

奇

四日稅課兩廣貴州額徵六萬五百十兩有奇

五日包課通額徵五萬六千三百九十八兩有奇

凡課之別五歲徵七百四十七萬五千八百七十九兩有奇

行額引竈鹽歲額道光道光引課價引課二十二二十二地一年二年五年九年歲實徵實徵實徵出

石渠餘紀卷五

長蘆

行銷引一百二十八場每斤額徵銀六五七同二同二同二一千直隸萬六千四徵銀錢自十四萬七千二百七十五...

兩淮

南行南引百三十三每斤額徵銀三二百二百同二同二三同三同三同三同三同三同三同三同三同三...

東山

行銷引五十五八場每斤引票額徵十萬九千八百八十二千山東萬五百道徵銀錢自銀三十一萬七千五百九十八...

石渠餘紀卷五

東河

行銷正餘引七萬八千零四分五釐每斤引課徵銀五十五萬五千四百三十三...

兩

行銷引七十萬二千九百九十九場每斤引課徵銀四十四萬四千四百四十二萬...

浙		福建		廣東		西廣	
安設九十八道	道徽銀二十	行銷九十三	每斤斤額徵銀	廣西四十五	廣東八十一	廣西九道	廣東九道
道每引票千	文不	道每引票千	文不	廣西九道	廣東九道	廣西九道	廣東九道
行鹽三百	兩報	行鹽三百	兩報	廣西九道	廣東九道	廣西九道	廣東九道
至四百斤	不	至四百斤	不	廣西九道	廣東九道	廣西九道	廣東九道
等徵銀一	錢九分	等徵銀一	錢九分	廣西九道	廣東九道	廣西九道	廣東九道
至四錢	零	至四錢	零	廣西九道	廣東九道	廣西九道	廣東九道
錢九分	零	錢九分	零	廣西九道	廣東九道	廣西九道	廣東九道
至四錢	零	至四錢	零	廣西九道	廣東九道	廣西九道	廣東九道
燈零不	等	燈零不	等	廣西九道	廣東九道	廣西九道	廣東九道
百九十八	萬	百九十八	萬	廣西九道	廣東九道	廣西九道	廣東九道
道每引票千	餘	道每引票千	餘	廣西九道	廣東九道	廣西九道	廣東九道
行鹽三百	兩報	行鹽三百	兩報	廣西九道	廣東九道	廣西九道	廣東九道
至四百斤	不	至四百斤	不	廣西九道	廣東九道	廣西九道	廣東九道
等徵銀一	錢九分	等徵銀一	錢九分	廣西九道	廣東九道	廣西九道	廣東九道
至四錢	零	至四錢	零	廣西九道	廣東九道	廣西九道	廣東九道
錢九分	零	錢九分	零	廣西九道	廣東九道	廣西九道	廣東九道
至四錢	零	至四錢	零	廣西九道	廣東九道	廣西九道	廣東九道
燈零不	等	燈零不	等	廣西九道	廣東九道	廣西九道	廣東九道

石渠餘紀卷五

川四		雲南		甘肅	
湖四水引	道徽銀二十	雲南道給	票課徵銀	甘肅道	引七萬
道每引票千	餘	雲南道給	票課徵銀	甘肅道	引七萬
行鹽三百	兩報	雲南道給	票課徵銀	甘肅道	引七萬
至四百斤	不	雲南道給	票課徵銀	甘肅道	引七萬
等徵銀一	錢九分	雲南道給	票課徵銀	甘肅道	引七萬
至四錢	零	雲南道給	票課徵銀	甘肅道	引七萬
錢九分	零	雲南道給	票課徵銀	甘肅道	引七萬
至四錢	零	雲南道給	票課徵銀	甘肅道	引七萬
燈零不	等	雲南道給	票課徵銀	甘肅道	引七萬

石渠餘紀卷五

貴州

廣東引地

五兩至一兩一錢七分三釐不等

應稅徵銀實徵相符二千無歲七千六百相符相符二百支十五兩移加開解本省藩六百兩有奇

共徵銀二萬八千八百九十五兩有奇  
共徵銀額共徵銀四萬九千七百九十八兩有奇  
應銀七萬九千八百九十五兩有奇  
慶十七年百九十五兩有奇  
會典

石渠餘紀卷五

表

外有課稅移解各該省藩庫奏銷者  
山西陽曲等州縣土鹽額徵稅銀萬七千八百餘兩  
陝西漢中延安鄜州等處鹽課額徵銀七千四百餘兩  
花馬大池馬湖峪等處鹽課額徵銀千五百餘兩  
以上統共每年額徵課稅銀七百五十萬二千五百七十九兩有奇

紀鹽禁

小民以利扞罔者二曰私鑄私鹽私鑄非濫惡於官錢無所獲利而私鹽非美且賤於官鹽亦無所獲利特以引課上佐度支故不得不立之厲禁 世祖入關威令嚴肅姦民未敢犯乃誘滿兵販私車牛成羣弓矢入市 詔捕治之順治十七年御史李贊元言糧艘回空夾帶侵准綱數十萬引之地且糧艘利速回早赴下運若夾帶耽延時日害鹽政亦害漕規乃令沿途嚴禁於揚州鈔關逐船查驗雍正初稽察漕私於運河口六年嚴官引私銷之禁時湖廣鹽貴姦商以汝甯各縣所行准鹽運售湖廣轉以蘆鹽私售汝甯所過州縣以為利而汝甯終歲不銷一引謬謂

石渠餘紀卷五

表

民間不願食官鹽派銀奏銷為民累乃令州縣督銷時准鹽南侵浙引不行令於鎮江開口緝私浙江總督李衛議覆江南請行私鹽連坐十家之法言兩鄰甲長治罪已足蔽辜若因一人株連同甲罹法者繁畏罪隱匿轉恐難於稽查惟大夥窩囤聚眾拒捕者坐及同甲從之而兩淮各場因用保甲法立竈長稽查又禁竈戶私置煎鹽盤鑿及火候舉伏不以時乾隆元年禁商人私願鹽捕及巡船汛兵以除擾累旋以總督嵇曾筠請改為官役其貧民易食之鹽四十斤以下不在禁例自 國初著令至今不改今略舉私鹽數事以見其類之不一而令行禁止之不易易

若督銷緝私則具於各部則例云

紀河東鹽法篇上是篇木 皇朝通考參以會典事 例其採用 他官書者則注明所本

故明中葉河東鹽課銀十二萬兩有奇以給宣大山西三

鎮宗祿兵餉其後徵歛煩苛鹽法大敝私販繁興明以前 見蔣兆

奎河東鹽法備覽 國初革除加派河東行鹽四十二萬餘引引

徵銀三錢二分則嘉靖間原額也時以巡鹽御史劉今尹

言革票歸引今尹疏見備覽略云舊例鹽地附近十三州 縣官丁榜採者商人按引輸課引二百斤十

引輸課三兩二錢此官引也商人自備工本榜採者七分

為官引三分抵工本免課官給票以別於私鹽請教部畫

一畫汝甯歸兩淮畫臨洮鞏昌歸甘肅是為後來遵行之

引地惟懷慶 順治十三年始增引十萬行之三歲乃停新 後改

石渠餘紀卷五

五

引而攤課於舊引之中康熙十四年以後加課者再又計

丁加引四萬餘二十四年以後停徵加課改懷慶三萬餘

引歸長蘆至三十三年復加課十五萬餘兩時勒貝為鹽 政許桓齡為

運雍正二年仍加餘引十萬議定額引不敷始行填給已

行者儘數題報積存繳部時 憲廟飭除各省鹽法陋例

積習類申 誥誡五年鹽政碩色報河東地鹽獻瑞不需

人力滋生七百餘萬斤味甘如飴案唐大歷宋大中祥 符河東皆產瑞鹽 下

其疏戶部昔晉人謂鹽為寶潤下之氣融結鬱積將出而

大佐縣官之用瑞鹽之生示不愛寶然官錢公務增額課

九分之六實在此時官錢公務 詳見後 先是歲用羨銀修鹽池渠

堰至是又以餘引羨餘修築池牆歲費萬餘金乾隆十六

年鹽政西甯以餘引遞年存積請停領十之三 上諭餘

引本為廣濟民食例准儘銷儘報並未責其按數全完何

至領運不前藉稱運本消乏或由商人以餘引既有額頒

不敢過為減少司權者因視為考成所繫未便任其贏縮

懸殊此過計也既屬餘引嗣後不妨量為酌准乃下三省

會議尋戶部奏晉省太汾甯武三府遼沁平定忻代保德

六州例銷河東引或食本地土鹽或食蒙古達鹽州縣按

引徵稅名曰鹽稅乾隆五十一年巡撫兼鹽政伊桑阿奏 太原汾州等四十四州縣向食土鹽課

兼買阿拉善鹽地丁交納土鹽不敷 陝西鳳翔府長武一縣例銷河東

石渠餘紀卷五

五

引食花馬池鹽州縣按引徵課名曰鳳課二者引既無多

稅課不誤無可置議惟晉省平蒲澤潞四府解絳吉潞四

州乾隆四十三年巡撫富明奏隰州並太甯永和地處萬 州山之中鹽運不進請改食上鹽課攤地丁統徵分解

陝西西同二府邠興乾商四州豫省河南南陽二府陝汝

二州襄城一縣例銷河東之引食河東池鹽俱商人認地

銷引額引不敷請領餘引接濟自雍正至乾隆五六年陸

續增引二十四萬道今請減過多應將續增四萬道暫為

酌減從之未數年而西甯薩哈岱先後奏復原額仍為二

十四萬道原 兩朝增設餘引之意本以為活引以時補

救民食之乏匱而不必取盈於商非專為增課也願官司

鈎稽之法惟無定額者方許隨時增減若既立之額無論  
餘羨改撥皆與正額同官司所奉行考法 純廟諭旨所  
云法外意也且餘引非徒濟民食之不足又以散池產之  
有餘乃自乾隆二十年以後頻歲以池鹽歛收奏請借配  
蘆鹽二十一年蒙鹽二十二年又以蒙鹽道遠至不如期請借花馬  
池鹽二十四年蓋白餘引定額不患食多而引少又患引多而  
鹽少於是薩哈岱請寬二十五年額引於二十七年清繳  
減領餘引七萬道增鹽價斤一釐下大學士公傅恆議准  
而駁其所請違商頂補不過一時權宜之計惟當以經理  
鹽池為急務池產果旺商買莫不爭先至近歲收買蒙鹽

石渠餘紀卷五

聖

甚少皆由小民煙茶布帛貿易而來此時禁之過嚴恐防  
民食將來查之不力必礙官引宜因時整頓以副 上意  
時河東課額四十二萬九千兩有奇較 國初為三倍之  
入見甲申會典 三十年鹽政李質穎奏配引外尚有存鹽 上  
諭或照兩淮配用餘引以濟民食兩年復餘引五萬至四十九  
年又復 三十九年池產又缺奏開原封之六小池四十一  
年以潞商疲乏日多定五年一更換謂之短商時瑞齡為  
至四十七 四十三年以後裁河東鹽政歸巡撫兼管或言  
百物貴賤皆當與時消息河東定價而後鹽法病自二十  
六年加增二釐旋又暫增二釐一請展限四十年再請作為

定價五十年充窮鹽法利病不繫乎此此乾隆五十年以前  
河東鹽法之大略也

案明以前河東鹽法詳於雍正八年 敕修河東鹽法  
志至乾隆五十四年蔣兆奎為運使輯河東鹽法備覽  
於明代及 本朝典故尤詳其課項流源篇云嘉靖二  
十七年河東正鹽四十二萬引每引納銀三錢二分後  
增至六十二萬引歲課十九萬兩有奇四十年鄧懋卿  
培克獻媚增浮課四萬三百兩旋復原額鹽引篇言萬  
歸改屬長蘆減引十五萬又減歷十六年開  
餘鹽五萬仍為四十二萬引 天啟開大工置帑加派  
八千餘兩以濟土木之用崇禎加新餉四千再加練餉

石渠餘紀卷五

聖

七千歲額復至十九萬兩 國初革明加派實行引四  
十萬九千餘道額課十三萬兩有奇每引仍為順治十  
三年以軍需不給增引十萬尋除新引而攤課於舊引  
之中每引三錢歲徵十六萬餘兩康熙十五年以軍需  
每引加銀五分十七年復加七分十八年御史傅廷俊  
清查窳鹽加引四萬餘道於是歲徵二十三萬兩時每  
五錢一分二十四年御史李時謙奏停五分加課二十八  
年御史郝惟謙又奏停七分加課至雍正初年歲課僅  
十七萬餘兩會典事例載康熙三十三年加河東鹽課  
三年川陝總督兼管鹽務年羹堯裁革陋規加增河東

引項每額引一名百二十引 收官錢銀十一兩公務銀二十四兩有奇旋以額引不敷又增餘引十萬自後至乾隆初年先後共增餘引二十四萬儘銷儘報後乃旋停旋止其餘引則官錢公務之外每名又收公費銀六兩合之各雜項歲額遂至五十一萬餘兩

又案嘉慶十一年九月侍郎英和等會議山西鹽務疏內有云臣等博訪兼諮檢閱舊案晉省商人賠累實緣從前以賤價定爲長額他省鹽由煎熬故歲產有定河東則由澆曬每視天日陰晴以別豐歉而牽輓不易運本又多從前因地制宜以池產之豐歉與腳價之重輕

### 石渠餘紀卷五

聖

按照成本長落隨時不復限以定制商民兩便從無勒派富戶之事自乾隆八年鹽政吉慶倡議定價十年鹽政眾神保就見行賤價定爲長額不准增減而商人始困迨後紛紛告退無人承充鹽政薩哈岱不得已爲舉報股戶之計數十年來人始視爲畏途厥後歷任鹽政或復請增價或更議換商屢經調劑而總無良法自改歸地丁自行販運而百姓久無食貴之事云云讀此亦可得乾隆間濫鹽大略其歸咎於定價又曰屢經調劑總無良法殆有微詞焉觀備覽所載故明及本朝以來引課歲額沿革增損之數實濫鹽利病之大源而池

產款收蓋其偶耳

又案會典事例康熙十六年裁河東運同運副運判並三分司至二十四年李時謙請復經管池員疏略云池衝水漲鹽花不生今已六歷寒暑查姚暹渠所以馮條山諸谷之水渠南鹽池渠北民田必須兩岸築隄自免盜決據運使張鵬翻詳趁此東作未興集夫修築鹽池關繫國課渠堰又關繫鹽池二十餘萬之錢糧五百家之商命全賴專員管理請於前裁三分司中量復一員詳見讀此見鹽池特有渠堰不可不修且當時潞商蓋五百餘家以十倍後日之商人乾隆開僅五十八家辦減半後此

### 石渠餘紀卷五

聖

之課額時二十三萬兩巡鹽若李若郝猶時時請減加課務以恤商迨後課日增商乃日少謹附載於此俾司權者有所考焉

紀河東鹽法篇中是篇本純廟實錄參用國史列傳

乾隆五十年以後各省商鹽告疲江西山西尤甚五十六年三月江西巡撫姚燾奏建昌界連福建多私鹽純廟察其弊飭議酌撥引地轉移鹽課旋以兩淮鹽政全德執奏事寢不行見實錄五十六年三月庚子五月甲申時河東亦以商力疲乏急須調劑上聞上以河東引鹽行銷三省加價派商久爲民病乃銳意整頓授馮光熊山西巡撫調甘肅布政使

將兆奎為山西布政使先是兆奎以河東運使入 觀  
 上問調劑潞鹽之策以課歸地丁為便對及光熊至京  
 命與軍機大臣議其事尋軍機大臣奏臣等會議課歸地  
 丁計畝攤徵富戶既免籤商貧民得食賤鹽誠屬利便至  
 池雖民產須官經理以免爭端計每年所出鹽抽稅若干  
 於歸入地丁鹽課內扣除俟光熊抵任與兆奎詳勘商辦  
 五十六年六月議未定而山西署巡撫布政使鄭源璉疏  
 庚申 實錄 至謂課歸地丁之議雖意在恤商民食諸多未便惟將疲  
 商抽換另募殷戶承充 上責源璉非實 諭曰晉省籤  
 商向為富戶之累地方官藉此譌詐富戶畏懼充當罄貨

石渠餘紀卷五

鹽

圖免百弊叢生前令馮光熊蔣兆奎議奏恐地方官向受  
 鹽規聞課歸地丁必紛紛稟阻今鄭源璉果以為不便顯  
 為官吏留需索地步該藩司在晉八年想亦均霑餘潤今  
 已調任河南河南亦有行銷河東引地倘從中阻撓必一  
 併治罪 是年六月乙酉 實錄 於是中外知 上志先定浮言乃息  
 其年八月光熊體察情形入告略言河東商力既疲換商  
 實屬無濟加價又迄無底止若課歸地丁聽其自為販運  
 既無官課雜費又無兵役盤詰關津留難更為便益至歸  
 課之法山西省領引餘鹽四十四州縣有引多而地丁少  
 者有引少而地丁多者更有向食土鹽蒙古鹽僅領河東

引額納稅之陽曲等四十四州縣及陝西鳳翔一府長武  
 一縣本屬參差不齊且以河南陝西山西三省比較河南  
 引多地丁少二省引少地丁多或將三省課額四十八萬  
 餘兩在於三省引地一百七十二屬地丁項下通計均攤  
 於是議地丁一兩攤課九分有餘而河南引額較重應酌  
 量增攤 是年八月 實錄 次年正月河南巡撫穆和蘭奏豫省正  
 賦外尚有攤徵河工歲料幫價等款較他省稍多所有應  
 攤鹽課照原議酌增三分有餘每地丁一兩攤銀一錢三  
 分其兩省應徵本省鹽課並代攤河南幫課每兩攤銀九  
 分九釐已無缺額 見 實錄 五十七年正月又案會典事 例載 五十六年奏准三省攤徵之數 山

石渠餘紀卷五

案

西鹽徵二十八萬一千一百一十二兩陝西鹽徵一十四萬六  
 千三百七十七兩河南鹽徵八萬六千六百三十三兩各有奇  
 共攤徵五十一萬三千二百一十二兩光熊以歸課事宜條列具奏  
 六百八十三兩有奇 二月光熊以歸課事宜條列具奏  
 日課銀應年清年款各解本省藩庫雖遇蠲免地丁之年  
 不在應蠲之列也日部引停領免納紙硃銀也日無許地  
 方官私收稅錢也日鹽政運使運同經歷知事庫大使三  
 場大使俱請裁汰也日運城地方移駐河東道彈壓鹽池  
 周百二十里請將鹽池長樂聖惠三巡檢司分管三場巡  
 緝也日鹽池照舊歲修也日三場仍立官平鹽身以杜爭  
 端也日課項內有併餘積餘等銀應分別攤免也日運阜  
 運儲二倉穀石應分別歸併存借也日鹽政應支各款各

就近省藩庫動支也如前夏等處將軍養廉內開又言應  
解內務府之歸公節省河南唐縣裕州有歸公及向解運  
庫之麥租等銀安邑縣有麥租改解藩庫惟酌留公用銀俟冊  
到再議次第經軍機大臣議覆竝從之是年二月三月  
車駕幸五臺面詢光熊兆奎奏言晉省自弛鹽禁鹽價俱  
減民間無攤課之累有食賤之利是月陝西巡撫秦承恩  
奏報西安等處鹽價有減無增逾月穆和蘭亦奏河南自  
更定章程各屬鹽斤充斥價直減落七八文至三四文不  
等 上得其奏一 批以嘉悅一 批以欣慰 諭曰鹽  
課改歸地丁原期商民兩便利歸於下自改行以來價即

石渠餘紀卷五

聖

減落可見調劑得宜其效立應鹽斤為閭閻日用必需之  
物價直既賤小民每日皆有節省以日日節省之數完一  
年應攤之課自有贏餘今所奏相同洵為有利無弊是年  
乙未及四月於是 賞光熊黃馬桂花翎國史閏四月光  
熊報池產旺盛 諭曰向來晉省引課未能辦理裕如總  
以池產不旺為解自課歸糧輸鹽歸民運商販絡繹較前  
多至加倍有餘是池鹽本旺從前派商勒索商人視為畏  
途遂藉詞卸責今販運流通著該撫隨時稽查毋任吏胥  
滋弊閏四月己又 諭課歸地丁效驗甚速此議實將兆  
奎所倡今能始終承辦甚屬可嘉著加恩賞戴花翎是年

五月 召光熊入京十二月擢兆奎山西巡撫國史此  
河東鹽改歸地丁之大略也至嘉慶十一年同興為山西  
巡撫金應琦為藩司而有河東復引招商之舉

馮光熊浙江嘉興人乾隆丁卯舉人以中書起家五十  
六年四月由湖南巡撫調任山西次年五月 命來京  
授貴州巡撫平松桃南籠等處苗匪有功嘉慶初入為  
侍郎遷總憲卒國史其撫晉未久潞鹽之事實兆奎  
一人始終任之蔣兆奎字陝西渭南人乾隆丙戌進  
士以知縣起家四十四年任山西澤州同知升知太原  
府四十九年擢河東鹽運使五十四年遷甘肅布政使

石渠餘紀卷五

聖

五十六年調任山西次年代光熊為巡撫嘉慶二年病  
免再逾年起清運總督屢以運丁費用不敷請每石加  
津帖一斗併輕濟改收本色 上以事同加賦不許兆  
奎先後求去以費清代之 命來京授侍郎 上知其  
官聲清潔授山東巡撫侍衛明安進香泰山回奏山東  
墩汛不修傳 旨申飭兆奎復以老疾乞代 上責其  
始終任性執拗本應治罪姑念其廉名素著 加恩以  
三品銜休致比歸而御史周斌劾兆奎宜來京請罪乃  
悍然不顧逕自歸里 上察其實奉旨回籍也原之七  
年卒國史史臣曰嗟夫自古能為國家興利除弊有



不由廉吏者哉兆奎歷究財賦清名為 上所知跡其不合求去未免近於矯激然視脂韋者相去遠矣且明安之愬周栻之劾胡為乎來哉為 國家去弊一即眾人失利百謠誅益至賴 聖主始終保全之耳後之人見任事之難每動色相戒然兆奎宦晉前後幾二十年為運使者六年為巡撫者七年卒無有疑其沾潤者桃李不言下自成蹊詎不信哉

增記

先是乾隆四十七年山西巡撫兼鹽政農起疏請增鹽價並停短商有云臣數月以來廣諮博訪均稱商力難

石渠餘紀卷五

五

支實別無經久之法惟有歸鹽課於地丁盡去商人聽民販賣自能流通等語查商運民銷良法豈可遽易若盡去商人聽民販運竊恐今日之私梟盡為他時之官販不惟姦良莫辨稽察難周且以三省民販聚集運城竝無統屬將來千百為羣攘奪滋事亦難保其不有且既聽其自運即應任其私售勢必龍斷病民在耕作農民既為販鹽之人代納課項而所食之鹽又屬貴價流弊更無底止自未便輕議更張案此所言撤商之弊談游鹽者亦不可不知利之所在龍斷奪攘勢所必至也及讀謝振定知恥堂集載其覆初撫軍書云時初彭齡為雲南巡

撫鹽歸民銷一事僕寄書相商而閣下適先行之顧有不可不防其弊者僕聞之晉人曰教匪之興由於鹽課之歸地丁也始農中丞以籤商之難又蒙古引鹽雜出民受其累故奏請更張而商人圍鹽尚多不得不賤售也游民猶得居奇壟斷而徐散之楚蜀秦豫犬身相錯之地遂大獲利邪黨勾結致為禍階此事人未之知故補告之俾閣下善其後圖焉云云案雲南鹽歸官運計口賦鹽民不堪命嘉慶四年初彭齡為巡撫因前督臣富綱奏請罷官鹽改民運彭齡又酌為變通大意謂不分井地聽民販運遠近任其所之故振定致書及之然

石渠餘紀卷五

五

彭齡此舉實出漢民於水火至於今是賴書中所言教匪之興由課歸地丁考嘉慶十一年復引招商彭齡實參其議疏中蓋未之及晉人之言不知何據教匪起襄荆隨在誘脅固不能無鹽徒入其中而非其發難之端也至云農中丞更張成法則振定之誤農起為山西巡撫兼鹽政在乾隆四十七年至五十年八月卒於位課歸地丁在五十七年時馮光熊為巡撫且農起請增鹽價疏長慮卻顧方以更張為戒未可以禍階委之斯人也聞晉人言昔者汾水逼晉陽城將圯農中丞躬率畚築擇水衝地自當之水為之卻道光二十一年請祠名

官因請謝集均載於此

嘉慶十七年四川鹽商控價病民無業之人聚眾販私

與官為敵總督常明遠請課歸地丁聽民興販 諭曰

此議若行姦民趨利若鶩為害滋甚且川省與兩湖毗

連私販順流而下浸灌淮網諸多窒礙常明身任封疆

不為地方計及久遠於鄰省顯分畛域除所請不准行

仍交部議處

十七年十二月 聖訓

紀河東鹽法篇下 是篇本 仁宗實錄參用 嘉慶十一年十七年奏稿

河東課歸地丁聽民販運不復問其所之嘉慶初年山西

撫臣屢請於晉豫關津給票驗放 上恐晉索滋弊不許

七年正月巡撫伯麟奏九年六月 至十一年始議復引招

商會阿拉善王瑪哈巴拉獻吉蘭泰鹽池於是吉鹽歸併

河東行之數年不便而罷吉蘭泰鹽池者在甯夏邊外賀

蘭山之西阿拉善額魯特旗所屬沿邊蒙古鄂爾多斯蘇

尼特諸部皆產鹽 嘉慶十三年六月山西省奏請將兩部 鹽斤照老少鹽免稅部議令酌定人數

設法稽查詳 聖訓 吉池最遠味甘而產多舊行山西口外五廳

並大同朔平兩府兼濟太原四十四州縣土鹽之不足邊

民販運由殺虎口河堡營黃甫川輸稅而入先是乾隆四

十五年恐侵濫網禁之四十七年 上念河東鹽廠 命

議運吉鹽至臨縣潞商領買行銷巡撫兼鹽政農起 以後 皆業

石渠餘紀卷五

聖

石渠餘紀卷五

聖

管會羅卜藏多爾濟于托克托城傳諭商人眾言前此兼

買口鹽以道遠費鉅奏停今濬鹽收存八千餘萬無須接

濟農起以聞乃請開禁聽邊民輸稅販賣 時農起以口鹽 不遜或致土鹽

價貴故請弛禁見 嘉慶八年 聖訓 五十二年 西巡五臺旺親班巴爾

作請吉鹽改由水運巡撫伊桑阿奏言前撫臣農起禁吉

鹽用大船木筏運至臨縣四出私售蓋太原等處原非全

賴吉鹽若聽外藩運舸而來不特語言不通且自托克托

水程千里至臨縣積口鎮下接平陽之吉州鄉甯與秦豫

皆一水可通恐侵河東引地惟陸販無多藩民生計不足

臨縣至河東引地尚有二三百里應聽運至積口貯岸零

星售販不得載至下游部議允之蓋潞課未歸地丁以前

吉鹽已行於晉北固難定其不浸淫逾越也逮潞商盡撤

聽民自銷而口鹽水運地界益無譏察由是越境行銷而

池鹽轉不能暢行於晉省遂至私越楚豫准引歷年為滯

於是借山 時兩淮 奏運潞潞鹽定額給票並停吉鹽水運

嘉慶八年八月事又九年四月 諭旨從前課歸地丁原 因籤內 事富戶求免轉改籤地方官私肥囊欲絕

其弊原殊不知改歸地丁則窮民小戶轉代殷實之家輸

納鹽課本未平允况池鹽偷漏利總在民若口鹽侵占到

處行銷必致閭閻脂膏漸為外藩盤 剝殊有關繫云云以上並見 聖訓 尋旺沁班巴爾身故

內地嚴緝私販禁邊民出口吉鹽中廢嘉慶十一年甘肅

疆臣以移咨阿拉善續派吉鹽池商入告 諭曰蒙鹽入

日本有例禁嗣定地行銷迨河東課歸地丁蒙鹽因此侵越今因查拏馬君選吉蘭泰並未撈鹽當趁此熟籌安辦從前課歸地丁原非經久無弊之法著英和等是年二月侍郎英和借內閣學士初與沿途各督撫會議奏聞尋同興疏請復彭齡鞠獄西甯與沿途各督撫會議奏聞尋同興疏請復商英和等亦自甘肅疏言阿拉善請將鹽池歸公竝查訪蒙古不能挖運懇照河東一體招商阮元學經室文集吉蘭泰鹽池客難篇言阿拉善王瑪哈巴拉任回民馬君選等販鹽侵濬淮乃執回民罪之瑪哈巴拉懼而獻其地同時奏至又諭曰此二事相為表裏據同與擬以商招商又稱小民難與慮始可見招商不易民人不願充商自因賠累今英和奏吉池產旺蒙古性拙耽安不能撈取計莫若將蒙

石渠餘紀卷五

五

鹽河東鹽一併招商以有餘補不足庶可行之永久前蒙古販運係私鹽若一併歸商則皆官引不待多方立禁私販自無乃令英和等將設官定界輸課事宜竝給阿拉善王賞項會籌具奏六月欽差與陝甘督撫倭什布方維甸及同興先後會奏言潞鹽獲利未豐吉鹽池產較旺一併招商以有餘補不足報充自必踴躍山西殷戶多於甘省准晉民充甘商仍令山西兼轄毋庸另設鹽政查晉商賠累由從前以賤價定為常額懇仍照乾隆十年以前按本科價其河東引地一百一十九處暢滯勻配以免偏枯從前課稅攤入地丁者除土鹽之稅核實酌留餘悉歸商完

納至吉鹽向由船運至山西省北所有山西兼食吉鹽之處查照實銷定引又改陝西神木等八州縣食吉鹽吉蘭泰為撈鹽之地磴口為發運之所河口鎮為入晉停泊要區各設大使一其陝西對岸有鄂爾多斯鹽侵越磴口龍王廸以下延切即非吉鹽引地均設官稽查事下大學士九卿議從之惟言不定價直恐漫無限制俟一年酌中定價又會奏言自乾隆四十七年蒙鹽行銷內地五十七年潞課改入地丁從此晉豫各省聽民販運不免口鹽侵越晉地潞鹽侵越淮綱兩淮課甲天下國計所關今河東鹽既歸官應合兩淮通盤籌畫查河東引行豫省在在與

石渠餘紀卷五

五

淮北毗連淮鹽課本重大潞鹽價直較輕另行募商難保不走私漁利倘令淮北殷商兼辦河東引票則彼此皆其網地偷越無虞盈絀亦堪調劑且淮南半係晉人情形尤悉其長蘆行銷豫省引地亦與河東接壤蘆商本有晉人與淮南商同辦晉鹽較有神益又言吉鹽產旺價輕易侵他省時英和奏吉鹽尚有由甘肅運秦入嘉慶八年定入口陝西隴州分途入楚侵越淮綱之路船五百隻每載二萬八千斤共四萬餘引今應加引增課從之夫潞商兼辦吉鹽此上旨也以淮南商兼辦潞鹽未有上旨也戶部此奏兩奏皆戶部主稿毋亦曲體商情商人習見吉鹽之利而不圖其害耳不然則解池去吉池已

數千里淮蘆場窳更遠在東南所謂風馬牛不相及其不能兼顧明甚且引分秦越而地錯犬牙者隨在皆是又能使同爲一商否邪自吉鹽議歸潞商又議出口撈鹽之坐商甯夏造船之本商委曲繁重商情疑畏且逆計河東有商則各護引地吉鹽無利可圖是年十月應琦奏河東舊商五十八家已招四十家再容招足以供配掣其磴口運至托克托之鹽已別委新商試辦旨詰以潞鹽口鹽分爲兩事與原議不符且何必拘定五十八家之數強令湊足令撫臣再議越月巡撫成齡竟以招足五十八家入告又言晉商不諳口外情形且以一家承辦數處不能兼顧

石渠餘紀卷五

書

就地勢而論吉池在黃河上游北鄰甯夏解鹽池在黃河下游地接豫秦相去三千餘里歷來不能越險行銷原無須潞商兼辦況河東鹽行三省引課較多獲利亦厚吉引雖七十二處每處三萬石年銷二千一百萬斤計八萬七千餘引每引二百四十斤徵課六萬餘兩引課有限獲利無多潞商亦無須兼辦且言應琦在晉多年商情尤熟口鹽潞鹽必應分辦事下戶部議行蓋應琦深慮墮課急在招商以爲百足不僂之計故不得不曲爲之說所言吉鹽不能越銷潞商獲利已厚然耶否邪然吉鹽實則無利十五年河東增價五釐潞商僅足自給而吉商頻年虧課誤運招充

乏人改爲官運引復不行十七年 命侍郎阮元巡視之四月奏言官運不難難於官銷愈運愈滯若因滯銷兼顧課額勢不得不派之州縣認引督銷州縣非虧那倉庫卽擾累閭閻是能銷之弊更甚於不銷斷難無弊適河東道茅豫奏禁水運吉鹽併下元議於是議吉引終不可行於內地先後與巡撫衡齡奏請吉池救還阿拉善停其歲賞歸藩戶撈曬以資生計禁用運船陸販者照各蒙古例每百二十斤輸稅四分五釐入口裁新設各官初議猶以吉引之地歸潞商行鹽輸課既終恐道遠誤運乃於潞引六十二萬餘道之外包吉鹽八萬七千餘引視潞引不足之處隨時指配名爲活引於潞課六十萬之外河東課額前萬此六十萬據鈔本奏稿疑有謬字包納吉課六萬三千餘兩凡內地悉遵舊制無所更改蓋潞商撤而吉鹽始利水運通則潞鹽必病二者無俱利之勢數年以來內外計臣議分議合卒至潞商包納吉課而後已至蒙鹽有礙官引已見於數十年前以前忠勇公傅恆之奏而今 予告大學士阮元所言官運能銷之弊甚於不銷則尤司計者藥石之言也

石渠餘紀卷五

書

案戶部見行則例河東正引三十八萬一千三百二道餘引二十四道都六十二萬餘道其徵課曰正課百二十引徵銀五十兩曰官錢公務百二十引徵銀三十五

兩有奇日公費百二十引徵銀六兩凡正引不徵公費  
每引徵七錢九釐餘引內二千六百四十道與正引同  
其餘彙徵公費每引徵七錢五分九釐除陝西鳳邠興  
三屬二萬四千九百五十道祇完納正課引額在六十  
二萬道之內  
其課攤入地丁凡加吉蘭泰裁改餘引八萬七千五百  
九千九百餘兩 道每引亦七錢五分九釐凡歲徵鹽課雜項銀五十一  
萬兩有奇每引鹽二百四十斤行山西省平蒲澤潞霍  
解絳七府州屬河南省及隰州之蒲縣陝西省西同興  
鳳商邠乾七府州屬河南省之河南南陽二府惟舞陽  
不行河  
東陝汝二州及許州之襄城

石渠餘紀卷五

五

又山西陽曲等州縣土鹽引課一萬七千餘兩河南唐  
縣裕州歸公銀一萬七千餘兩安邑等縣地租蘆課等  
銀一千兩澤潞節省銀二萬兩河南鹽歸銀一萬七千  
餘兩由各州縣徵解藩司不在河東額課之內  
又河東帑本共銀二十八萬四千兩歲輸息三萬八十  
兩

增記

戊申正月取會典山東司所載各省竈課引課雜課稅  
課包課五項核計天下歲徵鹽課銀七百四十七萬五  
千八百七十九兩有奇內河東歲額五十三萬七千三

百四十七兩有奇嘉慶十  
七年額以戶部山西司道光二十二  
年紅冊核計二十一年各省實徵鹽課四百九十五萬  
八千二百九十兩有奇內河東鹽課五十三萬六千三  
百兩有奇二十二年各省鹽課實徵四百九十八萬一千  
八百四十五兩有奇內河東鹽課五十三萬一千三百  
六兩有奇又二十五年紅冊各省實徵鹽課五百六萬  
四千餘兩內河東五十三萬四千三百五十五兩有奇餘年  
紅冊  
尚未因紀河東鹽務互載於此

增江西建昌鹽政 諭旨

乾隆五十六年三月庚子 諭軍機大臣曰姚瑩奏粵

石渠餘紀卷五

五

浙兩省毗連江境之處堵緝私鹽尙易爲力惟建昌府  
屬界連閩省之區路徑較多堵緝稍難必須於各要隘  
添設卡巡廣爲堵截方收實效等語各省行鹽分引畫  
界各銷各地原以杜越境販私之弊但必酌遠近情形  
使民間食鹽不至舍近求遠去賤就貴方爲妥善卽如  
姚瑩所奏建昌私鹽多從福建販入可見建昌一府雖  
例食淮鹽而距淮南二千餘里閩省邵武汀州等處不  
過二三百里較淮南近至十倍其鹽價自必貴賤懸殊  
欲百姓舍近賤而食遠貴原非正道卽禁閩鹽不入江  
境顯屬有名無實不知從前定例時何以不將鄰閩府

分就近行銷耶他如湖南之永順湖北之宜昌等府與川境毗連私鹽俱從川運入以此類推各省多有在鹽政等各有額定引課所謂出納之吝不甯通融辦理殊不知建昌與閩省相近永順宜昌與川省相近何妨改食川閩引鹽所有應徵鹽課即移至該二省輸納如此轉移不特便於民食即私販亦無從影射其弊可不禁而止即直隸豫東江浙閩粵山陝甘肅雲貴等省向例銷引地方有相離較遠之處或可改歸就近省分庶民食國課兩無妨礙但行之既久一涉更張恐致滋擾扞格難行著傳諭各督撫酌量情形悉心核議如能不動

石渠餘紀卷五

五

聲色與鄰省彼此磋商調劑可省許多緝私之繁竝著會銜詳議具奏總以不畏難而又不滋事爲安四月庚午二十日諭曰昨據孫士毅奏酌籌建昌府屬各隘添設卡巡朕以爲有名無實交部核議據戶部奏私鹽易售之故總由舊定銷引之處距出鹽地方過遠民間買私勢所必至雖添設卡巡仍屬有名無實且令商人徒靡費用所奏均毋庸議已依部議行竝著長麟全德前往詳悉妥議速奏矣欲令民舍近求遠舍賤買貴不但其勢有所不能且於情理亦未平允今准添卡增役商人運鹽路遠所費已屬不貲復層層糜費商人不能不

於鹽價內取償則病民益甚其弊不止病商長麟見署兩江總督著即前往與全德一全至彼會同姚某妥議竝知會閩省督撫會商辦理此係發令之始若江西辦有規則各省即可仿照更定至從前定地必有成案可稽全德兩准鹽政接奉此旨即查明定例因何不按遠近定立疆界又行之已久何近年方有此弊商人行銷納課是否早經賠累一面先行覆奏一面會同長麟前往百五里寄辛未復諭曰建昌府屬緝私一事分地行銷不始近年若向有賠累因何不早思變計以情理揆之殊不可解或係歷任鹽政以額引有定撥一府即少一府

石渠餘紀卷五

五

鹽課未甯通融辦理抑私鹽充斥查緝不易即使以建昌劃歸閩省而私販越過建昌仍可隨地闖入他府則改撥亦屬無益是以不必更張再或商地各有窩本置同產業不甯撥歸鄰省甯可添卡添兵長齡等踏勘情形悉心籌議覆奏五月癸未諭曰本日召見書麟詢以江西建昌鹽務所奏與新降諭旨大略相同蓋小民惟利是圖祇知得尺則尺得寸則寸如建昌劃歸閩省則私販即可越建昌沿及撫州雖設卡巡緝亦恐不能闌截商人運遠費增書麟亦奏商情多有不願何以又請添設巡卡或通緝有公攤幫帖之處長麟全德據實

查辦不必迴護前旨六百里甲申 諭曰據全德覆奏所言甚是內稱若將建昌一府改食閩鹽恐撫州等府漸有私鹽闖入於通省鹽務有關是以該處向係減價敵私合通省綱力派出公費帖補與朕昨降諭旨相同從前酌定行銷引鹽運道全藉關津山隘得以稽察遮關若舍此久定之界聽其就便行銷則平原豪無阻隔鄰鹽逐漸侵入必致無所底止且以通綱之力資助建昌該商竝無賠累況於關隘可為門戶堵截閩私自應照孫士毅等奏設立巡卡增派兵役以絕私販之路至江西如此他省可知此事竟不必更張以悉仍其舊為

石渠餘紀卷五

奎

是長麟全德如未經出境即不必前往如已赴江西祇須將各隘口如何設卡巡緝可絕私販之處核定具奏毋庸再議畫歸閩省之事是月丙申畢沅等奏永順宜昌兩府年額不過銷三千餘引准商竝不爭此綱地實係恃此數處險隘為蔽私之地如改食川鹽實有難行之處 諭曰此事已降旨照舊辦理無事更張矣畢沅所奏與諭旨相合惟所稱永順龍山等四縣如遇准鹽不能接濟仍令零星買食川鹽但不得過十斤以上一節所言殊屬未當使百姓以買食川鹽奉有明文遂致逐漸增多無所底止如十斤之外加增數斤地方官豈

能獲戶稽查平驗如果私販鹽斤事經發覺自當按法懲處若係官鹽不能接濟零星買食地方祇可行所無事所謂民可使由之不可使知之所奏定以十斤之處不必行將此各傳諭知之六月乙巳二軍機大臣議覆署江西總督覺羅長麟等奏稱請於建昌府籤商設總店所屬四縣設子店分銷課引照閩省時價斤減二文私販無利自止再於各要隘嚴密巡緝兵役拏獲梟販即將鹽貨車船頭匹全行賞給竝咨會閩省於交界處委員查堵得 旨依議速行

紀惟商井鹽

石渠餘紀卷五

奎

凡買運有無皆商也而定以數使不得多寡別以地使不得南北布以官吏節節譏稽惟鹽為然若井若場竈又力作自食以供賦稅比於南畝者也 國初除明苛政與民更始順治二年令河南江南北鹽課照前明會計錄原額徵收凡明季加增新餉練餉雜派皆罷之官吏分外科斂者重罪特免各省本年鹽課三之一四年以後平閩平浙平粵皆免前明苛派方招撫四川免鹽課一年八月 世祖新政禁各鹽差御史收解課外餘銀十七年巡撫張所志奏四川每鑿一井費中人數家之產請三年起課得比田地開荒康熙四年免各省舊欠錢糧竝及鹽課以早免

山東鹽課九年停鹽課全完及溢額議敘十四年軍興需餉每引加銀五分事平亟罷之停兩淮預徵次第免福建廣東長蘆天津新增課額二十八年免河東鹽池租三十八年 上南巡罷兩淮加增課額又減兩淮年額二十萬兩浙江三萬餘兩乾隆初年以湖北歲歉湖南過兵分淮南綱課帶徵免場窳舊欠於滇裁課外盈餘以平鹽價革煙戶分派食鹽免鹽井規禮於粵革餘平又以鹽貴增斤改引十一年免海州贛榆帶徵場課自後各省場窳屢邀恩澤十四年長蘆鹽臣麗柱以大軍凱還需餉請飭各省增課 諭曰金川用兵供億固為浩穰但公帑所儲儘

石渠餘紀卷五

奎

足供用且康熙十四年原因開國未久正供缺乏今時勢懸殊豈可援以為例麗柱著交部議處十六年免兩淮追繳貴價盈餘自後省方所至或增加綱食引鹽以便民食或展緩奏銷及帶徵期限以紓商力又免長蘆加斤天津餘引輸課仍時戒商人不得貴價以病民四十七年免淮商提引餘利二百萬兩次年以未完一百六十餘萬兩全行豁免而長蘆河東屢以商本不敷酌增鹽價益恤民裕商本屬一事見於十六年 諭旨者至詳且盡今謹錄於右必也官無病商勿病民庶為各得其所哉

紀茶引

國初召商茶與西番易馬上馬給茶十二篋中馬九篋下馬七篋茶十斤為一篋所中馬壯者給邊兵牝者付所司牧孳順治十四年七監馬大蕃以茶馬變價充餉十六年從達賴喇嘛及于都台吉請於北勝川以馬易茶康熙中以蘭城無馬可中將貯茶配充俸餉每封抵銀三錢巡視茶馬之員亦旋罷五十八年廷臣議覆都統法喇疏言蒙古及西番人民皆藉茶養生今松潘茶價甚賤青海一路積茶必多應暫行禁止俟其懇請再酌定數目令其買運至裏塘巴塘令營官造具番塞戶口酌量定數於打箭爐一路視番情之向背以為通禁蓋外番所不產而必需者惟茶操

石渠餘紀卷五

奎

縱之即可駕馭之雍正八年定川茶徵稅初論圍論樹至是乃計斤兩略增其稅陝甘商銷茶引領交官茶十三萬餘篋初以中馬後乃折徵於是有腹引邊引土引之分以時增減其額凡行銷坐銷與截截之法會典皆載之乾隆間甘省五司茶封日積乃搭放各營俸餉洮河二司地處偏僻旋即裁汰二十二年以哈密存茶七萬餘封與哈薩克互市二十七年總督楊應琚議官茶壅滯將商人應交二成課茶折色俟陳茶將完再收本色兼於新疆搭餉凡茶引各省有無多寡不等直隸奉天山西河南福建兩廣無茶引餘省或多或少或有課有稅有紙價各省不同自中馬納課輕重亦不同浙江以茶課辦 上川黃茶



既停中國無所資於外番誠能視其向背以為通禁則可以制其死命又邊引之課無多非鹽利上佐度支者比籌國者不必言茶利誠思所以用茶固國中之大利哉

案茶課除江浙額引由各關徵收無定額湖廣江西課不過十餘兩即甘肅四川號為邊引亦祇六七萬金而已據通考

紀酒禁

康熙二十八年 盛京早禁燒酒糜米穀乾隆二年準奏天津關按季差役往東安等六縣查稅油酒民居不比過關商販且額無一定勢必苛求擾累得 旨永行停止

石渠餘紀卷五

查

通州油酒雜稅旋以停罷時議立北五省燒鍋釀麴禁令各省督撫覆奏大抵以開行販者宜禁而本地零星釀造宜寬款歲宜禁而豐年宜寬惟陝西省奏稱秦俗本儉民間祭祀慶弔不得已而用酒若禁燒酒用黃酒專需細糧轉於民生不便且邊地兵民藉以御寒勢難驟禁甘省則以本非產酒之區毋庸設禁乃令因地制宜併定違禁律五年御史齊軾以京師九門每日酒車銜尾復請禁之 諭曰豐稔之時正宜講求儲蓄孫嘉淦飭屬窮緝不得姑容至於零星沽賣不得過為深究倘將一二小戶查拏塞責致閭閻滋擾而姦商巨賈轉以納賄脫然事外藐法公行則地方

官之罪更不可追十四年福建布政使永甯請嚴販運紅麴紅糟之禁夫酒禁自古有之漢以後時權之以為利我朝本無權酤之官修其禁令為民謹蓋藏而已矣

石渠餘紀卷五

查


石渠餘紀卷六

紀關稅

或曰周人田賦以什一為制至重本以抑末則徵權之數諒必加於計畝此說非也古者關市無征周禮關市之賦以待王之膳服而已設關權貨充軍國之用實自後世始我朝沿歷代之制關津抽稅始順治二年元年時關差普免增設多員聖祖親政飭諭曰每官一出必市馬數十匹招募書吏數十人沿途騷擾任意需索商賈恐懼不前百貨騰貴天下通行河道何以此朕灼知今日商民之困

石渠餘紀卷六

著仍每關設官一員其徼回之員戶部不得妄咨勤勞吏部不得更與銓補二十六年濟關監督桑額稅溢常數以私封便民橋學之五十三年以後臨清鳳陽各關次第改交巡撫委官征收時南新關監督某問巡撫王度昭錢糧如何不缺告以從寬征收斷不欠缺已而果然上感其言故有是命世宗即位飭濟聖龍江等九關交巡撫委官兼管先是關差每多報盈餘以邀優敘八年諭曰落地稅銀非正項錢糧有定數者可比侵隱欺匿者固當加以處分而爭多鬪勝者不但不當議敘亦當與以處分下部臣定議搜求需索以致盈餘倍於正額者令督撫題



參加級不得過三級以示限制十二年令督撫稽查監督糾其縱容滋擾者乾隆初圖理琛奏請各省稅務歸旗員管理諭曰各省委辦稅務率多道府等官並無滿漢之別如滿洲有任道府而廉潔自愛者何嘗不可派委而必定以為例乎六年令各關盈餘增減據實造報諭旨見通考二十七卷十四年部臣請定盈餘缺額處分諭曰當康熙年間關差各有專員恣意侵蝕不但無盈餘並不敷正額雍正開一番清理於是盈餘報者相屬而缺額從未之聞自朕御極政尚寬大盈餘歲減一歲將漸開虧損正額之端夫盈餘無額而不妨權為之額當雍正十三年正諸

石渠餘紀卷六

弊肅清之時亦豐約適中之會嗣後盈餘成數視雍正十三年為準著為例而部臣稽核猶用上屆比較之法至四十二年卒定為三年比較五十一年各關徵收多有短絀以上年各省旱災免其賠補蓋關稅之弊在官吏之漏卮而不患商賈之免脫搜求愈嚴賣法愈利商愈病帑愈虧謹案開國之初即革明季加增稅額凡官吏之侵漁關津之留難屢有厲禁又刊稅例木榜於各關每部臣請嚴缺課處分必諄諄告戒以累商病民為慮雖國計所必需不能不立之定額而常抑務財用之臣司權者所宜不侵格不病商以稱朝廷之德意哉今錄現行則例正額盈

餘以近歲徵收之數增焉其米糧稅課之徵免與夫海關洋船之舊例別記於後

直省關稅表

遵會典首列戶部二十四關次工部五關以所載正額盈餘均爲定額並列山西司紅冊道光二十一等年實徵數目有歸併各該省地丁項下奏銷者亦增載定額戶部貴州司二十四關

定額道光二十道光三十道光三十留支

一年實徵二年實徵五年實徵九年實徵歲出

崇 十萬二千三百二十二萬三十一萬三十一萬三十二萬三萬五千七百七十五三千六百六十五千六百三千七百一十三兩

石渠餘紀卷六

三

<b>文</b>	兩銅斤水十六兩有十一兩有二十七兩三十九兩二錢五分 腳亦併入奇 有奇 有奇
<b>門</b>	正額盈餘 無定額 萬兩盈餘餘萬二千四百萬一千七百六十三兩有二十二兩 無定額 八兩有奇百十七兩八百八十三兩有二十二兩
<b>左翼</b>	萬兩盈餘餘萬一千二百萬一千三百萬一千七百六十三兩有二十二兩 無定額 百兩有奇百十八兩有奇三兩有奇十一兩有六十二兩
<b>右翼</b>	無定額 奇 奇 奇 七錢
<b>坐</b>	萬二千三百萬二千三百萬二千三百萬二千三百萬二千三百萬 百二十九百八十七百八十三百八十九百九十九兩有奇
<b>糧</b>	兩有奇 兩有奇 兩有奇 有奇 分
<b>廳</b>	三十二萬二千五百萬二千五百萬二千五百萬二千五百萬 八千六百五千七百九十二兩千九百九十九兩千九百九十九兩
<b>淮</b>	八千六百五千七百九十二兩千九百九十九兩千九百九十九兩

安 七十九兩六十兩有四兩有奇有奇 六兩有奇六兩九錢一分儀數

澗 四十四萬二十七萬二十七萬二十七萬二十七萬二十七萬  
一千五百二十五百九百八十二百三十三百三十三百三十三

野 十一兩有奇 奇 有奇 兩八錢四分九釐

揚 十六萬三千六百八十一萬八十一萬八十一萬八十一萬八十一萬  
千七百九千八百八十七百五十四千四百五十一千四百五十一

州 十兩有奇 奇 奇 十三兩有奇四百五十分三釐

蕪 二十二萬二十七萬二十七萬二十七萬二十七萬二十七萬  
九千九百二千九百八千六百四千四百三十四千三百三十四

湖 十九兩有奇 有奇 有奇 有奇 三分

石渠餘紀卷六

四

<b>關</b>	七萬四千四百萬二千四百萬二千四百萬四千四萬四千四萬 三百七十六百十二百三十七百八十一百九十二
<b>新</b>	六兩有奇兩有奇 兩有奇 兩有奇 兩有奇
<b>鳳</b>	十萬七千十萬七千九萬六千十萬七千十萬六千儀數撥支 百五十九百七十九四百三十二百七十二百三
<b>陽</b>	兩有奇 兩有奇 一兩有奇八兩有奇有奇
<b>關</b>	六萬五千五百萬七千七百三十三萬九千七百二千儀數撥支 九百八十四十六百八十八百二十九百九十九
<b>江</b>	兩有奇 有奇 五兩有奇一兩有奇七兩有奇
<b>海</b>	九百八十四十六百八十八百二十九百九十九
<b>關</b>	兩有奇

天	津	關	臨	清	關	九	江	關	贛	北	新	關	浙	海	關	閩	海	關		
六萬八千八百三十八萬三千八百二十五萬三千四百四十九	百五十六萬六千八百八十二萬四千五百二十五萬四千八百九十	兩有奇	四萬八千五百五十二萬五千五百九千八百五十六萬八千	三百七十九萬九千五百四十四萬三千四百四十三萬九千	六兩有奇	五十三萬五千六百五十三萬四千五百五十七萬五千七百	九千二百二十九萬九千六百八十八萬四千七百九十九千	八十一兩三千二百六十八兩有奇	八萬五千九百三十八萬二千九百九萬三千九百三十八萬五千	四百七十四萬八千八百七十一萬八千四百七十三萬三千四百	兩有奇	十八萬八千八百八十八萬八千八百八十八萬八千八百八十八	千五百三十三萬五千六百八十二萬五千五百八十二萬五千五百	兩有奇	七萬九千如額	九百八兩	有奇	十八萬六千九百九十二萬七千八百五十九萬三千八百六	千五百四十四萬六千四百七十九萬五千九百五十二萬二千	十九兩有奇
兩有奇	兩有奇	兩有奇	六兩有奇	六兩有奇	奇	奇	奇	奇	奇	奇	奇	奇	奇	奇	奇	奇	奇	奇	奇	奇
八分	七分	五分	八分	八分	五分	五分	五分	五分	五分	五分	五分	五分	五分	五分	五分	五分	五分	五分	五分	五分
錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢

太	平	關	粵	海	關	山	海	關	張	家	口	殺	虎	口	歸	化	城
十二萬八千三百五十三萬五千五百一十一萬八千五百六	千七百七十五萬二千二百五十二萬五千六百四十三萬一	五兩有奇	八十九萬八千六百二十二萬二千三百四十二萬八千七百七	九千六百四十二萬八千二百六萬二千九百九十七萬七千六	四兩有奇	十一萬一千六百七十六萬七千七百六萬七千六百九十四	千九百一十萬六千六百三十三萬九千九百九十四	九兩有奇	六萬五千二百四十四萬二千二百一十一萬二千二百一十二萬	六十一兩有奇	三萬二千九百九十九年	三萬二千九百九十九年	三兩有奇	萬六千六百三十二萬四千二百三十二萬二千六百五十五	百兩又錢五百六十三萬六千四百八十七百四十四兩二錢二	九千串	五兩有奇
奇	奇	奇	奇	奇	奇	奇	奇	奇	奇	奇	奇	奇	奇	奇	奇	奇	奇
錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢	錢

除銀三百六兩有奇九兩有奇百九十七兩有奇  
 九十八萬  
 九千二百  
 二十三兩  
 有奇又錢  
 九千串

工部五關

定額 道光二十道光二十道光二十  
 一年實徵二年實徵五年實徵九年實徵歲出

龍 十一萬二九萬五千九萬五千九百十二萬九  
 千六百七十七百四十九十九兩兩有奇 百三十七  
 兩有奇 兩有奇 有奇

江 十三萬六十一萬二千七萬五千一百一十一萬七十一萬七  
 千八百五十一兩有奇四十七兩千九百九十八千八百一

蕪 十三萬六十一萬二千七萬五千一百一十一萬七十一萬七  
 千八百五十一兩有奇四十七兩千九百九十八千八百一

石渠餘紀卷六

七

湖 十三兩有奇 有奇 六兩有奇兩有奇

關 五萬六千五百九千五百八千二百六千二百七千  
 六百八十四百二十五百四十九百三十六百四十四  
 四兩有奇六兩有奇三兩有奇四兩有奇八兩有奇

遷 八千三百六千六百五十六千二百二十四年七千四百  
 七十二兩十五兩有八十九兩奏銷七千五百三十三兩  
 有奇 有奇 二百七十有奇 一兩有奇

臨 八千三百六千六百五十六千二百二十四年七千四百  
 七十二兩十五兩有八十九兩奏銷七千五百三十三兩  
 有奇 有奇 二百七十有奇 一兩有奇

版 八千三百六千六百五十六千二百二十四年七千四百  
 七十二兩十五兩有八十九兩奏銷七千五百三十三兩  
 有奇 有奇 二百七十有奇 一兩有奇

南 四萬九千三百如二十一如二十一如二十一  
 四百六十四十七兩年 年 年 年  
 九兩有奇有奇

以上工部二十一年二十二年二十五年二十九  
 年核銷各關共徵收二共徵收二共徵收二共徵收三  
 額定正稅十九萬二千四百九十七萬二千三百三  
 盈餘銀三千五百八十九百三千五百四三百六十  
 十六萬三千九百有十六兩有十八兩有六兩有奇  
 千九百八奇 奇 奇

通計戶工各戶工各戶工各戶工各戶工各戶工各  
 部額定各關本年徵關本年徵關本年徵關本年徵  
 關正稅盈餘收額盈餘收額盈餘收額盈餘收額盈餘  
 餘銀四百餘四百二餘共四百餘共五百餘共四百  
 三十五萬十萬七千十三萬四萬五十一萬七十萬四  
 二千二百六十九百五十五千四百四十八百七  
 八兩有奇五兩有奇兩有奇 十五兩零十四兩零

石渠餘紀卷六

八

紀雜稅 凡地丁之外賦於民皆為雜賦其目曰課如  
 田租公地公田官房租新疆商舖租是也曰租如旗地租學  
 曰稅其目頗多分擇其切於民者著為篇

事有其細已甚而關民生之利病者故雜稅不可以無紀  
 雜稅有身稅有木稅煤稅有契稅凡官身定之以額擇其  
 人輸稅領帖以充身行民閒懋遷有無評物價以助市政  
 若瓜果菜蔬日用之物私立身行名色者禁之屢禁州縣  
 於定額之外私添身帖及胥役冒充為民害凡邊外木稅  
 康熙閒特准商人於殺虎口外大青山採木輸稅入口二  
 十四年定山西納穆山木稅時議給與蒙古山價既可為  
 貧乏養贍之資而材木運入內地又可供官民興作之用

蓋口外諸山前代爲匠石不經之地蓄積既久菁華日獻  
視內地庇縱尋斧者相懸萬萬自樵蘇不足而煤利興久  
之透開遞竭乾隆初特准開熱河八溝等處煤窰又定山  
東海審立一窰戶民地以地主爲戶官地以領帖輸稅之  
人爲戶禁不得雇用外地人夫以防流弊四十六年以煤  
價昂貴准於西山擇地開採又案會典凡買田租房必用  
布政司契尾自田文鏡創爲契紙契根之法書吏夤緣爲  
姦雍正十三年節禁之乾隆初乃復契尾之法凡括契典  
稅之例後又定契價千兩以上者不在內  
者送道府稽查即現行事例 若應城之石膏稅大宛二  
縣之鋪面行稅殺虎口之農器稅烏魯木齊之鋪面園圃

石渠餘紀卷六

九

稅凡以稽查出入少取之而無害於民至於無名之征朝  
聞則夕革夕聞則朝革如 開國時免錢塘仁和開架房  
丹徒丹陽馬折銀江陰青浦養牛稅廣東雜稅雍正時除  
京師琉璃瓦兩廠民屋計棟榦稅免黔省遵義各山場  
小稅乾隆間除近海單桅漁船稅天津葦蕪課閩廣竹筴  
取魚埠頭養鴨稅江蘇沿城構屋地租廣東加增埠租漁  
稅又免泰山及湖北太和山香稅浙江玉環漁船塗稅  
歷朝以來苟有以便民惟恐不及而未嘗稍有恠惜蓋纖  
悉不可備書第記所見之大略如此

康熙間除江甯市廛輸鈔

雍正三年免臺灣鳳山番婦計口輪稅  
乾隆間免甘肅河西隨征馬糧浙江雲和坑爐稅除江  
南雜辦城租碾餉等款江南網戶鱗魚折色

紀米糧稅

康熙三十五年令海商運米天津正稅之外免其雜費五  
十五年永平饑開山海關米禁六十年停淮安等關米稅  
一年時屢免暹羅海船米穀之稅乾隆元年江南水免各  
關糧稅御史王文濟請米船過關給與印票令到災區售  
賣送官鈐印回空查銷偷運別處者倍罰然守候稽遲且  
一地而販運者多不能轉移鄰邑及改免鈐印聽便繳銷

石渠餘紀卷六

十

二三年畿輔旱疊免天津臨清糧稅時淮陽挑濟運河役  
夫數十萬恐物價騰貴免淮安關米糧柴灰等稅六年免  
官運糧稅七年普免直省各關米豆二麥稅然稅額雖免  
而糧價愈昂臣工屢以爲請乃征收如舊并 諭以地方  
偶遇偏災即將該處加恩寬免則估船聞風而雨集駢儉  
不得居奇轉得權操自上案米糧有稅疑若重征然運糧  
累舫趨急而幸災實射利之尤者徒以流轉足以濟飢與  
囤積有閒故征而不禁偏隅偶歉立沛 恩膏轉移調劑  
之權誠於是乎在矣

紀邊外互市

我朝撫定華夷東自朝鮮北自內外蒙古以達俄羅斯西自青海衛藏新疆及哈薩克莫不職貢通市自天命開基卽與朝鮮互市順治開以遣使多人滋擾定遣正副使二人以往康熙開其國請停互市不允恭讀 御製海運賑濟朝鮮記康熙三十六年朝鮮國王李惇奏比歲荐餓八路流殍嶺懇中江開市貿穀朕立允其請次年二月命部臣於天津截漕水陸運米三萬石內加資者一萬石朝鮮舉國凋瘵盡起中江者朝鮮互市處也若蒙古貿易亦各定地 國初令喀爾喀於張家口古北口貿易康熙間令厄魯特於張家口歸化城貿易惟噶爾丹四大台吉

有巢餘紀卷六

十一

得入市京師自索額圖與俄羅斯定界二十八年乃立界碑遂通市易三十六年令鄂爾多斯於定邊花馬池貿易此皆北邊之互市也若新疆則順治初卽定吐魯番貢使市物之數康熙間准哈密互市乾隆二十二年令甘肅口外與哈薩克交易馬駝牛羊爲軍營之用自天山左右咸入版圖南北各城皆有市集或貨物互易或錢銀羅買十日一集十分抽一以爲常於藏遺官借刺麻監督打箭爐貿易康熙三十九年於青海則河州松潘西甯隨時貿易雍正三年惟違禁之物均不得闌出各邊若夫軍前之有市易康熙間發帑於征羅利軍前市易牛羊糧米三十五年大軍征噶

爾丹斥軍市於一里外令各營夸蘭大嚴司約束其市駝馬軍資者別爲一營雍正二年聞阿爾泰軍營一豬之價十餘金他物稱是以耗費錢糧嚴飭禁止偷賣者許出兵人取用無禁雖金鼓倥偬逐利者未嘗不至尤宜嚴申軍令云

紀海舶米糧

市舶之設利一而害十所謂利者非課稅之謂米糧是也康熙初卽禁江浙販米出洋四十七年僉都御史勞之辨請撤海關一槩不許商船往來以絕私販然海禁已開不可驟止部議第令各海口稽查食米外多帶至五十石以

有巢餘紀卷六

十二

上者入官六十年暹羅國人言地饒稻米一石直銀二三錢 諭令販運三十萬石於閩粵甯波免其稅雍正二年米至粵得 旨暹羅國王不憚險遠進獻稻種果樹茶順可嘉令地方照時價發買特免歷船貨稅其後至各省免米稅如例時以閩浙產米不敷弛南洋之禁令民得往貿易十三年呂宋麥收歉薄載穀至閩易麥提督王郡以聞許之乾隆八年定外洋運米貿易者萬石以上免貨十之五五千石以上免十之三時運三四千石者亦得邀免并 諭以若民間米多卽官爲收買以補常社各倉或散給兵糧俾洋商得沾實惠并宣諭該國王知之十三年令商人暹羅買

米得造船運回該國木料甚賤十六年以購運洋米官商  
孰便詢疆臣督臣喀爾吉善奏暹羅地廣不過百餘里產  
米並無一定官赴採買難免居奇十八年復言過洋之米  
不能日久貯倉不如聽商採買隨其多寡皆足有濟民食  
次年定運米二千石以上分別議敘之例蓋海濱斥鹵開  
禁之後商漁生聚日繁往往待哺於賈舶茲故於市舶之  
外別爲篇

紀市舶

順治四年總督佟養甲奏佛郎西國人居濠鏡澳互市有  
年後深入省會激變遂行禁止請復通商裕國案是時廣東初平

石渠餘紀卷六

三

養甲招降海上四姓賊而海賊馬元生等眾數萬內犯討  
平之明閣部陳子壯尙書張家玉復起兵犯廣州修養甲  
奏請移大同兵五千防勦部議徵順治三年額銀四分之  
一以給軍養甲以粵省遭寇掠奏緩之時軍餉告匱故爲  
此請部議前事可鑑止令在澳貿易八年廣東都司劉世虎  
巡海遇風至廣南其王差中國人趙文炳送歸時方嚴海  
禁 特旨慰諭文炳還國船貨免其人官十二年荷蘭人  
貢降 敕獎資定八年一次來朝員役毋過百人令二十  
人到京貨物在館交易不得於廣東海上私賣康熙初議  
定外國非貢期不得貿易時僅准荷蘭暹羅各一次五年停止二十三年准  
暹羅貢船於虎跳門市易時海外平定臺澎設兵乃開各  
省海禁聽民貿易商船五百石以下者烙號給票驗放出

洋惟大船及夾帶軍器硝磺諸禁物者舉之免各國貢船  
納稅二十四年監督宜爾格圖言粵東向有東西二洋諸  
國貿易市舶司收稅明隆慶五年定丈抽之制按船大小  
爲額西洋船九等東洋四等 國朝因之但往日多載珍  
奇今係雜貨請減其稅從之三十三年禁商人在外國造  
船并暗帶外國人入口旋又令漁船改造雙桅以便裝載  
編刻商漁哨船字號以便查稽蓋肅海洋必先清船政即  
內地臺澎來往之船亦令於廈門盤驗非收船者免重稅五十五  
年 上聞南洋葛刺巴爲紅毛泊船之所呂宋爲西洋泊  
船之所兩處藏匿盜賊內地之人載米而去賣船而歸甚

石渠餘紀卷六

南

有畱在彼處者不可不預爲措置時上海巡撫蘇州府  
海貿易多至千餘艘又訪聞海船桅木產自中土龍骨必  
來者不過十之五六又訪聞海船桅木產自中土龍骨必  
用廣東鐵梨笏木海外無此偷賣者詭稱遭風乃飭禁商  
船往南洋貿易於海壇南澳截畱凡賣船與外國者斬所  
畱外國之人行文令其解回又 諭以明代卽立沿海礮  
臺應令地方官設立又 諭海外如西洋等國千百年後  
中國必受其累 國家承平日久務須安不忘危時時夷  
馴擾海盜晏如 仁廟防患未然如此然南洋以產米足  
濟內地其禁不久旋開五十七年原任碭石總兵陳昂條  
陳海上諸國形勢陳昂福建同安人習海道康熙王成隨  
靖海侯施琅平澎湖又奉施將軍令出



人東西洋訪鄭氏遺黨凡五載敘功再遷至碭石總略曰  
 兵權廣東副都統子倫烟號查齊著海國圖見錄 略曰  
 東海惟日本惟大其次琉球西則暹羅為取東南番族甚  
 多如文萊等數十皆小邦惟葛刺巴呂宋最强葛刺巴本  
 紅毛市船之所紅毛姦究莫測其中有英圭黎即英吉利千絲  
 蠟和蘭西即佛荷蘭大小西洋各國名目雖殊氣類則一  
 和蘭西兇悍異常澳門係其同種熟悉廣省情形請令督  
 撫關差大臣設法防備或於未入港之先查取火礮方許  
 進口或另設一所關束夷人每年輪流貿易不許多船並  
 集昂親見島夷狡獪情形所陳皆衣袂要策時總督楊琳  
 以夷商帽服有素數十年沿習相安應聽照常貿易該總

石渠餘紀卷六

五

兵所請查取火礮另所關束輪流貿易之處毋庸議與部  
 議合事竟寢時禁澳門夷商帶內地人他往又議定從前  
 出洋貿易之民三年之內准其回籍其定例以後私去者  
 不得徇縱入口於是各省奏報回籍者三千餘人至雍正  
 三年復申其禁以定例後逗畱外國之人甘心異域不准  
 回籍六年又定洋船出限期乾隆元年暹羅請採買銅  
 斤不准特賞銅八百斤以資其用是年紅毛夾板船向於  
 黃埔起礮事竣給還每船按樑頭約徵銀二千兩再抽貨  
 稅近來礮置船中額稅外又將現銀抽分名曰繳送飭革  
 如舊並宣 諭各夷人知之二年浙江撫卹小琉球難夷

令嗣後外國被風飄泊人船各省加意撫卹賞給衣糧修  
 理船隻遣歸本國著為例旋朝鮮亦資送遭風商船歸  
 諭獎之二十一年以紅毛等國歲至定海督臣喀爾吉善  
 奏番商獲利加多請增其稅 諭曰近歲洋船至甯波者  
 甚多將來番舶雲集留住日久將又成一粵省之澳門於  
 海疆土俗民風均有關係是以更定章程視粵稍重則無  
 所利而不來意不在增賦也蓋非我族類其心必異利之  
 所在瑕罅易滋 聖慮周詳如此二十四年總督李侍堯  
 奏防範夷商規條略云夷船向係五六月收泊九十月歸  
 國閒有因事住冬止在澳門寄住近多潛畱省會藉稱貨

石渠餘紀卷六

五

物未銷勾結生事應禁之至貨物應令行商公平速售歸  
 價依期歸國有行貨未清願畱澳門者聽其自便又以近  
 來嗜利之徒將房屋改造華麗誘圖厚租漢姦出入無禁  
 不作嗣後非洋行不許寓歇一禁內地民人借夷商資本  
 貿易并不許雇役內地多人一禁遣人分往江浙等省探  
 聽物價致姦商勾結并從之先是御史李兆鵬以內地絲  
 貴請禁出洋二十五年巡撫陳宏謀請採辦洋銅船隻准  
 帶綢緞二十七年總督蘇昌請准英吉利夷商伯蘭之請  
 配買絲斤次年准琉球照嗣又請准加刺巴暹羅港口安  
 南馬辰丁幾奴舊港東埔寨等國配帶部議絲為外洋所

必需而銅可供鼓鑄應酌定數目隨帶出洋易銅於是弛  
絲禁 諭曰禁止絲斤出洋以來絲價未減可見生齒繁  
衍取多用宏物情自然之勢非盡開出洋之故今尹繼善  
莊有恭並稱民情以弛禁爲便著弛其禁時各省商船配  
帶自數百斤至千餘斤惟粵省洋商每船帶至萬斤蓋絲  
亦外洋所不產而必需之物與茶葉大黃等四十九年禁  
洋行代官辦物墊價免其呈進鍾表令與夷商公平交易  
不得把持拖欠時議粵海關珍珠寶石稅例得 旨珍珠  
寶石向來抽稅無多況此物本無定價易至居奇且便於  
藏匿偷漏若過事吹求實屬不成事體不如免其收稅則

石渠餘紀卷六

七

諸弊肅清毋庸多爲防範著爲令

紀英夷入貢

本乾隆五十七年至五十九年實錄

乾隆五十七年冬十月廓爾喀乞降西藏平 御製武功  
十全記以四體字立碑其月廣東巡撫郭世勳奏供英吉  
利國夷人至粵譯言國王以前年 大皇帝八旬萬壽遣  
使臣馬夏爾尼航海至京修貢約明年二三月可抵天津  
次年正月 上念海洋風信靡常船或沿途收泊 敕海  
疆各大吏曰乾隆十八年停西洋博爾都葛爾國 御製詩謂之  
都 由澳門入貢總督阿里袞於海岸調兵列隊甲仗鮮明  
天朝觀瞻所繫不可不整肅威嚴俾知敬畏此不可草率

從事亦不可迹涉張皇也時蘊端多爾濟駐庫倫亦奏言  
俄羅斯使人報西洋昂吉凌國 即其遣使於廣東求地通  
商蓋英夷之蓄謀干瀆包藏禍心以來西北萬里外皆知  
之矣其春探貢之船先至甯波 上頗爲之垂厪至五月  
十二日貢船始過澳門二十七日泊定海六月朔由青龍  
港乘風開洋十三日過登州廟島船中夷官五十餘人從  
人水手八百餘名譯言使臣願赴山莊祝 嘏各疆吏次  
第以聞適探水船先至天津言貢船入水三丈餘不能進  
口請於廟島起旱而天津旋於二十二日遠見貢船鹽政  
徵瑞遣人曲折探水引至近口於闡江沙寄泊以 上旨

石渠餘紀卷六

六

賜牛羊米麪甚多時車駕駐熱河 命徵瑞護送以來同  
蒙古王公及緬甸等使宴贊 諭天津不必再加筵燕過  
爲優待總督梁官堂先由永定河工次赴天津 上恐以  
大員照料禮節太優長其矜傲 敕先回視河第賜船中  
食米千石而夷性夸誕自稱欽差又以品級尊崇與徵瑞  
須平禮相見徵瑞恐失體令鎮道遇船驗貢則侈言貢物  
甚大極爲精巧裝修輒須一月願貢物二十事中以天球  
爲最實不過外洋鐘表之屬 乾清 甯壽諸宮所常設  
者餘則理璣等物而已既登岸則乘船中人不暇水土先  
回至本國又請至甯波置買物貨於珠山指給空地支立

帳房爲休息病人之所許之方督臣宣 旨時貢使但免冠竦立微瑞爲言連日學習跪叩乃使欽天監副索德超賀清泰等至熱河帶領以皆西洋人便肄習也八月貢使至山莊 上諭使臣禮節多未諳悉朕心深爲不愜前此沿途款接過優以致妄自驕矜將來應由內河水路前抵江南由長江度梅嶺再由水路至廣東供頓不可過豐經過營汛墩臺務須完整嚴肅以昭威重尋軍機大臣以訓戒夷使頗知悔懼聞時外藩咸集山莊慶賀 上連日御萬樹園大幄次及澹泊敬誠殿馬夏爾尼偕副使斯當東等卒隨緬甸諸陪臣舞蹈跪叩宴饗成禮而退於是許令

有渠餘紀卷六

六

由甯波乘原船歸國夷使之來也 上時時裁抑之顧念其航海一年重譯數萬里懷柔亦惟恐不至特謹持大體不使以恩妨法乃夷性叵測貢物登岸貢船即行欲使馬庚多斯由內地回船彈壓又欲浙江遣西洋人安納等來京於是窺探之情畢露及譯出表文則有派人留京照料買賣學習教化之請有甯波天津收泊交易之請有照俄羅斯在京設立貨行之請有給珠山相近小海島居住之請有給廣東省城小地方一處之請有澳門居住夷人出入自便之請有廣東下澳門由內河且減稅之請又使臣謾言請准夷人傳教 上震怒既責夷使以所請皆不可

行又於答給國王 敕書之外別爲 敕諭一道前後二千六百餘言反覆開諭詞嚴義正略謂爾既不能如西洋人遵用天朝服色即無地安置爾國貿易久在澳門輸稅本無定例他處無洋行通事言語不通且天朝疆界嚴明從不許外藩攙越至天主教西洋各國所遵奉天朝經聖帝明王垂教創法四方億兆率由有素決不惑於邪說并諭以將若來船至浙江天津欲求上岸交易守土文武必不令其停留立時驅逐勿謂言之不豫乃定以九月三日令侍郎松筠押帶由定海上船回國是歲 上爲罷木蘭秋獮八月丙戌 回鑾 諭曰英吉利在西洋各國中

有渠餘紀卷六

七

最爲桀驁強悍在洋常劫掠夷商今不遂所欲或藉詞生事不可不預爲之防雖澳門各國未必均從第人眾船多不免被其恫喝必妄稱許令總理西洋諸國貿易夸大其辭抽分漁利須先期曉諭又 諭各海疆營伍廢弛必須振作改觀方可有備無患如珠山及附近澳門島嶼皆當相度形勢先事圖維夷人便水而不便陸且船在大洋果口岸嚴密主客異勢斷不能施其伎倆若將來船至天津甯波即行驅逐不遵則懾以兵威此外如山東廟島福建臺灣當一體防範夷船雖至甯波寄棧而何處島嶼可居何處港澳可泊豈能遽悉其詳必有漢姦勾引當即查究

尋松筠奏報沿途安靜 上念其在洋度歲加 賜福字  
二方及蟒緞諸物而先回定海之貢船不待夷使進於九  
月初開行祇留原坐一船馬戛爾尼詭言人眾難容欲改  
由內地至澳且沿途多所祈請松筠峻拒之乃泣言海中  
有極熱之處眾易生疾松筠意動以聞乃許之初 上之  
使由長江度嶺也本欲限之以河關之紆迴困之以江湖  
之險遠如猛獸然羈繫掣曳使不得騁然後馭之在我自  
改由內河至珠山已窺吳淞之險易復改由內地至粵則  
東南水道難保不繪圖測水以去時松筠至定海飭貢船  
開行長磨由江蘇調兩廣總督押帶夷使至粵夷使既請

石渠餘紀卷六

三

於甯波以洋貨兌換茶葉湖絲又請於回粵時至黃埔看  
視夷人西洋各國泊船多在澳門英夷則在黃埔最後乃言國王進貢實出至  
誠將來數年修貢一次表章貢物送總督轉奏不敢強求  
進京蓋其去也謾為好言亦知 天朝之必不見納也臣  
伏讀五十八年 諭旨為英吉利發者前後數十餘道而  
聖訓所言聽其一事彼又生法求恩此二語尤窮鬼蜮  
之情狀即駕馭之術在其中矣當 敕諭海疆防範時長  
磨請招募蛋戶分撥各營為制勝夷船之用 上以蛋籍  
從不入營特許有畔臨時雇用次年正月閩浙總督伍拉  
納覆奏珠山情形疏言珠山即舟山離定海縣城五里隔

洋六里有五奎山峰勢高出眾山全洋島嶼瞭然在目為  
洋船赴定海停泊之所請設汛駐兵駕船巡哨蓋天津之  
關江沙本非可泊之地登州廟島又去內地遠則當日設  
防之要首在五奎矣而閩粵環海二千里未聞有以衣柳  
之策入告者何哉

附記

嘉慶二十一年七月乙卯 上諭內閣此次英吉利進  
貢使臣至天津海口登岸特命蘇楞額廣惠傳旨賜宴  
行三跪九叩禮如合式即日帶領進京如未諳禮儀具  
奏候旨其原船勿令駕駛仍由原路回津泛海還國蘇

石渠餘紀卷六

三

楞額廣費故違旨意徑行帶來又縱令原船私去伊二  
人之咎在此因事已不爰又命和世泰穆克登額迎赴  
通州演禮以七月初六日為限限內行禮即日帶來滿  
限尚未如儀即行參奏請旨和世泰穆克登額於初五  
日含混具奏初六日徑自帶來朕於未初二刻御勤政  
殿召見伊二人先詢以演禮之事伊二人免冠碰頭云  
並未演禮及至再問以既未演禮何不參奏和世泰云  
明日進見必能如儀此一節伊二人之咎已同前二人  
矣至初七日早膳後卯正二刻朕傳旨升殿召見來使  
和世泰初次奏稱不能快走俟至門時再請二次奏稱

正使病泄少緩片刻三次奏稱正使病倒不能進見即諭以正使回寓賞醫調治令副使進見四次奏稱副使俱病俟正使痊愈後一同進見中國為天下共主豈有如此悔慢倨傲甘心忍受之理是以降旨逐其使臣回國不治重舉仍命廣惠護送至廣東下船近日召見廷臣始知來使由通州直至朝房行走一夜來使云進見朝服在後尚未趕到便服焉能瞻謁大皇帝此等情節和世泰見而時何不陳奏即或遺忘或晚開補奏或次日一早具奏俱可直至將次升殿總未奏明情節伊二人之舉重於蘇楞額矣若豫先奏明必改期召見成禮

石渠餘紀卷六

七

而返不料庸臣誤事至此朕實無顏下對臣工惟躬自引咎耳四人之舉俟部議上時再行處分先將此旨通諭中外及蒙古王大臣等知之右見卷八十四嚴法紀嘉慶十九年英夷護貨兵船不遵例停泊外洋竟抵虎門總督蔣攸銛示以兵威召大班益華臣詰責之乃揚帆去二十一年英夷遣使入貢由海道抵天津攸銛請敕諭該國王嗣後入貢當照琉球等國定例就近由廣東北上不可冒風濤之險遠赴他處收泊若不恪守章程船到天津不許登岸並不接收貢物此次貢使當由陸路派員伴送來粵其餘仍由海道原船回國均不許逗

留 諭曰蔣攸銛於數千里外所論事理與朕前後敕諭情形無不脗合實能深知朕心遇事能見其大可嘉之至

敕諭英吉利國王二道乾隆五十八年八月

敕諭英吉利國王曰咨爾國王遠在重洋傾心嚮化特遣使恭齋表章航海來庭叩祝萬壽並備進方物用將忱悃朕披閱表文辭意肫懇具見爾國王恭順之誠深為嘉許所有齎到表貢之正副使臣念其奉使遠涉推恩加禮已令大臣帶領瞻觀錫與筵宴疊加賞賚用示懷柔其已回珠山之管船官役人等六百餘人雖未來

石渠餘紀卷六

七

京朕亦優加賞賜俾得普沾恩惠一視同仁至爾國王表內懇請派一爾國之人居住天朝照管爾國買賣一節此則與天朝體制不合斷不可行向來西洋各國有願來天朝當差之人原准其來京但既來之後即遵用天朝服色安置堂內永遠不准復回本國此係天朝定制相爾國王亦所知悉今爾國王欲求派一爾國之人住居京城既不能若來京當差之西洋人在京居住不歸本國又不可聽其往來常通信實為無益之事且天朝所管地方至為廣遠凡外藩使臣到京譯館供給行止出入俱有一定體制從無聽其自便之例今爾國

若雷人在京言語不通服飾殊制無地可以安置若必似來京當差之西洋人令其一例改易服飾天朝亦從不冑強人以所難設天朝欲差人常住爾國亦豈爾國所能遵行況西洋諸國甚多非止爾一國若俱似爾國王懇請派人雷京豈能一一聽許是此事斷難行豈能因爾一人之請以致更張天朝百餘年法度若云爾國王為照料賣買起見則爾國人在澳門貿易非止一日原無不加恩一視即如從前博爾都葛爾亞意達里亞等國屢次遣使來朝亦曾以照料貿易為請天朝鑒其憫忱優加體卹凡遇該國等貿易之事無不照料周

石渠餘紀卷六

五

備前次廣東商人吳昭平有拖欠洋船價值銀兩者俱飭令該管總督由官庫內先行動支帑項代為清還並將拖欠商人重治其辜想此事爾國亦聞知矣爾國又何必派人雷京為此越例斷不可行之請況雷人在京距澳門貿易處所幾及萬里伊亦何能照料耶若云仰慕天朝欲其觀習教化則天朝自有天朝禮法與爾國各不相同爾國所雷之人即能學習爾國自有風俗制度亦斷不能效法中國即學會亦屬無用天朝撫有四海惟勵精圖治辦理政務奇珍異寶並不貴重爾國王此次齋進各物念其誠心遠獻特諭該管衙門收納其

實天朝德威遠被萬國來朝種種貴重之物梯航畢集無所不有爾之正使等所親見然從不貴奇巧並無更需爾國製辦物件是爾國王所請派人雷京一事於天朝體制既屬不合而於爾國亦殊覺無益特此詳晰開示遣令貢使等安程回國爾國王惟當善體朕意益勵欵誠永矢恭順以保久爾有邦共享太平之福除正副使臣以下各官及通事兵役人等正賞加賞各物件另單賞給外茲因爾國使臣歸國特頒敕諭並錫賚爾國王文綺珍物具如常儀加賜綵緞羅綺文玩器具諸珍另有清單王其祇受悉朕睠懷特此敕諭

石渠餘紀卷六

五

又 敕諭曰爾國王遠慕聲教嚮化維殷遣使恭齋表貢航海祝釐朕見爾國恭順之誠令大臣帶領使臣等瞻覲錫之筵宴賚予駢蕃業已頒給敕諭賜爾國王文綺珍玩用示懷柔昨據爾使臣以爾國貿易之事稟請大臣等轉奏皆係更張定制不便准行向來西洋各國及爾國夷商赴天朝貿易悉於澳門互市歷久相沿已非一日天朝物產豐盈無所不有原不藉外夷貨物以通有無特因天朝所產茶葉瓷器絲斤為西洋各國及爾國必需之物是以加恩體卹在澳門開設洋行俾得日用有資並沾餘潤今爾國使臣於定例之外多有陳

乞大乖天朝加惠遠人撫育四夷之道且天朝統馭萬國一視同仁即在廣東貿易者亦不僅爾英吉利一國若俱紛紛效尤以難行之事妄行干瀆豈能曲徇所請念爾國僻處荒遠間隔重瀛於天朝體制原未諳悉是以命大臣等向使臣等詳加開導遣令回國恐爾使臣等同國後稟達未能明晰復將所請各條繕救逐一曉諭想能領悉據爾使臣稱爾國貨船將來或到浙江甯波珠山及天津廣東地方收泊交易一節向來西洋各國前赴天朝地方貿易俱在澳門設有洋行收發各貨由來已久爾國亦一律遵行多年並無異語其浙江甯

石渠餘紀卷六

表

波直隸天津等海口均未設有洋行爾國船隻到彼亦無從銷賣貨物況該處並無通事不能諳曉爾國語言諸多未便除廣東澳門地方仍准照舊交易外所有爾使臣懇請向浙江甯波珠山及直隸天津地方泊船貿易之處皆不可行又據爾使臣稱爾國買賣人要在天朝京城另立一行收貯貨物發賣做照俄羅斯之例一節更斷不可行京城為萬方拱極之區體制森嚴法令整肅從無外藩人等在京城開設貨行之事爾國向在澳門交易亦因澳門與海口較近且係西洋各國聚會之處往來便益若於京城設行發貨爾國在京城西北

地方相距遼遠運送貨物亦甚不便從前俄羅斯人在京城設館貿易因未立恰克圖以前不過暫行給屋居住嗣因設立恰克圖以後俄羅斯在該處交易買賣即不准在京城居住亦已數十年見在俄羅斯在恰克圖邊界交易即與爾國在澳門交易相似爾國既有澳門洋行發賣貨物何必又欲在京城另立一行天朝疆界嚴明從不許外藩人等稍有越界攬襍是爾國欲在京城立行之事必不可行又據爾使臣稱欲求相近珠山地方小海島一處商人到彼即在該處停歇以便收買貨物一節爾國欲在珠山海島地方居住原為發賣貨

石渠餘紀卷六

表

物而起今珠山地方既無洋行又無通事爾國船隻已不在彼停泊爾國要此海島地方亦屬無用天朝尺土俱歸版籍疆址森然即島嶼沙洲亦必畫界分疆各有專屬況外夷嚮化天朝交易貨物者亦不僅爾英吉利一國若別國紛紛效尤懇請賞給地方居住買賣之人豈能各應所求且天朝亦無此體制此事尤不便准行又據稱撥給附近廣東省城小地方一處居住爾國夷商或准令澳門居住之人出入自便一節向來西洋各國夷商居住澳門貿易畫定住址地界不得踰越尺寸其越洋行發貨夷商亦不得擅入省城原以杜民夷之

續修四庫全書 史部 政書類 卷六 表

爭論立中外之大防今欲於附近省城地方另撥一處給爾國夷商居住已非西洋夷商歷來在澳門定例況西洋各國在廣東貿易多年獲利豐厚來者日眾豈能一一撥地方分住耶至於夷商等出入往來悉由地方官督率洋行商人隨時稽察若竟豪無限制恐內地民人與爾國夷人閒有爭論轉非體卹之意釐之事理自應仍照定例在澳門居住方為妥善又據稱英吉利國夷商自廣東下澳門由內河行走貨物或不上稅或少上稅一節夷商貿易往來納稅皆有定則西洋各國均屬相同此時既不能因爾國船隻較多徵收少有溢額

石渠餘紀卷六

无

亦不便將爾國上稅之例獨為減少惟應照例公平抽收與別國一體辦理嗣後爾國夷商販貨赴澳門仍當隨時照料用示體卹又據稱爾國船隻請照例上稅一節粵海關徵收船料向有定例今既未便於他處海口設行交易自應仍在粵海關按例納稅毋庸另行曉諭至於爾國所奉之天主教原係西洋各國向奉之教天朝自開闢以來聖帝明王垂教創法四方億兆率由有素不敢惑於異說即在京當差之西洋人等居住在堂亦不准與中國人交結妄行傳教華夷之辨甚嚴今爾國使臣之意欲任聽夷人傳教尤屬不可以上所諭各

條原因爾使臣之妄說爾國王或未深悉天朝體制並非有意妄干朕於人貢諸邦誠心向化者無不加之體卹用示懷柔如有懇求之事若於國體無妨無不曲從所請况爾國王僻處重洋輸誠納貢朕之錫與優嘉倍於他國今爾國使臣所懇各條不但於天朝法制有關即為爾國代謀亦俱無益難行之事茲再明白曉諭爾國王當仰體朕心永遠遵奉共享太平之福若經此次詳諭後爾國王或誤聽爾臣下之言任從夷商將貨船駛至浙江天津地方欲上岸交易天朝法制森嚴各處守土文武恪遵功令爾國船隻到彼該處文武必不寬

石渠餘紀卷六

三

令其停畱定當立時驅逐出洋未免爾國夷商徒勞往返勿謂言之不豫也其懷遵毋忽特此再諭

增渤海國說按國繪因原鈔漏缺

國家卜宅燕京海為左翔陪都粟米之賦浮海以達天津古冀州貢道也道光六年南漕嘗兼海運近歲屢招海商和糴以實京倉且京師地大人庶食用百貨率仰東南每歲買船連檣而至或風信愆期市價為騰貴故海道順利則京師富饒所繫甚鉅道光二十一年夷船擾沿海天津戒嚴臣發篋讀康熙閒西士所繪皇輿圖竊見天津為京師門戶而天津則自有其門戶蓋天



津內洋占口渤海左自永平昌黎度山海關東達錦州折而北復至金州而南拱右並海接山東境東沿膠萊達登州島嶼斗入海中而北揖北則鐵山旅順南則隍隍城巨浸之中兩扉屹立環海九省形勝無逾此者若使水師將卒於百餘里之內橫海巡防不獨衛天津兼以安三省此重閉之勢也明史志言登萊與遼海接壤海島縈迴僻而實險殆謂此乎乃書詢鄉人之賈於天津者得海道曲折遠近與停泊險易繪圖繫說將以告之當事圖處就以憂去遂不果及再來京師入史館讀聖祖仁皇帝實錄見康熙五十年 特允 盛京

石渠餘紀卷六

三

將軍嵩祝之請令登州防海水師巡哨金州鐵山五十二年二月戊寅竊喜前說不為無稽及讀中樞政攷載鐵山於山東隍城島中距一百八十餘里無泊舟之所自鐵山起九十里之內令 盛京官兵巡哨隍城島起九十里之內令山東官兵巡哨中樞政攷卷二十二巡洋又載 盛京水師額設載船十隻船工水手一百名兵丁六百名演習水操往來巡緝又讀 聖祖御製文四集康熙五十二年閏五月 諭盛京金州籌設立水師營將山東總兵李雄奏載戰船十隻載雷數船分往看守巡防蓋康熙五十年以前鐵山雙島之地時有盜蹤甚而登岸樹旗肆

行無忌見國史逮嵩祝建為堅守門戶之說而盜首如陳尙義鄭盡心皆歸誠恐後見聖祖御製文四集卷三並五十一年十二月丙寅此形格勢禁之道也顧自裁減戰船於是金州不得不添立水師畫界分巡而不相聯屬夫海洋浩瀚無際非如陸地之亭墩嚴明清晏既久則巡防之及九十里與否不能問諸水濱徒令按季造冊報部旋泊不發議察無從非責實之道也邇年以來英夷雖就撫帖伏而隍城石島之間萑苻時警似宜仿嵩祝前議而變通之蓋巡防貴真而事權貴一賈船之來多寄旋登州諸島故盜匪尤所窺伺然非從各島內外直巡至金州

石渠餘紀卷六

三

鐵山則南北兩岸雖有戰船而盜蹤且出沒於其間而不覺失事而懲之已無及矣莫若仿南澳鎮兼巡閩粵之例擇諸島中地稍寬廣下可泊舟者建立水寨水寨見明史兵志駐水師將領一員南自登州北至金州水洋島嶼皆其所轄分營布汛遴選總巡協巡備弁時其風信之南北以為巡防之上下使百八十餘里之中常有櫓聲颿影戈船往來宜可以戢鯨鯢之跋扈即欲乘我不備闖入內洋而門戶森嚴必有所顧忌而不敢且 實錄所載半日程耳揚颿利涉朝發夕至非有砂礁之阻樵汲之需也易曰王公設險以守其國又曰重門擊柝以

待暴客如此則三省瀕海數千里皆晏然處於堂奧之內詎獨天津之利哉至於更定營制履勘機宜或將天津新增水師量爲裒益或於成山威海諸營聯絡犄角必擇水師將領之熟悉洋防者往而從容相度圖上其議此則非文吏所能鑿空而談也今將舊圖移定南向少拓於前而繫說如此

康熙四十九年八月奉天將軍嵩祝疏報錦州離城百二十里雙嶼有賊船十停泊又二百餘人樹旗於湖菁哨上施放槍礮城守尉馬哈達等帶領哨兵屯丁於南路截賊歸路賊眾爭路上船我兵追擊殺死三十餘名

石渠餘紀卷六

三

獲船一併牌刀槍礮等物五十年二月嵩祝疏言奉天所屬金州鐵山距山東所屬隍城嶼僅半日程請令山東防海水師官兵巡哨兼及金州鐵山俾海邊賊匪無所容身下部議從之

國史本傳

康熙五十二年閏五月 諭海賊陳尙義等百餘人來歸誠俱係熟識水性海道之人盛京金州地方著設立水師營將伊等發往近據山東總兵李雄奏請裁伊標水師營戰船十隻即將所裁數內截留數船分往金州地方巡防海洋似有裨益

見御製文四集三卷

中樞政攷云金州之鐵山至菊華島等處 盛京所屬

海汛令水師營官兵巡查至鐵山與山東隍城嶼中間相隔一百八十餘里並無泊舟之所自鐵山起九十里之內令 盛京官兵巡哨隍城嶼起九十里令山東官兵巡哨如遇失事量其境界相近詳查議處

又云奉天洋面往來商船令其先赴旅順口水師營挂號

又云 盛京所屬水師額設戰船十隻舵工水手一百名派撥兵丁六百名演習水操往來巡緝旅順口外黃金山地勢緊要之處安設礮臺多派官兵防守與戰船水師聲勢聯絡其戰船十隻除輪流拆造外以二隻守

石渠餘紀卷六

三

口其餘船隻在於柳樹屯地方操演巡哨並令山東水師官兵至搭界地方會同加意巡查

又云 盛京所屬海汛由該將軍派撥於水師營旗員內擇其熟悉舟師者輪流揀派令三品官一員作爲總巡四五品等官三四員作爲協巡帶兵往來巡查嚴緝按季先期造冊報部如遇失事即行題參

蘇軾登州召還議水軍狀略云竊見登州地近北虜號爲極邊虜州山川隱約可見便風一帆奄至城下自國朝以來常屯兵教習水戰且暮傳烽以通警急每歲四月遣兵戍馳基島至八月方還以備不虞自景德以後

屯兵常不下四五千人除本州諸軍外更於京師南京濟鄆兗單諸州差撥兵馬屯駐云云案此則馳基一島可駐四五千人馳基今自宋真宗時即為重鎮所謂便風一帆奄至城下又與嵩祝傳所言半日程合

案蘇軾集北海十二石記略云登州下臨大海目力所及沙門懸磯車牛大竹小竹凡五島惟沙門最近兀然焦枯其餘皆紫翠巖絕出沒波濤中真神仙窟宅也沙門島當即今圖之沙磧島懸磯大小竹之名與今圖同惟車牛不知當今何島據海商所云懸磯去登州海口四更當二百四十里而軾以為目力所及則必無二百

渠餘卷六

表

餘里之遠且今圖懸磯去海口不過四分度之一海商指彼此相距而言其大略耳

後漢書法雄傳永和三年海賊張伯路等三千餘人寇濱海九郡徵雄為青州刺史討之連戰破賊後遁走遼東止海島上五年乏食復抄東萊雄擊破賊逃還遼東遼東人李久等討平之

齊召南水道提綱 聖祖御製輿圖東西為地經度以占節氣先後南北為地緯度以測辰極高下又云旅順三面懸海南望蓬萊僅二百五十里注云南過海至北隍城島僅百餘里按此與中樞政攷又注云古稱渤海

本大海之支港說者言禹時青州踰渤海北兼營州之地其勢固自然也

增海商登州至金州水程單水程一更按陸路六十里

登州城海口正北一更至廟島可泊舟有汛

廟島東有長島即長山西有黑島即黑山透迤相近

廟島至猿山即猴山一更向正北直取

猿山又向正北南桃枝北桃枝即南北桃磯二更中有

島門可行二島均可泊舟

北桃枝東大琴嶼小琴嶼即大嶼小嶼嶼東有南北隍城均

可泊舟南隍城以上山東登州屬北隍城以上 盛京

渠餘卷六

表

所屬南北隍城相隔咫尺

北隍城至鐵山向東北三更鐵山高屬金州

鐵山西有羊頭灣相離不遠可泊舟

鐵山東有旅順口乃關東水口要地有黃舨戰艦把守

旅順口向東有小彭嶼約一更亦可泊舟

小彭嶼再向東是金州甯海縣海口泊舟之處地名柳

樹底可泊舟百餘隻最為 盛京要地

金州東北一所曰彭子灣水不甚深盡東處與朝鮮交

界

又云孔嶼溝可泊舟

內港雙嶼孔嶼濤西北一更長生島相離不遠長生

島正北至西錦州七更東北至蓋州亦七更

正東少北牛莊口勿溝營內有大河直達天峰臺離濤

陽不遠牛莊口乃盛京水口極要之地

回南水程自鐵山至山東威海海用單巽向直取七更

自南金州至山東成山頭用單已向直取亦七更

增會添生先生跋

書孔氏疏言堯時青州當越海而有遼東杜氏通典云

青州之界越海分遼東樂浪三韓之地西抵遼水而胡

氏謂曰漢武所開樂浪元菟二郡乃古嶼夷之地嶼夷

石渠餘紀卷六

三

義和所宅朝鮮箕子所封皆應在青州域內不僅遼東

而已據此數說則禹時青州踰海而兼營州之地理若

可信齊召南氏所謂勢固自然者也前明遼東都指揮

使隸於山東布政司明初遼東士子尙附山東鄉試厥

後以渡海之艱改附順天而遼東各州衛隸於山東則

終明之世不改蓋亦猶上古之青州兼轄營州云爾我

朝定宅燕京與明代同而遼左爲陪都重地則與前

明之二州二十五衛視同羈縻者輕重迥別故渤海之

襟帶旅順之門戶視前世尤加慎也雁汀先生之意欲

於陸城石島之間駐水師將領一員登州金州南北兼

巡內以防盜匪之狙伏外以懾夷人之闖入可謂謀慮

老成操之有要已道光二十九年御史趙東昕建登州

設立水師之議 宣宗皇帝下其事令兵部軍機處會

議當事者以迹近更張格而不行國藩時承乏兵部願

知旅順要隘宜別置嚴鎮而不知康熙年間有嵩祝請

登州水師巡哨金州鐵山之說亦遂增和未遑他議今

觀先生圖說所載 實錄各條知國家機務尤大者

列聖廟謨皆已籌及之苟能推行而變通則收功不可

紀極也故述前說以互證亦以誌余不學之恥焉

增道光二十一年天津添兵原案

石渠餘紀卷六

表

道光二十一年九月軍機大臣會同兵部奏直隸總督

訥爾經額奏天津等處海口酌籌添駐官兵一摺內稱

英逆自上年駛赴北洋游奕維時天津之大沽甯河之

北塘以及豐潤至山海關一帶州縣額兵無多均自本

省各營調防必須豫籌經久之計查大沽北塘等營汛

共止額兵二百餘名上年奏添礮臺新兵五百名合計

僅七百餘名茲酌擬大沽添兵二千名北塘添兵一千

名南自山東交界海口起北至北塘海口止水路交防

天津郡城酌擬添兵一千名爲後路策應豐潤並永平

府屬臨榆灤州樂亭昌黎撫甯六州縣添兵二千名以

一千撥駐臨榆縣之山海關一千分布豐潤等五州縣  
本營汛水陸交防是資守衛擬於本省各營抽裁二千  
名餘四千名請 敕部查明外省備倭營分抽裁並沿  
海添建墩臺營房衙署約計不過十萬兩上下以見在  
防堵之費核減兩月即已敷用無論該夷何時驟至無  
隙可乘當不致再萌北駛之念等語 等公同商酌天  
津附近 京畿而山海關為 盛京門戶自應加意防  
範該督所請酌添兵丁六千名分布口岸水陸交防應  
如所請辦理惟所稱直隸抽撥二千名外省抽裁四千  
名見在海疆未靖沿海惟廣東一省兵數較多至山東

石渠餘紀卷六

表

江蘇浙江福建四省均未便輕議裁減其餘各省雖地  
方靜謐亦不免徵調策應即使量為抽裁未必能足四  
千之額查直隸兵額除天津鎮標兵五千八百八十一  
名其餘各標營共兵三萬二千三百九十九名若抽撥  
十分之一得兵三千二百名以之移駐天津各口岸不  
勞遠涉而於該省兵額原屬無虧其抽撥之兵應令該  
督飭屬妥為移駐此外二千八百名由 臣部行文各省  
督撫察看地方情形擇其可減者如數抽裁統限一年  
足數見在防夷喫緊應准先行招募練勇二千八百名  
即與直隸所撥之兵分布防堵此項練勇即在居民招

募既足資其禦寇之力且以杜其為匪之心應需軍器  
口糧著該督暫行籌畫此後各省陸續抽裁隨時挑補  
入伍所有各省分裁兵額謹開單恭呈 御覽云云

紀畿輔營田水利

雍正三年畿輔大水既賑卹之 憲廟念水利未興則水  
害不可得而去乃 命怡賢親王偕大學士朱軾相度之  
先是近畿歲潦康熙三十七年霸州文安水清河漳河渾  
河皆溢沒旗民莊田無數 命原任河道于成龍河督王  
新命疏治之四十六年李紹周奏請北地開渠 上以民  
閒田畝高下悉皆耕種雨過多則高田有收不足則窪田

石渠餘紀卷六

聖

有收若無故責成有司開濬溝渠必逼擾百姓且錢糧所  
需無窮田土高下須人量度倘壞見耕之田以疏水道小  
民孰肯聽耶當此無事之際不宜創事端以累官民乃寢  
其議是歲十一月 命江浙於水口酌建閘座平時閉蓄  
遇旱啟放其支河港蕩淤淺者並疏濬引水四達 上嘗  
論江浙雖稱水鄉而水溢易洩旱歲之患比滂尤劇北方  
經月不雨亦尚無礙南方夏秋經旬缺雨則田坼禾稿矣  
喜雨亭記云十日不雨則無禾蓋謂此也乃令江浙在京  
官員大學士張玉書尚書王鴻緒等詳議以聞蓋 聖祖  
之世方急東南水患下河海塘諸役經營數十年於畿輔

未遑也雍正四年怡親王既圖上方略乃設營田水利府以王董其事起濼州玉田諸州縣官因地勢濬流築坊建開開渠招民給工本募江浙老農教耕工匠為農具是秋田之熟者百五十頃而霸州文安大成保定新城安肅任邱民自種植者又七百餘頃比歲皆登五年分京東京西京南天津為四局局設長副司之定某縣某莊營田引某泉某河灌溉大小數百處皆有條貫至七年營成水田六千頃有奇所司以營田瑞稻進 召大學士等 賜觀焉九年有距水稍遠聽民自便之令而水足地平無煩厚汲之處仍令永為水田議設觀察使副各二以重其權不久

石渠餘紀卷六

聖

旋罷有司奉行亦漸不實乾隆二年 諭曰州縣地土原有高下不同其不能營治水田而從前或出於委員勉強造報者應聽民作旱田若近水可治之田已經開成者倘至廢棄殊為可惜飭勸諭修葺三年又 諭曰聞直隸各處多有涸河有水時由此宜洩無水竟成廢地近河居民築埝壩以為灌溉之用致河道阻塞水不通流著各州縣將舊有渠淀造報其涸河之處不得築埝壩以阻河流臣以為小民祇徇目前之利為牧令者又非自田閒來始誤於槩以旱田為水田繼誤於即溉田之地以為田故行之未久輒就罷廢九年以御史柴潮生請興修畿輔水利

命大學士劉於義往於義陳水利十二事觀其頻年所論列大都疏消積潦之策為多引灌之利則僅及天津一隅焉其在京南京西者十三年總督那蘇圖奏平山縣令郭殿正於河旁勸諭民營稻田九十二頃阜平縣令羅仰鏡令民墾營五十餘頃皆得 旨優敘二十六年總督方觀承奏易州開渠建壩居民引子渠溉田二百餘頃渠成賜名安河蓋寥寥不數見矣

或問畿輔水利可興乎曰可何以言之明汪應蛟巡撫天津於葛沽白沽種水稻畝收四五石其後徐貞明領墾田使先於永平募南人為倡逾年墾水田三萬餘畝

石渠餘紀卷六

聖

張國彥顧養謙又行之薊州豐潤玉田皆效此京東可行也宋臨津令黃懋請於河北諸州作水田制置河北屯田何承矩於雄莫霸州平戎順安興堰六百置斗門引淀水灌溉以足邊食此京西可行也元郭守敬請於磁州東北滏漳二水合流處引水由滏陽邯鄲洺州永年下經雞澤合禮河可溉田三千餘頃則畿南亦可也貞明之言曰北人未習水利惟苦水害不知水害未除正由水利未興其所言十四利甚悉戶部尚書畢鏞又採貞明議疏為六事其曰地宜稻者以漸勸率宜黍宜粟者如故不遽責其成蓋必如此乃與周禮稻人職

方氏之說合指人穿窺下地職方氏與州而無旋與旋廢之慮矣

附永定河不宜復故道論

明史河渠志曰桑乾河慮溝上源也發源太原伏流至馬邑渾流溢出是為桑乾東下大同抵宣府雁門應州雲中諸水皆會穿西山入宛平界東南分為二一由通州高麗莊入白河今南海子有桑乾支河至張家一由白河入白河上源不與渾河通一由霸州合易水即清水河一南當作至天津丁字沽入漕名玉帶河河此明永樂以後至國初水道也康熙三十七年由良鄉之張家莊至東安之郎神河重開一道東以南北

石渠餘卷六

長堤

長堤由固安永清之北引流直出柳岔口三角淀即東以達西沽賜名永定河此康熙中年以後總河于成龍所改之道也雍正四年郭家務開減河乾隆十五年承清冰密改河二十年北岸六上改下口皆不過小修自三角淀漸以填塞論者遂歸咎於渾河之改道甚且欲復南合玉帶河之舊則未見其可桑乾性本渾濁所過輒淤川壅而潰乃理之常觀明史所言決固安賀家口壞盧溝橋堤決新城決狼窩口決楊木廠即國初十年固霸新安之間潰決屢告時未嘗東行也而其為害至此且渾河由三角淀達西沽所經者淀之東北隅乃高橋勝芳兩淀之淤在淀西南亦歸咎於渾河

河豈任受過哉且渾河南合清水仍東行以淀為歸非有他道使之入海也雖曰淀為定水無衝刷之力河無停流有蕩滌之功然以理揆之渾河自發源至固安平地已千里而遙西山以上東於兩崖之間震盪奔激而卒與泥沙俱下其性濁也縱清水可資盪滌之力而所盪之沙所滌之泥非淀之受而誰受之乎考明永樂以前渾河本不可行河渠志成化七年灤州知州蔣愷言城北草橋界河上接渾河下至小直沽注於海永樂間渾河改流西南經固安新城雄縣抵州屢次為害近決孫口東流入河又東抵三角淀小直沽乃其故道請因

石渠餘卷六

其自然

其自然之勢修築堤岸此元明間渾河故道之可考者雖未即張莊郎神之舊蹟而東流固其自然之性也論者明知改流南下不無衝瀾之虞乃又謂填淤肥美秋禾所失夏麥倍償聞諸興水利以糞以溉以長禾黍未聞道使衝瀾以待收一水一麥之利也夫清水與渾河匯流一處勢不能容以致汎濫當時諭旨至為明切康熙三十覆轍又可蹈乎且三角淀南納子牙西納會同舉畿輔數十餘河與南北二泊之水皆歸焉微渾河之入亦不可不急治淀大抵淀泊之所以淤一患停沙一患積葑去一患冒耕彼東南三江震澤之閒未聞有

續修四庫全書 史部 政書類 四二〇

澗濁如桑乾者而太湖何以日就堙塞也今二患不除  
惟停沙之爲慮至議改河而未有他道以容之亦未審  
於形勢矣夫不務治淀而議改河猶人腹臍病塞而但  
疏利盲鬲使多食飲亦不足以有瘳矣

渾河改流之議倡於治河蠡測儀而水利集說沈聯亦

謂當仿東南東清刷黃之法曩者讀畿輔水利四案得  
其說而喜之近摹拓畿輔輿圖以蠡測所言按之形勢  
乃悟其不可蓋渾河由固霸南入清水河者三角形勢  
之股也清水入淀其句也康熙改流之道其弦也一虧  
一徑勢實懸殊然則于清端之改河實與永樂以前之

石渠餘紀卷六

星

道有冥合焉甚矣河之利病未可輕言而圖譜之學不  
可不講也

紀鐵斛鐵尺

康熙四十三年 敕造鐵斛斗升頒行中外先是以各省  
民間用斛大小不一升斗面侈底狹獎端易生 諭廷臣  
集議畫一定制尋議上順治五年戶部以供用庫紅斛較  
通州鐵斛差大減改斛式於順治十二年較準容積鑄鐵  
斛二十具發戶部倉場及直省各一今應照鐵斛鑄造七  
具發 盛京順天府五城再造底面平準斗升各三十具  
頒直省以爲定式及戶部呈進樣斛斗升 仁廟親注水

測量樣升樣斗上下四角不均積數見方又奇零不足測  
鐵斛積數得一百六十萬分校之性理大全嘉量每斛應  
積數一百六十二萬分爲少二萬分以鐵斛用之已久不  
可輕改乃依以爲準別造新樣斗一具方徑八寸深五寸  
積數得三十二萬分新樣升一具方徑四寸深二寸積數  
得三萬二千分出示廷臣并 諭以依此十升爲斗五  
斗爲斛豪釐不差 敕照式鑄造頒行 臣案方深一寸積  
一千分度量之法實由此起 仁廟天縱神聖熟精數理  
洵非廷臣所及紅斛入廢不用其與嘉量一百六至乾隆  
九年得東漢圓形嘉量又攷唐張文收方形嘉量仍其遺

石渠餘紀卷六

星

製造嘉量方圓各一銅質金相其上爲斛其下爲斗左耳  
爲升右耳爲合俞其重二鈞 御製銘辭陳之胡會是年  
頒行小口鐵斛令直省照式鑄用舊存鐵斛繳銷

乾隆三年鑄鐵尺以嚴算倉糧凡糧以新舊爲差二年  
以內積方一尺得三斗一升六合三年以外積方一尺  
得三斗四升二年外三年內折算得三斗二升八合以  
其尺頒戶部倉場及各倉依量也  
今案方一尺爲一百萬分每斗除三十二萬分三斗除  
九十六萬分又除一升三萬二千分只餘八千分尙不  
足三合之數此云六合者豈進倉之後顆粒結聚故與



斛量不同邪

凡倉塲有加二五加一七紅斛為連耗收糧之用

石渠餘紀卷六

四

跋

右石渠餘紀閩縣王文勤所撰原名 熙朝紀政稿定後改今名近甯鄉黃氏刻本分為六卷璋家藏鈔本無卷數且與黃氏本有詳略互異處因重為校定刊藏于家又有缺脫數篇如官制紀郵災表其目見于他篇京營有序無表渤海有說無圖惜無從錄補此書子 國朝掌故政事之大者備舉無遺誠精且博學者恥不知今讀此已得過半矣文勤諱慶雲號雁汀官工部尚書事跡具 國史列傳光緒十六年孟春月攸縣龍璋校訖識尾

石渠餘紀跋

十一

皇朝續文獻通考序

古者六典八法掌於太史周衰道微史官失其世守著述之權移於私家而皇歲儲藏不獲徧觀傳聞所及遂致踳駁失實亦其勢然也獨杜君卿鄭夾漈馬貴與之倫以閒世大儒席先業窮老譏述復得師友之助故所傳通典通志通考諸書體大思精用備千古政事之史何其偉哉顧通考自貴與創作後迨我朝高宗純皇帝始命館臣采元明政典踵事增輯又詔自開國迄乾隆乙巳依彙纂修成皇朝通考三百卷開館修書集羣力以蒞事制雖近古然視貴與諸儒成於私家者難易固自有殊也更世嬗變迄今又百數十年矣禮樂崩壞文獻無徵學者恫焉吳興劉澂如學士嗜古能文章早歲通籍諸厯代掌故撫拾鈔纂於是有續皇朝文獻通考之輯既成書經進蒙今上溫詔褒嘉而學士願欲然以爲未備續以近年度疏所得從事增纂釐定體例廣列部居務斬於至善余故與君仍世友好頃年偶游青島每過君寓齋鉛槧填委鈔胥三四輩埋首几案閒恆昕夕不休余以是服君用力之顯爲不可及昔聖祖仁皇帝嘗論爲學以決定不移勇猛精進貞常永固三言垂爲庭訓學士遺世孤往與賢子翰怡京卿斷斷以名節相勸崎行卓操上契主知又能

究心國故窮年蒐討可謂有決定之志精進之心矣更以貞固之道持之博考詳稽裁抉精審異日書成寫定必能抗希前哲津逮後學可斷言也獨念辛亥以來吾儕躬遇世變高日傷懷又安得寬閒歲月從事不朽盛業如君者哉烏乎我朝開國隆恩遐澤三百年閒賢聖之君六七作王制之善備於康乾咸同以降崇極而圯海禁棣通談時務者疚心外侮以爲固守成法不足持世變朝莖奮勵爭言新政宜若可以圖強然自變法令下士論紛紜庶政愈益窳敗始恍然於祖宗成憲未可驟更而禍患之來遂不可遏已學士是書爲部三十爲目百三十有六始乾隆丙午迨宣統辛亥爲卷四百網羅攷訂一朝典章制度燦然大備而於新舊蛻嬗之際尤三致意增立憲政諸門詳具源委蓋有深痛世之讀是書者推闡我朝立國之本及列聖創法之意與夫後之因革變遷必有憬然於治亂興衰之故深賸太息而不能自己者撥亂世而反之正抑將有取於茲焉乙卯春日元和陸潤庠

皇朝續文獻通考凡例

賜進士出身頭品頂戴前內閣侍讀學士劉錦藻恭纂

我朝文治光昌經學史學均勝前明惟掌故之學頗覺不逮匪特如鄭

端簡王弁州無其人即王元翰輩亦不多親皇朝怒焉思之續纂皇朝

文獻通考會呈 乙覽渥荷 溫綸初以光緒三十年為限辛亥以後

處海濱復輯三十一年至宣統三年雖歲月無多而新政迭起事例夥

擬合前書彙為一編物換星移不無損益昔宋臣司馬光撰資治通鑑既

經進御復知紙幣未敢輒改茲則一朝廷之政治無缺故於前之疏漏者

重行增補本屬草創有待討論不敢妄希涑水也謹訂凡例如左

一 皇朝通考初與續通考併於一編乾隆二十六年 命自開國以後

自為一書館臣依以排纂訖乾隆五十年而止此次續纂起五十一年訖

宣統三年凡百二十有六年值中原之多故自乘筆之特繁仿記載之彙

編步遺山之野史理而董之是在達者

一 馬考共二十四門前考於宗廟考內分立羣廟郊社考內分立羣祀合

為二十六門續編悉仍舊貫第時局既日新而月異則制度亦歲盛而年

更有為乾隆五十年以前所未見者於前考各門無可附麗不得已增外

交郵傳實業憲政四門共成三十門都四百卷

一 前考於各門子目多所更定如征榷考併鐵於坑冶而標名鹽法今續

增釐金洋藥國用考續增銀行海運選舉考續增貴選學校考添八旗官

學今續增書院圖書學堂王禮考續增 歸政 訓政 親政 典學兵

考原刪車戰續增長江水師海陸軍船政職官考因官制全更難沿舊例

略舉始末用備鈎稽亦當世得失之林焉

一 前考於經籍泰半採自 欽定四庫全書故博收約取較易為力尋在

草茅未覩中祕不得不藉私家著述以資博摭今四庫書續修所纂各編

楚璞燕珉容有純駁不一者且旁行斜上時尚所宗式是古訓未忍淪漸

見聞所及過而存之不載生存稍示限制

一 前考謂封建不能行諸三代以後自唐宋訖 本朝大都皆有封無建

為萬禩不易之常法識者違之顧所紀封爵之制既詳五等復別世系選

者 玉牒屢修瓜分繁衍編摩所及僅能以年為斷非敢徒漏備蹈失實

之愆爾

一 前考於輿地東三省十八省以外正西境外至於流沙其時天山南北

路已拓提封未開行省因取漢史沿稱西域咸豐之季髮捻不靖回衆蹈

瑕跳梁夜郎自大 穆宗毅皇帝命將出師警光 先烈 德宗景皇帝

宸謀廣運堵穴犁庭俄羅斯遠擊 威稜亦復還我伊犁靈疆互市光緒

十有一年西域設新疆省於是築城列署興學明農雄甲金方比於內地

續考爰改西域為新疆省盛京亦改為奉天吉林黑龍江三行省今制所

有悉記其實至臺灣龍郡雖陸沈而故籍未湮仍應編次六州鑄錯豈

在莠之能忘九世復仇誓歸而後已藉茲拿故聊繫人心云爾

一 前考於四裔門詳述琉球朝鮮安南緬甸諸國當日朝貢以時薄來厚

往囑嚶向化為翰為屏迨光緒以來琉球朝鮮夷於日本安南緬甸亦為

英法所併荒服衣冠久稽貢享願念世盟帶礪重譯來賓今屬土雖亡事

實具在依舊據陳用資考鏡

一 乾隆五十年以前有名臣閔謙士抗言為前考所未收而事故翔實

有關遠大者開亦甄采一二至近時述作擇取其華萃者並備參稽依前

考低二格書若 諭旨奏疏悉行頂格章程則例概低一格遇應據字樣

謹遵王先謙十朝東華錄例均空一格因陋就簡深懼舛訛利謬拾遺敬

俟來哲

一 所引原文有篇幅過長其首尾格套及中間無甚關係或摘取條段者

胥就字句節刪因致增易惟節刪及章段者則曰略釋用示區別

一 典志之與通考體例雖或互異事實什九從同通考兼編年紀事以為

文類別門分尤為雅贍續編通考已苞典志而有之矣惟續三通及 皇

朝三通均屬官書復經 睿定似非下士所敢紹續况 實錄會典 史

寂具有專司章奏公文籍氏猶能數典實焉越俎僭妄奚辭然足則能徵  
不賢識小從安國以問故免師丹之善忘雖曰續考初非定本大雅宏達  
庶其鑒諸





續修四庫全書 史部 政書類

巴西

綠馬尼

外交考二十三卷

交際

郵傳考十八卷

總務

郵政

實業考十五卷

總務

憲政考八卷

古巴

智利

界務

船政

農務

工務

商務

秘魯

賽爾維亞

傳教

路政

電政

商務

剛果

俄羅斯

條約

商務

皇朝續文獻通考卷一

賜進士出身頭品頂戴前內閣侍讀學士臣劉銘藻恭纂

田賦考一

臣謹案馬考二十四門首列田賦 皇朝通考仍之而於田制水利田屯

田官田四目以外增入八旗田制重當王也今起乾隆五十一年其間

列聖相承勸求民瘼招開墾以盡地力慎勘丈以杜豪佔所定賦則至為

詳當 穆宗毅皇帝以東南數省迭遭髮難至不惜屢錫以振之 德宗

景皇帝復痼瘵在抱斟酌時勢 明詔興農則凡葺屋亦簷亦庶幾鼓腹

含哺忘 帝力於何有矣茲首列正課次八旗田制次水利田屯田官田

都十八卷悉依前考之例不稍改竄云

田賦之制

臣謹案農天下大本也民所恃以生也微田定賦代有成規我 朝科則

具詳賦役全書光緒二十四年設農工商局自後農林墾牧凡不關賦稅

者另編實業考農務門可參觀焉

乾隆五十一年覆准各省州縣經徵錢糧應扣留經費銀兩自乾隆五十二年

始概行停止經徵錢糧全數解司

又覆准江西廣信府屬歷經封禁之銅塘山周圍約三百里北係江西上饒廣

豐縣界南係福建崇安浦城縣界禁山之外村落居民久經編入各縣都圖可

開山地陸續報開升科已無餘利其實在禁山不過一百數十里若地禁名墾

轉恐招集貧民為匪滋擾仍行封禁山口用巨石壘築派令巡檢把總常川巡

視營縣按月查看道府分季巡查令江西南昌福建建甯兩鎮總兵每年各巡

查一次

五十二年奏准浙江象山縣大小南田焚燬鵝頭大佛頭大月嶼箸魚頭等

處孤懸海外直接大洋外則支港繁多內則島嶼叢雜前明封禁至今自應仍

循舊章永遠封禁如有妄生覬覦以開墾為辭混行呈請者從重治罪

臣謹案南田當甯波台州二府之銜內地人滿海濱土滿不墾治之又封

禁焉不特棄地且恐召敵海通以後洋艘接續泊風汲水隨地覬覦沿海

島嶼將無甯宇道光二年浙撫帥承濠始有查辦南田之奏後遂設同知

於石浦以控制之石浦者南田之東口設備未完孤懸無倚議者創設縣

治之計始萌芽矣

五十三年 諭荊州郡城屢被水患因郡治下游江內有窰金洲一道侵占江

面漲沙逼溜而本地蕭姓民人於雍正年間至乾隆二十七年陸續契買洲地

種植蘆葦每年納課蕭姓貪得利息逐漸培植每遇洲沙漲出蘆葦即環沙而

生阻遏江流以致上游壅高所在潰決已令將蕭姓家產查抄交刑部按律治

罪各省民田廬舍百姓等守其世業或一姓相傳先疇是服或甲姓之業售與

乙姓皆在所不禁今窰金洲由沙漲而成何得謂蕭家之祖業此必係姦民見

江中漲出洲地墾種可以獲利藉升科為名納租認種其交官者不過數十分

之一而地方官吏亦必得其利賄其餘盡飽姦民之慾墾一經具呈地方官因

受其賄賂遂罔顧利害代為朦混具詳而督撫等亦漫不加察率准題達任令

據為己業牟利肥家而姦民因報官有案又貪利不已逐漸培植以致蘆葦環

洲而生阻遏江流沖決隄陸城郭以致數萬生靈咸受其害現將蕭姓查抄治

罪實不為枉但小民惟利是圖止期益己不顧損人亦不特蕭姓為然即如黃

河之外灘以及西湖淀河山東江南湖陂等處百姓私占耕種甚多屢經曉諭

飭禁而姦民貪圖利息地方官吏又思從中分肥並不實力查禁任令開墾居

住與水爭地或藉口升科輸納少許一經潰決不特附近居民咸遭淹浸而修

築撫綏糜費倍蓰於國計民生均無利有害著傳諭各督撫嗣後凡瀕臨江海

河湖處所沙漲地畝除實在無關利病者毋庸查辦外如有似窰金洲之阻遏

水道致為隄工地方之害者斷不准其任意開墾妄報升科如該處民人冒請

認種以致釀成水患即照蕭姓之例嚴治其罪並將代為詳題之地方等官一

併從重治罪決不姑貸

五十四年覆准江南省瀕臨江海新淤沙地除應行補墾及撥補所餘許召無

業窮民認墾仍照舊例辦理外如有腹內小港新漲沙地並非江海新漲均應



歸公招變令民自行具結承買毋許一人領案包攬

又 諭李世傑奏帶徵積欠鹽課羨銀限內全完一摺聲請將富順縣知縣潘邦和可否量予議叙等語向來經徵不力州縣皆例有處分而認真督催使應徵錢糧年清年款亦係地方官分內應爲之事督撫等或因其辦事急公止可遇有本省應行陞調缺出酌量奏請陞調以示鼓勵若明降諭旨將該員議叙恐各省州縣以徵收全完爲可見長過事追呼甚非所以體卹閭閻之道昔人有云撫字心勞催科政拙是拙於徵科者尙當膺上考而督催全完之員又豈可特予甄叙李世傑見不到此故有此奏

又 諭勒保奏錢糧完欠數目一摺朕細閱單內所有未完各數皆係本年特旨蠲免之款此項既經蠲免止當於摺內聲明又何必另繕清單牽混開列再甘省每年所徵銀糧爲數無多雖按數征收尙入不敷出須各省協撥以供該處經費之用乃經徵各州縣向多虧欠其意以爲積累有年即可邀恩豁免在百姓既可寬其輸納而官吏復得藉以侵漁遂至習以爲常不肯認真催繳若云甘省地方瘠薄則從前如西涼西夏俱在彼立國又何從取給朕軫念邊氓如果實遇災荒蠲賑從無新借若收成歉薄豈可一任相沿侵蝕徒飽貪壘私囊况國家經費有常似此逐年虧欠惟恃蠲免亦復何所底止著傳諭勒保務宜留心查察固不必過事催徵亦不可聽其影射爲要

又題准四川峨眉縣開墾上中下官荒地一萬七千九百九十五畝二分按照馬邊廳官荒科則下田每畝徵銀二分上地每畝徵銀一分四釐中地每畝徵銀九釐

五十五年 諭前閱浙省漕務有浮收情弊降旨令伍拉納訪查茲據奏稱見有嘉善縣糧戶陸建業等來閩呈控革書袁坤一漕總蔡惠勳等將伊運交漕米一百六十一石僅給一百石九斗九升串票業經飭提案內緊要犯證串簿解閩親審等語是浙省漕務浮收加耗積弊仍未清釐而胥吏等敢於乘機作弊或竟係該管地方官亦有通同故縱情弊環珩才具中平爲人老實易爲屬員賸蔽顧學潮尙知謹慎自守而不能約束伊子更難望其整飭地方必須該

督切實嚴查方能肅清積弊今伍拉納一經糧戶呈控卽行提赴閩省親審所辦極是著傳諭伍拉納務卽嚴訊犯證檢查串簿秉公據實具奏不得稍有瞻徇至環珩身爲巡撫不能清查漕弊咎已難辭若敢稍存迴護授意屬員以冀消弭此事或伍拉納被其所欺豈能逃朕洞鑒朕必照辦理高郵假串一案之例將環珩解來京審辦閱元卽伊前車之鑒恐該撫不能當此重戾也

又 諭江蘇高郵州書吏私離假印偽串冒徵百姓胥受其愚而句容縣糧書侵用銀糧盈千累萬皆係以完作欠歷年吞蝕由此而推可見閭閻受國家百餘年培養愛育之恩深仁厚澤無不泱泱淪肌窮年力作之餘皆思踴躍急公輸將恐後而蠶胥猾吏等假捏串票任意侵漁使小民急公奉上之誠轉爲若輩私肥囊橐之計甚而地方官知朕無時不以惠養黎元藏富於民爲念輒思積欠過多自必蒙恩豁免因而急於徵催影射入己作爲未完者恐亦不少朕臨御五十五年勤求民隱孜孜不倦凡遇水旱偏災無不先期諮詢重則加恩概予蠲免輕則准其分年帶徵俾窮簷蔀屋咸躋盈甯朕之於民未嘗不體卹周至乃督撫牧令等既不能宣達朕意又使書吏從中侵蝕豈得謂尙有人心者乎愚民易於欺虐不受吏重徵之累已屬倖免尙有應交正項錢糧敢於遲延觀望也封疆大吏皆係受朕委任重恩不於此等關繫民生休戚之事盡心稽查則其他更不可問矣嗣後各省督撫等於藩司奏銷之期務將未完各項是否實欠在民悉心體訪通行曉諭務使急公之戶不受重徵方爲無忝厥職現在高郵句容二案接踵發覺想各省亦必有似此者俱著澈底清釐毋任官侵吏蝕虧帑累民令各省將此旨榜示通衢俾咸知朕意

臣謹案 國家既以土與民付之守令而又多爲之制坊蓋必民閒有一事之疾苦而後 朝廷增一事之禁令不謂 朝廷增一事之禁令而官吏亦增一事之弊濶法緣弊而立弊卽緣法而生欲廓而清之計非汰除胥吏嚴立科條不爲功矣

是年奏准凡應行解司各項銀兩自奉文之日起勒限一箇月完解司庫報部如逾限不卽完解該督撫卽行查參倘上司因循不卽催提清款以致承辦官

事故離任輾轉咨追者該督撫即將該上司參處併將所欠銀兩著該上司照數賠補

又 諭福崧奏句容縣糧書使用錢糧一案派委司道嚴查續行查出歷年侵蝕銀三千七百兩清米八百餘石現在親往查辦等語所辦不避嫌怨甚屬持正著賞給大荷包一對小荷包二對以示嘉獎江蘇為錢糧繁重之地高郵一案甫經敗露今復有句容縣糧書歷年侵蝕銀三千七百餘兩清米八百餘石之多此項錢糧例應年清年款詳解報司該書吏等又何能侵蝕入己必係官吏通同以完作欠至錢糧一項按額交完清有短缺即不能足數免收又何以侵蝕至八百餘石之多明係斜面浮收上下漁利此等情節該督撫漫無覺察一任蠹書侵欺舞弊而總督藩司駐紮江甯竟同聲贊該省官吏作奸犯科之事竟至上下相蒙毫無顧忌忍心不止此矣書歸久任封疆受朕恩眷最為深重乃竟坐擁廉俸不思正己率屬一味養尊處優任聽地方諸事廢弛若不嚴加懲治何以肅吏治而儆官方著傳諭福崧即傳諭將書麟革職鞫解交刑部治罪所有兩江總督事務著福崧暫行兼署候朕另行簡放福崧甫到江蘇即能查出此案秉公嚴辦業經勢不兩立不必再存討好邀譽之見務須澈底清查認真查察倘仍有似此官吏舞弊擾累民生之案或道府有徇庇屬員通同欺隱情事當即據實嚴參毋稍隱飾不負朕委任封疆大吏果能各發天良認真辦事朕斷不因衆人有怨慰之言轉加責備該撫又何所畏憚而不認真查辦耶至前任句容縣吳汾亦著革職鞫歸案審辦閱鵬元因何將該員調委他處或明知該縣官吏有此通同舞弊之事故令王光陸前往署理希圖代為彌補掩蓋亦未可定亦著該撫一體嚴查據實覆奏

又 命吉慶會同嵩椿勘明英額邊至雙陽邊開拓邊界丈量荒地分賞盛京各城旗人之無田地者

五十六年議准各直省荒地州縣官冊報開墾該督撫即另委隔屬實員履畝勘丈所墾與所報之數果屬相符取結送部照例分別六年十年入額起科倘丈勘不符將原報官議處如委勘之員一時朦混日後發覺將委查出結官一

併查議將屆升科時該撫按年委員覆加查核如果有坍塌更改之處據實具題請給其成熟田地仍分別升科如有應行改正而互相徇隱者照荒熟地不分晰明白例議處

又覆准山西省丁徭向未攤歸之陽曲二十六州縣原屬分徵今將曲沃縣丁屯徭銀全歸地糧天鎮縣丁銀亦全數攤徵尖丁耗銀隨正輸納其應徵本色米石照舊徵收朔州丁銀州衙一體攤徵其科則每地一畝自一分八釐至四分不等

臣謹案朔州丁徭於乾隆元年減入地糧至是州衙民屯乃一體攤徵

姚文然丈冊末議丈量之冊有二一曰魚鱗冊一曰簡明總括冊魚鱗冊者以戶從田細列坵段畝步簡明總括冊者以田歸戶詳書清丈總數此丈量造冊之大概也今簡明總括冊已經備造申解矣至於魚鱗冊之造解藩司則愚竊有未議焉蓋東南地勢險狹與西北地勢平行廣闊有同東南狹隘峭峻山岡之田多平坂之田少平田畝雖多而坵數少山田畝雖少而坵數多此一定之勢也故造魚鱗冊之煩難較之西北為甚即以桐城計之計折實一畝田大者為一二坵或三四坵小者或八九坵至十餘坵約中約算每折實一畝為田五六坵不等而桐城田畝三十九萬有奇計坵近二百萬魚鱗冊式一頁寫田八坵計冊一本用紙近二十餘萬計冊一頁紙筋刷印筆墨雇募鈔寫核算約費需銀一分有奇約造冊一本民間所費已二千餘兩而彙解藩司紙筋浩繁卷帙重大途次水陸解扛之費又復不貲一邑如此則一府之費可知矣通省之費更可知矣然此猶為一無差訛而言也若有萬一差訛必致駁改文移往復動以月計勢必遷延更非且夕所可清結也且申解魚鱗冊於藩司者不過以為便於稽查及為遺官抽丈張本而已自愚觀之則徒為具文無裨實用何也魚鱗冊中之坵段細數雖解藩司而田之坐落何地仍遠隔在各府縣即有情弊必須抽丈方明紙上何從查核至於抽丈之時勢必按臨各縣即取各縣貯庫清丈魚鱗冊按圖履畝方便查勘萬無將申解藩司之魚

麟册並較轉發各府州縣以憑抽丈之理似此則魚鱗册解司既無益於稽查又無關於抽丈倘得免其造解藩司但須嚴檄各縣將現在丈量交縣魚鱗清册一本用印存縣貯庫以備不時抽丈則坵段之細數存縣田畝之總數申上存縣者積步分明抽丈一目了然申上者直截簡要民間可省勞費即以桐城一縣計之已省二千餘金則一府之省可知矣通省之省更可知矣愚又竊查科疏止云清丈共熟好地若干頃言共則不過清丈總數而已部覆止云請嚴勸各撫嚴查田地之荒熟備造清册則非造魚鱗清册可知是今所現造簡明總括册正與部科原疏相符再查安撫院牌行藩司內載江西撫院回咨云止造總括册達部言總則不及散數言括則不及細數是江西總括册可以達部則江南亦可援例矣似此則簡明總括册上有部科原疏可仿近有江西成例可援其魚鱗册尚存縣庫以備抽丈免行解司以省煩費公私兩便萬姓沾恩矣

又議准成熟田畝或因水冲沙壓變為蕪薄者准其隨時查明取結造册題報減則日後或培植復熟亦即隨時確切取具册結題報仍按照原則徵收並議准地有初墾時本屬低窪瘠薄年久土脈漸變膏腴該地方官隨時勘明造册具結按照等則題報升科

五十七年議准河東鹽課改歸山西陝西河南等三省行鹽州縣地丁款內攤徵

又議准州縣經徵錢糧詳請拆封後責成各道府查覈實徵銀數飭令即行解交藩庫其以次遞徵已及成數者亦即儘收儘解統計一年徵收銀數截至年底為止令該管道府將各州縣經徵底簿及花戶串根詳悉檢查查實在已完若干民欠若干據實開報各該督即取具藩司道府甘結於開印前報部存案倘道府所查完欠數目與州縣月報日報不符點查銀數短少即行據實揭報嚴參治罪如該管道府有意通同徇隱亦即一併嚴參

又除河南蘭儀五縣臨河新灘地四千九百餘頃  
又奏准河東鹽課改歸地丁應分省徵解其河南唐縣歸公銀一萬二千四十

三兩六錢五分四釐裕州歸公銀一千兩山西潞州澤州節省銀二萬兩均令徵解各本省藩庫報撥毋庸仍解內務府

又安邑縣夏縣聞喜縣絳縣向解運庫之麥租蘆價等銀一千九十二兩六錢四分三釐一體改解藩庫其運司經歷徵收麥租亦改歸安邑縣就近徵解五十八年准山西大同縣折色銀全歸地糧每糧銀一兩攤一錢一分七釐仁縣則額丁銀歸地糧每糧銀一兩攤二錢一分六釐尖丁銀歸屯糧每一兩攤一錢七分六釐前衛丁銀歸入屯地每一兩攤二錢二分六釐至各屬尖丁耗羨照地隨徵

五十九年議准陝西延安漢中榆林鄜州綏德五府州所屬三十一廳州縣應徵鹽課銀八千九百八十餘兩一併改歸地丁項攤徵  
嘉慶二年奏准江蘇淮徐所屬及揚州府屬之高郵寶應等州縣極窪田地河湖漲溢溜溜刷深委員履畝確勘除地勢稍高仍照原則銀米徵輸外極窪田畝改種蘆葦照賦減則嗣後遇水旱概不報災

三年議准浙江杭州滿營牧廠餘地以及塘外漲復新沙墾種地畝應徵租錢該州縣於九月開徵至次年四月底止八箇月帶數全完於五月造册題報依限全完給與議敘如有未完將經徵之員開參照南米尾欠例勒限催徵限內全完准其開復逾限不完即責令經徵之員照數賠繳仍照地丁錢糧一年限滿不完之例分別議處

又議准浙江牧廠漲復新沙俱坐落塘外佃民交夏後始能到地翻犁八月成熟九月開徵若照原議十月全完催輸未免過迫定限於本年九月開徵次年四月帶數全完

四年 諭錢糧一項例應民間自封投櫃久經嚴禁私設官店以杜浮收其鄉民內向有折交錢文者若竟行禁止恐小民不諳銀色反受胥吏愚弄各督撫務於開徵之先按時價覈定換銀上庫之數每兩按收大錢若干文出示曉諭聽民自便毋許絲毫浮收

又 諭奉天旗民私墾餘地為日已久自應清查辦理以杜爭端著賞限二年

令各業戶將浮多地畝自行首報其從前私種之罪及地方官失察處分俱著  
加恩寬免向來納租餘地每畝交銀六分今著加恩減半每畝酌中納租三分  
折交錢文自於旗民生計爲便如有逾限隱匿不首者准令地鄰人等首報丈  
出餘地即撥給首告之人耕種納租該將軍等務須督飭所屬實力詳查倘吏  
胥等有藉端勒索影射等弊必當嚴行治罪

五年奉 旨郭爾羅斯蒙古游牧處所不准內地民人踰界前往開墾惟因蒙  
古等不安游牧招民墾種事閱多年相安已久且蒙古得收租銀於生計亦有  
裨益是以仍令其照舊耕種納租此係朕體卹蒙古起見方今中外一家普天  
莫非王土但蒙古向來游牧之地既許內地民人墾種若復官爲徵收竟似利  
其租入豈朕愛養蒙古之意今軍機大臣等議令設官彈壓不令經徵並不准  
照吉林地丁收租所議甚是仍令查勘酌定租數俾蒙古民人兩有裨益以副  
朕一視同仁至意欽此遵 旨議定查明該處共熟地二十六萬五千六百四  
十八畝按每畝徵糧四升共折銀五千五百七十八兩六錢扎薩克自向民人  
徵收以後不准多開一畝之地添住一戶之民倘有私招民人偷開地畝者從  
重治罪

又覆准浙江被水田地有沙淤石壓者勸民設法墾復准照江西例每畝給修  
費銀二錢水沖田禾每畝給籽種銀一錢令其及早墾復如有不肖官吏藉端  
捏報指名嚴參

又奏准州縣徵收錢糧照依賦役全書內額編銀兩分別徵收各州縣詳請拆  
封後責成道府查覈實徵銀兩應支官俸役食驛站夫馬祭祀廩膳孤貧等項  
銀兩准各州縣自行支留餘存銀兩即行解交藩庫

朱雲錦戶部平餘案略曰按凡有解部錢糧每千兩隨解餘平銀二十五  
兩飯銀七兩俱於耗羨內動支起解至雍正八年奉 旨減去一半每千  
兩止隨解減半餘平銀十二兩五錢飯銀七兩雍正十二年復奉准部咨  
凡有解部錢糧將減半餘平並飯食照例動支起解其協撥外省兵餉及  
本省傾銷銀兩亦自十二年爲始將餘平飯食銀兩在於耗羨項內照數

扣貯年底分晰造報酌量提解等因每年按照通省正項銀一兩扣餘平  
銀六釐二毫五絲遞年扣貯司庫至乾隆三年復奉 上諭平餘即係耗  
羨並非別有加徵解交部庫與存貯藩庫均爲國家公事之需從乾隆三  
年爲始將減半平餘銀兩一概停其解部即存貯本省司庫遇有荒歉及  
裨益民生之務確應賑卹辦理者即將此項奏明動用欽此每年於耗羨  
內扣貯減半餘平銀兩遵奉在案嗣於嘉慶五年大學士慶桂奏請飭交  
戶部通行各省將減半餘平是否歸入耗羨及有無存貯之處查明咨部  
核辦等因經部查明仍遵前例辦理在案

又議准江西各衛屯田額徵租銀向例係由各州縣徵收徑解糧道給丁濟運  
今該省屯糧餘租積欠較多該糧道每年督運春出秋歸在外日久無暇催徵  
請將廣饒九南道吉南贛甯道所屬屯租改歸各巡道就近督催徵收如有拖  
欠遲延等事開列該管各巡道職名送部查議

臣謹案屯衛租銀 國之正課而不能不假手於州縣之吏胥吏胥慣用  
其侵蝕舞弊之手段至積通疊疊舉有所歸矣責之糧道如是責之巡道  
亦如是部臣但就一偏之弊以立法非法之善者不如歸併州縣猶爲去  
吏胥近而察弊較易也

六年永定漳沱河並溢畿輔九十餘州縣災有 旨水衝沙壓應行減豁之處  
據實奏聞其有水退泥淤轉瘠爲良者不必急行查辦是年減免直隸旗租十  
三萬三千八百餘兩次年再減二萬九千餘兩

七年議准直隸旗地租銀未完經徵督催各員二參處分均照地丁錢糧例不  
復作分數即按原欠分數分別與以降調革職其接徵接催各員亦照地丁錢  
糧例另行起限催徵限滿不完分別議處每年經徵帶徵分數未經全完查有  
官侵吏蝕等弊該督隨時嚴參另辦其實係民欠即聲明初參二參未完分數  
造冊報部嚴辦

又給曹單沙壓地八百頃有奇又以文安多潦減額賦十之三著爲令免曹單  
二縣沙壓地八百頃

又議准州縣額徵本色南秋糧米查照徵銀之例責成徵收監放各員親身赴倉查驗毋得假手胥吏以杜弊端

八年 諭本日大理寺卿窩星額由盛京差竣來京召見時據奏伊於關外路上見出關民人均赴該處種地爲生該處旗人近因貧民出口種地者多究於生計不能充裕等語看來關外民人聚積日多物價較前昂貴即所產米石有餘食之者衆其價亦必至增加於旗人生計未免有礙總由旗人怠於耕作將地畝租給民人坐獲租息該民人即借此牟利著晉昌勸諭旗人或將現有地畝自行耕種或將未種荒地以次開墾俾各自食其力漸臻饒裕斷不可圖得一時租息將自有地畝盡租佃民人轉致生計缺乏至民人等出關後定例不准私墾旗人地畝並當出示查禁勿得陽奉陰違視爲具文

謹案例載民人不得私墾旗人地畝固欲其自種之自食之於生計饒裕也迺旗人願自棄其所有權以食租爲無上之便利晏安鳩毒與明之宗祿同一失策固無術以藥其窮而持其久矣

又 諭鐵保奏酌議州縣收納錢糧有不得不因地變通者向來交銀在一錢以上定例已久自不可輕易更張除通都大邑及商旅輻輳之所有銀可易仍遵定例辦理外閒有山僻小邑向無銀鋪地方准聽民便仍飭該州縣按照旬報銀價如數完納等語地方官收納錢糧原應使官民兩便若山僻小邑向無銀鋪地方必欲小民按照定例以錢易銀始准交納未免強以所難鐵保所請向無銀鋪地方聽民自便之處係屬通融辦理但奉行不善則州縣仍可多取於民卽州縣所開旬報銀價之數亦何管可信該撫當督飭司道隨時認真查察惟按照錢文時價酌定數目設州縣等有因此多取於民及必欲強民以錢文交納者卽著嚴參示懲於便民之中仍防滋弊爲要

又 諭陳大文奏江西樂平縣職員朱夢蘭遺抱朱夢文等攜帶倉斛赴京呈控知縣勒折重徵挾嫌誣陷一案審有情弊請將府縣等官革職提究一摺外省民人赴京呈控案件往往發交該省督撫提究率以審明實係誣控或重事不實轉坐原告罪名具奏完案陳大文自任兩江總督以來前於昭文縣民人

吳道昌呈控該縣浮收漕糧一案審出記書姚士林勒令加找米石實情同擬杖徒將該令劉嘉毅照溺職例革職此次朱夢蘭控案復經該督訊出該縣漕書徐文亨改串舞弊書役王國用等包攬折收浮收樣米餘米將控京兩斛較量道庫鐵斛均有浮大屬實難保該府縣無通同苛斂情事並以委審之知府等有瞻徇隱混逼勒供招等情並請提訊是該督於辦理發審事件均能秉公持平不存徇庇屬員之見一經鞠實立請平反使小民含冤得白而奸胥猾吏不致倖逃法網辦理實屬可嘉各省督撫等身任封圻於民人上控之案未必盡有意賄徇總由委審之員心存袒庇有意隱混遂不免爲其所愚將就完結或轉坐原告以誣控之罪以致小民負屈莫伸赴京籲訴者紛紛因該省上司不可盡信不得不特派欽差前往審訊試思鄉里愚民生計本艱一旦被官吏侵欺赴上司衙門申訴如督撫等果能秉公訊斷毫無枉縱又豈肯遠涉關河來京呈瀆致須欽派大員前往審辦耶况欽差皆部院大臣均有本任應辦之事亦不可馳驅於外久曠職守若外省案件必一一待派員往爲申理又安用督撫爲耶嗣後各該督撫等當力改袒護屬員積習共發天良於民人控訴事件一乘大公虛衷審辦務得實情以申民隱而肅吏治毋得稍存徇庇預結案以致使輻輳輿徒滋案牘也

九年奏准各直省州縣徵收地丁一切錢糧每年截至年底將已未完錢糧數目於次年開印前一面遵照定例報部備查一面專摺具奏以備酌撥  
十二年 諭戶部奏申定章程嚴催積欠一摺據稱各省丁賦自嘉慶元年起至十一年止除因災緩帶徵外仍有未完銀八百八十六萬一千八百餘兩誠恐不肖官吏有侵蝕虧挪情弊應將錢糧未完處分嚴定章程如有參限將滿例應降革者該督撫不得代爲推卸擅請調署等語各省丁賦關係度支經費國家生齒日繁費用倍增我朝取民有制從無加賦之事惟藉此每歲正供量入爲出豈容積有虧欠乃江南等省自嘉慶元年至十一年止尙有據報未完銀八百八十六萬餘兩朕念民依凡稍有災歉之區無不降旨施恩立予蠲緩現在戶部摺內尙有各省緩徵帶徵銀三百八十五萬餘兩不在此列小民

具有人心於歲入正供自當輸將踴躍即有拖欠亦何至多至數百萬兩總由地方官任意因循徵催怠惰甚或有侵挪虧蝕情弊皆未可知而上司護情屬員往往曲爲地步凡涉參限將滿應降革處分則爲調署別缺俾接徵之員另行開限州縣恃有此規避之法又復何所徵長無怪乎各省積欠如此之多也嗣後州縣遇有錢糧處分參限將滿戶部隨時知照吏部不准調署他處如該上司違例調署者一併參處督撫等務當督飭所屬各行激發天良於應徵款項按限催徵不得任意因循罔顧國計

十三年 諭嗣後遇有調署人員著將該員名下詳查果無應徵未完錢糧咨部聲明方准調署如有經徵參限屆滿違例調署者將該督撫查參示儆仍著各督撫將節年積欠銀兩一體立限嚴催並確查是否實欠在民如各州縣有從中侵挪虧蝕情弊立即指名參辦務期國課得就清釐毋得仍前延玩又以任邱縣環水村莊照安州等處減賦例每年視水勢之大小奏聞十四年免河南溫孟陝州十一年漫口沙壓地四百餘頃

十七年奏准江南沙洲坍塌責成道府督同州縣將所報坍塌逐細查勘願豁者速請豁除不願豁者繪圖註冊通詳立案遇有接壤果係子母相連有邱號糧册可憑方准撥補其補册所餘之地及續有新漲餘沙盡歸公招變其江海突漲無主沙洲若在舊册界內謂之故土復生應查明報册先後撥補如四面臨江附近又無應補册戶謂之江心突漲照例歸公招變如地在兩邑應令飭屬會同勘詳願買者赴司首先繳價在後駁斥不准以杜爭端

又 諭戶部查明各省積欠錢糧及耗羨雜稅等款銀兩數目一摺直省丁賦錢糧皆國家維正之供每歲量入爲出以給俸餉諸大端度支所繫國有常經戶部具報月摺毫無額外支銷此中外所共知者且內府歲用所需不特從不取之部庫歷年以來每將內府餘款撥給戶部應用歲不下數十萬有將及百萬者而部計部中正項錢糧積欠竟至一千九百餘萬兩之多屢經飭催報解寥寥此實歷任直省大吏催徵不力所致除單內奉天山西廣西四川貴州五省皆年清年款並無積欠雲南省僅有積欠五百餘兩均無庸議外其安徽

山東積欠各多至四百餘萬兩江甯江蘇積欠各多至二百餘萬兩疲玩尤甚該省督催不力之督撫藩司均著嚴行申飭其積欠自百餘萬數十萬至數萬兩之福建直隸廣東浙江江西甘肅河南陝西湖北湖南等省各督催不力之督撫藩司均著傳旨申飭自此次奉旨之日著督率所屬實力催徵毋任延玩拖欠一經徵有成數即行報部撥解並著戶部於每歲年終將各該省積欠原數若干已完若干詳悉開單具奏以報解之多寡分別飭議以重國課而昭覈實

十九年 諭戶部奏請飭催各省州縣徵存未解銀兩開單呈覽內江蘇安徽兩省嘉慶十四年奏催案內未解銀三百餘萬兩迄今數年不特報解無幾而徵存者轉益加多現在此兩省共未解銀六百六十餘萬兩山東省亦增至五十餘萬兩其甘肅雲南直隸福建廣東等省亦均有未解銀兩實屬因循疲玩直省各州縣經徵銀兩乃國家維正之供度支經費所從出若州縣徵存而不解司庫以致部中指撥日形支絀頻年積壓相仍國用將於何取給各督撫受朕厚恩具有天良無一實心辦事思之實深憤懣全不以國計爲念一任不肖官吏拖延弊混總不上緊清釐明知經費未裕瑣瑣焉議於常賦之外設法巧取而置分應提催之款於不辦豈非本末倒置公私罔辨乎江蘇安徽二省爲數最多張師誠甫經簡調胡克家亦到任未久無所用其迴護山東省較之甘肅等省亦多至數倍著嚴飭各該督撫即督率該藩司認真查辦各將徵存未解之款儘數提解司庫報部候撥如州縣中有延不申解者嚴參治罪以儆其餘倘提催不力則惟該督撫藩司是問恐不能當此重咎也

二十年 諭蔣攸銛等奏請設法清釐民間積欠錢糧一摺國家任土納賦錢糧爲維正之供豈容小民抗欠粵東額徵地丁現尚有未完銀一十三萬七千餘兩此內南雄仁化共有五萬餘兩潮陽揭陽兩縣實成該府督縣嚴徵分別覈辦外其南雄仁化兩州縣著照該督撫所請即派委委員協同該州縣勒限兩年各將所屬田畝糧戶逐一覈實查勘造冊將應徵新舊銀米務於限內徵齊

其積戶未清者令執業之人將積欠銀米完納衝荒蕪者照例豁免該二州縣經徵十四年以前錢糧處分暫免數計開參

又 諭御史孫升長奏清釐漏賦匿稅田地分別報墾升科酌追花息一摺直隸湖北廣東屢有墾荒田畝其餘各省或亦有之但漏報稅課小民多誤於不知若概令入官貧民未免失業著各督撫飭知所屬州縣查有此等田地俱分別勘丈按則升科酌追花息免其入官期於國課民生均有裨益

臣謹案俞正燮曰步弓之數著書者多不詳言 國朝順治十一年定以二百四十步爲畝會典云丈量州縣地用步弓旗莊屯田用繩民間以二百四十步爲糧畝其大制則縱黍營造尺長五尺爲弓方五尺爲步畝積二百四十步里長三百六十步頃爲百畝頃積二萬四千步畝爲十分分積二十四步此清丈田畝之略則也第經理非人黠者免脫愚者坐倍徵之苦矣

馮桂芬均賦稅議曰賦稅不均由於經界不正其來久矣宋熙寧五年重修定方田法分五等定稅明萬歷八年度民田用開方法以徑圍乘除截補康熙十五年命御史二員詣河南山東履畝清丈山東明藩田以五百四十步爲畝今照民地以二百四十步爲畝乾隆十五年申弓步盈縮之禁部議惟直隸奉天遼東弓尺並無參差至山東河南山西江西福建浙江湖北陝西等省或以三尺二寸四分五寸至七尺五寸爲一弓或以二百六十弓七百二十弓爲一畝長蘆鹽場三尺八寸爲一弓三百六十弓六百弓九百九十弓爲一畝大名府以一千二百步爲一畝若令各省均以部定之弓爲畝倘大於各省舊用之弓勢必田多缺額小於舊用之弓勢必須履畝加征一時驟難更張應毋庸議嗣後有新漲新墾之田務遵部頒弓尺不得仍用本處之弓不特 朝廷寬大之恩卓乎不可及亦見當時部臣深明大體有如此惟是舊田新田截然爲二終非同律度量衡之意也惜當時不將各省田畝一切度以工部尺而增減其賦以就之不尤善之善者乎今吳田一畝多不敷二百四十步甚有七折八折者林

文忠公疏稿所謂南方地畝狹於北方者此也蓋自宋以來所謂清丈者無非具文矣皆由不知前議羅盤定向四隅立柱之法爲之範圍有零數無部數可分不可合或盈或縮其或隱匿百弊叢生計到爲二可或十一畝或可十畝又或隱匿田畝之法方田十畝亦必知縣州府志數畝與縣縣計丈久之以山多難丈中畝可爲零畝故丈田亦必詳丈畝不能若網在綱必至治絲而棼誠如前議繪圖之法而用之然後明定畝數北省有六畝畝一畝四十二畝縣之丈地敷一縣之糧科即朱子通縣均紐百里之內輕重齊同之法按畝均收仍遵康熙五十年永不加賦之 諭旨不得藉口田多絲毫增額如是則豪強無欺隱良懦無賠累矣

二十一年 諭前據御史盧浙奏州縣徵收錢糧例用三聯串票欲杜州縣虧欠之弊請飭令蓋用該管道府印信經戶部議准通行茲據百齡等會奏窒礙難行之處甚多朕詳加披覽所言皆係實在情形徵收錢糧串票鈐用州縣印信奉行已久卽加用道府印信如已徵之銀仍不催提報解亦難杜虧挪之弊徒使官病稽遲民滋擾累吏胥往返亦易作奸江蘇安徽江西三省如此推之他省自必皆然與其紛更無益不若仍循舊章以歸簡易所有前議三聯串票蓋用道府印信之例著通諭各省卽行停止

二十二年 諭給事中賈聲槐奏請嚴州縣起解錢糧之限並禁印空白冊結一摺各省州縣徵解錢糧存留起運各分款項兩不相涉其應行起運銀兩現已責令各按上下忙起解倘有逾限卽行參處立法已爲嚴密今該給事中謂州縣借留支爲名遲延報解請飭令將正雜錢糧全數報解不得自行留支實屬舛誤留支款項先行報解繼復請領是徒增解費領費之累於杜絕侵虧之處毫無裨益至各省藩司奏銷悉以州縣印冊爲憑豈能豫提如許空白印冊代通省州縣私捏造報所奏著毋庸議

又 諭御史王松年奏近聞直隸督憲查辦虧缺勒令州縣屆限完繳而該州縣於已徵之款未能如數完解藉此苛求民欠以爲挪補之計逐戶比追不留餘力而該督藩亦以催科爲上考撫字爲緩圖請飭下該督藩惟於州縣已徵

應解及虧欠各款勒限嚴追將實欠在民者妥爲酌劑等語直隸州縣已徵未解錢糧原應勒限嚴追即實欠在民者係應納之款亦應分限催令完繳惟本年順天保定等府屬雨澤稀少其被旱成災之區自應早行查明出示停徵俾小民免追呼之苦其未經被災各州縣仍照舊徵收不可冒濫德者本也財者末也法固宜嚴民不可擾切勿廢本逐末恐有流弊也

二十四年免山西岢嵐保德二州缺額丁銀二千二百餘兩

臣謹案是時成格撫山西奏請將額缺丁銀於通省委廉內攤捐奉 諭

岢嵐保德二州地本苦寒罕通貿易現在寄籍者陸續還歸即土著亦多

遷徙以致丁銀缺額攤賠滋累該撫奏請在通省委廉內每年照數攤捐

殊可不必 仁宗之體卹臣民豈彼煦仁子義之君所可同日語哉

二十五年 諭御史龔鏜奏請清查糧戶賦額一摺國家維正之供則壞成賦自應糧隨地轉若如該御史所奏江蘇省有貧民地無一畝每歲納糧銀數兩至數十兩不等有地祇數畝每歲納糧田銀十餘畝至數十畝不等者皆因業戶從前售賣時未將糧銀全數過戶以致轉轉不清著江蘇巡撫嚴飭各州縣調查近年糧冊秉公考覈現在執業之戶有地若干頃畝按照例應納糧若干其貧民無著虛糧一概推收勿任隱混該管上司仍嚴行稽察不得任聽官吏藉端索詐致滋擾累

又 諭戶部議覆御史李昇頌奏各省官荒地畝按限升科招佃估變一摺各省馬廠蘆州等項官荒及抄入官地畝均應按限報墾升科招佃估變乃日久因循任聽官吏侵吞民戶隱占各省多有而直隸爲尤著著直隸總督順天府府尹盛京將軍及各該省督撫等嚴飭所屬各將前項地畝迅速認真查勘已墾者升科未墾者招佃應變價者估變勒限逐一清釐報部查覈如有吏民抗違把持者嚴行懲處若州縣官仍前怠玩或有心隱匿該督撫等據實嚴參重處以清賦課而杜侵欺



皇朝續文獻通考卷二

田賦考二 田賦之制

道光二年 諭帥承瀛奏委員覆查南田封禁地方一摺浙江甯波台州二府聯界之南田地方自前明封禁至今四百餘年無業游民藉採捕爲名潛往私墾見在十有八畝計墾戶二千四百有零已墾田一萬六千七百餘畝其始由豪強占踞招人墾種計畝收租名曰老本以致愈墾愈多此等墾戶若概行驅逐則實在無籍可歸之貧民必虞失所恐致別滋事端若任其占踞潛匿或更從而影射招搖則紛至沓來匪徒濶迹其中無從辨別人數愈衆措置愈難該撫見飭墾著名老本賴一富等二十名嚴行究辦並出示剴切曉諭檄委甯波府督同該委員等前赴南田復行逐畝查勘該處戶口地畝一俟得有確數著即相機籌辦務出萬全會同趙慎畛妥議章程具奏俾貧民不至流離失所而匪徒亦不至匿迹其開方爲至善

又 諭葉世倬奏查辦丁歸地糧及民間實在情形一摺山西省州縣丁徭銀兩歸入地丁攤徵者除已有八十廳州縣外尚有孟縣等二十一州縣未經議改茲據該護撫查明平定州孟縣二處情形相同所有孟縣丁徭銀兩著自道光二年起即攤入地糧項下徵收其平定州丁銀亦著一律歸併辦理造冊咨部至興縣等十九州縣情形不一自應次第確查分別撥辦葉世倬現已簡放福建巡撫如一時不能查辦完竣屆期即移交新任巡撫邱樹棠悉心籌畫分別妥議具奏可也

又 諭錢臻奏州縣交代拖延請嚴定章程一摺向來州縣交代本有一定例限據錢臻查明湖南省州縣交代逾限轉轄甚多皆由各員卸事後不俟交代清楚即擅自進省接任之員無憑覈算以致輾轉遲延幾成錮習自應即加整頓嗣後該省州縣交代責成該管府州就近督催依限結報如交代未清即將該員扣留限覈算不准擅自回省其例限已逾除咨部照例察議外將該員委署補缺概行停止倘接任之員刁難勒指亦即據實懲辦如府州徇玩視查明一併參處先虧帑項責令各半分賠即查無虧空亦將督催不力之府州

查參以重帑項而杜積弊

又 諭御史羅宸奏直省徵解錢糧請設法均稽並剔除外省完糧積弊各一摺各省州縣經徵錢糧歲有常額其官侵吏蝕原應隨時懲辦若如該御史所奏欲仿照鹽引茶引之法部造串票蓋印頒行各省酌頒州縣務用印串徵收填定經徵接徵銜名年月數目截給完戶之半仍將串根繳部其收串之給民者飭民存貯以備部中隨時調查事屬紛擾難行易啟書吏影射訛索之漸且戶有大小糧有多寡欲令部臣一一覈對實屬日不暇給所奏斷不可行其請民間各自編名管業見部頒串票然後交納不得誤交族棍鄉棍之手以致銀項落空生監包攬例禁本嚴然離城較遠及尚未成丁之戶必欲令其紛紛自行投櫃亦非便民之法

又 諭御史余文銓奏請飭禁州縣派糧總庫總一摺各衙門派充書吏承辦稿案必須誠實幹練之人用供驅使其有經手錢漕要務者尤應慎加選擇責成經理豈容先事賄求致滋弊竇如該御史所稱州縣官初到省垣所屬糧房庫房輒豫行賄賂求派糧總庫總既派之後不得以錢漕事務專交承辦該吏等或將錢漕串票押銀兩供應揮霍由是扒夫斗級銀匠櫃役通同一氣因緣爲奸勒折浮收弊端層出甚至徵收限滿以完作欠以多報少真串與假串互淆新賦與通賦牽混並有將錢漕兩項包徵包解該吏等侵蝕既久遂成官之虧空雖分別嚴懲糧庫總反得置身事外積蠶相沿實堪痛恨著通諭各直省督撫嚴飭所屬州縣將糧總庫總名目即行裁革所有錢漕諸務責令各員親身經理毋任該吏等盤踞把持及營求充派以肅吏治而杜侵虧

三年 諭孫玉庭等奏清理宿遷縣馬湖官民灘地分別蓄草收租酌定章程一摺馬湖灘地畝居民墾種勢難復賦升科該督等按現在承種業戶丈明頃畝官給印照分別地之高下酌取租計每年共可繳租錢二萬一千二百九十七千零著照所議即自道光三年爲始由該地方官造具花名畝數清冊於麥熟後徵徵限六箇月收清繳貯河庫撥充淮徐兩府地方公用該督等自此次奏定章程務當認真辦理不准越占開墾及私築圩岸有妨水道違

者坐罪如該地方官有惰徵侵收捏完作欠情弊察出分別參處其淮徐兩府詳撥動用各項尤當嚴加稽覈毋許稍有浮冒此外別屬不得援以為例該督等仍將動存實數於年底奏報一次免其逐案造銷至另片奏稱徐州鎮中右兩營畜牧灘地兵民雜處易啟爭端請於民草地內劃出七十頃租價由縣徵解該營賃租空地畜牧毋庸劃給地畝其占種駱馬官湖地畝之戶分別上下等差從道光元起酌追花息充公至河庫墊發勘丈員役銀兩及宿遷縣墊用銀兩均於酌追花息內易銀歸補俱著照所議行

又准山西絳州等二十六州縣丁銀攤入地糧

又 諭嗣後直省徵收錢糧將墊完民欠名目永遠革除

又以河南省新開衛河支流上游築壩給居民地價並免額賦

又除直隸宛平縣屬建蓋行宮占用民田額賦

四年 諭御史陳瑛奏請飭禁徵收錢糧積弊一摺各省漕務積弊相沿土豪盜役壟斷把持遂有以完作欠之弊又收漕時委員以查漕為名實為調劑候補人員起見不過勒索陋規均不可不嚴行飭禁著各省督撫嚴飭所屬州縣每季徵收完解時開列實欠花戶名姓送該管道府用印仍發回本地張貼如有以完作欠者許該花戶指控究辦其各省查漕委員概行停止毋許仍沿積習至該御史奏按鄉分徵一條據稱州縣開倉三五日即封廠折價所完者皆包攬之戶遠鄉窮民守候苦累另行折價完納轉致拖欠嗣後州縣收漕時豫貼告示計日按鄉分收並令每日辰開酉封是否可行著有漕各省督撫查明妥議具奏

又 諭趙慎畛等奏請嚴禁民人私墾生番境內地畝一摺福建臺灣彰化縣所轄水裏埔裏兩社係在生番界內向以堆築土牛為限民人樵採例禁侵越近年以來該處生番因不諳耕作將熟番招入開墾據該督等查明該熟番與漢民交契結姻者頗多恐漢奸私入混雜難稽或因生番懦弱逞強欺占該生番野性未馴必致爭鬪釀成巨案不可不嚴行飭禁現在農事已畢著即飭令各社屯弁及通土等查明越入各熟番概行召回不准逗遛在內以後亦

不許再有潛往如敢抗違該廳縣等立即會營拏究並著於集集舖內木柵二處隘口設立專汛即飭北路協副將於彰化營內就近移撥弁兵實力防堵毋許番民擅自出入鹿港同知彰化縣每年分上下兩班輪往巡查一次仍按月取具汛弁及屯弁通土等切結由廳縣加結通報並責成臺灣鎮會同該道府嚴行查察該弁兵如有疏懈徇縱情弊即行分別斥革治罪倘該廳縣視為具文督查不力亦即據實參奏交部議處開墾一事嗣後不必開端永當禁止

五年 諭昨有旨令各省有漕督撫漕糧仍照例徵收本色毋得藉口折漕致滋弊竇本日復據成格奏江西額漕計七十萬有奇距河距海均千餘里而遙且地極卑溼若仍徵本色恐來年停運存貯易致霉變請全數改徵穀石如

明春照常濟運即飛飭各州縣趕緊製碾上兌如仍有阻滯責成州縣變價銀錢並解其穀石不及變價者妥為存貯以待下次製碾搭運等語漕糧徵收米石由來已久今欲計米徵穀恐不肖官吏以改折為名藉端浮收勢所不免若謂該省卑溼米石不能存貯試思京通各倉分貯漕米陳陳相因積至數年之久尚不至運行霉變且徵收穀石屆時始令動碾勢必緩不濟急再州縣多此一番製碾夫工飯食又將藉口賠累至所稱銀錢並納必至抑勒紛擾所奏著毋庸議該撫仍遵前旨照例徵收本色隨時查查江南湖南情形如明春照常濟運即全數開兌執行倘稍有阻滯仍著妥為存貯以俟下年搭運或米石不堪久貯再行籌議變價解歸司庫聽候動撥不得輕率改易舊章致滋流弊江西省收漕較早該撫現已調任廣東巡撫如接奉諭旨業已起程即移咨護理巡撫嵩溥遵照辦理

又 諭浙江海甯十一州縣禾苗被風准種並納

六年 諭陶澍奏旬容縣本年漕糧請照舊種並納一摺江蘇省漕糧例收種米據該撫查明江甯府屬之旬容一縣山多圩少上年夏間得雨稍遲該縣農民種稻者居多以致交倉之米顏色參差著照所請准將旬容縣道光五年漕糧仍舊種並納以示體恤嗣後著該撫飭屬於每年四五月間察看情形如係雨水調勻山田無虞受旱督令一律種種或因得雨稍遲農民仍防旱種

和即查明咨部存案毋許臨時額請

又 諭陶澍奏現辦漕務情形嚴禁枋棍包漕橫索陋規等語所奏甚是江蘇漕務疲敝已久閭閻每苦浮收而各州縣用度浩繁不能不藉資津貼抗玩者即因此挾制以爲控端積習成風互相詬病必應力加整頓務令兩得其平既不使不肖官吏婪索病民亦不容枋棍把持藉端訐告庶可官民相安而刁風漸息如所奏旗丁津貼一項各州縣稍有浮收原非必藉以入己而包漕枋棍藉此橫索陋規不可不亟行革除據奏富家之家與稍有勢力者皆爲大戶亦有本非大戶而詭寄戶下者其刁劣監平日健訟者則爲訟米完納各有成規而訟米尤甚稍不遂意非逞兇鬧倉卽連名捏告藉控爲抗包攬分肥人數最多之處生監或至三四百名漕規竟至二三萬兩實駭聽聞各州縣費無所出自必取償於鄉曲之酒良小戶爲奉長補短之計而窮民不堪腹削樂於詭寄糧名大戶生監等包攬愈多盤剝并吞勢所不免將至小戶之糧田日少辦漕之經費日絀不釀成巨案不止該撫既經見及自必能早爲之計力挽頹風著卽督同藩司將收漕章程體察情形分別酌定毋許浮多並嚴禁道府需索漕規及上司同僚交幕友長隨等弊一面飭屬遵照一律免收枋棍陋規痛行裁革此項積弊已久人數衆多當整頓之初怨謗沸騰甚或糾衆肆鬧捏詞京控固爲勢所必至該撫惟當不避嫌疑不稍徇徇無庸豫存畏葸之見遇有控告漕案者卽查其有無抗欠是否糧戶如實係生監包攬或大戶紳士恃符刁抗或有漕而米未交清或集審時原告藏匿或不候訊結潛逃悉控卽即提擊嚴審奏明分別治罪朕必從重懲辦並著該撫移咨學政一體查察如浙江學政朱士彥於貧生拖欠錢糧無論數目多寡悉行扣考固覺過重若拖欠較多實係有心抗糧者亦應俟其考試完清再行補考倘有仍前縱恣者該學政亦卽查明斥革移咨該撫密辦不得稍涉徇縱至各州縣被控浮收銀米總宜查明是否格外增添有無侵吞入己分別辦理

且謹案漕務積弊書不勝書每屆完納而汗吏而劣紳而盜書上下其手相與分肥小民罄終歲之勤劬猶不足衣食適典謬一切以寬追呼於且

夕泰山之虎永州之豨此豈仁人所忍言者清而釐之匪特甦民困亦以培 國脈也

七年 諭辛從益奏漕務積弊情形一摺前據陶澍奏嚴禁枋棍包漕橫索陋規當經降旨飭令加整頓茲據該學政奏稱州縣固應調劑若竟准浮收必滋流弊官委權於書役自浮折全數交官外又必圖肥己業不滿所欲必不給與印串官既浮收吏又賂削受累不堪遂致上控控漕之人未必盡包漕之人又凡遇控漕必先押回本州縣勒迫恐善良之戶無從申雪地方官操縱在手恨其上控倍加抑勒既滿其苛浮之數又逼令具結自誣否則竟不斛收仍科以抗糧之罪是徒逼糧戶以浮交而無審辦之實等語各州縣免漕需費勢不能不藉資津貼祇期足敷辦公之用並非准其任意增添前該撫督同藩司將收漕章程分別酌定毋許浮多並嚴禁道府需索陋規及上司同僚交幕友長隨等弊原期肅清漕政不使各州縣得以藉口該撫惟當遵照前旨將收漕章程酌中定制各州縣歷年辦理成規無難查察不得因此次業經奏明有案遂致肆意橫徵逐年增長如有格外新增者立即嚴參懲辦不可稍事姑息至書役貪得無厭尤宜嚴加懲創遇有私行勒索不給糧串者必應從嚴治罪並將失察及徇縱之地方官分別參處其告漕之人前該撫查其有無抗欠是否糧戶如特符刁抗或米未交清或原告藏匿潛逃均卽提擊嚴辦非謂正身糧戶橫被抑勒者概不聽其申訴該撫遇告漕之案自應先行查明是否正身糧戶有無刁抗該州縣是否任意加增分別辦理其米未交清押回本州縣勒迫者仍飭該州縣照常一律徵收不得挾嫌倍加抑勒及逼認誣告抗糧之罪如有前項情弊亦卽據實嚴參倘實係大戶及生監等包攬刁抗藉端妄控者仍遵前旨從重懲辦

八年 諭有人參奏山東黃縣有私增錢糧滋事案懸日久拖斃人命一案據稱該縣錢糧每兩向折京錢三千四百文本年三月間知縣又欲每兩加二百文有鄉團百姓進署懇求照舊完納該縣痛加杖責是日趕集人多遂圍至大堂將屏門等物擠倒常有登萊青道會營彈壓羣獲數人迄今數月未知如何

辦理而差役紛紛四出搜拏不止或竟晝夜入人住屋其拏獲之入已有在府城拖斃者又據奏山東錢糧嘉慶年間每兩收至三千一二百文今有加至四千文者以市價二千六百計之折收幾於加倍此外如逼富戶之捐輸勒里長之攤派種種剝削雞犬皆空等語地方官因浮收錢糧致刀民恃衆滋鬧即應一面據實嚴參一面查拏懲辦方足以儆官邪而懲刁惡本年四月間據琦善附片奏黃縣知縣李傑敏催科失當以致官民不能相安將該員撤任札飭該府確查辦理何以至今三月有餘並未據該撫復行奏到著琦善將所參各情確切查明秉公究辦至該省徵收錢糧自有舊章何致日漸加增幾至一倍並著詳細確查據實具奏

又 諭據御史王兆琛奏稱山東省近年徵收錢糧折錢日加日多如甯海州每銀一兩折收京錢四千二百諸城縣每銀一兩折收京錢四千二百六十本年黃縣以加增錢糧滋事則藉銀價昂貴爲辭現在他州縣亦皆持此說日加日多應有底止官不足而腴諸民不足又將誰腴且此官一加後之賢者亦必不復減其不賢者更照此加增官之獲利祇在蒞任之數年民之受困即數十百年而不能復去等語各州縣徵收錢糧自有一定章程豈容任意增加日甚一日在偏僻地方畸零小戶有不能以銀納賦者折收錢文尙無不可然亦聽民自便不能抑勒概令折錢若如該御史所奏日增一日應有底止小民之脂膏豈盡供貪吏之窳弊著琦善嚴飭各州縣徵收錢糧務照舊章辦理聽從民便交納不得藉端於銀價昂貴輒行增耗亦不得概令折錢任意加多致滋苦累

九年 諭朕聞河南本年銀價大錢一千四百有奇地方官徵收錢糧如新鄭禹州許州靈寶等州縣每兩竟折大錢兩千及兩千二三百文較之去年各加二百文之多現在大河南北糧價尙賤麥米豆倉斗每石市價大錢不滿兩千地方官任意折收如臨漳縣麥每石折大錢九千米每石折大錢八千豆每石折大錢七千其餘州縣亦大略相同至河工加價乃因災攤派不得已之舉地方官亦有藉以爲利與正項錢糧一例折收致使愚民呼爲小糧各州縣徵收

錢糧原應遵守定例不准絲毫浮收即云今昔情形不同亦當示以限制何得任意賤削逐年遞加較市價多至數倍各上司或謂地方官僅就糧清等項生發不必即謂劣員殊不知官聲素好之員必謹守舊規不忍復加分毫其肆意浮收者無非官私虧欠盈千累萬操守平常之員即使更加數倍亦難望其潔已愛民著楊國楨悉心體察仍照定例於開徵之先出示曉諭令民交納隨到隨收不得仍有前項陋習致干重咎

十二年 諭前據給事中邵正笏奏江湖灘漲占墾日甚請飭查辦當降旨令該督撫等酌議具奏茲據楊懌會勘明各屬洲灘情形酌議覆奏長江一帶沙洲日增阻遏水道自應亟籌妥辦惟念由來已久若紛紛查辦地方官辦理不善必至假手吏胥乘機舞弊以致利不能興害不能除百姓轉受其騷擾著照所議寬其既往嚴禁將來該撫即督飭濱臨江海各州縣確查灘地之已升科者毋許圍築私墾亦不准以子母相生影射再報及私行占墾其報墾灘地確切勘明祇准添墾不得撥補洲地亦照此一律辦理嗣後查有續漲及甫經淤出洲灘各地概作官荒永遠禁止認種升科著責成各州縣每年親詣所轄江面周歷查勘一次具報並出示嚴切曉諭倘有奸民敢於新漲地內私墾及種植葦葦者嚴拏治罪查有胥吏勾串混報一併重究該州縣徇隱不報經該管上司覺察或被爭控到案即行查明揭參毋稍寬縱

又 諭有人奏江蘇浙江近年浮收之弊日甚一日等語各州縣官徵收錢糧自應恪遵功令聽民自封投櫃何得顯違例禁任意浮收以小民有限之脂膏供官吏無窮之腹削日甚一日伊於何底著林則徐等嚴禁所屬各州縣違例浮收倘敢仍蹈故轍即指名嚴參示懲

十七年准山西平魯縣丁銀歸入地糧二百二十六兩有奇

臣謹案平魯縣原額丁銀一千五十九兩有奇全書言道光五年豁免逃丁銀四百十九兩有奇於銅本生息項內撥補以符原額又除是年歸入地糧二百餘兩外實徵丁銀四百十三兩有奇迄道光二十年於通省正印養廉按年攤捐歸補蓋民力之漸趨而勤恤之不易即一縣可以知其

餘矣

二十三年 諭納爾經額奏遼查直隸地方難以興舉屯政水田一摺所奏自保實在情形均著照議辦理至南省民間用水車汲井溉田需費不多最為利便見據該督照式製造發交各府州著即詳飭所屬廣為勸導實力奉行如有民間不知此法即於頒發式樣後勸令按井製車試行灌溉其始未免借費憚勞如行之有效互相傳造於農功必有裨益用副朕敦本重農之至意

二十四年 諭戶部奏請將甘肅新疆等處未墾地畝飭查試墾等語西陲地面遼闊隙地必多果能將開墾事宜實心籌辦當可以歲入之數供兵食之需實為經久有益前據伊犁將軍布彥奏奏報於塔什圖畢等處開墾地畝疊著成效洵屬忠誠為國之舉均經分別施恩而烏魯木齊於道光二十年開墾地止二萬餘畝其未墾之地未據該都統奏明續辦著布彥奏會同惟勤體察情形派員確勘如有可墾之地務須設法招徠隨時奏明辦理其伊犁已開地畝業經照例升科此外及各城地方如有曠地可以招墾者仍著該將軍等詳細飭查一律奏辦至甘省報明水衝沙壓案內尚有七千五百餘頃未經墾復著富呢揚阿遵員確加履勘遇有堪以墾復之處即將應復地畝隨時咨報不得任聽該委員等畏難捏稟阻隔不行

又 諭前據戶部奏各省未經報部各荒地恐有私墾隱賦各情當經降旨令該督撫等嚴實查明具奏並因甘肅水衝沙壓荒地未經墾復者七千五百餘頃之多復令富呢揚阿委員確勘將應復地畝隨時咨報辦理茲據該督奏請專辦招墾立限升科等語荒地既多其開私墾者或漏未升科拋荒者或憚於墾復若非特派大員親加周歷廣為勸諭則委員捏飾州縣遷延種種弊端終無實效所有該省招墾事宜著即責成鄧廷楨專心妥辦其藩司篆務著楊以增暫行署理甘肅臬司著富呢揚阿派員接署鄧廷楨會經歷任封疆此次又乘瑕錄用簡任藩司必能激發天良仰體朕意實力講求著於接奉諭旨後親赴各屬逐一勘明將堪以墾復之處設法招徠一律報墾其有未經報明私行墾種者均即勒限照例升科倘各州縣畏難苟安藉詞阻撓並著指名奏

又 諭布彥奏等奏墾復荒地勘估興工一摺開墾地畝必先講求水利來源暢旺則灌溉有資見在惠遠城東阿齊烏蘇廢地據該將軍親往周歷相度可以墾復十萬餘畝擬引哈什河之水以資貫注將塔什鄂斯坦回莊舊有渠道展寬加深即接開新渠引入阿齊烏蘇東界並開段的空支渠俾新墾之田便於澆灌所議均屬合宜該將軍等即飭承辦各員認真妥辦

又 諭前因阿克蘇和闐等處辦理墾荒酌給回戶承種並據烏什辦事大臣奏請裁撤屯兵節經諭令達洪阿親往查勘會同布彥奏妥議具奏茲據達洪阿奏舊疾復發驟難就痊已明降諭旨准其開缺回籍調理矣阿克蘇等城民回難處見在開墾荒地若令民回認種究竟能否相安及酌給回民承種日後有無流弊之處必須另行派員親歷各該地體察情形熟籌定議伊犁前辦開墾事宜經該將軍奏明委林則徐查勘辦理向為妥協著即傳諭林則徐前赴阿克蘇烏什和闐周歷履勘並著布彥奏選派明白曉事之協領一員隨同前往勘視仍由該將軍察數情形酌議定奏明辦理再本日據常清奏查出庫車可墾荒地捐廉興工請給無業回子承種等語著一併交林則徐就近往勘由該將軍覈明具奏務期日久相安毋啟爭占之弊

二十五年 諭前據布彥奏勘明庫車開墾地畝一摺當交軍機大臣會同戶部議奏茲據該議具奏著即照所議辦理因思回疆各城開墾荒地朕意原以內地民人生齒日繁每有前往各城營生謀食者如能將此項荒地招致民戶承種則地無曠土境鮮游民日久可成土著俾得安所樂生原非為該處回戶另籌生計所以初降旨時有查明具奏之語乃各城隨奏隨辦皆係輯瑞作俑以致共相效尤現在庫車地畝既據全慶等往勘請給回子承種納糧復經布彥奏擬奏自係因地制宜惟事當創始不可不豫防流弊著布彥奏等體察各處回情如有勸派苦累情事即不可強以所難稍存遷就

二十六年 諭柏夜等奏請將江蘇省完漕大戶小戶等名目概行禁絕等語據稱查明江蘇向來完漕紳富謂之大戶庶民謂之小戶以大小戶之短交取價於小戶因而刁劣紳衿挾制官吏索取白規大戶包攬小戶小戶附託大戶又

有包戶之名以致畸畸重衆怨沸紛紛滋事又旗丁津貼原有定額近來總以米色爲詞多方排斥逐漸加增是幫船多取一分於官州縣多取一分於民種種弊端關係非輕若不及早整頓貽患何所底止著兩江總督江蘇巡撫認真查察所有前項大戶小戶包戶各名目概行禁絕一律均收尤不准旗丁額外多索幫費倘敢抗違或州縣中竟有浮收入已情事卽行據實嚴參從重治罪毋稍瞻徇以肅清務而清弊源

又 諭前據璧昌等奏請將江蘇省各州縣歷年墊完民欠學恩豁免當交戶部議奏茲據戶部議駁請旨飭查勒限追賠等語國家蠲免錢糧總期實惠及民果屬民欠雖鉅萬不惜蠲除如係官虧卽絲毫不容混免官墊民欠久爲江蘇銅弊此項若邀豁免將來州縣任意侵挪毫無忌憚且書役包庇以完作欠種種弊端必至日甚一日著該督等查照上屆部議奏駁原案仍遵前旨不得有官墊民欠名目並迅卽查明原墊及接徵各員按數分賠勒限嚴追倘逾限不完及再有官墊名目卽行嚴參不貸以重帑項而杜侵欺

二十七年 諭御史戴綱孫奏直隸清查荒地請防擾累一摺荒地勸墾本以下恤民艱上籌國賦其地界分錯之處若專責之州縣申報恐多不實不盡不不得不委員詳細履勘惟恐該委員等於各縣鄉情向未身習其地畝之熟荒難以臆斷往往爭長見短復濟以蠶役奸貪以無爲有以熟代荒既滋弊端卽增擾累直隸省現在辦理勸墾亦不可不防其弊著兩江總督悉心籌度倘該處牧令礙難憑信不得已派委賢員前往分辦斷不准令輕率喜事之員藉端擾害至新墾之田應如何升科亦著該督酌中定制令輕重適宜以杜流弊

又 諭戶部奏珠爾山開荒地畝請照涼水泉舊案停止認種一律封禁一摺吉林一帶地方爲根本重地官荒地畝不准開墾例禁嚴嚴所有珠爾山開荒地五萬三千餘响除見在招墾地二千六百二十六响既經查明各佃花費工本姑准墾種交租外實開荒地五萬三千三百七十四响自應查照涼水泉地畝封禁原案畫一辦理著該將軍副都統親往各該處通行查勘此外尚有存廢開荒地共若干萬响一律自本年爲始各於扼要處所趕立封堆永遠禁

止毋任彼此影射稍涉含混以致有名無實並令各邊口嚴遏流民毋許闖入嗣後倘再有展越偷種情弊除該地方官從嚴懲辦外定將失察之將軍副都統一併嚴行懲處

三十年 諭戶部奏吉林所轄伯都訥等處官荒地畝申禁私墾等語雙城堡珠爾山涼水泉夾信濤四處開荒地畝前於道光二十七年該部奏請封禁奉旨責成該將軍副都統及各協領等認真查禁並於年終查明有無私墾奏報一次乃自奏定章程以後惟二十八年曾經奏報二十九年並未具奏足見奉行不力視爲具文著吉林將軍固慶等欽遵前奉諭旨實力查察按年具奏毋稍懈玩至珠爾山荒地一萬九千七百九十二响見准撥給官兵承種以資津貼其餘存廢開荒地畝仍著該將軍等按照戶部所奏明定數隨時確查毋令流民闖入私行開墾再滋流弊

臣謹案經典無响字始見於篇海午也北人以中午爲响以自晨至午爲一响今奉天等處田地不以畝計而以响計一响者一人之力自晨至午所能耕者也故又謂兩响爲一天每响有當弓地六畝十畝之不同則又各地俗稱之別也

咸豐二年戶部議准福建巡撫王懿德疏報侯官福安二縣開墾田二百畝有奇噶瑪廳田園一千九百九十二甲照例升科從之  
又戶部議准署雲南巡撫吳文鎔疏報安平同知所屬開墾民田三十四畝照例升科從之

三年 諭寄諭兩廣總督葉名琛廣東巡撫柏貴有人奏廣東海濱之區沙田數千萬頃多未升科皆由辦理詳咨費用太多人皆畏縮若減價征收計可得銀數百萬兩該督撫等卽酌量安速辦理毋稍延緩

又 諭給事中雷維翰奏州縣浮收激變多以抗糧滋事爲詞請旨飭各督撫妥辦一摺國家徵收賦稅各有定額豈容不肖貪吏於正供之外任意勒折浮收以至民力告罄民欠日多中飽在於吏胥而虧損在於國課若如該給事中所奏州縣收漕竟有應交一石浮收至兩石之多並有運米不收勒折交銀以

至民怨沸騰激成事變遂有聚眾殺官之案不得不發兵剿捕而各州縣反藉詞於抗糧滋事以掩其浮勒之咎究其起釁根由皆此不肖官吏貪婪所致現在東南財賦之區半遭蹂躪業經屢沛恩施分別蠲緩其未被兵州縣仍當照舊輸將以充國課若再任貪吏剝削以致民不聊生通欠繁縟強者抗拒弱者流亡其何以蘇民困而裕倉儲著有漕各督撫於州縣徵漕之際留心察訪如有浮收勒折激成事變反借抗糧為名希圖蒙蔽者即將該員嚴參治罪並即遴選賢員接辦妥為安撫緩靖地方務當實力奉行勿負諄諄誥誡之意

四年 諭福濟奏安徽徵收錢糧請暫行變通一摺據稱皖省屬鳳穎所屬州縣去年下忙地丁分釐未解綠風陽等處以制錢一千八九百文作銀一兩近來銀價日昂不敷報解一議加增人情惶駭且自賊匪滋擾小民流離遷徙實有未能盡徵之勢請將完善之區本年上忙新賦准交制錢二千作銀一兩暫行變通等語地方應納錢糧向有定例原未可輕易更張該撫所奏體恤民情兼可接濟軍餉係一時權宜之計即著照所議辦理若元氣稍復仍著按照舊章徵收不得援以為例

又 諭前因預籌軍餉部議請令四川等省辦理借徵茲據裕瑞奏稱體察川省民情惟有仿照成案勸諭紳民按糧津貼請免借徵等語川省連年辦理防堵一切度支多係借資津貼該督仍請循案辦理俾民閒不致騷擾自係實在情形惟徵收一切責在地方若令不肖州縣從中勒索易啟弊端著裕瑞嚴飭地方官選派公正紳耆設立公局妥為經收不得假手書役另有絲毫苛派該督仍隨時訪察倘有前項弊端即行嚴參懲辦並飭司詳數各屬津貼銀數奏請加廣學額舉額以昭優獎俟收有成數即派員解京至留充本省兵餉仍須覈實酌辦或於扣廉勸捐項內先儘抵撥不得將此項津貼竟留一半致誤軍需

又 諭恆春奏變通借徵辦法等語見在上忙新賦業已開徵所有借徵騰黃著准其暫緩張貼仍嚴飭各該州縣將本年應徵上忙地丁銀兩實力催徵不准絲毫蒂欠其下忙錢糧亦著設法勸諭提前徵解不必拘泥一二分之數總

以盡力催解為要至上年下忙錢糧據另摺所奏除銷緩外實欠銀數尚有三十四萬五千餘兩山西地方歉約向稱踴躍何至民欠如此之多總由地方官催徵不力起解不前所致著該撫嚴飭各該州縣務將上年欠數及本年應徵之項增數徵完報解倘有徵收不力及徵存未解情弊即著嚴行催辦以儆惰徵而濟要需

又 諭有人奏中州兵差絡繹民力彫弊自交納錢糧有半銀半錢之章程而官之取於民者依然是銀民執章程以請命官即以爲刁抗民所以不能甘心致滋事端至州縣官亦因錢二千作銀一兩則耗銀無出辦理錢糧必至棘手應請官民兩便之方清忠未萌等語所奏均係實在情形著英桂督飭藩司鄭敦謹細心體察各情相機妥辦務當籌畫全局力求變通之法庶使官民不致交困

又 諭前據英桂奏遵議徵收錢糧章程當交戶部妥議具奏茲該部奏稱該撫於應入撥之地丁准搭官票於不入撥之耗羨仍徵實銀辦理實屬兩歧應請飭令遵照原定章程無論正雜錢糧一體搭交官票等語所駁甚是近日創行官票既以濟帑藏之空虛亦以平銀價之昂貴原期於國用民生兩有裨益各省徵收錢糧搭收官票自應嚴杜抵換之弊以期小民得實惠該撫原奏內於地丁耗羨既有准搭官票與不准搭官票之分難保地方官不借此影射於徵收時則全收實銀解交時則換搭官票有心弊混不可不防著英桂就戶部指駁各情並斟酌該省地方情形再行詳細妥議具奏

又 諭戶部奏直隸各州縣收納票鈔事宜請旨飭查一摺直隸地丁錢糧經戶部議准照桂良所奏自四年為始按銀七票三搭收扣至六年十二月為止以後仍按五成搭收各該州縣自應遵照辦理乃據永康等奏永濟籌備二庫地租改收三成錢文及查訪各州縣所收仍屬實銀並無一分惠及百姓等語該地方官徵收錢糧並未按照定章分成收納所交藩庫之三成票鈔顯係減價賤售從中漁利無怪官票寶鈔日形壅滯也著桂良查明查訪如地方官有徵收錢糧不遵奏定章程仍向民間概收實銀者即行指名參奏毋得稍有徇

隱

六年 諭長庚奏請試辦開墾每口淤灘一摺黃河海口兩岸淤灘均係曠土可資耕種該河督請設法招墾以裕經費尙屬可行著邊派委員前往查勘所有該處附近民田蕩地務須分清界址毋許侵占以杜流弊俟試辦有效再行酌議章程具奏其豐北蕭南二廳以下河灘隙地亦著委員清查一體酌辦

又 諭御史錢以同奏請嚴禁官吏賣荒一摺國家愛養黎元凡值水旱偏災無不立沛恩施錫緩錢漕地方官吏應如何秉公籌辦以期實惠及民若如該御史所奏江蘇省蘇松等屬州縣每遇錫緩之年書吏輒向業戶索取錢文始爲填註荒歉名爲賣荒出錢者雖豐收亦得緩徵不出錢者雖荒歉亦不獲查辦甚至不肖州縣通同分肥以致開徵時有抗欠鬧漕等事玩法殃民實堪痛恨本年江蘇被撥地方除業經降旨分別錫緩外其餘各屬尙在查勘著怡良趙德轍嚴禁前項情弊如有書差人等仍敢賣荒舞弊該州縣不加查禁任令向應錫緩之戶需索註荒使費者除將書差從重治罪外並將該州縣嚴行參處其業戶勾通書吏以熟作荒蒙混射利者一併嚴懲以清漕弊而紓民困七年 諭李鈞奏山東省徵收錢糧請明定收鈔章程等語上年山東省錢糧並未搭收寶鈔據該撫奏請俟本年上忙爲始再行察看辦理見在河工放款用鈔較多必須設法流通以資周轉所有山東省本年上忙徵收地丁雜稅或照部議搭收五成寶鈔或於二成官票外再搭寶鈔二成著崇恩體察情形明定章程具奏

又烏什辦事大臣保恆等奏開墾烏什駱巴什地方荒地並挖渠道等工完竣請自咸豐八年爲始按照成案每畝五升科則一律以小麥升科如所請行又 諭御史吳焯奏黑龍江呼蘭城迤北蒙古爾山地方有荒原百餘萬响平坦肥腴毗連吉林境界並非產貂禁地亦與夷船經由之路無涉咸豐四年該處將軍會派員查勘出票招佃嗣因俄夷下駛事遂中止並稱招佃時不收押租按响止收公用京錢數百文開墾之初山林木石聽民伐用樵採漁獵一概不禁以廣招徠所得錢糧可充俸餉等語呼蘭城地方僻遠開墾事宜是否可

行如果有利可與原應豫爲籌畫以抵俸餉

又 諭前因御史吳焯奏黑龍江呼蘭城迤北蒙古爾山可以開墾當降旨交奕山將有無窒礙情形檢查從前原案據實具奏茲據該將軍派員前往踏勘明確繪圖貼說奏稱自綽羅河起至通肯河止擬計卡倫內外共有可墾地畝一百二十萬三千餘响等語蒙古爾山等處向係吉林採獲捕珠之地現據查明可開地畝既有一百二十萬餘响之多何以歷年經久並未查辦從前或另有深意該將軍請將吉林採獲捕珠之地一併開墾毋庸封禁有無窒礙之處著崇恩會同奕山各派委員按照可墾地方再行詳晰查勘悉心妥議據實覆奏

八年 諭慶祺奏請試墾樺楞廢林以充經費一摺盛京樺楞正林樹株繁盛每年採取貢差足敷周轉其廢林十二處除已有樹株責令林頭林丁照舊培養外所有無樹開荒三千六百餘畝著照所請分別等則試墾三年自咸豐十一年起按照等則一律徵租作爲宮殿黏補之需每年造冊咨報總管內務府覈銷其餘錢文作爲津貼丁力

九年 諭前據綏遠城將軍成凱等奏請酌減大青山後牧地租銀當交戶部議奏茲據奏稱大青山後沙拉穆楞等處地畝饒薄原定租額過重以致地戶逃棄租銀拖欠請照該將軍等所議將租額酌減等語所有大青山後牧地租銀著照議減爲每畝徵銀二分一釐五毫以紓民力經此次議減之後務須年清年款其舊欠租銀應如何分年帶徵之處著該將軍等體察情形報部覈辦從前經徵官員雖無侵挪情弊究屬催徵不力著查取職名交部議處此後經徵各員倘敢仍前玩泄即照大同朔平二府徵收糧石例議處

十年 諭直隸布政使文謙奏催各州縣亟應徵解糧租 諭曰各該縣徵解錢糧在平時即難免遲延當此時事維艱更可藉口侵蝕必應隨時嚴徵如果有徵多報少情弊除查抄外即按軍法從事

十一年 諭御史任兆堅奏徵收錢糧折銀請隨銀價增減一摺據稱山東省州縣徵收錢糧大半用錢折銀而折價之法各處不同如銀價增則官不得不



議增而民不便於是民與官爭如銀價減則民不得不請減而官不利於是官與民爭而抗糧滋事之案層見叠出請飭按照高密等縣隨銀價增減之法辦理等語東省近來多有抗糧之案皆由地方官辦理不善若能一秉至公隨銀價長落徵收何至官民交困著清盛按照該御史所奏本年上忙徵收錢糧即令州縣照高密昌邑等處已行之法通隨銀價增減出示曉諭百姓一體遵行毋許仍前勒折浮收倘有陽奉陰違者查明參奏原摺著鈔給閱看

又 諭據周祖培奏北省近畿各處漸多倚恃團聚抗糧拒捕之事其故由於州縣不得其人平日臨財貪墨辦事武健爲民深仇疾視甚至日久賞罰不信告令不遵查罰官長而爲之官長者亦不敢與之相較等語我國家深仁厚澤淪浹民心見在山東河南等省遭賊蹂躪及開遭災歉地方疊經降旨分別蠲恤其完善地方均尚能爭先輸納然如該大學士所奏情形亦復早有所聞總由官吏不肖有激而成誠堪痛恨著各該督撫於所屬州縣務各秉公遴選潔已愛民之員俾膺民社如有貪聲劣迹平時不得民心者立予嚴參重懲經此訓諭之後倘有地方牧令奉職無狀以致民間怨毒成聚聚抗糧之案滋生事端必將該管督撫上司各官一律重懲決不寬貸

又 諭前因有人奏請蠲免東豫兩省錢糧等情當經諭令該撫查明覆奏茲據嚴樹森所陳想不至有飾說著毋庸議惟錢糧除應緩以外誠不能不取之於民而不肖有司加徵科斂最爲可惡該撫嗣後總當嚴飭所屬嚴實徵收民間既不至苦累且知實在入官亦必樂於輸將決不至甘心抗欠將此由五百里諭令知之

馮桂芬均賦議條目八則

- 一大堂設櫃徵收不准私交丁胥也銀洋照時作價大書高揭每日一換不准絲毫增損各花戶持錢并易知單或新舊銀米串或自開都圖戶名斗石細數一體呈納立時截給板串不准過本日如有留難措給等弊准即鳴鼓訴官
- 一串票不准發追也向來州縣截串發給差役按戶追銀按限繳銀始猶

先用而後繳繼則選用而零繳終且九用而一繳差欠役欠盈千累百鞭笞狼藉公事何補不知錢出於民入於官何苦多一假手之人而減其數惟概不發串不令經手銀錢則差欠役欠之弊自絕

一欠戶宜仿詞訟之例任簽縣差協保拘人也向來欠戶由本圖糧差糧書承辦但得多行賄賂約視應完之數過半便可永不到官此近年莫大之弊惟任簽他差仍押本人到縣赴櫃親完亦不准該差經手銀錢則藩籬自破矣

一漕總及錢漕家丁名目一概禁絕也縣有戶房庫書自能經理文牘宅門以內銀錢歸帳房公事歸簽押稿案永不准有前項名目違者嚴參治罪不特此也若輩久倚爲專門之業每辦一漕輒以數千金爲雉媒而訖有二三萬金之獲殃民禍國此實罪魁即不明正典刑豈宜任聽安飽應密札各州縣查明上三屆漕總門丁先期拿到看守清查欠款倘新漕仍有漕尾罰令全數賠繳以贖從前罪惡如此從嚴辦理庶不致暗中設法撓我新章

一嚴核徵數不准以完作欠也應令於例設堂簿之外另刊完糧徵信錄將某日某人完糧若干戶計若干石簡明其詞隨時刊入刷印一二百部徧送紳士許完糧而不入錄者呈明上司與以重賞亦絕弊之一法

一易知單費亦應紳民一體也定以每畝七文刊明單上不准絲毫多取其糧書遲誤不於開徵前交到本戶者不給又過戶紙筆費照此辦理需索者准各戶於完糧時訴官嚴辦該戶毋庸候質

一荒分宜均攤也定例辦荒必將都圖坵數履勘確實始准注緩此正便書役之上下其手也蓋聞有業田數百畝而佃戶指熟爲荒業主無從辨認者矣况一縣之大乎惟攤荒一法不失爲公卽實有賠絕之區止宜留一二釐不攤以通其變太鎮荒政極公可以通行各郡本年所辦按戶統免四成可謂第一善政此外開將續辦拋荒似亦宜均攤爲允

一紳衿積欠宜絕也各縣紳衿有連阡累陌從不知完糧爲何事者官吏

口恨而心甚德之以其爲數無多而可作墊欠之明證實漕務之大害惟  
有罰田入官清完日給還永爲定例庶可知所懲儆或謂下田入官轉可  
脫累不知從不完糧本無累何云脫乎

又 諭鄭元善奏請嚴飭該管府州督催錢糧一摺近年河南軍需浩繁被擾  
之區應完錢糧又復疊經蠲緩全賴完善地方實力徵解各該府州宜如何破  
除情而嚴切督催以期無誤要需若一味因循諉卸於所屬徵收事宜漠不關  
心毫無覺察朝廷又安用此憤憤之臣爲耶此後該省州縣徵收錢糧著嚴責  
該管府州認真督催不時親赴所屬將徵收紅簿串根澈底清查如有情徵侵  
挪等弊立予揭參若該管府州徇私護庇即行一併嚴參現在各直省或防剿  
本境或協濟鄰封需餉甚殷尤恃正賦無缺方足以資周轉各該府州恃無責  
成即不免於所屬徵收意存推諉嗣後各督撫於州縣經徵錢糧均著責成該  
管府州實力督催倘敢仍前疲玩致令所屬州縣有情徵侵挪情事即著一併  
從嚴參辦

又 諭景瀆麟瑞奏請開荒濟用一摺據稱吉林地方涼水泉南界舒蘭迤北  
土門子一帶禁荒約可墾地十萬响省西圍場邊約可墾地八萬餘响阿勒楚  
喀迤東蜚克圖站約可墾地八萬餘响雙城堡廢存圍荒及恆產來界邊荒可  
墾地四萬餘响均委員履勘地屬平坦別無違礙見有佃民王永祥等認領先  
交押租錢共二十餘萬串於將來查辦邊界一切船糧車馬經費可資備辦請  
將前項各荒一律招墾即以押租備給查界之費餘則悉數解京俟額種五年  
後再將升科錢文接濟京餉等語吉林荒地既可援案招墾別無違礙於經費  
不無裨益即著按照所奏辦理仍照舊章先取押租俟五年後升科惟事屬經  
始務須辦理妥協並隨時嚴查以多報少情弊其押租作爲查界經費外餘騰  
錢文及以後升科錢文毋庸解京即著據實奏報抵充該省官兵俸餉以省往  
來運解之煩

馮桂芬墾荒議曰凡墾三年以上荒田一畝恆需百夫之力夫價每日一  
二百文計錢十數千先大夫當乾隆中葉時夫價每日不過錢數十文國

初祇三十五文故其時開墾較易厥後漸增至今日幾及十倍矣田貴之  
地畝值四五十千荒田不足患也吾吳田價畝數千而出錢十數千以墾  
之難至愚者不爲是永不能墾之道也其思豈淺鮮哉前閱西人書有火  
輪機開墾之法用力少而成功多蕩平之後務求而得之更佐以龍尾車  
等器而後荒田無不墾熟田無不耕居今日而論補救殆非此不可矣存  
吾說以待之

皇朝續文獻通考卷三

田賦考三 田賦之制

同治元年 諭御史劉慶奏考覈州縣應以招集流亡墾闢地畝爲要務請飭該省督撫等以此二事爲課績之本等語軍興以來被擾地方民多流徙地半荒蕪全賴牧民之吏加意撫綏盡心招徠庶幾田廬可復戶口日增嗣後被擾省分於收復地方後各州縣地方官有能招集流亡開墾地畝盡心民事者卽著該省督撫隨時登之薦牘以備擢用務期有神實政不得徒託空言以貧民生而飭吏治

又九特普欽奏招墾黑龍江荒地

又 諭寶鋆等奏邊查黑地升科請旨辦理等語前因太醫院醫生王慶連等在內務府呈稱直隸各州縣盛京等處無糧黑地及八旗報效地十餘萬頃請按額升科等語當派寶鋆會同直隸總督順天府府尹督率各地方官詳查辦理茲復據奏王慶連帶同民人張達呈報大興縣田家營等處民人吳自有等隱種黑地經寶鋆等派令委員會同該縣查明皆係有主之地並非無糧地畝質訊王慶連等情詞閃爍亦復不能指實所遞查地章程內如設立公所頒發戳記等項無非欲假以專權藉作威福種種謬妄斷難准行王慶連於並不干已之事輒敢擅收呈結妄報黑地實屬不安本分著革去太醫院醫生從九品職銜特瑞隨同王慶連聯名呈報黑地事多不實著革去從九品職銜均交該地方官嚴加管束毋許出外招搖以示懲儆至黑地一項直隸奉天所在多有或因地旗產日久迷失或山隔河洲新漲開荒愚民無知相率耕種若令紛紛查辦轉恐擾累閭閻戶部定例清查旗地章程向有辦理升科明文經此次奉旨之後凡自種黑地業戶旗人赴該管都統衙門呈報民人赴該管州縣呈報俱各查明段落四至勘丈屬實照例升科由戶部頒給執照准其永遠爲業其從前盜種黑地之罪及地方官失察處分均予寬免從前花利並免追繳若有狡詐詐妄報他人有糧之田照律加等治罪如一年以內不行自首經他人告發到官審明卽治以盜種黑地之罪各州縣黑地交課若干按畝徵收年

清年款不准絲毫拖欠其勘辦升科地畝最多之州縣准隨時奏請獎勵

又 諭前據張之萬奏請發通河南折漕以裕倉儲當經交戶部議具奏茲據該部奏稱張之萬所陳折漕銀數與河南歷年辦理成案加增一倍有餘於倉儲軍需及本省辦公經費均有裨益應照所請辦理等語河南應徵正耗額漕額共計三十餘萬石前據鄭元善奏稱本年秋收較計通省僅止五分有餘顯係輕信州縣豫圖遷延該著撫於抵豫後卽能將歷年漕弊不避嫌怨據事直陳自必確有把握見在庫款支絀情形張之萬甫由京外任自能深悉著卽照戶部所議督率各屬趕緊徵解務於年內掃數解清毋任各州縣藉詞延宕嗣後該著撫遇有開涉國計民生務宜隨時體察情形實力勿倦推行二年 諭御史陳崧奏直隸奉天未經報墾黑地請飭催查一摺據稱直隸近畿一帶及奉天大小凌河等處呈報黑地者俱有部文行查至今除昌平州外升科者甚屬寥寥均由地方官吏徵收入己且遇報地之人奉部行查必多方勒索令其認誣甚或加以非刑等語地方官徵收錢糧絲毫皆應歸公豈容任意隱匿若如該御史所奏竟有將呈報黑地私行徵收延不具報升科甚有將報地之人抑勒刑逼令其認誣者實屬可惡著萬壽林壽圖劉長佑將順天直隸所屬各州縣呈報之黑地確切查明並著玉明和潤德春恩合於奉天錦州所屬地方一律清查其大小凌河等處已經報部之黑地並著速行詳查報明戶部存案其漏未呈報者一併清查

又 諭節據會國藩李鴻章等奏報克復松江府及太倉州地方陳及該處百姓被賊殘虐爲數百年來所未有各屬州縣田畝拋荒著名市鎮悉成焦土雖窮鄉僻壤亦復人煙寥落連阡累陌一片荆棘居民閉有子遺顛連窮困之狀有不能殫述者覽奏情形易勝憫惻因思蘇松太三屬地方爲東南財賦之區繁庶甲於天下而賦額亦爲天下最重比諸他省有多至一二十倍者良由沿襲前代官田租額且自宋明兩代籍沒諸田皆據租籍收糧所致嘉靖中又令各州縣盡括境內官田民田分墾定額蘇松等屬田畝至比官田通額亦皆大有增加我朝順治年間卽經明奉 聖諭以故明仇怨地方加糧甚重我朝何

可踵行飭由地方詳察具奏關於雍正乾隆年間奉 恩旨以蘇松浮糧施  
恩議減將蘇州府額徵銀錢免三十萬兩松江府十五萬兩又江省糧額浮多  
之處加恩免徵銀二十萬兩仰見我 祖宗軫念民艱至深且厚國家承平百  
餘年來海內殷富江蘇自乾隆開辦全漕者數十年固由民力之充亦屬民  
心之厚及道光年間兩次大水以後各州縣每歲荒歉加恩蠲減遂成年例嗣  
是每年徵收之數內除官墊民欠率得正額之七八成或四五六成不等民力  
殆已難堪及至粵逆竄陷該省焚毀殺掠民盡倒懸幸自上年官軍克復太倉  
見方飭令統兵大臣等進取蘇州救吾民於水火而各地方經賊荼毒影瘵至  
極若不將各該府州屬數百年來浮糧積弊仰體 列聖深仁厚澤大為蠲減  
無論民力斷有不堪即使勉强成數約何以慰如傷之隱而施浩蕩之仁且  
令官紳胥吏徒營中飽尤為弊之甚者亟宜因此時會痛加掃除所有蘇州松  
江太倉三府州縣糧額著兩江總督會同蘇江蘇巡撫李鴻章督飭司道設局  
分別查明各州縣情形折衷議減總期與舊額本輕毋庸議減之常州鎮江二  
府通融設計著為定額先自松太創行即以此後開徵之年為始永遠遵行不  
准再有墊完民欠名目蘇州所屬侯肅清後一體辦理嗣後非大水旱成災實  
在荒歉者並不准捏災請緩請蠲至蘇松漕弊尤莫如大小戶等名目紳戶把  
持州縣浮收種種弊竇皆出其中著即永遠禁革所有一切辦理章程及應行  
裁革之浮收陋規包戶等積弊均著該督撫悉心妥籌詳細具奏務期上紓國  
用下恤民生變通盡利經久可行用副朝廷惻隱在抱嘉惠斯民至意

謹案國初刊定賦役全書蘇州府田地九萬五千餘頃科平米二百四  
十五萬歲徵本色米豆一百五萬餘石折色銀一百二十七萬餘兩松江  
府田地四萬一千餘頃科平米一百二十一萬歲徵本色米四十二萬餘  
石折色銀六十三萬餘兩視明已減較之宋時尚多七倍較之元時亦多  
三倍幸賴 列聖深仁厚澤賦額蠲浮糧東南之民鼓腹含哺以至今  
日然管閣蘇松各屬其糧之重者今尚徵一斗五六升不等加以吏如  
蠹紳如蠹造列名目恣意捏括人人以為財賦所出而不計十室九空偶

遇偏灾恐民有不堪命者天下大命繫於東南至東南無可支拄而大局  
危矣

又 諭瑞麟奏請開墾園場閒地以資接濟並繪圖呈覽一摺熱河駐防旗兵  
所需俸餉因庫款支絀未能按月發放兵時虞困乏自係實在情形所籌招  
佃展墾荒地以濟兵食自屬可行著照該都統所擬將園場四面邊界荒地八  
千餘頃展開墾其押荒升課章程即著妥議具奏但事當創始必須妥籌盡  
善方可有利無弊尤須不避嫌怨認真與辦所有此項荒地著招募家計殷實  
素業稼穡之人具呈認墾不准濫招無業游民致滋流弊尤須劃清界址不准  
越墾以息爭端其與民地毗連者並當禁止侵占方可日久相安紅椿以外前  
墾兵租地畝歷年較久越墾成熟之地竟至數百頃之多著勘定界限安設卡  
倫以杜侵越之弊園內所指伊親王地係何項地畝於此次開墾荒地有無妨  
礙並著查明具奏圖留覽將此諭令知之尋奏遵查正黃旗西北邊界有怡親  
王荒地草廠與此次開墾並無妨礙至所指伊親王係前次傳聞之誤報聞  
又 諭恩合查奉天開墾地畝酌量開墾

又 諭前因盛京東邊一帶曠閒山場流民聚集私墾諭令玉明恩合嚴密訪  
查妥議具奏茲據玉明奏稱自東邊門外至渾江東西寬百餘里至二三百里  
不等南北斜長約一千餘里多有墾田建房栽種伐木等事自混江至雙江東  
西寬數十里至三四百里不等南北斜長約二千餘里其間各項營生與前略  
同然人皆流徙聚集甚眾已有建廟演戲立會團練通傳轉牌等語該處地方  
遼闊山樹重深匪民易於匿處以致屯聚日多且性情頑梗因知繩墨其屯聚  
地方又多與朝鮮邊境毗連所有防範事宜均須詳慎妥協不可稍涉大意著  
該將軍隨時查看情形總期於潛移默化之中寓杜漸防微之意以期周密而  
昭慎重玉明身任將軍於一切地方公事軍務總當力求整頓加意激勸  
又 諭前因御史呂序程奏請飭河南各州縣徵收地丁銀兩每兩均以制錢  
三千為率並分成藉充軍餉一摺當經諭令張之萬督飭藩司體察情形有無  
窒礙茲據奏稱豫省地丁完銀完錢各處向來章程不一皆因銀價貴賤無定

以致參差不齊斷不能以一處為準南路州縣向無雜派差徭之處地丁錢糧開有每兩連耗銀收至制錢三千有零者東西北三路各州縣應徵糧銀大抵每兩二千五六百文不等若通省概以三千制錢為率則向來收數不及三千之處轉恐疑為加賦反致紛擾等語河南額年以來盛設資匪蹂躪民困未蘇此時正宜休養生息豈容以催科再累吾民既據奏稱該御史所陳每兩以三千為率竊疑難行者即毋庸置議

又 諭前因張之萬議覆御史呂序程條陳河南地丁錢糧諸多窒礙當經明降諭旨該御史所奏毋庸置議茲復據該御史奏稱該撫到豫後既查明各州縣徵酒每石浮收二兩地丁錢糧不無浮收之處且聞各處徵冊皆係兩本即調取徵冊亦難稽考各屬銀價貴賤不等因而完納銀數參差不齊惟貴時既增賤時何遂不減錢糧完至二千五六百文者固不可加而完至三千數百文者又何以不議減請飭定徵收限制各等語朝廷軫念民瘼改政求治近日言官陳奏凡有關小民之依者無不令地方大吏詳查確陳以恤民隱前據張之萬瀝陳河南官民積弊情形極懇頓足見該撫尚能留心吏治以濟民艱此次該御史所陳浮收各節是否均係實在情形著張之萬再行詳細確查如果果有窒礙難行之處即著分晰陳奏不必因該御史所陳曲為遷就若查有地方官加倍徵收錢糧困恤民艱者即隨時嚴參毋稍迴護該撫務須振刷精神澈底清查釐剔弊竇毋為府縣等官所蒙蔽

三年 諭喬松年奏籌議皖北開徵各摺片皖北各州縣開徵者已有十屬國家維正之供誠能取之而不為虐小民諒必鼓舞將但百姓復業未久尚須加意撫恤培養元氣務須釐定章程嚴飭各州縣痛裁浮費於國計民生兩無妨礙方為妥善

又 諭左宗棠奏嚴減紹興府屬浮收錢糧除正耗仍照常徵解外共減去錢二十二萬有奇米三百六十餘石民因諒可稍蘇即著照所議辦理  
詳見國用  
考或錢用  
又 諭戶部奏查辦黑地請嚴定章程申明賞罰一摺黑地一項直隸奉天所

在多有前於咸豐十一年開經寶璽等會同直隸總督順天府府尹查出昌平州地四百四十餘頃試辦升科並奏准飭令直隸總督盛京將軍順天奉天各府尹一體辦理乃兩載以來各州縣具報寥寥皆由該地方官畏難苟安於旌罔迷失地畝及山隅河洲不能詳稽檔案親歷查勘以致愚民觀望隱匿奸吏從中訛索扶同欺隱弊竇滋多甚至無賴棍徒在京外各處假充委員查辦黑地恐嚇得贖地方官不加詳察任其肆行無忌擾累鄉愚而於應查之地轉多置之不辦亟應嚴定章程以除積弊嗣後直隸盛京順天奉天等處遇有查辦黑地之委員著該將軍總督府尹等飭令地方官詳細盤查如無戶部先期咨會及隨身節付即屬棍徒詐冒立即按名嚴拏押解奏明究辦

馮桂芬擬歸併科則片再蘇松各屬田畝科則繁猥頭緒紛如蘇州府崑山縣五十九則元和縣五十三則長洲縣五十二則松江府雖不過四五則卻於各則內又分每若干畝準一畝多至數等故華亭縣亦五十六則其中有數畝一畝或數分獨占一則者萬無此田必應完此糧不可增不減之理徒滋書吏影射飛騰之弊乘此 恩准減賦整頓漕務之時擬將各種積弊一概芟除此亦積弊一大端應請酌量歸併查各縣惟崇明南匯止六則吳江震澤止九則可按照辦理總以至多不得逾禹貢九等之數為限惟五六十則併為九則現與減賦並行不能無小有窒礙之處擬先將舊若干則相近者并為一則以舊若干則應徵米石通攤得數為新一則未減之數然後以減分派入為新一則已減之數其餘八則皆然仍悉心核算務令各田但有多減有少減而無不減使與減賦毫無窒礙方足以溥 皇仁而昭平允

又 諭左宗棠奏嚴減甯波府屬浮收錢糧除正耗仍照常徵解外其一切攤捐名目及各項陋規概行禁革共減去錢十萬四千有奇米八百餘石著照所議辦理  
詳見國用  
考或錢用  
四年 諭股兆鏞奏蘇州前年畝捐四斗上年民間收租一石捐錢八百餘文甚至有不肖官吏私製步弓丈量浮增畝數著佃交糧等語江蘇被賊蹂躪最

深新復地方瘡痍未起正宜休養生息以紓民力豈容不肖官吏肆行朘削重困吾民著李鴻章嚴密訪查如有前項情弊務當通飭所屬地方官嚴行禁革以拯遺黎而蘇民困

又浙江巡撫左宗棠奏略稱查杭嘉湖三府漕額之重與江蘇蘇松太等蘇松太既議減三分之一則杭嘉湖亦宜仿照辦理就杭嘉湖三屬徵糧科則言之又以嘉湖爲重杭州次之就嘉湖兩府言之又以歸安烏程嘉善嘉興秀水爲最重平湖海鹽桐鄉石門德清次之長興武康各屬又次之杭屬臨安於潛昌化新城等縣山多田少較之嘉湖糧賦固輕出產亦遠遜也我朝定鼎以來康熙中免三分之一者一年全免者一年雍正六年又減嘉湖二府額賦十分之一計銀八萬一千餘兩中開偶遇水旱偏災無不隨時蠲緩厚澤深仁有加無已故民力得以稍舒至乾隆嘉慶年間家給人足曾歷辦全漕道光癸未辛卯以後兩次大水民閒元氣大傷賦重之處未能全漕起運遂歲報災數額緩頻仍然朝廷雖屢沛殊恩而小民未盡沾實惠蓋一縣之中花戶繁多災歉蠲免悉聽經書冊報世家大族豐收者亦能蠲緩編氓小戶被數者尙或全徵且大戶僅完繳正額小戶更任意誅求遲至厥滿停收即須改徵折色每石價至五六千文不等以小戶之浮收抵大戶之不足官吏徵收不善小民咨怨有詞故開漕之案往往因之而起茲奉 恩旨飭議核減漕糧將舉數百年積困而紓之崇朝固三郡羣黎所呼籲祈禱而不得者臣等躬逢 盛世若不能博訪利弊之所在而悉心參酌衷諸至當以規永久不獨無以副 朝廷曠古未有之隆施亦何以慰草野久困思蘇之至意謹就現在漕務應行籌辦大概情形列爲四條敬爲我 皇上陳之一曰減正額浙省杭嘉湖三屬額徵漕白改漕南匠行月等米共一百一十餘萬石徵糧之則大小不同即浮額之糧亦多寡不一現須分別量減自應先去浮額之甚以除輕重不均之弊擬各按上中下賦則分別定數如每畝徵米一斗一升以上至一斗八九升者爲上則自六升以上至不及一斗一升者爲中則不及六升者爲下則按科則之重輕分別核減總期於額徵數目的減三分之一庶科則定而減數因之而均也一日

減浮收向來收漕加耗每石自一二斗至七八斗不等各視花戶貴賤強弱以定收數多寡今額漕既經減定則浮收之款豈可任其因仍惟州縣辦漕有修倉搭篷紙張油燭之費有倉夫斗級漕記差役飯食之費有內河運米交兌夫船耗米之費有交米書役守候之費一切用款甚鉅且收漕交兌相隔一二月風疎撥轉虧折必多不能不於正漕之外酌留運費以資津貼應俟查明各州縣用款由外核實辦理其向來加尖加價勒折諸弊自核定之後概行裁革紳民一律均收不得再有大小戶之分庶穀祿平而公私因之而利也一日籌運費浙省向辦海運每石需費約銀八錢除向給幫丁漕截銀三錢四分六絲抵支外尙不敷銀四錢五分零現正額浮收概行分別核減自未便再由州縣議提津貼擬請將海運經費每石定以八錢爲額除支漕截外不敷之款另行籌足查浙漕如照統減三分之一每年起運之米不過六十萬石上下漕截一款不另核減計可餘銀十餘萬兩又節省幫弁廉俸可得銀數萬兩統計將及三十萬兩足抵海運經費至所動正款八錢按年將動用款目據實奏結應毋庸造冊報銷以歸簡便並不得逾八錢之數以示其限制庶浮費裁而上下因之而利也一日裁陋規向來州縣收漕一切陋規極爲繁雜此次核定章程應令各州縣據實查明開摺呈送分別裁減庶弊竇清而漕政因之而肅也嗣後非實在旱潦不得再報災數即實在民欠亦不得再報墊完而近來數十年相沿陋習亦可除矣至應減米數須查明科則方能核定現在地方新復冊籍無存已飭各屬勒限趕造除白糧糶糶爲 天庾正供擬仍照額辦運擬減之數應統於漕糧項下注扣此外南糧行月匠糧等仍各歸各款按成扣減至杭嘉湖三屬漕糧稅則輕重不同自應查照各縣科則量減再并計總數共減若干伏查各處被擾情形如杭屬之臨安新城於潛昌化湖屬之長興武康孝豐安吉皆路通徽甯受害尤烈室廬盡成灰燼田地久已荒蕪卽招集遺黎亦寥寥可數從前道光年間及咸豐初年辦理漕運每屆皆不過七八十萬石及五六十萬石不等現擬照杭嘉湖全額統減三分之一如能辦理全漕與歷屆尙不相上下

惟刻下三屬情形既照減三分之一明歲新漕亦斷難如數徵納而欲為經久之計又不能不通計 國賦盈虛以為定則可否仰懇 天恩俯准將杭嘉湖錢糧統減三分之一明歲新漕再酌量辦理之處出自 聖裁至海運經費每石向抵支銷漕截銀三錢四分六絲此次請以八錢作為定額與部案不符惟查商船水脚及南北用費每石實需銀八錢其餘不敷之項皆係各縣津貼此時不將津貼一項裁革則雖有核減之名仍未能得核減之實故不得不據實瀝陳願懇 聖恩准予漕截並行月屯租各項下照數動支庶漕弊可以盡革又通省地漕銀兩及浙東各屬南米或關係餉需或抵支兵食除正額毋庸查減其浮收之款亦應分別裁革現甯波紹興溫州三府業已定章處州亦經減定其餘各屬應即一律核減以昭公溥

又 諭據左宗棠馬新貽奏杭嘉湖三屬共減米二十六萬六千七百六十五石零等語加恩著照所請各按科則重輕分別上中下三則一律永遠減免以紓民力自此次減免之後該督撫務當督飭各該州縣按照奏定新章核實徵收斷不准有浮收抑勒等弊至大戶包攬及一切漏規概行禁革以除積弊該督撫即刊刻謄黃徧行曉諭務使實惠及民用副朝廷軫念民艱至意

臣謹案浙西賦重始於南宋賈似道之公田繼由明洪武之挾怨楊憲之倍徵終於嘉靖趙瀛之扒平而官民田俱困 國朝順治開會 諭故明仇怨地方錢糧加重不宜踵行飭各省詳察具奏當時江西袁瑞等府奏復舊額浙省並未上請照額徵收雍正五年減嘉湖二府銀八萬六千餘兩乾隆四年又減烏程歸安德清三縣銀四萬二千餘兩至是復以大難初平杭嘉湖漕米照江蘇例按原額普減三十分之八 皇恩疊沛遠軼宋明惟是輕科遞輕重科仍不免偏重三府米額尚存八十五萬二千餘石銀額一百三十二萬五千餘兩較諸他郡仍屬懸絕夫浙西一隅幅員不及四川一大府而四川全省之賦為六十萬元湖南倍之貴州半之合三省之賦不逮三府之半是必亭林所謂一畝之田化十四而後可也不敢援無漕省分為例有漕若江西都昌縣畝科銀四分八釐至二分七釐

科米三升四合至一升九合舉以相衡高三四倍就本省浙東八府而論地宜畝大徵米祇二十餘萬石以各縣最重科則比較銀則樂清定海瑞安各祇五分零米則壽昌慶元遂安各祇一合零景甯清安不及一合他省普通科則銀不過三五分米雖蘇松同稱重賦無逾九升者偏枯至此亦可憫矣或謂嘉湖蠶桑利厚足資補助不知種育之資本甚鉅而收成則豐吝不齊且蠶成繭有捐繭成絲有捐絲成綢有捐雖開接者商而實取於農欲令剝肉以補瘡未免忍心而害理或謂地屬膏腴力能擔負不知禹貢揚州之域厥田下下水利失修十年九潦豐歲亦祇一熟不如浙東之兩熟浙東畝值百餘元浙西僅值一二十元地價昭然肥磽立辨匪特此也更受縮弓之弊古方田算法以五尺為步二百四十步為畝賦役全書不注明畝之大小致清丈率多從俗大者八尺為步千二百步為畝如直隸真定江西吉安等府是江蘇接壤以六尺為步而嘉湖有不足五尺者官吏緣其賦重利其畝多虛隙水濱悉登田冊浮糧浮額兩害交臻尤甚者洪楊亂後田多農少招客墾荒客民占種雖亦承糧而土民之原額不除一律追比有糧無產是浮收也一產兩糧是重稅也民以田產為累官以催科為難至不得已時以例災暗減近百年中從未有一歲歸數者 朝留培克之名野切通負之痛上下交困後患無窮執政者動借度支竭蹶為詞實則浙西各縣輕重亦至不等先減重者不過十餘縣就全局論固不在此幾微就歲入言未必遽形短絀我 朝政尚寬大三百年來惜無有流賈生之涕而呼籲上聞者窮變通久或將待其人而後行不禁馨香禱祝以求之矣

又 諭前因會國藩等奏請將蘇松等屬地漕錢糧一體酌減當經諭令戶部妥議具奏茲據奏稱漕項一款額徵正銀六十餘萬兩實為辦運要需歷屆海運成案除動支漕贈等銀外尚須另提津貼若將漕項隨同正漕裁減必至運費不敷多提津貼湊用是減一分漕項即增一分津貼於民生仍無裨益至地丁一款額徵正銀一百四十餘萬兩該省每歲支銷各項及一切水旱賑恤等

款咸取給於此今若減去二成僅歲存一百十餘萬兩以蘇藩之財供蘇省之用猶虞不給而部庫提項鄰封協濟又難保其必無轉輸無術必至另設名目重因閭閻與其迫民開以額外之追呼何如還民開以分內之輸納等語所奏係屬實在情形蘇松田賦最重至我朝酌中定則並兩次豁除浮糧六十五萬兩上年蘇省底定復永減漕額數十萬石所以軫恤黎元者無微不至今曾國藩等所請地丁漕項併減二成之處如果損上益下有裨民生亦何忍屯此膏澤第國家制用有常總當通籌全局量入爲出方可行諸久遠况恤民之政不在減定額而在裁浮收上年左宗棠奏杭紹嘉湖四屬地漕銀一百八十二萬餘兩數減浮收銀五十七萬餘兩之多可見該地方官平日違例取盈重爲民困曾國藩李鴻章等惟當於蘇省地漕等款仿照浙省辦法斟酌情形覈實刪減浮收庶民力可望日紓而正供不至虧缺其如何酌量刪減之處即著該督撫等迅速籌辦妥議具奏再聞蘇省徵收銀米向有大小戶名目輕重不均最爲漕糧積弊推原其故總緣州縣官違例浮收地方紳衿得以挾持短長包完短交流弊百出而馴良之戶則官吏任意抑勒以爲挹彼注茲之計事之不均莫此爲甚並著該督撫等飭州縣各官潔己奉公不准絲毫妄取倘仍有大戶包攬短交等弊即著該地方官執法嚴辦毋稍姑容

又 諭馬新貽奏覈減南漕浮收禁革陋規以肅漕政一摺即著照所請將留裁各款目造册存案

又 諭浙江省各屬浮收錢糧疊經左宗棠等查明奏請覈減茲復據馬新貽奏稱查明金華府屬共減去錢十五萬六千一百餘串米五百二十餘石衢州府屬共減去錢十萬三千九百餘串米六十五石嚴州府屬共減去錢六萬一千九百餘串處州府屬共減去錢六千八百餘串洋銀八千二百餘圓米一百二十餘石等語即著照覈減新章辦理永遠遵行

又 諭前因曾國藩李鴻章請將江蘇太倉鎮洋二州縣漕糧改徵折色當交戶部妥議具奏茲據該部遵議覆奏漕糧爲天庾正供定例不准輕議改折近來江西湖北等省雖有改徵折色之案亦出於一時權宜究非經久之法况江

浙所運糧米堅緻耐久尤非江廣諸省之糧粟可比非此不足以供儲蓄且江浙漕額業經加恩分別酌減計每歲減運之米已不下七十萬石即使全漕起運京倉所入已大減於前自不應再議改折致倉儲復形短絀即謂太倉鎮洋二州縣產米較少而該二屬向徵正耗米九萬餘石今已減去賦額三分之一止徵正耗米六萬餘石民力已紓自應照常起運以符舊制所有該督撫請將太倉鎮洋二屬改徵折漕之處著毋庸議

五年 諭富明阿等奏遵旨安插空金流民並私墾浮民情願認領輸租辦理善後章程各摺片金場流民經富明阿等飭令那斯洪阿等前往開導該頭目業已來省先行繳械俟河冰凍結依限全數移出改業歸農即著富明阿等督飭委員會同該總目韓見琮等屆限開導移出金場妥爲安插富明阿以此項金夫無業可歸擬將薩沙河毗連色勒河以下穆奇河漂河樺皮甸子等處沿邊未開荒地酌給該金夫等認領免交墾荒地價令其明春自行開墾至第三年每熟地一响仍交大小租市錢六百六十文均著照所籌辦理其查出樺皮甸子半拉窩集地方墾成熟地八百餘响該民人情願認領交租即照富明阿等所請准給佃戶認領不追押荒每熟地一响連本年共收三年地租市錢一吊九百八十文以示體恤富明阿等於金場流民務當加意鎮撫妥籌永久之法不得有名無實致滋事端仍詳細繪具圖說呈覽

六年 諭前據額勒和布等奏游民私墾禁地呈請升科請飭集議並陳與將軍都興阿等籌商兩歧各摺片當派恭親王會同大學士六部九卿議奏並令奕格會議茲據王大臣等奏稱盛京附近一帶沃壤荒山歷屆未敢輕議開墾而邊荒地闢防檢難周見在所墾地畝僅據何名慶等供稱已有數百萬响此外尙不知凡幾必須澈底查究庶已墾之地可以覈實清釐未墾之地仍當示以限制請派王大臣前往會同察勘請旨辦理等語著派都興阿延熙額勒和布奕格恩錫揀派明白曉事熟悉情形之員逐一詳加察勘並著延熙恩錫奕格進山查勘如果審時度勢不能不俯順輿情所有一切應辦事宜應如何詳定章程俟查勘覆奏到時再降諭旨其有關風水者仍當封禁不得妄議開墾



至東界朝鮮地方有無竄突自當妥籌擬擬俾該國猜疑悉泯著禮部行文該國告以進行驅逐恐失棄匪民轉致騷擾該國邊境且該國邊境民人亦難保無潛行越界私聚情事令其先行詳查或擬作何安插之處迅速覆奏

又 諭御史崔穆之奏請嚴禁各省州縣浮收漕糧一摺漕糧為國家正供各省州縣自應按例徵收若如該御史所奏山東省有漕州縣按章徵收者絕少往往於官斗之外倍蓰加收並立樣盤名目縱容盜役格外剝削民間視以為苦祇得折價完納其浮收之數與完米增至數倍者無異即或經該管上司查明減成定價出示申禁該州縣並不張貼浮收如故東省如此他省皆在所不免是浮收之弊例禁雖嚴而不肖州縣仍敢視若具文誅求無厭以有限之脂膏充難盈之窟壑積習相沿殊堪痛恨即著各省督撫嚴飭所屬各州縣澈除積弊各按漕糧定額一律徵收不准於正額之外任意加增妄取浮收改進即著各該督撫等查明嚴參懲辦將此通諭知之

謹案收漕重職也山東州縣竟敢縱容盜役設立樣盤日官且而市僧矣東省如此他省皆所不免 聖明在上豈容此類蠹之臣哉

又 諭瑞麟蔣益澧奏裁減廣州府屬徵收米折酌定銀數一摺廣東廣州府屬十四縣徵收色米價銀前經諭令該督撫覈實裁減酌議章程具奏茲據奏稱擬自同治六年正月初一日始南海番禺二縣每民米一石連耗折徵銀五兩八錢香山新會順德龍門四縣每民米一石連耗折徵銀五兩五錢花縣增城三水清遠四縣每民米一石連耗折徵銀五兩東莞新安從化新甯四縣每民米一石連耗折徵銀四兩八錢此外不准絲毫浮折通計廣州府屬十四縣每年減徵銀一十六萬五千四百餘兩著照所請由該督撫等出示通行勒石永遠遵行

七年 諭馬新貽丁日昌奏請將丹陽等縣應徵錢漕暫辦抵徵一摺據稱江蘇丹陽金壇溧陽三縣前被賊擾最重本年收成歉薄清丈田畝亦未完竣擬請仿照江甯府屬抵徵章程除新墾荒田不計外所有原墾熟田銀米併計折收錢文等語著照所請金壇溧陽二縣每畝徵收錢二百文丹陽縣每漕田一

畝徵收錢一百六十文洲田一畝徵收錢一百文火耗羨餘一件在內該督撫務當嚴飭該地方官覈實徵收不准書役人等絲毫多取以恤民困所有該三縣未丈田畝並著督飭所屬趕緊清理定額徵收毋再延緩致滋騷累

又 諭戶部奏吉林請開闢荒宜防流弊並歷年報墾尚未升科地畝及欠交租項請飭查追一摺吉林圍場原為長養牲畜以備狩獵之用設堆置卡封禁甚嚴乃該處游民借開荒之名偷越禁地私獵藏牲斬伐樹木迫林木牲畜既盡又復食而之他有招佃之虛名無徵租之實效數百年封禁之地利遂至蕩然無存即如景綸前於咸豐十一年奏稱尚有圍場二十一處而此次富明阿奏稱該處南北七十八里東西八十餘里皆無樹木藏牲其為游佃偷越已可概見此次該將軍辦理開墾事宜自當嚴防流弊即著親往履勘嚴定界限毋任委員弊混並將新墾各地造具畝數四至佃戶姓名清冊以及如何挪移卡倫添設封堆置布置員并逐處巡查各事宜詳細妥籌迅行覆奏以杜弊端其前任將軍景綸奏請開墾夾信溝涼水泉荒地二十五萬餘畝見有佃認領徵租者十三萬畝零未報升科地畝尚有十二萬畝續墾之土門子並省西圍場阿勒楚喀等處地畝共三十萬畝應交押荒地捐兩項錢文共一百二萬餘串除交過錢六十二萬餘串尚有未交錢四十萬串其交過押租地畝既有佃戶認領何以僅將雙城堡佃戶認領地三萬三千一百六十畝零造具花名清冊而其餘十四萬八千二百餘畝遲延不報此外未交押租地十一萬餘畝何以數年之久並不招人承領著富明阿確切查明將土門子等處已交押租之佃戶造具清冊迅速送部並追出歷年地租錢文以充兵餉其餘土門子等處未交押租並夾信溝涼水泉未報升科地畝即著詳細履勘予限一年招佃認領按响升科毋再延宕倘查有已墾未報及認多報少情弊著從嚴參辦以昭覈實

又 諭李鶴年丁寶楨會籌以聞

八年 諭戶部奏請飭各省整頓丁漕按限奏報等語國家惟正之供以地丁漕糧為大宗各省自被兵以後瘠瘠甫起田地未盡開墾徵收錢漕勢難驟

復定額自係實情然理財之道不外盡地力而務農功果能設法招墾次第推廣賦額自日見起色本屆江浙新漕較之上年數目仍不相上下各直省地丁所入缺額仍多若不力圖整頓恐年復一年正供半歸虧欠國用所關豈容漠視著各直省督撫嚴飭該地方官將招墾開徵諸事宜實力講求以期漸復舊額並著自同治八年爲始督飭藩司於全省一年上下兩忙徵收丁漕各實數及上屆徵收總數開具比較清單詳明專案奏報統限各該省年底出奏以備稽考毋得遲逾

又 諭蘇廷魁奏乾河灘地開墾升科請飭河南山東查明辦理一摺據稱閩侯以下乾河淤成平陸兩岸灘地不少經前任河督遵照戶部所議飭飭該道會辦開墾惟地畝既多勘查不易非會同地方官經理未免呼應不靈請令河南山東巡撫查辦等語開墾地畝事關糧則自應酌辦升科第經招種之後其業在民異日河歸故道則乾地復變爲河小民有失業之虞此時固不可任其荒廢亦不可不曲體民情應如何督飭地方官辦理之處著李鶴年丁寶楨彼此熟籌日後如有窒礙情形並著據實具奏蘇廷魁亦當與該撫等悉心籌商庶於國計民生兩有神益

金安清浙江南米截漕利害說國家徵民田之米名爲漕者皆由水運諸京師之謂也今則正額之內劃出十數萬畝留本省名曰南米以爲杭州兩營官兵計口授食之需又織造衙門匠糧及旗丁月米統計三項當嘉慶年間南糧折價徵之於民每石錢七八千文之多每年十數萬石統解杭州府衙門轉給計杭州公費每石一千文故其缺最優名曰坐十萬蓋銀價尙低有十萬串即可抵十萬兩也迨道光年間南米輸納不前州縣於墊完外猶多欠解而杭州轉不能遠旅營之限以私之有餘補公之不足其缺大壞矣凡州縣墊完之項皆挪動地丁正款道光二十九年 欽差來浙清查通省虧空七百餘萬內南米一項即二百餘萬之多州縣原案開報每石銀三兩八錢當事加以核減祇作二兩八錢以致當時在省服官之員無不負欠數萬者至二次清查限滿無力完繳無可如何經前

撫何桂清奏明仍作爲三兩八錢開報各州縣方慶更生其時部費甚鉅加以何撫 聖眷方隆始得允如所請此浙江州縣亂前一大案目前官場已無人知之矣肅清以後減賦案內奏明減漕不減南即在八十餘萬減額內扣留十三萬作爲兵米匠糧聲明如遇大災之年另行籌補而用有餘贖一層作何支銷則未附奏也自初次辦漕直至今日已七次海運南米一款雖經清賦局核減收價祇准五千四百文除本縣公費及書役賞稿外解至杭州府仍須每石錢三千六百文連司房各費已及四千三百文之多南米漕米皆出自小民本無本折之分亦無多寡之別惟以正月封倉後尙未完者則作爲南米存此一界限而已夫冬令不來完納者皆係窮苦下戶零星升合以米完米尙且不前况加以五千四百文之重價近年米價每石不及二千是以三石完一石矣苛斂愈深完納更少州縣不得已亦照正漕減收謂之透漕墊南此亂前後同一情形也透漕不足惟有籌墊乃挪用別項錢糧此嘉湖各州縣官與民交相苦累而其害久而久之終歸於庫款虧空之一大慮也前數年州縣以熟作荒紳有餘地尙不覺南米之累近年墊次增加所短之荒已將和盤託出而南米民欠甚多省中不能少解非別作厲民之舉即又仿亂前州縣挪動應解錢糧矣究其實滿洲杭州兩營兵額三千二百名近則僅存五百餘名每年放米二萬石已足其解之需庫而不付滿營者尙不下六七八萬石也名曰節省南米以每石錢三千六百文計照全額啓徵共節省八萬石共多錢二十八萬餘千如近年祇有節省五六萬石則僅有二十萬千合銀不過十一二萬兩并入各項以爲陝甘雲貴各省協餉之用並非本省各項公事得以挹注也此則司庫之一利耳至貽累於嘉湖官若民者其害有十用敢爲當事一詳陳之嘉湖州縣減賦案內准其格外加耗每石二斗五升比江蘇之每石制錢一千文者已少一半一切開倉運米上下公事賞稿及衙門一年用度已無多餘今以南米之故動須賠墊所定漕耗不敷辦公其害一也漕米改本色南米解折色近年米價極賤每石不到二

千文而南米解省須四千八百文是以兩石完一石矣其害二也南米價貴雖年外載數率多不完州縣透漕預徵祇收本色不及折價之半有一萬石南米之處即須賠錢二萬餘串其害三也透漕亦不能足數而南米例限裝嚴墊無可墊惟有挪動地丁在上忙則提下忙在下忙又提上忙逐節轉移挪新掩舊一忙挪二一年四年三年即成巨萬將來奏銷必有鴻底之時即使立時効參除本員外前數任亦須拖累其害四也透南挪庫之外萬不得已又漸開浮勒之端冀以折價之有餘補賠款之不足始而每石照尋常加洋四五角近年則加至一元左右與奏定折色聽從民便悉照市價低昂不准分文浮勒之定案大相悖謬設有御史參奏則通省上下各官皆遭嚴議釀成大家其害五也凡此皆指官而言也至於民間亦有五害正漕不及完納則歸南米雖有一年之限而以三石完一石八口之家動遭凍餒其害一也莊書衙役易於嚇詐一經奉票始則脅以功令繼則誘以抗違如應完南米一石繳錢五千四百文者許書役以二三千文即可代抗官亦無可稽查其害二也至下等愚民不知賄賂書差者即加以嚴比門扉板扇雞犬未結無一不可取擄甚至有賣妻鬻子以求安靜者其害三也賄差之費雖出而糧名未除糧串亦不給終屬舊欠次年又出新差則上年之舊差已不知去向又須另出私費是以一年之南糧而出兩年之重費仍無分毫入官其害四也正漕祇須完米南糧必須完錢當催繳方急之時值米價方賤之日勢難待價求沽大率以五斗之糧祇得三四斗之價小民吞聲飲泣告苦無門其害五也凡此皆在下之苦情也計累於民累於官者約有十條而利於司庫者祇十一二萬之現銀耳浙江司道各庫每年京協各餉及本省例支各款不下五百萬有此南米節省十一二萬不為多無此南米節省十一二萬不為少况欲他處籌畫不致即無此十一二萬之數又何必貽此十害於官民乎况官民所受者目前之害將來虧空繫繫地方民情愈窮書差之弊愈甚則其害亦上司受之者若因而橫生枝節釀成 欽案則又不在意計矣欲免

此十害必如何而後可則對曰是不難革透南墊南之法為改南并漕則可矣現在旗營兵祇五百餘名每年支米二萬石即以此二萬石勻派嘉湖各縣收解折價此外六七萬石之米并入正漕統收本色則各州縣浮收等墊之患即可一掃而空而海運每年運米四十二三萬有此六七萬石南米歸入奏銷之數愈增 聖心必能嘉其籌畫得法部中更可樂從也官免五害小民亦可免五害海運多米六七八萬與司庫多銀十一二萬同一浙江公事無所侵劣况海運添米可以上達 宸聽司庫多銀誰得而知之子若司庫多銀有闕本省用度尙有萬不得已之情其實不過并入各省協餉多此十一二萬而已各省有此十一二萬協餉未必承浙江之情感浙江之惠又何必控本省官民之肉而醫外省之瘡乎至正漕之短少原因兵米起見是以京倉甘於支絀照數扣除今兵米無需而又不補還漕額似亦非留南漕之本意也前數年無人議及者由於州縣之累未深又無人統內外前後上下而通盤核計之故因循於不覺今則官民交困後患方多不及時變通必致不可收拾是在當事之曲籌深鑒矣至滿營兵數將來不能不逐漸加添祇可於加一名兵添一兵之南米隨時損益人固無詞不必預為深慮也

又 諭慶春奏查明熱河開荒漸侵正圍酌議章程請將查辦遲延之總管等交部議處一摺前因熱河開荒地多開曠經前任都統瑞麟麒慶先後分別科則招佃展墾乃日久展放漫無限制以致侵占正圍自應查明禁止所有鑿白旗伊遜川開墾荒地即著照舊有大卡倫為界其東西佃墾私墾地畝均著飭令一律封禁並著嚴檄該總管等督修卡倫建立紅椿毋令任意展墾慶春擬於明歲春融後派原勘各員前往查勘界址按照科則酌予年限以次裁撤並將私墾各戶一律驅逐族民佃戶領地後陸續侵入山坡溝岔以及領地以多報少等弊出示禁止定以懲罰章程著庫克吉泰到任後詳細參酌妥為辦理委員啟章王清經慶春派令前赴圍場會同總管壽長督催修卡建椿乃任意遲延迄未修整實屬咎無可辭圍場總管壽長候補知州員啟章准補喀

拉河屯巡檢王清均著交部議處以示薄懲

又 諭給事中劉秉厚奏風聞直隸地方徵收錢糧浮費漸增請旨查禁等語直隸差務紛繁屢遭兵燹當此疥癩未起正宜竭力撫綏以冀漸復元氣何得有限之脂膏供無筭之駁削著會同該部按照所奏情形查明嚴禁

九年 諭胡家玉奏江西錢糧有額外徵收並隨賦派捐等情請飭照定例辦理當經諭令劉坤一斟酌具奏茲據奏稱江西省地丁錢糧從前名為遵例一正一耗實則收錢不止二千四百文收銀不止一兩五錢軍興以後酌減每地丁一兩折收錢二千四百文改為收銀一兩五錢通省一律照辦至萬安東鄉等縣自更定新章以後徵數均經遞減其按糧派捐一節係因善後工程必不可緩前經部議以一年為限並非歷久擬派若徒博遵例之虛名恐轉蹈浮收之故轍等語所奏自係實在情形惟該省當兵燹之後民間元氣未復該地方大吏亦當體念民艱力除積弊著劉坤一督飭所屬各地方官於明定徵收確數之外不准絲毫任意加增

又 諭都興阿奏查勘邊荒辦理情形一摺奉天綏陽門至鳳凰門一帶邊荒經都興阿等派員分段查勘九十一處因大雨時行路多阻隔擬將未經查勘地方俟秋後再行查勘雖係實在情形惟未查地畝尚多若不趕緊辦理任聽該委員等藉詞延宕將來大雪封山更難剋期辦竣著都興阿額勒和布恩錫嚴飭該委員等屆時迅速出邊將未查地畝一律勘竣造冊報部嚴辦不准再事遷延

又 諭都興阿等奏查勘邊地情形一摺據稱鳳鏡二門邊地經該將軍等於本年十月間委員前往查勘接連春季所丈地界向東北一帶查辦續查出坐落多處已墾熟地十四萬餘畝見值天寒雪凍難以查丈各委員暫行回省請俟來歲春融再行接辦等語鳳鏡邊地亟應趕緊勘定豈可年復一年耽延時日著都興阿額勒和布德椿於明春雪消時飭催該委員等趕緊出邊迅將鳳鏡二邊切實道查完竣並將春間查丈後被水衝淹地畝一併迅速查勘詳報不准稍事延宕

十一年 諭戶部奏試辦昌平州黑地升科請派員查辦並涿州民人史長春等呈請補領執照應一併查勘等語著派陳孚恩寶黎會同張祥河董醇認真查辦以昭覈實其自咸豐四年以後順天直隸所屬州縣辦過升科地畝一千數百頃歷年課銀是否該州縣按額徵收並未專案報部著直隸總督順天府府尹立限半年將前次欠解銀兩之各該州縣詳細查明嚴行追繳埽數解部如有侵蝕情弊即據實參奏

又 諭都興阿等奏查勘邊地情形一摺據稱查明鹼廠門外已墾熟地十二萬五千餘畝俟北二邊地段查勘完畢再行報部起科邊外河岸山廠關緊捕魚採蜜地方游民耕種多年未便封禁若於河渠山廠溝甸開荒處所從權採辦於貢物山場兩無窒礙等語邊外地方現當夏苗盛長未能全行丈量著都興阿等督飭委員俟秋成後續行勘丈妥籌辦理

又 諭都興阿等奏旺清門外渾江地西地段經都興阿等督飭協領崇善等前往查勘西自邊柵東至渾江南接前查地段北至哈爾敏河口二密等處共查出坐落六十九處已墾熟地十萬三千一百餘畝現已查勘完竣至渾江地東一帶據奏地極寬廣游民強悍一時礙難查辦自係實在情形即著照所請俟三五年後再行查勘

劉汝璈上左宗棠書曰伏查康熙年間耿逆之亂西安龍游同被其災西安催征棘手通負稠疊無可如何龍游有虛令者銳意為清糧歸戶之法立科條明疆界核名實仰浮議甚或舉國非之不顧卒以告成於是舊逋以次就緒而新糧咄嗟立辦無他均故也均則法紀明爭訟息事簡而功集民樂而糧完也後西安令陳公鵬年立舉行清糧之法而西安百餘年享其樂利至今民傳誦弗衰是其前效矣璈於他府州縣之情形未敢周知若為西安之賦計則莫如清糧之舉今若舉行清丈之法則西安百四十二莊之錢糧復何患其有缺額乎且夫缺額之患非盡由於荒田也一由於吏胥欺蔽分灑奸民假冒侵占則人心之弊也一由於大溪小澗漂流蕩溢則天災之故也若所謂荒田者特兵燹以後未能墾種者耳而其

土固依然無恙也璆以爲若舉行清丈之法則不特奸民胥吏之欺蔽假冒無所施其伎倆卽天災之漂流淹沒者亦不至終歸於缺額也何也天地之道此盈而彼絀有漂流而淹沒者有開而未升者以開而未升之田與漂流淹沒之地相權其多寡不甚相懸也若不行清丈則此無田而賠糧彼有田而無糧苦樂不均也若一行清丈之法則其漂流淹沒者爲之開除民固感悅其開墾而未升科者爲之丈出畝分給與清單執照無人更與之爭民亦未嘗不樂從也以羨補不足此又清丈一行而無慮缺額之明證也

皇朝續文獻通考卷四

田賦考四 田賦之制

光緒三年兩江總督沈葆楨江蘇巡撫吳元炳奏略稱蘇州府屬熟地懇請減則徵收一案送經前督臣李宗霖等奏請均經部臣議駁嗣署督臣劉坤一會同臣元炳額請暫減三年部議光緒元年丁漕准予減徵二年按元年所減數目酌減一半三年查照原定科則徵收等因當經轉行飭遵在案臣葆楨蒞任後因各屬荒田嚴催未墾而江甯府屬轉多墾而復荒者驟聞之不勝其疑再四訪求僉稱江甯賦重亞於蘇松而地磽等於徐海以十餘年廢耕之土責諸數百里子遺之民倘錢漕照額徵收竊恐年復一年流亡多而荒蕪更甚國家大利在農若不培其本根恐無字催科二者均無從下手藩司孫衣言到任正值上忙奏銷之際迭經通盤籌畫以為利農必在勸墾而非減漕則無以利農茲據詳稱從前江甯府屬糧辦抵徵上則田每畝徵錢二百五十文下則田每畝徵錢一百三十文為數甚濇以應爭先開墾趨之若鶩乃求之汲汲應者寥寥實由兵燹之餘鄉民自種自食每戶不過十數畝而止餘地招募客民給以資本應募者來自江北土性異宜加以強悍難馴費資多而交租少大約從前每畝收米一石者今祇收稻百斤或七八十斤碾米不能四斗稍加催索則席捲潛逃牛具田租均歸烏有而田已報熟賦無可蠲辦抵徵時弊已如此今復丁漕原額總計上則田每畝須完錢四五文較之抵徵數幾倍之農服先時棄之則無以為生守之又不敢償課良懦釋耒狡黠搗竿上年六合閩漕雖借定米為辦實則希圖普減戶部職在裕國原難輕議更張第裕國必先裕民欲使兵燹之餘生盡歸承平之并稅情既不忍治且難行萬一別滋事端竊恐所失更甚目前雖遵部議上忙勉強徵現屆六月各州縣報解不前加以亢旱兼旬蝻蝗蔽野近幸淫霖雨澤插秧已遲所宜及早熟籌預杜後患因思地丁一項不敢再請減徵惟有按照同治二年 恩免蘇松太三屬虛糧之案除江甯府一屬除高深溧水二縣向完折色不計外其上元江甯句容六合江浦五縣額徵漕糧等米一律減免十分之三查該縣田地荒熟併計應徵原額

清屯兵卹等米共十五萬四千八百八十九石有奇以十分之三核計減米四萬六千四百六十六石有奇就現在款徵熟田而計應徵原額漕糧等米九萬二千九百九十五石有奇共請減三成米二萬七千八百九十八石有奇尚應徵熟田米六萬五千九百九十七石有奇將來繼墾熟田亦照此科徵不再加重斯民具有天良幸沐 皇仁優渥如此斷無不踴躍樂輸者有田之家既得田之盈餘豈肯輕棄其業無田之民不畏田之賠累更當競趨於耕十餘年後民間增數十萬之熟田國家即多數十萬之正賦等情詳請具奏前來臣等伏查漕糧關繫正供不容輕議增減蘇松等屬同治二年蠲免十分之三此破格之恩豈尋常所當援例然江甯府屬淪陷之久倍於蘇松茶毒之酷甚於蘇松田土瘠而遺黎稀更無從與蘇松比教同是朝廷赤子何忍聽其既登祿席者馴致流亡蘇松太減米五十四萬餘石之多為前古未有之隆施所以羣萬世無疆之 寶祚今於江甯府屬再減米二萬七千餘石僅及蘇松太二十之一於國計似無大損而 聖主如傷之隱周決榜徨其以人情為田一樹百穫者何可數計惟前所請減者有二成半一成半之分今則統減三成似乎冀倖過甚然前次米糧一律請減今者不減銀而減米相權不甚懸殊惟有額懇 鴻慈逾格 特旨准照蘇松太成案核減上元江甯句容六合江浦五縣漕米三成俾民無以納課為畏途而以墾荒為利藪臣等不勝感激屏營之至十年兵部尚書彭玉麟條奏粵東瓊海為疆三江匯注西江容納百派尤源遠流長皆以廣州為歸墟之所從前海口深通江面寬闊建領順軌尚鮮泛濫嗣以下流香山新會東莞新安順德番禺各屬每於沿海淺水堵石築壩阻泥淤成田畝於是羣起爭利東以斥鹵報西以草坦升園外加壩田外生田河面日蹙出水日艱大雨時行各江盛漲上流各屬動遭水患決圍潰隄開歲相望擬請按照乾隆十三年湖北巡撫彭祖蔭奏禁私挖灘地嘉慶七年湖南巡撫馬慧裕奏禁增築湖田隄堰辦法曉諭各屬沙坦以現在報墾成田者定為限制嗣後永遠禁止添築石壩基圍以利宣洩而慶豐稔

十二年兩廣總督張之洞奏前奉 上諭沙田升科一事正賦攸關豈容奸民

蔽匿迭經戶部奏催辦理著該督撫督飭所屬查明已升科若干畝未升科若干畝即將未經升科之沙田迅即確查妥辦等因當即督飭司局籌議辦理近准戶部咨現擬改辦升科誠爲正本清源之計粵省地居濱海沙田較寬此項退水之田素稱膏沃獲利既重流弊滋多是在妥擬章程豫定期限嚴稽匿稅慎選賢員一切事宜果能經理認真自必立有成效况仿照山西豐甯馬廠成案辦理更有把握萬不致若從前之困難中止務須妥速籌辦勿涉因循等因復經轉行飭辦茲據廣東布政使高崇基會同沙田局司道詳稱粵省沙田以廣州府屬香山爲最多順德新會東莞次之番禺南海又次之潮州府屬海陽揭陽潮陽澄海等縣爲數有限自嘉慶二十三年查辦升科以後所有新沙溢坦斥鹵成熟雖迭經報查清丈飭令照例升科終以未經部覆核定未能入額徧徵各業戶坐擁膏腴仍完斥鹵輕則至沙田畝數調查嘉慶二十三年奏案已查明奏准升科者五千三百餘頃此項名爲額數咸豐年間屯田變價案內除由官長虛稅無人承領五百餘頃外實則升糧者一千四百餘頃至同治六七年開清丈案內查出溢田繳息升科者五百餘頃光緒七年補升案內查出斥鹵成熟應按則補升者四千餘頃此各項皆爲新沙此外近來新增溢田自當不少但未經呈報勘丈無從懸擬合計老沙新沙有案可稽者共計一萬一千三百餘頃至同治年間清丈案內奏報沙田一萬九千餘頃查與司案縣案皆不相符似係舛誤無關收息銀數出入應俟查明致誤之由另行辦理惟查老沙田則皆未請給部照民間但憑墾單縣照司照管業其間或有遺失或經典售影射侵佔啟爭受累均所不免此次擬請除原額民田外無論老沙新沙一律換給部照其每戶田不及一頃者以一戶爲一照若一戶過一頃者以一頃爲一照如數頃數十頃之外尚有尾零數十畝亦儘數填給一照以便買賣分析老沙無庸再丈按册核給新沙清丈明確立時填給嗣後民間買賣過割以此爲憑仍詳加查勘分別上則中則升科起征永遠免其攤派捐籌此次繳息定則俱較舊章酌量從寬庶國科漸充民情亦順現已詳察輿情的議章程一面遴員設局延商公正大紳出示開辦惟必須頒發戶部空白執照隨時填

給方期鼓舞其照式由粵省酌擬咨部核定刊發詳請具奏查廣東查辦沙田之案自道光二十四年以來已不下五六次或溢坦歸屯或屯田變價或斥鹵補升或呈報溢坦或海防沙捐查勘累年籌捐多次惟始終未領部照未編賦額以故清如不清丈如不丈不能取信於民由來已久此次遵旨清丈升科應頒部照隨丈隨給使各沙戶曉然於此舉實爲便民安業一勞永逸之計執有此紙以後或買賣或管業永息訟爭更無派累庶可踴躍趨公一律澄清查日前在山西巡撫任內勸辦豐甯官荒馬廠即係奏准頒發空白部照隨丈隨給一時租戶耕氓無不爭先引勸惟恐清丈委員到來之晚事理相同民情可見竊聞直隸奉天等處丈勘荒地辦法略同此次部咨既准仿照山西豐甯馬廠成案催令速辦相應援案奏請即委員赴部領辦此項部照回粵以期妥速合無仰懇天恩敕部迅速頒發空白沙田執照數萬張交委員領回俾得及早勸辦一俟辦有成數隨時咨報

又片奏再廣東遵旨查辦沙田升科前經臣奏請敕部頒發空白執照一萬張並將設局清查升科分別繳款換照章程奏明在案查廣州府屬沙田舊章其老沙已補升者均照番禺上則徵銀米其新沙未經成熟者均屬斥鹵輕則每畝約完銀四釐有奇不徵米凡老沙新沙各坦向俱祇發司照或由縣發給墾單便執爲管業之據今設局清查無論已升未升上則中則斥則自應一律換給部照俾資遵守惟此次戶部所發執照祇有上則中則兩起並無斥則之照各局委員每多拘泥遇有未熟坦畝遂謂無照可發議請停給查光緒十二年七月內請頒部照原奏聲明無論老沙新沙一律換給部照老沙無庸再丈按册核給新沙清丈明確立時填給嗣後民間買賣過割以此爲憑仍分別上則中則升科起徵等語並無何項沙坦無庸發給部照之說且前次奏定章程聲明草白等坦酌減花息勸明後分別給照定則升科起徵是草白坦亦應給部照尤爲明甚但未成熟未便遽發上則中則之照不可謂斥則以下遂不發給部照也况草白坦等項望影佔築尤易起爭豈可轉令私照管業留貽訟累且今日之新坦即將來之熟田一經給照則土名畝數業戶姓名承墾年月

一一明晰俟五年升科之期戶不須另查田不須另丈業戶雖欲延匿而州縣有册可憑祇須勘明成熟分別升科則按戶加升豈不簡易扼要一勞永逸且本屆清丈勞費數年若於此次大舉清丈之後業戶仍無確實可信之部照執以為憑必致成熟屆期重丈有擾換照有費胥吏得賄永不報升覬覦不息訟端不已葛藤懸宕撤局無期是徒為胥吏開需索之門為民閉留無數未完之案當經嚴飭司局一律發給部照以示民信清田額勒限今年年底將所領執照一萬張一律發竣如有不敷再行奏請續發惟現領部照既無斥則等項名目若待另行請領未免往返需時除熟坦分別上則中則填照給發外應將未熟之草坦白坦水坦照章列入斥則一律發給部照於照內分晰註明令地名畝段花戶墾期一一有案可稽俟五年成熟補升之期按册查勘未熟者仍其舊貫已熟者改註補升科則賦既不匿民亦不擾實於清賦恤民均屬大有裨益再查新安縣向未報有沙田此次查出該縣沙田皆係鹹水沙坦遠遜香山東莞等處且並不及潮州應酌照前次奏明潮州府屬沙坦辦法酌量寬減以示體恤仍一律發給部照俾免向隅

二十二年陝西巡撫張汝梅奏清查荒田情形 略稱兵後大疫百姓流亡殆盡地曠人稀未能盡闢者一通省土產雜糧居多北山一帶夏寒霜早穡事多不可靠即平川地面水土稍佳然人少工貴即使豐收而穀賤得不償失未能盡闢者二農民擇地而耕非有可靠之利孰肯株守墾荒工費不支熟後穀價太廉偶遇偏災即棄而他往不特客民多無室家去留無定即土屬亦旋墾旋廢作較靡常未能盡闢者三而州縣一經招墾限滿升科即應歸入額數并計徵不足額則處分禁嚴田無人種則追呼乏術現雖不敢不認真查報而皆揣揣焉以將來之考成爲懼此情實有可原不得不加體恤伏思催科政拙州縣之責難寬而因時制宜經權所當並用與其拘守例章使懷疑懼莫若寬以期限俾得展舒擬請將自首及新墾各戶分別於首報及墾限屆滿之日起應定升科錢糧予限三年作爲另案徵解不入額數考核限內墾戶逃亡熟地復荒免其議處一俟限滿即將升科未荒之地照例歸入額數則各牧令可以放手

辦理必能日起有功從此額賦永增似覺公私交益

三十年兩江總督魏光燾奏本年正月奉 諭外務部代遞總稅務司赫德條陳一摺據稱練兵籌餉以地丁錢糧爲大宗若竭力整頓并可舉辦各項要務按里計畝按畝計賦令每畝完錢二百文百姓亦不受絲毫擾累等語現在財用既乏幾於羅掘俱空一切要政需款尤殷亟應切實通籌期有良法該督等按照所陳悉心會商逐條議覆具奏當經 旨咨會直隸四川兩廣閩浙湖廣各督臣籌議查該總稅務司所陳籌款之方專重整頓地丁欲舉一切國用取資於是撥之中國情形固不盡然即證之各國章程亦多未合考中國所以取民者其法不一古代賦稅並行徭役漢世田租外復有口算唐租庸調三者并稅皆不全取之於地又歷代皆以農田所入爲正供輸之有常取之不擾即遇萬不得已與利之臣亦惟議權鹽鐵茶酒等稅而不以傷農此載之歷史可信者各國歲入之款有視中國加十倍者然所列收入各門如消費稅印紙稅關稅皆佔巨額而地租視諸項尚不算大宗日本歲入之數凡二萬數千萬元印紙關稅外有酒稅又煙草醬油等專賣稅亦官收巨款而酒稅且過於地租是各國振興商務以爲開財之源並無專恃地租以充國用之事至其按中國地方開方計畝所擬之數未免太多查中國現在里畝照戶部則例較各省田地共七百四十二萬餘頃今乃以幅員面積推算謂有八千兆畝減半折算尚有四千兆畝夫四千兆畝即四千萬頃也比現數七百四十二萬餘頃增多五倍有餘我 朝政尚寬仁其中細民匿賦有未清查新地升科不盡核實誠使力加整頓直省田畝斷不止此數此則可知者若如所陳謂由業戶將所有地畝開單具圖赴縣呈報三年後歲入可至四百兆兩則田畝亦必四千兆畝方合此數一舉而溢出三千數百餘兆之多竊恐必無是理若夫地有高下田有肥瘠科則分爲輕重此歷代因田制賦之常經若如所稱令每畝一律完錢二百文是使上田科薄賦瘠壤予重徵比而同之自來無此辦法就令通扯勻算亦覺徵賦過重查近年通國所收錢糧大概計之不過三千萬兩內外若謂此法一行即可收四百兆兩是比較舊額增十三倍恐歐美日本諸邦亦斷無驟進遞



加如此之遠極之中國安能必其可行夫中國如陝甘雲貴等省素稱貧瘠者無論矣即就江南言固號財賦之域然以地圖按之江南所轄江蘇安徽江西三省統關內各行省計之實佔地面九分之一依節略所言以四千兆畝九分之一應有地四百四十餘兆畝今按戶部則例三省地畝不過一百四十餘兆畝猶不足三分之一賦額則蘇甯兩處每畝折徵有自三四百文至四五百文者然江北瘠薄之區暨安徽江西兩省中下之田每畝僅完數十文灘租蘆課又每畝祇完十數文合計每畝不過百文有零是照二百文又僅得其半矣以江南地利全圖賦額最重之區照現在收數比節錄所擬之數相去猶甚懸絕則推諸他省更不待言此其窒礙難行已可概見臣深受國恩冀得良法以佐度支之急再四籌思以爲與其虛擬一不可知之數重虛煩苛不如就已辦到之成規加之釐剔查光緒二十五年蘇省清釐田賦委朱道之棟定章督辦綜計蘇州鎮江二府屬長洲等十三縣熟田銀米兩項每年共增出銀五十餘萬兩若由二府推之他府更由江蘇一省推之他省得人而理不難照行此外西北廣大之野更宜開墾荒地多實軍屯東南流域所有沙田漲灘清丈升科從實舉辦又於閩廣湘贛等處廣求林政以開利源是皆屢見明文未覩成效者請旨飭部嚴定考成酌予期限再由各省切實辦理果能認真整頓數年後每年似可增一二十萬以濟要需核與總稅務司所籌雖尙懸殊無如天下農田民力所堪只有此數如此則根本不致動搖於綜理財政之中萬安輯黎元之意此臣夙夜所爲兢兢者也

吳貫因田賦私議 略曰赫德依面積計算非同架空之理想由歷史沿革觀之亦信而有徵西漢盛時全國墾田爲八百二十七萬五千三百六十八頃隋大業五年八百八十五萬四千四百四十頃唐天寶一千四百三十萬三千八百六十二頃宋開寶末二百九十五萬三千三百二十頃至元豐增至四百六十一萬六千五百五十六頃元至元一千九百八十三萬頃明洪武八百五十萬七千六百二十三頃崇禎中七百八十三萬七千五百頃清順治初五百四十九萬三千三百七十頃乾隆間七百四十一萬四

千九十五頃嘉慶七百九十一萬五千二百五十一頃道光七百四十二萬頃光緒九百十八萬一千三十八頃以上最多者爲隋次則元唐次漢明及清而最少者宋謂領土有廣狹耶則元清廣過於隋何皆不及明不狹於隋乃不及隋六分之一謂戶口有多少田因之耶則隋大業戶僅八百餘萬唐天寶有戶九百餘萬數實過隋何以田不及三分之一元盛時戶千餘萬遠在隋上乃亦不及一半且隋盛時人口四千六百一萬九千九百五十六今之人口約有四萬萬數增十倍而田竟不及五分之一謂世有治亂耶則唐自高祖至天寶宋自太祖至元豐休養時期遠過隋代承平既久田野日闢而唐宋視隋成反比例抑又何耶竊以中國面積之大人口之衆無論何朝苟非大亂皆在五千萬頃以上不獨隋然而隋獨見其多以所清查者其數略近於實也治平會計錄宋之田數計賦租以知頃畝而賦租所不加者十居其七率計之無虛三千餘萬頃又宋史食貨志言荒田多京襄唐鄆尤甚至治平熙寧間相繼開墾墾百畝之內起稅止四畝欲報至二十畝則斂言民苦賦重遂不增以是觀之田之無稅者不止十之七也此不獨宋然各朝皆然特宋之漏稅較甚耳夫田多漏稅舉國人知之因屬於國家其稅則由中央定之調查亦由中央發令行之以中國領土之大欲由中央整理田賦其調查斷不能確實稅率斷不能公平數千年之弊實由於此欲清積弊惟有劃爲地方稅聽地方各自爲謀庶幾漏稅之田可使悉數清出額外之徵可使消滿歸公也按之學理有據驗之事實益明今世列強惟普魯士與美國劃爲地方稅能使制定之稅法適合於其地農業之狀況否則負擔必失公平法儒盧羅謂一八五一年法之田賦稅率爲課純收入百分之六而實際各縣之負擔輕重懸殊有僅及三分零者有達九分零者此就一縣之總額言之若就其自治團體言其重者僅國稅一項已達純收入十分之二三益以地方附加稅達十分之四者有焉其輕者僅百分之二三此法以田賦爲國家稅之弊也意大利自改賦配稅爲定率稅其制固較法爲優然負擔之失公平

亦與法等試觀中國王土性之廣志釋曰真定轄五州二十七縣蘇州轄一州七縣無論所轄即廣輪之數真定當蘇之五而蘇糧二百三萬八千石真定只十萬六千石然猶南北異也若同一北方河間之繁富二州十六縣糧只六萬一千登州之貧寒一州七縣糧乃十三萬六千然猶直隸山東異也若在同省漢中二州十四縣之股庶糧只三萬餘而二州三縣之衝疲乃四萬五千然猶各道異也若在同道順慶不大於保甯其轄二州八縣均也而順慶糧七萬五千保只二萬然猶兩郡異也若在一邑同一西南充也而負郭十里田以步計賦以田起二十里外田以量量不步矣五十里外田以約計不約矣土性所言不過略示一斑此外賦額之失公平者何限近二三十年因新墾漏稅益不公平者又何限以我國幅員之廣交通之艱賦額由中央制定大夫公平必然之勢也况二十二行省外尚有蒙古西藏青海等地苟欲徧查不知費若干年而此若干年中近山增新墾山田近海增新浮海田數必甚多不幸因災而良田變為廢土數亦不少故查竣之後一核其實又大相出入焉若劃為地方稅範圍既小測量易周即土地變遷亦近而易知也且地有肥磽欲由中央調查分其階級以為課稅之標準安能斟酌適當一歸地方則肥磽立判稅率易定不特此也今欲改良田賦必采用最新之土地清冊制始能與利除弊然法國清冊調查編製費四十二年日本亦歷九年中國土地面積二十一倍於法二十六倍於日即以日為比例須費二百三十四年俟河之清人壽幾何不劃歸地方終無整理之日矣况稅法常隨經濟界之變動中國各地經濟之狀況大相逕庭有數年輒須改革者有無須頻更者惟地方得相度情形以因時制宜且可預留加稅之餘地必由中央制定將生種種障礙如意大利人民負擔輕者僅當純收入百分之七重者當百分之七十九欲議加稅輕固能堪重必反抗又各省課稅之單位迥別如南方以畝計而吉林以响計普通一响約當南方十畝然亦多少不同蓋吉田歲僅收穫一次又多荒地故課稅不能以畝算而必以响算其他沿邊

各地度亦多不能與東南同今為國稅欲盡一其制遠反各地習慣決不能行何如歸諸地方俾法立而民安乎蒙古田賦向歸其王公收入苟欲令其移歸國家勢必扞格如設特例任其自收則同一領土有乖統一之義惟劃歸地方此等畛域皆泯矣今日田稅收錢合銀各地差異非盡由幣制未定銀價不同也實地方官額外加征耳藉光緒二十二年湖北徵收册每銀一兩徵制錢一千九百文其時市價實一千三百是多徵六百文矣數年前江蘇徵銀解銀問題起蘇之官謂銀一兩值錢二千有零人民謂僅合千餘文是亦多徵數百文也其弊由於中央政府不能熟知各省市價故官得上下其手夫多徵固病民少徵亦病官如吉林每响徵錢六百六十文因官帖吉林使用一種價值之落致昔也每响徵稅合銀三角餘者今僅合一角餘公家受損如此本擬變通緣非中央許可不行若歸地方則多徵少徵官與議會皆熟知之有權以改正矣自私自之見人情大抵皆然以官代中央清查常圖完事以塞責不肯嚴核以取怨歸歸地方則為維持自己經費其清查必實而漏稅之弊可除觀此則田稅之應歸何屬從可知矣雖然田賦歲入中央之經費重有賴焉今悉歸地方必當謀有以補其缺此下文

改良田賦之法可分二節一曰稅制一曰稅率先言稅制各國制度皆極簡單日本統名地租取於民者祇一種稅法與意比諸國皆然惟英分二種究非繁雜也今中國之田賦名目如鉅舉其著者一地丁二漕糧三租課四糧折而漕糧中復分三種一實徵糧此僅行二漕折三漕項似此紛歧已非理財之道况額外加征漕糧外尚有所謂漕運銀惡稅一正供外有耗羨惡稅二此猶經中央認可又有起於官吏之舞弊者一秤餘謂補庫平之不足惡稅三一雜派謂補各種之費用惡稅四亦為政府默認名目之多至此中國之田賦不當名為一種租稅當名為十種租稅矣此應改革者一也再言稅率其賦課之失公平令人震駭今姑引一現行賦則表列於后

各省	畝科銀	糧米	糧豆
直隸	至自 一〇三八	至自 一	至自 九八
山東	至自 一〇九三	至自 三	至自 四一
山西	至自 一〇七	至自 二七	至自 一五
河南	至自 二二七	至自 二	至自 七
江蘇	至自 一四九	至自 一	至自 二
安徽	至自 一〇一	至自 七	至自 一
江西	至自 一〇一	至自 七	至自 一
福建	至自 二一五	至自 一	至自 三
浙江	至自 二一五	至自 一	至自 三
湖北	至自 二九二	至自 二	至自 九
湖南	至自 二八〇	至自 一	至自 四
陝西	至自 二七五	至自 一	至自 一
甘肅	至自 一五〇	至自 八	至自 一
四川	至自 八四	至自 一	至自 一
廣東	至自 二二	至自 二	至自 一
廣西	至自 二二	至自 二	至自 一
雲南	至自 二	至自 一	至自 一
貴州	至自 六〇	至自 一	至自 一
奉天	至自 三一	至自 七	至自 五

此等賦則有缺點三焉一不知參照各省之生活程度今日東南各省與西北迥別西北一金之用有足抵東南十數金者使不審程度之高低而僅以地味之肥磽課同等之稅率安得公平二與現在之地味不相應如表所列安徽上等田課銀一錢六釐米七升一合福建上等田課銀二錢五分五釐米一斗九升今安徽產米之多聞於全國當不劣於福建而賦額僅及其半廣東下等田賦額八釐一毫米六合五勺廣西下等田為二

分四釐米三升七合今廣東地味當優於廣西而賦額僅及三分之一略舉一二已可概見此由於調查之錯誤及地味之改變蓋土地肥磽雖由天然而因人力之作用亦隨時代而變遷禹貢載雍州之田上上揚州下下當日區分當必確有經驗今則變為揚州上上雍州下下矣現定賦則大半沿明代之舊故所判等級多反於實際三不知土地與人口之關係凡人口稠密之地土地不足故十畝之田竭全力以從事人稀之區地餘於用耕稼百畝其所需勞力與經費僅與前之十畝等收穫同而所需不同課以同一之稅率安得公平此應改革者二也考各國田制雖各不同然舉為課稅之標準不外四種一比例面積二比例生產三準據地味四準據地價之數者皆不得公平於是土地收益清冊制出焉既量其土地之廣狹又視其生產之多寡除資本勞力之報償外細核其收益之實量依之以定稅額願欲徧查全國不可能也故分爲若干等中擇其一以爲模範地取若干年之收入平均計之依市價以定其每年之利益製成清冊據是定稅率之重輕現今文明國多采此制中國則自周用什一之制漢初定爲十五稅一景帝二年三十稅一晉代復爲什一此皆比例土地之生產爲課稅之標準與印度田賦之四稅一埃及之五稅一同魏武初定鄴都田畝徵粟四升北魏孝明帝稅粟五升隋公田者稅一斗唐租庸調之法丁男授田百畝歲輸粟二斛稻三斛歷朝皆以畝算與羅馬古代之條治拉稅英古代之海孽稅同以面積爲標準也再別九州列爲九等金亦分九等元分三等清分三級各級中仍分三等是與羅馬帝國克陵堡侯國之稅法同以肥瘠之階級爲標準也此皆與泰西古法同而現行異各有缺點今日而議改良稅法惟有采收益清冊制而已其應研究者土地爲生產一大要素資本家投資競買於是全國之地權漸集中於少數人之手社會黨憤其壟斷創土地國有之說事實固不易行第集中之弊不可不矯正之故中國田制宜用社會政策分爲二目一曰地代稅課地主之坐收佃租者一曰農業稅課地主之兼營農業者地代稅

一第... 頁...

課純收入十之一農業稅課二十之一蓋農爲國家元氣當輕稅以優養之對於坐收佃租之地主加重稅率不特可資游惰且防豪強兼并之弊於農業進步有力焉此吾所以主持此制也

按原文元氣謂通乎當時主而兼農者爲課稅所不及今於地主兼農者課之是沒所得稅於田賦中央亦甚可惜劃爲地方稅或成者多然無短款以補中央之缺於不得見諸施行也存一說而已

三十二年署兩江總督周馥等奏蘇省銀價驟漲舊徵規復銀價折錢羨餘不敷賠款及辦公各費請自光緒三十二年上忙起將隨徵規復銀價撥還各應州縣以資辦公等需另於每徵銀一兩帶徵錢二百文作爲賠款下戶部知之當據惲毓鼎奏江蘇督撫擬將地丁錢糧每兩加收制錢二百文經戶部議駁又復一再瀆請懇 恩飭下戶部體察情形妥議覆奏從之尋戶部覆奏兩江總督等覆奏蘇州徵收三十二年上忙銀價仍請每兩加錢二百文湊抵賠款照案帶徵一節 臣等正擬具摺奏駁適軍機處將翰林院侍讀學士惲毓鼎各摺片交到細釋該侍讀學士之奏與該 臣等意見相合懇請 飭下兩江總督江蘇巡撫蘇省本年上忙仍照常徵解無庸另行加徵其已經啟徵加收之二百文應令流抵下忙正賦

又戶部奏滇省錢糧減成早經限滿仍未照額徵收請自光緒三十一年奏銷起嚴核分數切實清釐以符定制

三十三年度支部覆奏兩江總督等奏蘇省銀價騰貴州縣徵解虧累酌議補救辦法一摺查蘇省賦額甲天下雖屢經核減而現數仍較他省爲重故該省前兩次奏請每兩加徵二百文均經 臣部議駁該督 臣等復以銀價騰貴州縣徵錢解銀虧累過鉅擬陳三策奏請 飭部酌行其一 臣等悉心商榷如請免提丁漕平餘漕餘一策查此項銀兩一爲撥補釐金一爲充新軍之用不容稍有移挪礙難照准至所請改錢徵銀一策查蘇省田賦本由科銀而科錢然自同治四年定價以來民間習慣已久一旦以錢易銀必至互相擾亂且較該省請加二百文之議爲數更多應請毋庸置議至請仍照原奏每兩請加二百文將規復銀價撥充賠款之二百文給還州縣一策查原奏內稱同治四年奏定

每兩折收錢一千四百文加辦公經費六百文目下銀價每兩一千六百八九十文所收之一千四百文僅得銀八錢二分八九釐中間虧耗不啻三百文等語夫州縣辦公經費既定六百文即使虧耗三百文尙餘其半每年漕費雜款所贏尙不止此數辦公當無不敷該督 臣等則以州縣賠累過鉅一再請加或因銀貴使然出自實情然銀價之貴多由銅元充斥該督等自當酌量盈虛設法整頓至各州縣批解藩庫銀兩若何核算有無虧折以及道府各署一切雜費出之州縣者均足致累請 飭下兩江總督江蘇巡撫確切查明即行分別裁減此外有無別款可籌以資抵補再行奏明辦理

三十四年御史齊忠甲奏請講求東三省墾務摺略稱查奉天吉林之蒙荒黑龍江省之邊地平原遼闊曠無居人前此雖經勘放辦理未爲妥協原定年限未滿或違議升科小民之負未初來或又行加價生此種種之阻力領戶均觀望不前今既爲招墾實邊起見不必設墾務大臣亦不必即行設官宜由各省督撫派員經理其事不收荒價祇收經費如有多領者亦隨其便俟升科之年已墾者悉數升科未墾者量與升科似此有利無害不必遷民而民自歸之將數千里無人之地不數年即成富庶實邊之道無逾於此

皇朝續文獻通考卷五

田賦考五 田賦之制

宣統元年東三省總督徐世昌等奏江省沿邊一帶自呼倫貝爾西境起越琿琿與東轄境皆與俄界毗連除現籌卡倫辦法另行奏明開辦及湯旺河業經開放外其餘曠地彌望榛蕪無人過問。世昌上年奏陳邊民實邊請免輪路各費並陳明先從招民入手即為拓殖邊荒之計本年奏陳屯墾一摺亦聲明沿邊招墾辦法蓋想辦兵屯籌款維艱開地有限自應另行遣員招民以爲兼營并進之舉現在審量沿邊情勢非改收經費以廣招徠恐民戶無由遠致非另定獎章以示鼓勵恐員司不易激揚此外如減路費以利進行嚴限制以杜包攬進良農以慎安插速升科以促墾種暨其餘亟宜變通各節均經詳細酌核務期切實可行將來新設治地方所有荒務即責成各該地方官兼辦不另設局以省糜費謹擬江省沿邊招民墾荒章程五章共二十四條呈 覽懇 飭各該省督撫遵照辦理其派往各省招待員司一切經費擬由本省各荒段積存經費項下開支如有不敷飭司由正款動用按年報部列銷均下部議 又農工商部覆奏招民墾荒各節爲與利實邊起見應准如擬辦理與瓊呼三屬地處極邊轄境遼闊非切實招徠不足以招致內地居民廣闢沿邊墾務應即一併照准其荒價經費以及升科各節度支部查墾荒應收押租並隨收一五經費東三省歷辦成案皆然惟湯旺河荒地以勘放久無成效屢經變通辦理每响只收經費錢四百文不收押租會據黑龍江將軍奏准有案今與瓊呼三城沿邊招墾四千餘里道遠費艱未能先事勸丈經費尙難預計若無論瘠壤腴田一概不收荒價只收經費似亦未爲平允礙難率行照准將來是否三城同時並舉抑或分段次第開放應隨時派員履勘確得情形示以區別其每响所收經費能否足敷總分各局之用亦當核實豫計應令該督撫等通盤籌畫奏咨辦理 部再行核覆又招待處經費准由該省各荒段積存經費項下開支如有不敷即以新收經費彌補不得另動正款至升科限以三年係爲勤求耕種起見自應照准其獎勵一節吏部查該省荒價經費各節度支部尙未

照准獎勵章程 部礙難遽行核議應俟該督撫按照度支部所議通盤籌畫詳定辦法由度支部核覆後 部再行分別異常尋常給予獎勵 又東三省總督徐世昌奏續放札薩克蒙荒撥案變通酌擬章程十三條一訂價一領基一丈法一放法一熟戶一留界一訂租一升科一稅契一兵餉一支款一開荒一律貼試辦數月尙無窒礙已據報共丈生荒十九萬四千餘响 又東三省總督錫良奉天巡撫程德全奏東流山荒撥案折放略稱查辦理墾務丈放荒熟各地向應按畝交價升科本無所謂折扣惟山荒之地土性瘠薄不能不酌量折扣以示體恤然亦祇可准予通融斷不能折去過半以致浮多過於正額乃從前丈放東流圍荒在事人員往往句串領戶任意折扣竟有折至一二扣者未免漫無限制此次奏明清丈概不折扣係爲力矯前弊起見而各該墾戶等終以山荒與平荒不同且前次所領丈照上有註明折扣字樣凡遇丈出浮多山荒率皆不肯交價紛紛來省呈訴 等情酌核初次之折扣丈放漫無限制固屬無此辦法而此次清丈不問是否山荒一概不准折扣亦究非體恤民艱之道自應酌中辦理以期上下交益查從前清丈西流圍荒以山荒撥補正段係按三七折放此次擬援照前案將東流山荒亦按三七折扣每十畝作七畝交價如原領十畝折爲一扣者再交六畝地價原領二扣者再交五畝地價原領三四五六扣者以次遞推原領七八九扣者免再交價其在此次重定章程以前業經交價之浮多地畝未曾折扣不免向隅擬請寬予期限八年升科以昭平允未經交價之地既按三七折扣其升科年限應仍照定章辦理 又奏援案變通招墾蒙荒酌擬試辦章程略稱奉省前放札薩克圖王旗蒙荒案內積有坐落靖安縣未放沙城餘荒一萬九千三百七十餘响按一五折扣計實荒二千九百餘响經前將軍增祺飭交該管之靖安縣經理招放截至本年據報僅放出荒地一千三百餘响尙有實荒一千六百餘响無人承領前據該縣請將此項未放荒地免收地價招墾升科並擬送章程呈經 部查核此項餘荒係屬蒙地奉省歷來丈放蒙荒定章所收地價應以一半分歸蒙旗茲

遵照准免收地價深慮蒙旗或生阻力當即批飭洮南府知府孫葆璠就近向該蒙旗磋商去後茲據該府以移准札薩克圖王旗移覆允將蒙旗一半地價一併免繳等情呈覆前來等覆查黑龍江省湯旺河荒地前因收價丈放久無成效迭經變通辦理每响祇收經費錢四百文不收押租會經奏准有案本年因江省興東愛理呼倫貝爾沿邊招墾亦經奏請免收地價每响僅收經費銀四錢奉旨允准亦在案茲奉省靖安縣餘荒地畝原係前札薩克圖蒙旗墾局放贖餘荒委因地多沙城墾局招放無人承領是以交由該縣經理迄今數年而放出之地尚不及半則其地之墾薄不堪墾種已可概見若必照章收價仍恐日久無人領墾不特棄利於地抑且居民寥落難期生聚於實邊之道亦有未宜况現贖餘荒僅一千六百餘响照章應收地價銀三千餘兩除蒙旗應分一半外計公家應得之款不過一千數百餘兩為數甚微該縣請將此項餘荒招戶領墾免繳荒價限年升科係為殖民實邊振興地利起見現在該蒙旗應得一半地價亦經洮南府商允免繳所有前項未放餘荒自應按照黑龍江省奏准成案免價招墾仍照成案每响收經費銀四錢以資辦公俟墾齊後飭令升科如此變通辦理實於裕課便民兩有裨益如果辦有成效將來奉省未放蒙荒凡招放不易無人領墾者并請按照辦理以免日久荒廢

又兩江總督端方等奏銀價益漲州縣賠累更深仍請將上下兩忙宿蘇兩屬地蘆各款改為徵銀解銀每銀一兩隨收公費錢六百文蘇屬並帶收規復錢二百文以期官民兩無所傷下度支部議奏嗣奏以蘇屬征忙每兩暫加二百文試辦尚未經年遵爾更張非惟無以取信於民似亦無此政體應令先將該省地蘆等項及經費各款詳擬辦法送部核明應增應減酌中釐定再為咨行照辦竊以田賦徵銀載在則例同治初年改為折錢完納原為體恤民艱近因銀貴錢賤累及州縣斯恤民恤官之說紛紜不已其實民間完錢之項仍以洋元抵繳似與徵銀無殊惟原奏於市面銀根缺乏通用銀圓平色如何折合銅元尾零如何找算均未詳細籌及獨於公費一節規復六百文之舊是丁漕較多之州縣蕪蕪無而銀錢並徵經管之吏胥尤易上下其手不免貽人口實

應請暫毋庸議

又湖南巡撫岑春煊奏請將提解州縣丁漕錢價平餘等項一律停免又諭有人奏江西州縣征收丁漕往復折扣抑勒病民一摺著端方馮汝駉按照所陳各節體察情形妥籌具奏原摺著鈔給閱看尋會奏徵不致解保屬實情現督飭該司道等妥議辦法另案奏辦

又都察院代遞度支部小京官李秀卿奏陳徵收積弊略稱其弊有四一原於制度者中國任土作貢已同重農學派之土地單稅主義而州縣按糧加派之事甚多士紳有優免之例工商無納稅之條所苦者農民而已一緣於正供者征收地丁錢糧火耗以外向不許絲毫加重奈串票所載向來祇註應完之數而不註明現完銀錢若干之數故錢糧一兩征銀者加至三四錢至一兩有餘征錢者由二三千至五千不等而差役需索又不在其數一起於差徭者州縣私立名目任意攤派其取媚上官則侈其供應重其餽送而差務繁其聚斂自肥則無物無供無行無差而取辦甚急且募役吏胥劣紳痞棍又從中分肥而浮派更甚若餉差兵差則其例焉者也一生於新政者自新政繁興州縣之誅求愈急然使取之百姓者仍為百姓用之亦何至怨譟四起無如錙積銖累半歸中飽間有正紳懇請清核則謂款項由官府主持非紳等所得干預輕則加以訟棍之刑重則坐以抗官之罪竊謂今日當以清理各州縣財政為先衙門局所之弊可以清查者清理之民間差徭弊端百出各省不一當以掃除者清理之清理衙門局所之弊入手辦法在截清舊案清理州縣地方之弊入手辦法即在掃除積弊有清理財政之機關又當有各州縣士紳為之補助凡一切差徭概予豁免至地丁錢糧雖不能盡一征收亦當由度支部制定票式務使票內註明應完若干現完銀錢若干如有不符許執串票具控不得令各省自行擬訂以期畫一至新政經費擬飭督撫轉飭州縣每年終將出納款項榜示通衢州縣士紳亦得將本州縣財政情形呈清理財政局查核庶涓滴歸公清理較易百姓已受福於無窮矣

又諭都察院奏據安徽京官呈稱院省徵收丁漕勒價病民等語著朱家寶

按照所呈各節確切查明體察情形認真整頓妥籌具奏原呈鈔給閱看等奏除向係照章徵收錢各州縣毋庸更張外其餘兼收銀元各屬各就地方市面情形將每本洋一元英龍洋一元合錢若干於未開徵之前專案詳明一面牌示核實徵收其有奇零小戶以銅元完納者不准勒繳洋元倘再有抑勒折扣者即從嚴參辦

又東三省總督錫良奉天巡撫程德全奏大凌河牧廠升科地糧改歸錦郡經征略稱奉省錦州大凌河地方舊有牧廠一處前將軍增祺奏准設局丈放交價升科計共丈放地五十二萬一千九百七十五畝零五釐六毫零三忽每年額徵正銀一萬三千二百三十二兩八錢六分零六毫三絲九忽三微耗銀四千七百零六兩零八分二釐四毫二絲三忽此項地糧向由錦州副都統統征按年彙入旗地考成案內報部前任督臣徐世昌等奏准將錦州副都統統裁撤並將光緒三十四年分應徵前項糧銀飭由旗務司暫行派員經征當經該司派委科員前往徵收各在案惟查經征糧本係地方官之責從無監司衙門委員征收錢糧之例且大凌河牧廠升科地畝遠在錦州花戶散處四鄉若由省城委員征收鞭長莫及所有此項地糧應自宣統元年起改歸錦州府知府就近經征歸入民地奏銷案內造報並飭旗務司原派經征委員迅將光緒三十四年分糧銀催完解庫造冊報部一面移交錦州府接管以專責成

又浙江巡撫增韞奏甯波府屬鎮海縣青峙地方河路阻塞該處同知銜吳正聞捐資購置民田開通河道所有挖廢民窰田地應豁銀米查明數目照例奏

又江西巡撫馮汝駉奏瀝陳江西州縣征收丁漕困難情形略稱比年江省銅元充斥銀價日增州縣徵解不敷不免以銀元折納迭經有人以抑勒病民等情奏奉 諭旨飭查由 臣會同前兩江督 臣端方查明實情擇尤撤參先後兩次具奏在案查江省州縣征收丁漕困難情形光緒三十三年經前撫 臣瑞良迭疏臚陳奉准照同治十二年定章地丁每兩折收錢二千六百八十二文漕米每石折收錢三千四百二十文其時錢價每千文猶易銀六錢之譜上年秋

冬以後僅易銀五錢內外今年錢價亦無起色姑按五錢核計地丁每兩收錢二千六百八十二文合銀一兩三錢四分一釐漕米每石收錢三千四百二十文合銀一兩七錢一分而每征地丁一兩應解正耗銀一兩一錢提補捐款銀一錢知府公費銀五分錢價平餘銀七分學堂經費銀四分練兵經費銀四分共銀一兩四錢漕米每石應解正銀一兩三錢提補捐款銀二錢糧道公費銀二分知府公費銀五分錢價平餘銀一錢學堂經費銀四分練兵經費銀五分共銀一兩七錢六分出入相抵地丁每兩已不敷銀五分九釐漕米每石已不敷銀五分而糧書紙張飯食傾銷火耗水脚等項尚不在內至捐糜教案各款及本署一切辦公費用更屬無著查同治十二年前撫 臣劉坤一奏定章程地丁每兩收錢二千六百八十二文合銀一兩四錢九分除解正耗提補捐款知府公費外尚餘銀二錢四分漕米每石收錢三千四百二十文合銀一兩九錢除解部價提補捐款糧道知府公費外尚餘銀三錢三分均留爲州縣辦公及一切火耗解費之需現非特無此贏餘即解款尚多賠墊今昔相衡懸絕若是上年前護撫 臣沈瑜慶曾經將原提湊解賠款之錢價平餘通飭免解計每年須由藩庫墊解銀十七八萬兩其學堂練兵經費兩項亦均無從提解計每年少收銀十三萬餘兩共計每年少收銀三十一萬餘兩均須由藩庫籌墊上年係以官銀號餘利銀十餘萬兩挪墊不敷甚鉅本年經 臣加增統稅收數比額十一萬餘兩亦爲湊墊以上三項之需尚不敷銀六七萬兩而賠款及練兵學堂經費皆萬不容緩之款惟有設法騰挪俟另籌有款再行抵補至於丁漕正供自應督飭經征人員照應征之數解足而州縣終因銀貴錢賤之故以至應解正款亦多虧欠交代參追之案層見迭出懲勸俱窮其負累未深者則多瞻願遠巡託故求退每遇委署之缺因地擇人動須強迫又未敢輕意任使致有稍不自愛之員濫竽其閒勢必設法取償爲害滋大是知經征賠累其直接之患雖在州縣而間接之患實上及國計下累民生所關匪細若不急圖補救何以挽積弊而持久遠迭據各州縣稟請設法維持飭由司道等公同籌議會謂同治十二年前撫 臣劉坤一奏定丁漕折錢之數原以當日銀價爲衡今銀價

已大漲於往時而猶株守當日折錢之數青經征州縣以代償銀價之不敷按之事理似失其平似非與時變通無以肅官常而飭吏治惟查甯蘇兩省前經疊次奏請征銀解銀一案奉 飭部議令將州縣出入款目列表呈核江西省事同一律現經 通飭各州縣迅將歲出歲入各款查照甯蘇辦法和盤托出詳晰列表一俟彙齊由 通權出入酌劑盈虛務訂畫一之規以杜官民之累下度支部議奏嗣奏覆經征丁漕折錢收不敷解請 飭江西巡撫將該省各州縣所造款目詳表迅速彙齊並明定畫一規則即日送部核辦

又安徽巡撫朱家寶奏請將丁漕加捐一項變通辦理略稱查新約賠款案內安徽省每年奏派銀一百萬兩前撫 蘇緝契當因數鉅期迫設措為難奏請援照江浙成案於各屬所征地丁漕糧每銀一兩米一石各加收錢三百文飭令民開照章呈繳由州縣彙解籌議公所兌銀轉匯歷經遵照在案茲查前項加捐錢文綜計光緒三十年以前每年收數約得錢四十萬串上下以錢一千一二百文合銀一兩可得銀三十三四兩現在銀價奇貴每銀一兩需錢一千九百及二千文不等雖收錢仍如前數而合銀僅止二十一二兩實已驟減十成之三且籌議公所常年解撥之項均係銀數轉受此暗耗勢實難支若不設法變通則進款日虧深恐貽誤大局惟現值官民交困倘必照前錢價每串作銀八錢或七錢有奇民力亦有未逮現經督飭該公所熟察情形折中酌定擬將各屬地丁加捐自宣統二年上忙起漕糧加捐自宣統二年冬漕起每銀一兩每米一石向來捐錢三百文者改收庫平銀一錢八分以錢百文合銀六分每年就四十萬串之數計之每串得銀六錢歲可收銀二十四萬餘兩核之目前市價雖已稍有所增而較之原定時市價仍屬從減且市價無常異日縱有低昂此數不復再改則於今日見增者異時或可見減且既改爲收銀實於財政較有把握一經預算日後亦不致大相懸殊於民間無甚大虧於公家實有神益其餘一切辦法悉照原奏辦理

又吉林巡撫陳昭常奏查明升科地畝由各衙門征租抵餉略稱此次清賦委員由吉林府新城府伊通州榆樹縣查出民買旗地原無錢糧應行升科地二

萬三千六百四十六畝四分每畝應征大租銀一錢八分每年共應征大租銀四千二百五十六兩三錢五分九釐二毫又由延吉廳綏芬廳雙城廳查出原無錢糧應行升科地五千三百六十六畝九分每畝應征大租銀六百分每年共應征大租銀三千二百二十零零一百九十四文均自宣統元年起由各該衙門征租抵餉報聞

又四川總督趙爾巽奏川省京餉協餉需用甚鉅援案再辦宣統二年按糧銀一兩加津貼銀一兩以資接濟

又督辦川滇邊務大臣趙爾巽奏巴裏等處租糧變價撥充邊務經費略稱川邊巴塘壤塘鄉城等處向歸土司管轄地畝均由土司發給不准民間買賣賦斂繁苛民不堪命百姓耕種地畝其收糧之法輕重不一有分租納租之別此外尚有銀差每年或納一二次多至三次又如牛羊肉及皮張乳酥等項釘頭木屑尺絲寸縷誅求無厭其供役則又有馬差牛差步差等名目自經奏明改土歸流以後 朝廷德意與民休息一應雜差雜役概行豁免即此租糧惟正之供所訂征收暫行章程亦係順民開之習俗按其每年下種多寡以定納糧之數上等地下種一斗者收糧十餘斗令其納糧一斗二升中等地收糧十斗納糧一斗下等地收糧七八斗納糧八升由農民自行開具本年下半年實數報明委員註冊於秋收後上納其種數有青稞大麥小麥粟米玉麥豌豆菽子等項委員征收存倉按照市價隨時發賣以免日久虛耗現據各該委員稟稱巴塘所屬地方自光緒三十二年正月日起至三十三年十二月止共收租糧變價銀二萬五千七百九十九兩零九錢八分零八毫裏塘所屬地方自光緒三十二年正月日起至三十三年十二月止共收租糧變價銀一萬六千五百八十四兩六錢七分二釐鄉城所屬地方係光緒三十二年四月開甫經勘定是年耕作失期未經征收其三十三年全年分所收租糧共變價銀七千七百六十九兩八錢三分九釐六毫八絲此項銀兩應撥充邊務經費

又東三省總督錫良奉天巡撫程德全奏豁免民欠錢糧先陳查辦情形略稱奉省自庚子以來迭遭兵燹各屬倉庫舊存款項每多利葛近年改建行省添



設州縣舊有各屬地畝錢糧改隸畫撥紛踳殊甚以致積年奏銷未能依限造報且近年各處開辦墾務並舉辦清賦新升地畝歲有增加其中熟地照章均應於報領之年起科無如連年災歉民力彫弊或有地已報領而價尚未交亦有價已繳清而糧未封納加以墾務一處報竣動須數年而清賦則陸續升科並無截止之日其民欠錢糧多未能趕入奏銷若必以已入奏銷之數爲斷則同是民欠未能一律邀免未免向隅懇 恩准將光緒三十三年以前民欠各項錢糧並因災緩征帶征各款無論已入奏銷未入奏銷悉予豁免以廣 皇仁而紓民力一面由 臣等督飭各該旗民地方官查明民欠實數造冊加結呈由度支司覆核彙造總冊呈請奏咨

又新疆巡撫聯魁奏新疆南路征收糧草擬定新章請 飭立案略稱新疆自設行省以來前撫 臣劉錦棠奏定糧草章程南路土地每畝征糧四升五合草五斤中地每畝征糧四升下地每畝征糧三升無征草無折色亦無隨征耗羨光緒二十八年以前撫 臣饒應祺因認繳賠款協餉日絀設法彌補曾奏請加收耗羨無論本折亦無論糧色每石隨征耗羨銀一錢五分誠以邊氓困苦原定賦則均較內地爲輕定章之初各屬征收雖不免略有羨餘尙未過於浮虐乃積久弊生北路州縣浮收尙少南路則弊竇叢生而喀什噶爾道屬爲尤甚訪聞屢年征收本色或私製升斗或另索驗糧加以淋尖踢斛種種弊端每石浮加至五六斗七八斗不等折色則藉補平加水票費各項巧立名目加之壓平短數每石浮收至三四兩六七兩之多此弊之在征糧者也額征祇有草而南路州縣設柴草局柴草并征每百斤輕者加至四五倍至於折色每斤收至紅錢三四文五六文不等此弊之在征草者也其餘雜稅之紛繁差徭之苛派不可勝紀而大小頭目層層剝削魚肉鄉愚蚩蚩之氓何以堪此目前撫 臣潘效蘇因於二十九年酌定章程南路各屬每本色糧一石連一五耗羨准收銀二兩三錢北路向無折色亦酌量加增每石連耗亦不得過一石五斗五升之數通行在案惟各州縣情形不同徵特南路與北路異即一府廳州亦此屬與彼屬異查向來征收本色有浮過一石五斗五升者亦有不及一石五斗五升者折

色有浮過二兩三錢者亦有不及二兩三錢者征草亦然多者宜減少者宜增此一定之理且以糧價論喀什噶爾道屬之市價高於阿克蘇道屬而疏勒府一屬又高於喀什噶爾各屬準市價以收折色未可一律而施乃定章時並未分別地方情形飭令通省一律照辦而即此定章仍有浮勒之州縣或經發覺又不立予參辦因之向無重斂之各屬反將有所藉口明目張膽浮勒且倍於前前署撫 臣吳引孫在藩司任內灼知其弊通飭仍照初定舊則征收然未明定羨餘地方官之稍知自愛者尙不敢公然肆虐而不肖者仍任意橫征 臣才接任後曾迭經訪查擇尤參劾以儆貪玩惟弊祇去其太甚事必求其可行若概照舊則毫無羨餘各州縣實有賠累而羨餘若無限制又無以示遵守之規 臣才與藩司再四籌議新疆田賦非酌立新章不足以整吏治而紓民力查咸豐七年湖北撫 臣胡林翼清釐漕弊遴派道府大員親詣各州縣查明歷屆征收實數傳集紳耆公議核減細加體查明定等差有較前減去一半者有減去三四倍者所有浮費概行禁革百年宿弊一舉而空而州縣官吏亦使有以自給其後各省仿而行之皆著成效因援此例飭行各道轉飭所屬府廳州縣縣丞傳集農官鄉約保長人等公同商議博采周諮將歷年浮收數目及一切私立名目和盤托出據實開報再各就地方情形通盤籌算其所加私耗重者如何核減輕者應否照舊辦理抑或稍事變通小麥包穀貴賤不同各處市價低昂亦異務使準情度理酌得中一府相同即定一府相同之制一縣獨異即議一縣獨異之規期於無病於民無累於官統由各道破除情面澈底清查妥爲商榷開摺送司核定新章通行照辦旋據喀什噶爾道阿克蘇道先後查明詳報到司經藩司王樹枏與 臣才悉心核酌查本色與折色同一正供本色無須衡量市價折色不能不按照時估又必按各處時估以定各處折價且必與完本色者兩相比較無甚軒輊斯民開完本完折無時重畸輕之殊自不致有避重趨輕之弊折色定章小麥每石折銀一兩包穀每石六錢再加一五耗羨並補平加水等項每小麥一石不過解銀一兩三錢包穀八錢有零地方官徵收羨餘不得逾於正供即按前撫 臣潘效蘇所定通章亦僅二兩三錢若徵

本色即加耗糧三斗以小麥市價每石二兩包穀一兩二錢計之完本色小麥一石已有二兩六錢之多包穀亦在一兩五六錢之數一五公耗尚不在內是完本色者較完折色爲喫虧收折色者又比祇收本色之處爲獲益似不足以昭平允况歷年麥價如喀什噶爾道屬尙有不止二兩包穀不止一兩五六者惟有變通舊例做內地平餘辦法准其酌取贏餘而仍明示限制酌定自光緒三十四年起每本色糧一石除應收耗羨銀一錢五分酌中准加耗糧二斗五升派員較準斗斛所有地脚驗糧淋尖錫斛一切弊端概行禁革折色則準各屬每年市價爲定除一五公耗外亦照本色每石加耗二斗五升折收銀兩爲地方官辦公之用其正糧一石按市價折收之銀較例價仍有盈餘則悉數歸公至徵收折草舊章百斤徵銀五分本屬輕徵近年以來草價隨糧價增漲各地方官徵收竟有每百斤折至數兩之多本色收至十餘倍之重實屬駭人聽聞惟民開完納之草大半潮溼攪雜一經收存風吹日炙雨淋霉變在所不免若不量予加耗散放必有賠累草本日用必需之物訪查各處市價每百斤需紅錢一百五六十文合銀不下四錢按本色百斤加耗五十斤合算完本色百斤合銀已逾五錢折色亦照此數徵收乃與本色相埒擬定本色百斤仍照向章統加五十斤折色百斤統收銀五錢以歸一律而免參差又南疆各屬徵收本色糧石惟兵食較多之處尙少存積其開支無多者每年春開稟請發糶所報之價僅較例價略增實則將本色私折入己爲彌補倉虧地步若做內地漕糧改折辦法以本色改折按照時估比較例價實有盈餘擬按每歲供支數目的收本色數成外其餘均照現定折色章程折收銀兩分別報解本色草束亦做糧石之例供支少而收存多者一律改收折色按照現定折色章程百斤折銀五錢除例價五分外其餘一半歸公一半留作地方官津貼此外雜稅之浮苛無名之攤派一律革除淨盡試辦一年由省遴員分投密查官民同聲稱便察看情形若能遵行勿替於新疆徵收積弊可望永遠剔除吏治民生均有裨益而於公家籌款亦不無小補

又東三省總督錫良黑龍江巡撫周樹模奏變通沿邊荒務辦法請仍照前議辦理略稱本省前因湯旺河一帶荒務疲滯多年奏明不收地價每响僅收經費四百始將十數年兩次招放無人承領之荒陸續放竣然邊地寥遠食貨奇艱將來能否如限墾齊尙難預必况如與東邊運呼倫貝爾各荒段更遠在與安嶺外向只二三獵戶不時往來居民望而裹足雖地有高下質有肥磽大都極邊荒寒每歲農時得氣最晚早霜積雪穀既難於成熟人多不耐久居每响收費四錢尙恐無人承領若復量收地價勢必畏阻莫前欲開轉閉審時度勢似應仍如前議辦理以速招徠至所有地段既不再分等級自毋庸備事勘丈轉致虛糜又三城是否同時並舉抑或分段次第開放查興東一道前已派員經營倫瓊兩城近亦推廣民治是其闢地聚民既有基礎自宜同時並舉又每响所收經費能否足敷總分各局之用亦當預計查原奏聲明設治地方荒務即責成地方官兼辦不另設局所以省糜費是其開支各款爲費已輕領戶果多出入當可相抵如入不敷出暨招待處經費不敷屆時再奏明辦理至獎勵一節原奏所定差等均均以實在招戶墾地多少爲考成既立鼓舞之方兼寓綜核之意應請一併照准以便籌辦尤有進者現今世界大通各國於邊境殖民極爲注意英人經營非澳日本開拓北海道皆以不惜巨資用能恢張新地即就江省邊墾而論若非先有重款備設銀行先期籌辦鐵路航業則雖招民而貨物不能購致道路不能溝通一時斷難收效此次規畫不過預立基礎以待實行若復扭目前之近利味錘邊之遠圖斯則束手坐困之計不敢不披瀝上陳者也

二年度支部奏遵議御史蕭丙炎奏各省丁漕未能持平請嚴加整頓略稱查各省丁漕征錢解銀原爲閭閻奇零小數以銀完納甚屬不易而流弊更滋故就各省市面情形酌中定價凡傾銷解費公費俱在其中誠爲官民兩便之道乃自銀價翔貴州縣徵解未免暗中虧折而不能取盈於定價之外於是收銅元專收銀元復將銀元折合錢價往返扣折強抑勒索在所不免欲杜其弊非畫一幣制不可惟幣制必研求完備乃能推行無阻現在詳細調查一時未能遵定又不得不因時制宜以求官民兩益之策等語公同商酌擬請 飭

下各省督撫每年於未開徵之先就各該省市面現銀元兩酌中定價每銀一兩每洋一元各折合錢若干其有奇零小戶以銅元完納者不准不收通行各州縣遵照辦理一面明白曉諭務使民間咸知銀錢有一定之價無折扣之虧而輸將不至為難若有胥差舞弊而本官不即懲治一經發覺州縣撤任察看胥差照例治罪庶幾兩得其平

又奏遵議浙江巡撫奏浙省州縣異常虧累擬先裁免提平餘從之

又奏議覆廣西巡撫奏編練新軍建築標營園用田地應徵錢糧糧米懇請豁免略稱查該省上年編練新軍請在南甯府擇地建營撥款開辦當由陸軍部會同戶部具奏議准各在案今因新軍建築標營於所屬宣化縣葛麻嶺等村價買熟荒地塘基共計四百三十三畝四分零六毫既由該撫委員勘丈明確復經造具細數清冊到部等督飭司員就冊詳數畝數銀米均屬相符請給錢糧銀米之處與例亦合應准其悉數豁免並由戶部行文該撫即將前項除糧額於該年奏銷冊內分晰造報備核以重民賦而裨軍政

又奏遵議御史石長信奏丁漕加捐改錢為銀民情實多未便略稱查原奏內稱安徽賠款加捐係於地丁漕米折徵定價外每銀一兩米一石各加收制錢三百文乃因銀價昂貴奏請每錢三百文改收庫平足銀壹錢八分夫賠款加捐原不得已之舉現正清理財政何處不可取盈該撫乃於奏定征錢者改而征銀致令閭閻受累請飭下度支部核議仍照舊章辦理等語等查上年安徽巡撫因銀價奇貴賠款不敷奏請將賠款丁漕每兩每石向來捐錢三百文者改收庫平銀一錢八分奉 硃批該部知道當經戶部以前項加收錢文原係奏明籌還新約賠款近年銀貴錢賤各處皆同既據該撫奏稱改收銀兩核計目前市價稍有所增較之原定時價仍屬從減等語是以准其立案該御史奏稱前因自係為預防流弊起見朝廷撫念民依凡事力加體恤查該撫奏稱收錢合銀二十一兩改為征銀可收銀二十四萬餘兩是征銀征錢兩相比較所加不過二萬餘兩為數本屬無多自未便以區區款項致滋妨礙請飭下安徽巡撫即將賠款加收丁漕錢文仍照舊每兩每石加收制錢三

百文毋庸改為征銀以順輿情至賠款不敷應由該撫另行籌措又江蘇巡撫寶葵奏准加捐地方自治經費每地丁銀一兩帶征錢二十文漕米一石帶征錢四十文冬漕自宣統元年起兩忙自二年起又東三省總督錫良奏辦理清賦請分年減免地價酌擬變通章程略稱奉省清賦事宜經前將軍趙爾巽擬定章程於光緒三十二年四月間奏明開辦截至宣統二年二月僅清出荒熟各地八十餘萬畝共收地價銀六十餘萬兩奉省浮多地畝所在皆是乃清賦三四年之久首報升科之地僅止此數自應另籌辦法以期便民易行前經飭交奉天諮議局籌議據該局議決分年免價之法自改革之日起凡浮多地畝限一年內令業主自行首報免繳地價如延至第二年首報者照舊章繳價一半延至第三年首報者照舊章繳納全價如逾第三年不報准由與戶佃戶或他人繳價報領呈請公布施行論奉省面積之廣所有地畝較內地各省何倍倍蓰而歲入錢糧不及內地遠甚雖因原定科則本輕亦實由無課之地居多數近來用款浩繁財政支絀田賦一項特為進款大宗清賦本可以裕課與其收取地價於事轉生阻力而集款有限曷若僅令升科使民樂於報領而國課可增故以為清賦之舉宜專注重升科不宜注重收價蓋收價之利不過一時而升科之利可垂永久且即以目前而論在公家雖少收地價一宗而從此早報升科所收錢糧足以相抵又度支部會奏遵議浙省擬辦各廳州縣錢糧徵信冊略稱原奏內稱此項徵信冊前於光緒十一年即經戶部奏准嗣以各省未能實行奏請變通辦理不久亦復停辦上年浙江諮議局提作議案以此事係杜絕官吏之欺朦清釐徵收之積弊自應批准公布施行飭據藩司調查刊刻徵信冊用款一再核實估計竟需洋二十萬七千餘圓之鉅合銀十五萬九千兩浙省庫儲奇絀一時無從籌辦因於宣統三年預算案內列入此款茲准度支部於核減預算費內將此款裁去十五萬兩僅餘九千兩懸殊甚鉅來年恐亦不能實行惟查諮議局議案經督撫批准施行者又不容延緩不辦擬請飭下憲政編查館及度支部會同核議等語等伏查錢糧徵信冊前此部中創辦之意原以杜官吏之

侵漁清花戶之完欠乃行之數年迄無寸效節經前直隸總督李鴻章等奏准停辦有謂既辦徵信冊之後所徵亦不加多一切板片紙張工食等項用款浩繁無益圖計大損庫儲者有謂疲玩之戶見冊上姓名業業謂欠糧不止一人觀望效尤者衆是於整頓徵收並無裨益已可概見且查直隸停辦徵信冊原奏用款准銷者僅二萬一千餘兩山西則奏由州縣籌墊此次該省請款乃至十五六萬之多所費尤鉅<sub>臣</sub>等再四酌度如徵信冊之舉果足以清釐欺隱裕國便民當此庫款奇絀之時亦宜力求撙節况直隸等省所陳辦理之無益款項之耗費已有確證該省前此亦經辦過並未見有成績自未便沿習舊例徒滋糜費所請應請毋庸置議仍由該省另擬徵收改良辦法咨明<sub>臣</sub>部核辦

金蓉鏡田賦議光緒十一年戶部有請行錢糧民欠徵信冊一疏各省不盡通行竊以爲非根本之計也自井田壞於商鞅賦法壞於楊炎不均不平最爲大梗而蘇浙之害則在景定之公田今雖屢減之餘而其弊仍在超過宋之原額數倍有漕省分亦參差不齊未有起而釐之者朱子謂井田不復終是苟道張履祥謂每一變法爲上者力愈省爲下者力愈困又謂風俗之敗本業之荒盜賊之起皆緣游民多而田賦重經理江南者當以是爲首務皆至言也田賦之不均一由用絀加徵如崇禎之九釐宗祿光緒之賠款糧捐一由賦外驟入如灰石鹽鈔河工匠班藥材顏料黃絲課程路費水脚又有歲辦額辦雜辦<sub>雜辦</sub>人丁耗羨平餘在漕又有耗米春米申糶車剝經費食米輕費丁字沽永福路費漕<sub>漕</sub>折漕錢月糧行月錢貢零積枋木板枋百餘名輒過於正額蘇浙偏重又在景定公田之外欲謀整齊之道莫如均田均田之法弓有長短畝有大小一切以里計以三角算之每縣面積若干除山川廬墓三分去一別作一紐可得實田之數如東三省新疆各邊之屯墾沿江海之沙田塗田雲貴川廣之官屯直隸各省之屯田莊田腹內各省之民田皆以里計以三角算之按內府輿圖分區分里而得之再綜計天下田糧歲納都數均敷於里每里若干一縣若干方里應徵若干糧山川廬墓若干亦別作一

紐次第數之其多寡畝攤分釐而天下之田無不均矣責黃兩行齊集載嘉靖六年開封知府劉章爲區丈法每區立四標圍以竹繩使無長短之弊每一區內立一地主爲區頭給與一冊名區冊每區中地五頃四十畝區頭造冊以天地元黃爲號每字一千區躬自履畝委用州縣正官旬月開一府丈完此可輔三角算法之用最爲簡要又宋濂擬道記云林勳著本政書欲漸復三代井田之法濂謂天下無不耕之田使耕者得以有其田而不許鬻焉則其田均矣此即限田之法須廢以歲月不如區丈之速予意欲使每縣合立一墾植公司或分爲數公司集多田之家爲領袖田少者附之即以里長圩長莊團團長副之各計其村莊都圖畝數佃戶之數立一總表其春種秋收實數所種物產名數完納錢糧分數悉記於表如是推行燎如列眉不煩井授而得井田之意公司如有土之君佃戶如井授之農勸督完納由公司進於縣如鄉造於司徒之比無丈量之煩差追之擾而賦役舉矣因其暇爲教育爲鄉約爲守望由公司合力營之如周禮鄉大夫閭胥之比而禮俗成矣此可與區丈限田參合行之區丈則費省限田則授均公司則利博三者先區丈次限田次公司田無不均亦事無不舉規於錢糧徵冊抑末矣

又江蘇巡撫程德全奏靖江縣三面濱江坍塌常所有元年分冬勘新升田地應升銀米統於該年解司地丁及南米項下分別升科  
又吉林巡撫陳昭常奏吉林投納田房稅契以錢折銀強定官價總與市價不符價落則病官價漲則病民擬准如諮議局所請巡將官價取消凡民間投稅統按市價合算銀錢紙幣均准交納官民一無偏倚兩劑於平又奏請將指地借錢及大押小租等弊一概禁革以裕稅課而除刁風又奏查出民買旗產共地二十四畝有奇照例升科  
又兩江總督張人駿等奏准蘇屬冬漕分別本折折中定價略稱茲屆征辦宣統二年新漕案准部咨飭令江浙兩省於本年所征本色仍共留漕糧京斛一百萬石白糧在內由海運京餘仍全數改折等因即經轉行遵辦并飭循舊本

折兼收總從民便茲據蘇州布政使陸鍾琦蘇松督糧道惠綸詳稱本年折征米價除太倉州屬之嘉定寶山二縣向例民折官辦應行提出另辦外其餘蘇州松江常州鎮江太倉五府州屬征漕各廳州縣本年五月下旬連日陰雨江河陸漲低區積水禾苗被淹受傷高平田畝因交秋亢晴缺雨滋培迨揚花吐秀更遭風雨摧殘在田禾稻結穗未能飽綻以至收成減色兼以江北淮安徐州一帶及鄰近湘皖等省同告災饉客米絕迹來源驟涸并因各屬平糶倉穀殆盡提款購補出數少而銷路廣米價因此飛漲查蘇省冬漕折價前經官陳奏應照市價折收奉經飭令無錫金匱兩縣傳諭米業商董將十月十一月米價逐日報縣轉申由司開摺詳請咨部在案現在開漕期近亟應酌定漕價俾有遵循調查錫金兩縣及省城米價每石勻五元四五角遞漲至六元一角不等現由會議廳公同議決按照錫金兩縣查報米價並裕蘇局逐日以洋易錢市價平均計算每石折收錢七千五百文隨收公費錢一千文完本色者以石抵石外循舊將餘耗改收公費錢一千文運至年外無論本折每石加收錢五百文其減賦案內奏明抵補減缺南糧之隨漕脚費每石錢五十二文仍照章按數帶收似此辦法折收漕價核與現市有減無增本折仍聽民便糧戶無虞避就再隨漕帶收公費錢一千文係抵支各州縣一切辦漕要需恐刁頑之戶視為無關緊要任意抗延則州縣公用無出勢必貽誤漕運應循案奏明備糧戶交米而不交公費即比照抗糧例懲辦以儆效尤

又東三省總督錫良等奏丈放采哈新甸蒙荒完竣照章變通辦理略稱此次丈放達爾汗王旗采哈新甸荒地所有擬訂章程業由臣等奏咨在案現屆報竣查核辦理情形按之原擬章程有不能盡合者亟應陳明以昭核實一原奏章程第二條內開七成實荒地價銀可收二十九萬二千七百餘兩除還正款等項尚餘地價銀二萬九千八百餘兩等語查該局共收七成實荒地價銀二十九萬一千二百六十七兩九錢除抵還欠債現餘地價銀二萬八千四百一十九兩六錢三分八釐計短收銀一千四百五十五兩三錢係由上等荒地內扣出七方晒放鎮基聲明無庸再由該王旗撥補計鎮基占用上荒七方照章

應合地價銀一千四百五十五兩三錢加入現餘地價銀二萬八千四百餘兩與原奏章程預算應餘銀數相符一原奏章程第六條內開除山林園墓等項不敷之地均應提出自聯段荒地補足等語查該局丈放荒地內凡有台莊等項留界以及沙包不堪耕種之地均行提出照數補足惟鎮基一項占去上荒七方業經聲明不再撥補以符該王旗出放八萬六千四百响不增寸土之議一原奏章程第十二條內開荒段地方空闕應先在適中之地酌定鎮基兩處等語查該局於荒段界內僅放鎮基一處實因該荒段界內別無適中地址是以少放鎮基一處係屬查照該荒段實在情形變通辦理一原奏章程第十三條內開此次放荒應撥蒙荒向章發給各領戶漢蒙文合璧大照所有按章酌收照費儘數撥歸該王旗作為津貼等語查該局此次應用大照該王旗堅不鈐印各領戶守候日久恐滋事端當以從前開放蒙荒刊發大照兼用蒙文係為領戶內有蒙民起見今領戶全係漢人自可不用蒙文因將所刊大照內之蒙文截去一律註銷並飭將所收照費統解度支司存儲另作別項開支

又熱河都統誠勳奏巴林等旗報效蒙荒偏居大漠地瘠土寒原定荒價錢糧既屬過重升課期限亦覺過迫以致領戶畏葸裹足不前謹擬變通舊章將荒價錢糧分別酌減設法招徠並體察情形將巴林三旗兩旗局歸併一局另派專員總辦其事勸限二年一律竣事以免糜費

又署綏遠城將軍瑞良奏殺虎口等處驛站共十有二台原派蒙兵五百五十戶公家固不收站地之租站兵亦不領公家之餉弁兵人等全恃各台站牧地所入以自給二百年來相安無異自前將軍貽穀派員丈放增收荒價復未給回津貼弁兵屢以償還站地為請臣到任後詳加體察站兵艱苦自係實情然在已經承墾各戶遵令退還地畝其未繳荒價者無地可耕其已繳荒價者無款可領揆厥情勢窮蹙殊多唯有將已放之地改辦官租不收荒價給與原領之戶承墾按地之肥瘠定租之等差所收租項除酌提經費外悉數撥充餉養站兵整頓驛務之用庶兵得地租則辦公有費民得地利則失業無虞兩劑其平計無有便於此者

1 反之下

又東三省總督錫良等奏派員查勘哈魯拉西北一帶山荒沙地僅得可耕之地六百餘方核計應收荒價不敷抵款甚鉅大清銀行借款合同聲明十年歸還札薩克郡王烏泰恩將該旗王府荒地二千餘方一律開放以抵償借款並懇按照原定條款將向章所收地價以一半報效國家者實予寬免將地價銀兩全數賞給了債及台莊倍價領地永免租賦其餘悉照向章辦理

又東三省總督錫良等奏調查蒙旗情形籌議變通辦法略稱喀喇沁郡王貢桑諾爾布奏稱東省所屬哲里木盟十旗歷年放荒奏設地方官共三府四廳一州十縣管轄權限本無畫一規定現飭蒙務總局悉心籌議查哲里木盟十旗地多未闢與喀喇旗情形不同昌圖等府閒有蒙丁居住其餘仍以游牧爲重若按地畝分管反形不便似宜仍舊又原奏所陳各旗台吉與箭丁出路分撥軍隊免其分屬各節查各旗歷年放荒各台吉均有應得地租其應需人役可隨時僱傭毋庸再受箭丁供給應請將各旗箭丁後不得再屬台吉之下下會議政務處議奏尋奏蒙古地畝向例不准私墾及私自典賣即奏准開墾之地並應報官記檔不得重複招佃自無契稅可收至催收租糧若係蒙旗奏墾例准自行收租亦未便遽行侵奪如係蒙旗私放與人民私開並無奏咨案件應飭地方官會同蒙旗逐一清丈照章辦各蒙旗自行清丈之例自應刪除蒙民向以游牧爲生不使以地段分管轉形束縛

又御史路士桓奏略稱自日俄訂立協約東三省疆域彼已視爲領土著著進行迨布置既定一紙宣告則數千里之疆土非復吾有今日列強縱橫之局一機會均等之局也故日俄分得東三省之日即羣雄割據吾土之日然其失敗之由有二一則互古窮荒未經開闢是不啻有大倉廣庫局閉而漢置之以致狐鼠穴居盜賊攘據一則中外通商以來各國經濟力未嘗貫輸於腹內讓俄人以單獨進行進行不已日本乃起而與之爭爭定而後訂立協約以支配吾土有此二因遂成今日之危局今欲救危圖安惟有移腹省之人民以實空虛之地引列強之勢力以爲牽掣之謀實而言之借款移民而已借款利害所關出入甚鉅今擬東三省之借款即以東三省之財產爲抵押而尤當以東三省

之名義借募預計此項債額當以二萬萬兩爲限考今東三省未墾荒田當有二萬萬餘畝以每夫授田百畝計之約應移民二十萬戶迨墾地成熟田賦一項按中則每畝征銀四分已可得餘八百餘萬兩更以現在奉天田賦三千萬畝共收契稅煙酒出產牲畜四項稅銀三百餘萬爲比例則墾地二萬萬畝應入各項稅銀二千萬有奇是賦稅兩項可歲收銀二千六七百餘萬若每年以五成還債並息計之不出二十年當可清償此皆預算有著之款目前既可率墾分割之危機日後且無損失主權之貽患救亡圖存轉危爲安無愈於此下部議尋度支部奏借抵之說須從長計議方可著手現在借款過多外人投資已不如從前踴躍東省介處鄰邦環球注目似宜計出萬全未易輕爲一擲應俟籌有辦法再行駁酌辦理

謹案移民開墾誠爲東省之政要然國帑奇絀而借外債以圖之利與害實參其半夫日俄侵蝕疆圍日非不移民無以實邊不開墾無以足食此利之當興者也但害亦有當慮者奉制日俄而向英美各國舉債各國未必樂從即投資矣以三省之土地充質品以三省之財產供息金不幸天災流行收入銳減則債權索取便爲主權喪失之造端是向猶爲二國交征可以訴諸公法今變爲各國共管亦將絕我生機利有限而害無窮士桓所陳殆爲孤注正未可輕於一擲耳

又閩浙總督松壽奏福建里民張在惠等新墾田畝入額升科  
又農工商部會奏核議直隸總督陳夔龍奏條陳墾種各省荒田略稱查原奏內稱各省曠土尙多擬請飭度支部農工商部會同籌畫安定章程奏請通行各督撫將所屬荒田概行招民墾種一切稅斂之法十年內暫行優免統俟成熟後從寬議訂以示體恤而廣招徠各等語農工商部查振興農政首重墾荒而實行招墾自從查荒入手上年部具奏籌議推廣農林章程摺內曾聲明辦法酌分三等或官辦或民辦或官民合辦各就地方情形切實妥籌等語原以各省地方遼闊山隴荒曠所在皆有非及時墾闢無以爲興利富國之謀現在公私患貧而地利反多荒棄該督注意墾荒奏請定章通行各省洵爲目

前奏圖惟此項章程 臣部奏准通行在先各省亦陸續舉辦自未便另訂章程致涉紛歧擬再申明定章按照籌辦限期申報轉咨核奪仍按年將所轄境內荒地總數暨籌辦開墾商民領墾各事件以及規模若何成績若何彙報該管上司列入考程分別等差報部備案每屆三年由部奏請獎勵以符定章至稅斂之法擬請優免一節度支部查例載各省報墾田地水田六年升科旱田十年升科屆期該督撫委員覆勘有水沖沙壓及實在墾不成熟者取結題請開除若升科後此項漲分分別查明或應以此抵彼或應增減科則核實題報仍加具印結送部備查等語該督此奏係為寬民力而與地利起見惟現在各省墾務或由各督撫將軍奏請放墾或經 臣部咨行勸丈均已次第興舉如奉天如吉林如黑龍江如綏遠城牧廠如察哈爾左右翼並各蒙旗則已報完竣而未屆升科者也如杭錦旗如達拉特旗如雷夏屯墾如新疆皮山新墾如青海試墾則正當開辦而未報厥成者也如粵如豫如熱河各蒙荒如廣西墾務則雖經奏報而章程迄未送部者也他如粵之沙田浙之新漲閩之墾溢荒蕪以及通海墾牧京江陝西馬廠順直之旗荒官荒民荒東省之興東瓊瑋呼倫貝爾四川之閬外則經 臣部咨查而未登覆者也查各省奏稅斂科則均無一定而升科年限則有生荒熟荒三年四年五年六年之分別蓋則壞成賦勢難平均限年升科亦難畫一若必概限十年其方經開辦及甫經奏報而章程未定者固不難改從新章其已報竣事而未屆升科年限者即難免紛更似不若因時因地順勢引導之為得也應請 飭下各督撫將軍就各該省墾務情形審時度勢盡心籌畫除已報竣事未屆升科年限者照舊啟征外其餘方經開辦而未報厥成及甫經奏報而章程未定暨各省荒蕪田地有可開墾者迅即開墾應照何則定賦應限何年升科斟酌盡善奏明辦理

三年東三省總督錫良奏派員丈放達爾汗王旗荒地及台莊各項留界分別畫清酌擬辦法二十二條均遵蒙荒向章至有稍事變通之處如升科地租均歸蒙旗亦係援該旗借地殖民成案此次放荒原為開通洮遼道路等設驛站起見幾經勸導始獲就範不能以各處放荒辦法相繩

又奏此次開放站荒籌設洮遼驛路係屬經蒙始基攸關大局擬懇准予以報效地價項下提撥銀三萬兩津貼達爾汗王旗郡王台莊以資體恤

又 諭都察院代奏奉天旗務處總辦金榮擬清地籌款遷旗實邊呈一件著該衙門知道

又吉林巡撫陳昭常奏運春勸撥貧苦旗丁荒地請免交價限年升科納租以示體恤從之

又東三省總督趙爾巽等奏自三省設立財政局後所有征收蒙地大租以及田房稅契均由度支司於長春農安等處設清賦放荒總分局專理並於長嶺縣設蒙荒招墾處辦理蒙旗墾荒而省城蒙務處轉同虛設應將吉省蒙務處裁撤由旗務處附設蒙務一科廢續辦理

又綏遠城將軍崑崙奏查察哈爾左翼墾務截至光緒三十三年辦竣因地隸直境奏明將民戶尾欠押荒飭張獨多廳經征解由直隸總督道銷至右翼墾地係山西豐甯興陶四廳管轄迄今民欠押荒尚有二十三萬餘兩今秋可望豐收催收押荒可期踴躍惟西墾民貧地瘠事尤艱鉅如伊克昭盟七旗準噶爾鄂托克札薩克郡王旗烏審等旗地雖先後放竣而升科歲租均尚未造報杭錦旗尚有未放之地非開通渠道無人認領奈公款支絀且亟圖收束故歷辦墾務者屢議改照旱地減價招放期於竣事達拉特旗本係租地與別旗報墾者不同且地質蕪屬膠泥全恃渠水浸溉在創辦之初後套必恃客民租種視地質定價故修渠悉歸公家歲修需款實鉅得不償失於是有改辦之議惟既設減租價僅將支子各渠歸民戶承修幹渠仍由官辦似非得計 臣察從前短租之弊任民擇地租種一年一易至渠道之淤塞與地戶無關故地畝愈種愈少渠道愈修愈艱若改辦永租本為收束起見必須從長計議核計近年墾地收租約在二千頃左右擬即按此數試辦分段選舉股實地戶酌定年限彙總認租使民視為恆產並擬將租價核減幹支各渠悉歸各地戶自行修理此後民辦有效墾局即可裁撤交地方官修租佃賦減輕責令地戶每年秋後計畝交租是公家有常年進款農民可樂業安心他如烏爾察布六旗烏拉中

西兩公及茂明安旗均有放而未盡之地今已飭局趕放烏拉東公並達爾罕旗地雖放竣尚未奏結四子王旗地夙稱荒瘠雖曰放竣實則押荒全數拖欠地畝大半荒蕪該處上年被旱成災不得不緩征租賦以順輿情

又東三省總督趙爾巽奏整頓奉省旗民各地糧租改徵國幣擬嗣後無論旗地民地原分三則者上則每畝徵國幣一角二分中則六分下則三分一律改歸各衙門徵收國幣未通行以前按前數折成庫平覈算每正銀一兩或國幣一元加收辦公金二成不准再有補平火耗解費等名目請飭交資政院會議以重租課而歸統一下閣議

又度支部奏遵議吉撫奏審判經費無出援案請收地租略稱查宣統元年該撫奏請照額徵收蒙租作為長春審判經費經部核與前將軍達桂奏報勸放郭爾羅斯前旗餘荒照吉林新荒徵租章程相符合會同理藩部奏允在案茲據奏等農安縣審檢各廳常年經費原議截留三成營業稅暨五成車捐錢文收數無多不足以資久遠請將該縣蒙地二十一萬响仿照長春辦法每响按額徵收大小租錢六百六十文以向收之四百二十文仍歸蒙旗擬收之二百四十文撥充審判經費所擬按額徵收及分撥數目均與歷次奏案符合自應照准至所稱長嶺德惠兩縣亦屬蒙地審判費用無出並請援案辦理查現在審判事宜亟須籌款舉辦該兩縣徵收蒙地章程既與農安相同應並准其自本年一律按畝徵收存儲備用

又諭新疆巡撫袁大化電奏迪化南北兩路渠道漸成領荒踴躍皆限三年升科著該衙門知道

又督辦川滇邊務大臣趙爾巽奏收服巴塘之南得榮地方八十餘村縱橫五六百里該處百姓紛紛開報戶籍請納糧稅內有浪莊寺喇嘛千餘名許其還俗回村各安耕牧不准再行滋事又奏巴塘之東北隅有地名臨卡石該民相率投誠即將該處撥歸三壩廳管理徵糧

錢塘吳承志問答 略稱清弊有編查丈勘兩式編查以人戶為綱田園廬宅場蕩地段畝分爲目丈勘則以田園廬宅場蕩為綱人戶為目各有

所宜以今度之應以編查為主丈勘易於駭俗將舊畝廣狹今步短長一律整齊不必通丈明編魚鱗冊洪武二十六年覆天下土田總八百五十萬七千六百二十三頃積二十餘年始定三次編造及兩按按之法俱止視民戶所報勘合契帖履畝推排量度入準不用步丈是時畝制未改故仍用之丈量之議創於顧鼎臣積於張居正後在嘉靖萬歷之世田額遞減過半初行丈無繩準訴不平者相望海瑞以意造法令民以灰畫地方六尺為一眼眼當一步積二十四眼為一分十分為畝隨畫自算不須弓丈衆以為便後助本縣行之竟受怨謗許手遠覆丈定田則為三塘地各二弓尺循舊民亦稱便惟南豐新城等縣以民言糧均迄置不行兩事皆賢士大夫所為而此可彼否無一完效蓋編數專查隱漏有契帖戶籍者止較其異同不必更勘無者責令首報是以民無後言丈量不論帖籍有無概繩以弓弓有短長不能純與舊合弓率限以二百四十海瑞步用古度較部弓已贏一尺畝法不能增作三百施之二百六十弓以上地勢亦自在所窮許手遠不立步限視海瑞法為便以九等田賦約而為三減重增輕亦不能盡如衆願史言張居正以溢額為功有司爭減小弓以求田多或培克見田以充虛額北直隸湖廣大同宣府遂先後案溢額增賦俱從小弓科括今長蘆鹽場及湖北山西各州縣弓步尚有三尺二寸三寸八寸及四尺五寸者小部弓十之四三二一又言太祖仍元制河北諸縣以社屯分里甲社民先占畝廣謂之廣畝屯民新占畝狹謂之小畝至宣德開墾荒永不起科及洿下無糧者皆數入額數溢於舊有司乃以大畝當小畝以符原額有數畝當一畝者今湖北大地亦尚有七八畝或十一畝為一畝皆經兩丈不改所稱綜覈仍是虛行計丈出頃數僅七百一萬三千九百七十有六視宏治時贏二百七十八萬四千九百十九視洪武時尚差一百四十九萬三千六百八十七乃復懸溢額為名弊何可復言明祖置丈不用固自有見國初命御史分巡從秦世積言令業主自相丈量明註印冊其坐落四至不明者官自丈量於明初編數之式不異後編



賦役全書復令直省查明與萬歷賦役全書符者不丈康熙中限年墾荒開一行丈以楊雍建言停罷乾隆十五年戶部議申弓尺盈縮之禁上言各省將現行弓丈報部惟直隸奉天江西湖南甘肅四川雲南貴州俱違部頒並無參差此外或以三尺二三寸四尺五寸六尺五寸七尺五寸爲一弓或二百六十三百六十七百二十弓爲一畝長蘆三尺八寸爲一弓三百六十弓六百弓六百九十弓爲一畝大名府以一千二百步爲一畝均未遵照部式今若令各省均以部定五尺之弓三百四十弓爲一畝倘部頒弓尺大於各省舊用之弓勢必田多缺額正賦有虧若小於舊用之弓又須履畝加徵於民生未便毋庸再議嗣後於新漲新墾務遵部頒弓尺丈量不得仍用大小不齊之弓此議抉出明初制定步法不令州縣勸量及中葉施行多害少益之故且悉部弓小於宋元舊步明世已虛存制式此時自不能行其州縣六尺五寸七尺五寸兩弓皆出自漢晉漢尺八寸今匠尺用之晉尺十寸今沿爲市尺兩尺差寸以二六尺五寸七尺五寸兩弓俱用匠尺度製七尺五寸折實卽海瑞所定官步之六尺推合古步於晉相同畝率減本數之三百爲二百四十差縮五分之一以八折較算於漢合一是爲三代以下最古之遺式其二百六十弓之畝本數係用八尺舊步折實爲六尺四寸之弓丈定後用六尺弓覆校故有此差實則歧異在本弓不在畝數畝徑略廣於漢視晉猶狹大地以一畝半或三畝當一畝當據壤則差校入準六尺五寸折實爲五尺二寸較漢步折實尙贏二寸減合畝數其差又五分之一此弓行用最廣或通謂之六尺弓或依部弓略減其零寸謂之五尺弓施於正額田號爲官弓用以勸民開墾賣之底數別假申算之法以合官步名爲民步弓此弓入官步又入民步必當時所改因寸徑大於部弓不入小例後習用忘其本初此弓卽部弓之等倫不必更繩其贏縮三尺二三寸之弓尺徑必足寸更不差折三尺八寸四尺五寸之弓亦然弓徑雖縮步徑仍加長蘆鹽場弓用三尺八寸畝徑定爲三百六十中下等折增作六百及六百九十三百六十弓每弓

計三尺八寸其積爲六尺弓之二百二十八弓差短止十二弓減較其微六百弓與六百九十弓卽六尺弓之一畝五分八釐及一畝八分一釐五毫等數亦相當直隸州縣純用部弓大名之一千二百弓爲一畝爲大地之中率其上田以一畝八分三釐七毫折一實占六尺弓之一畝四分三釐七毫下田以十一畝折一占至九畝五分三釐七毫則贏出或至十之四三或倍至九五其廣數亦至無等綜覈衆差要亦在畝而不在弓畝之廣徑載入全書不能改減弓爲虛器隨折數短長改實無用直隸大地最多舊額田六十八萬二千三百四十三頃九十畝有奇賦銀二百四十六萬三千七百八兩糧九萬五千三百九十九石各有奇江蘇大地差少舊額田減二萬二千五百二十六頃七十畝有奇賦銀增八十萬一千五百二十八兩糧更增一百九十九萬二千三百三十二石各有奇直隸賦額以徵應雜徭及地產款薄減輕而江南糧倍至二十視各省亦爲偏重浙省與四川通爲中地浙中舊額田四十六萬二千四百頃有奇賦銀二百八十二萬一千四百八十三兩糧一百三十八萬六千七百石有奇四川舊額田減二千三百二十九頃賦銀減至一百五十四萬二千九百三十三兩糧更減一百三十七萬三千三百六十石有奇四川土壤與浙相若銀差過半糧復差至百倍以上反重爲輕由其地遭寇殘破逐漸墾復寬等起科沿爲永例他省亦多視浙省爲輕如縉均浙省之糧當分半入川江蘇之糧亦當勻攤各省銀數並按所差一律更定并舊所謂上中下者悉據歲收之數衡較入準江浙漕糧前於粵亂定後會酌減成數近亦從權節減而完戶終多疲困編查自是通法清釐賦役限五年一編審所以校正戶名覈定丁口今差徭已革丁口不必細查戶有改移舊憑推收入册今弊出自册籍以外應查各戶產契驗契之法令各戶一齊登册事畢清出所記之田畝屋基園場陂瀆坐落地段分入都莊排合位點配以線徑編列字號卽可別成魚鱗新册於民戶一無勞損於官籍裨益實多其關鍵在照契多寡悉數錄入以備戶籍之底並須加註主名及現今住址庶其戶

有著以正冊呈案以別冊存縣兩冊既具糧戶冊名之存沒虛實可根枝得之再爲查實一編存查一編兩編完立條畫分明可卽由此根勘若夫征收要綱在易戶收爲糧收糧收便民完納便官稽查上下均宜是爲可久之法

臣謹案東南田賦苛重在米近有人辨爲貢而非賦應悉蠲除語甚平允必不得已勻攤川省之議亦可行於大亂之後至於銀額舊止畝科三分多至五分七分而極今亦多至一錢以上又加附稅則畝約二錢矣此則賦之似正而苛者也大要富民以減賦爲第一義農於四民最勞苦最爲根本使民樂趨農則人皆地著游民日少浮費可省此爲本富故三代田皆官田賦止十一誠知本也漢承秦敝田皆民田賦僅三十之一又輕於周故亦最強後世賦重民流取之愈巧用之愈不足但知取財於民而不知安生財之民於是生之日寡用之日多必不給之勢也根本之計舍輕賦奚從哉

皇朝續文獻通考卷六

田賦考六 八旗田制

國朝優待八旗順治時定甲八萬康熙時增為額兵十萬養育兵二萬一甲之丁久而數十丁又久而數百丁斷非一甲之糧所能贍不商不農局於一城之內而不使出安坐待斃象之適以苦之耳自乾隆二年舒赫德奏為旗民謀生計以後代有陳白辦法未必盡同大都不能乎移聖者近是以一人養人人不如令人人自養故於八旗田制續考焉內務府官莊

謹案 國初設近畿官莊百三十二所乾隆十六年總計莊田五千七百四十八頃三十畝徵銀三萬八千九百二十四兩此見於 皇朝通考者光緒中續修會典內務府會計司所載畿輔之莊三百七十有三共地七千五百八十七頃三十九畝有奇盛京之莊六十有四共地七千一百四十七頃十六畝錦州之莊二百八十有四共地一萬二千二百六十八頃二十六畝熱河之莊百三十有二共地五千二百七十五頃八十四畝有奇歸化城之莊十有三共地一千十四頃打牲烏拉之莊五共一百四十七頃駐馬口外之莊十有五共地二百七十頃百餘年間田數懸殊果得人清釐之不特 皇室之經費稍裕且拯旗民於水火之中失時不圖可為長太息者也

乾隆五十二年奏准拿關防內管領所轄旱地園頭三十五名駐地園頭二十四名每名歲交銀一百六十二兩計應徵銀九千五百五十八兩改隸會計司按限徵收交納廣儲司庫  
五十四年覆准 盛京莊頭嗣後呈報被災七分者蠲免蠲糧二成五六分者蠲免一成其不敷支給辛者庫人口糧及閏月加增口糧每石折銀三錢於盛京房租銀兩內放給其蠲撥糧石亦著按石折銀三錢分作二年帶徵歸款五十六年奏准錦州丈出餘地增出二等莊三十八所每莊給地五十一頃三等莊二十八所每莊給地四十五頃

六十年奏准應交錢糧內拖欠六成以上者即於本內將果園頭題革治罪承值官員照例查議拖欠一成至五成以下者按成給限催交完納如限滿不能完交者即行革退分別治罪所欠錢糧著落頂缺之人代為完納承催官員仍照例查議

嘉慶四年奏准關內莊頭等嗣後呈報旱澇照雍正三年例辦理仍停止給與口糧

六年奏准莊頭等應交各項折色銀兩每年於麥收交納三成限以六月為期秋收交納七成限以十月為期如逾限拖欠即行革退按例加倍治罪

又奏莊頭等緣罪革退其原領地畝俱經退交地方官召民耕種輸租戶部所有拖欠錢糧無可著追奉 旨已革莊頭無著銀五萬三千一百餘兩著全行豁免

十四年題准歸化城十三莊應交本色米二千六百六十六石八斗七合八勺內除地畝薄瘠豁免外每年應交米一千五百五十三石一斗二升四合由綏遠城理事同知徵收以充兵餉

又題准駐馬口九莊應交米石折色銀二千七百兩內除地畝沙淤豁免外每年應交銀二千二百四十五兩五錢九分由朔平府同知徵收存貯廳庫充餉

又綏遠城同知經徵渾津黑河莊頭糧石朔平府同知承催駐馬口外莊頭糧石均照地方有司例分別議敘議處其土默特蒙古照綏遠城同知糧石如蒙古官員經徵不力以該同知作為督催一併開參

又題准菜園頭五十九名內將原圈地退交地方官開除園頭二十四名其餘園頭三十五名每名歲交銀一百六十二兩共應交銀五千六百七十兩

十七年題准關內一等莊頭六十三名每名地三十六頃應交糧二百五十石及雜糧豬口共折交銀一百七十七兩九錢四分三釐豆草折交銀一百七十七兩四錢九分五釐二等莊頭十名每名地三十二頃應交糧二百五十石及雜糧豬口共折交銀一百六十三兩六錢二分一釐豆草折交銀一百六十一兩八錢三分二釐三等莊頭二百十五名每名地二十八頃應交糧一百九十九

石及雜糧豬口共折交銀一百二十四兩五錢八分五釐折交銀一百三十一兩九錢九分四釐四等莊頭二百十五名每名地十八頃應交糧一百二十石及雜糧豬口共折交銀一百八兩五錢五分四釐豆草折交銀九十五兩六錢三分六釐半折莊頭二百十九名每名地九頃應交糧六十石及雜糧共折交銀三十七兩五錢七分七釐豆草折交銀四兩一錢九分七釐協濟小差銀六兩五錢一等至四等莊每名應交協濟差銀十六兩七錢又定錦州一等莊頭六十六名每名地五十四頃應交餘糧穀銀五十八兩五錢六分八釐旗倉米銀九兩五錢五分八釐二等莊頭四十四名每名地五十一頃應交餘糧穀銀五十二兩五錢六分八釐旗倉米銀九兩二分七釐三等莊頭三十八名每名地四十五頃應交餘糧穀銀四十六兩五錢六分八釐旗倉米銀七兩九錢六分五釐四等莊頭一百十五名每名地三十九頃應交餘糧穀銀三十二兩五錢六分八釐旗倉米銀六兩九錢三釐外一二三四等莊每名應交蘇子紅黏穀銀四十一兩二錢八分減餞官馬草束銀十二兩六錢五分四釐茜草銀三兩五錢小根菜十瓣黃花菜十斤柳蒿菜十斤線麻十八斤納糧納租莊頭三十四名每名地九頃納糧莊頭每名應交糧穀銀十二兩八錢地米銀一兩一錢六分五釐納租莊頭每名應交租穀銀十四兩納糧莊頭四名每名地五十頃及三十餘頃不等內二名各應交差銀二百二十八兩八錢二分一名應交差銀二百一兩九錢一名應交差銀一百四十兩又定古北口喜峯口外莊頭一百三十四名計成交差每名應交額糧自二百五十石至七十五石不等內雜糧折交銀四千四百四十五兩八錢五分六釐抵除額糧外每糧二石折米一石共應徵米一萬一千六百七十八石九斗八升八合又定盛京糧莊一等莊頭三十四名二等莊頭五名三等莊頭五名四等莊頭三十二名共應徵銀一千二百四十五兩六錢五分三釐糧二萬二千四百二十七石棉花莊頭四十五名共交本色棉花一萬二千斤折色棉花銀八百六兩二錢莊頭十一名共交本色藍一千九百五十斤折色藍銀二百兩九錢四分六釐藍莊頭三名共交本色藍一萬二千斤折色藍銀六十六兩五錢八分九釐

魏源軍儲篇略稱 列聖之厚八旗者至矣康熙三藩初定 詔發帑金六百四十餘萬代償八旗債負每家獲賞數百金未置寸產徒糜衣食一二載蕩然無餘其後又頒賞六百五十五萬金亦立時費盡雍正初屢賞兵丁一月錢糧每次三十餘萬亦不逾旬而罄豈獨八旗之不善節費亦其食指浩繁矣哉 世祖時八旗定甲八萬甲歲餉銀若干兩米若干石當 聖祖時增為十二萬甲兵十萬一甲之丁積久為數十丁數百丁非復一甲之糧所能贍計八旗丁冊乾隆初已數十萬今則數百萬而所圍近京五百里之旗地大半盡典於民聚數百萬不土不農不工不商不兵不民之人於京師而莫為之所雖竭海內之正供不足以贍且八旗有蒙古有漢軍不盡滿洲滿洲又皆收服遼東諸部落非宗室天潢也漢唐有養兵之費宋明有宗祿之費未聞舉龍興之地豐沛晉陽鳳泗之民而世世贍養之者 國初定鼎中原居重馭輕故圍近京五百里之地重逃旗出外之禁以固根本而滋生聚自乾隆中葉已有人滿之患於是諸臣條奏有未准行有准行而下未奉行竊謂滿蒙漢三者宜因地因人而徙東三省滿洲舊地也宜專以徙滿洲之餘丁開平輿和 國初平察哈爾蒙古之地也宜專以徙在察哈爾之餘丁至外省駐防難以再增而外任留寓占籍本漢人之俗也宜專以安置漢軍之人各因其地各還其俗或曰近日盛京將軍富俊曾經理雙城堡之屯田矣每人願移者許給地二頃房屋牛種器用旅費畢具初奏定每年移二百戶行之數年每年僅五十戶七十戶無乃勢不可行乎曰安土重遷民難圖始漢初列侯不願就國至詔丞相為朕先就國以倡率之唐時京官輕外任至令宗室分授刺史郡守以重之元魏自平城遷都洛陽至借仗齊之師以行之然 國初各省分設駐防距京師遠者數千里南北異俗乾隆中新疆移兵駐防距京師萬里東西異向而八旗聞命就道所至如歸從未聞有難色者何哉八旗騎射成俗語以為兵則萬里不辭語以為農則故鄉麥足今宜仍以駐防為名並擇宗室覺羅中奉恩將軍之練愨者使每人率一佐領或

二佐領以重其行至彼之後打牲射獵屯種各從其類兼許雇漢農以爲之助則旗人無不悅然矣漢唐中葉以後宗室苗裔散處郡國列爲四民今設擇京師開散宗室得率一二牛泉還舊都有土有民世食其利尤厚於古矣開平興化四城亦宜設蒙古駐防使游牧屯種各從其便並許雇漢農以爲之助則初年不習於農數載後農牧相安即可裁其兵糧以歸禁旅之籍矣滿洲蒙古每移一駐防即可徙數千戶何至每歲徙二百戶而不能至漢軍外任留籍時未允行允之必無不願既免回京親友之需索又得適樂土以長其子孫又安有不懌者哉 國初近京五百里內園給八旗而別撥他州縣之閒田以爲民地計近畿凡宗室王貝勒貝子將軍之莊園共萬有三千三百三十八頃有奇凡勳戚世爵職官軍士莊田十有四萬百二十八頃有奇其內府莊田以待 皇子分封公主婚嫁者不在此數而盛京東北及諸邊口外腴壤日闢八旗滋生戶口咸取給焉嘉慶十八年戶部尙書英和奏言自乾隆年間以來入官地畝甚多他不具論卽如和坤福長安兩家入官地畝不下二三千頃至今並未升科屢次查催地方官奉行不力盡飽胥吏之囊且有以蠲瘠換膏腴者請嚴飭直隸總督從速升科無令隱匿侵蝕抵換於國用亦有裨益

道光九年議准內務府所屬投充莊頭後經分撥各王公門上其在檔人丁不准援引八旗投充莊頭典賣悉由本主自便之例辦理  
咸豐元年 諭御史嵩齡奏請開墾南苑閒地一摺南苑爲我朝肄武之地春秋蒐獮藉以習勞 祖制昭垂具有深意該御史係屬旗人既知從前有禁止開墾之 旨何以冒昧具陳但見小利罔顧大體所奏實屬鄙陋嵩齡著交部議處  
又軍機大臣大學士祁寯藻等會議申明奪佃增租例禁請飭直隸總督順天府府尹將各屬新編莊頭詳查坐落州縣及舊係某莊頭退交之每畝原租並現在官租實數一併分晰開造咨報戶部內務府以憑查覈其新莊頭已領一畝以上之地者租項永遠照數徵收與舊莊頭數目相等以免日後莊佃抗租

之弊其一錢以下之地業已報明戶部者亦卽令新莊頭照現徵數收取內務府計款收租新舊佃戶俱毋得藉詞妄希輕減至尙未議租報明戶部者現已令該督督府尹飭屬詳查退交原租並現徵租數覈實定議不得擅行輕減亦不得任意取盈迨即這報以便莊頭照議收租交產其佃戶自二十九年抗欠租項不交者應徵飭各該地方官查明如何抗欠分別辦理嗣後遇有莊頭誤差被革遵照內務府奏定章程退交地方官令該州縣按革退莊頭原租徵收待內務府派員牌取以昭覈實而重差項如仍有佃戶抗欠莊頭勒增以及書吏勾串等弊或控告到部或被內務府查出經審實卽照定例分別治罪

臣謹案旗人奪佃增租例禁禁嚴自乾隆五年議定原佃若並未欠租而莊頭土豪無故增租奪種者審實治罪迨嘉慶五年戶部奏言自和坤管理戶部將舊例奏改數年以來旗人及內府莊頭撤地另佃者實復不少而賴耕爲食之貧民一旦失其生計不免游手爲匪實於政治民生均有未協應請改照舊例禁止增租奪佃以安貧民而杜龍斷得 旨允准無何旗人坐食以嬉不善營生惟以奪佃增租爲祕策亦可憫矣

四年 諭侍讀學士德奎奏請於南苑開墾屯田辦理團練一摺顯係受人慫恿巧藉團練之名以遂其牟利營私之舉且明知御史嵩齡曾有開墾南苑閒地之奏交部議處輒敢詭詞演請罔上濟私尤屬膽大德奎著交部嚴加議處又奏准內務府莊頭園頭拖欠錢糧革退後親丁另姓孤戶等三限無人接充派令現充莊頭園頭就近認領計畝交差若莊頭園頭不願認領責成地方官照每畝交租銀一錢八九分之數按年交納六月交納三分十月交齊由內務府派委員役前往各州縣牌取以備差需

同治元年 諭前據御史劉有銘奏請開墾南苑荒地當經降旨令管理奉宸苑王大臣會同戶部派員履勘並令該王大臣妥議具奏現據查明每年招佃徵租爲數無幾未使因小利而迷 成憲致於體制有乖著毋庸議  
二年 諭前因內務府奏職官捏造文憑撞騙黑地並充出武弁收受銀兩各情當經降旨將筆帖式錫山護軍校吉存革職交該衙門嚴審茲據總管內務

府王大臣等奏審明職官偽造戳記指官撞騙照律分別定擬一摺此案已革護軍校吉存以武職微員妄行干預黑地引誘鄉愚捏稱黑地內務府編放莊頭播傳京外招集軍民希圖誑騙復與已革從九品銜劉玉山商議偽造錢糧衙門戳對六字刻成戳記鈐用並印刷偽照先後發給共誑騙薊州等處民人藍請等銀至一千餘兩之多實屬膽大藐法吉存著照所擬從重發往新疆充當苦差遇赦不赦已革候補筆帖式錫山因吉存轉託欲將黑地仍歸內務府查收該革員知吉存得財甚多亦萌漁利之念遂詐稱奉議政王及內務府大臣寶璽派赴貨抵等處招集鄉愚偽寫堂諭私發諭帖雕刻木戳等件接收李占龍等呈詞給發收租偽票騙得地租東錢一千四百串計賦在二百兩以上亦屬藐法錫山著照所擬從重發往新疆效力贖罪已革從九品銜劉玉山隨同包攬黑地聽從吉存捏造戳記難保無欺購得財情事著照所擬杖一百徒三年該犯等尚有呈控薊州書吏侵吞租項一案未結著交通永道歸案審明再行定地充徒民人張幅山向錫山呈報黑地爲人作保黨濶順給錫山墊辦日用意圖從中漁利且與張幅山同爲李占龍等作保均屬知情干預于潤即潤禮修致和岳六均給藍請託辦莊頭賺用銀兩已革從九品銜穆特瑞爲民人李玉文謀領地畝付給吉存銀兩方幅慶爲劉芸園等謀充莊頭均屬不安本分除于潤業經病故外方幅慶著革去莊頭與張幅山黨濶順修致和岳六穆特瑞均照所擬杖六十徒一年未獲之楊玉山等犯仍著分別嚴拏錫山潛匿貨抵等處撞騙地租該地方官失於覺察著直隸總督順天府府尹查取職名交部議處吉存包攬黑地誑騙多賊該管內務府護軍統領毫無知覺殊屬毀贖著兵部查取職名議處其失察錫山出境撞騙之該管內管領族長等均應得之咎著一併交部查取職名照例議處懲辦餘著照所擬辦理黑地升科早經戶部奏明統歸地方官辦理如查明實係黑地自應照例升科如係招搖撞騙應即嚴行拏辦嗣後直隸等省地方如有捏稱各該衙門大臣派令辦理地方一切公事者該地方官務須索取文憑以爲證驗一面行文該衙門查覈倘查係虛無即將其人從嚴訊辦其或指稱各該王大臣之名在外省招搖

屬託事件者即著各該地方官隨時稟明上司嚴拏懲辦

七年 諭翰林院侍讀錢祺奏請開墾南苑一摺所奏實爲紕繆朕御極之初升任通政司副使劉有銘陳請開墾當經管理奉宸苑王大臣會同戶部查勘以其事乖舊制會降旨斥駁錢祺職在論思豈未之知耶所請著不准行

光緒十三年定查辦莊頭呈報水衝及爭控餘地退換差地章程一莊頭報衝差地令地方官認真勘丈以杜捏報一莊頭報衝地畝經官勘明結報後即准佃民認墾一差頭隱匿餘地勒限一年呈明地方官勘丈詳報一莊頭隱匿餘地限滿不報別經發覺認真懲辦一莊頭差地遵照定例不准退換以杜取巧

臣謹案八旗圈地屬於王公大臣者輒置莊設莊頭往往病民 聖祖會諭格爾古德曰直隸旗下莊頭與民雜處倚恃聲勢每爲民害其嚴察懲創卽皇莊亦無寬宥格爾古德承 旨嚴懲當時稱爲鐵面迄今二百餘年而弊復滋嚴定章程庶幾稍戢也夫

十六年 諭李鴻章奏順直各屬被災請將京旗各府莊田照案減收租項一摺本年順天直隸各屬水災甚重民情困苦異常朝廷憫恤災黎迭經賞發銀兩撥給米石以資賑撫所有王公貝勒各府並各京旗莊田著卽自行體察災歉情形將如何減收租數之處行知坐落州縣出示曉諭不准莊頭攬頭等將已減之租朦混舞弊其內務府各項地租步軍統領衙門地租並著查照成案一體減收以紓民困

皇朝續文獻通考卷七

田賦考七 八旗田制

宗室官員兵丁莊田

乾隆五十一年議准留京當差新滿洲官兵俟其家眷到京按其差使等第撥給地畝由部給租

五十二年 諭據劉峨奏蘇省之護衛正柱呈控佃戶霸占殿閣一案兩造各執一詞是此案尚未完結該督祇須秉公審辦如係護衛藉端滋事即將護衛懲治若佃戶等果有霸占殿閣情節亦即將佃戶等按例辦理以儆刁風

五十四年 諭前因直隸各州縣應徵旗租舊欠未完新欠又有二十餘萬之多其中保無官吏挪移情弊降旨令劉峨留心密訪據實具奏茲據該督奏稱緣佃種旗地之戶家本貧寒收成豐稔尚可按期完納一遇水旱不齊動致拖欠不清而地畝鹽鹼拋荒佃戶逃亡亦所時有此數年積欠之故實由於此等語各州縣應徵旗租或因水旱不齊致有拖欠自當分別緩帶以紓民力而清

款項若果田畝鹽鹼拋荒則其地已不能耕種租從何出至佃戶逃亡如實因地不能種運至他所者即應奏請豁免如係無力承種出外營生亦應另行召墾何以並不確查妥辦惟事按年經徵試思地已拋荒小民何能交納若如該督奏請著令地方官依數賠繳似此年復一年伊於何底各省應徵地丁正項錢糧如係實欠在民朕尚加恩豁免從不令地方官賠繳焉有因積欠旗租轉令代為賠納耶各州縣給予廉俸倘動稱不敷辦公借端侵缺若復令賠繳旗租將伊等更得有所藉口殊屬不成事體且朕軫念黎元凡遇旱澇偏災無不立予蠲賑雖千百萬帑金從不稍存吝惜豈有地畝既荒尚令小民賠納租銀更非朕體恤閭閻之意但地方大吏從前何以未經奏明恐各州縣有影射虛捏延宕侵挪等弊不可不澈底清查著派侍郎伊齡阿管幹珍於朕啟鑒後前往查辦彼時京中無事伊二人更可以詳細履勘如查係實在田畝鹽鹼拋荒及佃戶逃亡因而拖欠者即據實奏明候朕降旨酌予豁免如查係地方官誑詞捏飾希圖影射侵蝕者即當參奏治罪此等丈量地畝之事朕向來不肯輕

易派員前往查辦以免擾累今直隸各州縣積欠旗租如果實係田畝鹽鹼拋荒佃戶業已逃亡所有應徵租銀自無從追納並非地方官徵催不力之咎豈有照劉峨所奏仍令常年賠繳之理朕此次特派大員前往查辦者係為愛惜官民起見朕既不忍累民又豈肯累官伊齡阿等務宜秉公辦理

五十六年奏准民人佃種旗地其原佃額租本輕現有別佃情願增租及情願自種者均由業主自便從前不許增租奪佃之例停止

五十七年議准民人租種莊頭園頭地畝祇准按年交租該莊頭等毋得豫年支取倘仍向豫支許佃戶呈控如佃戶希圖減省租錢私行豫交查出一併治罪

六十年 諭直隸通州等五十二州縣乾隆五十三年起積欠旗租銀六十八萬二千兩零無庸向各佃戶名下徵收俾一體仰邀恩澤至經徵各員辦理不善難免以完作欠情弊該管上司等督催不力自應分別著賠所有此項積欠旗租銀六十八萬兩著歷任總督藩司分賠十分之五道府分賠十分之三州縣分賠十分之二俱分作六年完繳

嘉慶元年議准八旗官兵人等認買入官房地以現銀認買者俟銀兩交部給發回文若係指俸餉抵買者俟俸餉坐扣完日均令該旗移咨該翼給發印信執照俱報戶部存案毋庸納稅

五年奏准民人佃種旗地仍照舊例不許地主奪佃增租

七年議准應徵旗租及每年帶徵分數未經全完除查有官侵吏蝕等弊令該督隨時嚴參另辦外其寬係民欠各官該督等覈明初參二參未完分數造冊報部均照地丁錢糧例辦理

道光元年 諭戶部冊存直隸旗民官荒等地八萬餘頃著方受疇督同藩司屠之申派委賢能之員逐一履勘勒限一年查明可墾之地即行升科難墾者召佃試墾其實在水衝沙壓者出具印甘各給送部查覈仍設法改作蘆洲牧廠以收地利其從前失察匿報處分概予寬免應追花利亦著免追經此次查明之後如有捏熟為荒查勘不實情弊別經發覺惟該督藩司等是問

四年 諭蔣攸銛奏覆查難墾荒地並清釐積欠旗租地租則一摺直隸官荒地畝前因虛浙奏請查丈招墾升科降旨令該督等確加查勘茲據奏稱此項地畝除從前報升及勘明可墾試墾各地外尚有七萬餘頃地本疎瘠積久成荒實無地利可收亦且無從招佃即有呈請認墾多係牟利棍徒希圖影射需占並非認墾新荒若復紛紛查丈徒滋煩擾自屬實在情形著仍遵前旨免其立限招墾責成地方官隨時察查一有可墾之處勒令認佃報升並飭該管道府就近訪查如有私墾私徵立即嚴行參辦毋許屬員等朦混隱匿致啟弊竇其歷年積欠旗租著將官虧民欠逐細勾稽此內官虧吏蝕數目照例參追著賠並查明實在民欠若干及租則過重之地若干分別減免妥行覈議具奏至入官旗地花利積年並無徵解之項著查有已徵未解者專案責令該州縣賠交其實在未徵之租著加恩將嘉慶二十五年 恩詔以前歷年花利免其補徵所有應完 恩詔以後花利俱著分年補徵若已定租額並將應完新租儘數徵解不准拖欠其未定租額者著俟定議後一律啟徵毋許再有延宕又禁直隸屯居旗戶私設總催催領名目

六年 諭那彥成奏清查旗地全竣酌議善後章程一摺直隸近京各州縣額徵八項旗租自嘉慶十二年清查以後歷年復有官侵吏蝕民欠而接續入官之地亦未全行議租入額以致每年徵解不敷賞給八旗兵丁之用前經該督督飭藩司將前後部催各案地畝勘明定議茲據將該州縣呈報頃畝四至租數及魚鱗細冊逐一查數釐定綱目並令佃有執照管有里書以杜隱匿影射之弊其地租細數向有與奏銷未符之處數之總數尚無屬絀著以此次所查之數為準將來奏銷照此更正以免歧異所有應減重租地方著照所請無分新案舊案除房園地基等租仍照原額徵收外其餘地畝凡三錢以上最重之租酌減三成二錢以上次重之租酌減一成半此外武清縣承安名下入官地畝原定租銀一錢三分並照所請減為五分統共應減租銀二萬六千一百二十三兩零現屆春徵之期著即刊刻謄黃循行曉諭悉照減減之數徵納並將帶徵租銀亦照減定之數徵收以歸畫一至應徵節年民欠及花利銀兩除嘉

慶二十五年 恩詔以前者悉予豁免外其道光元年以後欠款應如何分年帶徵追繳著該督督同藩司分別妥議奏明辦理此外應徵雜項旗租並著照查辦八項旗租之例接續澈底清釐勿任日久延宕餘俱照所議章程辦理

謹案旗地收租初不交州縣嗣後漸有因事交州縣收租者積之既久至乾隆閒遂有八項名目共地三萬餘頃道光六年清查定章列入州縣職責乃成今制此外又有雜項官租內務府牌取租代征王公各府地租等項今開列於左

存退 園地分賞存贖者曰存綠事退回曰退丈出餘地曰餘絕產入官曰絕四者均交州縣收租名曰存退

莊頭 內務府莊頭革退地交州縣收租名曰莊頭

屯莊 雍正年開霸州固安永清新城四州縣有入官旗地由八旗派出旗人一百戶每戶給地一百二十五畝試辦井田乾隆年閒因辦無成效改為每畝輸穀一斗由州縣征收名曰屯莊

另案 八旗官員因虧空公帑交地作抵及因案查抄入官之地交州縣征租名曰另案

公產 定例旗地不准私行典賣與民有私行典賣者查出撤地入官另立招佃由州縣收租名曰公產

三次 乾隆十年至十二年十三年至十五年十六年至十八年共三次發帑贖回民人私典旗地歸原佃承種納租由州縣征收名曰三次

四次 乾隆十九年至二十五年第四次回贖私典旗地由州縣收租在民人下贖回者名曰四次

奴典 乾隆十九年至二十五年第四次回贖私典旗地由州縣收租在奴名下贖回者名曰奴典

以上八項旗租共地三萬九千餘頃每年征銀四十二萬餘兩內存退莊頭兩項雍正年閒即有之在耗羨歸公以前故此兩項有耗餘皆在後故無耗初係秋後一次交租後改為上下兩忙初無考成後改為與地糧一



例奏銷計分數開條

雜項官租 鑾儀衛租 馬館租 廣恩庫租 香燈租 西河歲修租 掛甲寺租 此等統名雜項官租皆係各衙門價置旗地交州縣收租之項初皆儘征儘解後廣恩庫一項奏明歸入奏銷核計分數

內務府牌取租 內務府道光三十年以後革退莊頭將地暫交州縣代征不歸八項旗租其征起租項每年由內務府派員赴州縣牌取

代征王公各府地租 王公各府莊地向由莊頭自行收租間有將莊頭革退在部呈明行文州縣代為收租者所收租銀由各府派員或派差自赴州縣領取

推頂給照 乾隆年間定例民佃八項旗地州縣給印照收執佃民遇有事故報官具退聽官招佃不得私相授受道光六年改為佃戶有退地頂地等事由里長報案令佃戶自行赴官退佃者繳舊照頂佃者領新照光緒十三年直隸總督咨明戶部八項旗地舊例不准私相授受而現已互相推當相習成風舊例給照之外別無契據而現均有白契執以管業積習已深萬難復返擬請變通辦理准其推當不准買賣所寫字據不准稱契推絕者曰推約轉當者曰當約除當約無庸報官外其寫立推約者將推約呈官驗明由地方官填發印照粘連推約之前鈐用騎縫印信過戶納租如再推出繳銷舊約舊照呈驗新約換粘新照均無庸完納稅銀

每執照一張佃地十畝以下給照費銀一錢二十畝以下給照費銀二錢二十畝以上無論若干概給照費銀三錢不得按畝加增以示限制戶部核覆令直隸自行妥辦通飭各屬遵照辦理又核定雜項官租查照八項旗租一律給予執照其州縣經征內務府牌取租代征王公各府租均給佃照每個照一張十畝以下給照費京錢二百文二十畝以下給照費京錢四百文二十畝以上無論若干概給照費京錢六百文

咸豐三年 諭侍讀學士德奎奏請查收旗房絕產一摺國家制用自有常經即因度支短絀偶有變通亦必下順輿情上崇國體至八旗官員兵丁皆蒙

列祖 列宗深仁厚澤得以蕃衍至今即有本身物故並無子嗣之員例得承繼近支列入冊檔永沐朝廷雨露之恩德奎係滿洲世僕豈竟茫無所知乃請將旗戶絕產盡數查收以充軍餉不知是何肺腑且謂八旗故員之家坐擁厚貲俱經侍妾家奴把持蕩費以致絕嗣不能報效尤不成話該員不識政體信口妄言荒謬糊塗實出情理之外著傳旨嚴行申飭原摺擱置

九年 諭慶祺奏覆勘畝親王交官廠地請仍照原額徵租一摺睿親王仁壽交官地畝前據桂良請照原額徵租戶部以此項地租應將正租私租併算並前後撥棄地畝是否仍堪耕種議請飭令另行履勘妥議章程茲據慶祺奏稱派員詳勘該地畝因土瘠地寒獲利甚微從前議定科則即在王府私租內撥出交官並非另有別租難以議增其前後撥棄地畝亦查明難以墾復等語此項地畝仁壽因收租不易故行交出難保無佃戶人等把持侵蝕等弊今既入官收租自應切實查辦乃該同知等查勘稟報輒稱難以增租仍屬顧預了事著慶祺另派委員詳加查勘妥議科則以杜隱匿侵吞之弊不得稍涉含混

同治七年山西巡撫沈葆楨奏略稱 臣官京師時親見旗民生齒繁庶不農不商除仰食錢糧外別無生生之策自國法變更南漕不繼一丁所領之糧不敷供一丁之食其強者悍然為非每陷刑網弱者坐以待斃轉於溝壑我 皇上親民如傷四海之內一夫失所猶深軫恤矧以八旗世僕動舊子孫近在畿輔忍令飢寒顛覆不為之計乎從來以一人養天下恆苦其不足使天下自為養常覺其有餘 竊以為今日安插旗人其上策無過移屯邊方中策則轉往各省而已夫移屯於豐盈坐享之日人情孰不好逸而惡勞移屯於凍餒交迫之秋人情又莫不辭飢而就飽此今日移屯一議較之昔人事半而功倍也 臣請先言聽往各省之法即就從前武陟阿英和諸臣所奏而推廣之無論馬甲養育兵閒散其願出外謀生赴各屬州縣者准其徑呈本旗都統前往照商籍軍籍例編為旗籍戶婚田土命盜案件歸地方官管理生子隨時呈報督撫俟彙案咨部此移之內地人所樂從其資給概從其省也至若移屯邊方之法 臣請

欽派廉幹大員爲屯田大臣隨帶司員查照舊檔於奉天吉林一帶及獨石口外紅城子開平等處與張家口外之興和新平等城昔年官後孫家淦諸臣所勘定舊地歲計可開若干頃並建造房屋城堡添置農具牛種及軍裝器械酌定成規宅中駐紮始終經理其事再由八旗都統切切勸諭旗戶願移口外者照道光初移屯變城堡舊例由戶部當堂發給治裝銀三十兩沿途官給車馬到屯後每戶官給房屋四間農具牛籽皆備三時務農之隙講武刑罰教養之事皆屯田大臣主之十年以後地畝照下則升科征收之糧運於口內而積銀於屯所每年即以屯糧所糶爲次年京旗移屯與屯所各項之用無事再動庫帑此移之邊方事極艱難其資給不得不量從其優者也然議者必謂口北寒冷不宜粟麥養餼無出流離遠徙易傷臣僕依戀之心不知昔年疊次移居雙城堡及拉林地方旗戶至今長養子孫稱爲樂土若非耕種何以自存况人氣日聚地氣亦開天氣卽爲日暖旗人不過一遷徙之勞永可豐衣足食較之株守在京飢寒無策告貸無門相去遠矣所謂恤旗民者此也議者又謂邊屯太多禁軍單薄恐非強幹弱枝之道不知 聖朝開國之初人心甫定不得不藉資勦卒鎮撫京畿今則溥海黔黎胥歸天籍自軍興以來收復郡縣殄除渠魁大都綠營兵勇及蒙古與東三省兵力居多旗人生長京華習於餽養偶有調遣未聞得力若今移屯口外練習風霜耕種牧營生資勞苦氣體必見充實再能督帥得人訓練有素無難上復 國初驍健之風十數年後環邊之地東西開闢縣互不斷北可震懾強鄰南亦以拱衛京邑設有征調緩急更爲可恃所謂足邊防者此也特以移屯諸費昔年猶以爲難今日帑藏空虛更安得此開款 官私心計之八旗現放兵餉除二成大錢外實放銀四成人口噉噉朝不謀夕各省軍務告成必應循例照八成舊章以裕兵食竊謂救八旗一時之窮困其惠小貽八旗無窮之贍養其利長當未減之時而忽議減其勢逆而難行迨已減之後而量爲增其勢順而易節請於定復兵餉之年暫給六成酌留二成每年約可得銀一百餘萬兩治裝銀兩與房屋種具每戶以八十兩計之加以屯所修城堡製器械及一切費用每年至少亦可移數千餘戶俟屯田

升科後移屯有資京旗兵餉仍復八成之舊如此則目前經費毋庸另籌日後正供永無不足所謂舒國用者此也  
光緒十五年 諭戶部奏旗民交產請概復舊例一摺宗室及京屯八旗從前所得田產允宜永遠世守查照舊例本不准民人典賣咸豐年間因遺例典賣涉訟繁多量爲弛禁茲據該部奏稱開禁以來民人置買甚多將來旗產勢必日見其少仍請申明例禁等語所奏甚是已依議行矣旗人戶口日繁亟宜籌久遠之計俾資生計以培元氣而固根本嗣後宗室八旗京屯田產無論老園自置永遠不准賣與民人如有違例私自買賣卽行照例懲辦至從前民置旗地已經升科報部者仍准執業其已投稅升科尚未報部及已經交產有契尙未投稅升科者自此大降旨之日起予限六箇月一律升科該部統及地方官務當實力奉行認真分別辦理用副朝廷惠愛旗民至意  
二十四年 諭軍機大臣等議覆袁昶條陳請籌八旗生計等語旗丁生齒日繁徒以格於定例不得在外省經商貿易遂致生計日艱從前富俊松筠沈桂芬等均曾籌議及之現當百度維新允宜弛寬其禁俾得各習四民之業以資治生著戶部詳查嘉慶道光年間從戶開屯計口授田成案切實訂立新章會同八旗都統迅速奏明辦理  
臣謹案八旗生計言者屢矣不農不賈坐食 天庾雖有陶朱猗頓亦束手無如何矣 朝廷倦念奮勳歲擲數十百萬帑金適供彼醉飽游嬉之便 朝廷不負旗人正恐旗人以負 朝廷者自負耳  
三十二年練兵處戶部奏遵議變通旗營舊制略稱侍講學士達壽奏稱戶口隱匿及各佐領不諳公事莫吉格把持等弊各旗誠所不免擬請裁革不爲無見歷來官署管案履供奔走之人積久無不滋弊莫吉格之爲益正與各部書吏相同各佐領之才守稍次者非坐聽指揮卽緣爲奸利若仍遷就存留旗務必無振興之日應請 飭下各旗將莫吉格一律裁革嗣後各旗佐錢糧戶口均責成該牛鼻詳查造冊不得假手於人從前虛名空額事非一任但使和盤托出概免追究所有現任之參佐領等亦請由該旗都統嚴行甄別倘實係不

請文牘暨有別項劣迹者卽奏令開缺分別降革揀員另補至擬由臣部榜示通衢固爲力除欺隱但各旗名糧盈千累萬勞難一一臚列應令各該旗都統等按月飭將所屬戶口自親軍護軍馬甲下逮養育兵四孤並無餉之各丁口由佐領報都統等認真稽核並造冊咨送臣部備查如所列名糧不符一經查實卽將承辦之員從重懲處從之

皇朝續文獻通考卷八

田賦考八 八旗田制

盛京莊田

謹案 國初以內地不足展邊開墾移設八旗莊田於盛京等屬康熙

十八年丈出奉天地畝三十二萬九千餘頃以二十七萬六千餘頃為旗

地旋令索倫達呼爾官兵耕種墨爾根地奉天官兵耕種黑龍江地乾隆

初增設呼蘭溫得亨都爾屯莊根本之地無不宅改田矣

乾隆五十九年議准吉林無力壯丁開墾地畝耕種有年而缺額名下糧石俱

係壯丁代完倍形拮据嗣後應將附近正紅鑲紅兩旗馬廠地方令無力壯丁

募民開墾以抵糧額

嘉慶十年議准 盛京入官地畝例應招令無地無力人等租種其現任六品

以上官員子姪概不准認種至六品以下官員子姪查明實無祖產可倚者方

准認佃如本有祖遺產業者亦不得認種

又議准 盛京管界各官多有在現管界內出具子弟之名置買房地自私自

保不無弊竇嗣後應照各省官吏不准於任所置買田宅之例一體查禁所有

現管界內不得置買房地違者按律治罪如非本管界內仍准照舊置買

十七年 諭賽沖阿等奏吉林官莊壯丁積年拮据情形一摺據稱該處官莊

設立之初丁戶富庶地土肥腴歷年來壯丁缺額牛隻不敷原數兼有拋荒地

畝不堪耕種糧石攤徵致多積欠請量加調劑等語吉林官莊丁戶近多缺額

應徵糧石逐漸攤徵丁力日形竭蹶既據該將軍等澈底清查自應覈實辦理

著照所請加恩將該處應徵丁糧即以一萬零六百八十八石作為正額所缺壯

丁二百三十四名准其以現存幼丁於五六年後添補足數所缺官牛一百一

十七隻准其於五年倒斃牛銀內預支一半銀一千零五兩陸續買補每年仍

領未支一半銀二百零一兩俾資按年添補其不堪耕種地畝著於零星閒荒

內挑揀撥補招丁抵租至所欠官糧二千九百五十九石四斗著加恩豁免一

半餘餘糧石著落值年官員名下分作五年賠補交倉俟糧額交完方准更換

並著該將軍等於將來丁牛數額撥補地畝齊全後再行察看情形將能否查

照原額交糧之處另行的議具奏

又 諭八旗生齒日繁亟宜廣籌生計朕聞吉林土音沃衍地廣人稀柳條邊

外後場移遺其閒空曠之地不下千有餘里多屬腴壤流民時有前往耕植應

援乾隆年間拉林成案將閒散旗丁送往吉林撥給地畝或耕或佃以資養贍

農暇仍可練習騎射以備當差致養兩得其益該將軍等盡心籌畫區分棲止

詳度以聞

又 諭賽沖阿等奏踏勘拉林可墾閒荒地畝一摺據稱得拉林東北有閒

荒一處可墾五千餘响又有東南夾信子溝一處可墾二萬餘响該兩處距阿

勒楚喀城四五十里不等恐新駐旗人該副都統難以約束並稱近來吉林各

處收成不豐請俟三五年後從容籌辦等語又據另摺奏請將三道卡薩里閒

荒地畝撥補吉林官莊壯丁除撥給外其餘閒荒不許旗民侵占每年秋成後

請令該管官親往查勘以杜私墾等語移駐閒散旗人以裕生計今既勘明拉

林附近有可墾地二萬五千餘响而三道卡薩里地方除撥補官莊之外仍有

閒荒可墾是該省未經墾種曠土甚多與其每年派人查管何如一併籌畫使

旗人前往耕種俾收地利而成恆產至拉林荒地離城雖有四五里移駐旗

人耕作與按期演習騎射者不同亦不必專在近郊如從前拉林專設副都統

稽察旋即裁汰至今該處旗人久安生業亦無庸專設大員就近約束若謂該

處近年收成不豐此時原不能即將旗人移駐其一切墾荒計畝章程則須預

為籌辦不必延至三五年後推諉時日著該將軍等即檢查乾隆年間移駐舊

案將先期試墾備辦各事宜詳細酌覈先行籌議章程具奏候旨遵行其請撥

補瑪堪官莊欠地三千餘响即著照所請辦理

十九年 諭富俊等奏預議試墾章程請先於吉林等處閒散旗人內揀選屯

丁一千名每丁給銀二十五兩籽種穀二石於拉林東南夾信溝地方每名撥

給荒地三十响墾種二十响留荒十响試種三年後自第四年起交糧貯倉十

餘年後移駐京旗蘇拉時將熟地分給京旗十五响荒五响所餘熟地五响荒

五响卽給原種屯丁免其交糧作為恆產并將屯田出入各數屯丁用款及設官管理章程開單呈覽此項試墾地畝需帑無多將來開墾成熟後移駐京旗閒散與本處旗屯衆丁錯處易於學耕夥種不致履覓流民代耕畝田爲民占之弊所議似屬可行其單內合計十年用銀四萬零五百兩其試墾之第一年祇需銀二萬八千餘兩卽可與辦著卽照富俊等所議挑選屯丁一千名由該處備用銀兩內撥給牛價等項公倉內撥給穀種如法試墾富俊現准來京陛見著松甯先行經理俟富俊回任後一切會同妥辦此事創行伊始伊等務計畫周詳督率各屯丁勤習耕作並隨時認真查察如一年辦有成效則積至十餘年後所得租穀糶價大可裕旗人生計若仍令雇民代墾或將地畝私行租佃久之悉爲流民占據將來移駐旗人時無地可耕則該將軍等辦理不善咎有攸歸斷不寬恕其所議按年徵租及派撥官兵約束一切章程均著照所議辦理

二十年 諭富俊等奏詣勘分荒試墾事竣一摺拉林西北雙城子一帶地土沃行經富俊親往查勘派員履丈現擬每旗設立五屯共屯丁一千名一切農具耕牛等項已分別採買於本年備齊明春一律開墾並據繪圖進呈朕詳加披覽所擬開屯試墾章程尙爲周妥著照所奏辦理該將軍等惟當隨時督察以期漸有成效至前奏稱自試墾之第四年交糧起七年交穀十四萬石每石約價銀五錢可得銀七萬兩除十年用項外餘銀二萬九千餘兩十餘年後卽可移駐京旗閒散等語著於試墾收糧辦有成效後察看可以移駐京旗之時酌定起數如移駐一千戶分爲數年陸續前往庶辦理較有次第資遣亦易爲力也

二十三年 諭富俊奏議吉林站丁地畝章程一摺吉林站丁私將地畝典賣若將該丁等自犁地畝普行勸丈每名僅留給十响餘俱入官徵租丁力必驟形竭蹶著仍照松甯原議循舊辦理至查出典賣與民地一萬三千五百六十三响五畝著照富俊所議均勻賞給額設站丁八百五十名每名十五响九畝零卽作爲隨缺工食養贍津貼其當差窮苦站丁各按典賣之民種滿十年

照該村屯租地寬減二成給該丁納租不准該丁奪地另佃如民人抗不交租照例徹地交站丁自種嗣後再有越界私墾及私相典賣者丁民一體治罪地價全行入官以示懲儆

又 諭戶部議奏特依順保請裁減黑龍江城官莊壯丁一摺所駁甚是已依議行矣黑龍江城官莊四十座歲交糧石以備兵丁接濟口糧等項之用特依順保率以兵丁疲乏爲詞請裁官莊十座計每歲積省牛具等銀不過一百四十餘兩而少收額糧至二千二百石若各官莊紛紛效尤必致有妨儲備特依順保此奏其中必有德惠之人著松甯查明黑龍江城所屬官莊實在情形特依順保究受何人欺朦妄與此議卽將特依順保及造議之人一併據實參奏

西清曰關外田土以响計一响六畝餘黑龍江亦然然廣狹長短大抵約略其數非如關內以弓步丈量爲準 黑龍江地利有餘人力不足非盡惰農也爲兵者一身應役勢難及於耕耘而閒處者又多無力購牛犁以開荒於數百里之外故齊齊哈爾等城不過負郭百里內有田土者世守其業餘皆樵牧自給或傭於流人賈客以圖溫飽而膏腴萬頃荒而不治會無過而問之者蓋亦勢使之然也每歲報秋成分數主者議率從少上官議率從多累日不定惟在上官能覈實情秉公酌斷其下雖欲取巧覲恩隙無可入不然恐訟挾制甚且上書告許齊齊哈爾曾有之此嘉慶八年事先是將軍那敏奏定分數從多主者請少之不聽曰使田開果多草賣草亦足抵穀何少爲協領五人不履陰遣入入都奏其事 詔部臣來省按問如所奏將軍罷去協領等以越分上書成奉天相傅朝使來流言將殺某協領某故達呼爾也同部者聚衆數百謀劫朝使某審計解之衆乃止城外呼一出令微涉不公機遂不測邊情可忽乎哉 齊齊哈爾墨爾根黑龍江公田養育兵官屯壯丁每名歲交糧二十三石呼蘭官屯壯丁每名歲交糧二十五石共交糧齊齊哈爾公田七千四百八十石官屯六千六百石墨爾根公田二千九百六十石官屯三千三百石黑龍江公田六千六百石官屯八千八百石呼蘭官屯一萬二千七百五十石此

通省一歲之所出也

道光元年 諭富俊奏吉林屯田移駐京旗開散章程一摺八旗生齒日繁而甲餉設有定額屢經籌議加增於旗人生計仍未能有裨補惟因地利以裕兵食乃萬年之長策富俊籌辦開墾阿勒楚喀雙城堡三屯地畝九萬數千响現已漸有成效茲據奏其地可移駐在京旗人三千戶酌議自道光四年為始每年移駐二百戶分為四起送屯該處預於道光二年伐木築室按戶給與房開地畝牛具經費等項逮及畿悉並移駐後添設官兵蓋房給地及該官兵升調挑補各事宜其計畫甚為周備均著照所議辦理其摺單著發交八旗滿洲蒙古都統副都統等各曉諭所屬旗人使知遷移之樂願移駐者各報名本旗屆期資送授產力田以厚生理不得以桀驁不馴之人充數致擾瀆風各該旗仍將報名之戶咨報戶部每屆年終先行具奏一次

又 諭伯麟等會議開墾伯都訥屯田一摺伯都訥園場經富俊親勘可墾地二十餘萬响該處旗人經雙城堡屯田挑派之後一時難以續派則兼用民人與附近旗人一同認墾自屬成功較易惟此項屯田原為移駐在京開散旗人而設將來移駐之後各分經界必須早為計畫使旗民彼此相安其未經移駐以前墾荒升科改佃各事宜皆當妥為籌計俾目前便於集事日久具有成規方足以共享樂利伯麟等所議應酌四條皆為事理之所有富俊於此事身親目擊自當稔悉利弊著再行確查審思熟計妥議章程具奏

二年 諭前據富俊等覆奏伯都訥屯田各款一摺當令曹振鏞等會議具奏茲據奏稱開墾屯田專為移駐京旗開散而設上年富俊奏定雙城堡章程經各都統等曉諭八旗迄今已逾一年願移者僅二十八戶恐十五年內移駐三千戶必有屆期展限之事所蓋住房不免先有開曠伯都訥移駐開散又在道光十八年以後計日尚遙其所需經費不能不預籌墊借是否亟應籌辦應請欽派大臣前往查勘等語雙城堡屯田計可移駐京旗開散三千戶今願移者僅二十八戶人情不甚踴躍若同時開墾伯都訥屯田為計太早且經費亦恐不敷所有伯都訥屯田一事毋庸派員查勘著富俊即行停止籌辦並飭令文

武員弁嚴禁民人私墾現在祇須專將雙城堡屯田妥為經理以期經久無弊至該將軍原議現在砍木備料自道光三年為始修蓋住房八百間以後每年蓋房八百間今旗人既觀望不前其多蓋房屋誠恐徒滋糜費著自道光四年移駐時計若干戶著有成效再行酌量情形覈實辦理

又 諭據富俊等明白回奏開墾伯都訥屯田情形一摺吉林乃我朝根本之地若因伯都訥開墾屯田招集流民耕種日久流弊不可勝言今該將軍等覆奏原議係由吉林現有納丁納糧民人認墾並非招集流民將來不必另籌安置於事尚無窒礙現在雙城堡屯田尚未墾竣且移駐京旗甚少何必亟亟籌辦俟將雙城堡辦竣後有成效再行議及開墾亦未為遲至另片奏請於開散旗人中二十歲以上五十歲以下果有父母兄弟叔姪等三口以上者均可算戶不必拘定要有妻室之人或願來者多等語亦恐窒礙難行現距移駐之期尚有二年將來呈報願往者或不乏人無庸豫為籌及也

又 諭松筠奏調劑雙城堡屯田情形將酌擬各款內先行覆奏二款請旨遵辦一摺所奏是吉林雙城堡開墾屯田移駐京旗前經松筠查勘情形奏請調劑已降旨令該將軍於到任後將陳奏各條逐加詳覈務期妥善茲據查明該處中屯地畝已經墾種之地共六千五百餘响應照六年升科之例令其納糧惟此項地畝內有因屯丁殘廢病故脫逃另補以致已開復荒續挑之丁到屯未滿六年自未便令其一體完納著該將軍詳細確查其實屆六年者著於本年秋收後按响納糧餘著暫行展緩俟承種屆滿年限再行照辦至修蓋京旗住房原不應豫借過多致有開曠損壞著照該將軍所請先按現願移駐京旗戶數修蓋住房此外均著緩辦將來京旗續有咨報移駐之戶由戶部知照該將軍再行興工亦不致遲誤松筠接奉此旨即移知富俊遵照辦理其餘各款松筠到任後仍遵前旨體察情形悉心籌酌務俾屯丁農務移駐京旗兩有裨益方為盡善

又 諭前據松筠奏雙城堡屯田情形請先移駐在京開散宗室並以雙城堡原議移駐京旗開散查有盛京養息牧及大凌河二處均可籌辦移駐本日軍

機大臣會同宗人府議奏宗室分駐吉林散處各屯諸多窒礙並據晉昌奏查明養息牧大凌河二處牧廠荒地勢難再議開墾各等語養息牧大凌河二處牧廠試墾不便情形嘉慶年間屢奉 皇考仁宗睿皇帝諭旨較飭彼時松筠會以此被議即不應於此時再行清奏且松筠現任吉林將軍實屬越俎該將軍固執前見不顧事理之是非意在必行其說所奏尤爲荒謬松筠著交部議處

四年 諭富俊等奏籌議開墾伯都訥屯田以備移駐京旗一摺伯都訥開墾屯田屢經該將軍等籌議具奏會降旨俟雙城堡辦竣獲有成效再行議墾茲據奏稱雙城堡三屯辦理完竣屯種戶口及本年移駐京旗無不耕作相安視爲樂土嗣後按年移駐已有奏定章程可循至伯都訥空閒圍場約計二十餘萬响荒蕪既久地甚肥饒且功效較費較之雙城堡事半功倍自應及時籌辦俾旗人生計益裕吉林伯都訥阿勒楚喀等處現在納丁納糧民戶生齒日繁均願認荒開墾無須另招流民該將軍即出示招墾並派員丈地分屯申費經界以道光五年爲始令其承種所有認墾牛具籽種農器著照所議令其自備每人准領地三十大响其互保章程升科年限租錢數目均著照所議行俟移駐京旗開散到日交京旗地二十响其餘十响作爲已產按數納租仍明白宣示認領之人並畫給地畝統於發給執照內註明至認墾之初墾井蓋房著照雙城堡章程按丁按屯給與銀兩准於雙城堡中屯升科穀價暨備用項下支領屆起租之年仍先行歸款所徵小租錢文即作爲各項弁兵書役工食紙張之用其有附近旗丁認墾者俟移駐京旗交地二十响餘十响作爲己業免其納租餘俱照民人一律辦理此項地响甚廣陸續招認一時人數尙不甚多所有詞訟及升科徵租各事宜即交伯都訥副都統督率理事同知妥爲經理仍設立保甲屯長互相稽查彈壓至將來招集人衆應否添設官員及京旗移駐時設官蓋房著臨時妥議具奏其每年招有佃戶名數領地若干及動用銀兩若干統於秋成後按年彙奏

薩英額曰道光四年將軍富俊遵 旨籌議復奏開墾伯都訥屯田奉

旨著照所議行違即咨行伯都訥副都統等衙門出示曉諭名其地爲新成屯分八旗兩翼每旗立二十五屯每屯各設三十戶以治本於農務滋稼穡八個字爲號每一字各編爲二十五號共計二百屯初報之戶積至三十戶爲治字第一號即令歸入鑲黃旗頭屯撥給地段墾種續報再積至三十戶爲本字第一號歸入正黃旗頭屯以後依號按旗挨撥周而復始八旗地界可以同時並墾五年已認佃一千一百二十七戶按八旗分撥四十三屯嗣據伯都訥委員勘丈新成屯開荒僅敷一百二十屯即將五年所招佃戶分撥字號均改每旗十五號六年認佃九百七十七戶分撥三十一屯七年認佃一千五百五十六戶分撥四十六屯前後綜計一百二十屯星羅棋布與雙城堡爲表裏旗無徵糧民有恆產將軍富俊爲生民計爲京師旗人萬世計也後之踵議屯田者得此卷以爲率由則事不難矣

九年 諭博啟圖等奏遵旨籌議雙城堡屯田事宜一摺上年據奕紹等會請富俊條奏雙城堡屯田請援照乾隆年間初次移駐拉林成案辦理當經諭令博啟圖等詳查妥議並查明現在移駐之戶是否足資養贍據實具奏茲據該將軍等奏稱從前拉林地方移駐京旗三千戶每戶給地三頃外有閒荒聽其招佃開墾其不諳力作者准其契買奴僕代耕此次雙城堡移駐之戶得地較少將來生聚日稠難免缺乏自應酌減原定移駐京旗戶數量爲添給地畝俾資充裕著照所議雙城堡原定移駐京旗三千戶改爲移駐一千戶將所餘二千戶京旗地畝四萬响添給一千戶京旗每戶酌添給十五响共添地一萬五千响本地旗丁三千戶每戶亦酌添給地八响三畝三分餘共添地二萬五千响計京旗旗丁共添地四萬响每戶京旗可得地三十五响每戶旗丁可得地十八响三畝三分餘通添地畝九萬响均予撥竣至此後生齒日繁需田添補前經富俊勤有大封堆外閒荒六萬餘响著俟將來奏明開墾接濟其京旗閒散素未習耕著准其契買奴僕註明旗册代其耕作或雇覓長工助其力穡所有應得地畝不准私行典賣務使各有專業以期經久

薩英額曰吉林官莊五十處壯丁五百名每壯丁地十二响共地六千响每壯丁交倉石糧三十石共交糧一萬五千石官牛三百條內歲應倒斃牛六十條買補倒斃每牛價銀各六兩七錢共應領銀四百零二兩嗣因連年被災收成歉薄每年應交糧石不足額嘉慶十七年將軍奏沖阿奏准將應徵丁糧以一萬六千八百石作為正額交納嘉慶二十一年將軍富俊覆奏准官莊五十處壯丁五百名內除逃故丁一百五十四名現有丁三百四十六名實缺丁一百五十四名共計官地及旗民私開毗連之地一萬五千二百四十八响三畝按地之肥瘠統令各按上中下等則徵收共計得糧一萬一千一百九十七石四斗五升令各丁赴倉交納較前定額一萬六千八百八十石之數多增糧五百一十七石四斗五升現定租糧較前甚輕以後每年只領一半倒斃牛價銀已足敷用每年可節省銀二百零一兩查出法特哈邊門外三道卡薩哩開荒招佃開墾取租以補缺額俟有認領之人即行升科起租俟能赴原額一萬五千石之時再行具奏

甯古塔官莊十三處壯丁一百三十名每壯丁地十二响共地一千五百六十响每壯丁交倉石糧三十石共交糧三千九百石官牛七十八條內歲應倒斃牛十六條買補倒斃每牛價銀各六兩七錢共應領銀一百零七兩二錢  
伯都訥官莊六處壯丁六十名每壯丁地十二响共地七百二十响每壯丁交倉石糧三十石共交糧一千八百石官牛三十六條內歲應倒斃牛七條買補倒斃每牛價銀各六兩七錢共應領銀四十六兩九錢  
三姓官莊十五處壯丁一百五十名每壯丁地十二响共地一千八百响每壯丁交倉石糧三十石共交糧四千五百石官牛九十條內歲應倒斃牛十八條買補倒斃每牛價銀各六兩七錢共應領銀一百二十兩六錢  
阿勒楚喀拉林官莊六處壯丁六十名每壯丁地十二响共地七百二十响每壯丁交倉石糧三十石共交糧一千八百石官牛三十六條內歲應

倒斃牛七條買補倒斃每牛價銀各六兩七錢共應領銀四十六兩九錢  
以上共原額地一萬零二百响共徵倉穀二萬五千五百石

吉林八旗及蒙古烏槍營旗地共九萬五千一百三十四响  
水師營地共二千二百二十六响

各驛站地共四萬九千九百九十七响

四邊門地共二萬六千六百五十二响

甯古塔旗地共六萬五千二百九十响

伯都訥旗地共六萬九千零十一响

三姓旗地共八千一百十六响

阿勒楚喀拉林旗地共三萬六千二百七十八响

琿春旗地共一萬二千零五十响

烏拉旗地共四萬零三百三十八响

以上旗地共三十六萬五千零九十二响無賦額

孫鼎臣曰我朝八旗以兵政寓民於京城內外按旗分給房屋於近京五百里內圈給地畝衣租食稅恩至渥也然歷年既久生齒繁而衣食絀列聖時以為憂當昌陵之季年議開奉天吉林等處荒地移駐京旗於是富俊松筠迭為吉林將軍首尾經營十餘年雙城堡之屯始成他未遑及而二公繼沒矣先是乾隆開御史舒赫德范咸戶部侍郎梁詩正請於盛京黑龍江甯古塔沿邊開屯議者多以為不便至嘉慶十一年諡曰京旗戶口日增生計拮据乾隆開以八旗人眾分撥拉林地方給田墾種迄今甚享其利今若將在京閒散陸續資送吉林以曠地撥給或自耕或召佃取租足資養贍乃命松筠富俊與盛京將軍和瑛會勘議行會吉林將軍賽沖阿奏秋收不豐而止十九年富俊為吉林將軍乃始奏於雙城堡設中左右三屯為移駐京旗之計雙城堡者吉林轄境也南北七十里東西百三十里西南為拉林河北為松花江地勢平行土沃泉甘其地俗以响計一日可犁之地為一响大响十畝得糧四五石多者七八石



一石準倉石二石有半四年十月富俊奏挑派吉林奉天旗人三千戶為屯丁官給耕牛農具籽種分中左右三屯為百二十屯每屯墾井二每井給銀十八兩每戶給蓋窩棚銀四兩撥荒地九萬數千响每丁給地三十响先開熟二十响五年後徵糧二十石移駐京旗到日撥給熟地十五响荒地五响通二十响餘十响荒熟各半給屯丁為恆產不徵其租後道光三年松兩戶屯丁撥給一戶京旗二地六十响內照原旗地畝之數每屯屯丁三十戶京旗三十戶中左右三大屯議移駐京旗三千戶每歲移駐二百戶願移之戶十月報部次年正月起程每戶戶部給治裝銀三十兩本旗津貼銀十五兩車馬皆官給到屯後戶給屋四間皆官建自道光二年始移駐二十八戶三年移駐三十一戶四年移駐五十三戶五年移駐七十七戶時墾熟之地已三萬三千一百餘响四年松蓋富松兩公前後數任始終其事閱時最久故規畫倍詳二公沒而當事者不能無懈京旗安土重遷往者益少其後協辦大學士英和猶以為言以為經始維艱宜推廣以竟成功而任事無其人矣方雙城堡之興屯也富俊欲推其法於伯都訥圍場以為募民開墾可得地二萬餘响較雙城堡事半功倍前後奏至六七上廷議以雙城堡屯務未竣且經費不足不能更及竟寢其事而松筠於道光三年任吉林將軍亦請開養息牧及大凌河馬廠皆嘉慶十七年故所勸地也良法美意雖未果施行而老成謀國之心條議區處之密與營平之在金城何異若夫成功則豈人之所能為者哉

咸豐二年 諭戶部奏旗民交產擬請量為變通一摺另片奏奉天旗地仍照舊例辦理等語向來旗民交產例禁禁嚴無如日久弊生或指地借錢或聽使長租願避交易之名陰行典賣之實此項地畝從前免納租稅原係體恤旗人生計今既私相授受適啟胥役人等訛詐句串等弊爭訟繁多未始不由於此若仍照舊例禁止殊屬有名無實著照該部所請除奉天一省旗租盜典盜賣仍照舊例嚴行查禁外嗣後坐落順天直隸等處旗地無論老圈自置亦無論京旗屯居及何項民人俱准互相買賣照例稅契升科其從前已賣之田業主

傳主均免治罪一切應辦事宜仍著該部妥議章程具奏

光緒八年吉林將軍銘安奏吉林為我 朝根本重地協佐以下各官皆係滿蒙世僕或為勤勞後裔製職當差或會效力軍營回旗揀補溯自咸豐二年征調頗仍官弁兵丁效命疆場者十居七八生還故里者十僅二三其戶口之彫零室家之窮苦有不忍形諸奏牘者若以昕夕奔馳之苦復有衣食內顧之憂不惟政體有虧抑且廉隅難飭即如協領應領俸銀一百三十兩扣成折放每年僅得實銀六十五兩佐防以次遞減一切公私費用均在其中實係入不敷出難免賠累查嘉慶咸豐年間經前將軍富俊固慶等先後奏准雙城堡自總管以下官兵撥給隨缺地畝道光年間經前將軍倭什訥奏准伯都訥自副都統以下官兵撥給隨缺地畝其三姓地方 奴才會同督辦甯古塔等處事宜太僕寺卿吳大澂於光緒六年十月間奏請自該副都統以下官兵撥給隨缺地畝業經仰蒙 聖鑒在案其餘省城各旗員均未奏請撥給同一當差苦累而隨缺地畝或有或無殊覺苦樂不均現在伊通等處奏明派員開放生荒上中之田人皆呈領下餘近山殘薄之地恐難保租一時難以招佃若將此項地畝撥作隨缺官田雖收成歉薄亦可略資辦公除各城副都統等前經 奴才奏准蒙 恩賞給津貼足敷應用及伯都訥雙城堡三姓等處旗員已有隨缺地畝均無庸議撥外所有吉林十旗烏拉伊通額穆赫索羅甯古塔琿春阿勒楚喀拉林五常堡等處旗員擬請按照雙城堡成案撥給協領隨缺地畝每員八十响佐領每員五十响防禦每員四十响驍騎校每員三十响筆帖式每員五十响領催前鋒每名二十响合無仰懇 天恩俯念吉省旗員辦公費絀准其一律撥給隨缺地畝以示體恤而資養贍之處出自 聖主逾格鴻慈如蒙 俞允請俟各處放荒事竣查明未墾地畝共餘若干應如何分撥再當妥議章程奏明辦理

十年黑龍江將軍文緒奏竊京城八旗人丁生齒日繁家計日窘諸臣屢有條奏曾經前任將軍特普欽於招民開墾之初在所屬遼河北呼蘭河南留劫平坦荒場一段約可酌撥京旗人丁三百戶嗣因附近居民漸有侵佔復經調任

綏遠城將軍豐紳奏請由該處旗營有力兵丁內先撥三百戶代墾建房置具  
爲數不貲擬請俟地成熟京旗丁到再請領款安插每戶撥地五十响以三十  
五响限七年後開齊交京旗管業倘屆時不到即令各該代墾之戶升科以三  
十五响歸代墾地戶管業至五年後以二十响照章每响交納官租錢六百六  
十文其餘十五响作爲代墾之戶已產於光緒四年派員按照留園內分安二  
十五屯編爲鑲白鑲紅正藍鑲藍四旗每旗安設五屯每屯撥駐京旗十五戶  
代墾十五戶所有京旗與代墾旗丁共六百戶均歸北園林子委協領管束等  
因奏明在案今前項留撥京旗人等之地經代墾之戶已經開齊明年即到交  
領年限其代墾之戶地畝本年已屆升科之期自應先期奏明核辦查原議從  
減每戶蓋房穿井置備牛具銀二百五十兩有零以三百戶計之當需六萬一  
千五百餘兩其由京起身沿途資斧尙不在內查江省素鮮出產僅有租稅兩  
款爲數無多全數抵充官兵俸餉每歲不敷尙須外省協撥實係無款可籌惟  
有請 旨飭下戶部與八旗都統從長合議如能籌款酌撥旗丁前來領地安  
插應將銀兩先行發給以便購料建房置辦一切再行詳細據實陳奏以免臨  
時貽誤

又奏竊奴才等前因呼蘭代墾京旗地畝屆限曾經奏請移撥副准戶部咨稱  
會同八旗都統議奏僅銀黃等四旗十戶願往行令建蓋房屋置備牛具等項  
應需銀二千餘兩由該將軍籌款給發作正開銷等因咨行前來茲據呼蘭副  
都統咨報原撥京旗十戶內鑲黃旗護軍保興一戶二口據稱在京未來外其  
餘九戶用車接替於十月初五日已來北園林子旗營距地所不遠時值隆冬  
奴才等體察該旗丁等均係寒苦初到地所一切購辦無資自應寬爲籌備使  
新到者相安續來者踴躍即於每戶並給給小米一石高糧米一石粳米五斗  
秣稻一千捆足供半年之用俟開春到屯後即令代墾之戶將熟地三十五响  
交其查收自行耕種不准出賣第墾種之事究非該丁素尙必須日將月引使  
之漸習操作兼不廢弓馬騎射方爲妥善該丁等既享耕牧之利而以時講武  
歸旗當差庶可奮其心志現已咨覆該副都統轉行妥協領查明此項旗丁內

有成丁子弟遇有該營甲缺即行挑補其在京會充驍騎校護軍年力尙壯堪  
以當差者迅速呈報擬即以該營相當缺出按照旗分挨次改補惟北園林子  
僅有兵缺二百分該處旗丁甚夥陸途本窄將來三百戶到齊更覺丁多甲少  
若不因時制宜稍爲增益勢必壅滯擬請在該營加添甲兵一百名歸公一體  
挑放庶期兩有裨益惟代墾成熟之地尙有一萬零一百八十五响該旗丁前  
來沿途既有地方供應僅不過一往之勞自必有樂願續來者合無仰懇 天  
恩飭下戶部與八旗都統再行妥議擬移若干戶先行知照以便豫籌備辦免  
致有誤

三十一年盛京將軍趙爾巽奏旗民向禁交產行之既久弊害滋多請將奉省  
旗地旗房不准民人典賣舊例 恩准刪除以期旗民交益

徐宗亮曰黑龍江省初無田賦旗屯官莊按兵丁原額歲交倉糧惟齊齊  
哈爾呼蘭墨爾根黑龍江四城有之呼蘭民墾既興則有地租按响納錢  
亦猶田賦之類

齊齊哈爾承種公田八旗養育兵三百二十名水師水手二十名舊官屯  
壯丁三百名新官屯壯丁一百十五名每名額糧二十二倉石共額糧一  
萬六千六百一十倉石

呼蘭承種公田舊官屯壯丁五百一十名新官屯壯丁一百九十名每名  
額糧二十二倉石共額糧一萬五千四百倉石

墨爾根承種公田八旗養育兵一百八十名官屯壯丁一百五十名每名  
額糧二十二倉石共額糧七千二百六十倉石

黑龍江承種公田八旗養育兵二百七十名水師水手十五名官屯壯丁  
四百名每名額糧二十二倉石共額糧一萬五千七十石

以上四城官莊共六百六十六所官牛一千六百六十五隻定例收成六分  
以上額糧滿交一分至三分額糧全額仍分別接濟三分以外額糧全額  
亦不接濟四分以外額糧額十分之四均於夏季查明分數咨部立案應  
接濟者大口月糧二倉斗月銀三錢小口減半或八個月或九個月分起

遞給底餉坐扣將軍當於冬季奏明銀由 盛京戶部借撥起解糧由各  
城倉存勻放布特哈城及南北各站向無公田者亦均分別接濟計光緒  
二年三年四年五年七年九年十二年十三年各城均請接濟每年銀多  
至八九萬兩少亦至三四萬兩倉糧在外五年以前陸續奏請豁免抵扣  
奉 旨允准

按黑龍江省旗屯之設始於康熙二十五年 詔令出征羅刹官兵同漢  
軍披甲在墨爾根黑龍江等處資為駐防雍正十三年續移奉天開戶旗  
丁於呼蘭設屯乾隆十年郎中富明安條奏黑龍江等處兵丁生齒日繁  
請照呼蘭設屯之例再加推廣四城之設旗屯大率皆在乾隆中葉以前  
其屯地初以黑龍江為腴後以呼蘭為腴墨爾根齊齊哈爾則皆次焉所  
播穀種無稻餘皆有之而以糜及高粱為多且佳屬色黃粒細即小米之  
類高粱色白粒巨充飢尤足土人常餐恃此兩種其各屯交糧則惟以糜  
為主收分既定由各屯官按丁催納就各城官倉車運交數各倉官監司  
其事遇有撥用各城副都統咨商將軍核行歲終報部著為定例邊地與  
屯古今第一大政富強之效歷有明徵當黑龍江省初定 廟謨注意於  
此至深且遠繼世因之遂有倉屯之設說者以為屯利如此使移京旗丁  
戶逐漸興辦實安內攘外之道何以嘉慶道光開名公卿即建此議迄不  
能行則固有說蓋四城之有屯丁由 盛京吉林省移徙時風氣樸厚習  
勞耐苦不以耕鑿為艱百餘年來世服其業不特有資公用亦且取盈私  
蓄較之索倫諸部落游獵採捕轉為利多害少至各城兵丁坐食俸餉類  
成游惰差操一切均等其文又自練軍興起俸餉加優一飽之外更無奢  
望終日城市之閒游行自如孰肯從事墾畝受手足胼胝之苦即使刑驅  
勢迫斷無成效可期况如京旗之生習繁華養成驕逸者乎光緒初年開  
辦呼蘭民墾特留上腴响地以備京旗移墾續經京旗撥發十三戶到屯  
在京有行裝資給在路有驛站供支在屯有廬舍井窰在地有牛力籽種  
籌備於半年以前費金至數千以上曾未一紀并妻子相率而逃莫可蹤

跡僅餘三戶在屯泣求將軍咨回京旗如邀敕政部議未准亦終必亡而  
已詳考設屯初意重在固本實邊交糧一事不同內省錢漕即如光緒一  
十三年之中鑄至八年其五年之中所交糧數不及三十萬石而接濟銀  
款已至三十餘萬積存之糧尙在其外雖有扣抵底餉之奏終歸遊 恩  
豁免 朝廷之於根本重地優厚無極萬年足食其報無如吏治人心頹  
廢日共當其查報分數將軍派員會同倉屯站官以有作無以少報多已  
不能免及至分散銀兩銀庫戶書上下其手各該管官從而侵蝕其真得  
接濟實惠十不及五上損於 國下損於民獨利歸於中飽固不獨黑龍  
江省為然矣齊齊哈爾墨爾根黑龍江三城額糧略同而呼蘭最少乾隆  
十年御史台柱奏請將呼蘭官屯糧石歲撥一萬運存各城以備緩急其  
後續有增減轉運至今

呼蘭城八界賦地三十二萬五千八百五十七响六釐由副都統派員經  
徵

呼蘭廳城七段賦地二十二萬四千二十五响三釐六分六釐五毫七絲  
由同知經徵副都統督催

綏化廳城五段賦地二十萬七千五百九响二釐八分五釐五毫七絲由  
通判經徵副都統督催

北園林子武營代墾京旗賦地一萬六千一百八十五响由委協領佐領  
經徵副都統督收

以上三城四區賦地七十八萬响有零每响納大租京錢六百文支抵俸  
餉悉歸奏銷以光緒十三年計之大租共徵京錢四十六萬餘串內以二  
串五百作銀一兩奏定有案

東三省政略紀奉天旗地 奉省旗地糧租有歸旗倉經徵者有歸旗界經  
徵者又有歸盛京內務府並 三陵官莊等衙門經徵者旗倉除金州外共  
計 盛京 興京遼陽熊岳蓋州復州岫岩鳳凰牛莊錦州廣寧義州甯遠  
開原鐵嶺等十五城倉從前 盛京內倉設有監督外城各倉設有倉官專

開原鐵嶺等十五城倉從前 盛京內倉設有監督外城各倉設有倉官專

2

司出納其額徵地畝曰草豆地米地銀米兼徵加賦地草豆米地兩項由各城協領守尉督飭各旗界承催銀米兼徵加賦地由民員承催銀米署米交旗倉所徵米草束專爲撥放官俸預備荒歉及祭養祭祀牛羊之用此外尚有海運倉額徵牛運米地向係派員經徵與三陵官莊衙門所屬莊頭呈交牛運黑豆向應運交通倉前將軍趙爾巽奏請將此項米豆永遠改徵折色按年解部復奏請將內倉監督並外城各倉官一律裁撤改設倉務總局委員經徵並將海運倉事宜歸併該局辦理 與京改設倉務分局由地方官兼辦甯遠局改歸路記經徵其餘各倉由各該城協領守尉分別經徵至各城旗界額徵地畝曰餘地升科地曰伍田官兵隨缺地其升科餘地兩項租錢向解由該城協領守尉存儲旗庫備撥兵餉伍田租銀批解司庫隨缺地租銀均歸旗員兵丁收取以資津貼所有官員隨缺應完地糧卽在各倉額徵之內其盛京內務府額徵莊頭地曰草豆地米地餘地莊地之外又有伍田並升科地均係該府派差催徵草豆米地兩項折徵銀兩與餘地租錢向由該府截留散放食辛者庫人丁口糧伍田並升科地租銀錢向應解庫充餉又三陵官莊衙門額徵莊頭地亦分草豆地米地餘地三項其徵收科則與內務府同此外又有升科地銀米兼徵地應徵銀錢均由該衙門派差催解庫充餉該官莊另有應徵莊糧稗鹽並運通豆價銀兩此係各莊頭應交差徭不在地畝糧租之內他如錦州大凌河新收糧銀地本係牧廠前將軍增祺奏准收價丈放升科暫將其地歸副都統徵解奏裁錦州副都統將前項地畝糧銀飭由旗務司暫行派員徵收惟奉省旗地章程與民地迥不相同其積弊亦較民地爲甚如旗倉地畝有地在城外而入內倉納糧者卽外倉亦有地在他城而歸此倉經徵者內務府並三陵官莊衙門經徵各項地畝亦多坐落外城一處之地管轄互異一處之糧地分數城且一城所屬地畝承催旗界多則十餘界少亦八九界錯雜糾葛頭緒紛繁各倉應徵草豆米石惟內倉草豆折徵錢文其餘均應按章徵收本色無如人情習於便利無不折徵錢文而留價存倉見諸冊報者仍係本色之

名內倉及與京倉放款較多所徵米石僅敷撥放尙無侵虧其餘各倉每年撥放官俸有限餘存米石非有災賑概不提糶年復一年積款既鉅遂致虧挪侵蝕之弊其升科餘地兩項制錢本可提解司庫而該城協領守尉輒以外城錢價與省城市價懸殊折合批解難免虧短不願解省積久生蠹其虧蝕之弊與旗倉同外城倉庫歷年存款虧短繁業有因公挪用者有界催拖欠者有存商倒欠者以致正款虛懸清釐不易至各旗界承催糧租往往捏完作欠以多報少每年應徵課賦有遲至二三年後尙未報完者其有已經報完之款被界催等拖欠乾沒迄未呈交倉庫者且私墾無課之地所在皆有各旗界多私收黑租不呈報雖由地方官辦理清賦而各旗界多方隱射輒以無糧黑地指爲有課之地蓋以民署無冊可稽故聽其弊混莫可究詰竊思既改行省化漢滿畛域則徵收錢糧似不應猶有旗署民署之分如奏明請將內外城倉界各項旗地統歸民署經徵所有界官一律裁撤並一律改徵銀兩批解司庫斯積弊爲之一清否則僅將米地改徵折色其升科餘地制錢亦改徵銀兩以便按年提解斯倉庫正款不致再任侵虧是亦補救之一術也

又紀奉天地畝 奉天旗地合官兵隨缺伍田莊地牧地以及紅冊升科餘租等地計之考其總數實占全省地畝之大半地段四至冊載甚詳年代既遠旗丁與農民互生轉轄復又官私隱匿積弊遂深繼以辦理清賦任民首報冒領益多應爲明正經界分別辦理凡在旗地四至以內者如有浮地仍照旗地定章其在旗地四至以外者卽按民地辦法界限既清轉轄自免矣且旗地浮多十居六七如果普行清丈分別價領不難巨款立籌以之籌辦生計廣教育興實業必無不足惟事關全局未可輕易舉行至旗地租額定數其徵不及民地十分之一二而官兵隨缺地租其數尤少且有不照定章交納者應查照民地按畝酌增私益公固無傷於政體也尤有要者計口授田其勢不可行矣今惟有恢復舊制旗戶領名之一法應將旗地按照官冊一律清查現有原戶自種者卽歸其執業或有他戶佃種者則復其領名

各發執照照章納課惟仍作官地論領戶不過享有地主應得之權論選舉資格得作產業此指紅冊等地言之也而官兵隨缺等地亦可仿照辦理以爲旗人自立之初蓋紅冊地者本舊日旗人之私業改紅冊地皆係領名隨缺地者又今日旗人之公產恢復領名之事名正言順固無煩疑慮者也

又紀黑龍江地畝 江省土地廣遼村堡寥落往昔部落時代多恃游牧爲生不知耕作本務自 國朝戡定朔方奄有領土兵力所至即疆域所歸當時但患旗兵之不諳稼穡於佔地授地從無限制是以旗丁趁解甲牧畜之暇從事耕作有之僱人佃種坐收租利者有之嗣後漸在呼蘭通肯一帶設立屯站撥給田地而各外城之官兵亦知物產爲殖生之本於是各撥隨缺地以資辦公庚子以後署將軍程德全慨地利之不與與民生之困苦始倡放荒之議凡旗人自種之田一概不收押租作爲永業賣與民人之田由民人交價亦爲民人永業又復變通各台站屯丁之地是爲清查旗地之始其八旗生計之艱者莫過於附近省城一帶承平既久生齒日繁坐耗口糧習爲游惰自丁兵劫物力愈艱而各旗協佐尤爲清苦且素無隨缺地畝益覺向隅以故世昌於光緒三十四年春奏陳江省旗丁生計情形並酌定辦法清丈附郭荒地詳查省城無地官兵計口授田藉蘇其困以省城無地官兵人數合之所丈之地不敷計授復於宣統元年春奏請將嫩江迤西未經放出之地酌留數段添爲無地官兵生業仍恐不敷撥給擬令原領附郭荒地之戶照繳荒價如有延不繳價者酌酌情形分別撤佃以其地補給閒散官兵其呼蘭巴彥蘇蘇北林子隨缺地畝當日辦法無卷可查現由各該處大租項下分別辦理俾沾實惠江省厥土黑壤草根沃厚雖開闢稍難而種植不須肥料若能勤力耕植立見豐饒較之內省力田實有事半功倍之效况值強鄰內迫我不自謀人將起而圖之所昕夕孳孳於此者又不僅在富民也

又紀吉林旗地租 吉林田土多屬旗人而耕種者仍多民人年代久遠民

人有地漸多先時旗地多不納租及地屬於民而亦無租可納此旗地所以有升科之舉也乾隆四十六年戶部議覆索諾木策凌等查丈流民私墾地畝仿照山東科則定賦辦理一摺原奏內稱流民私墾地畝於該處滿洲生計有礙是以照內地賦則酌增以杜流民佔種之弊又定匪報之令凡吉林民人私墾續增查出者每畝徵銀八分仍在旗倉納米二升六合五勺五抄以懲匿報之弊著爲令此時旗地尙未納租也至光緒二十八年將軍長順奏稱吉林旗地向由旗人自占永不升科近數十年旗民私自交產大半歸民墾種佃戶亦輾轉兌賣幾至無可根查往往考諸司冊戶名依然而產業已更數姓旗充有地之戶生計日絀民種無租之地欺隱愈深誠爲一大弊竇已令將通省旗戶自占之地出賣之地及站丁官莊各地悉行報明派員查丈一律升科於是通省旗地始莫不有租其升科章程每响徵錢六百文三十三年吉林設立度支司前戶司所掌田賦租稅移歸度支司管理其移交檔冊至三十四年旗署額徵及九次升科地歲徵大租錢三十一萬四千二百四十九吊三百三十六文現在吉林荒務尙未報竣因先將已報者著於篇

宣統元年東三省總督徐世昌署吉林巡撫陳昭常奏旗戶續報地畝作爲第九次升科略稱吉林於光緒二十八年奏請設局舉辦民田清賦旗地升科兼放零荒以裕餉需所有各屬旗戶原無錢糧之地陸續查報共扣實納租地五十二萬零八百三十五响零十分均自光緒三十一年起照章升科征納租賦業經前署將軍達桂等先後八次開單奏報在案迨吉林改設行省等接辦後當即督飭局員趕緊清釐分催查報茲據各屬旗戶續行報出原無錢糧應行升科地二萬二千四百五十二响五畝四分遵照奏定章程按七成核扣其實有納租地一萬五千七百一十六响七畝七分八釐仍令自光緒三十一年起一律照章升科每响交納大小租錢六百六十文每年共應徵大租錢九千四百三十千零零六十六文由各該旗署經征報解抵餉仍遵光緒三十年部咨據實分晰開單報部免再造冊俾省繁牘其未清出之民田未經報明之旗

地暨尚未勘清之零荒仍嚴行督催認真清釐作速勘辦俟積有成數再行陸續具報

又東三省總督錫良奏派員清理旗地辦法略稱查奉省八旗官兵隨缺伍田馬廠園莊等地總計內外城旗三陵官兵及內務府各處所屬總額約有百五十萬畝之數均係招佃承種歷年既久盜典隱佔積弊甚深雖有官存冊案四至段落僅載大略非設法清釐普行查丈不足以重官地而保旗產上年特派委員實行清查先由內城旗地試辦按冊查地按地發照凡在四至以內無論正額浮多照章查報統歸旗地不與清賦相混酌收照費以資辦公辦理尚無窒礙現應推及外城一律照辦並擬將內務府園莊各地清出浮多分別丈放所收此項地價及各地照費除開支辦公川資經費外統飭另款存儲專為籌辦八旗生計之用業已妥擬章程派員分辦一俟辦理完竣再行詳造清冊咨部

東三省政略紀墾務規制之異同 奉省地畝名目繁多墾務規制因之複雜各墾局歷辦規制其大要查奉省歷次墾務將應放地畝奏定派員逐段查勘籌擬章程奏明立案示諭居民在出放界內適中之地設立總局如西流墾局設西豐縣東流墾局設東平縣官莊墾局設錦州府牛莊墾局設營口彰武墾局設彰武縣鳳凰墾局設鳳凰廳總以市面流通為收價存款之根據地總局外附設分局或一二處至三四處如官莊之平正兩分局分駐錦屬各州縣西流之平正通達四分局分駐各圍彰武分局分駐於大廟皆由各墾局出放地畝面積寬廣各繩丈地總局稽查難周故添設分局就近督飭清理其總局內例派總辦幫辦提調等名目皆視事繁簡酌定其次有司事書記局役繩夫等類分任其事省城為綜核之地向設墾務總局總司其事泊光緒三十三年頒定官制始裁總局隸度支司其各荒繩丈之法以五尺為一弓三十八弓為一繩二百四十弓為一畝二百四十畝為一方行繩開丈先將應丈地畝勘明段落分派監繩委員馳赴各段傳集地戶指明四至挖立封堆標杆督同繩役逐段丈量熟地責成每員每日丈量大

段一千二百畝為率零段三十號為率生荒日丈八方丈或由監繩委員繕列字號分別上中下三等繪圖送局即日發給地戶小照或丈單以憑交價至如東流清丈彰武清丈係丈浮多地畝如前會交過地價者仍按畝撥留事最繁瑣丈時須由監繩委員驗明契照按所載四至滿丈丈竣則按契載畝數照額撥留餘作浮多地形方及東西長者以西為浮多南北長者以北為浮多或一地而兼二則者以次則為浮多即按次則收價使不得高下其手封堆標杆必待總局抽查後始毀至放領辦法首禁地戶包領大段然亦視地勢肥瘠領戶多寡隨時變通如彰武荒地僻處邊隅一望無際不能不從寬開拓兼并包領以待招徠東西兩流圍荒地沃行民皆爭領則嚴定限制以期普及熟地則有一定不變之法如錦州官莊先准莊頭承領莊頭無力則准佃戶牛莊葦塘先准葦商承領葦商不願則准佃戶此乃丈放官地辦法又俗語有佔山戶創山戶之說佔山戶即開荒原主創山戶即原墾佃戶若丈此項熟地無非私佔私墾放領辦法先准原戶價領原戶無力方准佃戶價領此外如遇學田廟產公共牧養等項地畝仍歸學堂廟宇公會價領其民間所佔房園墳園各地無論原戶佃戶或典售而來概歸現佔戶價領其有應放之地漏未繩丈則由民間呈請補丈隱匿不報被人首報則歸首報者價領惟出放地畝土脈既分肥磽定則宜分等次故丈放生熟地例定為上中下三等地膏腴者為上等平行者為中等窪下而兼有砂礫者為下等其次又有砂礫城片草甸河套之類概定為最下等視地收價以別等差大凌河墾局章程上等熟地每畝收庫平銀二兩一錢中地一兩四錢下地七錢最下地二錢八分城鎮基地畝不分等則每畝收價銀十兩嗣錦州官莊錦屬歸公牛莊葦塘鳳凰葦塘東流清丈等局皆做行之然奉省幅員遼闊南北地勢既分遠近領戶招徠尤有難易收價又未能從同如原放東西兩流圍荒草萊初開領戶不前故先從寬大入手每畝概定為一兩二錢不分等則而彰武則僅分荒熟兩項熟地定六錢六分生地三錢三分亦不分等又盤蛇驛所丈之地地勢窪下成熟頗少熟地做照大凌河辦

理僅分上中兩等生荒則分上中下三等上生荒畝定價銀一兩四錢中等七錢下等二錢八分至各蒙荒價章程尤與以上墾局未能一律其法以每十畝爲一响亦分上中下三等每响上地收銀四兩四錢中地二兩四錢下地一兩四錢城鎮基地每方丈收銀三錢又地價外每十兩隨收經費銀一兩五錢以資局用外有照費一項亦隨地價並徵如官莊墾局每畝收銀一分彰武清丈每畝收銀六分牛莊董塘東流清丈鳳岫山荒各墾局皆各收銀五分蒙荒每地一方收銀一兩此項爲備刷票照之需餘款歸公若開放蒙荒則又與內地官產招墾情形迥不相同蓋蒙荒雖備藩疆固而人民土地要有自主之權非予以相當利益勢不能就我範圍故奉省開放蒙荒有平分地價之議原放札薩克領國公旗蒙荒定章收價分爲三等上每實荒一响收荒價銀四兩四錢中等二兩四錢下等一兩四錢均以一半作爲報效一半撥歸蒙旗各該旗收受荒價仍按十成以四成歸各旗王公以三成五歸台吉壯丁以二成五歸廟倉人等此係蒙旗放荒奏明成案其各旗協理印軍護衛台吉等實皆把持荒務各王公坐擁虛名受制羣下迭次商令開荒王公率聽命於屬僚不免有肆意要求多方抗議之舉不得不預籌津貼以償其欲按照放地若干量予撥付仍從放荒價項下取償之至開放蒙荒定章六年升科每响收中錢法中錢每半六百六十文以二百四十文歸國家以四百二十文歸蒙旗城鎮地每方丈徵租中錢三十文以十五文爲設官經費十五文歸蒙旗爲歲入之款該蒙旗仍以一半歸各旗王公一半分與各旗所屬例由新設地方官催收照數分撥比年洮南府所屬蒙漢雜處樂利相安與內地無異凡旗界內公共園寢禁地佛寺廬墓及台吉壯丁等原站房地定章皆量爲留出以免遷徙蒙民雖以游牧爲生而亦間有私佔私墾之事若令交出另放於蒙民生計有礙故定章台吉留地四方壯丁留地二方按每方以四斯仍無妨於台壯等游牧耕種蓋體恤至完善矣

又紀奉天民地租 奉省民界起徵各項地租名目繁多與內地異然各有定額各有考成較之旗署經徵各項自覺整飭夫同一地畝而或收銀或收錢或折米豆草束似屬糶糶然當定額之初尙無民官皆由旗署經徵彼時旗俸旗餉均恃各省協款故田賦之輸入甚輕銀錢以資津貼米豆草束以供祭祀備荒款而已嗣後既設民官不能不職思租賦因對各項地畝歸民署經徵而徵收之法一時未能驟變今總舉各項地畝之名目曰紅册地曰全徵銀兩地曰退園米豆地曰民人餘地曰加賦餘地曰首報私開地曰續增首報地曰民典旗人餘地曰永遠徵租地曰暫行徵租地曰寡獨養贍地曰東邊升科地曰東邊董塘地曰東流園荒地曰西流園荒地曰錦屬二十二處歸公地曰科爾沁領國公旗荒地曰札薩克圖王旗荒地曰續放札薩克王旗餘荒地曰彰武升科地曰盤蛇驛牧廠升科地以上各項地畝如紅册地則銀米兼徵退園米豆地則折銀民人加賦餘地首報私開地永遠暫行徵租地民典旗人餘地則均銀錢並徵全徵銀兩地寡獨養贍地東邊升科董塘地東西流園荒地錦屬歸公地彰武升科地盤蛇驛牧廠地則皆徵銀蒙荒地則皆徵錢所徵銀款專備開支俸廉役食等項其退地米豆折銀則應解部餘皆批解司庫抵充俸餉米石存倉備賑其後與仁縣改爲撫順縣移治撫順四旗界內旗地有與京倉草豆地有內倉及與京倉米地又有餘租升科官兵隨缺各地因奏請改爲民署經徵遇有買賣即照民地稅契其糧租科則雖與民地不同相沿已久故仍其舊所有四旗界官一律裁撤若昌圖所屬各縣半係蒙地從前借地設治而糧租一切仍歸該蒙旗設局徵收地方官第爲督率無徵收之責然蒙局辦理利葛糶生糶訟糶案皆須地方官爲之訊判每遇欠租成訟既無簿册可稽蒙局又往往恃勢武斷視爲常事推原其故殆由從前民地無多平原曠土所在皆是而園場牧廠等處又復禁人開墾歷年所辦墾務及民人所開地畝每成片段升科後卽立一名目而旗人私典之地改爲民地者亦復不少公家查知卽立一名稱而徵銀徵錢徵米豆草束亦隨時而定近來所辦墾荒及民人升科地則往往徵銀蓋已知米豆草束亦隨時而定近來所辦墾荒及民人升科地則

故不復徵錢以期漸歸一致比年以來開拓蒙荒日益繁多如遼源洮南一帶蒙地均次第開殖將來地利日闢足爲固圍殖邊之本區區租賦所入猶其未焉者也

又紀吉林民地租 吉林自雍正五年設永吉州十三年田賦之額始著於冊乾隆十三年改設同知十四年奏分三則徵銀原額徵陳民地四十五萬四千零五十五畝分別三則銀米各半徵收共徵銀五千一百五十一兩五錢四分米一萬一千三百三十三石三斗八升八合折徵銀一萬一千三百三十三兩三錢八分八釐徵陳民流民報墾地十九萬九千五百九十八畝不分等則徵銀一萬五千九百六十七兩八錢四分米八百八十三石二斗二升二合折徵銀八百八十三兩二錢二分二釐人丁二萬四千八百六十四徵銀三千七百二十九兩六錢嗣後改升府治添設伊通州敦化縣劃撥伊通州丁銀一千四百零九兩四錢九分敦化縣劃撥丁銀四兩七錢九分四釐光緒九年將軍銘安奏准自本年爲始攤丁入地每地一兩攤丁銀一錢零九釐六毫三絲而納租民地每响徵大租銀一錢八分小租銀一分八釐歷年徵收租賦由戶司管理迨後清賦放荒逐年徵收大小租賦遂較之國初時原額爲多吉林改設行省通省錢糧租賦爲度支司專責其由前戶司移交檔冊凡歷年額徵地丁大小租以及地丁耗羨列爲總數每年計額徵民地大租銀十九萬九千五百一十八兩又小租銀一千一百三十兩又地丁銀八萬五千零零二兩四錢三分五釐零五絲又地丁耗羨銀六千一百八十五兩向章十月開徵次年五月底清完惟通省原額荒地從前每响徵銀一錢八分光緒八年奏改銀錢兩便其續放各項荒地旗地均係每响徵錢六百元所徵銀錢如數解庫抵充通省俸餉

又紀黑龍江大租小租 黑龍江之有租賦始自咸豐十年呼蘭一帶開荒弛禁聽民墾種每响納京錢一吊予以憑照謂之押荒升科之期以地則爲準或三年五年不等每响歲納京錢六百元是爲大租奏定以二千五百文作銀一兩未屆升科之年每响歲納京錢六十文謂之小租以供善後公用

嗣此續放各荒每响收押租至二千五百文未升科以前不徵小租升科之年與大租一併輸納大租併入協餉項下支抵官兵俸餉小租以七成解省三成留充地方公用至光緒三十二年全省應徵租地已在一百四十萬响以上至三十四年則增至一百五十萬响以上若預計此後四五年已放之地均屆升科之期全年租賦當不下二百餘萬江省度支必不至拮据如今日惟歷年開征之期均在十月光緒三十四年全年租賦各屬尙未報齊無從得其確數僅據三十年徵收之數以資攷證云



皇朝續文獻通考卷九

田賦考九 八旗田制

駐防莊田

乾隆五十七年 諭據長麟奏請將太原駐防滿兵絕嗣入官地畝仍賞該營作為養贖孤寡之項等語長麟所辦甚善已於摺內批准此項絕嗣地畝入官亦祇空閒若賞給駐防兵丁養贖孤寡於旗僕甚屬得益著傳諭各省駐防將軍大臣等均照長麟所奏辦理查明業經入官地畝俱撤出賞給駐防兵丁作為養贖孤寡之用嗣後再有入官地畝著留該營以備添用

臣謹案旗戶絕產沒入於官此變例也長麟奏請此項地畝仍賞給該營兵丁以資養贖其所以惠旗人者至矣

魏源曰伊犁屯田向惟綠營及回漢屯丁自嘉慶九年將軍松筠奏言伊犁駐防之錫伯營向無官給口糧均係自耕自食生計有資迥異滿營之拮据近日八旗生齒日繁上年酌派滿洲閒散丁三百六十名官給牛隻器具分地試種秋穫十分有餘已有成效惟係通力合作未免視為官產久而生懈應照錫伯營屯制按名給地永為世業並諭以地即種成將來亦不奏裁口糧毋庸觀望滿營旗人聞此始皆欣然領地耕作十七年將軍晉昌復奏言伊犁旗屯之田有已分未分二項其已分田二萬四千畝係松筠奏明分授八旗每旗三千畝其未分田二萬畝離城較遠每年專派佐領督率八旗閒散丁通力合作添雇回子流民將所收糧公貯分給貧乏請照松筠章程分給八旗閒散自行營業不準招佃耕種以滋流弊再仿松筠前奏於公地之南督築數堡每堡蓋屋百所以駐屯丁教之樹畜農隙講武以收兵屯兩益此新疆駐防旗屯之成效可推行於畿輔及留都者

道光二十五年經額布奏略稱恭讀 上諭當即派員前往雙城堡確查並咨阿勒楚喀副都統 果升阿就近體察情形各抒所見以便參酌辦理旋據委員稟覆 等逐細酌擬謹為 皇上陳之一奉 上諭內此項地畝雇民代墾

或私行租佃將來必致悉為流民所據移駐旗人轉致無地可耕等語查議立雙城堡撥丁三千名開地九萬畝次設新城局招民三千六百戶開地十萬八千响均按每個墾荒三十响奏明俟移駐京旗時撤出二十响留給十响此次該堡大封堆外之荒亦宜照每戶三十响飭墾將來亦撤地二十响留給十响即於認佃執照內載明是旗得三分之二佃得三分之一不致悉為民占如該堡續到京旗自有原留徵租之熟地給領且請墾三萬响之外尚有二萬餘响之荒封禁若雙城堡移足一千戶之後另有新城局之地可以移駐並有八里荒地二萬八千餘响毗連新城局亦資安置京旗通盤籌畫似不致京旗無地可耕至私行租佃或不免第一經查出照例追地入官民亦不能占據一奉 上諭內該處附近納丁陳民有無外省流民錯雜其閒應如何設法布置之處未據切實聲明等語謹查雙城堡有無流民潛往按年奏報近年以來認真挨查民知禁令不敢容留其大封堆外居住納丁陳民五百六十五戶中亦僅止二戶雇有本地陳民各一名此外均無雇工並無錯雜一奉 上諭內勿使膏腴沃壤任民佃稍有侵欺尤不可敷衍一時致京旗仍虞貧窮等語謹查招佃開荒地有定數民佃官地勢難侵欺如或侵欺鄰地自有地主不容若或盜典偷賣亦有入官之例是侵欺之弊似無足慮該處本係沃壤一响之地豐年穫糧八九市石即以八石而論每石至賤亦值銀三錢計三十五响得銀八九十兩八口之家用度綽有餘裕京旗能聽從力田數年之後不但可無貧窮且宜歲有盈餘若仍溺於怠逸是自棄生成惟有繩之以法而已一如部議開地三萬响即設一丁可種十餘畝附近陳民安得二三萬人通力合作實難保無流民影射久而占據一節查雙城堡新城局屯田每個墾地三十响此次照辦不過用佃千戶一戶四五丁不過四五千人無須二三萬人之多如八里荒共地三萬三千餘响查止民佃五百九十八戶是為明證且佃不識多者為將來撤地故也見查大封堆外納丁陳民雖止五百六十五戶壯丁一千五百餘名以男婦大小而論不下三四千人且拉林阿勒楚喀附近陳民生齒日繁皆少地種一經招佃不患無人佃須的保又須資本外來流民無保無資並無房井

器具不但未能領地且本處陳民亦勢不能相讓影射占據之漸實亦無自而開即有聞風而至者亦唯備工而已故定例不准流民攜眷潛往實良法也一如部議散給京旗每年每戶制錢十五千在衣食不敷之戶自應寬裕其貧苦極甚者二百三十餘戶即以每戶五口而論專藉此項添補薪菜製備衣履又須修理住房按其事勢斷不能敷一歲之用是所謂調劑者仍恐有名無實一節查京旗自種地者固可溫飽若將地全行租佃與人者每响收糧五斗共得糧十七八石除留食米尚有餘糧糧錢用度若僅租出一二十响者收租僅數食米即至衣履不能兼顧此等貧逸憚勞之輩不事勤力於田疇仍欲仰資於接濟若多予之不特無所底止且更益其驕惰之心上冬製給極貧京旗棉衣袴各一套藉以禦寒即可生活且衣服非年年須製房屋非歲歲應修接濟以補其不足非給其有餘歲給制錢十五千裨益良多似非有名無實之事一如部議近屯荒地八千餘响前年據該將軍咨稱若概令官兵子弟承種實恐不能開闢必致無力輪租今復將此地給三屯屯丁及官兵子弟願種既與前咨不符又未將如何設法布置可令分種輪租之處切實陳明一節查此八千餘响之地前因該副都統議租參差且非急須調劑何必輕開此地蓋時有不同非官兵屯丁子弟不能承種也今則既議調劑京旗必須自行種地其無力者之農具資本急宜濟助以鼓作其氣應將此荒作為官租地不作恆產聽官兵屯兵子弟認墾不必拘以戶數响數見據該管協領查報願認種者已有四百二十五名儘可飭令開墾其租照隨地每响徵京錢五百文不必加增此係從前開種禁拋之地較生荒之工力稍省起租年分請照原奏初年交京錢一百文次年三百文第三年交全租五百文共全租京錢四千三百餘吊由雙城堡協領徵收儲庫如有京旗能自種地而無農具工本者即以此項租錢按種地之多寡酌價賞給以後農具有殘破者隨時驗補不必作為年例俟種地二三年不致竭蹶即行停止一如部議徵租科則及支銷款項更應詳察例案逐一整頓毋僅據該管官以收支章程稟報遽准照辦一節查奏開屯田原為京旗不諳農務故借佃力開墾俾京旗得種熟地工力較輕該佃開荒工

本實重是以從前每响議徵大租京錢六百文小租京錢六十文係為體恤佃戶起見此次開荒需用房屋井眼牛條器具悉令佃戶自備一概不動官項佃戶工本較前更重若議加租佃力不堪必將毀縮應請仍照舊章按每响京錢六百六十文徵租毋庸更張至支銷各款惟有嚴飭承辦各員力加撙節實用實銷不准稍有浮冒此時殊難豫擬定數一如部議京旗到屯二十年不能講求農事固由該旗人習佚惡勞所致而該管佐領等官如果實心勸導示以利害豈無力圖振作聞風興起者若有養無教雖曰予以調劑亦必立見既乏等因一節查到屯京旗內有習氣未馴者以力田為不足務官長為不足畏屢訓不悛未願種地且視佃戶如奴隸呼喝使令求索借貸稍不遂意即毆地另佃於是佃戶寒心退地而不敢種目前經飭該管各官認真勸化並令協領加意整頓以期挽頹風而勸良善一京旗未種地畝宜官為招佃徵租也查未種熟地除見已自種外其有老弱孤寡未能自種者亦已勸令屯丁認佃代種齊全其原分荒地實共未開二千九百一十响今已招令屯丁認墾二千二百一十三响有未認墾荒地六百九十七响仍招令屯丁秋後開齊來春一律承種熟地次年起租荒地第三年起租均按每响五斗交糧官為催收按戶給領仍俟地主能以自種呈明撤回一到屯京旗應一體調劑也該堡京旗五百九十八戶若僅調劑貧窮之二百二十八戶彼三百七十戶必謂勤儉力田反不如游手好閒之坐受其福可否全行調劑以昭一視同仁之意或分別減半給予之處恭候 欽定一開荒起租年分應變通改議也查原奏因京旗待濟孔急故議令開荒佃戶初年每响交租錢二百二十文次年加倍第三年徵全租六百六十文第查舊章開荒均至第六年始行起租且一戶三十响丁少之家須二三年方得開全是當年起租恐阻認佃之心此次開地察理接情雖不能照舊章之曠遠亦未便如初議之急遽茲改議來春開地初二兩年每响僅收小租京錢六十文以為查地催租飯食紙張之費至第三年起始並徵大小租錢六百六十文俾眾佃不致竭蹶一調劑之項宜先籌備也查三萬响荒地大租京錢一萬八千吊上條既議第三年起租應俟道光二十七年始收租錢京旗待

濟孔殷今歲即應調劑自應先行籌款散給查自本年有應徵八里荒大租錢一萬六千餘吊應勸限新城局於十月內收齊運送雙城堡協領報明該副都統按戶給放不敷若干應由五萬兩生息備用調劑京旗項下補足仍俟三萬响地起租再將八里荒租錢易銀報撥兵餉其近屯八千餘响未起租以前如有京旗肯自種地應行資給農具工本者亦先於備用息銀內支給俟八千餘响地起租起徵再動租項一調劑京旗應以年限也此次調劑京旗係因不盡力田之故此後實力勸導資以農具工本自當感發務農將來習慣自然可期寬裕此項調劑請以五年爲止以示限制而昭激勸一調劑之錢應分兩次給領也查京旗習氣未必全能儉約錢一到手不免妄費今議將每戶京錢三十吊本年十月內放給一半俾及時添補衣服其餘一半來年三月再行放給使種地之戶可資種地之用即不種地之戶亦備青黃不接之需如此錢歸實用不致妄費以後四年亦宜照辦一個戶離家遠者應准搭蓋窩棚居住也查大封堆外本處陳民均有房屋其拉林阿勒楚喀陳民有至彼墾地者應令自蓋窩棚棲止可省官給房價一彈壓稽查宜專責成也該處原有鄉約三名應再添數名分段稽查不准流民攜眷潛往仍責成拉林各佐領按月輪查按季結報將軍衙門查覈歸入年終彙奏一次該處尋常圖說詞訟案件即由拉林協領就近審理完結命盜等案仍由阿勒楚喀副都統統籌辦理以上十六條等訪察情形悉心酌議似於調劑之中仍寓勸懲之道是否有當伏乞 聖鑒

咸豐二年戶部遵議變通旗民交產章程一查出私買旗地免追花利一清查各項旗地劃出民地一民人呈報升科寬予限期一帶地投充等弊嚴行杜絕一應報升科地畝不准徇隱一從前典當旗地改立買契一借名私買旗地改歸買主一屯居各項旗人分別辦理一補納稅課銀兩先行解部一新升旗產科則酌中定額一新買旗地設法稽查一奏銷考成從嚴擬定一每歲錢糧定期解部一隨地莊園准其併售一旗產歸旗照舊納糧一責成州縣辦理分別勸懲從之

同治三年直隸總督劉長佑奏同治二年准戶部咨議覆御史裘德俊奏請仍准旗民交產一摺內開咸豐二年會議令順天直隸等處悉准旗民交產照例稅契升科奉 旨准行嗣因弛禁後各州縣請報升科者甚屬寥寥而盜賣隱佔之案層見迭出雖有升科之名並無納賦之實復於咸豐九年奏請規復舊制仍禁民人典買旗地遵奏在案茲據御史裘德俊以旗藉生計艱難請復旗民交產之例應請准如所奏順天直隸等處無論老圈自置亦無論京旗屯居及何項民人俱准互相買賣照例稅契升科一切章程照案辦理庶旗民有無均可相通於八旗生計不無裨益奉 旨依議咨行到 臣當經飭司通行各屬遵辦在案嗣據調任布政使王榕吉呈稱據前任清苑縣知縣朱溥稟稱遵即出示曉諭並傳集鄉地予限查報如各村民人買賣旗產互相捏飾匿不稅契升科開有屯目社書稟出某村某戶隱匿旗地數畝或數十畝若據稟紛紛傳質人數繁多不免擾累咸豐二年弛禁後查辦升科一無成效與其任法而不能行曷若變通辦理使農田稅課兩有裨益悉心酌議不必責成鄉地人等按畝查造畫清地界冊籍凡有置買旗地無論遠年近年即以同治三年爲期按村出示曉諭飭令民人自赴州縣呈明地段畝數有原契者檢同原契查核相符立時查照章程分別酌定應徵錢糧數目即自同治三年起征粘發旗產契尾給領收執毋庸等候覆勘再議科則以期迅速既不許差役下鄉藉端勒索亦不煩弓手人等赴地勘丈所征銀兩按季造報俟一律報完彙歸旗產奏銷冊內報部如其有意故違逾限延不呈報一經查出或被告發即將地畝入官兼治以隱匿不報之罪如此酌量變通既與原奏章程並無窒礙且可速收實效至咸豐二年查辦案內開有已經報出地畝尚未議定科則旋即奉文停止此時若仍令按年補征未免向隅况九年以前民欠糧銀曾有奉諭明文此項事同一律應請即以此次查辦爲始統自同治三年起征以紓民力等情由司具詳經 臣咨部核覆旋准戶部咨覆此案章程酌量變通應由 臣奏明辦理即經前署布政使李鶴年覆核詳請具奏前來 臣查民人既准置買旗地自應照例稅契升科未便任令隱匿延不首報該司等所議變通辦法係爲稅契升科

不致有名無實起見擬請准如所議分別辦理

光緒三十二年度支部覆奏修訂法律大臣沈家本等奏變通旗民交產舊制內稱大清律例戶律典買田宅門內有旗地旗房不准民人典買及八旗人員置買各省產業勒限變價歸旗等一條與戶部則例旗民交產門內准旗戶民人互相買賣之例不符從前刑部例文大致照戶部則例添纂咸豐年間旗民准其交產故同治年間戶部修改則例遂添纂旗民交產各條刑部例未及修改彼此參差嗣光緒十五年戶部奏規復旗民不准交產舊制而則例未經修改故又不相符實於八旗生計無益請嗣後旗人房地准與民人互相買賣所有戶部則例旗民交產門內各條仍一律遵用至旗人之出外居住營生者准其在各省隨便置買產業毋庸禁止舊時刑部例文二條應即刪除請飭部核議施行查旗民不准交產定例之初實為惠愛旗民起見咸豐年間因私相典賣涉訟繁多量為弛禁同治年間戶部修改則例始增纂旗民交產各條其時刑部例文未及修改光緒十五年戶部以旗產日見其少奏請申明例禁該大臣等所請係屬因時制宜擬照所奏辦理

三十三年 諭廣州副都統李國杰奏請就廣東崖門口外築堤圍垣移撥旗丁領學各摺片著景澄張人駿按照所奏各節確實查勘妥籌議奏

又 諭我朝以武功定天下從前各省分設駐防原以綏靖疆域起見迨承平既久習為游惰坐耗口糧而生齒滋繁衣食艱窘待時累代參養之恩不習四民謀生之業亟應另籌生計各自食其力著各省督撫會同各將軍都統等查駐防旗數目先儘該駐防原有馬廠莊田各生業妥擬章程分畫區域計口授地責令耕種其本無馬廠莊田暨有廠田而不安插者飭令各地方官於駐防附近州縣俟農隙各以時價分購地畝每年約按旗丁十分之一或十數分之一授給領種逐漸推廣世世執業嚴禁典售而以所授田畝之數為裁撤口糧之準裁停之餉另款存儲聽候撥用該旗丁歸農以後所有丁糧詞訟統歸有司治理一切與齊民無異至田畝之賤昂價值之低昂各省互有不同但以足敷養贖為度一面仍將各項實業教育事宜勒限認真分別籌辦以廣旗丁謀

生之計其授田之始應需厰舍隄堰農具牛種等項並開辦實業各經費准由裁停存餉內核實奏請酌量協濟並著各將軍督撫等破除情面實力奉行不得任聽協參佐領各員挾持私見阻撓大計先由度支部迅籌實在的款以備撥發勿稍延誤期於化除畛域共作國民用副朝廷一視同仁之至意

宣統三年江蘇巡撫程德全奏請將旗營不敷米石暫照南米糧價撥足本色酌撥京口八旗官俸兵米經前江甯將軍京口副都統會奏仍舊截留丹徒縣漕糧等米以濟支放經戶部復准於同治六年分起按年派撥不敷米石由司酌放折色已撥給至宣統二年分止在案茲查丹徒縣經徵宣統二年分漕糧正耗南糧節省丁耗省屯等米三萬六千一百七十七石六斗八升三合一勺核計宣統三年有闕應給旗營全年兵米四萬二千七百八十九石七斗六升二抄除將該縣經征漕南等米儘數撥給外尚不敷米六千六百一十九石七升六合九勺二抄向章應於南糧款內以兩抵石放給折色案准京口副都統咨稱上年徒邑款收所征漕糧僅數十個半月有零查本年連閏十三個月除一個月以兩抵石尚不敷一個月有餘倘全行以兩抵石當此米價奇昂百物騰貴採購擊肘咨請湊足連閏十二個月本色等因查所稱米價奇昂採購擊肘係屬實情擬請將該營不敷米石暫照南米糧價價值合算撥足連閏十二個月本色藉資貼補嗣後米價平減仍不准援以為例尚餘一個月循舊放給折色以兩抵石俾恤兵艱而示限制

又江甯將軍鐵良等奏整頓萬頃湖屯墾辦法略查甯鎮兩防均距萬頃湖地方較遠若令旗丁越境就耕照察管束均多不便况先已准民租墾勢難中道收回等因見與其與永租之名使各公司心懷疑懼終覺與管業不同曷若將原租之田准公司補繳價銀即由其永遠執業約計湖田八萬二千餘畝平均田價每畝約值九元除將原收押租三元扣還外如能全湖變價為數甚鉅藉為旗丁廣籌生計舉辦各事庶有所資

皇朝續文獻通考卷十

田賦考十 水利田

臣謹案天以五行生萬物而先水水之利水之性也不善用水者與水爭地而水適其性匪惟無利而轉蒙水之害矣 國朝 列聖相承勤求民瘼事關水利往往 鑿鑿親臨面授方略偏災偶聞立即 命使發帑如營其私采鑿河之三策來宣房之萬福凡所以出吾民於水火者靡不殫泱肌髓其載於 皇朝通考者茂矣美矣茲自乾隆五十一年以後若直省水利以及河工海塘江防凡事實之榮華大者均搜采及之以見 朝廷之爲民興利無微不至云

乾隆五十一年 諭清口東西壩朕從前南巡親臨閱視所定水誌原爲平時湖水滿足而設至蓄洩機宜理應隨時通變視湖水長落尺寸以定拆收分數如遇湖水盛漲則急應拆展以資宣洩湖水消落則口門收束一丈湖水即得一丈之益操縱在人節宣有制最爲良法前年九月以後湖水日漸消落薩載李奉翰即應將清口兩壩酌量倍加收束豫爲蓄水地步乃意存惜費並不捆截收蓄以致清水益弱黃水倒灌停沙梗阻運道竟成淤淺不得已將湖水築壩閉住借黃濟運乃係一時權宜可一不可再之舉此皆薩載李奉翰因循貽誤屢降諭旨甚明今清口東西壩既經酌量移建並將口門按照高堰誌椿酌定收束尺寸見在洪湖清水已據該督等具奏蓄至四尺二寸日來是否續有增長所蓄清水較黃水高有若干重運經臨啟壩放水時能否足以衝刷淤沙敵黃濟運著傳諭薩載等即將見在情形據實詳悉覆奏至將來湖水長落該督等務須隨時察看一遇清水漸消即應將口門收窄以資蓄蓄毋再借費貽誤尋奏開放太平河分注清水入運已將一月高堰誌椿仍存水四尺二寸未見消落通湖引河以外至臨黃處前經逐一測量河稍高仰處業挑成建甌之勢所蓄清水見高黃水二尺五寸重運經臨開放通湖五道引河足以衝刷淤沙敵黃濟運報聞

王營海壩今歲必須開放但應在湖水大長之後方可不煩再舉並擬將雲梯關下二套地方開挑引河於大汛時開放改作海口更可得久遠之利等語雲梯關外既已漲成沙地海口距關甚遠以致下游壅阻黃水倒灌勢不能不爲改圖今關外二套地方爲北湖河歸海之路形勢較爲徑捷若開挑引河於大汛時開放或能衝刷寬深黃水竟行全掣由茲東注則相距海口較近自屬最便亦祇可如此辦理但朕所慮者不在清口而在高家堰蓋盈虛消息理有固然黃水清水強弱情形往往迭爲消長連歲黃水盛漲清水弱極將來清水必有旺盛之時高堰所關非細恐李奉翰等扭於年來清水弱小於高堰一帶隄防工段或稍存大意設遇清水盛漲猝不及備尤不可不豫爲慮及不可拘於蓄清之說也阿桂將此切屬李奉翰務須先事熟籌公同商榷慎之又慎毋致臨時周章方爲妥善至見在二套地方開挑引河黃水多一分洩之路自可暢達下注但將來衝刷寬深後若無隄防關束恐大汛盛漲時河流散漫水緩沙停仍不免有舊時淤墊之處阿桂等不可拘泥惜費之見應詳晰察看該處情形相機妥辦以爲久遠萬全之計

又 諭據李世傑等奏本年黃運兩河漫口數處一切修築撫恤及善後事宜需費甚鉅請暫開捐例等語納貨授官本非善政如川運軍糧之事需用浩繁偶一行之旋即停止而自停止以來十有餘年亦未有人再以開捐奏請者方今帑藏充盈足敷供億李世傑等何必鯁鯁過計爲言利之請乎朕思金貨本流通之物與其聚財於上毋寧藏富於民朕即位初年戶部銀庫計不過三千餘萬兩今五十餘年以來仰蒙 上蒼嘉佑年穀順成財賦充足中間普免天下地丁錢糧三次蠲免漕糧兩次又各省偏災賑濟及新疆兩金川軍需所費何啻億萬萬即去年江南等處賑費亦至千餘萬然見在戶部庫銀尚存七千餘萬兩較之即位初年已多一倍有餘朕壽已高距歸政之期屈指九年若非因上年各省荒旱賑恤所需用去帑銀一千四百餘萬兩則尚欲於此數年內設法施恩以散帑項至歸政時庫藏較即位時自必尚有盈餘又何必於此時轉以要工費用稍爲靳惜乎况見在科目出身人員足敷任使而川運軍糧報

捐之人尙有未經錄用者內外職官額缺止有此數若捐例一開正途必至壅滯有早歲登科皓首不得一登仕籍者朕方爲寒畯疏通進身之階每屆數科後卽舉行挑選一次又豈肯令貴郎舉其仕路乎在捐納中未嘗無人才可用而雜流卽因之並進且博得廉仕一兩年內其所得廉俸卽可盈於所出之費在國家並無實際適足以遂其龍斷之私於銓政官方兩無裨益此奏斷不可行

○謹案因河決而開捐因開捐而漁利徒飽貪墨吏之橐耳 朝廷什不得一也 諭旨謂納費授官一二年內所得廉俸卽盈於所出之數然則捐途情弊 聖明洞燭之矣

又 諭前據福崧奏籌備柴塘坦水歲修經費一摺業經降旨令曹文植等會同地方官親往履勘將該處情形據實具奏浙省海塘工程改建石工既可保障民生且可節省歲修柴塘亦無須採辦薪芻於民間更爲有益實屬一勞永逸之計前於四十九年南巡時親臨閱視見章家巷一帶石塘之前土塘之後有溝槽一道中存積水並無去路恐石塘根脚勢必淹浸濬刷特令卽取後層備塘之土將溝槽填築堅實於其上栽種樹株俾石塘土塘聯絡一氣卽以爲石塘之坦水而此外復有舊有之柴塘柴塘之外又有舊有之竹簍是重重保障又何慮海潮之遽行衝刷至石塘耶况潮汐來往向有定候來急退速非如黃河伏秋大汛水長至數丈溜勢湍急逼近隄根晝夜射注者可比也若如該撫所言添築石工後仍須歲修柴塘坦水則前後所建石塘竟屬無益徒費千百萬帑金虛擲無用之地又曷若不修石塘止照舊歲柴塘坦水爲補偏救弊之計亦可以資抵禦之爲省便耶至范公塘一帶本係土塘向歷多年並未聞衝塌之事今復於柴塘後亦一律添建石工卽以舊范公塘爲坦水足資重門鞏護更無須另砌坦水且海塘本設有塘兵卽使稍有坍塌塘兵卽應隨時修葺亦如京師步軍修理街道設有用費地方官不過略爲補苴乃福崧所奏竟須每年歲修柴塘坦水且籌及商借商捐欲每年生息五萬餘兩作爲歲修經費從前歲修柴塘每年報銷數千兩至二三萬兩不等今既費此千百萬帑

金改建石塘而歲修之費轉多於前此明係福崧受屬員慫恿爲將來浮冒開銷地步殊屬不成事體况福崧於屬員虧空不能依限彌補全完乃與屬員公同立誓有乖政體難勝封疆之任業經明降諭旨令福崧來京候旨將伊齡阿補授浙江巡撫矣總之浙省改建石塘後柴塘坦水不加歲修十年之內朕可保安然無事伊齡阿既任浙江巡撫海塘是其專責不可不實心妥辦伊係內務府人員久任鹽政俸廉甚厚自必積有餘費今既擢用浙江巡撫若再於地方鹽務內稍思染指不但不能承受朕恩並恐不能保其素有伊齡阿受朕委任伊尙明白曉事務須仰體朕意實力整頓以福崧爲前車之鑒也前於途次屢經降旨傳諭曹文植等令其親往履勘據實籌辦但恐曹文植等不能有一定主見有費周章者再傳諭曹文植等示以大端伊茲務須親往秉公詳細熟籌妥議據實具奏曹文植等皆係曉事之人必能善會朕意也至曹文植等接辦虧空海塘諸事完竣後回籍爲伊母祝壽但浙省盤查虧空既須逐細清釐而海塘事宜尤關緊要著傳諭曹文植務須悉心籌畫一切查辦周妥覆奏後再行回籍卽使稍逾伊母壽期於六月內回籍補祝多住數日亦無不可先公後私爲分所當然也

又欽差戶部尙書曹文植等奏查勘柴石兩塘情形自章家巷西至范公塘一帶計工二千二百一十丈其間十段至十三段更當頂衝餘亦回溜直偏塘根非石塘不能永固應列爲急工其外衝之柴工更須透過石塘工尾往西接築二三百丈並於塘外添建挑水壩一座其范公塘西至烏龍廟一帶原砌石工二千九百三十丈查該處土塘一道高五尺至八尺底寬二丈五尺至三丈五尺不等頗爲堅固塘外沙塗由烏龍廟起漲沙已寬至四百餘丈其迤東如三官塘等處舊漲熟地七百餘丈子沙又二百餘丈桑麻廩舍彌望相連爲潮汐所不能到應列爲緩工暫行停修再新建石塘若照老鹽倉以東舊有石塘一律修建坦水所需工料價銀不下一百數十萬兩未免過多應俟石工告竣之後卽以柴工爲坦水無須另建惟是老鹽倉西石塘坦水舊有歲修之例則作

爲垣水之柴塘亦應一律籌辦此項銀兩即於該省餘存項下銀六十萬兩內撥出五十萬兩酌借商人一分行息歲可得銀六萬兩專作老鹽倉西新舊柴塘歲修經費得旨所議是如請行

五十二年奏准山東境內趙王等河新挑工程應令該督撫飭各該州縣隨時巡察如有淤淺之處加意疏濬倘不實力奉行致有淤墊即將該州縣參奏照河工隄岸豫先不行修築例降一級調用兼轄官罰俸一年捏報挑浚者州縣革職兼轄官降一級

又 諭徽山湖爲東省水櫃收蓄濟運最關緊要前因東省支幹淤墊來源不能下注兼之雨澤稍稀坡水微弱以致湖水不能增長特發帑金令明興等會同將該湖上游坡水河渠通行挑浚俾支幹各河之水水下注歸湖以符定誌現在儲蓄充盈本年全漕重運北上回空南下俱可無虞既乏但此等坡水河渠原以引支幹各河及溝澮淤涸之水源源下注必須一律通利方無阻滯若此次大挑一二年後地方官不能留心聽其淤墊日復一日仍復壅塞豈有逾時未久復興大工挑濬之理著傳諭閩第錫長麟嗣後於新挑各河渠每年留心查勘如有淤塞之處即隨時疏濬毋致日久淤墊又費周章並著每年於霜降後將有無淤墊及如何疏濬之處具奏一次

又 諭前據李世傑李奉翰奏請於三溝開池下添建西隄一事朕即以該處從前本無隄岸凡遇水漲年分民田廬舍亦俱保護無虞且一經添建隄工每年即須有歲修等事尤易啟工員冒濫支銷之漸似可無庸添建是以特諭阿桂前往查勘今據阿桂劄明具奏亦以該處若添建西隄橫加攔截盛漲時必致湖水蓄高口愈窄則力愈猛西隄一有疏虞東隄亦復難保恐潰決尙不止此應將創建西隄之處竟行停止等語可見添築西隄實屬無庸辦理之事看來竟係李奉翰輕聽屬員之言率行陳奏爲屬員冒濫地步從來辦理河工事務雖情形難以懸揣但事理之當否自有一定原屬顯而易見今李世傑等所請建隄之處一而臨湖一面係屬運河若於該處建隄是在水中施工豈能經久穩固即如高家堰海塘等處與修工段皆係就該處隄岸施工建築自可永

資捍衛今於水中輕議建隄豈非有名無實况該處向無隄岸日久相安並未聞有創議添築者李世傑等乃欲爲此無益之舉殊屬非是然李世傑李奉翰非竟不諳河務之人乃創議於湖中添築長隄或係伊等強作解事欲藉此爲名以便將來懇請南巡親臨閱視此則所見尤謬從前康熙年間該省督撫曾欲與高家堰內添築一隄以爲重門保障奏請 聖祖臨視 駕幸江南閱看議建之隄辦理錯謬即降旨駁斥並將該督撫等治罪今伊等不可踵其故轍復爲此舉况朕臨御以來業經六巡江浙省方問俗於民生吏治俱已洞晰無遺毋庸復行親蒞該督等宜仰體朕意不必妄存臆度之見以爲取巧地步也五十二年奏准安徽省藩庫所貯社倉穀價內提銀十萬兩借給通省農商以一分行息十年還本仍將息銀借給生息爲籌備水利工程之用每年造冊送部查數

又 諭阿桂所奏審金洲適處荊州郡治下游江心此時即於洲上挑挖引河不得迎溜河頭恐江水平漫入河仍慮淤閉必須建築石壩挑溜向南激注沙洲方可相機辦理等語建壩挑溜所想甚好自應即速妥辦但朕意何不於洲之上首西北處所先挑成河口使其迎受江水因勢利導將來石壩築成挑溜南趨江水必更直注洲頭或可冀衝刷成河豈不省便已於圖內用硃筆標誌發去著即確勘妥商將是否可以如此辦理之處據實具奏又據奏見潰決各隄陸續完缺口後再按被淹痕跡最高處所加高培厚堅實實足資保障似毋庸改建石工等語前因郡城迤西一帶隄工頂衝著重迤南護府地一帶亦關緊要恐土性鬆浮不能堅實因諭令阿桂酌量情形用石修築今既據阿桂奏江水深至數丈難以措手且土隄加高培厚足資保障則亦毋庸改建石工但阿桂等見因擬添石壩築成尙需時日而玉路口迤東一帶正對審金洲壩成大灣隄根接刷傾缺雖見經阿桂派員於該處載石沈船護住堵灣此亦不得已之一法將來應否將該處隄工及附近挑水壩隄工酌量用石改建之處並著阿桂覆加察勘悉心籌酌總期於隄工有益不在惜費永杜後患或石或土亦不必泥於遵旨也所有肅姓民人侵占洲地著交阿桂等查明究竟起

自雍正何年彼時縣府道司及該督撫係屬何人並乾隆二十七年該處地方官及該督撫又係何人其是否從他處轉售一併詳悉查明據實具奏並著傳知該處附近居民以肅姓貪圖洲地利息廣植蘆葦壅遏江流致都城被淹該處百姓咸受其害是以將肅姓查入官照例治罪並無絲毫委屈此即爲富不仁之炯戒嗣後小民等毋得效尤爭利復蹈罪愆庶該處民人知所懲儆

又 諫阿桂等奏估計補完缺口加培隄陞及建築壩工等款一摺並繪圖呈覽閱圖內所繪大江距見缺萬城等隄尙遠且有下百里洲爲之阻隔其附近隄根處所惟有沙河一道但該河甚小未必能衝決隄根而此次荆州被淹何以又由萬城隄首先衝決是否江水盛漲時漫過下百里洲竟與沙河連成一片抑係沙河上游即係承受江水大江水發建領而下致有此衝決隄根摺內未據詳細聲敘著阿桂等即逐一敘明另繪一圖詳加貼說據實覆奏又據另片奏稱荆州洩水故道見惟虎渡一溪承受江流南達洞庭等語向止聞洞庭之水歸江達海並未聞該湖有可分洩江水之處若果可歸湖則夏秋之閒湖水本屬漲盛何以復能容納江水且其閒所隔州縣城郭地方甚多又何以能越過不致淹浸仍復歸江此語尙不甚解並著阿桂一併詳晰繪圖貼說呈覽至摺內稱觀音寺殘缺石磯見因水深不能得底無從估計俟冬令水落時畢沅即派委大員查看明確再行奏明與修等語荆州隄陞因向係民修僅委令微員監辦道府等並不親往驗勘而督撫等更不以是爲事漫無稽察以致偷減草率工程不固釀成大災見在動帑修築務期十分鞏固永資保障何必派員查看畢沅即當親往詳勘並查所作之工是否堅固及軍民等加撫恤之後能否安輯復舊各情形據實奏聞其池下南岸工程畢沅亦應親加確勘再行次第估修不得僅以派員了事致令仍前弊混也尋奏荆州隄陞自得勝臺至玉路口一帶總名萬城隄此次係由萬城隄之中城首先漫決距江其近暴漲水湧又遇隄偏東以致漫過各洲與沙河連成一片衝決城垣至本年湖水雖亦盛漲而江水較湖水尙高是以湖水容納江水又虎渡灣兩岸俱有支隄分洩江流均未漫溢爲害

又 諫湖北荆州被水見經修築隄工加高培厚並改建城垣永資鞏固因思向來江河險要之區多有鑄鐵牛安鎮水濱蓋因蛟龍畏鐵又牛屬土土能制水是以鑄鐵情形用示鎮制此次荆州被災其重聞亦係蛟水爲患見在該處新築隄工著傳諭畢沅於荆州萬城隄及沙市等處形勢扼要處所相度緊要頂衝的處鑄制鐵牛以鎮隄壩亦豫強水患之一法

又 諫前據圖桑阿陳准奏荆江泛漲府城被水衝淹已屢諭令舒帶等親往查勘妥爲撫恤矣其摺內稱西刻隄陞潰決江水直逼城下遂將西北兩門衝開等語前次荆州被水時水勢亦曾至城下當將城門關閉用土圍塞城內並未衝入此次水淹府城若係衝塌城垣而入尙可諉爲人力難施今水逼城下衝開西北兩門自由城門並未固土辦理不善所致至隄陞各土尤爲禦水而設本日據軍機大臣查奏四十四四十六兩年荆州兩次被水俱曾借項興修隄陞用銀七萬餘兩及四萬兩不等分年於各業戶名下徵還該處隄工因例歸民修向無保固督撫等既不慎重揀派委員辦理而承辦之員又以此項工程係動用民力並不認真修築外省官辦工程尙有草率浮冒情弊何況民修之工官 從中偷減浮開尤屬事之所有以致隄陞不能鞏固屢被衝缺而此次被淹情形尤重著傳諭該督等務遵前旨即將見衝隄工係何員承修查明嚴參著賠以示懲儆

又 諫據和琳奏山東運河定例一年小挑一年大挑小挑准銷銀二千八百餘兩大挑准銷銀一萬七千二百餘兩但挑工之多寡似當視受淤之厚薄情形以爲準其大挑之年若淤沙本薄乃准用銀一萬七千餘兩是徒滋官員浮冒地步其小挑之年若受淤本厚乃限定用銀二千八百餘兩勢不免遷就草率請不必拘定大小挑工原案總以二年用銀不得出一萬六千兩之數比舊例原定大小挑工共用銀二萬兩實減去銀四千餘兩似於慎重錢糧利導漕運兩有裨益等語東省運河募夫興挑原爲該河承受山水不免淤墊恐阻漕運而設如果水勢充裕衝刷深通並無停淤又何必拘按年大小修之例動項與挑徒滋浮冒如山泉匯注停淤甚厚固當實力挑挖免致漕運耽延從前所



定開年大小挑之例本未允協該御史奏請視受淤之厚薄分挑工之多寡所見亦是惟比較原定銀二萬兩酌減以一萬六千兩為率之數斤斤計較尙未為周到嗣後東省運河竟不必復拘大小挑之例惟當責成河東總河山東巡撫巡漕御史於每年回空將次過竣時確加核勘若河道並無停淤即毋庸挑挖以節糜費若河道果有受淤或積淤甚厚即當確加估計據實奏聞認真辦理亦不必拘於銀數或該督撫因地方河道官員是其所屬意存瞻徇任令從中浮估偷減以為傳漁地步或因循玩誤於應挑之工而不奏明挑漕巡漕御史係特派之員俱無所用其迴護自當據實參奏倘該御史知而不舉隨同隱飾或誤漕運或任冒銷一經查出即將該御史一併從嚴議處如此數實辦理互相稽查自可杜浮冒而利運行所有本年東省運河應挑各工前已准疏奇所請於回空後勒明興挑和琳現留巡視東漕之任其應行挑漕事務即著該御史會同確勘具奏督飭認真挑辦嗣後並以爲例

又 諭嗣後南河如有堵築工程所用物料當以歷年辦過成案釐定數目爲準不得再有加增以杜浮冒欽此遵 旨議定嗣後該省如有堵築工程或遇物價本昂期限緊迫實有必需例外加用者准該督等豫行奏明於報銷時據實開報除賠四外不得過二萬二千兩倘逾此數工部即駁明奏駁其尋常口岸仍不得引以爲例

五十四年 諭楊林洲雞嘴壩原估十五丈已如數挑砌密金洲嫩沙刷去三百四十餘丈黑窩廠裏頭原估長五丈今已做出七丈對面沙灘亦經刷去一百二十餘丈溜勢愈覺南趨但閘內所繪黑窩廠裏頭取勢太直若復往南進做不特恐致著重且江水至此已成入袖兼慮激回波衝北隄不能復向南挑朕意應順向東南不妨略長以次進做因勢利導溜勢自全往南則密金洲土壩可期逐漸刷盡已於閘內用硃筆標誌著即覆加履勘酌量妥辦並將應否如此辦理之處據實覆奏遵 旨覆勘應將黑窩廠碎石裏頭改爲雞嘴壩砌出江而順向東南接做共長十八丈楊林洲雞嘴壩砌出江而二十一丈又奏准荊州沙市等九處各製鐵牛一具並築砌石基安設

又奏准澤口爲漢口洩水之區從此分流至沔陽州沙河又分爲二支一由漢陽縣沌口歸江一由漢陽之青灘口歸江此二處河道聽民開自行挑挖不得假手吏胥藉端滋擾挑挖後禁止漁戶掘築土埂免致淤沙停滯阻礙江流五十五年 諭本年夏間黃水盛漲將王平莊民堰漫塌衝刷溝槽由毛城鋪滾水壩下注洪河以致永城宿州靈璧等處田廬開被淹浸而韓鏐等奏報時祇稱唐家灣行河減洩黃水出槽漫灘下注毛城鋪其外灘王平莊民堰亦被浸缺錯口土壩尾別寬二十餘丈並未將王平莊在毛城鋪大隄之內及街壩二百八十餘丈之處詳悉奏明且稱此次漲水頗有各閘壩分洩各工一律平穩彼時朕以爲王平莊在毛城鋪大隄之外不過因毛城鋪洩下之水開有泛溢而韓鏐等節次奏摺總述就其辭含混聲敘並未言明直至韓鏐等繪圖呈覽朕始知王平莊係在毛城鋪大隄之內街壩民堰並非毛城鋪洩下之水也况閘內新築王平莊大壩長至二百八十餘丈缺口若此之寬自係黃流漫溢爲患從前因韓鏐等所奏不明誤會其意伊等復從掩飾朕未親臨其地亦何由洞悉情形今披覽河圖始覺前此之誤此固由韓鏐等奏報牽混然未看出即當引以爲己過斷不肯始終迴護欲實前言朕臨御五十餘年辦理庶務一秉虛公從不飾非遂過知而能改何待伊等代爲迴護也昨因南河秋汛安瀾特降旨將韓鏐等交部議敘乃伊等於王平莊漫口一事始終含混本當治以應得之罪姑念辦理堵築工程刻期竣事免其治罪已屬格外加恩豈可復邀甄叙所有韓鏐等交部議敘之處著撤回至大隄以內河灘逼近黃河每遇盛漲時留爲河流蕩漾地步原應禁民居住庶不致與水爭地以免漫溢之虞今江南王平莊一帶村莊多在隄內其豫省瀕河之處及直隸永定河兩岸地方在隄內河灘居住者想亦不少從前巡視永定河經朕屢降諭旨飭禁而地方官奉行不力小民又罔知後患祇圖目前之利以致村莊戶口日聚日多若不申明禁例轉非愛護黎元之意但人民安居日久未便令其遷移轉致失所著該督撫等轉飭地方官將各該處隄內河灘見在村莊實有若干戶房屋若干開查明確數造具清冊毋許民人等私自增添其有遷居人戶即於冊內刪

除以杜影射占居之弊並著各督撫於年終彙奏一次務須認真查禁毋得視為具文

又議准荆州隄工向係民修今因被淹蒙 恩勅項官為督辦嗣後如有些小工程聽民開自行修理其增添價值不得按以為例

又覆准汶上縣汶河上源修築滾水石壩一道以備宣洩

又覆准挑濬崇善縣至甯明州一帶河道

又 諭福崧奏查明靈璧宿州被水情形及籌辦撫恤賑濟各事宜一摺所辦俱好已於摺內詳悉批示矣至福崧奏稱睢河隄岸民堰漫缺之處地方官以為民修之工迄今尚未堵築現經親往查出勒限知州姚繼祖等星夜賠修上緊補築所需工料不許攤派閭閻等語所辦亦是睢河民堰漫缺寬至十餘丈及二十餘丈不等分溜下注勢尚湍急自當及早堵築完竣俾下注之水斷流堵塞則下游田畝即可早為涸出以便趕種春麥此係緊要工程乃該知州等視為民修隄堰並不上緊築辦甚屬玩誤所有應需工料即著該員等自行出資補修毋許攤派小民以示懲儆但睢河一處如此恐此外民修隄堰地方官從而效尤亦漫不經心不能及早堵塞所關非細孫士毅務須悉心履勘如有似此玩視之員亦即罰賠速修不可稍為姑息又據韓鑣蘭第錫奏往來蕪陽一帶目覩被水田畝俱已涸出惟毛城鋪滾壩因外灘王平莊臨黃民堰漫缺過水之處未能即時斷流其外河山安海防各廳工程黃運湖河之水同時匯注各工亦均險要見將五壩內智字一壩即行拆啟等語王平莊臨黃民堰漫缺之處尚未斷流該處雖係民修之工但見在被災之區民力不繼自應官為經理俾得即時施工補築以期堵截下流惟此處隄堰向係民修由來已久若因此次官為辦理即按以為例國家經費有常其端亦不可長所有補修隄堰各工事後仍將所用工料銀兩覈明數目分年帶徵完款但不可使官吏藉此浮冒開銷若該處民力實因被災之後不能稍有蓋藏無力分年完繳屆期該督撫等即應據實奏明候朕降旨加恩寬免又高堰誌楮連舊存長水已至一丈三尺束清禦黃兩壩早經全行拆除到底而洪湖水勢未消自不得不於

五壩內酌開智字一壩以資減洩但高郵寶應等湖是否足資容納關係下游高寶淮揚一帶民田不可稍存大意務須謹慎辦理若有淹及田畝即予賑卹且既開放智字一壩將湖水分洩高郵湖務須導令歸江不使稍有阻滯其南關車運等壩亦須嚴飭工員加謹防護毋使稍有疏虞以保下河民田此為最要

五十六年 命濬直隸永定河支河

又 命濬山東徒駭馬頰河及附近支河

五十七年奏准濟南武定等屬支幹各河多有淤淺應挑挖徒駭馬頰趙牛小支沙河並四女寺哨馬營支河

又 諭李奉翰奏查勘侯封上汛三堡大隄之後有月隄一道工段縣長中間夾塘過於寬廣應加築撐隄一道又七堡河勢近隄應估築挑壩一道以資保護等語朕閱所繪圖樣侯封七堡河流逼近大隄惟恐大汛時溜勢滲刷自應添築挑壩以資保護至三堡月隄原為大隄重障今擬加築撐隄試思此項月隄工段縣長中間夾塘俱係一律寬廣添此一棧之隄又安能處處撐護自係工員等思欲藉此開銷以為需潤謀食地步殊屬多費無益此等陋習不獨東河為然即江南亦所不免且撐隄字樣殊不成話撐隄不過五丈頂隄其餘長隄何能撐之竟是冒銷之別名嗣後河務工程均不得仍列此等名目其李奉翰所謂加築撐隄之處甫經覈估自向未經開工竟可無庸辦理以杜浮冒而歸覈實至該督等總理河工惟當實力實心先事籌辦以期安流順軌隄壩鞏固無虞其河員中如果有不辭勞瘁在工出力者不妨據實奏明酌予陞遷獎賞斷不可任其藉端開銷與作無益工程冀藉餘潤甚或希圖肥己將險要各工並不實力搶護以致貽誤地方則責有攸歸惟該總河是問

五十八年 諭書麟奏查勘無為州江壩情形酌籌辦理並繪圖樣呈覽詳閱圖內永成圩壩外即係大河據書麟奏稱該壩兜灣處所尚舊壩基應行幫築寬厚等語該處河形既成兜灣永成圩壩工即使加築寬厚亦屬頂衝著重易致塌卸何不將河形開挖取直俾溜勢離壩稍遠不致逼近壩根用資保護已

於園內用味筆畫誌著書麟等察看情形將是否可行之處酌量辦理又馬頭  
頃地方現據書麟擬於該處開挖河口寬三十丈深一丈五尺曾家灣至東圩  
開所有舊河止寬六七丈及十三四丈不等今擬一律挖寬三十丈較舊展三  
一倍河流更爲暢順自應如此辦理三此項挖工係該州紳士爲保護田廬自  
行出資捐辦但向來地方官遇有挑河築堤工程動用官項者尙未免任意浮  
冒從中侵蝕今此項工程係紳士捐辦不肖官吏難保無藉端侵肥勒索等事  
若因有地方公事而官吏等轉得藉以飽其私囊是非以便民適以病民現雖  
據書麟奏稱俟工竣時親往查驗不知隄工河工一經放水即難於勘實惟應  
放水之前據實查勘尺寸不致作弊並飭該府州於興工時來往稽察但該督  
駐劄江甯既不能常往查勘而僅委之府州等稽察亦未必能認真辦理此事  
著交朱珪就近隨時親赴工所督率稽查毋任地方官吏胥役等藉端滋擾書  
麟仍於工竣時親往查驗以期一律穩固倘稽查不力官吏等稍有侵肥擾累  
等事查出惟朱珪是問必將該官吏等及該撫一併從重治罪

又 諭長麟奏海塘沙水情形及勘明應修應緩各工一摺所辦甚妥惟按閘  
所進海塘園內未將中泓大溜繪出殊未明晰海潮大溜自東而西直走江心  
若溜勢偏向北岸則北岸漲沙必致淤刷如溜勢偏近南岸則北岸漲沙自應  
日漸加增是海塘沙水南坍北漲情形全憑中溜所趨爲準今該撫指內既稱  
南岸舊沙現因大溜南趨逐日俱有塌損實爲南坍北漲極好機會而於園內  
並未將中溜畫出是會否南趨之處竟未明白反似江水連成一片彌望汪洋  
所謂南坍北漲形勢更從何處辨別除檢閱南塘上月舊圖係將海塘中溜畫  
出向南向北便可一目了然著將長麟此次所進海塘圖發還並將舊圖發交  
閱看令該撫將現在中溜向南向北之處每月照舊繪在圖內呈覽毋得似此  
牽混至北岸挑溜石壩見因溜勢南趨相距北岸甚遠其未修各壩自應暫緩  
興修以節糜費再向來辦理塘工多有工員承辦工程十一府屬公同保固辦  
理甚屬錯誤今長麟奏請責成工員將十一府公同保固之例停止甚是著照  
該撫所奏辦理

又 諭大學士九卿議覆長麟奏酌減海塘石壩工程一摺從來治水之道以  
順其性爲要水勢順軌直趨自不致迎激爲患若攔截抵禦則水勢激怒不免  
溢損之虞浙省建築海塘原爲保障地方起見然築石塘工已屬與水爭地今  
又添建石壩高二丈八尺至一丈五尺直出十餘丈三五丈不等以十二壩總  
計從橫不下百餘丈通壩壩身是占水之地更多又何怪水勢愈怒衝激損工  
福松前在浙江巡撫任內於地方事件尙不能整飭惟知婪索牟利其海塘工  
程不過敷衍員懲之詞即議添建石壩豈能籌辦得當而長麟於海塘事務  
亦非素所諳悉不過爲補救調停之計擬減丈尺亦恐無真知灼見今據大學  
士九卿會同議請交新任巡撫吉慶留心察看斟酌辦理但吉慶平日辦事  
雖尙明白而於海塘工程亦全未諳悉因思閩第錫李奉翰辦理河務有年雖  
河海情形不同而水性則一其如何因勢利導之處可以類推而知見在早過  
霜降河上無事李奉翰即日到京陛見俟該總河於陛見後即行前赴江南會  
同閩第錫赴浙江與吉慶三人詳悉履勘公同商榷將此項石壩應否照舊  
建築抑照長麟所奏酌減丈尺或竟可無需辦理之處斟酌定議速奏所有大  
學士九卿議一摺俟閩第錫李奉翰等詳勘覆奏到日再降諭旨庶此項壩  
工應修應停得有定見不致以無益工程激怒水勢屢有溢損等事又須歲修  
糜費也

五十九年 諭福甯奏據單縣知縣稟稱該處河水長至八尺八寸自十四堡  
至三十三堡黃水普律漫灘不能暢消沿隄察看緣江南豐北廳於界首築做  
南北土壩一道長三百六十丈直接灘內劉家莊止又於莊基南面接長土壩  
數十丈以致水無去路從壩根折向西南繞出壩頭始往東注曲折迴停蓄  
無際見經福甯飛咨閩第錫等查覈辦理等語山東單縣地方黃河勢居江南  
上游遇出槽漫灘之水必使順勢東趨暢達下注方不致壅遏爲患今閱福甯  
所繪圖樣江省黃河兩岸所築土壩各有三十餘壩之多又於界首築做南北  
土壩一道擬峙河灘而西南復加築子壩一道幾無隙地如此層層攔束無怪  
上游水勢竟無去路試思水性就下其溝槽之水既於河隄之間蓄有經行故

道自可聽其流注下達况黃河已有隄堰層層保護此外尚有遙隄節次關欄  
 儘足以資抵禦又何必多築壩堰橫截去路轉致壅遏任其漫溢停蓄耶且以  
 地勢而論江南省素稱澤國江海湖陂均足以資容納即遇上游河水盛漲無  
 難分導疏消至山東河南宣洩之處較少無可旁瀉今乃於江省築壩堵住去  
 路則水無歸宿停積是以上游丹沁漳衛等河紛紛漫溢淹浸田廬設曹單等  
 處致有他虞運河受害更復成何事體是江省所築此壩不過藉此為祇救目  
 前之計又為工員開銷地步於事無益而有損在閩第錫等辦理南河不過以  
 築做壩堰魚鱗極此一遇東省河水泛漲即可在上游處所散溢漫漶分消水  
 勢江省河工不致著重殊不知上游之水一經攔截水無去路既有漫溢之患  
 且黃河溜勢水急則沙活水緩則沙停若上游漫水紆迴蕩漾則江省黃河溜  
 勢漸緩勢必泥沙停積河底淤高不能暢注歸海於南河更為有礙又况治河  
 必順水性今用隄堰橫行攔截其六壩七壩等處竟成入袖形勢又何以使之  
 歸入大河是閩第錫等所辦不但損人而適以自害是不僅以鄰國為壑豈非  
 失算東南兩河該河督等雖各有分管界限而以公事而論則同係一河豈可  
 稍存偏私之見各分畛域已於園內用硃筆標抹所有江省南北新舊壩堰除  
 被水衝缺處所暫且不必補築外其餘礙水去路應行拆去者竟當拆去使東  
 省漫灘出槽之水順勢東趨歸入大河曹單等處方可不致有壅遏喫重之患  
 此事著交蘇凌阿會同閩第錫福甯親赴該處確加查勘蘇凌阿係暫署總督  
 自可不存成見閩第錫福甯於黃運兩河本其專管務須察看情形熟商妥辦  
 總當以公務為重於上下游水勢一律疏通暢注兩無妨礙方為實心任事之  
 道現已降旨令李奉翰酌量豫省防汛事宜如可以分身即迅赴江南會同勘  
 辦但該河督能否前往尚在未定即蘇凌阿到彼亦不無稍需時日設使曹單  
 地方漫水壅遏河流湍急該處隄工著重殊有關係福甯若俟會齊再行的辦  
 未免緩不濟事為今之計所謂急則治其標著福甯接奉此旨即先行馳往江  
 境豐北廳地方將所築壩堰有礙曹單漫水去路應拆動者先行拆去以便上  
 游漫水順勢下注可免他虞方為妥善其餘隄堰應如何酌量拆毀以資經久

仍俟閩第錫等到齊會商籌辦至福甯所繪圖樣內黃河及隄工自應分為兩  
 色庶可一目了然乃隄河俱一色繪畫初經披閱竟似河流分為二道殊屬眉  
 目不清是欲求細緻而轉涉模糊殊屬非是嗣後於繪進圖樣務宜展寬尺寸  
 分別顏色去冗從簡不得仍前疏忽

臣謹案治河無善策順則安流逆則橫行然則亦順之而已後世河臣製  
 增高培薄之故智非與水爭地則以鄰為壑甚或浮冒帑金濫開保舉是  
 直以河為餌矣以堯之治鯨者治之河患庶幾稍息哉

皇朝續文獻通考卷十一

田賦考十一 水利田

嘉慶元年奏准山陰縣之三江開關聚數邑民田水利應及時修築並將柴塘改建石塘餘銀一萬三千兩內酌留七千兩生息歲修石工餘銀六千兩修補開工

又奏准修復南靖縣被水衝塌隄岸三百十餘丈龍溪縣被水衝塌隄岸三百七十餘丈

又奏准借帑挑濬太倉州屬鎮洋縣境內劉河一道自新造橋起至石家塘口止計長九千五百一十五丈五尺挑深一丈面寬十二丈至十五丈底寬六丈至八丈太倉鎮洋二州縣承挑十分之四挑撈運河五百三丈陽湖縣挑撈運河七百三十丈

又 諡蘇凌阿等奏會勘豐汛六堡漫口籌辦堵築展寬引河一摺覽奏俱悉惟閱所遺圖內引河雖已展寬於吸溜究恐不能得力或於引河頭再為展寬俾順溜東注以歸正河豈不更為暢達再缺口漫水現據該督等於食城河向東處所挑挖溝渠何不將該處遙隄接築使漫水徑直東注歸荆山橋宣洩以免微山湖受淤至微山湖雖已澄清但由湖下注必須穿運河行走是否不致淤墊其下游宣洩之路能否暢達所有駱馬湖尾閘五壩自應一律啟放俾由六塘等河歸海又豐沛一帶地方現經黃河漫過自必多有停淤將來是否可以耕種該處地勢本低今有此淤泥停積必加高遙隄藉資培護是否得有裨益著一併查明具奏

又 諡蘇凌阿奏稱採運節次諭旨將展寬引河移建堵基改築挑水壩各事宜次第趕辦等語殊屬含混河工培築事宜朕於千里之外就伊等奏到情形及所繪圖樣酌加指示該督等接奉諭旨於應行遵辦者即當將如何合宜之處詳悉聲敘或有未能遵辦者亦不妨將實情奏明方副朕集思廣益之意何得僅以遵旨為詞豈欲留為卸過地步耶至稱現在掣水東注不令滾入微山湖所辦尚是其十字河顧家莊子房山等處開隄洩水入黃不過目前權宜之

計俟上游將六合龍先行堵閉堅實為要

又奏准浙江仁和縣海甯州居崇開三字號條石壩塘二十九丈改建魚鱗石壩隨塘建築坦水二層長二十五丈

二年 諡豐城縣濠河護隄工程為城垣保障農田水利攸關因上年黃水漫入隄岸被衝濠河亦多淤墊自應分別挑築該縣本係積款之區且屢經被水若仍用民力挑築不無拮据所有估需挑築隄建橋銀一萬九千六百九十兩著加恩准其動項修辦俾濱河百姓共資保護該督等務須督飭承辦之員實力經理毋任稍有偷減浮冒

又奏准江西豐城縣蘇家廠土隄二十五丈改建石隄

又 命疏濬安徽宿州靈璧縣濉股河鳳臺縣濉河江蘇豐沛二縣順隄河食城河

三年 諡李奉翰等奏堵工水深溜激另籌堵築一摺內稱口門現在深至十二丈壩頭時見蟄裂恐徒費工料擬在二壩池前一帶河勢坐灣向東處所開挑引河頭另築壩工一道即以舊西壩留作挑水壩請俟秋後新料登場與工等語此次曹汛漫工總由該督等築壩進堵未能堅實以致上年甫堵旋開及復經鑿築後又不能督率在工人員趕緊施工曠日持久水性就下致口門日刷日深昨有旨令劉墉慶桂查勘即以口門跌成深塘轉瞬大汛經臨辦理費手為慮今據所奏情形果不出朕所料是李奉翰等疏玩遲延之咎實無可辭除伊江河係屬巡撫有本任應辦事務非專辦河工之員姑暫從寬免外李奉翰康基田原係河東總河司馬駒保現任總河厥罪均屬甚重本應革職治罪姑念伊等向於河工尚為熟習姑先革去翎頂圖功自贖以示懲儆仍俟秋後工竣覈其功過再降諭旨至漫口處所現已深至十丈以外斷難再為施工徒費工料閱該督等所繪圖說二壩池前一帶河勢坐灣之處向東側注且距新挑河尚不甚遠若於此處開挑河頭導入引河似尚得力其所稱另築壩工一道及留舊西壩為挑水壩之處亦祇可如此辦理但黃河之性遷徙靡常亦未可拘執成見已於原圖改挑引河頭處所用珠筆標出該督等務須察看情

形如此時尙可施工或酌量所費無多不妨先行試挖加放寬深俾大汛經臨水勢盛漲時或向東坐灣之處漸成吸溜之勢若汛水直注引河歸入正河豈不事半功倍河道開鑿民生自昨秋漫溢後曹單下游一帶多被淹浸迄今已逾半載該督等辦理堵築事宜爲時已久早應熟籌情形迅速妥辦乃該督等既未能實力堵築於前及復行興工時又未查勘此等情形早爲籌及直至此時束手無策始議另辦則該督等從前所辦何事若此時劉塘等密案一經完竣即仍遵前旨馳赴工所詳細覆勘見在該督等所籌辦法是否形勢實係如此將來堵築時是否可期完善竣工及李奉翰等因何因循於前並不早爲籌辦之處一併查明據實覆奏毋得稍有遷就瞻徇惟是將屆大汛經臨漫口既須緩至秋汛後方始興工則下游一帶多係民田廬舍必須廣籌去路俾水有歸墟方足以保衛民生摺內所稱微山湖尾閘伊家河閘家山壩等處凡可以遞達六塘河歸海及分洩入黃之路務須一律展拓俾得暢達下注不致壅遏爲患該督等亟宜派委委員分投查辦毋得僅以紙上空談塞責致干重戾其附近漫口及下游各屬如有被災之處該撫尤應加意撫綏妥爲經理務俾災黎口食有資毋令一夫失所方爲妥善至現在糧艘正當北上之時漫工既未能依時堵合運黃連成一片糧船行走較遲稍艱該督等亦應照前旨於河內插立標識導用緯船務須慎重辦理俾糧運得以銜尾前進如再有途次脫空致遲逾限期之事必當從重一併治罪

四年 諭挑浚熱河並獅子溝等處旱河工程動用銀款較多其勘估工段及工竣查驗自當奏明特派專員以昭覈實嗣後每年挑浚工竣俱著該道報明軍機處請旨辦理

又奉 旨河工需用物料價值例有正項開銷豈容輕議加增況自雖汛大工合龍穩固後並無搶險之事不過歲修常辦工程乃該督等以籌備幫價爲詞請於地糧內按年攤徵銀十四五萬兩使豫省羣黎俱受其累豈忍出此雖所稱酌添運費每石一斤只係五毫而一經州縣胥吏之手則層層加派所徵必不止於此數且議加之後不能復減非暫時借資民力竟永遠累及閭閻矣乾

隆五十七年欽奉 皇考諭旨以每年常辦之工動議增添年復一年伊於何底股小民之脂膏爲不肖官吏影射侵漁地步 聖諭煌煌至爲明切豫省豈無檔案可稽而竟敢踵爲此奏乎朕向聞河工積弊有益用不能開銷之款往往借他項彌縫該督等奏請加增運費大約不出乎此俱著交部嚴加議處

又 諭據孫日乘奏河道工程請專派河員辦理一摺河工省分各設廳汛員弁專管修防若派州縣代辦不但本任地方公事曠廢兼至賠累難堪前經降旨通行飭禁今孫日乘條奏所見尙是著再通諭直隸江南山東河南各督撫及河道總督嗣後遇有挑築工程購料雇夫等事附近沿途地方亦祇准派委丞倅佐雜幫辦不得調用州縣至距河千餘里及數百里之處卽地方丞倅佐雜亦不准其派往再該藩司所請每年歲修各工於工竣之後知會各該府州縣會同勘驗一節亦爲慎重工程起見著照所奏辦理

五年奏准永定河南北兩岸七工以下卽係下口查下口以下各隄較之六工以上老壩本屬單薄向來止有疏濬引河之費並無培築隄岸之工上年以來河流北趨水浸壩根該廳汛照常年成例估需挑挖引河銀四千七百餘兩歸入歲修案內題銷本年凌汛後水勢又向北行經該道親履勘驗應行挑淤引流者不過數段卽以節省挑淤之費移爲此堤加高培厚之工所有七工隄工各加高三四尺計長二千三百七十八丈並於八口以下添築挑水壩加以鑊埽經費卽未加增工用咸歸著實嗣後下口一帶應疏濬者挑挖疏濬培埽者卽加築培護不必專守挑淤之例亦不得逾歲修引河之費以期因時制宜

又 諭據許兆椿奏邵宿運河成開以南舊會添設匯澤利運亨濟濬流四開嗣因漫水淤成平陸船由越河行走每多淺阻除匯澤濬流二開節經挑復外亨濟開地勢平行尙未扼要其利運開請一律挑通等語運河建設開座互爲節宣今許兆椿請挑復利運開較之船由越河行走但資草壩擊托著水自爲得力著該管河督卽委員查勘如必應挑復卽於本年回空糧船過竣後趕緊興挑其濬流河成二開開底開壩有應修之處亦著及時修理穩固一切覈實辦理爲要又該漕督奏稱馬湖濟運引渠日漸淤高併請嚴禁私墊一節

駱馬湖蓄水清漕爲運河扼要機宜豈可任其逐加淤墊着該河督會同該督撫派委明幹大員妥爲清理其壅種已久無礙河渠者可仍循其舊如有私壅湖灘致妨水道者申明定例嚴行禁止其堵閉尾閘及收蓄泉水悉依定制辦理

六年 諭永定河採辦物料者照所請於部庫內撥銀五十萬兩內務府廣儲司庫內撥銀五十萬兩交領備用至所稱需用物料因附近地方多被淹浸百物昂貴例價不敷懇請照市價購辦一節本年永定河決口漫溢所需物料較之往年多至數倍而直隸州縣多半被災穡稻等項不無短少兼之道路泥濘遠處一時不能運到市價昂貴自屬實在情形所有此次永定河工需用物料等項著加恩准其照依市價購辦以濟急需但市價漲落不一此時雖屬昂貴轉瞬水退道乾價值自必漸減當隨時確查物料貴賤情形飭令承辦之員據實報銷不得以目前最昂之價爲準藉口浮冒至河工定例土隄漫口係銷六賠四著落各員分賠至堵築石隄及挑挖淤塞向無應賠之例現在永定河石土各隄決口多至三千數百餘丈皆因下游高仰所致歷任各員因循玩誤不肯隨時疏濬以致下壅上潰衝決石隄咎無可辭若不卽令賠修是貽誤各員轉得置身事外不足以昭平允除修築土隄仍照例著落各員攤賠四成外其堵築石隄及挑挖淤塞各費著估計用銀確數查明自乾隆三十八年起至嘉慶五年止歷任直隸總督永定河道暨廳訊各員分別正任署任年月久暫開單具奏酌令攤賠以示懲儆

七年 諭工部奏河道搶險工程請飭河臣於奏報情形摺內確計丈尺銀兩以昭覈實係爲慎重錢糧起見但黃運兩河遇有險要工程臨時急須搶護多係刻不容緩是以向來各該河臣奏報情形均卽一面興修迨各處工竣分案造冊題估今若令其於估計後始行搶修轉致於河工有誤殊有關繫惟是各該河督奏報摺內凡遇搶險處所往往用一半等處字樣並不確指起止地名恐啟廳訊各員影射浮開及事後增添情弊亦不可不防嗣後凡有添築壩壩等工如勘明實係緊要處所萬難稍緩者仍著各河臣一面上緊搶護一面於

興工後卽將新工地名段落確實聲明並各工長寬高厚丈尺若干約需銀數若干逐一分開詳悉具奏以便交部查覆不得仍稱一半等處語涉含混其尋常各工仍俟估報後再行興修庶於國帑工程均歸覈實

九年 諭姜晟等奏稱治河之法以蓄清敵黃爲上策此語誠是至以減黃助清爲中策朕看來竟係下策清水所以敵黃自應蓄深暢方足以資刷沙之益若恃減黃以助清必致洪澤湖底逐漸停淤久且成爲黃水瀉注之所成何事體若將來淮黃不分又將何水衝刷淤墊凡事須念及久遠不可祇圖目前朕聞今年春夏間黃水盛漲灌注入湖湖底本已淤高不能容納是以當清黃並漲時高堰隄工幾致危險陳大文等乃始議開信義等壩權宜補救前會屢次降旨詢問未據詳悉奏陳今姜晟等籌辦各工欲請加培高堰試思湖底若未淤墊又何必將堰工增高卽此可爲黃水入湖之明證至祥符五瑞兩閘前曾降旨詢問陳大文等應否卽行堵閉該處下游有無被淹之處此次姜晟等摺內稱該二閘距洪澤湖四十餘里瀉水建飯逐漸澄清無慮流沙墊及湖身兩閘金門不但無庸堵閉仍於西兩閘牆池上土隄展寬五六丈盤做裏頭另挑引渠俟明春查看情形再爲啟放等語祥符五瑞二閘若長時間不放不行堵閉設水勢建飯而下黃河大溜或爲所奪湖身豈能容受且黃水經由之處亦豈能悉行澄清不使挾沙入湖設四十餘里內泥沙停滯漸將引渠淤淺填爲平陸則水仍無處消納况兩岸皆有民田廬舍亦豈能無被淹受害處所伊等此議自係專爲明春重運經行起見但朕意此二閘長時啟放究屬不妥仍著姜晟等慎重籌度妥爲經理並遵前旨將該處下游有無淹浸之處確實查明具奏不可稍有諱飾至姜晟等所籌加培高堰石工各款亦不過一時補苴之計朕初不吝惜此費但究非一勞永逸經久無弊之策應俟徐端等將海口各處情形逐一履勘後再集思廣益悉心籌畫務將全河積年受病之處疏治通暢使運道隄工永無妨礙方爲盡善

又 諭巡視南漕御史黃鳴傑奏籌挑徒陽運河章程一摺徒陽運河因上年與挑時辦理草率以致本年回空幫船淺阻經百餘等將承辦之該道府縣參

奏著賠並設法疏濬率較始免貽誤現在又屆歲挑之時若仍任承辦各員偷減挑工明年重空兩運經臨自必又形淺阻近山東運河辦理不善每重運北來籌畫極爲費手今歲各湖蓄水充盈可以無虞阻滯徒陽運河爲江浙一帶幫船經由要道若於此先有阻滯則東境雖較運暢順仍恐有藉時日該御史所奏覈實估冊以免減漏加緊築壩厚水以裕挑工嚴禁工員包攬以專責成並不當以封墩作誌替務實量尺寸兼令抽挖龍溝貯水以驗挑工首尾水平豫於開壩前三日呈報工竣俟該撫會同該御史親往查驗後始令啟壩鋪水各條均爲覈實挑工起見著百齡等即飭承辦各員實心辦理該督等仍隨時查察如有偷減草率情弊即行參奏至前令勒賠各員並著飭催將賠項解工濟用不得仍令干與挑工事務以杜彌縫挪掩之弊

十年 諭覈保奏籌議河務事宜一摺據稱河防之病有謂海口不利者有謂洪湖淤墊者有謂河身高仰者此三說皆可勿論惟當專心致志於清口爲今之計祇有大修開壩全復舊規則借湖水刷沙而黃河治湖水有路入黃不虞壅滯而湖水亦治是在收蓄湖水保護石隄急籌去路以備宣洩等語所奏甚爲明晰海口淤高已非一日從古無浴海之法亦無另改海口之處至於清口之通塞關繫漕運往來錢保於此專心致志洵屬扼要辦理近年來河水稍有增漲卽至頂阻清水不能暢出河口因之阻滯轉運維艱卽如昨冬回空船隻歸次遲緩幾遭凍阻皆清水力弱不能刷黃之故故本年春夏湖水盛漲重運始得暢行目今清水消落黃河水勢漸漲已覺倒灌卽須起劍後方能較渡此其明驗若再不及早籌畫將來河口日見淤淺並此一線引河旋挑旋淤成何事體是此時治河卽所以治漕不可稍有稽緩至洪湖淤墊之說覈保謂清水之敵黃所爭在高下而不在深淺等語所論固是但湖底不深則清水焉能多蓄是必蓄深然後水力裕如足以敵黃錢保務當會同徐端通盤籌畫俟大汛過後將高堰五壩及各處開壩支河應如何酌量施工之處妥爲經理總之疏清口以利漕運護石隄以衛淮揚其分洩清水入海入江之處不可不熟籌去路然亦不可過於宣洩以期蓄清敵黃此爲至要

又 諭本日據戴均元奏到履勘運口水勢情形一摺並繪圖貼說呈覽朕詳加披閱圖內所繪形勢甚屬明晰而自禦黃壩迤南至池東一帶滿幅皆係黃水可見倒灌益甚據戴均元奏稱自八月堵築義字壩後迄今三月有餘清水較高黃水未及一尺距明春起放僅有兩月儘力收蓄諒不能及二尺初放時或可暢注日久勢弱兩水頂阻或遇汛水漲發仍恐不免黃水倒灌等語所慮甚是但據稱與錢保徐端再四商酌如遇兩水相抵不能不暫開峰山等閘用減黃助清之法來年重運亦可不至淤淺此則非是蓄清敵黃原係治河良法乃自上年回空阻滯經委吳璣等籌啟祥符五瑞等閘掣減黃水權宜濟運本年回空則全係借黃濟運似此年復一年黃水所到之處在在停淤日久竟成平陸全河受病關繫非輕今若再開峰山等閘仍係上年掣減黃水辦法必致淤及下游殊非正辦現據戴均元奏稱俟催令銅船幫船渡坡或宜堵合禦黃壩將引河一併開挖其臨湖引河二道趕緊挑竣并將清江以下運河兩腮淤灘上緊開挑此等應辦工程均着照所請辦理仍着錢保徐端會同戴均元悉心商酌熟籌良法務使來年重運可以通行無阻而黃水不致仍前倒灌停淤爲一勞永逸之計方爲妥善

又 諭馬慧裕奏洛陽嵩縣地方開濬河渠灌溉民田著有成效請責成專員經管以垂久遠等語河南伊洛等河濱舊有渠工歲久湮廢今修復開增廣溉田畝所辦甚好此事先由升任藩司溫承惠查勘倡修并捐買渠占地畝通判楊世福實心相度經理得宜本年收穫豐饒已有成效溫承惠楊世福俱着交部議叙至此項渠工本爲利民興復若無專員董率仍恐日久廢弛所有該處各河渠一應事宜卽着專歸河南府通判衙門管理

十一年 諭據汪志伊奏查勘隄工目時各州縣境內積年被水田畝未涸請將湖北岸商匪費銀兩作爲防堵消疏之用一摺隄垸保衛田廬關繫緊要今汪志伊目視漢陽等州縣均有未涸田畝未築隄障並據呈報江陵縣一百餘垸因萬城隄潰口田畝盡沈水底監利縣一百餘垸情形相同天門縣七十二垸全數被淹此外漢陽潛江荊門公安應城等州縣民開連名具呈或請堵



塞開疏或請減則黏糧不下數十起自應亟籌勸辦以興水利而衛民田所請岸商匪費一項作為修理之用自係以公濟公事屬可行惟據稱該省岸商向有督撫衙門匪費每年銀十萬兩因節奉諭旨查禁後歷任督撫俱未敢收受等語此項匪費銀兩見存何處擬計共有若干見在修堤之費實需若干著汪志伊咨會額勒布查覈明確會同具奏

十三年 諭德瑛等奏勸明直隸隄河橋道開壩各工一摺並開繕清單繪圖貼說進呈朕詳加披閱此次估修千里長隄各工經德瑛等逐一收驗覈與原估冊報大率相符溫承惠飭屬承修均能如式所辦尚好自此次修築之後不惟保護民田兼以興復水利實於閭閻有裨惟隄工地段綿長每遇大汛盛漲之時不能無滲刷殘缺若不隨時修補必致日久傾圮既恐貽害田廬兼且重糜帑項殊非經久之計朕本年春閒臨幸天津諭令將沿途行宮座落派人看守籌款黏補原以其修理本已完善若復勤加葺補則所費無多而工程益臻鞏固况隄工關係民生較之行宮座落更為緊要豈可稍任廢弛在地方官之意未必不以清蹕臨臨鑿路駐止處所信須敬謹修葺殊不知朕省方時巡即為閱視河隄求莫求甯起見地方官正不得稍有疏懈也著溫承惠將此項工程應如何責成地方官定期呈報隨時修補及防護鞏固者如何量加獎勵因循廢弛者如何酌予懲處務須悉心籌議章程俾不致玩視要工庶隄身永臻穩實民田廬舍均資利益即酌籌歲修經費諒亦為數無多辦理自易為力至格定隄工原係攔截子牙河渾水不使灌入淀河從前不惜帑金庀工建築自有深意若此時不知修補任其殘廢則子牙渾水灌入淀河必致受淤為患著溫承惠飭行地方官再行詳查設法修補即使毋庸修葺亦當將實在緣由詳悉奏聞以憑酌覈所有文安大成天津等縣各工丈尺與原估不符之處著工部查覈具奏

又 諭四女寺支河地處臨清隔下游為漳衛二水盛漲時宣洩去路所有應修工段現據勘估動項挑挖修築應即認真經理勿任草率偷減虛糜公項至該河每屆冬季應行挑浚淤淺亦當籌款備用著照所請於該省司庫城工生

息銀內提取十萬兩發給山東運司交與股商生息為每年冬閒勘估挑浚之用

十四年 諭金光佛奏懇請借項修理圩隄以衛農田該省上年五月間因雨水連綿河湖盛漲下游各屬殘缺圩隄業經該撫飭令業佃人等修築完固其地勢最低之建昌縣內永豐蘆鎮等處圩隄衝塌較甚自應亟加修復保護民田惟念該處甫經被水款收之後民力不免拮据所有該撫估需銀二千兩著即於司庫減半平餘項下借動放給責令該縣紳士人等自行趕緊如式修築其所借銀兩著自十四年為始分別四年催徵還款以紓民力

十五年 諭溫承惠奏直隸河淀淤墊情形一摺畿輔水利關係民生必須盡心講求通盤籌辦今唐河等河七十二川之水向由西淀入東淀分三股下注者近年自趙北口十二連橋以外已多淤墊又北股中股悉皆淤塞僅存南股一棧單渠以洩上游諸大川之水其勢自難容納而東淀下游至楊家河一帶二百餘里又復節節淤淺以致上游往往潰決附近各州縣村莊地畝處處被淹小民種藝無成逃荒失業每年議蠲賑補救不遑而各處大道通衢亦常被水淹浸以致車馬不便有礙經行殊非體制溫承惠摺內稱約計需數百萬金一時礙難請撥且南河大工尚在未竣應俟經費充裕再行辦理今先委員將趙北口以下淤沙擇其至要之處相機疏導並勸用民力辦理等語所見尚淺國家經費有常原不可以濫用然關係民生要務則雖多不容靳惜若如溫承惠之意必俟南河一切工竣始行興辦則南河工程甚多難以刻期辦竣豈有因此而令畿輔要工日久延誤之理至於民力有限勢必不敷徒滋科派之累此事當通籌全局發帑興辦以籌水利而衛民生因思天津鹽務加價一項本為南河辦工而設今即移以辦直隸河工同係正用此外尚有天津關稅一項著溫承惠與嵩年會查此兩項每年應解戶部內務府者共有若干直隸籌辦水利通計實需銀兩若干幾年可敷辦竣著嚴算明析據實奏聞候旨施行

又 諭大學士慶桂等奏會議江南總河吳敬等通籌南河全局請次第修復舊規一摺朕詳加披閱內如惠濟正閘應行拆修王營減壩應行修復二款惠

濟開爲湖水入運關鍵王營城爲洩黃減漲要工原係必應趕修之款節年議定辦理總緣南河要工過多日不暇給以致轉轉延河患愈甚此時實不可再遲著該河督等即行趕辦一切照所議辦理此外請於大汛期內趨堵禦黃壩一款該督等係爲暫救倒灌起見頻年河患由於倒灌而漕船又藉倒灌以爲濟運之資遂致弊不能除而計無所出今該督等奏請堵壩過黃此於倒灌之弊誠可稍減而糧船未經過竣又將如何飛輓且重運回空源源來去即暫時堵閉於河務大局又有何益前日據吳璣奏請將江廣各幫在清江一帶過壩刺運已交江南江西河南山東各督撫及漕運總督會同妥議本日南漕御史程國仁所請亦大略相同各督撫等均受重恩地方河漕原應無分彼此相助爲理今河漕既勢難並治其應如何及早籌畫俾漕運不致淺阻河工得以措手兩無妨礙之處速行設法辦理勿僅恃借黃濟運暫時堵閉爲良策也至於修復毛城鋪石壩一款毛城鋪壩基近日寬至五十丈已非新輔舊制節次啟放屢有漫口吸溜之事恐經由入湖之路日漸停淤非常日情形可比倘一經壅塞潰漫則下游受害必多是以前經查勘未行今該督等謂此次不能減洩盛漲且有此更可助益湖水並以從前係因冬春水弱時啟放以致正河停淤今遵舊制祇於盛漲時酌量啟放自可有益無損等語事關河工救弊之策不厭周詳究竟該督等是否必其啟放後不致旋生他患如果確有把握再行詳細具奏候旨辦理又高堰碎石坦坡一事前此屢經議辦並曾試做有效上年該督等業經奏明定議辦理今忽以分年砌做日久費繁又欲改建高堰二隄以資重障二隄雖有舊形而較大隄形制卑狹新土浮鬆焉能較石堰更爲得力且高堰爲淮揚數郡生靈保障關繫久遠該督等以碎石坦坡須七八年辦成勢難久待欲汲汲於兩三年內趕辦二隄究竟高堰現在情形若何仍著該督等據實直陳無稍隱飾以便定議辦理河漕關繫國計民生至爲重大該督等身膺鉅任自當顧及通盤乃無一日不言治河亦無一年不慮誤運徒爲救弊補偏之說迄無一勞永逸之圖而又屢議屢更忽行忽止殊鮮定見此次降旨之後該河督及各該督撫務當悉心詳度協力經理勿涉游移勿存

推諉以期河漕兩利方爲實心任事之道不可畏難苟安僅以敷衍塞責也又 諭吉給奏籌辦東省水利請展徵曹工幫價銀兩一摺所奏殊屬非是直等於橫征暴斂矣思試江省每年興舉大工動輒幾百萬朕尚不忍稍增賦稅豈因此而累及庶民耶東省水道關繫民閒非舍田廬如果有必應挑濬及培築隄岸之處自當籌款辦理即如直隸興修水利係於鹽務加價內撥給俟收有成數再行興工焉有因捍衛民生轉爲累民之事東省境內河道並各屬川涪清渠如果急需興修亦應照直隸辦法熟籌妥議乃率請將曹工幫價展徵十年其所稱豫備興辦水利及一切便民公事等語試問便民公事又係何所指實不過欲豫備東巡託詞便民實則藉端加賦且朕此時並無東巡之舉前經降旨明諭吉給該撫復何得意存揣測爲此巧取橫征之計耶所請不准行並著傳旨申飭其曹工幫價銀兩除應行攤徵足數外所有嘉慶六七兩年被災恩蠲銀二萬八千八百餘兩既係蠲除之款豈得復行補徵又前次張秋大工及善後各工未歸款銀十萬九千八百餘兩早經該部議令於東平州等五處徵還亦著遵照辦理毋得再行攤派致干咎戾十六年奏准泗水分支府河並濟甯州護城河與運河通連今河身淤墊未能暢達亟需疏濬以資利濟計工四十一段長一萬四千六百一十七丈又 諭玉田雙城河淤塞兩岸地畝每遇夏秋盛漲輒被漫淹自應及時疏濬見據估需土方銀九千七百二十一兩零聲明該處隄堰向係民修惟此次工費浩繁力有未逮懇援照嘉慶十二年挑挖黑龍河之例借帑興工攤征歸款著照所請准在司庫地糧銀內如數動借併加恩自嘉慶十七年爲始分作八年攤徵歸款以紓民力又題准湖北天門縣屬牛蹄支河爲襄水分流要區該河口門過於寬大下游窄狹一經汛水盛漲難保無漫潰之虞必須將河口收小以束水勢著添砌石口門一座口門寬十二丈身長四丈底寬四丈培高二丈二尺八寸以資保衛又議准江西豐城縣東岸湖土隄原長八十三丈因江中新漲沙洲水勢湍急逼射隄身情形危險改建石工七十二丈又楊家湖土隄原長三十三丈亦因

江心新漲沙洲水勢湍急同屬危險亦應全行改建石工三十三丈以資捍衛十七年 諭百齡等奏請借項挑濬武進縣孟浪南段河道一摺孟浪河爲武進縣境內通江支港前此北段河身淤塞時曾經奏准借項給辦分年攤徵還款今據該督等查明該處南段由小河口入江一帶河身因北段疏濬之後水勢趨下日漸淺涸雖於運道無礙但該處兩岸民田俱資灌溉自應亟加開濬若照業食佃力之例興辦民力未免拮据所有估需土方濬工等項銀一萬八千八百八十七兩零著照所請准其於司庫耗羨存公銀內借項興挑分作六年按田攤徵歸款以利田疇而紓民力

又 諭百齡等奏阜甯縣境內救生河一道於該處農田利賴且洩水保隄添渠運料均有裨益今淤塞日久應行挑復請先於河庫存款內撥銀估辦將來查辦蕩務有增出餘柴應行估價之款卽以此項分年陸續歸還等語國家度支自有常經取民亦有定制昨據百齡等奏籌辦河工善後工需援引斬輔舊議於江南江北按畝徵銀可得銀三百餘萬兩朕以事近加賦雖斬輔當日辦有成案然自康熙年間至今百有餘載久未舉行小民難以家喻戶曉恐辦理諸多未便當卽降旨停止至本日所奏阜甯縣境內挑挖河淤此等河渠水利向係應用民力之事卽使民力一時不逮先行借帑興挑事後攤徵還款已屬國家惠民之舉今選請支用帑項雖此一處渠工不過需銀三萬餘兩而該省河渠水道似此應修者甚多若此例一開將來他處士民紛紛援此呈請又將何詞飭駁若概予准行國家焉有如許帑項足供支用所謂惠而不知爲政矣所有阜甯縣挑河一款應仍照舊例借帑興修其如何分年攤徵歸款之處著該督等另行酌議奏請再降諭旨

又 諭百齡等奏請借項挑濬劉河以資水利一摺劉河係太倉等六州縣民田水利攸關且爲商船出入要津今因潮沙灌積年久淤淺自應疏濬以惠農商據該督等委員確勘估計共需銀九萬八千六百兩零並請循照歷次成案借項興挑著照所請於司庫內先行借給分派承挑工竣後覈實驗收其所借銀兩准其分限三年隨同地丁徵收歸款

又 諭巡視東漕御史韓鼎晉奏請復東省運河挑工舊制一摺東省運河募夫工程舊例係沿河州縣衛承辦嗣因陳大文及百齡先後奏准改委河員辦理茲該御史奏稱東省沿河州縣衛承辦募夫相沿已百有餘年仍請改循舊例東省應挑運河分隸沿河各州縣衛承領並責令該撫督率稽察如有藉辭虧缺派累者指名參處其額設兵淺泉開等夫及疏濬修治各事宜仍專責河員經理勿得互相推諉妄議更張

又 諭朕恭閱 皇考高宗純皇帝實錄內載乾隆二十三年 諭軍機大臣等據白鍾山奏楊莊一帶中河水淺見將臨黃臨運二壩開放引黃濟運等語所奏恐不免利少而害多也引黃入運雖權宜濟運之法但黃水多挾泥沙一入運河易致淤墊非甚不得已不可輕爲此遷就之計 聖諭煌煌至明至確實爲治河緊要關鍵尤宜久遠遵循近年來清口一帶因河底日高清水不能暢出運河水小每至漕艘經行不能浮送卽取助於黃水久之不但借黃竟係以黃濟運遂致清口倒灌並運河亦形淤墊百弊叢生皆由於此本年河流順軌糧艘通行朕詢問來往臣工道經該處者皆言近日運河內全係清水並無黃流侵灌爲數年來罕有此皆仰賴 昊旻昭垂 河神默佑實全河轉關極好機會該督等務當恪遵 聖訓謹守成規趁此清黃分注安瀾循軌之時將一應啟閉防守事宜盡心修治不可復循故轍仍思借黃濟運能自今年以後總令清水暢出運口黃流迅赴尾閘則河工與漕務並治從此卽可永慶平成也

又兩江總督百齡奏查黃河自宋元以來與淮水並流歸海之後二瀆來源本不相同源既不同則水勢情形卽不免有此強彼弱此絀彼贏之異必須長使清高於黃乃可衝敵黃流免使挾淤內灌此潘季馴斬輔張鵬翮俱極力以蓄清敵黃爲要務而後之治河者得此則河平失此則河壞也近年以來南河失於宣防遂致河底淤高噴濤清口倒灌運河每值糧艘經行多借黃水浮送始猶知爲事非得已繼則視爲分所應然以弊承弊遷就相循幾至以蓄清之言

視爲迂闊推原其故緣河底日高湖底日下蓄清原較往日爲難埧一綫長隄所砌甄石各工不能如昔堅固而蓄水倍於昔時一經風浪則防守維艱如嘉慶十三年十五年俱以清水過大致有沖決頭壩臨湖甄工及掣開山吁義壩之患嗣後遂以蓄清爲長途以借黃爲長策因循苟且文武偷安殊不知河以倒灌而分流以分流而口澁迨至汛漲經臨禦黃壩閉後大溜壅遏不下汜溢旁行遂有上年倪家灘王營減壩棉拐山李家樓之漫決災延數省工逼全河上煩 宵旰焦勞下致閭閻蕩析撫心追咎能不憤然今幸仰仗神謨率平諸決又秉承 睿指疏浚海口接堰束水本年尾閘深通叨賴 洪庥瀾安伏汛現屆秋汛大漲自應竭力周防惟河身因上年各處漫溢受病愈深則禦黃之計既難而蓄清之方尤爲至急是以 臣前至清江閱山吁禮壩場穿暢瀉即往勘驗飭令先堵智壩并將禮壩攔護收蓄湖水備禦黃流而在工各員意猶觀望藉口於湖水過於蓄多或致隄工著重似不若借黃濟運之安穩蓋不若湖水借黃濟運既便於臨運各工免致防險而外河得有分流則臨黃南北山海各工亦不虞漲盛便可稍弛守護似此苟安便己之私心實爲敗壞事機之大弊此 臣所菴結憤悶而不能自己者查現在壩外黃水祇高清水三尺餘寸計回空漕船行抵河口之日已在八月中旬秋水漸落之期且海口業已深通自必消納益速此時即將禮壩堵閉俾清水於開放禦黃壩之後高出於黃方爲得要即或不能蓄高猶可施於夾激挑逼之功使之頂黃外達克收成效 竊以不敢必者天時所當盡者人事斷不敢曲從臆說坐聽黃流倒灌也

又兩江總督百齡奏竊自海口接築長隄以後雲梯關內外河身刷跌深通 屢接委員稟報尙未敢信茲由清江浦經外河南岸一路履勘至海防海阜三廳沿隄按視工程隨登舟親測水勢自雲梯關至八灘而下直到海口南尖俱深二三四丈至五丈餘尺不等次第循軌暢行毫無停滯瞭望海中見黃流互起直由南北尖之外衝出甚長捕魚船隻帆檣往來距海口似甚遼遠與去年所見南尖之下卽有漁船泊聚情形迥異詢據漁戶等云向年黃河入海自出南北尖而下不過數里卽與海水不能異色捕魚之船卽在海口施網自本年

黃流挽正之後氣力猛盛衝至海中約有四十里之遙始與海波合色漁船須避過黃流至數十里之外始可捕魚計二十年來未見黃河如此奮迅且其勢猛急海口兩旁積沙淤土跌塌深寬南岸絲網浜以下舊灘民住草房均被衝塌遷居遠岸其北岸之龍王廟舊基亦塌入河中等語似此尾閘宣通全河東注誠爲大好氣象上年仰蒙 聖明指示修濬舊海口 俯允於近海之南北兩岸接築土堰二道夾束黃水一氣入海不使倒漾於舊隄尾之外旁流漫瀉而各廳營員弁加掃紮枕併力捍護用能於伏汛大漲時約攔水勢直走中泓是以愈劇愈通沛然莫禦足見前人束水攻沙之語信而有徵而歷來謂雲梯關外不可與河爭地棄長隄而不守者洵爲謬妄 隨乘潮渡過北岸卽由北岸沿隄而上一路測量較春開深試之時加深八九尺至一二丈以外其爲跌通底淤自下而上已有明徵惟查馬港口對岸舊有攔河壩一道係從前馬港決口時所築嗣於合龍後只拆去一半尙留至數百丈之長其勢挺逼河心未免稍稠盛漲之溜勢致使上游不無漲滿相勢鑿度再行拆去前半祇留後半以護大隄並將河中拆除未盡之民堰全行起除俾灘面展寬庶大漲之水足資消納益可無虞

又 諭百齡查明海口通暢各緣由覽奏欣慰之至其另摺覆奏治河機宜尤爲至當不易黃河之性總在去路通暢則其流猛迅大溜直走中泓河身刷滌日深使水勢不至擡高自無旁趨漫溢之患所謂束水攻沙其效莫捷於此見據百齡查奏河流自雲梯關至八灘而下直至海口南尖俱係二三四丈至五丈餘尺不等而瞭望海中黃流互起直由南北尖之外衝入海中約有四五十里此卽黃流迅注尾閘明效大驗百齡見復擬將馬港口對岸之攔黃壩拆去一半並將河中拆除未盡之民堰全行起除使灘面展寬俾資消納所辦俱妥目下秋汛方長臨淮兩岸隄埝尤當嚴督各廳汛加意防護不可稍存大意是爲至要至全淮匯入洪湖以清刷黃尤爲治河良藥惟清水非豫爲蓄則力弱不足以敵黃而蓄清之道全在保護高堰欲保護高堰則必須修復五壩使宣洩得宜揀縱在我方能收湖水之益而不使爲害今五壩已壞其四惟餘

智字一壩而禮場跌穿之後洩水過多下游高寶一帶已受其患現在該督擬將禮場速行堵閉收蓄清水所見甚是昨已有旨令該督等修復五壩即使工費浩繁不能同時並舉本年當先擇何壩最要先行修整完固其餘再以次遞修務令全復前人舊規然後治河關鍵得有把握清水治而黃水益治實係全河至要機宜也至引黃入運有利無害從前 皇考高宗純皇帝聖訓至明自當永遠遵奉近日河工各員仍以借黃濟運為辭此等劣員並非關心河務漕運其意總欲使黃河為患則大工屢興伊等不但可以侵帑肥橐並可以為升遷捷徑其從前獲咎之員亦藉以開復而國計民生之貽誤概置不顧即百齡摺內所謂以苟安便己之私心為敗壞事機之大弊嗣後若再有倡為此論者即應擊問治罪方足以息妄言該督見在籌辦各事宜俱有條理謂當盡人事以俟天時尤為確論力持定見勿惑浮言竭力盡心敬慎不忘人事克盡則天佑必加從此全河順軌永慶安瀾勉之望之

臣謹案東水攻沙本前人成策迺百齡用之其效大著知前之河屢為患者病在承辦各員不但侵帑肥橐并借以為升遷捷徑故不免於敷衍耳誰謂人定竟不勝天哉

十八年 諭初彭齡奏熟籌下河水利宜加修理一摺江省高寶興鹽等處下河地方勢處窪下為上游水潦奔匯之區從前河道屢經疏濬今歲久淤塞每遇洪湖盛漲分洩運河不能容納而下游去路阻滯數縣民田廬舍悉被淹浸年來蠲賑頻仍多糜帑項茲據初彭齡覆查明確亟應先時修辦著照所請將下河一帶應挑應築各工即行勘估興修其應歸官辦銀一萬八千餘兩照數動撥應歸商辦銀八萬八千餘兩飭令趕緊興工此內應歸民辦工程急需銀三十二萬一千餘兩著先行借款給發俟年歲豐收後攤徵歸款事關水利民生百齡黎世序嚴飭承辦各員實心經理張鼎勳重熟悉工程見既委令確悉勘估其餘工員亦一併認真責成務令工歸實濟帑不虛糜工竣後百齡黎世序二人內酌分一人親往驗收如辦理妥協實於河工地方有益奏明量予獎勵設有偷減草率情弊立即嚴參治罪毋稍姑息

十九年 諭御史王嘉棟奏請開水利以濟民生一摺據稱浙江杭嘉湖三府被旱歉收現在青黃不接之時又值米價昂貴貧民艱於謀食請開滄西湖以工代賑等語西湖為浙西水利攸關田疇廣資灌溉康熙雍正乾隆年間節次動項興修迄今閱時已久湖身淤墊水旱難收蓄洩之利該御史所奏自係實在情形著顏檢詳加履勘如應行興辦並可以工代賑即奏明妥辦其所請動用景工生息及海塘節省銀兩亦著該撫查明應如何借動及分年攤還之處一併妥議具奏但此事原為利民起見該撫勘明後奏請辦理不可謂出自上意恐無識之徒妄行揣度以為豫備南巡則與朕興利惠民之意大相刺謬也

臣謹案開滄西湖以資灌溉不僅浙西之利吸光飲祿亦東南一大公園也近雖設有滄湖局惟聞數董事衣食於是興修特名焉已耳湖中葶藻彌望葑泥淤墊甚至深不沒脛淺不容舸而四山之頂洋樓絲互無敢或問者亦可見地方自治之不易矣

二十年 諭百齡等奏請於徐城以上因山改建減水浪壩一摺治黃之法隄防與減洩二者不可偏廢近年南河減水各閘日漸淤廢遇大汛水長之時驟難消減南北隄岸在在可虞該督等議請將十八里屯兩閘中間劃平山頂留口門三十餘丈作為天然浪壩以虎山腰作為重門擊托並於引河兩岸加培隄堰以資宣洩異漲尚為因地制宜工歸節省照該督等所請辦理即行按估興工務於五月內一律完竣其估需銀四十餘萬兩即於此次請撥銀一百五十萬兩內動用事竣覈實造冊報部作正開銷其改隄作堰有占廢民地之處查明照例題給

二十一年 諭胡克家奏勘估吳淞江疏濬工程分年捐辦一摺吳淞江為大江以南衆流入海要道上海等縣漕運經由且關繫蘇松太三屬民田水利近因潮沙淤墊河流淺澀自應亟為疏濬茲據該撫估計需銀二十八萬三千六十兩著照所請以三分歸沿河之上海青浦嘉定三縣七分歸長洲等十三州縣按歲徵糧額分作兩年攤捐並豫選公正殷實董事由縣給發印簿令各業戶照數捐交解存道庫於二十三年捐足即於是年秋成後按照估定寬深丈

尺與工修濬一切俱聽民間自爲經理不令官吏涉手工係民捐民辦毋庸造冊報銷

臣謹案開濬吳淞江匪特蘇松太三屬民田皆受其利實導江入海之要策也近則洋船梭織氣筒鳴鳴西人且議疏鑿之以暢航行江海鎖鑰幸之外人奚其可乎

二十三年 諭陳預奏東省小清河以章邱鄒平長山新城爲上游高苑博興樂安爲下游見自章邱山頭店至萬家口止計河長六十里水流無滯自萬家口至段家橋正河淤墊又鄒平之王家橋開河橋鄒長交界之郭審口高博樂三縣之支派溝等處淤墊較厚均須逐段興挑尚有萬家口灰壩及宋龍口孫家橋一帶應開段興挑及均張壩以東之小清廢河亦宜疏導並將淄河口以上海灘挑挖應照舊章各就地地方自出民夫興辦惟又據高博樂三縣民人呈訴以上游宣洩水勢全行下注支派溝不能容納恐致漫濶查上游之澇山泊清沙泊麻大湖係蓄水之所應先將二泊一湖挑挖寬深使水有停頓再挑挖支派溝並將舊有隄岸補築以防漫溢次將上游之段家橋等處次第疏通再由陶唐口正河通至均張壩開門由支派溝入海則上游章邱等縣民人樂從襄事下游高博樂三縣居民得水有歸宿攔禦有備亦無虞其堅不與挑等語小清河水漫溢固由下游不能宣洩亦由上游河道淤墊所致因勢利導先將上游疏濬並將澇山等二泊一湖挑挖寬深足資停蓄則水勢自不至建瓴直注下游高苑等縣亦不驟虞漫溢著陳預卽照所議先行出示曉諭俾上游居民樂於從事其下游居民亦以次將海灘挑挖通暢使水有所歸不至偏受利害

二十五年 諭農田爲足食之本而溝洫之利尤大使灌溉有資宣洩有備卽開值水旱可資救禦若能於北省多闢水田兼收南方秬稻之利實與民生有裨所有直隸境內著方受疇飭委委員相度各河澗水勢仿照雍正年間成規設法經理並多方勸導能使水田歲有增墾收穫漸多則小民必樂於從事其山東山西河南並著該督撫各就境內一體籌畫其可以經理水田之處各勸

諭農民次第興舉需之歲月以觀其成不可視爲具文

桂林朱蘊叔龍耀爲蒲令邑處萬山中高陵陡坂非雨澤不能有秋乃刊區田圖說勸民爲之區田者始於伊尹古法不可考已元王楨農書推本汜勝之法以爲每田一畝廣十五步每步五尺計七十五尺每行占地一尺五寸計分五十三行其長十六步每步五尺計八十尺每行占地一五寸計分五十三行長廣相乘得二千六百五十區空一行種一行隔一區種一區留空以便澆灌且可疏風不致熱壞而以餘土壅根也除隔空外可種六百六十二區區深一尺用熟糞二升驟用生糞恐峻熱害苗也與區土相和布種勻覆以手按實令土與種相著苗出時每一寸留一株每行十株每區十行留百株別製廣一寸長柄小鋤鋤多則種薄若鋤至八遍每穀一斗得米八升如雨澤時降則可坐享其成旱則澆灌不過五六次卽可收成結實時鋤四旁土深壅其根不致被風吹折其爲區當於閒時旋旋掘下春種大麥夏種粟米黑豆高粱糜黍秋種小麥隨天時早晚地氣寒暖物土之宜節次爲之不必貪多毋論平地山莊歲可常熟近家澆水爲上其種不必牛犂惟用鋤犁更便貧家大率區田一畝足食五口丁男兼作婦人童子量力分工定爲課業若糞治得法灌溉以時雖遇災旱不能損耗後衢州詹文煥監督大通於官舍隙地爲之計一畝之收五倍常田又聊城鄧鍾晉於雍正末亦嘗行之一畝之收多常田二十斛勸農治生者當考鏡焉

陳斌溝洫論曰三代溝洫之利其小者民自爲也其大者官所爲也溝洫所作之土卽以爲道路所通之水卽以備旱潦故溝洫者萬世之利也後世慮其棄地之多而實無多也一井之步約百有八十丈其爲溝畛者八尺而已一成之步約萬有八千丈其爲溝與涂者九積十有四丈四尺而已通計所棄之地二百分之一而弱也今更新爲之必有慮其事之難成者則更非甚難之事也斌觀田之法一尺之畦二尺之遂卽耕而卽成者也今蘇湖之田九月種麥必爲田輪兩輪中間深廣二尺其平闢之鄉

萬輪鑿接整齊均一。朔月悉成古之途。豈有異乎。設計其五年而爲溝澮。則合八家之力而先治一橫溝。出首之步之爲百八十丈者。家出三人。就地築土。二日而畢矣。明年以八十家之力治澮。廣深三溝。其長十之料。工計日三日而半。七日而畢矣。又明年以八百家之力爲澮。廣深三澮。其長百溝。料工計日一旬而半。三旬而畢矣。卽以三旬之功分資三歲。其就必矣。及功之俱成。民剛田以爲利一歲之中。家修其途。衆治其澮。澮官督民而浚。其澮有小水旱可以無饑十分之饑。可救其五。故曰萬世之利也。百姓一夫失業。則飢十日。失穀則殍。此宜其家自爲生人自爲力矣。乃終歲墾田而仍飢以殍者。一則以歲之不時。一則以澮澮之不治也。歲之不時。人所莫能爲也。澮澮之不治。農民莫能爲官可齊其力而爲之也。其不爲者。蓋時無大水旱。則坐視爲不必爲。及水旱至而拯卹不遑。又萬萬無可爲者。加以民食之盈絀。必數年而後見。國家之利病。必數年而後見。事無近功。官無嚴課。故吾民之死生。飢飽一聽命於不可知之歲。而曾無十一之防。百一之救也。斌謂救荒無善策。爲澮澮於未荒之時。此豫救之策也。卽爲澮澮於救荒之時。使飢民卽功而就食。此一救而兩救之策也。然而土異形人異習。按方尺之圖。動十萬之衆。如漢武帝之輕用方士。坐廣廈之內。度溪谷之外。如王安石之欲田梁山泊者。則固不可爲也。卽春議經界秋議遺使。如宋天禧之提點刑獄並領勸農之職。而仍無纖毫之益於民者。亦名美而不足恃也。故爲澮澮必訪求於鄉耆里長。而總其事於郡守。責其成於縣令。分其任於縣丞主簿。則親而不擾。久而必成。今集四境之耆長。體訪以人情地勢。有灼見其可興澮澮者。準里計日具圖。以作其功。有廢地可以澮通者。則募其旁近失田之夫爲之。官助其不足。田成而授其人。五年而起科。畝十而當一。有澮澮其業田爲永利者。則以任本業之人民。實其田官均其力。春夏作五日。秋作十日。冬作二旬。丞簿親董之。令一作一視。先成者籍而上於官。其未成者簿志之。至來歲續而畢焉。民田一頃。聽澮地半畝。令不當澮塗之道者。轉償其鄰田。田不及頃。則任

力而不澮田二十畝以下者。實其力。蓄洩之利。兩邑共之。則郡守責其兩令。令或代去。則交其簿於受代之人。其阻成功及借名生擾者。黜蘇湖之民。善爲水田。春豆夏麥。秋收禾稻。中年之入。畝得三石。石一百觔。而北方之種地者。不能半之。則以無爲水田者也。凡穀之種。禾稻倍入。種稻之田。水田又倍西北土性高燥。宜麥宜粱。所在低平之田。卽爲下產。以其非粱麥之性。而雨澤一過。水無所注。故也。誠能勤行相度。分年規地。仿澮澮之意。備蓄洩以爲水田。種禾稻以佐晚熟。則高地之水四注。而爲害者必轉以爲利矣。且爲澮澮非古之鑿空求利者比也。以民田興民利。不遺使不起。徒不招流戶。視其大小。功力隨作。隨成。有小水旱。此豐而彼歉。則鄰近必有講其法而自爲之者。勿憂其事之難於虛始也。

皇朝續文獻通考卷十二

田賦考十二 水利田

道光三年河南漳河溢 諭戴均元等奏會勘漳河漫口池下情形設法籌辦一摺治水之法合則爲患分則安流漳河性本湍悍自乾隆五十九年由三臺村南徙合洄以來衝水爲其頂阻漳與洄每值夏秋同時異漲民埵不能捍禦以致安陽內黃池下各處頻年衝決此合則爲患之明證茲據戴均元會同程祖洛前往周歷履勘衝水由袁村池東衝刷成河經百六十餘里至大名縣之岔河灣而後與漳合洄水復由原路獨行百餘里至楚旺而後與漳合見在漳河北徙雖無一定河槽業已分殺水勢自當爲因勢利導之計著照所請於樊馬坊馮馬坊陳家村湘河河幹各處北岸支流築作柴壩堵截使河幹池上分流歸併一處田市北岸水高南岸一尺有餘即就高灘挑挖引溝一道俟漫水消涸再將辛莊一帶漫灘之水勸明築壩堵閉完密以資直隸大名等處捍衛其梗阻河心之田家營等十處南北兩岸迎溜處所編設柴壩以護民居北岸上游商家村孫陶集兩處壩工卑薄即飭鑲修高厚並加築挑壩土格以期穩固自柴村橋起跨歷新淤河接連洄河北岸民埵建築土埵一道再將舊民埵培厚加高樊馬坊池下南岸王家口築作土格土壩以免串流南趨使漳河不至再合所需工料著程祖洛飭勘確估設河勢再有變遷見在擬辦工程有應量爲增減者隨時奏明辦理一切經費先由司庫借項興修事竣攤徵歸款河身所占地畝應徵錢糧即飭地方官查明照例題請豁免至修隄築壩事宜著河北道鄒錫澐往來稽察懷慶府知府王康又總司其事妥爲督辦前任汝甯府知府王世臣常駐工所會同該府督飭該縣及工員等實心經理務於明歲春融趕緊興辦限四月內完竣仍俟新河行走一年後該撫審度形勢如尙有當修治之處再行奏辦

又築山西河東鹽池馬道護隄並浚姚遷渠李綽堰涑水河

四年 諭本日侍講學士潘錫恩奏陳借黃濟運之弊據摺內稱著清敵黃爲相傳之成法大汛將至急堵禦黃壩使黃水全力東趨今年漕船早渡張文浩

將禦黃壩運堵以致倒灌停淤釀成大患且欲籌減洩當在下游乃輒開祥符陶城黃入湖壩口已灌於下開口復灌於上黃水俱無出路湖底淤墊極高若更引黃入運河道淤滿處處壅溢恐有缺口之患等語本年南河黃水盛漲幫船阻滯皆因禦黃壩堵運所致彼時節經孫玉庭等奏稱先將禦黃壩上游祥符五瑞二閘啟放宣洩嗣因日久消滅甚速方議趕辦王營減壩雖漕船旋即攪渡而洪湖北半全爲黃水墊高隄堰石工因之掣場漫口該學士奏以爲辦理失當著文字等再行詳查張文浩前此議開祥符五瑞二閘是否不應啟放並啟放後是否因此黃水直灌全湖如果不應啟放則張文浩於禦黃壩運堵既已坐失機宜又復不守成規妄行債事其咎更重著即查訪明確據實具奏至引黃濟運殊非善策朕前旨甚明文字等務當悉心妥議計及萬全不可將就了事致滋後患

六年 諭據琦善奏勘明高堰石工請專辦大隄一摺前據陳中孚等請築二隄加築格隄以爲後戢當經降旨令琦善親往查勘茲據該督奏親歷移建二隄處所逐一履勘該處地勢較低必築至二丈八九尺方與大隄相平以及加築格隄建設滾水石壩及建閘等項非動帑三百萬不能興舉且不足恃者有五若專辦大隄即有高二丈之石工以爲基址復再普加子堰視新築二隄又高數尺且幫成頂寬十丈坡用三收更以子堰直接海漫槽土復用坦坡以緩其勢後槽之掣亦輕約需銀一百七十七萬餘兩是二隄費多而無益大隄費省而有憑所見甚是前據張井奏改河避險湖水蓄至七八尺其勢已可建領高堰隄工皆可不辦茲據琦善奏黃水設法疏消不過落水五尺湖水仍不能不蓄至一丈四五尺必得隄堰鞏固以爲淮揚保障惟見屆農忙大汛將至派員雇夫均非易事著照所請將高堰境六堡九堡十堡及十二十三三十六十七等堡並山圩境內自頭堡至七堡暨信場十三場擇其最爲迎風犯浪緊要處所先行趕緊幫戩其全工則俟今秋明春辦理見已明降諭旨將潘錫恩授爲南河副總河該督惟當會同張井潘錫恩和衷商榷總期高堰隄工永資鞏固毋使稍有疏虞朕擇善而從並不稍存成見也



又 諭程祖洛奏查勘武陟縣放淤地畝疏消積水情形一摺武陟攔黃一堰年年修守糜帑病民自不若籌辦放淤俟一二年內灘淤高即可永除水患前因有人條奏無裨宣防又淹田畝耕種無望復降旨令程祖洛督同河北道詳加履勘並飭令趕緊疏消茲據奏稱放淤時進水甫及旬餘受淤之地自三四尺至三四寸者已有三百七十餘頃不爲無益嗣因河溜南趨將進黃溝堵閉開順清溝放宣洩九月以後陸續涸出地畝已逾十分之九前存積水一片未涸地畝共止八十餘頃不及十分之一水深止一二寸至五六寸不等十月以前涸復七八分之地均經播種二麥十一月以後新涸地畝一分有餘須待來春播種其未涸之水見在逐日見消計二十日內即可涸盡惟將來水面水消去底水盆形低窪外灘愈形高仰消放倍難且冰凌凝結須逐段拷打方能施用戽斗著准其寬限至明年正月二十日以前一律疏消全涸該撫即督飭該道責成廳縣晝夜認真趕辦依限完竣如有遲延將該廳縣嚴參懲處總期無誤東作俾得補種春麥仍恐地畝甫經涸復而積潦已久不能乘時播種並著該撫體察情形如有應行調劑之處據實奏辦毋許稍有諱飾至明歲應否續行放淤仍著屆時察看溜勢情形奏明分別辦理

七年 諭御史李鵬奏請疏濬東南水利據稱江浙各郡蘇松最居下游諸水匯入太湖由三江東流入海其東北由劉河入海者爲婁江東南由黃浦入海者爲東江吳淞一江獨當太湖下注之衝尤關緊要近則劉河口淤成平陸吳淞下游僅如溝洫雖黃江勢尚通暢而吳淞不通則蘇松及浙湖交界之水無從入海劉河不通則蘇州東北之水無從入海以致水旱均災民田被害請及早設法疏濬等語江蘇省三江水利前曾議准與修嗣因需費較多僅將黃浦一路挑濬吳淞各工暫行停辦數年以來淤塞當更甚於前自應及時疏挑爲一勞永逸之計著蔣攸銛陶澍即派委妥幹大員逐加查勘應如何將正河籌款修治其支渠淤港有關水利之處可否照業食佃力之例勸諭紳耆董辦詳細體察情形通盤籌畫定議具奏

八年 諭英和等奏查勘湖河各工告竣一摺前據張井等奏湖河應辦要工

四條經朕特派英和馳往江南會同蔣攸銛查勘茲據英和等勘擬情形分別緩急具奏內除添作堵壩一項不能疏濬積淤徒糜經費無庸置議並海口接築長隄俟一二年後察看辦理外其高堰山盱兩廳如河湖隄石工運河應修建劉老澗石壩揚河應西岸補砌石工俱列爲急辦中河應補還南岸隄爲糧運經行要道亦應及時修整著張井等俟今冬水涸時再行確估又揚河應西岸增培隄揚糧廳東西南岸補修隄石並移建昭關壩及林家西建立滾水石壩等工俱列爲次辦至高堰山盱兩廳洪湖大隄一律寬五丈需項較多著自明年春開爲始分三年起辦見據約估銀三百八萬七千八百餘兩內除劉老澗石壩及堰圩湖隄石工揚河應西岸加補石隄並修整殘缺土工需銀三十三萬三千三百餘兩業經張井等於奏准撥銀十萬兩先行動用其餘銀二百七十五萬四千五百餘兩著照所請准其分年興辦隨案陸續奏撥此次動估各工動帑甚鉅該河督等務當認真督辦嚴切稽察總期料足工堅悉歸實用

九年定江蘇沿江海新漲沙洲召佃章程

十二年改江西豐城縣土隄爲石隄

又 諭據穆彰阿等奏會勘湖河運道情形並妥籌辦理事宜一摺覽奏及圖均悉此次龍窩汛決口地方經穆彰阿等履勘該處黃水入湖即由吳城七堡仍入黃河其開隄之縱橫二三十里多已受淤係在桃源縣南岸二十圍之內並非湖身至黃水入湖東至吳城七堡而止既不能入東清壩即不能灌入運口至吳城七堡順清河架黃壩等清水暢出刷淤黃淤自七堡以下至海口已刷深四五尺不等俟湖水再消即可堵閉山盱各壩俾湖水專力刷黃兼可堵閉昭關壩及高郵四壩俾下河田畝早爲涸復至潘錫恩所奏堵合復故全湖即成平陸據穆彰阿等查明乾隆五十一年桃源司家莊漫口即在見今口門之上二里與見在情形無異想不淤成平陸至南河中滿之患總在桃南桃北外南外北山海防六廳見在桃南決口黃水入湖從吳城七堡仍流入黃自吳城七堡至架黃壩以下直至湖口凡外南北下汛及山海兩廳百餘里內

已刷濬漸深而吳城七堡以上高仰如舊即在桃南北下汛外南北上汛之間計程二十餘里見當正河乾涸必須趁此機會著張井估辦抽溝大加挑浚俾禦黃壩以上漸就底平此爲至要其另片奏回空運船載至本月已渡黃者計一千三百餘隻於歸次可期無誤覽奏稍慰至來年重運著陶澍張井察看情形如堵合之後清水暢出即可全復舊規倘仍難暢出即將束清禦黃二壩及臨清堰等處趕緊收束修復仍行灌塘之法斷斷不許貽誤

十三年 諭麟慶奏近年河湖交敏欲復舊制不外古人蓄清刷黃一法其關鍵全在運口本年空運仍用灌塘自屬權宜濟運但河底淤高非清莫刷湖水連年北行止以運河爲熟路一旦黃水落低則展束清禦黃二壩暢放湖水運口無所稽制古人引導清水濟運則黃全在致力磨盤壩自廢棄後河務漸壞嘉慶年間建築蓋壩旋又塌短不能得力今擬復舊制以備引清刷黃之用至湖堰水寬工險臨湖各壩蓄水之時多封柴土至盛漲動輒損壞另建糜費不貲應照滾壩成法分別勸辦又山旰五壩分消湖水下游車運等五壩分洩來源河水長符定制即次第放水勢一定亦即堵合至於黃河情形查工時體察平險節可緩之堵段辦緊要之土工以收刷深實效漫灘險用堵截支河之法飭屬照辦至黃河底淤非人力所能強刷疏濬器具止可備運河挑挖之用黃河惟儲備料土遇險即搶以防爲治等語所論頗爲正當該署河督務當體察河湖大局情形相度機宜隨時妥辦至河身淤墊日高如果清高於黃即當放禦黃壩挾溜攻沙以資刷濬嗣後務須酌量情形於盛漲以前或將禦黃壩早放數月即多收數月之功至秋冬以後水勢歸槽更宜相機啟放俾河身日益深通近年倒塘灌運究非正辦斷不可年復一年因循遷就致失事機

十四年 諭敬徵等奏會勘海塘工程酌議辦理一摺據稱此次修理塘工前議由念里亭汛甲字號起至尖山汛石字號止於石塘外改築柴工見在已鑲柴工尙能抵溜惟塘身緊要應乘此柴工外護將此內坍卸石塘即時修整完固著速飭工員趕緊興修以資保障自鎮海汛啟字號起至戴家橋汛積字號

止原議改建竹篾塊石工程本係前人成法自乾隆四十五年以後迄無辦過成案而保護鱗塘之法以修復條石坦水較爲得力烏爾恭額遵旨會同履勘仍與前次情形相同嚴煥稱坦水與竹篾均係海塘成法富呢揚阿請仍修坦水見據敬徵等公同商酌意見相同所有原議改建竹篾塊石處所著仍照舊制修復條石坦水二層以護塘基限於明年四月內將頭層坦水修整完固其二層坦水接續趕辦限於明年九月內竣工著烏爾恭額吳椿不時稽查如有草率偷減情弊立即嚴參懲辦惟各項工程未能同時並舉著將烏龍廟以東原奏添建鱗塘限明年七月竣工著暫爲推緩俾專辦坦水椿木條石以濟要工其海甯繞城三層坦水及原議繞城塘工加高二層著俟明年大汛時察看情形再行奏明辦理至請修坦水段落除賠修不計外應修條石坦水三千五百三十九丈零共需銀二十一萬三千九百餘兩著照所議辦理柴壩工段業經興辦著限於本年十二月內完工又另片奏自尖山汛鉅字號起至嘉字號止又索字號起至默字號西十二丈止一律修建條石坦水二層又欽字號起至誰字號止並默字號東八丈起至道字號西十三丈七尺止舊有塊石坦水著照式修補以資保護並著於該汛適中之地添建盤頭一座以挑溜勢其盤頭工料銀兩著按例覈實估辦至前項坦水工程除舊料抵用外計需銀九萬八千二百餘兩較原議全拋塊石銀數並無增多亦著照所議辦理又另片奏東防一帶石塘經烏爾恭額等逐細履勘亟須分別情形覈實修整共估需銀一萬三千四百兩著准其於協撥塘工節省銀兩內如數動用俾工員趕緊修填以裨要工

#### 申禁雲南流民租種苗田

十九年 諭據琦善奏議水田情形覽奏已悉北直水田之利自雍正年間辦理以後迄今百有餘年規制率多更變著琦善於來春校閱營伍之便察看經過地方實在情形分別覈辦並著布政使陸費環俟明歲春融親歷各該處周稱博採如有可作水田之地確切查明具奏候旨辦理此事原期經久盡善不在同時全行興辦要使得一頃即有一頃之益得一畝即有一畝之益行之

以漸持之以恆於國計民生實有裨益

二十二年 諭鑄慶奏中河灌塘事宜業經籌辦一摺於北漫口致阻回空運船見在自以疏通運道爲急務前據潘錫恩奏請於中河運道灌塘濟運如起辦不及即用引黃濟運之法有旨諭令該河督詳勘具奏茲據奏稱見辦灌塘事宜與所奏大略相同其應建草閘並築壩挑河各工業經估定與辦約計霜降以後運船到有成數即可灌放無須引黃濟運等語著該河督督催各員弁妥速趕辦務期於回空運船全數無誤是爲至要

二十三年 諭前據敬徵等奏改河有礙運道惟有堵築漫口挽歸故道爲守經不易之法當經降旨准行嗣據御史雷以誠奏南河漫口無庸堵築請改舊爲支以通運道復令潘錫恩抵任後再行查勘茲據奏稱灌口非可行河之地北岸無可改河之理不敢輕議更張並查明歷屆改河不成各案請仍堵築決口漕船出重回空仍由中河灌塘等語所奏甚屬詳明著即照議辦理

包世臣籌河芻言曰治河者始自下流下流既暢上瀾自安溯自神禹以迄 國朝斬文襄奏績宣防莫不由此自賈讓倡不與水爭地之說壘守諸生羣以築隄激水爲非計而前明潘氏解之曰導河云者蓋洪水橫流時禹度其高下以隄束之引而入海之謂也愚證以八蜡祭防則潘氏之言信矣潘氏又曰沙墊底高但謂旁決之河不可以論於歸槽時也沙易停亦易刷水勢歸槽則沙隨水刷故余所築遙隄守之十七年而未嘗有分寸加高者誠以水聚則底深也但底深之後人視隄爲無用而棄之不加修葺則有且夕之急耳釋潘氏之論以驗文襄之事大概可知矣文襄之督南河也清口以下涵者且十年遂於關外接築長隄除通海輒淤廿里之外皆加修防堵塞決口四十餘處而河以治安者五十年是故近日之河患頗仍說者共咎海口矣然而不稽前賢之成績不察見在之情形謬爲鐵板沙欄門沙可駭之說又謂海潮上下河水不敵以致淤墊因有別改海口及修復爬沙船混江龍等議夫改海口之說潘氏已詳言而力排之今昔一理無容贅辯至爬沙等船乃文襄之外議鐵板欄門之名自

前明嘉靖之初已見章奏其時海口僅在雲梯關下至今海口東徙且數百里若果係鐵板則當橫塞關門何以竟隨水下徙耶蓋河水下注海潮上溢於口門一頂則潮水銳而中行黃水曲而兩散黃潮交匯之處中聚停沙此不必海口爲然也凡山河入江之處皆有之愚更謂黃口之潮實弱而易散唯不能爲黃厚集其力耳夫水莫大於江河海潮入江直上至小孤山瞬息二千五百里海潮入河僅抵十套才百五六十里耳蓋海雖周環而性同就下地勢北高南下海流趨於南而山東之成山磯頭橫插海中者千餘里挑溜東去回溜南折正抵銀塘故湖爲最大黃浦口次之福山口又次之河口近在膠嶺之閒正成山之磯窩耳故湖力甚弱河源萬里又合五省之支流此正同爲逆河之勢也但北岸六套南岸仁和鎮以下二百餘里全無隄束大汛水旺之時橫溢至數百里流散則緩湖乘其虛直入以扼其吭故河身積淤屢致不測愚嘗親至海口南自射陽湖北至灌河口徘徊青淤尖上度其情勢見潮落之時欄門沙面水色深白可辨去口門尚有二三十里與潘氏所言不殊夫河既入海而沙在二三十里之外其不阻大溜也明甚誠修培舊有之隄接長至通海輒淤二十里爲止則河力聚而海潮上泛河溜仍自下行衝刷底淤不知如今之潮旺時河水倒流百里致上游水立矣再度上游河身漫寬中泓無溜之所測量水錢鑲做對頭束水斜壩激動水頭節節逼溜導至清口乃於束清壩下接長蓋壩逼高清勢於禦黃壩外加做順黃大壩挑黃溜北行導清溜東注分工趕辦遴選良善之員期於歸實不過經兩大汛而桃源之高家灣以下河底可以擊深河深則淮高清水下注助黃刷沙高堰自不吃重糧艘永無滯礙此雖未然之事而有必然之理者也

又 諭訥爾經額奏遼查直隸地方難以與舉屯政水田一摺據稱天津至山海關一帶戶口殷繁地無遺利其無人開墾之處乃沿海鹹灘湖水鹹澇不足以資灌溉屯田之法勢難舉行至全省水利之說歷經試墾水田屢與廢廢總由南北水土異宜民多未便而開源疏泊建閘修塘一切工費皆需重帑未敢

以有用之項輕議試行惟地高慮旱地窪慮潦但在地方官於境內溝洫及時疏通以期有備或開鑿井泉以車戽水亦足裨益田功等語所奏自係實在情形均著照議辦理至南省民閒用水車汲井溉田需費不多最爲利便見據該督照式製造發交各府州著即諄飭各屬廣爲勸導實力奉行如有民閒不知此法即於頒發式樣後勸令按井製車試行灌溉其始未免借費憚勞如行之有效互相傳造於農功必有裨益

臣謹案水車汲井藉以溉田南方或偶用之然爲力甚弱計不若廣鑿溝渠使潦有所歸旱不爲虞此則北方萬世之利耳

林則徐擬開近畿水田疏稿 國家建都在北轉粟自南京倉一石之儲常糜數石之費奉行既久轉輸固自不窮而經 國遠賦務爲萬年至計竊願更有進也恭查雍正三年 命怡賢親王總理畿輔水利營田不數年墾成六千餘頃厥後功雖未竟而當時效有明徵至今論者慨想遺蹤稱道勿絕蓋近畿水田之利自宋臣何承矩元臣托克托郭守敬虞集明臣徐貞明邱濬袁黃汪應蛟左光斗董應舉輩歷歷議行皆有成績 國朝諸臣章疏文牒指陳直隸墾田利益者如李光地陸隴其朱軾徐越湯世昌胡寶瑋柴潮生藍鼎元皆詳乎其言之以 臣所見南方地畝狹於北方而一畝之田中熟之歲收穀約有五石則爲米二石五斗矣蘇松等屬正耗漕糧年約一百五十萬石果使原墾之六千餘頃修而不廢其數即足以當之又管統計南漕四百萬石之米如有二萬頃田即敷所出倘恐歲功不齊再得一倍之田亦必無虞短絀而直隸天津河開永平遵化四府州可作水田之地聞頗有餘或居窪下而淪爲沮洳或納海河而延爲葦蕩若行溝洫之法似皆可作上腴 臣考宋臣鄭戛郊喬之議謂治水先治田自是確論直隸地方若俟衆水全治而後營田則無成田之日前於道光三年舉而復輟職是之故如仿雍正年間成法先於官溝試行興工之初自須酌給工本若墾有功效則花息年增一年譬如成田千頃即得米二十餘萬石或先酌改南漕十萬石折徵銀兩解京而疲幫九運之船

便可停造十隻此後年收北米若干概令核其一半之數折征南漕以爲歸還原墾工本及續墾佃力之行之十年而蘇松常鎮太杭嘉湖八府州之漕皆得取給於畿輔如能多多益善則南漕折徵歲可數百萬而糧船既不須報運凡漕務中例給銀米所省當亦稱是且河工經費因此更可大爲樽節上以裕 國下以便民皆成效之可卜者

包世臣致江西陳撫書江右產穀全仗圩田從前民奪湖以爲田近則湖奪民以爲魚圩田大都在會垣四面二百里內失收六年流亡過半而隄身情形皆壁立不能禦漲民力既殫公項亦匱若遂聽之則餘黎嗟靡遺矣檢閱志乘每縣圩名累百其實圩隄不多皆以一大圩包數十小圩而小圩在腹內之業戶於大圩修廢從不聞問大圩當江湖之衝有如城垣小圩包於大圩隨地立名間有子隄爲界不過如城內民居之院牆大圩一隄關數十圩之利害而承隄止本圩業戶是焉得不壁立乎有司注意唯在錢漕從未有周歷巡視問錢漕之所從出者今年張南昌極力從事於此然亦未悉要領觀志乘之不明晰可見從來治江右者均未嘗知此事爲第一義也是故一圩著險有司以其完破無關大局而輕置之及決後修復仍不思爲變計審定善後章程於是無年不破圩已江右變腴爲瘠職由於此宜飭守令認真勘圩何處坐灣何處迎溜繪圖貼註明田糧若干圖必仿蔣圖計里界朱之式使遠近廣狹一目了然官民合力修復鞏固後立定新章令小圩子隄各圩自承其大圩總隄分別平險如何盡分協修協守規條刊刻成帙使官民各有其書庶幾增高繼長以人勝天是先務之當爲急者各圩缺口之下一望白沙成阜是皆六年前良田也田去糧在民安得不流亡無征有解官安得不虧空然曉諭查辦則賣放熟田徒爲奸胥之利宜與有心民事之郡守熟籌借定承隄之章挨查密辦先得水衝沙壓田畝確數乃發明文則官民並受實惠而正供亦不致爲詭寄所累

楊芳田制說曰勸農書曰欲仿井田不必盡泥古法縱橫曲直各隨地勢

淺深高下各因水勢程子云必井田而後天下可爲非聖人之達道道在仿其意行之而民不病蓋田不可復井而遂徑溝畛之遺意猶存也古者后稷爲田一畝三畝以後隨地制宜田制不一區田之法見農政書云每畝可收六十六石學種者或半之或云一畝可收六十石 國朝康熙丁亥桂林朱公龍耀爲蒲令取區田法試之後爲太原司馬在平定亦然收每區四五升畝可三十石爰爲圖說刊布之近衢州詹公文煥監督大通試之於官舍隙地一畝之收五倍常田又聊城鄧公鍾岳於雍正末亦會行此一畝多收二十斛王爾緝於大旱時力務爲此畝得五六石因著區田法然則前人畝收百石六十六石六十石與夫三十石之說或未必然大約地少而收倍良不誣也陸桴亭欲以代田之法參區田之意更斟酌今農治田之方而用之見思辨錄此變通區田之法而善用之者也若夫建隄障水則有圍田築土避水似圍而小其面則有櫃田架木作田培葑泥而泛水上則有架田亦名葑田瀕江沿海積淤泥而成腴壤則有沙田更有塗田梯山爲田又有梯田種植蔬果別有圃田因地異制詳見農桑訣及勸農書康濟錄行世較區田爲廣矣園田者四圍築長隄而護之內外不相通江以南地卑多水田皆築土爲岸環而不斷隨地形勢四面各築大岸以障水中間又有小岸或外水高而內水不得出則卑而洩之以是常稔不荒今北方地坦平無岸潦不能禦水旱不能蓄水焉能不荒須令有力之家度視地形各爲長隄大岸以成大園岸下須有溝洩水則外水可護而內悉爲腴地何慮水旱也櫃田者其法築土護田俱置濼空順置田段便於耕蒔若遇水荒田制差小堅築高峻外水難入內水則車之易涸淺沒處宜種黃稔稻此稻自種至收不過六十日能避水溢之患如水過澤草自生稔稔可收高涸處亦宜陸種諸物此救水荒之上法因壩水溉田亦曰壩田沙田者沙淤之田也今通州等處皆有之此田迎水地常潤澤四圍宜種蘆葦內則普爲陸岸可種稻秫稍高者可種棉花桑麻旱則便溉或旁繞大港潦則洩水所以無水旱之虞但沙漲無時未可以

爲常也塗田者瀕海之地潮水往來淤泥常積上有鹹草叢生此須挑溝築岸或樹立椿楸以抵潮汛其田形中間高兩邊下不及數十丈卽爲一小溝數百丈卽爲一中溝數千丈卽爲一大溝以注雨潦謂之甜水溝初種水稔斥鹵既盡可種粟稻此因潮漲而成與沙田無異者也架田之法猶架筏也農書云若深水數澤則有葑田以木縛爲田坵浮繫水面以葑泥附木架上而種菽之其木架田坵隨水上下浮泛自不淹沒自初種以至收菽不過六七十日水鄉無地者宜效之以上皆近水而爲之制者也惟梯田則成於山多地少之處除峭壁不可種其餘有土之山裁作重磴皆可栽種如土石相半則須壘石相次包土成田若山勢峻極人須僱傭蟻沿而上耨土而種自下登陟俱若梯磴故名梯田如有水源則可種旱稻秈稻如止陸種亦宜粟麥蓋田盡而地盡而山山鄉細民求食若此之艱也自圍田以至梯田俱可植穀至種蔬果之田謂之圃田其田繞以牆垣或限以籬塹負郭之間但得十畝足贍數口若稍遠城市可倍添田數至一頃而止結廬於上外周以桑課之蠶利內皆種蔬惟務取糞壤以爲膏腴臨水爲上否則量地掘井以備灌溉地者稍廣可兼種麻苧果物比之常田其利數倍此園夫之業可以代耕養素之士亦可託爲隱所乃農事之支流而田功之餘事也大抵田制不一各因地以制宜而力田之事全恃農夫有真精神流貫於其間凡選種之取其肥實糞力之取其腴厚耕耨之必利其器插植之必乘平時至繼至悉具有經驗臨民者誠能訪窮簷之疾苦知稼穡之艱難寓撫字於催科殷鞠謀於積貯烏在老農老圃之事非卽大人之學哉

胡林翼論貴州境插花情形啟竊以貴州境內地多插花安順尤甚林翼妄不自揣思欲逐一察清查擬章程彼此移易歸於至當謹先陳愚管仰祈訓示如蒙允准再行繕析繪圖陳說呈懇咨部改撥以正經界以便官民查貴州所謂插花地者其情形約略有三種如府州廳縣治所在此而所轄壤土仍隔越他界或百里而遙或數百里之外世謂之插花卽古所

謂華離之地也又如二壤本屬一邑中開爲他境參錯僅有一綫相連世亦謂之插花卽古所謂犬牙之地也又如一綫之地插入他境既斷而復續已續而又絕縣縣延延至百十里之遙世亦謂之插花卽古所謂斷脫之地也而貴州所以多插花者其故又有三貴州之州縣一因乎明之衙所一因於元明之土司一因於剿撫蠻苗所得之土田明之衙所本以屯田爲實壤而屯田亦有星散四出之地國初諸公徒取其城治相近者卽并爲一邑未暇一一清釐所以州縣地多插花其弊一也土司之壤或承自唐宋或創於元明歷世既久彼此侵奪本非畫一之規及其獻土也則舉其所有而歸之於州縣不暇一一爲之分析所以州縣又多插花其弊二也征討之法或用離間則平一姓而兼平數姓之人招降之利必聯族類則降一寨而兼降數寨之人當其創制州縣輒以一時所獲田土歸之一邑所以插花愈多其弊三也三者之弊皆因戡定亂略之時未暇深考而其流弊乃百出而不窮姑卽弊之切近者言之插花地有離本治二三百里而離他治未百里數十里者民之輸將也不於其近而於其遠期會不時資斧既竭遠來負米勞費可矜此其不便於民也府廳州縣號爲親民之官欲其出入可見否詢易及耳乃所親者在遠而所不親者在近縱有留心民瘼之良吏亦限於聞見而莫可如何追呼不便公事掣肘此其不便於官也凡此各弊相沿已久而不致輕言更張者則恐吏胥之因緣爲奸更恐州縣之肥瘠不定耳然使官不擾民自爲經理就疆域之形便而截長補短卽錢糧之會計而益寡裒多不更易州縣之名不增減糧賦之數則民情當必帖然而吏治實爲大便姑卽安順而論之安順領二州三縣而知府及同知通判皆有分地是名爲五屬實八屬也八屬之中插花無慮數十處其最多者又莫如安平鎮實安平居府城之東少北鎮實居府城之西中隔府屬及普定形勢本不相連而此二州縣之壤割裂交錯幾無整段略而言之蓋二邑各離而爲三其與安平城治相近者則爲五所及柔東三排五所者明代平壩衝之故地也柔東三排者明代柔

遠所東偏之故地也五所三排聯聚一處東西相距九十里南北相距八十里東北一綫接清鎮之藍家哨西南一綫接普定之石板房爲驛道近旁之地而環其南北者皆鎮實插花地此安平之正壤一也柔西三排在安平之西北七十里北負思臘河之南數里有齊伯房城卽明柔遠所之故城也三排所卽明代柔遠西偏之故地也其地東西相距二十五里南北相距三十里東南西南三面多爲鎮實插花地所環北又貴筑羊鵝塘茅草寨及大河十三寨環之自柔西至安平必出鎮實插花之境此安平隔越在西北之壤二也又有西堡十二枝者本西堡土司之故地原屬普定康熙五十五年始改屬安平其地在安平西北二百里東北相距七十里南北相距六十里跨沙家大河之南北二枝在河北十枝在河南沙家大河者卽思臘河之上游也是河自郎岱之黃沙渡流入西堡之六馬枝爲陰陽渡貫十二枝之北境行三十里至樂東渡出西堡境又隔二百里至邱哨渡始入柔西之境復爲安平地其間蓋爲郎岱普定鎮實平遠之地所隔越也若自西堡入安平必假道普定之定南里及鎮實之蒙楚諸枝此安平西北絕越之插花三也至若鎮實州之三壤則附州城諸枝一也安平以北諸枝二也安平以南諸枝三也鎮實附州城之地爲東屯枝爲西屯枝爲郎洞枝東西相距約五六十里南北亦然此爲鎮實之正壤又有木岡嶺水阿破三枝在其北東接普定之定南里西接郎岱之羅別汛雖爲普定之腰鋪水母塘所隔而阿破枝之北古寨越在沙家大河之北毗連平接以其大致尙與鎮實治所相接續卽可謂爲鎮實之正壤此其一齊伯房枝居安平柔西之東而公具蒙楚二枝又居其西其南三枝大勢環接然在普定定南里之東不與州北之三枝相連又橫梗安平柔西之中爲鎮實隔越在東之地此其二上九枝中九枝下九枝居廣順州之東安平之南而南聯歸化廳西則本州之隴革枝東則本州之華楚枝諸枝大勢相聯圍聚一處爲鎮實隔越在東南之極境此其三大抵二邑之六壤或數寨旁出或半枝隔絕非親履周詢不能縷析也其他若府

屬之與普定則府屬之五走十三枝與普定之五里五枝往往交錯大約縣境居北及西南而府境在東及南縣境自城而北直屬於三岔河則本明定南里之故地又自城而西南直接歸化則五枝之地本甯谷司所改也其四里居驛道之旁者則普定衛之故地也大勢尚相連接然又有東出二百餘里遠在鎮甯華楚枝之旁而介乎貴筑廣順之間者則爲尅坐場府屬之五起本爲安順舊州之地其餘十三枝則安順舊軍民府之地也十三枝參錯勻布自東而南而西薄乎縣屬之甯谷五枝而止然又有水西莊在鎮甯之西南三十里蜡蓬寨錯出安平堡唐基堡之東錢唐堡錯出安平豬槽堡之東亦府屬之插花地也郎岱歸化二廳地頗連屬蓋畫疆在雍乾之際其時司事者留心疆域故無遺議清鎮雖併聚在東北一隅而貴筑之穀上穀下二里委六七里廣且百餘里又有羊鵝塘舊人寨茅草寨若絕若續與之橫互其中居二穀之北者爲鎮里安里明故鎮西衛之地居二穀之南者爲清里定里明故威清衛之地永甯雖集處於西南之一隅而其地本偏遠州城及打罕一馬沙營頂營募役三司六保阿果二枝皆居北盤江之東樂運樂壩樂舉八大朵萬播西邕便邕由八十石石灣寨下募役十一馬寨又在白水河之東惟江外金井之地則居北盤江之西外界貞豐地復荒廣爲盜賊聚萃之區凡此皆諸屬插花之情形也又考西堡去安平遠而去鎮甯近齊伯房公具蒙楚上九中九下九隴革華楚八枝去安平近而去鎮甯遠若舉以相易實爲兩便他若穀上穀下之當歸清鎮江外之宜併貞豐則又事關外郡不敢輕議也

謹案稅政相仍非得大家傑者出未易改絃而更張之也卽如貴州境內地多插花若無人妥爲清釐民困而官亦疲矣林翼初縮銅符汲汲焉以正經界爲己責此其所以異於尋常者與

道光三十年 諭吳文鎔奏海塘缺口見已堵合並下游州縣尙無被淹一摺此次浙江海塘石工衝缺六十餘丈續又將搶作土塘衝缺過水吳文鎔等未能先事豫防前經降旨將該撫照部議革職留任並飭查道廳等員職名送部

覆議茲據奏衝缺口門剋期堵合辦理尙爲迅速下游亦無被淹受害處所所有該撫革職留任處分著加恩開復其道廳等員應得處分亦著加恩一併寬免又另片奏見籌塘工大槪情形其應如何遴委賢能籌款佐辦之處著該撫等迅卽通盤籌畫悉心妥議具奏

又 諭裕泰奏荆江三汛安瀾萬垵大隄防護穩固一摺此項隄工爲荆州全郡及下游各州縣田廬保障最關緊要該督仍當飭屬實力巡防俾一律穩固足禦來年汛漲前因濱江處所棚民開山致礙水道降旨令各省督撫確查妥辦果使沙土不致淤墊江流自可暢行於隄工大有裨益該督等務當體察情形隨時防護勿稍懈弛

又江蘇巡撫傅繩勛奏白茅河年久淤墊海口石橋啓閉不能見功必須移建距海較遠之老橋橋地方見已議定挑辦得 旨依議妥辦

魏源代孫撫撰江蘇水利全書叙略曰江浙兩省形勢山脈一自湖州趨杭州一自鎮江趨常州南北皆高而嘉興蘇州松江太倉適當其中窪自江蘇一省言之則地勢北高而南下黃浦東江吳淞中江劉河婁江皆泄太湖之水入海再北爲白茅七浦爲孟濱則泄太湖之水入江是爲五大幹河孟濱最北最先淤白茅劉河次北則次淤吳淞介南北中則屢淤屢淤黃浦最南最浩瀚爲江浙七郡諸水之尾閘自古從無淤塞亦從無疏濬故陶林二公之興役亦惟吳淞大資官洩而劉河白茅則海口築壩以防渾潮倒灌之患可灌田而不可通海豈非地勢使然哉道光十四年蛟水陡漲濼將入城林公卽檄太倉州決劉河白茅大壩不二日水退數尺歲仍大稔急則泄水入海常則蓄水隔潮又豈非地勢使然哉或者曰此論地平也而未及乎水平也地平者形勢高下之一定水平則低田築隄使大水不能入民田可使隄外塘浦之水自高於江而江水自高於海誠能於沿湖州縣大修圩田則足以束水外水使之平而東注建隄此有待於推廣者一建閘可施於支流汶港而不可施於幹河築壩可施於劉河白茅而不可施於吳淞然吳淞上游必於長橋寶帶橋大去壅塞方可收

湖水使之奔騰入江下游於吳淞口對壩偏溜方足激江水使之奔騰入海視建閘去閘功皆相信此有待於推廣者二

又 諭御史湯雲松奏江西水利情形一摺著陸應穀到任後按照所奏各情諄飭該管各官相度地勢博採輿論倘事屬可行即著廣爲勸諭俾小民共圖久遠以息水患而衛田廬

又 諭據孫瑞珍奏現接前任漕運總督周天爵來信內言十字河些許小工竟爲全漕之害若於河西隄改挖新河一段以舊河爲囊沙之渠於彭口牯作滾水壩納濁水而漾清流漕船無阻淺起剝之費可省通漕之費幾二十萬金等語著顏以煥悉心查勘妥議具奏又稱清江三牯實保平水舟可牽挽而過牯實可廢孫瑞珍則稱此項漕費既可節省即以所省之費爲辦理添塘之用既非動用正款又與福濟等前奏相符各等語著陸建瀛楊以增卽於查勘海口坍塌之便確查惠濟通濟福興三牯是否上下水仍前平流可否節省漕費爲辦理添塘工用其三牯果否可廢並著詳細覆勘悉心籌議具奏事關係民利漕爲久遠之計斷不可惑於浮言稍存畏難苟安之見



皇朝續文獻通考卷十三

田賦考十三 水利田

咸豐元年 諭步軍統領衙門奏民人馬成齡呈遞奏章請復康熙年間混江龍鐵掃帚刷沙舊法等語著陸建瀛楊以增即查明混江龍等法於何年裁撤從前有人條陳仍復舊制因仍不能行歷查舊案詳細具奏黃河形勢日淤日高受病滋深自宜力籌疏通海口之策務須體察情形悉心籌度以爲久遠之計

二年添設無爲州江墾隄工

又修築湖北襄陽老龍官隄及公安鍾祥天門江陵石首潛江六縣被水衝缺民隄

又 諭陸建瀛等奏籌辦江境運道一摺據稱黃河歸海之路業經分飭應營將邱宿一帶運河壩場展拓俾令疏暢並加培運河葺隄安設水墩估挑替河各事宜見已一律興辦見在楊殿邦已督飭幫船陸續由順濟河渡黃北上江境上下運道自可無虞阻滯惟山東省南路運道尤關緊要亟應設法辦理著顏以煥李德嚴飭所屬妥籌轉運務使幫船街尾前進以重倉儲至云清江船之銅船二起見隨糧船插檔行走著一體催趕其隨後銅船亦著隨時督催毋稍遲誤

三年 諭上年前任太常寺卿唐鑑呈進畿輔水利備覽一書詳詳加披閱於西北水利言之甚悉其水道各圖按照各府州縣條分縷晰亦極詳覈近年各省漕務疲敝若畿輔地方廣興水利於國計民生大有裨益著桂良於直隸軍務告竣時悉心體察各屬地勢酌度情形或派明幹大員前往履勘妥爲籌辦畿輔水利章程本有成案可稽前此屢興屢廢總因地方官先存畏難之見擬以一奏塞責該督務須認真督辦切勿視爲具文致負委任畿輔水利備覽十二本著發給閱看

謹案畿輔水利屢議屢廢雍正三年 上命怡賢親王偕大學士朱軾相度之通設營田水利府以王董其事起深州玉田諸州縣官因地勢

疏築圩建開渠招民給工本募江浙老農教耕工匠爲農具翌年田之熟者百五十餘頃七年通至六千頃循而行之南漕可停運矣亡何官忘於勸督民憚於耕作袖視腴壤化爲瘠區良法墮地惟坐食南漕忍自棄其天然之地利烏呼誰之咎哉

五年 諭蔣啟敬奏下北兩陽汛三堡漫溢請將疏防各員分別懲處一摺本年黃河水勢異漲下北兩陽陽汛銅瓦廂三堡隄工危險六月十八日以後水勢復長南風暴發巨浪掀騰以致十九日漫溢過水二十日全行奪溜刷寬口門至七八十丈迤下正河業已斷流下游居民罹此兇災流離失所朕心實深憫惻著桂良崇恩英桂趕緊派員籌款前往確查黃水經由之處將被水災黎妥爲撫恤無令一夫失所並著該署河督嚴飭道廳趕集物料製作盤頭毋使再行坍塌以致工程愈大糜帑愈多

又 諭李鈞奏查明漫水經由處所一摺據稱黃流先向西北斜注淹及封邱祥符二縣村莊復折轉東北漫注開儀考城及直隸長恆等縣村落復分三股一股由趙王河走山東曹州府池南下注兩股由直隸東明縣南北二門分注經山東濮州范縣至張秋鎮匯流穿運總歸大清河入海等語黃流汛溢經行三省地方小民蕩析離居朕心實深軫念惟歷屆大工堵合必需帑項數百萬之多見值軍務未平餉需不繼斷難興築若能因勢利導設法疏消使橫流有所歸宿通轉入海不至旁趨無定則附近民田廬舍尙可保衛所有開陽漫口即可暫行緩堵著李鈞即派張亮基帶同熟悉河工形勢之員周歷查勘繪圖貼說詳細具奏至被災之直隸河南山東各省並著桂良英桂崇恩各派幹員會同查勘統俟奏到時候朕酌量辦理該督撫等目覩災黎徬徨野務當不分畛域悉計通籌以期早爲安輯至於辦理之方事屬權宜該督撫等各有所見不妨據實敷陳以備採擇

七年 諭晏端書奏海塘埭石各工猝被風潮衝坍一摺本年七月間浙省風雨交作金衢嚴處等屬同時起蛟致將西塘埭工衝坍數處均已過水浙省海塘爲本省杭嘉湖及蘇省之蘇松常鎮七郡田廬保障攸關緊要著該撫嚴飭

道廳各員將已圯者趕緊搶築未圯者設法保護毋得再有疏虞至全塘各工此次撥捐甚多並飭承辦各員分別賙修該撫仍隨時親往巡勘以期及早蒞功其被水處所並上游被蛟最重之區淹沒人口田廬著即飭屬查勘具奏所有防護不力之署西防同知邢吉甫海防營守備周金標均著革職留任署杭嘉湖道葉堃著交部議處晏端書著一併議處

又 諭有人奏淮揚各屬下河水利請飭將運河各屆壩相時啟閉一摺據稱淮揚一帶近歲田畝歉收不盡由豐工未築清淮以下無水之故實因高寶五壩耳牆未啟有司既恐啟閉經費無著劣紳土豪復藉買水為名圖飽餉擊以重賄營謀竟敢於官河築壩攔截使下游涸涸無沾而下游八壩概不堵築致運河水無停蓄上游灌溉無資邇來漕艘既歸海運水利專在民田倘能及時啟閉藉可蓄水濟旱歲費工程不過萬金並可計畝攤捐等語河工設立壩壩原以利運便民必當因時制宜俾田畝無水旱之憂於民食軍餉均有利登

八年 諭前據李鈞崇恩奏豫籌明年分成河運事宜當經降旨以全漕河運能否照辦諭令等商具奏茲據奏稱籌款挑河設法趨運並將應修各工擇要估辦著照所議飭藩運二司將挑河例價津貼銀兩趕緊籌備支發以免臨時遲誤李鈞等即飭該地方官認真挑挖務使河身一律深通轉運無阻並將應辦各工需用錢糧撥節估計先行具奏毋許屬員藉端浮冒以重帑項而歸覈實

九年 諭彭蘊章等奏豫籌天津海防仍請宣洩河水一摺據稱上年屢經議洩南北運河等水今查南運河水應將滄州捷地隄淤河挑通導之入海再於天津城西開引河一道令入南運則南運河之水可減北運河水應挑通楊村館兒港令由東淀入海則北運河之水可減大小西河水應挑滄天津城東減水河使之東流則西河之水可減再於馬家口以下開道引河引河入南運並開濬白塘口則海河之水可減以上各口或修理舊壩或建築土壩無事則閉有事則啟來源分則下流易淺於守禦之策較有把握等語著信格林沁恆福查照該大臣等所議派委委員分投履勘倘將各屆壩修建實能減洩河水有

神守禦即著乘此冬令水涸之時趕緊籌辦此項工程係就原有河道挑挖工費自不甚鉅或作正開銷或由官紳捐辦並著信格林沁等酌量奏明辦理

又 諭信格林沁恆福奏遵籌宣洩河水請飭大員會同查辦一摺據稱海河水寬深湖水長落並無一定非人力所能施其滄州等處挑濬壩前會查辦民間多稱未便請派員會同履勘再行興辦等語宣洩河水之議係由候補道丁守存函致彭蘊章四品頂帶李湘棠函致匡源而李湘棠言之尤為詳細是以該大臣等據實奏聞請飭籌辦見據信格林沁等奏請派熟悉河務人員會勘京中並無可派之員惟丁守存等言之鑿鑿或有把握此時直隸南路喫緊丁守存既經派往辦團自未便遣行調回李湘棠又偕郭嵩燾前往山東如能調李湘棠先回津郡著令其將所言宣洩事宜詳細臚陳即由信格林沁恆福派委委員會同該員逐處履勘如有把握再行奏請與辦倘多窒礙即著毋庸辦理

十年湖廣道御史薛書堂奏黃水改道南河壩隄久不葺治請將該處河督及各廳員悉行裁撤 諭曰該御史所奏裁汰河員各事宜著御前大臣軍機大臣會同該部議奏爾王大臣等務須統籌全局不可畏難尤不可恐為怨府該河督數載經營所辦何事不過屢領帑餉祭此無用之輩而已

又 諭沈兆霖奏請就黃河改道勸捐築隄錄出前人奏疏並將東省原寄圖說呈覽一摺據稱歷來河流皆北行為宜乾隆年間吏部尚書孫嘉澍請開減河入大清河一疏言之最詳所謂入大清河由利津入海即是見在黃河所改之道詢之東省官紳俱云張秋以東自魚山至利津海口皆築民堰惟蘭儀之北張秋之南則黃河自決口而出氾濫汪洋工程最鉅直隸之東明長垣山東之菏泽鄆城培築又較張秋為易張秋下游至海門不必施工惟缺口至張秋數百里間可令民間捐資籌辦各等語係為通籌大局起見著恆福黃贊湯文煜慶慶各就地方情形悉心酌議實勘估如果事屬可行即勸諭各該處紳民力籌捐辦並遣派熟諳河務之大員會同各該地方公正紳士妥為區畫或應開引河或應築隄堰分別相度一面勸諭捐輸將來民捐民辦均著紳董經

理毋許假手委員吏胥以歸樽節如果駁將踴躍即可於霜降水落時奏明一律興工並著各該督撫將有無窒礙情形先行審度具奏總期爲民捍患節經費而順輿情是爲至要

同治元年 諭御史朱潮奏請開辦輔水利以裕民食一摺國家建都燕京歲漕東南糧米數百萬石勞費不貲允宜妥籌北省水利以裕民食而省轉輸直隸通省地方西北倚山東南濱海凡山泉匯注及海潮涌灌之區均可開河築壩引水溉田俾成沃壤康熙年間天津鎮總兵藍理會於天津地方開渠築壩如藍理等之留心經濟力求足民裕國之謀卽南省漕糧偶有梗阻亦何慮倉儲缺乏耶該御史所奏實係方今要務兼可爲儲備京倉久遠之謀著直隸總督順天府尹速將所轄境內山泉河渠淀湖共若干所並可開渠引水地方若干處切實查明繪圖說詳細具奏至辦理一切事宜及該御史所稱鑿井造車並以田地之墾治與否定府縣考績之殿最及勸紳富捐助經費給予獎勵之處並著文煜萬青葵石贊清一併妥議章程覆奏

二年 諭據都察院奏公安民人葉華品呈稱該縣自咸豐十年江陵之毛家尖隄潰被淹四載屢經督撫飭江陵修復由公安籌款幫費均以無費停工小民頻遭水患淹斃斃慘不可言懇恩早爲修復等語本日已明降諭旨令官文等查明該處修隄之費向來是否民捐民辦抑應官爲修理酌量奏辦惟覽該民人所呈該縣連年被淹流離困苦經費實無從出官文嚴樹森尤當體察情形如向係民捐而現在民力實有未逮之處亦當設法迅爲捍築保全民命毋得徒事批飭與修仍復任令地方官藉口修費延擱不辦以重隄工又 諭譚廷襄奏上南各廳險工疊出嚴飭搶辦平穩並蘭陽以下直東境內被水處所請飭妥爲捍禦各摺片黃水由蘭陽下注直東境內值此盛漲地方被淹河南考城縣數年涸出之村莊復行被水山東荷澤縣黃水已至護城隄下至直隸之開東長等邑山東之濮范壽等邑每遇黃水出槽必多漫溢而東

明濮州范縣齊河利津等處水皆靠城行走尤爲可慮據譚廷襄奏稱此時河已北行不能再籌別策攔水惟恃民堤從未議及疏導恐數年後漸次淤墊或海口稍有阻滯事更爲難濮范一帶舊有金隄前在山東巡撫任內曾設法修築工竣復被衝決四月間會屬藩司貢瑣籌款未知會否動工至利津爲入海之處水逼城根恐被衝陷前在山東會派員勸諭督率紳士勸捐築壩尙未報竣等語伏前河流盛漲隄壩一切亟應設法修築著聞敬銘將如何設法集費相機修葺之處督飭該地方官妥籌辦理濮范上游與直隸開州毗連之處亦有衝缺開州不修濮范築亦無益著劉長佑飭屬一律修築以資捍禦此外近河之處一遇盛漲出槽漫溢其應疏濬壩堵處所既未專設河員惟在沿河地方官督率紳民妥爲籌辦民力不逮卽當官爲勸捐辦理劉長佑聞敬銘務當飭令各屬實心經理毋令河水漫溢貽患地方豫省河流漫及之處著張之萬設法捍禦一體嚴防至上南各廳險工仍著譚廷襄實力修守毋得稍有疏虞

三年 諭都察院奏江蘇士民殷自芳等以要工久緩懇請興辦等情赴該衙門呈訴據稱該生等田畝坐落山陽鹽城二縣境內市河十字河小市河等處市河上通郡城文渠十字河小市河皆其分支蜿蜒百里東注於馬家溝沿河民田數千頃旱則資其灌溉潦則資其宣洩自乾隆六年大挑以後迄今一百餘年河淤田廢水旱均已成災同治元年該士民公稟府縣請挑濬築城引運河水入市河經該府批准轉詳漕督詣勸二年正月興工嗣因御史以地方官勒捐等情入奏工卽停止雖經漕督查明覆奏並無辦理不善之處而承辦官紳亦遂畏累遷延見在要工久懸懇請奏明興辦以蘇民困等語該處市河等渠關繫民田數千頃淤墊日久小民生計維艱自應趕緊興修藉資灌溉著會國藩吳棠李鴻章迅速查覈辦理該處曾經吳棠親勘興辦何以旋卽停工是否有無窒礙並著該督撫據實奏聞

又 諭前因都察院奏江蘇士民殷自芳等呈請挑濬山鹽二縣境內市河十字等河以收灌溉宣洩之利當諭令會國藩吳棠李鴻章酌量辦理茲據該衙門奏稱鹽城士民趙含生等遺抱告周郁文呈訴殷自芳等捏撰水利山陽縣

之市河十字等河並不在鹽城境內一經挑築必致阻遏水道鹽邑全受其害等情趙含生等所控各節與從前殷自芳呈訴情形彼此各執一詞均難憑信其市河十字等河究竟應否挑築之處著會國藩吳棠李鴻章相度地宜確切查明酌撥辦理原呈所稱殷自芳等並不遵旨請查速行斂錢興工之處是否確實尤應澈底根究並著該督撫等一併查明具奏尋奏確查志乘並採訪者民公論市河十字等河由山陽流入鹽城達馬家灣入海下游淤阻則有害民田殷自芳等稟由府縣籌議挑濬經 吳棠親詣勘明委員酌度另埋涵洞引運河之水以益來源疏濬尾閘以免阻遏見在工程已竣數千頃民田藉資灌溉於地方水利不無裨益至酌捐經費係另舉殷實董事經理殷自芳等並無斂費情事趙含生等不明縣志控出懷疑已經到案具結尚非固執應免置議又 諭會國藩等勸修蘇松水利

四年 諭鄭敦謹奏戴村壩工被匪拆毀請暫緩興修一摺山東東平州戴村為運道全河關鍵該處玲瓏石壩及三合土壩均多損缺有礙運行經前署河督譚廷襄等委員勘估興修本年三月間賊匪突竄戴村將三合土壩等處作就外築圍壩全行決毀物料亦均被焚掠見值夏令雨水較多一時自難購料修築惟本年試行河運伊始亟須妥籌興辦以利舟行著張之萬督飭坐補運河道敬和及應州各員將戴村玲瓏石壩等處損缺各工迅速購覓工料及時修築倘藉口被賊拆毀任意稽延致誤糧艘轉運即著張之萬指名嚴參又 諭張之萬奏上南應汛工程萬分喫重見督道應竭力搶護一摺據稱南岸上南應鄭下汛十堡一帶無工度所因河勢圍注塌潰情形緊要正在搶辦聞風雨頻番全河溜勢側注湧激洶洶非常湍急以致該工新築壩工先後墩墊隄身同時匯塌隨隨墮頂僅存丈餘見在親督道應竭力搶護並催藩司撥款接濟各等語該應河岸逼近省垣工程甚關緊要見在河流側注壩工塌僅存一棧長隄情形萬分危險張之萬身任河督責無旁貸即著督飭道應營汛各員弁實力搶護毋稍疏懈該應險工疊出需款浩繁即著吳昌壽嚴飭藩司迅速籌款接濟以重要工

五年 諭劉長佑奏黃河日漸北趨請飭河督履勘商同三省會辦一摺本年黃水來源極旺新修金隄概枝街刷情形十分危險直境被水之處既寬且重甚於往年開州所屬地方險工五段自開滑交界之杜家樓起至開濮交界之陳家莊止隄工均須培高加厚即著劉長佑督飭該地方官趕緊辦理並將險工隄口一律修辦以資捍禦直隸境內黃河經由處所僅止開東長三處其豫省上游及滑濬等處並東省濮范觀館等縣均宜接修長隄以免罅漏著蘇廷魁即行馳往各該處周歷履勘並著會同劉長佑李鶴年閻敬銘丁寶楨統籌合力興修何處可由民辦何處須設立專官修守均著察度情形妥議具奏其自汝黃交匯以下至武定入海一帶應如何修防之處著蘇廷魁巡歷察看會同閻敬銘丁寶楨妥籌辦理

又 諭御史王書瑞奏浙省漕港淤塞亟宜開濬一摺據稱浙江水利在浙東則有海塘在浙西則海塘而外又有漕港湖州府屬烏程縣境有二十九澁長興縣境有三十四澁康熙雍正乾隆年間疊經疏濬自逆匪竄後泥沙堆積澁口淤阻壅種多致淹沒請設法開濬等語著馬新貽即行派員履勘工程緩急設法籌款次第趕緊興修不得意存畏難稍涉遷就另片奏江蘇蘇松諸郡與杭嘉湖異派同歸湖州處上流之最要蘇松等郡處下游之最要下游疏通而上流阻塞則害在湖州上流疏通而下游阻塞則害在蘇松並害及杭嘉湖飭江蘇一併查明開濬等語並著會國藩李鴻章郭柏蔭派員履勘明確與馬新貽會籌妥辦通力合作該數郡為東南財賦之區務宜實心經理期於國計民生皆有裨益

凌介禧東南水利略 杭嘉湖蘇松常鎮古稱浙西七郡為平江明初猶屬一省洪武十五年始分然省分而水利則合暨諸人身天目首也南湖口也碧浪湖及滄港咽喉也甌澁各湖腸胃也太湖腹也吳淞等江尾閘也嘉郡之水肢股也蘇松太諸浦溷入江入海足也一有不治則血脈不通此七郡者約其土地雖無一省之多計其賦稅實當天下之半故前代或置開江卒或設撩淺夫吳越錢氏有國幾及百年祇一次水災全賴撩



籌撥毋稍遲延至上南廳等處歲修土工亦應趕早興辦前經張之萬奏准指撥壬戌年找撥不敷彌補舊欠之項並續請添撥歷年節省防險銀六萬兩及應撥丙寅年歲科例價歲麻加價四成銀兩著吳昌壽遵照前旨迅速撥發俾辦工不致遲誤是為至要

又 諭馬新貽奏開辦海甯繞城石塘繪圖呈覽一摺海塘為東南農田要務而海甯塘工貼近城垣尤關緊要既據馬新貽督飭道員陳璠等親加履勘自應趕緊興修所有海甯魚鱗石工二百六十餘丈即照該撫所請揀用舊石如有不敷設法採辦其建復坦水需用石塊椿木等件務須堅料以期經久雖採辦維艱亦不可意存畏難致涉草率所需經費銀二十四萬兩准其照數動用該撫即嚴飭陳璠等認真興辦不得稍有偷減倘該道等不能得力並著嚴行參辦如或工料不能堅固修成後未能經久必將承修各員著落賠補並從重治罪

六年 諭吳棠馬新貽奏遵勘浙省海塘要工籌撥款項分別工程辦理一摺浙江海塘工程浩大值此經費支絀之時若一時悉行興辦必至有名無實自應循照舊章分別最要次要次第辦理吳棠等以堵禦決口之柴壩為最要保護殘損石塘為次要擬每年撥定銀八十萬兩佐以海塘捐輸次第興修此亦就目前情形而論惟所築柴壩趕鑲外埝建復坦水各工不過暫時堵禦潮沙將來仍當興建石塘馬新貽當通盤籌畫使見辦各工堅實穩固石塘興建後即可保護塘身則此次辦理各工錢糧不至虛糜而於將來有益若止為目前之計則日後興建石塘仍須多費帑項未免漫無規畫馬新貽既知以十年為期諒能籌畫及此海甯塘工見在止辦有二成馬新貽飭令酌加錠錫自當益臻堅固聞道光年間帥承濬在浙江巡撫任內修理海鹽石塘最為精密歷久不壞即著飭在工各員仿照辦理倘此次海甯塘工辦理不能經久必將承辦各員賠修治罪決不寬貸海塘用款雖繁歷屆辦理銀數皆有案可稽現即工料較昂何至七八百萬該督撫等不可任聽屬員張大之詞稍存畏難之心

臣謹案土塘柴塘求省反費料之費可言人之費不可言一勞永逸誠莫

石塘若矣大抵東有頂衝西必有坐灣錢塘江口雙壘緊束湖沙入口豈雄萬馬力勝萬弩石塘雖堅與堅遇撞力抵力兩不相讓亦易毀嘴是宜銳石之外端以披湖之勢而殺其怒江浙開橋工多為此以禦水盍變通其法以施之塘工乎

七年 諭侍郎胡家玉奏請濬黃河故道以利漕運一摺黃水遷徙以來不遵故道頻年氾濫堪虞該侍郎擬請趁此時疏濬河身高培河隄令河循故道由雲梯關入海江廣之漕運可行直東之水患可紓並請將直隸山東河南安徽等省及淮清一帶留而不撤之勇各數千人仿古人發卒治河之法令各營將領各帶所部分段挑築等語果能如此辦理將舊河深通決上游之水掣溜東行自是一勞永逸之計且勇非坐食餉不虛糜尤為策之善者著會同藩李鴻章馬新貽張之萬蘇廷魁李鶴年丁寶楨吳坤修各按該侍郎所奏悉心體察彼此會商奏明興辦以重河道而利漕運

又 諭會同藩等奏築工漫水漸入洪湖會籌堵禦一摺洪湖水勢自九月初二日後逐日加長淮河入湖一段每多淤沙騰起漫水業已南趨運河東西隄情形極屬喫重即著會同藩馬新貽張之萬丁日昌會同商酌寬籌款項迅將東隄滲脫處所培築堅固並將西隄各段最要工程趕緊興辦沿隄各橋洞民工近多殘缺並嚴飭各州縣督飭紳董作速補砌毋許藉端滋擾其張福口引河碎石河等處應否再加挑濬以資分洩並著妥籌辦理蘇廷魁李鶴年務當據實前旨將築工亟籌堵合戶部撥款四十萬兩計應解到即著多備物料對日興工務於年內成事轉瞬春水發生恐堵築更為棘手倘該署河督等稍涉迂緩以鄰為壑致致下河等處完善之區被水浸灌恐不能當此重咎也其部撥河南及各省之五十萬兩仍著蘇廷魁等飛速催提毋誤要需黃河改道及舊黃河並運河各屆壩情形著張之萬蘇廷魁分別詳細繪圖貼說具奏

又 諭蘇廷魁李鶴年奏築工兩壩壩占情形並防護凌汛各摺片築工口門自本月初八日溜勢即走中洪東西兩壩壩占情形均見輕緩趁此車機順利著該署河督等督飭在工員弁趕購物料無分晝夜竭力興辦以期年內合龍

見在河冰雖未瀟凌但一經風雪即轉返寒冰凌不可不防並著飭屬妥慎防護力保無虞

八年 諭蘇廷魁李鶴年奏築工合龍並籌辦善後一摺見在大溜併股東均仍靠壩前必須普賑大土其土壩前後應鑿護壩幫土飲及增培隄壩均當速籌妥辦南岸三廳修守尤關緊要著蘇廷魁等即將此次節省存項籌備物料責成該管道督飭趕辦務期全工穩固永慶安瀾不得草率從事致有貽誤九年 諭前因前內閣侍讀學士鍾佩賢奏浙江凌港壅塞請速籌疏濬當諭令楊昌濬查勘辦理茲據奏稱派員周歷凌港委係年久失修淤塞見在查明最要及較次各工分別估辦先於釐捐項下撥款動工惟湖州凌港泥水壅漲多係蘇松下游淤滯請飭江蘇一體籌辦等語凌港關繫水利自應趕緊疏濬著楊昌濬即督飭該處地方官趁此冬隙之際先將寺橋等最要之九港及諸沈二凌先行借撥款項趕辦其餘各工及碧浪湖工程亦應次第查勘分別興辦並著會同藩張之萬迅即遴派委員查勘吳江縣長橋及大湖出水各口設法疏通與浙江同時並舉以期一律疏暢有裨民田

徐有珂重濬三十六凌港議曰浙西杭嘉湖之地衆流交匯萬壑爭趨喧騰奔騰誠海隅澤國也然西南山阻東羣海塘數百里閒水無所洩洩之者區區吳淞一口而已而又甚遠中閒所藉以瀉水者則惟太湖而杭嘉湖衆水之趨太湖也必吞吐於烏程之三十六凌若咽喉然凌西起小梅東盡胡澗皆在浙境口皆北向鱗排櫛比四十餘里地勢頗高向時深閘冬令積水不涸今則涸矣其南有橫河一道貫其端河面闊十丈至二十餘丈不等杭嘉湖衆水之趨湖也必穿此而出凌口今亦淤矣竊按平地湖郡低於杭嘉而測其河底則湖郡之三十六凌高於杭之五陵頭塘樓等處及嘉之石門烏鎮等處並高於歸安之菱湖等處每遇冬令凌口已涸而彼處有水深丈餘也然則欲令河底南高北下易於瀉水必重濬凌港加深尋丈矣同治戊辰己巳官濬深不及尺長不及濬港三之一如不重濬加深則當霖雨連朝山水奔騰壅決不得入湖如食遇噎反湧橫吐

無所不至而圩田壞矣且杭嘉湖三郡之水而扼於三十六凌咽喉之地使之倒灌潰溢區舍陸沈禾麥糜爛其害民也甚大既大害於民矣而猶復憚於興作或曰特絀於經費則何不取諸民曰恐擾民耳即不擾民而仍恐病民耳夫以開河籌費病民與坐視沈溺病民其病孰輕孰重邪用就所見私議若干條以備採擇一立水則杭嘉湖之水不達錢塘江悉於吳淞口入海而必由三十六凌下太湖以趨吳淞其他旁竄歧出仍在腹內且紆遠不通則他處之深徒爲養蠶而凌口之淺終如扼吭矣試飭杭嘉湖境內同限某日某刻測定水則凡遇橋梁石柱平水處橫測一畫由此下測得水若干尺即可知南北河身之高下矣而三十六凌之淺處見矣大約此後須加深六尺乃與境內深處平也橋柱由下而上部尺一尺爲一則橫測十畫遇水旱劫災亦有定準水至某則官民灼然共覩遠近即可比例是水則之立本前人成法大有益於農政者一估土方部定縱橫一丈爲一方而深有不同假令以每方開深六尺爲率增減照此乘除可也三十六凌自康熙四十七年雍正八年乾隆八年俱有工程今無可稽惟道光九年開濬在官雖無舊案可查而民間記載尙有刊本計各凌估工十六萬二百二十八方橫河王母來橋至下往橋估土九萬八千五百九十二方各凌又有丈尺段落以今淤淺度之有增無減即以舊額核算開深二十六萬方之土以爲受水之地又增二十六萬方之土於圩岸之上以禦水溢即遇水湧何患其洩之不速何患其溢之不可禦不然如今已巳年之水何以瀉湖田圩俱不沈沒而他處皆以倒灌壞也一權民力精壯農夫竭一日之力早作晚息四人可開一方其上岸卸土自四丈起至十丈止以七丈爲率包工每方須給制錢八百文器具歸民自備官可省事民亦樂從三十六凌河底土性尙鬆不致因梓築壩厚水亦以包工爲程但須教以用火壩否則風挾水力無不潰者今已巳年官開深止魯般尺一尺給制錢一百四十文厚水在內無怪其無益也且方數實核不過三萬方而止耳其能通暢乎一乘天時十月納租事畢十一月築壩

動工正月告竣至二月又有事於耕矣三十六澗蠶桑極盛之地二月桑枝放茁必不能興大役也今己巳年官開在三月適逢春雨連綿竭蹶從事而民亦奔走不暇矣一申官禁凡漁斷蠶墩大礙水道亟須剷除淨盡不得藉口納稅任其阻撓且蕩稅甚微除之丁耳三十六澗有居民處原無蘆葦其曲折支流自寇亂後已多淤塞叢生雜草小民貧利或幫爲地或放蘆墩故陳漢以東至胡漢各港難通舟楫即橫河一道自勝堂橋至下往橋水澗亦無舟路當水盛時河身僅五之一餘皆蘆葦交錯矣澗口向有閘板沿北宋故制數百年來至道光九年閘板齊備由官啟閉額設閘夫屬大錢巡司專管夫役口糧係乾隆開民捐此項今無存矣己巳之開蘆葦依然閘亦不設故無益也一籌工費查江蘇開河近年如劉河白茅俱係借帑攤徵此攤於田者也若湖郡則不宜攤於田而宜攤於絲其不宜攤於田何也田有正賦寇亂之後田未盡墾履畝未清正賦不能供何有於攤徵則借帑必爲官累並爲民累此湖郡情形與江蘇異故不宜也其宜攤於絲何也絲無定價且與外洋貿易而其價半由中國主之湖民之利蠶桑爲最厚絲不得價不售他處不能奪也故近年籌餉善後諸款遞增皆取諸外洋者也此湖郡所獨擅故宜也湖絲極旺時出洋十萬包寇亂後僅三萬包桑少故也每包一千三百二十兩約售洋泉五百元擬每包抽開河費兩元民開每家所出無幾得百元者出四角輕而易舉而於大工可立辦每年六萬以三年爲限則十八萬矣且隨時扣除一無延欠獲利本厚一無怨咨不經吏胥一無加耗况此項雇工其錢仍散於民間取諸民散諸民民用其力而農田水旱有備不傷財而陰受其利大有屢慶何憚而不爲哉或曰三十六澗事與湖郡閘境何與則詰之曰咽喉梗塞與全身無關乎故抽絲捐必合湖屬城鎮抽之也以上六條重在立水則與籌工費此在事前預謀者餘四條則臨時之事東南賦賦之區蘇松嘉湖歲漕數百萬民開農田所入歲在數千萬今以水利未講之故至遇淫雨即成大澇正供既缺民又坐困蘇松之水又自杭嘉湖來而

中開以太湖三十六澗爲之梗澗之東即震澤縣境其七十二港形勢略同而不當若晉之衝其勢稍緩且非浙境故不贅

劉汝璆金衢嚴三府疏濬堰塘記曰治民之道農事爲先而治民於大亂之後尤以養民爲急官不能養民要在使民自養而民之所以能自養尤必須督之以官經界溝渠之互爭籽種牛力之不給必得官爲經理而後訟端息資本充使地有餘利民有餘力倘以地瘠民貧事難創舉束手乏策則國家設官爲民之謂何故今日孜孜所以爲農民計者誠以興修水利爲當務之急宵欵之水從天目建瓴而下直注徽河金衢嚴三府以爲經流沿江陂塘往往時亦皆修築自經兵燹人民散亡遂多圯廢水利既不興修則水旱不知所備而農事益荒設遇歉歲其將何以爲計故任金衢嚴道時會歷三府目見所在陂堰尙未全壞及今補修較易爲力如金華永康之長溝六十里毗連處州自明墮塞至今未能開濬十鄉荒蕪之田地竟不能墾闢乃倡捐廉銀二百兩紳民踴躍爭開不一月而工成又衢州西安之桃枝堰源自福建來蔭注田地不少堰口上有深溝爲陂頭山梗阻山邊有潭深不可測溝道既爲山所阻乃從潭邊以石疊成溝引水繞溝而過山足懸巖壘石無根壓重自圯屢修屢圯稟請開山計寬一丈高四十八丈長三十二丈閱六月而功竣以開山之石堅築溝堰溝與堰相輔濬蓄以備旱潦自此江西廣信等處來西安開墾者不下數萬人此外三府應修陂堰仍復不少如桐廬之白水湖建德南湖澗安高壩浦江文堰義烏靈陂金華東藕塘凡此均關緊要刻不可緩者也金衢嚴三府地勢高曠多旱災江邊之田有陂塘灌溉所不及者自常山以至桐廬官程六站堰塘既修更能設立筒車吸大江之水以注高阜之田尤爲便利每造一車需費三十千文若以三府分任其事需費無多而收效即在目前無論智愚皆可曉然知其利害也

謹案 國家設官以養民官不能養民自養之官已駢枝矣後世農田水利等事皆官之責非特袖手觀之或且從而染指焉安得熱心如汝璆



者與之言水利哉

十年 諭文彬奏遵旨趕緊籌堵侯家林決口一摺山東侯家林決口開鑿運道民生亟應及早堵塞不容稍涉遲緩文彬等已籌撥銀三十萬兩遴委委員帶赴工次會同地方官購辦物料著喬松年迅速委員馳赴東省並飭原估委員先行星夜赴東務即刻日興工於來年春季以前辦理完竣並將淤墊運道一律疏濬毋稍延誤該河督等務當督飭在工各員實力籌辦總期工料堅實餉不虛糜以衛居民而利漕運其蘇鳳文前奏臨清建橋等事宜仍著蘇鳳文喬松年丁寶楨文彬悉心會商奏明辦理

十一年 諭喬松年奏遵議黃運兩河情形並籌堵運河缺口各摺片據稱山東境內黃水日益氾溢運河日益淤塞權衡治河之法以就東境築隄東黃為優擬先堵霍家橋等口並於南北兩岸修築長隄俾黃水全趨張秋借以濟運其張秋迤北迤南積淤之處普行挑濬修建臨壩以濟漕行等語自黃河穿運以來氾濫於山東境內非特漕運阻滯且民田亦多被害亟應妥籌辦法喬松年所奏因勢利導不為無見著丁寶楨文彬將該河督摺內所陳各節詳細酌度妥議具奏但求於事有濟不得固執己見其片內所稱或將黃水穿運各缺口分別酌堵酌留並挑濬河身修培隄工各等語該河督所奏自仍以堵霍家橋等口築隄束黃為正辦著丁寶楨等一併議奏

又 諭丁寶楨奏遵旨籌堵侯家林決口力疾銷假親往督工一摺山東侯家林決口關繫運道民生亟應及早堵塞丁寶楨因氣節已過立春為期急迫力疾銷假親赴工次督率河工地方員弁擇日開工實屬勇於任事力為其難即著督飭在事人員將決口實力趕辦期完工如該工員等果能勤慎從事著有成效准由丁寶楨破格保獎倘敢陽奉陰違有心遲誤即著該撫嚴參從重治罪以儆玩泄堵築孟家莊河面及侯家林決口兩處已由東省籌撥銀三十萬兩此外如尚有需款之處即著丁寶楨覈實籌辦以資應用喬松年以事難必成請於今冬舉辦固為慎重餉需起見惟此處決口若不堵塞將來漫淹曹堯濟十餘州縣若再向東南奔注則清淮一帶更形喫重數百萬生靈所繫朝廷豈借數十萬帑金不為力籌保衛此時丁寶楨既已獨任艱鉅該河督務當與之和衷共濟揀派熟諳河務各員迅赴工次交丁寶楨差委其餘一切事宜亦應隨時商推務臻妥善不得畏難苟安稍涉推諉

又 諭丁寶楨奏堵築侯家林決口現已合龍一摺山東侯家林決口經丁寶楨親赴工次督率布政使文彬等嚴飭在工各員弁陸續進占南北兩壩於本月二十四日合龍工程一律堅實覽奏實深欣慰丁寶楨勇於任事督率有方未及兩月克竟全功辦理實為妥速著交部從優議敘另片奏請將出力守備獎勵等語前任東河守備劉崇挑挖引河節費省夫成功迅速著賞換花翎並賞銀五百兩以示優異又片奏此次工程請免照例報銷等語東省鄆城地方舊未設有廳汛辦理河工亦無成案可循此次工程用款著開單奏明咨部存案免其按照成例報部覈銷他處工程有案可循者不得援以為例

十二年 諭前據軍機大臣六部九卿會議喬松年丁寶楨文彬並御史游百川所奏籌黃運兩河情形當經諭令李鴻章妥籌辦法據實詳細具奏茲據奏稱銅瓦廂決口後舊河身淤墊過高歲久乾隄無從修治勢難挽復准徐故道且於漕運無甚裨益至借黃濟運築隄東水工程均無把握與導衛濟運之法同一難行各等語所奏頗為詳盡河流既難挽之使南而利運又別無長策李鴻章請仍由海道轉運令該督撫酌提本色若干運滬由海船解津其餘仍照章折解以省運費並隨時指撥清折銀兩採買接濟著戶部通盤籌畫妥議具奏河流趨重山東自應增立隄防著丁寶楨酌度形勢將張秋利津一帶舊有民埝加培堅固以資捍衛其侯家林決口見雖堵築合龍仍恐民埝不能久恃並著該撫於秋汛後詳悉勘估酌籌款項將侯家林上下民埝仿官隄辦法一律加高培厚設法守護沿河各州縣民人田地久被淹沒情殊可憫即著查明分別奏請蠲緩錢糧並將海口鹽場商運各事宜酌量變通辦理以示體恤至銅瓦廂決口以下閣侯東明一帶地勢平行不可無遙隄以防氾濫著喬松年就近察看應如何量築隄埝即行悉心籌辦准徐故道涵出舊河身民間多有占種該督所請酌議升科著江蘇河南山東各督撫體察情形妥籌具奏

皇朝續文獻通考卷十四

田賦考十四 水利田

光緒四年 諭御史劉恩溥奏請籌撥直隸河道以工代賑暨勸加價提作商捐以治河道及由運庫墊款興工各摺片所稱修理河道宜先治漳沱河請開治河以分水勢塞改道以復故道治子牙河黑龍港河以疏下游既可以工代賑亦免頻年水患新准鹽商二文加價提作商捐歸公辦賑於水利鹽務工賑均有裨益加價如何捐繳令各商平議款項未能速集先由運庫墊發興工是否可行著李鴻章酌度情形奏明辦理

六年 諭前因有人奏四川修築都江堰工奏報不實等情當諭令恆訓按照所奏各節確查具奏茲據該將軍先後奏稱勘明都江堰外江淤沙堆塞地勢高於內江丈餘丁寶楨復將內江挖深一丈七八尺水勢全注內江連年堰工冲塌實由分水不均所致灌縣等處並無洞出農田八萬餘畝之多等語丁寶楨疊次所奏修築堰工具有成效朝廷以該署督辦理地方事宜尚能破除情面認真整頓故責成始終經理信任不為不專丁寶楨若果專事措置合宜何至人言嘖嘖此次恆訓所奏竟與該署督奏報情形迥不相同著丁寶楨按照恆訓覆奏各節據實明白回奏

九年 諭徐郵奏陳導淮辦法以引江皖水災繪圖呈覽一摺據稱江皖兩省水患頻仍亟須挑泗沂魯導淮先路仿照從前抽溝之法循序疏治並由大通口引河入海洩水較易等語著左宗棠楊昌濬照所奏各節悉心會商妥籌辦理

十三年 諭成孚奏南岸鄭州下汛河水漫溢一摺本年八月開上中兩廳河工猝生巨險河勢自榮澤壩圍下卸鄭州下汛十堡進下無工之處隄身走塌水勢極高數尺由隄頂漫過刷寬口門三四十丈附近居民先徙遷移高阜尚未損傷人口業經得捐撫恤其較遠村莊及漫水經行被淹之處著即會同倪文蔚查明具奏一面將災黎迅飭撫恤毋任流離失所至南北兩岸正河工程並中河三四堡等工仍多險要並著嚴飭該道廳等妥慎守防勿稍疏懈

十六年 諭給事中洪良品奏直隸頻年水災請籌疏濬以興水利一摺據稱疏濬不可緩者有六似難而實易者有三行之大利者十有一所當豫計者有五請飭集議與辦等語所陳各條是否可行著李鴻章體察情形妥籌具奏

二十二年 諭前據工部議覆御史胡景桂奏請將山東河南兩省河工變通辦理山東黃河一切事宜巡撫兼轄已久見在李秉衡業經撥款購料妥為修築至河南七廳修守工程見在春汛屆臨正關緊要任道鎔仍著馳赴河南將見在應辦工程認真經理河督移駐濟甯有無窒礙究竟兩省河工應否酌量變通之處並著任道鎔體察情形通籌全局奏明辦理

又 諭前據工部議覆御史胡景桂奏請將山東河南河工變通辦理當經諭令任道鎔體察情形奏明辦理茲據御史熙麟奏河督必轄全河河南山東不宜歧視請飭另行妥議一摺著任道鎔到任後仍遵前旨悉心體察一併妥籌具奏

二十四年 皇太后懿旨世鐸等會奏籌議山東黃河工程請特簡大員前往察看一摺著派李鴻章前往山東會同任道鎔張汝梅周歷河干履勘情形通籌全局議定切實辦法必須確有把握實在可行此項河工關繫數省民生李鴻章等務當認真勘辦不得互相推諉徒託空言仍將各項工程分別核實估計應需經費開單奏明請旨辦理

三十三年 兩江總督端方江蘇巡撫陳夔龍奏查駱馬湖在宿遷縣境東西面積近百里南北約三四十里西南以運河之隄為隄其餘三面平原曠野無所謂隄地勢西北高於東南仰受山東蒙沂之水建瓴而下水涸則居民播種耕耘旱潦聽之天時就運河隄而論邳宿交界之處曰竹簍壩河水盛漲則開壩以殺水勢非為灌田而設宿遷城西十二里曰柳園壩光緒五年拆毀僅留缺口寬八九丈湖漲落均由此缺口互相宣洩因其自然無俟乎決見在駱馬湖水已涸僅湖心名大港者尚有餘水廣袤不過三四里詳詢居民實無法水灌田之事又查山東蒙沂之水以駱馬湖為水櫃本年山水雖大比較光緒二十四年尚低四尺而下游被災如是其重者一由海嶺各海口多被淤塞二

由六塘河淤淺水不歸槽三由陰雨連綿三四箇月之久各處消水遲緩今就駱馬湖而論宜修復柳圍開無使運河水漲灌入湖中而尤以開濬六塘河俾湖水疏濬使衆流得歸於海見由 臣端方檄飭淮揚海道徐州道遲速測量擇節估計次第興辦至各屬河工以六塘河爲最有利益應迅速開辦估計工費約需銀三四十萬見經勉籌銀十萬兩專備六塘河工經費飭令刻日興工疏濬不敷之款另行設法籌濟其海鹽應疏河道工費之需爲數甚鉅亦當分別酌撥務期春水未生及時工作以期副振興水利之至意

又六月以永定河決口 諭袁世凱電奏悉即著嚴飭在工各員迅將漫口各工趕緊堵合並查明被災地方妥爲撫恤毋任失所  
又七月永定河漫口奪溜寬至二三十丈北運河河西務等汛同時漫溢 上諭將直隸總督袁世凱以次分別議處革留摘頂飭將漫溢各工趕緊堵築並委員速放急賑以拯災黎

十月永定河漫口合龍  
又署山東巡撫吳廷斌奏河身日見淤墊陸岸愈形單薄危機暗伏親詣上中下三游勘明情形應多用甄石以資抵禦估計經費至少共需銀十五萬兩先就司道各庫設法騰挪懇 恩敕部作正開銷以重河務

三十四年郵傳部覆奏開辦郵政宜疏濬運河添駛小輪略稱准著直隸督 臣楊士驤咨稱北運河自漕糧改運河身淤高若裁灣取直不獨工大費鉅且恐截溜引水漫溢爲害仍於行駛小輪無益南運河因上游河南懷慶衛輝等府借水灌 來源減少河身淤高若欲一律開通行駛小輪無論鉅款難籌仍恐水勢太弱難資浮送並據署山東撫 臣吳廷斌咨稱黃河以北之北運河曾經升任撫 臣楊士驤奏修由東昌至臨清九十餘里此外幾如平陸未易規復黃河以南至江南交界之南運河共長五百餘里全恃汶泗兩河爲一綫來源水過沙停日形淤淺見擬修濬八閘酌挑淺灘惟小輪噴水既深日行數百里開濬閉諸多窒礙恐難行駛又據兩江督 臣端方咨稱天下河淮揚三廳所管境內地窪水深雖有數處淺阻量予疏濬小輪來往可期待利至運河應所管

三汛河身高仰淺灘林立現擬仿照濟滄章程堵閉七閘酌加挑濬雖小輪仍難行駛於商船不無裨益與山東修濬八閘酌挑淺灘辦法相同先後咨電前來查運河通貫數省江南之裏下河淮揚三廳地窪水深雖有淺灘數處酌加疏濬行駛小輪可期便利應由該督 臣速飭勘估辦理山東南運河所擬修濬八閘江南運河應三汛所擬堵閉七閘雖未能行駛小輪究於商船有益見在山東撫 臣業將修濬八閘需銀十二萬五千餘兩並查明舊十字河街貫運河一併挑濬需銀九萬兩奏明分別辦理其江南運河應三汛所擬堵閉七閘亦應由該省督 臣派員早日興工仍將勘明辦法奏報至直隸南北運河均見淤高山東運河除東昌至臨清前已奏修外其餘工大款鉅籌款爲難自屬實情但總其湮廢究於交通有礙請仍由各該省督撫隨時體察情形擇要與辦  
又兩江總督端方奏江北疏河築隄共用銀二百六十餘萬兩係司局各庫及官商各銀行借墊之款俟捐案裁清再行核數歸款

東三省政略紀奉天河道工程 奉省水利不講自有汽車河道聽其淤徙是自棄舟楫之便而予日人以專利也同江口踞遼河上游爲南北水路要衝近日河流東徙距商埠甚近亟應改挑河道截灣收直並於上游添築順水壩逼水西行派員履勘屬實奏請立案飭度支司先撥款二萬兩即由同江廳設治委員承修其估用西岸地址並咨行達爾罕王旗籌款撥交業主見已告竣商民咸霑樂利又海城縣屬地皆窪下三家子等處舊有河道順流繞入遼河年久淤塞水無所洩山水暴漲時民居成澤國以致東由虎璋屯西至三家子南由大官屯北至青城子綿亘七十餘里寬三十餘里約三十萬畝可種之地盡皆廢棄爰撥款二萬五千兩於三十四年四月奏明立案派地方官承修從此沮洳悉變膏腴國計民生兩有裨益惟奉省水利最關重要者莫如遼河屢派工程家會勘並飭營口道歷與中西商家核議均願贊成集款嗣經議得兩法最少用款亦須數十萬元繪圖貼說志在必行惟合公家商家同謀籌款並擬集收船捐預算尙未能足數事關重要非籌有的款未敢輕於一試蓋恐半途而廢非徒無益也

又疏濬遼河計畫 略曰三省爲瀕海之區而蒙旗僻處轉輿海隔欲爲蒙  
旗謀交通除築鐵道外應以疏河流爲要策必使運轉便利以實行善屯田  
墾邊之政策然而水道平行轉運便宜其源之遠發於蒙地其流之長入於  
遼海關於蒙民之生計根於蒙務之規畫者則爲遼河遼河上游舟楫少通  
至遼源州三江口地方三支匯流水勢乃大始有估舶之利三支者東西遼  
河及新遼河也東遼河發源吉林稍北折而西南流出邊境而東經奉化  
懷德之開科爾沁左翼中旗地而入大遼河西遼河則發源直隸北境克什  
克騰旗西東北流經巴林旗又東經阿魯科爾沁翁牛特敖漢奈曼扎魯特  
諸旗界入科爾沁左翼中旗境與老哈河合直趨遼源會新遼河而入大遼  
河遼源以下運道早通百餘年來發達極比蒙地物產賴以入邊轉輸他境  
近者遼河淤於蒙地及遼源貨物之銷售關係甚大光緒三十四年因營  
口紳商有疏濬遼河之請乃派英工程師逐段查勘籌議疏濬欲爲營口樹  
後援使商業不至盡爲旅大所奪則此舉誠要圖也

又甯夏將軍台布等奏開墾馬廠官荒設局辦理查甯夏捐黃河水利夙稱魚  
米之鄉土脈膏腴一平如掌自兵燹以後元氣大傷地曠人稀迄未復額荒原  
懸騰隨在而然蓋緣土質乾鬆非經渠水滋濡難資種藝水所勿至卽等石田  
故欲開地舍開渠不爲功也等前擬在河忠堡地方辦墾惟因該堡原爲  
河水淤灘所成深恐將來或有坍塌之患坐是躊躇未決嗣覓得滿城西北八  
十里之地有沖口鎮朔等堡隸平羅縣屬向爲馬廠故基雖界限已難清理而  
多年荆棘早受官荒其地處賀蘭之麓廣約十餘里袤至二三十里但見植秋  
潦隨處停積礙難密切丈量然以開方法約之爲田常在十萬畝以外等  
迭次親往踏勘固得諸目擊者也見擬先自開渠入手渠水既到則阡陌隨舍  
隨地程功均屬順而易舉之事查黃河自蘭州東來道中衛縣境入青銅峽迤  
而北趨府屬之夏朔平三縣實在其環抱之內因勢利導水到渠成故唐清漢  
惠四渠自峽口迤屬而北匪盡人功抑亦地利也今欲另引新渠又須在唐渠  
以上而唐渠之口業已插入峽內數里更無餘地可容施工則新渠自不能不

借用唐渠以資輸灌見定辦法擬將唐渠口門劈寬挖深俾得多進水澤至離  
口約百里之靖益堡地方名屬驛墩者始開支口向西北行八十四里而至楊  
信堡以前卽有積淤多處約六十里始進壘所須俟明春水退方能丈量茲將  
此八十四里之地分作六段包夫承挖寬至三丈深及六尺限於封凍之前一  
律開通土工既竣則駝運木石積料扶工堆積待至明年春融水涸再從事於  
唐渠正身高培隄防增建閘壩並及梢段各支流之理漚分溝等役首尾並舉  
倘無意外阻滯大約夏開卽可觀成至甯夏地低河高不憂旱而憂潦稻秧既  
苗民間輒澄潭撤清借黃流游泥當作肥料撤出之水汎濫四溢從前各渠均  
有清水溝及暗洞借資宣洩亂後充塞近雖陸續修復而工多款絀終難一律  
暢通等擬於動工之際隨處代爲疏濬俾民田永免浸漬之憂且唐渠失  
修已久經此培補獲益亦多故民間對於茲舉深知 聖恩汪濊一視同仁不  
惟毫無疑畏之心而且聞風子來大有渠雨播雲之樂

又度支部會奏議覆直隸總督奏永定河另案工程擬由本省撥款與辦略稱  
查原奏內稱永定河近年河身日見淤墊兩隄日形卑矮今歲大汛之前履勘  
兩岸隄高灘面僅三四五六尺不等及八月十三日之夜漲水距隄頂不過尺  
餘兼有不及一尺之處見查兩岸灘面較大汛前又淤高二尺有餘倘來年再  
如本屆之盛漲則已高過隄頂尺許防無可防茲由廳訊核實勘估酌量加培  
統計兩岸四百餘里共估土二百萬一千一百餘方需銀三十七萬四千八百  
七十兩零分作三年籌撥懇准飭部自宣統元年起至三年止每年撥發加培  
另案銀十二萬四千九百五十六兩以濟要工又附片奏稱該河南北兩岸自  
蘆溝橋而下舊有減壩二十餘座漸次淤閉見在僅存北岸三工之求賢壩南  
岸二工之金門兩處一則壩身酥裂一則雙骨過低敢放爲難已同虛設據  
估該壩剛拆修工料並挑挖浚河兩共需銀九萬二千九百八十九兩零懇准  
飭部一併照數撥發各等語等伏查永定河經費自同治九年督臣李鴻章  
奏准復額後年支捐修積料運脚等款銀九萬四千七百兩光緒十九年又奏  
添辦辦銀二萬兩二十年東河督臣許振禱又奏准加撥歲修銀四萬兩

凌船經費銀二萬兩自二十七年督臣袁世凱將地款凌船兩款奏明停止該河道等即以款款修防時形竭蹶然見在各款併計每年尚有十三萬四千七百兩之多較之未經復額以前歲支五成工款祇有四萬七千三百餘兩已加增將近兩倍通計二十七年迄今該河額支以及堵口加撥各案用款已有一百六十餘萬兩之鉅而隄工仍不足恃論者多以桑乾之水源出晉遼山水暴發挾沙而下以致河日高而隄日卑然古人論隄木有利水刷沙之法如果將河身受病之處逐年詳細查勘歲歲修款項認真挑修何至水去沙停日形淤墊且該處河隄自甲辰至丁未四年兩決雖曰天災究因人事今據該督奏陳隄高灘面不過數尺見在灘面又高二尺請款培修分作三年舉辦並將求賢金門二處開濬減河一律拆修挑挖之處係為先事預防起見工程險要自屬實在情形應准如所奏辦理至撥款一節臣部支應要需日不暇給各省關指定之款均已無可騰挪即上年合龍大工撥款多由藩運兩庫墊發自應仍就該省本有之款設法籌濟查臣部本年奏定鹽斤加價案內議令每斤通加四文一半盡歸產銷省分勻撥濟用臣部通令直隸兩省以每年銷引六十餘萬道核計該省所得總在三十萬兩以上應令該督即將此項培隄經費自宣統元年起至三年止每年應撥銀十二萬四千九百五十六兩暨修理開濬減河銀九萬二千九百八十九兩一併在於長蘆鹽斤加價案歸本省留用一半款內核實動支仍飭該河道等認真修築毋得以水大之年仍無把握為詞希圖諉卸並將河工積弊實力掃除飭該河道常川赴工查勘凡河流不其通暢之處務就常年額支各款隨時修治免致灘面增高以重工需而全民命又度支部會奏議覆山東巡撫奏預籌黃河辦法購料培隄並添撥經費略稱查原奏內稱山東河險多兩岸一綫沙隄專恃培壩為保障而培壩悉資藉葦持久殊難經前任升撫臣周馥奏請常年額支石經費分撥三游連歲地設四慶安瀾會謂甄石之功居多臣前次巡閱河防周歷險要親見其足資抵禦仍宜抱定宗旨擴充石工則加廂藉料之資即可遞減以後每歲節省九鉅况來歲非往年可比津浦橋工已定基於中游濼口該處河面連旱灘寬不過三里

其橋柱既立中洪恐冬令冰凌掩擠夏秋水漲高實多阻力前與督辦津浦鐵路大臣商議凡緊靠鐵橋堤壩由鐵路局酌加修築然祇為保護路工起見至距橋較遠之工責任三游總辦在水小時雖致病或不覺其重若驟來盛漲不惟中游受困在先即上游盈槽僅溢下游積淤難容新險環生均所難免莫如增購石料加培隄工各按三游地段距山遠近分別運石燒製又下游隄工以徒駭尾閘不暢較上中游尤形卑薄即無鐵橋阻礙加培亦難延緩當飭詳細履勘將購石培隄兩項核實確估除額撥撥撥防汛搶險各經費外至少約共需銀十萬兩不動部撥年例各款就本省藩運兩司庫設法挪湊作正開銷等語查山東黃河歲由本省籌撥防汛經費六十萬每年伏汛添撥搶險經費五萬嗣以河患頻仍光緒二十九年戶工二部議覆前撫臣周馥奏陳辦法築下口展寬大隄設立汛堡三條暫從緩議仍以加培隄身酌改石隄二條為最要司道各庫加提盈餘一項每年收數不足二十萬連工捐屯價併計亦無八十萬可籌此後亦儘前三項收款察看工情緩急分別辦理經前戶部行令不得率挪別項以省轉轄自工捐停止之後前撫臣楊士驤奏撥三十三年培隄專案銀十五萬署撫臣吳廷斌奏撥三十四年隄石各工銀十五萬均請由司道各庫挪湊亦經臣部核准咨行各在案今據該撫以甄石各工辦有成效預籌來年深口修築鐵橋隄岸倍形緊要援案請撥經費銀十萬兩係為先事預防起見估需銀數亦與歷屆成案有減該省如果無礙京協各餉臣部自應准其在於藩運兩庫動支仍飭河防局員認真辦理以重工需至前項工程自二十九年奏辦以後雖與臣部三年分辦原議款項多寡工程大小不同惟籌辦迄今初無間斷如果已辦之工並皆堅久則逐漸增修全隄石工終有告成之日綜觀歷任撫臣治河各奏會以隄身卑薄由於河底日高祇因費鉅工艱為此急則治標之計通計前後六載用款不貲究竟險要各工辦到十分之幾應令即飭河防局員將該省全河形勢各按經管地段繪圖送部凡業經修築之處分別標識逐一註明使完缺情形部中皆有所稽核數年以後隄工一律

鞏固即可騰出款項宣播下口疏論中洪庶幾標本兼治永慶安瀾於財政河防兩有裨益

宣統元年度支部奏議覆浙撫奏海塘工程擬撥的款略稱查原奏內稱海塘大修成案以同治四五年開工程為最鉅前督臣吳棠撫臣馬新貽奏請每年籌撥八十萬金專備塘工之用今越四十餘年迄未大加修整擬請准照前案以四年為期每年於歲修經費銀十七萬四千兩外飭撥的款十五萬兩以符該局詳請六十萬兩之數又附片奏稱浙西蘇五屬鹽務係由商人認辦其課項加價及巡費等款向用銀洋分別辦繳惟鹽務售價則以錢合計近來銅元充斥洋價銀價俱增商虧過鉅查鹽法志載商人計本經營價貴則有累於民價賤則有病於商隨時貴賤以期商民兩便會經奏准在案見在商情困難懇准浙西蘇五屬鹽務概照見今售價暫行一律改用洋碼俾商困並據另片陳明杭嘉松三所鹽商蔣悅昌等以鹽務困於銅元稟請改用洋碼稍舒商困見植海塘工程緊要需款孔殷各引商情願將核用運費極力撙節報效銀洋六十萬元懇請撥歸海塘應用各等語臣等查浙江海塘歲修工程本有額定專款嗣因三防辦工應訊各員積弊日久坍塌甚多該撫上年查勘明確妥籌改革並據聲稱工程較大擬先動支歲修額款設有不敷再行奏請以維民命奏奉 允准經臣部令按章舉辦在案茲據奏陳險要各工分年大修塘工總局估需的款六十萬既經該撫親赴工次履勘屬實並議紳耆老詢謀僉同是工程之亟須修築與估數之無可減少均係實在情形自應照數准撥惟所請浙西蘇五屬鹽務售價改用洋碼即以該引商等報效銀元撥充塘工經費之處前經臣部電詢蘇五屬鹽務售價改用洋碼鹽商歲可共獲利益若干民情能否相安等因旋據該撫電覆以蘇五屬近年銷數及目前成本計年虧約六十萬元改用洋碼亦僅能顧全成本至報效塘工係於核用運費內撙節籌湊非有餘盈取給近今日用百物大都改錢為洋均尚相安等語查蘇五屬鹽務售價改用洋碼雖於商人可免每年六十元之虧損而於民間即增每年六十萬元之消耗殊非兩全之策上年臣部奏准鹽務四文加價計蘇五屬所銷鹽

每年祇收錢三十餘萬千文今改用洋碼每年即得銀六十萬元是於臣部奏加四文之外該商等又復暗加八文有餘民力幾何豈能堪此雖據該撫電稱近今百物大都改錢為洋均尚相安然聽民自便則可若以官力為之究於事理未妥所請蘇五屬鹽務售價改用洋碼臣部礙難議准至該商等報效塘工六十萬元既據該撫電稱係在核用運費內撙節等語是其不與改用洋碼相涉已有明徵本可准其報效但該撫原奏內稱改用洋碼羣情極感報效鉅款等語又似此項報效係因改用洋碼而來今既不准改用洋碼自未便仍令該商等報效鉅款應令該商等即以此項節省核用運費銀兩彌補售價之所虧毋庸報效塘工經費以示體恤臣等公同商酌海塘保障七郡應辦各工自不容緩此次大修經費四年共銀六十萬元臣部雖萬分為難猶當勉為籌畫擬請自本年起除歲修額款外在於兩浙新案鹽務四文加價應解部二文款內撥銀九萬兩本省留用款內撥銀三萬兩杭州關稅項下撥銀三萬兩計合銀十五萬兩均係有著的款毋庸再由鹽商報效該撫並可就近督催分飭該運司關道等按年如數解交該局以資工用一俟限滿解清即行停止仍飭該局撙節動用核實支銷務將積弊掃除淨盡使見辦各工堅固持久毫無欠缺以衛民生而重工款

臣謹案石塘之築創始於康熙改建於雍正告成於乾隆 聖華南幸親臨相度糜帑金千百萬分毫不擾民間意美法良超越千古自道光五年撫臣程含章定歲修經費不得過十五萬六千兩於是該管員并非極險不敢報修六年又加兩年固限工員畏累益存僥倖苟免之思立法過嚴反誤要工修築愈遲需費愈鉅增難漸於塘工頗極注意有見及此特請大修亦疆吏中之實心任事者臣等覆議尤得大體為近時不多見之章奏惜乎時局變遷不獲終始其事可慨也夫

又署直隸總督那桐奏北運河西岸通州境內鮎魚溝隄岸決口年久而武清所屬楊村等外百數十村已成澤國謹擬辦法五條曰鮎魚溝暫建滾水壩以舒眉急曰加培運河東西兩隄裁大灣以期鞏固而資暢洩曰疏濬青龍河

等處引河以減淤漲日修築水塔以禦渾流侵蝕日修治龍鳳河以疏積淤統計全工約需八十萬兩直隸司局各庫僅能認籌四十萬兩懇請 飭部於本年來年冬撥銀二十萬兩以濟要工下部議奏

又東三省總督錫良等奏濬治遼河工程浩大礙難同時並舉應先從雙台子河隄入手為濬治全河之權輿擬於雙台子河口築一滾水隄添築閘門隨時啟閉以資宣洩此項工程核計需銀七八萬兩飭令錦新等處兵備道與商會協商議定籌辦船捐每船來營埠一次捐小銀元十角費輕易舉當責成該道刻日興辦以副衆望

又河南巡撫吳重熹奏時屆庚伏豫河兩岸八廳各將埽壩之墊矮者加築高整殘缺者修補完固並飭分段防守用昭慎密得 旨仍當認真籌防毋稍疏虞

又度支部奏議覆署直督奏北運河鮎魚溝決口修治需款請由部省分籌略稱河工關係小民生計自不能稍惜勞費武清所屬楊村等處百數十村自鮎魚溝決口後久成澤國該處又為京奉鐵路必經之地汪洋彌望危險堪虞此次該署督所稱前項工程既所以安奠民居亦所以保全路綫自應及時興辦以圖久遠所請由部撥銀四十萬兩以資要用當由 部商准郵傳部由京奉鐵路進款項下撥銀二十萬兩又由山海關稅撥銀十萬兩東海關稅撥銀十萬兩均分作兩年撥解計共撥足銀四十萬兩由直隸總督核實動用庶於路政民生兩有裨益

又甯夏將軍台布等奏開墾馬廠荒地渠工告成擬請撤局改屯略稱查甯夏夙擅黃河水利水澤所至下涵悉化膏腴故墾地必以開渠為不二辦法黃河自蘭州東來道中銜縣以入青銅峽改向北趨府屬之唐清漢惠四渠實利用其天然之勢故進水也而得水亦豐今新渠既借資於唐渠即不得不先治唐渠正身以裕其滿渟之地計自口門至楊羨堡都百有二十六里淤者淪之淺者深之狹者舒之灣者直之隄岸薄者土石以厚之卑者築草以崇之率增高與濬深各二三尺不等而容水之量大增是日正渠工自靖益堡之馬廠啟驛

地方劈開支口引水西北行百四十八里而入之溝鑿地以成渠其上以壘塹砌石成閘以時其蓄洩積淤作壩以約其奔騰渠深自五尺達於七尺高自六尺達於八尺水面與底互崇寬三丈而強合全渠計之可容水七京九兆九億二萬立方尺足敷二十萬畝平田灌溉之用是日新渠工一水中流嫌其末由旁達也礙而分之則脈絡貫通無遺弗屆沿渠列小口四十導狹水以歸諸田迥者二里遙者十三里寬者深成如其吐納之量是日支渠工甯夏以水利著稱順利與害恆相為反比例農民失教不識所謂公德也每種稻時輒用澄潭撤清舊法放水橫流下游恆受其害嚴刑禁之仍不能遏以是夏秋之際唐渠以西淪為澤國非溝以宣之不惟旗墾大受損傷即漢民亦罹浩劫爰自靖益堡之杏子湖起穿溝足二百八十三里至石嘴山以入黃河寬量由一丈以達二丈深量由四尺以達七尺溝工既成積潦成消沮洳之區悉成膏沃是日溝工慮盛漲之無時也則石閘以濟之慮交流之為患也則暗洞以通之慮正溜之難偏也則木口石口以析之慮周道之頓阻也則輿梁徒杠以達之凡成大石石閘木閘四十二座成暗洞一座成大小石橋木橋三十三座壘石打樁佐以石灰膠泥白灰之屬既固且牢可持久遠是日開工洞工橋工以上七工經始於上年九月至本年八月告成凡役官弁紳董百數十人工頭散夫至萬餘人渠兩鑄雲躡趾相屬互三百里而成市也 台布志銳更番開出巡工恆信宿於荒草野蔓之閒或旬日乃歸署治事督率總辦趙惟熙等川流監視故歷時逾三月跨地過四百里而用款僅及十八萬五千三十三兩五錢四分論者咸謂以許大工程而開支乃如是節省實為近年辦理官工者所罕見謹率領員紳親赴新渠口門上祭開水閘木既啟洪流直注渠身雪浪銀濤如千馬奔騰瞬息百里鄉農之聚觀者咸舞蹈歡欣競呼 萬歲此渠為 朝廷特賞款項所成擬名曰湛恩渠至可耕之地幾及四千頃但恐水力不逮然二十萬畝之腴田固可操券而獲者矣渠工既成應請將墾局裁撤關防銷燬以節糜費即由營員督率兵丁自行耕墾俾漸習其事並將餘款一萬四千九百兩零留作廬舍牛具籽種諸用見在已在趙家園地方築造莊院預購牝馬犍牛

百三十頭先辦屯田以從事於種植牧畜諸實業一俟變通旗制處訂有准章再行分別遵照辦理

二年宵夏將軍台布等奏渠成屯立擬定放荒開墾章程略稱查旗兵不知耕稼欲使歸農必須先立官屯由督率耕作入手前摺聲明在趙家園地方擇要興築見在已將通渠可墾之地丈清渠水可及之田計共二十一萬餘畝旗丁計戶授田大約在十萬畝左右所餘之十萬畝非放荒招民佃墾不可一則宵夏雖得渠利每年修理渠工墾料人夫所費不貲各渠皆由百姓公攤區區數千旗丁萬無此力二則趙家園官屯本年令旗丁二百人從事開墾共墾成田五百餘畝所費一切用項已至一千零數十金大約每田一畝墾成工資總在二兩上下以十萬畝計之非二十萬金不能成爲熟田見擬仿照宵夏招墾章程放荒招民即以此項入款作爲旗民開墾之用陸續招徠隨招隨墾如能放出十萬畝此旗兵之十萬畝亦可開成約計十年可以觀成而一切房屋牛具籽種不在此數蓋邊地苦寒一年祇四月至七月可以從事放荒地價定章每畝一千五百文全放十萬畝可得十五萬貫陸續開墾旗地亦可敷七八萬畝之用惟三年之後照例升科仿照平羅縣官荒招民章程新地每畝祇納三色糧四升二合擬暫由旗管征收折色以補旗墾之不足俟通身歸農連旗地亦並歸縣征收渠身用水分自唐渠向例分渠均須幫補正渠人工墾料擬將來此渠田地墾多無論屯種旗種民種均按畝公攤渠工墾料以一半歸唐渠每年清治來源一半歸本渠修理之費洩水之溝長幾三百里未挑此溝以前每年上游種稻各莊刷清澄混餘水汛濫北流所有民田官荒成爲澤國今年溝成官荒固已涸出百姓之田亦多水退可耕者惟是溝工每年亦須修理查唐清漢惠四渠凡係稻田均無渠工墾料惟按畝攤錢以之修理溝道新渠在唐渠之西所有上游各莊種稻者咸以餘水不能淹及唐渠之東遂無此項攤派見在新地純爲受稻田餘水之地此溝之洩水與各莊大有關係亦擬飭委宵夏府督飭兩縣照唐渠種稻各戶章程辦理以備每年修溝之用至每年開水日期自係隨同唐渠一律惟有時唐渠水小例得封閉各分渠俟唐渠之水大

始行開闢往往分渠受旱新渠擬定章程開水後如查看唐渠水小即將新渠閉塞三日然後開闢亦三日開闢總以三日爲限庶幾兩渠均不致有害而水澤亦可備及矣奉 硃批著會商陝甘總督妥籌辦理

又山東巡撫孫寶琦奏津浦鐵路黃河橋成立勢必阻礙狂流濼口等處隄岸尤爲重要所估工款甚鉅東省實難悉數自籌請 飭下督辦津浦鐵路大臣由路工項下照原議協濟培築經費應用以重要工下郵傳部議奏尋奏黃河培修隄岸難由路款接濟從之

又甘肅新疆巡撫聯魁奏伊犁遠縣屬田壤專恃哈什大渠灌溉該渠即新疆識略之阿齊烏蘇渠年久失修因於上流另鑿龍口改挑新渠以通老渠見在渠工告成招戶墾荒亦陸續就緒所有修渠用款請作正開銷其新墾地畝隨時按限升科以昭核實

又河南巡撫吳重熹奏准改設河防公所派委開歸河北兩道管理

又兩江總督張人駿等奏揚屬運河建立各壩原爲宣洩盛漲保衛下河地方而設應請申明舊章此後守壩視奏定丈尺即當酌量啟放以冀保固隄工永免潰決巨患得 旨即著該督撫等按照定章妥慎會商辦理

又江北提督王士珍兩江總督張人駿江蘇巡撫寶奎奏申明定章啟放壩座略稱揚屬運河東西兩隄爲淮揚各縣民田保障西隄禦洪澤高寶諸湖之水東隄禦沂泗淮運匯流之水情形同一喫緊揚軍廳所屬高郵甘江兩汛建立各壩原爲宣洩盛漲保衛下河地方而設前漕臣張之萬因壩下附近農民皆思保其一隅不願早放壩座於是明定章程奏定啟壩丈尺立秋以前高郵汛水誌漲至一丈四尺即啟放車運壩水誌每加四寸即迭行接啟南新兩壩立秋以後則照一丈二尺八寸啟放近年以來皆未按章啟放水勢總逾定誌每以下河秋稻未登無不得守且守以顧民食惟守壩誠以顧民食若冒險強守至於潰決則不但民食不能保而下河數百萬民命亦將付於巨浸兩害相權孰輕孰重不待智者而決矣去歲五六月間大雨時行上游沂泗洪澤諸水繼長增高而下游江湖又頂托不退東西隄岸節節出險高郵汛玉馬頭水誌竟



漲至一丈七尺三寸水勢之盛爲數十年來所未有署淮揚海道吳學廉駐工兩月萬不得已而透啟東南兩壩乃未親歷其境者猶以開壩爲非蓋未知啟壩本有定章守至一丈七尺三寸逾定限三尺有餘危險已達極點今者西岸修補石隄由人駁籌款派員興工以東隄各壩啟放之事向有專責士珍察於去歲冒險情形恐下河各州縣紳民扭於守壩可至一丈七尺餘寸之見後患何堪設想因與人駁賈案往返函商意見相同惟有申明舊章略爲通融此後守壩視奏定丈尺即當酌量啟放以保固隄工永免潰決巨患奉硃批該提督等按照定章妥慎會商辦理

又河南巡撫吳重熹奏孟縣民工擬估修土石各工並派員駐工修守略稱懷慶府屬孟縣地方濱臨黃河北岸首當西來大溜之衝縣城西南舊有小金隄一道下首接築護城隄一道爲河北全局保障惟因地居上游東距官工尙遠向無應營管轄從前民築民修亦無險要工程自南岸孟津縣鐵謝鎮築築石壩保護漢陵挑溜北趨以致小金隄上下於光緒十六十七年被溜匯壩生險當經請撥銀十餘萬兩辦理土石各工用資捍衛嗣後復因溜勢逼刷喫緊疊次請款興修均經報銷有案迨光緒三十四年開又因大溜變遷小金隄迤西無工處所節節淘刷黃民田廬舍悉被冲塌復經先後請撥銀二萬及二萬八千二百餘兩估修石壩石堦以衛民生連年委員會同地方官運石興築竭力防護詎自黃河鐵橋告成之後去路不暢水勢撥高北岸地勢本低加以南岸爲廣武山控制大溜直順北趨以致素無專員防守之所轉爲當衝要工奇險環生上年六七月閒河溜湧漲復又下卸竟繞越東曹坡大王廟石壩由南而北奔騰趨刷大有頂冲之勢甚至小金隄舊有老灘多被冲塌新舊壩亦被刷殘毀下至護城隄水均匯及隄根岌岌可危幸值上游迭村等工運存石料該印委等先其所急移作拋護下游之用立即應機搶辦得保無虞以暫顧目前而論固已化險爲夷然隄身卑薄殘缺隄北地勢又低測量河身高於地甚數尺及丈餘不等由此而北愈見低下如不早爲籌修恐汛水漲發防不勝防既須加修土隄尤應添備石方以護隄身屢據孟縣知縣會同承修孟工

委員逐細勘估稟報請照榮澤蘭封等工成案酌籌歲修經費派員常川駐工隨時備石防守庶修防兼備方臻穩固等情當經批行布政使會同河北道核議去後茲據該司詳稱由司委員往勘自小金隄起至海頭村尾護城隄止工分五段卑則加高薄則培厚其殘缺者一律補整共估需土方銀一萬九千九百六錢五分又添辦石四千方合例價銀一萬一千七百八十四兩分作護隄備防及東曹坡新出頂衝要工加拋石壩石堦之用經河北道履勘無異所估銀數毫無浮濫查孟縣民工早已官爲籌辦亟應照估與修惟司庫異常支絀擬就庫存豫河歷年節省項下照數動支至派員駐工歲修亦屬勢不可緩查蘭封縣建築壩黃壩案內援照榮澤縣民工成案每年由司庫籌銀五千兩發交開歸道派員修守迄今保護平穩具徵歲修有益孟縣工段較彼尤長亦應仿照辦理擬請自宣統二年爲始查明榮澤蘭封等工成案由司庫按年籌撥銀五千兩解交河北道遴委熟悉河務人員專駐工次購備石料隨時相機修防庶可預弭河患

又度支部奏議覆直隸總督奏北運河上游等工請由部庫撥款略稱查原奏內稱准軍機大臣字寄奉 上諭有人奏直隸旅運鎮應修工程請提前趕辦並將許臺口門一併估修等語著陳夔龍按照所陳各節體察情形妥籌辦理等因欽此查北運河上游潮白懷三河係由順義縣屬牛欄山南匯爲一河向無隄壘亦未設有汛防旅運鎮即在潮白懷三河匯流之下游歷年屢被冲塌光緒三十四年村南冲有缺口經賑撫局築隄堵塞上年六月閒水勢暴漲復將前築隄壘漫溢成口奪溜東趨冲刷口門二百餘丈全河改經蘇家莊至沮溝村十餘里歸入箭杆河經蘆運河入海而箭杆河身異常狹隘勢難容納以致橫流旁溢寶坻香河等縣沿河村莊同受其害許臺口門即在香河縣境內亦受旅運鎮漫口之害均係必不可緩之工前項工程並不在前署督臣那桐奏定八十萬兩之內前飭北運全河工程局及通水道分別勘籌該辦欽奉前因催據該局道稟詳估需工料銀十七萬二千六百七十四兩零又香河境內萬騎馬辛莊口門工長一百三十三丈許臺口門相距甚近冲刷小口門殆非

一處如將旅遂鎮漫口培築其源自濟施工尙易香河境內尙有淤河工長一千四百四十丈寶坻境內亦有淤河並半淤河工長七百七十三丈均須挑挖深通計兩縣堵口挑河等工估需工料銀二萬七百一十八兩零統計全工需銀一十九萬三千三百九十餘兩直隸司局各庫支絀異常所需工款實無可籌懇 恩敕部照數撥解以濟要需又據附片奏稱直隸提督姜桂題駐紮通州距旅遂鎮甚近該提督所部各軍多半准北子弟勤習工作若令專辦挖河培隄工程必能得力前已備文咨商撥出六營兵丁施工兩月尙可節工款銀二萬餘兩各等語 臣等查旅遂鎮及許臺口門工程均關緊要自應迅速興工以衛農田惟北運河全工前已由部撥銀四十萬合之本省所籌四十萬共有八十萬之數若能核實動用尙可節省若干以資挹注再該省辦理賑捐有年近又奏請展限業經 臣部議准查此項捐輸本爲地方工賑之用應由該督於賑捐款內籌撥接濟以重要工而杜糜費

又東三省總督錫良奏續籌遼河工程并加挖海口攔江沙壘集款情形略稱遼河通塞關係商務航業至爲重要而營埠尤直受其影響一節不暢終無以利交通即已經興修之雙台子河隄工程亦幾同虛構綜計全河工程通共需洋七十萬元內外其攔江沙及鴨島兩項工程經費已由洋商允於加抽稅捐項下籌撥至購船開辦經費應由公家先撥款二十萬元以資應用奉省年來創辦各項新政羅掘俱窮實屬無可設法因咨商度支部先由稅關項下撥款二十萬元俾充開辦經費度支部復准照數動撥陸續交付 臣當即飭錦新營口道照會各國領事妥擬抽捐章程就近督工刻日開辦其用人行政事權統歸錦新營口道主持仍由 臣隨時督飭經理以重要工

又 諭電寄兩江總督張人駿等電奏運河隄工啟堵後仍須實力搶護歲修額款業已用罄請撥案添撥防費銀四千兩解工濟用等語著度支部知道

又翰林院侍讀學士惲毓鼎奏竊惟淮水等源桐柏歷河南安徽江南以入海長逾千里自魏晉以來類皆引水開渠以施灌溉漸淮田畝悉成膏腴乃近來沿淮州縣無年不報水災浸灌城邑漂沒田廬自正陽關至高寶一帶盡爲澤

國實緣近百年間河身淤塞下游不通水無所歸浸成汎溢既不能徵收賦稅而發帑賑濟更足以耗度支 臣嘗博考圖籍證以見聞而知長淮致害之由實因高堰壩頭之障礙淮源發於胎管至桐柏成渠月水入焉東過信陽納游明洋三河過羅山納滸澤月灣竹竿四河過息縣納滸澤泗水縣五河過光山納塞河過光州納小黃河過固始納史汝谷三河過霍邱顧上納清澗澧東洋六河過壽州納東西二澗河過懷遠納汴洛茨澗肥五河過鳳陽納濠水月明湖過五河納濠澗澗四河過泗州納池睢汴三河至盱眙然後東匯爲洪澤湖異時黃河由徐至清口與淮合流有南下之勢治河者欲東淮以敵河借清以刷濁故特築高堰壩頭備淮由天妃閘以濟運於是豫南皖北縱橫注淮之水無從入海悉以洪澤湖爲歸壩演漾停滯歲久淤多水淺生灘大半俱成平地愚民但貪佔種之利不計容量之日微以淤塞淺小之湖安能受浩蕩無涯之水無怪自上類風下達淮陽漫溢橫流幾爲故轍是則高堰壩頭之爲害也今黃河久經北徙堰壩無所用之當別籌入海之途使下游得所宜洩查長淮可以入海之道有二一由清河東下穿射陽湖至射陽湖口入海一由清口東北下由鹽河至北湖河入海射陽湖內地窪水曲中格以運河二隄及沿海之范公隄口外更多暗砂既不便淮水之直趨又不便商船之出入不如此由清口西趨鹽河之爲便鹽河在舊黃河之北勢等建領由鹽河至安東縣漸折而南至徐集又東北趨響水口響水口以下東入海爲北湖河河身寬至百餘丈若引淮由此歸海足資容納且去淮河入海故道不遠口外亦無暗砂疏濬之功宜自此始尾閘既暢水有所歸不獨穎壽鳳泗永濬沈災即高寶興秦亦百年高枕矣然後相度上游通流以除淤塞分浚支流以殺水勢既消盛漲兼溉民田可使枯瘠變爲膏腴災區更成樂土民生大利無逾於此或謂當茲財政艱難何可更糜鉅帑不知治淮之後有四利焉從此可免災賑一也田加闢而賦稅可增二也淮口通利商船雲集可以漸開口岸爲東南關一繁盛市場三也由響水口入長淮沿河至信陽州與鐵路交可運百貨以輸漢口四也可否特派通曉河務之員備歷沿淮州縣會同地方官相度利弊詳細覆

陳然後籌集款之方議與工之法實根本之至計也得 旨著張人駿程德全  
朱家寶遵派通曉河務之員按照所奏各節查明具奏原摺著抄給閱看尋會  
奏請議局公推在籍翰林院編修沙元炳為測量局長擬俟該紳測勘完竣繪  
具圖說呈復再派通曉河務之員復勘明確妥議辦法奏明

又兩江總督張人駿奏查覆淮水患請籌修濬略稱淮水患為日已久同  
治六年前督臣曾國藩因神者之請倡為導淮之說厥後屢經議辦迄無成效  
光緒三十三年前督臣端方等會奏查勘淮河故道一摺歷陳導淮四難當於  
清江浦設局遴派員紳籌議經年仍無端緒旋即將局裁撤上年江蘇諮議局  
開會 臣人駿列為議案交議旋經各紳議覆擬設江淮水利公司先從測量入  
手請撥經費試辦 臣人駿核其所議辦法尚屬扼要當經會同前任江蘇撫臣  
寶案電請度支部核覆准予撥銀三萬五千兩飭行甯蘇司道局庫湊解以為  
測量之用 臣等竊維導淮復故使之專趨入海既免淮揚昏墊之憂而盱泗高  
寶數州縣民田昔之淹沒於洪濤巨浸中者亦可復為沃壤實為江皖生民所  
利賴惟籌議已數十年查勘亦非一次微獨費繁款絀抑亦衆論紛紜計非實  
地測量無以為入手之方現值湖水漲之時無從履勘既經諮議局議定選  
紳設局舉辦測量事宜擬俟該紳等測勘完竣繪具詳細圖說呈覆再行遣派  
通曉河務之員復勘明確妥議辦法另行奏明辦理從之

又 諭瑞澂電奏荆門州沙洋隄工關緊重要請飭部酌撥一半經費錢二十  
萬串以濟急需著度支部議奏

又浙江巡撫增韜奏海塘新工起限修築勘估辦理情形略稱據署杭嘉湖道  
海塘工程局總辦詳稱新工應用工料業經按汛詳細估計共需銀元八十四  
萬四千一百二十七元零原定添款六十萬兩內除應扣部平六分留備二成  
農工商部水利銷費一分八釐等銀共十六萬六千八百兩外計得工料實銀  
四十三萬三千二百兩均以四四合數算銀元計六十二萬三千八百八元尚  
不敷銀元二十二萬三千九百九十九元零為數甚鉅統籌籌畫惟冀潮流順軌少出  
險工能得設法節省以及所提留備等銀酌撥應用或不致過於懸殊伏查翁

汛南龍頭為全塘保障近時中流東迫潮浪西迎山水每值潮旺水急屢出最  
險工程本年霖汛以前即已首慮及此當經察度形勢於陽致雨虹隄永等號  
臨水坦埭之外多拋塊石隄字號則又裝沈石櫃復因騰陽致等字號地房衝  
要隨又購買平底舊船滿裝塊石妥為沈放石船石櫃前後內外再用塊石四  
面拋填俾資扞衛是以春秋兩汛得以未出險工冬令潮汛猛旺鎮鎮地當衝  
要稍被撥損亦已防護平穩等情據此 臣察核所詳工程與前次履勘情形相  
同所估工款係照丈尺確實估計雖較原定銀數略有加多然見辦工程實較  
舊時辦法倍形堅固自不得不量予變通更未便以例價相繩查察在工員紳  
人等均能實事求是 臣仍當飭令恪遵定限合力進行每年歲修工程仍飭照  
常認真辦理務期工程堅固款不虛糜

臣謹案浙省塘工以雍正二年朱軾所築為最精彼時財力既充工料又  
賤今固有志焉而未逮也就此勘估辦理亦甚切當乃以新法煽惑派日  
本留學生主持盡棄柴塘改用水泥基礎不固工未竣而已陷蓋未知海  
濱土性多屬流沙下至實土深且尋丈沙為水吸椿隨外徙立脚不定必  
至傾覆柴塘之設以柔克剛前人有深意 臣竊以為治河防險者有  
重於堤之說 乾隆時添建石塘曾有留柴塘為重門保障毋視為可廢  
不加防護之論 聖慮周詳早經洞鑿柴塘歲修多費誠不如石塘之永  
固然修理尚易但明柴與土適當之成分勿以取土不便任其減少致失  
附著力而易損則資為外障有利無害必盡舍舊而謀新亦竊測之見耳

三年度支部奏議覆北運河工程原撥路款等項欠解銀兩請飭另撥的款略  
稱查北運河工程宣統元年據前署督臣那桐奏估需銀八十萬兩由該省自  
籌一半其餘一半經 臣部商准郵傳部在於京奉鐵路行車進款項下撥銀二  
十萬兩又於山海東海兩關各撥銀十萬兩分作兩年撥解奏奉 允准在案  
茲據奏稱京奉鐵路進款欠解銀八萬四千餘兩東海關稅款欠解銀六萬七  
千餘兩既無籌解之期又未能停工待款請由部另行指撥銀十五萬兩等語  
查京奉鐵路以防疫停車東海關稅以防疫短收無屬暫時之事一俟防疫屆

滿自有餘款可資撥解且東海關稅款前據該關監督呈請指定徵收商局稅  
二成項下籌提嗣因商稅收數無多即在於洋稅項下撥解並經部送次旬  
催該關稅款收有成數即行分批陸續解赴工次以濟工用見在預算已定實  
無餘款可以改撥此項欠解銀兩應按部奏咨各案辦理毋庸另行指撥  
又奏議覆山東河工重要請飭撥的款分投培築略稱山東黃河工程除常年  
防汛經費銀六十萬及伏汛加撥搶險銀五萬兩共銀六十五萬兩外前撫  
周馥於光緒二十九年籌議辦法五條以加培隄身酌改石隄二條爲最要請  
在於地糧盈餘及工捐屯價項下儘數提用不動正款每年用銀自十三四萬  
至三十四萬餘兩不等自光緒三十四年前項地糧盈餘等銀無著該省始請  
於司道各庫撥銀十五萬兩宣統元年撥銀十萬兩二年撥銀五萬兩均於年  
前具奏是此項隄工本應列入預算且近三年所撥銀數逐年遞減亦無估至  
二十萬兩之鉅茲據該撫電奏於預算之外添請鉅款殊屬不合惟該省黃河  
地居下游關繫要既據聲稱實不可緩之工自未便以預算遺漏概從駁斥  
其所請撥款二十萬之處查該省本年預算部覆核出入相抵計盈餘銀六  
千七百餘兩尚有擬增擬減各款如能照辦約可盈餘一百八十餘萬兩復經  
資政院將應增應減各款逐一修正出入相抵仍盈餘銀一百數十萬兩之多  
而原造清冊三游河工項下如員司薪津差役工食河防營餉隄工物料四項  
切實整頓尙可裁減銀十萬兩又河工研究所項下應裁減銀六千五百餘兩  
又三游河工冊造多列銀一萬三千九百九十餘兩均經部先後電知該省  
在案應令該撫按照部及資政院覆核各數切實辦理此案培隄經費准其  
追加預算即在於全省盈餘及河工裁節項下撥款濟用仍令督飭在工各員  
認真修築不得稍有糜費以重工款  
又直隸總督陳夔龍奏准北運河工程現因京奉鐵路暨東海關兩處工款清  
解無期祇有將青龍灣石壩霍家嘴減河兩處工程暫從緩議其餘各工自應  
以現有之款儘數核實籌辦期有裨益  
又山東巡撫孫寶琦奏東平州借款修隄略稱泰安府屬之東平州境爲汶河

坡水旁洩必經之地地形本屬窪下當黃河未入東省以前水患尙輕自咸豐  
五年銅瓦廂決口黃流穿斷運河初循大清河而下河道深遠汶河坡水由廳  
家口洩入黃河勢如建瓴猶無巨患迨黃河淤墊日高每至伏秋大汛汶坡之  
水不能宣洩而黃流盛漲復有頂托倒漾之虞遂至東平一州附城數十里盡  
成澤國每年春冬賑撫約需萬金小民困苦不堪言狀積諸案積蓋已三十餘  
年公私所失難以數計迭經派道員前往履勘議疏濟龐家口尾閘並築隄  
東水各辦法卒以工難費鉅不易興辦嗣據東平州知州轉稟該州紳士條陳  
大治辦法內有劃分四區借款圍築民堰護田一條頗爲可採復經札飭司  
道等會同籌議旋據議覆議先辦東南一區估定自安山起至前泊止修民堰  
一道以禦汶坡之水又自安山起至新口止培修運河東隄岸官隄一道以禦  
運河盛漲溢出之水官隄經費由運工積存項下協濟銀二萬兩歸併籌賑局  
捐款項下動支銀一萬五千兩民堰津貼由勸業道墊務押荒項下借撥銀二  
萬九千五百兩共銀六萬四千五百兩一俟民田涸復即令按畝出資陸續歸  
墊飭由東平州隨時察看當飭勸業道由墾務項下先撥銀一萬兩即派辛績  
勳爲總辦已於六月興工查東平州東南一區每年積水非五六月不能乾  
涸迨七八月秋汛盛漲又成巨浸冬令則一片堅冰欲圖施工非乘此時不可  
不得不擇要興辦如天時湊合民堰官隄次序告成即此一區已可涸出良田  
千頃則正賦可增災賑可減借款可還一舉而三善備其餘三區工程應俟東  
南區辦有成效再行察看情形接續辦理  
又農工商部會奏核議江皖水患亟宜疏導略稱查濱淮水患歷有年所同治  
初督臣曾國藩即倡導淮之說籌議數十年迄無端緒前者江蘇諮議局請設  
江淮水利公司當經兩江總督張人駿咨商度支部准撥銀三萬五千兩以爲  
試辦經費在案巨災之告年復一年非急起圖功誠不足以復地利而蘇民困  
况美國紅十字會已經派員考查若不將施工入手之方先行規畫亦無以資  
接洽江蘇既設水利公司皖北地居上游亦宜確切調查實行籌備擬請旨  
飭下安徽巡撫按照江蘇成案請撥經費先行設局測量並將以後一切事宜

與江督蘇撫迅速會商協力興辦以爲消弭巨患之圖民政部查淮流汎濫無歸釀爲厲患淮數十州縣歲歲告災賑撫所需動逾鉅萬長此不變則閭閻蕩析之苦 朝廷救恤之煩殆將無所底止竊計此項工需需款甚浩繁然以歷年賑恤安插之費較之其數已不相上下而復准以後不惟水患永除且有可收之利查洪澤高寶白馬壁社光邵伯等湖從前均係民田自黃河南徙淮水淤於洪澤而洪澤之湖田廢自洪澤漲而南洩匯成澤國而高寶白馬壁社光邵伯之湖田亦廢今若復准而暢清口以洩洪澤之水則洪澤之湖田出迤南諸湖不受洪澤之逼則迤南諸湖之湖田亦出約計諸湖面積以及盱眙天長滋湖處所可出之田不下五百餘萬畝即寬留水道及去其不能選出者亦當得三百餘萬畝以新例塗灘每畝價銀三錢二分計之可得一百餘萬兩之收入見在國帑竭蹶籌措維艱而以此等關於數省利害之事雖使舉債爲之亦尙有益而無損惟流域既廣工事尤煩論其入手之方自以測量爲第一要義應即由安徽巡撫先行設局辦理俟辦有端緒迅即籌擬辦法奏明辦理

又山東巡撫孫寶琦奏直東豫三省黃河宜籌統一辦法略稱黃河自銅瓦廂決口初入東省循大清河而下河道深通兩岸本無修防迨積久淤高漫溢爲患民開先就河干修築小埝隨灣就曲緊逼黃流嗣經普築大隄於埝外而復令民開墾舊守埝埝有漫決官無處分直東兩省定例皆然宣統元年五月直隸開州孟民莊民埝決口水循東省上游民埝以外官隄以內下注至中游境內始歸正河歷濮州范縣壽張三州縣民田被淹受災甚重經 臣電商直隸總督 臣會同派員協款堵築直至上年五月始告成功如能通籌勘治分別何處民埝通溜應廢而退守大隄何處民埝順溜應留而改歸官守明定責成自無推諉此官隄民埝之急宜通籌勘治者也河工向以積料爲大宗而入水易腐不如甄石之經久第甄塊量輕而質鬆又不如石塊之堅重昔河 臣栗毓美拋甄於東河亦以豫省距山較遠採石較難東省則上中游南岸臨河多山前撫 臣周馥奏撥款項添辦石方近年以來三游陸續改修石壩頗著成效雖大溜

冲擊縱有傾側之時斷無走失之慮現在輪軌交通如豫直兩省設法辦運石方逐漸改作則一勞永逸可省歲歲稽料加廂之費治河良法無逾於此此石料之亟宜仿辦者也東省下游兩岸官隄之尾至海口尙有數十里即無隄防任其蕩漾汛漲則汪洋一片汛落則溝汊紛歧南高則北徙北淤則南遷數十年來入海之區已經數易若長此不治則尾閘淤墊日高必至胸腹橫決爲患何堪設想見雖數載安瀾而海口隱患實爲可慮 臣昔年隨故大學士李鴻章來東勘河時有比國工程師周歷海口建議築隄伸入海深之處爲最要辦法卒以工大費鉅未果興辦如由主治者統籌經費分年築隄藉束水之力爲攻沙之計再酌購外洋新式挖泥輪機於海口上下往來疏濬則尾閘可望深通而全局皆受其益此海口之急宜疏治者也河工爲專門之學非細心講求久於閱歷不能得其奧竅東省河工五十餘年惟借用地方營委營官尙有久於其任者至承防分防各員今年委甲明年或委乙誰肯專心考究前撫 臣丁寶楨前河 臣曾國荃前大學士李鴻章前撫 臣周馥均議設立應汛未克舉行實爲東省河工之缺點亟應仿照豫省定章一律改定文武額缺弁兵額數如果諸練河務即可爲終身之官三省互相升轉調用 臣上年設立河工研究所招集學員講求河務原爲養成治河人材如設立應汛則此項人員有畢業資格即可分別試用於工程實大有裨益此應汛文武之亟宜設立者也以上四端皆必應舉辦惟事體重大費款至鉅 臣愚以爲宜設總河大員周歷數省察勘河勢窮源竟委博訪周諮並責成各省督撫會同商辦先將三省常年經費一百數十萬兩統歸應用俟擬定大治辦法隨時奏明請 旨飭部另撥大宗專款俾免掣肘而竟事功斷不宜吝惜費用當此時局艱難爲財政計盈虛似迂遠不切事情爲民生權利害實切要不容遲緩若僅彌縫補苴不知統籌兼顧設有漫決小民何辜慘遭災害近年東省上游河流漸有北趨之勢萬一金隄旁溢大河北遷竄入畿輔後患何堪設想且北數省有此長河每爲西人所豔稱若修治得法可使航路便利貨物流通更爲商業增無窮之利益尤足與長江流域相埒事關數省河道改作請 飭資政院集議施行奉 旨著孫寶琦

會商直隸總督河南巡撫通盤籌畫詳細會同具奏  
又直隸總督陳夔龍奏堵築永定河漫口籌議辦法勘估與工請撥部款略稱  
永定河秋汛水勢狂漲當越隄嶺以致南三工尾二十號漫口奪溜現據勘得  
兩壩距一百八十五丈挑挖引河連溝工共長四千七百餘丈兩岸均須培隄  
禦水工程甚鉅湖查光緒十六十九二十二等年堵築該河口門估款三十萬  
至三十五萬不等即三十並三十三等年堵口工程亦估銀二十三萬至二十  
六萬餘兩均蒙 恩准敕部撥款協濟或全撥部款見時人工物料逐年加增  
本年工程較之上兩屆爲鉅寶延壽等估款二十八萬六千餘兩委係力求撙  
節無可再減直隸爲缺額省分藩司及財政總匯處庫儲匱乏加以本年水災  
甚重先辦急賑繼辦加撫已屬難掘俱窮永定河堵口大工實無力籌此鉅款  
前已電商度支部鹽政處在於運關兩庫各墊撥銀十萬兩以濟工需當經部  
電覆准核計尙短銀八萬六千餘兩仍無所出該工爲數州縣民生利害所關  
仰懇 俯准於運關兩庫各撥銀十萬兩外再行 敕部如數籌撥以應急需  
又江蘇巡撫程德全奏通籌民食擬標本兼治以救飢危一曰治江湖河海諸  
患以弭亂源也以江蘇論在長江流域下游近年上游水患莫如洞庭湖之  
涸出日多面積日窄一經水漲橫溢遂不可收下游之鄂贛皖蘇沿江沿海之  
漲灘亦復不少居民圍築成田視爲己產始則水讓地而人成趨之繼則水爭  
地而人復據之據之奈何繕完增培則墮之而已耳前查賑大臣馮煦有欲除  
江皖水患必治睢河之奏治之之法先將沿江湖河海各省屬地測繪爲圖俾  
形勢瞭如指掌然後求水所歸宿山阜當路者鑿之城郭受衝者遷之不與水  
爭地此治本所宜急者也一曰實倉儲穀米禁以備不虞也自海禁既弛米穀  
出口幾等於絲茶不知中國今日仍是以農立國農業不加益而米出口日多  
外洋價高則爭出糶稍有不繼則高價以糶入而受損無窮矣內地倉穀自各  
屬舉辦新政輒有糶穀存款以生息者植場兩偶愆則倉穀無存或購米外洋  
或泛舟鄰省耗更甚於生息今宜切實籌議倉未建者速捐辦倉未實者速補  
還穀米止許內地流通民間廣種雜糧補助此治標所宜急者也

皇朝續文獻通考卷十五

田賦考十五 屯田

臣謹案三代兵農合一其後兵農分而兵出死力以衛民民盡地力以養兵從此民力重困有時衛民者且以擾民民益不堪矣宇文周行府兵之法唐與明皆法之以立屯衛明初養兵百萬不費一錢以衛所之屯政修也自衛所既廢境難以復用明季至加三饌以養兵兵之得饌既薄乃情不堪戰而民之元氣已摧剝無餘明社亦隨屋矣 世祖入關即定墾荒興屯之令奉行者不力卒以饑兵之故國用不敷歲計所費兵饌居其八以屯之寡效也次第汰屯軍而併其田於州縣所仍者漕運之衝所而已綠營不足用乃用團乃用募長此不改兵無強時饑無足時大抵募勇易換民兵易檢計惟以督察先清戶口乃溝募勇民兵二者而通之募土著材武之民以為兵略如常備續備後備之制庶幾兵農合一之遺意歟 皇朝通考同一旗屯於東三省者列為盛京莊田在新疆者特立新疆屯田一門通典田制三列官在不在今分直省新疆兩目以示區別蒙地番地悉附直省

乾隆五十三年議准臺灣東界內山番地游民越界佃耕漸成熟業以致爭奪見令丈出已墾生熟番埔地一萬一千二百甲每甲合內地民田十一畝三分一釐內民人租賃之地同番社田畝免其升科其賣斷與民者照同安縣下沙科則按甲計畝徵銀此外未墾荒埔地五千四百四十甲及入官荒廢埔地三千三百八十餘甲各社熟番新挑屯丁四千名每名撥給埔地二甲千總每員十甲把總每員五甲外委每員三甲令自行耕種免其納賦不給月餉屯丁缺出即挑其子弟充補承受田畝如有私行典賣者按例治罪追償充公其地仍歸番社集埔虎仔坑三貂琅等處民人開墾田畝與生番日久相安准照民買番地之例一體升科清查之後再有越界私墾從重治罪失察地方官一併議處 又 諭金川番屯遇有剿捕之事屢經檄調最為出力該處地畝在在皆山土

地瘠瘠自應儘番民墾種自食其力俾生計有資乃從前地方官限定額數既屬太少而轉招內地民人占墾致番民口食不敷此項番地即著詳悉確查開墾地畝酌定章程撥給降番嗣後不准地方官藉端擾累遇有征調出兵之家應酌量免差俟一二年後該降番等地畝較多差徭又少庶生計數裕元氣可復

六十年覆准四川新疆懋功等五屯安插降番每戶例給地三十畝每年納糧二斗一升有零此內挑選精壯一千名以五百名為新屯練給餉以五百名為餘丁不給月餉今丈出荒地九千五百餘畝賞給降番食餉者五百名每名加給六畝不食餉餘丁五百名每名加給十畝毋庸交納錢糧章谷一屯荒地不敷撥給每戶舊有地三十畝撥出十畝不令升科再雜谷等五寨撥出鈐制降番屯兵內驗看得精壯屯兵一百六十名每人給地十畝亦不令交糧所加地畝作為公產一併隨缺管業其四屯餘荒地一千餘畝作為官荒不得另招占墾

嘉慶七年議准貴州銅仁府石硯苗地建立碉卡安設屯軍四百名每軍百名設百戶一名總旗二名每軍一名分授水田四畝百戶六畝總旗五畝免納租糧均歸石硯衛千總督課耕作其餘低窪田地及山頭地角作為公產招佃耕種以為屯堡調卡歲修之用

十二年 諭興奎等奏酌籌黃河北岸撥兵屯田一摺屯田為防邊要務興奎等以青海蒙古屢被番子劫掠雖經剿辦完案尚須派兵巡防因思擇地安屯以裕兵食固為籌畫經久之計但披閱圖內所擇屯地俱在蒙古界內屯兵等未必人人自能耕種勢必招集漢民將來愈聚愈多慮滋事端再番衆本以搶掠為生尤恐成熟之時妄生覬覦滋擾皆不可不詳細計及此事是否可行著軍機大臣會同大學士六部尚書悉心妥議具奏

十五年 諭臺灣屯務前經福康安等定議在南北兩路分設各屯將未墾番地撥給開墾其民人已墾番地勘丈收租官為經理立法甚為詳備今據方維甸奏體訪番情艱苦皆由各屯未墾之地多被奸民社丁人等串通欺詐誘令

典賣越界籍占地方官全不經理所致實屬廢弛至應徵屯租原係廳縣收發乃前署臺灣府楊紹裘等輒議令屯弁自行徵收散給各丁不復官為經理以致刁民抗欠甚多而屯弁又從而侵蝕屯丁苦累益甚該府等擅改章程不奏不咨是何意見除見在臺灣一縣仍歸該縣徵收外其餘一廳三縣方維甸已派員查勘分別清釐著俟查報到時將所有屯地屯租各事宜會同張師說查照舊章悉心詳議奏聞並將違例廢弛各員一併參奏

二十一年 諭富俊等奏雙城堡開墾地畝被霜一摺已明降諭旨照所請施恩矣雙城堡地方本係生荒經富俊奏請開墾本年適被霜災已最為凋剝但該將軍摺內有屯兵報逃另行補派之語該處初經開墾氣候早寒屯兵等一切均未熟悉若試種二三年歲有收穫自可以漸墾開倘其地實不宜種植徒勞無益富俊即當據實奏明另行籌畫不可固執已見以准奏在前意存迴護也

二十三年 諭前據富俊奏籌議開墾屯田並請查明伯都訥圍場荒地備墾當降旨交松甯詳查妥議俟定議後再會同富俊辦理茲據松甯將議開雙城堡屯田章程開單具奏並以試墾伯都訥圍場地畝經費不敷請俟雙城堡屯地陸續升科後接辦富俊見已調任吉林將軍著將松甯所議章程再交富俊覆覈松甯所定銀數是否豐儉合宜屯丁是否即可養贖家口盡力開墾務期國帑不致多糜於旗民生計實有裨益方為經久良策

二十五年 諭富俊奏雙城堡三屯應增各條款雙城堡中左右三屯移駐屯丁三千戶兼有眷口幫丁已成繁庶所有前議未備之處自應增定章程以利耕屯而安生聚著照所請

道光二十三年 諭祁項等奏虎門等處墩臺見經修復必須重兵防守而兵額未便請添查虎門附近及沙角一帶多有淤出沙坦可以圍築成田令人承種其餘各臺或後靠石壁或傍依山麓均可酌行屯田之法藉以保護墩臺惟上下兩橫檔並無後路必須大小兵船往來接應等語以本地之田養本地之民即以種田之民為禦侮之兵固屬守險防虞寓兵於農之計見任糧道孔繼

尹既經辦有端緒著即責成該道一手經理此次捐辦屯田紳士准按所捐銀數照案彙錄一律奏請鼓勵

二十四年 諭程福采奏召募屯丁分守墩臺一摺據奏圍築沙坦共得田一百三十九頃餘畝召募屯丁二千名每月於屯丁一百名內輪值二十名在臺操演若遇有事調用仍令悉數到臺不准調往他處及另派別項差使每年歲修及操演稿費需銀一萬五千兩上下應俟呈首坦畝捐輸屯費積有成數通盤籌費等語以本地民種本地田用以防守要隘即屬保衛身家寓兵於農自係長策此次屯工各項銀兩免其造冊報銷惟屯丁究係鄉民是否足資禦侮平日如何操練臨時能否得力此外有無未盡事宜著著英於到粵後會同程福采親閱營盤情形將現擬章程有無應行斟酌損益之處再行悉心妥議具奏虎門為夷船出入門戶最關緊要見據程福采奏添修虎門及內河各墩臺工程將次完竣其所請改設同知一員是否足資稽查彈壓並著著英等一併妥議具奏

咸豐二年 諭羅惇衍奏廣東南海等縣海開田歸作官屯者共一千九百餘頃據稱變價出售每畝取銀十兩統計銀一百九十餘萬兩等語見在軍營需餉浩繁各省大吏無不竭力圖維但使有益國計無病民生自當設法籌備以濟要需著葉名琛柏貴按照該侍郎所奏並變價事宜十二條悉心體察情形如果可行即著據實具奏酌量辦理並保舉該省公正紳士令其設局專辦不假吏胥之手總期於公事有益不至擾累民間別生事端為要

臣謹案官屯變價改作民田實為破壞屯政之權輿我 國當軸亦未嘗無公忠辦事之人及稍稍有效而繼之者或陰憾之或陽撥之卒至凡百頽敗不可收拾蓋不獨粵東屯政然也

六年先是烏里雅蘇台將軍奕相奏變通科布多屯田章程請將原派屯兵二百五十戶撥裁撤五十戶即由所留二百戶內之壯丁熟悉屯務者挑選五十名抵補所裁之缺以符原額下軍機大臣會同理藩院議至是奏應如所擬辦理惟此項屯兵二百五十戶係由土謝圖汗部落額設一百二十五戶三音



諸額部落額設八十戶札薩克圖汗部落額設四十五戶前此出派額既不同  
此次所裁之五十戶亦應均勻分撤以昭平允從之

九年 諭御史趙元模奏請將黃河淤地酌辦屯田一摺據稱清江浦以東三  
里許舊係河身今黃河北徙淤出平地縱約百餘里廣約十里按里三頃七十  
五畝計之得地三四千頃可屯三四千家得兵三四千人或分授兵丁或招集  
良民應由清河兩督就近體察情形悉心籌畫等語見當軍餉支絀之時自應  
變通盡利以濟兵精况屯田即古寓兵於農之意果能辦理得宜實爲足食足  
兵之善策著袁甲三庚長體察情形有無窒礙覆議具奏原摺著鈔給閱看

馮桂芬裁屯田議 國朝屯軍次第裁汰屯田歸併州縣承佃辦賦惟有  
漕運之地隸衛所如故謂之贖運屯田於是乎衛弁運丁屯田始專爲漕  
運而設當時 國用充盈體大物博但資其飛挽之力即亦不肯細徵迨  
後日久弊生習焉不覺至今日而害欺衆著約而言之可疑者迨非一端  
運丁於田租養贖之外每屆兌運行月耗贖銀米列入正款者每船幾及  
米二百石銀二百兩之多猶以爲未足輒向州縣勒索幫費遠過於商賈  
陸運貨物之值州縣藉口浮收勒折以給之司倉人等復利其厚獲還相  
魚肉悻入悻出皆運丁爲之關鍵坐令漕務敗壞決裂此可疑者一也守  
備千總亦武職不令之操演不令之管帶漕標各兵乃令守備徵糧理訟  
參錯州縣之間以分其權又令千總押運而運事轉以丁爲主王氏苞孫  
有云其強者與丁爲狼狽其弱者受丁之指揮屬之漕督而漕督相懸數  
千里屬之糧道而糧道相懸數百里屬之所在知府而知府又以武職外  
之既無考核又無鼓勵此可疑者二也運丁之始即水手也康熙三十五  
年定倉軍之法特以爲水手之長耳何以既有運丁又別雇柴黠無賴習  
教之徒充當頭舵水手擾害民間嘉慶道光中疊釀巨案猶幸江浙停運  
在先金陵失守在後不與賊合然資遣未盡者猶以千計吳民苦之數年  
始息此可疑者三也糧艘所容不過數百石與中號江船等而船身之重  
滯行走之艱澀無出其右此可疑者四也因思舊制以衛領軍以屯養軍

而以軍挽運法非不善今則漕事專責之運丁安用衛爲費用盡取之州  
縣安用屯爲挽運別付之水手安用丁爲名實全乖舉非其舊以不文不  
武之官領不農不賈之民別樹一幟天下冗員游手莫甚於是蓋不待今  
日而論者莫不謂欲清漕務首革衛弁運丁矣蘇省自道光二十七年停  
運以來不特衛弁薪俸按年支領即苦蓋月糧利亦照例減半發給屯租  
更加常徵收在右司例與之而不以爲嫌在若輩例取之而不以爲感馴  
至粵匪難作而後已竊計數年中弁丁安坐無事糜費國帑殆不止千萬  
之數即以上下兩江屯田租息一項言之江淮衛等凡二十三衛額定六  
十餘幫船三千八百餘隻惟江淮興武二幫坐資津貼並無屯田著名痞  
若此外江蘇之蘇州衛等安徽之新宜衛等共二十一衛計屯田二百三  
十餘萬畝此項田畝康熙八年湖廣有清釐之案二十三年江西有清釐  
之案皆轉轉典賣或贖回或助費分別辦理似已有彌縫補苴之意迄今  
年代更遠弊必益甚嘉慶間松江府志稱裁併典田頭緒繁多而坐落鄉  
圖具在足爲運丁身家之一助即見在蘇省各屬多有屯田散布境內各  
衛時因催租之案與州縣交涉是屯田非盡無著之據湖廣江西情形想  
亦無異但將已無者概免究追見有者盡數交納或召變或徵租十得三  
四尚不失爲巨款於度支不無小補蘇省被難以來弁丁輾轉流離無復  
生計一經克復勢且環求調劑安得閒款給此閒人若不及今裁汰直  
國家一大累矣然則爲今日計惟有請將江南湖廣江西各衛裁撤其守  
備千總各官調營序補銷除屯丁冊籍查明見有之屯田儘數歸官俾帑  
藏不致虛糜綜核名實之道實在於是

同治元年 諭前因蔣琦齡奏請開屯田以恤旗僕等語當交八旗都統會同  
該部妥議具奏茲據戶部會同八旗都統籌議覆奏並請飭令吉林等處將軍  
都統府尹等將指查各件迅速覆奏一摺國家定鼎燕都八旗兵丁生齒日繁  
丁雖增而兵額有定不能因之加廣自應開墾間田豫籌移屯以資生計道光  
元年吉林將軍富俊奏辦雙城堡屯田移居京旗開散除陸續移居三百七十

六戶給田屯種外餘田尙多上年倬親王奏請籌議八旗開墾生理經戶部奏請飭令吉林將軍查明前項餘地可否推廣耕種及房屋牛具等項有無經費據實奏明曾經允行在案迄今未據該將軍覆奏實屬任意顛預著景綸即行查明迅速具奏並著特普欽玉明和潤景霖將該部議覆倬親王原奏並蔣琦齡此次所稱東三省沃壤數千里可否移居八旗散丁關東口外等處有無開田可否移屯及旗民之贖產入官之籍產可否投田各條詳細查勘認真籌畫速行覆奏務使事在可行以期經久至蔣琦齡所稱獨石口外之紅城子開平張家口外之興和新平等四城及熱河等處之閒田與旗民贖產入官籍產可否開墾若干頃足資安插若干戶及房屋籽種牛具等項應如何籌畫經費並酌定章程之處均著春佑慶的並總管內務府大臣逐細詳查據實具奏

二年 諭光祿寺少卿鄭錫濂奏請設屯田養兵以節經費一摺據稱各直省及東三省等處駐防綠營滿漢兵丁七十一萬九千餘名歲需餉銀一千六七百萬兩京城各旗營滿漢兵十五萬一千餘名需餉五百餘萬兩尙不在此數內國家歲入之款約計四千數百萬兩兵餉一項已用其半請將被撥省分於克復後查明業戶已絕荒田園爲官地募民屯種以爲兵並酌給駐防滿兵田畝令其收取田租抵作兵餉計江浙皖陝甘等省兵餉每歲可節省數百萬兩並請將俸薪等項及馬乾銀兩一併酌給荒田令其認墾招佃抵作領款等語國家歲出各款以兵餉爲最鉅現在江皖蘇浙陝甘各省被撥較重各區戶口稀少多有無主閒田果能開設屯田所節兵餉爲數甚鉅於經費不無裨益著兩江閩浙陝甘各總督並江蘇安徽浙江陝西各巡撫各就地方情形分別酌擬章程妥議具奏並將業經克復地方先行辦理如實係無主荒田即可募兵屯種並須派廉明委員認真清查毋任朦混騷擾至摺內所陳山東河南湖北湖南江西及川黔兩廣等省各屬被撥地方有無閒田可以開屯之處均著各該省督撫確切查明各就地方情形分別酌度辦理不得以創始爲難藉詞推諉尤不可假手吏胥強奪民間有主之田致令紛紛授害

臣謹案寓兵於農誠莫如行屯田之策願不盡區自治雖屯政亦未易行

也漫欲以民間無主荒田園作官地勢不至強奪民間有主之田不止亦適形其騷擾耳各省遺金田之亂蹂躪已極而猶忍行此幸 朝廷灼見民隱不至見彈而求鴟炙耳

又 諭前據光祿寺少卿鄭錫濂請查明無主荒地屯田養兵請清查叛產辦理屯田各摺片當經諭令各該省督撫酌量辦理昨據劉蓉奏稱陝省逆回叛產不下數百萬畝擬於清查後籌辦營田以資軍餉並將叛產分別詳查妥籌舉辦等語見在東省白蓮池及堂邑等處叛產並兗郡荒田絕產是否可以辦理屯田著該撫因地制宜籌妥辦總期於國計民生兩有裨益至僧格林沁所奏黃河南北各州縣所轄地方請以河爲分界之處既據閻敬銘查明事多窒礙著即仍循舊制以歸簡易該撫仍當督飭沿河各州縣於隔河所轄地方隨時巡查撫綏毋稍疏忽

薛福成上會國藩書曰自巨猾倡亂以來當事者練兵募勇奚翅數十百萬其轉輸之費籌濟之勞幾於無孔不入雖傾天下之力以供之猶岌岌乎有不繼之勢賴節下威力數年之閒賊巢盡傾兇渠授首而前日調集之兵勇得以稍稍撤散然就今之大勢計之殘寇猶竊餘生反側時多未靖則有不可盡撤之勢孤子者既無家可歸驍健者或挺而生變又有不能盡散之情若聚而使之坐食則長驕惰而滋事端固非國家之利况十餘年開民力已竭幸而稍獲休息豈能復用其力以給軍食於無事之時然則處今日而欲爲善全之策不傷財不累民不弛備并以開數百年富強之業者蓋非講明屯政不可夫屯政之有利無弊自古然矣三代井田之法廢惟唐府兵得寓兵於農遺意府兵壞而天下始有養兵之費後惟明之衛所頗合於唐之府兵人各授田二十畝納租六石使之且耕且守法至良也洎乎中葉邊將得請官田自便且訓練不明僅資以納租而止於是軍之名無軍之實而軍衛之法壞今東南數省戶口耗損大半往往有田多人少之虞勢必不能偏墾爲今之計宜籍各省民田之無主者官爲開墾籍各省未散之勇丁其願受田者每丁給田數十畝官爲相其

便宜理其經界開其水利給其牛種三年之後每歲納租數石授爲永業俟經費有餘往往創築城堡做明衛所之制爲設守備千總以訓練之時務農一時講武每省特設一屯田總兵而統轄於提督如此則江淮數千里要害之地布置聯絡隱然有指臂之勢一旦有警人人各自爲守無復向者潰逃故習行之有效則推之而閩浙而湖廣而山東河南莫不循是行之此制一定國無轉運之費而驟獲勝兵民無供給之勞而藉資捍禦營伍不以屯聚而滋他釁地方不以備弱而召他虞又以位置此無業之勇丁而爲天下多粟數十百畝之田則每歲增天下之穀無慮數十百萬石所入之田租兼足以贖國用 國家數百年富強之業實基於此至其經費所出暫借釐金一歲以指理而有餘方今兵事漸戢而釐金未遽停者正以勇丁未能盡散也誠假一歲所入以爲斯民建不世之利一歲之後勇丁各業其業而釐金可以漸裁此得兩利之術即明告四方而行之奚不可者或曰今之勇丁習於酣茶尙募之而不應則奈何曰凡事之集難於其始是在勸其爲倡者而已勸之奈何凡勇丁之始應募者其授之田必肥以廣給之資與籽種必厚以倍俾勇丁慕耕種之利勢將奔走而歸之萬一勇丁應募者少則相繼漸散勇丁而別募游民以授田暇則以兵法部勒之何患屯田之不廣歟雖然天下事莫成於人才更願於道府州縣中無論在任候補令各條陳屯務利病取其言之洞中窾要斟酌時宜者召之而詢得失擇其才可用者委其綜理屯務又於行事之際察其能否而專其責成則異才必出而實政可興矣

光緒十二年山西巡撫剛毅奏略稱鹽金係屬晉邊議與屯事宜自應由臣察度籌辦鹽金卽台吉地屬河北外套伊克昭盟所屬之達拉特杭錦兩旗收界西至烏拉河東二百五十餘里東至烏拉特界二百八十九里北至黃河舊道南至現行黃河自二百餘里至一百四五十里不等坐落西北斜向東南袤長五百餘里平川廣漠一望無垠正北狼山迤西紅山卽黃河舊道由南北行折而迤南迤東之處則大奈太什拉干烏拉前山後山峯巒迭接氣勢迴合由

西而東漸就收縮此鹽金一帶山勢地向之大略也套外地勢西南高而東北低康熙以前河行北道並無水利自改行南道蒙古始令素與交易之商租種分佃就黃水衝刷低窪處所因利乘便修成渠道西則鹽金五渠東則後套三渠紆迴約二百里中間支渠曲折蜿蜒不可枚數而餘水仍可退至河之舊道由東北折向西南繞過烏拉前山之西歸入南河土本膏腴渠又順利麥穀梁蔬種無不宜以故山陝直隸無業之民從前承佃到此均能自立生業此套外一帶水利土宜之大略也達拉旗牧界內台吉波羅塔拉地方道光八年會奉諭旨准其租給商種五年抵還債項等因欽遵在案嗣後接續奉部文承種者有之由台吉私放者有之由各喇嘛公放者有之開墾甚多至同治初年甘回逼擾官夏鹽金附近各商分立仁義禮智信五社辦理團練以資安輯迨後防勦各軍駐紮設臺轉輸各商分辦運糧致荒本業渠道旋壞不復疏濬輾轉凌夷止存一二老名巨商不忍拋棄業力耕自給而後套地方商人其時尙復不少迨光緒二年遭馬賊蹂躪不特鹽金之僻東西陲者牛塌商號不過數家卽後套左右亦不過二百餘家頽垣廢堵觸處皆然該處土本紅壤利於澆灌見在失所既久土質堅硬紅柳及織機草枸杞樹等茂然成林幾無蹊徑聞咸豐年間達旗歲收租銀不下十萬近歲所收租銀不及三千串文其空乏已可概見此拉特旗套外地界今昔衰旺懸殊之大略也 伏念鹽金一帶地近塞城不獨爲晉省要邊實亦中外關鍵誠能及時籌議屯政無事則固善邊圉免爲逋逃淵藪有事則防敵伺隙便於控制事機策誠至善第該旗牧地歷經奉 旨准其租種抵債及養育閒散備辦公費等項與他處蒙古無著開田不同 臣閱伍至薩拉齊之包頭伊克昭正盟長固山貝子札那吉爾迪來見面與等商據稱該盟達拉特等旗聞有是議歡忻鼓舞希冀開屯後上可以報答朝廷之深恩下可以稍裕身家之生計惟辦理之初仍當明示各旗俾曉然於此舉固爲彈壓地方亦爲體恤蒙古必因其俗不易其宜斷不使該旗牧界日久歸於民人蒙無可疑且有所利庶一切不致窒礙至目前議屯先務其要約有三端一曰分段套外西則鹽金和永牛塌上下東則後套沙忽廟左右均

一三〇一丁十賣參日巨三書 6 又三二

屬適中之地於此分爲三段撥兵一千驢金紫二百二道壩渠以西分紫二百  
湖爾爾紫三百西山嘴南哈木爾台少北分紫二百且耕且練西可聯結甘涼  
隨秦之聲氣東可聯絡奈太現紫之馬營每兵一名給田五十畝計需田五百  
頃並給牛種先就易開之渠挑修通暢兵農兩便兵則耕種自食由營官經理  
其餘地畝悉由蒙古商人按照向規辦理以仍其舊惟兵屯地段如西山嘴哈  
木爾台少北等須就近借撥烏拉特地杭錦達拉特地以資分撥一日修渠套  
外渠道達拉特杭錦二旗爲最多此外則烏拉特中旗界內大奈太陽有山水  
一道向來引水澆地寬窄不過二十里兩旗界內西山嘴南有珊瑚灣河道無  
庸另開大渠止須於灣之東北建築一壩多開支渠則烏拉前山之前全可澆  
灌西口界內有烏拉河渠一道係藉黃河北流舊道之口引水澆地曩係商人  
自開各旗領租若開商屯應官爲修濬通利其各處舊商界內支渠仍責成各  
商修理一律順暢如此則商既易於招徠蒙又多獲租價將來或再於尋常租  
價外酌加商人二成交官名曰地糧以資公費其租價多寡仍由蒙商自行定  
價不准抑勒一日設官套外地方連烏拉特三旗牧界合算東西袤延七八百  
里南北斜寬二百里至三百六七十不等蒙地界址商民不能深悉向年租  
種者往往此招彼逐致致爭端今議開屯墾事務日繁該處距薩廳甚遠勢難  
兼顧俟辦有端倪擬另設文武官各一員駐紮驛金專理兵屯商屯事務其設  
官經費取給於地糧二成免耗公帑遇有屯兵滋事會同營員辦理如商欠租  
暨蒙人逐佃官爲分別訊理免致搆毀但其開向有爲難情形不能不先時預  
計者是舉事屬創始需用浩繁庫乏積儲經費無出則籌款難開辦必自兵屯  
始地方遼闊見有練軍均駐要隘無可抽調則撥兵難該處係達拉特杭錦烏  
拉特等旗牧地必須籌商畫一方可通融屯墾則借地難臣愚以爲於此數難  
中勉籌辦法惟有裁撤樹軍另行挑練屯軍以所節之餉爲開屯之資查樹軍  
歲需餉銀八萬四千餘兩現查照大同鎮總兵張樹屏查照道撤撤湘軍章程  
厚給資糧分起送送回籍計歲省銀八萬四千餘兩擬仿練章於大同鎮額額  
兵內挑兵千名作爲屯軍歲需薪糧及加練軍餉乾銀二萬八千餘兩尚餘銀

五萬六千餘兩即作屯費尙可無庸別籌如將來屯務得手餉項有出即將節  
省樹軍全餉報部備撥若應借蒙部地段及招商納租辦法應請旨飭下伊  
克昭正盟長並烏蘭察布盟長轉行達拉特杭錦二旗暨烏拉特等三旗遵照  
妥議

二十八年 諭各直省衛所屯田原爲轉漕養育兵丁而設自漕米改由海運  
以來屯衛弁丁半成虛設此項田畝私行典賣轉轉糾葛弊端百出見在定章  
改折漕糧急宜認真清查改歸丁漕以昭核實而裕賦課著漕運總督陳夔龍  
會同有屯衛省分各督撫將各省屯田地畝逐一澈底查明悉令各屯戶報官  
稅契聽其管業將屯餉改爲丁糧統歸州縣官經收如有盜賣私售者亦許據  
實報明完納正供不究既往更宜嚴禁胥役需索苛擾此後屯丁運軍各目概  
行刪除其原設之衛守備千總等官並著裁撤改歸營用即由各本省簽制於  
各標內仍以原班酌補所有詳細章程著陳夔龍等悉心會商妥議奏明辦理  
臣謹案會典載乾隆十八年冊山東山西河南江蘇安徽江西福建浙江  
湖北湖南陝西甘肅四川廣東廣西雲南十六省屯田共二十五萬九千  
四百十六頃四十八畝有奇雖輾轉典賣影占乾沒而冊籍俱存不難得  
實即藉兵變爲推託而屯田在所父老皆知澈底清查何從隱遁但令見  
在管業者仿江海灘地例予以限期按畝繳價其典賣轉轉責成州縣清  
釐影占乾沒概許報繳勿罪約每畝繳銀五錢可得一千二百九十七萬  
餘兩折半計之數亦不費格違 諭旨嚴禁胥吏需索苛擾彼衛弁運丁  
國家豈養已數百年斷不至激而生變此豈國民閒荒田爲官地者所  
可同日語哉

二十九年兩江總督魏光燾等奏光緒二十八年奉 諭將各省屯田地畝澈  
底查明報官稅契聽其管業將屯餉改爲丁糧有人奏各直省衛所屯田請飭  
清查繳價以裕國課著各督撫認真清查分別妥辦查江省所屬各衛除江淮  
興武二衛向無屯田不計外所有淮安大河揚州徐州等四衛屯田當經通飭  
自光緒二十九年分劈坐落各州縣接收查辦一繳價宜酌分等則也查四

衛屯田共一萬一千六百二十一頃有奇各丁私相典賣糾葛甚多且散坐各州縣境內與民田犬牙相錯田地肥瘠不同價值多寡不一茲就各屬稟報情形酌中核定按照各衛額設頃畝無論軍執民執每畝繳價上則田三兩中則田二兩下則田一兩由屯坐州縣先行出示曉諭屯田具報承執頃畝各數並歷年徵收冊串花名照章勒限催繳不准避重就輕倘有隱匿逾限不報查出即行招買變價充公一納稅宜量予限制也查民間置買田地例應價銀一兩完稅銀三分今屯田納稅自應仿照辦理俟各屬造送花戶頃畝冊後由道刊刻印照編立字樣發由屯坐州縣按照冊內花名及承執頃畝數目應繳價銀若干稅銀若干逐一註明照內黏貼藩司契尾發給業戶收執管業所有價銀稅銀均繳解司庫免收專款存儲候撥用一屯餉宜照舊徵解也查四衛應徵屯折漕糧等款科則輕重不同而編徵款目均係查照賦役全書及部頒定額徵解司道各庫免收相沿已久今若改照民賦未免紛更煩擾誠恐於原額餉項有虧應請仍照舊制徵收分解司道各庫免收造報庶幾民不擾而賦有常一運田宜徵收糧賦也查揚州衛徵幫及興化所有運田一項從前起運之年給丁濟運並不徵糧今既刪除運丁名目將屯餉改為丁糧此項運田應請一律造串啟徵糧賦復查安徽省泗州衛向有運津一款徵解道庫所有徵運田興化軍田以及各幫無主絕軍之田似應查照泗州衛徵收運津章程由散坐各州縣就近體察情形詳定科則徵收運津銀兩批解道庫免收造報俾免隱漏另詳屯田繳價予限一年分次繳完據司道等會詳請奏似可准如所議責令辦理

又漕運總督陳夔龍等奏查蘇州太倉鎮洋鎮江金山五衛屯幫屯山兵變以後坍缺失冊甚多且各丁私相典賣糾葛不清疊飭各屬認真清查至今未能合額茲先將一切辦法會議章程六條一繳價酌定等差也查五衛幫額管屯田共計田蕩塗二千八百六十三頃有奇散坐各州縣境內與民田相錯肥瘠不同擬先就已經查明熟田無論軍執民執分三等繳價上地田每畝三兩中地二兩下地一兩由兼管州廳縣先行示諭各民戶具報承管頃畝戶名坐落地段核與歷年徵冊相符飭令按地繳價勒限一年繳清造冊分送司道核定再行頒發會銜印照執守倘敢違重就輕查出充公一失冊荒缺等田應儘力查核也該五衛幫田坍沒缺額失冊拋荒四項核數甚鉅歷年久遠清查匪易應責成兼管州廳縣按照從前底冊實力查核造冊詳辦其失冊拋荒之田定限一年召佃開墾按畝繳價倘有隱匿不報查出充公果係實在冊沒並缺額無稅者另行造冊請給一納稅照民田完繳也一屯糧錢糧照舊徵解也一津租等款應提撥歸公也查金山幫津貼一款向由松屬之奉上海南川廳縣代徵給丁濟運並非正賦迨經兵燹漕船停運疊經奏准屯租全數津貼留給三成抵完糧賦七成歸公有案今既裁撤衛官革除軍丁名目自應連同官俸一併歸公報部撥用一查辦墾務宜專責成也查五衛幫事務前已札委吳縣太倉鎮洋丹徒川沙五州廳兼管雖各衛幫屯田散坐各縣自數頃至百數十頃不等若令屯坐各處分辦納稅繳價諸事向無冊檔可稽恐難下手且一丁管業之田亦復零星坐散分投輸將未免煩擾仍應責成兼管州廳縣一手經理以免諉卸據司道等會詳請奏似均可照議辦理惟屯務仍令兼管州廳縣司道等所議係防推諉起見自應責令依限查辦一俟歲事仍勞分坐州縣自行徵收以歸一律下戶部議奏

三十二年 諭雲南地方緊要該省鐵路交涉尤繁毗連西藏等處亟宜開墾防邊藉以保藏滇緬界務正在勸議之時諸事均為喫重昨已有旨簡岑春煊補授雲貴總督著自周馥到粵後即行馳赴新任將一切應辦事宜切實經理又練兵處戶部奏遵議變通旗營制略稱侍講學士達壽奏謀生計一條查東三省等處向辦墾務成案原有畫撥旗屯之例擬請 飭下墾務大臣及各將軍都統等於未收荒價之可墾地段酌留餘地作為將來備撥旗屯之用見熱河圍場亦經 處奏准開辦屯墾為將來京旗陸軍退伍屯紮之區業由 世凱遵 旨籌辦一俟辦有端緒再將資遣安插等事妥為經費次第舉行三十四年會議政務處覆奏與屯實邊略稱據科布多參贊大臣連魁奏稱烏

蘭古木巴雅特均爲本屬杜爾伯特牧地似宜屯墾其舊有之十屯田四面環山地方稍暖若值雨澤調勻落霜較晚之年可以幸獲有秋已派員馳往查勘明白開導查科屬處新疆北鄙雖稱沙漠而扎哈沁旗臨布爾干河明阿特旗臨阿克泊杜爾伯特左翼三旗臨烏布薩泊右翼十一旗及厄魯特旗均踞阿爾泰河之上游沿河不無可耕之田果能化導有方與墾即所以實邊至辦理墾務應否特派專員由科城暫移數人駐劄該處統俟接任大臣體察情形請旨遵行至所稱科布多屬地皆係蒙部來去無常逐水草而居若遽議建省蒙性愚頑勢必衆情騷動各懷不安又稱科屬臺站原有三路每臺相隔百里迄無漢民居住縱欲改設民官苦於無民可治竊維科布多本隸喀爾喀軍營爲定邊將軍轄境與內省迥殊昔時所屬之部落七自與阿爾泰山分治後只存明阿特等四部落人民稀少不成邑聚去年辦事大臣錫恆奏請緩建行省曾經臣等議准在案至其全境西倚金山北連羅利極邊重戍扼西北之要衝原奏所請設巡警以彈壓地方添巡防隊以緝捕盜賊均爲切要之圖應即責成接任大臣迅籌的款妥速舉辦

又東三省總督徐世昌等奏籌辦呼倫貝爾邊墾情形略稱黑龍江省毗連俄境邊綫延長三四千里若非講求拓殖慎固封守則主權利權皆將隱被侵奪馴至無可挽回臣等往復籌維以爲開地首在聚民防邊必先置戍惟設卡開荒勢難并舉擬擇定要區先行試辦然後徐圖完密查呼倫貝爾所轄境內西北自達爾巴幹達呼山起東北至額爾古納河口止瀕望荒涼幾同甌脫而隔江俄境則屯鎮相望俄民時時越界採礦墾地捕獵斃伐木刈草等事爲所欲爲無人過問審時度勢惟有於沿邊一帶安設卡倫並酌立邊墾總分各局以資提挈迭據該城副都統宋小濂咨稱沿邊屬境見約每七十里設一卡倫設卡弁一名卡兵三十名又每五卡設卡官一員每十卡設總卡官一員計沿邊一千五百餘里共設二十一卡所有卡兵應令每卡以十名巡查邊境以二十名開墾荒田更番輪替所得糧食作爲該兵津貼俟力能自存再將墾田分給爲業升科停餉留兵十名保護墾民其餘另招二十名再於中間隙地添

設卡倫並令就近兼收木植羊草皮毛等稅以免利源外溢惟各卡散漫零星擬於滿洲里設一邊墾分局責令與吉拉林設治委員分段管理並於倫城設一邊墾總局綜核全境卡倫邊墾事宜節制滿洲里吉拉林兩處以一事權擬定章程咨請奏明前來臣等覆核該城辦理卡倫等事係爲整理邊防斷難或緩即經覆准照辦其瓊璋與東兩邊卡倫見令預籌開辦應俟此次奏請撥款到日再行妥籌一律辦理

東三省政略紀清丈屯站升科地 官屯之設計呼蘭黑龍江墨爾根齊齊哈爾等處六百六十所其法按照屯地多寡安插壯丁發給牛具每丁歲交額糧二十二倉石仍按歲收分數酌量減免分別接濟口糧以資生計若驛站之設則分東西兩路東路爲墨爾根等站西路爲茂興等站每站設筆帖式領催各一員每路以總站官領之此外由省至呼倫貝爾又由茂興至呼蘭均設台以代驛遞各站地畝向由站丁招民耕墾歷年既久屯丁私賣地畝站丁驛遞稽遲此署將軍程德全所以有裁撤屯站之議也其裁撤之法蓋以各城屯站一律裁撤各丁改歸民籍所占之地清丈升科設立文報以代驛遞而呼蘭地稱肥沃私賣者尤夥復另訂辦法將各丁自種之地照章升科轉賣之地除升科外令按响交納押租其後墨爾根茂興各站黑龍江齊齊哈爾墨爾根各屯次第辦竣於近年內陸續起科其弊遂革

又紀興辦屯田 實邊之策首爲屯墾光緒三十三年以陸軍第三鎮兵將應期退伍乃飭黑龍江民政司使倪嗣冲籌移退伍各兵興辦屯田其辦法於應期退伍各兵諭以屯田之利益詢其情願赴江者第一年酌撥一千名以爲之倡第二年仍以一千名爲額第三年稍見成效增撥一千名共撥二千名第四年撥三千名第五年仍撥三千名前後五年共得屯兵萬人每兵給開成之地一頃第一年收穫後畝繳租費一元第二年繳一元五角第三年第四年各繳二元五年歸其執業照章升科交租而受佃之初牲畜籽種之費每兵給百元又各給住房一間廠棚二間五年而後化佃民爲業戶坐享百畝之供孰不趨前恐後耶惟地既荒蕪墾闢匪易人力馬力均難爲用

須購外國火犁機器一律開成分給各項經費比抵過年所徵田租第一年須費十四萬兩第二年已溢二萬五千兩第三年溢八萬五千兩第四年溢三十四萬兩第五年溢五十二萬五千兩屯兵已及萬人墾地已及萬頃而第三年後所屯之兵於第六第七第八三年之內共須繳租二百二十七萬五千兩踵其後而行之二十年開蒙邊將成重鎮矣後擬指黑龍江畔哈達遜必拉等地開墾而倪嗣冲謂與俄一江相望備邊殖民固屬至計惟創辦時指地太遠界鄰強俄屯兵恐生疑畏一切照料恐亦難周應擇距省較近土地肥腴者先爲試辦則屯兵之心安後來者趨之若鶩然後經營極邊亦易爲力似以指撥省西臨江之扎賚特地方爲宜於是與扎賚特旗貝勒扎薩克商允續放荒段之嫩江西岸哈拉火燒地方先撥二萬响試辦派劉菊芳爲屯田總經理蒙員阜海爲幫辦於購定火犁機器外復購馬力機犁開墾零星片段以助火犁之不足三十四年爲第一年退伍屯兵之期奏准試辦而措手已晚改於下年爲第一期且火犁未到馬犁開地不多復遭水患房舍牲畜薪芻均受損害水未涸而地已凍火犁到而未試驗又以馬多倒斃改用牛犁撥到兵二百零四名官八員現開地約三百頃因變通定章每兵給地一頃授房一所官給地五頃授房一所合四兵爲一股以應給資本代其購犁一具牛五頭及農具農器之屬又恐一犁不及耕四頃之地復由公家備犁一具牛四頭借給使用逐漸擴張必能達最初之目的也又紀黑龍江鐵山包東興鎮屯田 鐵山包東興鎮兩營旗丁屯田係光緒十八九年開清丈呼蘭等處地畝時奏准北團林子所轄鐵山包地方安設屯田旗丁一千二百戶巴彥蘇蘇所轄之山林地方安設屯田旗丁六百戶如尙有餘再安六百戶原定每戶授地一方共四十五响以十五响歸各屯丁管業免其納租以三十响定限六年起科業於二十一年開安置就緒旋值庚子亂後轉徙流離流亡殆盡三十年經署將軍程德全奏明俟招安齊楚再定限升科並以巴彥州綏化府兩處距屯田處所較遠將巴彥蘇蘇協領率屬移紮東興鎮北林子協領率屬移紮鐵山包俾資就近稽查大興

屯墾世昌蒞任後屢經飭催該協領等規畫經營善爲安集造送界圖事閱經年鐵山包始經畢事畫定界址奏准由二十四年起限六年升科其東興鎮以委員不識情形措置未協旗丁裹足致誤春耕復經據實奏參另設屯田局揀派委員以期整頓計前後屯田一千二百八十戶每戶四十五响每屯屯基七十五响均照定章辦理惟東興鎮屬地以與大通縣毗連前因吉江界限尙未畫分致魚鱗圖冊未據造送今大通已畫歸江省於宣統元年飭令該協領勒限畫清今已竣事其東荒一帶開墾較早從前畫留鐵山包東興鎮屯田地畝本極膏腴第因俄兵蹂躪均各逃亡失所雖兵事息後設法招集而徧野哀鴻撫綏非易今幸布置有成旗屯復業將來地盡墾熟生齒日繁富而後教固東南旗丁一大轉機也宣統元年江甯將軍清銳兩江總督張人駿江甯副都統雙祿京口副都統奎芳奏准萬頃湖屯墾事宜請改歸皖南道督辦每歲官租責成當塗蕪湖兩縣代收繳道存儲又黑龍江巡撫周樹模奏開辦瓊瑯邊境卡倫情形略稱瓊瑯城沿邊屬境上自額爾古納河口起下至遜河口止計二千一百一十餘里擬設二十卡倫每卡設卡官一員卡副兼書記一員卡目二名卡兵二十名令其半巡邊境半墾荒田更番輪替期於勞逸平均兵農並重自卡官以次分別酌予荒地限令墾闢所穫食糧作爲該兵弁等津貼墾熟之後一併給爲世業查有力能自存再行停餉升科留兵數名保護另於各卡適中之處設卡募兵如前辦理其業經歸農者仍以軍法部勒藉資守望逐漸遞增庶寒民可期日盛成卒不嫌力單并設馬槽一所置兵十名專遞文報各卡應管境內木植羊草皮毛等稅令隨地經徵惟卡倫散處各邊必須有監督之人遞加鈐束乃不至散漫無稽凡隸黑河瓊瑯屬境各卡即由該管府廳就近節制漢河呼瑪兩處擬設廳治尙未實行暫行各設總卡分段管理并於奇拉暨奇克勒兩卡卡官予以稽查之權統由瓊瑯道主持辦理預算二十卡一撥應需蓋造房開購農具等項開辦費銀二萬六千六百八十八兩每年額支薪餉軍衣等項銀五萬七千五百二十

二兩常年活支應請實用實節

二年科布多辦事大臣錫恆奏阿爾泰前經開辦官屯五處於上年奏准將克木奇一屯撥歸民辦頻年收穫僅供軍食邇來商賈買運已成市肆民間所需糧石仍須運自新疆路遠費繁糧價昂貴招徠人工暗受影響且阿山蓋屬蒙哈以牧代耕不習稼穡致少蓋藏亟當竭力圖維俾成長治久安之策茲據哈薩克頭目邁來營呈請將沙拉胡遜庫克布呼兩屯自宣統二年起撥歸該管哈民承種一切遵照克木奇官屯撥歸民辦成案辦理等語自應因機利導准如所請且核與奏定成案相符擬請暫令試種果肯力田並無流弊即准常辦較之官中勸導易收實效且可騰出人力再令與辦他處務期民盡知農地無遺利於將來改設行省舉行新政實有極大關係

又東三省總督錫良奏擬裁撤扎資特荒務行局略稱扎資特蒙旗所屬望海池南北及額勒河池南荒地前曾設局勸放歷經前任督撫臣奏明在案茲查該局畫放各荒與屯墾地段毗連原以招徠民戶安插兵丁性質各殊不能分別辦理見在屯墾改招民佃與該局籌辦墾殖各事同一經營擬將扎資特荒務行局即行裁撤該管一切事宜歸併屯墾局就近接辦

又奏裁撤杜爾伯特設治委員歸併屯墾局略稱江省前因杜爾伯特荒務告竣裁撤行局接派設治委員經理未盡事宜曾經前任督撫臣奏明在案茲查該處所屬旗民見尚不滿千戶且從前放出各荒價款既多未繳墾闢仍屬難期尙擬撤佃另放成都成邑勢必多需歲時其隔岸哈拉火燒地方原有屯墾局見已停撥兵丁改招民佃所辦墾殖各事與該處性質無殊擬將杜爾伯特設治委員即行裁撤所管各事歸併屯墾局廣續籌辦以節經費

又奏江省地廣人稀上年於扎資特蒙旗所屬之哈拉火燒地方試辦屯墾采用屯田之法兼寓殖民之方原爲實邊至計乃開辦逾年殊鮮成效固由擇地不審用人不當亦以兵民分途已久強置身戎行之人作躬耕隴畝之計實爲情所不便習所難安擬請停止兵丁改招民佃以變通爲補苴洵足以救前失而圖後效如果著有成績再行切實擴充於實塞殖民均有裨益

又度支部會奏遵議東三省總督等奏勸明五官屯荒地擬請撥歸學田酌留牧場略稱查原奏內稱吉省烏拉地方自康熙年間於城北蜂蜜營等五屯分撥壯丁一百四十名每丁領地十五晌並分給牛隻以資耕種遂爲五百牧場其地廣袤數十里除去沙崗水泡外零星段落餘荒尙多附近旗民時有侵墾嗣據打牲烏拉總管雲生等呈請前將軍延茂批准放荒招墾於是官民爭領纏訟不休至今未能開放經升任督臣徐世昌調任撫臣朱家寶查悉情形批飭荒務總局將此項地畝按照榆樹縣任克荷成案悉數歸公撥作省城及烏拉等處各學堂經費復飭勸明共有毛荒三千一百餘响除撥補各屯丁前報被淹廢地三百三十响並民人等業已交價應領之荒四百响外實有可墾荒地二千三百七十二响分別高下定爲三等按段招墾取租值三年墾熟後每年約得租價吉市錢一萬九千餘千充作學務經費其從前被淹地畝係江水泛漲所致見在水涸地平草長甚盛以之養養牛隻頗屬相宜業經畫出一百一十响按屯分撥作爲各屯牧場其餘二百二十响均可耕種近年烏拉地方創辦公益尙須補助即撥歸烏拉翼領衙門就近取租以資辦公惟此項地畝並非大段閒荒既經撥作學田請免升科等語度支部查庚子變後臣部舊檔無存當經咨查此項地畝是否全係康熙年間所撥抑或別有閒荒今請撥歸學堂等項經費有無妨礙屯丁生計並抄錄各全案送部以憑核辦旋據該督覆稱此次請撥歸學堂及酌留牧場與充地方辦公經費之地均在牧場界內非即康熙年間所撥各屯地畝實與屯丁生計無礙將各成案抄錄咨部查核等因臣等查此項地畝既與屯丁生計無礙該督擬請撥歸學堂酌留牧場撥歸烏拉翼領衙門取租以充辦公經費係爲振興學校起見應請照准惟各省學田均按畝納賦該省事同一律未便辦理兩歧應令與民人已領既撥歸烏拉翼領之地一併分別等則立限升科至此項地畝撥作各學堂經費一節學部查此項地畝既據度支部准其開墾所稱撥作省城及烏拉等處各學堂經費應俟墾熟後究竟如何開支由該督確切查明分別咨部立案以昭核實



又度支部奏准浙省衛所屯田錢糧改歸各州縣徵收

又直隸總督陳夔龍奏屯墾局籌擬辦法略稱查天津葛沽軍糧城鹽水沽等處原有僧忠親王暨前三口通商大臣崇厚開墾水田天津道衙門派員設局經理名曰屯田水利局於本年六月開辦該局酌量擴充改名直隸屯墾總局又查天津小站地方前督李鴻章會同總統盛軍周盛波於光緒元年在此處挑挖溝渠引河水創興墾務嗣後盛軍裁撤經前督王文韶於光緒二十二年飭設小站營田局派員經理近年該處河道日漸淤塞田地半就荒蕪經於本年十二月開辦小站營田局歸併屯墾局辦理該司道等查得直隸荒地甚多從前雖屢經興墾而成效均未大著即如小站營田其已墾熟之地不過數百頃近年河道湮塞亟須及時挑濬該局擬先派委員在附近各處切實調查自軍糧城以及小站池東一帶至於濱河之區荒蕪景象一望無垠約計荒田不下數千頃皆苦於水利未興荒廢已久該司道等公同會商即從軍糧城辦起擬先購地數十頃開挑溝渠置備器具招佃教以種稻之法以期獲有成效百姓庶可聞風興起此外另擬集股辦法悉仿照公司章程或商辦或民辦或官紳商民合辦均由該局提倡統俟明年各處荒地查齊通盤籌畫實在需款若干再定集股多寡分別先後逐年興舉茲已在軍糧城袁莊子河東購置荒地五十一頃有零取其距河稍近收效較速開渠引水招佃領種酌納歲租三五年後租項有餘再作他處開墾之用近來西洋有一種抽水機器小者可以溉田十餘頃價銀約三四千兩既省人力又省車馬至開辦之初所購地價以及溝渠工程機器價值房屋農具一切費用共約需銀四萬兩其常年經費辦事人等薪工雜用每年共約需銀八千兩迭經核實籌計委屬無可再減經批准由賑撫項下撥發其餘溝渠等項歲修將來即在租項內撥節支用

三年度支部會奏議准貴州裁撤衛弁將屯丁衛田歸併地方官管理略稱原奏內稱貴州屯衛之設始於雍正乾隆年間勘定苗疆散軍歸農以絕逆田產分授屯軍領耕計八寨一衛清江丹江台拱各設兩衛繼設古州兩衛松桃一

衛合計十衛額設屯軍九千三百餘戶屯田六萬四千七百餘畝分上中下三則上田每畝征米一斗中田每畝征米八升下田每畝征米六升每軍一戶受田四畝或十畝十餘畝不等每年共收米五千六百七十餘石除扣千總百戶總旗小旗俸廉工食外餘米仍照征糧章程由衛弁變價解交藩庫作正開支雖經前護撫曹鴻勳於光緒二十九年裁撤百戶小旗各缺每年節省為數無多溯查設立之初原為安插屯軍撫輯苗衆起見迄今百數十年本意已失屯丁則輟轉頂受直同佃戶無復尙武之風衛弁則尸位素餐僅司收糧而不以屯防爲重近來迭准部咨清理財政未便再置爲緩圖查各省衛弁見均一律裁撤歸併州縣管理黔之衛千總雖與各省經理漕運者不同而經管屯糧則一惟有變通辦理先將此項衛弁暨總旗各名目悉行裁革應領廉俸薪紅役食等項分別停支屯軍衛田暫仍其舊即以此項屯餉改爲丁糧統歸地方各廳縣經收分上下兩忙核實報解凡該衛向有之充役浮費悉令裁提歸公一併報解每年節省約可得數萬金以之辦理新政不無小補裁撤衛弁飭歸各標酌量委用經征各員或加給俸廉或議給津貼另行辦理至各衛屯田非且夕清釐所能就緒俟將來或變價或升科妥籌善法再行奏明辦理等語等伏查所擬辦法尙屬可行應令體察情形妥慎舉辦毋得稍涉操切致生他虞所稱經征各員或加給廉俸或議給津貼與各衛屯田飭屬隨時調查各節應俟辦理就緒即行奏明辦理至裁撤衛弁歸標酌量委用一節陸軍部查所裁各弁應由該撫嚴行甄別擇其年力強壯者查照光緒二十八年四月部奏定裁缺衛所等官分別酌補章程辦理如年力已衰不堪任用者應即分別遣撤

皇朝續文獻通考卷十六

田賦考十六 屯田

乾隆五十三年 諭據勒保奏派撥更換屯防官兵一摺內稱應需配帶軍裝器械如數配帶限十月內趕抵屯所以資春耕等語此等屯兵既係趕赴屯所耕作何以又需攜帶軍裝器械向來既有配帶之例則從前派往各兵內自必先已帶往換回時正當將所帶軍裝器械即留該處以備換班官兵之用方為省便若此項軍裝器械每次派換之兵帶往並不帶回則各該處所存豈不日積月多堆貯無用而各營內轉須按數補製徒為開銷地步甚非覈實之道前此派往之兵所帶者仍復帶回而續派更換之兵又須另行帶往豈不徒糜運脚二者必居一於此殊不可解且新疆屯田之兵原為耕種派往農具在所需用軍械並無所用之歷來配帶又係何故種種不實著傳諭勒保詳悉查明據實覆奏復令軍機大臣詢之由新疆回京司員據稱軍裝器械向係兵丁自行帶往班滿復各行帶回從前辦理因循相沿本未留心兵丁換班時自應將屯所現有之軍裝器械交代備用何必隨人更換若係該兵丁等自行備帶則既屬累兵如係官為運送又徒滋糜費此事雖小但歷任總督不能查明更改究為疏忽著傳諭勒保遵照另行妥辦以省往返之勞

五十四年 諭據保甯等奏伊犁阿奇木伯克鄂羅木哨卜率領眾回子伯克等額稱回子等自移駐伊犁以來生齒日繁請將已成丁能耕種者俱令耕種每年多交糧四千石等語鄂羅木哨卜等感激朕恩願將已成丁之回子等令其耕種每歲於應交糧九萬六千石外再多交四千石甚屬可嘉著保甯等查明分別定數於彼處存貯官段內揀取賞給以示獎勵朕又念回人收穫每歲不同嗣後豐收之年可照伊等所請交納設遇歉收仍照原定額數交納不必加增以昭體恤永著為例

又奏准伊犁綠營兵丁三千名內派出五百名應付各工及看守庫倉碾磨等差每年將二千五百名分為二十五屯耕田交糧乾隆四十七年將軍伊勒圖因伊犁倉內存糧五十萬餘石恐存貯太多以致紅腐請將二千五百名耕田

兵丁內撤回一千裁汰十屯以一千五百名耕田一千五百名操演統計近年所收糧米分數皆係二十三四五分不等折中覈算每年以二十四分為常可收四萬二千餘石再撥在綠營屯田為民罪犯應交糧米二千餘石以至回民應交糧九萬六千石並各倉斛面羨餘三千餘石一年共得十四萬三千餘石見在伊犁一年支放共需十六萬六千餘石所有不敷二萬三千餘石於倉貯五十萬餘石糧米內照數補放見在祇存三十萬餘石此項糧米雖足十年添用但伊犁係屬極邊若不稍使盈餘恐一遇歲歉或有應用倉貯不能接續所關甚大應將見在充當各差之一千五百兵丁內除留八百名仍舊習技當差外撤出七百名添設七屯自次年為始令其耕田照一年二十四分覈算可得一萬九千餘石並回民情願增輸之四千石足敷每年支放糧餉

五十六年 諭尙安奏烏嚕木齊地方倉貯充盈請將濟木薩一處暫停屯兵耕作歸營操演等語濟木薩舊貯新收糧石共有二十萬石每歲支銷不過一千七八百石而缺糧需撥之迪化州等處又距濟木薩程途較遠脚費繁多不能運往致該處糧石日積日多存貯年久不無霉變損耗自應量為變通調劑但如該都統所奏將濟木薩屯兵令其暫停耕作歸營操演所遺屯地招募商民戶民領種所辦尚未允協該處除種地屯兵之外另有額設操防兵丁見在中外一家邊陲宵謐亦何必復將屯兵歸伍藉資捍衛況此等綠營兵丁務農日久即令其操練技藝亦屬有名無實且內地咨送屯兵攜犁耨口到彼種地一切行糧盤費須按名支給而該處糧既充餘又無藉屯兵耕作豈非置之無用之地莫若將額設種地屯兵逐漸裁減招募商民戶民領種輸糧俾倉貯不致積多損耗而屯兵又可省途往之煩方為妥善但此項屯兵俱係犁耨在彼居住並不換班若概行裁減又恐不無失所或將屯兵即為常住之訓練兵而省內地換班之兵是否可以如此辦理著尙安酌量情形悉心妥議具奏

五十七年 諭向來哈密地方所屬屯田俱於發往伊犁烏嚕木齊兩處遺犯內裁留種地年滿後再行分別途往原定配所為民及當差為奴但該遺犯等原犯情罪輕重不同若不定以區別則情罪較重之犯俱可就近裁留一經種

地年滿即可俟俾安插為民未免啟避重就輕之弊不足以示懲儆嗣後該處應留種地遺犯如原犯情罪本輕者方准截留其情罪較重者概不得截留五十九年 諭據保齊奏伊犁西南達爾達木圖厄莫根多羅圖等處空閒地畝每歲東作時遣回人前往耕種秋成後仍遣回新建回營居住等語回人耕種地畝常川駐守始為有益若耕種時遣往收穫復行遣回往返跋涉且與布魯特哈薩克邊界較近恐回眾既還布魯特哈薩克等乘閒搶擄邊境設有卡座究未能周保宵摺內惟酌辦屯田而未嘗籌畫及此著傳諭保齊可否將回眾就近移住耕田處所及卡上如何設防或另設回卡之處令其妥議具奏嘉慶四年奏准伊犁屯田綠營兵丁三千名內以八百名操練當差以二千二百名耕田交糧數年以來均屬豐收除每年放給官員兵丁外仍餘一萬餘石併見在各倉所貯共存三十六萬餘石足敷二年支放雖積貯以多為貴然紅腐亦屬可惜因思邊兵操練所關甚重見雖輪流耕種乘暇操演然終不能精熟今各倉既已足敷二年支放應將見在耕田之二千二百名內暫撤出四百名專練技勇以一千八百名耕田輪換演習俾得各歸實效

又覆准烏什種地屯兵四百名裁撤一百五十名歸操其餘二百五十名仍留屯種所裁屯兵熟地三千畝撥給回民耕種免其交糧俾回民生計益臻寬裕五年 諭恩長等奏續經查出和闐所屬各城有糧無地之回民七百五十二戶併丈出官荒地二萬零六百四十餘畝請全數撥給開墾一摺著照所請所有查出官荒地畝即照前次分撥官地章程按數撥給有糧無地之回戶均勻開墾以示朕惠養回民有加無已至意

七年奏准查伊犁滿洲兵丁六千名駐防年久戶口孳生家計窮乏固當早為籌畫然亦無代為添辦錢糧之理近查錫伯部落官兵人丁專意務農雖年久戶繁而生計充裕今伊犁食餉兵丁邊疆差務衝繁雖無務農之暇但內有革去馬田及前鋒之閒散或身體羸弱未能挑取常差與其坐食空乏不若令伊犁等照錫伯之例耕種請交領隊大臣等酌選可種地畝派出三百六十名閒散佃種俟次年添人耕種之時再行酌量數目更換辦理

又奏准恭查乾隆二十九年 高宗純皇帝諭旨伊犁田土肥潤如數多人耕作令滿洲官兵分種既得力農而於贖家餒馬均屬有益著交明瑞查明地畝俟滿兵到齊後酌量分給耕種令即妥議具奏當經該將軍奏明附近伊犁二百里內可種田地甚多俟官兵到齊再為妥議辦理迨乾隆五十年及五十五年歷奉 高宗純皇帝諭旨伊犁可耕之田甚廣著令籌畫耕種今八旗生齒日繁會酌量近水可耕之田奏明由惠遠惠寧兩滿城酌派閒散三百六十名分地試種雖為時稍遲秋收通計尚獲十分有餘本年兩城秋麥業已播種一千餘石是旗人種地已有成效自應廣行汲引以利屯墾而資養贖因於秋閒酌派委員於惠遠城東相度地勢自伊犁河北岸濬開大渠一道又於城之西北草湖中覓得泉水甚旺另開渠道益資灌溉新春修築陸岸廣開支渠計可澆灌地畝甚廣即於渠畔檢擇好地分給惠遠城八旗耕種其惠寧城八旗係於就近從前綠營裁屯地耕種原有渠水足資灌溉兩城種地所需器具等項酌交各協領於伊等公設官舖息銀內動用三五年內即可全行歸還惟種地必須牛力伊犁綠營屯田每屯例給馬牛每年倒斃分數按例由廠撥補旗人種地事同一律應即於官廠內借給惠遠城八旗每旗牛八十隻惠寧城八旗每旗牛四十隻藉資耕作倘有倒斃毋庸撥補均著各該旗自行買補以示限制奉 旨伊犁駐防滿兵耕種所需器具等項准其於公設官舖息銀內動用製備按限歸款其應用牛隻即照所請於官廠內賞借並責成各該協領督率盡心耕作以收兵農並習屯守兼資之效

八年 諭松筠等奏請賞借伊犁駐防滿兵耕種器具牛隻一摺所辦甚是伊犁土地肥潤可耕之地甚廣向因灌溉乏水未經籌辦今該將軍疏渠引泉上年墾種試有成效自應廣益耕屯俾滿兵生計日臻充裕所需器具等項准於公設官舖息銀內動用製備按限歸款應用牛隻即照所請於官廠內賞借惠遠城八旗每旗八十隻惠寧城八旗每旗四十隻該將軍等即責成各該協領督率駐防官兵盡心耕作以收實效

九年 諭本日軍機大臣會同大學士保寧議奏松筠陳請酌給八旗滿洲田

畝自行耕種永爲世產章程一摺伊犁駐防滿洲兵丁生齒日繁松筠相度屯地疏濬泉源製備器具借給牛隻耕種兩年以來試有成效該將軍猶恐滿洲兵丁公同夥種久而生懈請照伊犁錫伯營屯種之例按名分給地畝各令自耕永爲世業係爲旗人生計起見其事本屬可行惟是新疆重地設兵駐防武備最爲緊要此項田畝即分給官兵祇可令其轉交閒散餘丁代爲耕種不常令官兵親身力作有妨操練轉致技藝日就生疏至閒散餘丁內老弱殘病者豈能耕作勢必仍需壯丁幫助其漢仗強健者一概驅之南畝自必不能專心習武即充數入伍亦難資得力殊非慎重邊陲之道此事惟在該將軍妥協經理既使旗人有田可耕永資養贖而於新疆重鎮防守事宜無少窒礙始爲盡善至該官兵等將來生計寬裕家有儲蓄即不便照錫伯之例停止口糧亦當將供支款項量爲撙節著該將軍於三五年後體察情形再爲詳酌具奏

又將軍松筠奏據署總兵納爾松阿呈報該十八屯所種地畝尙照原任將軍伊勒圖所辦停歇章程仍令種十五屯地畝之處請示前來查此處地畝不似內地用糞各屯地畝俱係耕種一年停歇二三年始得肥沃豐收起初綠營會共耕種二十五屯後因替換停歇不敷於乾隆四十七年經前任將軍伊勒圖奏明倉中貯穀既多必至腐朽而邊疆地方操練兵丁亦屬緊要減去十屯撤出兵丁操演止種十五屯地畝一則爲操演兵丁再則因地畝久種不能肥沃使轉更換停歇是以如是酌籌辦理嗣於乾隆五十四年前任將軍保寅以多貯穀石亦屬緊要奏准增添七屯共二十二屯耕種地畝嘉慶四年又經保寅以貯穀既多酌量裁撤兵丁令其操練奏准復裁減四屯此仍係因時籌辦今該署鎮納爾松阿以見在所種十八屯地畝請仍照從前替換停歇等情合而計之倉存穀石四十萬有餘其所請裁減者雖與從前伊勒圖定擬耕種十五屯地畝之數相符但停歇地畝不可不定年限從前伊勒圖定擬耕種十五屯地畝後隔七年既經保寅奏明添種應如納爾松阿所請令暫裁三屯照舊耕種十五屯地畝嗣後不許停歇七年應令五年停歇限滿仍前添種現撤散屯兵丁照舊操演暇時令其修補各該城牆垣務使完整

謹案各屯地畝耕種一年必經停歇二三年而後收穫始豐此古一易再易三易之遺意然亦不講糞化之術所由致且綠營時廩粟紅朽供過於求迺忍令其停歇耳若今日內地農民轉恨歲不再熟矣

又奏伊犁種地回子六千戶從前每年每戶交糧十六石每年共交糧九萬六千石迨後生齒日繁添墾地畝於乾隆五十四年奏明又共續增交糧四千石是六千回戶四十餘年生齒倍加阿奇木伯克鄂羅木雜布懇借厄魯特游牧閒地暫給回子墾種以資生計見在仍自備覓餘水設法開渠冀黎艾壁曠土殊屬急公因查遺屯地畝極多與其屯種有名無實莫若撥給回子耕作俾應納官糧盈餘即可養贖家口庶於回子公私均得實惠詢之厄魯特總管等願將本年回子借種之地一併撥給又春稽年限滿自十四年爲始即應再加三屯耕種相應奏明飭行屯鎮總兵國興阿自十四年爲始照例加種三屯從之

又 諭松筠奏伊犁採鍊銅鉛廠夫口食總須哈什河南屯田收穫小麥二千石方足一年之需該屯向係派撥遺犯數十名前往耕種不但不習耕作致所收麥石不敷且因耽連額魯特游牧每多偷盜於屯種有名無實莫若撥給伊犁種地回子六千戶俾應納官糧盈餘即可養贖家口等語著照所請將哈什河南遺屯地畝改撥伊犁種地之六千回戶耕種仍將本年回子借種額魯特之地一併撥給其春稽地方有田二千餘畝亦准回子耕種每年交納小麥二千石以供銅鉛廠夫口食所有撥往種地之遺犯數十名即著撤回歸廠當差十年將軍松筠奏伊犁塔爾奇地方向設水磨一座係綠營各屯攤撥弁兵輪流應役由倉領麥每年磨至十餘萬斤以爲出差官兵及各項當差遺犯口食應用每年磨運運不常川用弁兵車輛而所磨之麩新陳相接夏熟之際不無發變每遇官兵等支領多致不堪食用竟屬兩無裨益查此項糧石本係伊犁回戶每年交糧十萬石每石加納三升計面餘糧從前每年出差官兵及各項差役應支口糧原屬有盈無絀自乾隆五十年前任將軍保寅添惠遠城滿營烏槍步甲四百名每年應需口糧支放皆係歷年積貯解面餘糧至嘉慶八年舊存餘糧儘數支放所有步甲月支口糧自嘉慶九年不得不於正

項內支給如此年復一年必致存倉正項虧短實非慎重倉儲之道因思裁撤綠營磨運運弁兵儘可分撥各屯加給籽種耕種自明年秋收爲始每年共可增交小麥六百石所有回戶交糧每石既有斛面三升而綠營屯工不交斛面殊覺偏袒應令屯工一體每石加交斛面三升每年又可增交小麥九百餘石合之每年回戶斛面餘糧三千石三共餘糧四千五百餘石通計每年足敷支放烏槍步甲及出差官兵各項差役應領口食之需仍著糧餉處按年查明報部備案再查回戶交糧不獨每石加交斛面三升其每斛足數七十斤外尙有鼠耗至綠營各屯交糧從前止交鼠耗並無斛面而其每斛斤秤竟不如回糧斤秤足數支放實於官兵月支有礙今雖增交斛面其不敷斤秤仍應補交以足民食而歸實貯奉 旨據松筠奏略稱裁撤水磨將綠營磨運運兵丁分撥各屯種地納糧於官兵等較有裨益所奏似尙可行惟令綠營屯工於納糧時一體加交斛面並補足鼠耗斤秤之處雖係比照回戶一律辦理但亦須體察綠營各屯是否力能加納並恐開藉端勒索浮收之弊保衛在伊犁有年於該處情形素爲熟悉著將松筠事宜悉心詳核妥議具奏當經保衛議奏奉 諭保衛詳議覆奏伊犁塔爾奇地方向設水磨派撥弁兵輪流磨運麥麵以給各項應差兵役口食今因麥麵陳積霉變該官兵等情願領麥麵自係實在情形且撤出此項兵丁仍可分屯耕種增交麥石於倉儲亦有裨益著即照松筠所奏行其請令綠營屯工納糧時與回戶一例加交斛面三升並補足斤秤之處綠營兵丁派撥屯田仍須兼習操防原與回戶專事種藝者有別所交糧石但應令其照原定斛額交足斤數若責令加交斛面三升恐丁力不免拮据且倉員等或藉詞勒索浮收尤易滋弊松筠所奏不可行至惠遠城滿營添設烏槍步甲每年支放口糧於正項倉糧內動用恐日久短絀據保衛奏稱伊前任將軍時因倉貯過多曾經奏准於屯田兵丁二千五百名內撤出四百名輪流操演原擬於數年後察看糧石盈絀再行酌辦今舊存餘糧既虞全數支放莫如於原撤屯兵內再量爲派撥分屯耕種每年所收糧石逐漸加增不惟官兵口食足敷支給倉貯亦可日臻饒裕等語保衛所議較爲妥協著即照議

行 又議准伊犁八旗官兵相度屯地疏濬泉源並設法製備器具借給牛隻兩年以來試有成效茲該將軍於本年秋成之後核其所收分數甚多猶恐八旗之人公同夥種未免視爲官產久而生懈請自明年爲始照伊犁錫伯營屯種之例按名分給地畝自種自食永爲世產係爲旗人生計起見自屬可行惟是新疆重地滿洲官兵較他處駐防尤爲緊要必須時刻操演兼有各項差使勢難概令從事耨耨不便以力田之故令其散處四鄉此項屯田斷無令八旗官兵親身耕種之理即精壯餘丁亦應留爲揀補額兵之用前嘉慶七年該將軍曾經奏請於革退之前鋒馬甲閒散人等及身材羸弱未及得餉之少年令其種地此次所稱協領佐領防禦以下等官及前鋒領催馬甲有願令其閒散新闢子弟分地耕種者請一體撥給地畝其每兵究竟給地幾畝是否一律均派抑或按該兵丁家中力作人數分別多寡應令再行詳悉具奏至所稱兩城稻田數年後一切工本概可歸還糧將所獲餘利酌給貧乏其麥田照市價備雇回人給銀耕種將所獲盈餘磨麵養贖寡孤獨統俟數年後仿照錫伯之例八旗各設公倉一座將躬耕備耕之餘按年交糧此項稻田如何酌立章程亦應俟詳覆到日再行辦理再屯田之利固以優恤戍兵亦以節省邊費今該將軍奏該處旗人惟恐裁汰口糧前此本不願耕種迨再四開導並經許其奏明永不裁汰方欣然領地耕作旗人未經耕作不知利益深恐裁汰口糧先行竭蹶自不免心存疑慮當此勸農伊始自不得不加之鼓舞俾衆樂趨但將來數年後如果收成豐稔糧石充盈該官兵等生計寬裕家有蓄儲卽不便遵照錫伯之例停止口糧米麥亦應將借支量爲樽節於官兵無所減損而經費漸可少紓 又奏准伊犁旗屯地畝陸續分給官兵祇交閒散餘丁代爲耕種斷不令妨武備至惠遠城需地八萬畝惠寧城需地四萬畝兩城駐防滿洲官兵漸次立有世產如耕作閒散不敷仍可雇人佃種見在渠水既足地畝自應寬爲籌畫飭屯領總兵等將地畝如數辦就酌量每名放給倉存小麥三石按限歸款至於

耕種稻田及備雇回子一切工本該協領等以所獲糧石變價辦理將來復有盈餘如何養贖貧乏設立公倉交種之處應視收成多寡隨年酌辦俟耕種數年之後照錫伯立倉貯糧成法辦理口糧及借支款項之處一併再俟察看情形具奏

十七年 諭慶桂等會同松筠議覆伊犁將軍晉昌酌定屯田事宜一摺該處從前八旗公種之田若仍令其通力合作伊等親公產不如私業勤惰不齊不足以專責成自應將此項田二萬餘畝分給八旗俾各專心耕種永資樂利其原奏所稱如有人力不敷准其個人耕種計畝收租一節日久恐滋流弊應如慶桂等所議資令八旗閒散餘丁自行耕種既敷養贍又免浮惰於駐防旗人教養之道大有裨益至松筠另片所奏伊犁前在伊犁將軍任內曾於伊犁河北岸附近地方築堡造屋移駐閒散壯丁按堡授田教之樹畜並令三時務農冬時操演所辦已將次第舉行費用亦有款可支無須另給松筠在彼年久熟悉情形見在該處自有原派承辦員弁著晉昌遵照所定章程認真妥辦以收實效

十九年將軍松筠以前種屯地十八屯見屆復應加屯奏准自二十年為始每年加種兩屯所有屯地畝皆係輪年歇種每屯兵百名每年應領籽種一百一十石秋成後視其收穫分數交納每屯十八分至二十八分不等其十八分者交納各色細糧一千八百石有零二十八分者交納各色細糧二千八百石有零

又將軍松筠奏綠營弁兵三千名原設二十五屯種地交糧以給駐防八旗官兵歲支之需後因倉糧有盈陸續裁至十五屯又復加至十八屯見屆復應加屯耕種小麥因與署屯鎮事務領隊大臣博奇圖商酌將差操弁兵循例撥出二百名自明年為始加種兩屯

二十一年將軍松筠參贊大臣長齡奏伊犁惠遠城旗屯公田惠甯城旗屯回屯向皆用東山關里沁泉水灌溉上年管屯之阿奇木伯克霍什納札特等稟請開渠當於哈什河舊渠展寬開挖二十餘里渠寬水廣由此新開支渠溝長

一百七十餘里西北接入濟爾哈朗山泉水灌開里沁之一百五十戶回子田畝而新渠河水勝於泉水所勻出開里沁泉水專溉惠遠城旗屯公田實屬兩有裨益此項渠工係伊什罕伯克巴克依專力承辦七八月間即可全行完竣其惠遠城旗屯公田阿齊烏蘇地方 臣 連年督飭辦理已照嘉慶十七年松筠會議將軍晉昌所奏章程於該處相地築堡周圍土牆一千一百二十四丈計三里一分有奇堡內原定蓋房一百所每所先蓋住房三間院牆四面各長十丈院落寬敞便於將來自行添蓋房屋且可仿照錫伯養雞畜豚以資生計業已蓋成六十所旗丁不得錢糧之閒散壯丁移住六十戶本年所種田畝似可有收其未蓋房閒四十所仍照原奏議定章程於屯工半價銀兩內撥節陸續建蓋添住閒散兵丁分種地畝以期永資樂利至惠甯城滿營於城外西北亦已相地築堡蓋房移住閒散本年耕作可望有收

道光七年 諭托津等議覆長齡等奏試墾大河拐屯田一摺駐兵屯田自古備邊之良策現據長齡等奏試墾大河拐一帶有空地一百餘里來春令原設回民先行試墾如有成效陸續添設屯田以歲獲糧石供支兵餉惟所稱該處地勢較高必須築壩引水是否水源甚旺足資灌溉其下游回戶田畝能否不虞阻遏著那彥成再行詳勘籌辦至回戶私墾田畝約略定賦恐滋流弊並著那彥成體察情形據實具奏

八年 諭喀什噶爾大河拐空地前據長齡等奏撥回兵先行試墾俟有成效再行添設屯兵當經降旨交那彥成詳勘籌辦茲據查明該處濱臨大河水源甚遠本年春開派撥回兵等播種雜糧已一律成熟納糧著俟明年麥熟再定歲賦科則惟防兵專事操練未便仍派屯田所有該處空地著即責成伊薩克廣募無業窮回及情願試墾之人陸續認種逐年加增額納糧以期經久

十年 諭松筠等奏擬議王麟請停止伊犁河工歲修將生息本銀暫緩歸款另擬增設巴燕岱兵額一摺巴燕岱駐防兵丁生齒日繁原須有所贍養然徒議增設兵額國家經費有常不可漫無限制恭查乾隆五十五年 諭旨伊犁滿兵駐防年久生齒日繁自應予以養贍之資但國家錢糧原有定數不容屢

議增加此次所奏四百名步甲錢糧暫准其增添外嗣後不得再請增給若果因伊等人口衆多錢糧有限不能養贖伊犁地方可耕之地甚廣清洲兵丁即不諳耕作可酌按民數分給伊等地畝令雇人耕種即以租息養贖用資生計著傳諭該將軍令其盡心籌畫務期久遠遵行 聖諭煌煌誠爲萬世永賴之至計見據松筠等籌議駐防養贖之策惟有屯田一法可以歷久無虞從前籌辦屯田總因灌溉之水自嘉慶七年松筠相度泉源設法疏渠以資灌溉即巴燕岱地土肥潤儘有可耕請飭交該將軍採擇膏腴地畝分給各旗開闢餘丁開墾屯種如果派令種地之人牛具籽種不能置辦即於原奏所籌停止修河款項內酌量給予妥爲籌辦著玉麟容安查明妥議具奏

謹案松筠久膺邊寄時稱名臣屯田實邊利在百世經營締造厥功偉矣屢起屢蹶未竟其志在吉林請開小綏芬屯墾乃以不急之務阻之迨咸同間其地盡歸俄界設早規畫何至輕棄可痛也

魏源曰西域水道記載乾隆三十年自盛京移錫伯部官兵千駐伊犁河南岸去河數里舊有一渠東西長二百餘里渠北地陰虛在無田渠南阻崖患在無水嘉慶初有部人圖默特創議於察布察爾山口引水自崖上鑿渠亦東西長二百餘里功費繁鉅部人嗟怨圖默特卒排衆議數年乃成既濬新渠開田千頃遂大豐殖新渠東北有積水潭廣數里環潭皆回民田將軍松筠因新渠成以潭西南二面田二千畝畀錫伯屯之界遂東移兩渠相去十餘里新渠高於舊渠六七丈新渠之南並南山下皆回民田此錫伯營屯田水利同於內地者

又 諭福蘇奏科布多屯田緊要請留熟悉換班弁兵一摺科布多每年應放兵糧向於屯田所獲糧石內支放該處蒙古兵人數雖多不諳耕耘全賴綠營兵丁教引播種該大臣因值弁兵換班之期恐全行更換有誤屯田自係實在情形著照所請准其將應換弁兵一百六十九員名內酌留管屯官弁三員屯兵六十名以資熟手俟下屆換防時將此次所留弁兵全行更換該大臣即將新到換防官兵挑撥屯田學習農務

十一年 諒長齡等奏見在籌辦情形一摺據稱欲令守邊兵丁實心出力莫如屯田之法但改防爲營專涉紛更一時礙難辦理請將各省綠營兵額各按馬步守兵分別均勻於每百名內暫裁二名咨照各該省數辦即各省裁缺所節經費由部彙撥解交甘肅藩庫自道光十二年爲始歸入回疆經費項下搭運前往以資支發已另降諭旨交該部查明具奏該將軍等先將西四城可種之閒地招民開墾有願墾者聽之其回子地畝亦不禁其租給民人耕種見令璧昌出示招諭著妥爲辦理如試種有效皆知地利可守安家者漸多有願入伍者即准其充食名糧收一營兵即撤一換防兵額其防兵在戍既久有願願徙眷安家者亦聽其便數年之後可成一半營兵一半換防之局節費自屬不少且既有眷兵即有餘丁種地之人日多挑兵之人不患其寡彼時換防之額不難陸續撤回內地所謂以回疆物產供回疆兵精兵民日益蕃昌則回心日益固結是屯田一事實爲安邊便民足食足兵之良法俱照所議辦理其民戶如何安插編管高地如何設法引渠牛具籽種如何節節經理試墾之初如何分段認種成熟之後如何按畝交糧此時招民開屯必須無礙於回衆生計將來因屯募兵必期無礙於邊地操防一切詳細章程著長齡玉麟與璧昌妥議具奏

二十五年喀喇沙爾辦事大臣全慶奏和爾罕地膏腴哈拉木扎什水渠可資灌溉又巴爾楚克爲回疆扼要之地道光十二年已奏開墾屯田未種者尙多應先儘安插民戶俾成重鎮詔如所請行先是奏喀喇沙爾環城荒地及庫爾勒北山根可墾田萬餘畝命辦事大臣常清籌辦至是全慶復借林則徐詳勘疏言庫爾勒應於大渠南岸接開中渠引入新墾之地分開支渠二其北山根展寬開都河龍口別開大渠與舊渠並行再分支渠四別開退水渠一又疏言伊拉里克在吐魯番托克遜軍臺西地平土潤土人謂之板土戈壁其西爲沙石戈壁有大小阿拉潭兩水匯爲一河此次引水自西而東聚成大渠復多開支渠以資灌溉伊拉里克西南沿山爲蒙古出入之路墾地在滿卡南附近東西兩面以人壽年豐四字分號各設正副戶長一鄉約四擇誠實農民充之承

領耕種又吐魯番爲南北樞紐應安置內地民戶領地五十畝農田以水利爲首務此次開渠自龍口至黑山頭地勢高低碎石夾沙渠身易淤酌定經久修治章程並如所請行自是回疆南路凡墾田六十餘萬畝

同治二年 諭平瑞奏統籌全局擬開墾屯田一摺已降旨令議政王軍機大臣會同該部議奏矣新編兵餉歲須銀三百餘萬兩而烏魯木齊所屬即需三分之一近來內地接濟不能周轉兵民困苦甚可虞平瑞於到任後體察情形擬將烏魯木齊及古城等處開荒馬廠一律開墾升科屯田之地分給屯兵餉需既無缺乏操防亦可講求所籌各情尙能因時量地制宜具見實心任事著照所議次第辦理惟事體重大必須斟酌盡善實力舉行至開墾之後應如何升科抵餉裁屯歸伍酌減兵額並著平瑞妥議章程詳晰具奏

又烏魯木齊都統平瑞奏烏魯木齊轄境縣互二千餘里各屬州縣商戶民人所種之地升科額數共祇一萬三千九百餘頃屯兵二千八百餘名每名給地二十畝約計祇五百餘頃遺犯八百餘名每名給地十二畝約計祇在百頃上下其各營牧馬廠及孳生取駒廠水草茂盛土脈肥饒之區亦屬不少若能一律開墾地利之溥可知惟牧馬孳生當初具有深意此時辦理開墾自應將馬匹妥爲安頓不使稍有窒礙查孳生馬匹於巴里坤古城濟木薩瑪納斯分設四處巴里坤孳生馬廠地亦甚寬惟天時較寒有水草而不能種麥擬將應存之馬寬爲挑選留備即歸併於巴里坤孳生廠內牧放取駒以備各營差操臺卡之用務使有盈無絀並責成該營員弁專司經理馬歸一廠稽查易周是馬匹得有實在牧放並無關礙也廠地土脈既沃開墾播種易獲豐收中有缺水之區亦不難設法開渠引灌而莊農耕種馬亦在所必需擬令領地之戶按戶分散承領變價爲數無多自必易從是馬價可歸實在戶民亦不至苦累也若提標中左右三營及巴里坤木壘古城庫屯精河等處俱有屯田額設屯兵專事耕種不與差操由綠營派委屯員經管每年種獲糧石交收入倉以便撥放滿營兵食茲計給發屯兵牛具籽種口糧等項即應交糧石掃數全完尙且入不敷出是屯糧比糧價增昂數倍若經開墾升科則滿營兵糧便有所出擬即

以屯田之地分給屯兵以糧抵餉令即歸伍差操而每年牛犁籽種口糧等費俱可節省矣又綠營兵額原有定制但兵貴精而不在于多當此餉絀時艱似可量爲裁減屯兵既已歸伍營兵數且增多除滿營駐防綠營標兵毋庸置議外其綠營招募之兵擬於遇有缺出即便扣留庶糜費可節其留營兵丁擬視所開地畝之多寡酌量分給以抵餉銀則在營兵精更無虞其不足矣飭委傳諭商戶人等見擬開孳生馬廠如願領地開墾據實呈報旋據稟稱商戶均願承領其農具牛犁等需本各務農爲生家家俱有無須再行請領至於馬匹種地亦必需用情願交價領馬又諭知現在亟籌兵精不論做照舊例試種數年再行升科據稱廠地土脈較潤但係有水之區今春可以佈種者情願升科此外尙有滿漢各營之馬廠亦甚寬廣除留牧馬地面餘亦可勻出開墾其各處閒荒地土凡有堪以耕種者並令一體查明報墾至古城草湖雖經開墾其營馬廠地除牧放馬匹之外如有空閒地面亦即行知古城領隊大臣文祥令其一律查明辦理

又 諭前因平瑞奏擬開地利以濟餉需各摺片當交議政王軍機大臣會同該部妥議具奏茲據奏稱烏魯木齊孳生及各營馬廠地土肥沃該都統各籌擬令商戶人等開墾當年升科並古城濟木薩瑪納斯等處孳生馬廠及各處閒荒曠土各營馬廠騰出地畝逐細丈量招戶承領察看可以布種者自本年爲始照例升科並請飭伊犁將軍葉爾羌塔爾巴哈台各參贊大臣將伊犁各城一律辦理其歸併馬廠及巴里坤移營裁兵均准照辦令該都統等妥議章程覆奏等語烏魯木齊牧馬廠地土脈肥饒地面寬曠見經平瑞將該處閒曠地畝招戶開墾升科並將古城濟木薩瑪納斯等處孳生馬廠歸併巴里坤廠內騰出地畝一併開墾升科以充兵餉實係經久良圖自應實力經營以裕經費所有清釐段落界限彈壓稽查及豫防拋荒拖欠等弊均著該都統督飭員弁詳慎辦理

光緒十三年戶部奏略稱見在營勇新疆尙有四萬餘人不裁則終年並無戰事遠裁則又恐疏虞長此不已坐耗資糧其患安所底止惟有於新疆南北兩



路急爲大興屯田爲當今緊要切務藉人以盡地利即藉地利以養人是五利焉新疆軍糧向由內地運至哈密分運各城或於各城設採運軍局分運各處山谷阻深道路遠設計運脚所費不貲若興屯政就地收耕種之利內地無轉輸之勞其利一各路請餉太多墊款難按期撥解若興屯政口糧無憂缺乏且該處所收糧食即可盡抵該處餉需每年當節省銀數十萬兩足以紓餉力固軍心其利二新疆見收民糧每年約有三千餘萬石皆以供支各營扣抵兵餉若興屯政寓農於兵所收民糧即可改徵折色用備度支其利三兵燹之後戶鮮蓋藏若興屯政數年之內必有餘資糧價因之而平邊儲亦因之而實其利四凡兵以勞而強以逸而弱各軍無事坐食筋骨懈弛竊恐師老財殫緩急俱不足恃若興屯政勞其筋骨將來驅赴戰場必更勇健其利五我朝自開闢新疆以來舊有旗屯兵屯戶屯屯成效昭然遠規具在可仿而行查臣部於上年會議新疆善後事宜摺內曾請將屯田事宜由該大臣等明定章程奏請 諭旨行知遵照在案迄今一年有餘仍未據該大臣等聲覆 臣等懸揣其故必有三難一則虛邊地苦寒西成難必一則慮軍卒驕惰不習鋤犁一則慮心力不齊難歸一致 臣等以爲無足慮也新疆地廣閒有戈壁然北路自木壘河起西抵伊犁地皆肥潤種一石可獲數十石南路八城素稱饒沃各營駐紮處所即不能一律大抵可耕之地居多不難擇地開墾前聞俄國山諾爾地方產糧甚多曾代楚軍採運夫以山諾爾偏隅之地尙有餘糧售買新疆地大物博果能勤事耕作儲積自必豐盈是邊地苦寒不足慮昔唐臣郭子儀封汾陽王自耕百畝以勵軍士於是穀麥充贍軍有餘糧該大臣等若嚴加督課以身先之該營弁勇何敢告勞是軍卒驕惰亦無慮所慮者心力不齊耳坐食者任意優游力耕者轉扣底餉人情既有所不甘各營或因而觀望相應請旨飭下新疆各路統兵大臣速議章程剋期一律興辦屯政並須明定賞罰以示勸懲嗣後該管管官以本營收穫之多寡爲殿最各統兵大臣即以各營收穫之多寡爲殿最庶幾士皆用命餉不虛糜一俟開辦稍有端倪 臣部即爲籌撥款項續行奏明辦理

又新疆巡撫劉錦棠奏略稱前飭藩司魏光燾悉心籌畫酌議章程每戶給地六十畝由中公借給籽種糧三石製辦農具銀六兩修葺房屋銀八兩耕牛二頭合價銀二十四兩或父子共作或兄弟同居或雇夥結伴均按照二人爲一戶並月給鹽菜銀一兩八錢口糧銀九十斤自春耕起按八個月計算通計每戶銀糧奉算約需借給成本銀七十三兩一錢定限初年還半年全數設遇歉收查明酌展繳本之後按畝升科徵繳額糧自第三年始徵半年全數徵仍做管田之制十戶派一屯長如管中什長之制五十戶派一屯正如管中百長之制每屯正五名派一委員管理凡請領成本督察農工一切事宜地方官責之委員委員責之屯正屯正責之屯長仍十戶出具連環保結互相糾察層層鈐束以免領本潛逃耗費曠工及滋事不法請弊其屯正屯長每名仍准領地六十畝借給成本一如戶民之例惟每月另給屯正銀四兩屯長銀二兩仍按八個月計算俱免扣還以示獎勵前於覆陳安插墾人犯摺內逐一聲明在案茲查迪化縣安插三百六十六戶奇臺縣一百戶昌吉縣一百四十四戶阜康縣五十三戶綏來縣三百二十戶濟木薩縣二十六戶呼圖壁縣巡檢七十四戶哈密通判四十五戶精河巡檢二十二戶總計安插土客一千九百九十戶除籽種口糧由倉糧項下借發外共領過成本銀四萬九千八百餘兩另由中公籌給修渠經費銀四千八百餘兩均於善後經費項下開支惟新疆屯地向資渠水灌溉亂後渠多墮廢開辦之初擇其易於爲力者先加疏濬經費尙屬無多以後續籌安插此款必須增鉅見值安插遺犯需費不資即以收回成本周轉能否招墾民戶如上年之數應俟察看情形酌量籌辦至南路各屬亦報新墾地一萬九千餘畝分年啟徵均係報明不領墾費合併聲明

王樹枏新疆土壤表敘 略稱論新疆大勢天山之北地氣寒冽宜於牧天山之南地氣暑濕宜於耕然觀全疆土宜皆殖五穀黍稷稻粱麥菽胡麻之屬長穗碩實滿車滿篝而大藪具區豐草彌望無際南北郡邑所在皆是蓋全疆之地皆宜耕牧而牧之利尤大且厚若夫莎車英吉沙爾葉城皮山和闐洛浦之蠶桑吐魯番之麻棉葡萄哈密之瓜焉者庫車之梨

杏葉城之石榴綏來霄遠之蘋婆類皆垂名西域中外商賈販易絲棉毛  
革者悉屬於道洵土著之佳植物產之巨宗而鹽澤之利家給人足不假  
財力生之有道爲之得法庶富之效可馴致也會子曰有人此有土有土  
此有財有財此有用今攷世界地理諸書新疆面積四百四十九萬一千  
一百方里以五百四十畝爲一方里計之見犁之田僅一千七百七十五  
分之一耳此其故不在於無土實在於無人無人則雖有土與無土等耳  
財出於土而土出於人新疆地廣民稀勞來生聚實邊之策蓋莫有先於  
此者

皇朝續文獻通考卷十七

田賦考十七 官田

謹案馬考於官田內祇附有籍田 皇朝通考迨更增廣門類析為公田祭田學田牧地備矣願自乾隆五十一年以後不聞新置籍田茲故不贅其公田以下仍仿前例以彰 昭代之宏規焉

乾隆五十二年議准和碩莊親王牧場界內餘地頗廣均屬山坡從前因有積水停蓄不能開墾近年雨水稀少流漸日漸消涸與游牧無妨可墾地六百三十五頃三十四畝有奇侯試種成熟准於五十五年照例升科此外荒坡湖側尚有地四百餘頃侯認墾有人查丈升科

又議准和碩禮親王胡魯蘇台牧場地兌換西爾濟圖地方除砂礫不毛難以開墾外實丈地一千三百三十二頃三十九畝有奇照例升科

五十六年奏准大凌河東西牧場荒地三十一萬八百餘畝按地畝數目分別肥瘠應設二等莊頭三十八名每名撥給地五千一百畝三等莊頭二十六名每名撥給地四千五百畝各令開墾以備分賞出府王公之用

又議准各省額徵學租應給廩生及貧生者由教官確查將極貧次貧造具清冊俟學政按臨日投遞覈奪即於三日內逐名面賑如有混冒等弊即行參查

謹案 國家設貧生糧以惠寒畯養士不謂不厚矣願此項額糧不蝕於學政縣令則沒於教官學書貧生特泚其涓滴焉耳因欲泚此涓滴而不惜自號為貧生嗚呼此豈 國家所以待士與士之所以自待者哉

又議准教官交代限一月內完結或有遲逾及缺少學租等項專咨報部查參嘉慶五年 諭胡季堂奏教漢墾地民人停其攆逐一摺此項蒙古地畝招民墾種之初均有押租錢文並非憑空占種嗣後民人挾資攜眷陸續聚居數十年來生齒日繁人烟稠密蒙古民人本屬相安無事迨墾種日多有礙蒙古

牧廠因而呈請據逐第此等民人本係無業出口種地以資餬口一旦驅逐未免流離失所若將蒙古從前所得押租概行追出不特事涉紛擾亦非體恤蒙古之意我朝中外一家無論蒙古民人皆係臣僕赤子所有此項地畝除見在

墾種者仍聽該處民人各安本業照舊交納租息無庸驅逐其押租銀錢係從前所得亦不必根查給還惟蒙古人等以牧養牲畜為業若聽民人耕占牧廠則日種日多伊於胡底於蒙古生計殊有關繫著胡季堂即派道員慶章親赴教漢切實查勘仿照將軍秀林所辦就見在居民所種地畝定界立碑清查戶口此外不准再行開墾一隴亦不許添居一人俾蒙古民人永遠相安兩有裨益並傳集蒙古民人將所降恩旨詳悉宣諭俾共知感激

又奏准 盛京查出各城旗可墾馬廠地三十八萬九千八百七十四畝聽各城旗開墾不准另招旗民墾種仍按開墾年分據實報部起科每畝徵銀四分嗣後該處地畝升科如係自行首報者均著每畝徵銀三分係查出者均著每畝徵銀四分

六年 諭御史舒敏奏請查明八旗王公等空閒馬廠地畝照從前恆祿等四家呈進馬廠之例開墾一摺所奏似屬可行八旗王公等分賞馬廠地畝其中多有並無馬匹牧放者與其任聽民人偷種自不如官為經理轉可於地租內酌量賞給原有馬廠之家俾沾租利著宗人府查明前此宗室公恆祿等四家呈進馬廠辦理舊案飭令八旗王公以及閒散宗室將所分馬廠地畝其見不收放情願開墾者自行呈報彙清清單開照例辦理

八年 諭晉昌等奏查勘新圍莊頭呈請更換馬廠地畝情形一摺莊頭黎永貴等因原領新立屯地生長蘆葦荒鹵不能開墾呈請將古同山等處馬廠閒荒兌換本與定例不符且乾隆三十五年曾經奉 旨莊頭等所種地畝概不准另行撥補自應永遠遵行今該莊頭承種地畝既查明並非斥鹵不毛之地輒欲換馬廠邊沿恐啟覬覦肥沃之端除此次違例懇請之莊頭黎永貴等不准更換外嗣後如有將額撥官地率請更換並民人呈請馬廠墾種納租等事即著照違制例治罪

十年 諭據德榜奏等奏請將成都滿營牧廠改墾水陸地畝所增租銀於二十四位領下各增養育兵一名由馬價項下撥銀五千兩生息作為獎賞兵丁幫貼出差等事之用一摺成都滿營演習鳥鎗之幼丁並無幫貼該處滿兵生

齒日繁獎賞等事不無需費德榜泰等籌畫情形於兵丁生計有裨著照所請辦理年終造冊送部覈銷

又奏准 盛京養息游牧場蒙古人等墾地二萬四千四十六响除有礙游牧地九千四百四十六响全行平毀外其無礙游牧地一萬四千六百响按蒙古戶口三千五百三十名每名給地四响此內翼長四員每名再給地二十响牧長牧丁四十員每名再給地十响作為隨缺地畝永遠定額不准多墾仍令該將軍飭翼長等隨時查察每年夏秋二季派協領查勘取具並無增墾地畝印甘各結送部備查查出再有私行多墾者嚴行治罪翼長等失察不報被協領查出從重究辦協領容隱不報別經發覺指名參辦

十三年 諭據勒保奏川省督標舊有馬廠租息一項曾經提銀一萬兩交商生息添補軍提城守三標營馬兵餉秣之用除按名應給外盈餘者歸督標修製軍裝今查督標雖有存項貼補仍不敷用至其餘各標營均係自行製備更形拮据可否將積存銀兩內另提一萬兩交商生息為省城十一營添補修製軍裝等語軍裝一項兵丁等出差操演在所必需見在川省各兵丁名下因屢次出征多有例扣之項再責令自行添製未免生計倍艱自應量為調劑著加恩再於前項積存馬廠租銀內賞提一萬兩交商按月一分生息自嘉慶十四年為始專為軍標督標提標城守十一營兵丁添補修製軍裝之用以示體恤又議准和碩莊親王牧場空閒地畝續墾得六百五十一頃八畝有奇照例升科

十四年 諭資沖阿朱勒奏新墾馬廠餘地未能一律成熟酌免租銀一摺民人租種馬廠地畝自應照例納租今據查明未墾地三頃九十四畝及坐落整屋縣地三十頃俱係新淤嫩灘所出青苗均多瘦弱即少有收成亦不足償其工本若一律徵租佃戶未免拮据著照所請將新墾未經成熟之馬廠餘地應徵本年上半年租銀五百兩及下半年租銀一百六十九兩零著加恩豁免但此項佃種租銀原為解交西安滿營以充公用今馬廠餘地並非水旱歉收實因地土殘瘠所產薄弱若年年不能成熟租銀無著豈不於公帑有虧著該該

撫飭屬另為履勘擇肥饒之地招佃墾種俾獲豐收以資公用

十七年 諭松筠等奏額經會勘彰武臺邊門外養息牧河牧廠閒地可移駐旗人並籌辦大凌河西廠先行試墾各緣由一摺盛京移駐旗人一事見在經費不敷實不能辦理前此松筠等奏到會勘大凌河牧廠地畝情形已有旨詳晰指示松筠等仍遵照前旨毋庸勸辦亦不必繪圖呈覽其所稱大凌河西廠東界一帶於大道附近之處酌墾田數十頃於今冬雇夫翻犁來春給以籽種先行試種一節該處既有可墾之田著該將軍等即雇夫試種如獲有秋收陸續開墾其所交糧石即於附近存貯亦可留為將來添贖旗人之用

十八年 諭溫承惠奏酌議勘丈官荒地畝章程一摺直隸天津豐潤青縣靜海滄州鹽山任邱寶坻濱州九州縣馬廠官荒地畝前於乾隆年間賞給附近民人報墾升科當據丈明可墾地七百二十餘頃造報升科所餘地畝歷年久遠已墾未墾尚未據查丈明確分別造報每致外來牟利之徒合夥包攬認墾轉租互相攘奪許訟不休上年經戶部議准行令該督飭委道府大員確切勘丈茲據奏此項地畝為數較多墾戶蓄庶向無魚鱗冊可稽非墾戶自行出首礙難勘丈而墾戶因私墾多年隱漏糧賦恐按律治罪並畏追地入官多方欺隱未肯據實首報自係實在情形著照所請先行出示曉諭該民人等如果據實首報准將從前私墾漏報升之處免其治罪並免追歷年糧賦給予管業不准外來包戶影射爭奪以杜訟端備此次查辦之後再有隱匿包占一經查出即照例嚴懲

十九年 諭前據潤祥等奏請停止大凌河牧廠試墾地畝將旗民人等撤回此項地畝照舊分撥三營添補牧放當交軍機大臣等會議茲據富俊奏稱此項試墾地畝與三營牧羣無礙若將已墾成熟之地全行廢棄領佃旗人雇工等一千六七百人全行失業於旗人生計大有關係等語此項試墾地畝若有礙牧羣自應停止如三營牧地本無不敷新墾地畝原屬閒荒可裕旗人生計一旦廢棄亦覺可惜所有潤祥等前奏請勒令領佃旗人等進邊以及拆卸窩鋪平毀溝壕等事著和爾等飭令暫行停止無庸辦理晉昌即日在京陛見後

即令赴任文甯於此事未經查辦無所迴護著派晉昌於到任後會同文甯親往該處覆加履勘詳悉妥議具奏候旨遵行

又諭軍機大臣會同該部議奏烏特拉丹撤等罪名已依議行矣此案養息收廠開荒地畝松筠等於奉旨停止勒辦之後復行試墾並未詳悉奏明乃伊等之咎至此項地畝原在三營牧廠之外其陳新蘇魯克黑牛羣原定牧廠界址各寬二十餘里至八十里長四十里至一百數十里不等本屬寬餘近年又撥給養贍地一萬四千六百响於生計更爲充足此項曠廢馬廠與牛羊廠毫無干涉該牧丁等前此藉以牧放私有牲畜並私自開墾地畝架詞誣控茲審明分別治罪若仍聽該牧丁等占據放牧刀風斷不可長即如軍機大臣等所議令該將軍每年派員巡察嚴禁私墾私放但地既開墾又與三營廠界相連恐稽察難周仍復多滋訟端上年和甯具奏養息收廠地見已開墾成熟一百六十八頃五年加墾可得熟地八千四百頃曾經降旨以此事辦理一年已有成效著循照辦理本年該處秋收豐稔旗佃均沾利益此時若遽行裁撤平毀溝壕拆逐窩鋪轉多紛擾此事既不廢國家經費每年又增收租穀竟以仍行開墾爲是地既開墾則松筠等處分亦可稍減松筠和甯俱改爲降一級留任富俊改爲降二級留任仍准抵銷此事著專交晉昌仍派和忠前往該處將界址溝壕逐一覆勘其應如何分給旗丁等照舊耕作並經理妥善歷久無弊之處著晉昌詳查具奏

二十二年 諭慶溥等奏酌定牧廠地界並繪圖貼說一摺額魯特官兵從前共有六百七十餘員名見祇餘一百八員名牲畜無多本無須多用牧廠即廣占地畝亦不過私招民人開墾藉收租息其獅子園一帶牧廠環近園庭自應撤回不許額魯特等在彼侵擾慶溥等所定甚爲公允該總管呢瑪何得任意爭執著熙昌即傳諭呢瑪等令其遵照慶溥等所議應撤回者即行交出應立界者即行安插不得貪利無厭稍有抗違如再妄求治罪不貸

二十三年 諭富俊等奏大凌河馬廠曠地試墾期竣酌擬章程一摺大凌河牧場餘地試墾期竣勘丈於原墾續墾十一萬餘畝外尙浮多地五千八百餘

畝均地近海濱其中磽薄沙鹼者多不能按原議照直隸旗租之例升科著加恩即照養息收試墾地畝之例每畝徵租銀四分作爲定額見存已徵穀一千七百八十餘石准其減價十分之三出糶價銀解交盛京戶部存庫備用其起科年分催徵考成及收成分數查禁私典各章程著照所議辦理

道光八年 諭前據奕穎奏主祭宗室當差拮据請給月銀八兩養贍地五頃以資用度當降旨令該將軍將應贖入官地畝查明究有若干茲據詳查覆奏此項入官徵租地畝儘有盈餘該宗室福嵩阿等六員祇承祀典以來生齒日繁所得俸銀地租不敷用度自應量加體恤著將主祭宗室奉恩將軍福嵩阿吉泰宜里布那當阿景平哈格等六員各於入官租地項下加賞地八頃令其自行招佃取租免交官租以資當差毋庸再行賞給津貼月銀此項賞給地畝即作爲主祭宗室公產不准私自典賣

十一年 諭御史梁尊誦奏江南新漲田畝未經升科請飭查作爲義冢一摺據蘇松一帶浮屠棺柩遍野盈郊日久朽爛多用火焚化其未朽者每遇河水漲發漂入江湖淹沒無蹤實堪慘目雖有公捐義冢設立同善與善各堂名目而所捐之田爲數無多難免暴露近聞松江所屬之青浦縣婁縣境內大草墩地方有柳湖漲出田二三千畝見在已成高阜並未升科其他與松江所屬各縣舟楫相通若以爲合郡義冢貧民得以隨時埋葬於額徵錢酒毫無妨礙請飭該省督撫相機酌辦妥議章程其餘各縣如有此等無賦田畝亦可仿照辦理等語著陶澍程祖洛即飭該屬查明青浦縣婁縣前項漲出田畝實有若干可否設立義冢以便貧民埋葬議定章程妥爲辦理至此外各府縣有無似此無賦閒田亦著飭屬一併確查照此辦理以廣仁政而示矜恤

臣謹案掩骼埋斃著於禮經王者之所有事也梁尊誦請以江南新漲田畝未經升科者作爲貧民義冢奉 諭妥辦周文之澤及枯骨不是過矣特新漲之地必沿江海地勢窪下不宜冢地計維以此項地畝撥作義冢經費而別籌高平適宜之地以便貧民族葬此則視有司之盡心否耳

二十二年 諭前因奕興等奏大青山後牧地有游民占據請飭官爲驅逐當

降旨著山西巡撫妥議具奏茲據梁尊函奏稱大青山後沙拉穆楞昭盟諸們汗昭等處游民於封禁牧地私行租種本應嚴加驅逐惟查該遊民等生聚有年原籍均無家產請仿照成案免其驅逐地畝放給租種微得租銀分給喇嘛蒙古作為香火養贖之資等語該處遊民既無家可歸一旦逐令回籍必致流離失所著准其按案辦理以示體恤惟此項地畝與喇嘛蒙古牧場有無妨礙所徵租銀應歸何員承管並如何分撥之處著綏遠城將軍歸化城副都統會同該撫籌議妥辦

三十年 諭奕興奏繳口外牧廠地段懇請賞收一摺奕興舊有察哈爾所屬蘇魯克地方牧廠一段見因牧丁在彼滋事難以照管情願呈繳著照所請將牧廠賞收其看廠衆丁戶等均交察哈爾都統管理該處原撥看廠丁戶生齒日繁且與試墾地畝間有毗連應如何酌定章程嚴加約束不致日久滋事之處著該都統等妥議具奏

咸豐元年 諭琦善奏遵查馬廠地界請飭勘辦一摺莊浪滿營馬廠地面遠闊附近民番乘開闢種迄今歷年已久廠地必應清理邊氓亦宜撫綏其應如何畫分界址定則升科總未議立章程殊非覈實經久之道著即派涼州副都統興泰並甘涼道等親往查勘由琦善覈明妥議章程會同興泰具奏

二年 諭前據薩迎阿等奏稱蒙古右翼郡王仍請暫居永安侯二年後即令撤回原牧見距上年查辦之後已屆一年舒興阿擬限至本年夏季草青水旺之時飭令歸還原牧以符舊制自應如此辦理著舒興阿哈勒吉那妥為曉諭該郡王等徙居永安業經數載雖積久困弱必應思自強之計且止攜阿勒巴圖五十餘戶其餘九十餘戶仍置卡外難於兼顧愈添散處形疲弱况原牧地方水草茂盛棄之更爲可惜見在奏奉諭旨令爾仍回故地正望爾等積漸自強代爲慮及久遠之意如此明白開導該郡王等自必感激悚遵不至日久遷延妄生希冀至察漢托洛亥等處蒙古防兵向係五百名見據查明該蒙古生計艱難著即裁撤一半仍酌留兵二百五十名分班輪派以備偵探野番接遞文報等項差使該督等即會同籌議明定章程並訓諭各蒙古經此次變通調

劑以後務各勤奮當差毋得自甘怠惰仍蹈舊習

三年 諭毓書奏開種放漢旗地民人查係招墾交租勢難概行驅逐一摺據查嗎呢土三棵樹昭合土三處牧廠各該居民開種既係從前台吉人等得價招墾且經另換地畝遷移自難概行驅逐仍著該都統飭令該旗按照前查各項會同塔子溝司員建昌縣知縣詳細查勘造冊詳覆再行查覆奏明辦理

四年 諭給事中仙保奏官荒地畝請開墾升科以裕經費一摺據稱道光年間該給事中在張家口監督任內曾見八旗官荒地畝無人耕種詢之士著僉稱有可墾者因工本甚鉅必須股實商民方能報墾奕興馬廠爲八旗官荒地內肥美之區如招商開墾於國帑有濟等語見當經費支絀之際籌款維艱若如所奏此項地畝數千頃土潤草肥四至分明與游牧並無妨礙果能招集富商開墾升科於經費不無裨益著華山泰慶兩按照所奏派員履勘據實具奏六年 諭戶部奏遵議大凌河馬廠開墾地畝一摺奉天錦州府屬大凌河東西兩岸地面遼闊前據書元奏請准令附近旗民人等墾種租回爲籌費經費起見惟該處水草暢茂爲歷年牧放官馬之區孳生蓄庶利益無窮若將附近廠地漸次開墾勢必侵占牧養於馬政大有妨礙著照戶部所議恪遵舊制以重牧務該侍郎請令開墾之處著不准行至錦縣民人穆亭揚徑自討種地畝輒敢私墾至八千畝之多實屬大干例禁著承志會同書元景霖確實查勘倘在馬廠界內即將私墾地畝平毀照例懲辦嗣後並著盛京將軍戶部奉天府府尹等隨時認真查察如該旗民人等尙有在廠內私種及吏胥包庇隱匿各情弊一併從嚴究辦

七年 諭慶祺等奏大凌河馬廠開墾地畝擬請升科繪圖呈覽一摺奉天錦州府屬大凌河東岸原准試墾既據該將軍等查明實係牧馬不到之區有界濠爲界舊制昭然兩無防礙與其久曠地利徒使奸民偷種致啟爭鬪之端不如概行入官一律升科著照所請准令錦州所屬八旗五邊四路甲兵及牧羣衙門牧丁墾發分領仍令原佃租種照例升科責成地方官妥爲經辦其大凌河西岸馬廠正身仍不准開墾以示限制

同治二年 諭御史吳台壽奏奉省開墾之地未墾實多錦州廣寧義州一帶官荒馬廠儘可設法變通該地方官總以畏難苟安不肯推行盡利直隸山西等省西口北口外馬廠荒地均經陸續開墾著有成效奉天土厚泉甘尤應培養國脈以圖久遠請飭實力履勘以開利源等語並擬請清單呈覽近來庫款支絀奉省餉需不敷撥解僅借撥捐日捐權宜濟餉如果荒地可以開墾各項可漸次裁撤裕課便民洵屬妥善惟所稱錦州廣寧義州一帶官荒馬廠恩台前次覈奏已革翼領烏雲泰案摺內於旗民各戶侵占地畝及所蓋房開有勒限令其拆退之語該御史所陳開墾一事是否可行有無窒礙該部統向能實心任事著按照單開詳細體察情形妥籌具奏至所陳東邊一帶地方千有餘里良田數百萬頃從前僅墾田三萬餘頃其間曠未墾者實多恩台係盛京旗員必能熟悉情形有無開墾地畝可以開墾辦理有無窒礙並著該部統悉心查訪一併奏聞

又 諭前因御史吳台壽奏奉省東邊開墾之地多未開墾錦州廣寧義州一帶官荒馬廠儘可設法變通請飭實力履勘以開利源當諭令恩台悉心查奏茲據奏稱錦州牧馬之區名為西廠水草豐茂足敷牧放此外則廣寧所屬之閭陽驛小黑山等界名為東廠地勢平坦內有窪陷於牧放不甚相宜若將東廠裁撤一律開墾可得田一百萬畝惟東邊一帶近有流民在彼私墾聚集日衆查辦其難請派封疆大員詳酌籌辦等語閭陽驛小黑山等界舊設牧廠既據恩台奏稱地勢低溼於牧馬不甚相宜而大凌河西岸地勢寬廣即官馬多至一萬餘匹亦足敷用即著照該部統所議將東廠裁撤歸併西廠牧放遵照舊章妥爲經理其應墾地畝即照恩台所擬令盛京六十六佐領下甲兵按名分領招佃取租除交升科租銀外餘資津貼常差其按年應徵租銀即責成各該佐領催交造報以收裕餉便民之效該部統本係盛京旗員情形熟悉所陳墾田一百萬畝之說諒必確有把握即著該部統妥爲經理實力舉行不准稍存諉卸之心至盛京東邊一帶開墾山場林木稠密奸民流民聚私墾歷年既久人數過多經理稍失其宜即恐激成事端利未與而害立見於根

本重地殊有關係著玉明會同恩台將東邊自發陽邊門以北何處必應照常戍守何處可以展墾地畝流民之屯聚者何以化梗爲良隱患之未形者何以潛消默化不動聲色嚴密訪查妥議具奏候旨遵行此事朝廷早有所聞利害攸關固不能不消思未萌亦不肯孟浪從事玉明恩台務即密查據實具奏四年 諭廣寧屬外牧廠荒地經恩台招佃認租照依近年吉林章程分則收取押荒銀兩撥給盛京等處兵丁分領津貼並將牧廠地內洩水河道溝渠開空完竣辦理均甚妥洽所有動用押荒銀兩等款著免其造冊報銷並免由佃民名下著追歸款恩台見赴吉林新任慶春業已到錦該處尚未招佃之荒地即著慶春督率委員依勒通阿等照章妥辦其牧廠東北隅高山子地方接連牧廠曠開荒甸一段約可開地數萬畝經恩台委員丈勘附近居民聲稱內有旗民納課田地詰以何人承領輒又不能指實難免有影射情弊著玉明寶珣德持轉飭各該地方官認真清釐查明地段除實係旗民納課田地外餘餘荒段均撥歸牧廠一律招佃徵租其義州教場曠開處所約可墾地萬餘畝並著慶椿迅行查辦招佃起租作爲該城兵等伍田如有侵佔含混等弊並著寶實經理

光緒十八年 諭徐桐崇禮奏遵旨確查禮部南廠官地並請核定畝數立案各摺片據稱禮部租地檔案不全此次查出淤復地畝該部因光緒十一年呈稿叙有道光十五年奏請會勘之語並以同治七年告示文簿等件爲據辦理不爲無因且係會同順天府勘明訊辦尚非擅翻奏案惟承辦司員未將案卷不全之故及嘉慶道光年間各案詳細陳明係屬疏漏倘非有意欺瞞該堂官未能詳察亦有不合請將該堂官及承辦司員分別議處等語此案該部司員辦理清查僅止漏敘成案並無情弊凡租地歷年已久官非一任所有請將該堂司各官分別議處之處著加恩寬免此項淤復地畝係無主之田若如啟秀所奏由地方官辦理升科是使私種之人據官地爲己產勢必資緣冒領流弊滋多所有禮部順天府此次會同丈出淤復田地一百頃六十餘畝著交禮部收租管理該部及啟秀所奏租地畝數稽之冊檔均有未符著該部堂官遵派

司員將見存荒熟地畝查丈確數造冊奏明立案即以見存畝數作為定額除界址內見有官地仍由禮部招墾起租此外卽毋庸再事清查以免擾累二十年翰林院侍讀王懿榮奏請飭整理行聖公府地產略稱查嘉慶朝會典事例戶部田賦門免科田地下載有衍聖公祭田二千一百五十七頃五十四畝零四氏學學田五十頃復聖裔祭田墓田廟基地五十四頃十五畝零宗聖裔祭田墓田廟基地六十二頃十四畝零亞聖裔祭田墓田廟基地五十九頃七十六畝零先賢仲氏裔祭田墓田廟基地七十五頃五十六畝零康熙二十四年覆准孔林地於原額外增擴十有一頃十四畝九分除免賦稅又覆准撥給元聖周公祭田五十頃此會典所載行聖公祭田暨先賢元聖祭田墓田之大數也又查乾隆開孔繼汾所著閩里文獻考載行聖公土田之制由漢及宋時賜時替自宋大中祥符開始專有祀田沿及金元代多增給明洪武時定給祭田二千大頃歲收其租入以供廟祀餘悉為衍聖公廩祿 國朝因之明太祖洪武元年賜祭田二千大頃分爲五屯四廠十八官莊撥佃戶承種永樂五年又賜贖廟田七十三大頃正統四年覆准存佃戶五百戶湊入二千丁專以辦納籽粒以供祭祀 國朝順治元年山東巡撫方大猷題准仍沿舊制又明時衍聖公有湯沐田大畝八十二頃有奇在順天府屬東安等五縣未詳爲何年所賜 國初闖入旗地七十大頃留下東安縣地十二頃有奇順治十年詔以山東德魯二藩莊地照數撥補此歷代及我 朝頒賜祀田之大凡如此今析而數之凡爲屯者五日鄆城曰鉅野曰平陽曰東阿曰獨山爲廠者四附於各屯而開東阿爲官莊十有八在曲阜者十有二曰張羊莊曰城西大莊曰春亭莊曰紅廟莊曰齊旺莊曰南池莊曰安基莊曰齊旺坡曰顏孟莊曰馬州坡曰下池屯曰胡二寨在泗水者四曰西嚴莊曰安甯莊曰魏莊曰戈山廠在鄆縣者二曰魯源莊曰黃家莊鄆城原額屯廠地六百二頃鉅野原額屯地七十六頃獨山原額屯廠地二百二十頃四十三畝六分零曲阜原額官莊地六十四頃五十五畝泗水原額官莊地六十二頃八十畝二分零鄆縣原額官莊地十一頃二十一畝一分共計五屯四廠及十八官莊原額地共二千大頃但

見在地畝統計荒熟鄆城存地三百六十七頃十五畝五分零廠地五十四頃七十二畝五分零鉅野存屯地一百八十六頃二十四畝一分零廠地三十頃三十畝三分零平陽存屯地二百三十一頃十畝九分零廠地十二頃七畝零東阿存屯地三十二頃六分零獨山存屯地六十一頃七十五畝五分零廠地二頃七十四畝七分零曲阜十二官莊存地六十頃五十六畝九分零泗水四官莊存地五十一頃七十三畝八分零鄆縣二官莊存地六頃五十四畝二分零通計五屯四廠十八官莊共見存荒熟地一千九十六頃九十六畝四分零較二千原額缺地九百三十三畝五分零此外又有洸河屯地七十三大頃在滋陽袁家莊者五十頃頭村店者二頃故縣村者一頃在濟甯州杏村莊者二頃十頃卽永樂五年續賜之地有東平廠地大畝二十三頃滋陽廠地二十七頃九十一畝四分零曲阜廠地十九頃六畝五分零卽順治十年撥補之地又鄆縣有尼山書院祭田十三頃五十畝曲阜有明洪武初賜五十五代衍聖公地一大頃通前共見存地一千二百五十六頃七十八畝有奇較之會典所載行聖公祭田二千一百五十七頃五十六畝尚不及十分之六此孔繼汾所著行聖公祭田地產之細數也又見山東巡撫張曜奏稱會典所載行聖公祭田二千一百五十七頃五十六畝閱里文獻考所載存地一千二百五十六頃七十八畝內有地畝在運河西南一帶曾爲江南之豐縣山東之賈莊黃水漫口淹沒沙壓租戶藉口贖欠緣田產散在各縣租戶名姓真偽不一此次清查須先令各縣學官約同公正紳士逐一清查以免書役下鄉致多弊混俟辦有頭緒再由該管地方官詳加整頓等語風聞張曜札飭兗沂曹濟道查辦以行聖公祀田坐落江蘇沛縣缺額二千餘頃曾於同治八年經前兩江總督曾國藩撥補入官每年代徵租價制錢一百四十四千聽候委員守提此頃地畝並未指界亦未造送花戶清冊迄今仍係缺額二千餘頃此次該道查辦旋於十六年據江南沛縣紳董同知劉介思等並獨山屯官唐錫盤以祀田復還造冊繪圖稟請核辦又據沛縣銅山縣民劉廷聘張義君等以微山湖涸出無糧地二千餘頃舊傳爲祀田稟請核辦各等情有圖四幅冊十二本並復沛縣祀田碑文二紙



該道請咨轉移兩江總督飭查在案該撫以既據有屯官唐錫鑾員劉介思所稟週復之地又有銅山縣沛縣民張義君劉廷聘所稟之地二千餘頃無論是否原失祀田擬請欽遵嘉慶十四年戶部具奏奉 上諭著山東巡撫會同東河總督江蘇巡撫嚴飭地方官備查缺額祀田倘歷年久遠難以清查亦即另籌撥補期於祀田無缺之 恩旨即在此項地畝內提撥其如何失迷之處已往不究變通籌撥移咨兩江總督江蘇巡撫會同辦理此專據銅山沛縣官紳所稟一帶週田而言未及具奏該撫旋即出缺此張曜覆奏及查辦未及遞核之大概也 維孔子祭田以及先賢元聖祭田會典既經載入事隸戶部見在戶部承管各司自有坐落地方畝數清冊存卷可查閱里文獻考所載順治十年撥補地數以及五屯四廠十八官莊坐落縣分畝數則各該縣自當有免糧地畝數目戶房底冊可查即令水淹沙壓必有荒廢地段可指抑或隱佔私賣報糧升科各該州縣亦必有先後增益糧戶羨額銀數可稽至於張曜所查銅山沛縣屯所稟與闕里文獻考所載地段坐落無涉或印戶部所管免科田地祀田之內或為行聖公府後來私置之田產 無從細考若據會國藩會經撥補入官又經劉介思唐錫鑾指稟祀田週出自屬行聖公府舊地日久失迷不言可知傳聞週復之後久為淮陽道屬官紳交相侵蝕並匿糧不報事同隨規 伏思此項祀田及該府地產先賢元聖各祀田既有官書私乘及東撫訪查情形種種實據可憑惟有懇 恩飭戶部兩江總督江蘇山東巡撫詳細清查按卷調冊委派幹員隨時辦理其確為水淹沙壓荒廢不堪耕種者可否遵照 列聖撥補之例量數指撥其有隱佔偷賣報糧升科者一經查明可否 恩准賞還歸入免科田地舊典項下免其租稅並飭所屬各州縣出示曉諭仍令原業地戶認佃承種不為絲毫科罰轉滋紛擾如實在佃種不力仍令於該處就近另擇居民招認佃種官為酌辦以復該府祀田地產之舊先賢元聖各祭田附近一處亦一律 恩賜清理務使實惠均霑不至一家向隅今襲封衍聖公孔令貽英年有為志趣向上俟經此次田產清理之後亦當勤綜家政恪奉先祀勿得再使府官屯戶任意濫混串通勒扣迷失荒蕪以致上負 朝

廷德意奉 諭行聖公府田產既有官私載籍可憑無難確切履勘著戶部行知兩江總督江蘇山東各巡撫按照原奏各節調齊卷冊分晰查清如數撥補據實具奏 二十二年行聖公孔令貽奏准前著兩江總督張之洞咨稱奉 上諭侍讀王銘榮奏請飭整理行聖公府地產著戶部咨江蘇山東巡撫按照原奏查清如數撥補茲據查明祀田係於元至元三十一年撥有沛縣秦家莊六十頃刁陽里三千大畝載在元碑久經湮沒惟既奉 特旨擬照元碑所載撥還計一大畝即江省之三畝同治八年已撥八頃外其餘一百四十二頃以各園上則之地補足歲租每年由行聖公府派人赴徐州道領取業經奏明辦理等因伏念此項祀田地屬淮南壤連泗上黃流改道淪巨浸者百年紅粟登倉闕明禮者累葉昔在同治年間曾經撥歸八頃茲復恭奉 溫詔悉數籌還以徐防有限之餉精供闕里常徵之齋米分溝畫畛遵元代之區方食稅衣租俾疆臣為經理凡此 隆施之優渥均非寤寐所敢期 惟有敬謹藏儲誦揚前烈釋天保吉頌之美知圭田明德之聲績史展奉祀之碑頌 聖代作人之化 二十四年戶部奏御史楊崇伊奏各省荒廢官地請准民間承買收價報解一片查戶部則例內載屯軍人等官給屯田民人私行置買該衛千總嚴行究治不行清查者照例議處又寺觀各莊丁園丁名下領種地畝不准私行典賣各省叢林古剎舊經報官入冊齊田不許私相售賣違者治罪各等語是軍屯各田本不容私相典買惟歷年既久荒蕪不理廢棄可惜應照 戶部則例變通辦理請 飭各省所屬地方究有軍屯田田若干見在荒蕪未經開墾者若干應如何招戶認買收價升科納糧之處迅即奏明辦理至移建之書院廢署基址及不在祀典之祠廟寺觀基址雖無不准置買之條惟曾經報官入冊之齊田尚不許私相售買則廢基遺址亦可類推矣查此項廢地究屬無多一旦弛禁准民承買恐徒飽吏胥之需索無補公家之度支如有勢惡土豪暗中侵佔應由該地方官按律懲辦以警刁頑 二十五年兩江總督劉坤一等奏江蘇省沿江沿海各屬沙地坍塌廢常利弊

叢雜前經部議定十年一丈蘇屬自上屆清丈後至今已歷十餘年各屬沙洲林立新漲漲地甚多徒爲沙棍蠶役隱射竊佔從中婪索當此時局艱危度支既乏如此正供鉅款豈容奸蠹隱欺辦理清丈實爲當務之急先經札委候補道錢志澄會同蘇藩司蘇緝契酌議章程詳辦去後茲據該司道會詳參照上年成案議定章程以清理漲坍爲第一關鍵漲者卽令補繳價息准其承買給照執業坍者卽予勘明請豁免賠糧之累並將控爭漲灘各案由縣委各員逐一勘訊斷結其有舊額田地變成膏腴者分別轉漕以杜避重就輕之弊員董差役薪工等費概動公項不准向沙民索取分文以免擾累詳請核示前來查核該司道所擬章程洵足以除積弊而恤民隱實於國計民生兩有裨益

二十六年兩江總督劉坤一奏蘇州府屬新陽縣轄境地廣人稀承平已三十餘年尚有荒蕪額田約十萬畝無人耕種奸民任意私佔又不完糧不願有人開墾光緒十五年曾有客民私墾未經報官議章旋因土客不和經前護撫黃彭年飭派印委會同驅逐附片奏明有案迄今又閱十年田荒如故地利未闢殊爲可惜見值清理田賦之際又疊奉諭旨飭辦墾荒未便因噎廢食聽其荒棄查定例各省實在可墾荒田無論土著流寓俱准報墾取結給照限年升科等語今新陽縣前項荒田既屬實在可墾自應查照定例酌議章程由官設局辦理以裕正賦擬查明多年未徵錢糧並無執有契串業戶是爲無主之荒一律作爲官田招集良善客民認領墾種酌分田地場三等上等繳價錢二千文中等一千五百文下等一千文名爲繫腳錢庶免旋墾旋拖取具保結備價繳縣核明填給印照准其作爲己業專立戶冊畝册照蘇省新章三年後起徵並聽其轉售過戶此等額田拋荒非開荒者可比三年內分等薄收租息由縣催繳撥充公用不准土民於客民墾熟後爭奪其有主荒田既不耕種又不完糧亦應勒限報明卽自墾逾限不報不墾入官招墾如敢滋生事端不論土著客民卽行嚴辦

三十年盛京將軍增祺等奏全園事件辦竣所有奏定章程十條謹分晰陳之一定章以廢領開荒山場折補有照無地之戶查前局驗收無地之照及此次

補報驗收者共二百六十三張計應撥地三百方有奇當將各園丈出無主荒地及廢領山場按照填畝數均勻搭配繕發撥備當堂墾撥派員領赴地所見地卽領者固多而閒有嫌地瘠薄不領又不肯領回原價者亦不少計先後墾簽五次始撥補完竣放贖之地亦陸續丈放一私墾山荒貧民見有准領章程均各備價聽候丈放其無主山場皆依次放竣一定章樹川每畝作價四兩已收銀三十一萬兩需樹川地三百餘方始敷撥放惟西流樹川閱時已久斬伐殆盡恐有不敷擬以東流樹川移撥據局呈報已丈各園外尙餘地一百四十四方零十九畝三分查放贖樹川地多在山脊定價既昂招領非易擬飭西豐西安兩縣嚴禁樵採妥爲看守俟培養數年再行勘辦其東流樹川應請勿庸移撥一西豐西安兩縣城基除已交荒價領有執照及臨丈報領每畝收價二兩均照章撥放外計西豐尙餘基地四百三十三畝六分三釐按尙餘城基地一百八十七畝零或地稍荒僻不近市廛或地屬下溼不堪建造承領無人擬請仍作兩縣官地准其招佃議租以爲歲修城垣衙署等項之費年終册報一定章城鎮基每畝收荒價銀二十兩查考虎嘴子墩手堆子房木溝等鎮基除有指領執照各戶照章撥放外所餘基地無人報領緣考虎嘴子墩手堆子房木溝等鎮子均隸西安縣距縣較近木溝隸西豐縣地非通衢竊恐難成鎮市久且與正段無殊但比尋常正段較爲膏腴自應變通損益每畝酌收荒價銀六兩見已一律招領完竣一定章珠湖園上等地畝收價四兩中等三兩不及中等二兩除原領二十七方外餘均遵章丈放惟該園山荒按章上中等無甚區別今量爲變通上等山荒實係膏腴者提歸正段分等收價其餘山荒一律作爲中等每畝收價一兩至下等雜墾留作樵採牧養之地自應照章嚴禁私墾以歸畫一一定章西豐西安兩縣學田由珠湖園租地內酌提茲准原佃報領未便多留僅由該園留土等正段地五方爲西豐縣學田可墾山荒五分劈分兩縣學田各半其西安縣學田由扎拉前阿林園撥給正段地五方分飭各該縣招佃議租仍收租項用款年終册報一各園地戶弊竇百出竟有定章所未較者不得不隨時推廣如得地失照有地無照之外又有以彼園執照

私佔此園地所之戶既係私佔自應撤地而地已開墾未便遷撤於是酌定徵價接算之法照每畝一兩二錢章程除已交荒價三錢三分外每畝補交銀八錢七分仍准承辦既不沒其開墾之勞亦足杜其私佔之弊一園地既經合放領戶益多佃戶亦衆當遵章分別園地之大小各留義地飭兩縣論各園鄉保經理俾寄籍之人可資安葬一全園地畝利葛新舊各案結版一清百姓得安本業一前將軍依克唐阿奏請弛禁園場稱八十五園仍可開田五百萬餘畝蓋兼指東西流水而言今西流四十五園內除不堪耕種山荒照章留作樵牧外共得山場城鎮基草甸等項地二百九十八萬五千餘畝核與開辦約計之數有盈無絀一各項地價經費約共總收銀一百萬兩有奇自廷杰上年開辦日起本年報竣日止已收銀八十七萬四千四百九十九兩七錢五分四釐經才增賦提用銀四十九萬九千三百八十九兩七錢六分五釐餘款分存股實號商未放之款俟行局收竣再行奏報見在時局艱危釐稅來源已絕幸賴此款挹注擬請掃數截留一西豐西安兩縣應徵錢糧以此次所丈各項畝數爲定除學田義地官舍等項免徵外其餘統按正額二分耗羨一分計之每歲又徵正額銀五萬九千餘兩耗羨銀二萬九千五百餘兩惟園地有未經開墾之處仍應照章三年升課又有五年升課之草甸是以應徵錢糧俟清冊造齊再行咨部立案

三十一年奉天將軍趙爾巽奏遵辦奉天墾務略稱奉省近年內則辦大凌河東西流水諸荒外則辦科爾沁札薩克圖鎮國公兩蒙荒非特荒租等項共救匱乏且殖民實邊尤固圍之長策前墾務大臣廷杰擬辦清理地畝及丈放錦州河淤等地二十二處均經先後會同奏邀 聖鑒 廷杰見將奉省墾務通籌辦法一曰先辦錦屬官莊奉省見墾各地有隸園牧者有係王公勳舊莊廠者有係八旗官地及民人產業者見期一律清查官中文冊已非齊全民開契據更多散失惟戶部內務府莊頭等地積弊日深自應及早清釐即先從此入手俟該處官糧莊頭等地辦清推及他處一曰丈放錦屬海退河淤及各處滋生地畝前會同廷杰將該二十二處奏請全數丈放以杜侵欺數月以來各委

員經丈所報不及十分之一擬飭趕於明年春耕以前逐一丈清以正經界而溶餉源此外如查有各處滋生荒熟之地亦飭一律丈辦一曰勸辦蒙荒奉天蒙荒除已放各旗外未放之地以科爾沁右翼圖什業圖旗爲最鉅委員馳往該旗妥爲勸辦見據報該旗親王率同全旗官員願將東界開荒出放北自茂改吐等山南至德勒勒四台吉巴冷西拉等處南北長三百六十里東西寬一百四十里計得毛荒六十四萬八千响該蒙旗呈報大段開荒爲各旗倡允稱忠於爲國已札行嘉勉擬另行奏請 獎勵其自遼源州至新設洮南府界中更科爾沁右翼達爾漢王旗地二百餘里皆係荒地並無旅店民戶於接遞文報查緝盜賊惠恤商旅均多阻礙擬飭該旗將此段荒地報放或酌放道旁站地以收戢匪安民之效札薩克圖旗亦查有可放荒段他若博多勒噶台各土旗併飭查明開荒分別勸導以濟利源一曰振興農政奉省天府上腴內地北省所不及而治田無法積歉聽天坐擁東西遼河大凌河諸川竟無涓滴水利如採用各國機器治田及內地引渠灌地諸法總可使收穫加豐旱荒有備見已派委員隨同出洋考察政治大臣於赴歐之便詳詢農工考察機器以資試驗并飭各屬先就小河枝水試辦聚渠諸法統俟辦理有效再行上陳見在時局日艱民生重困就奉事論農墾諸端尤爲當務之急惟有詳加體察殫力經營冀副重農利民之本意

三十二年署黑龍江將軍程德全奏放蒙荒略稱查郭爾羅斯後旗已經商允出放荒地上年勸丈完竣奏報在案惟該蒙幅員廣闊水陸交衝其西南直接嫩江松花江延袤四百餘里爲商船必由之路沿江一帶借安臺站其中餘荒亦多而該蒙及臺站丁戶素不講求農務遂置地利於不顧近年哈爾濱開通商埠俄人輪舟往來幾於反客爲主憂時者咸謂外人必於該處開拓商埠擴張利權當經咨商該蒙旗迄今未准咨覆茲飭裁缺署呼蘭副都統都爾蘇赴郭爾羅斯後旗勘放沿江荒地飭令選擇沿江緊要處所丈放街基創設商埠並將該處餘荒一律推放仍照定章與蒙分租如該蒙固執舊習亦飭都爾蘇會同見署札薩克阿敏薩克奇曉以時勢迫切並加價均沾利益各情該蒙當

無不樂從應請 飭下理藩院轉行該蒙遵照不得稍事阻撓

又奏墨爾根城附近可有可墾荒地一段派員履勘土脈膏腴約有毛荒六十萬响之譜業經示諭在省收價仍按向章以三七折扣每實地一响徵收押租銀一兩四錢隨徵經費一錢一俟收有成數即行前往設局開辦

三十三年 諒理藩部奏據情代奏請旨一摺據稱吐魯番扎薩克回子郡王業明和卓呈稱旗屬田賦歸縣收取無以糊口等語究竟該旗田賦數目已否畫清有無變損該回部生計之處著聯魁確切查明據實具奏

又熱河都統廷杰奏勘丈巴林蒙荒可墾之地約二千頃請飭部頒發執照二千張允之

又奏勘丈昭烏達盟阿魯科沁東西扎魯特三旗蒙荒計可耕之地八千餘頃請頒發空白地照五千張允之

三十四年東三省總督徐世昌等奏丈放郭爾羅斯沿江荒地略稱郭爾羅斯後旗松花江北岸一帶與吉林僅隔一水為商船必由之路亟宜開拓商墾墾闢餘荒經臣德全於三十二年春與該旗扎薩克反覆磋商始允照辦當經奏派前署呼蘭裁缺副都統都爾蘇前往沿江地方踏看衝要處所以為開墾基礎並將餘荒一律推放又附片奏明仍照向章除每响應收押租銀二兩一錢外另加收銀三兩一半分給該蒙一半充作學堂經費等因在案維時領戶遞呈請領者紛至沓來不逾月收進銀二十餘萬兩是年秋間都爾蘇旋省尚未到段又復續收銀三十餘萬兩計前後共收押租經費銀六十餘萬兩當飭帶同局員赴段勘丈旋據報稱沿江一帶如澆州信宿岡子并肇州廳城南西留基地三段均堪留備開墾之用其沿江附近地方除上年奏報放給該旗蓮花池老虎背等九井外餘無餘荒可放遂商蒙員於該段地北鐵道池西前主事慶山所放荒界毗連處函出數十井架簽出放棄領戶并非沿江紛紛呈請退價當經反復開導許以段內所有城甸必於勘丈小界時分別辦理總以蒙民兩得其平為宗旨正核辦開墾適有人奏參都爾蘇放棄荒有漁利營私情弊奉旨飭查當經委員查明先行覆奏並陳明實不願領之戶業經發還荒價二

十餘萬兩等語一面委員前往接辦并飭詳查沿江一帶是否有地可撥並將前次留商墾基地內應擇要畫留處所稟明核辦茲據報稱察沿江一帶除蒙旗前領蓮花池等處九井其餘皆係沙窪之地蒙領戶不知蒙旗價領在前堅以沿江為請不欲承領北段該總理復於蒙旗村屯附近周歷踏勘蒙台吉聖留生計未便強以所難經該總理商之領戶開導蒙員曉以大義總宜另商若干俾資分配磋商數月始據該旗派辦荒務之丹畢扎拉森商允蒙情願將前次價領沿江之蓮花池老虎背等處九井退出俾資搭放復於該旗扎薩克府附近三道岡子一帶及西段河神口子等處另撥九井以抵補蒙旗原領之數彼時民間尚復觀望嗣據該蒙自願另行價領荒地兩萬九千餘响即於應墾荒價內扣算以為倡導見均商妥畫定加以民戶又復續領統計前後共放毛荒十三萬零一百七十九响零一分零八毫扣七成地九萬一千一百二十五响三畝零七釐五毫六絲每响按二兩一錢又每响加收三兩共收銀四十六萬四千七百三十九兩零六分八釐五毫五絲六忽內除應劈給該蒙旗一半押租並加收銀亦照原奏劈分一半外公家應得一半押租暨加收銀共二十三萬二千三百六十九兩五錢三分四釐二毫七絲八忽又隨徵一五經費銀六萬九千七百一十兩零八錢六分零二毫八絲三忽四微又由蒙旗應劈押租數內照章提取經費一萬一千零六十五兩二錢一分五釐九毫一絲八忽統計公家收進押租經費等項銀三十三萬三千一百四十五兩六錢一分零四毫七絲九忽四微所放荒地應請自光緒三十四年起限至三十九年升科其前留三處商墾基地惟信宿岡子一處水陸交衝且東距新設之肇州廳東南距哈爾濱均可聯為一氣餘均一律出放等情呈請奏報前來臣等覆核無異惟查該旗原領之蓮花池等處九井前經奏報於三十三年起限三十八年起科見在未開墾又復改撥民戶自應與新撥蒙旗之三道岡子等處九井一律改自三十四年起限至三十九年升科以昭核實而示體恤又會奏扎薩克圖郡王以全旗地產抵借俄債酌擬償還辦法略稱查該郡王烏泰不顧利害擅借外債至數十萬兩之多並以全旗路礦牲畜作抵荒謬已

極自應嚴加懲治惟推其致此之由始因該郡王與爵紳訟致有債累繼因開荒被控又借京債復由各債主盈剝重利積算至今子過於母最多者幾至三十餘倍俄人暗以重資藉為將來要挾之計但蒙旗雖屬藩封論國際之法則各札薩克應受藩屬之法律未嘗與各國明白宣示倘操之過蹇該郡王畏懼嚴譴乞援於俄一變而為國際交涉後事益難措手惟有乘該郡王畏罪餘誠之際為急進干涉之謀所借俄債約共四十萬兩由 國家代為歸還既藉以固我主權且即為經營蒙藩入手之基礎第需款數十萬兩亦未便虛擲巨資毫無辦法且恐該郡王故智復萌因以為利是寬其既往不能不杜其將來此大撥給債款應一面照會有約各國嗣後不得與蒙藩自行交涉以合公法一面與該郡王約定將該旗應分得之地租一面由公家徵收並將北山餘地酌量出放即以該款歸還墊款如此則行政租稅之權盡操於我一旗辦成他旗得所懲勸自易就我範圍至代償之款擬由 臣等咨商度支部向大清銀行借銀四十萬兩將來即以該旗租賦路礦及開放北山荒地各項餘利先行儘數提還以歸墊全清日為止明知部款支絀惟此事實關大局東省周轉為難部 臣仰體時艱必能把握注茲尤為借箸一俟與大清銀行借定的款當派員先與道勝及達錫爾交涉將應還虛布一節磋商辦理並查明該旗所有租稅路礦代為干涉整理其北山餘地亦即陸續設法丈放以期早濟利源藉裕邊之計至所欠京債利逾於本者重利盤剝本干例禁應請 飭下理藩部將該郡王印據分別追銷取結完案並將嗣後各蒙旗借京債者如債主違例盤剝一經發覺即應取銷本利加等嚴懲蒙入理藩院則例以儆效尤一面通飭各蒙旗一體遵照

又會奏籌擬蒙務辦法綱要略稱籌畫大局必爭形勢洸南一府既為哲里木北部隕區而吉省之伯都訥亦當蒙邊之重鎮運輸要津有松花江嫩江兩水所會流東北交錯此為中樞至於奉省邊門為蒙貨入關要道將來敷設鐵路開拓蒙旗則法庫門為根據地彩和新甸及臥虎屯蒙荒必須開辦入手措施當有依據則遼源州為要點均擬分設機關互相策應夫拓殖以交通為首要蒙旗舊站廢弛不修今既以洸南伯都訥法庫門遼源州等處分駐局所擬先於此數路分設驛站每五十里置驛長一員支配弁兵假以警務治理之權區畫方域建築旅舍站中之制附以郵車糧食轉輸文報傳遞皆其職務以次推廣普及全蒙斯築路移民之要政有所依據且移民之效在工築不有室廬何由安集查吉林府甯古塔三姓阿勒楚喀五常等地方產木之區凡數十處皆運自松花江而萃於伯都訥擬於該處設一工廠購機載鋸乘洸河水漲運入蒙地各路之購造鐵路之興修價廉工省便於取攜誠振業實民之要著也見放蒙荒僅願收價之資成並無墾植之計畫豈能易游牧之性變為膏腴擬仿普魯士之法設開拓移民評議員會收買大農地分割為小農地先擇新荒一段招致小農計口授地凡土質惡事悉教導之牛犁籽種土木工築均以官力維持而轉輸征調尤貴敏捷擬於各該處先行安設電報鐵路所經悉循站道巡護之事即以資之驛兵蒙俗以貨易貨本無錢幣內地所販私錢幾無價值其受制於羌帖手票者尤為把持商價包攬債權擬於南北交通之區設立轉運公司為各站旅店商棧之總部對於銀號有聯合之機對於各站有周轉之責他若分撥軍隊以防匪患添設官吏以衛民居敷設輕軌以便運輸開辦實業以拓權利皆須擇要設施然此第舉大綱就目前人力所能及者急起圖之若夫包舉之略拓殖之謀則必以大支幹路為起點若由奉省貫蒙旗以達江省指臂靈通百事斯集然而開辦之費約需二百萬經常之費約需八十萬東省財力既不能支庫帑匱乏內外一致若以款純姑置後圖是徒有經畫之名毫無實行之策恐外人從而生心其於籌辦蒙務之事調查既清進取逾力藉煽惑而行強迫因干涉而起齟齬貧弱貪愚之蒙旗不盡入外人之範圍不止時勢相逼有進無已度支雖匱理無中較此固 臣等應擔之責任而尤為中外應挾全力以圖謀者也奉 硃批著軍機大臣度支部會同東三省總督妥籌議奏

東三省政略紀開放荒地 自邊禁漸弛郭爾羅斯首旗首先招墾科爾沁左翼諸旗繼之嗣後北部諸蒙或因近接鐵路預防侵佔或因公私債項挹

注償還先由三省將軍遣員丈放各旗辦法互有異同綜其大概厥分二種一曰蒙旗招墾一曰官局丈放蒙旗招墾者科爾沁左翼三旗郭爾羅斯前旗是也嘉慶五年理藩院奏准郭爾羅斯長春堡地方民人開墾地畝宜設通判以理民事其收取租息令蒙古自行收取無庸官爲經理十七年又定科爾沁左翼後旗昌圖額爾克地方准其招民開墾每年征收租息賞給該郡王一半餘照郭爾羅斯種地之例合計該旗台吉官員兵丁戶口數目均勻賞給其官局丈放者則始於扎賚特旗踵而行之者科爾沁右翼三旗及杜爾伯特後郭爾羅斯諸旗是也收入押租銀兩國家與蒙旗各分其半將來墾熟升科每响例納歲租中錢六百六十文以二百四十文歸國家四百二十文歸蒙旗並於荒段適中之地酌留鎮基以爲設立市鎮之備通計蒙境已放之地不下十萬方里近邊一帶暨沿鐵道嫩江兩旁大半開闢其餘各地多屬荒蕪雖因土質不齊交通梗塞亦以歷年放荒辦理不善之故嗣後宗旨愈歧視爲利路荒務收歛列入歲計各處荒局途但顧收價之責成丈放之迅速於拓殖事業毫不關懷放舉撤局領戶之能墾與否均非所知由是奸商承攬龍斷把持包領售賣意爲上下獲利動餘倍蓰所餘瘠瘠棄而不顧草萊遍地盜賊資之地卽有主或且輾轉易人益無以善其後且蒙民愚情動作無恆飽煖之餘倦於再墾故有一戶所領墾熟不及二三或已墾復荒甘自棄地而沙漠之地天時地利均有所限開闢雨暘不時一歲歛收則逾年播種之資且有難給是以負賴而來者往往輟耕而去前者墾覆後者裹足荒務因無起色實邊之策事與心違欲收實益非力別從前積弊不可而全盟之大尤必得二三大農極力維持方可有濟蓋大農資本既雄範圍斯大農業應興之事無不可以勇爲營作得宜趨尙以變民生邊計均有裨補矣

又紀清丈吉林六旗馬廠官地 開國之初吉林八旗各給荒場一區作收養官馬練習騎射之用嘉慶間將此項馬匹陸續裁撤其原撥荒場始准招佃開墾按响輸租所收租賦厥名有二曰糧租曰錢租糧租者爲正紅廂紅

兩旗地內所從出即舊名二旗馬廠也按年輸納官倉抵充文職廩糧並在官人役工食之用錢租者爲廂黃正黃正白廂白正藍廂藍各地內所從出即舊名六旗馬廠也按年照額徵收抵充十旗制兵一切犒賞之用綜計此項馬廠官地畝數實有數倍於租額者時隔多年從未議及清丈見在時艱款絀籌措維艱各該佃丁受國厚恩當知有所報稱是以將各該馬廠舊有地畝仍按原分等則無論熟地夾荒牧場山林一律派員勘丈實實輸租擬定章程六條先行出示曉諭俾衆週知至將來能丈出浮多地畝若干應否一律加租以及一切未盡事宜自應隨時斟酌辦理以清弊源而裕租賦俟將此項地畝勘丈完竣卽行續勘二旗馬廠地畝以期無偏無倚已飭旗務處核擬規例實行試辦矣

又紀吉林墾務 吉林膏腴沃壤爲東三省冠惟地處極邊幅員遼闊榛蕪未闢遺利尙多從前旗民地畝原係自佔名之曰佔山戶旗地向不升科民地分上中下新四則按畝升科銀米並徵成同以後迄於光緒初年續放各處荒地則又按响徵納大小租賦銀錢兩收賦制混淆無從究詰庚子亂後帑項奇絀於此而欲疏濬財源自當以清賦放荒爲第一要義光緒二十八年春前將軍長順奏請清賦升科放荒招墾蓋欲興地利儲餉源並以廓清全省賦制法至善也先在省城設立清賦荒務總局次及伯都納五常賓州雙城延吉伊通敦化阿拉楚喀退博拉法兩站拉林等處各設分局一所以專責成他如蜂蜜山招墾局濛江墾務局亦皆陸續籌辦其三姓墾務歸副都統衙門兼理第頭緒紛繁開辦未久日俄構兵盜賊四起戰綫以內及客軍征進經過地方民皆避流離失所是以前將軍富順奏請將清賦升科兩項暫行停辦專事放荒旋經戶部議駁及前將軍達桂接辦荒務又因銀米兼徵地畝賦則過重且二百年來從未清理經界湮沒等則難分奏請查照各屬荒地徵租章程無論原則計畝計响徵銀徵錢概行改作按响徵納大小租銀一錢九分八釐俾通省田賦咸歸一律吉省清賦放荒開辦迄今歷任將軍往返奏咨道途梗阻歲月遷延未能速竟全功自改設行省銳意

實邊隨將荒務總局併歸新設勸業道管轄以勸督開墾爲宗旨以振興實業爲要圖其有兩造控爭糾葛難結之地或判歸巡警或歸學堂既實以舉辦新政復藉以消弭訟端而於清賦升科等事迭經出示嚴催勒令勸辦以期速收效果比年以來業將辦過旗民地畝分起奏報各分局一律裁撤總局荒賦等事亦將辦竣督催在事人員辦理文卷冊籍鈎稽核對彙寄造報惟沿邊一帶墾務尙須通盤籌畫如別開臨江大通密山濛江等處既先後設有府州縣各缺應即改歸地方衙門兼辦而峰蠻山一帶通處強鄰因鑒於混同江東二千里之地徒以不事開墾終爲俄人竊據派專員籌辦密山墾務所擬辦法均參照各國殖民政策因地制宜嗣後逐漸擴充徐圖進步或移民以固邊防或募軍以資屯墾或官商分辦以期易於集事庶幾生聚日繁利源日闢矣

又紀黑龍江墾務 黑龍江僻居北鄙地廣而腴自西徂東數千里處處與俄接壤且轄蒙古扎賚特杜爾伯特郭爾羅斯諸部落強鄰迫其外藩屬介其間而荒蕪彌望榛荒未闢雍正乾隆開始於黑龍江呼蘭墨爾根齊齊哈爾等處設立官莊屯田實爲邊境興屯嚆矢其餘封禁如故咸豐十一年將軍特普欽乃奏仿吉林夾信滿章程於今呼蘭所屬蒙古爾山等處建設旗丁屯田是爲弛禁放荒之始未幾通肯一段旋弛旋禁光緒二十一年 特簡大臣延茂來江創辦屯墾其宗旨爲安插旗屯起見而旗丁不諳耕作招民代墾轉運莫可究詰二十九年署齊齊哈爾副都統程德全辦理荒務乃會同將軍達桂陳請變章力主旗民兼放之策於是荒務乃泮然興起不數年成效大著惟各戶領地以後率以開荒費鉅仍付榛蕪自改設行省乃與署江撫程德全考其山川按其圖記以爲江省居東北屏蔽非大興屯墾不足以固邊圉矧俄人經營遠東不遺餘力黑龍江左畔鱗腥穢壤糜麥如雲且時有越境竊墾之事失今不圖噫齊何及願墾民易而籌款難以經濟困難之江省財力必不能及然舍是別無固強之理則惟以節糜費求實際爲主義乎慮農力之未逮也則購置火犁以貸民力恐旅行之不易也則減

免輪費以利通行而又悉招戶之維艱收效之難速也則酌復違犯舊例編入農籍撥地責墾以爲之倡上年署巡撫周樹模來江益以推廣屯田爲實行萬兵於農之計其一在扎賚特境內選擇地段建置倉舍就各省各鎮退伍兵丁自願爲農者給地認墾凡種地牛糧籽種各費悉由官家墊辦分年繳還一轉移間上下交受其益其一在呼倫貝爾沿邊一千五百餘里安設卡倫二十餘處每卡以十名巡查邊境二十名開墾荒田庶講武務農有資而理祇以其地與愛理與東等處國界所係廣博無垠非移無數人民終難與鄰封相雄長故復另定派員招民辦法奏請變通辦理惟是江省墾務其宗旨在於實邊故安插墾難戶及呼倫貝爾邊界則歸入邊務編輯扎賚特專以開墾疆則歸入蒙務編輯鐵山包專以置旗戶則歸入旗務編輯此編不復再述

又紀郭爾羅斯前旗債務及開放餘荒始末 東三省所轄哲里木盟屬於吉林行省者惟前郭爾羅斯一旗其地當松花江伊通河流域地勢平坦湖望膏腴乾隆中直隸山東人出關就食漸事墾種五十六年蒙公恭格拉布坦奏明開放荒地嘉慶四年吉林將軍秀林奏准借地安民嗣後設民官置長春廳光緒十五年升廳治爲府析北境置農安縣該旗南部開闢殆盡地當奉天吉林黑龍江中點開放較他旗爲先商賈輻輳遂成三省一大都會然地當三省孔道供億較各旗獨多故債累爲各旗所未有咸同之際用兵東南徵調黑龍江兵過境連年供給本旗從征官兵置備餉械復多耗費悉以重利貸諸商人而浪濫侵蝕又爲蒙旗習慣歷年既久本利環生新舊重疊竟無自脫之策光緒二十八年扎薩克公奇默特色木丕勒以積欠銀三十餘萬兩市錢八十餘萬串告吉林將軍長順並述負債本末請設法代還將軍允之先諭令放債各商號停利候辦飭長春府農安縣權代徵收該旗地租並派員清查積欠確數計所欠養正書院公議會及各商號等本利銀三十八萬九千餘兩錢七十二萬六千餘兩分別等次折扣成數利輕者如數清還近借利輕者八成歸還還借利重者五成歸還將農安縣所收

荒價銀五六十萬串長春府代征二十八年租賦銀二十萬串儘行抵欠不敷銀八九十萬串先由官帖局墊付於代征租賦項下按年陸續扣償俟六  
年後官帖局墊付清還租賦仍歸本旗自征所有各債清還之後借券按名  
收回其早年漏抽借券並無賬目者一概註銷該旗荒地既大半墾闢除蒙  
衆自留生計外尚有餘荒三處一曰烏拉衙門隱匿之荒附近長春府沐德  
鄉沿松花江楊家灣老道通等處荒地是也一曰長嶺子荒地見在長嶺縣  
設治區域是也一曰塔呼荒地長春府界東北塔呼一帶是也光緒三十年  
吉林將軍達桂以塔呼一帶荒地爲奉吉江三省往來通衢幅員廣闊盜賊  
出沒擾害治安非如數開放無以綏民蒙而興地利咨商該旗而該旗以此  
處地段業經蒙衆開墾成熟否復另將農安縣屬境新安鎮界外毗連達爾  
漢王旗長嶺子一帶東西寬六十餘里南北長一百餘里荒地約毛荒三十  
萬响指請開放以抵補塔呼荒段乃派員設局勘放援照奉天成案辦理於  
三十三年四月奏准是年八月置設治委員於長嶺縣三十四年二月飭農  
安長嶺兩縣實定界址於是該旗境內開闢荒地有一府二縣之廣博矣所  
屬松花江岸一帶荒地烏拉衙門私墾有年當時亦有爭執時代既遠漸忘  
其事該旗且不知爲本有之地烏拉衙門得專其利然與衙門原有魚丁及  
瞭網官地並不聯屬至是長春府紳民李守田等呈請以烏拉衙門隱匿蒙  
荒招放收價辦理長春圍屬學堂已飭提學司使查覆辦理  
又紀開放達爾漢旗地段及關於哲里木十旗之計畫說略 科爾沁左翼  
中旗即達爾漢和碩親王旗牧地跨東西遼河東南至吉林邊牆西北盡內  
興安嶺地勢斜長面積約六十萬方里占哲里木全盟十分之二道光元年  
按照長春之例開放東遼河近邊一帶荒地安插民墾初隸昌圖廳設八家  
鎮經歷分治之光緒三年設懷德縣治移經歷於康家屯並設奉化縣治於  
梨樹城六年以康家屯改設康平縣改經歷爲主簿分防鄭家屯二十八年  
以鄭家屯改設遼源州治移主簿於康平縣屬後新秋地方共計放荒設治  
區域寬廣約僅二百餘里此外廣漠無垠荒曠不治其地橫梗中部實爲全

盟交通之障礙見擬開放由遼源州通北南府站路一段以資聯貫歷經前  
任將軍等商辦該王旗屢以有礙游牧爲詞其實蒙戶早經遷入西部及新  
遼河以南是爲王府附近蒙屯最多擬開站荒於該旗無其妨礙  
科爾沁左翼前旗即賓圖多羅郡王旗牧地當奉天法庫邊門外其西境在  
國初時獻爲養息牧場故本部幅員最狹地近邊牆早經招墾除王府地  
北地多沙磧留爲蒙壯游牧外其南境一律墾熟隸奉天康平縣法庫廳轄  
境科爾沁左翼後旗即博多勒噶台親王游牧地當威遠堡邊門外跨遼河  
兩岸地質多屬膏腴自嘉慶道光以來奏明放荒漸次開闢民物殷富風氣  
早已開通生計最饒實爲十旗之冠初設昌圖廳通判尋改同知光緒三年  
前將軍崇厚奏升爲府並設照磨於八面城迨康平遼源先後設治析西北  
一帶蒙境隸之三十二年增設同知於同江口重河防也科爾沁右翼中旗  
即圖什業圖和碩親王旗牧地東界扎薩克圖旗西界達爾漢旗其西北境  
留爲台壯游牧東境於光緒三十一年經前將軍趙爾巽奏請放荒設局招  
墾見因達爾漢旗站道未開領戶不前尚未報竣已放之地酌設體泉開化  
二鎮體泉一帶土脈腴潤漸次開闢擬設體泉縣治經臣奏明添派設治委  
員試辦一切事宜科爾沁右翼前旗即扎薩克圖多斯郡王旗牧地西界圖  
什業圖旗東界鎮國公旗光緒二十八年前將軍增祺奏請放荒三十年於  
洮兒河南設洮南府暨開通靖安二縣又設乾安鎮分駐照磨該府地當衝  
要適扼中樞本爲三省之奧區亦即蒙疆之重鎮殖民經武在所必爭日俄  
均勢之界綫共視洮南與長春遙遙相對是以外人游歷測繪絡繹而來該  
旗郡王烏泰欠積俄債私立印據契約以全旗土地礦產抵押經臣等從查  
奏明代向大清銀行息借款三十萬兩派員與俄人磋商償還取銷印據並  
由該王旗指明展放北山荒地收價抵補借款在案科爾沁右翼後旗即鎮  
國公旗牧地東界扎薩特旗西界扎薩克圖旗其洮兒河以南之地於光緒  
三十一年經前將軍增祺奏請放荒三十一年趙爾巽奏設安廣縣治隸洮  
南府三十四年經臣等奏請續放河北荒一百餘里尙未報竣公府由洮兒



河南移居北部所留本旗台壯游牧之地該公喇喜敏珠爾情殷報效素明大體又願請展放荒段由洮南赴齊齊哈爾大道迤南一帶西北自哈沙圖站起東北至阿勒坦克呼蘇特依站止約長四十里寬八十里此處係驛站要道開墾之後可與扎賚特地已墾地方聯爲一氣

扎賚特旗爲多羅貝勒牧地當嫩江右岸西界鎮國公旗南界郭爾羅斯公前旗北盡索倫圍場川隰交紛兼有農林漁澤之利惟緯度偏北氣候較寒而江河流域時有水患未免引爲缺憾其放荒區域洮兒河嫩江匯流之處爲一段綽爾河近岸爲一段瑚爾達河爲一段均經前黑龍江將軍恩澤達桂等先後奏請開放光緒三十年達桂奏設大資廳並設塔子城經歷景星鎮巡檢<sub>臣</sub>等又於嫩江沿岸哈刺和碩等地方與辦屯墾以資振興該旗台壯均居西北一帶即嫩江沿岸亦尚有自留墾地其月亮泡之漁業尤爲本旗歲入大宗之款

杜爾伯特旗爲固山貝子牧地當嫩江左岸南界郭爾羅斯前旗東清鐵路貫其中部放荒區域均沿江岸經前黑龍江將軍達桂程德全等先後奏請開放三十二年程德全奏設安達廳並分省屬墾地裒益廳境其沿鐵道兩旁爲東清公司佔用甚多經<sub>臣</sub>等改定鐵路合同內議明限制租用地畝收回不少尙須與該旗另籌辦法從事墾闢以保治權並擬於鐵道迤南設武興廳迤北設林甸縣以綏輯之林甸迤近鐵路事務較重擬即時建置武興墾闢無多暫請緩設均經奏准在案

郭爾羅斯前旗爲鎮國公旗牧地跨松花江兩岸乾隆年間始開邊禁借地養民嘉慶五年設長春理事通判旋改同知實爲蒙疆移民之始長春一屬租賦悉爲該公旗歲入歷百餘年民蒙相安風化文物等於內地光緒十四年吉林將軍希元以長春爲吉奉孔道省城西北門戶奏請升廳爲府並分設農安縣治移原設照磨於朱家城子增設新安鎮主簿三十三年展放長嶺子荒經<sub>臣</sub>等奏設長嶺縣治見荒務尙未告竣該地接達爾漢旗未放荒界蒙匪越境竄擾墾戶行旅相率裹足此項站荒不開則蒙旗顯分畛域

遇有剿捕事宜三省巡防軍隊疲於奔馳實不足以輯地方而清盜源也郭爾羅斯後旗爲輔國公旗牧地嫩江界其西松花江繞其南東清鐵道經其東實爲水陸交通之地與哈爾濱僅隔一江舟車所至俄人蹤迹甚密從前放漢旗喇嘛色丹巴勒珠爾因索債押荒一案句結俄商借款摺立公司在旗開墾前黑龍江將軍程德全嚴查辦去年始將俄人交涉議結經<sub>臣</sub>等設法償還俄債十七萬盧布收回火犁取銷約據該旗債務轉轉甚多見在逐案清釐俾得防微杜漸其鐵路兩旁荒地及沿江各荒均經先後開放報竣並於光緒三十二年經程德全奏設肇州廳又設肇東廳分駐昌五城以資治理

皇朝續文獻通考卷十八

田賦考十八 官田

宣統元年東三省總督徐世昌奏陳籌辦達爾漢旗開通道路情形略稱蒙旗見狀外裔強鄰內安愚弱生計絕矣今該王猶以有關生計爲詞會亦思壯丁寥落牛馬不繁即論游牧已無生計可言 朝廷所代爲籌畫者何一非蒙民生計所關遠如西北各蒙特派大臣設局開墾錫林果勒昭烏達卓索圖等盟經察哈爾熱河都統奏請墾放招佃徵租蒙旗早已安享其成近如本盟各旗歷經奏明開放者十居其九近來墾務漸興蒙地牛馬之值歲有增益而放荒各旗王公則有歲租之進項台壯則除攤派之苛例生計淳興尤爲明效大驗臣維三省經營蒙荒招徠墾戶不惜歲糜國家帑項安民設治冀以固邊圍而杜覲覲該旗荒境橫斷全盟尤爲交通障礙是以歷任將軍督撫屢以開放爲言若以一隅阻塞致墮前功將治內防外之機關益覺無從措手謹將蒙旗危險情形必須開通該旗之關係及該王阻撓欺誣之處據要陳之洮南一府爲哲里木奧區當東三省衝要前奏設一府三縣原以外杆牧圍內拊全盟今道路不通孤懸絕塞工商裹足俸餉虛糜久之則居戶逃亡以斃繫之官處販脫之地其何能治蒙匪白音大來陶克洵之亂出沒各旗合三省兵力跟蹤追勦士卒傷亡軍實銷耗窮經年之力僅得平定良以道路梗滯人煙寥落賊有所資我無所藉而勞逸之勢殊也若聽其隔絕萬一內孽潛滋客匪攔入進勦則艱於轉運分駐則無所據依此治內之關係萬難延緩者也日俄兩國輒以誘惑蒙旗手段浸爲干涉主義協謀所及隱以洮兒河南北爲界東清南滿路線已包繞全盟東南北三面日人之測繪除徧科爾沁六旗匿居蒙屯與之相狎俄人則以鐵路之勢力據郭爾羅斯杜爾伯特札賚特各旗之門戶市易牲畜攬放利債而蒙旗於外人之利用則倍結驩心於 朝廷之政令則多方抗拒况日人南滿枝路之計畫適在我驛站界繞之中必將出遼源州而貫入該旗界內今道路不闢布置無從領土之權歸爲外人所據則事後更難措手此防外之關係萬難延緩者也臣前設蒙務局遣員分道實地調查而於該旗設站

置郵尤爲籌蒙之起點因果次遣人繪圖測量臣前次原奏所謂遼源州以北至邊昭止共計二百數十里並於沿路兩旁各畫十里從事墾放等語實已詳細履勘於該旗游牧生計毫無窒礙界內並無蒙民已墾之地將來墾熟收租應按照各旗蒙荒章程毋庸另籌辦法至該蒙王謂派放道路旗屬下人在是道者分爲東西兩段天下豈有無路之地分爲兩段遂不能設處無理阻撓莫此爲甚該蒙王又謂開散王貝勒貝子公台吉等屬下看守墳墓人等游牧之所均有關緊查達爾漢全旗牧地面積六十萬方里以所據地勢而論橫斷哲里木全盟今所畫站道方廣不過百五十分之一自臥虎屯以北地多沙城委同棄地既無水草亦非游牧必需之地又查該旗有公主墳在遼河之西北路當遼河之東既阻河流毫無關礙所畫十里之中如果有台壯居處自當照章酌予留界以示體恤且該地屬於開散多羅郡王分地居多該開散郡王尙明大義自願出荒前派員往勸采哈新甸抵債一案時曾以本府生計困難有指該旗白寺荒段及此項站荒報效之意因本旗札薩克協理等有意阻撓不肯代出印文無由上達轉懇設法出放前來臣以僅據該員一面之詞未便遽行入奏茲該札薩克親王那木濟勒色楞額尙以有礙開散王公等屬下游牧爲言部臣將該旗地圖詳查詢問該王亦未能逐一指明可見該王不察開散王公等艱苦不辦所管旗地方區域始終惑於管旗蒙員錮蔽抵塞之計肆意欺誣乃部臣既無可如何奏請仍由臣行知該王旗會同派員履勘該王必藉口於部文之未准率其協理章京等百計阻撓又何益哉臣非謂開通該旗道路即畢蒙之策也第以外誘潛滋內勢隔絕於治內防外之關係必將以便利交通爲入手辦法且以各旗荒地皆已陸續開放獨該王旗坐擁厚土尙斷於二百餘里有百利而無一害之驛站荒地使全盟大利國家遠猷均束縛蒙混於有關生計之一語阻撓大計百喙難辭惟有仰懇 天恩俯允勅放一面即由臣札行該旗派員勸辦期於蒙務有裨

又東三省總督徐世昌署理吉林巡撫陳昭常勸放吉林府屬零荒第二次奏報略稱吉省勸放零荒自光緒三十年起至三十三年止已於三十四年五

月第一次奏報在案茲據退摺拉法兩站雙城廳伊通州敦化縣延吉廳等五處荒務分局先後呈報勸明退摺拉法兩站雙城堡伊通州磐石縣敦化縣延吉廳綏芬甸子各屬界內自光緒三十一年起至三十四年止共放生荒三萬二千九百八十二畝九分共收荒價銀一十九萬二千四百八十三千一百三十二文又放熟荒八千九百三十六畝共收荒價銀一十二萬八千六百一十五千八百七十四文統計放生熟荒地四萬一千九百一十九畝四分九分共收荒價銀三十二萬一千零九十九千零六文如數撥交司庫收存所放生荒一項照章扣除三成房園井道按照七成納租予限五年扣至第六年一律升科熟荒均係當年升科照章每畝交納大租銀六百文歸於各該民署征解抵餉仍遵光緒三十年部咨開單報部免再造冊

又奏吉省清理田賦作為第四次升科略稱吉省旗民放荒前於光緒三十二三四年三次奏報在案茲據延吉廳伊通州敦化縣各屬荒務分局及綏芬廳同知和龍縣經歷先後呈報清丈大租地畝一律完竣統計延吉廳伊通州磐石縣敦化縣綏芬廳和龍縣六屬民戶封納大租原地二十二萬七千八百零三畝七分五分釐內共清出浮多地八萬三千五百八十畝零四分四釐均自清丈之年起照章交納租賦歸於各該民署征解抵餉仍遵部咨開單報部免再造冊

又度支部會奏議覆熱河都統奏西札魯特旗貝勒呈懇續撥荒地略稱查原奏內稱西札魯特貝勒多波齊以該鎮國公羅勒瑪扎布居住地方在報效荒地界內前經撥給荒地二頃不敷鄂博廟宇辦公等項之用請由荒地內再撥給二百頃所有應行歸公五成荒價即由該旗應分荒價內坐扣並請免其升科等語伏查光緒三十三年熱河都統廷杰奏丈放昭烏達盟等三旗摺內聲稱統計三旗可種之地八千餘頃酌擬章程上地每頃收荒價銀七十兩中地五十兩下地三十兩每荒價一兩另加一成五耗銀以爲辦公之用統限二年升科以給照之日起限上地一頃歲徵課銀四兩中地三兩下地二兩每銀一兩加徵耗銀一成請由部頒發空白照五千張以憑轉發填用等因經度支部

照數發給在案今據奏稱西札魯特旗前經撥給鎮國公羅勒瑪扎布荒地二頃不敷辦公請由報效荒地內再撥二百頃以爲鄂博廟宇等項之用度支部查報效荒荒本與徵賦納租之地不同該貝勒呈懇於羅勒瑪扎布居住地方報效界內續撥二百頃應行歸公五成荒價又於該貝勒應分全荒價內扣還則是於公款並無虧短而於該處鄂博廟宇暨辦公等項均有裨益自應准如所請照數撥給免其升科其所請續撥之地計上地一百二十頃中地四十頃下地四十頃按原定章程共合荒價銀一萬一千六百兩以五成計算合銀五千八百兩據稱由該旗應得荒價內扣還俟扣還時專案報部至前經撥給該公之地二頃檢查並無報部案據應令抄錄原案送部備查理藩院查此案既經熱河奏明嚴與墾務定章應得公款並無違礙又可資辦公自應准如所請免其升科以示體恤所有前經撥給該公之地二頃並未報部有案亦應令抄錄原案送部以備查核

又東三省總督徐世昌等奏上年奏陳酌籌本省旗丁生計摺內聲明將嫩江遼西省屬未經放出之荒酌留數段作為本省無地官兵生業在案旋據委員報稱共勘得可墾地兩萬二千餘畝若按原奏所定地數照撥不敷甚鉅所有報領未交荒價之地如再逾限不交擬即分別撤佃以補官兵生計之不足又奏續放札薩克鎮國公旗河北蒙荒變通章程

又熱河都統廷杰奏巴林旗報效各項蒙荒請酌減荒價展限升科略稱查巴林郡王札嘎爾貝子包丹那木吉勒旺寶前經報效及續行指撥枕頭溝等處可耕地段兩共五千頃當經邊員設局丈放旋據該局先後呈報共丈上中下等則正段荒地四千六百六十餘頃並勘留城鎮地基六十九頃餘其與烏珠穆沁旗毗連之哈達和碩一段雖已畫清界限尚未堆立鄂博未經清丈之地約有二百頃之譜是已丈未丈正段荒地合之原報頃數尙無出入茲又據報山沙各荒一律丈竣共三千二百四十餘頃核正段及山沙荒總共八千餘頃合之原報有增無減惟據報已放各則正段荒地城基地僅一千五百餘頃實因領戶擇地擇價致多觀望查奏定巴林墾章上則地每頃荒價銀八

8

十兩中則六十兩下則四十兩較東三省察哈爾及阿魯科爾沁三旗荒價爲數較多擬請每則每頃均遞減荒價十兩升科期限上則限一年展爲二年中下則限兩年展爲三年以廣招徠山沙各荒與酌留城鎮地基應如何分別等第定價招領原定章程尙未議及茲擬城基分等上每畝收銀四兩下等三兩鎮基上等畝收三兩下等二兩山荒酌分三等山坡平坦提作正段爲上上則地每頃收荒價銀二十兩其次作上等山荒每頃收十六兩又次作下等山荒與沙荒每頃各收銀十二兩經費照收惟所定各等山沙荒地招領更難除提作正段者限五年升科每畝徵銀一兩外餘請免其升科給予執照受業毋庸發給部照以昭簡便

又 諭貝勒載濤等奏 暢春園等處附近地方民種官地一律收回懇恩賞給銀兩以示體恤一摺著依議

又東三省總督錫良等奏吉省烏拉地方自康熙年間於城北峰營營等五屯分撥壯丁一百四十名每丁領地十五畝分給牛隻以資耕種遂稱爲五官牧場其地廣袤數十里經前將軍延茂准放荒招墾於是官民爭領訟十有餘年未能開放經前督撫徐世昌朱家寶批飭荒務局將此項地畝按照檢樹縣任克荷成案悉數歸公撥作省城及烏拉等處學堂經費以息爭端等語接准派員丈勘共有毛荒三千一百餘畝除撥各屯丁前報被淹廢地三百三十畝並民人等業已交價應領之荒四百畝外實有可墾荒地二千三百七十二畝分爲三等按段招墾薄取租值俟三年墾熟後每年約得租價吉市錢一萬九千餘吊充作學務經費其從前被淹地畝查係江水泛漲見在水涸地平原草長甚盛以之聚養牛隻頗宜經畫出一百一十畝按屯分撥作爲各屯牧場其餘二百二十畝均可耕種一併撥歸烏拉與領衙門經管就地取租以作公費惟此項地畝並非大段開荒既撥作學田應許免其升科

又奏清丈東流山荒擬按照西流園荒前案三七折放每十畝作七畝交價如原領十畝折爲一畝者再交六畝地價原領二畝者再交五畝地價原領三四五六扣者以此遞推原七八九扣者免再交價在此大重定章程以前業經交

價之浮多地畝未曾折扣者擬請寬予期限八年升科以昭平允未經交價之地既按三七折扣其升科年限應仍照定章辦理似此酌量變通實於國計民生兩有裨益

又直隸總督端方熱河都統廷杰奏查明寄居巴林蒙民委無強逼驅逐情事略稱如原奏內稱熱河昭烏達盟凡二日巴林日克什克騰兩旗之閒有地一段約二萬餘頃自咸豐同治年間兩旗互爭控於理藩院者至再嗣奉 朝旨仍准克什克騰民五百餘戶居住今巴林恃爲盟長將地呈請放墾驅逐此數百戶蒙民令徙居於黃岡梁烏博洛等處該處奇寒不毛勞難輕徙是以前次丈荒滋事經熱河都統派人彈壓令發給每戶銀二十五兩以爲遷徙之資一節查熱河昭烏達盟十一旗內巴林左右翼兩旗克什克騰一旗均隸巴林西界甘珠廟地方與克什克騰旗毗連蒙民遂有藉越至該處游牧者日聚日衆於嘉慶道光年間屢因爭界互控經理藩院咨行熱河都統督飭各該旗清查旗界奏奉 諭旨該地仍歸巴林寄居之克旗蒙民四百戶按年交租等因在案光緒三十三年巴林王札嘎爾巴林貝子包丹那木吉勒旺寶奏請報效蒙荒數處連甘珠廟地方報效在內當派員勘丈之時該克旗寄居蒙戶聚眾阻丈毆傷員役經 廷杰奏明委員會同昭烏達盟長阿魯科爾沁貝勒巴薩爾吉里迪所派蒙員切實查辦該三旗自行議定克旗蒙民願歸本旗安插巴林願按四百戶每戶資助遷費銀二十五兩共銀一萬兩由應得五成荒價項下撥給等情呈由 廷杰將一千人證提訊取結完案奏結在案查巴林王札嘎爾寶非昭烏達盟長其報效之地實丈得可墾之地共七千九百餘頃均奏報有案見在二萬餘頃乃謂巴林王依恃盟長強行驅逐自係傳聞之誤至於克旗地方較之巴林尤爲沃衍黃岡梁烏博洛等處與巴林地而僅隔土梁一道天時地利大致相同亦不致奇寒不毛難於遷徙又原奏內稱克旗蒙民生長巴林房屋什物俱在豈易輕離故土即云放墾亦可稍留游牧之所何必悉數驅逐且蒙民亦可按戶給田令與漢民雜處若巴林之苛虐如此是未來之生計未籌已有之生計已失一節查克旗蒙民四百餘戶自乾嘉以

後寄居巴林閱年雖久然俗安游牧至今不改朝西暮東逐水草而居並無一定處所原奏謂房屋什物俱在難離故土接諸口外游牧之風尙未盡合況巴林旗地已經報效開墾招徠領戶民蒙難處言語不通風俗殊異既多不便且墾牧并一處亦斷難利益均沾故凡報墾地內習於游牧之巴林蒙民見尙有自行陸續他徙實分片段爲各保生計之謀克旗寄蒙情形相同其本旗荒地甚多適於游牧尙不致因巴林報效七千餘頃之地失其生計今復給資遣回體恤寄蒙亦極周至若原奏按戶給田之議檢查原卷當寄蒙阻丈滋事之時曾據該三旗自行議定克民遷回本旗則給遷費銀一萬兩不遷則撥給地二百五十頃任其游牧迨經 奏提訊該克旗章京樂山等均願領銀而不願留地具有甘結見復提傳從前列案出結之章京樂山等面詢情形亦屬相同巴林旗實無恃強驅逐苛虐情事 等覆查巴林報效蒙荒丈放開墾并資遣寄蒙安插本旗各節迭經 奏明辦理見經委員會同查詢明確原爲墾牧兩裨彼此各安生計起見且係兩造樂從事極平允應請仍照奏結原案辦理至遷費銀一萬兩應由巴林應得五成荒價項下撥給因創辦之初該旗得價無多當由 奏墊發銀五千兩本以體恤寄蒙茲查克旗寄蒙四百八十二戶已領銀遷回者四百三十戶尙有未遷五十二戶據稱一律願遷惟懇將巴旗應續給遷費銀五千兩飭令發領等情查巴林墾務未竣巴旗應得荒價不敷續給見仍由 奏在於收存荒價內先行墊撥發交林西縣查收一面飭令昭烏達盟長派員前往會同按戶散放俾得一律遷回均沾實惠

又湖廣總督陳夔龍奏設後湖清丈局略稱後湖地畝未經設局以前及甫經設局之始輻輳之多勢如亂絲茲經竭力經營辦有成效目下地畝丈清十之八九而官淤官荒共清出二千四百餘畝之多尙有裏河淤地正在清理爲數當更不少將來開闢商場地租契稅之暢旺自在意中設局經費仍取諸後湖契稅之內並未另支公家一文而殖民與商斷從前無數之葛藤收後日無窮之倚賴實基於此

又吉林巡撫陳昭常奏勘放附近省垣教場官地招商價領開作街基分晰奏

報所收地價包租錢項又查明吉林新城伊通榆樹四府州縣應行升科地二萬三千六百餘畝由各衙門征租抵餉又勘放吉林新城榆樹拉林雙城五常各府廳縣生熟零荒畝徵收錢文數目並分定升科年限又續勘新城榆樹方正各府縣民戶原納大租地內清出浮多地畝請升科以濟餉需

又奏續報第十次各屬旗戶地畝升科略稱據拉林荒務分局暨各屬旗戶續行報出原無錢糧應行升科旗地七萬零九百三十二畝八分遵照定章按七成核扣共實納租地四萬九千六百五十二畝九分四分釐自宣統元年起照章升科每畝交納大小租錢六百六十文每年共應征大租錢二萬九千七百九十一千七百八十四文由各旗屬經征報解抵餉仍遵部咨據實開單報部免再造冊俾省繁牘綜核先後十次奏報吉林通省旗戶原無錢糧報請升科扣實納租共地五十八萬六千二百零四畝二分二釐按年統共應征旗地大租錢三十五萬一千七百二十二千二百九十二文

又奏勘放教場官地所收地價包租錢項略稱吉省操場舊地經前任將軍長順奏定章程按其附郭遠近地勢高下分爲四等勘放頭等街基地四千三百零六丈方每丈方收價銀八千二百街基地四千六百丈方每丈方收價銀五千三百街基地三千二百七十四丈方每丈方收價銀三千四百街基地二千二百一十四丈方每丈方收價銀一千惟報領之戶僉謂地價昂貴尙所不惜若定租價太昂年深日久市面不旺不能保租必爲子孫之累以故領戶畏難不前當經俯順輿情安定隨方分等祇收一項包租錢文不征常額既可多籌餉需又省按年征納官民兩便爰議定頭等街基地每丈方收包租錢三千二百每丈方收包租錢二千三等每丈方收包租錢一千四等每丈方收包租錢五百文已經勘放完竣共丈放街基地一萬四千三百九十四丈方共收地價錢六萬九千四百八十四千共收包租錢二萬六千四百九十九千統計征收地價包租錢九萬五千九百八十三千均已由局解交度支司庫兌收

又奏酌收街基各價由局解司略稱此次清賦勘荒委員帶便放出吉林府屬境雙陽河額勒赫敦化縣屬境興隆堡三處鄉村空隙街基其地勢衝僻不同

雖開有零星商民甫集之處率皆小本營生蓋房鑿井每苦無資故僅量地酌收其價免其常年納租雙陽河街基附近街途稍有商賈則分爲五等收價出放頭等街基四百六十丈方每丈方收價錢一千四百文二等街基二千二百八十九丈方每丈方收價錢一千文三等街基二千一百八十九丈方每丈方收價錢八百文四等街基二千八百八十二丈方五尺每丈方收價錢五百文五等街基七千五百三十五丈方五尺每丈方收價錢二百文共計收錢七千六百三十三千零五文額勒赫街基山地瘠僻分爲三等收價出放上等街基三千三百八十八丈方每丈方收價錢八百文中等價基七千三百零八丈方每丈方收價錢六百文下等街基一萬三千四百五十二丈方八尺每丈方收價錢四百文共計收錢一萬二千四百七十六千三百二十文與隆堡地尤僻遠且苦於井深無水各戶雖領作街基而商民至今未集所放街基共八百八十四段每段寬一丈長二十丈收價錢二千共計收錢一千七百六十八千三處統共收街基錢二萬一千八百七十七千三百七十文均已由局解交度支司庫兌收

又奏勸放第三次吉林府等屬生熟零荒畝徵收荒價分別升科略稱自光緒三十年起至三十四年止由吉林府雙城堡廳伊通州營縣敦化縣延吉廳綏芬甸子等處共放出生荒四萬一千九百三十七畝八分六釐又放出熟荒一萬一千二百三十八畝九分五分二釐共收荒價錢四十六萬八千七百二十一千四百五十六文前於光緒三十四年五月本年二月分作二次奏報在案茲據吉林府拉林伯都訥廳雙城堡廳五常廳等五次荒務總分各局先後呈報此次所放皆係各鄉村夾段零荒計自光緒三十二年宣統元年由各該屬界內共放出生荒二萬九千九百六十二畝一畝六分二釐共收荒價錢二十七萬四千七百七十六文六分六釐共放出熟荒四千二百九十八畝三畝四分共收荒價錢八萬零二百六十九千五百七十八文統共放出生熟荒地三萬四千二百六十畝零五釐二釐共計收荒價錢三十五萬五千零四十六千二百四十四文如數撥交度支使司庫收存所放生荒一項照

章扣除三成房園井道按照七成納租予限五年一律升科其熟荒均保當年升科照章每畝交納大租錢六百文歸於各該民署征解抵餉仍遵部咨開單報部免再造冊

又奏勸放第五次新城府等處原納大租浮多地畝升科略稱先將吉林府屬境舒蘭荒荒溝河漂河棹皮甸子烏林溝圍場八牌並續放三結夾荒以及賓州廳五常廳雙城堡廳長壽縣雙城堡延吉廳伊通州敦化縣綏芬廳和龍峪磐石縣等處納租地畝按戶查勘統計封納大租原地共八十七萬三千二百二十一畝四畝七分七釐九毫內共清出浮多地二十五萬零九百二十畝零五畝四分零一毫前於光緒三十二三三十四年宣統元年分作四次奏報在案茲據依蘭府呈報查清方正縣民戶封納大租地畝並據伯都訥荒分局呈報清理新城府榆樹縣兩屬大租地畝一律完竣統計勘得方正泡號荒珠爾山蘆梨廠隆科城北下坎新城局八里荒涼水泉哈當阿歸公各項封納大租原地共三十萬零九千八百九十一畝二畝三分二釐九毫內共清出浮多地三萬三千八百八十五畝一畝七分七釐一毫其清出浮多地畝均自光緒三十四年起隨同原地歸於新城府榆樹縣并伯都訥副都統旗民各衙門照章征租抵餉仍遵部咨開單報部免再造冊

又督辦墾務兼署綏遠城將軍信勳奏改定押荒等則酌擬杭錦及烏拉特之地畝統由西盟墾局接放裁革地價另定押荒杭錦地則酌定上地每頃押荒銀九十兩上地八十五兩中地八十兩中地七十五兩下地七十兩核之貽穀所定多分兩等較之公司售價核減良多並分爲三限統以一年完繳烏拉特則西公渠地僅餘八十餘頃應仍舊辦理其餘三公旗所報旱地酌押荒爲六等上地每頃押荒銀一百四十兩上地一百兩中地七十兩中地四十兩下地二十兩下地十兩所收押荒應請按照那扎各旗奏案先提三成經費其餘一半歸蒙一半歸公其常年歸蒙地租預擬旱地略做準旗地租章程區分四等上地每畝徵銀一分八釐中地一分四釐下地一分下地九釐渠地略做準旗之四成補地租章區分三等上地每畝徵銀二分中地一分六釐下

地一分二釐並按照抗旗之例每畝每年另徵渠租銀四分五釐以爲歲收渠道之用不得水者免徵一俟宣統二年一律起徵毋庸再加閘耗應請飭部頒發烏拉特三公旗空白執照三千張以資填用

二年西甯辦事大臣慶恕奏試辦青海墾務見在察出荒地情形略稱青海墾務已派員前往黃河南北兩路察勘見經稟稱遵札前往蒙番各處先將開墾一切情形對蒙番各民宣示始則疑懼不遵婉言開導唇啟舌焦該蒙番始就我範圍見據右翼蒙古台吉蘇科交出荒地東西相距一百八十餘里南北相距二百餘里內已墾之地約有二千餘畝可墾者尚有四成不可墾者約有五成又據洞閣爾寺交出荒地東西相距八十餘里南北相距一百餘里內已墾之地約有一萬三千餘畝可墾者尚有四成不可墾者亦有四成又據郭密九族番民交出荒地東西相距四百餘里南北相距一百餘里內已墾之地約有二萬二千餘畝可墾者尚有五成不可墾者約有三成又據右翼蒙古輔國公班瑪旺扎勒交出荒地東西相距四十餘里南北相距二十餘里內已墾之地約有一千四百餘畝可墾者尚有六成不可墾者約有三成又據千布朵族番民交出荒地東西相距十餘里南北相距五十餘里可墾者尚有六成不可墾者約有四成此黃河以北蒙番各民交出之荒地也據上拉安百戶交出荒地東西相距二百餘里南北相距一百五十里內已墾之地約有數十畝可墾者尚有二成不可墾者約有八成又據下拉安千戶交出荒地東西相距三百餘里南北相距一百五十里內可墾者約有三成不可墾者約有七成又據工吧寺交出荒地東西相距五里南北相距二十里內已墾之地約有數十畝可墾者尚有四成不可墾者約有六成又據加卜察寺交出荒地東西相距十餘里南北相距三十里內可墾者約有四成不可墾者約有六成又據魯倉十七族番民交出荒地東西相距約五十里南北相距約二百餘里內已墾之地約有五百餘畝可墾者尚有五成不可墾者約有四成此黃河以南番民廟戶交出之荒地也各處交出荒地俱有四至界址字樣各蒙番廟戶均出具切實甘結情願將地交出任憑公家開墾不敢從中阻撓但墾戶無論遠近漢民均准招

領惟不准招回民承墾以杜亂萌等語查該委員將地勘竣已交冬月寒外冰天雪地寒冷非常窮民無衣無袴萬不能赴該處承領是以未經勘放遂將委員等撤回西甯避冬見時天氣和暖即分派各委員出口前往各地勘丈招戶認領以便開墾

又度支部會奏遵議東三省總督奏撥案變通招墾蒙荒酌擬試辦略稱查原奏內開奉省前放扎薩克圖王旗蒙荒案內原有坐落靖安縣未放沙城餘荒一萬九千三百七十餘畝按一五折扣計實荒二千九百餘畝交該管靖安縣招放截至本年僅放出荒地一千三百餘畝尚有實荒一千六百餘畝無人承領該縣請將此項餘荒免收地價招墾升科查奉省歷來丈放蒙荒所收地價應以一半分歸蒙旗若准免收虛蒙旗或生阻力即飭洮南府知府向該蒙旗商准扎薩克王允將地價一併免補覆查黑龍江省荒地因收價丈放久無成效變通辦理每畝祇收經費四百文不收押租奏准有案本年江省與東環璋沿邊招墾奏請免收地價每畝僅收經費銀四錢奉旨允准亦在案茲靖安縣餘荒原係蒙荒放贖餘地委因招放無人承領見贖餘荒僅一千六百餘畝應得一半地價既經商允免繳所有未放餘荒按照江省奏准成案免價招墾仍照成案每畝收經費銀四錢以資辦公俟墾齊後飭令升科如果辦有成效將來奉省未放蒙荒凡招放不易無人價領者並請按照辦理等因度支部查扎薩克圖王旗墾務自光緒二十八年起到三十二年止其間丈放畝數收過押荒經費開支數目均經前將軍等奏報在案茲據該督所奏各節自係爲殖民實邊振興地利起見所稱地多沙城亦係實在情形等因同商酌擬請旨准如所請辦理飭令迅速按照所送章程招墾升科報部查核至所稱奉省未放蒙荒凡無人價領者並請按照辦理一節查奉省墾務如東西流水圍場大凌河牛莊葦塘廣寧盤蛇驛鳳凰廳等處均有放贖餘荒即三十三年前將軍趙爾巽奏洮南府治尚有已丈未放山荒地十一萬七千五百餘畝若不論地之肥瘠而一律免價招領不惟漫無限制且恐領戶日多轉開爭訟之漸應

仍令分別等則照章辦理以重墾務而免弊端

又度支部會奏議覆吉林巡撫奏撥荒安置赫哲旗丁仍懇 賞給恩餉略稱查原奏內稱光緒三十三年恭奉籌畫旗丁生計之 諭旨著各省督撫會同將軍都統等查明駐防旗丁數目計口授田等因當經前撫 朱家寶欽遵辦理祇以吉林全省旗丁人數衆多款項支絀惟有先就輕而易舉者試辦查有臨江州富克錦地方原有赫哲四旗向以漁獵爲生不事生產近經該管官設法提倡始知學習種植五穀而生計之艱窘尤爲各旗丁之最復查臨江州屬蘇蘇屯富克錦州城烏蘇里等地尚有未經放出餘荒與赫哲旗丁相近擬每丁撥給十响以資開墾見據呈覆廂黃等四旗計四百三十九戶共計一千二百丁撥給實荒一萬二千响頃發大照令其開墾歲食餉糧亦應停止該丁等初習耕作加以牛具籽種所費甚鉅若不預爲籌及則坐守荒田仍屬資生無策懇 恩俯准由宣統二年起仍發給 恩餉三年以作農本該處氣候較冷收穫既少擬請由開齊之日起五年後一律升科度支部查核該撫所奏自爲遵籌旗丁生計起見應懇俯如所請照數撥給截留照根送部並令該撫轉飭該府縣依限升科造入奏銷報查至原奏請仍發給 恩餉三年以作農本一節應即一併照准以示體恤惟此項餉糧向歸何案奏銷每月每名應支若干每年額支若干未據聲敘應令查明專案報部備查此項歸農丁戶自應按照安置地界分別撥歸臨江府富錦縣管理以一事權一節民政部查該處漁獵旗民計口授田自係實邊至計不僅裨益旗民既經度支部議准應即切實辦理惟授田之初務先覈定經界所有蘇蘇屯富克錦州城烏蘇里等處未放餘荒撥給該旗丁等田畝坐落自應造具詳細畝冊連同戶口表冊咨部立案再原奏內稱臨江州已改升臨江府富錦縣亦將設治尤應將該府縣界址如何分畫之處先期釐訂請 旨飭下該撫委員測繪方里詳圖送部

又伊犁將軍廣福奏伊犁舊有孳生各廠歷年報部有案調任將軍長庚推廣牧政於未到任之先電商 照會額魯特領隊大臣穆特春將探買馬匹牛羊擇地立廠各事分別籌辦並因試辦之初擬暫購馬一千匹牛一千頭羊二

萬隻曾經奏明在案此次購馬三千匹較原擬多二千匹每匹價銀十兩共銀六萬兩又購牛二千頭較原擬多一千頭每隻價銀十兩共銀二萬兩又購羊一萬隻較原擬少一萬隻每隻價銀二兩共銀二萬兩統計先後發過價銀十萬兩均係由借撥甘肅關內封存銀四十萬兩動支所發價值雖較例價稍增實較時價尙少委因近年牲畜生息不旺又以皮毛製造日廣收買牲畜出口者日多請准照數開支所擬按年取孳及變賣價銀各數均符定例應請照准以免草場壅積及撥廠倒斃之累

又奏伊犁舊設孳生羊廠係長庚前在將軍任內奏請規復嗣因孳生漸繁草場窄狹經前將軍馬亮奏請將口老羊隻逐年挑出變賣照例每隻定價六錢其備差廠不能取孳之羯羊每隻定價一兩三十年收廠被災後蒙民元氣未復生計益窮復經馬亮奏請按年計孳繳價每隻折交銀六錢長庚到任後因擬整頓牧政續籌採購孳生馬牛羊隻尙未收齊立廠以致未及覆奏見在新廠業已設立另定章程所有舊設羊廠若照馬亮所奏按年計孳繳價固可藉紓蒙困惟廠內原有羊隻若無新孳接續補換必致漸歸烏有於牧政不無妨礙見擬將舊廠原有大小羊隻照此次新設各廠另派蒙古官兵經理不用蒙民每年應取孳生仍照例定數目收取逐年挑出口老之羔羊母羊及撥入備差廠不能取孳之羯羊自宣統二年起每隻統按六錢變價仍由駝馬處照舊按年造冊彙報在承牧官兵既有底營俸餉稍資貼補不致如蒙民之過於困苦且變賣官羊定價既減領買尙不爲難在官廠亦有新孳填補不致年久成廢實係兩全之策懇 恩飭部立案更有請者伊犁見在添練陸軍籌餉實形艱窘此次牧廠每年約計應取孳生羊一萬四千餘隻按擬定價他逐年挑換變賣每年約可獲銀八九千兩又舊設孳生馬廠除撥補各項馬匹外每年亦可變價銀二千餘兩懇自宣統二年起一併撥充陸軍餉需俾資接濟

又山東巡撫孫寶琦奏查明先賢祭田年遺無據請照案津貼祭費略稱奉上諭都察院代奏翰林院五經博士下憲章等以先賢祭田被佔公懇歸復等情著孫寶琦按照各節查明覆奏當即委員查勘如原呈內稱康熙五十九年



撥入卜子廟祭田五大中頃一節檢查縣卷並無奏案詳考縣志亦無記載試以頃畝而論定制係以二百四十步爲一畝百畝爲一頃惟民間習俗有以三百六十步爲一中畝者有以七百二十步爲一大畝百畝爲一大頃者詢諸田閒父老僉謂未聞有大中頃之名稱查其所呈碑文止載五中頃即前准行聖公迭次咨查亦止言五中頃今該博士捏稱五大中頃實爲無稽之言又原呈內稱地在嘉祥縣城北南旺湖西岸南至狄家路口北至湖荒東至會廟地西至隄根東西七百二十步南北五百步一節查南旺湖爲漕河四水糧之一環築隄岸年年疏濬蓄水濟運見於治河各書卽有淤高之處不准居民私種者爲禁令查運河備覽內載前明萬曆十九年繁築南旺湖西北南三面湖隄長一萬二千餘丈我朝康熙四十年重修雍正九年補修乾隆十一年伏秋汛漲水與隄平發帑搶護得保平穩等語是湖隄以前尙無湖田此其明證迨咸豐同治年間黃河屢決橫串運渠湖日漸淤墊平漫如掌始有湖荒地附近居民私自墾種因爭成訟經地方官判斷有撥作學田及書院或善堂公產者至光緒二十七年罷漕運裁河員於是水源壅塞湖地淤涸縱橫數十里始盡爲禾黍之場光緒二十九年周馥檄委道員會同兗沂道設湖田局員勘丈招佃認種陸續查報南旺湖成熟地八百數十頃按見時面積方里詳加履勘西自隄根起東至會廟地東西相距有八九里之遙南自狄家樓起北至湖荒南北相距亦有六七里之遙若以東西之寬南北之長推算弓步何至千百億萬且查會氏祭田並無西至卜氏祭田之據該博士所呈康熙年間碑文亦未載有嘉祥縣城北南旺湖西岸及東西南北弓步數目其爲臆造已無疑義又原呈內稱乾隆三十八年共立三氏誌碑於會子廟內確有查驗一節查會子廟在南武山之陽雍正十三年請帑重修春秋致祭此次入謁會廟查無三氏誌碑復加尋訪惟會氏家廟內見有乾隆三十八年刻石一具高一尺五寸寬僅六寸文曰宗聖會子祭田二段一在寺前鋪一在忙生開南先賢閔子祭田一段在忙生開北先賢卜子祭田一段在狄家路北全碑止此數語不載頃畝數目雖爲三氏公同刊石而未經報官立案卽是私家碑記似

難引爲確證伏念卜氏祭田迭據該博士卜憲章等呈請歸復自以考究碑文及原摺案據爲緊要關鍵今碑文既不足據成案又無所考卽使果有其事而年久湮沒亦屬無從歸復歷任兗沂道及湖田局員均以祭田有關報費不肯通予指摘或議撥補荒地或議幫給祭費均未定案光緒三十四年前兗沂道丁達意擬照衍聖公祀田辦法由湖田局征收租價項下每年撥給京錢三百千於秋祭時由該博士赴局請領批行嘉祥縣轉飭知照而該博士意猶未足屢次具呈亦未議結竊查光緒二十九年查辦湖田案內有衍聖公府祭田七百十四頃沈沒於獨山湖中久未涸復經前湖田局總辦道員核議每年津貼公府祭費京錢一千串詳經前撫臣周馥批准照辦已有成案可循今卜氏祭田僅止五頃不及公府百分之一前經丁達意議給祭費京錢三百千已屬格外優待擬請仍令該博士等遵依前議具結立案聽候按年給領以息爭端又馬蘭鎮總兵蘇增信奏籌備庫置買地畝酌量議租略稱查籌備庫原置買得遵化州境內征租地九十一頃二十畝一分一釐該州前後報過水沖沙澗縣境內征租地三十六頃十九畝九分八釐該縣報過水沖沙澗地二十二畝見居清理財政之際必須妥爲整頓臣當派員外郎和鈞前往各州縣會同該牧令等按照報過被災處所逐段詳勘如有培墾成熟之處卽爲酌量議租嗣據該員等稟稱查出遵化州墾淤地五十七畝二分豐潤縣墾淤地二十二畝勘得地勢成熟情形均係近年培墾若照原額輸租民力未逮暫擬從寬輕減其餘地畝見在河佔水流尙難培墾查該員等勘報水沖沙澗地畝除河佔水流勿庸置議所有新墾地畝應征租銀自應酌量地勢從寬輕議以體民艱

又兩江總督張人駿江蘇巡撫程德全署江北提督雷震春會奏裁撤營征租濟餉略稱營樵兵原爲黃河工程而設左營坐落海州計地五千四百餘頃右營坐落阜甯計地三千一百餘頃其留營草地及積涸新漲尙不在內均

係樵兵承種蘆葦以備要工黃河改道以來樵兵幾同虛設本年准度支部咨行飭將樵兵裁撤藉節餉項並將蕩地勘估招佃荒地變價升科等因前提臣王士珍卸任未及舉辦臣震春到任奉准部催本應即行遵辦惟樵兵雖屬徒擁虛名而兩營所產蘆葦向例變價交官以爲河隄工需之用年計正雜款銀四萬七千餘千解歸河庫支銷一旦裁撤於河工的款殊有窒礙且該兩營廉俸餉乾等項每年需銀一萬五千餘兩又錢一千一百餘千向以山清桃阜銅宿邳睢蕭揚豐沛及安徽靈璧等州縣經收外河灘租解歸淮揚海道撥放近因連年災歉灘租短征積欠俸餉至宣統元年冬季止共銀三萬七千七百餘兩又錢二千七百餘千見擬裁撤自應通盤籌畫擬即以山清各州縣所解外河灘租撥抵河庫工需之款其所欠兩營俸餉等項俟裁營招領後在於領費內撥抵惟此項營地半已成熟與他項官荒不同應即略仿灘租成案毋庸變價升科所有熟地仍招原戶納費領種每年分等認租荒地則另招墾戶酌量辦理至所收領費除撥還欠餉暨開支局費外見在江北成鎮期限已迫餉款無措擬即悉數撥爲添練陸軍開辦經費所征租款則撥爲陸軍常年兵餉不敷者另行設法裁無用之廢營練有用之勁旅於軍政餉源兩有裨益查營營舊隸淮揚海道應即責成該道督飭辦理但海州阜甯地皆濱海距清江約在數百里沿海民風素悍動輒恃眾阻撓試辦之初布置一切事務殷繁須另派幹員以專責成

三年東三省總督錫良電奏奉省圍地按照浮多熟地分年減免地價辦法概令原業首報升科以裕課賦

又度支部會奏議覆兩江總督裁撤營營清查蕩地招領徵租以濟軍餉略稱查蕩蕩左右二營歲需俸餉一萬五千餘兩該省迄未報銷該二營所繳蘆葦變價四萬七千餘千僅撥江北提督每年於湖運五廳撥辦各工案內聲明除例用外列收銀二萬八千餘串約合銀一萬五千餘兩迭經部照案行查並於清理財政案內行令將該營樵兵悉數裁撤並將蕩地勘估佃荒地變價升科等因咨行在案茲據兩江總督等奏以裁撤樵兵於河工的款殊有窒礙

請以該營底餉外河灘租銀兩撥抵南河工需又以營地半已成熟請略仿灘租成案毋庸變價升科熟地仍照原額納費領種每年分等認租荒地另招墾戶酌量辦理等語查蕩蕩二營樵兵本爲河工而設蕩地葦價又係專備南河工需之用如果將該地悉數升科於該省歲入驟增鉅款河工有何窒礙又何必以頻年災歉之灘租虛抵工用見當統一財政之際此項樵兵既以名實不符亟須裁撤該處營地暨積湖新漲地畝自應統令報墾升科以裕課賦應令兩江總督等轉飭迅速查明蕩地暨積湖新漲各地畝分別上則中則下則每畝應繳押荒價銀若干及每年應完糧銀若干擬具數目報部核定由部頒發執照令其永遠執業不論土著客籍均准報名承領按照部頒弓尺計畝繳價熟地即自宣統三年分起升科荒地以三年爲限於宣統五年內一律升科所有領地押價應由局員徵解藩庫其年例升科銀兩即責令該處地方官徵收歸地丁案內核計分數考成仍將銀兩統解江甯藩庫交納每年撥歸南河工需銀一萬五千兩以符河工原額其餘押價實賦納賦課均由江甯藩司報部撥用江北練兵需款部自當兼籌並顧此時未便由該提督任意指定致與通籌籌畫轉多窒礙其樵兵裁撤後騰出外河灘租亦應由各州縣併解江甯藩庫報部候撥至該二營欠餉三萬七千七百餘兩請於領費內撥抵之處查淮揚海道宣統元年四季報告僅於冬季冊內列支光緒三十三年該營春夏二季俸餉銀七千五百餘兩又錢一千餘串其積欠三萬七千餘兩究係何年所欠應令查明專案報部再行核辦

皇朝續文獻通考卷十九

賜進士出身頭品頂戴前內閣侍讀學士臣劉錦藻恭纂

錢幣考一

謹案 皇朝通考所論錢法詳說言之矣第時會所趨本無成例自墨

西哥銀流通以後中國錢價浸以短縮逐末者苦之 朝廷規時立制參

酌中西迺鑄小銀圓鑄當十銅圓以濟民用國法亦稍稍變矣願償款

例合金鑄每歲漏卮至以鉅萬計而猶不以金定為本位剋肉補銜元氣

凋耗於 國用實有當乎茲續前考舉配鑄制錢大錢鈔票錢直禁私銀

圓等分年錯列俾講求幣政者得以覽焉

乾隆五十一年覆准各省市換錢價長落隨時行令將市換錢價有無增昂按

月查明按季報部以憑查覈

五十二年奏准貴州省城局原設爐二十座應酌分五爐移設大定府鼓鑄搭

放南籠<sub>今改興義</sub>等處兵餉廉俸之用責成大定府經理貴西道稽查

五十四年軍機大臣戶部議奏各省委員採辦滇銅自起程及運銅回省均有

定限惟到滇交價以後至在滇開行以前例無明文請嗣後各省辦銅委員先

後到滇者儘先到之員給發同時到者儘遠省之員給發委員一到滇省即將

應辦銅斤指定廠所何廠撥銅若干斤應定限若干日統計何年月日可兌交

委員領運開單咨部存案俟奏報開行時將廠員給領有無逾限於摺內聲敘

戶部逐運查覈如廠員逾限不給照運員在途逾限例議處免給銅斤如有低

湖准該委員稟換若因換銅誤限亦應將廠員照例議處若委員並未稟換至

本省驗明不足成色即將委員查參

五十五年 諭各省設立官局鼓鑄制錢其輕重厚薄原有部頒一定分兩豈

容絲毫偷減草率致私鑄得以乘機撓難今江西省局所鑄工料錢文與正額

制錢皆係官為鼓鑄何以斤兩多有參差不齊江西一省如此各省錢局亦難

保無此弊著通諭各督撫務須督率道府局員認真稽查並令藩司於解收局

錢之時無論正額工料按卯親加提驗如所鑄錢文有偷減銅斤節省火工不

能遵照部式立即撥回另鑄並將局員鑄匠參處責懲俾官錢一律整齊堅實  
私鑄自無從攙入矣倘督撫等視為具文並不隨時稽察致官局制錢不能如  
式私鑄仍未能淨絕一經查出必將該督撫治罪

又 諭銅斤為質甚堅鑄鍊時尙費椎鑿何至不耐磕碰即使銅版四邊淺薄  
之處偶有擦損自在船內尙可隨時檢拾歸數即稍有遺失亦不應多至數千  
斤此必係解鑄委員有盜賣遺失情弊報報掩飾沿途督撫不加體察即據稟  
入奏殊屬漫不經心所有此項磕碰短少銅斤即著照數賠補遇便搭解委員  
交部嚴加議處嗣後俱著照此辦理

又 諭御史富稼奏請飭嚴禁錢市買空買空一摺據稱錢市舊規各持見銀  
見錢互相交易近日市閒多有憑空言買賣之人並各官號影射買銀之弊故  
銀價日昂百物因之騰貴小民生計愈艱大為閭閻之害著順天府五城迅即  
出示嚴禁如查有言買賣銀錢者立即嚴拿照刑部新定章程懲辦失查官  
員照例議處並將代保之經紀一併嚴懲以懲奸商而平市價

又 諭浦霖覆奏到查私禁錢二摺朕初閱其第一摺內稱訪查榔桂等屬及  
滇黔下游商販處所嚴禁偷鑄夾帶等弊先後奉獲私鑄六起咨部完結見在  
奸民頗知斂戢等語朕即疑其所言未必皆實及閱其第二摺內稱民間日用  
小錢久已剔除其餘官板制錢或因行用日久稍有邊幅不整及顏色微黯者  
見飭呈繳給價解局改鑄等語是其所奏前後自相矛盾可見該省官局鼓鑄  
已不能如式久有小錢夾雜行使官錢且然安能使民間私鑄小錢查禁淨盡  
耶各省設立官局鼓鑄錢文大小輕重本有一定之制自應遵照京局寶泉寶  
源式樣斤秤如法鼓鑄民間既概用官錢則私鑄小錢自無從夾雜行使乃該  
撫始則稱民用兩販無偷鑄夾帶之弊言已不實繼又稱官板制錢有邊幅不  
整及顏色微黯之處則是官錢已有小錢不啻自行呈告大屬不可著傳諭浦

之政說

務須督飭所屬實力查辦先清其官鑄之源始能杜私鑄之弊

又 諭姚榮奏稽查鼓鑄局錢一摺內稱寶昌局工料錢文字畫多有模糊銅質亦甚惡糙隨提鑄匠責懲發局另鑄火工著落局員賠補等語各省設立官局鼓鑄制錢其輕重厚薄原有部頒一定分兩豈容絲毫偷減草率致私鑄得以乘機攪雜今江西省局所鑄工料錢文每卯皆有額定數目與正額制錢隨時解驗皆係官爲鼓鑄何以斤兩多有參差不齊則正額錢文亦恐不能如式何裕城久任江西巡撫未能留心稽查嚴禁實難辭咎著交部議處江西一省如此各省錢局難保無此弊前經通諭各督撫禁止私鑄私銷實力查辦若此項官局錢文字畫模糊質地惡糙局員先已滋弊則私鑄亦得藉此影射於錢法大有關係姚榮將鑄不如式之錢盡數發局另鑄著落局員賠補所辦甚是著即通諭各督撫務須督率道府局員認真稽查並令藩司於解收局錢之時無論正額工料按卯親加提驗如所鑄錢文有偷減銅斤節省火工不能遵照部式以致參差不齊之處立即發回另鑄並將局員鑄匠參處責懲俾官錢一律整齊堅實私鑄自無從攪入弊混行之日久則私銷私鑄之弊更可不禁而自止矣倘督撫等視爲具文並不隨時稽察使官板制錢不能如式而私鑄未能淨絕一經查出必將該督撫治罪

又 諭費瀆奏請給價收買商銅以杜私鑄一摺內稱滇省辦銅各廠除抽課交官外尚有一成二成准令通商之例商人難保無影射收買私鑄漁利情弊應官爲收買每年可多獲銅一百餘萬勛以之添撥各省採買及鐵砂折耗鑄店底銅之用等語此奏雖似爲該省杜絕私鑄起見其實該藩司以各省採買銅斤及鋪店底銅恐有欠缺故欲將此項商賈餘銅歸官以作抵補之用止係一偏之見未經通盤籌畫所謂知其一不知其二也銅斤爲民間必需之物不能一日缺少即使廠中稍有偷漏爲數亦屬無多若將各廠抽課交官所賸餘銅概行禁止商民售賣則民間所用之銅從何而出不特銅價因此昂貴而小民等需用孔亟必致將官錢私行銷毀改鑄銅器即錢價亦必因之倍增况見在滇省各廠所產銅斤尙屬旺盛每年額運各起俱係依限開辦並無短絀過

誤即民間錢價亦俱平減本無庸總總慮若如該藩司所奏是名爲設法調劑而轉使私銷益甚弊竇叢生况杜絕私鑄之弊惟在地方官實力查禁今不於此悉心整頓而以禁止商買餘銅爲正本清源之計恐防弊而適以滋弊且使該處商民知有此事必將銅斤預爲擡價居奇銅價既貴則錢價自增於閭閻日用諸多不便所關非細民可使由不可使知費瀆何見不及此耶此事當再加詳酌富綱謂尙忠久任滇省於銅務自所熟習著伊二人會同悉心妥議據實奏覆

臣謹案利之所在雖賁獲不能禁弊之所在雖吏隸不能算幣制未定則錢價授權於市儉警察未設則私鑄即出於官鑄觀於東西洋近政即國幣一宗有條不紊庶幾號稱法治國云

五十六年 諭長麟奏調劑市集錢價一摺朕初閱時因泉貨流通隨時長落原可聽民自便但該省見在錢價過賤諸物未免增昂推原其故自因銀少錢多以致錢價日賤物價愈昂朕即想及該省暫停鼓鑄自可調劑得宜惟是錢銀互易務在商民兩得其平其應如何量爲節制不使少有壅礙之處必須籌算周詳本日復與軍機大臣講求推原該撫所稱將江省各營兵餉暫以銀兩散放並請來春暫緩開鑄一節係爲一時調劑起見與朕初意相合應照所請辦理但此等權宜之計祇可因時通變行之一年以收一年之效可暫而不可久如明歲停止局鑄後錢價不致日賤仍當照舊辦理即此法亦只可行之江省錢賤之處而他省情形又各不同亦不得一例辦理總之有治人無治法惟在封疆大吏因地制宜隨時妥辦也

又 諭廓爾喀所鑄錢文衛藏竟可毋庸行使莫若西藏地方安設鑄座派撥官匠鼓鑄用唐古式字樣鑄寶藏字樣通行使用

又奏准寶陝局鼓鑄錢文改歸藩庫收貯搭放兵餉即由司數明發給

五十七年奏准寶伊局加鑄錢六百串湊放兵餉

又奏准西藏鼓鑄銀錢正面鑄漢字乾隆寶藏背鑄唐古式乾隆寶藏字樣邊廓添鑄年分純用紋銀成造重五分者紋銀一兩易錢十八圓重一錢者易錢

九圓餘銀一錢作爲火工其鑄錢工料俱由商上備辦毋庸動用官項交駐藏大臣派員督同噶布倫等監造驗明成色不許稍有攙雜

謹案西藏舊用普爾錢紅銅爲之重二錢制小而厚外有輪廓中無方孔每五十謂之牌格至是一更舊制冠以一天朝年號而附設藏文於後所謂易其政不易其俗者與

又 諭藏內設鑄改鑄寶藏字樣銅錢所有鄂爾喀銀錢嗣後作爲銀兩用完銷除

五十八年 諭銅鉛沈溺其打撈並無難易之殊乃向來撈獲數目往往鉛多於銅自因銅鉛價值懸殊水摸等隱匿銅筋以圖盜賣牟利節次所降諭旨甚明此等事總有治人無治法惟在該督撫飭所屬遇有沈溺實力嚴查如有水摸隱匿銅斤及鋪戶私行售賣者切實根究隨案嚴懲

又 諭畢沅等奏楚北收買小錢因地處衝途易換尙多懇請不必立限常川收買一摺內稱自乾隆五十五年奏准定限後前後共收買過三十萬九千餘筋俱經發交寶武局銷鑄改鑄制錢見在民間見小錢不能行用源源易換甚爲踴躍應准其常川收買繳局改鑄等語湖廣省自五十五年收買小錢以來先後收買過三十萬九千餘筋不爲不多何以小錢仍源源不絕從何而來今又奏請展限可見私鑄私販來源不斷必致日收日多而奸商等恃有官局收買之例若一經查出可以藉詞赴局呈繳卸脫罪名如地方官查察不到即攙入制錢行用漁利是名爲收買小錢以期淨絕而其實私販無所顧忌攙雜更多且湖廣小錢非本省私鑄即係四川雲貴各省私販順流而下必非下游江西江南等處商賈攜帶到彼近聞楚省下游各處皆因湖廣小錢不淨致有攜帶到彼攙雜行用鋪戶居民均受其累是湖廣爲私販小錢總匯之所尤不可不設法禁示以清其源而截其流畢沅等今請展限收買之意不過以該處小錢不能淨絕將來下游各處遇有私販小錢破案審係由楚省販來可以託詞收買限期未滿爲卸過地步今姑再予限二年著畢沅等一面盡數收買一面於上游各關隘實力巡察如有四川雲貴私販小錢到境即嚴行查辦並令江

南江西安徽浙江各督撫等通飭九江蕪湖龍江潯暨北新淮安各關凡遇商船經過於查看稅貨之便一併詳查如祇係制錢中攙雜小錢一二十串者仍給予大錢收換不必苛求致滋擾累若純係小錢而錢數竟多至百千餘串以上其爲私販無疑即查出全數入官照例發落如此辦理既清其源又截其流則私販淨絕小錢無從行使私鑄之弊不禁而自止矣如予限之後畢沅等或於本省私鑄及上游各關隘不能禁絕以致下游各省復有小錢行用一經查出係從楚省攜往惟該督撫是問

又議准前藏所鑄銀錢應專派鑄錢仔率二名濟仲喇嘛二名由駐藏大臣會同達賴喇嘛挑補並添設監鑄官一員令四川總督於同知州縣內揀選派往監鑄一年更換令駐藏大臣隨時查驗如銀錢成色低潮即將該員奏明治罪如係勤慎出力奏明保題仍於每年春秋輪往邊界時分別嚴查

又議准前藏新設監鑄官一員自打箭爐至前藏及期滿換回月支公費銀三十五兩官役口糧七分騎馱烏拉五隻通事一名譯字一名每名月支工食銀一兩口糧一分烏拉一隻該員到藏後月支公費銀三十七兩五錢官役通事譯字在藏工食口糧仍照往回沿途之例支給造入西藏經費案內題銷

五十九年 諭福康安奏籌辦錢法暫停鼓鑄並於甯遠府收買小錢設鑄改鑄一摺已交軍機大臣會同該部速議具奏矣據摺內稱川北一帶民間行用俱係民鑄大錢而錢價總未加昂到省後與孫士毅當面講求總由川省水陸交衝各省商販往來錢文類多夾雜自平定金川以後百貨通行小錢充斥等語所奏固係就川省情形而論但小錢滋弊之由究由於各省局員將官錢私行減小額外多鑄小錢希圖贏餘肥橐以致留存各省日積日多而雲貴四川爲尤甚若商販夾雜使用能有幾何即游惰小民於僻靜處所私行鑄化亦屬有限何至如此充斥是竟由官局偷減分兩多鑄圖利其弊顯然而督撫等又以錢局爲美缺往往將伊信用私人派令管理使之得有贏餘以致輟轉效尤竟成銅弊若此時加以究辦事隔年久恐督撫等無一人得免咎戾者是以寬其既往勉以自新今川督應發兵餉及武職養廉等項既已銀兩滿支則銀兩

流通錢價自可日漸增長該省鼓鑄竟應停止而福康安仍請於甯遠設鑄四座將收買小錢另行改鑄仍不免為地方官豫留津潤地步又據稱川省甯遠重慶等處均與滇黔交界私鑄奸民往往乘開販運若查禁不嚴必至漸滋偷漏等語福康安具奏此摺之時尚未接奉調任雲貴諭旨是以在川言川今福康安已調雲貴總督則滇黔皆其所屬川省小錢既由該二省私鑄運往其應如何嚴禁俾不致流行川省以期杜絕弊源之處正可悉心籌辦務盡根株而川省查禁小錢孫士毅本係原辦之人尤應力辦者俟和琳到任後再行據實認真督辦伊等三人先後接手同心妥辦自可期淨盡無弊至甯遠一帶沿用小錢據福康安奏若於收買後運至省城改鑄則價費重勢有難行擬於甯遠府設鑄改鑄俟收買淨盡即行撤局等語此事亦暫可如此辦理補偏救弊但設局開鑄最易滋弊所派道府等未必可恃林儁出身本屬寒微因其平日辦事尚知出力是以加恩擢用臬司今甯遠府設局開鑄一事竟當專委林儁實心經理並著林儁自行酌量如能常川在彼親身督率固屬甚善倘不能常駐彼處或於空閒時往來稽察務使收買小錢設鑄鼓鑄等事弊絕風清方為妥善林儁受恩深重自當倍加勉力盡心查辦此後若能認真整頓肅清積弊將小錢收繳淨盡該處不留萌孽著有成效朕必加以恩施倘不能實力妥辦致局鑄仍前滋弊小錢依舊夾雜必將伊從重治罪斷不稍貸又據福康安奏川省地方情形據稱該處無籍游民易於滋事見飭地方官認真偵緝從重究治遠近均知斂迹等語川省民情強悍從前匪等往往肆行滋事全在平日嚴行禁捕方不致故智復萌今福康安奏飭屬嚴擊均知斂迹和琳到任後惟當一體嚴行督飭有犯必懲以期地方甯謐和琳平日辦事俱能用心精細於此等事自必稽查嚴密辦理周妥以副委任

又奏准民間小錢節經給價收買仍未免撓和行使顯係有心藏匿應勒限一年收繳淨盡毋庸給與價值若不依限呈繳一經訪出分別治罪令地方官責成牙行經紀人等查收赴官交納將所收實數按月呈報倘該州縣任聽牙行虛報及通同胥役藉端索賂即行據實嚴參牙行胥役人等照例治罪

又 諭前經戶部奏請各省收繳小錢俱不准給價勒限一年呈繳已令通行各省遵照辦理原因繳出小錢復與易給銀兩小民等性利是趨轉致私鑄小錢冀圖需潤是以停止給價今思民間日用及商賈貿易所有存留小錢不免有需資本若祇令其呈繳入官不稍償以價值小民等或因此慶足不前私相藏匿以致小錢仍不能淨盡著各督撫察看情形或於呈繳小錢時酌量給價俾各閱風踴躍呈繳可期淨盡各就所見據實奏交部覈議欽此 旨議定每小錢一斤給制錢六十文毋拘錢數多少即數文數十百文者均准其赴官呈出易換大錢併予以一年之限收買淨盡倘再有私行藏匿不赴官呈繳者查出比照經紀鋪戶收買邊錢掩和貨賈之例分別錢數若十千以上者照攪和私錢行使充軍例量減一等治罪不及十千者枷號一月杖一百

又 諭督撫遇有銅鉛沈溺固應實力打撈如實係險灘難以施力自當酌量情形不必過於勉強以致水摸有涉險輕生之事

又奏准停各省鼓鑄

又定寶源局鼓鑄之法仍照舊例以銅六鉛四配鑄

六十年 諭前因京師及各省錢價日賤由於小錢充斥節經降旨飭禁並立限收繳乃自查禁以來已逾年餘而京城錢價近又減落步軍統領衙門尚有陸續收繳小錢是錢價之賤總由於私錢未能淨盡京城地方遠闊人煙稠密並非偏僻處所奸徒無從藏匿偷鑄所有小錢必係外省夾帶來京而外省私行販運來京前經降旨交各關口實力嚴查今小錢尚敢於輩穀之下私行使用自由管關各員奉行不力日久生懈而地方官查禁私鑄亦視為具文不過出告示查禁止過一年半載習忘之矣否則各省俱停鑄京城戶工二局亦各減卯並將應發兵餉實支銀兩又賞借王公及文武各官俸銀多錢少錢價自當增長何以轉日就減落其為小錢未淨情弊顯然昨據陳准奏擊獲小錢一案訊係由湖北漢口販至江西是漢口竟為小錢聚集之所該督撫及地方官所司何事本應從重治罪姑念該省見有承辦軍需要務從寬免其深究該督撫務宜嚴飭所屬上緊查擊若仍陽奉陰違別經發覺惟該督撫等是問

恐不能當其咎也至雲貴四川尤為私鑄之藪雖據該督撫奏見在實力收繳漸次淨盡但所奏如果屬實則私鑄既絕來源肅清因何各省仍復復舊和行使是該督撫所奏見無私鑄之處亦係託諸空言况前據徵瑞奏天津關已另設收繳小錢之局曉諭過往客販令其盡數繳出等語隨交各監督仿照徵瑞留心查驗嗣據盛佐奏在准宿海三關設局於查看稅貨之便逐細嚴查並據刁玉成奏應責成地方官令錢鋪出具不敢攪和小錢甘結等語乃自該監督等具奏以來惟准關收過小錢三百餘斤計暨關收過小錢六百千文其餘各關未據將收過數目具奏而刁玉成轉以責成地方官為詞可見該監督等並不認真遵辦惟以一奏了事所有查辦不實之各督撫及管關各監督均著傳旨嚴行申飭除就近飭知步軍統領衙門及五城順天府嚴密查拏責成錢經紀毋許撓用輕減外並再通諭各省督撫及管關各員嗣後當各矢天良一體實心查察清其源以杜其流務期國法肅清國貨流通錢價增平不可因有此旨一時嚴行查禁久而輒忘又復因循懈弛倘經此次飭查之後仍有養獲小錢必當澈底根究何處私鑄及經過何處即將該管各督撫暨地方官並管關各員一併從重懲治

謹案我朝自順治十四年定私鑄銅錢禁例凡奸民私鑄為首及匠人擬斬監候為從及知情買使者擬絞監候總甲十家長知情不舉首者照為首例不知者杖一百徒三年告捕者給賞銀五十兩其賣錢之經紀鋪戶有與販攪和私錢者杖一百流徙倘陽奉陰違後康雍兩朝稍有更定而奸氓罔利往往執法以遂其私重煩 聖明屢念此果誰之咎耶又奏准乾隆嘉慶年號錢文各半分錢各直省衛藏照此一律辦理其新疆等處照舊遵行又覆准寶伊局鼓鑄每文錢重一錢二分用紅銅八分四釐黑鉛三分四釐八毫點錫一釐二毫見照京局每百斤改用紅銅六分白鉛四分但白鉛一項買用維艱應仍以本處開挖之黑鉛配鑄嘉慶元年奏准復開各省鼓鑄

又奏准戶工二局自改卯之後匠役人等所得工料未及從前一半生計未免拮据酌請每局每年各加錢十卯以符從前各四十卯原額之數

又奏准寶泉局加鑄十卯

又 太上皇帝勅諭內閣前因各省小錢充斥由於各省督撫不實心詳查不肖局員等鼓鑄時偷減銅斤將輪廓收小且以為好缺用其所私之人以致奸民因之私鑄弊端百出是以降旨將有鼓鑄省分暫行停止業將兩年因念各局匠役人等世業其役停鑄日久伊等未免生計維艱而滇黔各省照舊開採並恐銅鉛積壓過多致啟偷賣營私之弊自不可不量為變通又上年皇帝幸戶工部臣奏請各省開鑄時乾隆嘉慶錢文各半分錢業經允准今思朕臨御六十年而雲南廠又值豐旺遂照數鼓鑄乾隆錢文各省流行較多茲復各半分錢則新舊錢文攪雜行使倘局員等仍復減小鼓鑄轉致無從稽覈著有鼓鑄省分各督撫於接奉此旨後即將嘉慶年號錢文按例全行開鑄並照戶工二局頒發錢式銅六鉛四配搭試鑄戶工二局見係乾隆嘉慶錢文各半錢造亦著將乾隆錢文改為二成嘉慶錢文改為八成鼓鑄使新式錢文廣為流通今當改鑄伊始務須輪廓分明質地堅實不得再有偷減收小等弊以便商民而清國法若此次開鑄之後嘉慶錢文內再有未能如式薄小粗糙者錢上有各省局名可以一望而知非局員舞弊即係地方官查察不嚴致有奸民私鑄必將該督撫及地方官局員等分別從重治罪至雲南楚蜀向為小錢淵藪尤應實力稽查倘陽奉陰違仍前滋弊一經查出必將該督撫等加倍治罪決不姑貸伊等身任封圻從前既未能嚴查小錢收繳淨盡已屬咎無可辭俾遊於外寬宥茲當奉行之初經朕誥諭訓誨若再不激發天良認真查辦則是姑終不悛恐不能當此重戾也

又 諭近日以來各省小錢充斥節節降旨諭令各督撫實力查禁收繳而小錢仍未淨盡且不肯吏胥等往往藉查繳小錢為名任意訛索甚至暗中受賄轉將私鑄私販之人賣放是欲除弊而反以滋弊可見官為查辦仍屬有名無實况百姓商賈行使之小錢均係由他處輾轉攪雜而來並非本人私行鑄用

若不清其源而徒絕其流於事終屬無益見在開鑄伊始正當肅清園法之時該督撫等務宜實心查察如式鼓鑄勿令局員工匠等偷減薄小其山僻處所有奸民私鑄者當督飭所屬嚴拿治罪俾官無小錢民無私鑄弊源可以杜絕其民閒行使轉可不必查禁以免擾累惟舟車裝載成捆小錢經過關口仍應查察究辦

二年議准長蘆官商承辦直隸江蘇浙江江西湖北陝西六省洋銅預發裕銀赴洋採辦每年額交直隸省銅二十五萬斤陝西湖北江西浙江等省銅各五萬斤江蘇省銅五萬五千九百六斤直隸陝西二省銅每一百斤作價銀十四兩江蘇浙江江西湖北四省銅每一百斤作價銀十三兩其民商自備資本辦繳江蘇浙江江西三省洋銅每一百斤給價銀十五兩三錢至官商額辦洋銅除江蘇浙江二省係銅鉛必經之處即自行交局其江西銅斤令該省委員赴蘇領運由商運送沿途經過各關例不輸稅今長蘆之商應令江蘇商商接辦仍照從前十三兩十四兩之例預給銅本採辦江蘇浙江二省就近由商解交其直隸陝西湖北江西四省洋銅商人赴洋辦回按額解交寶泉局庫令各該督撫委員赴蘇兌領商人無庸送運經過各關照例納稅其應給銅本在於江蘇藩庫先行動給領辦各省委員齎價赴蘇如該商有缺額違限等事立即革退另選妥商接辦或有虧欠銀兩在於連名互結各商名下公賠

三年議准廣西減鑄七座  
四年 諭前因民間錢價日賤飭令京局及外省俱各減卯停鑄嗣因各該局所減之卯多已照舊鼓鑄惟戶工二局尚未復舊著戶部將前停鑄之三十五卯先復十七卯工部停鑄之三十卯先復十五卯

又 諭本年春開因京城錢價較昂會降諭旨令戶工二部將所餘之卯量爲增復自增卯以來錢價仍未甚平所有戶工二局俱著全復舊卯  
又議准寶泉局鼓鑄每一百斤用銅五十二斤白鉛四十一斤八兩黑鉛六斤八兩三色配鑄  
又奏准戶工二局存貯黑鉛見有一百十萬餘斤之多自改用二色以來堆積

日久置之無用試將四成白鉛內量爲攪入黑鉛共四成有餘合淨銅五成有餘三色鑄錢文其爲完好較之見行二色配鑄每制錢一千文計省工本銀六分三釐有奇見當復卯鼓鑄之時省出工本既可多鑄錢文而存貯黑鉛仍歸實用於錢法實爲有裨

五年奏准京局自減卯以後鑄錢較少銅鉛即有餘剩雖於上年仍復舊卯鼓鑄但滇銅貯鉛每歲源源而至與其積壓過多堆貯庫外莫若加添卯額鼓鑄錢文搭放俸祿請將寶泉寶源二局各添鑄十六卯較算寶源局歲可鑄錢九萬餘串除工料銀錢之外計得錢八萬餘串搭放俸祿可敷一成

又議定寶源局鼓鑄搭放俸錢於舊局增設俸鑄三座新局增設俸鑄四座  
又奏准戶工二局所存黑鉛因添卯鼓鑄恐不能接濟將見在三色配鑄用銅五十二斤白鉛四十一斤半黑鉛六斤半內減用黑鉛三斤四兩即將所減鉛斤加添滇銅二斤白鉛一斤四兩以之配鑄

又奏准寶泉局添設俸鑄十三座每年加鑄十六卯所鑄錢文搭放京員俸祿並復俸鑄十座

又 諭新疆各回城自乾隆二十四年平定後即鑄造乾隆通寶錢文通行至今敬思新疆二萬餘里俱係 皇考開拓撫定之區國寶流行所當萬年敬守見在阿克蘇請領祖錢式樣所有新疆等處地方自應鼓鑄嘉慶錢以資行使至乾隆錢尤應永遠通行嗣後新疆地方鼓鑄乾隆錢二成嘉慶錢八成一體行用萬世子孫敬謹遵循勿替

臣謹案乾隆二十四年 高宗純皇帝從將軍兆惠之請開局於葉爾羌城改鑄錢文 特命戶部頒發錢式仍用紅銅每文重二錢形如內地制錢較厚文爲乾隆通寶用漢文其幕鑄葉爾羌城名左用 國書右用回字當是時就地採銅合鑄五十萬貫亦越 仁宗法 祖愛民以資利用 願彼回衆能毋賴手者與

又奏准各省應用黑鉛貴州每年額辦一十萬斤運漢口售供配鑄嗣因各省以金銀廠銅配鑄無需黑鉛惟直隸山西二省全用洋銅必用黑鉛配用應令



貴州每年改辦五萬斤以供該二省鼓鑄

又奏准湖南榔桂二廠俱因開採年久產鉛衰微酌令每年辦解黑鉛二十五萬斤其黔省應辦黑鉛四十七萬餘斤令貴州認真採辦務足原額按年起解以資配鑄

又議准滇省金銀廠低銅內有鉛性所有辦運金銀廠銅之江蘇江西浙江福建廣東廣西湖北湖南陝西九省毋庸配鑄黑鉛按額加配白鉛鼓鑄其全用商辦洋銅之直隸山西二省及本省出產黑鉛之雲南貴州四川等省鼓鑄錢文照京局之例一體三色配鑄

六年奏准寶泉寶源二局全鑄嘉慶通寶錢文頒行天下

又 諭戶部奏據馬慧裕咨湖南應辦京局黑鉛暫歸黔省代辦請仍勅令湖南照舊運解一摺湖南省從前應辦黑鉛原係七十餘萬斤後經祖之望於該省巡撫任內奏請將原辦四十餘萬斤酌減每年定額二十五萬斤馬慧裕到任如果相距在數十年之後尚可藉口今昔情形不同今馬慧裕即係與祖之望接任之人何至僅能辦三萬餘斤該撫到任未久自未及親行查勘何得僅據屬員稟報年久砂竭率行咨部驟減至三萬餘斤若再隔數年豈竟欲全行請免耶至黔省每年應辦黑鉛已屬不少若再將楚省額解黑鉛統歸黔省辦解豈不更形竭蹶見在京師錢價較昂廷臣動請加卯鼓鑄若鉛斤短少豈能敷鼓鑄之用馬慧裕著傳旨申飭仍著將該省應辦黑鉛二十五萬斤實力籌辦照數運解毋得存諉卸

七年奏准滇銅運京例係在省鑄鍊純淨方准起運何至到京後尚有低潮顯係承辦之員希圖冒銷火工所致與其在京煎鍊滋累不如嚴在廠煎鍊之例以專責成嗣後滇銅運京再有低潮撥雜經部驗出即將廠店各員及查驗道府運員參奏分別治罪其在滇煎鍊火工即在該員名下罰出不准造報所有京局煎鍊之例永行停止並令該督撫於出運之時取具廠運各員純淨印結及查驗道府加結先行送部以備按運稽覈

又奏准雲南正運六起京銅四百四十一萬七千八百斤自十二年改作正運

四起分運節省養廉幫費等銀添給正加六起運員均分正運銅數加增在滇領銅每起定限四十日其加運二起仍照原定一月例限

又 諭向來滇銅係由尋甸州起運經過黔省威甯州屬地方交鎮雄州轉運至瀘州水次交兌嗣經改由黔省威甯州接運令該州赴滇請領運費往返需時諸多不便著改歸滇省迤東道承運徑交鎮雄州接運以昭簡易

又議准西藏鼓鑄銀錢從前內地原派監鑄官併監鑄關防一顆一併裁撤即交西藏糧道管理監鑄倘糧員事繁於該處章京司官筆帖式內遴委一員監鑄均毋庸另給公費

八年 諭那彥寶奏滇省積存官臺廠低潮銅五百餘萬斤必俟改煎純淨方可撥給各省採買之用但恐委員等守候需時有誤局鑄請將尖山廠所出之銅改撥領運等語官臺廠積壓低銅既難撥令委員領運而尖山廠銅斤成色與煎淨官臺廠銅色相等且尖山廠程站較之下關局計近十五站半運脚又屬節省著照所請通融撥給以供採買仍將換存省局官臺廠並積貯下關局各低銅一律改煎純淨照舊撥給各省採買之用

又題准貴州運漢售供各省白鉛因深納河新廠程站較遠酌增三站運脚每一百斤合價銀四兩二錢三毫三絲九忽八塵令各省照此齊價採買四川赴永甯採買黔省白鉛每一百斤合價銀四兩五錢五分二釐一毫七絲九忽二微

九年 議戶部等衙門議覆朱桓條奏京城錢價過昂請嚴察積弊禁止居奇以便民生等因一摺國家設局鑄錢原以利用便民而錢價之昂貴總不外局中短鑄及奸商私毀二端京城寶泉寶源二局按卯兌發銅鉛鼓鑄錢數自有定額該錢法侍郎自應督飭各該監督嚴剔弊竇實心經理而奸商私毀之弊即京師亦所不免著步軍統領衙門嚴密訪拏以清弊源至外省設立錢局按卯鼓鑄何以錢價騰貴更甚於京師自由各該督撫及各該地方官不實力督辦或係局中短鑄或有奸徒私毀以致錢文不能充裕價值日昂嗣後各省督撫當轉飭各地方官一體嚴察如查有短鑄及私毀情弊立即查拏懲辦毋

得視爲具文以重錢法而利民用

又奏准寶泉局裁停鑄十三座減鑄十六卯

又奏准寶泉局庫貯銅鉛不敷本年十一十二兩月各暫行減鑄一卯明年正月至五月每月暫減二卯

十年 諭近年京師錢價昂貴節降旨查禁私販外出並令戶工兩局按卯鼓鑄毫無短缺而價值仍未稍爲平減風聞各省錢局不能如數鼓鑄該督撫等並不實力查辦以致日形短絀前於嘉慶五年開會經降旨諭令停鑄省分概行復卯其中有數省奏明不能遵復者而每歲報部照舊鼓鑄者居多無如承辦之員冀圖偷減工本並不遵照定例妥爲經理名爲開鑄而其實仍未復卯各省商賈市易流通專賴京局錢文以資轉運無怪乎局錢按卯鼓鑄而錢數不見其增錢價不見其減也夫國寶所貴流通若以天下之大盡仰給於戶工兩局是各省錢局竟成虛設民閒購物件以銀易錢虧失增倍於閭閻生計大有關繫不可不通飭查辦著各該督撫等將各省錢局應鑄錢文務令按卯如數鼓鑄毋許有偷減虛報情弊倘經此次曉諭之後尚不激發天良嚴實辦理一經發覺或被指參必將該督撫藩司及管局之員從嚴懲治其有將短絀缺額等事據實呈告者訊明所控確鑿定加獎賞以期整頓清濁府充裕各該督撫等不可視爲具文自干重戾也

又奏准寶泉局本年六七八三箇月明年三四五三箇月各暫行減鑄半卯每銅鉛百斤內減去白鉛五斤加添洋銅二斤高錫一斤八兩黑鉛一斤八兩暫行通融配鑄

又議准貴州每年運赴湖北漢口銷售鉛斤黔省委員至漢口交代湖北委員接收清楚即行起程回黔毋庸在漢口守候銷售其接收鉛斤及兌發各省委員採買事宜令漢陽同知就近坐局管理每屆歲底責成漢陽府盤察結報所有售獲鉛價寄貯湖北蕪湖省運委員到楚領解回黔歸款

十一年奏准四川鼓鑄銅斤向資本省廠鑄開有不敷按例價十二兩採買商銅濟鑄近來工本昂貴採買商銅不敷額用今覓得西昌縣屬之拖角山白果

山二處銅礦應准暫行按照例價官爲開採不抽課稅俟鼓鑄充裕仍照例抽課

又 諭領運京鉛關緊要總應隨時催趕無誤京局鼓鑄嗣後銅鉛運員到川務令迅速開行不得任令藉詞延誤倘有實係患病者如爲日無多尙可依其病愈催令起程若察看病難速愈應即另行派員接運以重局務

又奏准寶泉局自本年七月至十月各加鑄半卯十一月至明年二月各加鑄一卯三月至十一月各加鑄一卯半停配高錫洋銅仍照定例以滇銅白黑鉛三色配鑄

嘉慶十七年奉 旨滇省運京銅斤鼓鑄攸關必須迅速到京源源接濟所有沿途行走各運滇銅著派出專司督催之直隸山東等省藩臬大員實力催趕上月在東守陳之李鏞一運銅斤限於五月內交局行抵江甯安徽等省之李開瑞張琛曾維道馮建霖等四運銅斤限於五月內抵通其辛未年滇員嵩山等各運銅斤亦一體嚴催迅速運京毋得借守風守水爲名前運偶有耽延後運藉詞觀望致滋延誤至桂芳等奏稱壬申年滇銅見尙未報開行著傳諭伯齡等即傳飭領運各員迅速啟行其加辦銅斤並應解銅批飯銀均飭令一併報解

又 諭御史嵩安奏請平銅器價值以重錢法一摺所奏不可行國家鑄造錢文以利民用如有敢將制錢銷毀或磨鑄小取銅求利者律有明條地方官果能嚴行查禁自不致有私鑄等弊若如該御史所奏將民間所用銅器官爲酌定價值勿任擡價居奇以杜奸商私鑄制錢取銅牟利之弊無論民間製造銅器尙需手工火耗等費工本懸殊其價值原不能齊民間日用器具其多豈能一一官爲定價該御史所奏無庸議

又 諭朕聞江蘇寶蘇局近日所鑄錢文多攪和沙子錢質薄脆擲地即碎外省設立錢局鼓鑄錢文應遵照定式斤重以期久遠流通今該省錢質如此薄脆自係經手官吏匠役人等剋扣銅斤攪和沙子所致事關錢法不可不加以整頓著百齡朱理即留心查察提驗該局見鑄錢文如實係薄脆不堪行使即

將局內吏役人等嚴行審訊究出弊端將該管官員據實嚴參勿稍迴護

謹案國法爲 國家要政所以前民利用職至重也洞庫雍兩朝更定幣制會以銅六鉛四爲準而所謂看火翻沙刷灰雜作到邊滾邊磨錢洗眼諸役皆有一定秩序以故所出制錢圓潤輝潤近古罕倫今寶蘇局通挽和沙子擲地即碎無論局員侵蝕舞弊彼靡然爲封疆吏者豈真熟視無覩耶

十九年 諭蘇榜額奏嚴禁海洋私運一摺據稱近年以來夷商賄通洋行商人藉護回夷兵盤費爲名每名將內地銀兩偷運出洋至百數十萬之多該夷商已將內地足色銀兩私運出洋復將低湖洋錢運進任意欺朦商賈以致內地銀兩漸形短絀請旨飭禁等語夷商交易原令彼此以貨物相準俾中外通易有無以便民用若將內地銀兩每年偷運出洋百數十萬歲積月累於國計民生均有關係著將收銷詳報查明每歲夷商等偷運足色銀兩出洋實有若干應如何酌定章程嚴密禁止會同妥議具奏

又 諭侍講學士蔡之定奏請行用精票一摺前代行用鈔法其弊百端小民趨利若鶩精弊較之金錢尤易作偽必致訟獄繁興麗法者衆殊非利用便民之道且國家經費量入爲出不致遽形匱乏何得輕改舊章利未興而害已滋其乎蔡之定著交部議處以爲妄言亂政者戒

謹案鈔票始於唐之飛券至宋通有交子會子等名目中國論鈔幣者言人人殊大都以珠玉黃金爲希世之寶鈔則敗絮而已執行不善而滋弊竇顧何以西國鈔票精美完好近且爭設銀行以廢紙賺我金錢而衆反稱便然則鈔之行與否仍視主持者之信用爲之券耳

又 諭向來雲南土貢例進銅鏡浙江歲進嘉興湖鏡兩准歲進銅火盆相沿已久歷年所積宮內存貯甚多朕愛惜物力思以有用之銅斤度之無用之地殊爲虛擲見在錢局官銅未爲豐裕若省此耗費俾廣爲流通於鼓鑄不爲無益著傳諭該督撫嚴改此數項銅器嗣後均無庸呈進則鑄造者少而地寶習歸利用矣

二十年 諭給事中黃中傑奏請復禁銅收銅舊例以裕錢法一摺所奏甚屬不知政體國家因時立政期於便民自乾隆初年停止銅禁以來已八十年民間無不稱便而京省各局銅斤亦並無缺額之虞昨歲朕曾降旨停止外省呈進銅鑪火盆以節糜費而裕鼓鑄酌盈劑虛道實適中至民間日用所需安能以數十年弛禁之物一旦設爲苛令察及錯鉢從前永祚楊燁曾節次奏請禁用銅器皆經戶部議駁今該給事中復請申嚴銅禁請飭令官民家內所存黃銅器皿概以三年爲限悉數繳官如逾限不繳者查出以違例論罪此令一出必致紛紛擾累胥役訛索鄰里控訴訟案煩滋究於錢法奚裨耶所奏不可行著毋庸議

二十一年 諭成格等奏增復鑄錢料價一摺寶泉局額給鑄頭料價因物值增昂不敷辦公加恩著照所請准其照雍正十二年以前舊價每卯增復料錢一百四十七串六百文每年共增復料錢一萬六千二百二十七串二百文將局庫見存餘錢內撥出錢十萬串交蘆商生息其增復料錢即以此項息錢給發惟料價既增務須督飭該鑄頭等如式鼓鑄毋令再有偷減以肅錢法

又 諭佛住等奏請照戶局增復料錢一摺工部寶源局額給鑄頭料價前於雍正年間與戶部寶泉局額給料錢同時酌減前此戶部因該鑄頭等辦工不敷奏請增復料價業經降旨允准工部與戶部局事同一例加恩著照所請准其照雍正十二年以前舊價每卯增錢七十三串八百文每年共增錢五千一百六十六串文由戶局存貯餘錢內再撥錢五萬串同戶局前請撥錢十萬串一併發交蘆商生息按年解交戶部其工部每年所增料錢即自奉旨之日爲始按月在於鑄出卯錢內撥給該侍郎等務督飭該監督等責令各鑄頭如式鼓鑄毋稍偷減以肅錢法

二十五年 諭據御史王家相奏近日江省寶蘇局所鑄官錢銅少鉛多而官銅偷鑄小樣錢每錢一千不及四斤民間號爲局私自蘇松至浙江江西流通廣以致銀價日貴官民商賈皆受其累其私鑄錢之地則於局內深挖地窖上蓋煤炭掩人耳目其搬運之時則於每日兩次放水買騙水夫隨身帶出

其私售之人則附近寶蘇局之錢店接受窩藏轉流布一年之中惟應解兵餉不得不鑄官錢此外盡鑄小錢其火工飯食仍開銷公項銀兩若藩司到局則藏匿新鑄之小錢而以舊存備解兵餉之官錢磨新廉實蘇局監督協理各委員得受陋規每開一卯監督得陋規三百兩協理得陋規二百兩以致鑄頭益無忌憚歷任藩司未必全無見聞特以因循姑息流弊愈深等語錢局鼓鑄圖法攸關豈容官局鑄私致商民胥受其累陳桂生接奉此旨即日親赴寶蘇局嚴密查驗該局有無私挖地窖並搜查有無私鑄小錢一經查出弊竇即將該藩司及監督協理各委員據實嚴參並究明得受陋規起自何年務須大破情面秉公查辦不可稍涉瞻徇一面將錢局事宜認真整頓遴選廉能素著之員赴局監理按卯鼓鑄將新鑄錢文照例當堂稱兌驗收貯庫如有偷減工料者立即嚴懲以除積弊

道光二年 諭御史黃中樞奏請嚴禁海洋偷漏銀兩一摺所奏是定例廣東洋商與夷人交易止用貨物收買轉賣不准用銀立法甚為周備近因民間喜用洋錢洋商用銀向其收買致與江浙等省茶客交易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員弁認真巡查出口洋船不准偷漏銀兩仍不時查察如有縱放之員即行參革治罪

五年刑部覆奏兩江總督陶澍等議覆給事中孫蘭枝奏紋銀出洋請明定例案一條查白銀一項雖非銅鐵製造軍器者比惟內地物產應供內地之用若私運出洋則內地轉形支絀應如該督所議另立治罪專條嗣後紋銀出洋一百兩以上請照偷運米穀一百石以上例發近邊充軍一百兩以下杖一百徒三年不及十兩者杖一百枷號一箇月為從知情不首之船戶各減一等間擬竊入則例永遠遵行

又申禁粵洋民人以紋銀易貨洋人以洋銀易貨  
九年 諭御史章沅奏粵洋通市不得違例私易銀錢請旨飭議章程一摺向來外洋與內地通市止准以貨易貨例禁嚴最近日洋商貨物務為奇巧炫惑

漁利取值不啻數十百倍據御史奏稱該洋人賦性狡黠純用機心貨物則必索官銀制錢買物則概用番銀夷錢銀低錢薄僅當內地銀錢之什七或仍以番銀給還則斷不收納是以番銀之行日廣官銀之耗日多嗣後該省通市務當格遵定例止准易貨毋許易銀其番銀之在內地者行用已久自難驟加遏絕至內地官銀則分毫不准私出著李鴻賓盧坤延隆會同詳查妥議章程具奏

又 諭朕聞外夷洋錢有大幣小幣蓬頭蝠雙柱馬劍諸名在內地行使不以買貨專以買銀暗中消耗每一元抵換內地紋銀計折耗二三分自閩廣江西浙江江蘇漸至黃河以南各省洋錢盛行凡完納錢糧及商賈交易無一不用洋錢番舶以販貨為名專帶洋錢至各省海口收買紋銀致內地銀兩日少洋錢日多近年銀價日昂未必不由於此若不究明弊源嚴行查禁不特徒滋紛擾轉使作奸犯科之輩益復無所顧忌前因內地閒有夷錢攪雜行使曾經降旨飭禁然尚不似洋錢行使之多折耗之甚昨接李鴻賓等密陳英吉利請改貿易章程摺內亦經籌議及此該督等通達治體深悉積弊必須將如何截其來路如何禁其分銷期於言出法隨不至徒為文告故事有名無實方為妥善

十三年 諭給事中孫蘭枝奏江浙兩省錢賤銀昂商民交困並臚陳受弊除弊各款一摺著陶澍等悉心籌議體察情形務當力除積弊平價便民不得視為具文以致有名無實

二十一年 諭戶部奏請飭催各省開鑄一摺各省鼓鑄錢文搭放兵餉以便流通見據該部查明停鑄省分至十一省之多且停鑄多年恐錢法漸至廢弛不足以資民用著直隸山西陝西江浙江西浙江福建湖南湖北廣西貴州各督撫務照每年應鑄卯額迅速開鑄其有鉛斤不敷之處亦著趕緊購辦毋稍遲延

二十四年 諭前因回疆所用當五當十錢文行使便利降旨令富呢楊阿等體察陝西甘肅情形做照鑄行茲據該督奏稱普爾錢一項惟南路八城通行

北至吐魯番東至哈密即不能行其吐魯番所產棉花亦不能以普爾錢收買民閒不能施行在官即難搭放等語回疆普爾錢文籍可流通法惟欲自外而內必須漸推漸近著布彥泰達洪阿等體察南北兩路各城情形能否一律行使確加訪數據實具奏尋奏普爾錢係淨紅銅鑄造做鑄反增工費其帶至東北各城每個止作一文之用不能當五當十批候 旨行

三十年 諭刑部奏審擬寶源局匠役圖借官銀利乘滋鬧一案並請由工部錢法堂飭令該監督隨時約束已依議分別辦理自足儆戒將來惟戶工部錢局人數衆多如果該監督大使等平時管束有方何至有恃衆抗官之事前因通政使司參議齊承彥條奏曾經降旨令寶泉寶源兩局堂官妥籌約束章程因思該工匠等均係在官人役近在輦轂之下勝敢鳴鐘聚衆復敢不服彈壓將地面及該管官閉門扣留雖未貽誤錢鑄實屬目無官長大干法紀倘不嚴加整頓必致釀成事端所關匪細嗣後應如何嚴定規條先事豫防之處著該堂官仍遵前旨迅速妥議具奏尋戶部工部奏擬約束匠役章程一各廠匠役平時責成大使查察朔望點驗責成滿漢監督對年貌一各廠開門各有定期責成廠中大使並派筆帖式一名分赴抽查一開匠額數鑄房八人磨房六人不得於額外私相容留一各匠出外買辦食物責成地面堆積弁兵隨時查察一各廠開匠令八行正匠管束八行正匠令鑪頭管束有不安本分者稟明本廠大使究辦

又 諭御史陸慶等奏請嚴禁鑄錢違式一摺寶泉局鼓鑄制錢配用銅鉛輕重向有定式自應局員隨時查驗有輕重不均者飭令回鑪不使支放之時臨期挑換茲據御史等奏稱每月監放八旗餉錢竟有薄小易碎字樣模糊者每千枚雜數十文勢難逐串查驗而兵丁食用所關豈容任意以偷減之錢強爲支領等情因思戶部寶泉局如此工部寶源局其弊略同嗣後著兩局滿漢侍郎督率該廠大使等實力整頓悉遵定制毋任草率偷減如有厚薄大小輕重不符及文字模糊磨兌不精等弊隨時查驗將鑪頭人等嚴行懲辦並將監督等官參處見在新章甫定勸懲兼施該侍郎等若止有保舉而無參劾錢法

安望有起色耶悛之

又 諭戶部奏請飭催銅斤等語京局鼓鑄錢文全賴滇黔二省按時運到銅斤方資應用豈容任意稽延所有南經運過淮關及尙在湖北江西地方之滇運戊申己酉等年銅斤各員著沿途各督撫嚴飭沿河文武員弁押令晝夜速行刻期北上其奏提湖南江蘇局存洋滇高銅並著趕緊管押運京總期速益加速以重鼓鑄而濟要需

又 諭戶部錢法堂奏請飭催銅斤等語滇運銅斤遲滯屢經降旨飭催並特派沿途各省藩臬大員實力催趕何以漫不經心任令延宕可見各省藩臬直將特派事件視爲具文殊負委任茲據戶部錢法堂奏稱在途各起運員均未據經過各省報抵何處其已入山東境之宋琪一運亦未據報出境日期若再耽延致誤鼓鑄所派催趕大員豈能當此重谷著直隸總督山東巡撫先將宋琪一運銅斤星夜迎提飛報北上俟行抵通壩即著倉場侍郎迅速盤驗務於八月中旬運交京局其餘在途各運亦著經過各該省督撫勒限加緊嚴催不准片刻停留並著漕運總督飭令於重運軍船內插檔行走毋得藉稱擁擠再有遲延至湖廣等省銅斤亦著一律趕造勿任虛報阻滯倘各該運員仍復逗遛地方官催趕不力即著各該督撫指名嚴參以儆怠玩而濟要需

又 諭楊殿邦奏銅鉛船隻駛出東境等語戶工兩局需銅孔亟見在節逾立冬宜防凍阻所有委員姚光藻椿齡陳然青等三起及在後之李崢嶸等各船著該漕督迅飭嚴催並著倉場侍郎直隸總督酌量情形是否應須起剴迅即設法押催抵通毋任延誤

皇朝續文獻通考卷二十

錢幣考二

咸豐元年 諭工部錢法堂奏請分撥銅斤以資鼓鑄等語工部資源局見存銅斤不敷鼓鑄在途各運盤經嚴催尚未據報抵何處自應先事豫籌著戶部錢法堂於業經提到之湖北銅六十萬斤內撥交工部二十萬斤以資接濟其奏提未到之江蘇湖南存銅共四十四萬三千斤俟解到時亦著照向來演銅定額分撥工部三分之一嗣後戶部如再提他省銅斤並著照此畫分辦理以昭平允

又 諭工部錢法堂奏遵將發下小錢嚴查覆奏一摺鼓鑄制錢向有定式豈容偷工減料致多摻雜此次發下小錢是否局鑄私鑄見既無憑確查姑免深究嗣後該侍郎等驗錢時挑出不合式樣小錢概令回鑪重鑄毋許仍前搭放料錢以除積弊並著嚴飭該監督等隨時稽察有犯必懲如有扶同諱飾經該侍郎等查出除將舞弊之鑄頭工匠交刑部治罪外並將該監督嚴懲處其每日解交部庫錢文著陝西道御史認真抽查如有摻雜小錢將該侍郎等一併參處毋稍徇隱至戶部事同一律亦著該部侍郎等飭令監督嚴加釐別並著稽查之御史一體抽查務各實力整頓以肅國法而清弊端

又 諭戶部錢法堂奏漢銅解運遲延已酉未到三運或甫入東境或甫抵清江庚戌六運均無確信恐緩不濟急等語銅運攸關鼓鑄似此節節耽延必致遲逾貽誤疊經降旨飭催仍著沿途各督撫及派出之藩臬各員並河漕各總督不分畛域一體飭屬嚴催務令趕緊運京以資鼓鑄毋任遲延倘該運員任意遲延或沿途地方官不能實力催趲即著指名嚴參懲辦

二年 諭戶部奏滇省辦銅低潮過多領運各員行走遲滯請飭催查辦一摺雲南省辦運京銅自應遵照定例依限開船乃近年在滇各運無不以患病守水為詞任意耽延且解局銅斤低潮過多錢砂尤甚見在京局鼓鑄急需豈容解運遲滯低潮摻雜致有貽誤著雲貴總督雲南巡撫查照戶部前奏章程嚴飭廠店各員以及領運委員務將所辦銅斤質純淨潔整齊清楚毋稍含混並

飭領運各員依限到滬滬店委員隨到隨兌倘仍前玩誤即著從嚴參辦該督等惟當實力整頓剔除積弊如銅斤成色不能純淨起運不能迅速即著該部查明將該督撫一併議處

又 諭四川學政何紹基奏請鑄用大錢以復古救時並禁止民用銅器得旨所奏不為無見然小錢大錢制雖異用實同見鑄小錢銅尚不足何況大錢乎汝知一未知二也至器用多銅原干例禁本年曾經降旨況古制亦非盡善舉一事必欲復古試問井田封建尙可復乎此摺著戶部存記若有可行時不妨採擇入奏

臣謹案大錢利弊具詳前史當是時戶部侍郎王茂蔭兼管錢法堂事務曾痛論其失謂歷代行使大錢未有三年而不改變廢罷者未有不稱盜鑄雲起物價騰貴公私非便者則其事之窒礙可知至欲并民用銅器一概禁絕之是又書生之論矣

三年 諭御史福善奏奸商剋扣請旨嚴禁一摺見在戶部設立官錢鋪兌放八旗軍餉必須嚴除積弊方可取信於民若如該御史所奏官錢鋪散放兵餉任意折扣撥用小錢並該鋪商人強橫異常不准取錢人詳細點數等情殊非設立官鋪使民利用之本意著戶部派員實力稽查官鋪商人如有折扣剋削及撥用小錢情弊立即嚴行懲辦並於各官鋪出示曉諭以杜奸欺倘取錢人等故意挑斥為難亦著一併查究

又 諭本日據戶部奏兵餉支絀請飭附近籌款移緩就急一摺見在寶泉局雖經復卯兼鑄大錢尙有不敷備支之勢著納爾經額速飭藩司於沿河州縣起運各款內酌提錢文舟運至京並派大員催提毋任延宕並著長蘆鹽政文謙即將本年鹽課按照時價全數改解制錢或撥明銀款先行的解若干原摺著抄給閱看

又 諭王懿德奏請添設鑄座兼鑄大錢一摺見在京師戶工兩局添鑄當十大錢與制錢搭放行用甚為便利業據戶部奏明通行各省照式增鑄大錢酌擬章程試辦茲據王懿德奏請於福建寶福局添設兩鑄試鑄當十當五十

當百大錢其原設鑄座仍按卯鼓鑄錢與大錢相輔而行並將大錢式樣送呈即照所議辦理其銅斤分數如何配製各省收放款項如何通行利用之處著戶部妥議章程具奏

又 諭前因巡防王大臣等奏請推廣鑄造大錢當交戶部議奏茲據該部查照王大臣等所議當千大錢以重二兩為率以次的量遞減期於輕重相權便民利用著即照部議所有當千當五百大錢均用淨銅鑄造務使磨鑄精工色澤光潤當百當五十當十當五大錢亦須配鑄精良一律完整與制錢相輔而行俾民間咸知寶貴便於行用倘製造稍有粗率偷減者錢法堂侍郎即將鑄匠人等嚴行究辦該管監督大使各官一併嚴參並著該部通行各省督撫均照此次所定分兩一體鑄造以歸畫一其民間應納稅課錢文等項均照部議准以大錢交納其應交銀者並准其按照制錢兩串折銀一兩之數抵交總期上下相信出入均平如有私鑄及奸商居奇阻撓者均按例治以應得之罪又 諭戶部奏籌議川楚封存銅鉛改道運京一摺見在京局銅錢短絀各起運員多因江路梗阻不能抵通湖北省城見有存留兩運銅斤四川巴縣見有截卸四運鉛斤據該部奏請均令運赴樊城或河南新野縣登陸即用商販雇車攬載包裝卸之法運抵河南內黃縣計陸程一千三百餘里即由楚旺集入衛河交豫省運糧軍船運帶歸各運員押運以期迅速抵通接濟京局之用著裕瑞吳文鎔崇綸英桂按照該部所指程途辦法派委道府大員悉心籌辦親往督理監押各運員通行各按省分交督飭令經過州縣一體照料以利運務而資鼓鑄此係必應變通之舉該督撫等務當迅速妥籌辦理

戶部奏咸豐二年九月奉 上諭花沙納奏請行鈔法一摺著前派會議籌備軍餉之王大臣等一併會同戶部詳議具奏 等伏查兩載以來軍需河餉糜帑已二千數百萬兩以致度支告匱籌畫維艱中外臣工志切國計者無不竭力殫忱各抒所見而請行鈔法者為多合觀諸臣之論大抵遠取唐宋飛錢便錢之遺意近覽民間錢票會票之通行以為濟困之策無以逾此而其中虛實之各判疑信之攸分與夫興廢久暫之代有異同通滯利弊之不相假借似未

有灼見真知俾克立時措手可有把握之處是以戶部於請行鈔法諸奏屢經議駁而於會籌軍餉摺內有行用銀票期票之語誠以利害可自上開之而流之通塞又必自下權之鈔法可徐圖而未可驟舉也茲據左都御史花沙納奏稱為今之計欲求萬全之策莫若酌行鈔法一事因噎列造鈔行鈔換鈔三十條並數陳用鈔十四利等因 等竊維生財育本乎大道而立制尤貴乎因時見在軍務未竣各省防勦兼施所籌無非急款與其用久未奉行之法而收效稽遲不如就從前本有之財以力圖周轉再四籌思公同酌議會請京師錢票流通就其法而擴充之民以習見而相安事以推行而盡利擬請暫行銀票期票仿照內務府官錢鋪之法開設官銀錢號以便支取並查 等前於議覆唐事府少詹事卓保奏請酌抽帑本摺內聲明當雜各商本銀另籌周轉之法茲擬除各省鹽商帑本毋庸議提外請於各省當雜各商生息帑本內每省酌提十分之三由該州縣解交藩庫勒限三個月由藩司造冊報部俟撥戶部核明銀數計應造一百兩暨八十兩五十兩之票若干張彙發該省藩司按原提本銀數目分給各該當雜商准令該省捐納封典職銜貢監之人向各商買票報捐歸還原提各商銀款內有畸零尾數即以見銀令其找足其各商應繳息銀仍如其舊如此一為轉移於商無虧而於事有濟應令該管地方官妥為辦理毋使胥役別滋擾累亦不許商人藉端阻撓又各省有見存未買穀價銀兩應令各直省督撫轉飭藩司勒限三個月查明此項存銀若干無論在藩庫屬庫酌量催提先行報部聽候撥用其發交銀票歸還各州縣原款之處亦與酌提當雜商帑本辦法相同俟各該省豐收買補之時令捐生交銀領票報捐地方官即將所交之銀買補並請於京城內外招商設立官銀錢號三所每所由庫發給成本銀兩再將戶工兩局每月交庫卯錢由銀庫均勻分給官號令其與民間鋪戶銀錢互相交易即將戶部每月應放見錢款項一概放給錢票在官號支取俾見錢與錢票相輔而行輾轉流通兵民兩有神益至在京王公百官俸銀向分二八月兩次支領今擬請世職自親郡王以下伯以上文職自四品以上武職自二品以上均給與期票五成統限於八月初一日持票赴庫開

支其秋季俸銀准此遞推以上各條如蒙 俞允等即行文各省督撫暨八旗都統欽遵辦理至開設官銀錢號處所應由順天府府尹督飭大宛兩縣購賃舖房由五城坊官招股實商人加具保結送部核辦

又戶部奏推廣鈔法以錢準銀凡地丁雜稅及一切解部之款均請以錢鈔二千抵銀一兩從之

又 諭前旨派左都御史花沙納陝西道御史王茂階會同戶部堂官妥議鈔法奏明辦理茲據花沙納等公同酌議具奏並繪具官票式樣進呈朕詳加披覽所擬章程各條尚屬周密著即照所請定為官票名目先於京師行用俟流通漸廣再頒發各省一律遵辦官票之行與銀錢並重部庫出入收放相均其民間銀錢私票行用仍聽其便商賈交易亦無抑勒洵為裕國便民良法總期上下相信歷久無弊即使國用充裕官票照舊通行該部即遵旨刊刻告示並著步軍統領衙門順天府五城一體出示曉諭遵行

又 諭惠親王等奏請頒行銀錢鈔法一摺據稱銀票以便出納錢鈔以利流通請令京師及各省均由戶部頒行銀錢鈔任聽民間日用行使並完納地丁錢糧鹽關稅課及一切交官等項俾文武官員軍民人等咸知銀票即是實銀錢鈔即是制錢擬定成數搭放接收以期上下一律流通等語自來制用常經銀錢並重用楮幣歷代通行見在銀價昂貴需用浩繁民間生計維艱必須與時通變使鈔票與銀錢兼權並用以冀寡多益寡日見充盈茲據巡防王大臣大學士軍機大臣戶部合詞額請實已詢謀僉同著即照所議由戶部製造錢鈔頒發中外與見行銀票相輔通行其應如何搭放接收酌定成數以昭限制總期官民兩便出納均平所有一切應辦事宜著戶部詳細酌覈妥議章程具奏

又 諭翁心存等奏軍營搭放鈔票窳窳情形一摺官票寶鈔之與原以濟銀錢之不足見當章程甫定正期中外大臣力求變通設法推行順天為首善之區尤宜倡率遵辦以為各省之式且出納皆以五成為限民間完繳正項錢糧與鹽關課稅及一切交官等款皆須鈔票與銀錢相輔而行前降諭旨甚明民

閉宜無不周知方將購求鈔票以為交課之用尙何窒礙之有該兼尹等率據緝獲道員詳文謂須先由地方試行有驗方可行使是先存一試行無驗之心為此阻撓之說並未將如何流通一為籌及直甘心置鈔票於不用是何居心該兼尹府尹輕聽該道之詞意存見好屬員率請撥給見銀制錢戶工兩局見錢大錢日不暇給與庫項空虛該兼尹等竟茫無所知即謂兵丁行使初尙未便而隨營官員應領款項甚多豈亦難搭放是直畏難不辦竟置大局於不顧至該員定保詳稱係奉參贊大臣札令徑詳駁辦該兼尹等亦不復查是否確實遽信為實在情形尤不可解想借格林沁公忠體國不當如是也所有應行次第施用鈔票之處即著該兼尹等妥速籌商俾無阻滯

四年 諭惠親王恭親王奕訢親王銜定郡王載銓奏試鑄錢有效請旨辦理一摺見在戶工二局所鑄大錢業已暢行更得錢錢相輔國用民生當可益臻饒裕著惠親王等悉心詳定章程添鑄錢錢總期與見用銅錢並行不滯所擬設廠安鑄各款均照所議辦理

又 諭王慶雲奏陝局鼓鑄大錢進呈錢樣一摺陝西省局鼓鑄當十至當千各種大錢既已漸次流通商民便於行用著即照所議辦理其南山一帶銅鉛等礦並准民間開採惟不得招集外來游民致令奸宄洩述著王慶雲妥定章程督飭所屬認真稽察以裕鼓鑄而杜流弊

臣謹案王慶雲所著 熙朝政紀其鑄大錢說帖中略謂今之制錢蓋工本二而鑄錢一局中鑄一串之錢即糜一串之帑歲常以數十萬金置之無用之地此何為者誠使以制錢五文工本鑄當五大錢以十文工本鑄當十大錢是一而鑄一也雖制錢民間行用固不可廢要不妨與大錢配鑄配行局中減鑄制錢一串明省一串之虧折此人所共知至配鑄大錢一串隱留一串之盈餘人或未必知即知之又慮其不能行是在當事者實力講求所以行之之術而已今欲兼行大錢不患不能搭放而患不能搭收官不收而使民用之其廢格不行可立而待故其始必收放相權立為規制及乎鑄漸多用亦漸廣利權操於上而民用便於下異日之大錢



即今日之制錢流布轉移有不必遲期其效者惟是鑄造之法必精收放之令必信設致行存乎其人云

又 諭慶錫奏遵議設局鑄造大錢章程各摺片所請先鑄當百當五十當十大錢以期暢行者即先行鼓鑄其錢背應鑄局名即查照舊例用清文寶前二字至五字百字毋庸添寫人旁以歸畫一其餘各條均著照所議辦理該總兵即督率委員招匠試鑄以備搭放兵餉之需倘因銅斤支絀或成本過重未能獲益即著停鑄如果大錢流通無滯所有部頒鈔票即行暫存官局另爲設法變通著慶錫隨時體察情形奏明辦理

又 諭御史伍輔祥奏錢法新定章程請飭速爲曉諭以期疎通一摺京師糧食最關緊要據該御史奏稱近因京外各處販賣糧食來京者不肯使用大錢致外來糧食日少糧店紛紛歇業至銀市以錢買銀大錢制錢價值懸殊且天津通州等處私鑄甚多潛運入京以致大錢愈賤各等語前經疊降諭旨停鑄當千當五百大錢其當百以下大錢飭令通行已由戶部步軍統領衙門順天府五城出示曉諭京城內外見已遵行收使惟京外順天直隸所屬地方尙未能一律周知鄉民販賣糧食來京者恐仍不免疑慮以致京師糧店不能以大錢收買糧價日昂於錢法仍有窒礙著買積李鈞桂良飭令所屬將前奉諭旨於城鄉等處徧行曉示並諭以見鑄當百當五十當十當五各項大錢於便民裕國之計實屬權衡至當行之永久決無變更俾小民知當百以下大錢可以久遠存儲自必爭相寶用遠近通行如糧市經紀有把持阻撓等弊即著嚴懲懲辦務使京師糧食無昂貴之慮而大錢亦無壅滯其銀市以錢易銀亦著嚴飭經紀大錢與制錢均勻配搭毋許稍分輕重任意折抵庶錢價平而百物之價俱平至私鑄罪名業經加重仍恐差役等有得錢賣放之弊著順天府兼尹府尹直隸總督飭令所屬於私鑄大錢人犯務應嚴密查拏毋任漏網天津通州等處私鑄甚多並著嚴飭各屬認真查拏按律懲辦如有奉行不力者即據實參毋許徇隱

又 諭前因翰林院侍講清安奏大錢未能暢行諭令步軍統領衙門順天府

五城妥籌辦理本日據周祖培奏大錢壅滯之故由於使用私錢者未奉明禁以致官錢任意折算奸商官私並用龍斷出入故小民疾苦日甚請於嚴拏私鑄私販人犯外明定章程禁絕使用私錢以杜銷售之路各部院及旗營給發公費兵餉均有錢吏奸役私行抵換官錢等弊尤爲官私混雜之害並請嚴拏究辦各等語著步軍統領順天府五城按照所奏悉心妥議奏明辦理並嚴拏私鑄私販不得任其肆行無忌阻撓圖法

又 諭戶部等衙門奏遵議通政使李道生條陳錢法一摺戶工等局鼓鑄當百當五十等項大錢子母相權便民利用近因奸商阻撓以致大錢不能流通業經刑部定擬罪名由各該衙門剴切曉諭俾共知此項當百以下大錢永遠通行決無更改愚民不至妄生疑慮奸商亦不敢任意阻撓以身試法其私鑄大錢人犯仍著步軍統領衙門順天府五城一體嚴拏照新定章程治罪

又 諭前因銅斤短絀改鑄各項大錢與制錢相輔而行並諭令鋪戶軍民人等出入交易均須大錢制錢均勻搭配原期利用便民通行無滯慶惠文瑞等設局鼓鑄本係專鑄當百以下大錢惟見在民間行使大錢漸形壅滯設該局如能兼造制錢於錢法更有裨益著慶惠等體察情形悉心籌畫將該局能否兼鑄制錢若干之處速行覆奏

又 諭昨因大錢行使漸形壅滯已諭令慶惠等體察情形悉心籌畫矣茲據戶部奏稱見在大錢倍形壅滯若以戶工兩局所鑄制錢配搭慶惠等所鑄大錢不但數目多寡不敵轉致戶工兩局所鑄大錢壅滯不行請飭慶惠等自八月起做照戶工兩局章程按配造以十成計算鑄當百大錢二成當五十大錢二成其餘六成鑄當十當五並制錢以備民用等語如此變通辦理當於錢法有裨著慶惠等妥籌辦理並著速行具奏

又 諭前因大錢行使壅滯諭令慶惠文瑞仿照戶工兩局章程分成配鑄制錢以便民用茲據奏稱制錢一項因銅斤短絀僅能專用鉛鑄等語見在戶工兩局於按成鑄造大錢以外加鑄鉛質制錢與各項大錢相輔而行已足以資周轉慶惠等因銅斤不敷未能添鑄制錢自係實情其鉛錢一項既有戶工兩

局鼓鑄所有慶惠等見設錢局者即停止將以前捐輸銅斤及錢數目一併移交戶部該部於寶泉局或議添鑄或議加卯及工匠人等分別去留酌量辦理嗣後捐輸銅斤亦交該部收捐以歸畫一至慶惠等設局以來承辦各員著有微勞著擇其尤爲出力者與捐輸人員一併覈實請獎毋許冒濫

又 諭恭親王奕訢定郡王載鈺奏遵議王茂蔭條陳鈔法窒礙難行一摺著即照所奏均無庸議鈔之設原以裕國便民王茂蔭由戶部司員經朕海摺侍郎宜如何任勞任怨籌計萬全乃於鈔法初行之時先不能和衷共濟止知以專利商賈之詞牽行竄奏竟置國事於不問殊屬不知大體復自請嚴議以謝天下尤屬膽大設使朕將伊罷斥轉得身後指使百計阻撓如是欺罔豈能逃朕洞鑒耶王茂蔭著傳旨嚴行申飭

又 諭端華全慶奏天津紳民具呈請繳銀錢兌換官票錢鈔一摺著照所請於天津設立分局令該紳民等徑赴該局呈繳銀錢領取票鈔毋庸由縣轉呈以歸簡易所換票鈔准該紳民等遵照戶部章程於交納地丁鹽課關稅及一切交官款項內塔交五成所收銀錢暫存運庫作爲收買海運餘米之用其餘銀兩仍報部候撥此事即著文謙悉心經理務期於倉儲鈔法兩有裨益

又 諭前經戶部奏請令各省開設官錢局推行官票添鑄銅錢及各項大錢當經降旨允准原以經費支絀全賴錢法鈔法流通無滯庶足以利民用而濟時艱乃迄今日久僅據福建山西陝西各督撫奏明遵辦其餘各省並未將見辦情形奏報該督撫等如果悉心經理何至遲延一載迄無定章福建素稱瘠區辦理已有成效各省情形雖有不同亦何難設法籌辦總由地方官吏畏難苟安忘玩因循實堪痛恨著各省督撫將軍都統府尹等查照戶部原奏督飭所屬酌量地方情形迅速設立官錢局並設法籌款開鑄加鑄俾錢法與鈔法相輔而行一面妥議章程奏明辦理如有廉能官吏認真辦有成效准該上司據實保奏以示獎勵

又 諭恭親王奕訢等奏商人呈請借資墊發寶鈔請旨遵行一摺商人白亮劉宏振等呈稱情願借資本呈報戶部以備收發寶鈔之用洵屬好義急公

著照所請准該商等設立總局分開鋪面無論寶鈔新舊錢數多寡均許持鈔到局支取錢票見錢仍由戶部綜覈稽察以資流轉單開章程六條均著照議辦理

又 熱河都統毓書奏遵旨籌款鼓鑄推行鈔法請官收銅百斤作銀十兩報捐者八十斤作銀十兩銅器百斤作銀十三兩並設立官錢局以逐卯所鑄之錢作爲票本得旨所奏俱妥實無可再議即照所擬行

又 諭戶部奏請發寶鈔易換當千當五百大錢等語此項大錢或令換鈔或於捐輸等項內分成酌量收回著戶部再行妥議具奏尋奏當千當五百大錢甫經行使即形壅滯者以折當過多私鑄益衆利之所在法難盡除既停鑄以清其源必收回以防其弊而尤在收之迅速使私鑄無隙可乘則不禁自絕前議以寶鈔收回大錢少則旬日之間多不過一月而止不至遲延滋弊捐輸之塔收大錢與大錢換鈔殊途同歸而一速一遲不無區別仍請將寶鈔發給錢行經紀驗明局錢大錢如數收回以昭便捷

臣議案大錢甫經行使即形壅滯前王大臣等飾詞入奏謂民間頗稱利用實則民不利用大錢利用大錢之私鑄耳查舊行制錢每千重百二十兩錢之可得六十兩以錢當千大錢可抵三十千之用利之所在人盡趨之而謂能禁之乎今形見勢絀通請發寶鈔以易換當千當五百大錢所謂剗肉補瘡者非耶

又 諭前旨嚴定私鑄當百以下大錢並阻撓行使各罪名各該衙門諒已遵旨出示剗切曉諭俾兵丁商民人等一體懷遵矣因思大錢製造之初民間極知寶貴嗣因私鑄充斥真偽難分以致商民猜疑錢法不免壅滯茲已降旨停鑄當千當五百大錢但錢當百以下各項大錢與制錢相輔而行輕重相權均勻塔配便民利用必可暢行惟官局製造若不精良仍恐私鑄得以淆混著該管錢法各堂官嚴飭監督司員等督率工匠所鑄當百以下大錢務須加工磨鑄色澤光潤俾私鑄不能相混而市儈奸商亦無所藉口倘查有偷減工料及攪雜破碎者即行嚴參懲處其奸民私鑄及官局偷漏等弊仍著步軍統領

順天府五城嚴察務獲按照新例從重治罪至各省鼓鑄大錢亦著各該督撫嚴飭局員認真查驗如有前項弊端立即查明從重懲辦

又 諭戶部奏請飭催銅斤由河運前進等語據稱雲南委員周力埔景堯春二運銅斤已由河南催抵大名之龍王廟地方尚未准直隸總督咨報到部京局鼓鑄需銅甚為緊要見值盛夏大雨時行設直隸陸運稍有阻滯必致貽誤若由大名陸運至冀州李家莊雇備船隻順流運至天津轉輸抵通較之長途陸運尤為便易並可節省經費該二起運京銅斤前經諭令桂良派員妥速兌收趕緊解部何以日久尚未據報由直起運著桂良仍遵前旨迅速催解部其由冀州李家莊河運抵津是否可期迅速並著桂良酌度情形速籌妥辦無論水陸務於七月內全數運京不得稍有遲誤至蔡家橋一運銅斤據山東巡撫於四月內咨部上年在濟甯守凍迄今仍未奏報出境實屬任意逗遛著崇恩確查該運銅船見在行抵何處飛速派員迎提催趕出境即道路偶有梗阻亦須設法繞道前進逾期較運交局毋稍稽延

又 諭慶惠文瑞奏探買銅斤請分別查辦等語向來偷漏官銅原干例禁若如所奏實係民間舊藏銅器及商人積蓄情殷報效者概以私銅目之勢必至隱匿不出轉無益於捐買銅斤鼓鑄之事著都察院步軍統領衙門順天府按照所奏分別詳查如果商民所呈之銅並非官物地方官不得概行禁止亦不得假手吏役從中訛詐以杜弊端而裕鼓鑄

又 諭惠親王等奏請飭山西採辦鐵斤解交京局以資鼓鑄一摺見在鐵錢局四廠開鑄鼓鑄需生鐵一千二百萬斤僅就附京地方採買不敷應用著山西巡撫即飭藩司迅派廉能可靠之員如式採辦務於咸豐五年二月以前先將一半生鐵六百萬斤解交京局毋得稍有短絀致誤要需所需工本運費即在該省藩庫錢款項下作正動用再由鐵錢局卯錢內照數畫出按月解交戶部以抵該省應解部庫之款其每年例解鐵斤既經停解仍將節省脚價銀兩解交部庫以清款目

五年 諭惠親王等奏鐵錢局四廠鑄座開設齊全將收支錢文採辦鐵炭及

卯錢數目開單呈覽並請購買房開設立總庫各摺片均著戶部覈議具奏另片奏請由捐輸項下撥給錢文抵還正藍旗滿洲官房等語著依議

又署陝西巡撫載齡奏請以黃金定價抵銀行使 命軍機大臣會同戶部妥議尋奏該撫通籌全局為裕國便民起見應如所請試行並酌擬章程十二條一成色宜酌定一價值宜酌中一交官之項分別撥辦一收納地丁於串票內添註數目一解部之款與白銀並解一協撥餉銀搭解黃金一各省放款視所收之數酌量搭用一部庫放項視金數之多寡隨時酌辦一出納向來按照收放定章一收放黃金就見銀款內分搭一官銀錢號令各省一體開設藉資兌換一產金省分宜令試行開採

周騰虎鑄銀錢說江浙行用佛頭洋銀製自大西洋之西班牙國西班牙減小西洋之呂宋國故俗又呼之為大呂宋乾嘉之時其國在廣東省貿易頗盛故其洋銀流入中國最廣中國因而習用之後其國衰微且所鑄洋銀已換新式佛頭銀已於道光初年停鑄所來中國洋銀愈用愈少矣閩廣各省必推爛用之日見其絀江浙商民樂其便易市井貿易惟此信行各錢店認定式樣少有更變則羣起而叱為偽錢巧立各種名目以抑勒民伍至每圓洋銀竟貴紋銀一兩之多出則呼為淨光入則苛為爛板轉移之閒銀已八折商賈愁歎民咨怨莫究其由而坐受其困即或夷人重鑄新者各錢店又呼為新板而坐以七折夫周官八政貨居其一列史食貨有志國家最大之政莫過於此而令商賈擅其利權抑勒恣睢流虐天下非細故也夫貨幣之妙在於子母相權大小輕重各得其平稱情權物流通上下故名之為泉蓋言如泉流不息也 國家舊用銀錢兩種以平百物厥後錢日賤而銀日貴子母不相權而輕重殊絕故洋錢起而承其乏流轉於銀錢之高下而適得其平民咸利而趨之今洋銀之貴無已若不為之變通競趨爭用其用愈急其害愈深病國病民莫此為甚夫利權徘徊無主之時惟智者急起收之民亦樂其便利熙熙攘攘而歸之上不勞而民不困故為今之計宜准洋銀分兩鑄造銀錢以銅鐵製為板

式面爲咸豐寶貨環以年月并銀工名字摹文爲龍鳳環以滿文亦仿洋銀之式以板石推而成之前林文忠鑄造銀餅其製法小全無法度後又無法以行之宜其不用也今一仿洋銀之式變其文字以爲中國寶貨凡官府與民間交易以及丁銀田稅關市之征無不取之於此便民甚矣何爲而不行耶難者將曰中國好爲僞恐非若洋銀之畫一也夫洋銀之僞有夾銅有蘇板有鑽鉛巧式新思無奇不有而不能惑辨者之目安在洋銀之無僞乎洋銀有僞而不害其行用惟便故耳若製造銀錢一新耳目而無種種之挑剔其夾銅輕板又可辨而知之何爲賤中國而重外夷耶其不足疑一也或又曰民習故疑新洋銀行習已久驟易銀錢必不能強疑者而使之信嗚呼目眩之見自生疑障皆此等謬說障之也洋錢之所以重於江浙而人樂趨之者江浙徵收錢糧惟此是索故市肆彌重之耳試思賦入之廣出納之大孰有大於藩司之各款關稅之額征乎二者已提綱挈領握東南財賦之大權矣倘此之行市肆之開尚能爲之敵乎尙能有他物足以相抵有大力足以相抗乎譬有人自薄其千金之璧而疑不足當鄰人燕石之值者不已慎乎其不足疑二也或者曰國家鑄大錢製交鈔無一可行子之暢言銀錢亦徒紙上空談袖手雄辯未見辦事之艱阻也噫大錢交鈔之害法病人乎人病法乎法不信民不從施不一人不信已屏絕而強人用之已嫌棄而勉人好之雖有愚者恐亦未易爲其所惑也浙江祇用當十一品額稅丁銀可以上行之券年而民不倦何信於浙而惑於蘇則行之不善明矣可咎法乎况交鈔大錢皆以虛權實非若銀錢之以實相權便民而無所巧售如佛頭洋銀之行用數十年廣及半天下豈強之而使然乎惟其便而信耳其不足疑三也釋此三疑厥有三利一釋爭一平物一通貨古之執政以正物者莫不由此也銀錢鑄成之後准今之洋錢之價出入取其盈餘給工值火耗外尙可以通有無足國用贖軍食因民之所利而利之惠而不費此類是矣

又

諭李鈞奏河南州縣徵收錢糧不收票鈔並山東藩庫搭放票鈔不搭收

票鈔各等語票鈔之設以濟銀錢之不足屢經明降諭旨凡京外應收應放各款均准按成搭解以期暢行無滯凡官吏於收放等款敢於弊混者亦經吏部等衙門將應得處分罪名明定章程具奏茲據李鈞奏稱河南省州縣於徵收錢糧時專收銀錢不收票鈔解司之時則收買票鈔按五成搭解以致商民於票鈔不知實貴見在票銀一兩實鈔一千均止易制錢四五百文河工領款係八成票鈔二成見銀所領票鈔難於行使每遇險工無從搶護山東省藩庫於各領款則照二成搭放而於州縣解款並不搭收致票鈔更形壅滯種種弊端該撫等何竟毫無聞見著崇恩英桂密速查訪凡州縣徵收錢糧如有前項弊端漁利病民及州縣願收票鈔而搭解之時道庫藩庫有意刁難致州縣不能搭收者均著嚴行參奏毋稍姑容至奸胥蠹役把持舞弊尤屬不免務應嚴密查拏從重治罪所有票鈔收放章程並著崇恩等再行出示剴切曉諭或有完納錢糧州縣不肯搭收票鈔者准該民人赴上司衙門控告以通民隱而裕國用經此次訓諭之後該地方官如敢仍前玩泄並不實力辦理將來別經發覺朕惟崇恩英桂是問

又 諭本日據軍機大臣會同戶部詳議鈔法章程一摺民間完納錢糧自咸豐六年上半年起凡應搭官票改換寶鈔議令直隸山東河南三省先行遵辦內如部頒寶鈔令各省藩司編立號簿蓋用印信再行解部所用騎縫印信篆文大略相同恐小民難於辨認應否添設簡便標幟之處著各該督撫酌奏辦其各省收到寶鈔並准由各官銀錢號兌賣事屬官民交涉防範稍有未周易啟勒措把持之弊至酌給羨餘一層應由該督撫體察所屬情形通盤設計酌立定額固未可過於苛刻亦豈容稍涉冒濫立法之始不厭周詳著桂良崇恩英桂各就該地方情形悉心斟酌妥擬詳細章程迅速具奏總期寶鈔得以流通而兵民亦藉紓困累原摺著鈔給閱看

又 諭易棠奏酌擬變通制錢分兩一摺甘肅省銅價甚貴且須兼鑄大錢若制錢分兩仍按每文重一錢二分鼓鑄非獨工料過重亦易啟奸民私銷改鑄之弊所有該省寶鑾局鼓鑄制錢分兩者照易棠所請酌量變通每錢一文減

爲八分每千以重五斤爲率仍著督飭局員認真經理務期制作精良俾輪廓字畫分明不至有漏風缺邊等弊以重國法而便行用

又 諭惠親王恭親王奕訢奏錢法亟宜整頓酌擬章程五條呈覽一摺戶工兩局並鑄錢局鼓鑄當十大錢凡官收民用均應恪遵功令一律行使近以私錢過多人懷疑畏銀市奸商並敢將大錢與制錢各定價值任意軒輊兵餉民食攸關自應亟籌整頓著照惠親王等所請嗣後順天直隸山東山西等省徵收地丁錢糧凡零星小戶及銀鈔尾零完納錢文者俱准呈交銅錢當十大錢並鉛錢制錢如官吏書差勒索挑剔不肯收納准該民人控告究辦其餘較遠省分以次遞推遵照辦理其民間買賣交易倘敢聽信奸商把持任意阻撓初犯者枷號示衆再犯者發極邊煙瘴充軍遇赦不赦其有故意刁難致大錢買物之價昂於制錢者亦即照阻撓律治罪至私鑄錢文本干例禁尤宜嚴加懲治嗣後凡私鑄大錢人犯獲到官除將該犯按新定律例訊置重典外仍將該犯家產入官並准軍民人等首告誣告者仍反坐所有一切詳細章程即照所擬著巡防王大臣步軍統領順天府五城出示曉諭並著近京各直省督撫等一體遵行務期家喻戶曉藉導輿論至錢文之鼓鑄開有未善則民間不知寶貴並著戶工兩部錢法堂侍郎督率該監督等將兩局當十大錢加工鼓鑄務使分兩均齊制作精良以重國法而裕國用

又 諭御史倫惠奏錢法請飭查禁一摺據稱地方官於民間交納錢糧不收大錢故近京百里外大錢不能行使延慶州等處差役以買草豆煤炭爲名按戶勒派且勒令折價交納至當五當十大錢保安州行使已久惟州署人役每持票向鋪戶勒取制錢運至張家口發賣以致民間疑議等語大錢與制錢相輔而行地方官於民間交納錢糧自應恪遵前旨按成搭收至胥役藉端科派並勒索制錢販賣漁利尤屬大干功令著桂良嚴飭所屬各州縣於民間交納錢糧時務遵前定章程將當五當十大錢按成搭收倘有陽奉陰違不肯收受者即著嚴行參辦其延慶州保安州懷來縣差役舞弊並著桂良按照御史所參各情密速訪鞫盡法懲治各該州縣等如查有縱容包庇情

事並著嚴參懲處毋稍姑息

六年 諭前因各直省大錢鈔票未能暢行疊經諭令各該督撫剴切示諭民間按成搭解錢糧以期通行無滯惟錢鈔之行必自近及遠本日據給事中仙保奏直隸保定府清苑縣至今並未出示曉諭以致商民無所取信鈔票大錢乃多窒礙直隸一省尙形阻滯他省自更難流通著桂良查明該省地方官如果未示曉諭其爲收銀買鈔或買大錢搭交藩庫營私肥己情弊顯然即著據實參奏

又 諭戶部奏搭用制錢成數並籌辦章程一摺制錢大錢相輔而行豈容任意低昂近日大錢漸見流通而各錢鋪開發錢票並不搭用制錢以致民間零星日用諸多窒礙自應亟籌變通以期盡利嗣後京城各官號開放兵餉及開發錢鈔凡兵民到鋪取錢每京錢一串均著搭用制錢十分之一其民間錢鋪開發錢票並著步軍統領衙門順天府五城出示曉諭一體遵照不得專用大錢倘有奸商不遵搭放制錢之數及將制錢收買出京漁利並擇價售賣者即著各衙門嚴察懲辦其錢數不及京錢一吊者或用大錢或用制錢悉聽民便至阻撓大錢前經定有罪名仍著各該地方官實力訪查以重國法而利民用七年 諭京師鼓鑄大錢銅鐵並重前經惠親王等酌擬章程嚴定阻撓罪名嗣後諭令崇文門稅局戶部捐局一體搭收原期上下周轉永爲寶貴乃聞近日市開漸不行使錢錢以致物價日昂鋪戶開有歇業此必有奸民造言煽惑任意軒輊暗中把持牟利於軍餉兵食大有關係著步軍統領衙門順天府五城剴切曉諭商民人等敢於阻撓一經查拏即照前旨初犯者架號示衆再犯者發極邊煙瘴充軍遇赦不赦以儆刁風至私鑄罪名定例禁嚴近來地方官並不認真查拏因有破碎私錢擾和致民間藉端挑剔仍著嚴密查緝照新定章程辦理其京外地方凡官收民用均宜恪遵功令一律行使聞順天直隸各屬尙未暢行總由地方官怠忽因循殊堪痛恨著直隸總督責成藩司認真經理務使中外流通不至阻滯並著順天府嚴飭各屬實力奉行以重國法而便民用

又御前大臣載垣等會議給事中吳惠元奏籌流通大錢請於長蘆鹽課按三成搭收

又 諭前因御史保恆奏請疏通大錢並聯順奏請定交納章程暨轉運糧石先後諭令御前大臣軍機大臣會同戶部妥議奏本日據載垣等會議具奏京師行用銅鐵大錢總由直隸省未能設法疏通以致情形壅滯自應亟籌變通著照所議順天直隸各屬錢糧即自本年上忙爲始著以實銀四成實鈔三成當十銅鐵大錢三成按成搭交其零星小戶應交錢糧不足實鈔之數者准以大錢抵交所交實鈔大錢數目按照現定章程辦理一切用項亦照成數搭放該府尹總督迅即刊刻謄黃備行曉諭務使民間家喻戶曉按章輸納朕聞直隸州縣徵收錢糧或勒捐實銀私換鈔票種種弊竇該上司不能嚴加參劾均堪痛恨嗣後如敢仍前疲玩不收實鈔大錢勒令交銀或經民間呈控或有人參奏定將該州縣照枉法例從重治罪如該上司徇隱不參著戶部奏請嚴加議處至所請由部派員赴各府會同徵收取結報部存案之處恐有名無實轉滋煩擾即著該府尹總督責成該道府等於所屬開徵時嚴密查訪有弊必懲倘有徇庇等情該上司亦無從藉詞諉卸其私鑄大錢罪名前經從重定擬而愚民無知仍多藐玩自應盡法懲治著步軍統領順天府五城暨直隸總督嚴飭所屬實力緝拿如查有私鑄匪徒即照所議無分首從均於訊明後就地正法以儆刁風甲長鄰居隱瞞不報分別徒流治罪該地方官自行擊獲者於訊辦後由該上司奏請獎敘如被鄰境訪拏即將該地方官從嚴參處至捐銅局搭收大錢前經戶部議定章程每銀一兩搭收大錢六百元其崇文門左右與稅銀應如何分成搭收當十大錢之處著該監督等迅速酌擬具奏官民錢舖如有囤積制錢收買私鑄者著步軍統領順天府五城一體查拏嚴辦似此詳加整頓大錢既可流通即糧價自然平減所有鄉間米石仍著該府尹等飭令各屬曉諭務使照常販運公平糶糴以濟民食

督奏稱如果各州縣嚴實通搭二成大錢自必日見流通所見諒有把握即著照所擬試辦各屬如有陽奉陰違者著即督同司道等官嚴行糾察毋許稍有歧異參差之弊至徵收錢糧民間如一時無從購買大錢勢不能不准其暫以制錢抵交方免抑勒病民該署督摺內所稱設局經理鈔票開鑄鼓鑄錢文並片內所稱搭收錢文按月用印票呈報備查之處均著照所擬妥爲籌辦總期實力奉行不至有名無實

又 諭今日引見後著御前大臣軍機大臣會同譚廷襄妥議流通大錢暨鑄制錢辦法並將將來設有窒礙之處作何補救之方一併議及庶免京外情形有所隔膜惟不必另立章程徒涉紛更總期潛移默運益民生而裕經費尋御前大臣載垣等奏疏通大錢並搭收錢糧應先由直隸酌定章程再由戶部覈計方能中外相符不至隔膜應請自本年下忙爲始直隸徵收錢糧悉照銀七票三辦理其大錢三成即納在鈔票三成之內交票交錢悉聽其便仍於各府設立鈔局准以鈔票與大錢互相易換再以大錢分發各行店按二成搭配行使鈔票與大錢互相通融以爲補救再查鑄錢局及五字各官號捐銅局平糶處共存錢當十錢五百餘萬串已足敷搭用所有錢錢局尙鑄二成大錢應照見議停鑄其停鑄銅制錢加鑄銅大錢應由戶工兩部酌改卯額分別奏辦總以鑄制錢與銅大錢相輔而行仍以實鈔運實於虛以便民利用

又 諭前因五城御史保恆等奏請疏通大錢一摺當交戶部覈議具奏茲據該部酌擬覆奏戶工兩局鼓鑄當十銅錢與鑄錢局所鑄鐵制錢分成搭放民間輾轉流通並無窒礙乃近日商賈挑斤大錢竟敢私造名目任意刁難以致貧民持錢入市行使維艱殊於錢法大有關係本年五月間經戶部奏定章程於兵餉應領二成見錢全行改放制錢每月輪折糧米旗分又搭放制錢五成各官號開放錢票均按八成當十銅錢二成鐵制錢開放製計制錢散布民間當可足資周轉總因奸商販運出京希圖射利以致市肆尙少制錢流通而各舖戶於銅大錢多方挑斥亦必有奸商從中煽惑以爲重票輕錢地步國寶流通原以便民利用豈容宵小把持致妨兵民生計著步軍統領五城出示曉諭

酌定期限所有民間錢鋪及買賣鋪戶均各遵照官號搭用制錢二成之例一律配搭行用倘於所定期限之外有不按成行用者即著隨時查辦如有將鐵制錢囤積或販運出京及將銅大錢任意挑斥者即著各該衙門嚴拿懲辦以儆刁風而便民用

又 諭前因京城鋪戶人等於行使大錢任意挑剔經巡防王大臣等奏定章程嚴行懲辦茲據步軍統領衙門順天府奏稱該鋪戶人等日久玩生於當十銅錢挑剔日甚兵民生計維艱請飭查辦等語自應申明前定章程俾知警惕嗣後各鋪戶及各項買賣人如有不肯行使當十銅錢被首擊獲初犯者枷號一箇月遊示旗營地面再犯者發極邊煙瘴充軍過赦不赦如被告到官畏法悔過免其治罪誣告者照例反坐其銀市交易不准將制錢大錢分定價值市肆各項貨物均不得任意擡價及囤積不售違者從嚴究辦即著步軍統領衙門順天府出示明白曉諭倘兵役人等有受賄徇庇或敢於藉端滋擾者均著從嚴懲處此項案件隨到隨辦毋得稍有積壓留難以儆刁風而懲玩泄

又 諭王茂蔭奏請飭外省廣鑄制錢暫濟民急等語據稱江浙銀價向來每兩換至制錢二千有零自英國人在上海收買制錢即湧貴以銀易錢之數漸減至半見在每兩僅易制錢一千一百餘文兵民交困而洋人竟據為利藪因請飭江浙兩省加鑄加卯廣鑄制錢以濟目前之急該侍郎所奏自係為銀賤錢貴變通調劑起見著該督撫等各就地方情形酌量嚴辦至洋人收買制錢應如何杜漸防微設法阻止之處並著何桂清趙德轍妥籌善悉心籌議具奏王茂蔭原奏著鈔給閱看

馮桂芬用錢不廢銀議今天下非小弱也開墾之地日益廣山澤之利日益出布帛菽粟凡民生日用之需有加而無減也生齒雖日繁然而二三十年來水旱兵革歲不絕聞傷人無算恐戶口之籍未必較乾嘉盛時遂相懸絕也是天地之所出自足給生人之食用而患貧之勢日甚一日者何也曰銀少也銀何以少曰偷漏出洋也或謂銀貴不盡由於出洋按明季國初以為銀不知彼時府第有私積富室有厚儲故銀驟貴厥後奢

歲盡出加以礦苗大旺銀又自貴而之賤今有是事乎或謂由錢多所致不知錢未嘗多也京師歲除開因錢鋪閉歇稍多錢票者爭取見錢錢即湧貴是錢不多之證京師尚爾外省可知矣上海通市以來夷船每日收元寶四五百為銀二萬餘每年漏銀七八百萬兩距今十年遂為常額四口遞減合計不下二三千萬兩設欲禁遏環鑿立開中國之銀遞消遞減已去者不復來未去者勢無已凡物多則賤少則貴理也憶二十年前每兩易制錢一千二百文十年前以前易制錢一千五六百文今易制錢幾及二千文若不早為之所將來日增月益二千以外翹足可待國家歲入統地丁鹽課關稅不下三四千萬兩無非取之於民間夫民間之所出粟米之屬而已而國家之所取者乃在至少至貴之銀置其所有徵其所無粟逾益賤銀逾益貴始以粟易錢則粟賤而錢貴向之每石入三千文者今入一千數百文是十折而為五六繼以錢易銀則錢賤而銀貴向之每兩出一千餘文者今出二千文是又十折而為五六以銀準粟昔之一兩今之三兩也則是民之出銀也常以三兩而供一兩之用而國家之入銀也直以一兩而竭吾民三兩之力如是而民安得不貧民既日貧賦益難辦通欠則年多一年虧短則任多一任而地丁之入絀富商大賈倒罷一空凡百貿易十減五六而關稅之入絀於是經費竭而樽節之說起樽節甚而因循之事成應修之水利不修因之宣蓄無資農田易成旱潦轉以蠲卹損帑金應設之巡緝不設因之養癰貽患穿窬變為跳梁轉以徵調糜軍餉凡地方應辦之事大都以工用支絀概緩籌議卒之事後補救需費更多歧中有歧弊益滋弊如是而國家安得不貧揆厥原本無非銀貴有以致之夫銀非可點石成也舊藏久無聞矣礦苗久不旺矣潮乾嘉間一例之開動贏千萬數商之助動贏百萬今則開捐助餉應者寥寥此何故也中國之銀止有此數不過相流轉於上下之間開捐助餉無非挹彼注茲之法今則無可挹何有注雖劉晏復生不能轉無為矣雖然銀而為生民衣食不可少之物中國誠病矣若猶未也則中國之富足自在也

轉弊爲利由反手也爲今之計莫如用錢而廢銀然用錢而廢銀尙不如用錢而仍不廢銀惟在有以奪銀之權使其多少貴賤不足爲吾累而已銀之利在輕齋不廢其輕齋之利也銀之害在匱乏不受其匱乏之害也節用而無剋減之名薄費而無耗費之實政本改作而不離舊貫道在自然而不假勉強此其法奈何一日收放款起數一以錢也賦稅本有錢糧之目錢文又曰通寶通者上下通行之謂也顧名思義本無不宜應請一切文案凡載銀一兩者酌改爲一千八百文下及民間一切票券嗣後一皆以錢起數不准以銀起數犯者將其銀入官其在定章以前在官欠繳生息各款及在民典借各款一體換改一日解京解省輕齋兼用銀也錢重難運准其以錢易銀運解至其水路可通之地照舊運錢一日輕齋銷算由部按時定價每年一易也先期頒發一年之價各省於一年內解京及互撥之款俱照定價銷算以昭畫一一日市價長落官不強抑而解款銀錢相易致有盈絀之數准別立一款報銷也各處市價準兩水糧價之例而加詳焉分朔望兩期督撫按月報聞徵收起解以錢易銀解到發放以銀易錢皆於朔望相易以使之一定其於部定之價所盈所絀之數准別立一款存盈補絀歲終核銷此法未嘗廢銀不用而銀之多少貴賤可不復問以目前計之以九錢而當一兩之用倘萬一銀價更增即以八錢七錢而當一兩之用銀日益貴不啻銀日益多充類至盡上與黃金同價猶之以此入以此出也度支無損毫末而國與民之得隱收其利者實非小補蓋民間各種貿易往往頓置論銀而零賣論錢銀貴以來論銀者不加而暗加論錢者明加而實減以是商賈利溥妻足不前今一概論錢則準本獲利自然成趨之如鶩貨物因之流通稅項可期增裕至於鹽務納課論銀而實鹽論錢銀貴以來課項倍於鹽價今改爲納錢商人獲利既多輸課自易然而尤莫若地丁錢糧一款爲小民沾 皇上莫大之恩也窮鄉僻壤無銀可徵往往以錢代銀官爲轉換愚民無知但見年增一年不無缺望浙江奉化等處滋事多由於此可爲寒心今若改徵錢文正

數已減十分之一火耗傾鎔之費加之無名亦當頓減昔爲不加賦而加賦今爲不減賦而減賦在國家無絲毫之損在閭閻沾浩蕩之恩彼見聖天子當軍興費絀之時有此非常曠典必將感激涕零輸將恐後所以節民欠者利猶小所以固民心者利更大也或謂中國不重銀夷市以銀準貨出洋不更多乎不知此未離乎重銀之見者也今用錢而以銀爲置郵之具貴也賤也出洋也不出洋也總與大局無與也宋以前不用銀何以富強自若也况本無法以使之不出洋何可爲改法谷且就使銀盡出洋正有一法以維持其後唐憲宗時有委錢富家輕裝合券之法謂之飛錢宋蜀中有交子法富人十六戶主之嗣又官爲置務有會子關子之目皆有實錢爲本更非行鈔之比今山西錢買一家輒分十數鋪散布於各省會票出入處處可通何妨仿唐宋遺意令西商轉換則輕齋更捷而無官爲置務之繁此亦一法也他若議用金玉珠貝諸幣議鑄大錢夫黃金便頓不便零寶玉珠貝一碎不可復力皆不足以敵銀大錢當十當百強輕爲重固與行鈔同而防偽之法難於鈔製造之費多於鈔而其不可行亦同要皆不若用錢不廢銀之法爲極易簡久大而無弊也若貪輕齋之小利貽匱乏之深憂舉一切國計民生而殉之儼不可食寒不可衣之一物果何爲也哉

又怡親王較垣等議覆署直隸總督譚廷襄奏推行大錢鈔票章程一准州縣分設票局一持票取錢先儘餉票給發餘仍舊照擊字辦理一票價隨銀長落一加卯鼓鑄以資搭放均應如所請辦理  
又 諭前因愛仁奏銀錢鈔票請仍准互換等語當經降旨令戶部議奏茲據酌議覆奏見在寶鈔業已暢行官票一項自應量爲變通使鈔票並重無分軒輊著即照所議以官票擊字換給寶鈔按月收發以便商民而資利用  
八年 諭吳振械等奏請停鑄大錢一摺鼓鑄當十大錢與制錢配成搭放原冀省銅而利用滇省兵餉廠本等項既據該督撫體察情形實形壅滯自應隨時變通著准其收回大錢改鑄制錢其請將銅斤酌減之處並照所議辦理另



摺奏稱需餉緊急等語除廣東見難籌撥外已諭令四川山陝各督撫趕緊籌解以資接濟矣

又軍機大臣彭蘊章等會同戶部議奏東河鈔票酌改錢鈔成數得旨依議河工撥款既加實銀一成自應樽節支放究其本惟在地方實收民鈔一面開設官號認真辦理則河工放款或可稍增成數不至折耗過甚該河督巡撫勿徒坐享其成不肯獨任其難迅籌補救之方慎之

又諭據唐鴻荃奏福建省永豐官局前因提用局票過多局夥倚恃委員護庇買空賣空致民間不復信用局票物價日昂奸徒鼓煽致有三月開闢入督署之事乃鐵鏡鑿擬議復銅錢以二成錢票一成見錢搭放市肆未見分文多被奸民運赴省外銷售近來彌補票本設局勸捐怨聲載道將來此項捐資若復挪移別用更何以爲清釐官局之資一朝潰裂患不勝言等語該省設立官局原期酌盈濟虛便民利用若任令委員盤踞奸夥營私不思力加整頓必致官民交困王德德見在出省督兵所有該局倚勢作奸之委員著派東純會同慶端嚴參懲辦局夥奸民從中漁利者一併嚴懲以除積弊至錢票與見錢分成搭放該省銅錢本不敷用不准奸民外運私銷日久自堪補救其勸捐一節原屬不得已之舉亦須俯順輿情不得抑勒苛派致滋怨讟該將軍巡撫務當通盤籌畫別弊釐奸嚴定章程飭屬妥辦以資周轉而裕民生

謹案 朝廷值多事之秋設立官局使錢票與見錢按成搭放原屬不得已之舉而一般蠹吏奸氓復從而舞弊之吮蝕之致市上不見見錢分文此其罪真擢髮難數矣

九年 諭工部資源局奏鑄辦錢需用平鐵等語資源局所需鐵斤由山西省採辦按季解京因上年所解潞鐵不堪鼓鑄業經咨行山西巡撫嗣後一律均用平鐵茲據奏稱山西應解該局秋運二批鐵斤仍由潞安府辦運恐誤鼓鑄著山西巡撫將應解資源局鐵斤一律用平鐵運解如平鐵或有不敷即照鐵錢局三七成搭運俾利鑄錢

又 諭惠親王等奏設法採買銅斤並申明舊章嚴禁銅器一摺京局需銅鼓

鑄節經戶部奏准將銅器分別斤數禁止折造使用並經刑部等衙門議奏在案乃地方官因循日久漸至視為故常以致銅斤日形短絀採買商銅赴局交納者亦屬寥寥亟應申明舊章認真辦理所有各項銅器除樂器及古銅彝鼎等物不計外其餘各樣銅器凡在一斤以上者概行禁止在京大小官員民人等自奉旨之日限三月將一斤以上銅器赴部呈交如有逾限不交出將銅斤入官仍照刑部等衙門奏定官民處分罪名成案分別辦理其各省銅鋪私造一斤以上銅器者照例治以應得之罪京外各商呈交各色銅斤以及民戶呈交銅器者均隨時赴戶部官局查驗成色免收稅以實銀給價自此次申明降旨後該部及地方官務須出示曉諭實力奉行以裕銅斤而濟鼓鑄

謹案銅器爲民間所必需雖乾兩朝亦曾嚴禁而民迨日銷制錢以彌其缺作奸犯科愈益蕩軼官吏亦正無如何耳

又 諭裕瑞奏回子應交額銅請折交錢文一摺據稱葉爾光庫庫雅爾桑珠二莊地方向係開設銅廠令衆回子創交銅將一切糧賦差徭豁免庫庫雅爾莊每月交銅一千二百斤桑珠莊每月交銅五百零七斤茲據該二莊伯克等呈稱庫庫雅爾莊離空銅地方路途遙遠耽延時日其桑珠莊柴水缺乏挽運維艱請將應交之銅每斤交當五錢二百五十文按月清款計收銅鼓鑄搭放兵餉有盈無絀懇請俞允等語該回子等探空銅廠交納銅斤歷有年所今請折交錢文以省空運似係體恤回民但輕改舊章其中恐有別情日後有無流弊著札拉芬奏遣委委員前往該城確切查明具奏

十年 諭前據裕瑞奏葉爾光庫庫雅爾桑珠二莊向設銅廠請將銅斤折交錢文當經降旨令札拉芬奏委員查明有無流弊茲據奏稱派伊拉領隊大臣錫拉那前往查明咸豐五六年間因籌辦開礦是以將庫庫雅爾桑珠二莊每年應交糧布棉花及一切雜差概予豁免近年銅斤短絀情願折交錢文雖經該伯克等僉稱毫無抑勒惟令該回衆因此賠累非所以示體恤可否免其折交銅斤仍復糧賦舊制請旨遵行等語該處開設銅廠原以供鼓鑄之用今既產銅短絀未便令折交錢文情同科斂所有庫庫雅爾桑珠二莊折交銅斤

錢文卽著停止仍收原額糧賦以復舊章而杜流弊  
十一年 諭戶部奏銀價日貴設法辦理茲據翰林院侍讀學士蘇宜奏請嚴  
禁套商把持並訪拏私鑄等語京師銀價騰貴於旗民生計大有關係總由各  
官號商人始以戶部官號爲名暢開私票繼以官款長開爲口實意在挾持因  
之奸商從中漁利實堪痛恨著照戶部所議所有該部長開官號票存按上年  
十月奏准錢隨市價之日統扣三成作爲該商罰款並變通捐銅局章程收回  
該部長開官號票存俟官款收清將四乾字號撤去官號字樣作爲民鋪交順  
天府管理倘各官號未能將私票存及三成罰款全數清理以致貽累民間或  
任意抑勒及有心擾亂激成事端卽將該商人等送交刑部奏明正法原保之  
恆利等號商人著先交五城看管如任令官號商人攜貨潛逃卽將該保人一  
併治罪其五天字號並著總管內務府大臣妥爲辦理至民間錢鋪見不出票  
顯有與官號通同把持之弊卽著順天府五城步軍統領衙門一體出示曉諭  
限於一月內各開各票倘敢抗違卽將該鋪商從嚴懲辦除以前官號錢票仍  
照戶部見定數目發給外自奉此旨後各錢鋪均照票之多寡發錢不得仍前  
抑勒短少至私鑄錢文大干例禁並著順天府五城步軍統領衙門一體查拏  
於獲案後加等治罪仍嚴禁販錢出城並查拏私設錢攤之人以重國法而利  
民用

皇朝續文獻通考卷二十一

錢幣考三

同治元年 諭御史陳廷經奏請除積弊以平錢價一摺據稱京師自上年清  
理官錢票後錢價漸平近復驟長驟落各錢鋪取錢之人紛紛擁擠皆由各該  
錢鋪於見錢錢票有意低昂錢票一項復巧立見錢票寄存票等名目甚至買  
空賣空通行市上諸弊叢生近日城內竟有膽敢盜銷當十大錢以銷化之銅  
質與寶源寶泉兩局並銅鋪內即用大錢銷毀製器各等語銀錢市價為居民  
生計攸關豈容鋪戶奸商把持市價任意高下牟利病民私銷例禁禁嚴豈容  
任聽此等奸徒蠹國害民漫無稽察著步軍統領衙門順天府五城一體嚴查  
按律懲辦

五年 諭據管理錢法堂事務崇綸舉道遠毓祿王發桂奏違查戶工兩局鼓  
鑄情形各一摺所稱近因滇省銅廠停開專用收買銅斤鼓鑄錢文質未純淨  
錢形開有參差工局見年所鑄錢數較少各等語錢法關緊民用各該管堂官  
及監督自應認真籌辦以期一律流通豈可不加意講求致敢挑剔之漸辦理  
不善咎實難辭所有戶工兩部兼管錢法堂事務大臣及寶泉寶源兩局監督  
著先行交部分別議處嗣後該堂官等務當遵循成法認真督辦期於裕國便  
民永無流弊

六年 諭蘇廷魁奏銅鉛船隻改由河運請飭山東省迅撥運河挑工另案工  
程經費一摺黔省辦運京鉛近因江路疏通仍照舊章由四川重慶江南儀徵  
以達通州此等船隻笨重甚於米船若不將運河淤淺段落妥為挑挖恐恐銅  
鉛到境致有阻滯京局鼓鑄關係非輕且本年江北漕米雖已停運而小米幫  
船及鹽斤軍火船隻仍須行走乘此大汛未交正可將另案工程及時擇要興  
修所有該河督前次奏請飭撥另案銀五萬兩著丁寶楨督飭藩司迅速如數  
籌撥解交蘇廷魁以便將要工程緊興辦庶於京鉛北上不致貽誤

又 諭戶部奏請飭濱臨江海各省解錢鑄銅一摺前因銅斤缺乏鼓鑄當十  
大錢原為一時權宜之計行之日久不無流弊近來市隱行使暗中折減於國

用民生均有未便惟欲規復國法必須籌備制錢京師自通行大錢以來所有  
制錢大都運往外省若欲鼓鑄新錢又非一二年所能驟復戶部議令濱臨江  
海各省籌解制錢實為便捷之法前經譚廷襄函商湖北督撫擬於鹽釐項下  
酌提制錢由輪船運津據稱事屬可行此外如江西江蘇浙江廣東四省均有  
海船可通各該省釐金較旺自可一律提解著旨國藩郭柏蔭英桂馬新貽瑞  
麟蔣益澧李瀚章何璟劉坤一各於鹽卡釐卡收款內每年酌提制錢三十萬  
串由輪船裝運天津交崇厚擇地嚴密收存聽候提用酌提錢文准照銀價畫  
抵應解京餉其制錢一千合銀若干及運脚若干即著各該督撫迅速議定具  
奏所提之錢務須年清年款以兩年為止不准稍有短解此項錢文即名為天  
津練餉以昭慎密不可稍有宣露致令外來商民傳播都城有礙錢法其湖北  
施宜等處向多銅礦著該督撫飭屬招商試辦酌抽礦稅試行有效即籌款收  
買商銅以裕鼓鑄並著妥議章程具奏至濱海商賈向有販運紅銅條銅等項  
應如何招商收買之處並著各該督撫三口通商大臣妥速議奏

鍾大煜擬請鑄錢法鑄錢議同治四年左宗棠奏請製造輪船云輪機成後  
兼可鑄錢夫鑄錢之欲藉輪機者冀可免虧本也乃國初時部定銅價銀  
價錢價章程尚留錢息地步蓋當初採辦滇銅每銅百斤只給民價之半  
故尚能不至虧折以後則逐漸加增由八九兩至十三四兩而浸至難敷  
工本故近來各省均行停鑄而奸民又以毀錢私鑄為業致小錢充斥錢  
法敝壞查各省每百文小錢有多至七八十文者且查汕頭潮州各處有  
全用小錢天津上海既用短陌之錢尚不免掩和小錢福建全省則自二  
三十文或至七八十文不等求有純用大錢蓋亦罕見矣推原其故實因  
錢質太重即毀錢以鑄錢漏卮之所在雖禁令有時而窮彼毀錢者尤  
其小焉者也邇來新鑄制錢每文重一錢每千六斤四兩又查定例鼓鑄  
錢文銅鉛各半每銅鉛百斤內加入點銅三斤其質柔脆不能打造鑄銅  
器皿是立法已極美善無如私鑄仍不能禁小錢仍復肆行即京師行用  
大錢而私鑄仍不能免苟非權衡盡善斟酌得中即勉強籌款鼓鑄而虧

折太甚鑄亦無多且一鑄而百毀百鑄而千毀適以有制之財源填無窮之窟繁仍恐制錢日減小錢日增而錢法何以經久無弊今試上觀往古與我朝開國之初至揆之當今時勢合京師各直省各碼頭銀價銅價一切科合似須於漢之五銖唐之開通元寶洋人之香港一文三者之間量度取中鑄庫平八分之錢方可以塞私鑄私毀之源而錢法乃宜古而宜今有利而無弊考古今之議論錢法者以漢之五銖及唐之開通元寶爲得中開通重一錢綱目稱每錢重二銖四累積十錢重一兩今存之五銖則重不過五六分七八分而已按說文十累爲銖二十四銖爲兩據此則五銖將及二錢又按文獻通考宋文帝元嘉中鑄四銖錢輪廓形製與五銖同費損無利故民不盜鑄蓋每朝分兩輕重不同當以見存者爲斷今錢重一錢準開通也惟史稱秦王世民齊王元吉賜三錢裴寂賜一錢聽鑄錢盜鑄者坐身死家沒夫以設鑄爲恩賞則鑄錢不虧本可知乃今制錢重一錢不免虧本則一錢分兩似尚不可泥若鑄八分輕於開通而重於五銖究之五銖雖輕而銅甚精今以鉛和之重踰五銖其實亦五銖也是考之於古其可行者一也本朝亦曾鑄康熙小制錢今所名爲京墩者也其重自八分至一錢而止本以二文作一文之用今天津爲京錢二百實只制錢一百猶其遺意也今則此錢散行各省能揀一千文京墩且可以賣制錢一千二百文因銅質太好利於毀鑄銅器也若照以後定例銅鉛各半鼓鑄其重只及八分則銷毀無利此弊自除此揆之於國初時已有八分之製其可行者二也順治康熙雍正乾隆特用一錢二分錢陝西巡撫陳宏謀以錢質過重舊錢銷毀無存奏請照順治元年及康熙年間每文鑄重一錢並照順治初年之例以一文當銀一釐按此則以銅百兩當銀一兩若鑄八分之錢照見今各直省銀價每兩值錢一千五六百文算尚以一百二十餘兩之銅准銀一兩較之順治康熙雍正乾隆年間之銀價錢價每兩銀尚多換銅二十餘兩此準之國初以至中葉其可行者三也查近年京城市上通用之錢不免攙和私鑄銀貴時

每兩約換京票十五六千文則錢較小銀賤時每兩若換京票十一二千文則錢較大小者每文約重一錢二三分大者約重一錢六七分七八分計銀一兩亦只換銅一百零數兩查前年京都整頓錢法緝獲私鑄治罪一律行用官板大錢近有人攜帶回閩其輪廓形製爲二十年來都中所罕觀者乃取五錢秤之共重八錢八分每錢方重一錢七分六釐姑作一錢八分算計百錢方重八兩且尚有扣串未除見都中銀價約十二千文每兩銀方換錢一百零八兩若改鑄八分之小制錢每兩銀尚多換銅二十兩此準之京城銀價錢價其可行者四也見福州通行大錢一無小錢攙和若每千重八十五兩每文扯重八分五釐然此錢已珍爲拱璧不可多得矣至於市上通用之錢每千約有三三百小錢在內其分兩之輕更何待計就目前而論每文重一錢四分錢已萬不得已極重者至一錢二分而止極輕者至一分而止自五六分以上民間已通謂之大錢不敢挑別蓋鑄錢弊竇甚多雖係官鑄而局私仍難盡禁局私者鑄錢局吏役就局中私鑄厚與制錢相等惟較小耳此種之錢謂之大錢不能謂之小錢亦不可市上交易以大者居中小者居兩頭謂之橄欖錢並不敢指之爲小錢也各省通行之錢能均係一錢二分者每千方重一百二十兩能如當今定制純重一錢者每千方重一百兩若有局私在內及五六分七八分之錢雖並無一文小錢其重常與福州之大制錢相若惟天津上海之錢則純用乾隆白銅者每一錢多係重一錢二分但市上多用短陌錢亦間有小錢在內是名用大錢實則與用小錢無異矣若鑄八分之錢較見今各省並無小錢攙和之大錢每千只少銅五兩而已倘有小錢在內則分量便相去懸絕矣此揆之當今各直省通行之大錢其可行者五也查廣東香港錢法與外洋無異每錢一文只重二三十分積十錢二十錢則用當十及當二十銅小番錢再上則用銀角番銀半番由銀番錢而上則用金香錢其銀番錢一元亦只換錢一千零數十文與內地相仿子母相權端自一文錢爲始其錢之大小輕重則視金價銀價銅價及鑄錢工

本統爲科合必使毫無贏絀外洋金價銀價無甚長落故自一文錢而至金錢雖遞爲增加亦不致滋流弊又用機器鼓鑄銅少而工精用機器而工精則奸民無力私鑄銅少則不私毀兼此三者以故較之內地錢幣尙爲得法若鑄八分之錢雖較之外洋爲重然不用機器則工不及其精和入白鉛則銅不及其美以和鉛省工之利積爲分兩之重但與當今之銀價銅價相準則與外洋二三分之錢亦無以異矣此以外洋之錢法銀價比較其可行者六也鑄錢定法原應科合工本統算鑄一文只值一文故無私毀私鑄之流弊今各省銀價多在一千五六百文之則較之國初時每兩貴至四五百文此無可如何者也欲恃虧本鑄錢一法挽回天下之銀價使比照國初時譬之銜石填海勢必不能惟有因時制宜鑄出之錢與見今之銀價相準方無流弊本年八月間香港中外新報載日本紅銅板每百斤二十一元白鉛每百斤五元六角查每擔鉛銅保險則不過二三錢銀而已又查鑄錢銅鉛入罐鎔化每百斤例准折耗九斤若照定例銅鉛各半既鑄錢即可不加點銅每百斤銅鉛除折耗外可實得淨銅九十一斤鑄錢十八千二百文若再行仿照私鑄之法略幫船政輪機以資磨鑄當不致再有虧折此合之當今銀價銅價鉛價其可行者七也銅鋪私毀專采紅銅黃銅青銅之錢若銅鉛各半帶白之錢毀之得利較少故見今惟上海天津各處大碼頭皆用此種制錢乃合天下奸民私毀餘賸之錢也前數年福州到上海購買錢數十萬串皆係此種制錢乃錢質太重曾不數月亦爲人盤支銷毀淨盡若用此等銅質祇鑄八分則銷毀當不禁自除此足以絕私毀之源其可行者八也古之論錢法者有不愛工不惜銅一語蓋恐私鑄也但此只防買銅私鑄亦未曾防毀錢私鑄不知民間買銅較難不能俯拾即是即廢銅亦屬無多必待買銅鑄錢誠爲有限所可慮者即毀錢以鑄錢耳若銅質佳而分兩重乃所以速其私鑄也溯自國初以至今日所鑄之錢誠皆不愛工不惜銅然而小錢亦未能禁不行用不私鑄也蓋鑄錢患但在於私鑄尙有禁止買銅之法在鑄

重錢患且在私鑄而兼私毀即毀錢而鑄錢隨地可行直無法可禁矣兩害相並擇其輕者何嘗非爲政之道也且鼓鑄不虧本則制錢必多鑄之人身正氣足則邪氣自消彼小錢何能出而爲敵哉此又足以塞私鑄之源其可行者九也或謂今既鑄輕錢矣則昔之重錢勢將盡毀奈何不知鑄輕錢而毀不鑄輕錢亦毀且鑄輕錢而毀在舊錢鑄重錢將合新舊而並毀則何如鑄輕錢尙得保新錢之不毀乎又或謂今因銀價較貴故鑄輕錢以隨銀價若以後因鑄錢太輕銀價更貴則私鑄之錢勢必愈輕奈何不知見時銀價能算至一千五六百文者指大錢而言但使鑄出之錢與見時通用之大錢分兩相若則換銀價值自必與見時之大錢相準便爲有利無弊彼有小錢之銀價雖貴於大錢價無非大錢缺乏故私鑄者得以乘機網利耳若大錢充足小錢勢難行用以理勢論銀價只有賤不至貴也則何如改鑄錢尙得保銀價之不貴乎或又謂鑄錢理宜虧本若不虧本便可得息將以敗奸商仿鑄奈何不知奸民私鑄何必待官局開鑄方行仿鑄彼蓋無時無日不可私鑄者也亦不必仿照輕重積漸遞減而始用其私鑄者也若於未鑄錢之先不慮私鑄之害既鑄錢之後轉深私鑄之憂果何說乎第就當今之船政論必宜添置輪機仿照西法鼓鑄誠恐力有未逮計莫如仿照私鑄之法較爲簡便快捷若即查仿私鑄小錢之人收羅入局飭爲匠首並可化莠爲良養活貧民不少或提從前緝獲私鑄之囚徒寬其既往予以自新並可藉得其法至於輪廓肉好等似亦宜稍爲更變肉須稍窄照開通元寶形式好須稍大照五銖微小其文字及肉須雕刻稍深則質地便厚不至破損惟更改舊式必須具章入告先請 諭旨飭下各省議覆如各省銀價貴賤不同科合銅本分兩不能畫一可否請就合宜省分先行試鑄如無流弊或照國初時某省歸某省行用之錢並照京師專用大錢之例常無不可也

七年 諭戶部奏籌辦銅斤請催各督撫認真辦理一摺京師自滇銅停運鼓鑄不能加額曾經戶部奏令四川省派員在瀘州一帶設局採買滇銅由湖北

轉運天津並議准林鴻年所奏雲南川東所屬各廠每年額辦京銅三百六十萬斤運赴川楚變價迄今日久並未撥該督撫覆奏實屬遲誤著崇實吳棠劉嶽昭岑毓英宋廷春各將該省招商開辦設局收買等事宜迅於三月內妥議章程具奏由部指撥有著之款解往分起辦運不得如前因循以重國法蘆州存積滇銅湖北應如何分局收買及施宜等處銅礦能否開採著郭柏蔭何璟迅飭妥議奏明辦理至紅銅條銅足資鼓鑄應如何體察華洋商販情形隨時變通設法採買之處著會同藩英桂馬新貽瑞麟丁日昌李瀚章李福泰趕緊籌辦不准空言塞責

八年九李鴻章奏採買洋銅以資鼓鑄

光緒五年出使大臣曾紀澤奏竊按據法國外部瓦定敦咨稱法國見鑄鑄造大圓銀錢用之安南等處地方並擬用之附近各國甚願貴國家收受此錢通行天下並望海關衙門准其收用前准美國之多拉銀錢通行各處法國新鑄之錢亦可收用懇請轉奏等因臣不敢墮於上聞謹將法外部來咨照譯漢文恭呈 御覽伏查美國之多拉華語稱曰花錢每圓重合廣東市平七錢二分銀色約九成有餘流行中國沿海各省垂數十年江浙一帶商民行用每圓兌換足銀價值早晚不齊或值銀七錢三四分間有增至七錢五六分者其非沿海省分如江西安徽湖北湖南等處近因茶葉貿易花錢亦漸通行今法國鑄銀錢若其成色重輕與美國花錢大略相仿則事同一律久之商民必有與美國花錢機雜互用之一日目下自不必飾詞拒之且事苟便於民生一任流通未始不足與錢法相輔惟錢初入之時百姓偶有遲疑不肯收受之事亦在意中我國家祇當俯順商情不能繩以官法且花錢不入於稅餉無關於則例商民如未通行亦斷無由官吏三令五申強使收受之理我國家於商民生計純任自然固可以明告該國使知法錢可與美錢一律看待而不能格外邀求利益也至於所請海關收用一節查與中國各項稅課徵收足銀之例不合亦與美國花錢只由中國商民通行之例不符似難照准事關銀幣大政准駁之開務宜詳審可否 飭下總理各國事務衙門暨南北洋通商大臣核議

轉行到 咨覆法國外部之處恭候 聖裁  
六年 諭此次戶部盤查寶泉局庫當十大錢有無虧短是否未將制錢盤查著戶部據實覆奏

九年雲貴總督岑毓英奏陳整頓滇省銅政事宜戶部議如所請

臣謹案統英原奏略謂見在蜀患人多滇患人少宜先開辦附近川邊之東昭永北武定各廠以次及於曲靖楚雄順甯開化臨安庶便招集果守其策以行不特滇以富強而足自立且可遠保越潯近濟貴州烏能不致恨於久任銅政徒以自肥之大員耶

十一年閩浙總督楊昌濬疏請開鑄錢略謂錢文輕重本無一定大約錢重則私毀必多錢輕則盜鑄更熾必先計工本官辦無虧私鑄無利方能垂諸久遠頃據船政學堂監督刑部主事鍾大規確切核計以紅銅白鉛各重一百斤入爐一五火耗應除三十斤可鑄成錢一百七十斤以枚計之得三十二千文東洋紅銅每百斤連運脚共合錢一十八千二百六十文白鉛每百斤連運脚共合錢七千三百四十文工炭每千需錢二百文共應用錢六千四百文與鑄出新錢數目相準試鑄之錢每文重八分五釐民間堪以行用似此變通辦理係為嚴杜私毀利益民用起見如議行

二十二年戶部議覆御史王鵬運奏制錢日少產銅日稀請禁止輪船運錢出口並開辦礦務鼓鑄銀圓以維大局一摺竊查原奏內稱近來京師錢價日貴銀價日賤咸歸咎於私鑄之充斥銀號之把持而不知皆非也其間有漏卮不可不亟思補救當光緒十一年開越事初定即有日人串同內地奸商以銀易錢裝運出口以致各省錢價陡長銀價愈低於是乃有鼓鑄制錢之議滇南產銅日少遂不得不購買洋銅倭商購去中國制錢將其中金銀提出已足敷購錢資本及購銅鑄起以淨銅售諸中國本一而息三倍之天下之利孰大於是此次日索償款多至二萬三千餘萬彼以一萬萬兩購錢出口可買盡中國制錢各省禁錢出口獨未查禁輪船外洋不用中國銅錢其運錢何為者應請諭旨飭下總署通行各口稅務司嚴查充公不得徇縱此亦節流之法也然

利之所在人所必趨雖法禁嚴仍將百計偷漏非鑄變通之法不足以支危局而開利源其策有二一曰鑄銀圓九州作貢三品兼權周初九府泉刀始專以銅錢濟用迄今民用繁而銅礦少加以外國人盤剝流弊已深乾隆時美洲銀礦大開皆運至中國見銀日多而不自鑄銀錢此何說也比年來中國黃金出口由三百萬增至二千餘萬如不自鑄金錢則國寶全空終受外人挾制應請 諭旨飭下戶部購買極大機器鑄金銀銅三品之錢金錢略仿英磅大小銀錢用鄂粵鑄成之式鑄成以後頒發各省 特諭天下一體通行各省亦一律鼓鑄以資利用仍 簡派大臣總理其事惟救急之法則宜先鑄銀錢明春錢價必大漲度購機運京建廠設局約需一年廣東鑄銀局機器甚大每日可鑄銀錢七萬餘圓銅錢九萬餘串應請 旨飭下戶部先撥銀三百萬兩專鑄大小銀錢運京備用通行各省籌款運粵鑄錢俟機器到京廠屋齊備即由京局辦理一曰開礦政中國五金各礦藏地下者不可勝數徒以封禁大利不開比年來西士考察及中國土人所知者如川藏之金礦銅礦江西湖南之金礦銅礦煤礦雲南兩廣之五金各礦山西河南之煤鐵礦奉吉之金礦等皆以官吏貪圖省事不願開採小民本少力微亦無由上達應請 特諭天下舉凡有礦之地一律准民招商集股呈請開採地方官吏認真保護不得阻擾俟礦利既豐然後按十分取一酌抽稅課一切贏餘官不與聞期以十年礦產全開民生自富各等語 等竊維理財之要與利與除弊不外因時制宜乃自通商互市以來中國金銀流出外洋者歲以數千萬計固不徒制錢一端為然也即以制錢論之洋商輸運出口原難保其必無而礦務未興鼓鑄應需銅鉛仍從外洋購取是其流不能節源不能開國計民生所由日以蹙也當此時局艱難度支告匱自宜取天地自然之利收國家自有之權設法變通誠為當務之急該御史原奏內稱各省禁錢出口猶未查禁輪船應請通行各海口稅務司嚴查充公不得徇縱一節據總理各國事務衙門查咸豐八年議訂通商章程善後條約第五款內載銅錢不准運出外國惟通商中國各口准其以此口運至彼口照見定章程進行該商赴關報明數目若干運往何口或令本商及同商

二人聯名具呈保單抑或須聽監督飭令另交結實信據方准給照別口監督於執照上註明收到字樣加蓋印信從給照之日起限六個月繳銷若過期不繳銷執照即將其錢貨原本照數罰繳入官其進出口均免納稅至載船無論淺滿均納船鈔等語是查禁輪船載運銅錢本有成約該御史所奏奸商偷運至如此之多究由何關出口轉轉出洋未據聲敘應由 衙門轉飭各關道監督會同稅務司申明約章切實辦理各該關出口銅錢數約幾何是否概有保單執照其無單照之錢各該關會否查出罰辦應令各該關監督稅司詳查聲復以後務當照約辦理毋或疏虞倘扞手人等有徇情容隱被別口查出即治以應得之咎該御史所請禁錢出口並通行各海口嚴查不得徇縱自係嚴杜銅源外溢為維持國法要計與約章相符自應照准又據奏稱非鑄變通之法不足以支危局而開利源其策有二一曰鑄銀圓一曰開礦政各節 部查銀圓之鑄創自外洋乃近則督 張之洞購置機器設局開辦於粵東見復試辦於湖北江浙粵閩流通甚便嗣後奏請仿照成法推行各省則有御史易俊陳其璋等兩摺均經 部議准奏請咨令沿海沿江各省當用意經營並聲明務須考核成色流通行使尤以選派局員為第一要義已通行遵照各在案今該御史王鵬運請 特諭天下一體通行各省一律鼓鑄與 部先後議覆各摺奏意見相同惟原奏內稱先鑄銀圓預防錢價大漲請 旨飭下 部先撥銀三百萬兩由粵局專鑄大小銀錢運京備用俟購買機器到京廠屋齊備即由京局辦理等語查 部上年議覆御史陳其璋摺奏內亦有以京城開鑄工匠生疏不如仍就廣東湖北兩省已成之局加增成本竭力擴充此外沿海沿江各省亦可自行設局如購機設廠一時未能應手則酌撥成本附粵鄂兩局分鑄見在各省尚未奏齊聲覆如粵局成本果能擴集增加各省畛域不分又復力籌附鑄則成本較從前倍鉅自毋庸再撥庫儲應自粵省及沿海沿江各省奏咨到日再由 部妥議辦理

二十三年通政使參議楊宜治奏查江海關道劉麒祥來電稱本日英金磅價規平銀一兩合二先令四本士次日傳詢總稅務司赫德聲稱近來磅價自七

兩漲至八兩有奇月內尚須續漲不知所止各等語鑄價愈漲則中國征收所  
入使費所出無一不加倍喫虧借款一項喫虧尤鉅商民交困其患俱在有形  
獨此鑄價昂昂耗物力於無形之中日加一日誠爲奇厄莫可挽救元氣就竭  
伊胡底止論者謂鑄價故昂蓋西人之蓄意陷華待其困極而股之愚情亦以  
爲然久而知其說之僥逆而不經也考中國周秦漢之世貨布泉刀率皆以銅  
而金銀亦不甚貴漢賜臣工勅曰黃金數十斤漢書謂外域以銀爲錢錢如其  
王而維時中國銅山甚富外域銀礦產初開故各尙有土宜以一國家之國法  
迄今數千年以來外域銀礦充塞轉而重金中國黃金已耗降而重銀又直省  
均准開局鑄錢各異銖分任郡縣商民自爲權量偏地私鑄不能如律禁止當  
國法大壞之秋適各邦整齊之日烏在其不困也於人乎何尤洋貨入口售得  
華銀除買土貨外購得之銀悉在上海銀行兌換鑄票以及各國銀紙回國蓋  
中國未鑄之銀西國視之同貨物不能易幣祇可鑄器西國幣無非銀質是  
其明證此金鎊日貴而華銀日賤之由也欲挽積弊弭大虧非率宇內之權量  
整齊而畫一之定準國法以與各邦平均往來不可若徒事憤憤於人之困我  
坐以待斃此自斃之道也近來中外臣工條陳國法不知凡幾或慮其紛更騷  
擾而不忍遽行或偶爾開鑄銀元而未能流通收效意者尙未扼其要領參酌  
時宜使輕舉而易行歟 臣竊年周歷各國見其國法無不自定一極準之式如  
法之佛郎德之馬克俄之盧布皆銀質三國皆有金錢三等之幣皆由國家定  
準價值入其國者必遵之各國之幣皆可通行惟金錢尤便各國金錢輕重稍  
別而以英鎊爲準故鑄價視英鎊爲定按華公法平約計英金每鎊重二錢  
二分英銀錢一先令重一錢五分一金鎊合二十先令一先令合十二銅質本  
士同治年間每鎊合中國規銀三兩三錢三分光緒十三年春每鎊合規銀四  
兩一錢六分五釐規銀一兩合四先令今則一金鎊合規銀八兩有奇二先令  
四本士合規銀一兩是英銀三錢五分合中國銀一兩矣然眉之急莫切於此  
擬請 旨准予變通先按先令分兩成色式樣鑄造銀錢務令京師直省一律  
通用專聘英國匠師購運英國機器在京滬地方審定一處開鑄俾與畫一嚴

禁偽造並請降 旨飭各省將軍督撫速採金礦聘匠開挖將來再仿照英鎊  
式樣鑄造金銀並嚴禁內地黃金出洋以杜漏溢聞漢河一處每歲採金不下  
數萬兩皆運上海銷售宜照時價收回銀錢既鑄金錢成由是可仿英式製  
造鈔票金銀錢存儲國庫及直省庫視存錢之多寡爲準則鈔票轉流通無  
用之金錢將同土壤矣一轉移間不加賦不事捐輸不求人加稅立即挽回利  
權三倍是富國救貧之策無捷於此奉 旨依議

臣謹案各國幣制大都以金爲本位銀銅則補助之獨中國猶以銀爲本  
位故金價上下漲落皆聽命於西人之手而蒙害實酷五洲大勢雲霧波  
詭我唯以故常取之不知所變能無憤乎

二十四年 諭據總理各國事務衙門奏章京劉慶汾請仿照成法印造銅幣  
通飭各省籌辦據呈代奏一摺著總理各國事務衙門定章奏辦

二十七年 諭鑄造銀圓與銀兩相輔而行較爲利便惟必須明定章程先由  
京外各庫於收放各款內搭成行使昭示大信方可推廣暢行近年各省所鑄  
銀圓以廣東湖北兩省成色較準沿江沿海均已通行應即就該兩省多鑄銀  
款源源鑄造即應解京餉亦准酌量撥作成本仍以每圓庫平七錢二分爲準  
並兼鑄小銀圓以便民用嗣後該兩省每次報解京餉准其搭用三成所有鑄  
造餘利儘數撥實歸公此外各省並可撥款附鑄不必另行設局亦准搭解京  
餉其各省徵收錢糧稅釐概准其以銀圓搭用三成完納各州縣解司道等庫  
各省關解部庫均按三成搭收一切支發俸餉等項亦准按三成搭放仍嚴禁  
吏胥刁難挑剔諸弊務使收發一律毫無畸重畸輕自可逐漸暢行俟通行後  
再行按成遞加以期行用日廣著戶部及各直省一體遵照辦理並著廣東湖  
北各督撫嚴飭局員多擇良匠加意鑄造務令成色絲毫無爽益求精工如查  
有參差不齊之處即將經管之員嚴懲重懲其認真考覈有利無弊者酌予獎  
勵所有動撥出入款項及每月鑄成銀圓數目按季報部查覈

臣謹案 朝廷鑄龍圓以濟民用法良意美明 諭錢糧關稅按成搭收  
而一般虎而冠者迺多方勒捐多方挑剔自有銀圓而不知費用偏費用



外國人之銀圓這小民窮於應付亦遂相率擯棄烏呼安得貪墨吏而盡  
罷黜之聽其一家哭乎

又 諭江南銀圓局創設多年行銷甚廣已著成效應照舊辦理著劉坤一  
會商張之洞陶模等將江鄂粵三局並道章程切實通籌妥議具奏

二十九年 諭從來立國之道端在理財用人方今時局艱難財用匱乏國與  
民俱受其病自非通盤籌畫因時制宜安望財政日有起色著派慶親王奕劻  
瞿鴻禨會同戶部認真整頓將一切應辦事宜悉心經理即如各省所用銀錢  
式樣各殊平色不一最為商民之累自應明定畫一銀式於京師設立鑄造銀  
錢總廠俟新式銀錢鑄成足數頒行後有完納錢糧關稅釐捐一切公款均專  
用此項銀錢使補平申水等弊掃除淨盡部庫省庫收發統歸一律不准巧立  
名目稍涉紛歧其應如何安定章程著即詳晰核議分別次第請旨遵行總之  
此舉為國家要政上下交益該大臣等惟當力任勞怨堅定不搖務令國法整  
齊推行盡利

外務部咨南洋禁止韓錢入口辦法略稱本年九月准駐韓許大臣函稱韓  
國向用常平制錢其錢甚重後因私銷過多常平漸少近於七八年前鑄當  
十紅銅通行國內又見日本人有當五十錢因停止紅銅改鑄銀錢每二  
十白銀當銀洋一元其利甚溥愈鑄愈多兼以日人私鑄華人難免無效之  
者私鑄充斥不可補救見在韓國每一銀洋換紅銅二百數十枚近聞有華  
商私運韓鑄紅銅入我煙臺上海鹽城東臺一帶與中國新鑄當十紅銅攙  
雜混用每百枚換洋一元較之在韓二百數十枚其利倍蓰有餘勢必源源  
而來實於我國錢法大有妨礙除已飭駐仁川等口領事會同海關稽查並  
函達東海津海江海各關道知照稅務司禁止韓錢入口外應請通行各省  
一律實力查禁不准韓錢攙用以維國法等因相應咨行查照轉飭各關道  
知照稅務司實力稽查禁止韓錢入口並通飭所屬出示曉諭不准攙用韓  
錢以維國法

三十年財政處戶部奏准歸併各省銅幣局廠又財政處通行各省禁止私鑄

銅圓隨時嚴密查拿

又戶部奏籌集金款豫備鑄幣略稱查出使俄國大臣胡惟德係奏整頓幣制  
摺內有添鑄金幣之請所陳利害頗極詳盡近今講求財政者亦多謂中國宜  
鑄金幣以濟銀幣之窮見在環球各國皆已用金中國獨無金幣金貴銀賤交  
易諸多受虧非開鑄金幣不能抵制惟鑄金幣應豫籌集金款日本未行金幣  
以前即先積金十年始行開鑄中國民間藏金甚富祇以國不用金徒消耗於  
金器金飾之用近年流出外洋者亦復不少亟宜籌收集之法以充鑄幣之需  
查此次政務處奏准捐復捐升及週缺先花樣擬請按照收捐各銀數一律搭  
收庫平足金五成以交金一兩抵交銀三十二兩核收至推廣捐復各員內如  
有祇准捐復原銜不准捐至原銜以上更不准捐復原官並情節較重仍為此  
次推廣所不及以及本無官職者如願報效鉅款應先赴戶部具呈由戶部核  
定數目概令全數繳金即行 請旨如蒙 恩准再由戶部兌收似此最為變  
通庶可籌集金款

江蘇候補道劉世珩條陳國法鈞議

一制三等之幣以金為本位以抵制各國之國法查西國用金本位之制  
英為首創故各國商務皆從之其幣三等金曰鎊銀曰先零銅曰便士每  
鎊易先零二十枚每先零易便士十二枚懸為定律萬物價值皆以金計  
與金論高下金之漲落而銀與銅並隨之今中國以不備之國法與之相  
市彼以制成之幣我以生質之銀彼以制幣之枚數而言我以銀質之重  
量而言彼為摺實我為純質是即以彼金銀易我金銀量無輕重價無抑  
揚而我之虧耗數已不少况彼之銀先零隨金價而愈貴我之生銀質因  
金貴而價低一參一差彼之摺實價逾於我之純質者不翅倍蓰此一弊  
也我之國法通用至銀而止上至於金則第以為豪貴藏蓄之資暨器飾  
玩好之用夫既虛金位而不用則外溢之勢自成外溢則金日少金少則  
價自騰於是金漲而彼之鎊價亦因之而漲鎊漲而一切洋貨之價無不  
隨之而漲彼以洋貨來而吸我之生金以去金日趨於貴銀日趨於賤抑

揚之權皆彼操之此二弊也中國鑄通寶制錢枚以一錢重為率核以精銅時價每枚所值已覺實過其名今以彼之一金鎊計之其在本國僅易銅便士二百四十枚枚約重二錢七分餘綜計為銅質約幾何若在中國則以金鎊時價核之每一金鎊足易我生銀七兩九錢有奇每銀一兩又足易通寶制錢千二百枚有奇綜計為銅質復幾何約以言之每一金鎊竟可贏銅質八百七十餘兩之多傾側至此於是內地奸民別重私鑄諸弊因之而劇而銅以是日荒而銀以此日賤此三弊也三弊之原原於國法未備故無論為金為銀為銅一交易則皆彼優而我絀彼贏而我縮此即不必有賠款洋債商務差負三大宗外溢之勢而消消者大有江河莫挽之憂茲特將制幣要務四事暨三等制幣重量價值成色列表附次於後

一國制幣必歸一局東西各國靡不皆然中國各省製造銀元局紛立歧出此疆彼界故所出銀元不能全國通用今宜於京師設立一局專鑄三等制幣通行各省其各省向設局所皆宜停止歸併

一請先設分析局一所於京師造幣局之旁聘用精於化學分析者主之凡鑄出貨幣由分析局分析以審金銀銅調劑之成分列表示衆

一請先與通商各國議訂金銀匯兌酌中之價三等之幣以金單數本位為主而此金本位一元須合價值庫平銀一兩之金質故金銀之價此為最要關鍵中國見今金銀兌換時價約合金一銀三十又五六之比例而依精琦之議則金價計值銀三十二三換此時宜藉其說先與通商各國議定酌中之價然後即依此價以定金單數本位根柢既植枝葉乃茂自非然者後弊滋甚

一須練設全國巡警警察以防私鑄國法既立以後三等之幣其地質所值靡非名過其實者而銅幣為尤甚故私鑄之事不可不慎以防之密以察之雖制幣仿效西法鑄造需用機器工作既繁破費較易然非有熟練合法之巡警全國密布恐此患終不易除也

附擬中國三等制幣輕重價值成色表

制幣等類	重量	價值	成色	備考
金幣	二十金二十圓 平六錢二分	值金本位二十圓 值銀本位二百圓	分金九百一十三	
銀幣	十分銀五錢 平五錢二分	值銀本位十圓 值金本位一百圓	同上	
銅幣	一分銀一錢 平一錢二分	值銀本位一圓 值金本位十圓	同上	
紫銅幣	五分銀五分 平五分	值銀本位五分 值金本位五分	同上	
白銅幣	五分銀五分 平五分	值銀本位五分 值金本位五分	同上	
紫銅幣	二分二分 平二分	值銀本位二分 值金本位二分	同上	
紫銅幣	一分一分 平一分	值銀本位一分 值金本位一分	同上	
紫銅幣	五分五分 平五分	值銀本位五分 值金本位五分	同上	
紫銅幣	二分二分 平二分	值銀本位二分 值金本位二分	同上	
紫銅幣	一分一分 平一分	值銀本位一分 值金本位一分	同上	
紫銅幣	一分一分 平一分	值銀本位一分 值金本位一分	同上	

備考：按此三金二銀十錢十銅之價值，其有增加減列，比列。

鑄通寶制錢概以新幣收兌凡制錢收兌審其重量成色照時銅價付值而不以枚數論至限期以後則將通寶制錢概行停廢無論官私出入奇零小數皆以新幣使用以清本源蓋金銀銅三等之用各有其位而不能稍移如彼此之間一有所侵佔則盈虧之際遂生其傾側中國今日都市商民交易往往以制錢千萬而論價以暨鄉里富戶則往往積困盈篋貫朽而不可理此皆以銅代銀之用銅佔銀之位是以至於銅荒錢貴為今日之情形也若收兌改鑄以後三等之用皆彰三等之位皆定小數以銅銅積之則以銀銀積之則以金繼鉅相維盈虛相劑故改鑄之銅幣不必數多於制錢而其用之足與不足則迥乎有異也然使制錢不概行停廢而徒添鑄一釐二釐之銅幣則兩者相妨必有一失後來之患愈不可測矣

三行使鈔票以代表金圓

中國之國法不改用金則不能制三等之幣不制三等之幣則不能抵制各國以脫銀價之虧累而用金則又懼始立之頃一瀉而無餘輾轉籌維急謀所以代表則以鈔票代金圓日本行而獲效所宜做行而利用之者也查日本國法自改從金本位後雖號為用金之國而官私出入暨市肆行用商務貿易等常小宗款項仍用銀銅至於大宗及金一圓以上者乃皆用國家銀行之鈔票其造幣局所鑄金圓自一元五圓以至十圓二十圓等實幣第以之儲積銀行國庫而實未見流行於市塵蓋其鑄造金幣專以為定銀銅之價堅商民之信而設而即以鈔票為金圓之代表也民信相孚流通極便徑寸之薄楮無異燦燦之黃金居用金之名却免金費外溢之虞仍循用銀與銅之實而可獲三等制幣之利斯策一舉數益皆備而一切之障礙皆除矣顧或者曰鈔票代金斯計誠得然吾思中國今日之制定國法原為抵制外人而起而就中國今日情形論之吾恐責民行用其權尚易而欲謀外人之信其事誠難萬一鈔票發行外人梗阻則實金外溢之勢終於難遏將若何不知貨幣者為百物之易中實幣鈔

票兩者無異無論為幣為票其用皆祇能流行於主國之內中國祇須有貨物可以對待主權可以負擔則實幣紙幣外人亦豈有所擇且以今日中國生銀之用言之亦東西各國所絕無相同者何以流通無阻如是也斯固不必深慮者也或又曰鈔票之用其大宗當在商埠都市之區必商埠都市先為流通而後內地乃無阻關中國商埠如上海天津各口岸久為各國銀行鈔票所充塞都市如江甯京師各都會復有民立錢莊票店雜出票券以播用其間凡此者其信久乎其用素習今一旦國家發行鈔票竊恐踵彼之後者未足與彼相角也假使商埠都市先有阻格則內地行用其足恃乎將若何噫嘻斯說也是尤未知鈔票之性質者也夫鈔票者以信實功用靈便三者為要素而優劣通塞所由判也今正金匯豐道勝諸行之鈔票雖號為日為英為俄其實僑寓中國之東西各商為之非真為英俄日本國家所出也則以信實言之已不若我中國國家之鈔票有政府主權之負擔矣且彼之行用率限於一隅如上海匯豐銀行鈔票行諸香港匯豐銀行便須加貼票水蓋以各銀行既為各商自設則各行所出鈔票祇能行用於該行所設之地非其本國國家所出之鈔票易地皆可通行故此銀行與彼銀行交易即有限制若我國家鈔票則統十八行省以內隨處可以流通綜官私出入之交隨事皆可兌使此其功用之廣大取攜之靈便又豈各銀行所能並駕齊驅者乎

謹擬中國國家行使鈔票種類名目計五種

- 一尋常通用鈔票 自金圓改本位一圓至五百圓止每種發行額約二千九百萬圓全流通無阻各商行各處均收一切官私出入皆準戶部印發各省由各行用
- 一內地各埠往來匯兌票 此為內地各商埠都市往來匯兌之用金銀兩至地時有兌付限期如及限
- 一外國往來匯兌票 此為內地與各國商埠往來匯兌之用由中國幣匯水照時價從取至地兌付有限期

一國民積存金票 此為中國國民存款之金款於國家之運籌按月給以官  
及五厘等其式可支取  
二公債券 此為國家所發之債票其利息及還本之期其券先  
三國庫券 此為國家所發之債票其利息及還本之期其券先  
四設立國家銀行分布各處以流通國法

人身血氣運而行之是在脈絡國家國法流通之是在銀行中國於制  
定國法之際宜先於京師戶部之下設立國家總銀行一區以掌中國全  
國財政出入之總樞是外如天津膠州煙台上海通州溫州甯波廈門香  
港廣州瓊州諸海口商埠鎮江蕪湖漢口九江安慶蕪湖宜昌沙市夔州  
各長江商埠以及十八行省所屬都邑市場繁盛之區次第設立國家支  
銀行以開國法流通之路自國家銀行既立凡各地所有民立錢票莊店  
等皆當承其統率受其監察無得自異以干法紀且自後凡國家每年關  
稅丁漕一切官項所入賑資廉俸一切官項所出無論上頒之於民暨民  
輸之於上者皆由隨地支行與京師總行直接轉輸而凡地方官吏以及  
戶部司庫等官為向之經手財政者仍使司財政出入會計之帳冊於是  
實幣出入消滴皆公脈絡貫通一無停滯所有昔日上下格塞中飽侵漁  
諸弊端皆可一廓而清此內地各處國家銀行所宜亟立者一也又中國  
於各國緊要之都埠素有商務往來者竟絕無一匯兌轉輸之地於是無  
論由我輸彼由彼輸我皆惟彼所設之銀行是賴出入之利為彼所專而  
操縱抑揚尤不得不俯首以聽其命所以中國近日付賠款償洋債與商  
務結算等而屢受銀價之虧折者其原因大率由此今擬於國家銀行既  
立後亟行分立支行於各國緊要都埠如英之倫敦德之柏林法之巴黎  
美之舊金山紐約日本之神戶橫濱以及檀香山檳榔嶼南洋各島等處  
以為抵制自後凡由中國付款於各國暨由各國洋商並僑寓華商寄費  
至中國者皆可由中國銀行匯兌不必專倚諸彼雖中國每歲外溢之款  
滋多往來之開存支必難相抵而轉輸之柄彼既不能操則抑揚之開我

亦少可為力此中國銀行亟宜分立外國各地者又一也顧或者曰前者  
戶部籌設銀行迄今尚無成議今者乃謀一旦之開總行支店分地齊立  
以此度之共需母本幾何以民貧國瘠之中國其能集事乎噫嘻斯說也  
是不知國家銀行所立之實義者也夫既為國家之銀行則凡國家每歲  
賦稅丁漕所入為政府戶庫所儲存者即京師總行常住之母財各省司  
庫關局所儲存者即各地支行循環之母本而全國一切官私出入無一  
不由銀行亦無一非銀行之交易各國於全國歲入正雜各款皆由國家  
銀行收存歲出各款又皆由國家銀行支出一出一入刻無滯礙一錢一  
黍皆生贏息以國家之財帑設國家之銀行其銀行之所入即國庫之所  
入其曰銀行之母本若干者示限制於國帑歲入以內而非別謀籌集於  
國帑歲出以外也其曰商民之附股若干者均利益以通上下之情而非  
求輔益以呼將伯之助也不然以國家出入之公財為國家營運之公益  
而必舍政府戶庫與各省司庫關局所歲入儲存者以別謀常住循環之  
母本是何異百畝之農舍其稼穡所得倉困所積之稻梁而別謀糶他人  
之穀以求糶也嘻亦異矣

五請昭示大信於天下以期國法之通行無阻並收回應有之利  
吾國民俗素號敦龐人心夙懷忠愛前者昭信股票之發民間輸將甚形  
踴躍數月以內一省集款至數百萬兩假使信不終渝則準此愛戴之羣  
情竊以為今日各國賠款雖鉅誠不難剋期勸集如當日法德之償金奈  
何自喪其信遺疑畏之念於天下也且股票所頒各省一律民間所輸亦  
各省一律而迄於後來則內地之民捐舉無以見信者惟上海廣東沿海  
商埠之處又因稅司洋員經手之故銖黍皆歸二事相形遂益使吾民信  
仰國家之誠轉不若信仰洋員之篤其機一動客感遂來欲獲吾民之誠  
信非我國家先自溯前者之失與堅後者之信不可請推論之一一請宣  
示各省庫儲見款以鞏國法銀行之本基伏查國家每年各省所入公帑  
皆歷年浪存各庫局絕無慮懸預用之時按各省歲入之常數即可知各

省司庫關局所儲之見帑如以江甯一省言之歲入之項司庫約百數十萬兩糧道庫約七八十萬兩釐捐局約六七十萬兩籌防支應以暨各鹽局約二百餘萬兩共計約五百餘萬兩新陳相壓其所出入之數即皆屬見存之數敬擬由國家明降諭旨先將各省每年收入見存實款數目宣示商民自後各省流通制幣行用鈔票之成數與設立銀行之成本即皆按此各省歲入見存之數以爲準則庶知無絲毫蹈虛之處即無銖黍不實之虞其每省向來歲入見存實若干今者制幣鈔票行用之數與銀行成本又各實若干即飭各省官報敬謹臚載庶紳商士民皆得週知即一黍一絲皆徵確信較之文告之頌騰黃之示影響更捷此以堅後來之信者一也 一請立國用歲計表以清國法之眉目請由財政處仿各國制將國家每歲費用公帑之數列爲一表凡廉俸約需若干賑濟約需若干以及兵務漕務學務河務約各需若干一一核算而列載之並比其出入相懸之數外而交涉之費分償之款亦附著焉以此示信於下則財政盈虛之象既見而國法之眉目亦清此以堅後來之信者二也 一請國家詔示全國是後無論官私出入一切皆用新幣皆由銀行凡下輸於上者如賦稅丁漕等上頒於下者如廉俸餉需賑資等在前爲銀一兩者此後則合制幣若干在前爲錢一千文者此後又合制幣若干皆有定程絕無絲毫之外費自是前者火耗平餘免費解費以暨一切浮費等所以使官吏中飽侵漁之計者皆不禁而自絕矣又凡鈔票金一圓兌銀幣若干銀幣一枚兌銅幣若干由金而銀由銀而銅兌換之數皆有定率隨處隨時皆可由銀行兌見化用又絕無市價之參差自是前者申平耗色增水加息以暨出入盈縮價值漲跌等所以使商儉把持抑勒之計者又不禁而自絕矣自是以後其新制國法之利有不必責民之行而自行舊有國法之弊有不必責民之廢而自廢此以漸前者之失者三也 一請於發行鈔票之始先收票款之半數餘待三年然後兌清凡發票收款由各處銀行而領票兌款由各地著名殷實之商富而有連環互保可信者譬如

一百金圓之鈔票商民領兌時祇須先交五十圓餘五十圓限三年後如數清繳不加子息商民自必樂從且交五十圓而得一百圓隨地通行之票商力既裕則貿易自興出口之貨亦自然而增此收商之利而仍返之商也再金價即照精琦定三十二換之價各國既允通行即須迅請美國邀請各國簽定以見時金價規銀四十換較之已收回八兩之餘益以洋債賠款商務差負則其收回爲更鉅此以外人之言定外人之價而仍收回自己出款之利也似此商民於發行鈔票之始以江甯一省言之可以一百五十萬金之見款而得三百萬金鈔票之利用而國家於其始行之際雖有一百五十萬金之虛懸然三年以後則又以三百萬金之紙幣易三百萬金之實款其利雖暫歸於民而通行以後國家所獲之利爲尤無盡且民信既堅羣利皆集又即以此所獲之利轉而與各省未與之實業利愈溥斯國法之根本愈固此以漸前者之失者四也烏庫上下之際惟信乃通改革之始非信不立前者祇昭信股票雖偶有一失今果一舉步必皆趨於至實至信之地則挽回有術安見制幣之成立國法之通行之不可以翹足待也否則與利革弊之事仍恐屢舉而屢無功也

皇朝續文獻通考卷二十一

錢幣考四

光緒三十一年署兩江總督周馥奏各省鑄造銅元本為補救錢荒非為圖謀餘利開辦之初銅賤錢貴獲利頗鉅於是各省添機加鑄舉凡一切新政之無款舉行者皆指此餘利為的款即練兵處擬提兵餉亦竟指此為大宗如果行之無弊以之撥充軍需舉行新政豈不甚善無如出錢日夥錢價日低近日精會計者就中國已有之機核計出錢之數歲可出銅元一萬六千四百餘兆枚合制錢一百六十四兆餘串謂中國銅元之價必大低落內外商務必受其困各疆臣非不知之徒以新政要需練兵鉅款束手無策不能不為此權宜之計一意擴充銷路紛紛外運互相擠跌而於各省窮鄉僻壤尚未徧行揆諸補救錢荒初意大相刺謬並於商務轉輸實多暗損是僻遠之區未受銅元之益繁盛之地先受銅元之害即以江蘇一省論金陵蘇州清江三處已各設機廠所出銅元足敷本省之用而廣東湖北浙江福建或委員設局運售或給照招商販賣皆聚於上海鎮江等處以致錢價大跌近年江西尋常市價每銀一兩易錢一千三百文見驟漲至一千四百餘文每銀元一枚向易錢八百四五十文見漲至九百六七十文餘利既減新政之需練兵之費勢將無出官商兩困患在目前江南財賦以丁漕鹽貨釐金為大宗向皆收錢易銀解庫錢價既落折耗甚鉅應提盈餘應交課稅損失實多賠款軍餉難望足數商販暗虧更難枚舉論者謂前因制錢缺乏錢價太昂故鑄造銅元以補制錢之不足藉以維持銀價今銀價既漲而又嫌錢價太賤豈不前後矛盾不知鑄造銅元原以補制錢之缺若本省足用而尚層出不窮錢少固荒錢多亦困盈虛消長之機斷難偏重過猶不及理勢然也若為正本清源之計亟應妥定畫一幣制以垂永久惟茲事體大非倉猝所能議行爲目前計惟有飭鑄造銅元各省以本省所鑄供本省之用不准販往他口由各省督撫酌盈劑虛隨時消長如某省缺錢即由缺錢省分委員前往購運於補救之中仍寓流通之意見在直隸山東兩省已禁他省進口仍屬不得已之舉江蘇事同一律應即揆案暫禁進口以救

市面論者又謂錢幣貴乎流通以中國之錢行銷中國之地未便各分畛域且各省已鑄之錢豈能存而不用不知各國國法本有限制見在各省既以錢多爲嫌其出錢最多省不妨暫行少鑄庶不致漫無限制下財政處戶部議奏次年覆奏略稱各省爭鑄銅幣流弊日滋自以由戶部收回爲正辦惟目下遵議收回諸多窒礙亟應先圖補救者約有八事一禁止大宗販運自古國法宜流通不宜屯積大宗販運則屯積而非流通矣且或買賤賣貴致錢價低昂操之商賈應將大宗販運禁止其非大宗販運不在禁止之列議以出口進口在二千枚以上者爲大宗二千枚以下勿問一限制鼓鑄盈虛之數與時消息酌劑之道因地制宜將來鼓鑄或可減可增局所或可裁可併是在總攬全局認真稽核總期制節平均一禁購銅餅查禁止購買等前奏章程本已議及並請將銅餅嚴禁入口應仍令各省督撫查照前章認真稽核不得日久廢弛一買銅必先報部查前因河南銅元局不候部覆購買銅餅該撫臣咨請將承辦之員免其議處當由部會同部據咨改奏摺內聲明嗣後各省購買銅斤務將數目價值報經核准方可訂立合同銅斤進口亦應由海關呈報查考並令將銅元局員司銜名造冊咨送以憑查核等語應令各省督撫遵照前奏辦理一官民紳商應一律行用銅元本以救錢荒並不專爲圖利乃公家以其出也有利則多方開放以其入也無利則多方挑剔近聞有地方官吏於丁漕稅課不收銅元或且於銅元制錢過分輕重者官不肯收民何肯用嗣後凡公家徵收錢糧銅元與制錢一律通用不得挑剔違者參處一行旅隨帶銅元非逾二千枚概不查禁既非大宗販運則無礙國法倘有不肖委員巧立名目任意刁難甚至一省之內此縣行經彼縣亦且盤詰留難應隨時查明懲辦一市面行使不得自分省界寰宇一統決無分疆限界之理凡在市面無論何省銅元一體通行各省疆吏不得存自私自利之見以顧全局一銅元多寡應設法勻撥銅元因有餘利各省爭相鼓鑄推廣銷路通商大埠首先充斥而地方官恐受其虧窮鄉僻壤尙有不見銅元者此盈彼虛價目跌落安望周轉應認真查明一省盈虛由疆吏設法勻撥各省盈虛由戶部酌核勻撥以上八事前四者

所以清來源後四者所以暢銷路銅元跌價或可稍挽餘利亦可稍延且屬切近易行之事其尤要者則在信實必罰倘有奉行不善及陽奉陰違者嚴參重處

臣謹案國家鑄幣非為籌款也故有耗費而無贏利康熙初元銀價賤制錢每文重一錢成色銅六鉛四千文准銀一兩四十年後銀價漸騰增鑄新錢每文重一錢四分法價依然而舊重一錢者准銀七錢調劑務底於平故言幣制完美者唐開元外必數康熙迨乾隆五年銀價益騰定每錢含質為銅五鉛四錫一重僅得康熙錢之七五仍以千文准銀一兩於是銀錢之價悉隨市場為轉移幣制稍素矣同治末葉上海八九規銀一兩值錢千六百餘文至光緒二十四年僅一千一百餘文二十八年袁世凱任直督謂由錢荒所致創鑄銅元各省效之如飲狂泉與影競走三十二年乙巳向外國購銅二十七萬五千擔鑄成十七萬萬枚明年更購銅七十四萬九千擔鑄成四十六萬萬餘枚供過於求價值遂一落千丈矣壬寅癸卯開辦一圓換銀元八枚至丁巳開辦一圓換銀元十枚京武昌福州開封五局隸中央政府復令再鑄至丁未冬又成四十二萬萬枚當時各省均視為利藪不復知有幣制其禍實烈於洪水猛獸可勝慨哉

又戶部奏准理財以幣制為樞紐幣制以整齊為要義臣部在津設立銀錢總廠即專為整齊幣制起見惟銅元創行先由廣東試鑄各省遞相仿效以救錢荒見查開鑄已有十七省設局多至二十處若不明定限制未辦者仍將援請已准者復議擴充鑄局益多更滋糜費上年政務處練兵處會議兩江總督魏光燾奏請添鑄銅元摺內聲明此後鑄造銅元皆由臣部主持以一幣制而重財政各省並不得紛紛設廠又查上年署兩江總督周馥奏請併銅元局片內亦聲明多一局廠多一繁費等語是銅元宜多鑄而不宜雜出所見正復相同臣等公同商酌各省已成之局勢難停廢應由該將軍督撫認真督造不得再行增設子廠此外未鑄銅元各處概不得仿照設局如必須銅元應用仍令籌

款交郵省錢局搭鑄運回行使其有地當衝要設局實在相宜應由臣部隨時察酌情形一俟天津總廠布置就緒再於上海等埠建立分廠以期漸若盡一逐漸推行

又財政處戶部會奏遵旨設立天津銀錢總廠酌擬開鑄簡明章程略稱欽奉諭旨設立鑄造銀錢總廠業將建設天津緣由並勘定地勢籌商建造情形陳奏在案查鑄造銀銅各幣必須購置合宜機器當經督飭該提調等定購美國常生廠新式鑄造銀銅圓通用機器全份於本年五月開機試鑄銅幣等先後前往天津覆加察勘各項機器尙屬靈便堪用廠房建造亦均如式惟機器原定每日可出大小銀銅各圓共六十餘萬枚見時甫經試鑄機器未免生澀人手亦未熟諳出數尙少將來運用純熟自當日見增加茲將酌擬簡明章程八條繕單呈覽嗣後當由臣等督飭該提調各員加意經營因時籌畫一俟辦理稍有把握即當鑄造銀幣並添購機器逐漸推廣以期副整齊國法通變宜民之至意如議行

又會奏整頓國法酌定通行章程略稱中國鑄造銀圓始於廣東意在抵制洋圓兼以補制錢之不足嗣後湖北江西南直隸浙江安徽奉天吉林等省陸續購機鑄造惟以所鑄銀圓規模絕異成色分量不免參差以至民間顯分畛域此省所鑄不能行於彼省仍不如墨西哥銀圓之南北通行近年以來添鑄銅圓因制錢短絀民間樂於行用而鑄造餘利又復甚鉅是以各省爭先請鑄紛紛不已然以自相爭競之故近來機器銅鉛價值業經見漲銅圓價值亦經見落若仍復自鑄自用各立門戶恐銅價益漲錢價益賤數年之間新幣充滿行銷不易必致漸虧成本且與各國新定商約已定國幣若任各省自為風氣恐於畫一幣制之意去之愈遠查各國金銀銅三種制幣多歸一廠鑄造其權操之政府考察市面幣數不足則增鑄有餘則暫停故能維持價值不致隨時漲落中國地廣人多似非一廠所能敷用擬於財政處總廠之外再擇鑄造銀圓著有成效者酌留南北洋湖北廣東四處作為分廠鑄造銀幣至銅幣一項見在各省尙未充足所有已設之廠不妨暫仍其舊惟照戶部前奏不准再有增添

仍由<sub>臣</sub>等考查成色分量均令一律發行價值不得參差如不遵章辦理一面飭令停鑄一面將經手人員奏參至各省鑄幣必須隨時斟酌損益俟所鑄足數應用<sub>臣</sub>部體察情形飭令暫停各省即應照辦不得以尙須籌款藉口則鑄造不致過多聲氣可期聯絡仍與一廠無異茲擬章程十條呈 覽如蒙 俞允即行知各省遵辦

又允戶部奏准永遠停鑄當十大錢

又財政處奏准通行各省銅元局不准購買外洋鑄成銅餅如有陽奉陰違向洋商訂購定將承辦之員嚴行參辦

又奏酌擬鑄造銀幣分兩成色並行用章程略稱查幣制有本位貨有補助貨見在總廠開鑄銅幣特係補助之一種既欲整齊圖法則本位之幣不可不早爲籌定中國積金未富官私交易向係銀銅並用金之制尙難驟議從前各省所鑄銀圓成色分量均仿墨西哥係屬一時權宜未可垂爲定制詳考各國國幣如英之先令俄之盧布德之馬克法之佛郎以及美日之金圓皆各行其國之所宜彼此未嘗沿襲中國丁漕租稅徵收多用庫平民間銀兩往來亦均以兩錢分釐核算竊以爲欲定國幣之制似可卽照庫平一兩精其鑄造足其成色尤要在戶部京餉首先收受各省藩庫州縣徵收錢糧及一切公款自無不收之理商民知公款通用又可免補平補色更無不樂於行用爲今日計莫便於此是以上年八月湖廣督<sub>臣</sub>張之洞曾有在湖北試行庫平一兩銀幣之奏本年<sub>臣</sub>那桐等先後前往天津與直隸督<sub>臣</sub>袁世凱商榷幣制該督亦力持鑄造庫平一兩銀幣具徵議會議同擬請鑄造重庫平一兩之銀幣與見鑄之銅幣舊有之制錢以爲補助謹擬章程十條呈 覽如蒙 俞允卽由<sub>臣</sub>等飭知戶部造幣總廠並咨行南北洋湖北廣東各省趕爲鑄造俟此項銀幣積有成數同時發出嗣後公私收發款項均限令搭用銀幣若干成一面源源鑄造仍俟所造銀幣足敷通國之用然後遞減別項搭用之數務期通國授受專用銀幣以垂定制而昭大信銀幣試行有效再議收積金款鑄造金幣使三品之制皆能同條共貫整齊畫一庶幣制於以大定矣奉 諭財政處奏酌擬鑄造

銀幣分兩成色並行用章程開單呈覽一摺據稱從前各省所鑄銀圓係屬一時權宜未可垂爲定制見在明定國幣擬鑄造重庫平一兩銀幣定爲本位更鑄五錢二錢一錢三種銀幣與見鑄之銅圓舊有之制錢相輔而行等語整齊圖法爲當今財政要圖著戶部造幣總廠按照所擬章程行知直隸江蘇湖北廣東各分廠趕鑄造嗣後公私收發款項均應行用銀幣以垂定制而昭大信一切未盡事宜著該王大臣等體察情形隨時奏明辦理

三十二年財政處覆奏雲貴總督議設滇局鑄造銀元銅元以挽利權而裨路政一摺略稱查銀幣一項前經奏明專由總廠鑄造仍留南北洋鄂粵四局其餘並應停罷滇省地處邊遠轉運實難國家銀行未能獨立將來鐵路所需若聽其行使洋元亦殊非計所請添設分廠違章添鑄銀幣之處自應准其暫行辦理俟一二年後約計所鑄銀幣足敷鐵路行使或戶部銀行推廣設立該省附近分行堪堪供周轉匯寄應卽停鑄以符定章至該省所鑄銅幣亦應遵章限制鑄發不得專恃餘利以充鐵路股本致礙圖法

又財政處戶部奏<sub>臣</sub>部前因銀行業經開辦奏明派員前往日本考查紙幣印刷事宜誠以紙幣一經作僞其害不可勝言果其立法之初詳求盡善必能有私造者從重科罪而於造紙印刷之事情益求精務使民間無從仿效其造紙選料程功必與尋常束楮迥異更加水印花爲特別記認其印刷以機器精鑄銅版極求工細鍊製印色備極鮮明又益以電胎銅版鑄出分印雖累萬億而毫釐不爽惟必須各設一局造紙務擇原料最富水性相宜之地印刷一事其工作均須機器而電胎製色二種尤係專門科學非得有專精技師教習不易措手其建設自以購運機器便利之地爲合宜而尤必與<sub>臣</sub>部及發行紙幣之總銀行相近庶便稽查<sub>臣</sub>處<sub>臣</sub>部見正整頓財政亟宜參酌採取妥爲籌辦以立基礎統俟考察之員回京再將建設局廠暨派員經理一切事宜妥議章程奏明辦理

<sub>臣</sub>謹案紙幣一項據宣統元年上海西人商會所調查謂此三年內各省



所發已三千萬兩其確否未可知卽以此數爲例繼長增高伊於何底亟須禁止續發考前十餘年開海關表每年金銀入口常多於出口者數百萬或千餘萬近三年中每年出口多於入口者約二三千萬銀根緊迫到處皆然雖原因複雜而最重大者由濫發鈔票濫鑄銅元爲之厲階今設完善之銀行相輔速宜兌已發之鈔票收溢額之銅元所費雖鉅而數千萬之鈔全國市場流通本需此數且求兌者稀改之尙易至收回銅元及今力猶可任若再蹉跎恐國中金銀之屬足爲幣材者皆被驅逐物價之騰什伯倍於今日商民交困國無以立雖欲爲之無及矣

又直隸總督袁世凱奏銅圓餘利短絀支款無著准其另籌撥補又財政處戶部覆奏兩廣總督岑春煊奏廣東省改造一文銅錢情形一摺略稱查原奏內稱廣東所造銅元流行頗廣上年禁運出口銷路頓滯而錢局購存紫銅尙多積欠銅價甚鉅自非變通改造不可因思一文制錢各處通行徒以成本太重官家受虧過甚無力鼓鑄而私銷私鑄因之叢生今酌量於輕重印字之間擬造一文制錢用紫銅六成鎔配白鉛四成每文重三分二釐正面印光緒通寶四字背面印清文廣寶二字中鑿圓孔以便貫串較諸舊式具體而微仍以千文爲一串定價銀七錢三分與舊有制錢一體准完錢糧關稅暨一切官款出入發行市面商民稱便合計銅鉛工作略有虧耗將來造數日多自可顧全成本而存銅欠價亦有歸著等語臣等查中國幣制未定向惟生銀與制錢通用最廣民間貿易尤多利用制錢近年各省制錢缺乏議鑄銅元以救錢荒惟銅元定價原與實價懸殊操縱失宜弊卽百出臣等前因各省銅元鑄數日多奏請酌定限制並禁運出口期以消息盈虛稍劑其平該督所陳各節不爲無見查一文銅錢習用最廣如果鑄造得宜定價與實價無甚懸異無不推行盡利既據該督將新造制錢式樣咨送臣等部臣等詳加審察分最質色尙均適宜見當整頓國法之時各省務歸一律廣東既添造一文制錢各省均可仿辦應由臣等部飭令造幣總局按照廣東省辦法審定分量成色製造祖模輪廓字畫鐫刻精細並分識省分加入一文字樣頒發鑄造銅

幣分廠酌量添造其發售價值應按照新造庫平一兩銀幣合制錢一千四百文一律合算不准私爲增減錢糧關稅等項官款均准交納以利推行如議行又奏前奏限制各省銅元鑄數以後銀價幸未大漲惟鑄造銅元多至十六省一省或至二三局江蘇因逾限鑄造經臣等奏停而各省之請免限制者亦復不少若不急行整頓恐多鑄爭銷弊仍難免且鑄數雖有限制而局用不能大減機力因之坐耗亦屬非計前署兩江督臣周馥因限制後餘利無著尙須賠貼局用電請將兩廠暫停卽其明證臣等再四籌維惟有將見有局廠酌量歸併電商鑄幣各省督撫臣等均陸續覆電覆直隸督臣袁世凱主張畫一價值湖廣督臣張之洞主議歸併前署兩江督臣周馥前署兩廣督臣岑春煊則請臣等部主持其事其餘各省或請定銀銅價值或請增鑄銀幣或請鑄當五以下銅幣或請禁各省爭鑄其不願歸併者大抵以餘利爲鑄款一經歸併本省之利盡失惟廣西撫臣林紹年謂國法重在便民取足民用而止官民收發公其出入此數語較爲扼要今欲統籌兼顧誠非由臣等部居中主持不可然中國幅員遼闊若如各國僅設中央一廠轉運實形不便惟有相度地勢規合全局量爲歸併除臣部所設總廠外擬以山東歸併直隸爲一廠湖南歸併湖北爲一廠江西安徽江蘇清江爲一廠浙江歸併福建爲一廠廣西歸併廣東爲一廠合奉天河南四川雲南四廠共九處皆歸臣等部統轄調劑盈虛彼此勻撥嗣後體察情形再行酌量減併其各省承辦之員果其辦事妥善即可會同督撫加札委用並由臣部遴員會辦以資歷練隨時調查各廠應鑄數目飭令如數承造通定畫一價值撥往各處銷售內地州縣未經通行銅幣者尙多主持雖在臣等而行銷則在各省地方官應請旨責成各省將軍督撫飭令各該地方官按照臣等所奏章程切實推行官民一律不准挑剔折減至各省原存銅斤物料統交歸併之廠其機件先儘各省原有者應用實有不敷再行酌調均照數登記作爲存本其餘停鑄省分之機件廠屋仍飭酌量修改以爲製造他項之用餘利一項由各省認爲練兵經費及各該省學堂新政之用國家本不應屑屑於此是以臣等前奏請停蘇州鑄廠摺內卽將該廠所認練

兵經費停解由部另籌此次歸併專為維持國法起見自不應多鑄圖利從前以餘利為籌款者應查照等前奏另行籌畫以維大局惟鑄廠雖經歸併如辦理得法餘利不致盡無仍應內外兼顧每年除開支局用薪紅外實得餘利提出四成作為練兵經費餘仍歸各省照限制成數派撥即歸併停止省分亦得按照均分屆時刊印清單宣示並准各省派員查核以示公溥惟向無局廠之省分不得援以為例歸併之際其部署承接查核機料事體極為繁重應請 欽派大臣隨帶司員前往考查辦理雲南一廠開辦最晚規模較隘即由該大臣選員前往毋庸親往接收以期妥速茲將接收時應辦各事宜繕單呈覽如蒙 俞允等遵照辦理得 旨著派陳璧前往考察辦理

財政處提調江蘇候補道劉世珩條陳幣制不能畫一之理由並畫一幣制措手之方法

一中國昔時制幣僅有銅質通寶一種其餘金銀皆以地金生質臨時秤算週年以來既以墨西哥等國銀元流入故師其法而鑄七錢二分之龍元又以錢荒故持其急而鑄當十之銅幣二者既為國家制行之幣宜與各國之計數幣制有合乃三等質幣未經全製國法既缺略不完而龍元鑄明其質重七錢二分者於民俗用銀一兩為計數之習慣不合且國家法律未明示本位之標準法償之數用銀用銅或多或少隨民所欲漫無制限以致市肆之閒生質熟幣殺雜並陳銀幣銅元供求時異所以龍元雖鑄明庫平七錢二分而入市之價隨時復以漲縮而課盈虛其銅元雖鑄明當制錢十文而供求之閒可隨時以盈虛而生變動此不能畫一之原因一

二中國民用習慣無一定標準之單位或銀或銅隨其所有而用而都市鄉里之往來又有隨俗而異者隨時而異者隨地而異者悉聽諸受付之自便往往有錢款受付積數至千百餘串在各國宜用銀位而中國則竟以銅代之銀款受付累數至千萬餘兩者在各國宜用金位而中國又復以銀代之銀位銅位莫衷一是相宜而不相繫所以交易之際既時以供

求多少之故而價格上之變動而變動之後又時以彼此傾側之故而來經濟界之恐慌國法本係國家之特權一至莽亂之際國家亦無術以施維持操縱之力或謂中國幣制為銅本位又謂為銀銅兩本位今實際觀之銀幣既自有伸縮之價銅元又自有所當之值兩位既不相繫法償又無定程直謂之無本位可也此不能畫一之原因二

三沿用秤量幣制由來已久而所用以為秤量之具者國家本立有一定標準當國初時凡公務收入秤量概用庫平以為受付標準亦可謂示天下一律矣乃民間私用既沿習而不更好偷把持復因緣以弋利於是曹平湘平規平市平京平揚平鎮平之名目以立且益以估量銀色申毛燥耗如九七九八二七二六之類更影射顛倒莫可明言無非便猾吏侵漁之計而貨幣流通之大患在是矣此不能畫一之原因三

四週年以來中國各省造幣之局紛設林立各不相謀各不相下其始以餘利孔饒之故日擴充以言鼓鑄其繼又以鼓鑄既多之故遂四出以謀運銷鑄者既多銷者日衆餘利所在如水流下於是運銷不為平均內地之計而又專注其力於銷路繁盛之市場運銷日多壅積乃至壅積既甚傾側乃生至岌岌乎將有反覆之象乃又急謀挽救維持之計以各保其銷場於是同為一國以內之地此疆彼界因此而致區分同為一國制行之幣一彼一此更互申其禁令凡銀元鑄自甲省者一入乙地必故抑其價以困之造自丙地者一入丁省亦必故低其值以制之國貨雖為流通之名竟無流通之實而銅元之禁止出入則又加嚴關市稽徵如禦暴虜明明本國制行之幣而竟至加以運私盜販諸名目是誠今日東西各國所未聞而亦中國獨昔所未見者也國法勢亂其何終極此不能畫一之原因四

以此觀之則中國今日欲訂立貨幣畫一之制度惟當漸除中國舊昔國法不能畫一之弊端必其弊既能淨除而後其制乃能畫一又必其制既能畫一而後其弊乃不復來蓋治疾者惟求攻疾之聖藥而止弊之良法

固不必求其新法也茲請復列中國此後幣制畫一措手之方法如左  
甲制金銀銅三等完全之國幣效日美德法等國雙本位並紙幣代表金  
位之制以值時價庫平銀一兩之金質為金單數之本位除國家所有鑄  
成金幣儲之府庫而以紙幣發行民間代表金位外凡五錢銀幣兩枚亦  
兼為代表金本位作起數單位之用凡償付之數亦不設以制限其餘自  
五錢以下銀銅各貨為本位之補助品三等之幣均相維繫價值制有定  
程自後國家公幣正供收入之項概以此三等制幣照章繳納以期廢止  
從前秤量授受之圖法而一律改為計數授受之圖法謹擬中國三等制  
幣暨從金銀雙本位列表以備採擇並列國幣制表以資參較

擬中國新立幣制表  
金幣五種 銀幣四種 銅幣六種  
五十五兩 五十二兩 五十二兩 五十二兩 五十二兩 五十二兩  
十兩 十兩 十兩 十兩 十兩 十兩

附註以一元為起數此種一元之幣金銀兼用  
此制之用可以起數此種一元之幣金銀兼用  
即當五兩即當五兩即當五兩即當五兩即當五兩即當五兩

列國幣制表  
金幣四種 銀幣十種 銅幣三種  
五兩 五兩 五兩 五兩 五兩 五兩 五兩 五兩 五兩 五兩  
五兩 五兩 五兩 五兩 五兩 五兩 五兩 五兩 五兩 五兩

美金幣五種 銀幣四種 白銅一種 銅幣  
以格以半四分打 以格以半四分打 以格以半四分打  
以格以半四分打 以格以半四分打 以格以半四分打

國幣三種 以打拉為起數金銀兼用 銅幣五種

二兩 五兩 五兩 五兩 五兩 五兩 五兩 五兩 五兩 五兩  
十兩 十兩 十兩 十兩 十兩 十兩 十兩 十兩 十兩 十兩

以馬克為起數此種五馬克幣金銀兼用

法金幣五種 銀幣五種 銅幣三種  
百兩 百兩 百兩 百兩 百兩 百兩 百兩 百兩 百兩 百兩  
十兩 十兩 十兩 十兩 十兩 十兩 十兩 十兩 十兩 十兩

以佛郎為起數此種五佛郎幣金銀兼用

日金幣五種 銀幣四種 銅幣四種  
五兩 五兩 五兩 五兩 五兩 五兩 五兩 五兩 五兩 五兩  
十兩 十兩 十兩 十兩 十兩 十兩 十兩 十兩 十兩 十兩

以一元為起數此種一元之幣金銀兼用

乙國家公幣收入之項概改歸三等制幣後所有三等貨幣償付之法宜  
制以定限除金本位貨幣與代表金本位之紙幣以暨銀五錢幣兩種從  
雙本位制其每次償付自一兩起至億萬兩不制以限外其餘自銀二錢  
銀幣起至一釐之銅幣止每次償付皆以法律制為定限做各國制凡一  
釐銅幣每次償付不得過十枚二釐銅幣每次償付不得過二十枚五分  
白銅幣每次償付不得過五十枚一錢銀幣每次償付不得過一兩二錢  
銀幣每次償付不得過二兩過此者無論公私債款准受付者不納以期  
三等制幣各當其位各適其用而國家操完全之法律特權可以隨時預  
備而施以維持整齊之力以杜濫者銀銅濶估乃以供求互異而生意外  
之變動也  
丙此後全國秤量之具宜由國家嚴制一定之標準即實行國初一律庫  
平之制詔示天下無論公私授受交易金銀貨物等統須遵用國家制定  
之庫平毋得仍沿舊習任意歧出以為顛倒所有從前平色雜項名目一

律革除如仍有奸猾吏商私自把持勒用者察出科以違制之嚴罰庶幾輕重之量舉國同衡積重之端廓焉一淨則開接相因之弊可以免矣丁定期各省已經建設開鑄之造幣局所統歸戶部收回派員直接辦理接收後相度該廠機器能力酌定限制選用部頒鋼模開工依數鼓造並應仿日本法於天津造幣總廠內另設一貨幣分析處嚴定賞罰功過之格凡此後各廠造成貨幣統須按期呈由該處依表分析驗察劑分之果否如式或有出入則將辦理該廠之人照格記過從嚴罰懲是後除金本位幣以釐五分白銅幣兩種須歸總廠鑄造外其餘各相機力與應用之數對酌鑄行凡未經設廠之省准就相近省局代造其幣面雖分別鑄明某省字樣而全國以內一律流通價值平均絕無出入所有從前此種彼界退出止入之禁令一律革弛以裕流通而劑國法

戊因謀幣制畫一之故乃改前此秤量幣制而為計數幣制此幣制既定以後決無再任秤量幣制復行以擾累畫一政策之理蓋圖法畫一與不畫一之故可以兩言而決中國籌畫圖法所為紛而難治殺而不理者實以所用秤量圖法之故今者欲其殺者理紛者治釐然畫一圖法轉而無歧自必歸衷於計數之圖法而後可今效各國制三等之國幣從金本位立法債之制限使三等之用各當其位毋滯毋侵操縱之主權持之於上以運行於天下者此立法之案也釐立權衡歸諸一致以革舊來紛歧之習消納舊幣限制法債實以杜後來牽率之虞惟一不二示天下以大公此幣制行政之案也至若收回各省造幣局所統歸部處接辦以期此後鑄造流通咸不悖於立法之初意而指臂履心聯為一體一法一令銖黍無違示天下以信用者此守法之案也三者畫一而幣制畫一之效已自然不期而及者矣惟是幣制定後所最堪注意以經營者蓋有二端一曰金銀割合市價之保存一曰進出口商務所差之正負蓋以今日中國之擬從雙本位制為斟酌情勢有萬不得已之苦衷在一則中國今日金礦未興積蓄未富若從金單本位則中國見在國力既尙未及此純金

之程度若從銀單位則中國一國獨異之勢又不足以禦各國之洶流輾轉等維不得不計出於此惟是此制既定所有金單位之起數係以值銀一兩之金質割合而成而銀一兩之起位又以值金若干之時價結算而定兩位相維為全局之根蒂必毫無移動乃秩然而有序萬一兩位價格因他國風潮一有伸縮則原定割合之值高下相差後患斯起此時低價金位之幣必驅高價金位之幣以外趨而高價金位之幣又必溢低價金位之幣以內泛傾倒既形操縱難御倘中國此時代表金位之紙幣銀幣因此外溢過多則責償實金之事以起斯不可不預為防也預籌維持保存之策非精心致力於進出口之商務不可蓋貨幣者百物之易中譬如博場之籌碼數人聚博當彼此互為勝負之交無不各以彼此所獲之數以互為抵付者至抵付之不足則償之以籌碼至終局則輸者必償付以資以收回分內應有之籌碼此定例也今以一國與各國互通商市其情形亦至相同凡我之貨物出口與彼之貨物進口其價值在交易之時蓋亦互為抵付而至結算之際則以我之出口貨物與彼之進口貨物相較乃有差正差負之辨差正則錢幣流入差負則錢幣溢流出入則彼所有錢幣價值漲縮之權操之在我溢則聽之於人至於我之錢幣價格而總漲縮於人即施以操縱維持之術以保存我原立之制度蓋亦難矣故欲操持一國之圖法不受制於他人而永遠得立於畫一之地位如英美日等國者其亦奮力經營毋稍怠息固未可以區區幣制之改立為畢乃事也

又財政部提調劉世珩整頓銅元條陳

一請將各省製造銀銅元局一律限期停止統由部處派員查收接辦再行酌量歸併改設以期統一事權 查見在東西各國所有造幣局廠一國之內僅立一二區全國通用皆由此取給蓋制幣之事關係國家特權絕不可有歧出紛陳之舉也今查中國見在各省已經設立開鑄之銀銅元局共有二十餘處之多直隸奉天吉林山東河南安徽江西四川廣東

廣西雲南十一省每省各立一局餘如浙江一省設有兩局湖北一省設有三局湖南一省設有兩局江南福建每省各設有三局紛錯複沓各行其是似此自由設廠自由鑄銷之制誠爲各國所未有即以中國舊制相衡各省藩司經鑄制錢隨時鼓鑄均視民用之多寡價值之高低或停或增亦莫不受成於戶部未有如今之銅元任各省各自爲政者也此後整頓之法若竟仿效各國將各省所設局廠一概裁停僅留中央一局則事權自能統一但中國幅員極廣道塗修阻交通一切既未如各國之便而能速此後貨幣流通運行之費纖鉅不等亦與幣制價值畫一之端有所不利之處再四審計擬請此時先由部處通飭各省限期將所有已經設立製造銀銅元局一律停止即由部處遴派精毅明練營素習機製之員分赴各省將各該局所餘物料所備機器所分廠部一切分別點驗列表查收接辦一面相度各省地勢距離之遠近察核各省銷場範圍之寬狹比較各省民用需要之程度規合全局量爲歸併以直隸戶部所設造幣總廠爲全國中央之領袖餘則如奉天河南湖北湖南四川廣東江西南福建雲南等九省各留其一局以爲直隸總局之支部此外各省舊設一切局廠一律就近裁併如山東併歸河南廣西併歸廣東吉林併歸奉天江西安徽江蘇清江併歸江南浙江併歸福建以期聯屬承接區畫均勻事權既可統一幣制亦免紛歧

一請於各省製造銀銅元局裁併布置後由部頒發鋼模酌量添鑄一釐二釐五釐之銅元以爲劑平傾側之舉並分別審量各省地方民用需要程度限定鑄造分數以爲保存價值之舉 查鑄造當十銅元本爲採錢荒起見而銅元既日鑄而日多則制錢自相形而愈絀供求之勢一異傾側之患遂生今日京師所用當十大錢昔者當十今則當二此後銅元難免不墮此覆轍於是欲謀挽救之術上策莫如急制金銀銅三等貨幣以相維繫特是幣制之立究非旦夕可期急則治標惟有自各省造幣局廠改併區定以後先相察各地民用應須之見象酌量分限鼓鑄之數並於

限數中酌定鑄當十銅元若干成外復以若干成分造當一當二當五之銅元配合劑分以彌偏歧庶幾下有所奠墮落之患可除而授之中國民用以銅之習慣合之各國補助貨品之等差自必以是爲相當之計畫 一請於銀銅元局歸併酌留以後須考核其機件引擎鍋爐馬力以比較奏限之原數平均各廠機力儘鑄之出數以免多鑄私鑄之弊 查各省鑄造機器於鑄銀元鑄銅元機件均復稍有區別有專爲鑄銅元而設有係前鑄銀元之機改爲鑄銅元之用有陸續推廣而銅鑄引擎有非止一分者統籌以後務須分晰細載庶克綜計不至有機力餘閒徒耗局用多費煤炭致一無餘利而徒資賠累於經費必將一廠儘機所鑄出數應配合若干均得銅斤物料算明於此時限數始能比較設所留之局不敷前限之數再就鄰近省分調撥機件平均勻配以盡所留之局廠機運之力停鑄局廠餘存銅斤皆歸所留之廠濟用銅斤物料既經算明以後列表呈報部處並由部處派員駐廠監察將來購辦時仍復請示部處其權自然畫一亦可知各廠實在需用之數也

一請於銅元鼓鑄限有定數後定期收兌舊制通寶銅錢期滿停止公項概不收用以期疏導銅元而得平均普及之效果 查見在各省鑄造銅元其運銷壅積之區大抵在都會左近暨繁盛商埠之地至各屬內地運道修阻交通不便者實未嘗一律普及其所以致此之故一因各省官吏以貪多餘利故競相運銷最宜之處不爲平均普及之謀一因今日新鑄之銅元與舊日通行之制錢兩者併行有相與抵觸之性質遂致失通流全地之機關蓋貨幣之於民有如水之於地今欲暢新源之流勢必先洩舊流之積波日本自立新幣後所有舊鑄之寬永銅錢已不見於市上此其明證今擬請於各省鑄造銅元酌限定制以後即 詔諭天下明定期以收兌舊制通寶銅錢期內有持通寶錢至局請兌不問官板私板一律衡其銅質重量照時價付以新鑄銅元一逾期後凡在國家公項之收入雖零纖尾數必以新製國幣銅元以示限制似此一周轉開全國民用

一律轉移於民用需要之程度幣制畫一之機關均有顯而易瞭措而易行之效驗

一請操縱銅元先自搜集爲保全價值預謀規畫畫一幣制之基礎 查銅元制錢價值不同各處兌匯彼此不合於畫一幣制最有觸礙收通寶銅錢以驅銅元國幣爲一釐錢一釐銅元以合逢一進十爲一貫皆所以一律幣制之預備此時銅元充斥銀價日昂可在接收之後酌停若干時凡一切公項收款的定成數均一律普收銅元銅元之價必漲收入銅元暫仍存之於各省視各處價值如何由部處主持再事發撥一操一縱權固在我豈止利進出羨餘而疏銷普及之地道在是矣卽定一律幣制之價值又可於此預立其基

皇朝續文獻通考卷二十三

錢幣考五

光緒三十三年度支部奏覆出使英國大臣汪大燮奏條陳行用金幣略稱據出使英國大臣外務部右侍郎汪大燮奏要政待興庫儲支絀行用金幣有利無弊敬陳管見一摺細釋該大臣原奏大率以用金之國日多金價日昂故用銀之國必改用金日本爲最後用金之國其金幣銀幣原質之較量不過以二十八而准一其製成銀幣高於銀塊時價十元之二若以日本銀幣爲率藉以藉我國輸出之款則賠還洋款贖回鐵路以及約計武備等費皆節省二成計年可省銀一千七八百萬又以中國人民四百兆當鑄八百兆銀幣銀幣既高於銀塊十分之二若歲鑄幣一百兆枚則可得鑄羨一千四百餘萬又以八百兆爲銀幣准數而以五之一製鈔所得鈔羨一千四百餘萬並推之商務工藝銀行等項一若虛張金本位於銀幣價值擡高二成即以法定補助之貨用之於外國於是乎可以救財政之急還歷年之債於各項工商之業不數年而坐致富強是何言之太易於國際通商貨幣原理均未加體驗也請縷晰陳之如原奏內稱債款贖路武備等歲省一千七八百萬各節查國際通商類皆以貨易貨固有金錢銀錢販運出口祇能以其內含金銀多少作爲生貨估値此公例也然則鑄造低色銀錢任我以法定其準金若干一販運出口亦祇有實價而已前財政處會同<sub>臣</sub>部議鑄一兩銀幣用純銀九錢六分嗣英使照會即謂交還賠款祇能以實含之數計算可見提高二成之銀幣外人必不肯照法定價值收用試觀海關貿易冊數十年來祇見生金生銀販出未見我各省所鑄之龍圖販出其明證也大抵法定補助之貨西人稱之爲記號貨幣如鑄馬然國家信用久孚維持有法始足以保其價格然亦不過通行國內而已該大臣於若何定位若何預備若何維持皆未提及國內流通且不可必更以爲可用諸國際貿易此必無之理也又原奏於儲金之法未嘗規畫而驟以四百兆人當鑄八百兆銀幣以爲歲鑄一百兆枚則可得鑄羨一千四百餘萬又以百兆爲銀幣准數以五之一製鈔則可得鈔羨一千四百餘萬各節查供求相需本

計學之公例徒以人口計算而不察國民生計之實情規鑄羨之利忘限制之法萬一供過於求則價值不保其弊且與近日銅圓相等則利未可恃而害已及之各國紙幣必設有相當之金銀圓作準備其餘亦必有確實證券作抵其性質不過與借無息之債相等非憑空可獲此鉅款也各國發行紙幣之權類委諸國家銀行又立嚴法設專官以監察之不然濫用之弊如有明之寶鈔從前美國之青背法國之亞錫那其害於生計界者皆前車之鑒也至稱對於國外以所值金幣爲準對於國內以所值銅幣爲準均於貨幣原理未能明晰又稱幣值銀銅之值各不相關則尤爲隔膜之論銅值相關尙小若銀值則息息相關純金本位各國尙時時以此爲慮去年金賤銀貴日本即改鑄補助銀幣若虛定金本位國關係之鉅更不待言竊維東西各國改良幣制不過爲整頓財政之基礎並非以是爲鑄款之計該大臣誤以銀銅補助幣可當本位金幣各處通行並可施之外國竟欲借之爲鑄款之法在該大臣概念時艱觀國計之奇絀遂不覺言之過當<sub>臣</sub>部職司度支年來於此事詳悉討論前美國會議貨幣專使精琦來京經財政處派員與同會議即提議金本位制並據呈改定貨幣草案嗣湖廣督<sub>臣</sub>張之洞以虛定金價改用金幣與今日中國情勢不合無益有損無論授權外人與否皆不可行奏陳在案其時財政處及<sub>臣</sub>部亦以造端宏大且關係財權暫行停議然國際之貿易日繁賠還洋款爲數又鉅加以時勢所趨用金之國已徧大地既不能不出於變計自何敢竟置爲緩圖特事固未易驟致也查英國改良印度幣制於一千八百八十六年徧考各法其報告書成兩巨冊至一千八百九十二年遺員至百刺蘇城金銀大會商議仍無成就續由政府派人再行研究至一千八百九十三年始行覆命其報告書成又三十萬餘言日本自明治四年即改用金單本位然金價日昂金幣流出前後鼓鑄之五千餘萬金幣至明治八年流出外洋之額已達至三千九百餘萬加以濫發紙幣流害無窮明治二十六年始設立調查局前後開會凡三十八次至明治二十八年始決議改用金本位其時報告書亦兩巨冊述其經營累年久而後定誠以貨幣爲全國財政所關其遲回審慎之故固有在也竊維

貨幣一物淺視之不過備易中之用而已自交通日繁往往一國之利害動與他國相倚此中操縱之法維持之方非原本學理熟察時勢無由制定 等詳加研究舉東西各國改定貨幣辦法探討略備查英日諸國爲純金本位通國皆用金圓銀銅諸幣用數有限制美法諸國爲不純金本位金圓爲主銀圓對於金圓有比價用數無限制但不准民間鑄造印度飛獵諸國爲虛定金本位國內不必用金圓但用法定比價之銀圓外國匯兌或用金圓或用金塊或用金匯票此其大較也然純金本位積金太多需數亦鉅不純金本位則由各國時勢所趨漸次發達而成均非我國見能仿行惟虛定金本位在向不用金之國改至金本位乃必經之階級但使預備有法維持有方舉行較易爲力用特取彼成法酌以時宜別加裁量預定年限參詳於推行次序及比較其種種利弊分爲甲乙丙丁四種繕具清單呈覽其開手辦法各種預備爲改定幣制通例無論用何種辦法即從事舉辦其收功約需數年固無一蹴可幾之理也前財政處與 部有見於此故先擬從畫一銀幣辦起於是乎有定鑄一兩銀幣之奏今除試鑄銀幣各節由 部等另摺陳明外竊維本位幣制關係重要自當不厭求詳前政務處奏會議章程內載國幣之輕重定金銀本位改鑄銀銅圓二等由該衙門審度事理隨時請 旨會議其有有關秘密或立待施行由各衙門請 旨或奉 特旨徑行各等因前項建議金本位幣制應請 旨飭下廷臣會議以昭慎重

虛定金本位辦法分甲乙丙丁四種

虛定金本位法約可分爲四種

甲先畫一全國銀圓逐漸將銀圓價值擡高至二成然後定兌金之率印皮改定幣制卽用法

乙下手之時卽定金銀比價國內使用銀圓照銀圓所含銀質擡高二成設法操縱惟國外匯兌仍須用金飛獵濱改定幣制卽用法

丙與乙法略同惟參用紙幣以代銀圓比之乙法用款較少至國外匯兌之金或照金價兌銀均可亦比乙法較便

丁前美國議改幣制其戶部大臣尹頓氏倡議發行兌金紙幣吸收市面之銀藏之國庫凡有人持銀到部或造幣廠交存卽予以此種紙幣至持紙幣換見之時政府照金價兌交生銀是以不需多金可得金本位之利而無擾亂市面之虞但今略爲變通法宜先爲鑄新銀圓吸收舊日銀圓與生銀再行推廣紙幣收回新銀圓存儲或變成金塊俟全國通行後將紙幣變爲兌金紙幣或照紙幣金價兌銀亦無不可

以上四者辦法既異則收功之遲速維持之難易利害之大小均各不同今將各法推行次序分年條列於左

甲法

第一年應辦各事 一推廣 部銀行分行 二推廣見時通用鈔票 三設立印刷局 四設外國匯兌處 五設立幣制調查局 六擴充造幣廠 七吸收金塊 八限制私店鈔票及各省官票 九與各國議訂專約擬禁洋銀入口及限制外國銀行鈔票等事

第二年應辦各事一至九與第一年同 十擴充 部銀行資本及權力

十一開鑄銀圓 十二發行銀圓 十三禁止新銀圓銷出口 第二年之患 銀價漲時銀圓有銷出口之患

第三年應辦各事一至十三與第二年同 十四議約既定卽實行禁止外國洋銀入口限制外國銀行鈔票 第三年之患與第二年同

第四年應辦各事一至十四與第三年同 第四年之患與第三年同

第五年應辦各事一至十四與第四年同 第五年之患與第四年同

第六年應辦各事一至十四與第五年同 十五略爲限制銀圓使價提高百分之三四鑄造銀圓之事停辦 第六年之患與第五年同 又民間私藏銀圓待價提高

第七年應辦各事與第六年同惟限制銀圓使再提高百分之三四 第七年之患與第六年同 又維持金銀匯水市面震動債務不公平商民豫計銀價漲落爲買空賣空拋盤諸事



第八年應辦各事與第七年同惟限制銀圓再提高百分之三四 第八年之患與第七年同

第九年發表金銀比價定為虛定金本位

乙法

第一年應辦各事與甲法之第一年一至九同惟第六擴充造幣廠之事可緩至第二年辦理

第二年應辦各事一至九與第一年同 擴充造幣廠 十擴充<sub>臣</sub>部銀行資本

第三年應辦各事一至十與第二年同 十一議約既定即實行禁止外國

洋銀入口限制外國銀行鈔票 十二鑄造銀圓金圓 十三發行銀圓金

圓先從一處辦起逐漸推行全國 十四定金銀比價拋高銀圓二成 第

三年之患 銀價漲時有銷鎔出口之患 維持金銀匯水 兌金之患

第四年應辦各事與第三年同 第四年之患與第三年同

第五年應辦各事與第四年同 第五年之患與第四年同

第六年應辦各事與第五年同 第六年之患與第五年同

第七年各事辦結

丙法

自下手及成功亦須七年每年應辦之事與乙法同惟多發行紙幣以節銀圓鑄費所有之患亦與乙法同惟可照金價兌銀則兌金之患略輕

丁法

第一年應辦各事與乙法之第一年自一至九同

第二年應辦各事與乙法之第二年自一至十同

第三年應辦各事一至十與第二年同 十一議約既定即實行禁止外國

洋銀入口限制外國銀行鈔票 十二鑄造銀圓 十三發行銀圓先從一

處辦起逐漸推行全國 第三年之患 銀價漲時銀圓有銷鎔出口之患

第四年應辦各事一至十三與第三年同 十四逐漸收回商埠銀圓運入

內地使用 十五推廣紙幣 第四年之患與第三年同

第五年應辦各事一至十五與第四年同 第五年之患與第四年同 又

維持金銀匯水

第六年應辦各事一至十五與第五年同 十六逐漸收回各處大銀圓改

鑄小銀圓 十七取市面金銀平均價值定為比價變紙幣為兌金紙幣

十八趕造金圓

第七年各事辦結

據上分年辦法觀之無論採用何法其先事之預備相同蓋未有從事未久可得預期之成效者甲法自盡一銀幣入手先五六年無須維持金價行之我國似覺平易但盡一之後逐漸擡高銀圓價值其弊害甚多乙法一面盡一而即擡高銀圓價值可免甲法二次擾動之害但開辦即需款甚大維持金價亦甚難若銀價大漲貴於法定之比價以致銀圓銷鎔出口其害於財政者比甲法為尤甚丙法需款較少難亦如之至丁法有甲法盡一之易無乙法維持之難需款既少危險亦輕其大要一曰預備施行幣制之機關二曰盡一銀幣發行紙幣三曰推廣紙幣收存銀幣四曰改造大銀幣為小銀幣其結束則準市面金銀平均價值鑄造金圓改紙幣為兌金紙幣如存金不敷用仍可照市面金價易銀付給事尚輕而易舉其法較善惟發行紙幣須多存金若善為節制積累經營亦須六七年後始有成效也

<sub>臣</sub>謹案以金為價值之標準而不別鑄金幣但對用金之國隨時可以匯兌而國內依然用銀此金匯兌本位也按諸事實並無虛金存於其間顧名思義尤與貨幣信用不合乃競以虛金本位釋之亦慎矣

又度支部奏准造印紙幣在直隸通州建設造紙廠在東北清河舊廢倉基址購買左右民地建設印刷局撥上海分銀行備還匯豐借款餘存規平銀一百十八萬餘兩併息計算合定一百二十萬兩為開辦經費其詳細章程應俟總辦各員妥議覆核具奏

又內閣各部院會奏議覆行用金幣略稱軍機處片交度支部議覆汪大燮奏

行用金幣請 飭會議一摺奉 旨著內閣各部院會議具奏等因欽此 臣等公閱原奏敬謹籌商有必應照辦者三有難於照辦者二有宜詳慎酌辦者一請分晰陳之所謂必應照辦者何也一曰鑄金幣環球各國莫不用金獨中國用銀勢成孤立時會相迫無長此不變之局則鑄造金幣必須照辦者一曰虛定金本位按用銀之國改用金幣者始於德繼於日彼皆以戰勝得賠款多金遂以改用皆所謂金本位我國無此巨款萬難仿行無巨款而亦改用金者是為虛定金本位價值比較既定金雖不足以銀若干代金若干亦可通行則虛定金本位應行照辦者二一曰畫一幣制中國貨幣名曰銀本位實則銀錢並用錢糧稅則雖按銀數收納仍責令百姓完錢下至民生日用往來貿易以錢計算者多而銅錢銅圓又復雜糅不一其用銀交易者平色價值雜亂參差甚至一處有數平一日有數價近來銀圓盛行又各自為風氣中國龍圓與外國應洋站人皆任便使用易錢易物又各有高下彼此絕不相通是改定幣制必先畫一權衡而金銀銅三者價值必先有一定比較則畫一幣制應行照辦者三所謂難於照辦者何也一曰限制私店鈔票查私鈔票民間久已習慣亦緣私家股東平素民間信用是以鈔票得以通行今公家出票民轉不能信用只有修明信實之一法大信既立使民知公家鈔票較私家尤為可靠則部鈔自然流通私鈔自然日少若用官幣禁止乃致亂之道此難於照辦者一曰禁洋銀入口民間之用洋銀亦是習慣公私存儲不知凡幾各省官商商票限制猶難況於國際交涉豈可不慎惟有內修政事使君民一體同德同心人皆樂用中國金銀鈔幣不願用洋幣則洋銀入口不禁自除方為上策未可惡為禁令致啟意外之虞此難於照辦者二所謂宜詳慎酌辦者何也則紙幣是也按度支部原奏於甲乙丙三法皆慮有貽患惟丁法尚輕而易舉查丁法注重惟推廣紙幣一節夫紙幣亦各國通行中國行之亦何不可然奉行不善為害非輕查度支部原奏謂各國紙幣必設有相當之金銀圓作準備其餘亦必有確實證券作抵非憑空發此巨款各國發行紙幣之權類委諸國家銀行又立嚴法設專官以監察之不然濫用之弊如有明之寶鈔美國之青背法國之亞

錫那皆前車之鑑又謂發行紙幣須多存金若善為節制積累經營亦需六七年後始有成效是紙幣利害度支部言之已盡今欲行紙幣惟有酌量節制能存款項若干始可出幣若干有持鈔取銀者隨求隨應不准稍涉架空是非徒制用之一端實乃修信之要道今日欲求富國惟修信乃可以理財斷不可因生財而失信此事所關甚重應由度支部嚴定限制毋令冒濫方可逐漸推行至原奏推廣銀行設匯兌處立調查處據高價各條宜分年限次第施行變通虛定亦應由度支部隨時妥籌庶不致操之太蹙別起弊端再 臣等正在議覆時復於五月二十日軍機處片交奉 旨胡惟德電奏悉前奏幣制一摺著交會議王大臣閱看欽此 臣等詳閱該摺謂用金有八不足慮此八條可以一言蔽之曰中國宜定計鑄金幣冀以破羣疑而消衆沮所奏不為無見前奏已議准用金則此奏無庸贅述又有六種辦法如定名曰圓定分兩為七錢二分定圓之花紋使歸一式皆應照所奏辦理惟息借洋款聘用洋員權落外人似非善策擬請毋庸置議

臣謹案自精琦議行金匯兌本位制國人和者紛起張之洞奏陳痛駁梁啟超至斥為童稚之言平心論之所駁雖未中肯而環顧中國見象却亦未可輕試蓋金匯兌本位必負匯票貼平之義務 臣等通商各國匯兌之法 須由政府議定 主是制者亦認此虧謂有銀幣擡高之利挾注有餘不知我國銀幣尚未統一民間習用生銀銅元已久一時不易變更是所謂利者尚屬理想而匯兌之虧無可逃避一虛一實彰彰然矣藉曰有利除彌補貼平虧耗外應別儲為鑄金之預備以比年各省盜鑄銅元例之安保不將所贏者或指提或瓜分而銷歸烏有乎官商則法窮上失權則令弊不可不深慮也至謂金匯兌之影響將阻土貨之銷路暢洋貨之滯輸宜趁金貴銀賤之時廣興工廠俾出口貨多入口貨少挽回利權猶其餘事已

又奏 臣部會議御史黃昌年條陳國法摺內以京城當十大錢僅值一文名實不符近日銅元盛行舊有當十錢文民間不樂行用應收回改鑄方為正辦惟

大錢雜質稍多祇可改鑄制錢擬將新鑄六分重制錢發給臣部銀行試用並調查市面官板大錢積數撥官本盡數收回改鑄制錢等因奏蒙 諭旨允准在案遵即酌撥制錢一萬串交由總銀行發給錢號體察情形倘能通用當經札飭總銀行查明市面官板大錢實數官本究需若干如何定價收回詳悉妥議茲據銀行正監督張允言呈稱京中大錢因不及銅元便利並不十分通行不過藉為找零之用統計城鄉積數約值價三百餘萬兩如撥全數收回應請先撥見銀百餘萬兩以作資本銀行將大錢收回即可隨時送部改鑄計大錢一枚可改鑄制錢二文鑄成後發交銀行仍可陸續收還官本祇須寶泉局加卯改鑄每月能加至五卯便可周轉其餘尙短收錢資本銀行可以暫墊倘此外錢數仍多勢難中止應請添撥款項以資接濟至收錢價值擬照市價酌定每銀一兩兌收官板大錢十八吊以大錢每文重二錢計之應重庫平一百八十兩第其開大小輕重未免參差如分量不敷仍由售戶補足以免暗耗所收大錢以一年或半年為限逾限即不准通用等情呈覆前來竊維收大錢而行制錢關係本重惟銅元既已暢行但得制錢補助民用無慮其不敷又以銀行為出納機關則收買發行較為妥便該監督所擬照市兌換仍按原鑄分量交收既順與情兼顧官本自屬切實可行應請先撥庫款銀一百萬兩飭令刻期開辦如有不敷再行赴部續領自開辦日起暫以六個月為限限內官板大錢仍准商民使用庶民開典當借貸及商家所出大錢憑帖俱可於半年限內自行清理限滿即不准復用以歸畫一屆時如未收完仍當接續展辦所收大錢隨時運交寶泉局加卯改鑄無庸預定卯數隨鑄隨發轉輸周轉一面由地方官曉諭改鑄之六分制錢務與銅元一律行用不准商民任意低昂以收整齊團法之實效並將未盡事宜及應需經費詳細訂立章程俾資遵守

謹案凡貨幣有兩種並行其法價同而實價異者則良幣必為惡幣所驅除英人格里森貨幣原則論之詳矣例如康乾制錢千文合六斤四兩及咸同而祇二斤有奇法價不改致康乾之錢絕迹近年各省競鑄銅元每銅一擔可鑄八千四百枚以鑄制錢即最劣亦不足四萬枚合銅元法

定銅元以一當十制錢自然無存宋元明末盛行鈔票無實錢可換強令同一價值故實錢私銷而鈔價亦落此必至之勢也今以京城當十大錢僅值二文改鑄制錢二文名實相符格里森之作用庶不致起乎

又奏發郵傳部尚書陳璧請開江西雲南銅礦鑄造銅元免致利權外溢略稱中國銅礦滇省最富徒以該省銅本艱窮辦京運時虞竭蹶而各廠造幣轉須購買洋銅以致利權外溢近聞贛省發見銅礦苗旺質佳會交總廠試驗頗合造幣之用尤宜亟籌開採本年據兩江督臣端方江西撫臣瑞良奏報江西贛縣隴下及長排嶺銅礦苗脈豐厚銅質甚良採法宜用機器兼築小枝鐵路較運經營試辦約需經費四十萬兩各認銀二十萬兩核撥開辦俟有成效各處造幣廠均可赴贛訂購毋庸仰給外洋至雲南銅礦亦經臣部派員調查並電雲貴總督委員同勘嗣准雲貴督臣錫良電稱據東川礦旺民貧特官接濟查滇銅每百斤給價銀二十兩用以造幣尙須改鍊小有折耗見在洋銅之價須四十餘兩自宜與辦滇礦以免利權外溢等語臣部常以滇銅困於例價出產日衰至為可惜各省鑄幣用銅正多自當酌加提鍊價值擬俟該督報到日應如何協籌資本開採再由臣部奏明辦理

又奏署直隸總督楊士驤奏京津銅元紛雜違章查禁並請籌辦法以維全局一摺查各省鑄造銅元早經財政處臣部奏定限制數目並令先儘本省錢少之處發行不得大宗運往他省如果切實照辦大宗私運自不至充斥一隅若並行旅所用一概禁絕按諸泉貨義主流通實多窒礙况裁併局廠及未鑄省分亦豈可不用銅元嗣後應仍照定章專禁二千枚以上大宗進口各省私鑄盛行減價爭售錢法敗壞實由於此歷經財政處臣部申明禁止應請飭下各省督撫再行申禁從嚴懲辦並設法查拿外洋私鑄入境以清弊源至銀圓紙幣臣部本年奏准後正在籌議開辦金本位關係尤重已於議覆出使大臣汪大燮條陳金幣摺內擬定各種辦法奏請會議應俟內閣會議政務處核覆奏定後再行遵照辦理原奏所據北洋舊鑄銅元本屬不多省外並未通行即經停鑄近奉部文增鑄當二當五當一各項小元勢不容不搭鑄當十以資

勻配<sup>臣</sup>與官商熟議祇得照舊開鑄遠照部議按成搭鑄惟多鑄零元斷無餘利從前認解各款萬難照認一節查直隸鑄造銅元廠前經奏定作為<sup>臣</sup>部造幣津廠每日鑄數運大小元併計額定當十銅幣六十萬枚近據保定商務總會以制錢缺乏稟請頒發各種小銅元以便民用當經咨行該省在案該督督奏請開鑄一切成數辦法聲明悉照部章辦理應即照准立案至該廠此次開鑄如果毫無餘利所請自應照准倘餘利不至全無自應查照各分廠畫一章程辦理

又湖廣總督趙爾巽奏湖北省銅元局照限每日鑄二百萬枚不敷行使請每日再增鑄二百萬枚得旨暫准照數加鑄一年惟不得充斥外省如有窒礙仍即減鑄

又諭見當整飭庶政幣制關係重要近來內外臣工有謂宜鑄一兩暨五錢重十足銀圓以爲主幣一錢暨五分重九成銀圓以爲輔幣者其說蓋以各國貨幣自有制度不相沿襲中國用銀向以兩計一切田賦釐金官俸軍餉以及洋稅賠款無不準兩核算官民沿用久成習慣如以七錢二分九成銀定爲幣制收發出入必須折合弊竇滋多勢難信用而墨圓輕重相等更易浸灌數年之內必致墨圓充斥全國致成莫大漏卮且中國商務除通商口岸外南北各省仍是用兩者多用圓者少至於農工商各業軍民生計國用出納大率皆以兩計數更不待言未可以少易多致紛擾迫兩幣鑄有成數並進行紙幣厚儲銀本隨時以銀市金鑄存金幣自可漸躋實金本位而主七錢二分之說者意在不用兩錢分釐名目祇須以枚計算期與他國貨幣相通爲金本位之預備不宜執守舊日成規而銀錢流轉以商家貿易民生日用爲大宗國家稅項特其一端若概用一兩幣制揆之通國生計程度未能盡合且貨幣通弊重則私銷亦須預防二說相歧莫衷一是惟中國與各國議立商約必須畫一幣制如存兩則不能以七錢二分銀圓爲國幣如用圓則官民習慣之兩勢難遽廢且數年之內國幣所鑄無多則生銀斷不能遽廢豈能以兩計如兩圓同爲主幣又非畫一之制茲事重大不厭詳考著各督撫體察該省官商軍民市鄉情

形暨銀兩銀圓約計行用孰居多數何者宜存何者宜廢各抒所見限一月內據實電奏以憑核定

又諭前經降旨飭議幣制近日諸臣條議有謂若鑄十成一兩五錢兩種之銀圓其雜質工耗虧賠甚鉅宜照減成鑄造以免虧折又有謂既以一兩五錢兩種銀圓爲主幣必須十足色官民出納方能簡易無弊於交涉款項亦免折算受虧儘可搭鑄九成之一錢五分兩種小圓以其所餘補主幣工耗之虧不患不敷彌補果能主幣流通中外信用自可暢行紙幣以資周轉統計有盈無絀且國家財政計畫要在使商便民貴在收永久無形之利不宜圖目前有形之利等語二說孰是著即遵照前旨速即併案議覆

三十四年諭京師人煙稠密貧戶孔多食用物價稍昂貴小民生計立形困難近日銀價漲物值因亦增高嗟我黎庶其何以堪著度支部迅即撥銀五十萬兩發交順天府尹承領即責成該府尹妥擇官商銀行代爲收買收錢以平銀值一面嚴禁各商肆任意擡高物價其有私運大宗銅元入京者由崇文門監督郵傳部認真查禁倘有奸民私鑄銅元潛銷充斥者著責成民政部直隸總督順天府步軍統領嚴密查拏盡法懲治俟銀價物價皆平由該府尹將承領銀兩解繳部庫其貶價虧耗之款准其核實開單奏銷尚書陳璧前在府尹任內辦理銀錢平價尙屬得法並著該尙書會同府尹妥籌辦理

又諭前以制錢缺乏各省鼓鑄當十銅元以期相輔而行乃近來銅元益多制錢益少銅元一枚不足抵制十文之用而奸商折扣盤剝頗足爲害市面且小民因制錢太少零星日用諸多不便當各省鼓鑄之始原期準作十文與制錢兩無軒輊而錢少元多遂至錢貴元賤不但物價騰漲大礙小民生計抑且錢本日虧並足損礙餉源自非鑄用一文之錢令一文本位常存不足以顯銅元當十之數保銅元行銷之利前年湖北廣東等省會奏鑄一文新錢經度支部議奏通行而各省搭鑄一文新錢者仍不多見蓋由於鑄造一文新錢成本較重不免稍有虧耗然以鑄當十銅元餘利酌量提補虧耗尙不至無著所失無多所全甚大著度支部通行各省廠凡鑄當十銅元必須於定額之外加鑄

三成一文新錢以資補救其形式重量銅質鑄本均須預爲核算妥爲配合又必須與當十銅元工料成本大致相準則兌換價值銅元一枚必當新鑄制錢十文庶利推行而資信用至此項一文新錢或宜黃銅或宜紫銅或宜有孔或宜無孔並著該部詳晰考校悉心釐定迅速奏聞

又度支部覆奏准鑄一文錢略稱查一文銅錢自光緒三十二年七月間經財政處會同臣部奏准各省一律仿鑄近因京外制錢缺乏民間日用小數貨多不便復於上年十月通行各省籌辦開鑄報部查核見在尙無具報仿鑄一文錢之案今奉 旨飭於各省銅圓定額之外加鑄三成並由臣部釐定制錢衙行造幣總廠將錢制鑄本考查明晰以憑核定各省應用祖模仍當由總廠趕緊製造輪廓字畫鐫刻精細正面照當十銅幣模式鐫刻龍紋背面刊明一文字樣並加識省分以憑考查俟祖模造成頒發各廠限領到後兩月內翻刻子模一律鑄造概按所鑄當十銅幣枚數加鑄三成不准稍有減少至形式重量銅質鑄本專關國幣配合不厭求詳查廣東所鑄形式中鑿圓孔係爲便於貫串與舊式制錢具體而微升任湖廣總督張之洞復經奏請以一文錢模式必與當十銅幣模式相等見奉 上諭諄諄以一文新錢期與當十銅幣子母相權則是以子輔母一氣相承形式未可兩歧當以無孔爲斷其重量銅質廣東係用黃銅六成鎔配白鉛四成每文重三分二釐湖北用紫銅九十五分配鉛五分亦重三分二釐此項新錢工費甚鉅即以廣東黃銅成色而論每千文合工料銀八錢二分一釐揆諸近日錢價折耗已復不少如用紫銅九十五分配鉛五分虧累益多未能與當十銅錢工料成本大致相准價值亦必不能一律是成色當以黃銅爲宜擬請定爲黃銅六成白鉛四成重量三分二釐每元內實含淨銅一分九釐零每十枚恰與當十銅圓內含淨銅一錢九分者略等雖工本仍有虧耗然以當十銅圓餘利撥補盈縮相權自可顧全成本見查舊有制錢各省俱形缺乏以致銅圓不能實當制錢十文欲救其弊惟有准銅圓之式鑄造一文新錢使銅圓子母相權於幣制亦較完備但當十銅圓重二錢折爲十文每文銅鉛合計只重二分體質太微取攜尤屬非便廣東所鑄係於應

有銅質外加配白鉛雖係黃銅三分二釐而內含紫銅成色一分九釐零銅質並無短少核計工料之虧耗彌補亦易此次鑄造一文新錢重量成色擬照廣東酌合形式擬照湖北無孔辦理如蒙 俞允即通行總分各廠限令刻日照式開鑄並將鑄出樣錢呈 覽

又 諭陳璧等奏京城銅元充斥不盡關於奸商私販實由京外各州縣折合銅元價值所致著直隸總督隨時嚴密查禁一面通飭各州縣不得私相折扣以保銅元行銷之利

又郵傳部順天府奏設京師公估官局籌辦銀錢平價

又軍機大臣等電致奉天四川湖廣總督浙江陝西巡撫前奉 諭旨令各督撫各抒所見條議幣制限一月覆奏至今奉天四川湖廣浙江陝西五省

尙未電覆貴督撫迅即議覆毋再延緩尋張之洞鹿傳霖袁世凱奏幣制簡

明總要暨說帖並度支部說帖各督撫議覆幣制摺奏及電奏各件下會議

政務處資政院總裁協理幫辦會同妥議具奏

又度支部以各省銅元充斥奏請各廠一律暫行停鑄以維國法奉 上諭見

在京外銅元日益加多民間減折行使銀價愈貴物價愈昂前經發款減價收

買銅元仍是充斥未收實效著照所請京外各廠暫行停鑄銅元數月俟銅元

價值稍平察看市面情形再行復鑄

又奏議趙爾豐電奏請暫緩停鑄銅元得 旨著仍遵前旨暫行停鑄以歸畫

一尋又據電奏停鑄銅元實有礙難等情奉 旨著度支部速議具奏

又 諭近日京城錢價仍未甚平固由於銅元之充斥亦由於私票之繁多見

在各廠銅元業飭暫行停鑄而私票仍漫無限制奸商但知牟利並無實存銅

元任意開寫錢票片紙架空爲害更甚若不設法整飭恐銀價終無平減之日

著責成順天府迅即詳定章程嚴立限制除本非錢業一概禁止出票外其錢

業所出紙票必須準該鋪實存銅元之數定其出票之多寡倘再有架空出票

取巧害民擾亂市面定予從重罰辦並著民政部步軍統領衙門協力查禁認

真整頓勿任其朦混抗違以肅國法

又度支部覆奏河南巡撫林紹年奏請搭鑄當二當五銅元一片查財政處議定畫一章程銅圓共分四種當十銅圓重二錢以十成計算應搭鑄五成當二十銅圓重四錢應搭鑄二成當五銅元重一錢當二銅圓重四分各應搭鑄一成歷經各廠遵照在案是二文五文銅圓係與當十銅圓按成搭鑄見在當十及各種銅圓俱已暫停鑄造未便專鑄二文五文銅圓所有一文新錢按各省銅圓額數鑄造三成該省仍當遵照 旨辦理至將來既有此項一文錢則二文五文原定章程應否改定俟數月以後若須復鑄銅圓屆時再由 部斟酌辦理所請應無庸議

又河南巡撫林紹年奏各省開鑄銅圓為救錢荒又資餘利初計何嘗不善不料飲鳩止渴流弊至於此極錢價為民生國計所關影響及於吏治漏卮益於外洋殊非細故從前民間之錢值銀一兩者近祇值至七八錢通計全國之錢何止數千萬萬若概七折八折小民所失無算物價因而愈貴長此不已所折更不止此近來私鑄輸入日甚一日不早設法將何以堪 臣前請速定國幣必須以錢為補助貨停鑄銅圓者實期隱杜此弊且謂百錢以下始用銅圓十文以下始用制錢如此限法自無充斥之患私鑄當不禁自停見奉 旨飭查州縣出入之款定為公費以後所有平餘火耗雜款陋規及折錢贏餘無不悉成公款亟應趁此釐定凡向收於民者無論為銀為錢定為國幣若干奇零者始以銅元制錢補助可省無數葛藤亦免再滋弊混擬請 飭部迅速妥議下度支部議奏尋覆奏查自來國法之流通動關小民之生計該撫以國幣久未定議銀錢折合之故物價愈貴民生日窮請不拘於用兩用七錢二分總以凡百錢以下始用銅圓十文以下始用制錢實為整齊畫一辦法 臣部前奏試鑄通用銀幣以銀幣一圓折合七分二釐小銀幣十角小銀幣一角折合當十銅幣十枚銅幣一枚折合制錢十文當經奉 旨允准即飭造幣總廠鼓鑄並將鑄出各等銀幣式樣迭呈在案嗣因用兩用圓互相持議前項鑄出銀幣未經發用各省督撫違議幣制持議亦復不一奉 旨交會議政務處資政院會同妥議具奏奉議以來又經數月訖未定議國幣重要自應再三審慎惟民生日用

所需未便久懸不定該撫所奏自係實情應請 飭會議政務處資政院從速妥議奏定施行

又 諭兩江總督端方湖廣總督陳夔龍湖南巡撫岑春煊會同電奏悉所請將已鑄之銅樓數開鑄當十當五當二各銅元以維市面而清欠款著度支部速議具奏

又會議政務處資政院總裁等覆奏專使美國大臣唐紹儀奏請實行商約各款並速定幣制一摺略稱竊維幣制為今日緊要論世界大勢應用金本位論中國見情應用銀本位而由用銅而進於用金必歷一用銀之階級是中國今日之必當先用銀本位者理也亦勢也惟用銀之制詢謀僉同而用一兩與用七錢二分猶未折衷一是 臣等詳加覆核綜計各省督撫覆奏主用一兩者有十一省之多主用七錢二分者不過八省其餘或主兼用兩圓或主改用七錢該大臣亦以請用一兩為言謹就主持七錢二分之說與用兩之法孰權利害擷舉要領陳之如謂人情之便銀圓鑄造已多推行較易不知用圓之處皆合銀兩而行用兩之處並無銀圓可使從前鑄造龍圓原為抵制墨銀起見國幣果能特立人情孰不信從至於生計程度或有幣重用者幣輕用儉之說願主幣必兼輔幣而行五錢更較七錢為便况小民日用多資錢數但使銅幣流行侈俗無自而助長如謂財政之宜銀圓價近于錢子母相權進位較為直捷不知法債苟無限制則市價常有低昂况公私出入之數無不以兩合錢若令悉改為圓則捲尾抹零適滋紛糾或就法理而論謂幣應計枚不應計量然以圓為幣固可論枚以兩為圓亦可計數既無輕轉折扣之煩正合重如其文之法再推而論之各國交際洋款向以銀兩折還關稅亦以庫平伸算洋商貿易概合銀盤鑄價盈虧亦依銀市用兩可悉仍舊貫又况鑄造一兩銀幣財政處奏明有案湖北新疆等省通行有年即度支部原議亦有銀本位則用兩尚無大害之說今本此定議並採兩江督 臣端方所奏多鑄五錢銀幣一體通行再鑄每枚一錢及五分兩種為調劑向來一角半角之用以防物價騰漲之病即為預備金本位之計至度支部前年奏准試鑄七錢二分銀幣意在順民所習

以爲暫時通用之法若議畫一幣制等熟權輕重向來習用之兩錢分釐勢難改廢幣制重自以庫平一兩較爲合宜惟是鑄造成色一節從前財政處奏定造幣章程謂中國通用足色銀一兩化分實得純銀不過九錢八分擬定一兩及五錢兩種爲九成六分其次二錢一錢皆以八成五分爲限此次度支部說帖謂中國寶銀向無十足成色近日化驗高者尚不足九八五若鑄十足成色銀幣發行之初所有銀塊勢不能驟然不用墨銀與各省舊鑄龍圓又皆以六錢數分純銀當七錢數分之用貨幣通弊重則私銷利之所在朝鑄夕燬故二說以減成爲便之洞傳霖世凱等綜觀大勢統籌全局見在金幣未行主幣必以十成爲宜輔幣可以九成爲率議者謂十足純銀質輕易攸考俄國半圓金盧布重六格爾五四內計淨金六格爾日本十圓金幣重二錢二分二釐內計淨金二錢其雜質皆外加用時祇按足金計算此外諸國雖大概必爲整數而用時亦僅計足金我國金幣未立暫以銀幣代之斷不能不一律照辦會經飭局詳加化驗試造若鑄一兩銀幣外加雜質三分則質堅而聲亦清越至於工火虧耗誠不能不預爲籌及每兩國幣一枚工火雜質不過三分可以小銀幣餘利彌補之如尙不敷可提銅圓餘利彌補之如再不敷可以紙幣盈餘補之更無再虧之理統籌併計挹彼注茲自不難以其所贏彌其所絀議者又以部庫收款色皆不足此等虧耗何所取償不知國家出納例用足色其州縣交司道庫外省交部庫若銀色或不足儘可批回飭令補解斷無人敢於抗違再仿外省公估局之法設化驗成色之員專司其事則無慮其虧耗也國家若發九成銀幣則商民輸納於官者亦均係九成銀幣是國家歲入一萬萬兩無故自減爲九千兩兩噸少千萬鉅款議者但知各國銀幣無足色者不知我無金幣而以銀幣代之不得引諸國爲比也至於舊日各省元寶銀錢各外國銀圓暨各省所鑄七錢二分大圓以及各項小圓暫行用民間從前官局所鑄大圓勿庸收回漲落聽之市價視爲一種生貨則於國幣毫無妨礙至各省督撫覆奏或主十成足色或主九成及九成以外或主一兩之主幣爲足色其餘補助幣爲減成持論各殊莫衷一是究竟應如何定議伏候 聖

明裁斷頒諭遵行

又 諭會議政務處王大臣奕劻等會同資政院總裁溥倫等遵議畫一幣制一摺幣制爲財政大綱各國以金幣爲主以銀圓各圓爲輔規則精密流通便利但須累年輕營始克完備皆非一蹴能幾中國財政素清幣制亟宜釐定欲以實金爲本位則鉅本難籌若定虛金爲本位則危險可慮自應先將銀幣整齊畫一然後穩慎籌措徐圖進步將來行用金幣可望妥實無弊茲據該王大臣奏稱中國兩錢分釐習用已久實難廢改從前財政處奏定銀幣重量亦以兩計著卽定爲大銀幣一枚計重庫平一兩又多鑄庫平五錢重之銀幣以便行用並附鑄減成之庫平銀一錢五分小銀圓以資補助其兩種銀幣按九八足銀鑄造兩種小銀圓按八八足銀鑄造此項銀幣除與外國訂有約文照舊核算外京外大小各衙門庫款收發悉歸一律永不准再有補平補色傾鎔火耗平餘各名目所有地方官及經收官吏辦公經費飯銀及管解川資著各省督撫體察該省情形詳擬辦法咨明度支部彙核釐定應增減均須明白宣示永絕得吏影射侵漁之積弊至各省市面銀錢紛歧成色雜難奸商市儈藉以折扣盤剝久爲商民行旅之害並著度支部詳定章程嚴申禁令計期分年務將通國銀幣統歸畫一不得稍有參差銀幣尙未鑄造充足以前各省舊有大小銀圓准其與各種生銀暫時照舊在市面行用至舊日上庫寶銀亦暫准照舊兌交按年搭解銀幣卽將寶銀按年遞減統由度支部隨時酌量情形妥擬辦理

蔣智由鑄圓廢兩說圓爲已鑄之物兩爲未鑄之名於此而欲用一廢一以取整齊畫一之利可不待躊躇而答爲用圓廢兩其理由亦至簡單曰圓已鑄者也已鑄者不能棄棄之是負損也兩未鑄者也未鑄者不可不用不用無損也今若欲用兩廢圓但詰以已鑄之圓將若何處置之不能曰棄之亦不能曰吾將不惜國帑之損失全買回而改鑄之觀德國當改革貨幣之時不棄已有之銀貨而仍許通用日本之欲改革貨幣也亦以處置舊有之貨幣爲一問題今中國貨幣欲棄其所有而爲之可乎哉况乎

通商口岸慣用之圓必不能廢租界之權尙未收回必不能禁是又事實  
上之障礙然則即欲用兩廢圓而不惜費用收買而改鑄之而其事仍歸  
無效蓋廢兩者不過廢其名目上之事而無實濟鑄成之物事無損而易  
行又其權在我者也若欲廢圓用兩則將負棄其已有之物之損失而其  
效又不能及於租界者也則亦何苦而取此策哉若夫既欲鑄圓又欲鑄  
兩則是非整齊之而淆亂之非畫一之而參差之雖僕隸豎子且知其不  
可矣



皇朝續文獻通考卷二十四

錢幣考六

宣統元年度支部奏呈進宣統通寶新錢

又奏光緒三十四年會議政務處會同資政院遵議畫一幣制奉 旨著即定為大銀幣一枚計重庫平一兩又多鑄庫平五錢重之銀幣以便行用並附鑄減成之庫平一錢五分小銀元以資補助其兩種銀幣按九八足銀鑄造兩種小銀元按八八足銀鑄造著度支部詳定章程計期分年務將通國銀幣統歸畫一不得稍有參差等因 臣等即飭造幣總廠雕刻鋼模以便及時鑄造惟幣制重要不厭詳求竊以改定幣制辦法約有三端始則鑄造之法繼則鑄推行之方終則求畫一之策而以見在所定成色分兩求之三者仍多窒礙謹就管見所及縷晰陳之一鑄造之始宜審名實也一兩銀幣按九八足銀鑄造其中有二疑問一以市俗通稱之九八銀一兩入鑄鼓鑄其中實含純銀九錢八分雜質二分則鑄成之幣聲音既不清越幣質較軟亦易磨損一以提淨純銀九錢八分準貨幣公例外加雜質入鑄鼓鑄則其重量決不止一兩重與文既不相符即名與實兩不相副且大銀幣與小銀元兩種成色既不一律重量亦復參差必啟民間補貼折減諸弊此其為難者一也一推行之時宜防銷燬也各省行用生銀之成色向惟公估局及鑄房定之市儉牟利技既不精而公估鑄房所定成色又參差不一今欲維持新幣使不致私銷必先定新幣與各種生銀之比較蓋制幣之成色既高於通用之生銀而生銀之成色又惟聽公估鑄房自為高下則惡幣未有不驅逐良幣者好徒假制幣為生銀轉可藉以謀利是新幣之隨鑄隨銷可以預斷此其為難者二也一畫一幣制必吸收舊時銀塊銀元而虧耗之資宜籌抵補也中國市面向無十足純銀所謂九八足銀者已為各處市面見用銀兩最高之色今鑄一兩之制幣若用九八純銀則即收市面九八庫平銀兩每兩尚須有增加雜質及火耗鑄工之虧若所收銀兩不能盡得九八成色則所虧更鉅且一兩之幣質重而不便於攜帶勢不能不多鑄五錢之幣鑄費更重至龍元墨元大都不過九成上下收買更鑄勢不

能照實含之銀計算蓋各項銀元各有市值不照市值則民間不肯售換勢必仍聽銀元行用制幣將永無畫一之期故欲期制幣之畫一不得不逐漸將銀元收買更鑄此項銀元流行既久為數甚鉅以之改鑄一二錢之輔幣所虧尚少以之改鑄一兩之主幣則每兩須虧十成之一而通國見有之銀元勢不能盡以之改鑄輔幣蓋減成之輔幣不能過多則價必跌又將與主幣不能為畫一兌換故收買銀元改鑄制幣之虧必不能免此項虧耗殊難預計國庫支絀籌備甚艱此其為難者三也至於禁止外幣輸入事關交涉嚴禁私煬責在警察且既為制幣則銀銅必有定價中國財政複雜各省情形不同行於此者扞於彼通行畫一章程實難遠定以上各節 臣等再四推求殊乏萬全之策會議政務處既主持於前自必有權衡至當辦法應請飭下會議政務處再行妥議章程具奏以利推行而免窒礙得 旨著交會議政務處妥議具奏又會議政務處奏略稱度支部奏陳鑄造推行畫一三端仍以成色分兩多所窒礙為言查幣制通病成色高則患私銷成色低又患私鑄故前代諸臣皆有不惜銅不愛工之論考日本改革幣制皆由大藏大臣設立幣制調查局會議至三十餘次迭決議施行新舊引換之際猶復幾經困難始克有成見在度支部清理財政正在派員如由部分別調查以為入手辦法似屬一舉兩得擬請飭由度支部設立幣制調查局詳加考察再行確定方法奏明辦理陳夔龍所陳畫一幣價吸收銀圓鞏固法權抵補虧款四條查各國通例國幣只行本國無論何國皆不能以自定幣價強人就我此與國家法權並無關礙其餘三條與度支部所奏大致相同應請飭部一并妥籌辦理

臣謹案改鑄銀幣已定庫平一兩而部臣再四推求猶虞扞格誠慎之也上海商會有上度支部書其言甚辨略稱新幣以七錢二分為銀本位之重量最合人民生活程度得中庸時措之宜前直隸總督袁世凱斥為非計以主權二字立論竊謂主權之行於貨幣在有用外幣之實力不在故垢外幣之重量擾國內之物價以徇之東三省總督徐世昌謂用銀必以兩計此更不然度量衡各自有法計兩乃衡法貨幣則自有圖法混衡

法於國法比附無謂而民生日用實受其弊鄂錢一兩銀幣終難行用可爲前車今就主權國法及鄂幣分爲三種問題

### 一主權問題

當首破外國銀行必用墨銀之說墨銀爲墨西哥所鑄歐洲各國非墨西哥屬土何嘗承用墨銀卽墨亦以產銀甚多而吾國行用其銀固因錢爲一種工藝品以爲銷路故非但歐洲不用墨銀墨國亦已用金並無收回自用之理塊銀尙爲一種貨物墨銀欲再成塊銀轉多傾鎔火耗之費除吾國視爲不法之制幣外直謂全球無所用之可也外國銀行之用墨銀乃因我之用而用之洋商捆載回國之物從無墨銀一片其來與我市必用我承用之幣而我竟無國幣大宗貨價相率用塊銀銀行亦用塊銀時零日用相率用墨銀銀行亦用墨銀其用塊銀也與金價爲比例所以歸洋商金價之成本也其用墨銀也以市面所流通所以便當地鈔票之行用也不但此也洋商在各省通商各以當地平色爲市以向來紊亂之平色尙有主權使外人不能不用豈有改鑄畫一之國幣轉慮外人把持之理把持中國必用墨銀亦知墨西哥有何等權力能使各國爲之把持各國對於墨西哥負何等義務而必爲之把持數十年如一日乎故謂外國必用墨銀者乃其不利國之有幣欲恫嚇以保其常用塊銀之私利耳官中用塊銀凡納之官者每兩作圓作錢價復不等所輸於國者銀之市價所徵於民者銀之官價無紀極之平餘不可思議之官費皆得力於塊銀而誣外國爲必用墨銀又誣商人爲樂於繞算此真不白之冤矣地丁錢糧釐金關稅之必收國幣吾主權也一切俸餉之必放國幣吾主權也有此大同轉來路去路已活其閒民生日用不期然而信向國幣之心堅於信向墨銀之心視信向之程度自能抑墨銀使低於國幣若干亦猶是吾主權也於是墨銀之來路可絕此主權之復於本有者也 次當嚴定補助貨必與國幣相應十角爲一圓十銅圓爲一角十制錢爲一銅圓而亟停鑄角銀銅圓之局專鑄一圓之國幣此爲國幣取信用之始吾民自無

幣用銀以來而外國銀圓而角銀而銅圓皆各自定價甚至銅圓錢成當十字樣者亦可作八九文不等蓋無絲毫幣法之觀念存乎其間非民之違法也官錢無藝民閒積而不流不得不在官以分成搭放爲利而員役兵丁領款於官者大受其損商人因此受幣價忽漲忽落之損居民因此受物價驟低驟昂之損終且國家受幣無信用喪失主權之損正本清源在確定補助貨限制此主權之挽於將墜者也 再次推尋用銀不能廢兩之說其病根之所在丁漕釐課天下皆知權自己操惟開稅與外國協約計兩估價亦計兩收稅吾改吾幣而洋關稅則未能遽改若因此而先與各國相商是吾定國幣而授權於外人可恥孰甚此徐督之說之所由來也不知稅關所謂關平隨地不同各照本地平數酌加若干各地之平有大有小所加爲關平之加數又有多有少洋商何嘗不厭苦之今畫一國幣精核定率每圓當關平幾錢幾分造表一幅自絲忽起至一兩止皆有一定比例發給各關令收國幣洋商稱便之不暇與稅則絕不相關惟司關權者窟穴驟破豁然皆見天日則誠大不便此主權之收於中飽者也 又必補助貨與正幣永無出入而後養成國民用國幣之觀念久之用金可用銀亦可否則多一種幣多一種轉任如何講求學理其如本位不定民不知國幣之性質何欲改用金此爲基礎此主權之推及將來者也

二國法問題銀以兩計乃無國法之時代中國承數千年之文明何嘗無國法特止以銅錢爲國法近時物價非國初之物價以故今日民間日用斷不能純恃成串之錢用貴金屬以便輕齎正合銀本位之程度古之用銀爲國庫之出納故有幣無幣非所計今之用銀爲民間之流轉萬不能無鼓鑄之正貨以挹注其閒於時適有外國銀圓來承吾乏沿江沿海交通便利之地翕然承用亦飢渴易爲飲食之理徐督謂中國用銀不能廢兩竊所未喻銀以兩計乃賣買地金銀之算法有國法之國必不如此卽如舊用銅錢何嘗問錢之重量徐督又謂鄂錢一兩銀幣不能通行在全

國無信用之效力非新幣之咎夫有幣而無信用新幣之咎孰大於是既曰無信用又曰非其咎二語相連商等所百思不解者矣

三鄂鑄銀幣問題臆舉不便之所在亦有三端  
對於補助貨定位之不便國家雖鑄銀幣未嘗不承用制錢即私毀淨盡猶鑄當十銅元以留制錢之本值當十銅元論銅價未必十倍制錢而民間自作十錢之用正以壹錢爲用幣之始深入乎人人心一切貨物之價無不以此爲起點所謂生活程度者此也測墨銀開入之始原未嘗必合乎千錢之值當時之承用自以苦無貴金幣之故急欲得此以圖輕濟至今日則尤喜其值近千錢每一釐與錢一文出入無幾雖有時低昂不等等然民間所屬望恆以定價千文爲歸宿錢爲銀圓之補助貨一文近一釐一銅圓近一分得子母相權之道若以一兩爲正幣則畸零難算易起人厭苦之念試觀古時度量衡皆不以十進度法則爲惡爲墨爲尋爲切量法則爲豆爲區爲釜爲鍾衡法則六銖爲鎰二十四銖爲兩今皆廢置不用度量二法止有丈尺寸分斗升合勺等十進之位衡法亦大概十進惟十六兩爲斤尙留古代遺傳之性質要之由遺傳而來則尙相安於習慣若今日創一不十進之數強童孺多繞算之勞決非酌劑社會之至計若夫歐洲幣制不以十進者誠多則正所謂遺傳之習慣吾國以窮變通久之旨發憤革新後必勝前毋庸以歐洲之遺傳爲法日本之生活程度以一文錢爲起點雖改用金幣之後猶存一圓之虛位以紙幣代之而與銅幣相權都市用幣以五釐爲最小然計價仍由一釐起算鄉曲塵肆則竟承用寬永制錢矣夫日本自一再戰勝物價騰貴有過於我而用幣之起點尙沿銅錢一文之習慣吾今日改鑄一兩正貨若使重錢值銀一釐之貨爲補助貨之起點則驟加高其物價而人不安仍以制錢一文爲起點則向來可以十進之貨幣忽致畸零繞算之繁難不無下喬入幽之憾此不可通行者一也 對於全國平色之不便百物價值其供日用者既多因制錢銀圓而定之矣即大宗貨物定以銀兩然各省各有平色數之

不下數十種官中所用大約出以漕平入以庫平雖國家尙有兩歧之功令且漕與漕不同庫與庫又不同今以計兩用銀之故即儘天下本計銀兩之貨值尙無一不應改其價目或臨時折算以就新幣是不計銀兩之貨值固爲新幣所擾即計銀兩者其被擾亦等吾民何爲而必受幣擾乎此不可通行者二也 對於財政機關之不便通商以來外國銀行開入內國甲午庚子兩役之後國家以鉅款借敵匯出之款更多各國不甘以匯兌之利專界英商於是無國不有銀行設我商埠紙幣多以墨銀爲用不能以新幣盡收墨銀而禁不再來民蓄墨銀有時而用納租稅將嚴懲痛斥之乎抑以爲其情可原其實用已具備而姑受之乎在官中尙不能絕墨銀之跡况民間有外國銀行爲尾閘承用無所不便急鑄相等之幣民猶且以未習而軒輊之乃復加以數項之不便孰肯舍其日用之便利以仰體官府任意之指揮乎此不可通行者三也

又山東巡撫袁樹勛奏銅元約有十弊敬籌治標之法一鑄一兩之銀元限易銅元若干而鑄小銀元小銅元爲補助一當十銅元與制錢實質本不相當擬折作五六文行使一銅元制錢並行應稍區別價格

又郵傳部右侍郎盛宣懷奏立憲最重理財擬請推廣中央銀行先齊幣制以裕財政幣制欲求畫一非專用國法不可欲專用國法非確定十進位不可又御史廖基鈺奏征銀之害重困民生尤妨農政請飭疆臣毋率言改變又奏請速定幣制以壹權衡而便徵收

又度支部奏遵設幣制調查局並請暫鑄通用銀幣略稱本年臣部奏幣制重要宜策萬全一摺當以新定銀幣成色分量於鑄造推行畫一三端尙多窒礙奏請 飭下會議政務處再行妥議茲據議覆以幣制深奧請由臣部設局調查奏蒙 允准臣部遵即設立幣制調查局遴員妥籌開辦其各省調查即由清理財政正副監理官就近詳悉查報備核竊維幣制一端關係至鉅學理至極精深事實又多繁曠此次設局調查凡於 國家財政之情形民間生計之程度各省市面之習慣世界金融之消息均須逐一研求悉心體察即各國見

行幣制及其改革成法亦必詳稽博考以便取資其最要者尤在妥籌畫一辦法等自應督飭局員將如何預備如何推行一切方法詳細籌擬另行奏明切實辦理惟是開局伊始幣制尙待調查而民生日用所需不可一日無易中之品部前奏請試鑄通用銀幣原以銅幣充斥必須有銀幣以相權茲於調查幣制之時爲暫濟民用之計可否仍照前奏試鑄通用銀幣成色分量一如其舊作爲暫時通用之幣依議行

又東三省總督錫良奏東省習慣用小銀元近來外埠日見灌輸擬請接續添鑄以便流通藉示抵制俟敷用即行停止

又度支部奏釐訂專章限制官商銀錢行號濫發票紙略稱查東西各國發行紙幣大都統其權於中央政府委其事於國家銀行開有採用多數銀行發行之制者而印刷必由官廠準備必交國庫其他限制數目抽查虛實防微杜漸督察禁嚴至若與紙幣類似之物如支條期票匯票等類各國皆立專法以示與紙幣之區別其不載人名期限之票紙則皆一概嚴禁不准任便行用國家尙寬大商務向聽商人經理近來行號林立票紙日多官視爲籌款之方商尙爲謀利之具倘不設法限制將官款收放幾無見銀市面出入惟餘空紙其危害何堪設想上年部奏清理財政辦法令各省督撫將見設官銀錢號發出紙票若干準備金若干限六個月列表送部奉旨允准又於上月由部通咨各省嗣後官商銀錢行號發行票紙未發者不准增發已發者逐漸收回在案等語商當清釐積弊之初必當有賴若畫一之法謹擬訂暫行章程二十條其開如分別種類責成擔保限定數目嚴定準備隨時抽查限期收回使銀錢行號專力於存放匯兌之正業所以保信用固銀根亦預爲畫一幣制之地至部所屬之大清銀行見所發通用銀票數目飭令稟由部隨時查核至十成之準備五年之限期亦應與各官商銀錢行號一律遵守以昭信用又內閣侍讀學士甘大璋奏決定國法收回財政國權略稱查外國除英國純爲金本位此外如法如德皆金銀複本位如俄如美如日皆實銀虛金複本位我今日國度決爲銀銅複本位無疑自以見鑄銀圓爲銀幣本位以見行銅圓

爲銅幣本位而退制錢爲銅幣輔助計制定國幣一圓單位其下爲輔幣三品合單位十分之五十分之二十分之一爲五角二角一角並可鑄明統輔助小圓三品合爲輔幣一等銅圓見亦通行不宜輕改應即以銅圓爲銅幣單位其下再添造半枚合計大小銀圓銅圓制錢列爲四等以一換十定爲法價退減大圓成色與小角一律各廠不得稍有參差各省不得畫分疆界正幣單位一圓換輔幣單位十角換銅圓百枚換制錢一千文可預定以爲準率見在市價銀圓換制錢一千二百則可暫將銅圓換銀圓之數增爲一百二十枚如英先令一枚換銅本士十二枚之比例以官銀行擔任兌換即以操縱市價如平糶之比例期於做到銀幣一圓換銅幣百枚或百二十枚爲定位並應多鑄銅圓以資官銀行挹注制錢合銅圓不得二價其外洋輸入各種洋圓亦須就我範圍且猶可稍抑彼價俾行國幣而尊主權此乃環球通例而我國部庫稅局銀行出入各款以及航路郵電等費均須一律通用銀圓並將銀圓銅圓各項合定價值明白宣示務使法定價格準行然後國法立而幣制成幣制而成而財政理應請飭下政務處度支部會同決議奏請施行

又度支部奏遵議都察院奏舉人張毓英等條陳銅元充斥請設法挽救略稱據原奏內稱銅元充斥病國病民敬陳八害一曰勞動工人束縛之害二曰商業虧折之害三曰農業耗損之害四曰非農非工非商普受之害五曰債權損失之害六曰地方公款暗蝕之害七曰庫款短絀之害八曰國財外溢之害皆根據學理體察實情洵爲扼要之論所擬辦法標本兼治亦多可採惟其中有爲部規畫早已見之實行者有礙於事實不能不量爲變通者謹逐條詳議陳之一原奏所稱停鑄銅元將各廠機器改換別用以絕後來續鑄地步一節上年部奏令各省停鑄銅元嗣各督撫奏請俟餘銅鑄完即行停鑄見據津廠江廠鄂廠湘廠汴廠閩廠陸續申報停鑄此外粵廠川廠餘銅將次鑄罄前擬購銅鑄均經部咨駁滇省開鑄伊始本省尙不敷用交通不便亦難運銷外省因未遵令停鑄此後各廠應裁應留所有機件物料如何歸併即由部妥慎籌畫專案奏明辦理一原奏所稱禁止私鑄尤宜重懲賞格緝獲外私

一節前年臣部議覆直隸總督奏京津銅元紛雜摺內請飭下各省督撫實行嚴禁並設法查拿私鑄嗣復咨行稅務處飭各海關認真嚴緝各在案惟巡緝雖已甚嚴而根株尚難盡淨誠如原奏所云來蹤去跡詭秘難防擬如所請由臣部咨明各督撫嚴設巡邏重懲賞格如有人擊解原贖者分別給賞並按照私鑄銀元治罪專條切實懲辦庶資罰兼施較易收效一原奏所稱收回錢票令各省準備真貨限期兌換一節本年臣部奏定限制鈔票章程第十三條內開將來新幣發行地方凡有礙輔幣之制錢銅元銀角等票由部隨時專案飭遵等語錢票宜收臣部早已見及惟見在市區交易半係用錢若遽令收回此項票紙恐小民聞風兌換真貨既未準備一時苦無應付市面擾亂危險何堪應俟新幣發行供求相劑再行由臣部妥訂詳章逐漸辦理一原奏所稱勻銷邊省由度支部通查多寡酌中撥運一節查邊道各省風氣迥殊新幣習用紅錢甘肅習用制錢奉天則習用銀毫近據奉省清理財政局盤查司庫報告該廠尚存銅元三四十萬枚未能通用誠以錢幣價格宜與生活程度相合過高固難使用過低亦不能流通今欲以腹地習用之銅元投之邊境非惟交通未便且習慣相懸市面必不樂用一原奏所稱發給庫款定期收買以一銀元祇換百枚為限一節查據高價格以十進位誠為要著惟行之苟近操切匪特損失國家財力而銅元一時湧貴或為狡商居奇預蓄以俟貴售或因銅元愈貴獲利既厚偽造愈多不為拔本塞源之計但求削趾適履之謀恐滋流弊一原奏所稱官為通用錢糧釐稅均准暫收銅元一節光緒三十二年前財政處具奏整頓國法摺內第四條凡公家收受錢糧銅元與制錢一律行用不得挑別違者參處等語銅元可以納賦早為國家所許惟必如原奏所云地方官吏省中司庫一律收納恐於事理多有窒礙誠以各處丁漕釐稅徵銀錢不一且公家放款向係銀兩今若悉徵銅元何以支放至所稱丁漕三七搭用而洋價抑短百數十文或至二百餘文釐金房捐不收銅元洋價強作一千竟抑短三百餘文自係官吏舞弊應由各督撫嚴飭所屬徵收稅項無論銀銅各元須照市價折收不得抑勒至其治本方法以速定幣制為歸宿一節自屬要論

所陳官庫出納商民交易均為以銀元為主銅元為輔使舊時銀兩錢串名目一掃而空及千文以下始用銅元百文以下始用制錢各項辦法均不為無見本年臣部奏設幣制調查局所請試鑄通用銀幣暫濟民用各節其用意與原奏大致相合應即詳細研究逐漸推行要之銅元固亟宜補救幣制尤力當籌維等再四商酌除飭總廠遵照本年臣部所奏速鑄銀幣以廣流通外仍督飭幣制調查局將國幣制度詳慎妥擬博稽各國往事參合中國情形務求完善見諸實行庶銅元之害不禁自絕

又奏議覆邊務大臣趙爾豐奏轉運銅元至藏經費作正開支略稱據原奏內稱關外邊民向無制錢使用自爐關以外皆用印度盧比每元重銀三錢二分上年四川督臣奏明由川仿照印度盧比形式鼓鑄名為藏元其大小輕重均與印度盧比相同番民樂用盧比遂日見其少惟向來貿易均以盧比為本位合算貧民則將盧比一元剪為四開名曰四嘴以便零用上年由川省鼓鑄當十銅元一千萬元運去關外俾與藏元相輔而行人皆稱便惟邊地遼闊非有多數銅元不能敷佈尚須陸續鼓鑄轉運接濟並懇將銅元運費於邊務經費項下作正開支等語臣等伏查西藏地處邊陲向無國法市面交易多係實物自與印度通商盧比侵入內地商旅至藏必以銀元兌換盧比始能通用出入相差受虧頗鉅該大臣轉運銅幣俾與藏元相輔而行自係經營藏衛要策所稱邊地遼闊非有多數銅元不能敷佈尚須陸續鼓鑄一節見在沿江沿海各廠均已申報停鑄川廠事同一律似不得再行續鑄第藏衛情形迥別若非鼓鑄銅幣運往流通恐內無以應番民交易之需外實開盧比行銷之路利權所在耗於無形等再四思維似未便膠柱鼓瑟致礙邊防政策應如所請暫以該廠所鑄專銷藏衛內地各省不得沿以為例惟是鑄造額數當以供求相劑為衡倘或濫鑄流弊滋多近年銅元充斥銀貴錢賤官民交困可為股鑿藏衛行用伊始固與腹地懸殊亦不得漫無限制致蹈各省覆轍應由該大臣體察情形如果銅元足供周轉屆時即行停鑄見在運輸銅幣既為邊事要圖該大臣請以運費作正開支亦應照准其銅元鑄造行使數目及運費數目應令分

別造具詳細表冊照章按期報部仍由該廠會辦隨時稽察以昭核實  
又御史趙炳麟奏幣制一事造端宏大請飭下度支部將畫一國幣章程暨  
一切關係幣制條例剋期議定早日施行以便民用至紙幣過多一層必俟新  
幣推行將舊幣收換方無紛擾煙草專賣事關係約必須遇有機會方能與外  
國商辦加稅免釐關係財政大局應飭下度支部農工商等部於商約所載  
各要端切實從速籌辦

二年山東巡撫孫寶琦奏釐定幣制有事實上之疑問三根本上之疑問二略  
稱一議抵制外幣而生疑問有謂龍元與墨幣相等故可依傍而行若與歧異  
轉使墨幣暢銷故宜鑄同等之幣以抵之有謂不能抵制外幣正由平色相若  
中國向以兩錢分釐計數仍應不廢兩數而特變重量加足成以勝之查各  
國幣制除有專約聯盟之外並不從同見在浸灌各省之外幣非僅墨幣一種  
平色價值各殊抵不勝抵但求依傍而行恐操縱之權仍不在我十成足色之  
幣各國所未見日本銀幣僅淨銀八成不聞以此而敗於外幣竊思抵制有二  
說將為抵制價值各國國際交兌有一定比例不以市價高下而受虧折且  
銀幣恆隨金幣為漲落皆論金幣之純分不論銀幣之平色中國不用金本位  
終無價值相抵之一日故整理幣制雖皆暫主用銀而必預為用金之地將為  
抵制輸入款各國法令非本國銀幣公私不得通行凡銀行存儲外國金幣計  
淨金分兩而不計枚並須於分兩中扣除鑄費乃能抵公私存款及紙幣兌換  
預備金之數若外國銀幣直無所用之以法價比例不同既不便於市場而國  
際交兌用金不用銀幣也欲排除外幣當問國幣信用若何果能維持法價公  
私交付無絲毫阻隔則一國出入悉以國幣為主外幣非所必需不禁自止是  
抵制外幣一在本位同等一在法價堅定無論為一兩為七錢二分或別定平  
色皆與外幣全無關係竟置不問可也一議因革習慣而生疑問見鑄龍圓習  
用雖久然進出口貨向論磅價而交付則折合市銀銀行票號錢莊營業之最  
關錢幣者也其資本皆以銀計至官府出納則從不以圓為主或搭用仍輾  
轉折算以歸庫平分量是見鑄龍圓始終與生銀並行與外幣雜用未能獨立

而其所謂習慣者復各地參差不齊其初無非為便利而起設更有便利於此  
則習慣立移今不求其所以為便且利者而但曰因習慣必謂因習慣以立法  
用力倍省收效倍易也乃以觀之則無論為因革而其辦法次第一相  
同何也凡行新幣其處置舊幣惟有兩法曰收廢改鑄曰定價並行改鑄非莽  
月之閒所能畢事則必先總並行而後逐漸收廢以歸畫一兩法又實只一事  
今各省龍圓重量雖同而銀色市價互異欲就習慣只能取一省為準其銀色  
不同者終必改鑄無疑也龍圓皆明鑄省分重量既失統一更遑圖法計枚不  
計重之本義今鑄新幣豈宜更蹈此失則新舊平色即同而形式顯異為畫一  
計亦終必出於改鑄無疑也就官府出納言之用七錢二分固必舉一國則例  
改訂以從幣制即用一兩而向之徵銀一兩者平色火耗各省不同而折錢合  
價更多弊混官役支薪軍營支餉並非畫準庫平改行新幣其必釐正舊章以  
清積弊又無疑也然則用兩用七錢二分或別定平色皆須明定法令方能通  
行均之求畫一而已固當擇其便利者而為之又何必拘牽習慣也一議籌補  
鑄費而生疑問中國需幣甚多國款歲入有限新幣必積有成數乃能照章開  
辦則難在鑄本生銀向無足色舊幣流布已廣新鑄改鑄皆須貼耗則難在鑄  
虧以爲皆不足慮也中國向無統計需幣究應幾何僅出懸擬開辦之初斷  
不可於期月之閒發行鉅額新幣蓋浮於所需則幣價濫不及所需則市面荒  
不如隨鑄隨發行之以漸得徐察供求之緩急以時消息則勢舒而費省其費  
所自出先就國家公款預計部庫及沿江沿海各省常存款項以分配天津廣  
東江甯湖北四局每日盡力鼓鑄可成七百萬枚而交通便近者往來不出十  
日程但令此款能停頓十日半月則新幣已成可代銀支發周轉得宜為數不  
少次則購鑄鑄圓餘利從前不廢銀塊故所鑄無多畫一以後銀塊無用勢必  
全行投鑄然開辦之初亦必須外購生銀方能周轉鑄鑄幣自有利益次則  
發行紙幣餘利此項紙幣一準新幣單數本位其額以前項所估能停頓之款  
為限專供銀與幣之周轉而通公款不能停頓之緩急其票息亦專供維持幣  
制之用此三者猶不給則借短期國債以補之再照債額加發紙幣即以債款

鑄幣抵兌而收票息以償債息計必有餘此項債款本非以供消費則技還有著斷不至滋流弊合以上四款鑄本雄厚矣若鑄幣則統全局以計之未有不能彌補者特鼓鑄之初決非取利之時及新幣以次發行法價定而信用堅新幣與舊幣生銀之開自有貴賤之別從來法幣價值未有不高過雜幣與淨銀者即以龍圓而論淨銀只六錢四分有奇而價幣七錢上下甚或至七錢二分以上此猶未有完全法令不足為法幣而比價若此故各省以銀鑄幣從不聞有虧折但不可視為營業投機之事以上三事皆今日調查幣制應有之疑一經解決當可洞澈若其義有類似而誤會更易索解轉難者則根本上之疑問尚有二端一則斟酌足成減成而生疑問各國幣制皆以法令明布各品幣之淨質幾何雜質幾何重量幾何故但有淨重體重之分並無足成減成之別有之自我能因誤鑄七錢二分之文而來也於是內加外加成一疑問鑄幣一兩而內加銅質其淨銀不足一兩也則名與實不相同鑄幣一兩而外加銅質其重不止一兩也則文與重不相符不知加銅以堅幣質不以買銀價然供求相需甚急銀銅竟有等價之時故幣與生銀市價有高過其體重者而兩品幣之法價比例則實貴之幣必依淨重質賤之幣或依淨重或依體重或斟酌兩重之閒以定之要取色高不增鑄虧色低不損幣值而整齊全在法價維持全在信用故見在銀市價遠過各國定本位之初而法價如故其銀幣少者加銅一成以內多者至二成而信用相同私鑄私鑄從生質之貴賤而起不從成色之高下而生則又防制在法令而操縱在銀行矣一則較量權法圖法而生疑問用銀計重用幣計枚其為持籌立算兩者相同而銀之標準在權故必倚權以並行幣之標準在枚故能舍權而獨立然自用幣言之必與權法相離法價有一定標準無兩歧也而自鑄幣言之又必與權法相準分兩之名可廢輕重之實難欺也中國之半兩五銖歐洲之馬克佛郎古倫其始皆準權鑄幣即重如其名而後皆與權法相歧求其相歧之故必從法幣而來及其弊而整頓畫一則或革之使復舊權而民便或因之定為幣重而民便要取便民不泥計重計枚之成說其幣制大定之後權法圖法任其各為沿革不相牽涉而非

所語於今日之幣制也今定幣制不用七錢二分則就權法分兩而視國民生活程度以為高下大至一兩小至一錢皆權法也取權法以齊輕重而非據權法以為標準他日進行金本位則由銀幣法價以定金幣道不與權法相謀若權法必須改定亦與銀幣無害今日必借此以明程度之比例而其標準仍在生活與幣制由計重而計枚所謂進化公例者固未嘗相背也以上五端皆不足為畫一平色之障礙而阻新幣之實行<sub>臣</sub>愚以為今日改良辦法對於外宜預為用金計以冀與諸國國際抵兌此<sub>臣</sub>所以議虛定單數本位為金銀轉移遞短之樞紐者也對於內務求與國民生活程度相適而便於公私簿計立算此<sub>臣</sub>所以議用五錢銀幣而五錢以上不敢主持者也謹擬上單數本位幣一等銀幣四等銀幣二等銅幣五等附紙幣兩種繕具清單並將其應行籌畫重要事宜分條臚陳當此庶政維新之秋非先定幣制則財政萬難整理況世界經濟實業之競爭各國同入一市場即利害共蒙影響英美德日各國商約皆有畫一幣制之條若再因循長此紛亂非惟優勝劣敗正恐藉詞干涉恐妨部核奪施行

又度支部奏釐定幣制酌議則例二十四條呈覽

第一條大清國幣單位定名曰圓 第二條國幣種類如左銀幣四種一圓五角二角五分一角銀幣一種五分銅幣四種二分一分五釐一釐 第三條一圓為主幣五角以下為輔幣計算均以十進一圓分為十角一角分為十分一分分為十釐一切兌換均按此計算 第四條銀幣重量成色如左一圓銀幣重庫平七錢二分含純銀九成計六錢四分八釐五角銀幣重庫平三錢六分含純銀八成計二錢八分八釐二角五分銀幣重庫平一錢八分含純銀八成計一錢四分四釐一角銀幣重庫平八分六釐四毫含純銀六分五釐五分六釐一毫六絲銀幣銅幣重量成色另訂增入 第五條主幣用數無限制銀輔幣用數每次不得過五圓之值銀銅輔幣用數每次不得過半圓之值過此限制受者可以不收惟向大清銀行及其分行分號代理店兌換之時不在此限 第六條一圓銀幣一面鑄龍紋一面鑄大清銀

幣一圓字樣五角以下銀錄銅幣仿此 第七條一圓銀幣無論何枚其重量與法定重量相比之公差不得逾庫平二釐其五角以下各種銀幣無論何枚不得逾庫平一釐 第八條各種銀幣無論何枚其成色與法定成色相比之公差不得逾十分之三 第九條一圓銀幣如因行用磨損重量不及七錢一分及五角以下銀錄銅幣因行用而磨損顯著者得照數向造幣廠及大清銀行兌換新幣 第十條凡毀損之銀錄銅幣如查係故意毀損者不得強人收受 第十一條各種輔幣鑄造之數由度支部酌量情形嚴定限制 第十二條大清銀行為國幣兌換機關凡新舊幣交換事務應派專員妥慎經理 第十三條新幣發行之際國幣一圓五角准合度支部足銀一兩 第十四條新幣發行地方所有從前鑄造之大小銀圓暫准各照市價行用一而由造幣廠及大清銀行酌照市價逐漸收換改鑄一面由度支部酌量情形再行明定期限逾期一律停止行用造幣廠及大清銀行即照生銀收換 第十五條所有各省從前鑄造之銅圓制錢仍准各照市價行用由度支部隨時酌量情形處理 第十六條自本例奏定日起限一年內凡官款出入向例用銀者一律照各該處原收原支平色數目折合庫平足銀再合國幣改換計數之名稱 第十七條自本例奏定後限一年內凡官款出入向例用制錢或用銀而折制錢者一律照本例奏定日各該處市價將制錢數目折合庫平足銀再合國幣改換計數之名稱 第十八條凡關稅及郵電輪路各種款目自本例奏定後限一年內由本管各衙門按照原收原支平色數目折合庫平足銀再合國幣奏明改換計數之名稱 第十九條凡民間債項以銀兩計者即照各該處平色折合庫平足銀再合國幣改換計數之名稱 第二十條自本例奏定之日起所有各省見鑄之大小銀銅圓一律停鑄 第二十一條度支部設立國幣化驗所聘用專門技師將造幣廠鑄成之國幣抽提分批化驗列表刊布中外 第二十二條凡在大清國境內以大清國幣交付者無論何人無論何款概不得拒不收受 第二十三條凡違犯本例第三條第二十二條者准有關

係人告發經審判衙門審實後處以十圓以上千圓以下之罰金 第二十四條本例如有應行修改之處由度支部奏明辦理 梁啟超書後 第一條曰大清國幣單位定名曰圓其價格若干未規定此缺點也雖第四條曰一圓銀幣重庫平七錢二分含純銀九成計六錢四分八釐此所規定者成色重量也既以七錢二分為價格之單位而實含純銀僅六錢四分八釐是名價與實價異也名與實異惟輔幣宜然以施主幣不幾治絲而勢乎則例於此既曖昧其詞又不著自由鑄造之條得毋欲揭此七錢二分之名而令民持足銀七錢二分者政府乃以一圓易之耶果爾則此例決無絲毫效力也 第五條云凡有大清分行及代理店之地不免輔幣過多之患而全國不能備設雖輔幣充溢終無道以使返國庫則輔幣之價必落而幣制統系亂矣各國通例輔幣不能抵而不用 第十一條云各種輔幣鑄造之數由度支部酌量情形嚴定限制或謂此不過託酌量二字為濫鑄輔幣地步雖不至此然以歐美調查之精確尚以此事為難我國幅員如彼其廣而亦能之夫誰敢欲此條確生效力必取輔幣納稅無限制之法 第十四條云新幣發行地方所有從前之大小銀圓暫准各照市價行用按幣制所最患者人民以前此諸幣同視不用為價格之標準而別持向所習用之標準以臨之如上海之九八規元即一種無形是於千差萬別之舊幣中復益以一種新幣增其勢亂而已 准照市價一語是教採升木也然則舊幣充斥新幣未足之時當如何曰日本之改臺灣幣制也凡外國貨幣分析其含純銀若干與新幣定一確實比價其日本之舊銀幣則暫認為法幣皆限至某年廢止今者處置舊大銀元宜師其意取內外諸幣一一與新幣純銀比較而列為一定之比價限用若干年在期內照比價暫認為法幣而政府隨收隨改鑄期滿後舊幣可絕迹而在期限中亦無擾亂幣制之處 則例中於處置外幣之法未嘗一提及以為當乘此時解決應與本國舊幣一律辦理或疑外幣無法幣之資格不知拒之固宜惟流通國中者皆散在吾民之手使蒙損



害我民當之矣故曰一律處置便 處置小銀元之法如何曰小銀元之名價大於實價故外國鑄者決不能認為法幣認之則國家之耗重幸國中皆各省所鑄外國來者不多其行用既有限制更補以納稅無限之法則酌盈劑虛之妙用已具確認為法幣亦無不可不必汲汲於改鑄也

自明治初迄今幣制已三度而更而未有明法四五十年之補幣

又度支部奏舊幣辦法業經籌議奉 上諭度支部奏幣制重要宜策萬全當即諭令會議政務處妥議旋經覆奏准予飭部設局調查茲據該部具奏釐定幣制酌議則例繕單呈覽及籌議舊幣辦法各摺朕詳加披覽所擬各節尚屬切實可行亟宜明白宣示中國國幣單位著即定名曰圓暫就銀為本位以一圓為主幣重庫平七錢二分另以五角二分及一角三種銀幣及五分銀幣二分一分五釐一釐四種銅幣為輔幣圓角分釐各以十進永為定價不得任意低昂著度支部一面責成造幣廠迅即按照所擬各項重釐成色花紋鑄造新幣積有成數次第施行所有賦稅課釐必用制幣交納放款亦然並責成大清銀行會同造幣廠將新舊交換機關籌備完密一面通行各省將見鑄之大小銀銅圓一律停鑄並知照京外各衙門按照單開折合標準及改換計數名稱各條依限妥辦將來新幣發行地方所有生銀及從前鑄造各項銀銅元准其暫照市價行用由部飭幣廠銀行逐漸收換並酌定期停止行用迨新幣通行以後無論官私各款均以大清銀幣收發交易不得拒不受亦不得強行折扣至於偽造制幣大干刑禁緝拿懲治均屬地方之責著各部院順天府及將軍都統大臣各省督撫督飭所屬各就所管事項遵照例切實奉行並轉諭各該處商會宣演則例大意使人人知此次改定幣制專為便民便商剷除向來平色紛淆之弊以立清釐財政之基倘有奸商市儈藉端搖惑愚民抑揚物價即著從嚴懲治

又奏籌擬舊制銀銅各幣辦法略稱推行幣制事極繁難而尤莫難於處置舊幣中國國法紊亂匪伊朝夕銀圓一項自光緒十六年開鑄至三十四年止各省局廠報告鑄數大銀元約共四十餘兆小銀圓約共一千四百餘兆為數甚

鉅今欲收回改鑄以色耗收換轉運提鍊利息五者所費約計虧耗需銀二千萬元當此庫儲支絀籌措維艱論者有擬壓抑舊圓使與生銀等價而後收回改鑄者照此辦法官家所耗較少而民間受虧則鉅尚非兩全之策擬請於新幣發行省分所有舊鑄大小銀圓准照市價行用一面即照市價逐漸收回改鑄新幣約計該處新幣發行之數足敷應用即豫定以每年月日為限舊時銀元為該處不合法律之幣停止通用只准照內含實值兌換國幣至銅元一項開鑄以來鑄數值銀約在一百兆以上加以私鑄之來源不絕鈔票之濫發尤多物價昂昂官民交困當此改革幣制既不可遽禁其行用復不可長任其流通再四籌維殊無善策今之論者約有二說一則盡收舊銅圓換鑄新幣一則補救舊銅圓使成十進由前之說利在壓低其值而改鑄之費始有所取償由後之說利在提高其價而法定之值始可以仰歧二者皆有抑揚幣值擾動市情之患 臣等酌度情形折衷二說新幣發行伊始舊銅圓姑准民間照市價行用惟用數無限則錢盤習慣終末由除勢將阻礙新幣是非分年酌定限制不可應請於新幣發行省分由督撫出示以某月日為新幣發行日期即從是日起算第一年銅圓用數每次以值銀幣三圓為率第二年銅元漸少限制自當稍嚴每次用數以值銀幣一圓為率用數既限則社會之需要必少一面即由 臣部隨時設法收回擬以數成改鑄二分及五釐銅幣並選其當十文之精者數成暫行作為一分輔幣隨同新幣以法價運銷內地如此行之二三年改鑄運銷為數當已不少其所留遺市面者不過十之二三屆時或宣布作為輔幣或明示禁用期限之處應由 臣部體察市情斟酌辦理綜而言之內地之銀圓有限外來之銀圓無窮故收換之功尤以防浸灌為急務官鑄之銅圓雖停私鑄之銅圓難禁故挽救之策尤以緝偽造為要圖浸灌不防將吸收終無止日偽造不緝將充斥末由稍姦貽害於幣制前途何堪設想此則 臣等所當與各部院各疆臣協力同心以共圖匡救者也如蒙 俞允即行知京外各衙門一體遵辦

梁啟超書後略稱收舊幣萬不能以小銀元與大銀元并為一談蓋主幣

與輔幣性質本絕異也小銀元既不改鑄但用國課收受無限之法使行  
盜之部分得有所歸而其餘雖認爲法幣通行市面而不病今所急者大  
銀元改鑄問題摺稱大銀元四十餘兆以吾度之國中見存之舊龍圓斷  
不出四五兆以外夫小銀元不改鑄而大銀元祇此數則所云虧耗二千  
萬元其爲計數之誤明矣 又云新幣未足以前舊銀元照市價行用約  
計新幣足敷應用即豫定年月停止如是則市面之流行以漸而減少價  
值之變動以漸而減低驟觀之若有理而按諸實際必適得其反蓋初時  
新幣少而舊幣可通行民求新不得惟轉求此舊幣而舊幣亦決不足  
供全國交易之用則在暫准通用期內舊與新必同價而對於外幣及生  
銀則日見其騰如是而欲收回改鑄安可得耶是故欲收回改鑄舊銀元  
而不病民惟有以實值兌換實值之一法凡人民持六錢五分交造幣廠  
者立給以一圓之國幣國幣實銀六錢四分八釐其二釐則所提銅質及  
鑄費也自由鑄造本應不收費即收之萬不可過此數國幣權銀七分二釐  
照見在銅價每百斤至拾兩七分二釐約值銀一兩四錢六分  
有光緒少又所謂舊銀元暫照市價行用者其行用範圍若惟在民  
間交易則何待法律之許可行用中不便生銀與外幣當不准照市  
行用夫然人民用之政府何從禁故僅限  
民間私相授受此規定者全爲無用之條文下文又云據定年內  
新銀元爲非法法禁之據  
此則舊銀元在期限內爲合法之幣明矣既爲合法自可納稅既納稅租  
而又云照市行用然則政府之收受租稅亦論市價耶一論市價  
病國幣實生摺  
文太不明瞭不可不明白宣示否則無所適從然無論何項兩皆不可  
行新幣種種爲梗即置勿論而先不能自完其說 以上皆論大銀元之  
不便照市至小銀圓則尤甚原摺大小銀元并爲一談未知小銀元照市  
行用爲有限耶無限耶持小銀圓向大清銀行兌換銀行應之否耶釋原  
摺之意必行用無限制而銀行不肯濫應兌換明矣果爾則影響所及當  
如何甲影響於舊鑄小銀元之自身大銀元照市納稅既不可行小銀元  
之市價變動更大愈不可行既不納稅即爲不合法幣而復有新鑄之合  
法輔幣出而與競其價勢必驟落將落至與所含實值等在政府收回改

鑄爲道誠便然摺稱小銀元在市者約共一千四百餘兆悉以一角算已  
值一百四十餘兆而此種小銀元名值皆過於實值十之二各省所鑄  
以八使落與實值等而人民之持此者坐耗財產二千八百萬元政府何忍  
出此乙影響於新鑄銀輔幣舊鑄小銀元本多觀兌換大銀元必貽水可  
知今更有新鑄則擁擠益甚新者雖合法幣而行用有限不如舊小銀元  
之便新與舊競決不能勝而新者持向大清銀行兌換既不得拒及爲舊  
者所迫惟有假道於銀行以還國庫如是則新輔幣等於不能發行則例  
所定爲無效丙影響於新鑄一圓主幣舊小銀元若落與實值等雖病民  
而於新主幣無礙然必不能驟也其落必以漸而當未落至實值時與新  
鑄主幣並行用復無限則格里森之作用起而新主幣將以次爲所逐  
由此觀之舊大小銀元均不便照市行用故吾所主張者主幣則定自由  
鑄造之法輔幣則定納稅無限之法而推行新幣非藉銀行兌換券之力  
不爲功故根本之根本尤在施行國民銀行政策

又度支部奏鑄造國幣應一事權略稱推行幣制要以統一鑄造爲先務誠以  
鑄幣本中央特權斷無任各省自爲風氣之理東西各國貨幣條例且以此訂  
爲專條用能主輔相權而幣制之基永固查前財政處奏准在天津設立造幣  
總廠以後各省所設銀銅各廠仍復錯雜其開所鑄形式既異成色亦復參差  
近年來疊經 部飭令銅幣各廠停鑄其兼鑄銀銅或專鑄銀幣各廠前以幣  
制未訂未便遵令停止見在幣制既經釐訂亟應將各省所設銀銅各廠一律  
裁撤專歸天津總廠鑄造惟中國幅員遼闊非一廠所能敷用擬請將漢口廣  
州成都雲南四處之廠改爲分廠統歸天津總廠管理東三省情形與他省不  
同擬就奉廠基址暫改分廠一所一俟總廠鑄數漸充再由 部酌量該省市  
情應留應撤奏明辦理其餘各廠即應一律裁撤此次釐訂國幣成色分量及  
一切形式自與舊幣有別所留各分廠見今所鑄無論何項貨幣一律暫行停  
止應俟祖模頒發後再行開鑄以昭畫一至裁撤各廠出入款目及一切機件  
物料擬令各省正副監理官會同各該廠總會辦點驗核算開具詳細表冊呈

部彙核其機件物料存留原省改作別用抑或運歸總廠備用之處由部會同各督撫妥商辦理

又奏進呈新鑄各種銀幣略稱 部釐訂幣制酌擬則例一摺奉 諭著次第推行茲鑄成各種銀幣分量成色均與則例相符鑄刻花紋尚屬精緻恭呈 御覽至各處分廠應用新幣祖模業經總廠一律雕刻其各分廠總辦俟該署監督遴選委員呈部核准奏派後分往各處及早開鑄以資民用

又奏酌議造幣廠章程

第一條 造幣廠歸度支部管轄鑄造國幣一切事宜 第二條 造幣廠設總廠於天津設分廠於武昌成都雲南廣州四處並暫設奉天分廠一處其分廠統歸總廠直轄 第三條 總廠設正副監督各一員由度支部開單請 簡管理總分各廠一切事宜各分廠各設總辦一員幫辦一員總廠設正坐辦一員副坐辦一員均由正副監督遴選委員呈部核准奏派秉承正副監督分理各該廠一切事宜 第四條 總分各廠應設工務長一員由正副監督遴選委員呈部核准派充其餘藝師藝士及各員司由各廠酌定員數呈部核定 第五條 度支部籌備鑄幣專款發給總廠分派各廠應用所有各省舊設銀銅圓廠機器房材料准總廠選擇提用 第六條 部庫所有各種銀兩准總廠隨時呈領鑄成銀幣照國幣則例第十三條解交部庫 第七條 各省藩運關庫等處所存銀兩與別項銀圓應次第交大清銀行轉交造幣廠代鑄鑄成國幣後由各省照章行用 第八條 前條銀兩銀圓由大清銀行運交就近總分各廠化驗內含純銀在九八五以上准照國幣則例第十三條換給各種新幣所有由廠運往該省費用准其作正開銷至由該省運往總分各廠運費由大清銀行核算計算仍歸該省擔任 第九條 總分各廠於鑄出之幣運往各省該地方官均應切實保護其經由火車輪船運道應請 飭下郵傳部通飭鐵路招商各局一律減收半價以重國幣而利推行 第十條 總分各廠應鑄輔幣數目由大清銀行斟酌市面情形隨時擬定數目呈由度支部核准飭廠照鑄開鑄

之始暫定為主幣八成輔幣二成飭廠照鑄 第十一條 總分各廠鑄成國幣數目每十日一次呈報度支部查核 第十二條 總分各廠鑄造新幣重量成色公差之類必須遵照奏定則例辦理並遴派精通化學人員隨時化驗如有不符即回鑪重鑄以免參差 第十三條 總分各廠所鑄各幣由總廠呈送度支部化驗度支部亦得隨時任抽各廠所鑄各幣化驗查核 第十四條 造幣廠出入款項由總廠按季詳造表冊呈報度支部按年總結除表冊外並應呈報預算決算清冊各分廠應將該廠收支數目與銀銅等幣出入情形每月一次呈報總廠仍每日將帳簿結算清楚以備總廠隨時查核 第十五條 各分廠如僱聘外國人員應先呈由正副監督核准方可派充其餘藝師藝士及各員司由各分廠總辦幫辦遴選委員呈報正副監督核准加節派充仍六個月一次開列名單並履歷到差年月呈報總廠總廠按年一次彙報度支部查核 第十六條 造幣廠所有在事各員由度支部照前財政處原定章程每屆三年將實在出力各員擇尤酌保其在廠不及二年者不得列入在事各員倘有舞弊營私情事由度支部隨時查明據實糾參 第十七條 各廠有緝訪私鑄防衛廠料等事應請各省督撫協助者隨時呈請督撫施行 第十八條 總分各廠辦事細則由總廠擬訂呈由度支部核准遵行

又湖北布政使王乃徵奏見行紙幣及銅元定價請飭部核議一片下度支部知之

又 諭甘肅新疆巡撫聯魁電奏續製官票必須預籌實幣請飭度支部由大清銀行暫借銀一百萬兩電兌來新以恤商艱等語著度支部議奏

又西藏辦事大臣聯豫奏遵照向章鑄造宣統寶藏銀圓銅元行使之際不准任意低昂擬另購外洋輕便機器并擬增建廠屋招募內地工匠次第擴充如所請行

又度支部奏幣制之事千端萬緒而究其要歸總須一國銀圓皆用新幣各種輔幣皆以十進各處紙幣皆有儲金擬將幣制調查局改為幣制局分為四股

日調查日籌辦日稽核日編譯再設庶務處以司全局雜務

又 諭署兩廣總督袁樹勛電奏粵省市面危迫請由造幣分廠趕鑄龍毫以資接濟等語著度支部速議具奏

又資政院奏覆議江西統稅改徵銀元一案謹將議決辦法請俟國幣通行後全國一律辦理此時仍照向章徵收如有另擬改徵辦法應令該撫遵遵 諭旨照章交諮議局議決公布施行以明權限而維法令從之

又杭州將軍志銳奏銅元漏厄過鉅見雖令停鑄而日本則急起直追大收中國制錢毀成銅塊到華銷售天津上海租界公然日運銅板到埠開鑄成銅元欲用何省字樣登時有錢模印之欲圖補救惟有將銅元一枚准折制錢四文或五文奸商販賣不能得力日本鑄造亦必虧折

又度支部奏准鑄造國幣裁寶泉局停鑄制錢略稱本年四月間 臣部奏定幣制則例其國幣種類為銀幣四種銀幣一種銅幣四種一氣銜接以十進位見在各省造幣分廠酌留數廠預備鼓鑄新幣外餘均一律裁撤制錢一項在從前為易中要需各省既設分局京師特設戶工二局專司鼓鑄比年以來銅元暢行制錢多被銷燬各省舊有錢局久經廢弛京師錢局於光緒三十一年間由 臣部奏請裁撤惟留寶泉局西北兩廠專供改鑄六分制錢之用每月所出不足三卯鑄錢工料等項歲虧甚鉅當此款項奇絀凡可省者自當力求撙節况畫一幣制此項制錢縱一時未能停用究未便再行鑄造 臣等公同商酌請截至本年年底將寶泉局鑄造制錢即行停止所有存堪用銅鉛飭由 臣部造幣總廠點驗接收作為鼓鑄新銅幣材料其餘不堪用者查照向章招商變價至光緒三十四年收回之當十大錢除歷年改鑄外尚餘二百餘萬斤其中所含淨銅不過五成此時既經停止改鑄惟有照從前煎鍊銅斤之例提出淨銅並交造幣總廠收用

三年出使美墨秘古大臣張蔭棠奏整頓財政一宜首定金銀本位一宜確定金銀比例價格一宜妥籌本位金之預備揆度時勢宜速定為金本位改鑄法幣以期裕國富民下度支部查覆議奏

臣謹案周立九府圖法黃金方寸重一斤秦并天下黃金以鎰名為上幣漢復以斤名金用金多以千萬斤計蓋其時產金最旺魏晉而降金日少而昂其間金銀比價約略可述漢為金一銀四三國後金一銀十二元則金一銀十明初落至金一銀四五後漸復至十三四我朝二百年間不出十餘換迄光緒初二十換矣近乃騰至五十餘換於斯欲為金本位之預備非開得絕大金礦或戰勝一國得償金惟有借外債耳今有獻策者曰精琦之說精矣而於吸集地金之法未備也其法維何在速定銀行制立中央銀行隸度支部於紐約桑佛蘭西斯哥檀香山雪梨各設分行是四者用金之地而吾華僑萃聚之區也昔黃遵憲語人美國華僑匯歸之金歲約九千萬今雖略減而加拿大人數大增合澳洲檀香山計之歲必在一萬萬之外南非之波亞亦金礦產處凡三十餘埠華工集焉亦可設一分行每年匯款向託外國銀行者今激以大義賤其匯水使悉數入於分行而以中央銀行之紙幣給其家屬一反手間年得萬萬餘元之見金即託美國鑄成新幣依精琦法儲諸代理機關而內地則開金礦兼吸民間之地金以輔之五年之閒可實行金本位矣此策自謂妙銀行之用以慮往而實歸足補精琦之漏而收奇效然乎否乎姑存一說焉耳

又江西巡撫馮汝駉奏遵籌統一國庫發行國幣懇請提前辦理略稱江西本屬腹地交通不便銀根素促銀色則有粉寶東寶次東寶二四寶又有鹽封釐封捐封等項名目雜糅競逐錐刀自行用銅元以來本省鼓鑄獨少當典錢業多出錢票遂使銀錢兩虛商業日見衰耗銀色隨時漲落每至年終通用足色一交春初每千兩升色至百餘兩歲暮銀色低落商戶正當歸結帳項之時無不措留見銀競圖息借其收得見銀者均知有利可圖誰肯通融概以九扣洋銀書立銀票商業受剝削之苦不免倒閉大賈鑿倒閉之害不肯流通市面窒塞商務敗壞此弊之在於商者也各處秋收土產素日皆運省發售所有完交糧課無不藉其買運以資輸納今因歲暮色落優者貪銀色之厚利不肯市易劣者貪物價之便宜任意拖欠遂使土產不能暢銷小販益多折耗生計日衰



百物昂貴此弊之在於民者也公家各項匯解之款當此財力支絀勢難於銀  
 色合宜之時預儲一年解款既須隨時應付且可隨時挪墊暗中虧耗數亦不  
 貲至地丁錢漕稅課等項民納之官者多錢官解之公者用銀故官常利於銀  
 賤初不慮夫錢荒而州縣經收錢糧不無賠累交代虧短日見其多此弊之在  
 於官者也凡此諸弊若能速行國幣以資國庫之利用不難次第廓清綜言其  
 利約有三端合國權財權為一分奉財用財為二權限甚嚴莫能侵越國庫之  
 基本愈固國幣之信用愈堅其利一平色有定出納一律吏胥不得因緣為奸  
 官民不致貼補受累其利二商賈交易畫一無欺既便於行旅亦便於匯兌阻  
 偷無權商業自固其利三江西自歸併局所之後祇有藩關兩庫見在清理財  
 政端緒秩然統一國庫手續尚不甚繁竊念款絀時艱亟應補救惟有請 旨  
 敕度支部督飭大清銀行籌備一切 臣當妥擬章程送部覈定即行試辦